

JD57

C.1

omnia. Recognovi

Stanford University Libraries



6105 048 460 559

From the Ewald Flügel Library



LELAND • STANFORD • JUNIOR • UNIVERSITY

874.5
JD57

Ex libris
Gust. Kraus
cio. ecol.
16

belongs now to

✓
264X 159 9/15 2.47
86

Q. HORATII FLACCI

OPERA OMNIA.

RECOGNOVIT

ET COMMENTARIIS IN USUM SCHOLARUM

INSTRUXIT

GUIL. DILLENBURGER,

PHILOS. DR., IN GYMNAS. REGIO AQUISGRANENSI SUPERIOR. ORDIN. PRAECEPT.

G. KRAUSSE.

B O N N A E,

SUMPTIBUS ADOLPHI MARCI

MDCCCXLIV.

Go

217758

YVES K. J. BOUTIN

THEOD. BRUEGGEMANNO

PHILOSOPHIAE DOCTORI, REGI BORUSSORUM POTENTISSIMO A CONSILIIS
INTIMIS IN REBUS SACRIS AC SCHOLASTICIS, EQUITI ORDINIS
AQUILAE RUBRAE CUM LEMNISCO,

VIRO DE SCHOLIS PER BORUSSIAM OPTIME MERITO

HANC EDITIONEM SACRAM ESSE

VOLUIT

E D I T O R.

P r a e f a t i o.

Cum post gravissimos Peerlkampi in Horatii carmina impetus multi praecipue in Germania viri docti in Horatio et interpretando et defendendo acerrimo studio elaborassent de plurimisque vel totis carminibus vel singulis versibus rectius quam antea esset factum iudicassent, non potuit non videri optabile, ut tanti studii ac laboris fructus scholarum in usum colligerentur iuvenibusque antiquarum litterarum opibus ad humanitatem informandis carpendi percipiendique offerrentur. Quod munus cum ego susciperem, et aliorum virorum quorum auctoritatem maximi semper haberem voluntati cessi neque quantae ad eam rem honeste sustinendam superandae essent difficultates ullo unquam tempore ipse me celavi. Nunc cum in eo sim ut librum emittam, viam quam in conscribendis commentariis secutus

sim breviter monstrandam mihi esse existimo. Et enim rectam illam quidem esse confido; ego autem utrum constantia et viribus satis munitus eam perfecero an facultatibus destitutus illuc quo tenderem non pervenerim in occultosque tramites devius declinaverim, illi videbunt quibus de his rebus rectum erit et aequum iudicium. Atque in conscribendis commentariis, quibus adolescentibus maxime consultum volumus, id ante omnia cavendum est, ne diversa consilia confundentes modo altiora praebeamus, ad quae iuvenilis animus non satis paratus accedat, modo viliora apponamus, quibus nihil ille alatur aut vires possit augere. Quare in edendis Horatii operibus eum mihi proponebam adolescentem, qui ad primam suae scholae classem bene munitus et paratus pervenisset, ad eiusque intelligentiam et scientiam omnem meam rem accommodare studebam. Aperiendus ei erat, quam id maxime fieri posset, poetae animus, via monstranda qua ad praestantiam rerum ac praeceptorum formaeque artificiosam venustatem intelligendam et aestimandam sensim perveniretur, ratio denique ostendenda qua cum sua aetate suisque aequalibus poeta olim coniungeretur, ne — id quod spe saepius nostra aetate factum est — pravum iudicium vel de carminibus vel de animo moribusque Horatii confirmaretur. Quo consilio vitam poetae praemisi

ex poematis ipsis haustam neque maiorem quam quae facile ab adolescentibus legeretur et ita moderatam, ut quae certa essent et firma ab iis secernerentur, quae veri quidem similia multis viderentur, nunquam tamen penitus possent explorari. In constituendis poetae verbis eam mihi legem esse volui, ut antiquissimorum et optimorum codicum, imprimis Cruquianorum et Orellianorum, auctoritatem sequeretur neque ante aliorum et deteriorum lectiones reciperem quam illi aperte falsa praeberent, coniecturis emendandique periculis, quae in Horatium et olim fecerunt et nunc faciunt iniuria, prorsus abstinere. Praeter ipsa verba magna etiam cura adhibenda erat de verbis sententiisque inter se coniungendis interpungendisque; in qua re haud scio an quid peius possit institui quam si quis patriae linguae naturam sequens nostrorumque grammaticorum severis legibus obtemperans cohaerentia membra latini sermonis foede dissecare, alienas partes violenter coniungere non dubitet. Cuius quidem rei tristia exempla olim collegi in Quaestionibus meis Horatianis p. 115—119. Adiuvamur cum legimus sana interpungendi ratione, impedimur prava; atque audienda est illa vox Ciceronis de Orat. III, 46: „clausulas et interpuncta verborum animae interclusio et angustiae spiritus attulerunt.“ Orthographiae melius me consulturum putabam, si vulgarem scri-

bendorum vocabulorum rationem sequer quam si Horatius ipse et aequales quomodo scripsissent anxie investigarem inque periculum a veris aberrandi inconsulto inciderem. Iam ut de commentariis dicam, ita rem institui, ut praemissa brevi metrorum expositione — in qua ordinem a *Schnitzio* olim in programme gymnasii Monasterii Eifliensis dilucide propositum meum feci — singulis carminibus argumenta praeponerem in iisque uberius quam id fieri solet in huius modi editionibus et tempora et loca describerem, de summa carminum sententia inquirerem, partes ostenderem, totam denique oeconomiam modo accurate exponerem modo cum totius operis angustum spatium brevitatis studium mihi imponeret, universe indicarem. In qua re hoc quoque secutus sum, ut consilio poetae explorato convenientiaque singularum carminum partium reperta malis quae hodie audimus de Horatii carminibus iudiciis occurrerem quantaque Venusinus poeta in exponendis carminibus usus esset cura et arte digito monstrarem. Magnus enim carminis conficiendi artifex fuit Horatius; quamquam omnia eius poemata pari laude digna esse quis sobrius dicat? Plurima in his rebus debeo doctissimis viris qui nuperrime de Horatio scripserunt, *Obbario*, *Orellio*, *Düntzero*, *Kirchnero*, *Lübker*, *Iacobsio*, *Grotefendio*, *Frankio*, aliis; quorum nomina ne, ubicunque eorum

doctrina et opibus usus essem, nominarem libri vetuit brevitās ac tota ratio. In singulis locis et versibus explicandis hoc volui cavere ne quid ex historia rerum gestarum, geographia, mythologia afferrem quod iam notum esse deberet adolescentibus ad primam gymnasii classem ascendentibus, ne quid expromerem quod aut artes grammaticae aut lexica latina, quibus uti solent discipuli, abunde praeberent, ne denique libros a notitia vel copia adolescentium alienos moleste et importune laudarem. Quapropter qui citandi essent aliorum scriptorum loci, si ex Virgilio essent desumpti vel ex Ovidii Metamorphoseon libris, similibus, numeros tantum indicavi; aliter totos locos apponendos curavi. Illud autem efficere tentavi, ut quam plurima apponerem quae accuratiorem antiquorum morum ac vitae notitiam adjuvare aut poetarum latinorum praecipue Horatii usum scribendi possent illustrare. Neque omnino poteram criticis annotationibus abstinere; quae tamen res cum difficillima sit et magnam partem a iudicio discipulorum remota, ea potissimum eligenda constitui quae et adjuvantibus magistris possent ab adolescentibus intelligi et iuvenilem animum acuerent et corroborarent. Ad calcem libri indices adieci; in iisque congessi et ea nomina quae aut apud Horatium aut alia de causa essent memorabilia omissis iis quae semel fortasse

exempli faciendi causa attulisset poeta, et eas res quae in annotationibus ad indicatos locos explicatae facile possent data aliqua occasione requiri.

Ceterum amicis meis Bonnensibus, *Düntzero* et *Freudenbergio*, quod a mendis typothetarum purgandi librum molestam curam libenter susceperunt, publice gratias mihi agendas esse video. Si quid tamen non emendatum relictum est, parvum erit et facili opera a legentibus corrigetur; nunc moneo p. 37 ubi de constructione ἀπὸ κοινοῦ disputatur scribendum esse *audientibus quam legentibus*, Carm. I, 5, 2 *odoribus*, Carm. II, 12, 13 *dulces*.

Aquisgrani, Kal. Septembr. MDCCCXLIII.

Q. Horatii Flacci vita.

Q. Horatius Flaccus, cuius omnia quae cum aequalibus suis ipse communicare voluit poemata ad nos pervenerunt, **L. Aurelio Cotta L. Manlio Torquato** coss. a. d. VI. Id. Dec. anni DCLXXXIX p. u. c. natus est Venusiae, Romana colonia in Apulia sita. Et ipsi quidem poetae quaecunque de eius natura, moribus, omnis vitae conditionibus nobis innouerunt ita debemus, ut vel tria quae habuit nomina ¹⁾, patriam urbem ²⁾, annum mensemque ³⁾ natalem in poematis deposita habeamus neque ad vitae narrationem quae Suetonii nomen fert saepe confugere aut debeamus aut possimus. Patre usus est libertino ⁴⁾, mater quae fuerit nescimus, quum nusquam eius ne nomen quidem nominetur; ut propter egregiam filii in patrem pietatem recte nobis videamur inde efficere, filio etiam infante morti eam succubuisse. Neque fratris aut sororis reperitur nomen, ut unus parentum filius fuisse videatur. Quare pater, qui „macro pauper agello“

B. J. M.

1) Sat. II, 6, 37. Carm. IV, 6, 44. Epist. I, 14, 5. Sat. II, 1, 18. Epod. 15, 12.

2) Sat. II, 1, 34. 35. Carm. III, 4, 9—13.

3) Carm. III, 21, 1. Epod. 13, 6. Epist. I, 20, 27.

4) Sat. I, 6, 6. 45. Epist. I, 20, 20. Horatius poeta quum se ipse *ingenuum* (Sat. I, 6, 8) appellaverit, dubium non est, quin patri non iam servo sed manumisso natus sit. Unde patri *Horatii* nomen inditum sit, incertum est; fortasse propter tribum *Horatiam*, cui omnes Venusini essent adscripti; aut a domino nomen traxit.

(Sat. I, 6, 71. Carm. II, 20, 6.) *coactoris*⁵⁾ exiguo munere fungebatur, quum quanto ingenio filius praeditus esset intellexisset neque melius se puero consulturum iudicaret, quam si bonis litteris erudiendum bonis magistris eum traderet, Venusinum ludum Flaviumque magistrum, quem „pueri magnis e centurionibus orti“ adibant, sprexit et vendito agello Romam demigravit⁶⁾. Ibi filium ea ratione instituendum curavit, quae nobili loco nati pueri institui solebant; nam et servorum vestimentorumque apparatu ita eum instruxit, ut qui viderent puerum locupletis hominis filium deberent habere, et ipse, ne rustica morum integritas candidusque animi habitus urbana pravitate pessimisque exemplis ubique obviis sensim corrumpere-
retur „custos incorruptissimus omnes circum doctores ad-
erat“. Itaque quum puer grammaticorum scholas⁷⁾ frequen-
taret et utriusque linguae scriptores et poetas, ex quibus
Homerus et Livius Andronicus nominantur (Epist. II, 1, 69.
2, 41.), legeret, pater ipse morum erat magister et diligen-
tissimus et sapientissimus. Egregia enim neque satis lau-
danda libertini hominis fuit in filio educando sapientia, ut
rudem talem hominem humanitatisque expertem fuisse vix
tibi persuaderi patiaris. Qui omne suum otium omnemque
rem in erudiendo filio collocaret, qui optimus paedagogus
ubique ipse adesset, qui quid malum quid bonum quid peten-
dum quid fugiendum exemplorum magis⁸⁾ auctoritate quam

5) Sat. I, 6, 86. *Coactores* pro publicanorum societatibus pecunias exigebant; argentariorum etiam mercenarii erant.

6) Sat. I, 6, 72 sqq. Triplex in hac re mota est a viris doctis quae-
stio. Ac primum quidem quaeritur, quo anno Horatius puer Ro-
mam ductus videatur a patre: quod quidem quamquam certi in
tam dubiis indicibus (Epist. II, 1, 70. II, 2, 41) nihil potest affirmari,
probabile tamen est factum esse a. 700 vel 701, quum duodeci-
mum aetatis annum ipse ageret. Deinde sunt qui agellum ven-
ditum a patre negent, inter bellorum civilium turbas proscription-
ibus Horatio ereptum affirmant; dicit enim ipse post pugnam
Philippensem se neque domum neque fundum in Italia habuisse
(Epist. II, 2, 50); sed errare ii videntur. Tum de hoc quoque,
utrum pater Horatii coactoris munere Venusiae solum, an Romae
solum, an Venusiae et Romae functus sit, certatur; tertium veri
videtur simillimum.

7) Ex grammaticis unum nominat *Orbilium Pupillum* Beneventanum,
Epist. II, 1, 71.

8) Sat. I, 6, 80 sqq.

doctrinae fragilitate suaderet, qui veri boni pulcri naturalem sensum in dies aleret in perpetuumque firmaret, num potest cogitari eum ab elegantioribus litteris alienum prorsus fuisse? Atque etiamsi pater Graecus natione non fuit — id quod facile suspicaberis — puer tamen Horatius in paterna domo utraque lingua⁹⁾ usus esse et a patre prima legendi scribendique elementa doctus iure videbitur. Praeter grammaticam aliis quoque artibus, quibus ingenui¹⁰⁾ adolescentes imbuebantur, historiae philosophiae arti oratoriae, quamquam diserte eae non nominantur, haud dubie operam dedit. Deinde nobilium iuvenum morem secutus quo discendi sciendique studium melius pleniusque posset explere, Athenas veterem Musarum sedem migravit, quo Theomnesti Academici Cratippi Peripatetici Philodemi Epicurei magna in philosophia nomina multos tum Romanos iuvenes trahebant¹¹⁾. Quodsi quis talium rerum curiosus quaerat, quo maxime anno Athenas Horatius petiverit, respondendum est, neque ipsum poetam neque quemquam alium annum notasse, sed quum non possit dubitari, a. 710 quo Caesar interficeretur Athenis eum iam fuisse, deinde quum qui iuvenes eo irent annum fere vicesimum agerent, veri simile videri, factum illud esse a. u. c. 708 vel 709. Dura tamen tempora multo eum citius inde avocarunt, quam ipse optasset. Nam quum interea a. 710 C. Iulius Caesar a Bruto sociisque coniurationis interfectus esset, neque eo mortuo Romae quisquam esset qui diversos hominum animos aut pace conciliaret aut vi opprimeret, totum imperium Romanum subito iterum civilis belli incendio flagravat. Antonii potestati ac furori Roma et Italia cesserunt Brutus Cassiusque; Asiam Macedoniam Graeciam occuparunt, magnos exercitus pararunt. Brutus ipse Athenas pervenit, quosque ibi invenit iuvenes a litteris in castra duxit. Horatius quoque, qui nobilium iuvenum amicitiam ingenii magnitudine animique praestantia interea sibi comparasset, patriae ac liber-

9) Graecae linguae in Apulia et Lucania latissimus erat usus. Canusini si bilingues (Sat. I, 10, 30), cur non etiam Venusini?

10) Sat. I, 6, 77.

11) Epist. II, 2, 43 sqq.

tatis amore incensus, numquid restitui posset pristinae virtutis periculum facturum arma capit. Et Bruto duci tam acceptus erat, ut quamvis esset obscuro loco natus neque bellica laude insignis, tamen tribunus militum legioni praeponeretur¹²⁾. Itaque anno 711 relictis Athenis in Asiam minorem traiecit videtur; nam ne hoc quidem pro certo potest affirmari. Sunt tamen loci, qui persuadeant, non in pugna solum ad Philippos pugnata a partibus eum stetisse Bruti sed diutius in castris vixisse Asiamque vidisse¹³⁾. Quodsi ita res se habet, Horatius cum exercitu in Europam reversus adversi proelii ac fugae particeps factus¹⁴⁾ cum Messalla servari beneficio Caesaris Octaviani maluit quam dubiam opem armorum diutius tentare. Captum quidem a victoribus eum fuisse docet vita quaedam ex vetusto aliquo codice descripta, sed nihil est auctoritatis quod huic accedat. Iam vero quum usu doctus ipse per hos annos intellexisset, eorum qui ardentissimum patriae ac libertatis amorem prae se ferrent exiguum tantum partem innocentiam integritatemque animi conservasse, plurimos suam utilitatem patriae commodis, ubi occasio data esset, praetulisse, et si victores ex bello decessissent peiores etiam imperio Romano dominos exstituros, tum non potuit dubitare, quin ab hac parte vera salus rebus Romanis non deberet expectari. Quapropter veniam ultro oblatam tristi quidem animo accepit, partes reliquit, in Italiam rediit militiamque detrectavit. Natura enim imbellem¹⁵⁾ ne tribunatus quidem et militaris honor tenere potuerunt; novam sibi summae laudis viam munivit. In hac re memorabilis est locus Carm. II, 7, 13:

Sed me per hostes Mercurius celer
Denso paventem sustulit aëre,

12) Sat. I, 6, 48. Epist. I, 20, 23. II, 2, 47.

13) Sat. I, 7 item *Clazomenis* coram Bruti tribunali actam lepide et ita narrat, ut ipse audivisse eam videatur; Epist. I, 11, 7 *Lebedum* ita describit, ut ipsum ibi fuisse iure credas; deinde Carm. II, 6, 7. II, 7, 1 loci sunt, qui poetam diutius militasse cogant ut credamus.

14) Carm. II, 7. Epist. II, 2, 49.

15) Epod. 1, 16.

quo loco significat post magnam cladem relictis castris ad litteras se et carmina aufugisse; poetae enim Mercurii tutela gaudent inde Mercurialium virorum ¹⁶⁾ nomine ornati. Eadem autem de causa Carm. III, 4, 26, quod ex clade et fuga incolumis evaserit, Musarum se gratiae debere ait. Incertum est, ex Macedonia utrum recta via Romam se contulerit an ad inferiorem Italiam appulerit Venusiamque ac natale solum post longam absentiam reviserit. Quibus persuasum est, proscriptione fundum paternum ei ereptum esse, iis hoc quoque, Venusiam prius eum venisse quam Romam, magis videtur probabile: scilicet ubi inventurum se speraret, unde vitam aleret. Sed supra iam indicavi, patrem ipsum videri potius vendidisse agellum. Praeterea pater mortuus erat, cognati Venusiae non erant, ipse puerulus Romam erat portatus; quid ergo prius ut in Lucaniam iret potuit eum commovere? Et tamen non defuerunt, qui coniectandi libidine vel eo perducerentur, ut, quum Horatius ipse dixisset ¹⁷⁾ ad Palinurum promontorium naufragio se prope demersum olim esse, factum hoc esse in hoc reditu ex Graecia in Lucaniam nihil dubitarent affirmare. Romae, si fides habenda vitae Suetonianae, scriptum quaestorium ¹⁸⁾ sibi comparavit i. e. emit; qua ipsa re iterum probatur, omnino opibus eum non caruisse. Nam quod Epist. II, 2, 49 dicit:

Unde simul primum me dimisero Philippi
Decisis humilem pennis inopemque paterni
Et laris et fundi, paupertas impulit audax
Ut versus facerem,

in eo magnopere cavendum est ne paupertatem ad inopiam augeas; qui locus ut difficillimus est intellectu, ita praemissa

16) Carm. II, 17, 29.

17) Carm III, 4, 28.

18) Fuerunt Romae scribae quaestorii, praetorii, aedilicii, tribunicii, pontificii, in decurias divisi. Ea autem munera venalia erant, quamquam legebantur etiam in decuriam. Cic. in Verr. II, 3, 79 „ordo scribarum honestus est; quis negat? est vero honestus, quod eorum hominum fidei tabulae publicae et pericula magistratum committuntur.“ Scribam aliquamdiu Horatium fuisse, etiam locus Sat. II, 6, 36 suadere videtur; sed non potest dici, quamdiu eo munere functus sit.

de Luculliano milite narratiuncula illustratur. Horatius enim quum non sine multo labore litterarum studiis potentium hominum existimationem et beatioris vitae spem adeptus esset, civilis belli adverso exitu ex curriculo quod iniverat eiectum se vidit, neque habuit unde antea initam viam iterum tentaret aut opes aut voluntatem. Patrimonii quod reliquum erat ad honeste vivendum haudquaquam sufficiebat; sed paupertas animum auxit et ita auxit, ut novam sibi qua perveniret quo cuperet viam audacter aperiret. Quod opes praebere non potuerunt, ingenium praebuit; poetica facultas laudem et post laudem rem quoque ei paravit. Hanc inesse patet sententiam in loco, qui et vexatus est diversissime et gravis ad perspicandas Romam reversi poetae rationes. Hoc tamen noli credere, juvenem tam splendide a natura exornatum, quem tam aequales quam posterum primum inter omnes eius aetatis lyricos poetas postea colerent, antea nunquam quid ingenio valeret tentavisse; potius misera clades et acerba rerum vicissitudo tantum effecerunt, ut „cui arti animi causa pridem indulset privatim, eam iam in re adversa maiore studio et impensiore opera palam exerceret“¹⁹⁾. Nimirum non latina solum sed graeca etiam carmina composuerat; quamquam ab his abstinuit, quippe ne ligna in silvam ferre videretur²⁰⁾. Quae quum ita sint, haudquaquam potest negari, lyrica quoque carmina iam ab adolescente Horatio fuisse tentata atque in his ipsis quae nunc legimus carminibus inesse nonnulla quae primis postquam in Italiam reversus est annis composita recte dicamus. Nam quid erat, quod quominus postea inter edenda carmina nonnulla etiam dudum composita in scriniisque servata reciperet eum impediret? Scilicet aliud est quaerere quo singula carmina composuerit tempore, aliud quando coniuncta ediderit. Nam quae carmina composita essent, ea statim cum amicis et aliis, quibus rectum de eiusmodi rebus iudicium esset, communicari, dein postea in unum corpus coniuncta quae maxime placuissent edi et divendi²¹⁾ solebant.

19) Franke fast. Horat. p. 20.

20) Sat. I, 10, 30—35.

21) Fuerunt etiam tum quos nunc bibliopolas appellamus; in iisque

Iam vero quum a patre ita educatus esset Horatius, ut quid honestum esset quid turpe vita magis et exemplis ²²⁾ quam libris et doctrina cognosceret, deinde Athenis ita philosophos audisset, ut vellet „curvo dignoscere rectum“ ²³⁾, Romam reversus non potuit facere, quin pravas sui temporis cupiditates, corruptos hominum mores, inania civium studia ubicunque occurrerent animadverteret candidoque quo erat animo persequeretur. Nam ut iniquitate fortunae, qua quas merito concepisset spes irritas videret, paulo exacerbatus fuerit, hoc tamen tenendum est, acerbam sortis vicissitudinem aut suarum rerum desperationem praecipuas causas, quibus ad castigandos mores irridendamque stultitiam ageretur, primo non fuisse; sed proprio quodam veri et honesti amore, falsi et turpis odio seque ipsum in dies meliorem reddendi studio eum fuisse incitatum, ut ridendo diceret verum ²⁴⁾. Quare primis annis Satiris scribendis et Iambis ²⁵⁾ magnam operam dedit, iisque ut multorum quos veritate et ludibrio tetigisset invidiam ²⁶⁾ et odium, ita optimi cuiusque existimationem et amorem sibi conciliavit. Contra adversarios suam agendi scribendique rationem ingeniose et liberaliter defendit ipsaque hac defensione novas adeptus est satirarum occasiones. Cum optimis et poetis eius aetatis et artium fautoribus amicitiam contraxit; inter quos nominandi sunt Plotius Tucca, C. Valgius Rufus, Aristius Fuscus, fratres Visci, Bibulus, Varius, Virgilius ²⁷⁾, Asinius Pollio, Messalla Corvinus, alii. Varius autem et Virgilius poetae, quorum iam tum nomina erant celebratissima, *C. Cilnio Maecenati* eum commendarunt. Qui vir, nobili loco natus, apud Caesarem Octavianum

nominantur fratres *Sosii* Epist. I, 20, 2. A. P. 345; sed pretium eos scriptoribus dedisse; eius rei apud antiquos vestigium non est.

22) Sat. I, 4, 105 sqq.

23) Epist. II, 2, 44.

24) Sat. I, 1, 24. I, 4, 134—139.

25) Iambi sunt, quos metri ratione habita *epodos* solemus appellare. Epist. II, 2, 59.

26) Sat. I, 3, 25. I, 4, 23 sq. 78 sq.

27) Sat. I, 10, 81 sqq. I, 9, 61.

longe gratiosissimus, ad pacandam civitatem et ad bene administrandam rempublicam efficacissimus, litterarum bonarumque artium studiis deditissimus, quum primum quid in Horatio esset cognovit, (tanto hunc honore cumulavit tamque teneris vinculis sibi devinxit, ut sensim exorta intima familiaritate neque ea unquam turbata usque ad mortem ambo coniuncti manerent. Iam quaeritur, quo primum anno Horatius a Maecenate acceptus videatur. Atque in hac quoque re invenienda ipse nos ducit. Sexta enim satira libri secundi recte iudicantibus a. 723 a. u. c. (aet. Hor. 34) scripta videtur; iam quum ibi v. 40sq. scriptum legamus:

*Septimus octavo propior iam fugerit annus,
Ex quo Maecenas me coepit habere suorum
In numero,*

efficitur ²⁸⁾, exortam esse inter hos viros amicitiam a. u. c. 716 exeunte vel incipiente a. 717. Neque vero imprudens erat Maecenas, quum qui olim ab adversa parte Brutianorum stetisset poeta primum ad se adduceretur. Nam audi iterum Horatium Sat. I, 6, 54 sqq.:

*Nulla etenim mihi te fors obtulit: optimus olim
Virgilius, post hunc Varius, dixere quid essem.
Ut veni coram, singultim pauca locutus,
Infans namque pudor prohibebat multa profari,
Non ego me claro natum patre, non ego circum
Me Satureiano vectari rura caballo,
Sed quod eram narro. Respondes ut tuus est mos
Pauca; abeo; et revocas nono post mense iubesque
Esse in amicorum numero.*

Quare primum commendatus est Maecenati exeunte a. u. c. 715 aut initio a. 716. Sed vide; non una sed iterata opus fuit commendatione; maximam tamen haud dubie excitavit gratiam ipsius praesentis modestia, quae quanta in hoc fuerit

28) In illis versibus difficile est ad intelligendum, quomodo errari potuerit. Ac fuerunt tamen, qui *septimum octavo propiorem* annum *nonum* putarent. Qui aperte errarunt; est enim septimus nondum finitus, sed ad finem vergens, propior insequentis anni i. e. octavi initio.

lege et admirare. Obtrectatorum tamen vile genus sua cupiditate occaecatum non vidit, quod aliud divitem nobilemque et obscurum pauperemque hominem coniungere posset vinculum, nisi ut alter haberet qui sibi adularetur, alter qui sibi largiretur. Atque ea de Horatio opinio tam vulgata fuit, ut publice ab eiusmodi criminationibus se defendere necesse haberet. Quod quidem quemadmodum fecerit, quam Maecenatis gratia non sit usus ad colligendas opes, ad captandos honores, quanti tranquillitatem animi et otium vitae prae divitiis et honoribus habuerit, quo denique candore animi et sinceritate amoris amicum semper persecutus sit, haec omnia tu ipse videas velim ex his potissimum locis: Sat. I, 6, 92 sqq. I, 9, 43 sqq. II, 6, 41 sqq. Epist. I, 7, 34 sqq. Epod. 1, 5. Carm. IV, 11, 18 sq. II, 17. Verum enim vero qui si voluisset magnas etiam opes et a Maecenate et postea ab Augusto quoque accipere potuisset, quam parvo eum munere contentum et beatum vides! Is enim curas et molestias Urbis perosus, naturae eiusque amoenitatum amantissimus (Epist. II, 2, 77), rusticam vitam et solitudinem splendori et ambitioni urbanae in annos magis praeferens quid aliud ab opulentissimo amico accepit, nisi unam parvulamque villam, omnia vota satis superque explentem²⁹⁾? Villae autem tabulam ab ipso pictam habemus Epist. I, 16, 5 sqq. Sita erat in Sabinis haud procul a Tibure Aquilonem versus; additus ager coniunctus erat ex quinque agrorum Sabinorum agris³⁰⁾, qui proscriptione et distributione agraria bello civili ad Maecenatem pervenerant, satis ille magnus, ut praeter villicum octo³¹⁾ ibi servos Horatius haberet. Vicina erant Varia oppidum³²⁾, Mandela pagus³³⁾, Vacunae antiquae Sa-

29) Sat. II, 6, 1 sqq. Carm. III, 16, 37—44. Quo anno a Maecenate villam dono acceperit, non potest accurate dici. Hoc tamen certum videtur, factum id esse ante a. 721; nam quum Satiram II, 3 scriberet, villam Horatius iam habuit; cf. v. 5. 10; ea autem satira scripta est aut hoc aut insequenti anno. Epod. 1, 25. 31 ostendit, ante pugnam Actiacam (a. n. 724) villam ei datam esse.

30) Epist. I, 14, 2.

31) Sat. II, 7, 118.

32) Epist. I, 14, 3.

33) Epist. I, 18, 105.

binorum deae fanum³⁴⁾; propinqui montes Lucretilis et Ustica³⁵⁾; vallis irrigabatur Digentia rivo³⁶⁾, tota regio silvis et saxis egregie variata³⁷⁾. Sed haec de villa. Redeamus ad Horatium. Cui Maecenatis familiaritas Augusti etiam favorem conciliavit; quem quidem multi etiam nunc in criminationem ei verterunt. Nam profecto, inquit, quae tandem ea fuit hominis constantia, qui quem iuvenis odisset, contra quem cum Bruto armatus stetisset, eundem vir factus coleret et divino prope honore veneraretur? Et tamen nihil in hac re inest neque prodicionis neque assentationis. Etenim semper Horatius sibi fuit constans; vero et sincero patriae amore adolescens Brutum secutus est, eodem vir Augustum admiratus. Nam quum Caesare interfecto Athenis philosophiae deditus cum prisca libertate priscam etiam morum integritatem, in qua summam rei publicae salutem positam esse cerneret, restitutum iri calido animo speraret, deinde Brutum videret hominem integerrimum unoque et vero patriae amore ardentem, tum ne ipse quidem studium quo has partes amplectebatur simulasse putandus est. At vero ea exspectatione quantopere quum ab hac etiam parte nihil prope nisi privati commodi aucupium regnare intellexisset, deceptus sit supra iam dictum est. Quid ergo? Bruto voluntaria morte oppresso libertatem populo Romano servari ea iam aetate non posse, bellis civilibus nihil esse perniciosius, fato ipso dominum imperio parari, nemini tum non fuit clarum, nisi qui nimia animi atrocitate ductus diis ipsis posse repugnari confideret. Sed non multi fuerunt Catones. Et bene quidem. Otium et pacem quam maxime petenda esse cum optimis quibusque Horatius existimavit. Inde primo iam post cladem Philippensem anno (723), quum bellum Perusinum immineret, conqueritur Epod. 16:

34) Epist. I, 10, 49.

35) Carm. I, 17, 1—11. Ustica autem vallis quoque nominabatur.

36) Epist. I, 18, 104.

37) Epist. I, 14, 19. Carm. I, 22, 9. De Bandusia fonte vide ad Carm. III, 13, 1.

Altera iam teritur bellis civilibus aetas,

Suis et ipsa Roma viribus ruit

et eodem tempore Epod. 7, 1:

Quo, quo scelesti ruitis? aut cur dexteris

Aptantur enses conditi?

deinde v. 9 sqq.:

Sed ut secundum vota Parthorum sua

Urbs haec periret dextera.

Neque hic lupis mos nec fuit leonibus

Unquam nisi in dispar feris.

Furorne caecus an rapit vis acrior?

An culpa?

Haec igitur iam tunc; Octavianum autem res in Italia tenentem quis non perspexit multo praestantiorē esse Antonio, qui Cleopatrae et luxuriae illecebris captus quidquid Romano nomine dignum videretur amisit abiecit perdidit. Qui si victor ex instanti et inevitabili certamine prodiret, quid factum esset de Roma urbe, de toto imperio, de disciplina Romana? Quid quod Cleopatra et spadones, mollieties et omnis Asiaticorum regnorum pestis Italiam et Urbem irruissent? Quid igitur mirum, quod Horatius sensim Octavianum unum haberet, qui honorem et dignitatem Romanam tutari et ab externa pernicie servare et vellet et posset? Hanc spem expressam habemus Epod 13, 7 sqq.:

Cetera mitte loqui: deus haec fortasse benigna

Reducet in sedem vice. Nunc et Achaemenio

Perfundi nardo iuvat et fide Cyllenea

Levare diris pectora sollicitudinibus,

et Carm. I, 9, 9sqq.:

Permitte divis cetera, qui simul

Stravere ventos aequore fervido

Deproeliantes, nec etc.

Quid sit futurum cras, fuge quaerere ³⁸⁾

Quod quum ita esset, tamen in Octaviani se amicitiam insinuare nihil studuit; immo vero quum iam familiaris esset

38) Utrumque carmen anno fere 713 scriptum puto.

(Sat. I, 6, 71. Carm. II, 20, 6.) *coactoris*⁵⁾ exiguo munere fungebatur, quum quanto ingenio filius praeditus esset intellexisset neque melius se puero consulturum iudicaret, quam si bonis litteris erudiendum bonis magistris eum traderet, Venusinum ludum Flaviumque magistrum, quem „pueri magnis e centurionibus orti“ adibant, sprexit et vendito agello Romam demigravit⁶⁾. Ibi filium ea ratione instituendum curavit, quam nobili loco nati pueri institui solebant; nam et servorum vestimentorumque apparatu ita eum instruxit, ut qui viderent puerum locupletis hominis filium deberent habere, et ipse, ne rustica morum integritas candidusque animi habitus urbana pravitate pessimisque exemplis ubique obviis sensim corrumpere-
retur „custos incorruptissimus omnes circum doctores ad-
erat“. Itaque quum puer grammaticorum scholas⁷⁾ frequen-
taret et utriusque linguae scriptores et poetas, ex quibus
Homerus et Livius Andronicus nominantur (Epist. II, 1, 69.
2, 41.), legeret, pater ipse morum erat magister et diligen-
tissimus et sapientissimus. Egregia enim neque satis lau-
danda libertini hominis fuit in filio educando sapientia, ut
rudem talem hominem humanitatisque expertem fuisse vix
tibi persuaderi patiaris. Qui omne suum otium omnemque
rem in erudiendo filio collocaret, qui optimus paedagogus
ubique ipse adesset, qui quid malum quid bonum quid peten-
dum quid fugiendum exemplorum magis⁸⁾ auctoritate quam

5) Sat. I, 6, 86. *Coactores* pro publicanorum societatibus pecunias exigebant; argentariorum etiam mercenarii erant.

6) Sat. I, 6, 72 sqq. Triplex in hac re mota est a viris doctis quae-
stio. Ac primum quidem quaeritur, quo anno Horatius puer Ro-
mam ductus videatur a patre: quod quidem quamquam certi in
tam dubiis indiciis (Epist. II, 1, 70. II, 2, 41) nihil potest affirmari,
probabile tamen est factum esse a. 700 vel 701, quum duodeci-
mum aetatis annum ipse ageret. Deinde sunt qui agellum ven-
ditum a patre negent, inter bellorum civilium turbas proscription-
ibus Horatio ereptum affirmant; dicit enim ipse post pugnam
Philippensem se neque domum neque fundum in Italia habuisse
(Epist. II, 2, 50); sed errare ii videntur. Tum de hoc quoque,
utrum pater Horatii coactoris munere Venusiae solum, an Romae
solum, an Venusiae et Romae functus sit, certatur; tertium veri
videtur simillimum.

7) Ex grammaticis unum nominat *Orbilium Pupillum* Beneventanum,
Epist. II, 1, 71.

8) Sat. I, 6, 80 sqq.

doctrinae fragilitate suaderet, qui veri boni pulcri naturalem sensum in dies aleret in perpetuumque firmaret, num potest cogitari eum ab elegantioribus litteris alienum prorsus fuisse? Atque etiamsi pater Graecus natione non fuit — id quod facile suspicaberis — puer tamen Horatius in paterna domo utraque lingua⁹⁾ usus esse et a patre prima legendi scribendique elementa doctus iure videbitur. Praeter grammaticam aliis quoque artibus, quibus ingenui¹⁰⁾ adolescentes imbuebantur, historiae philosophiae arti oratoriae, quamquam discrete eae non nominantur, haud dubie operam dedit. Deinde nobilium iuvenum morem secutus quo discendi sciendique studium melius pleniusque posset explere, Athenas veterem Musarum sedem migravit, quo Theomnesti Academici Cratippi Peripatetici Philodemi Epicurei magna in philosophia nomina multos tum Romanos iuvenes trahebant¹¹⁾. Quodsi quis talium rerum curiosus quaerat, quo maxime anno Athenas Horatius petiverit, respondendum est, neque ipsum poetam neque quemquam alium annum notassee, sed quum non possit dubitari, a. 710 quo Caesar interficeretur Athenis eum iam fuisse, deinde quum qui iuvenes eo irent annum fere vicesimum agerent, veri simile videri, factum illud esse a. u. c. 708 vel 709. Dura tamen tempora multo eum citius inde avocarunt, quam ipse optasset. Nam quum interea a. 710 C. Iulius Caesar a Bruto sociisque coniurationis interfectus esset, neque eo mortuo Romae quisquam esset qui diversos hominum animos aut pace conciliaret aut vi opprimeret, totum imperium Romanum subito iterum civilis belli incendio flagravat. Antonii potestati ac furori Roma et Italia cesserunt Brutus Cassiusque; Asiam Macedoniam Graeciam occuparunt, magnos exercitus pararunt. Brutus ipse Athenas pervenit, quosque ibi invenit iuvenes a litteris in castra duxit. Horatius quoque, qui nobilium iuvenum amicitiam ingenii magnitudine animique praestantia interea sibi comparasset, patriae ac liber-

9) Graecae linguae in Apulia et Lucania latissimus erat usus. Canusini si bilingues (Sat. I, 10, 30), cur non etiam Venusini?

10) Sat. I, 6, 77.

11) Epist. II, 2, 43 sqq.

tatis amore incensus, numquid restitui posset pristinae virtutis periculum facturum arma capit. Et Bruto duci tam acceptus erat, ut quamvis esset obscuro loco natus neque bellica laude insignis, tamen tribunus militum legioni praeponeretur¹²⁾. Itaque anno 711 relictis Athenis in Asiam minorem traiecit videtur; nam ne hoc quidem pro certo potest affirmari. Sunt tamen loci, qui persuadeant, non in pugna solum ad Philippos pugnata a partibus eum stetisse Bruti sed diutius in castris vixisse Asiamque vidisse¹³⁾. Quodsi ita res se habet, Horatius cum exercitu in Europam reversus adversi proclii ac fugae particeps factus¹⁴⁾ cum Messalla servari beneficio Caesaris Octaviani maluit quam dubiam opem armorum diutius tentare. Captum quidem a victoribus eum fuisse docet vita quaedam ex vetusto aliquo codice descripta, sed nihil est auctoritatis quod huic accedat. Iam vero quum usu doctus ipse per hos annos intellexisset, eorum qui ardentissimum patriae ac libertatis amorem prae se ferrent exiguum tantum partem innocentiam integritatemque animi conservasse, plurimos suam utilitatem patriae commodis, ubi occasio data esset, praetulisse, et si victores ex bello decessissent peiores etiam imperio Romano dominos exstituros, tum non potuit dubitare, quin ab hac parte vera salus rebus Romanis non deberet expectari. Quapropter veniam ultro oblatam tristi quidem animo accepit, partes reliquit, in Italiam rediit militiamque detrectavit. Natura enim imbellem¹⁵⁾ ne tribunatus quidem et militaris honor tenere potuerunt; novam sibi summae laudis viam munivit. In hac re memorabilis est locus Carm. II, 7, 13:

Sed me per hostes Mercurius celer
Denso paventem sustulit aëre,

12) Sat. I, 6, 48. Epist. I, 20, 23. II, 2, 47.

13) Sat. I, 7 item *Clazomenis* coram Bruti tribunali actam lepide et ita narrat, ut ipse audivisse eam videatur; Epist. I, 11, 7 *Lebedum* ita describit, ut ipsum ibi fuisse iure credas; deinde Carm. II, 6, 7. II, 7, 1 loci sunt, qui poetam diutius militasse cogant ut credamus.

14) Carm. II, 7. Epist. II, 2, 49.

15) Epod. 1, 16.

quo loco significat post magnam cladem relictis castris ad litteras se et carmina aufugisse; poetae enim Mercurii tutela gaudent inde Mercurialium virorum ¹⁶⁾ nomine ornati. Eadem autem de causa Carm. III, 4, 26, quod ex clade et fuga incolumis evaserit, Musarum se gratiae debere ait. Incertum est, ex Macedonia utrum recta via Romam se contulerit an ad inferiorem Italiam appulerit Venusiamque ac natale solum post longam absentiam reviserit. Quibus persuasum est, proscriptione fundum paternum ei ereptum esse, iis hoc quoque, Venusiam prius eum venisse quam Romam, magis videtur probabile: scilicet ubi inventurum se speraret, unde vitam aleret. Sed supra iam indicavi, patrem ipsum videri potius vendidisse agellum. Praeterea pater mortuus erat, cognati Venusiae non erant, ipse puerulus Romam erat portatus; quid ergo prius ut in Lucaniam iret potuit eum commovere? Et tamen non defuerunt, qui coniectandi libidine vel eo perducerentur, ut, quum Horatius ipse dixisset ¹⁷⁾ ad Palinurum promontorium naufragio se prope demersum olim esse, factum hoc esse in hoc reditu ex Graecia in Lucaniam nihil dubitarent affirmare. Romae, si fides habenda vitae Suetonianae, scriptum quaestorium ¹⁸⁾ sibi comparavit i. e. emit; qua ipsa re iterum probatur, omnino opibus eum non caruisse. Nam quod Epist. II, 2, 49 dicit:

Unde simul primum me dimisero Philippi
Decisis humilem pennis inopemque paterni
Et laris et fundi, paupertas impulit audax
Ut versus facerem,

in eo magnopere cavendum est ne paupertatem ad inopiam augeas; qui locus ut difficillimus est intellectu, ita praemissa

16) Carm. II, 17, 29.

17) Carm. III, 4, 28.

18) Fuerunt Romae scribae quaestorii, praetorii, aedilicii, tribunicii, pontificii, in decurias divisi. Ea autem munera venalia erant, quamquam legebantur etiam in decuriam. Cic. in Verr. II, 3, 79 „ordo scribarum honestus est; quis negat? est vero honestus, quod eorum hominum fidei tabulae publicae et pericula magistratuum committuntur.“ Scribam aliquamdiu Horatium fuisse, etiam locus Sat. II, 6, 36 suadere videtur; sed non potest dici, quamdiu eo munere functus sit.

de Luculliano milite narratiuncula illustratur. Horatius enim quum non sine multo labore litterarum studiis potentium hominum existimationem et beatioris vitae spem adeptus esset, civilis belli adverso exitu ex curriculo quod iniverat eiectum se vidit, neque habuit unde antea initam viam iterum tentaret aut opes aut voluntatem. Patrimonii quod reliquum erat ad honeste vivendum haudquaquam sufficiebat; sed paupertas animum auxit et ita auxit, ut novam sibi qua perveniret quo cuperet viam audacter aperiret. Quod opes praebere non potuerunt, ingenium praeiuit; poetica facultas laudem et post laudem rem quoque ei paravit. Hanc inesse patet sententiam in loco, qui et vexatus est diversissime et gravis ad perspicandas Romam reversi poetae rationes. Hoc tamen noli credere, iuvenem tam splendide a natura exornatum, quem tam aequales quam posterius primum inter omnes eius aetatis lyricos poetas postea colerent, antea nunquam quid ingenio valeret tentavisse; potius misera clades et acerba rerum vicissitudo tantum effecerunt, ut „cui arti animi causa pridem indulsit privatim, eam iam in re adversa maiore studio et impensiore opera palam exerceret“¹⁹⁾. Nimirum non latina solum sed graeca etiam carmina composuerat; quamquam ab his abstinuit, quippe ne ligna in silvam ferre videretur²⁰⁾. Quae quum ita sint, haudquaquam potest negari, lyrica quoque carmina iam ab adolescente Horatio fuisse tentata atque in his ipsis quae nunc legimus carminibus inesse nonnulla quae primis postquam in Italiam reversus est annis composita recte dicamus. Nam quid erat, quod quominus postea inter edenda carmina nonnulla etiam dudum composita in scriniisque servata reciperet eum impediret? Scilicet aliud est quaerere quo singula carmina composuerit tempore, aliud quando coniuncta ediderit. Nam quae carmina composita essent, ea statim cum amicis et aliis, quibus rectum de eiusmodi rebus iudicium esset, communicari, dein postea in unum corpus coniuncta quae maxime placuissent edi et divendi²¹⁾ solebant.

19) Franke fast. Horat. p. 20.

20) Sat. I, 10, 30—35.

21) Fuerunt etiam tum quos nunc bibliopolas appellamus; in iisque

Iam vero quum a patre ita educatus esset Horatius, ut quid honestum esset quid turpe vita magis et exemplis²²⁾ quam libris et doctrina cognosceret, deinde Athenis ita philosophos audisset, ut vellet „curvo dignoscere rectum“²³⁾, Romam reversus non potuit facere, quin pravas sui temporis cupiditates, corruptos hominum mores, inania civium studia ubicunque occurrerent animadverteret candidoque quo erat animo persequeretur. Nam ut iniquitate fortunae, qua quas merito concepisset spes irritas videret, paulo exacerbatum fuerit, hoc tamen tenendum est, acerbam sortis vicissitudinem aut suarum rerum desperationem praecipuas causas, quibus ad castigandos mores irridendamque stultitiam ageretur, primo non fuisse; sed proprio quodam veri et honesti amore, falsi et turpis odio seque ipsum in dies meliorem reddendi studio eum fuisse incitatum, ut ridendo diceret verum²⁴⁾. Quare primis annis Satiris scribendis et Iambis²⁵⁾ magnam operam dedit, iisque ut multorum quos veritate et ludibrio tetigisset invidiam²⁶⁾ et odium, ita optimi cuiusque existimationem et amorem sibi conciliavit. Contra adversarios suam agendi scribendique rationem ingeniose et liberaliter defendit ipsaque hac defensione novas adeptus est satirarum occasiones. Cum optimis et poetis eius aetatis et artium fautoribus amicitiam contraxit; inter quos nominandi sunt Plotius Tucca, C. Valgius Rufus, Aristius Fuscus, fratres Visci, Bibulus, Varius, Virgilius²⁷⁾, Asinius Pollio, Messalla Corvinus, alii. Varius autem et Virgilius poetae, quorum iam tum nomina erant celebratissima, C. Cilnio Maecenati eum commendaverunt. Qui vir, nobili loco natus, apud Caesarem Octavianum

nominantur fratres Sosii Epist. I, 20, 2. A. P. 345; sed pretium eos scriptoribus dedisse; eius rei apud antiquos vestigium non est.

22) Sat. I, 4, 105 sqq.

23) Epist. II, 2, 44.

24) Sat. I, 1, 24. I, 4, 134—139.

25) Iambi sunt, quos metri ratione habita *epodos* solemus appellare. Epist. II, 2, 59.

26) Sat. I, 3, 25. I, 4, 23 sq. 78 sq.

27) Sat. I, 10, 81 sqq. I, 9, 61.

longe gratiosissimus, ad pacandam civitatem et ad bene administrandam rempublicam efficacissimus, litterarum bonarumque artium studiis deditissimus, quum primum quid in Horatio esset cognovit, tanto hunc honore cumulavit tamque teneris vinculis sibi devinxit, ut sensim exorta intima familiaritate neque ea unquam turbata usque ad mortem ambo coniuncti manerent. Iam quaeritur, quo primum anno Horatius a Maecenate acceptus videatur. Atque in hac quoque re invenienda ipse nos ducit. Sexta enim satira libri secundi recte iudicantibus a. 723 a. u. c. (aet. Hor. 34) scripta videtur; iam quum ibi v. 40sq. scriptum legamus:

*Septimus octavo propior iam fugerit annus,
Ex quo Maecenas me coepit habere suorum
In numero,*

efficitur ²⁸⁾, exortam esse inter hos viros amicitiam a. u. c. 716 exeunte vel incipiente a. 717. Neque vero imprudens erat Maecenas, quum qui olim ab adversa parte Brutianorum stetisset poeta primum ad se adduceretur. Nam audi iterum Horatium Sat. I, 6, 54 sqq.:

*Nulla etenim mihi te fors obtulit: optimus olim
Virgilius, post hunc Varius, dixere quid essem.
Ut veni coram, singultim pauca locutus,
Infans namque pudor prohibebat multa profari,
Non ego me claro natum patre, non ego circum
Me Satureiano vectari rura caballo,
Sed quod eram narro. Respondes ut tuus est mos
Pauca; abeo; et revocas nono post mense iubesque
Esse in amicorum numero.*

Quare primum commendatus est Maecenati exeunte a. u. c. 715 aut initio a. 716. Sed vide; non una sed iterata opus fuit commendatione; maximam tamen haud dubie excitavit gratiam ipsius praesentis modestia, quae quanta in hoc fuerit

28) In illis versibus difficile est ad intelligendum, quomodo errari potuerit. Ac fuerunt tamen, qui *septimum octavo propiorem* annum *nonum* putarent. Qui aperte errarunt; est enim septimus nondum finitus, sed ad finem vergens, propior insequentis anni i. e. octavi initio.

lege et admirare. Obtrectatorum tamen vile genus sua cupiditate occaecatum non vidit, quod aliud divitem nobilemque et obscurum pauperemque hominem coniungere posset vinculum, nisi ut alter haberet qui sibi adularetur, alter qui sibi largiretur. Atque ea de Horatio opinio tam vulgata fuit, ut publice ab eiusmodi criminationibus se defendere necesse haberet. Quod quidem quemadmodum fecerit, quam Maecenatis gratia non sit usus ad colligendas opes, ad captandos honores, quanti tranquillitatem animi et otium vitae prae divitiis et honoribus habuerit, quo denique candore animi et sinceritate amoris amicum semper persecutus sit, haec omnia tu ipse videas velim ex his potissimum locis: Sat. I, 6, 92 sqq. I, 9, 43 sqq. II, 6, 41 sqq. Epist. I, 7, 34 sqq. Epod. 1, 5. Carm. IV, 11, 18 sq. II, 17. Verum enim vero qui si veluisset magnas etiam opes et a Maecenate et postea ab Augusto quoque accipere potuisset, quam parvo eum munere contentum et beatum vides! Is enim curas et molestias Urbis perosus, naturae eiusque amoenitatum amantissimus (Epist. II, 2, 77), rusticam vitam et solitudinem splendori et ambitioni urbanae in annos magis praeferens quid aliud ab opulentissimo amico accepit, nisi unam parvulamque villam, omnia vota satis superque explentem²⁹⁾? Villae autem tabulam ab ipso pictam habemus Epist. I, 16, 5 sqq. Sita erat in Sabinis haud procul a Tibure Aquilonem versus; additus ager coniunctus erat ex quinque agrorum Sabinorum agris³⁰⁾, qui proscriptione et distributione agraria bello civili ad Maecenatem pervenerant, satis ille magnus, ut praeter villicum octo³¹⁾ ibi servos Horatius haberet. Vicina erant Varia oppidum³²⁾, Mandela pagus³³⁾, Vacunae antiquae Sa-

29) Sat. II, 6, 1 sqq. Carm. III, 16, 37—44. Quo anno a Maecenate villam dono acceperit, non potest accurate dici. Hoc tamen certum videtur, factum id esse ante a. 721; nam quum Satiram II, 3 scriberet, villam Horatius iam habuit; cf. v. 5. 10; ea autem satira scripta est aut hoc aut insequenti anno. Epod. 1, 25. 31 ostendit, ante pugnam Actiacam (a. u. 724) villam ei datam esse.

30) Epist. I, 14, 2.

31) Sat. II, 7, 118.

32) Epist. I, 14, 3.

33) Epist. I, 18, 105.

binorum deae fanum³⁴⁾; propinqui montes Lucretilis et Ustica³⁵⁾; vallis irrigabatur Digentia rivo³⁶⁾, tota regio silvis et saxis egregie variata³⁷⁾. Sed haec de villa. Redeamus ad Horatium. Cui Maecenatis familiaritas Augusti etiam favorem conciliavit; quem quidem multi etiam nunc in criminationem ei verterunt. Nam profecto, inquit, quae tandem ea fuit hominis constantia, qui quem iuvenis odisset, contra quem cum Bruto armatus stetisset, eundem vir factus coleret et divino prope honore veneraretur? Et tamen nihil in hac re inest neque proditionis neque assentationis. Etenim semper Horatius sibi fuit constans; vero et sincero patriae amore adolescens Brutum secutus est, eodem vir Augustum admiratus. Nam quum Caesare interfecto Athenis philosophiae deditus cum prisca libertate priscam etiam morum integritatem, in qua summam rei publicae salutem positam esse cerneret, restitutum iri calido animo speraret, deinde Brutum videret hominem integerrimum unoque et vero patriae amore ardentem, tum ne ipse quidem studium quo has partes amplectebatur simulasse putandus est. At vero ea exspectatione quantopere quum ab hac etiam parte nihil prope nisi privati commodi aucupium regnare intellexisset, deceptus sit supra iam dictum est. Quid ergo? Bruto voluntaria morte oppresso libertatem populo Romano servari ea iam aetate non posse, bellis civilibus nihil esse perniciosius, fato ipso dominum imperio parari, nemini tum non fuit clarum, nisi qui nimia animi atrocitate ductus diis ipsis posse repugnari confideret. Sed non multi fuerunt Catones. Et bene quidem. Otium et pacem quam maxime petenda esse cum optimis quibusque Horatius existimavit. Inde primo iam post cladem Philippensem anno (723), quum bellum Perusinum immineret, conqueritur Epod. 16:

34) Epist. I, 10, 49.

35) Carm. I, 17, 1—11. Ustica autem vallis quoque nominabatur.

36) Epist. I, 18, 104.

37) Epist. I, 14, 19. Carm. I, 22, 9. De Bandusia fonte vide ad Carm. III, 13, 1.

Altera iam teritur bellis civilibus aetas,
 Suis et ipsa Roma viribus ruit
 et eodem tempore Epod. 7, 1:
 Quo, quo scelesti ruitis? aut cur dexteris
 Aptantur enses conditi?

deinde v. 9 sqq.:

Sed ut secundum vota Parthorum sua
 Urbs haec periret dextera.
 Neque hic lupis mos nec fuit leonibus
 Unquam nisi in dispar feris.
 Furorne caecus an rapit vis acrior?
 An culpa?

Haec igitur iam tunc; Octavianum autem res in Italia tenentem quis non perspexit multo praestantiorē esse Antonio, qui Cleopatrae et luxuriae illecebris captus quidquid Romano nomine dignum videretur amisit abiiecit perdidit. Qui si victor ex instanti et inevitabili certamine prodiret, quid factum esset de Roma urbe, de toto imperio, de disciplina Romana? Quid quod Cleopatra et spadones, mollietēs et omnis Asiaticorum regnorum pestis Italiam et Urbem irruissent? Quid igitur mirum, quod Horatius sensim Octavianum unum haberet, qui honorem et dignitatem Romanam tutari et ab externa perniciē servare et vellet et posset? Hanc spem expressam habemus Epod 13, 7 sqq.:

Cetera mitte loqui: deus haec fortasse benigna
 Reducet in sedem vice. Nunc et Achaemenio
 Perfundi nardo iuvat et fide Cyllenea
 Levare diris pectora sollicitudinibus,

et Carm. I, 9, 9 sqq.:

Permitte divis cetera, qui simul
 Stravere ventos aequore fervido
 Deprocliantes, nec etc.

Quid sit futurum cras, fuge quaerere ³⁸⁾

Quod quum ita esset, tamen in Octaviani se amicitiam insinuare nihil studuit; immo vero quum iam familiaris esset

38) Utrumque carmen anno fere 713 scriptum puto.

Maecenati atque huic quo in eum animo esset aperte ostenderet, ab Octaviani laudibus tantopere abstinuit, ut quotiescunque opportuna occasio eius praedicandi praeberetur, eam omittere mallet quam assentari videri. In cuius rei testimonium duo affero carmina, alterum ante pugnam Actiacam scriptum, alterum post pugnam, Epod. 1 et Carm. I, 37, in quibus si voluisset adulari quid prohibuit quominus idem faceret, quod Virgilium ³⁹⁾ fecisse videmus? Quid quod postea etiam, quum inter omnes potentissimus esset Octavianus, ad cuius arbitrium et nutum omnes se fingerent et accommodarent, eius consuetudinem non solum non quaesivit sed etiam recusavit? Nam sic legimus in Vita Suetoniana: „Augustus epistolarum quoque ei officium obtulit, ut hoc ad Maecenatem scripto significat: „*Ante ipse sufficebam scribendis epistolis amicorum; nunc occupatissimus et infirmus Horatium nostrum te cupio adducere. Veniet igitur ab ista parasitica mensa ad hanc regiam et nos in epistolis scribendis adiuvabit.*““ Ac ne recusanti quidem aut succensuit quidquam aut amicitiam suam ingerere desiit. Exstant epistolae, e quibus argumenti gratia pauca subiei: „*Sume tibi aliquid iuris apud me, tanquam si convictor mihi fueris: quoniam id usus mihi tecum esse volui, si per valetudinem tuam fieri potuisset.*““ Et rursus: „*Tui qualem habeam memoriam, poteris ex Septimio quoque nostro audire; nam incidit, ut illo coram fieret a me tui mentio. Neque enim si tu superbus amicitiam nostram sprevisi, ideo nos quoque ἀνθυπερφρονούμεν.*““ Quo factum est, ut Octavianus quum Sermonibus quibusdam lectis sui nullam mentionem inieciam reperisset, sic quereretur: „*Irasci me tibi scito, quod non in plerisque eiusmodi scriptis mecum potissimum loquaris. An vereris, ne apud posterōs infame tibi sit, quod videaris familiaris nobis esse*“⁴⁰⁾? Iam quis est

39) Virgil. Aen. VIII, 675 sqq.

40) Tamen Augusti iussu a. u. c. 737 carmen seculare ad celebrandos lulos seculares composuit, deinde eodem rogante quartum Carminum librum superioribus addidisse fertur. Sic legimus in eadem vita.

qui blandiatur? Imperator, opinor, non poeta; uterque tamen pari honore dignus. Et tamen apud nonnullos certe posteros infame fuit poetae, quod imperatori visus est familiaris esse. Quippe fuerunt quidem qui sic solerent clamare: qui mortalem hominem et eum quidem hominem qui patriam, cuius amorem fingeat, libertate privaverat, inter deos referre ⁴¹⁾ non dubitabat, eum tu adulatorem non esse defendis? Ego vero defendo. Primum cur poeta Caesarem laudaverit, ipse non celavit; nimirum Caesar orbi terrarum pacem reddidit ⁴²⁾; tum quod divino honore eum affecit, in eo noli oblivisci, alios fuisse antiquos mores, alios esse nostros. Antiquis omnia magna et praeciosa ex ipsis diis ita nasci videbantur, ut medium nihil intercederet, neque erat insolitum ut vivis etiam hominibus bene de republica meritis etiam arae ponerentur; quod factum scimus T. Quinctio Flaminio ⁴³⁾ apud Graecos a. 556 u. c., aliis non paucis. Sed haec hactenus; antequam tamen ad alia pergam, non possum facere, quin verbo moneam, quanti Horatius eo etiam tempore, quo Maecenatis et Octaviani gratia floreret, Brutum et alios quos olim socios habuisset aestimaverit; quam non veritus sit, illorum temporum meminisse, quibus contra Octavianum pugnavisset ⁴⁴⁾, et ita memoriam et odium fortasse adversarii renovare. En habes constantiam viri, sed sapientia temperatam!

Romae quomodo Horatius vixerit, ab omnibus curis et officiis liber et alienus, iucunde ipse descripsit Sat. I, 6, 110 sqq.; sed villa accepta Romae non semper mansit, effugit saepissime strepitum et clamorem Urbis, in ea re non constans sed ut animus suaderet agens ⁴⁵⁾. Solebat etiam, praecipue quum urgente calore solis febres urbem invaderent

41) Carm. I, 2, 45—52. I, 12, 49—52. III, 3, 11 sq. III, 4, 37 sqq. III, 25, 4—7. IV, 2, 37—40. IV, 5, 33—36. III, 5, 2.

42) Carm. III, 14, 13—16. cf. III, 24, 25—30. IV, 5, 17 sqq. IV, 14, 37 sqq. IV, 15, 4 sqq. 17 sqq. C. S. 57 sqq.

43) Plut. Flamin. 16.

44) Carm. II, 7, 1. 11. II, 1, 3 sq. 24. Epist. II, 2, 48. Carm. I, 12, 35 sqq.

45) Lege lepidam de hac re narrationem Sat. II, 7, 28 sqq. Epist. I, 8. Epist. I, 10, 6 sqq.

infirmisque Romae manere periculosum esset, ad mare descendere⁴⁶⁾ et balneis uti. Unde elucet, tantam eum rem habuisse, quanta ad honeste vivendum sufficeret, nimirum homini paucis contento, opiparas dapes et magnifica aedificia unice contemnenti⁴⁷⁾.

Ad quam excelsam de rerum vanitatibus sententiam elatus est Horatius philosophiae studio, in quam ita incubuit, ut non uni alterive disciplinae se addiceret, sed omnibus eandem curam navaret ex omnibusque quae utilissima viderentur et rectissima in vitae usum converteret. Merito eam optimam habuit philosophiam, quae ad bene et sapienter vivendum plurimum conferret, quaque homines facillime ad summum bonum perducerentur. Quod quidem Horatio visum est cerni in animi continentia et tranquillitate; qua efficitur, ut neque inanibus curis aut formidinibus terreamur neque externis bonis iusto maius tribuamus pretium, ad omnes casus aequae parati. Praeclare de hac re disputantem invenies in *Epist. I, 6.*⁴⁸⁾ Cavendum esse docet, ne animus perturbationibus distrahatur; his culpam comitem esse; his abigi otium „non gemmis neque purpura venale nec auro“⁴⁹⁾. Commuem esse omni generi humano mortem; quare insani esse undique corradere et coacervare quae post mortem hereditibus saepe ingratis relinquuntur⁵⁰⁾, sapientis iis sapienter uti quae parata sint. Deorum potentiam esse colendam; a diis omne petendum esse principium, ad eosdem omnem exitum rerum referendum⁵¹⁾. Quare quum ex periculis ereptus esset, id cura et providentia divina factum ostendit; veluti quum in Vulture, monte Apuliae, ludo somnoque oppressus humi cubaret divino auxilio tutus a viperarum et ursorum letifero morsu⁵²⁾, vel quum in Sabina silva in devias regiones

46) *Epist. I, 7, 11. I, 15, 18.*

47) *Carm. I, 38. III, 16, 17—44. II, 15. I, 31, 15 sqq. Epist. I, 10, 39 sqq. I, 12, 5 sqq. I, 18, 104—112. Sat. I, 1, 44 sqq.*

48) Cf. *Epist. I, 11, 22 sqq. Carm. II, 3. II, 10.*

49) *Carm. II, 16, 7.*

50) *Carm. II, 3, 17. II, 14, 21.*

51) *Carm. I, 34, 1 sqq. I, 35, 1 sqq. III, 6, 5 sqq. III, 4, 65 sqq.*

52) *Carm. III, 4, 9—20.*

delato ingens lupus innoxius obviam iret⁵³⁾, vel quum in agro suo Sabino cadente arbore paene opprimeretur⁵⁴⁾; atque etiam quod incolumis ex caede Philippensi evasit, quod ex naufragio vitam servavit, grato animo deorum praesenti tutela factum esse profitetur⁵⁵⁾. Sed sufficiant haec de pietate Horatii erga deos. De amicitia, quam Maecenati perpetuam servavit, iam dictum est; restat ut de alia animi affectione paucis dicatur, quae haud parvas poetae nostro criminationes creavit.

Non semel Horatius Musam suam iocosam appellat et amoribus deditam⁵⁶⁾. Sed non defuerunt, qui veros poetae amores videndos esse paene ubique negarent, et multa carmina ad exemplaria graeca magnam partem expressa nihil esse aliud affirmarent nisi lusus quosdam poeticos ab animo poetae alienissimos. Qui si satis recordarentur, qualis esset lyrica poesis, quamque indignum poeta vere lyrico, alienos sensus imitantem nihil prope ex suo animo aut vita haurire, longe aliter iudicarent. Antiquitas ad nostros mores non est revocanda. Quamquam negari non potest, Horatio graecos saepe poetas exemplo fuisse, tamen ubi et qua ratione fuerint, quis nunc deperditis illis lyricis ubique dicat? Neque quidquam magis potest esse perversum, quam ubicunque duorum poetarum similes quaedam sententiae reperiantur, ibi alterum praevisse alterum imitatum esse confestim divinare. Sed quum dubia res sit, cavendum est, ne quae alia nomina vera haecamus, nisi quae et locorum et temporum et rerum coniuncta necessitate fictionem excludant. Accedit non omnino improbanda coniectura, posse etiam sub variis nominibus unam personam latere; quum praesertim inveniantur quae a corporis vel animi facultatibus sumpta esse pateat, ut Pyrrha, Glycera, Lalage, Neaera. Virilia nomina in Carminibus, nisi quae virorum sunt gestarum rerum splendore nobilium, non

53) Carm. I, 22, 9 sqq.

54) Carm. II, 13. III, 4, 27. III, 8, 7.

55) III, 4, 25 sqq.

56) Carm. I, 6, 17. I, 19, 9 sqq. II, 12, 14 sqq. II, 1, 37 sqq. III, 3, 69. Epist. II, 2, 56.

latina esse solent sed graeca. Quod quidem factum putamus, ut graecum carminum genus in hac quoque re suam naturam teneret. Deinde a Romanis iuvenilia nomina, quae pueri antequam togam virilem sumerent, puellae antequam nubarent habere solebant, diutius etiam, inter familiares maxime, servata esse probabile est. Ut exempla proponam, Augustus puer *Thurinus* solebat appellari, neque aliud est nomen imperatoris *Caligulae*, aut cognomen M' Curii *Dentati*, qui cum dentibus natus erat. Puellarum iuvenilia nomina saepe sumebantur a colore sive capilli sive oculorum, ut *Rufa*, *Rufilla*, *Rutilla*, *Caesulla*, *Ravilla*. Eius modi igitur nomina, quum nescio quid poeticae naturae haberent, in Horatii carmina videntur esse recepta.

Talis igitur poeta fuit, quem Quinctilianus instit. orat. X, 1, 96 fere solum ex lyricis latinis dignum habuit qui legeretur, quem sua vaticinatio immortalitatis non fefellit⁵⁷⁾; nam inter omnes quotquot in quibuscunque terris fuerunt lyrici nemo fuit qui hunc maiore honore et crebriore omnium lectione unquam superaverit. Decessit Horatius C. Marcio Censorino C. Asinio Gallo Coss., anno u. c. 746 (aetatis 57) a. d. V. Kal. Decembr., subita vi mortis oppressus „herede Augusto palam nuncupato, cum urgente vi valetudinis non sufficeret ad obsignandas testamenti tabulas. Humatus et conditus est extremis Esquiliis iuxta Maecenatis tumulum“⁵⁸⁾. Hic autem eodem anno supremum diem antea obiverat, postquam quanti illum habuisset etiam testamento prodidit; in quo ad Augustum haec scripserat: „*Horatii Flacci ut mei esto memor*. Quos vita coniunxerat, ne mors quidem secerere voluit; hoc ita fore iam dudum poetae animus praesenserat, dixerat, sacramento firmaverat⁵⁹⁾. Quali is corpore animique temperamento fuerit, ipse tradit. Fuit enim statura brevis⁶⁰⁾, nigris oculis⁶¹⁾, nigris capillis⁶²⁾ sed praecanis⁶³⁾;

57) Carm. II, 20, 17. III, 30, 7.

58) Vita Sueton. 20.

59) Carm. II, 17, 8—16.

60) Epist. I, 20, 24.

61) A. P. 37.

62) Epist. I, 7, 26.

63) Epist. I, 20, 24. Carm. III, 14, 25.

iuvenili aetate quum bona valetudine usus esse videatur⁶⁴), nisi quod interdum fortasse lippis oculis laboraret⁶⁵), vir factus multo fuit infirmior⁶⁶) et pinguis, ut ventriculo etiam premeretur⁶⁷); ceterum adolescens calidus et postea quoque ad irascendum celer, sed ut esset placabilis⁶⁸); in corporis cultu paulo negligentior⁶⁹).

De temporibus quibus Horatii opera edita esse videantur, multae a multis viris doctis institutae sunt quaestiones, et nunc singularem de ea re librum Frankius conscripsit, cui titulus *Fasti Horatiani*; qui quum omnino accurate et diligenter quaesiverit, inde „conspectum temporum, quibus Horatius opera scripsit et edidit“, (p. 80 sq.) transcribam:

1. *Sermonum liber I* ab anno u. c. 713 usque ad annum 720 compositus (41—34 a. Chr. n.; aetatis ann. 24—31) prodiit monobiblos a. 719 (35 a. Chr.; aetat. a. 30).
2. *Sermonum liber II* intra annos u. c. 719 et 724 (35—30 a. Chr.; aetatis ann. 30—35) scriptus publici iuris factus est anno u. c. 724.
3. *Epodon liber* ab anno u. c. 713 ad annum usque u. c. 724 (41—30 a. Chr. n.; aetat. ann. 24—35) confectus editus est anno u. c. 724 vel 725 (30 vel 29 a. Chr.; aetatis anno 35 vel 36).
4. *Carminum libri tres priores* intra annos u. c. 724 et 730 (30—24 a. Chr.; aetat. ann. 35—41) exarati fine anni u. c. 730 aut initio proximi coniunctim evulgati sunt⁷⁰).

64) Epist. I, 7, 26.

65) Sat. I, 5, 30.

66) Epist. I, 7, 3 sqq. 25 sqq.

67) Epist. I, 4, 15. Idem probatur epistolae Augusti fragmento, in quo haec sunt: „si tibi statura deest, corpusculum non deest“.

68) Carm. I, 16, 22 sqq. III, 14, 27. Epist. I, 20, 25.

69) Epist. I, 1, 94.

70) Non possum praeterire quin Frankium in his assentientem me habere negem. Concedo editos esse libros a. 730 vel 731; sed in iis carmina esse ante annum 724 confecta vehementer aio. Dicendum potius carminum libros tres scriptos intra annos 713 et 730 vel 731, coniunctim editos esse a. 730 vel 731.

Horatius ed. Dillenburger.

5. *Epistolarum liber I* ab anno u. c. 730 usque ad VI. Id. Decembr. anni 734 (24—20 a. Chr.; aetat. ann. 41—45) perfectus exiit ante diem Horatii natalem anni u. c. 734 (20 a. Chr.)
6. *Carmen saeculare* anno u. c. 737 edolatum emissumque est (ann. 17 a. Chr.; aetat. anno 48).
7. *Carminum liber IV* intra annos u. c. 737 et 741 (17 a. Chr. — 13 a. Chr.; aetatis annos 48—52) confectus et anno 741 editus est ⁷¹⁾.
8. *Epistolarum liber II* primo iam edito et post carmen saeculare scriptus est, sed incertum quo anno.
9. De *artis poeticae* aetate nil constat.

Tabula chronologica.

Anni u. c.	Anni aetat. Horat.	Consules.	Quid his annis gestum sit, indicatur.
689.	1.	L. Aurelius Cotta L. Manlius Tor- quatus.	Q. Horatius Flaccus nascitur.
701.	12.	Cn. Domitius Cal- vinus M. Vale- rius Messalla.	Hoc vel superiori anno Horatius Ro- mam venisse videtur.
709.	20.	C. Iulius Caesar IV. dictator.	Horatius studiorum causa Athenas pro- ficiscitur
710.	21.	C. Iulius Caesar V. M. Antonius.	Idibus Martiis Caesar interficitur. Bru- tus et Cassius Roma relicta in Grae- ciam secedunt. Brutus Horatium Athe- nis in castra deducit.

71) Idem dicendum quod de tribus prioribus libris; in hoc quoque veri simile est esse carmina dudum confecta et diu in scriniis servata. De *Epistolarum* l. I. monendum est, probabiliorem fortasse aliorum esse sententiam, qua primus epist. liber anno demum 735 vel 736 editus esse dicitur. Cfr. Duentzer Krit. u. Erkl. T. III. p. 68 sq.

Anni u. c.	Anni aetat. Horat.	Consules.	Quid his annis gestum sit, indicatur.
711.	22.	C. Vibius Pansa A. Hirtius. C. Iul. Caesar Octa- vianus Q. Pe- dus suffecti.	C. Caesar Octavianus M. Antonius M. Lepidus triumviri reipublicae con- stituendae in quinque annos insti- tuuntur et provincias inter se distri- buunt. Bellum inter hos et Brutum paratur. Horatius in castris Brutianis legioni tribunus militum praeest. — Ovidius nascitur; non multo ante Pro- pertius; Tibullus, ut videtur, iam a. 695.
712.	23.	M. Aemilius Le- pidus II. L. Mu- natus Plancus.	Apud Philippos bis pugnatur. Cassius et Brutus ipsi manum sibi inferunt. — Claudius Tiberius Nero nascitur.
713.	24.	L. Antonius Pi- etas P. Servilius Vatia Isauricus II.	Horatius impunitate accepta Romam re- dit et ab armis discedit. Sunt qui in reditu ad Palinurum promontorium paene oppressum credant; sed nihil certi.
714.	25.	Cn. Domitius Cal- vinus C. Asinius Pollio. suffecti L. Cornelius Balbus P. Ca- nidi.	Bellum Perusinum. Pax inter Octavia- num et Antonium Brundisii restituta.
715.	26.	L. Marcius Cen- sorinus C. Cal- visius Sabinus.	Asinius Pollio ab Antonio contra Par- thinos missus. Pollionis de iisdem triumphus. Horatius a Virgilio et Vario Maecenati commendatur.
716.	27.	Appius Claudius Pulcher C. Nor- banus Flaccus.	Horatius in Maecenatis amicitiam rece- ptus.
717.	28.	M. Vipsanius A- grippa L. Cani- nius Gallus.	Horatius cum Maecenate Virgilio Va- rio aliis Brundisium profectus; iter descriptum Sat I, 5.
718.	29.	L. Gellius Popli- cola M. Cocce- ius Nerva.	Victo Sexto Pompeio Octavianus Romam rediens magnis honoribus excipitur.

Anni u. c.	Anni aetat Horat.	Consules.	Quid his annis gestum sit, indicatur.
719.	30.	L. Cornificius Sext. Pompeius fil.	Phraates, rex Parthorum, propter crudelitatem regno eiicitur, quod ad Tiridatem pervenit. — Horatius primum Satirarum librum edidisse videtur.
720.	31.	M. Antonius II. L. Scribonius Libo. suffecti L. Sempronius P. Aemilius Lepi- dus C. Mem- mius Picens M. Herennius.	
721.	32.	Caesar Octavianus II. L. Volcatius Tullus. suff. P. Autronius Laetus L. Flavius C. Fonteius Capito. M' Acilius Aviola L. Vinicius L. Laronius.	Ante hunc annum Horatius villam Sabinam dono accepit a Maecenate.
722.	33.	Cn. Domitius Ahenobarbus C. Sosius. suffecti L. Cornelius M. Valerius.	Munatius Plancus ab Antonio ad Caesarem transit. Magni apparatus belli.
723.	34.	Caesar Octavianus III. M. Valerius Messalla. suffecti M. Titius Cn. Pompeius.	Horatius Maecenati ad bellum ituro comitem se paratum ait Epod. 1. Pugna Actiaca a. d. IV. Non. Septembr. Ep. 9. Carm. I, 37.
724.	35.	Caesar Octavianus IV. M. Licinius Crassus. suffecti C. Antistius Vetus M. Tullius Cicero L. Saenius Balbinus.	Aegyptus in provinciae formam redigitur. — Horatius alterum Satirarum librum edidisse videtur; eodem anno Epodorum libellum.

Anni u. c.	Anni aetat. Horat.	Consules.	Quid his annis gestum sit, indicatur.
725.	36.	Caesar Octavianus V. Sextus Appuleius, suffecti P. Valerius Messalla C. Furnius C. Cluvius.	Iani templum clauditur.
726.	37.	Caesar Octavianus VI. M. Vipsanius Aprrippa II.	Caesar Octavianus templum Apollinis Palatini dicavit; de qua re Horatii carmen est I, 31.
727.	38.	Caes. Octavianus Aug. VII. M. Vipsanius Agrippa III.	Caesar princeps dicitur et Augustus appellatur, postquam iterum de deponendo imperio cogitavit. Paratur expeditio contra Arabes. Huc spectat carmen I, 29.
728.	39.	Caes. Octavianus Aug. VIII T. Statilius Taurus II.	Sext. Appuleius ex Hispania triumphat; sed Cantabri et Astures bellum renovant. Fortasse Kal. Mart. huius anni Horatius arboris casu oppressus est, Maecenas vehementer aegrotat. Carm. II, 13 et 17.
729.	40.	Caes. Octavianus Aug. IX. M. Iunius Silanus.	Augusti expeditio in Cantabros. Expeditio Aelii Galli in Arabes. Marcellus Iuliam in matrimonium ducit.
730.	41.	Caes. Octavianus Aug. X. C. Norbanus Flaccus.	Phraates pellit Tiridatem, qui ad Augustum fugit. Augustus Cantabris victis Romam redit, Ianum iterum claudit. Hor. Carm. III, 14. Quinctilius Horatii et Virgilii amicus moritur. Carm. I, 24. Horatius tres carminum libros hoc anno vel initio proximi edidisse videtur.
731.	42.	Caes. Octavianus Aug. XI. A. Terent. Varro Murena. suffecti L. Sestius Cn. Calpurnius Piso.	Marcellus, Iuliae coniux, moritur. Augustus Phraati filium reddit, Tiridatem Romae retinet.

Anni u. c.	Anni aetat. Horat.	Consules.	Quid his annis gestum sit, indicatur.
732.	43.	M. Claudius Marcellus Aeserninus L. Arruntius.	Coniurant in Augustum Licinius Varro Murena et Fannius Caepio, fratres Proculeii et Terentiae uxoris Maece- natis (cf. Carm. II, 2). Augustus in Siciliam proficiscitur, inde in Asiam iter facturus.
733.	44.	M. Lollius Q. Aemilius Lepidus.	Augustus in Graeciam, hinc in Samum iter facit; in Samo hiemat.
734.	45.	M. Appuleius P. Silius Nerva.	Augustus in Asia minore. Phraates perterritus signa olim Crasso erepta sponte remittit. Tigranes Armeniis rex redditur a Tiberio Nerone. Epist. I, 12. 18.
735	46.	C. Sentius Saturninus Q. Lucretius Vespillo. suffecti M. Vinucius M. Vipsanius Agrippa.	Virgilius in Graeciam proficiscitur; moritur Brundisii.
736.	47.	P. Corn. Lentulus Marcellinus Cn. Cornelius Lentulus.	Horatius hoc vel superiore anno librum I epist. emisisse videtur.
737.	48.	C. Furnius. C. Iunius Silanus.	Augustus ludos saeculares instituit. Horatius eius iussu Carm. saeculare componit. Huc spectat Carm. IV, 6.
738.	49.	L. Domitius Ahenobarbus P. Cornelius Scipio. suffectus L. Tarius Rufus.	
739.	50.	M. Livius Drusus Libo L. Calpurnius Piso.	Raeti et Vindelici per Tiberium et Drusum subiguntur. Eo spectant Carm. IV, 4 et 14.

Anni u. c.	Anni aetat. Horat.	Consules.	Quid his annis gestum sit, indicatur.
740.	51.	M. Licinius Cras- sus Cn. Corne- lius Lentulus.	
741.	52.	Tib. Claudius Nero P. Quin- cilius Varus.	Augustus ex Gallia Romam redit. Ho- ratus Augusti rogatu quartum car- minum librum edit.
742.	53.	M. Valerius Mes- salla P. Sulpici- us Quirinus. suf- fecti C. Valgius Rufus C. Ca- ninius Rebilus.	Agrippa moritur.
743.	54.	Q. Aelius Tubero. Paulus Fabius Maximus.	Ep. II, 2 scripta videtur.
744.	55.	Iulus Antonius Africanus Q. Fa- bius Maximus.	Dacis, Getis, Germanis a Tiberio et Druso victis Ianus tertium clausus esse dicitur; sed incerta res. Dicunt epist. II, 1 scriptam esse hoc anno.
745.	56.	Nero Claudius Drusus Caesar T. Quinctius Pen- nus Crispinus.	
746.	57.	C. Marcius Cen- sorinus C. Asi- nius Gallus.	a. d. V. Kal. Dec. Horatius moritur; eodem anno Maecenas.

Index metrorum Horatianorum.

I. *Metra iambica:*

a) *μονόστιχον* s. *κατὰ στίχον:*

$\bar{\cup} \bar{\cup} \bar{\cup} \cup \bar{\cup} \cup, \bar{\cup} | \bar{\cup} \bar{\cup} \cup \bar{\cup}, \bar{\cup} \bar{\cup} \bar{\cup} \bar{\cup}$ Trim. iamb. acat.

Epod. 17.

b) *δίστροφον*

$\bar{\bar{\cup}} \bar{\bar{\cup}} \bar{\cup} \bar{\cup} \bar{\cup} \bar{\cup}, \bar{\cup} | \bar{\cup} \bar{\cup} \bar{\cup} \bar{\cup} \bar{\cup} \bar{\cup}, \bar{\bar{\cup}} \bar{\bar{\cup}} \bar{\cup} \bar{\cup} \bar{\cup}$ Trim. iamb. acat.

$\bar{\cup} \bar{\cup} \bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}$ Dimeter iamb. acat.

Epod. 1—10. Anapaestum in trimetro bis posuit Epod. 2, 35; dactylum in primo pede Epod. 17, 12, tribrachyn saepius. In dimetri dipodia secunda Horatius arsin solutam nunquam admisit. Dimeter bis dactylum habet in primo pede Epod. 3, 8, 5, 48, semel in secundo tribrachyn Epod. 2, 62; hiatus invenitur Epod. 5, 100.

II. *Systema ionicum a minori:*

$\bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}$
 $\bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}$
 $\bar{\cup} \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup}$

Unum carmen Horatius hoc metro composuit III, 12; quod quidem quadraginta quum habeat ionicos, in quattuor strophas dividitur.

III. *Metra dactylica:*

a) $\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} | \bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} (\bar{\cup} \bar{\cup}) \bar{\cup} \bar{\cup}$

Hexameter dactyl. catal. in disyllabum, *κατὰ στίχον*.

In omnibus et satiris et epistolis.

b) *Alcmanium.*

$\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} | \bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} (\bar{\cup} \bar{\cup}) \bar{\cup} \bar{\cup}$
 $\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} (\bar{\cup} \bar{\cup}) \bar{\cup} \bar{\cup}$

Carm. I, 7. 28. Epod. 12. Spondeus in quinto pede hexametri reperitur I, 28, 21, in tertio tetrametri I, 28, 2. Hiatus admissus est in eiusdem carminis versu 24.

IV. *Metra Asclepiadea*:

a) κατὰ στίχον:

1) *Asclepiadeum primum*.

— — — — — Vers. Asclep. minor.

**Carm. I, 1. III, 30. IV, 8. Basin apud Horatium spon-
deus plerumque efficit. Diaeresis neglecta est IV,
8. 17.**

2) *Asclepiadeum secundum.*

—|' u u —|' u u —|' u u —| u u Vers. Asclep. maior.

Carm. I, 11. 18. IV, 10. Diaeresis neglecta post alterum choriambum I, 18, 16.

b) *δίστροφον* *Asclepiadeum tertium*.

Vers. Glyconeus.

/ — = | — ∪ ∪ — || — ∪ ∪ — | ∪ = Vers. Asclep. minor.

Carm. I, 3. 13. 19. 36. III, 9. 15. 19. 24. 25. 28.
IV, 1. 3. Semel versus est hypermeter IV, 1, 35.

с) τετράστροφον. 1) *Asclepiadeum quartum*.

— $\overline{\cup}$ | $\dot{\cup}$ \cup \cup — || $\dot{\cup}$ \cup \cup — | \cup $\overline{\cup}$ (ter) Asclep. minor.

$\text{—}\overline{\text{u}}\text{—}|\text{—}\overline{\text{u}}\text{—}\overline{\text{u}}\text{—}|\text{—}\overline{\text{u}}\text{—}$ Glyconeus.

Carm. I, 6. 15. 24. 33. II, 12. III, 10. 16. IV, 5. 12.

In Asclepiadeo semel diaeresis neglecta, II, 12, 25 ; semel in pausa brevis est syllaba, III, 16, 26. In

2) *Asclepiadeum quintum*.

— $\overline{\cup}$ | $\dot{\cup}$ \cup \cup — || $\dot{\cup}$ \cup \cup — | \cup $\overline{\cup}$ (bis) Asclep. minor.

Pherecrateus.

Glyconeus.

Carm. I, 5. 14. 21. 23. III, 7. 13. IV, 13.

V. *Metrum Hipponactium*, δίστιχορον.

$\frac{1}{2} - \frac{1}{2} \frac{1}{2} \frac{1}{2}$ Dimet. troch. catal.

$\overline{\cup} \text{ } \dot{\cup} \text{ } \cup \text{ } \underline{\cup} \text{ } \overline{\cup} \text{ } | \text{ } \dot{\cup} \text{ } \cup \text{ } \cup \text{ } \dot{\cup} \text{ } \overline{\cup}$ Trimet. iamb. catal.

Carm. II, 18. Cur hos versus catalecticos fecerit Horatius, in promptu est; nimirum ne qui recitando versus ab altero ad alterum transiret, arsin cum arsi, thesin cum thesi coniungere deberet.

VI. Metra Pythiambica, δίστροφα :

a) minus.

$\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} | \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} (\bar{\cup} \bar{\cup}), - \bar{\cup}$ Hex. heroic.
 $\bar{\cup} \bar{\cup} \bar{\cup} \bar{\cup} - \bar{\cup} \bar{\cup} \bar{\cup} \bar{\cup}$ Dimet. iamb. catal.

Epod. 14 et 15. In dimetro dactylum habes Epod. 15, 24.

b) maius.

$\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} | \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} (\bar{\cup} \bar{\cup}), \bar{\cup} - \bar{\cup}$ Hex. heroic.
 $\bar{\cup} \bar{\cup} \bar{\cup} - \bar{\cup} \bar{\cup} | \bar{\cup} \bar{\cup} - \bar{\cup} \bar{\cup} \bar{\cup} \bar{\cup} \bar{\cup}$ Hexapodia iamb. catal.

Epod. 16. Caesura post quintum versum hexapodiae semel neglecta, v. 4. Hexapodia potius appellatur quam trimeter iambicus, quia Horatius in hoc metro puris iambis usus est.

VII. Metra Archilochia, δίστροφα :

a) primum.

$\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} | \bar{\cup} \bar{\cup}, \bar{\cup} \bar{\cup} \bar{\cup}, - (\bar{\cup} \bar{\cup}), - \bar{\cup}$ Hex. heroic.
 $\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup}$ Trim. dactyl. catal. in syllabam.

Carm. IV, 7.

b) secundum.

$\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} | \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} (\bar{\cup} \bar{\cup}), \bar{\cup} - \bar{\cup}$ Hex. heroic.
 $\bar{\cup} \bar{\cup} \bar{\cup} - \bar{\cup} \bar{\cup} \bar{\cup} \bar{\cup} || \bar{\cup} \bar{\cup} \bar{\cup} \bar{\cup} \bar{\cup} \bar{\cup}$ Vers. iambeleg.

Epod. 13. Alter versus, ex dimetro iambico acatalecto et trimetro dactylico catalectico in syllabam compositus asynartetus est; quare ab iambis ad dactylos transiri potest tanquam a pleno versu ad alterum, per syllabam ancipitem et hiatum. cf. Epod. 13, 10.

c) tertium.

$\bar{\cup} \bar{\cup} \bar{\cup} - \bar{\cup} | \bar{\cup} \bar{\cup} - \bar{\cup} \bar{\cup} \bar{\cup}$ Trimet. iamb. acatal.
 $\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} || \bar{\cup} \bar{\cup} \bar{\cup} - \bar{\cup} \bar{\cup} \bar{\cup}$ Vers. elegiambus.

Epod. 11. Alter versus compositus ex trimetro dactylico catal. in syllabam et dimetro iamb. acatal.; hic quoque asynartetus est. cf. v. 6. 10. 14. 24. 26.

d) quartum.

$\bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} \bar{\cup} \bar{\cup}, \bar{\cup} \bar{\cup} \bar{\cup} \bar{\cup} \bar{\cup}$ V. Archiloch. mai.
 $\bar{\cup} \bar{\cup} \bar{\cup} - \bar{\cup} | \bar{\cup} \bar{\cup} - \bar{\cup} \bar{\cup} \bar{\cup}$ Trim. iamb. catal.

Carm. I, 4. Prior versus, quem Graeci poetae asynartetum fecerunt, apud Horatium bene coniunctus est; neque enim quarti dactyli locum creticus occupavit unquam neque hiatus reperitur; unde logaoedicus appellari possit quadruplex dactylicus tripliciter trochaicus acatalectus. Alii Alemanium cum Ithyphallico coniunctum dicunt.

VIII. *Metra Sapphica*:

a) minus, τετράστροφον.

— — — — —, — — — — — (ter) Sapphicus hendecasyllab.
— — — — — Adonius.

Carm. I, 2. 10. 12. 20. 22. 25. 30. 32. 38. II, 2. 4. 6. 8. 10. 16. III, 8. 11. 14. 18. 20. 22. 27. IV, 2. 6. 11. Carm. Saecul. — Prior compositus est ex trochaica dipodia, choriambo, iambica dipodia catalectica. Caesura est post arsin choriambi vel post sextam syllabam. Interdum versus hypermeter est, II, 2, 18. 16, 34. IV, 2, 22. 23. C. S. 47. Coniunguntur diviso vocabulo vel secundus versus cum tertio vel tertius cum quarto, I, 2, 19. 25, 11. II, 16, 7. Adonium non dactylicum sed choriambicum dicam, et quo similior sit Sapphico et quia Spondeus nunquam admittitur. Sapphicum autem ipsum logaoedicum non esse probat insequens metrum, facili mutatione ex Sapphico hendecasyllabo constituendum. Nam

b) maius, δίστροφον

— — — — —, — — — — — Versus Aristophanicus.
— — — — —, — — — — — V. Sapphicus mai.
ita facile efficitur, ut priorem accipias abiecta Sapphici hendecasyllabi dipodia trochaica, alterum addito altero etiam Choriambo. Carm. I, 8. In Sapphico maiore caesura post quintam syllabam et diaeresis post primum choriambum ubique observatae sunt.

IX. *Metrum Alcaicum*, τετράστροφον:

— — — — —, — — — — — (bis) Alcaicus hendecasyllabus.
— — — — —, — — — — — Dimet. iamb. hypercatol.
— — — — —, — — — — — Logaoed. dupl. dactyl. dupl.
troch. acat.

Carm. I, 9. 16. 17. 26. 27. 29. 31. 34. 35. 37. II, 1. 3. 5. 7. 9. 11. 13. 14. 15. 17. 19. 20. III, 1. 2. 3. 4. 5. 6. 17. 21. 23. 26. 29. IV, 4. 9. 14. 15. — Alcaicus hendecasyllabus compositus est ex monometro iambico hypercatalectico et versu logaoedico simpl. dactyl. duplic. troch. catalectico; ad quam versus compositionem tertius et quartus versus egregie accommodati sunt; etenim qua ratione Alcaici prior pars iambica cum dimetro trochaico, eadem altera Alcaici pars cum logaoedico coniungitur, ita ut Alcaici partes iteratas et auctas in reliquis habeamus. — Alcaicus raro incipit ab iambo, gravitatis causa; diaeresis ante ordinem logaoedicum quinquies neglecta est, I, 16, 21. I, 37, 5. I, 37, 14. II, 17, 21. IV, 14, 17; sed bis in vocabulo cum praepositione coniuncto. Deinde hiatus in diaeresi admissus est II, 20, 13, et syllaba brevis III, 5, 17. Etiam dimeter iambicus quo gravior fiat a spondeo solet incipere; hypermetri sunt II, 3, 27. III, 29, 35.

Restat, ut de lege quadam moneamus, quam ab Horatio observatam esse Meineccius primus animadvertit. Nam ea quoque carmina, quorum metra aut eundem versum perpetuo ordine repetunt (*κατὰ στίχον*) aut *δίστροφον* sunt, ita instituit Horatius, ut versuum numerus quaternorum versuum strophas coniungi pateretur. Quare fuerunt, qui ea quoque metra in carminibus *τετράστροφα* haberent. Nam quod eandem legem in Epodis observatam non videmus, id eam sententiam non solum non refellit, sed adiuvat etiam. Quare quum unum sit carmen IV, 8, quod huic rationi adversetur, critici aut interpolatum illud esse putarunt aut mutilatum. Sed nonne Horatius quam sibi ipse imposuisset legem post tot annos relinquere potuit? Difficultates certe, quibus illud carmen laborat, ista ratione non pelluntur. —

Q. HORATII FLACCI

C A R M I N U M

LIBER PRIMUS.

Carmen I.

Maecenas atavis edite regibus,
O et praesidium et dulce decus meum,

Carmen I.

Horatius Maecenati tres libros carminum edendos hoc carmine inscripsit, quo simul qui factum esset, ut ad poesin potissimum conversus alium vitae cursum non teneret, ostendere studuit. Diversa esse hominum ait ingenia, alios aliis studiis trahi. De qua diversitate tres quasi quaedam tabulae proponuntur, quae contrariam hominum naturam et voluntatem ipsae habent. Ac prima quidem ostendit homines, qui laudem publicam sectantur vel victoriis in ludis publicis reportandis (Graeci) vel aura populari captanda muneribusque gerendis (Romani), cum iisque coniungit alios cumulandis divitiis deditissimos (v. 3—10); altera componit agricolam patrio agro contentum cum nauta lucri faciendo cupiditate agitato (v. 11—18); tertia illustrat vitam hominum otiosorum naturae iucunditatibus fruendum ingenioque indulgentium, et alios comparat, qui quietam vitam spernentes bellorum et venationum motu ac varietate malunt delectari (v. 19—28). In quibus ordinandis tabulis hunc ordinem videmus secutum esse Horatium, ut quum a latifundiorum dominis ad agricolas parvis agris contentos, deinde a lucri cupido nauta ad otiosum hominem transiret, hac ipsa tabularum quasi serie varietatem studiorum humani generis exprimeret. Iam vero se quoque habere dicit quo teneatur; poesin se adamare ac tantopere eius voluptates percipere, ut relictā terra ad coelum prope evolasse sibi videatur. Quo dulcissimo sensu se deceptum non existimaturum, si quae canere ausus sit, a Maecenate aliqua laude digna iudicentur.

V. 1. *atavis regibus*] i. e. atavis s. maioribus, qui reges erant.

Sunt quos curriculo pulverem Olympicum
 Collegisse iuvat metaque fervidis
 5 Evitata rotis palmaque nobilis
 Terrarum dominos evehit ad deos;
 Hunc, si mobilium turba Quiritium
 Certat tergemini tollere honoribus;

Cf. Virgil. Aen. I, 273. Maecenas ortus fuit ex Cilniorum nobili genere propter opes et divitias olim Arretio expulso (Liv. X, 3), neque raro factum videtur, ut ex ea gente Etruscorum reges sive duces eligerentur. Hor. Carm. III, 29, 1. Sat. I, 6, 3. In tanta nobilitate generis maximam omnium admirationem movit, quod, quum plurimum apud Augustum valeret, equestrem ordinem egredi nunquam vellet; consulto igitur Horatius hac eum laude in fronte carminis ornavit. Deinde altero versu addit suam cum Maecenata necessitudinem; *praesidium*, quoniam Horatius Maecenatis tutela ab summis quibusque hominibus eius aetatis receptus est (Carm. II, 17, 4); *decus*, quoniam magno sibi esse honori vidit, quod a tanto viro amaretur. Epist. I, 1, 103. 7, 12. — *sunt quos iuvat*] Indicativus modus apud verba *sunt qui* his locis praeterea: infra v. 19, I, 7, 5. Sat. I, 4, 24. II, 1, 1. II, 4, 47. Neque verum est quod passim docetur apud Horatium ut poetam coniunctivum non esse; de qua re vide Sat. I, 2, 28. I, 4, 74 sq alios; sed coniunctivus tum legitur, quum non tam esse aliquid ostenditur quam quale quid sit describitur. In locis autem huic similibus *sunt quos* nihil est aliud nisi aliquos, quare infra facile subiungitur *hunc — illum*. — *curriculo*] i. e. curru. Sic apud Ovid Trist IV, 8, 36: „Nec procul a mētis, quas paene tenere videbar, Curriculo gravis est facta ruina meo.“ — *pulo*. *Ol. colleg.*] i. e. ferri curru per stadium Olympicum; nam colligere est excitare, cogere (Sat. I, 4, 31). Perfectum *collegisse* ἀόλωσιν positum esse dicunt, qua re apud poetas frequentius est nihil; ut semel de hac re moneam, satis magnam locorum partem ex Horatio apponam: Carm. I, 34, 16. II, 12, 17. III, 2, 30. 4, 52. 11, 15. 20, 11. 23, 19. 29, 16. 43.; in quibus perfectum tempus aut absolutam aliquam rem aut unius rei repetitionem solet indicare.

V. 4. *metaque ferv. evit. rotis*] In eo enim summa conspiciebatur aurigae ars, ut rapidissimo cursu quam proxime accedens ad metam currum tamen non illideret. cf. A. P. 412. Comparetur autem descriptio certaminis aurigarum apud Hom. II. XXIII, 351 sqq. — *palma*] signum victoriae; Carm. IV, 2, 17. III, 20, 12. Ep. II, 1, 181. *Nobilis* ea appellatur, quia apud Graecos qui ludis Olympicis vicissent divino prope honore digni habebantur; ideo dicit *evehit ad deos, terrarum dominos*. — *hunc — illum*] Hi accusativi apti sunt ex verbo *iuvat*; in qua verborum coniunctione non est quod offendas, quum alterum verbum *erehit* ipsum quasi subiectum sit primario *iuvat*. — *mobilium*] cf. Epist. I, 19, 37. — *certat tollere*] Infinitivi cum aliis verbis coniuncti usus apud poetas frequentissimus; ac primum quidem verbis *velle, nolle, coepisse, desinere* similibus fortiora et elegantiora substituunt; sic infra v. 21 *demere spernit*, v. 34 *refugit tendere*; cuius rei exempla sunt *odisse, parcere, differre, timere, metuere, fugere, furere, gestire, mittere, amare, quaerere, invidere*. Deinde solent duo verba coniungi, quorum alterum alterius modum et rationem accuratius describit; sic h. l. *certat tollere* pro *certatim tollit*. Huc pertinent verba *gaudere, laborare, trepidare, occupare, properare*. Tum infinitivi cum aliis verbis coniunguntur, quum

- Illum, si proprio condidit horreo
 10 Quidquid de Libycis verritur areis.
 Gaudentem patrios findere sarculo
 Agros Attalicis condicionibus
 Nunquam demoveas, ut trabe Cypria
 Myrtoum pavidus nauta secet mare.
 15 Luctantem Icariis fluctibus Africum
 Mercator metuens otium et oppidi
 Laudat rura sui; mox reficit rates
 Quassas indocilis pauperiem pati.

significatur, quo consilio vel quem ad finem aliquid fiat; ubi pedestris oratio vel particula *ut* utitur vel praepositione *ad* cum gerundio. Sic egit *visere* Carm. I, 2, 7; *sumis celebrare*, I, 12, 2; *tradam portare* I, 26, 2. Qua re hoc assecuti sunt poetae, ut quum oratio propius ad brevitatem graecae linguae accessisset, frequens usus particularum, quibus menti non nova quaedam notio suggeritur sed notiones inter se coniunguntur, vehementer coaceretur. — *tergeminis honoribus*] aedilitate curuli, praetura, consulatu.

V. 10. cf. Carm. III, 16, 26. Sat. II, 3, 87. Africa fertilitate nobilis erat. Speciem autem pro genere posuit Horatius ex more poetarum, qui certis rerum imaginibus animum magis legentium quam mentem tangere student; sic infra *trabe Cypria*, *Icariis fluctibus*, *Africum*, *veteris Massici*, *Marsus aper*. Atque ea ipsa est causa, cur v. 11 non generale vocabulum *arare* legatur, sed *findere sarculo*, quibus verbis durissimi etiam in colendis agris laboris accedit significatio. — *patrios*] a patre acceptos ob eamque rem cariores. — *Attalicis condicionibus*] Attali III Philometoris, qui a. u. 621 populum Romanum heredem instituit, magnae opes in proverbium abierant; vel quod Attalus II Philadelphus ingenti pretio artificia emere solebat. Carm. II, 18, 5. — *demoveas*] Alii *dimoveas*. Illud autem ideo praefendum videtur, quod quae sequuntur verba finem habent quo *perducendus* est agricola. Hoc enim inest in particula *de*, ut non abducatur solum sed etiam perducatur ad alium locum aliamve rem. — *pavidus nauta*] pavidus est, quia, si perducitur, invitatus perducitur et pericula maris perhorrescit. Nautae qui vere sunt non sunt timidi. — *secet*] Apud poetas via, mare, aer secari dicuntur ab euntibus, navigantibus, natantibus, volantibus. Virgil. Aen. VI, 899. Georg. I, 406. Ovid. Met. XI, 478. Hom. Od. III, 174. — *otium*] In his verbis triplex oppositio est, inter otium et pericula (Carm. II, 16, 1 sqq.), inter navigationem et vitam rusticam, inter peregrinationem et domesticam habitationem. 'Otiosa igitur fuit coniectura *oppidi iura sui*. — *indocilis pauperiem pati*] Brevitatem graeci sermonis in coniungendis adiectivis et infinitivis felicissime in suum usum verterunt poetae latini. Nam quum adiectivorum notio saepe ita vaga sit atque incerta, ut quo laudatae facultates referendae sint magnum cogitandi spatium relinquatur, accedant necesse est termini quidam, ad quos pergere illa aut quibus coerceri credantur. Qui quidem termini a poetis infinitivorum ope adduntur; pedestris orationis scriptores aut *ad* aut *in* particula utuntur. Sic h. l. *indocilis pati* est pro *indocilis ad patiendum*, cf. Carm. I, 3, 25. I, 12, 11. I, 24, 17. I, 10, 7. I, 15, 18. III, 12, 11. I, 37, 26. Sat. I, 3, 24. I, 4, 3, 25.

/42

- Est qui nec veteris pocula Massici
 20 Nec partem solido demere de die
 Spernit, nunc viridi membra sub arbuto
 Stratus nunc ad aquae lene caput sacrae.
 Multos castra iuvant et lituo tubae
 Permixtus sonitus bellaque matribus
 25 Detestata. Manet sub Iove frigido
 Venator tenerae coniugis immemor,
 Seu visa est catulis cerva fidelibus,
 Seu rupit teretes Marsus aper plagas.
 Me doctarum hederæ præmia frontium
 30 Dis miscent superis, me gelidum nemus
 Nympharumque leves cum Satyris chori
 Secernunt populo, si neque tibus

V. 19. *nec spernit*] Litotes figura, qua contrarium negando fortius affirmamus. Virgil. Aen. VII, 261. — *partem solid. dem. de die*] i. e. aliquam partem diei negotiis detractam otio dare et animo. — *membra stratus*] Vide Zumpt. gr. lat. §. 458. — *lene caput*] i. e. leniter murmurantem fontem. — *sacrae*] „Quum numina fontes et aquas et mare aliasque res naturales habitare iisque præcesse putarentur, inde plura epitheta, quae indicant sanctam deorum praesentiam, ut *fontes sacer* apud Ovid. A. A. III, 688. Virg. Aen. VII, 83, *aqua sacra* ap. Hor. C. I, 1, 22, *ἀλλὰ διὰν* apud Homerum multis in locis et alia huius generis — explicanda sunt.“ Jacob. Quaest. epic. p. 13 sq. — *lituo tubae*] Litui acutus est sonus, tubae gravis, lituus equitum est et incurvus, tuba vero peditum est et directa. — *detestata*] passive; sic Epod. 16, 8. *abominatus*. — *manet*] i. e. pernoctat. Sat. II, 2, 234. — *sub Iove*] cf. Carm. III, 10, 7. Epod. 13. 2. ὑπὸ Διός. — *catulis*] dativus pro praepos. *a* cum ablat.; is quum soleat coniungi cum perfectis passivis, tamen etiam apud praesentia tempora legitur. Carm. I, 26, 3. Epist. I, 19, 3. — *teretes plagas*] ex contortis funiculis factas. — *Marsus aper*] Marsicus, ut Carm. II, 20, 18. III, 14, 18. Epod. 5, 76. 17, 29 Zumpt. gr. lat. §. 257. Qui usus apud Horatium latissime patet: *Bithynus* Carm. I, 35, 7. Epist. I, 6, 33. *Calaber* Carm. I, 33, 16. III, 16, 33. IV, 8, 20. Epod. I, 27. Epist. II, 2, 177. *Colchus* Carm. II, 13, 8. *Iberus* Carm. I, 29, 15. Sat. II, 8, 46. *Italus* Carm. II, 7, 4. 13, 18 cet. *Maurus* Carm. I, 22, 2. II, 6, 3. III, 10, 18. *Medus* Carm. I, 27, 5. II, 9, 21.

V. 29. *doctarum frontium*] omnes docti dicuntur, qui litteras bene didicerunt aut amant; saepissime etiam poetae. — *hedera*] Epist. I, 3, 25. Virgil. Bucol. 7, 25. 8, 13. — V. 31. Comparari possunt Carm. II, 19, 1—4 et Epist. I, 19, 4. — *cum Satyris*] pro *et Satyrorum*. Sic saepissime apud Horatium *cum* praepositio usurpatur: Carm. I, 12, 44. 19, 15. 24, 4. III, 1, 36. 3, 24. 17, 16. 18, 12. 19, 20. 29, 3. — *si neque tib.*] In quo loco bene animadvertenda conditionalis particula; haec enim dubitanter et modeste proferri debebant in prologo, quo carmina Maecenati fautori et iudici traditurus est. — *Euterpe*] haec tibia, Poly-

Euterpe cohibet nec Polyhymnia
 Lesboum refugit tendere barbiton.
 35 Quodsi me lyricis vatibus inseris, e
 Sublimi feriam sidera vertice.

Carmen II.

Iam satis terris nivis atque dirae
 Grandinis misit pater et rubente

hymna lyra canit; utraque adest lyrico poetae. — *Lesboum barbiton*] Graecis vocabulis ideo videtur usus esse h. l., ut primum se „Aeolium carmen ad Italos deduxisse modos“ (III, 30, 13) ostenderet. vide ad Carm. I, 32, 4. — *quodsi*] haud ita raro a poetis usurpatur haec particula; apud Horatium decies septies me legere memini.

Carmen II.

Describuntur ab initio carminis usque ad v. 24 portentosae tempestates et insoliti in natura rerum tumultus, deploratur ingens civium per bella civilia clades, ostenditur imperium Romanum ruinam minari. Ea autem ingens calamitas unde exorta est? Interfectus Caesar est, quem deorum ira ulciscitur; bella civilia et omnium rerum turbulenti motus divinitus missa sunt ad castigandam civitatis perversitatem. A tantis malis quis est qui miserum genus humanum liberabit? Humanae vires cum non sufficiant, deus aliquis nostrae calamitatis miserum ex coelo necesse est descendat. Num Apollo veniet augur? an Venus ipsa mater populi Romani, an Mars pater? Immo iam adest Mercurius Caesaris ultor sub Octaviani latens persona. Is igitur diu inter nos utinam commoretur, quoniam solus est a quo imperii dignitas et nominis Romani gloria cum morum probitate et pietate possint restitui. Videmus ita dividi carmen, ut superior pars calamitatem describat (1–24), inferior expiatiorem et quaerat et inveniat (25–52). De tempore quo sit carmen scriptum discordes sunt viri docti; id tamen certum videtur, prodigia alia non significari nisi quae caedem Caesaris consecuta sint; bella civilia siquidem composita tamen non omnino sepulta, rempublicam pacatam quidem sed nondum confirmatam videri, totum denique carmen ad Octavianum, Caesaris patris ultorem, (quo se illum nomine libenter orgasse scimus) celebrandum esse scriptum. Quapropter ante a. u. c. 727 compositum est; eo enim anno expiandi criminis iam non potuit mentio fieri, omnibus scilicet Caesaris interfectores extinctis.

a. 27.

V. 1. Cum hac inundationum quibus interfecto Caesare Romani terrebantur descriptione comparari debent Virgiliani versus Georg. I, 466–489. 498 sqq., in quibus mirum et verborum et sententiarum cum his Horatianis consensum deprehendes. — *dirae*] Sic appellantur omnia quae gravia et ingentia mala portendunt. Virg. Georg. I, 488. Hor. Epod. 5, 89. Animadvertendum tamen, hoc adiectivo hic non grandinem solum sed nivem quoque ornari. Quo ordine a prosae orationis consuetudine alieno poeta saepe disposuit verba, ut Carm. I, 5, 6. I, 31, 16. I, 34, 8. II, 19, 24. III, 11, 39. IV, 14, 4. II, 8, 3. III, 2, 16. —

Dexterâ sacrâs iaculatus arces
 Terruit urbem,
 5 Terruit gentes, grave ne rediret
 Saeculum Pyrrhae nova monstra questae,
 Omne cum Proteus pecus egit altos
 Visere montes,
 Piscium et summa genus haesit ulmo,
 10 Nota quae sedes fuerat columbis,
 Et superiecto pavidâe natarunt
 Aequare damae.
 Vidimus flavum Tiberim retortis
 Littore Etrusco violenter undis
 15 Ire deiectum monumenta Regis
 Templaque Vestae,

pater] Iuppiter. — *iaculatus*] cum accusativo rei quae feritur, ut Carm. III, 12, 11. — *arces*] Capitolium et templa ibi posita. — *terrui ne*] Terrendi verbum cum habeat metuendi notionem (terrui ut metuerent ne) coniungi potuit cum *ne* particula. — *gentes*] Romano imperio subiectas; Romae enim urbis calamitates ab extremis etiam nationibus sentiuntur; vide Carm. II, 1, 31 sq. — *Proteus*] De hoc deo marino Neptuni greges pascente vide Hom. Od. IV, 386 sqq. Virg Georg. IV, 395 sqq. — *altos*] Nam aquae etiam cacumina montium superarunt; indo dicit *summa ulmo*. — *egit visere*] vide ad I, 1. 8. — *piscium et*] Apud poetas etiam et particula enclitica est; exempla apud Horatium frequentia sunt, ut infra 18. 39. I, 12, 11. 13, 6. 29, 14. 31, 10. 37, 8. II, 19, 10. 16. III, 4, 70. 24, 48. IV, 10, 4. 15, 2. 5. — *haesit*] eleganter dictum; nam in arboribus, in quibus haerere solebant aves, iam pisces haeserunt, et ubi pisces fuerant iam natarunt damae; omnis naturae ordo inversus est. Aptum igitur oxymoron est *pisces haeserunt, damae natarunt*. Quattuor imaginis partes, phocae, pisces, aves, damae ordine chiasmi dispositae sunt, eo fortasse consilio ut simul omnes hominum ordines impiis bellis domesticis turbati et implicati ostenderentur.

V. 13. *flavum*] perpetuum Tiberis epitheton propter multitudinem arenae quam ducit. Carm. I, 8, 8. II, 3, 18. — *Littore Etrusco*] pro littore maris Etrusci, in quod Tiberis effunditur. Hoc quoque monstrum est. Tiberis aquas in mare non effudit sed violenter retorsit, eo ipso consilio ut aucta aquarum vi sinistram ripam, in qua sita est Roma urbs, redundare urbemque impiam castigare posset. Perperam alii littus Etruscum dexteram fluminis ripam esse voluerunt, *littoris et ripae* permutationem Virgilianis locis (Aen. III, 390. VIII, 83) probare conantes. Monstrosae inundationis et violentiae fluminis altera interpretatione multo grandior evadit imago. — *monumenta Regis*] Regia Numae Pompilii, simpliciter Regia appellata, tam exiguo spatio a templo Vestae seiuncta erat, ut eius templi atrium prope videretur et diceretur. Fuit autem sita ad Tiberim in ima parte fori. Monumenta nominabantur publica

Iliae dum se nimium querenti
Iactat ultorem, vagus et sinistra
Labitur ripa Iove non probante u-

20 xorius amnis.

Audiet cives acuisse ferrum,
Quo graves Persae melius perirent,
Audiet pugnas vitio parentum
Rara iuventus.

25 Quem vocet divum populus ruentis
Imperi rebus? Prece qua fatigent
Virgines sanctae minus audientem
Carmina Vestam?

Cui dabit partes scelus expiandi
30 Iuppiter? Tandem venias precamur
Nube candentes humeros amictus
Augur Apollo;

Sive tu mavis, Erycina ridens;

aedificia. — *Iliae*] Reae Silviae; quae quidem cum ab Amulio in Tiberim (vel Anienem) praecipitata esset, Fluvio nupsisse dicebatur. Cui de nece Caesaris nepotis querenti ut morem gereret Fluvius, totam urbem diruere voluisse dicitur. Quapropter aedem Vestae petit, ut sacrum ignem, salutis urbis pignus, exstinguat. Quam iram Fluvii, coniugi nimis obtemperantis, (*uxorius*) Iuppiter optimus maximus omni ira et studio maior non potuit non improbare; ipse terrere voluit, non delere.

V. 21. *Audiet*] Hoc quoque contra naturam est, quod intestinis bellis in semet ipsos Romani saeviunt. Fuit qui locum vituperaret ideo, quod, ut domestica bella recte et facile intelligerentur, scribendum fuisset *cives contra cives*. Quod quidem ut indignum est poeta ita supervacanem gravi *civium et Persarum* (Parthorum, hostium) oppositione. — *rara iuventus*] posterorum. — *ruentis*] Imaginem quam hoc verbum habet intelliges ex Carm. I, 35, 13 sq — *imperi*] De hac genitivi forma vide Zumpt. gr. lat. §. 49. Alia exempla haec sunt: Carm. I, 4, 1. I, 6, 12. I, 12, 34. III, 4, 65. Sat. I, 6, 9. 12. — *carmina*] preces. cf. Epist. II, 1, 134—138. — *minus audientem*] Nam ea quoque irata est; cur fuerit, ipsa dicit apud Ovidium Fast. III, 699 sqq.: „Ne dubita meminisse: meus fuit ille sacerdos, Sacrilegae telis me petiere manus. Ipsa virum rapui simulacraque nuda reliqui; Quae cecidit ferro, Caesaris umbra fuit.“ Caesar enim Pontifex Maximus erat. — *candentes humeros*] ad significandam pulchritudinem Apollinis; praeterea Phoebus totus candens. Virg. Aen. VIII, 720. — *nube amictus*] Hom. Il. V, 186. — *augur*] Carm. Saec. 61. Quo nomine intelligitur, cur Apollo primus vocetur. Is enim propter divinandi scientiam et quomodo dii laesi et quomodo placandi essent optime noverat; praeterea Romanis ut olim Troianis favebat. — *sive*] i. e. vel si, ut Carm. I, 15, 25. I, 32, 7. III, 27, 61. — *Erycina*] ab Eryce, Siciliae monte, ubi Aeneas (Virgil.

- Quam locus circum volat et Cupido,
 35 Sive neglectum genus et nepotes
 Respicis auctor,
 Heu nimis longo satiate ludo,
 Quem iuvat clamor galeaeque leves
 Acer et Mauri peditis cruentum
 40 Vultus in hostem;
 Sive mutata iuvenem figura
 Ales in terris imitaris almae
 Filius Maiæ patiens vocari
 Caesaris ultor;
 45 Serus in coelum redeas diuque
 Laetus intersis populo Quirini,
 Neve te nostris vitiis iniquum
 Ocior aura
 Tollat. Hic magnos potius triumphos,

Aen. V, 759 sq.) aedem Veneris exstruxerat. Quare ne hoc quidem nomine temere poeta usus videtur. — *ridens*] ut in hymn. homer. in Vener. 49 ἡδὺ γελούσασα, γιλομμειδῆς Ἀγροδίτη. — *circum*] Carm. II, 16, 33. Apud poetas anastrophe praepositionum frequentissima est, ut Carm. III, 3, 11. Virgil. Aen. I, 32. II, 792. — *respicis*] i. e. adspicere iuvandi gratia. Romae colebatur *Fortuna respiciens* ad opem ferendam, ut dicit Cicero de legib. II, 11. — *ludo*] bellico. — *Mauri peditis*] Mauri equo deiecti. Equites enim qui equos reliquerunt, *pedites* nonnunquam appellantur: Liv. VII, 8. Ovid. Met. XIV, 363. Similem quasi tabulam habemus Sat. II, 1, 15; nam Parthi quoque ut Mauri in equis prope vivunt.

V. 41. *iuvenem*] Caesarem Octavianum, qui natus est M. Tullio Cicerone M. Antonio Coss. a. d. IX. Kal. Octobr. Mercurius, nuntius deorum, latere dicitur sub persona Octaviani, ut hic quoque a diis missus esse videatur. Mercurius quo legati muneribus et facilius et melius perfungeretur, dicendi et persuadendi facultate instructus erat; quae virtutes cum hac ratione ad Octavianum quoque transferantur, hunc non crudelitate sed clementia homines reconciliaturum, deos placaturum esse indicatur. — *Caesaris ultor*] Quam bene haec Octaviani animum expriment, ipsius ostendit oratio in senatu habita (a. u. 726), ap. Dion. Cass. 53, 4: Ἰνα — καταμάθῃτε τοῦθ' ὅτι οὐδ' ἐν ἀρχῆς δυναστείας τινὸς ἐπεθύμησα, ἀλλ' ὄντως τῷ τε πατρὶ δεινῶς σφαγέντι τιμωρῆσαι καὶ τὴν πόλιν ἐκ μεγάλων καὶ ἐπαλλήλων κακῶν ἐξελέσθαι ἠθέλησα. — *filius*] vide Zumpt. gr. lat. §. 50. — *serus*] adiectivum pro adverbio, ut Carm. I, 7, 17. I, 10, 3. I, 12, 57. Epod. 16, 51. Sat. I, 3, 117. I, 7, 27. II, 6, 100. Epist. I, 6, 20. A. P. 269. Saepissime illud fieri solet, cum quo tempore vel quoties quid accidit indicatur. — *triumphos*] Accusativus pendet ex verbo *ames*, non eliciendum, ex universa sententia v. agas. Similis est du-

50 Hic ames dici pater atque princeps,
 Neu sinas Medos equitare inultos
 Te duce Caesar.

Carmen III.

Sic te diva potens Cypri,
 Sic fratres Helenae lucida sidera
 Ventorumque regat pater
 Obstrictis aliis praeter Iapyga,
 5 Navis, quae tibi creditum
 Debes Virgilium finibus Atticis

plex coniunctio unius verbi Carm. I, 1, 19. — *pater*] Nomine patris patriae Augustus ornatus est a. u. c. 752 post mortem Horatii; *princeps* appellatus est a. 726. — *Medos*] Parthos, qui frequentes excursions fecerant in fines Romanos; id quod significatur v. *equitare*.

Carmen III.

Horatio cum amicissimum sibi Virgilium in Graeciam mari profectum audisset, omnia quae navigantibus imminerent pericula obversabantur; ideo et felicissimis votis prosequitur navem qua ille vehebatur, et durissima castigatione reprehendit audaciam humani generis, quae quidquid a divina providentia cautum prohibitumque est contemnere et audere solent. Nam „nitimur in vetitum semper cupimusque negata.“ Sunt qui carmen scriptum putent a. u. 735, quo anno Virgilius in Graeciam profectus praematura morte abreptus est; at vero quid est quod superiorem aliquam Virgilii Athenas navigationem significari vetet? Quare incertum est, quo anno hoc carmen scriptum esse videatur.

V. 1. *sic*] Dissen. ad Tibull. T. II. p. 88: „Sensus formulae ubique hic est: sic, hac condicione opto tibi hoc illudve, ut dicas, facias; constructione vero omittitur particula *ut* et subiicitur quod expetitur absolute et sine ea hoc modo: Sic opto tibi illud: fac, dic cet.“ cf. Carm. I, 28, 25. — *potens*] cum genitivo, cf. Zumpt. gr. lat. §. 436. — *Cypri*] Carm. I, 30, 1. III, 26, 9. Invocatur Venus, quia *novitia* est et *εὐπλοία*; unde *Venus marina* est apud Horatium Carm. III, 26. 5. IV, 11, 15. — *fratres Helenae*] Plin. N. H. II, 37: „Castorum stellas, cum simul videntur, salutares credunt, cum solitariae, graves et noxiae.“ Hor. Carm. I, 12, 25 sqq. III, 29, 64. — *lucida sidera*] ut Carm. IV, 8, 31. — *Ventorum pater*] Aeolus. Virg. Aen. I, 52. — *Iapyga*] Reliqui venti adversi, Iapex (Favonius) secundus ex Italia in Graeciam navigantibus. — *quae tibi creditum debes*] Consulto et artificiose posita sunt *finibus Atticis*, ut utrumque verbum *debes* et *reddas* contingant. Oratio inde efficitur concinnior, quam si molestum pronomen *his* interponeretur. Vult enim hoc: quae debes Virgilium finibus Atticis, reddas eum his. Quod genus appellant grammatici *σχῆμα ἀπὸ κοινοῦ*, quo cum antiqui scriptores magis legentibus quam audientibus scriberent neque crebris commatis abuterentur, ita quoque uti potuerunt, ut unum vocabulum

- Reddas incolumem precor
 Et serves animae dimidium meae.
 Illi robur et aes triplex
 10 Circa pectus erat, qui fragilem truci
 Commisit pelago ratem
 Primus nec timuit praecipitem Africum
 Decertantem Aquilonibus
 Nec tristes Hyadas nec rabiem Noti,
 14 Quo non arbiter Hadriae
 Maior, tollere seu ponere vult freta.
 Quem Mortis timuit gradum,
 Qui siccis oculis monstra natantia,

cum duobus aliis ex diversis sententiae partibus sumptis coniungerent. Quare cum ipse Horatius versum sextum commate in duas partes non dividerit, factum est, ut haerentes interpretes alii post *Virgilium* alii post *Atticis* interpunctione distinguere. *Creditum, debes, reddas* vocabula sunt de pecunia in fenus data

V. 8. *animae dimidium meae*] cf. Carm. II, 17, 5. Nam *ψιλλὰ ἐὰν μὴ πύχῃ ἐν δύοϊν σῶμασι*. — *robur et aes triplex*] Clypeus robustus et lorica ex triplici aeris lamina confecta a pectore et animo humanos sensus prohibent. — *truci*] horribili adspectu. cf. Epod. 2, 5. Ceterum haec vocabula *fragilem truci pelago ratem* ex Chiasmi ordine collocata sunt, quo fragilitate naviculae contra immanitatem maris posita humana audacia magis illustretur. — *decert. Aquil.*] Dativus pro *cum* praepos. et ablativo casu ad exemplum graeci verbi *μαχέσθαι*; sic Carm. I, 1, 15. II, 6, 15. Sat. I, 2, 73. — *tristes Hyadas*] Tristia sidera sunt, quia coelum contrastant (Virg. Aen. X, 275); per prolepsin igitur sic appellantur; quo usu antiqui poetae gravissimum nacti sunt subsidium ad gravem gignendam brevitem. Contrarium habes exemplum Carm. I, 7, 15, ubi *Notus albus* appellatur ab effectu; deinde Carm. III, 27, 19. III, 7, 1.

V. 15. *Notus*] etiam Auster, Carm. III, 3, 5. Certant venti de imperio maris; qui semper in aliquo mari flare solent, victores de pugna decessisse videntur. Sic *Notus* in Adriatico, quod suo arbitrio (*arbiter*) tollit et ponit, aliis qui ibi saevire conati sunt quasi devictis. De grammatica ratione hoc dicendum est, cum *seu* (*sive*) ponatur pro *vel si* (vide ad I, 2, 33), facile particulam *si* reduci posse ad superius verbum *tollere*, ut hunc habeamus ordinem *si tollere vel si ponere vult*; conditionalem autem particulam in oratione etiam, non in versibus solum omitti notum est. — *Mortis gradum*] Mortem h. l. *θάνατον* personam induisse ipsum vocabulum *gradus* ostendit; neque ea res insolita est, nam idem factum est infra v. 33. I, 4, 13. Hom. II. XVII, 202. Male igitur alii *gradum ad mortem, viam ad Orcum* i. e. mortis genus. Quanto magis illa ratio decet poetam, qua Mors hostili gradu homines adoriri, homines autem fortes audacter resistere dicuntur. — *siccis oculis*] Benetius cum nihil tam magnum aut mirabile putaret, cum siccis oculis vir fortis ea videret, quae vel timidissimi non aliter possent adspicere, quoniam in magno pavore praesentique consternatione nullus lacrimis

- Qui vidit mare turgidum et
 20 Infames scopulos Acroceraunia?
 Nequidquam deus abscidit
 Prudens oceano dissociabili
 Terras, si tamen impiae
 Non tangenda rates transiliunt vada.
 25 Audax omnia perpeti
 Gens humana ruit per vetitum nefas;
 Audax læpeti genus
 Ignem fraude mala gentibus intulit.
 Post ignem aetheria domo
 30 Subductum maciēs et nova febrium
 Terris incubuit cohors
 Semotique prius tarda necessitas
 Leti corripuit gradum.
 Expertus vacuum Daedalus aëra
 35 Pennis non homini datis;

locus esset, coniecit legendum esse *rectis oculis*. At non fortes, sed feroces et temerarii homines describuntur, quorum oculi rigidi sunt, exsiccati, lacrimis carentes. — *turgidum et*] Particula *et* generali notioni specialem addit; cuius usus alia exempla haec sunt: I, 4, 1. I, 8, 16. I, 17, 6. 11. I, 21, 14. I, 34, 13. II, 2, 21. II, 6, 21. II, 14, 26. III, 5, 34 sq. IV, 5, 30 sq. IV, 6, 15. IV, 7, 3. — *Acroceraunia*] propter altitudinem et fulminum ictus. — *dissociabili*] hoc voc. genere suo et forma activam significationem, qua h. l. opus est, non spernit; in quam rem conferas *illacrimabilis* Carm. II, 14, 6; *penetrabilis* Ovid. Met. V, 67. Virg. Aen. X, 481. — *impiae transiliunt*] In utroque verbo inest gravissima temeritatis humanae notatio; nam transilire quoque levitatis est et superbiae. — *audax perpeti*] vide ad I, 1, 18. — *vetitum nefas*] adiectivum non sine magna vi additum; egregie enim sic indicatur, non nescientes peccare homines, sed *ruere* eos per scelera, quae scelera esse sciant.

V. 27. *læpeti genus*] filius, Prometheus. Communis sententia, quae in his tribus exemplis humanae audaciae inest (Prometheus, Daedalus, Hercules) aperte proponitur ab Horatio Carm. III, 4, 65 sqq. Fabulae enim de Prometheus, Daedalo, Hercule humani generis certamen continent cum divina mente. — *maciēs et nova febrium cohors*] Ob Promethei furtum irati dii Pandoram miserunt cum febribus et morbis, quibus homines, qui antea diutius vivebant, citius iam aufererantur. — *vacuum aëra*] Poetae latini epitheta sua saepenumero absolute nec relate ad eum locum, in quo leguntur, sed sola subiecti cuiusque naturae ratione habita ponere solebant. Eichstadius Parad. Hor. XII. p. 13. Sic *aequor liquidum*, *aquae liquidae*, *agni linigeri*, *aeriae aerae*, alia multa. — *per-rupit*] Ultima syllaba arsi producitur. Non necessaria igitur erat coniectura *perrupitque*.

Sunt quos curriculo pulverem Olympicum
 Collegisse iuvat metaque fervidis
 5 Evitata rotis palmaque nobilis
 Terrarum dominos evehit ad deos;
 Hunc, si mobilium turba Quiritium
 Certat tergemini tollere honoribus;

Cf. Virgil. Aen. I, 273. Maecenas ortus fuit ex Cilniorum nobili genere propter opes et divitias olim Arretio expulso (Liv. X, 3), neque raro factum videtur, ut ex ea gente Etruscorum reges sive duces eligerentur. Hor. Carm. III, 29, 1. Sat. I, 6, 3. In tanta nobilitate generis maximam omnium admirationem movit, quod, quum plurimum apud Augustum valeret, equestrem ordinem egredi nunquam vellet; consulto igitur Horatius hac eum laude in fronte carminis ornavit. Deinde altero versu addit suam cum Maecenate necessitudinem; *praesidium*, quoniam Horatius Maecenatis tutela ab summis quibusque hominibus eius aetatis receptus est (Carm. II, 17, 4); *decus*, quoniam magno sibi esse honori vidit, quod a tanto viro amaretur. Epist. I, 1, 103. 7, 12. — *sunt quos iuvat*] Indicativus modus apud verba *sunt qui* his locis praeterea: infra v. 19, I, 7, 5. Sat. I, 4, 24. II, 1, 1. II, 4, 47. Neque verum est quod passim docetur apud Horatium ut poetam coniunctivum non esse; de qua re vide Sat. I, 2, 28. I, 4, 74 sq. alios; sed coniunctivus tum legitur, quum non tam esse aliquid ostenditur quam quale quid sit describitur. In locis autem huic similibus *sunt quos* nihil est aliud nisi aliquos, quare infra facile subiungitur *hunc — illum*. — *curriculo*] i. e. curru. Sic apud Ovid Trist IV, 8, 36: „Nec procul a metis, quas paene tenere videbar, Curriculo gravis est facta ruina meo.“ — *pulv.* Ol. colleg.] i. e. ferri curru per stadium Olympicum; nam colligere est excitare, cogere (Sat. I, 4, 31). Perfectum *collegisse ἀόλωτος* positum esse dicunt, qua re apud poetas frequentius est nihil; ut semel de hac re moneam, satis magnam locorum partem ex Horatio apponam: Carm. I, 34, 16. II, 12, 17. III, 2, 30. 4, 52. 11, 15. 20, 11. 23, 17. 19, 29, 16. 43.; in quibus perfectum tempus aut absolutam aliquam rem aut unius rei repetitionem solet indicare.

V. 4. *metaque ferv. evit. rotis*] In eo enim summa conspiciebatur aurigae ars, ut rapidissimo cursu quam proxime accedens ad metam currum tamen non illideret. cf. A. P. 412. Comparetur autem descriptio certaminis aurigarum apud Hom. II. XXIII, 351 sqq. — *palma*] signum victoriae; Carm. IV, 2, 17. III, 20, 12. Ep. II, 1, 181. *Nobilis* ea appellatur, quia apud Graecos qui ludis Olympicis vicissent divino prope honore digni habebantur; ideo dicit *evehit ad deos, terrarum dominos*. — *hunc — illum*] Hi accusativi apti sunt ex verbo *iuvat*; in qua verborum coniunctione non est quod offendas, quum alterum verbum *evehit* ipsum quasi subiectum sit primario *iuvat*. — *mobilium*] cf. Epist. I, 19, 37. — *certat tollere*] Infinitivi cum aliis verbis coniuncti usus apud poetas frequentissimus; ac primum quidem verbis *velle, nolle, coepisse, desinere* similibus fortiora et elegantiora substituunt; sic infra v. 21 *demere spernit*, v. 34 *refugit tendere*; cuius rei exempla sunt *odisse, parcere, differre, timere, fugere, furere, gestire, mittere, amare, quaerere, invidere*. Deinde solent duo verba coniungi, quorum alterum alterius modum et rationem accuratius describit; sic h. l. *certat tollere* pro *certatim tollit*. Huc pertinent verba *gaudere, laborare, trepidare, occupare, properare*. Tum infinitivi cum aliis verbis coniunguntur, quum

- Illum, si proprio condidit horreo
 10 Quidquid de Libycis verritur areis.
 Gaudentem patrios findere sarculo
 Agros Attalicis condicionibus
 Nunquam demoveas, ut trabe Cypria
 Myrtoum pavidus nauta secet mare.
 15 Luctantem Icariis fluctibus Africum
 Mercator metuens otium et oppidi
 Laudat rura sui; mox reficit rates
 Quassas indocilis pauperiem pati.

significatur, quo consilio vel quem ad finem aliquid fiat; ubi pedestris oratio vel particula *ut* utitur vel praepositione *ad* cum gerundio. Sic *egit visere* Carm. I, 2, 7; *sumis celebrare*, I, 12, 2; *tradam portare* I, 26, 2. Qua re hoc assecuti sunt poetae, ut quum oratio propius ad brevitem graecae linguae accessisset, frequens usus particularum, quibus menti non nova quaedam notio suggeritur sed notiones inter se coniunguntur, vehementer coarctetur. — *tergeminis honoribus*] aedilitate curuli, praetura, consulatu.

V. 10. cf. Carm. III, 16, 26. Sat. II, 3, 87. Africa fertilitate nobilis erat. Speciem autem pro genere posuit Horatius ex more poetarum, qui certis rerum imaginibus animum magis legentium quam mentem tangere student; sic infra *trabe Cypria*, *Icariis fluctibus*, *Africum*, *veteris Massici*, *Marsus aper*. Atque ea ipsa est causa, cur v. 11 non generale vocabulum *arare* legatur, sed *findere sarculo*, quibus verbis durissimi etiam in colendis agris laboris accedit significatio. — *patrios*] a patre acceptos ob eamque rem cariores. — *Attalicis condicionibus*] Attali III Philometoris, qui a. u. 621 populum Romanum heredem instituit, magnae opes in proverbium abierant; vel quod Attalus II Philadelphus ingenti pretio artificia emere solebat. Carm. II, 18, 5. — *demoveas*] Alii *dimoveas*. Illud autem ideo praefendum videtur, quod quae sequuntur verba finem habent quo *perducendus* est agricola. Hoc enim inest in particula *de*, ut non abducatur solum sed etiam perducatur ad alium locum alianive rem. — *pavidus nauta*] pavidus est, quia, si perducitur, invitatus perducitur et pericula maris perhorrescit. Nautae qui vere sunt non sunt timidi. — *secet*] Apud poetas via, mare, aer secari dicuntur ab euntibus, navigantibus, natantibus, volantibus. Virgil. Aen. VI, 899. Georg. I, 406. Ovid. Met. XI, 478. Hom. Od. III, 174. — *otium*] In his verbis triplex oppositio est, inter otium et pericula (Carm. II, 16, 1 sqq.), inter navigationem et vitam rusticam, inter peregrinationem et domesticam habitationem. — *Otiosa* igitur fuit coniectura *oppidi tuta sui*. — *indocilis pauperiem pati*] Brevitatem graeci sermonis in coniungendis adiectivis et infinitivis felicissime in suum usum verterunt poetae latini. Nam quum adiectivorum notio saepe ita vaga sit atque incerta, ut quo laudatae facultates referendae sint magnum cogitandi spatium relinquatur, accedant necesse est termini quidam, ad quos pergere illa aut quibus coarctari credantur. Qui quidem termini a poetis infinitivorum ope adduntur; pedestris orationis scriptores aut *ad* aut in particula utuntur. Sic h. l. *indocilis pati* est pro *indocilis ad patiendum*, cf. Carm. I, 3, 25. I, 12, 11. I, 24, 17. I, 10, 7. I, 15, 18. III, 12, 11. I, 37, 26. Sat. I, 3, 24. I, 4, 3. 25.

142

- Est qui nec veteris pocula Massici
 20 Nec partem solido demere de die
 Spernit, nunc viridi membra sub arbuto
 Stratus nunc ad aquae lene caput sacrae.
 Multos castra iuvant et lituo tubae
 Permixtus sonitus bellaque matribus
 25 Detestata. Manet sub Iove frigido
 Venator tenerae coniugis immemor,
 Seu visa est catulis cerva fidelibus,
 Seu rupit teretes Marsus aper plagas.
 Me doctarum hederæ præmia frontium
 30 Dis miscent superis, me gelidum nemus
 Nympharumque leves cum Satyris chori
 Secernunt populo, si neque tibus

V. 19. *nec spernit*] Litotes figura, qua contrarium negando fortius affirmamus. Virgil. Aen. VII, 261. — *partem solid. dem. de die*] i. e. aliquam partem diei negotiis detractam otio dare et animo. — *membra stratus*] Vide Zumpt. gr. lat. §. 458. — *lene caput*] i. e. leniter murmurantem fontem. — *sacrae*] „Quum numina fontes et aquas et mare aliasque res naturales habitare iisque praeesse putarentur, inde plura epitheta, quae indicant sanctam deorum praesentiam, ut *fontisacer* apud Ovid. A. A. III, 688. Virg. Aen. VII, 83, *aqua sacra* ap. Hor. C. I, 1, 22, *ἀλὰ διὰν* apud Homerum multis in locis et alia huius generis — explicanda sunt.“ Iacob. Quaest. epic. p. 13 sq. — *lituo tubae*] Litui acutus est sonus, tubae gravis, lituus equitum est et incurvus, tuba vero peditum est et directa. — *detestata*] passive; sic Epod. 16, 8. *abominatus*. — *manet*] i. e. pernoctat. Sat. II, 2, 234. — *sub Iove*] cf. Carm. III, 10, 7. Epod. 13. 2. *ὕπὸ Διός*. — *catulis*] dativus pro praepos. *a* cum ablat.; is quum soleat coniungi cum perfectis passivis, tamen etiam apud praesentia tempora legitur. Carm. I, 26, 3. Epist. I, 19, 3. — *teretes plagas*] ex contortis funiculis factas. — *Marsus aper*] Marsicus, ut Carm. II, 20, 18. III, 14, 18. Epod. 5, 76. 17, 29 Zumpt. gr. lat. §. 257. Qui usus apud Horatium latissime patet: *Bithynus* Carm. I, 35, 7. Epist. I, 6, 33. *Calaber* Carm. I, 33, 16. III, 16, 33. IV, 8, 20. Epod. 1, 27. Epist. II, 2, 177. *Colchus* Carm. II, 13, 8. *Iberus* Carm. I, 29, 15. Sat. II, 8, 46. *Italus* Carm. II, 7, 4. 13, 18 cet. *Maurus* Carm. I, 22, 2. II, 6, 3. III, 10, 18. *Medus* Carm. I, 27, 5. II, 9, 21.

V. 29. *doctarum frontium*] omnes docti dicuntur, qui litteras bene didicerunt aut amant; saepissime etiam poetae. — *hedera*] Epist. I, 3, 25. Virgil. Bucol. 7, 25. 8, 13. — V. 31. Comparari possunt Carm. II, 19, 1—4 et Epist. I, 19, 4. — *cum Satyris*] pro *et Satyrorum*. Sic saepissime apud Horatium *cum* praepositio usurpatur: Carm. I, 12, 44. 19, 15. 24, 4. III, 1, 36. 3, 24. 17, 16. 18, 12. 19, 20. 29, 3. — *si neque tib.*] In quo loco bene animadvertenda condicionalis particula; haec enim dubitanter et modeste proferri debebant in prologo, quo carmina Maecenati fautori et iudici traditurus est. — *Euterpe*] haec tibia, Poly-

Euterpe cōhibet nec Polyhymnia
Lesboum refugit tendere barbiton.

35 Quodsi me lyricis vatibus inseris, e
Sublimi feriam sidera vertice.

Carmen II.

Iam satis terris nix atque dirae
Grandinis misit pater et rubente

hymna lyra canit; utraque adest lyrico poetae. — *Lesboum barbiton*] Graecis vocabulis ideo videtur usus esse h. l., ut primum se „Aeolium carmen ad Italos deduxisse modos“ (III, 30, 13) ostenderet. vide ad Carm. I, 32, 4. — *quodsi*] haud ita raro a poetis usurpatur haec particula; apud Horatium decies septies me legere memini.

Carmen II.

Describuntur ab initio carminis usque ad v. 24 portentosae tempestates et insoliti in natura rerum tumultus, deploratur ingens civium per bella civilia clades, ostenditur imperium Romanum ruinam minari. Ea autem ingens calamitas unde exorta est? Interfectus Caesar est, quem deorum ira ulciscitur; bella civilia et omnium rerum turbulenti motus divinitus missa sunt ad castigandam civitatis perversitatem. A tantis malis quis est qui miserum genus humanum liberabit? Humanæ vires cum non sufficiant, deus aliquis nostrae calamitatis misertus ex coelo necesse est descendat. Num Apollo veniet augur? an Venus ipsa mater populi Romani, an Mars pater? Immo iam adest Mercurius Caesaris ultor sub Octaviani latens persona. Is igitur diu inter nos utinam commoretur, quoniam solus est a quo imperii dignitas et nominis Romani gloria cum morum probitate et pietate possint restitui. Videmus ita dividi carmen, ut superior pars calamitatem describat (1–24), inferior expiatiorem et quaerat et inveniat (25–52). De tempore quo sit carmen scriptum discordes sunt viri docti; id tamen certum videtur, prodigia alia non significari nisi quae eadem Caesaris consecuta sint; bella civilia siquidem composita tamen non omnino sepulta, rempublicam pacatam quidem sed nondum confirmatam videri, totum denique carmen ad Octavianum, Caesaris patris ultorem, (quo se illum nomine libenter orgasse scimus) celebrandum esse scriptum. Quapropter ante a. u. c. 727 compositum est; eo enim anno expiandi criminis iam non potuit mentio fieri, omnibus scilicet Caesaris intersectoribus extinctis.

a. 27.

V. 1. Cum hac inundationum quibus interfecto Caesare Romani terrebantur descriptione comparari debent Virgiliani versus Georg. I, 466–489. 498 sqq., in quibus mirum et verborum et sententiarum cum his Horatianis consensum deprehendes. — *dirae*] Sic appellantur omnia quae gravia et ingentia mala portendunt. Virg. Georg. I, 488. Hor. Epod. 5, 89. Animadvertendum tamen, hoc adiectivo hic non grandinem solum sed nivem quoque ornari. Quo ordine a prosae orationis consuetudine alieno poeta saepe disposuit verba, ut Carm. I, 5, 6. I, 31, 16. I, 34, 8. II, 19, 24. III, 11, 39. IV, 14, 4. II, 8, 3. III, 2, 16. —

Horatius ed. Dillenburger,

Dextera sacras iaculatus arces
 Terruit urbem,
 5 Terruit gentes, grave ne rediret
 Saeculum Pyrrhae nova monstra questae,
 Omne cum Proteus pecus egit altos
 Visere montes,
 Piscium et summa genus haesit ulmo,
 10 Nota quae sedes fuerat columbis,
 Et superiecto pavidae natarunt
 Aequare damae.
 Vidimus flavum Tiberim retortis
 Littore Etrusco violenter undis
 15 Ire deiectum monumenta Regis
 Templaque Vestae,

pater] Iuppiter. — *iaculatus*] cum accusativo rei quae feritur, ut Carm. III, 12, 11. — *arces*] Capitolium et templa ibi posita. — *terrui ne*] Terrendi verbum cum habeat metuendi notionem (*terrui* ut *metuerent ne*) coniungi potuit cum *ne* particula. — *gentes*] Romano imperio subiectas; Romae enim urbis calamitates ab extremis etiam nationibus sentiuntur; vide Carm. II, 1, 31 sq. — *Proteus*] De hoc deo marino Neptuni greges pascente vide Hom. Od. IV, 386 sqq. Virg. Georg. IV, 395 sqq. — *altos*] Nam aquae etiam cacumina montium superarunt; inde dicit *summa ulmo*. — *egit visere*] vide ad I, 1, 8. — *piscium et*] Apud poetas etiam et particula enclitica est; exempla apud Horatium frequentia sunt, ut infra 18. 39. I, 12, 11. 13, 6. 29, 14. 31, 10. 37, 8. II, 19, 10. 16. III, 4, 70. 24, 48. IV, 10, 4. 15, 2. 5. — *haesit*] eleganter dictum; nam in arboribus, in quibus haerere solebant aves, iam pisces haeserunt, et ubi pisces fuerant iam natarunt damae; omnis naturae ordo inversus est. Aptum igitur oxymoron est *pisces haeserunt, damae natarunt*. Quattuor imaginis partes, phocae, pisces, aves, damae ordine chiasmi dispositae sunt, eo fortasse consilio ut simul omnes hominum ordines impiis bellis domesticis turbati et implicati ostenderentur.

V. 13. *flavum*] perpetuum Tiberis epitheton propter multitudinem arenae quam ducit. Carm. I, 8, 8. II, 3, 18. — *Littore Etrusco*] pro littore maris Etrusci, in quod Tiberis effunditur. Hoc quoque monstrum est. Tiberis aquas in mare non effudit sed violenter retorsit, eo ipso consilio ut aucta aquarum vi sinistram ripam, in qua sita est Roma urbs, redundare urbemque impiam castigare posset. Perperam alii litus Etruscum dexteram fluminis ripam esse voluerunt, *littoris et ripae* permutationem Virgilianis locis (Aen. III, 390. VIII, 83) probare conantes. Monstrosae inundationis et violentiae fluminis altera interpretatione multo grandior evadit imago. — *monumenta Regis*] Regia Numae Pompilii, simpliciter Regia appellata, tam exiguo spatio a templo Vestae seiuncta erat, ut eius templi atrium prope videretur et diceretur. Fuit autem sita ad Tiberim in ima parte fori. Monumenta nominabantur publica

Iliac dum se nimium querenti
Iactat ultorem, vagus et sinistra
Labitur ripa Iove non probante u-
20 xorius amnis.

Audiet cives acuisse ferrum,
Quo graves Persae melius perirent,
Audiet pugnas vitio parentum
Rara iuventus.

25 Quem vocet divum populus ruentis
Imperi rebus? Prece qua fatigent
Virgines sanctae minus audientem
Carmina Vestam?

Cui dabit partes scelus expiandi
30 Iuppiter? Tandem venias precamur
Nube candentes humeros amictus
Augur Apollo;

Sive tu mavis, Erycina ridens,

aedificia. — *Iliac*] Reae Silviae; quae quidem cum ab Amulio in Tiberim (vel Anienem) praecipitata esset, Fluvio nupsisse dicebatur. Cui de nece Caesaris nepotis querenti ut morem gereret Fluvius, totam urbem diruere voluisse dicitur. Quapropter aedem Vestae petit, ut sacrum ignem, salutis urbis pignus, exstinguat. Quam iram Fluvii, coniugi nimis obtemperantis, (*u-xorius*) Iuppiter optimus maximus omni ira et studio maior non potuit non improbare; ipse terrere voluit, non delere.

V. 21. *Audiet*] Hoc quoque contra naturam est, quod intestinis bellis in semet ipsos Romani saeviunt. Fuit qui locum vituperaret ideo, quod, ut domestica bella recte et facile intelligerentur, scribendum fuisset *cites contra cites*. Quod quidem ut indignum est poeta ita supervacaneum gravi *civium* et *Persarum* (Parthorum, hostium) oppositione. — *rara iuventus*] posterorum. — *ruentis*] Imaginem quam hoc verbum habet intelliges ex Carm. I, 35, 13 sq — *imperi*] De hac genitivi forma vide Zumpt. gr. lat. §. 49. Alia exempla haec sunt: Carm. I, 4, 1. I, 6, 12. I, 12, 34. 35. III, 4, 65. Sat. I, 6, 9. 12. — *carmina*] preces. cf. Epist. II, 1, 134—138. — *minus audientem*] Nam ea quoque irata est; cur fuerit, ipsa dicit apud Ovidium Fast. III, 699 sqq.: „Ne dubita meminisse: meus fuit ille sacerdos, Sacrilegae telis me petiere manus. Ipsa virum rapui simulacraque nuda reliqui; Quae cecidit ferro, Caesaris umbra fuit.“ Caesar enim Pontifex Maximus erat. — *candentes humeros*] ad significandam pulchritudinem Apollinis; praeterea Phoebus totus candens. Virg. Aen. VIII, 720. — *nube amictus*] Hom. Il. V, 186. — *augur*] Carm. Saec. 61. Quo nomine intelligitur, cur Apollo primus vocetur. Is enim propter divinandi scientiam et quomodo dii laesi et quomodo placandi essent optime noverat; praeterea Romanis ut olim Troianis favebat. — *sive*] i. e. vel si, ut Carm. I, 15, 25. I, 32, 7. III, 27, 61. — *Erycina*] ab Eryce, Siciliae monte, ubi Aeneas (Virgil.

- Quam locus circum volat et Cupido,
 35 Sive neglectum genus et nepotes
 Respicis auctor,
 Heu nimis longo satiate ludo,
 Quem iuvat clamor galeaeque leves
 Acer et Mauri peditis cruentum
 40 Vultus in hostem;
 Sive mutata iuvenem figura
 Ales in terris imitatis almae
 Filius Maiæ patiens vocari
 Caesaris ultor,
 45 Serus in coelum redeas diuque
 Laetus intersis populo Quirini,
 Neve te nostris vitiis iniquum
 Ocior aura
 Tollat. Hic magnos potius triumphos,

Aen. V, 759 sq.) aedem Veneris extruxerat. Quare ne hoc quidem nomine temere poeta usus videtur. — *videns*] ut in hymn. homer. in Vener. 49 ἡδὺ γελοίσασσα, γιλομειδῆς Ἀφροδίτη. — *circum*] Carm. II, 16, 33. Apud poetas anastrophe praepositionum frequentissima est, ut Carm. III, 3, 11. Virgil. Aen. I, 32. II, 792. — *respicis*] i. e. adspicere iuvandi gratia. Romae colebatur *Fortuna respiciens* ad opem ferendam, ut dicit Cicero de legib. II, 11. — *ludo*] bellico. — *Mauri peditis*] Mauri equo deiectioni. Equites enim qui equos reliquerunt, *pedites* nonnunquam appellantur: Liv. VII, 8. Ovid. Met. XIV, 363. Similem quasi tabulam habemus Sat. II, 1, 15; nam Parthi quoque ut Mauri in equis prope vivunt.

V. 41. *iuvenem*] Caesarem Octavianum, qui natus est M. Tullio Cicerone M. Antonio Coss. a. d. IX. Kal. Octobr. Mercurius, nuntius deorum, latere dicitur sub persona Octaviani, ut hic quoque a diis missus esse videatur. Mercurius quo legati muneribus et facilius et melius perfungeretur, dicendi et persuadendi facultate instructus erat; quae virtutes cum hac ratione ad Octavianum quoque transferantur, hunc non crudelitate sed clementia homines reconciliaturum, deos placaturum esse indicatur. — *Caesaris ultor*] Quam bene haec Octaviani animum expriment, ipsius ostendit oratio in senatu habita (a. u. 726), ap. Dion. Cass. 53, 4: Ἰνα — καταμάθῃτε τοῦθ' ὅτι οὐδ' ἐν ἀρχῇς δυναστείας τινὸς ἐπεθύμησα, ἀλλ' ὄντως τῷ τε πατρὶ δεινῶς σφ'αγέντι τιμωρῆσαι καὶ τὴν πόλιν ἐκ μεγάλων καὶ ἐπαλλήλων κακῶν ἐξελῆσθαι ἡθέλησα. — *filius*] vide Zumpt. gr. lat. §. 50. — *serus*] adiectivum pro adverbio, ut Carm. I, 7, 17. I, 10, 3. I, 12, 57. Epod. 16, 51. Sat. I, 3, 117. I, 7, 27. II, 6, 100. Epist. I, 6, 20. A. P. 269. Saepissime illud fieri solet, cum quo tempore vel quoties quid accidat indicatur. — *triumphos*] Accusativus pendet ex verbo *ames*, non eliciendum ex universa sententia v. agas. Similis est du-

50 Hic ames dici pater atque princeps,
 Neu sinas Medos equitare inultos
 Te duce Caesar.

Carmen III.

Sic te diva potens Cypri,
 Sic fratres Helenae lucida sidera
 Ventorumque regat pater
 Obstrictis aliis praeter Iapyga,
 5 Navis, quae tibi creditum
 Debes Virgilium finibus Atticis

plex coniunctio unius verbi Carm. I, 1, 19. — *pater*] Nomine patris patriae Augustus ornatus est a. u. c. 752 post mortem Horatii; *princeps* appellatus est a. 726. — *Medos*] Parthos, qui frequentes excursions fecerant in fines Romanos; id quod significatur v. *equitare*.

Carmen III.

Horatio cum amicissimum sibi Virgilium in Graeciam mari profectum audisset, omnia quae navigantibus imminerent pericula obversabantur; ideo et felicissimis votis prosequitur navem qua ille vehebatur, et durissima castigatione reprehendit audaciam humani generis, quae quidquid a divina providentia cautum prohibitumque est contemnere et audere solent. Nam „nitimur in vetitum semper cupimusque negata.“ Sunt qui carmen scriptum putent a. u. 735, quo anno Virgilius in Graeciam profectus praematura morte abreptus est; at vero quid est quod superiorem aliquam Virgilii Athenas navigationem significari vetet? Quare incertum est, quo anno hoc carmen scriptum esse videatur.

V. 1. *sic*] Dissen. ad Tibull. T. II. p. 88: „Sensus formulae ubique hic est: sic, hac condicione opto tibi hoc illudve, ut dicas, facias; constructione vero omittitur particula *ut* et subiicitur quod expetitur absolute et sine ea hoc modo: Sic opto tibi illud: fac, dic cet.“ cf. Carm. I, 28, 25. — *potens*] cum genitivo, cf. Zumpt. gr. lat. §. 436. — *Cypri*] Carm. I, 30, 1. III, 26, 9. Invocatur Venus, quia *novitia* est et *εὐπλοία*; unde *Venus marina* est apud Horatium Carm. III, 26. 5. IV, 11, 15. — *fratres Helenae*] Plin. N. H. II, 37: „Castorum stellas, cum simul videntur, salutare credunt, cum solitariae, graves et noxiae.“ Hor. Carm. I, 12, 25 sqq. III, 29, 64. — *lucida sidera*] ut Carm. IV, 8, 31. — *Ventorum pater*] Aeolus. Virg. Aen. I, 52. — *Iapyga*] Reliqui venti adversi, Iapxy (Favonius) secundus ex Italia in Graeciam navigantibus. — *quae tibi creditum debes*] Consulto et artificiose posita sunt *finibus Atticis*, ut utrumque verbum *debes* et *reddas* contingant. Oratio inde efficitur concinnior, quam si molestum pronomen *his* interponeretur. Vult enim hoc: quae debes Virgilium finibus Atticis, reddas eum his. Quod genus appellant grammatici *σχῆμα ἀπὸ κοινού*, quo cum antiqui scriptores magis legentibus quam audientibus scriberent neque crebris commatis abuterentur, ita quoque uti potuerunt, ut unum vocabulum

Reddas incolumem precor
 Et serves animae dimidium meae.
 Illi robur et aes triplex
 10 Circa pectus erat, qui fragilem truci
 Commisit pelago ratem
 Primus nec timuit praecipitem Africum
 Decertantem Aquilonibus
 Nec tristes Hyadas nec rabiem Noti,
 15 Quo non arbiter Hadriae
 Maior, tollere seu ponere vult freta.
 Quem Mortis timuit gradum,
 Qui siccis oculis monstra natantia,

cum duobus aliis ex diversis sententiae partibus sumptis coniungerent. Quare cum ipse Horatius versum sextum commate in duas partes non divideret, factum est, ut haerentes interpretes alii post *Virgilium* alii post *Atticis* interpunctione distinguerent. *Creditum, debes, reddas* vocabula sunt de pecunia in fenus data

V. 8. *animae dimidium meae*] cf. Carm. II, 17, 5. Nam *ψιλτα ἐστὶ μὴα ψυχῇ ἐν δυοῖν σῶμασι*. — *robur et aes triplex*] Clypeus robustus et lorica ex triplici aeris lamina confecta a pectore et animo humanos sensus prohibent. — *truci*] horribili adspectu. cf. Epod. 2, 5. Ceteram haec vocabula *fragilem truci pelago ratem* ex Chiasmi ordine collocata sunt, quo fragilitate naviculae contra immanitatem maris posita humana audacia magis illustretur. — *decert. Aquil.*] Dativus pro *cum* praepos. et ablativo casu ad exemplum graeci verbi *μάχεσθαι*; sic Carm. I, 1, 15. II, 6, 15. Sat. I, 2, 73. — *tristes Hyadas*] Tristia sidera sunt, quia coelum contristant (Virg. Aen. X, 275); per prolepsin igitur sic appellantur; quo usu antiqui poetae gravissimum nacti sunt subsidium ad gravem gignendam breviter. Contrarium habes exemplum Carm. I, 7, 15, ubi *Notus albus* appellatur ab effectu; deinde Carm. III, 27, 19. III, 7, 1.

V. 15. *Notus*] etiam Auster, Carm. III, 3, 5. Certant venti de imperio maris; qui semper in aliquo mari flare solent, victores de pugna decessisse videntur. Sic *Notus* in Adriatico, quod suo arbitrio (*arbiter*) tollit et ponit, aliis qui ibi saevire conati sunt quasi devictis. De grammatica ratione hoc dicendum est, cum *seu* (*sive*) ponatur pro *vel* si (vide ad I, 2, 33), facile particulam *si* reduci posse ad superius verbum *tollere*, ut hunc habeamus ordinem *si tollere vel si ponere vult*; conditionalem autem particulam in oratione etiam, non in versibus solum omitti notum est. — *Mortis gradum*] Mortem h. l. *δαίμονος* personam induisse ipsum vocabulum *gradus* ostendit; neque ea res insolita est, nam idem factum est infra v. 33. I, 4, 13. Hom. II. XVII, 202. Male igitur alii *gradum ad mortem, viam ad Orcum* i. e. mortis genus. Quanto magis illa ratio decet poetam, qua Mors hostili gradu homines adoriri, homines autem fortes audacter resistere dicuntur. — *siccis oculis*] Bentleyus cum nihil tam magnum aut mirabile putaret, cum siccis oculis vir fortis ea videret, quae vel timidissimi non aliter possent adspicere, quoniam in magno pavore praesentique consternatione nullus lacrimis

- Qui vidit mare turgidum et
 20 Infames scopulos Acroceraunia?
 Nequidquam deus abscidit
 Prudens oceano dissociabili
 Terras, si tamen impiae
 Non tangenda rates transiliunt vada.
 25 Audax omnia perpeti
 Gens humana ruit per vetitum nefas;
 Audax lapeti genus
 Ignem fraude mala gentibus intulit.
 Post ignem aetheria domo
 30 Subductum maciēs et nova febrium
 Terris incubuit cohors
 Semotique prius tarda necessitas
 Leti corripuit gradum.
 Expertus vacuum Daedalus aëra
 35 Pennis non homini datis;

locus esset, coniecit legendum esse *rectis oculis*. At non fortes, sed feroces et temerarii homines describuntur, quorum oculi rigidi sunt, exsiccati, lacrimis carentes. — *turgidum et*] Particula et generali notioni specialem addit; cuius usus alia exempla haec sunt: I, 4, 1. I, 8, 16. I, 17, 6. 11. I, 21, 14. I, 34, 13. II, 2, 21. II, 6, 21. II, 14, 26. III, 5, 34 sq. IV, 5, 30 sq. IV, 6, 15. IV, 7, 3. — *Acroceraunia*] propter altitudinem et fulminum ictus. — *dissociabili*] hoc voc. genere suo et forma activam significationem, qua h. l. opus est, non spernit; in quam rem conferas *illacrimabilis* Carm. II, 14, 6; *penetrabilis* Ovid. Met. V, 67. Virg. Aen. X, 481. — *impiae transiliunt*] In utroque verbo inest gravissima temeritatis humanae notatio; nam transilire quoque levitatis est et superbiae. — *audax perpeti*] vide ad I, 1, 18. — *vetitum nefas*] adiectivum non sine magna vi additum; egregie enim sic indicatur, non nescientes peccare homines, sed *ruere* eos per scelera, quae scelera esse sciant.

V. 27. *lapeti genus*] filius, Prometheus. Communis sententia, quae in his tribus exemplis humanae audaciae inest (Prometheus, Daedalus, Hercules) aperte proponitur ab Horatio Carm. III, 4, 65 sqq. Fabulae enim de Prometheo, Daedalo, Hercule humani generis certamen continent cum divina mente. — *maciēs et nova febrium cohors*] Ob Promethei furtum irati dii Pandoram miserunt cum febribus et morbis, quibus homines, qui antea diutius vivebant, citius iam auferebantur. — *vacuum aëra*] „Poetae latini epitheta sua saepenumero absolute nec relate ad eum locum, in quo leguntur, sed sola subiecti eiusque naturae ratione habita ponere solebant.“ Eichstadius Parad. Hor. XII. p. 13. Sic *aequor liquidum*, *aquae liquidae*, *agni linigeri*, *aeriae aurae*, alia multa. — *per-rupit*] Ultima syllaba arsi producitur. Non necessaria igitur erat coniectura *perrupitque*.

Perrupit Acheronta Hercules labor.

Nil mortalibus ardui est:

Coelum ipsum petimus stultitia neque

Per nostrum patimur scelus

40 Iracunda Iovem ponere fulmina.

Carmen IV.

Solvitur acris hiems grata vice veris et Favoni,
Trahuntque siccas machinae carinas;

V. 36. *ardu]* Zumpt. gr. lat. §. 435. cf. Sat. I, 2, 84. *Est* in fine versus positum emphasis habet. — *stultitia]* temeritas, cuius pars est audacia. Coelum ipsum occupare studuerunt gigantes, terrae filii, de quibus vide Ovid Met. I, 151 sqq. — *neque]* Haec particula in fine versus etiam lyricorum collocata docet, quam arcte veteres versus coniunxerint, quam non oculis sed auribus scripserint. Reliqua exempla apud Horatium sunt: Carm. I, 18, 3. III, 1, 25. 38. III, 29, 46. IV, 8, 20. — *ponere fulmina]* Fulmina tela Iovis sunt. Ipsa autem fulmina *iracunda* appellantur ex enallage quadam adiectivi, quae ita debet esse comparata, ut ad utrumque nomen aequo iure adiectivum possit referri. cf. Carm. III, 21, 19.

Carmen IV.

Hiemis molestiis perlatis et homines et tota rerum natura ex longo quasi somno ingrataque inertia ad vitam et laetitiā redeunte vere revocantur. Cuius quidem amoenitatibus captus Horatius natura eiusque donis fruendum esse praecipit, cum praesertim homines non eadem vicissitudine utantur, sed angustiis aetatis circumscripti uno tantum vitae quasi vere gaudeant et certo senectutis adventu ad communem mortem spe citius abripiantur. In quo argumento tractando certum hunc ordinem secutus est Horatius: viginti versus carminis dividuntur in quinque strophas quattuor versus; quarum quidem prima et altera verno tempore redeuntem et ubique conspicuam vitam et vigorem describunt, tertia vero gaudendum ac fruendum iis quae denno exoriantur praecipit, quarta et quinta cum reviviscente natura rerum comparant humanam condicionem in eaque re ostendunt rationes inesse datorum ante praeceptorum. — Favonii ortum latini rustici assignabant circa Id. Febr. (Varr. R. R. I, 28. Colum. II, 2, 15), quod eo primum tempore tellus moveri et plantarum non paucae virere incipiebant; deinde Fauno (v. 11) sacrae erant Idus Febr., tum maria clausa erant ex a. d. III. Id. Nov. usque ad a. d. VI. Id. Mart.; quas res cum coniunxeris cum iis quae leguntur vv. 3. 6. 10, carmen intelliges scriptum esse exeunte mense Martio vel ineunte Aprili. Iam si annum quaeras, nihil vides ex ipso carmine effici; nam quid inde lucramur, quod L. Sestium a. 731 ab Augusto consulem sibi suffectum esse scimus?

V. 1. *Solvitur hiems]* quia frigore omnia contracta iacuerunt, incipiente autem vere et Zephyris „putris se gleba resolvit.“ Virg. Georg. I, 44: *acris* autem hiems est, quia constringit, contrahit. Sic *acre acetum* Sat. II, 3, 116, *acria rapula* Sat. II, 8, 7. — *trahuntque]* Notandus

Ac neque iam stabulis gaudet pecus aut arator igni,
Nec prata canis albicant pruinis.

6 iam Cytherea choros ducit Venus imminente Luna,

Iunctaeque Nymphis Gratiae decentes.

Alternò terram quatiant pede, dum graves Cyclopum

Vulcanus ardens urit officinas.

Nunc decet aut viridi nitidum caput impedire myrto

10 Aut flore, terrae quem ferunt solutae;

Nunc et in umbrosis Fauno decet immolare lucis,

Seu poscat agna sive malit haedo.

Pallida Mors aequo pulsat pede pauperum tabernas

Regumque turres. O beate Sesti,

iambus in prima sede. Per hiemem naves in littus *subductae* trabibus imponebantur, vere redeunte *deducebantur*; ea autem subductio et deductio machinis, quae *phalangae* dicebantur, fiebat. Caes. B. C. II, 10, Proprium igitur verbum *deducere* commutatum ab Horatio cum verbò trahendi ad graecum *ἔλκειν* accommodato. — *neque — aut — nec*] Non tres sunt partes, sed duae; tertius enim versus animatam, quartus inanizatam habet naturam. — *canis pruinis*] Solent poetae *canere* verbum et *canis* adi. de iis rebus usurpare, quae gelu concreta albescent. Sat. II, 5, 41. Virg. Georg. II, 376. III, 325. 442. — *Cytherea Venus*] ab insula Cythera dicta, quo Veneris cultus pervenit ab insula Cypro. Venus autem vere incipiente ad terram descendere eamque vi sua procreatrice implere solebat; sic apud Lucret. V, 735 sq: „It ver et Venus et Veneris praenuntius ante Pinnatus graditur Zephyrus.“ — *imminente Luna*] desuper lucente. — *Gratiae decentes*] comites Veneris, ut Carm. I, 30, 6. IV, 7, 5. — *terram quatiant*] ut Carm. IV, 1, 27. — *alternò pede*] ad rhythmum pede feriente. — *Vulcanus ardens*] iam verno tempore a Vulcano parantur fulmina, quae a Iove aestate mittantur. Ver enim breve est pelliturque instante ardore. Vulcanus dum candens ferrum procudit, ipse igne circumfusus ardere videtur. Sic supra I, 2, 2 rubens dextera Iovis. — *urit*] i. e. tantis flammis incendit, ut eas comburere videatur. Similis locus est Sat. I, 2, 114; ut haudquaquam necessaria sit Bentleii coniectura *visit*. Officinae Cyclopum montes sunt ignivomi.

V. 9. *nitidum*] unguentis; vide ad Carm. II, 3, 13. — *myrto*] Ea Veneri sacra habebatur (Virg. Bucol. 7, 62), eiusque usus frequens fuit in comotationibus, quia semper viret. Carm. I, 38, 5. II, 7, 25. — *flore*] aut floribus, si qui iam inveniuntur. — *agna*] Duplex verbi *immolandi* est coniunctio, et *immolare alicui aliqua re*, ut hic et apud Cic. de Legib. II, 12: „quibus hostiis immolandum cuique deo“, et *immolare alicui aliquam rem*, ut Sat. II, 3, 164. — *pallida*] exsanguis; ipsa enim Mors naturam eorum induit quos ahripuit. — *aequo pede*] De sententia cf. Carm. II, 3, 25. 14, 11. 18, 32; tabernas et turres *pede pulsare* est intrare. Ovid. Met. VI, 486. — *regum*] Reges saepe dicuntur divites, ut Sat. I, 2, 86. II, 2, 45. Carm. II, 14, 11. II, 18, 34. Epist. I, 10, 33. A. P. 434. — *beate Sesti*] Sestium alloquitur poeta nunc demum idoneum locum nactus; nam ille quoque dives erat; divitiis cum recte usum esse, epitheton videtur significare.

- 15 Vitae summa brevis spem nos vetat inchoare longam.
 Iam te premet nox fabulaeque Manes
 Et domus exilis Plutonia; quo simul mearis,
 Nec regna vini sortiere talis
 Nec tenerum Lycidan mirabere, quo calet iuventus
 20 Nunc omnis et mox virgines tepebunt.

Carmen V.

Quis multa gracilis te puer in rosa
 Perfusus liquidis urget odoribus
 Grato, Pyrrha, sub antro?
 Cui flavam religas comam

V. 15. *summa brevis*] cf. I, 11, 6. IV, 7, 17. — *iam*] mox; sic *iam* cum futuro Carm. II, 5, 10. 13. II, 15, 1. II, 20, 13. IV, 6, 41 de re suo tempore certe futura ideoque confidenter expectata vel expectanda. — *premet nox*] Ex verbo *premendi*, quod genere suo ad noctem quidem accomodatum est, latius aliquod facile invenitur, quod *Manibus* convenit, veluti *habebunt*. — *fabulaeque Manes*] *Fabulae* voc. non genitivus singularis est sed nominativus pluralis. Significat autem illud vocabulum inanitatem inferorum; apud quos qui sunt, iam nihil sunt nisi fabula, corpore scilicet carentes. cf. Carm IV, 7, 16. — *domus exilis*] est egena et inops, sine suppellectile, ut Epist. I, 6, 45. Nihil, inquit, ibi reperies quo gaudeas: neque convivii neque amoribus indulgendi facultas erit aut locus commodus. — *simul*] i. e. simul ac, ut saepe numero: Carm. I, 9, 9. I, 12, 27. II, 8, 5. II, 16, 2. III, 4, 37. III, 12, 7. III, 27, 33. IV, 7, 10. — *regna vini*] In convivii Romani *συμνοσταγχοῦ*, regem vel principem convivii, magistrum bibendi talorum sorte eligebant. cf. Carm. II, 7, 25. — *calet*] de amore cum ablativo, quoniam idem est quod incendi. Sic Carm. II, 4, 7. III, 9, 6. IV, 11, 33. — *tepebunt*] de incipiente amore.

Carmen V.

Perfidus Pyrrhae amor comparatur cum fraudulento mari, quod cum tranquillum videatur eos qui in littore versantur ad se quasi vocat trahitque, mox cum miseri se suaque eius fidei commiserunt, motis fluctibus omnes avidè absorbet. Se ipsum fatetur Horatius eo naufragio prope extinctum esse, neque tamen ut sibi olim ita aliis quoque navigando salutem ut quaerant contingere. Pyrrha quae fuerit quaerere non magis vanum est quam si quis annum quo potissimum carmen videatur scriptum esse velit investigare. *Πύρρα* enim graece *flava* est.

V. 1. *multa in rosa*] Singularis numerus non poetis solis sed omnibus latinis in eiusmodi coniunctione usitatus: sic Cic. Tusc. III, 18, 43. V, 26, 73. de fin. II, 20, 65: „potantem in rosa Thorium“. Recte tamen h. l. non coronas rosaceas sed lectum rosis stratum intelligunt, ut Sen. Epist. 36, 9 *in rosa iacere*. — *urget*] De hoc vocabulo vide quae sunt notata ad Carm. II, 9, 9. — *flavam comam*] nam *πυρρὴ* est. — *sim-*

- 5 *Simplex munditiis?* Heu quoties *fidem*
 Mutatosque deos flebit et aspera
 Nigris aequora ventis
 Emirabitur insolens,
 Qui nunc te fruitur credulus aurea,
 10 Qui semper *vacuam*, semper amabilem
 Sperat nescius *aurae*
 Fallacis. Miseri, quibus
 Intentata nites! Me tabula sacer
 Votiva paries indicat uvida
 15 *Suspendisse* potenti
 Vestimenta maris deo.

Carmen VI.

Scriberis Vario fortis et hostium
 Victor Maeonii carminis alite,

plex munditiis] sed animo dolosa. — *fidem mutatosque deos*] pro: mutatam fidem mutatosque deos. cf. ad Carm. I, 2. 1. — *aspera*] quia excitata. — *nigris ventis*] nimbis coelum obducentibus. Epod. 10, 5. Virg. Georg. III, 278. Vide supra ad I, 3, 14.

V. 8. *emirabitur*] Sic in omnibus codicibus, sed vocabulum apud bonos scriptores alias non legitur, quare olim suspicatus sum *eluctabitur*. Si vera codicum scriptura est, nescis quam sententiam in eo verbo inesse dicas; ex iis quae tentarunt viri docti optimum hoc videtur: *mirari ad mortem*, quo summum significetur stuporis genus. Iam praeterea ἄναξ λεγόμενα apud Horatium haec sunt: *irruptus* Carm. I, 13, 18; *aesculetum* Carm. I, 22, 14; *allaborare* I, 38, 5; *tentator* III, 4, 71; *exsultum* III, 11, 10; *inaudax* III, 20, 3; *immetata* III, 24, 12; *Faustitas* IV, 5, 18; *belluosus* IV, 14, 47; *applorans* Epod. 11, 12; *incemori* Epod. 5, 34; *prodocere* Epist. I, 1, 55; *emetere* Epist. I, 6, 21; *laeve* Epist. I, 7, 52; *insolabiliter* Epist. I, 14, 8; *depugis* Sat. I, 2, 93; *repallidus* ib. 129. — *insolens*] non assuetus tantae perfidiae ac tempestati. — *aurea*] iterum quia *νυφῆύ* est, tum latius de tota formositate. — *vacuam*] ab aliis non occupatam, sibi uni deditam. — *aurae*] et de vento et de favore; utraque res mutabilis. De genitivo Zumpt. gr. lat. §. 436; cf. Carm. III, 2, 17. — *tabula*] Solebant qui ex naufragio divina ope erepti erant in templis deorum marinorum tabulam votivam et vestimenta, quibus cum naufragium paterentur erant induti, suspendere. cf. Sat. II, 1, 33. A. P. 20. Virg. Aen. XII, 766.

Carmen VI.

Generalis sententia, ex qua tota haec M. Vipsanii Agrippae laudatio producitur, haec est: *non omnia possumus omnes vel sciendum, quid humeri ferant quid ferre recusent*. Est enim Carmen ita institutum.

Quam rem cumque ferox navibus aut equis
Miles te duce gesserit.

6 Nos, Agrippa, neque haec dicere nec gravem
Pelidae stomachum cedere nescii
Nec cursus duplicis per mare Ulixei
Nec saevam Pelopis domum

Conamur tenues grandia, dum pudor
10 Imbellisque Iyrae Musa potens vetat

tum, ut cum magnis rebus gestis digne laudandis inferiorem se diceret poeta, tecte et artificiose praeclara Agrippae facinora cum antiquis apud Homerum viris fortibus comparata summa qua in lyrico carmine posset fieri laude cumlaret. Eiusdem artis et simulationis alia exempla sunt Carm. II, 12. IV, 15. In qua re hunc ordinem nobis observare videmur: media stropha principalem sententiam habet utrinque cincta duabus strophis, quarum quidem ut quarta alteri respondet, sic quinta contra primam posita quid inter epicum poetam discriminis intersit et Horatianam lyram iocose prope ostendit. — Non potest dici ad quem annum carmen referendum credamus, quamquam illud veri simile est, haud ita multo post victoriam Actiacam optime laudes Agrippae victoris scribi potuisse.

V. 1. *Vario*] L. Varius, poeta epicus et tragicus, natus circa a. u. c. 672, amicus fuit Virgilii et Horatii; carmina composuit de morte Caesaris et de laudibus Octaviani, deinde tragoediam scripsit Thyesten; Augusto iubente Virgilii mortui (a. 735) Aeneidem cum Plotio Tucca emendavit; mortuus ipse videtur ante a. 744. Praeter paucos versus nihil ex eius carminibus nobis relictum est. — *Maeonii carminis*] Homericis, a patria Homeri Smyrna, Maeoniae s. Lydiae urbe. — *alite*] cyeno, i. e. poeta, cf. Carm. IV, 2, 25. Ablativus in omnibus codicibus legitur. Cuius constructionis exempla non apud Horatium solum sed omnino rarissima sunt. vide tamen Epist. I, 1, 94: „curatus inaequali tonsore“ et Sat. II, 1, 84 „laudatus Caesare“. Quare non opus est coniectura *aliti*, ut dativum habeamus pro ablat. cum praepositione *ab*. — *quam rem cunque*] Adiectiva et particulae relativae *quicunque*, *ut cunque* cet. apud Horatium modo tmesi in suas partes dividuntur, ut h. l. et I, 7, 25. I, 9, 14. I, 16, 2. I, 27, 14, modo non dividuntur: ut Carm. I, 17, 10. I, 21, 6. I, 28, 25, aliis. Ceterum in his *scriberis quaecunque rem miles gesserit* attractionis quoddam liberius genus est, quod sic intelligas: *scriberis et scribetur*. — *gravem Pelidae stomachum*] Exprimunt haec verba argumentum Iliadis Homericae: *μήνιν Πηληϊάδεω Ἀχιλῆος*; eodem modo *cursus duplicis Ulixei* Odysseam significant. *Gravis stomachus* est, ut apud Homerum *ὀδλομένη ἡ μύτος Ἀχαιοῖς ἄλγε' ἔθηνεν*. — *duplicis Ulixei*] *διπλοῦς*, subdolos, versutus, *πολύτροπος*. De forma genitivi vide Zumpt. gr. lat. §. 52. 4. — *saevam Pelopis domum*] Spectant haec ad Varii Thyesten, cuius argumentum sumptum fuit ex finestissima illa Pelopidarum familia, quae tragicis poetis largam scribendi materiam praebuit. Perpetua enim caede tota domus extincta est: Pelops socerum interfecit Oenomaum, Atreus liberos Thyestae fratris, Aegisthus et Clytaemnestra Agamemnonem, Orestes denique Aegisthum et matrem Clytaemnestram. — *tenues*] cf. Carm. IV, 2, 27—32. IV, 15, 1—4.

- Laudes egregii Caesaris et tuas
 Culpa deterere ingeni.
 Quis Martem tunica tectum adamantina
 Digne scripserit aut pulvere Troico
 15 Nigrum Merionen aut ope Palladis
 Tydiden superis parem?
 Nos convivia, nos proelia virginum
 Sectis in iuvenes unguibus acrium
 Cantamus vacui sive quid urimur,
 20 Non praeter solitum leves.

Carmen VII.

Laudabunt alii claram Rhodon aut Mytilenen
 Aut Epheson bimariseve Corinthi

V. 13. Cum dicit Caesaris aut Agrippae praeclara facinora se non posse recte celebrare, deinde neminem parem esse veris laudibus Martis, Merionis, Diomedis; Caesarem et Agrippam Martis et graecorum heroum aeternam gloriam attingere et aequiparare aperte ostendit. Tria autem nomina posuit suo more; in quibus quod Merionen reperimus, id cum non offendet qui ex carmine I, 15 Horatium non summos solos heroas sed etiam qui summis proximam virtutem probaverint laudare viderit. — *tunic. tect. adamant.*] est *χάλκεος ἄρης* Hom. II. V, 704. 866. Compara Homerica epitheta *χαλκοχίτων, χαλκοειδής*. — *pulvere Troico nigrum*] In his vocabulis magna laus est Merionis. cf. Carm. II, 1, 22. Hom. II. V, 59. 65. VIII, 264. XIII, 528. — *Tydiden*] vide Hom. II. V, 846—887. 330—352. — *sectis in iuvenes unguibus*] Animadvertendum est oxymoron *sectis acrium*, quae verba haud temere alterum in initio alterum in fine versus posita sunt. Deinde festive haec non cruenta proelia contra veras caedes et pugnas ponuntur; haec qui canat eum non posse illa canere affirmat. Ordo verborum hic est *sectis unguibus acrium in iuvenes*; quattuor enim vocabula, quorum bina coniungenda sunt, ita solet Horatius disponere, ut alterum par primum et tertium, alterum secundum et quartum locum versus obtineat. Versus ipse caesura in duas partes dividitur; alterum verborum par in fronte, alterum in fine partium versus collocatum. Qua re nihil frequentius est etiam in pentametris elegiacis. Alia exempla supra habes v. 7. 13. — *vacui*] liberi ab amore. Hoc adiectivum ut participium positum est: sive *vacui sumus*; sic Carm. I, 32, 6. Sat. II, 5, 11. — *quid urimur*] Accusativus adverbialis ne a pedestri quidem oratione abhorret. Zumpt. gr. lat. §. 385. — *non praeter sol. leves*] Quae quidem levitas proxime pertinet ad amorem, transfertur autem ab amore ad rationem poeticam.

Carmen VII.

Dividitur hoc carmen in tres partes, quarum prima est usque ad v. 10, altera ad v. 21, tertia usque ad v. 32. Prima parte, quae est

**Moenia vel Baccho Thebas vel Apolline Delphos
Insignes aut Thessala Tempe.**

**5 Sunt quibus unum opus est intactae Palladis urbem
Carmine perpetuo celebrare et**

Undique decerptam fronti praeponere olivam.

Plurimus in Iunonis honorem

Aptum dicet equis Argos ditiesque Mycenae.

exordium, ostenditur alios alias magnis laudibus efferre regiones et urbes multis nominibus celebratas et nobiles; quorum iudicii medio carmine opponitur ipsius Horatii solitudinis et rusticae vitae amor, quo ut amicus quoque capiat et a negotiis et strepitu hominum ad otium et quietem leniter perducatur sapienter et amice optatur. Tertia deinde parte Teuceri exemplo exulis docetur, quocumque homines ferantur aut fato agitati aut voluntate ducti, si hilaritatem et continentiam animi servaverint, ibi beatos eos fore et repertos quae ad vere recteque vivendum requirantur. — L. Munatius Plancus, ad quem carmen scriptum est, Caesare, quocum pugnauerat in Gallia et Africa, mortuo variis et inconstans primum Ciceronem, deinde Antonium, tum Octavianum secutus est. Quo tempore h. c. scriptum sit, non possumus pro certo affirmare, nisi quod veri simile videtur, tum demum potuisse scribi cum Munatius Antonium iam reliquisset; id quod factum est a. u. c. 722. De carmine hoc quoque monendum est, fuisse etiam qui in duo carmina disiungendum putarent parum intelligentes, neutra parte totum aliquod carmen effici posse.

V. 1. *claram Rhodon*] mercatura, artibus, eloquentiae studiis. — *Mytilenen*] quam Lesbi insulae urbem Cicer. de leg. agr. II, 16 „et natura et descriptione aedificiorum et pulchritudine imprimis nobilem“ vocat. — *carmine perpetuo*] quale Ovidii Metamorphoses sunt (cf. Met. I, 4), ut omnes fabulae a prima origine urbis inter se coniunctae coronam quasi efficiant, qua caput cingatur poetae i. e. nomen et gloria paretur. Ea enim huius difficilis loci optima videtur esse interpretatio, ut *fronti praeponere* audacter dictum esse pro *caput redimire, cingere* et in his: *undique decerptam olivam* metaphoram inesse credamus ex nomine Palladis haud procul posito intelligendam. *Olea* enim sacra erat Minervae. Tota autem urbs Athenarum et quaecunque ibi gesta sunt inde ab antiquissimis temporibus plena sunt laudis deae patriae, quasi olivetum sunt, in quo quaevis arbor testis est gloriae et honoris Minervae. — *et*] in fine versus collocata particula saepe apud Horatium etiam in lyricis: Carm. I, 3, 19. I, 7, 6. I, 9, 13. I, 35, 11. II, 6, 1. 2. II, 13, 23. II, 16, 37. al. cf. ad Carm. I, 3, 38. Habet autem haec particula h. l. facultatem quam dicimus consecutivam: *et inde*; cuius usus apud Horatium haec addo exempla: I, 16, 24. I, 17, 2. 27. I, 29, 2. I, 30, 2. II, 2, 11. 15. II, 3, 19. 27. II, 6, 18. II, 18, 24. III, 1, 1. III, 3, 35. 71. III, 6, 42. III, 11, 11. 51. III, 15, 6. IV, 7, 21. IV, 13, 10. — *Plurimus*] hic quoque singularis cum audacia quadam collocatus est; cum enim Romani dicerent *multus hostis, multus pedes, multa canis* (Hor. Epod. 2, 31), hoc quoque ausus est, ut adiectivum etiam substantivi auxilio destitutum eadem ratione inferret. Deinde ne hoc quidem in *honorem alicuius dicere* vulgare est, tamen non sine exemplo, veluti Quintil. XI, 2, 12 in *honorem victoriae*. — *aptum equis*] *ἁπλοῦς*, *ἁπλοῦτος*, Homericum epitheton; sic *dites Mycenae*

- 10 Me nec tam patiens Lacedaemon
 Nec tam Larissae percussit campus opimae,
 Quam domus Albuneae resonantis
 Et praeceps Anio ac Tiburni lucus et uda
 Mobilibus pomaria rivis.
- 15 Albus ut obscuro deterget nubila coelo
 Saepe Notus neque parturit imbres
 Perpetuo, sic tu sapiens finire memento
 Tristitiam vitaeque labores
 Molli, Plance, mero, seu te fulgentia signis
- 20 Castra tenent seu densa tenebit

ex Hom. II. VII, 180 βασιλῆα πολυχρύσοιο Μυκῆνης. — *patiens Lacedaemon*] propter morum disciplinam et severas Lycurgi leges. Horatius prisca tempora respexit, ut, cum sua aetate et equestris gloria Argivorum et divitiae Mycenarum et patientia Lacedaemoniorum iam diuturna oblivione premerentur, quam inanis tunc esset earum urbium nimia laudatio, ipsis epithetis dilucide ostenderet. — *Larissae*] Thesaliae urbis ager fertilissimus erat. Hom. II. II, 841. — *percussit*] graviter movit.

V. 12. *domus Albuneae*] Praestantiam et amoenitatem agri Tiburtini, in quo et Horatius saepe commorabatur et Munatius villam habuisse videtur (v. 21), non sine magno patriae terrae amore ita describit, ut omni ratione cum Graeciae nobilissimis et pulcherrimis locis certare Italiam posse demonstraret. Alburna est Sibylla, quae Tiburi ut dea colebatur; de cuius antro, per quod Anienis flumen ingenti strepitu perfunditur, Virgilium lege Aen. VII, 82 sqq. — *praeceps Anio*] Prope Tibur Anio de alta rupe delicitur. — *Tiburni*] qui filius s. nepos Amphiarai cum fratribus Catillo et Cora Tibur oppidum condidisse fertur. cf. Carm. I, 18, 2. Virgil. Aen. VII, 671. — *Albus Notus*] vide ad Carm. I, 3, 14; cf. Carm. III, 27, 19. In hoc versu adiectiva *albus obscuro* eo consilio iuxta collocata esse apparet, ut imago quae proponitur ipso verborum certamine clariore luce collustretur. — *deterget*] a *detergeo*, antiquiore verbi forma. — *neque part. imbres*] Apud Horatium ut apud alios poetas saepe fit, ut sententia quo gravius tangat animum audientium vel legentium non tota simul pronuntietur, sed aut in partes secernatur aut varie ipsa proponatur. Hoc alterum amplificationis genus ita variatur, ut coniunctam habeamus modo affirmantem et negantem, modo propriam et tropicam enuntiationem. Cuius quidem affirmantis et negantis enuntiationis exemplum hoc est de quo nunc agitur, quocum conferas hos locos Carm. I, 3, 12. I, 8, 10. II, 9, 10. II, 10, 19. II, 14, 22. II, 16, 3. III, 6, 26. III, 9, 6. IV, 4, 31. Qua re fieri solet, ut sententiae saepe causales et consecutivae non iis quibus in oratione utendum est particulis adiciantur, sed his *et, que, nec, neque* simpliciter addantur.

V. 17. *sapiens*] vide ad I, 2, 45. — *molli mero*] Vinum vetustum molle, recens austerum est. Hoc tamen loco adi. *molli* per quamdam prolepsin positum est, quoniam vini sapienti usu „mordaces diffugiunt sollicitudines“ (Carm. I, 18, 4). — *tenebit*] Praeterquam quod ipsa eiusdem verbi repetitio gravis est (quae quidem gravitas locorum quae verbum

Tiburis umbra tui. Teucer Salamina patremque

Cum fugeret, tamen uda Lyaeo

Tempora populea fertur vinxisse corona

Sic tristes affatus amicos:

25 Quo nos cunque feret melior fortuna parente

Ibimus, o socii comitesque:

Nil desperandum Teucro duce et auspice Teucro;

Certus enim promisit Apollo,

Ambiguam tellure nova Salamina futuram.

30 O fortes peioraque passi

Mecum saepe viri, nunc vino pellite curas:

Cras ingens iterabimus aequor.

Carmen VIII.

Lydia, dic, per omnes

Te deos oro, Sybarin cur properes amando

in versu occupavit gravitate etiam augetur), futurum tempus Munatio quid faciendum sit leniter suadet. — *Teucer*] Telamon Aiaci et Teucro filiis ad Troianum bellum proficiscentibus eam imposuit legem, ut alter alterum tutaretur neve alter sine altero rediret. Ajax cum in certamine de armis Achillis Ulixi esset posthabitus, manum sibi ipse intulit; quare Teucer redux a patre non est acceptus. Quo facto is Salamine insula relicta Cyprum profectus alteram ibi urbem patriae cognominem condidit. — *Lyaeo*] Baccho, vino. Quod nomen cur in hac sententia aptissimum visum sit, facile intelligetur. — *uda*] sunt calida, exultantia. — *populea*] Populus Herculi sacra est. Qui itinera faciebant, sacrificabant *τῷ ἡγεμῶνι Ἡρακλεῖ*. Xen. An. VI, 3, 25.

V. 27. *Teucro duce*] In hoc nomine bis in illustri versus loco posito eadem emphasis est de qua supra ad v. 20 dictum. Ceterum haec ex usu Romano ad Graecum hominem translata sunt. Nam cum apud Livium VI, 12, 6 sic legamus: „Camilli ductu atque auspicio accisae res erant“ et alia eiusmodi, quid est quod poetam ne concretum nomen pro abstracto poneret potuerit prohibere? Neque soli sacerdotes *auspices* sunt; cf. Carm. III, 27, 8, et apud Ovidium Fast. I, 26 de Germanico: „auspice tes“. — *peioraque passi*] cf. Cic. Tusc. V, 37, ubi huius Teucris vocis mentio fit. — *Ambiguam*] ut *falsus*, *simulatus* apud Virgilium Aen. III, 302. 349.

Carmen VIII.

Castigatur iuvenis Romanus, quod Lydiae amore et illecebris tantopere se irretiri passus est, ut neglectis omnibus ingenuo adolescente dignis artibus et exercitationibus iam lateat inter mulierculas ipse effeminatus ac mollis. Quam rem artificiose ita instituit Horatius, ut non ipsum iuvenem tangeret, sed continuis interrogationibus in Lydiam invehetur; totum enim carmen interrogando conficitur.

Perdere; cur apricum

Oderit campum, patiens pulveris atque solis?

5 Cur neque militaris

Inter aequales equitat, Gallica nec lupatis

Temperat ora frenis?

Cur timet flavum Tiberim tangere? Cur olivum

Sanguine viperino

10 Cautius vitat neque iam livida gestat armis

Brachia, saepe disco,

Saepe trans finem iaculo nobilis expedito?

Quid latet, ut marinae

Filium dicunt Thetidis sub lacrimosa Troiae

15 Funera, ne virilis

Cultus in caedem et Lycias proriperet catervas?

Carmen IX.

Vides, ut alta stet nive candidum

Soracte nec iam sustineant onus

V. 4. *campum*] Martium, solis aestui maxime expositum. — *patiens pulc.*] cum antea *patiens* pulveris et solis fuisset. Tum recensentur diversa gymnicorum ludorum genera, quibus iuvenes Romani in campo exercebantur. — *militaris*] more militari. — *lupatis frenis*] frenis asperimis: dicta autem lupata a lupinis dentibus, quos forma imitabantur. — *Gallica ora*] Gallicos equos feroces et celeres, quos multos ex Gallia petivisse Romanos constat. — *nec*] Haec quoque particula ut cognata et postponitur a poetis, veluti praeter h. l. Carm. III, 18, 6. IV, 5, 14 — *olivum*] Luctaturi oleo ungebantur, ne facile teneri possent ab adversariis. De ablat. vid. Zumpt. §. 484. — *livida armis brachia*] Ut crura compedibus, brachia catenis livescunt, sic etiam armorum, disci et iaculi, gravi pondere brachia lividas maculas trahunt. — *nobilis*] h. l. propriam significationem et originem a verbo noscendi servavit. — *Filium Thetidis*] Achillem, qui a matre, ne ad Troianum bellum profectus periret, in Scyrum insulam ad Lycomedem regem missus est, ubi inter filias regis muliebri veste tectus latuit, donec Ulixes dolo captus virum se esse prodidit. Ovid. Met. XIII, 163 sqq. — *Lycias catervas*] Lycii Troianorum socii fuerunt Sarpedone et Glaucō ducibus. Hom. Il. II, 876. De particula *et* vide ad I, 3, 19.

Carmen IX.

Olim cum Horatius cum aliis aetate et animo coniunctis iuvenibus hilariter epularetur, forte factum esse videtur, ut gratiae sodalium nugae et colloquia ad serias res, ad reipublicae tristem condicionem et ad futurarum rerum miseram expectationem aberrarent. Quod cum aegro

Horatius ed. Dillenburger.

Silvae laborantes geluque
Flumina constiterint acuto.

5 Dissolve frigus ligna super foco
Large reponens, atque benignius
Deprome quadrimum Sabina,
O thaliarche, merum diota.

Permitte divis cetera, qui simul
10 Stravere ventos aequore fervido
Deproeliantes, nec cupressi
Nec veteres agitantur orni.

Quid sit futurum cras, fuge quaerere et
Quem Fors dierum cunque dabit lucro

15 Appone, nec dulces amores
Sperne puer neque tu choreas,

ferret Horatius, subito surgit et alloquitur thaliarchum i. e. magistrum coenae, ut quibus tunc maxime opus esset rebus maiorem curam adhiberet. Iam cum frigore omnia contracta rigerent, cumque convivae ita accumberent, ut ex triclinio Soracte montem in finibus Faliscorum nive et glacie tectum conspicerent: „vides, inquit, quanto nunc frigore premamur; huic igitur rei ligno largius ad focum apposito consulas; vides etiam, quam nunc tristibus sententiis etiam animi adstringantur, quibus aequae providendam est a te vini copia liberaliter aucta. Reliqua omnia quaecunque sunt nunc nos mittamus, fruamur quibus possumus frui, amoribus, saltationibus, lusibus. Nam quae reliqua sunt etiamsi omnia ex voluntate non cedant, tamen res nostrae curae sunt diis, qui ut tempestates sereno coelo mitigare solent, sic quibus nos movemur curis eas quoque delebunt.“ — Totius carminis natura suadere videtur, ut carmen haud ita multo post proclium Philippense scriptum esse credamus eodem fere tempore quo *Épod. 13*, quod carmen huic et re et verbis simillimum est.

V. 1. *stet*] Stare res apud poetas dicuntur, quae ita operta et operta sunt ut moveri iam non possint. cf. Virg. *Aen. VI, 300. XII, 408*; quod ad inanimatas quoque res hoc verbum transfertur, id noli mirari, quoniam poetis ubique motus est et vita. — Particula *ut* cum sequitur verbum *videndi*, similia, quae eius ope adiungitur sententia non pro obiecto est quod vocamus, sed describitur qua quid ratione fiat. Horatiana exempla alia sunt *Carm. I, 14, 3. III, 10, 7. III, 4, 17. 42. III, 7, 13.* — *laborantes*] cf. *Carm. II, 9, 7.* Hoc quoque ex studio poetarum inanimatis quoque rebus vitam et sensus tribuendi. — *deprome Sabina diota*] Diota vasculum est duas aures (ὠτὰ) habens, utrinque ansatum, in quo vinum condebatur. Sabina autem ipsa appellatur propter vinum quod in ea conservatur Sabium, non nobile quidem sed non vilissimum. — *simul*] vide ad *Carm. I, 4, 17.* — *stravere*] Ventos sternere poeticum est; in oratione dicimus *compescere, sedare.* — *fuge quaerere*] vide supra ad *Carm. I, 1, 8.* — *Fors*] Alii *sors*, sed *sors* eventus est, non ipsa vis fati. — *puer*] donec puer es; vide ad *Carm.*

Donec virenti cauities abest

Morosa. Nunc et campus et areae

Lenesque sub noctem susurri

20 Composita repetantur hora,

Nunc et latentis proditor intimo

Gratus puellae risus ab angulo

Pignusque dereptum lacertis

Aut digito male pertinaci.

Carmen X.

Mercuri, facunde nepos Atlantis,

Qui feros cultus hominum recentum

I, 6, 19. — *neque tu*] Pronomen *tu* in arsi positum auget adhortationis vim. cf. Epist. I, 2, 63.

V. 18. *nunc*] ea qua nunc nos sumus aetate. — *areae*] loca publica ad templa fere sita, in quibus conveniebat inventus et deambulabat. — *composita hora*] de qua ante conventum est; ut Tibull. I, 2, 22 „blandaeque compositis abdere verba notis“. — *repetantur*] iterum atque iterum quaerantur. — *nunc et latentis*] Describitur lusus amantium, quo puella in angulo aliquo domus latens velle quidem se fallere amatorem simulat, sed dulci risu ipsa curat, ut celeriter reperiatur, deinde amator armillam vel anulum reluctanti quidem sed vinci cupienti aufert. In vv. 21. 22. animadvertendus est admirabilis verborum ordo, quo quae mixta et perturbata videntur versuum tamen locis, in quibus quae coniungenda sunt verba collocata habemus, clarissima luce illustrantur. Nam trinorum parium nominum (*latentis puellae, proditor risus, intimo angulo*) tria superiora (*latentis proditor intimo*) eadem loca obtinuerunt in v. 21, quae tria inferiora (*puellae, risus, angulo*) in v. 22 occuparunt; *latentis puellae* in arsis et caesuris, *proditor risus* in initiis sunt alterarum partium versuum, *intimo angulo* versus claudunt. Et sic quoque habes certum ordinem

1.	2.	3.	4.	5.	6.
lat.	prod.	int.	puell.	ris.	ang.

Cum qua re conferas adnot. ad Carm. III, 11, 26 sq. — *male*] non admodum.

Carmen X.

Hymnus est ad Mercurium, filium Iovis ex Maia Atlantis filia, qui cum ut graecus *Ἐκὼς* deus esset rationis et eloquentiae, plurimum valuit et ad excolendum genus hominum et ad iungendos deos non solum inter se sed etiam cum hominibus. Nam de eloquentia sic Cicero de orat. I, 8: „Quae vis alia potuit aut dispersos homines unum in locum congregare aut a fera agrestique vita ad hunc humanum cultum civilemque deducere?“ Ea autem cultura hominum duplex est,

Voce formasti catus et decorae
More palaestrae,

5 Te canam, magni Iovis et deorum
Nuntium curvaeque lyrae parentem,
Callidum quidquid placuit iocoso
Condere furto.

Te boves olim nisi reddidisses
10 Per dolum amotas puerum minaci
Voce dum terret, viduus pharetra
Risit Apollo.

Quin et Atridas duce te superbos
Ilio dives Priamus relicto
15 Thessalosque ignes et iniqua Troiae
Castra fefellit.

animi et corporis; quare Mercurius non λόγιος solum sed etiam ἀγώγιος est. Deinde cum eloquentia et persuadendi vis cum prudentia et calliditate quadam coniuncta sit necessario, fieri non potuit, quin haec quoque facultates summae in Mercurium transferrentur, unde idem et *pacifer* est, quoniam bellantium et rixantium animi eloquentiae potestate placantur et conciliantur, et *fur*, λεῖστήρ (h. Merc. 14) dicitur, quia in furtis quoque et iocis acumen maxime adiuvat. Ex hac autem Mercurii virtute intelliguntur tres strophae mediae. Tum idem deus lyram quoque invenisse dicitur, quia musica ars multum valet ad formandos hominum animos et propinqua est eloquentia poesi. Denique Mercurius est, qui homines cum ipsa morte coniungat, ut animas ad inferos ducat et ψυχοπώλου vel ψυχαγωγού nomen acceperit. Qua quidem ratione perspicuum est, eloquentiae vi ac potestate omnia coniungi et placari, deos cum hominibus, homines cum inferis; quare in hac laudatione Mercurii clarissimae insunt laudes eloquentiae.

V. 2. *recentum*] recens creatorum, qui fuerunt „mutum et turpe pecus“ Sat. I, 3, 100. — *catus*] vox Sabina, prudens, sollers. Carm. III, 12, 10. Epist. II, 2, 39. — *decorae*] Nam ludis gymnici corpora finguntur ad statum motumque decentiorem, politiorem. — *callidum condere*] vide ad Carm. I, 1, 18. — *bores*] Apollini, qui ob confossos Cyclopes e coelo eiectus armenta Admeti, Phraeorum regis, pasceret, Mercurius clam boves abegisse dicitur et celasse. Quod furtum cum sensisset Apollo et puero nisi raptas reddidisset graves poenas minaretur; iterum clam pharetra cum sagittis spoliatum se vidit. Inermis igitur factus non potuit non ridere. — *viduus*] poetice pro generali vocabulo *privatus*. — *Atridas*] Rem narrat Hom. II. XXIV, 336 sqq. — *superbos*] μεγαθύμους, μεγαλήτορας. — *Ilio relicto*] Apud Horatium eius nominis duplex et forma est et genus: nominativus *Ilios* Carm. IV, 9, 18 feminini est generis, eiusdem accusativus *Ilion*, id quod quamquam non ex Carm. III, 3, 37, tamen ex Epod. 14, 14 elucet; verum ablativus *Ilio* cum neutrius generis sit hoc loco ac praeterea Carm. III, 19, 4. IV, 4, 53. Epod. 10, 13 (unde idem genus in quinto loco Carm.

Tu pias laetis animas reponis
 Sedibus virgaque levem coërces
 Aurea turbam, superis deorum
 20 Gratus et imis.

Carmen XI.

Tu ne quaesieris, scire nefas, quem mihi, quem tibi
 Finem di dederint, Leuconoë, nec Babylonios
 Tentaris numeros. Ut melius, quidquid erit, pati!
 Seu plures hiemes seu tribuit Iuppiter ultimam,
 5 Quae nunc oppositis debilitat pumicibus mare
 Tyrrhenum, sapias, vina liques et spatio brevi

I, 15, 33 esse constituas), a nominativo *Ilium* vel *Ilion* (Carm. III, 3, 18 coll. 23) factum se esse arguit. — *virga aurea*] ἡ ἄβδω χρυσεύη. Hom. Od. XXIV, 1—5. — *levem turbam*] εἰδωλα, non corpora. — *imis*] poetice pro *inferis*.

Carmen XI.

Cicero de divin. I, 1 „Chaldaei, inquit, diuturna observatione siderum scientiam putantur effecisse, ut praedici posset, quid cuique eventurum et quo quisque fato natus esset.“ Et Tacitus Hist. I, 22 „genus, inquit, hominum infidum, sperantibus fallax, quod in civitate nostra et vetabitur semper et retinebitur.“ Horatii aetate cum nondum legibus iis interdictum esset, quicunque meliora sentirent de futuris rebus earumque scientia quam vana illorum omnis esset ars ostendere quam maxime studuerunt. Cic. de divin. I, 19: „Contemnamus etiam *Babylonios* et eos qui e Caucaso coeli signa servantes *numeris* stellarum cursus et notus persequuntur.“ cf. Tuscul. disp. I, 40. In quibus Horatius quoque quanto melius sit iis quae habeamus sapienter frui, quam inanibus doctrinis falli ac diuturnae vitae spem capere hoc parvo sed egregio carmine Leuconoae suadet. De quo nomine si quae divinatio conceditur, facile opineris, consulto ita factum esse ab Horatio, ut quae clara mentis acie (λευχός νοῦς) praedita esset, eam imprimis non debere decipi falsis artibus ipso nomine demonstraret. Quod mulieris nomen formavit, id ob eam causam videtur fecisse, quia mulieres astrologis fuerunt deditissimae. De tempore unum hoc certum est, scripsisse haec Horatium hieme (v. 5).

scire nefas] Cur nefas sit intelliges ex simillimo loco Carm. III, 29, 29 sqq. — *nec*] vide Zumpt. gr. lat. §. 535. §. 529. adnotat., ubi videas etiam de perfectis his coniunctivi. — *quae nunc*] Nihil in hoc versu aliud quaerendum est nisi poetice aucta et amplificata notatio hiemis quae tunc erat. — *oppositis*] in littore, quod ne longius etiam progrediatur mare quasi terminus obiectus est firmissimus — *spatio brevi*] Intelliguntur haec ex simillimo loco Carm. I, 4, 15. — *vina liques*] De qua re Becker in Gallo T. II. p. 170: „Gewöhnlich seihete man den Wein durch den saccus vinarius und das colum, eine Art Sieb oder

Spem longam reseces. Dum loquimur, fugerit invida
Aetas: carpe diem quam minimum credula postero.

Carmen XII.

Quem virum aut heroa lyra vel acri
Tibia sumis celebrare, Clio?

Durchschlag von Metall mit feinen Löchern. . . Der saccus war ein leinener Filtrirsack, das schlechteste Mittel, da das Seihen durch Leinwand den besten Wein zur elenden vappa macht.“ cf. Hor. Sat. II, 4, 54. „Indessen wurde der saccus auch bei guten Weinen gebraucht. Man pflegte nämlich colum und saccus mit Schnee zu füllen und daraufden Wein zu giessen, um ihn zu erfrischen.“ — *carpe diem*] cf. Epist. I, 4, 13. Invida autem est aetas, quia vitae longiorem usum non concedit. In carpando inest notio celeritatis.

Carmen XII.

Hoc carmen, quod est de Augusti magnis belli domique in rempublicam meritis, ita videtur instituisse poeta, ut quam probabile est observasse veteres in canendis inter epulas magnorum virorum laudibus rationem imitaretur. Iam ut de compositione dicam, in tres partes totum carmen dividendum esse apparet. Ac *prima* quidem pars tres strophas complectens introitus est sublimis ad exemplum Pindari, quo per triplicem sedem Musarum (a recentissima Heliconis per Pindum ad antiquissimam poesis patriam Haemum) ad argumentum transducimur. In qua parte hoc quoque vere lyricum et Pindaricum est, quod a propo-
sita re paullo longius digredi videtur longius narrata Orphei fabula; nam ita saepe sponte sua feruntur poetae imprimis lyri. *Alter*a pars inde a v. 13 respondet ad versus 1—3; ipsa tamen in tres partes dilabitur. Nam laudantur a) *dii*, ex iisque Iuppiter et Minerva, h. e. summa potestas cum summa sapientia; quae si coniunctae sunt, nihil deest divinae virtutis. Iam pergitur b) ad *heroes aliosque deos*, qui excellent bellica quidem laude, sed cum fortitudine in pugnando probata pacis etiam ornamenta coniungunt: Bacchus, Diana, Apollo; Hercules, qui habebatur pacificator orbis, Castor Polluxque. Illi autem dei et heroes quid pace etiam valeant, non in omnibus sed in Ledaë filiis solis qui in extremo loco positi sunt significatur; qua re poeta quid vellet satis sibi visus est ostendere. Qua parte tribus strophis absoluta descendit Horatius v. 33 c) ad *homines Romanos*, ex quibus efferruntur laudibus, qui prae aliis insignes erant iis virtutibus, quibus Romanum imperium totum orbem terrarum potuit coniungere: gloria militari, prudentia civili, patriae amore, consilio, constantia, paupertate, simplicitate. Per quorum seriem, postquam Marcellum quoque nominavit, in quo posita erat futurae aetatis spes et gloria, perguit ad gentem Iuliam et *tertiam* partem carminis. Iam ad summum quasi fastigium quo voluit pervenit; adduntur gravissimae preces pro salute Caesaris Augusti, qui qualis Iuppiter in coelo talis est in imperio Romano i. e. toto orbe terrarum, qui externos hostes omnes superabit et internam pacem iustitia, pietate, castitate tuebitur. Sic haec quoque tertia pars tres strophas complet. — Anno 730 a. u. c. carmen compositum esse veri simillimum videtur,

Quem deum? Cuius recinet iocosa
Nomen imago

5 Aut in umbris Heliconis oris
Aut super Pindo gelidove in Haemo?
Unde vocalem temere insecutae
Orphea silvae

Arte materna rapidos morantem
10 Fluminum lapsus celeresque ventos,
Blandum et auritas fidibus canoris
Ducere quercus.

Quid prius dicam solitis parentis
Laudibus, qui res hominum ac deorum,
15 Qui mare ac terras variisque mundum
Temperat horis?

Unde nil maius generatur ipso
Nec viget quidquam simile aut secundum,
Proximos illi tamen occupavit
20 Pallas honores.

quoniam Marcellus a. 731 adolescens mortuus est neque ante a. 729, quo anno Iuliam Augusti filiam in matrimonium duxit, spem potuit excitare fore uti mortuo Augusto imperium acciperet suaque dignitate augeret. Idem deinde annus indicatur vv. 53—56; nam tunc ipsum Aelius Gallus Augusti iussu expeditionem parabat in Arabiam, qua devicta quid non exspectare potuit Romanorum nimia suorum armorum fiducia?

V. 1. cf. Pind. Olymp. II, 1 „Ἀναξιοδόμου γὰρ ἔμνοι, τίνα θεὸν τίνα' ἦρα τίνα δ' ἄνδρα κτελόμεν; — iocosa imago] est Echo; sic Carm. I, 20, 6—8. Romani enim proprio vocabulo carebant. — Orphea] Frequens est fabula de veterum vaturn, Orphei et Amphionis, non in homines solum sed in bruta animalia, etiam in inanimatas res, potestate, quae summa hic describitur et inhibito fluminum et ventorum, quibus nihil est mobilius, motu et ductis secum quercubus, quibus nihil est durius neque quidquam firmiores in terra radices agit. De forma accusativi Orphea vide Zumpt. gr. lat. §. 52. 4. — solitis parentis laudibus] nam „a Iove principium“ (Virgil. Bucol. 3, 60) cum in omnibus rebus tum in carminibus. Ad ea quae insequuntur confer Carm. III, 4, 45 sqq. De ablat. vide ad Carm. I, 8, 9. — mundum] coelum; ut haec tria, terra mare coelum, totam rerum naturam coniungant. — horis] anni temporibus, ut A. P. 302. — unde] vide ad Carm. II, 12, 7. — proximos] Iuppiter ita maximus est, ut nullus deorum cum eo possit comparari, quamquam Minerva proximum quidem sed longo intervallo distantem locum obtinuit Virgil. Aen. V, 320. Martial. XII, 8, 1: „Terrarum dea gentiumque Roma, Cui par est nihil et nihil secundum.“ —

Proeliis audax neque te silebo,
 Liber et saevis inimica virgo
 Belluis nec te, metuende certa
 Phoebe sagitta.

25 Dicam et Alciden puerosque Ledae,
 Hunc equis, illum superare pugnis
 Nobilem; quorum simul alba nautis
 Stella refulsit,

Defluit saxis agitatus humor,
 30 Concidunt venti fugiuntque nubes,
 Et minax, quod sic voluere, ponto
 Unda recumbit.

Romulum post hos prius, an quietum
 Pompili regnum memorem, an superbos
 35 Tarquini fascēs, dubito, an Catonis
 Nobile letum.

Regulum et Scauros animaeque magnae
 Prodigum Paulum superante Poeno
 Gratus insigni referam Camena
 40 Fabriciumque:

Hunc et incompitis Curium capillis

proeliis audax] cf. Carm. II, 19, 21 sqq. — *hunc equis illum*] cf. Hom. II. III, 237. Hor. Sat. II, 1, 26. — *alba stella*] Vide ad Carm. 1, 3, 2. — *ponto recumbit*] Poeta hoc verbum ita cum dativo coniunxit, ut *incumbere* etiam in pedestri oratione. cf. Virg. Georg. I, 401.

V. 33. De Romulo et Numa lege Livium I, 21 fin. *Tarquinius Priscus*, qui pace et bello promptissimus fuit. Adiectivum *superbus* tantopere premendum non est, ut alterum Tarquinium, hac laude indignum, nominari credamus; nam nihil eo aliud significatur nisi splendor et magnificentia regni. — *nobile letum*] Catonis Uticensis, cuius qui putet mentionem fieri non debere in carmine ad Augustum laudandum scripto, falsum is iudicium facit de Horatii ingenio ac moribus. Quid Romani de Catone eiusque morte senserint, vide apud Ciceronem de off. I, 31. — *Scauros*] Cicero pro Font. 7: „Ecquem hominem vidimus, ecquem vere commemorare possumus parem consilio, gravitate, constantia, ceteris virtutibus, honoris ingenii rerum gestarum ornamentis M. Aemilio Scauro fuisse?“ Is fuit consul a. u. c. 638, censor, princeps senatus; cuius filius quoque nobilis fuit in civitate. — *animae prodigum*] vide Zumpt. gr. lat. §. 437. — *insigni Camena*] quia insignem reddit sivo malum hominem sive bonum. — *incompitis capillis*] Prisci Romani barbati erant et intonsi (cf. Carm. II, 15, 11); anno demum u. c. 454 coe-

Utilem bello tulit et Camillum
 Saeva paupertas et avitus apto
 Cum lare fundus.

43 Crescit occulto velut arbor aevo
 Fama Marcelli; micat inter omnes
 Iulium sidus velut inter ignes
 Luna minores.

Gentis humanae pater atque custos,
 50 Orte Saturno, tibi cura magni
 Caesaris fatis data; tu secundo
 Caesare regnes.

Ille seu Parthos Latio imminentes
 Egerit iusto domitos triumpho,
 55 Sive subiectos Orientis orae
 Seras et Indos,

Te minor latum reget aequus orbem;
 Tu gravi curru quaties Olympum,
 Tu parum castis inimica mittes
 60 Fulmina lucis.

perunt tonderi et comi. Laudatur igitur simplicitas cultus cum severitate morum coniuncta. — *saeva paupertas*] dura, quae mollitiem et luxuriam excludit; de qua *saevi* adiect. significatione cf. Epist. I, 18, 13. 54. De re vide Carm. II, 15, 13 sqq.

V. 45. *occulto aevo*] sensim, ut incrementa temporis vix animadvertantur. — *Marcelli*] Non intelligendus Marcellus victor apud Nolum, sed adolescens Marcellus, Augusti totiusque civitatis deliciae. Nam ea de arbore sensim crescente imago quid pertinet ad hominem dudum mortuum? Quae imago quam sit usitata apud antiquos, iam Homerus ostendit Il. XVII, 53. XVIII, 56. 437. — *Iulium sidus*] tota gens Iulia, quamquam non potest negari C. Iulium Caesarem maxime illustrari; quo interfecto stella crinita per septem noctes conspiciebatur. Credebant Caesaris animam in coelum sic evolavisse. Virg. Bucol. 9, 47. Ovid. Met. XV, 845 sqq. — *secundo Caesare regnes*] Ovid. Met. XV, 858. — *Latio*] imperio Romano. — *subiectos Orientis orae*] in ultimis Orientis oris habitantes, ut Virg. Georg. III, 381. — *te minor*] cf. Carm. III, 5, 1 sqq. — *gravi curru*] cum tonat et fulminat.

Carmen XIII.

Cum tu, Lydia, Telephi
 Cervicem roseam, cerea Telephi
 Laudas brachia, vae meum
 Fervens difficili bile tumet iecur.

5 Tum nec mens mihi nec color
 Certa sede manent, humor et in genas
 Furtim labitur arguens
 Quam lentis penitus macerer ignibus.

Uror, seu tibi candidos
 10 Turparunt humeros immodicae mero
 Rixae, sive puer furens
 Impressit memorem, dente labris notam.

Non, si me satis audias,
 Speres perpetuum dulcia barbare
 15 Laedentem oscula, quae Venus
 Quinta parte sui nectaris imbuat.

Felices ter et amplius,
 Quos irrupta tenet copula nec malis

Carmen XIII.

Caput huius carminis hoc est, in amore nihil maius esse fide et constantia. Cui quidem sententiae haec quasi fabula subiecta est. Amat poeta Lydiam, Lydia Telephum; quem cum illa identidem in ore habeat nec desinat propter pulchritudinem laudare, poetae invidia et ira accenditur.

V. 1. *Telephi*] fictum est nomen; cuius quidem egregia iteratio imitatur Lydiae frequentem eius nominis commemorationem — *cerea brachia*] candida ut cera alba. — *iecur*] ex opinione veterum in iecore habitant cupiditates. cf. Sat. I, 9, 66. Carm. IV, 1, 12. — *nec mens nec color*] cum nesciam quid potissimum faciam, fluctuatio mentis colore etiam proditur oris. — *manent*] Pluralis numerus auctoritate codicum probatur; sed vide Zumpt. gr. lat. §. 374. — *humor*] cf. Carm. IV, 1, 34. — *furtim*] ut neque ipse sciam neque possim retinere. — *lentis ignibus*] qui lente absument; de occulta vi amoris paulatim, sed certe conficientis. — *turparunt humeros*] Iracundus enim est Telephus. cf. Carm. I, 17, 25 sqq. — *quinta parte sui nectaris*] Cum mel antiqui nonam vel decimam partem nectaris esse dicerent, quo quam dulce nectar esset describerent, intelligitur facile quid voluerit poeta. — *felices ter et amplius*] Sic graece τρισυάχαρες, τρισόλβιοι et apud alios poetas latinos terque quaterque beatus. — *irrupta*] vide ad Carm. I, 5, 8.

Divulsus querimoniis

20 Suprema citius solvet amor die.

Carmen XIV.

O navis, referent in mare te novi
 Fluctus? O quid agis? Fortiter occupa
 Portum. Nonne vides, ut
 Nudum remigio latus

5 Et malus celeri saucius Africo
 Antennaeque gemant ac sine funibus

Carmen XIV.

De hoc carmine memorabilis locus est Quintiliani inst. orat. VIII, 6, 44: „At ἀλλήγορία, quam inversionem interpretantur, aliud verbis aliud sensu ostendit, etiam interdum contrarium. Prius ut: *O navis referent in mare te novi fluctus* — portum; totusque ille Horatii locus, quo navem pro republica, fluctuum tempestates pro bellis civilibus, portum pro pace atque concordia dicit.“ Quae carminis interpretatio ut verissima est, ita cavendum est ne ad singulas et minimas partes perducatur. Potuit enim Horatius ea reipublicae et navis comparatione, qua vix ulla magis fuit opportuna ac frequens, uti neque tamen comparandi locos omnes colligere aut anxie conservare. Quare hoc unum quaeritur, quemnam reipublicae incertum statum Horatius sic voluisse videatur describere quove carmen anno scriptum arbitremur. Illud certum est, significari toto carmine et allegoria ad finem usque perducta tempus aliquod, quo imperium Romanum superioribus bellis vehementer turbatum et prope disiectum, tunc tamen feliciter pacatum et servatum novis periculis audacter obiectum sit. Quare alii annum 714, quo Perusinum, alii 722, quo Actiacum bellum parabatur, indicari dixerunt. Et apertum quidem est cur respublica nuper taedio fuerit (vv. 17. 18) Horatio; scilicet ipse haud ita multo ante fuerat in exercitu Bruti neque vero quam sperabat salutem civitatis invenerat; deinde Romam reversus intelligere coeperat unam salutis spem poni posse in Octaviano. Tunc igitur desiit desperare, cum spe rediit desiderium, cum desiderio metus ne renovatis bellis quae restituta essent denuo dilaberentur.

V. 1. *referent fluctus*] Fuerunt qui interrogari haec negarent; sed praestat interrogatio, quae habet indignationem ac metum. — *nonne vides ut*] vide ad Carn. I, 9, 1. *Videre* verbum h. l. universam intelligendi, percipiendi notionem accepisse ostendit insequens verbum *gemendi*; cuius rei alterum exemplum hoc est Virgilii Aen. IV, 490. — *gemant*] Coniunctivus et auctoritate codicum et necessitate loci praefendus est alteri modo *gemunt* et *possunt*, quem in aliis libris MSS. inesse audimus. Nam qui in eiusmodi interrogationibus indicativus modus ponitur, non ex verbi praecedentis potestate pendet, sed prope absolutus est; id quod nisi in certa re, ubi oratoria quaedam vis quaeritur, non potest fieri; veluti Virg. Aen. II, 739sq. Georg. I, 56. — *sine funibus*] Cuiusvis generis funes intelliguntur, veluti quibus antennae ad

Vix durare carinae.

Possint imperiosius

Aequor? Non tibi sunt integra lintea,

10 Non di, quos iterum pressa voces malo.

Quamvis Pontica pinus,

Silvae filia nobilis,

Iactes et genus et nomen inutile;

Nil pictis timidus navita puppibus

15 Fidit. Tu nisi ventis

Debes ludibrium cave.

Nuper sollicitum quae mihi taedium,

Nunc desiderium curaque non levis,

Interfusa nitentes

20 Vites aequora Cycladas.

Carmen XV.

Pastor cum traheret per freta navibus

Idaeis Helenen perfidus hospitam,

malos destinantur, quibus vela panduntur, alii. — *carinae*] de una etiam nave; id quod non magis est mirandum quam quae sunt similia Virg. Aen. VII, 364 *Troianas urbes*, Ovid. Met. XIII, 196 *Iliacas arces* de una urbe et arce.

V. 10. *di*] tutelares, quorum simulacra cum ara in puppi collocantur. — *Pontica pinus*] Pontus regio fuit feracissima earum arborum, quae resinosae aptissimae visae sunt ad aedificandas naves. Unde mox dicitur *silva nobilis*; sic enim verba coniungenda sunt, non *filia nobilis*. — *pictis puppibus*] Naves induci solebant variis coloribus. Sententia docet, externum splendorem nihil adiuvere ubi internae vires fractae sint. — *Tu nisi ventis*] In hac sententia interpungendum non est; nam *ludibrium* vocab. ita inter duo verba positum est, ut ex frequentissima constructione *ἀνὸ χειρῶν* utrique obnoxium sit: nisi ventis ludibrium debes, cave ludibrium. *Debemus* autem ea quae fati nobis destinata sunt. Ovid. Met. XV, 444. — *Cycladas*] Ilae insulae propterea nominantur, quia mare Aegaeum procellosum est et periculosum; deinde hoc quoque fortasse accedit, quod inter occidentalem et orientalem partem imperii situm erat, ubi utriusque partis copias inter se congressuras esse sperari potuit — *nitentes*] ob candida longaeque conspicua marmora; cf. Carm. III, 28, 14.

Carmen XV.

Argumentum huius carminis sumptum est ex fabulis Graecis de bello Troiano. Nam Horatius, quem Graecis litteris multam operam navasse

Ingrato celeres obruit otio

Ventos ut caneret fera

5 Nereus fata: Mala ducis avi domum,

Quam multo repetet Graecia milite

Coniurata tuas rumpere nuptias

Et regnum Priami vetus.

Heu heu quantus equis, quantus adest viris

10 Sudor; quanta moves funera Dardanae

scimus, cum apud Homerum reperisset Proteum vaticinari Menelao (Odys. IV, 360 sqq.), illud quidem exemplum bene se imitaturum fortasse speravit, cum Helena rapta Paridem et Nereum, deum marinum, simili consilio componeret. Nihil enim aliud in hoc carmine quaerendum est nisi fictio quaedam poetica et exercitatio ad exempla Graeca. Media huius quoque carminis strophæ ad summam rem progreditur maximumque quid sit ostendit. Nam „nihil, inquit Nereus, in pugna valet forma aut cantus, quibus in thalamis mulierculæ, non in campis viri vincuntur. Peribis, et tamen sero peribis.“ Ceterum non est omittendum id quod Porphyrio scholiastes adnotavit, imitatum esse Horatium Bacchylidis Graeci poetae carmen, quod de eadem re ex epicis fabulis sumpta egisset. Iam cum ex paucis Bacchylidis quæ nobis sunt reliquis certum de ea re iudicium facere non possimus, quis tamen epicæ quoque res lyrica ratione describi posse negabit, cum praesertim nostros quoque poetas idem saepe facere videamus? Deinde si quod caput carminis quaeras quo animus etiam hominum tangatur, Schilleri verbis nostratis apposite reddamus: Das ist der Fluch der bösen That, dass sie fortreizend Böses muss gebären.

V. 1. *traheret*] Egregie hoc verbum positum est; nam etiamsi Helena sponte sua Paridem secuta esse dicitur, blanditiis tamen et mala arte rapta est; quapropter in hoc verbo et in his *perfidus hospitam* consulto sic positus et inter se quasi certantibus crimen latet et origo omnium Troiani regni calamitatum. — *caneret*] Cum oracula et vaticinia versibus ederentur, *canere* verbum de his proprium est; cf. Epod. 13, 11. Sat. II, 5, 58. — *Nereus*] Non est mirandum, quod hic demum Nerei nomen collocatum est; primum quidem antiquis hominibus ea nominis collocatio, quoniam qua ratione nos sententias dividimus interpositis commutatis non dividebant, multo fuit facilius; deinde „non inanis lus poetica hic est, sed qui attenderit, sentiet sic novam simul vim accedere secundo membro. Multis vero modis curant poetae in continuata constructione ne vigor orationis decrescat, sed alatur et augeatur scite“ Dissen, ad Tibull. II. p. 14. Nereus et omnes marini dei vaticinandi potestatem habere dicebantur; vide Virgil. Georg. IV, 392 sq. — *avi*] per metonymiam pro *omine*, cum ab avibus omnia veteres peterent. cf. Carm. III, 3, 61. Epod. 10, 1. — *multo milite*] vide ad Carm. I, 7, 8. — *coniurata*] De re vide Virg. Aen. IV, 425; de graeca huius verbi cum infinitivo coniunctione Virgil. Georg. I, 280, quam ne Sallustius quidem sprevit Catil. 52, 24.

V. 9. *Heu heu*] Vates cum mentis acie quæ futura sint omnia videat, ipse dolore quodam tanquam praesentium rerum corripitur. Quo fit, ut in eiusmodi locis cum animi affectione etiam orationis vis crescat. Huc spectat ter positum idem vocabulum *quantus*. — *moves*]

Voce formasti catus et decorae
More palaestrae,

5 Te canam, magni Iovis et deorum
Nuntium curvaeque lyrae parentem,
Callidum quidquid placuit iocoso
Condere furto.

Te boves olim nisi reddidisses
10 Per dolum amotas puerum minaci
Voce dum terret, viduus pharetra
Risit Apollo.

Quin et Atridas duce te superbos
Ilio dives Priamus relicto
15 Thessalosque ignes et iniqua Troiae
Castra fefellit.

animi et corporis; quare Mercurius non λόγιος solum sed etiam ἀγώνιος est. Deinde cum eloquentia et persuadendi vis cum prudentia et calliditate quadam coniuncta sit necessario, fieri non potuit, quin hae quoque facultates summae in Mercurium transferrentur, unde idem et *pacifer* est, quoniam bellantium et rixantium animi eloquentiae potestate placantur et conciliantur, et *fur*, λεῖστήρ (h. Merc. 14) dicitur, quia in furtis quoque et iocis acumen maxime adiuvat. Ex hac autem Mercurii virtute intelliguntur tres strophae mediae. Tum idem deus lyram quoque invenisse dicitur, quia musica ars multum valet ad formandos hominum animos et propinqua est eloquentia poesi. Denique Mercurius est, qui homines cum ipsa morte coniungat, ut animas ad inferos ducat et ψυχολόμου vel ψυχαγωγού nomen acceperit. Qua quidem ratione perspicuum est, eloquentiae vi ac potestate omnia coniungi et placari, deos cum hominibus, homines cum inferis; quare in hac laudatione Mercurii clarissimae insunt laudes eloquentiae.

V. 2. *recentum*] recens creatorum, qui fuerunt „mutum et turpe pecus“ Sat. I, 3, 100. — *catus*] vox Sabina, prudens, sollers. Carm. III, 12, 10. Epist. II, 2, 39. — *decorae*] Nam ludis gymnasticis corpora finguntur ad statum motumque decentiorem, politiorem. — *callidum condere*] vide ad Carm. I, 1, 18. — *boves*] Apollini, qui ob confossos Cyclopes e coelo eiecit armenta Admeti, Pheraeorum regis, pasceret, Mercurius clam boves abegisse dicitur et celasse. Quod furtum cum sensisset Apollo et puero nisi raptas reddidisset graves poenas minaretur, iterum clam pharetra cum sagittis spoliatum se vidit. Inermis igitur factus non potuit non ridere. — *viduus*] poetice pro generali vocabulo *privatus*. — *Atridas*] Rem narrat Hom. II. XXIV, 336 sqq. — *superbos*] μεγάθυμους, μεγάλητορας. — *Ilio relicto*] Apud Horatium eius nominis duplex et forma est et genus: nominativus *Ilios* Carm. IV, 9, 18 feminini est generis, eiusdem accusativus *Ilion*, id quod quamquam non ex Carm. III, 3, 37, tamen ex Epod. 14, 14 elucet; verum ablativus *Ilio* cum neutrius generis sit hoc loco ac praeterea Carm. III, 19, 4. IV, 4, 53. Epod. 10, 13 (unde idem genus in quinto loco Carm.

Tu pijs laetis animas reponis
Sedibus virgaque levem coërces
Aurea turbam, superis decorum

20 Gratus et imis.

Carmen XI.

Tu ne quaesieris, scire nefas, quem mihi, quem tibi
Finem di dederint, Leuconoë, nec Babylonios
Tentaris numeros. Ut melius, quidquid erit, pati!
Seu plures hiemes seu tribuit Iuppiter ultimam,
5 Quae nunc oppositis debilitat pumicibus mare
Tyrrhenum, sapias, vina liques et spatio brevi

I, 15, 33 esse constituas), a nominativo *Ilium* vel *Ilion* (Carm. III, 3, 18 coll. 23) factum se esse arguit. — *virga aurea*] ῥάβδος χρυσείη. Hom. Od. XXIV, 1—5. — *levem turbam*] εἰδωλα, non corpora. — *imis*] poetice pro *inferis*.

Carmen XI.

Cicero de divin. I, 1 „Chaldaei, inquit, diuturna observatione siderum scientiam putantur effecisse, ut praedici posset, quid cuique eventurum et quo quisque fato natus esset.“ Et Tacitus Hist. I, 22 „genus, inquit, hominum infidum, sperantibus fallax, quod in civitate nostra et vetabitur semper et retinebitur.“ Horatii aetate cum nondum legibus iis interdictum esset, quicunque meliora sentirent de futuris rebus earumque scientia quam vana illorum omnis esset ars ostendere quam maxime studuerunt. Cic. de divin. I, 19: „Contemnamus etiam *Babylonios* et eos qui e Caucaso coeli signa servantes *numeris* stellarum cursus et motus persequuntur.“ cf. Tuscul. disp. I, 40. In quibus Horatius quoque quanto melius sit iis quae habeamus sapienter frui, quam inanibus doctrinis falli ac diuturnae vitae spem capere hoc parvo sed egregio carmine Leuconoae suadet. De quo nomine si quae divinatio conceditur, facile opineris, consulto ita factum esse ab Horatio, ut quae clara mentis acie (λευκός νοῦς) praedita esset, eam imprimis non debere decipi falsis artibus ipso nomine demonstraret. Quod mulieris nomen formavit, id ob eam causam videtur fecisse, quia mulieres astrologis fuerunt deditissimae. De tempore unum hoc certum est, scripsisse haec Horatium hieme (v. 5).

scire nefas] Cur nefas sit intelliges ex simillimo loco Carm. III, 29, 29 sqq. — *nec*] vide Zumpt. gr. lat. §. 535. §. 529. adnotat., ubi videas etiam de perfectis his coniunctivi. — *quae nunc*] Nihil in hoc versu aliud quaerendum est nisi poetice aucta et amplificata notatio hiemis quae tunc erat. — *oppositis*] in littore, quod ne longius etiam progrediatur mare quasi terminus obiectus est firmissimus — *spatio brevi*] Intelliguntur haec ex simillimo loco Carm. I, 4, 15. — *vina liques*] De qua re Becker in Gallo T. II. p. 170: „Gewöhnlich seihete man den Wein durch den saccus vinarius und das colum, eine Art Sieb oder

Spem longam reseces. Dum loquimur, fugerit invida
Aetas: carpe diem quam minimum credula postero.

Carmen XII.

Quem virum aut heroa lyra vel acri
Tibia sumis celebrare, Clio?

Durchschlag von Metall mit feinen Löchern. . . Der saccus war ein leinener Filtrirsack, das schlechteste Mittel, da das Seihen durch Leinwand den besten Wein zur elenden vappa macht.“ cf. Hor. Sat. II, 4, 54. „Indessen wurde der saccus auch bei guten Weinen gebraucht. Man pflegte nämlich colum und saccus mit Schnee zu füllen und darauf den Wein zu giessen, um ihn zu erfrischen.“ — *carpe diem*] cf. Epist. I, 4, 13. Invida autem est aetas, quia vitae longiorem usum non concedit. In carpando inest notio celeritatis.

Carmen XII.

Hoc carmen, quod est de Augusti magnis belli domique in rempublicam meritis, ita videtur instituisse poeta, ut quam probabile est observasse veteres in canendis inter epulas magnorum virorum laudibus rationem imitaretur. Iam ut de compositione dicam, in tres partes totum carmen dividendum esse apparet. Ac *prima* quidem pars tres strophas complectens introitus est sublimis ad exemplum Pindari, quo per triplicem sedem Musarum (a recentissima Heliconis per Pindum ad antiquissimam poesis patriam Haemum) ad argumentum transducimur. In qua parte hoc quoque vere lyricum et Pindaricum est, quod a proposito re paullo longius digredi videtur longius narrata Orphei fabula; nam ita saepe sponte sua feruntur poetae imprimis lyrici. *Alter*a pars inde a v. 13 respondet ad versus 1—3; ipsa tamen in tres partes dilabitur. Nam laudantur a) *dii*, ex iisque Iuppiter et Minerva, h. e. summa potestas cum summa sapientia; quae si coniunctae sunt, nihil deest divinae virtutis. Iam pergitur b) ad *heroes aliosque deos*, qui excellent bellica quidem laude, sed cum fortitudine in pugnando probata pacis etiam ornamenta coniungunt: Bacchus, Diana, Apollo; Hercules, qui habebatur pacificator orbis, Castor Polluxque. Illi autem dei et heroes quid pace etiam valeant, non in omnibus sed in Ledaë filiis solis qui in extremo loco positi sunt significatur; qua re poeta quid vellet satis sibi visus est ostendere. Qua parte tribus strophis absoluta descendit Horatius v. 33 c) ad *homines Romanos*, ex quibus efferuntur laudibus, qui prae aliis insignes erant iis virtutibus, quibus Romanum imperium totum orbem terrarum potuit coniungere: gloria militari, prudentia civili, patriae amore, consilio, constantia, paupertate, simplicitate. Per quorum seriem, postquam Marcellum quoque nominavit, in quo posita erat futurae aetatis spes et gloria, pergit ad gentem Iuliam et *tertiam* partem carminis. Iam ad summum quasi fastigium quo voluit pervenit; adduntur gravissimae preces pro salute Caesaris Augusti, qui qualis Iuppiter in coelo talis est in imperio Romano i. e. toto orbe terrarum, qui externos hostes omnes superabit et internam pacem iustitia, pietate, castitate tuebitur. Sic haec quoque tertia pars tres strophas complet. — Anno 730 a. u. c. carmen compositum esse veri simillimum videtur,

Quem deum? Cuius recinet iocosa
Nomen imago

5 Aut in umbrosis Heliconis oris
Aut super Pindo gelidove in Haemo?
Unde vocalem temere insecutae
Orphea silvae

Arte materna rapidos morantem
10 Fluminum lapsus celeresque ventos,
Blandum et auritas fidibus canoris
Ducere quercus.

Quid prius dicam solitis parentis
Laudibus, qui res hominum ac deorum,
15 Qui mare ac terras variisque mundum
Temperat horis?

Unde nil maius generatur ipso
Nec viget quidquam simile aut secundum,
Proximos illi tamen occupavit
20 Pallas honores.

quoniam Marcellus a. 731-adolescens mortuus est neque ante a. 729, quo anno Iuliam Augusti filiam in matrimonium duxit, spem potuit excitare fore uti mortuo Augusto imperium acciperet suaeque dignitate augeret. Idem deinde annus indicatur vv. 53—56; nam tunc ipsum Aelius Gallus Augusti inssu expeditionem parabat in Arabiam, qua devicta quid non exspectare potuit Romanorum nimia suorum armorum fiducia?

V. 1. cf. Pind. Olymp. II, 1 „Ἀναξυόρμεγγες ἕμνοι, τίνα θεὸν τίνα ἦρῶα τίνα δ' ἄνδρα κελαδέομεν; — *iocosa imago*] est Echo; sic Carm. I, 20, 6—8. Romani enim proprio vocabulo carebant. — *Orphea*] Frequens est fabula de veterum vatū, Orphei et Amphionis, non in homines solum sed in bruta animalia, etiam in inanimatas res, potestate, quae summa hic describitur et inhibito fluminum et ventorum, quibus nihil est mobilibus, motu et ductis secum quercubus, quibus nihil est durius neque quidquam firmiores in terra radices agit. De forma accusativi *Orphea* vide Zumpt. gr. lat. §. 52. 4. — *solitis parentis laudibus*] nam „a Iove principium“ (Virgil. Bucol. 3, 60) cum in omnibus rebus tum in carminibus. Ad ea quae insequuntur confer Carm. III, 4, 45 sqq. De ablat. vide ad Carm. I, 8, 9. — *mundum*] coelum; ut haec tria, terra mare coelum, totam rerum naturam coniungant. — *horis*] anni temporibus, ut A. P. 302. — *unde*] vide ad Carm. II, 12, 7. — *proximos*] Iuppiter ita maximus est, ut nullus deorum cum eo possit comparari, quamquam Minerva proximum quidem sed longo intervallo distantem locum obtinuit Virgil. Aen. V, 320. Martial. XII, 8, 1: „Terrarum dea gentiumque Roma, Cui par est nihil et nihil secundum.“ —

Proeliis audax neque te silebo,
 Liber et saevis inimica virgo
 Belluis nec te, metuende certa
 Phoebe sagitta.

25 Dicam et Alciden puerosque Ledae,
 Hunc equis, illum superare pugnis
 Nobilem; quorum simul alba nautis
 Stella refulsit,

Defluit saxis agitatus humor,
 30 Concidunt venti fugiuntque nubes,
 Et minax, quod sic voluere, ponto
 Unda recumbit.

Romulum post hos prius, an quietum
 Pompili regnum memorem, an superbos
 35 Tarquini fasces, dubito, an Catonis
 Nobile letum.

Regulum et Scauros animaeque magnae
 Prodigum Paulum superante Poeno
 Gratus insigni referam Camena
 40 Fabriciumque:

Hunc et incompitis Curium capillis

proeliis audax] cf. Carm. II, 19, 21 sqq. — *hunc equis illum*] cf. Hom. II, III, 237. Hor. Sat. II, 1, 26. — *alba stella*] Vide ad Carm. I, 3, 2. — *ponto recumbit*] Poeta hoc verbum ita cum dativo coniunxit, ut *incumbere* etiam in pedestri oratione. cf. Virg. Georg. I, 401.

V. 33. De Romulo et Numa lege Livium I, 21 fin. *Tarquinius Priscus*, qui pace et bello promptissimus fuit. Adiectivum *superbus* tantopere premendum non est, ut alterum *Tarquinius*, hac laude indignum, nominari credamus; nam nihil eo aliud significatur nisi splendor et magnificentia regni. — *nobile letum*] Catonis Uticensis, cuius qui putet mentionem fieri non debere in carmine ad Augustum laudandum scripto, falsum is iudicium facit de Horatii ingenio ac moribus. Quid Romani de Catone eiusque morte senserint, vide apud Ciceronem de off. I, 31. — *Scauros*] Cicero pro Font. 7: „Ecquem hominem vidimus, ecquem vere commemorare possumus parem consilio, gravitate, constantia, ceteris virtutibus, honoris ingenii rerum gestarum ornamentis M. Aemilio Scauro fuisse?“ Is fuit consul a. u. c. 638, censor, princeps senatus; cuius filius quoque nobilis fuit in civitate. — *animae prodigum*] vide Zumpt. gr. lat. §. 437. — *insigni Camena*] quia insignem reddit sive malum hominem sive bonum. — *incompitis capillis*] Prisci Romani barbati erant et intonsi (cf. Carm. II, 15, 11); anno demum u. c. 454 coe-

Utilem bello tulit et Camillum
 Saeva paupertas et avitus apto
 Cum lare fundus.

45 Crescit occulto velut arbor aëvo
 Fama Marcelli; micat inter omnes
 Iulium sidus velut inter ignes
 Luna minores.

Gentis humanae pater atque custos,
 50 Orte Saturno, tibi cura magni
 Caesaris fatis data; tu secundo
 Caesare regnes.

Ille seu Parthos Latio imminentes
 Egerit iusto domitos triumpho,
 55 Sive subiectos Orientis orae
 Seras et Indos,

Te minor latum reget aequus orbem;
 Tu gravi curru quaties Olympum,
 Tu parum castis inimica mittes
 60 Fulmina lucis.

perunt tonderi et comi. Laudatur igitur simplicitas cultus cum severitate morum coniuncta. — *saeva paupertas*] dura, quae molliem et luxuriam excludit; de qua *saevi* adlect. significatione cf. Epist. I, 18, 13. 54. De re vide Carm. II, 15, 13 sqq.

V. 45. *occulto aëvo*] sensim, ut incrementa temporis vix animadvertantur. — *Marcelli*] Non intelligendus Marcellus victor apud Nollam, sed adolescens Marcellus, Augusti totiusque civitatis deliciae. Nam ea de arbore sensim crescente imago quid pertinet ad hominem dudum mortuum? Quae imago quam sit usitata apud antiquos, iam Homerus ostendit II. XVII, 53. XVIII, 56. 437. — *Iulium sidus*] tota gens Iulia, quamquam non potest negari C. Iulium Caesarem maxime illustrari; quo interfecto stella crinita per septem noctes conspiciebatur. Credebant Caesaris animam in coelum sic evolavisse. Virg. Bucol. 9, 47. Ovid. Met. XV, 845 sqq. — *secundo Caesare regnes*] Ovid. Met. XV, 858. — *Latio*] imperio Romano. — *subiectos Orientis orae*] in ultimis Orientis oris habitantes, ut Virg. Georg. III, 381. — *te minor*] cf. Carm. III, 5, 1 sqq. — *gravi curru*] cum tonat et fulminat.

Carmen XIII.

Cum tu, Lydia, Telephi
 Cervicem roseam, cerea Telephi
 Laudas brachia, vae meum
 Fervens difficili bile tumet iecur.

5 Tum nec mens mihi nec color
 Certa sede manent, humor et in genas
 Furtim labitur arguens
 Quam lentis penitus macerer ignibus.

Uror, seu tibi candidos
 10 Turparunt humeros immodicae mero
 Rixae, sive puer furens
 Impressit memorem, dente labris notam.

Non, si me satis audias,
 Speres perpetuum dulcia barbare
 15 Laedentem oscula, quae Venus
 Quinta parte sui nectaris imbuat.

Felices ter et amplius,
 Quos irrupta tenet copula nec malis

Carmen XIII.

Caput huius carminis hoc est, in amore nihil maius esse fide et constantia. Cui quidem sententiae haec quasi fabula subiecta est. Amat poeta Lydiam, Lydia Telephum; quem cum illa identidem in ore habeat nec desinat propter pulchritudinem laudare, poetae invidia et ira accenditur.

V. 1. *Telephi*] fictum est nomen; cuius quidem egregia iteratio imitatur Lydiae frequentem eius nominis commemorationem — *cerea brachia*] candida ut cera alba. — *iecur*] ex opinione veterum in iecore habitant cupiditates. cf. Sat. I, 9, 66. Carm. IV, 1, 12. — *nec mens nec color*] cum nesciam quid potissimum faciam, fluctuatio mentis colore etiam proditur oris. — *manent*] Pluralis numerus auctoritate codicum probatur; sed vide Zumpt. gr. lat. §. 374. — *humor*] cf. Carm. IV, 1, 34. — *furtim*] ut neque ipse sciam neque possim retinere. — *lentis ignibus*] qui lente absumunt; de occulta vi amoris paulatim, sed certe conficiuntis. — *turparunt humeros*] Iracundus enim est Telephus. cf. Carm. I, 17, 25sq. — *quinta parte sui nectaris*] Cum mel antiqui nonam vel decimam partem nectaris esse dicerent, quo quam dulce nectar esset describerent, intelligitur facile quid voluerit poeta. — *felices ter et amplius*] Sic graece τρισμύχαρες, τρισόλβιοι et apud alios poetas latinos terque quaterque beatus. — *irrupta*] vide ad Carm. I, 5, 8.

Divulsus querimoniis

20 Suprema citius solvet amor die.

Carmen XIV.

O navis, referent in mare te novi
 Fluctus? O quid agis? Fortiter occupa
 Portum. Nonne vides, ut
 Nudum remigio latus

3 Et malus celeri saucius Africo
 Antennaeque gemant ac sine funibus

Carmen XIV.

De hoc carmine memorabilis locus est Quintiliani inst. orat. VIII, 6, 44: „At ἀλλήγορία, quam inversionem interpretantur, aliud verbis aliud sensu ostendit, etiam interdum contrarium. Prius ut: *O navis referent in mare te novi fluctus—portum*; totusque ille Horatii locus, quo navem pro republica, fluctuum tempestates pro bellis civilibus, portum pro pace atque concordia dicit.“ Quae carminis interpretatio ut verissima est, ita cavendum est ne ad singulas et minimas partes perducatur. Potuit enim Horatius ea reipublicae et navis comparatione, qua vix ulla magis fuit opportuna ac frequens, uti neque tamen comparandi locos omnes colligere aut anxie conservare. Quare hoc unum quaeritur, quoniamnam reipublicae incertum statum Horatius sic voluisse videatur describere quove carmen anno scriptum arbitremur. Illud certum est, significari toto carmine et allegoria ad finem usque perducta tempus aliquod, quo imperium Romanum superioribus bellis vehementer turbatum et prope disiectum, tunc tamen feliciter pacatum et servatum novis periculis audacter obiectum sit. Quare alii annum 714, quo Perusinum, alii 722, quo Actiacum bellum parabatur, indicari dixerunt. Et apertum quidem est cur respublica nuper taedio fuerit (vv. 17. 18) Horatio; scilicet ipse haud ita multo ante fuerat in exercitu Bruti neque vero quam sperabat salutem civitatis invenerat; deinde Romam reversus intelligere coeperat unam salutis spem poni posse in Octaviano. Tunc igitur desiit desperare, cum spe rediit desiderium, cum desiderio metus ne renovatis bellis quae restituta essent denno dilaberentur.

V. 1. *referent fluctus*] Fuerunt qui interrogari haec negarent; sed praestat interrogatio, quae habet indignationem ac metum. — *nonne vides ut*] vide ad Carm. I, 9, 1. *Videre* verbum h. l. universam *intelligendi, percipiendi* notionem accepisse ostendit insequens verbum *gemendi*; cuius rei alterum exemplum hoc est Virgilii Aen. IV, 490. — *gemant*] Coniunctivus et auctoritate codicum et necessitate loci praefendus est alteri modo *gemunt* et *possunt*, quem in aliis libris MSS. inesse audimus. Nam qui in eiusmodi interrogationibus indicativus modus ponitur, non ex verbi praecedentis potestate pendet, sed prope absolutus est; id quod nisi in certa re, ubi oratoria quaedam vis quaeritur, non potest fieri; veluti Virg. Aen. II, 739sq. Georg. I, 56. — *sine funibus*] Cuiusvis generis funes intelliguntur, veluti quibus antennae ad

Vix durare carinae.

Possint imperiosius

Aequor? Non tibi sunt integra lintea,

10 Non di, quos iterum pressa voces malo.

Quamvis Pontica pinus,

Silvae filia nobilis,

Iactes et genus et nomen inutile;

Nil pictis timidus navita puppibus

15 Fidit. Tu nisi ventis

Debes ludibrium cave.

Nuper sollicitum quae mihi taedium,

Nunc desiderium curaque non levis,

Interfusa nitentes

20 Vites aequora Cycladas.

Carmen XV.

Pastor cum traheret per freta navibus

Idacis Helenen perfidus hospitam,

malos destinantur, quibus vela panduntur, alii. — *carinae*] de una etiam nave; id quod non magis est mirandum quam quae sunt similia Virg. Aen. VII, 364 *Troianas urbes*, Ovid. Met. XIII, 196 *Iliacas arces* de una urbe et arce.

V. 10. *di*] tutelares, quorum simulacra cum ara in puppi collocantur. — *Pontica pinus*] Pontus regio fuit feracissima arborum, quae resinosae aptissimae visae sunt ad aedificandas naves. Unde mox dicitur *silva nobilis*; sic enim verba coniungenda sunt, non *filia nobilis*. — *pictis puppibus*] Naves induci solebant variis coloribus. Sententia docet, externum splendorem nihil adiuvare ubi internae vires fractae sint. — *Tu nisi ventis*] In hac sententia interpungendum non est; nam *ludibrium* vocab. ita inter duo verba positum est, ut ex frequentissima constructione *ἐνὶ τοῦτο* utrique obnoxium sit: nisi ventis ludibrium debes, cave ludibrium. *Debemus* autem ea quae fati nobis destinata sunt. Ovid. Met. XV, 444. — *Cycladas*] Hae insulae propterea nominantur, quia mare Aegaeum procellosum est et periculosum; deinde hoc quoque fortasse accedit, quod inter occidentalem et orientalem partem imperii situm erat, ubi utriusque partis copias inter se congressuras esse sperari potuit — *nitentes*] ob candida longaeque conspicua marmora; cf. Carm. III, 28, 14.

Carmen XV.

Argumentum huius carminis sumptum est ex fabulis Graecis de bello Troiano. Nam Horatius, quem Graecis litteris multam operam navasse

Ingrato celeres obruit otio

Ventos ut caneret fera

5 Nereus fata: Mala ducis avi domum,

Quam multo repetet Graecia milite

Coniurata tuas rumpere nuptias

Et regnum Priami vetus.

Heu heu quantus equis, quantus adest viris

10 Sudor; quanta moves funera Dardanae

scimus, cum apud Homerum reperisset Proteum vaticinari Menelao (Odys. IV, 360 sqq.), illud quidem exemplum bene se imitaturum fortasse speravit, cum Helena rapta Paridem et Nereum, deum marinum, simili consilio componeret. Nihil enim aliud in hoc carmine quaerendum est nisi fictio quaedam poetica et exercitatio ad exempla Graeca. Media huius quoque carminis strophæ ad summam rem progreditur maximumque quid sit ostendit. Nam „nihil, inquit Nereus, in pugna valet forma aut cantus, quibus in thalamis mulierculæ, non in campis viri vincuntur. Peribis, et tamen sero peribis.“ Ceterum non est omittendum id quod Porphyrio scholiastes adnotavit, imitatum esse Horatium Bacchylidis Graeci poetae carmen, quod de eadem re ex epicis fabulis sumpta egisset. Iam cum ex paucis Bacchylidis quæ nobis sunt reliquis certum de ea re iudicium facere non possimus, quis tamen epicæ quoque res lyrica ratione describi posse negabit, cum praesertim nostros quoque poetas idem saepe facere videamus? Deinde si quod caput carminis quaeras quo animus etiam hominum tangatur, Schilleri verbis nostratis apposite reddamus: Das ist der Fluch der bösen That, dass sie fortlebend Böses muss gebären.

V. 1. *traheret*] Egregie hoc verbum positum est; nam etiamsi Helena sponte sua Paridem secuta esse dicitur, blanditiis tamen et mala arte rapta est; quapropter in hoc verbo et in his *perfidus hospitam* consulto sic positus et inter se quasi certantibus crimen latet et origo omnium Troiani regni calamitatum. — *caneret*] Cum oracula et vaticinia versibus ederentur, *canere* verbum de his proprium est; cf. Epod. 13, 11. Sat. II, 5, 58. — *Nereus*] Non est mirandum, quod hic demum Nerei nomen collocatum est; primum quidem antiquis hominibus ea nominis collocatio, quoniam qua ratione nos sententias dividimus interpositis commatis non dividebant, multo fuit facilius; deinde „non inanis lus poeticus hic est, sed qui attenderit, sentiet sic novam simul vim accedere secundo membro. Multis vero modis curant poetae in continuata constructione ne vigor orationis decrescat, sed alatur et augeatur scite“ Dissen, ad Tibull. II. p. 14. Nereus et omnes marini dei vaticinandi potestatem habere dicebantur; vide Virgil. Georg. IV, 392 sq. — *avi*] per metonymiam pro *omine*, cum ab avibus omnia veteres peterent. cf. Carm. III, 3, 61. Epod. 10, 1. — *multo milite*] vide ad Carm. I, 7, 8. — *coniurata*] De re vide Virg. Aen. IV, 425; de graeca huius verbi cum infinitivo coniunctione Virgil. Georg. I, 280, quam ne Sallustius quidem sprevit Catil. 52, 24.

V. 9. *Heu heu*] Vates cum mentis acie quæ futura sint omnia videat, ipse dolore quodam tanquam praesentium rerum corripitur. Quo fit, ut in eiusmodi locis cum animi affectione etiam orationis vis crescat. Huc spectat ter positum idem vocabulum *quantus*. — *moves*]

Genti! Iam galeam Pallas et aegida
Currusque et rabiem parat.

Nequidquam Veneris praesidio ferox
Pectes caesariem grataque feminis

15 Imbelli cithara carmina divides;
Nequidquam thalamo graves

Hastas et calami spicula Cnosii
Vitabis strepitumque et celerem sequi
Aiace[m]: tamen heu serus adulteros

20 Crines pulvere collines.

Non Laërtiaden, exitium tuae
Genti, non Pylum Nestora respicis?
Urgent impavidi te Salaminii
Teucer et Sthenelus sciens

25 Pugnae, sive opus est imperitare equis
Non auriga piger. Merionen quoque

Funera moveri eodem modo dicuntur quo bella Carm. IV, 1, 2. — *Dardanae genti*] pro Dardaniae. cf. Carm. saec. 47. Carm. IV, 5, 1. — *aegida*] vide Hom. II. II, 446 sqq. Virg. Aen. II, 616. VIII, 435. — *rabiem*] Haec quoque inter arma est. Similiter Ovid. Met. XIII, 543: „seque armat et instruit ira“ — *nequidquam*] cf. Hom. II. III, 54. — *pectes caesariem*] cf. Carm. IV, 9, 13 sqq. — *carmina divides*] modo huic modo illi canes. Cf. Carm. I, 36, 6. Virgil. Aen. VIII, 20. — *thalamo hastas vitab*] Aperte sumpta res ex Hom. II. III, 380—383. VI, 321 sqq. — *Cnosii*] Cnosus urbs Cretae insulae abundabat calamo, ex quo factae sagittae; inde clarissimi sagittarii Cretenses. cf. Carm. IV, 9, 17. Hom. II. II, 646.

V. 18. *celerem sequi Aiace[m]* non Telamonis, sed Oilei filium. cf. Hom. II. XIV, 520. IV, 285. VII, 164. XVII, 720. — *tamen*] Referenda haec particula est ad superiorem *nequidquam*, quae ipsa bis posita tertium nunc non verbo sed notione ponitur. — *heu serus*] quae verba noli seiungere; nam dolendum fuit, quod non prius iam perit Paris. — *crines*] Haec praestat alteri codicum lectioni *cultus* vel propter locos Homericos, quos non dubium est quin Horatius secutus sit: II III, 55. XVI, 795. cf. Virgil. Aen. XII, 99. — *tuae genti*] Dativus ex minore optimorum codicum numero petitus genitivo, qui est in maiore, praefendus est, propterea quod quae difficilior lectio est facilius potuit transire in alteram faciliorem, quam contraria ratione. De dativo vide Zumpt. gr. lat. §. 681. — *Teucer et*] Aliae lectiones *Teucer te*, *Teucerque* et natae videntur ex versus corrigendi nimio studio; verum etiamsi in basi glyconeorum versuum soleat apud Horatium esse spondeus, non expellenda videtur Graecorum consuetudo et trochaeus, quem h. l. et infra v. 36 admisisse Horatium videmus. — *sive*] vide ad Carm. I, 2, 33.

Nosces. Ecce furit te reperire atrox
Tydides melior patre;

Quem tu, cervus uti vallis in altera
30 Visum parte lupum graminis immemor,
Sublimi fugies mollis anhelitu,
Non hoc pollicitus tuae.

Iracunda diem proferet Ilio
Matronisque Phrygum classis Achillei;
35 Post certas hiemes uret Achaicus
Ignis Iliacas domos.

Carmen XVI.

O matre pulchra filia pulchrior,
Quem criminosis cunque voles modum

[*furit reperire*] vide ad Carm. I, 1, 8. — [*melior patre*] cf. Hom. Il. IV, 405. — [*cervus*] qui ut celeritate ita ignavia insignis est. — [*sublimi anhelitu*] μετ' ὄψιν πνεύσας; nam qui celeritate fugae paene exhaustus est, is cum tantum temporis nactus est, ut paululum possit recreari, sublimi capite spiritum trahit; sic enim pulmones expanduntur facilius et reficiuntur. — [*pollicitus*] Vide quid exprobet Helena Paridi apud Homerum Il. III, 430 sqq. — [*diem proferet*] In his non satis congruit Horatius cum Homero; apud quem ira Achillem non ultra diem decimum septimum a certamine avocet. De quâ re hoc monendum est, clarissimum hoc victoriae Graecorum impedimentum consulto ex omnibus, qualiacunque acciderunt, esse electum, deinde *certain hiemes* numerandas esse non ex eo tempore quo irasci coepit Achilles Agamemnoni, sed ex primo obsidionis et certaminis initio — [*diem*] αἵματος ἡμέρας. Hom. Il. VIII, 72. — [*matronisque*] Toti generi species additur, quae calamitates maxime sentiat. — [*Iliacas*] alii *Pergameas*; vide supra ad v. 24.

Carmen XVI.

Inscribi solet huic carmini titulus *palinodia* i. e. carmen, quo quem ante laesimus reconciliare studemus. Sic Horatius revocat contumeliosos iambos, quos in puellam olim scriptos simulat magis quam scripsit. Recte autem ut intelligatur carminis ratio, tenendum est non raro ita fieri, ut a singula quadam re inchoentur carmina, ascendant ad generalem aliquam sententiam, exeant in eandem rem a qua sint profecta. Sic externus quasi habitus carminis continet prima strophæ cum extremis versibus efficitur: „malignos versus ut deleas opto, qua tibi cunque ratione placebit, nam ira accensus eos composui, ut nunc cum mitiore animo sim eorum me poeniteat.“ Medium carmen excusationem habet; agitur enim strophis 2 et 3 de vehementia irae, qua animi hominum perturbentur. In quo loco hoc artificiosum est, quod cum altera strophæ quattuor exemplis ostendatur, ira ardentius inflammari hominum

Pones iāmbis, sive flamma
Sive mari libet Hadriano.

5 Non Dindymene, non adytis quatit
Mentem sacerdotum incola Pythius,
Non Liber aequae, non acuta
Sic geminant Corybantes aera,

Tristes ut irae, quas neque Noricus
10 Deterret ensis nec mare naufragum
Nec saevus ignis nec tremendo
Iuppiter ipse ruens tumultu.

Fertur Prometheus addere principi

animos quam divino numine ac furore — quo tamen nihil magis videtur movere posse mortales —, in tertia similiter quattuor externae poetastis rationes afferuntur, quae itidem irae ardore superantur. Ita factum est ut quater illatae particulae *non* respondere videamus quater positam alteram *nec*. Iam quarta et media stropha proponit qui factum sit, ut ira tantopere homines moveantur; scilicet est ea penitus et a prima generis origine insita humano pectori. Cui quidem rei apposite adiunguntur magna quae illam cupiditatem sequuntur mala; quibus indicatis ultro quasi relabatur Horatius ad suam iram atque ad eam rem quam huic scribendo carmini occasionem esse fluxit. Sic per orbem carmen quasi decurrit neque quidquam est quod aut deesse possit aut locum mutare. Hoc tamen vix est quod moneam, plena esse omnia ironiae, maxime conspicuae in nimia irae eiusque potestatis descriptione.

V. 2. *criminosus iambis*] Quo genere Archilochus poeta ad alios castigandos primus usus esse dicitur; vide A. P. 79. — *modum pones*] Similiter Carm. III, 15, 2. I, 24, 1. — *Dindymene*] *Δινδυμένη*, Cybele a Dindymis, monte Phrygiae, sic dicta, a Romanis magna mater deum, mater Idaea appellata. — *sacerdotum incola Pythius*] Genitivus *sacerdotum* communis est vocabulis *mentem* et *incola*. Divinum enim numen sacerdotum pectora quasi intrare ac furore implere veteres credebant. — *sic*] Haec particula eadem ratione qua superior *aeque* cum inferiore ut coniungenda est. — *Corybantes*] sacerdotes Cybeles, iidem Curetes appellati, qui in sacris aerea cymbala pulsantes animos furore quodam insano implebant. cf. Plat. Ion. p. 533 E. — *Noricus ensis*] ferrum Noricum, quod praestantissimum habebatur, pro quovis alio poetice positum. Epod. 17, 71. — *tremendo Iupp. ipse ruens tumultu*] i. e. ruina coeli; cf. Carm. III, 3, 7. 8; sed tota elocutio ut magnifica est ita etiam prope iocularis.

V. 13. *Prometheus*] Haec de particulis undique decerptis hominique additis fabula excogitata ab ipso Horatio est; nusquam eius apud alium scriptorem ullum vestigium reperitur. Lepida autem fabulae natura mirifice congruit cum totius carminis ironia et consilio. Prometheus enim cum hominem fingere vellet, limo, quae principalis pars hominis est, undecunque sumptam materiem addidit. Scilicet cum singulis partibus ad corpus formandum assumptis venerunt etiam cupiditates atque occupant sedes in quibus habitare eas sentimus. Sic ira a leone desumpta

- Limo coactus particulam undique
 15 Desectam et insani leonis
 Vim stomacho apposuisse nostro.
 Irae Thyesten exitio gravi
 Stravere et altis urbibus ultimae
 Stetere causae, cur perirent
 20 Funditus imprimeretque muris
 Hostile aratrum exercitus insolens.
 Compesce mentem; me quoque pectoris
 Tentavit in dulci iuventa
 Fervor et in celeres iambos
 25 Misit furem. Nunc ego mitibus
 Mutare quaero tristia, dum mihi
 Fias recantatis amica
 Opprobriis animumque reddas.

Carmen XVII.

Velox amocnum saepe Lucretilem
 Mutat Lycaeo Faunus et igneam

stomachum (Carm. I, 6, 6) sedem accepit. — *et insani]* et pro *etiam*. — *Thyesten]* de quo lege Ciceronem Tusc. IV, 36, 77. cf. ad Carm. I 6, 8. — *ultimae stetere causae]* Ultimae sunt ab ipsa re remotissimae, igitur primae; deinde *stare* dicuntur, quoniam immutatae manserunt. — *hostile aratrum]* Tum demum omnino desinit esse urbs, cum quo loco stetit aratur. — *in dulci iuventa]* Adiectivum *dulcis* supervacaneum non est; nam cum habeat excusationem locus, eam hic significari iuventutem patet qua iuvenes omnia sibi licere putent suaeque indulgeant temeritati. Similiter Carm. I, 37, 11 *dulcis* est *fortuna*. — *celeris iambos]* Epitheton quo iambi sunt ornati vituperationem addit; nam ea quoque cum celeritate coniuncta est, cum consilium desideratur. — *animumque reddas]* quo olim in me eras.

Carmen XVII.

Carmen quo Tyndaridem ut ad se in villam veniat invitat, aperte in duas et aequales partes dividitur. Nam postquam superiore parte totam villam omniaque sua in tutela esse deorum ostendit neque quidquam ibi esse docuit quod cicuribus animalibus noceat, facilis est ad Tyndaridem adhortatio, ut eodem veniat, ubi ne illi quidem pericula immineant a feris hominibus, ubi ab insidiis et dolis libera amoris vacare possit et carminibus. Ex septem strophis media et quarta diversas partes coniungit et re et verbis. Vides enim iuxta ibi posita haec me,

Horatius ed. Dillenburger.

- Defendit aestatem capellis
 Usque meis pluviosque ventos.
- 5 Impune tutum per nemus arbutos
 Quaerunt latentes et thyma deviae
 Olentis uxores mariti,
 Nec virides metuunt colubras
 Nec Martiales Haediliae lupos;
 10 Utcunque dulci, Tyndari, fistula
 Valles et Usticae cubantis
 Levia personuere saxa.
 Di me tuentur, dis pietas mea
 Et musa cordi est. Hic tibi copia
- 15 Manabit ad plenum benigno
 Ruris honorum opulenta cornu.
 Hic in reducta valle Caniculae

hic, tibi; loci significatio in media sede collocata Horatium connectit cum Tyndaride.

V. 1. *Velox Faunus*] Latini poetae, qui Latinorum priscorum deos et sacra cum Graecis solerent componere, Latinum Faunum cum Graeco Pane componebant; quare cum hic *ὄρεϊβάρης* sit, ille apud Horatium *velox* est et in Arcadia Lycaeum, Pani sacrum montem, occupavit. — *mutat*] de cuius verbi diversa constructione vide Zumpt. gr. lat. §. 456. adnot. — *defendit*] vide eund. l. l. §. 469. — *usque*] id. l. l. §. 286. — *impune tutum per nemus*] Ne credas securitatem gregis his indicari, neve *tutum* cum Benteio in *totum* mutandum esse existimes, noli oblivisci *tutum* esse nemus in quo nihil sit periculi, *impune* adverbio describi securitatis sensum, quo ne metuant quidem periculum caprae pascentes. — *arbutos*] cf. Virg. Georg. III, 300. — *Haediliae*] Sic omnes libri MSS. *Haedilia* mons seu vallis fuisse videtur in vicinitate villae Sabinae. Quod cum nesciretur, interpretes *haeduleae* vel *hinnuleae* scripserunt coniecturis audacissimis nuper demum reiectis. — *Tyndari*] De forma vocativi vide Zumpt. gr. lat. §. 72. cf. Carm. IV, 3, 18 — *fistula*] Fauni. Is enim sive Pan fistulae inventor. Virg. Bucol. 2, 32. 8, 24. — *Usticae cubantis*] leviter declivis ad speciem cubantis hominis. Tenendum tamen, Usticam non montem solum sed vallem quoque esse; de qua re dictum est in Vita Horatii. — *hic*] Per anaphoram ter repetitum vocabulum; rectius quam quod alii voluerunt *hinc* ex plebrisque codd., unde nescis quam bonam sententiam elicias. In divisionibus autem anaphora propriam sedem habet; etenim tria sunt quibus Tyndaridem in Sabino gavisuram promittitur. — *copia manabit... cornu*] Qua h. l. usus est Horatius abundantia, haudquaquam est vituperanda; deinde ordo verborum minus contortus est quam videtur esse. Omnia recte inter se excipiunt nisi quod verba *benigno cornu*, ut saepe fit, extrema loca duorum versuum occuparunt. — *ad plenum*] abundanter. Virg. Georg. II, 244. — *benigno cornu*] De cornu copiae lege Ovid. Met. IX, 85–89; eodem respexit Horatius C. S. 59. Epist. I, 12, 28. — *ruris honorum*] qui sunt flores, fruges. cf. Sat. II, 5, 12. — *fide*

Vitabis aestus et fide Teïa

Dices laborantes in uno

20 Penelopen vitreamque Circen.

Hic innocentis pocula Lesbii

Duces sub umbra, nec Semeleïus

Cum Marte confundet Thyoneus

Proelia, nec metues protervum

25 Suspecta Cyrum, ne male dispari

Incontinentes iniiciat manus

Et scindat haerentem coronam

Crinibus immeritamque vestem.

Carmen XVIII.

Nullam, Vare, sacra vite prius severis arborem

Circa mite solum Tiburis et moenia Catili:

Teïa] Iyra Anacreontis Teii, cuius tota poesis fuit amatoria. — vitreamque Circen] splendidam instar vitri et formosam, sed quae cum splendore vitri fragilitatem coniungat. Sic Sat. II, 3, 222 fama est vitrea. cf. Carm. III, 13, 1. — Lesbii] vini, quod innocens appellatur, quia mite est neque iis qui eo utuntur nocet. Graecis autem vinis Romani utebantur multis. — duces] non „largius bibes“, sed nihil nisi „bibes cum voluptate.“ cf. Carm. IV, 12, 14. — Semeleïus Thyoneus] Semele etiam Thyone dicebatur; itaque duo *μητρωνυμικά* coniunxit. Quorum alterum *Thyoneus* non temere appositum est; nam Thyones nomen factum esse patet a verbo *θύειν*, furere. Significatur igitur furor, in quem qui vino nimis indulgent solent conici; unde incontinentes proelia miscent. — male dispari] Ne male adv. cum *iniiciat* verbo coniungas confer Sat. I, 3, 31.

Carmen XVIII.

Casu quodam servatum nobis est fragmentum Alcaei, cuius verba ab Horatio primo huius carminis versu reddita esse apparet. Est enim hic versus (cf. Schneidewin. del. p. 277.): *Μηθ' ἄλλο ποτεύσης πρότερον δένδρεον ἀμύλω*. Ex quo et verborum et metri consensu recte tamen nihil efficias aliud nisi ut Horatius hunc Alcaei versum, quem ex frequenti lectione memoria teneret, ad suam rem adhibuisse videatur. Quae res qualis fuerit si quaeras, suspiceris Varum villam aliquam Tiburtinam novis hortis ornare arboresque ibi serere in animo habuisse. Atque ea quidem occasione ita usus est Horatius, ut de contraria vi quam in animos hominum haberet vini usus lyrica ratione scriberet. Quare carminis argumentum his Theognidis versibus (v. 509 sq; edit. Bekker.) commode reddamus:

Οἶνος πινόμενος πολὺς κακὸν ἦν δέ τις αὐτὸν

Πίνῃ ἐπισταμένως, οὐ κακὸν ἄλλ' ἀγαθόν.

Quis Varus fuerit, dici non potest; suspicantur quidem eundem esse Quintilium, de quo carmen est l. I, 24.

Siccis omnia nam dura deus proposuit, neque
Mordaces aliter diffugiunt sollicitudines.

- 5 Quis post vina gravem militiam aut pauperiem crepat?
Quis non te potius, Bacche pater, teque, decens Venus?
At ne quis modici transiliat munera Liberi,
Centaurea monet cum Lapithis rixa super mero
Debellata, monet Sithoniis non levis Evius,
10 Cum fas atque nefas exiguo fine libidinum
Discernunt avidi. Non ego te, candide Bassareu,
Invitum quatiā nec variis obsita frondibus
Sub divum rapiam. Saeva tene cum Berecynthio

V. 2. *moenia Catili*] vide ad Carm. I, 7, 13. In quo nomine Horatius metri causa mediam syllabam corripuit. — *siccis*] qui vino plane abstinent. — *nam*] Poetae in collocanda hac particula liberiores fuerunt. cf. Epod. 14, 6. 17, 45. Carm. IV, 14, 9. — *neque aliter*] Ut recte locus intelligatur, tenendum est quod supra ad Carm. I, 7, 16 adnotatum est. Quare non recte faceret qui voc. *aliter* hic ad proxime praecedentia referens intelligeret *nisi siccitate*. Nam quae latet in voc. *aliter* condicio, ea altius repetenda est: *quodsi cives non plantas, si vino non uteris*. Simillimus est locus Ciceronis de amic. 20 *aliter amicitiae* cet., ubi non magis *aliter* referendum est ad ea quae praecedunt proxime. — *crepat*] in ore habet, dictitat. cf. Sat. II, 3, 33. Epist. I, 7, 84. A. P. 247. — *decens Venus*] ipsa decens est, cum comites sint decentes Gratiae. Carm. I, 4, 6. — *At ne*] In bonis libris MSS. legitur *ac*, quam falsam hic esse particulam intelliget qui perspexerit carminis compositionem. — *Liberi*] Quattuor in hoc uno carmine nomina sunt unius dei, Bacchus, Liber, Evius, Bassareus; quorum duo in superiore parte, quae est de commodis vini, mite et benignum numen, duo in inferiore, quae est de incommodis vini, ferum respiciunt et indomitum. *Evius* enim et *Bassareus* nomina sunt petita ex orgiis et mysteriis Thraciis. Evius a clamore bacchantium *εὐοῖ, εὐάν*, Bassareus a voce Thracia *Βασσάρα*, de qua vide Passov. lexic. graec. s. v.

V. 8. *Centaurea*] vid. Ovid. Met. XII, 219 sqq. Hom. Od. XXI, 295 sqq. — *super mero*] Ablativus cum hac praepositione cum non coniungatur nisi ita, ut aut locus aliquis altior vel superficies quaedam, in qua quid positum sit indicetur (Carm. I, 9, 5. III, 1, 17), aut ratio alicuius rei habeatur (Carm. III, 8, 17. IV, 2, 42. C. S. 18), Ovidendorpius corrigendum putavit *super merum*. cf. Zumpt. gr. lat. §. 320. Attamen dubitationem iniicit unus certe et simillimus locus Virgilli Aen. IX, 61 „nocte super media.“ — *Sithoniis*] Thraciae populo ad Salmydesum flumen habitanti, quibus cur Evius sit *non levis* intelliges ex Carm. I, 27, 1 sq. — *exiguo fine libidinum*] exiguo discrimine, quod inter honestum et turpe relinquunt ii qui libidine moventur. — *candide*] formose, obperpetuam Bacchi iuventutem. Epod. 3, 9. Carm. I, 2, 31. — *invitum quatiā*] Sacra et mysteria Bacchi occultissima religione continebantur; itaque dicit poeta, se Bacchi donis non male usurum, neque quae deus celari voluerit in lucem producturum. — *saeva*] propter terribilem sonum. — *Berecynthio*] Phrygio, a Phrygiae monte Berecyntho, ubi colebatur Cybele, de qua vide ad Carm. I, 16, 5. — *amor sui*] Tria nominantur vitia ebrietatem

Cornu tympana, quae subsequitur caecus amor sui
 15 Et tollens vacuum plus nimio gloria verticem
 Arcanique fides prodiga perlucidior vitro.

Carmen XIX.

Mater saeva Cupidinum
 Thebanaeque iubet me Semeles puer
 Et lasciva Licentia
 Finitis animum reddere amoribus.
 5 Urit me Glyceræ nitor
 Splendentis Pario marmore purius,
 Urit grata protervitas
 Et vultus nimium lubricus adspici.
 In me tota ruens Venus
 10 Cyprum deseruit nec patitur Scythas
 Et versis animosum equis

sequentia: pravus sui amor, iactantia, loquacitas. — *verticem*] pro capite; egregie hanc summam capitis partem posuit de studio hominum quo maiores videri cupiunt quam sunt. — *fides prodiga*] Ne mireris quod *fides* appellatur *prodiga*, recordare non pauca latinae et graecae linguae vocabula non absolutam quam vocamus significationem habere sed relativam vel mediani, ut in utramque partem inclinent, qualia sunt: *fides*, *ingenium*, *aetas*, *vires*, *δύναμις*, alia. Cuius quidem rei notissimum exemplum est apud Cicer. Rosc. Am. 4, 9. — *perlucidior*] Caesurae in medio vocabulo alterum exemplum est Carm. II, 12, 25 *detorquet*; uterque tamen locus veniam habebit in particulis *per* et *de*. De sententia comparari potest Epod. 11, 13. Sat. I, 4, 89.

Carmen XIX.

Argumentum carminis facile perspicitur. Qui finitos esse amores crederet, is denuo Glyceræ venustate capitur et ita capitur, ut iam nihil possit nisi amorem cogitare. Quare sacris placaturum se dicit Venerem, ne nimio in se irruat impetu. — *Glyceræ* nomen fictum et graecum *γλυκέρεια*.

V. 1. Idem versus in simili carmine IV, 1, 5. De verbis et sententia lege Carm. I, 33, 10—12. — *Glyceræ*] Eodem nomine usus est Carm. I, 30, 3. I, 33, 2. — *nitor*] pulchritudo, venustas. Carm. III, 12, 6. — *Pario marmore*] vide ad Carm. II, 18, 3. — *lubricus adspici*] vide ad Carm. I, 1, 18. Lubrica proprio est via, in qua pedem non possumus sistere; quare Glyceræ oculi lubrici sunt, quibus adspiciendis periculum est ne quivis amore incendatur. — *Cyprum*] cf. Carm. I, 3, 1. — *Scythas*] Scythae et Parthi, publica Romanorum cura, nihil movent hominem, cui animus satis facessat negotiorum. — *versis ani-*

Parthum dicere nec quae nihil attinent.

Hic vivum mihi cespitem, hic

Verbenas, pueri, ponite turaque

15 Bimi cum patera meri:

Mactata veniet lenior hostia.

Carmen XX.

Vile potabis modicis Sabinum

Cantharis, Graeca quod ego ipse testa

Conditum levi, datus in theatro

Cum tibi plausus,

mosum equis] cf. Carm. II, 13, 17. — *quae nihil attinent]* ad me, cum nunc nihil curem nisi amorem. — *cespitem]* ad extruendam aram. cf. Carm. III, 8, 4. — *verbenas]* herbas puras ex loco sacro collectas. Cf. Carm. IV, 11, 6sq. Virg. Aen. XII, 120.

Carmen XX.

Parvum hoc carmen videtur inscriptum olim fuisse tabellis, quibus Horatius amicum suum Maecenatem ad convivium invitaret. Totum autem iocosum est et familiare et spirat dulcissimam et intimam amicitiam. Nam quod propositurus Maecenati erat Horatius vinum vile quidem fuit sed multis nominibus carum illi et acceptum. Et primum quidem Sabinum fuit, natum in villa a Maecenate olim dono data Horatio, deinde ab Horatio ipso conditum, tum eo ipso tempore conditum, quo Maecenas in theatro publicum honoris ac dignitatis testimonium accepit. Haec autem laeta populi acclamatio si eadem est cuius Carm. II, 17, 25 sq. mentio fit, ostendit simul quo anno ortum esse hoc carmen existimemus. Illam enim factam esse eodem anno constat, quo Horatius cadente arbore paene necatus est h. e. anno 728 u. c. (vide ad Carmen II, 13). Vile autem vinum quod appellatur, haud dubio recens fuit, fortasse bimum vel trimum; quadrimum etiam Carm. I, 9, 7 bibitur; quamquam Italica vina, natura austera, vetustate debebant mollescere.

V. 1. *vile Sabinum]* Omne Sabinum vinum haud magni habitum est a Romanis, recens minimi. Unde Martial. X, 49, 3 „Propinas modo conditum Sabinum, Et dicis mihi, Cotta: vis in auro? Quisquam plumbea vina vult in auro?“ — *modicis cantharis]* canthari maiora erant et ansata pocula. Hoc autem *modicis* iocose additum est, nam canthari magni esse solebant. — *graeca testa]* i. e. graeca amphora. Adiectivum obscurius positum; nam quid hoc, si Samiam vel Cumanam intelligimus? Fortasse indicatur Graeco vino prius imbutam esse amphoram, quo aliquanto melius fieret Sabinum. — *levi]* Amphorae, argilla vel vitro factae, cortice clauderantur ac deinde gypsabantur, ne posset aer intrare. Inscribebatur nomen consulis, quo anno natum erat vinum; vitreis amphoris addebantur tesserae, pittacia consulum nominibus in-

5 Care Maecenas eques, ut paterni
Fluminis ripae simul et iocosa
Redderet laudes tibi Vaticani
Montis imago.

Caecubum et prelo domitam Caleno
10 Tu bibes uvam: mea nec Falernæ
Temperant vites neque Formiani
Pocula colles.

Carmen XXI.

Dianam tenerae dicite virgines,
Intonsum pueri dicite Cynthium

scripta. — *care*] Sic in omnibus codicibus, nisi quod Bentleius in uno invenit *clare*. Illud autem cum familiaritatem qua erat Horatius cum Maecenate maxime deceat, non potest dubitari quin in hoc carmine sit praefendum. — *eques*] Equestri ordine quo natus erat contentus Maecenas non captavit maiores honores; quae modestia quantam gratiam ei apud populum paraverit, frequens apud scriptores et poetas ostendit commemoratio. cf. Carm. III, 16, 20. — *datus*] omisso *v. est.* cf. Carm. I, 12, 7. II, 7, 11. Sat. I, 10, 33. — *paterni fluminis*] Tiberis, qui ab Etruria fluit. In quo fluminis epitheto blandum est quasi quoddam indicium, patriam quoque Etruriam de virtute Maecenatis gavisam cum populo Romano coniunctum edidisse plausum; cum qua re consentit Vaticani montis ad dextram fluminis ripam siti commemoratio. Unde simul intelligitur tam laeto acceptum esse Maecenatem in theatro Pompeii e regione Vaticani montis sito. Ceterum metro coaetus nominis Vaticani syllabam *ti* Horatius corripuit. — *imago*] vide ad Carm. I, 12, 3. — *Caecubum*] Iam quattuor nobilissimi vini genera nominantur. — *tu bibes*] Hic futuri temporis usus non multum differt a coniunctivo quem dicunt potentialem; sic enim imprimis poetae indicant quae quominus possint fieri nihil est quod impediat. Sic Carm. II, 12, 10. Abstinentum igitur a coniecturis *tum bibes, non bibes*. — *temperant*] Epod. 17, 80. Audacter hoc dictum est *colles temperant*, sed recte, quoniam *colles* vinum dare eodem iure dici possunt quo vites.

Carmen XXI.

Octavianus ab Actio victor reversus in honorem Apollinis, cui victoriam se debere putaret, ludos Actiacos primum a. 726 celebravit. Iam cum tota huius carminis ratio ad ludos in honorem Apollinis et Dianae habitos pertineat, ad indicandos et celebrandos eos ludos Horatium haec cecinisse facili coniectura adducimur ut credamus. Cum qua re hoc egregie consentit, quod eodem anno Octavianus expeditiones parabat in Britannos et Arabes. Hoc tamen monendum, non credendum esse iis, qui in sollemni pompa ludorum *cantatum* esse carmen affirmarunt.

V. 1. *virgines*] Alloquitur Horatius choros puerorum et puellarum, laudes Apollinis et Dianae in ludis rite canentium. — *intonsum*] Epod. 15, 9.

Latonamque supremo
Dilectam penitus Iovi.

5 Vos lactam fluviis et nemorum coma,
Quaecunque aut gelido prominet Algido
Nigris aut Erymanthi
Silvis aut viridis Cragi;

Vos Tempe totidem tollite laudibus
10 Natalemque mares Delon Apollinis,
Insignemque pharetra
Fraternaque humerum Iyra.

Hic bellum lacrimosum, hic miseram famem
Pestemque a populo et principe Caesare in
15 Persas atque Britannos
Vestra motus aget prece.

Tibull. I, 4, 37 „Solis aeterna est Phoebus Bacchoque iuventa: Nam decet intonsus crinis utrumque deum.“ — *Cynthium*] a Deli monte Cyntho. — *nigris silvis*] cf. Carm. IV, 12, 11. IV, 4, 58. Nigrae silvae sunt, quarum arbores viridia quidem sed ad nigrum colorem vergentia habent folia; ut *ilex nigra*, *abies nigra* apud Virgil. Buc. 6, 54. Aen. VIII, 599. — *Cragi*] montis Lyciae, qui viridis appellatur propter arborum folia ex viridi ad flavum colorem vergentia. — *fraterna*] Mercurii, de quo vide Carm. I, 10, 6. — *hic bellum lacrimosum*] „Quo spectaverit communis Apollinis et Dianae religio, id optime ex Carmine saeculari cognosci potest. Nimirum cum soli et lunae, a quibus salubris aëris temperies adeoque tam agrorum fertilitas quam corporum sanitas pendet, divinam Apollinis et Dianae personam indueret antiquitas, habiti ii sunt dii salutare, publicae salutis auctores, σωτήρες, vel dii averrunci, ἀλεξίκακοι, ἀλεξίμοροι, ἀποτροπαιοι, qui famem, pestilentiam atque publicam calamitatem avertere possent; et hinc iidem sunt dii socii, πάροδοι, οἰνῆται, eiusdem religionis in eodem templo participes.“ Doering. — *a populo et principe*] Fuerunt qui et particulam eicere vellent, ut sit: „propterea quod princeps est Caesar.“ Attamen non viderunt illi Horatium particulis *et et que* saepe universae rei partem aliquam egregiam addere; quo factum est ut Caesaris salus arctissime coniuncta sit cum universa populi salute. De *et part. hoc consilio* posita vide ad Carm. I, 3, 19. Eadem fere res iam apud Homerum observatur Il. XIII, 1. — *in Persas atque Britannos*] cf. Carm. I, 2, 22. III, 27, 21–24.

Carmen XXII.

Integer vitae scelerisque purus
 Non eget Mauris iaculis neque arcu
 Nec venenatis gravida sagittis,
 Fusce, pharetra,

5 Sive per Syrtis iter aestuosas
 Sive facturus per inhospitalem
 Caucasum vel quae loca fabulosus
 Lambit Hydaspes.

Namque me silva lupus in Sabina,
 10 Dum meam canto Lalagen et ultra
 Terminum curis vagor expeditis,
 Fugit inermem;

Carmen XXII.

Horatius quid pietati in deos tribuat, manifestum est ex Carm. I, 17, 13. Idem hoc carmine probatur. Qui pii sunt, iidem sunt innocentes a diisque coluntur. Quam deorum tutelam ut in illo carmine sic in hoc quoque se ipsum expertum esse affirmat luculento exemplo. Quare sibi, pio vati et innocenti homini, nihil esse tam horribile quod possit nocere; praesenti deorum auxilio fretum ubique se posse poesi et amori indulgere. Habemus igitur iterum perpetuam Horatii doctrinam de integritate morum ac veris vitae gaudiis. Compositio carminis simplicissima est; tres enim partes sunt ex binis strophis coniunctae; in ipsis partibus altera semper strophæ primam amplius illustrat, ita tamen ut in tertia, quo in finem carmen rectius excurret, apodosis protasin sequatur. — Aristium Fuscum inter amicos Horatii non ultimum locum habuisse constat ex Sat. I, 9, 61. Epist. I, 10. Tempus quo carmen compositum sit definiri nequit.

V. 1. *Integer vitae*] vide Zumpt. gr. lat. § 437. — *Mauris*] vide ad Carm. I, 1, 28. — *gravida*] plena. cf. Virg. Aen. VII, 507. — *Syrtis aestuosas*] cf. Carm. II, 6, 3 sq. Sed explicatur etiam de ora Syrtibus adiacenti, arenosa et fervida; cf. Carm. II, 20, 15. Virg. Aen. V, 51; de qua Lucanus Phars. IX, 430: „At quaecunque vagam Syrtim complectitur ora Sub nimio projecta die, vicina perusti Aetheris, exurit messes et pulvere Bacchum Enecat, et nulla putris radice tenetur. Temperies vitalis abest et nulla sub illa Cura Iovis terra est: natura deside torpet Orbis et immotis annum non sentit arenis.“ — *inhospit. Caucasum*] Epod. 1, 12. — *fabulosus Hydaspes*] India Romanis prope ignota, ut etiam Plinius II. N. VI, 17 scripserit: „Patefacta est (India) non modo Alexandri Magni armis regumque qui ei succedere, circumvectis etiam in Hyrcanum mare et Caspium Seleuco et Antiocho praefectoque classis eorum Patrocle; verum et aliis auctoribus graecis cet. Non tamen deest diligentiae locus, adeo diversa et incredibilia traduntur.“

V 10. *Lalage*] Λαλαγή. — *curis expeditis*] Alii ex codd. *expeditas*; sed homoeoteleuton facit ut illud praefarendum videatur; nam utriusque scripturae sententia eodem redit. Homoeoteleuti exempla ubi-

- Quale portentum neque militaris
 Daunias latis alit aesculetis,
 15 Nec Iubae tellus generat leonum
 Arida nutrix.
 Pone me pigris ubi nulla campis
 Arbor aestiva recreatur aura,
 Quod latus mundi nebulae malusque
 20 Iuppiter urget;
 Pone sub curru nimium propinqui
 Solis in terra domibus negata:
 Dulce ridentem Lalagen amabo,
 Dulce loquentem.

vis obvia, ut Carm. II, 12, 1. 16, 38. 17, 1, alia. — *quale portentum*] In his quae inest superlatio, eam apparet accommodatam esse ad sensus quibus Horatius cum conspiceret lupum subito movebatur. — *Daunias*] Apulia. cf. Carm. IV, 14, 26. A graecis formis huic similibus in nominibus etiam latinis, cum metri quaedam necessitas urgeret, non abhorruerunt latini poetae. Est autem adiectivum nomen. — *aesculetis*] vide ad Carm. I, 5, 8. — *quale portentum*] vide Zumpt. gr. lat. §. 765. adnot. — *pigris campis*] Describitur his quattuor versibus frigida, duobus insequentibus torrida zona. cf. Carm. III, 3, 55. 24, 36. Deinde notandum est, ex more satis frequenti adiectiva *pigris*, *aestiva* in mediis, substantiva *campis*, *aura* posita esse in extremis versibus; qua re egregie perspicuitati elocutionis consultum videmus. — *malusque Iuppiter*] cf. Carm. I, 1, 25. — *urget*] vide ad Carm. II, 9, 9. — *dulce ridentem*] vide ad Carm. II, 12, 14. — *pone*] Notanda anaphora in primo verbo duarum stropharum, qua facile est sentire quam magna vis huic verbo accedat. Quare haud rarum hoc genus; nam compara Carm. I, 35, 5. 9. 17. 21; II, 6, 13 et 21; II, 16, 1 et 5; II, 19, 9 et 13; II, 20, 9 et 13; III, 3, 9 et 13; III, 4, 37 et 41; III, 9, 1. 5. 9 et 13. cet. — *dulce loquentem*] Iocose ratio habita est nominis Lalages, quae quod nomine pollicita est re comprobavit. Ceterum in vv. 23. 24 alterum est genus anaphorae, quo idem vocabulum legitur in prima sede duorum inter se excipientium versuum; cuius generis alia exempla haec appono: Carm. I, 28, 33 sq. I, 34, 9 sq. I, 36, 11 sq. II, 3, 5 sq. II, 6, 6 sq. II, 8, 21 sq. II, 16, 5 sq. III, 11, 30 sq. 37 sq. Iam ut hoc loco nunc defungar, tertium genus est cum idem vocabulum in prima quidem sede duorum versuum reperitur, sed qui tertio aliquo distinetur: Carm. II, 1, 17. 19. II, 3, 17. 19. III, 1, 45. 47. III, 19, 5. 7. III, 24, 33. 35. Tum quarto genere idem vocabulum in uno quidem versu repetitur sed in conspicuis locis, ut in initio et media arsi: Carm. II, 19, 17. III, 4, 45. (III, 10, 5). IV, 4, 30. IV, 7, 15. 23. Cui quo genere cognatum est hoc, cum quod in prima sede versus collocatum est vocabulum in medio altero versu iteratur: III, 3, 65 sq. Quinto genere idem vocabulum in pari sede eiusdem vel similis versus repetitur, ut III, 4, 53. 54. IV, 13, 10. 11. Denique varia genera anaphorae non raro ad augendam vim coniunguntur; quod quomodo fiat ex his vide locis III, 29, 17–21; III, 21, 13–17; IV, 13, 17–18. IV, 14, 41–52.

Carmen XXIII.

Vitas hinnuleo me similis, Chloë,
Quaerenti pavidam montibus aviis

Matrem non sine vano

Aurarum et siluae metu:

5 Nam seu mobilibus veris inhorruit

Adventus foliis seu virides rubum

Dimovere lacertae,

Et corde et genibus tremit.

Atqui non ego te tigris ut aspera

10 Gaetulusve leo frangere persequor:

Tandem desine matrem

Tempestiva sequi viro.

Carmen XXIV.

Quis desiderio sit pudor aut modus

Tam cari capitis? Praecepit lugubres

Carmen XXIII.

Ad graecum fortasse exemplum Chloën, timidam puellam et amori se subtrahentem, comparat cum hinnulo matrem anxie sequenti et pericula undique timent. Chloe (χλόη) nomen ab Horatio non fictum sed electum est, quoniam bene congruit cum natura puellae et aetate.

V. 1. *hinnuleo*] De rara hac imminuendi forma vide Zumpt. gr. lat. §. 240 ad fin. — *vitas*] In bonis codicibus quod legitur *vitat*, etiamsi per metrum ferri possit (cf. Carm. I, 15, 24 et 36), repugnat tamen versui 9. Longe alia ratio est Carminis II, 5, nam ne ibi quidem transitur a tertia persona ad alteram. — *siluae*] trisyllabum, ut Epod. 13, 2. — *veris inhorruit adventus foliis*] Non potest negari audacter ita dictum esse ab Horatio, nam non *adventus veris* proprie inhorrescit foliis, sed inhorrescunt folia adventu veris. Sic Plin. II. N. XVIII, 35 fin.: „Trifolium quoque inhorrescere et folia contra tempestatem subrigere certum est.“ Non male iam comparatum est nostrum: „es rauscht der Frühling in den Blättern;“ nam *adventus veris* indicatur flatu Favonii, qui eius est comes. Carm. IV, 12, 1. — *virides lacertae*] Hoc quoque indicium veris, lacertas prodire ex latebris, in quas hieme se condiderint. cf. Virg. Buc. 2, 9. — *tremit*] hinnuleus. — *Gaetulus*] Africanus. Γαιτοῦλος. — *frangere persequor*] vide ad Carm. I, 1, 8. — *tempestiva viro*] nubilis.

Carmen XXIV.

Dulcissimum hoc de morte Quinctilii ad Virgilium summum poetam carmen absolutum omnino est ac perfectum; nam cum Horatii

Cantus, Melpomene, cui liquidam pater
Vocem cum cithara dedit.

5 Ergo Quinctilium perpetuus sopor
Urget: cui Pudor et Iustitiae soror,
Incorrupta Fides nudaque Veritas
Quando ullum inveniet parem?

Multis ille bonis flebilis occidit;
10 Nulli flebilior quam tibi, Virgili.
Tu frustra pius heu non ita creditum

tristes querimoniae usque ad medium versum (v. 10) vehementer auctae ingens damnum, quod praestari non possit, et singulares virtutes defuncti amici dulcissimo moerore descripserint, tota altera pars superiori contraria est: luctum iustum sed irritum esse, calamitatem patienter ferendam. Qua quidem consolandi ratione quae potest melior inveniri? Nam est consolatio ad eum, quocum Quinctilius intima familiaritate coniunctus vixerat. Laudat igitur Horatius Virgilii moerorem ac luctum ob ereptum amicum; imparem se profitetur qui satis digno *ᾄδῳ* prosequi possit tam egregium hominem, tam dulcem amicum, vocat in auxilium Musam, prodit necopinatum suum etiam dolorem et concedit tamen neminem maiore iure lugere quam Virgilium. Sic cum aditum sibi paraverit ad animum contristati amici „at, inquit, frustra conquere- ris, frustra reposcis quem semel eripuerunt dii; in vitam reducere non posses mortuum, etiam si Orpheo blandius caneres. Quare quid erit faciendum? Patientia levandum est quod nequit dolore restitui.“ Sic ostendisse nobis videmur hoc quoque carmen ita esse compositum, ut nihil non modo desecari sed ne transponi quidem posse intelligatur. — Cum Quinctilium a. 730 mortuum esse sciamus, carmen quo tempore scriptum sit liquet.

V. 1. *desiderio*] In dativo difficultas quaerenda non est; recte enim congruit cum maiore quam h. l. verbum *sit* habet vi ac potestate, deinde *pudor et modus* bene coniuncti sunt, nam ubi a nimio luctu pudor homines prohibet, modus simul querelis ponitur. Sic Martial. VIII, 3, 3: „Sit pudor et finis“ et VIII, 64, 15: „Sit tandem pudor et modus rapinis.“ — *cari capitis*] Sic Schillerus noster: „Er zählt die Häupter seiner Lieben, Und sieh! ihm fehlt kein theures Haupt.“ — *ergo*] Significat haec particula subitam et vehementem admirationem, ad quam cum loci natura dolorem addat, efficitur ut necopinati doloris sensus exprimatur. — *urget*] vide ad Carm. II, 9, 9. cf. Virg. Aen. X, 745. — *Pudor*] cf. Carm. Saec. 58. Est autem ea virtus, qua ne quid mali committamus insito quodam nobis honestatis sensu prohibemur (Ehrgefühl). — *Iustitiae soror*] cf. Cic. de offic. II, 7. Iustitia et fides cognatione quadam copulatae sunt, ut altera non possit esse sine altera. — *nudaque Veritas*] simplex, aperta, quae neque ullum verborum ornamentum neque artificium neque fucum aliumve cultum desiderat. — *inveniet*] De singulari numero lege Zumpt. gr. lat. §. 373. adnot. 1 med. — *Virgili*] vide Zumpt. gr. lat. §. 33. adnot.

V. 11. *frustra pius heu*] Noli intelligere pietatem in amicum; sed eadem est pietas quam in his invenimus locis: Carm. I, 17, 14. II, 14, 2. IV, 7, 24; quibuscum conferas locum ex simili carmine Ovidii

Pocis Quinctilium deos.

Quodsi Threicio blandius Orpheo
Auditam moderere arboribus fidem,

15 Non vanae redeat sanguis imagini,
Quam virga semel horrida

Non lenis precibus fata recludere
Nigro compulerit Mercurius gregi.
Durum: sed levius fit patientia

20 Quidquid corrigere est nefas.

Carmen XXV.

Parcius iunctas quatunt fenestras

Ictibus crebris iuvenes protervi

de morte Tibulli poetae, Am. III, 9, 37:

Vive pius, moriere pius, cole sacra, colentem

Mors gravis a templis in cava busta trahet.

Pii autem diis cari sunt et amici; pios igitur maior spes est moturos precibus deos; nam (Ovid. Met. VIII, 725) „Cura pii dis sunt et qui coluere coluntur“. Et tamen quamquam pius est Virgilius, mortuum amicum non reducent dii in vitam; est igitur ille frustra pius, id quod magnopere est dolendum. Sic intelligitur *heu* particula. — *non ita creditum*] Demonstrativum adverbium *ita* requirit relativam sententiam, quae cum generalis sit nullo negotio intelligatur: *ut nunc factum est* i. e. ut tam mature eum tibi eriperent. — *Quodsi*] vide ad Carm. I, 1, 35. In multis tamen et antiquis codicibus sic legitur *Quid si* et deinde *Num vanae* cet. — *Orpheo*] cf. Carm. I, 12, 8. — *arboribus*] vide Zumpt. gr. lat. §. 419. — *Threicio*] Epod. 13, 3; est graeca forma *Θρηϊκίος*. — *fidem*] Singularis apud poetas pro plurali satis frequens; cf. Carm. I, 17, 18. Epod. 13, 9. — *vanae imagini*] Animae mortuorum speciem quidem corporum referebant, ut oculis cernerentur; sed tactum effugiebant; inde *simulacra* sunt et *εἰδωλα*, et recte appellantur *vanae*. cf. Virg. Aen. VI, 292. — *fata recludere*] Fata hominum certa sunt et immutabilia; inde *recludere* verbum ab Orci portis facile transfertur ad ipsa fata quae nulla vi nec hominum nec deorum solvuntur. De infin. vide ad Carm. I, 1, 18. — *semel*] ein für allemal, de iis rebus quae fieri non possunt nisi semel; cf. Cic. Deiot. 3, 9. Virg. Aen. XI, 418. — *durum*] Vide quanta insit in hac brevitate vis dicendi; quanto hoc gravius quam illud, durum quidem hoc est, sed cet.

Carmen XXV.

Acerbum hoc est carmen et contumeliosum in Lydiam, olim formosam et duram, nunc senescentem et paene desertam; plenum est exprobrationis et maledictionis. Medius versus (10) huius quoque carminis caput et fastigium habet.

Nec tibi somnos adimunt, amatque
Ianua limen

5 Quae prius multum facilis movebat
Cardines. Audis minus et minus iam:
„Me tuo longas pereunte noctes,
„Lydia, dormis?“

Invicem moechos anus arrogantes
10 Flebis in solo levis angiportu
Thracio bacchante magis sub inter-
lunia vento,

Cum tibi flagrans amor et libido,
Quae solet matres furiare equorum,
15 Saeviet circa iecur ulcerosum,
Non sine questu,

Laeta quod pubes hedera virenti

V. 1. *parcius*] rarius. — *iunctas fenestras*] valvas fenestrarum occlusas; quae quales fuerint discas ex his verbis Beckeri Gall. T. I. p. 100: „Die Fenster mögen in alter Zeit unverschlossene Oeffnungen gewesen sein, die höchstens durch Läden geschlossen wurden. In späterer Zeit bediente man sich besonders des lapis specularis (Frauenglas, Marienglas), der häufig erwähnt wird. Selbst Säulengänge verschloss man durch dergleichen Fenster. Die Frage, ob die Alten sich auch des Fensterglases bedient haben, ist früher gewöhnlich verneinend beantwortet worden. In neuerer Zeit ist man indessen darüber nicht in Zweifel und mehr als alle Belege aus späten Schriftstellern beweisen die in Pompeji gefundenen Glasscheiben und selbst Fenster.“ — *multum facilis*] facillima; de quo usn voc. *multum* cf. Carm. III, 27, 47. Epod. 15, 11. 17, 20. Sat. I, 3, 57. II, 3, 147. Epist. I, 3, 15. Sic ianua vel porta etiam *difficilis* appellatur alias. — *Me tuo cet.*] Versus 7 et 8 ex carmine sunt παρακλαινσιθύρω, quale est Carm. III, 10. — *longas noctes*] Epist. I, 1, 20. — *invicem*] vicissim. Epod. 15, 24; eadem prope ratione Carm. III, 28, 9. — *angiportu*] iter compendiarium in oppido. De duplici eius vocabuli forma vide Zumpt. gr. lat. §. 98. — *levis*] contempta. — *magis*] vehementius quam solet alias — *Interlunia*] Eo tempore quo neque vetus neque nova luna conspicitur saevire dicebantur venti; nam hoc est *bacchari*, ut Ovid. Trist. I, 2, 29: „Boreas bacchatus ab Arcto“; cf. Virg. Aen. IV, 666. — *furiare*] in furem conicere. cf. Virg. Aen. II, 407. Georg. III, 266. — *iecur*] vide ad Carm. I, 13, 4. — *ulcerosum*] cf. Epist. I, 18, 72. Verum ut cum ulcere coniuncta est foeditas ac taedium, sic ulcerosum iecur non cupiditatem solum, quae est in *vulnerare*, *vulneratus*, significat, sed foedam ac nimiam cupiditatem. — *hedera virenti*] hellgrüner Epheu. — *pull. myrt.*] dunkelgrüne Myrte, graulichgrüne Myrte (Goethe). cf. Carm. I, 21, 7. Deinde in comparatione alterum membrum mutatum est; nam cum simpliciter dicendum esset *quam aridis frondibus*, ad augendum ludibrium

Gaudeat pulla magis atque myrto,
Aridas frondes hiemis sodali

20 Dedicet Hebro.

Carmen XXVI.

Musis amicus tristitiam et metus
Tradam protervis in mare Creticum
Portare ventis, quis sub Arcto
Rex gelidae metuatur orae,

5 Quid Tiridaten terreat, unice
Securus. O quae fontibus integris

hanc partem nova instruxit sententia. De Hebro vide Carm. III, 25, 10. Epist. I, 3, 3.

Carmen XXVI.

L. Aelius Lamia, quantum quidem ex hoc carmine et ex libr. III carm. 17 intelligitur, animo videtur fuisse severo rerumque quae tum erant nimis curis agitato ad tristitiamque proclivi. Cui quidem Horatius quid ipse Musarum cultui et poesi debeat ostendit, quam liber sit ab omni tristitia ac metu, quam gaudeat omnibus quae grata et incunda dederit rerum natura. Quare ad Musam conversus precatur, ut amico quoque animum et oculos ad percipiendas et fruendas sinceras voluptates quasi aperiat, ut hunc quoque ab alienarum rerum ingrata cura revocatum ad vitam vere beatam perducatur meritoque honore augeat. — Exemplum earum rerum, quibus commoveri amicum Horatius vetat, Parthorum proponitur intestinum bellum inter Tiridatem et Phraatem; de quo Iustinus XLII, 5: „Victoria de Antonio insolentior Phraates redditus cum multa crudeliter consuleret, in exilium a populo suo pellitur. Itaque cum magno tempore finitimas civitates, ad postremum Scythas precibus fatigasset, Scytharum maximo auxilio in regnum restituitur. Hoc absente regem Parthi Tiridatem quendam constituerant, qui audito adventu Scytharum cum magna amicorum manu ad Caesarem in Hispaniam bellum tunc temporis gerentem profugit.“ Iam cum Phraates a. 730 reductus sit Scytharum auxilio, efficiatur necesse est ut hoc carmen a. 729 compositum videatur. Alii Iustini fidem spernentes et Dionis auctoritatem sequentes Tiridatem non in Hispania sed in Asia a. 724 ad Caesarem venisse eodemque anno carmen scriptum dicunt.

V. 2. *protervis ventis*] quoniam quaeque sibi obstantia propellunt et quasi ludibrio habent. Epod. 16, 22. — *mare Creticum*] ideo potissimum nominatur, quia maris medii ab Italia remotissima prope pars est. — *portare*] vide ad Carm. I, 1, 8. — *quis*] a quibus. Epod. 11, 9. Sat. I, 1, 75. 3, 96. 4, 72. 130. 5, 42. 9, 27. Indicatur Scytharum rex.

V. 6. *fontibus integris*] Sincera gaudia abundanter ex laeto naturae rerum conspectu et usu percipienda non sine arte ad ipsam referuntur Musam; nam cum Musam flores et coronam nectere vult Lamiae, hoc

Gaudes, apricos nocte flores,
 Nocte meo Lamiae coronam,
 Pimplea dulcis. Nil sine te mei
 10 Prosunt honores: hunc fidibus novis,
 Hunc Lesbio sacrare plectro
 Teque tuasque decet sorores.

Carmen XXVII.

Natis in usum laetitiae scyphis
 Pugnare Thracum est: tollite barbarum
 Morem, verecundumque Bacchum
 Sanguineis prohibete rixis.

5 Vino et lucernis Medus acinaces

agit, ut Lamiam quam iucunda omnia sint in hac terra, modo ipsi ea superbe ne spernamus, amice commoneat. — *Pimplea*] *Πιμπλεια* est mons Thraciae cum fonte Musis sacro. A quo nomine latinum fit adiectivum *Pimpleius*; quapropter nihil videtur esse quod cogat reiecta omnium codicum auctoritate graecam praeferre formam *Pimplei*. — *prosunt*] Sic plurimi codices, pauci *possunt*. Utrumque bene dicitur; sed valet codicum auctoritas. — *honores*] sunt carmina quibus honores tribuuntur. cf. Carm. IV, 9, 25—30. — *fidibus novis*] novo carmine, lyrico, nam plectrum Lesbium est. Et conferas Carm. III, 30, 13. — *sacrare*] perpetuo honore extollere, ut Epist. II, 1, 49. „Versus parum concinne compositus (hunc Lesbio sacrare plectro) cui nullum alium similem reperiās. Cultis Horatii auribus in quarta huius versiculi syllaba desinens vocabulum non satis faciebat nisi id monosyllabum esset. Vocabulum longius praeter *hunc Lesbio* inveni semel II, 3, 27.“ Lachmann. apud Frank. p. 239.

Carmen XXVII.

Ut nono carmine huius libri sic hoc quoque in medium convivium ab Horatio et amicis celebratum ducimur. Ibi cum fervidiore Falerno calidi facti sodales a iurgiis ad certamina pervenissent, surgit Horatius, qui vehementiore vino abstinnerat (vide v. 9), revocatque sodales ad ordinem et amicitiam. Pugnare in conviviis et pocula in arma convertere barbarorum et ferorum hominum (v. 2. 5.), non Romanorum et cultorum esse dicit, tum inde a tertia strophā, postquam duabus superioribus anres et animos omnium in se suaeque verba convertit, quo facilius convivae iram obliviscantur, subito aliam rem obicit rixae plane contrariam eamque ita instituit, ut per risum et iocum pace reconciliata ad hilaritatem omnes leniter cogat.

V. 3. *verecundumque Bacchum*] cf. Carm. I, 18, 7. Epod. 11, 13. Verecundia autem ea virtus est quae nostram aliorumque dignitatem vetat ne laedamus. — *prohibete*] Vide Zumpt. gr. lat. §. 469. —

Immane quantum discrepat; impium

Lenite clamorem, sodales,

Et cubito remanete presso.

Vultis severi me quoque sumere

10 Partem Falerni? Dicat Opuntiae

Frater Megillae, quo beatus

Vulnere, qua pereat sagitta.

Cessat voluntas? Non alia bibam

Mercede. Quae te cunque domat Venus,

15 Non erubescendis adurit

Ignibus ingenuoque semper

Amore peccas: quidquid habes, age,

Depone tutis auribus. Ah miser,

Quanta laborabas Charybdi,

20 Digne puer meliore flamma!

Quae saga, quis te solvere Thessalis

Magus venenis, quis poterit deus?

Vix illigatum te triformi

Pegasus expedit Chimaera.

immane quantum] Aliquanto fortius hoc dictum est quam quod frequentius est *mirum quantum*; Liv. II, 1, 11; utrumque ita ponitur ut *nescio an*, alia, quae per parenthesin illata adverbii vice funguntur. Neque aliter Graeci, de quibus Buttmanni gr. gr. p. 448 (ed. 16.). — *cubito presso*] impresso pulvillis substratis cubito sinistro. cf. Sat. II, 4, 39. — *severi Falerni*] Haec facile ut coniungantur, efficitur pari quem utrumque vocabulum habet versus loco. *Severum Falernum* idem est quod Sat. II, 4, 24 forte appellatur. — *Vultis*] Interrogando nihil efficitur aliud nisi vivida quaedam protasis. Zumpt. gr. lat. §. 780. — *Opuntiae frater Megillae*] unus e convivis, cuius nomini haec blanda et honorifica pulchrae sororis commemoratio substituitur. — *beatus vulnere*] Egregium oxymori exemplum; nam Venus „dulcem curis miscet amaritatem“ (Catull. 68, 18). — *sagitta*] cf. Carm. II, 8, 15. — *quae te cunque*] vide ad Carm. I, 6, 3. — *ah miser*] Audito tandem puellae nomine iocose exclamat, quod tam rapacis et saevae puellae amore ille teneatur, neque mirandum fuisse significat, quod nomen eius cum quaereretur pronuntiare cunctatus sit. Hinc referendum est imperfectum *laborabas*. — *Charybdi*] Virg. Aen. III, 420. — *saga*] Insequuntur *magus et deus*; in quibus inesse vides gradationem. — *Thessalis venenis*] *μαχόις*, quibus Thessalia abundabat, unde Thessali noti venefici et magi. Epod. 5, 45. — *Chimaera*] Quam propter avaritiam cum Charybdi comparavit, eam Chimaeram appellat propter inconstantiam. Hom. II. VI, 180. Hesiod. Theog. 325: „Τὴν μὲν Πήγασσος εἶλε καὶ ἑσθλὸς Βελ-λεροφόντης.“

Carmen XXVIII.

Te maris et terrae numeroque carentis arenae
Mensorem cohibent, Archyta,

Carmen XXVIII.

Nullum est inter Horatiana carmina quod interpretibus tantas molestias procreaverit quantas hoc. Quare diversissimae eorum sunt sententiae. Alii dialogum inter Archytam et nautam, alii *μολογίαν* esse affirmant; neque qui alterutri sententiae addicti sunt inter se consentiant. Ac prioris quidem partis eorum, qui dialogum scripsisse Horatium statuunt, alii nautae Matinum litus praetervehenti sex tantum versus, Archytae respondentis reliquos attribuant, alii nautam viginti versus dicentem faciunt. Qui *μολογίαν* invenerunt, miro sane acuminis aut Horatii etiam viventis ab eodem Horatio fictam umbram in littore deambulantem ac declamantem audiebant, aut Archytae umbram primo secum severe philosophantem, deinde nautam casu praetervehentem precibus et minis sollicitantem fingebant, aut verba esse putabant alius peregrini nescimus cuius hominis primum ad Archytam, deinde ad nautam dicentis. Iam vero qualiscunque est ratio carminis, hoc certum videbitur, voluisse Horatium describere et castigare ingentia studia hominum, quippe qui aut nimia earum rerum quae humanos sensus superent cura et cupiditate teneantur quaeque dii sibi servaverint ad terram quasi detrudere conentur, aut nihil nisi terram spectantes coelum ipsum et omnia maiora sublimioraque prae divitiis et lucro contemnunt. Utriusque studii inanitas Archytae, philosophi Pythagorei Tarentini, et nautae exemplis probatur. Ironia vere Horatiana per totum carmen manifesta est, neque minus manifesta oppositio inter duas personas (te vv. 1. 14. 23. 27. 28. 30. 31. 33. 36. me vv. 21. cf. 33.). Quare optimum est iis accedere qui dialogum esse carmen existimant. Archytae naufragi corpus undis eiectum iacet in littore Apuliae; quo conspecto nauta praetervehens quid de Archytae studiis ac laboribus sentiat prodit; respondet umbra ad inhumatum corpus vagans, ostendens quam perniciosa sit contraria cupiditas, qua nautae etiam ad negligendam pietatem ac religionem agantur. Nam hoc certum est, in omnibus prope verbis nautae contumeliam et irrisiorem expressam esse. Praeterea Archytae corpus sepultum non est (vv. 23. 36); naufragus petit ut pulvere ter injecto corpus suum sepeliatur. Iam si quaeris, ubi Archytas incipiat loqui, primum indicium invenitur in v. 14 *iudice te*, quae Archytae esse non possunt, alterum v. 21 *me quoque*, quae nautae nequeunt tribui. Iam cum haec *me quoque* a versu 20 dividi non possint, consistendum nunc quoque mihi videtur in ea ratione, qua nautae sedecim primos versus dando esse ante duos annos tentavi demonstrare. Nam non videtur necessarium esse, ut versus 16 et 17 eidem personae tribuantur: „Omni-bus moriendi necessitas imposita est: (sed) varia sunt mortis genera.“ Ita sententias coniungendas esse non credo, ne sed v. 15. particulam quasi alterae eadem sequatur. Verum incipit Archytas bene ac simili sententia sic: „Recte quidem omnibus moriendum esse ais, nam cet.“ — Quo tempore scriptum sit carmen, quis dicat?

[V. 1. *arenae mensorem*] Proverbii instar fuit *arenam numerare vel metiri* de re infinita et difficillima, sed supervacanea et ridicula. cf. Virgil. Georg. II, 104 sqq. Quare hoc *arenae* eodem consilio additum sentis, quo ea quae insequuntur *pulveris exigui parva munera* contra ingentia studia, quibus Archytas, Pythagoreus philosophus, Platonis ae-

Pulveris exigui prope littus parva Matinum
 Munera, nec quidquam tibi prodest
 5 Aërias tentasse domos animoque rotundum
 Percurrisse polum morituro.
 Occidit et Pelopis genitor conviva deorum
 Tithonusque remotus in auras
 Et Iovis arcanis Minos admissus habentque
 10 Tartara Panthoiden iterum Orco
 Demissum, quamvis clipeo Troiana refixo
 Tempora testatus nihil ultra
 Nervos atque cutem morti concesserat atrae,
 Iudice te non sordidus auctor

qualis, mare et terram emensus esse dicitur, invidiose ponuntur. Philosophus et geometra *animo* tantum omnes regiones non terrae solum sed aëris quoque percurrit et tentat, mercator terram solam et solidam, non aërem inanem neque solo animo sed corpore etiam. Is optime videtur vixisse, qui plurima sibi et suis commoda paravit; honores et magna nomina, qualia sunt Tantali, Tithoni, Minois, qui coelum captantes terram amiserunt, parvi sunt aestimanda; minoris etiam Pythagoras, qui cum animos hominum morti non succumbere discipulis persuaderet, operam et oleum perdidit. Scilicet quantumvis quondam se iam vixisse probaret, iterum mortuus nondum rediit in vitam. Sic Pythagorae et Archytæ de migratione et immortalitate animarum tota doctrina huic est ludibrio. Inde *Panthoidis* (v. 10) ironica compellatio; inde haec verba *nervos atque cutem* pro corpore posita, ex Pythagorae corpus prae animo contemnenti animo dicta; inde acerba et falsa laudatio *iudice te non sordidus auctor*. Sordidi enim apud philosophos sunt homines qualis hic nauta, qui bonis litteris spretis solam utilitatem laudabant (cf. Carm. II, 16, 15. Cic. de off. II, 6). Pythagoras olim, quo Troianis iam temporibus se vixisse comprobaret, Euphorbum, Panthoi filium (Hom. II. XVI, 808), se fuisse affirmavit clipeumque, quo olim usus esset, inter multos alios in templo Iunonis haud procul Mycenis affixos ostendit; quo clipeo *refixo* i. e. detracto (Epist. I, 18, 56. Epod. 17, 5) Euphorbi nomen vere inventum traditur. De qua re legatur Ovid. Met. XV, 160 sqq. Iam apertum est, opinor, quid versus velint 2 et 3. Nam te, inquit nauta, qui totam terram mente complectebaris, nunc *cohibent parva munera pulveris exigui*: i. e. tu nunc terrae exiguum partem, exiguum spatium occupas. Tum *cohibere* verbum quid sit, facile perspicies ex Carm. II, 20, 8. III, 4, 80. III, 14, 22. IV, 6, 34; cum quibus si comparaveris II, 18, 38. II, 19, 19, illud idem esse videbis quod *coercere* i. e. prohibere ne quid ultra certum quandam terminum evagetur, progrediatur. — *Matinum*] a Matino Apuliae promontorio. cf. Carm. IV, 2, 27. Epod. 16, 28. — *aërias domos*] cf. Carm. I, 3, 29. — *polum*] Per synecdochen ponitur passim a poetis pro ipso coelo; Epod. 17, 77. Virg. Aen. V, 721.

V. 13. *concesserat*] Poetae non abhorrent ab indicativo apud part. *quamvis*, cum praesertim non cogitata sed certa res significatur. Apud Horatium compara Epist. I, 14, 6. I, 17, 1. 22. A. P. 366. Carm. III, 7, 25. III, 10, 13; coniunctivus est Carm. IV, 2, 39. IV, 6, 6; ex

- 15 Naturae verique. Sed omnes una manet nox
 Et calcanda semel via leti.
 Dant alios Furiae torvo spectacula Marti,
 Exitio est avidum mare nautis ;
 Mixta senum ac iuvenum densentur funera , nullum
 20 Saeva caput Proserpina fugit.
 Me quoque devexi rapidus comes Orionis
 Illyricis Notus obruit undis.
 At tu, nauta, vagae ne parce malignus arenae
 Ossibus et capiti inhumato
 25 Particulam dare. Sic, quodcunque minabitur Eurus
 Fluctibus Hesperiiis, Venusinae
 Plectantur silvae te sospite , multaue merces ,

quibus locis discrimen senties. — *Tartara*] non de damnatorum sede, sed de universo Orco. Fuit autem metrica ratio, quae poetas ut *Tartara* dicerent, non *Tartaros* permovit. — *iudice te*] Qui carmen prave intelligerent, scribendum putarunt *iudice me*. Pythagorae in magna Graecia tam celebratum erat nomen, ut quaedam eius doctrinae notitia ad eos quoque homines pervenire deberet qui expertes fuerunt artium et disciplinarum. — *calcanda semel via leti*] Generalis sententia post prolata nonnulla eiusdem rei exempla desinendi aliquid indicium habet. cf. Carm. I, 17, 13. II, 3, 25. II, 10, 5. 21. II, 13, 19. III, 16, 17. III, 7, 19 cet. Versus 17—20 a superioribus diversam naturam produunt, quippe qui exclusa prope omni contumelia communem omnium mortalium conditionem describant, nisi quod v. 18 nautarum exemplum de industria sumptum apparet. — *avidum mare*] Altera lectio *avidis* prava est; epitheton illud maris ad metum nautae incutiendum aptissimum. cf. Carm. III, 29, 61. — *densentur*] Duplex forma est verbi, *densare* et *densere*; codices plerumque fluctuant; *densare* tamen a Livio et Quintiliano, *densere* a Lucretio, Horatio, Tacito et senioribus usurpata videtur, a Virgilio utraque. — *nullum saeva caput Proserp. fug.*] Nullum caput tantum, nemo tam gravis fuit, quem Proserpina i. e. mors fugerit, timuerit, ad quem mors non accesserit. Sic Lucan. Phars. II, 75: „Mors ipsa refugit saepe virum (Marinum)“. Proserpina enim ad moribundos accedit iisque cinninum desecat; Virg. Aen. IV, 698.

V. 21. *devexi Orionis*] Occidit Orion V. Id. Novembr., quo tempore tempestates saevire solent; inde *Notus* rapidus illius comes dicitur, inde ipse Orion nautis infestus. Epod. 15, 7. Carm. III, 27, 17. — *parce*] vide ad Carm. I, 1, 8. — *capiti inhumato*] In hoc verbo cum littera *u* brevis sit, vocalium *i* concursione hiat oratio; quod ne fieret duo critici scribere maluerunt *intumulto*. Sed cf. Carm. II, 20, 13. III, 14, 11. Epod. 5, 100. Sat. I, 9, 38. Fuit autem vetus superstitio, animam corporis inhumati non posse Stygias aquas transire (cf. Virg. Aen. VI, 325 sqq. 365. 374). Quare sacris legibus vetitum erat, ne quis ignotum etiam corpus, in quod incidisset, insepultum relinqueret. Quod officium ut festinantes etiam possent praestare, ter glebam iniecisse sufficiebat. — *sic*] vide ad Carm. I, 3, 1. — *quodcunque minabitur, ple-*

Unde potest, tibi defluat aequo
 Ab Iove Neptunoque sacri custode Tarenti.
 30 Negligis immeritis nocituram
 Postmodo te natis fraudem committere? Fors et
 Debita iura vicesque superbae
 Te maneant ipsum: precibus non linguar inultis
 Teque piacula nulla solvent.
 35 Quamquam festinas, non est mora longa; licebit
 Iniecto ter pulvere curras.

Carmen XXIX.

Icei, beatis nunc Arabum invides
 Gazis et acrem militiam paras

ctantur] Similis oratio Epist. I, 2, 14. — *unde]* vide ad Carm. II, 12, 7. — *Neptuno]* Fuit Archytas Tarentinus, quorum Neptunus *πολιεύχος* deus erat. — *negligis committere]* vide ad Carm. I, 27, 9. — *te natis]* vide Zumpt. gr. lat. §. 451. — *fors et]* fortasse *etiam*. Virg. Aen. XI, 50 — *ricesque superbae]* *ἀρισταύρα*, talio. cf. Hom. Od. XI, 72 sq. — *licebit curras]* vide Zumpt. §. 624. — *ter]* Ternarius numerus sacer.

Carmen XXIX.

Aelium Gallum a. n. 730 ex Aegypto expeditionem in Arabiam felicem Augusti iussu fecisse ex eaque summa quaeque expectasse Romanos supra ad Carm. I, 12 dictum est. Quid igitur mirum, quod magna Arabiae et eius divitiarum fama multos tum incendit iuvenes Romanos bellandi cupiditate omnique colligendarum expectatione? Ex amicis Horatii *Iccius* quoque, qui usque ad id tempus in otio et mansuetioribus litteris vixerat, nomen professus est. Quod cum andivisset Horatius, festivo hoc carmine amicum iocose deridet. Quare mirabundus exclamat: ergo tu quoque militiam paras, tu quoque otium et libros cum castris et gladio commutaturus es? *Laedere* Iccium Horatius non voluit; acerbitalis in amicum nihil reperitur toto carmine, ioci et leporis omnia plena sunt. Verum etiamsi Iccium non accusat, accusat tamen ingentem suae aetatis cupiditatem bonorum; etenim ita saepe fit, ut quae in amicos ridendo et iocando dicamus iis alios tangi velimus, cum praesertim amicos a tali eriminatione sciamus liberrimos. Ad eundem Iccium data est Epist. I, 12.

V. 1. *nunc]* Quanta nunc subito exarsit ferocia, quanta audacia in te, qui adhuc fuisti placidus, tranquillus, innocuus; tu igitur ex mitissimo philosopho acerrimus bellator factus Arabibus et Parthis, invictis gentibus, militiam paras et catenas; tu igitur alter Achilles ignoti cuiusdam principis filiam servam, filium pocillatorem reduces. Sic continuatur iocosa irrisio, amabilis superlatio. Post *catenas* interrogandi signum rectius ponitur; admirationi enim, non affirmationi hic locus est. Sic totum carmen ex interrogationibus compositum est: de qua re com-

Cantus, Melpomene, cui liquidam pater
Vocem cum cithara dedit.

5 Ergo Quinctilium perpetuus sopor
Urget: cui Pudor et Iustitiae soror,
Incorrupta Fides nudaque Veritas
Quando ullum inveniet parem?

Multis ille bonis flebilis occidit;
10 Nulli flebilior quam tibi, Virgili.
Tu frustra pius heu non ita creditum

tristes querimoniae usque ad medium versum (v. 10) vehementer auctae ingens damnum, quod praestari non possit, et singulares virtutes defuncti amici dulcissimo moerore descripserint, tota altera pars superiori contraria est: luctum iustum sed irritum esse, calamitatem patienter ferendam. Qua quidem consolandi ratione quae potest melior inveniri? Nam est consolatio ad eum, quocum Quinctilius intima familiaritate coniunctus vixerat. Laudat igitur Horatius Virgilio moerorem ac luctum ob ereptum amicum; imparem se profitetur qui satis digno *ῥόγῳ* prosequi possit tam egregium hominem, tam dulcem amicum, vocat in auxilium Musam, prodit necopinatum suum etiam dolorem et concedit tamen neminem maiore iure lugere quam Virgilium. Sic cum aditum sibi paraverit ad animum contristati amici „at, inquit, frustra conquereris, frustra reposcis quem semel eripuerunt dii; in vitam reducere non posses mortuum, etiam si Orpheo blandius caneres. Quare quid erit faciendum? Patientia levandum est quod nequit dolore restitui.“ Sic ostendisse nobis videmur hoc quoque carmen ita esse compositum, ut nihil non modo desecari sed ne transponi quidem posse intelligatur. — Cum Quinctilium a. 730 mortuum esse sciamus, carmen quo tempore scriptum sit liquet.

V. 1. *desiderio*] In dativo difficultas quaerenda non est; recte enim congruit cum maiore quam h. l. verbum *sit* habet vi ac potestate, deinde *pudor et modus* bene coniuncti sunt, nam ubi a nimio luctu pudor homines prohibet, modus simul querelis ponitur. Sic Martial. VIII, 3, 3: „Sit pudor et finis“ et VIII, 64, 15: „Sit tandem pudor et modus rapinis.“ — *cari capitis*] Sic Schillerus noster: „Er zählt die Häupter seiner Lieben, Und sieh! ihm fehlt kein *theures Haupt*.“ — *ergo*] Significat haec particula subitam et vehementem admirationem, ad quam cum loci natura dolorem addat, efficitur ut necopinati doloris sensus exprinatur. — *urget*] vide ad Carm. II, 9, 9. cf. Virg. Aen. X, 745. — *Pudor*] cf. Carm. Saec. 58. Est autem ea virtus, qua ne quid mali committamus insito quodam nobis honestatis sensu prohibemur (Ehrgefühl). — *Iustitiae soror*] cf. Cic. de offic. II, 7. Iustitia et fides cognatione quadam copulatae sunt, ut altera non possit esse sine altera. — *nudaque Veritas*] simplex, aperta, quae neque ullum verborum ornamentum neque artificium neque fucum aliumve cultum desiderat. — *inveniet*] De singulari numero lege Zumpt. gr. lat. §. 373. adnot. 1 med. — *Virgili*] vide Zumpt. gr. lat. §. 33. adnot.

V. 11. *frustra pius heu*] Noli intelligere pietatem in amicum; sed eadem est pietas quam in his invenimus locis: Carm. I, 17, 14. II, 14, 2. IV, 7, 24; quibuscum conferas locum ex simili carmine Ovidii

Poscis Quinctilium deos.

Quodsi Threicio blandius Orpheo
Auditam moderere arboribus fidem,
15 Non vanae redeat sanguis imagini,
Quam virga semel horrida

Non lenis precibus fata recludere
Nigro compulerit Mercurius gregi.
Durum: sed levius fit patientia

20 Quidquid corrigere est nefas.

Carmen XXV.

Parcius iunctas quatiunt fenestras
Ictibus crebris iuvenes protervi

de morte Tibulli poetae, Am. III, 9, 37:

Vive pius, moriere pius, cole sacra, colentem

Mors gravis a templis in cava busta trahet.

Pii autem diis cari sunt et amici; pios igitur maior spes est moturos precibus deos; nam (Ovid. Met. VIII, 725) „Cura pii dis sunt et qui coluere coluntur“. Et tamen quamquam pius est Virgilius, mortuum amicum non reducent dii in vitam; est igitur ille frustra pius, id quod magnopere est dolendum. Sic intelligitur *heu* particula. — *non ita creditum*] Demonstrativum adverbium *ita* requirit relativam sententiam, quae cum generalis sit nullo negotio intelligatur: *ut nunc factum est* i. e. ut tam mature eum tibi eriperent. — *Quodsi*] vide ad Carm. I, 1, 35. In multis tamen et antiquis codicibus sic legitur *Quid si* et deinde *Num vanae* cet. — *Orpheo*] cf. Carm. I, 12, 8. — *arboribus*] vide Zumpt. gr. lat. §. 419. — *Threicio*] Epod. 13, 3; est graeca forma *Θρηϊκίος*. — *fidem*] Singularis apud poetas pro plurali satis frequens; cf. Carm. I, 17, 18. Epod. 13, 9. — *vanae imagini*] Animae mortuorum speciem quidem corporum referebant, ut oculis cernerentur; sed tactum effugiebant; inde *simulacra* sunt et *εἰδωλα*, et recte appellantur *vanae*. cf. Virg. Aen. VI, 292. — *fata recludere*] Fata hominum certa sunt et immutabilia; inde *recludere* verbum ab Orci portis facile transfertur ad ipsa fata quae nulla vi nec hominum nec deorum solvuntur. De infin. vide ad Carm. I, 1, 18. — *semel*] ein für allemal, de iis rebus quae fieri non possunt nisi semel; cf. Cic. Deiot. 3, 9. Virg. Aen. XI, 418. — *durum*] Vide quanta insit in hac brevitate vis dicendi; quanto hoc gravius quam illud, durum quidem hoc est, sed cet.

Carmen XXV.

Acerbum hoc est carmen et contumeliosum in Lydiam, olim formosam et duram, nunc senescentem et paene desertam; plenum est exprobrationis et maledictionis. Medius versus (10) huius quoque carminis caput et fastigium habet.

Nec tibi somnos adimunt, amatque
Ianua limen

- 5 Quae prius multum facilis movebat
Cardines. Audis minus et minus iam:
„Me tuo longas pereunte noctes,
„Lydia, dormis?“

Invicem moechos anus arrogantes

- 10 Flebis in solo levis angiportu
Thracio bacchante magis sub inter-
lunia vento ,

Cum tibi flagrans amor et libido ,
Quae solet matres furiare equorum,

- 15 Saeviet circa circa iecur ulcerosum ,
Non sine questu ,

Laeta quod pubes hedera virenti

V. 1. *parcius*] rarius. — *iunctas fenestras*] valvas fenestrarum occlusas; quae quales fuerint discas ex his verbis Beckeri Gall. T. I. p. 100: „Die Fenster mögen in alter Zeit unverschlossene Oeffnungen gewesen sein, die höchstens durch Läden geschlossen wurden. In späterer Zeit bediente man sich besonders des lapis specularis (Frauenglas, Marienglas), der häufig erwähnt wird. Selbst Säulengänge verschloss man durch dergleichen Fenster. Die Frage, ob die Alten sich auch des Fensterglases bedient haben, ist früher gewöhnlich verneinend beantwortet worden. In neuerer Zeit ist man indessen darüber nicht in Zweifel und mehr als alle Belege aus späten Schriftstellern beweisen die in Pompeji gefundenen Glasscheiben und selbst Fenster.“ — *multum facilis*] facillima; de quo usu voc. *multum* cf. Carm. III, 27, 47. Epod. 15, 11, 17, 20. Sat. I, 3, 57. II, 3, 147. Epist. I, 3, 15. Sic ianua vel porta etiam *difficilis* appellatur alias. — *Me tuo cet.*] Versus 7 et 8 ex carmine sunt παρακλαυσιδύρον, quale est Carm. III, 10. — *longas noctes*] Epist. I, 1, 20. — *invicem*] vicissim. Epod. 15, 24; eadem prope ratione Carm. III, 28, 9. — *angiportu*] iter compendiarium in oppido. De duplici eius vocabuli forma vide Zumpt. gr. lat. §. 98. — *levis*] contempta. — *magis*] vehementius quam solet alias — *Interlunia*] Eo tempore quo neque vetus neque nova luna conspicitur saevire dicebantur venti; nam hoc est *bacchari*, ut Ovid. Trist. I, 2, 29: „Boreas bacchatus ab Arcto“; cf. Virg. Aen. IV, 666. — *furiare*] in furem conicere. cf. Virg. Aen. II, 407. Georg. III, 266. — *iecur*] vide ad Carm. I, 13, 4. — *ulcerosum*] cf. Epist. I, 18, 72. Verum ut cum ulcere coniuncta est foeditas ac taedium, sic ulcerosum iecur non cupiditatem solum, quae est in *vulnerare*, *vulneratus*, significat, sed foedam ac nimiam cupiditatem. — *hedera virenti*] hellgrüner Epheu. — *pull. myrt.*] dunkelgrüne Myrte, graulichgrüne Myrte (Goethe). cf. Carm. I, 21, 7. Deinde in comparatione alterum membrum mutatum est; nam cum simpliciter dicendum esset *quam aridis frondibus*, ad augendum ludibrium

Gaudeat pulla magis atque myrto,
Aridas frondes hiemis sodali

20 Dedicet Hebro.

Carmen XXVI.

Musis amicus tristitiam et metus
Trādam protervis in mare Creticum
Portare ventis, quis sub Arcto
Rex gelidae metuatur orae,

5 Quid Tiridaten terreat, unice
Securus. O quae fontibus integris

hanc partem nova instruxit sententia. De Hebro vide Carm. III, 25, 10. Epist. I, 3, 3.

Carmen XXVI.

L. Aelius Lamia, quantum quidem ex hoc carmine et ex libr. III carm. 17 intelligitur, animo videtur fuisse severo rerumque quae tum erant nimis curis agitato ad tristitiamque proclivi. Cui quidem Horatius quid ipse Musarum cultui et poesi debeat ostendit, quam liber sit ab omni tristitia ac metu, quam gaudeat omnibus quae grata et incunda dederit rerum natura. Quare ad Musam conversus precatur, ut amico quoque animum et oculos ad percipiendas et fruendas sinceras voluptates quasi aperiat, ut hunc quoque ab alienarum rerum ingrata cura revocatum ad vitam vere beatam perducatur meritoque honore augeat. — Exemplum earum rerum, quibus commoveri amicum Horatius vetat, Parthorum proponitur intestinum bellum inter Tiridatem et Phraatem; de quo Iustinus XLII, 5: „Victoria de Antonio insolentior Phraates redditus cum multa crudeliter consuleret, in exilium a populo suo pellitur. Itaque cum magno tempore finitimas civitates, ad postremum Scythas precibus fatigasset, Scytharum maximo auxilio in regnum restituitur. Hoc absente regem Parthi Tiridatem quendam constituerant, qui audito adventu Scytharum cum magna amicorum manu ad Caesarem in Hispaniam bellum tunc temporis gerentem profugit.“ Iam cum Phraates a. 730 reductus sit Scytharum auxilio, efficiatur necesse est ut hoc carmen a. 729 compositum videatur. Alii Iustini fidem spernentes et Dionis auctoritatem sequentes Tiridatem non in Hispania sed in Asia a. 724 ad Caesarem venisse eodemque anno carmen scriptum dicunt.

V. 2. *protervis ventis*] quoniam quaeque sibi obstantia propellunt et quasi ludibrio habent. Epod. 16, 22. — *mare Creticum*] ideo potissimum nominatur, quia maris medii ab Italia remotissima prope pars est. — *portare*] vide ad Carm. I, 1, 8. — *quis*] a quibus. Epod. 11, 9. Sat. I, 1, 75. 3, 96. 4, 72. 130. 5, 42. 9, 27. Indicatur Scytharum rex.

V. 6. *fontibus integris*] Sincera gaudia abundanter ex laeto naturae rerum conspectu et usu percipienda non sine arte ad ipsam referuntur Musam; nam cum Musam flores et coronam nectere vult Lamiae, hoc

Gaudes, apricos nocte flores,
 Nocte meo Lamiae coronam,
 Pimplea dulcis. Nil sine te mei
 10 Prosunt honores: hunc fidibus novis,
 Hunc Lesbio sacrare plectro
 Teque tuasque decet sorores.

Carmen XXVII.

Natis in usum laetitiae scyphis
 Pugnare Thracum est: tollite barbarum
 Morem, verecundumque Bacchum
 Sanguineis prohibete rixis.

5 Vino et lucernis Medus acinaces

agit, ut Lamiam quam iucunda omnia sint in hac terra, modo ipsi ea superbe ne spernamus, amice commoneat. — *Pimplea*] *Πιμπλεια* est mons Thraciae cum fonte Musis sacro. A quo nomine latinum fit adiectivum *Pimpleius*; quapropter nihil videtur esse quod cogat reiecta omnium codicum auctoritate graecam praeferre formam *Pimplei*. — *prosunt*] Sic plurimi codices, pauci *possunt*. Utrumque bene dicitur; sed valet codicum auctoritas. — *honores*] sunt carmina quibus honores tribuuntur. cf. Carm. IV, 9, 25—30. — *fidibus novis*] novo carmine, lyrico, nam plectrum Lesbium est. Et conferas Carm. III, 30, 13. — *sacrare*] perpetuo honore extollere, ut Epist. II, 1, 49. „Versus parum concinne compositus (hunc Lesbio sacrare plectro) cui nullum alium similem reperiās. Cultis Horatii auribus in quarta huius versiculi syllaba desinens vocabulum non satis faciebat nisi id monosyllabum esset. Vocabulum longius praeter *hunc Lesbio* inveni semel II, 3, 27.“ Lachmann. apud Frank. p. 239.

Carmen XXVII.

Ut nono carmine huius libri sic hoc quoque in medium convivium ab Horatio et amicis celebratum ducimur. Ibi cum fervidiore Falerno calidi facti sodales a iurgiis ad certamina pervenissent, surgit Horatius, qui vehementiore vino abstinuerat (vide v. 9), revocatque sodales ad ordinem et amicitiam. Pugnare in conviviis et pocula in arma convertere barbarorum et ferorum hominum (v. 2. 5.), non Romanorum et cultorum esse dicit, tum inde a tertia strophā, postquam duabus superioribus aures et animos omnium in se suaeque verba convertit, quo facilius conviviae iram obliviscantur, subito aliam rem obicit rixae plane contrariam etiamque ita instituit, ut per risum et iocum pace reconciliata ad hilaritatem omnes leniter cogat.

V. 3. *verecundumque Bacchum*] cf. Carm. I, 18, 7. Epod. 11, 13. Verecundia autem ea virtus est quae nostram aliorumque dignitatem vetat ne laedamus. — *prohibete*] Vide Zumpt. gr. lat. §. 469. —

Immane quantum discrepat; impium
 Lenite clamorem, sodales,
 Et cubito remanete presso.

Vultis severi me quoque sumere
 10 Partem Falerni? Dicat Opuntiae
 Frater Megillae, quo beatus
 Vulnere, qua pereat sagitta.

Cessat voluntas? Non alia bibam
 Mercede. Quae te cunque domat Venus,
 15 Non erubescendis adurit
 Ignibus ingenuoque semper

Amore peccas: quidquid habes, age,
 Depone tutis auribus. Ah miser,
 Quanta laborabas Charybdi,
 20 Digne puer meliore flamma!

Quae saga, quis te solvere Thessalis
 Magus venenis, quis poterit deus?
 Vix illigatum te triformi
 Pegasus expedit Chimaera.

immane quantum] Aliquanto fortius hoc dictum est quam quod frequentius est *mirum quantum*; Liv. II, 1, 11; utrumque ita ponitur ut *nescio an*, alia, quae per parenthesin illata adverbii vice funguntur. Neque aliter Graeci, de quibus Buttmanni gr. gr. p. 448 (ed. 16.). — *cubito presso*] impresso pulvillis substratis cubito sinistro. cf. Sat. II, 4, 39. — *severi Falerni*] Haec facile ut coniungantur, efficitur pari quem utrumque vocabulum habet versus loco. *Severum Falernum* idem est quod Sat. II, 4, 24 forte appellatur. — *Vultis*] Interrogando nihil efficitur aliud nisi vivida quaedam protasis. Zumpt. gr. lat. §. 780. — *Opuntiae frater Megillae*] unus e convivis, cuius nomini haec blanda et honorifica pulchrae sororis commemoratio substituitur. — *beatus vulnere*] Egregium oxymori exemplum; nam Venus „dulcem curis miscet amaritiam“ (Catull. 68, 18). — *sagitta*] cf. Carm. II, 8, 15. — *quae te cunque*] vide ad Carm. I, 6, 3. — *ah miser*] Audito tandem puellae nomine iocose exclamat, quod tam rapacis et saevae puellae amore ille teneatur, neque mirandum fuisse significat, quod nomen eius cum quaereretur pronuntiare cunctatus sit. Huc referendum est imperfectum *laborabas*. — *Charybdi*] Virg. Aen. III, 420. — *saga*] Insequuntur *magus et deus*; in quibus inesse vides gradationem. — *Thessalis venenis*] *μαχούς*, quibus Thessalia abundabat, unde Thessali noti venefici et magi. Epod. 5, 45. — *Chimaera*] Quam propter avaritiam cum Charybdi comparavit, eam Chimaeram appellat propter inconstantiam. Hom. II. VI, 180. Hesiod. Theog. 325: „Τὴν μὲν Πήγασσος εἶλε καὶ ἐσθλὸς Βελ-λεροφόντης.“

Carmen XXVIII.

Te maris et terrae numeroque carentis arenae
Mensorem cohibent, Archyta,

Carmen XXVIII.

Nullum est inter Horatiana carmina quod interpretibus tantas molestias procreaverit quantas hoc. Quare diversissimae eorum sunt sententiae. Alii dialogum inter Archytam et nautam, alii *μυρολογίαν* esse affirmant; neque qui alterutri sententiae addicti sunt inter se consentiunt. Ac prioris quidem partis eorum, qui dialogum scripsisse Horatium statuant, alii nautae Matinum littus praetervehenti sex tantum versus, Archytae respondentis reliquos attribuunt, alii nautam viginti versus dicentem faciunt. Qui *μυρολογίαν* invenerunt, miro sane acumine aut Horatii etiam viventis ab eodem Horatio fictam umbram in littore deambulantem ac declamantem audiebant, aut Archytae umbram primo secum severe philosophantem, deinde nautam casu praetervehentem precibus et minis sollicitentem fingebant, aut verba esse putabant alius peregrini nescimus cuius hominis primum ad Archytam, deinde ad nautam dicentis. Iam vero qualiscunque est ratio carminis, hoc certum videbitur, voluisse Horatium describere et castigare ingentia studia hominum, quippe qui aut nimia earum rerum quae humanos sensus superent cura et cupiditate teneantur quaeque dii sibi servaverint ad terram quasi detrudere conentur, aut nihil nisi terram spectantes coelum ipsum et omnia maiora sublimioraque prae divitiis et lucro contemnunt. Utriusque studii inanitas Archytae, philosophi Pythagorei Tarentini, et nautae exemplis probatur. Ironia vere Horatiana per totum carmen manifesta est, neque minus manifesta oppositio inter duas personas (*te* vv. 1. 14. 23. 27. 28. 30. 31. 33. 36. *me* vv. 21. cf. 33.). Quare optimum est iis accedere qui dialogum esse carmen existimant. Archytae naufragi corpus undis eiectum iacet in littore Apuliae; quo conspecto nauta praetervehens quid de Archytae studiis ac laboribus sentiat prodiit; respondet umbra ad inhumatum corpus vagans, ostendens quam perniciose sit contraria cupiditas, qua nautae etiam ad negligendam pietatem ac religionem agantur. Nam hoc certum est, in omnibus prope verbis nautae contumeliam et irrisiorem expressam esse. Praeterea Archytae corpus sepultum non est (vv. 23. 36); naufragus petit ut pulvere ter injecto corpus suum sepeliatur. Iam si quaeris, ubi Archytas incipiat loqui, primum indicium invenitur in v. 14 *iudice te*, quae Archytae esse non possunt, alterum v. 21 *me quoque*, quae nautae nequeunt tribui. Iam cum haec *me quoque* a versu 20 dividi non possint, consistendum nunc quoque mihi videtur in ea ratione, qua nautae sedecim primos versus dandos esse ante duos annos tentavi demonstrare. Nam non videtur necessarium esse, ut versus 16 et 17 eidem personae tribuantur: „Omnibus moriendi necessitas imposita est: (sed) varia sunt mortis genera.“ Ita sententias coniungendas esse non credo, ne *sed* v. 15. particulam quasi alterae eadem sequatur. Verum incipit Archytas bene ab simili sententia sic: „Recte quidem omnibus moriendum esse ais, nam cet.“ — Quo tempore scriptum sit carmen, quis dicat?

[V. 1. *arenae mensorem*] Proverbii instar fuit *arenam numerare vel metiri* de re infinita et difficillima, sed supervacanea et ridicula. cf. Virgil. Georg. II, 104 sqq. Quare hoc *arenae* eodem consilio additum sentis, quo ea quae insequuntur *pulveris exigui parva munera* contra ingentia studia, quibus Archytas, Pythagoreus philosophus, Platonis ae-

Pulveris exigui prope littus parva Matinum
 Munera, nec quidquam tibi prodest
 5 Aërias tentasse domos animoque rotundum
 Percurrisse polum morituro.
 Occidit et Pelopis genitor conviva deorum
 Tithonusque remotus in auras
 Et Iovis arcanis Minos admissus habentque
 10 Tartara Panthoiden iterum Orco
 Demissum, quamvis clipeo Troiana refixo
 Tempora testatus nihil ultra
 Nervos atque cutem morti concesserat atrae,
 Iudice te non sordidus auctor

qualis, mare et terram emensus esse dicitur, invidiose ponuntur. Philosophus et geometra *animo* tantum omnes regiones non terrae solum sed aëris quoque percurrit et tentat, mercator terram solam et solidam, non aërem inanem neque solo animo sed corpore etiam. Is optime videtur vixisse, qui plurima sibi et suis commoda paravit; honores et magna nomina, qualia sunt Tantali, Tithoni, Minois, qui coclum captantes terram amiserunt, parvi sunt aestimanda; minoris etiam Pythagoras, qui cum animos hominum morti non succumbere discipulis persuaderet, operam et oleum perdidit. Scilicet quantumvis quondam se iam vixisse probaret, iterum mortuus nondum rediit in vitam. Sic Pythagorae et Archytæ de migratione et immortalitate animarum tota doctrina huic est ludibrio. Inde *Panthoidis* (v. 10) ironica compellatio; inde haec verba *nervos atque cutem* pro corpore posita, ex Pythagorae corpus prae animo contemnenti animo dicta; inde acerba et falsa laudatio *iudice te non sordidus auctor*. Sordidi enim apud philosophos sunt homines qualis hic nauta, qui bonis litteris spretis solam utilitatem laudabant (cf. Carm. II, 16, 15. Cic. de off. II, 6). Pythagoras olim, quo Troianis iam temporibus se vixisse comprobaret, Euphorbum, Panthoi filium (Hom. II. XVI, 808), se fuisse affirmavit clipeumque, quo olim usus esset, inter multos alios in templo Iunonis haud procul Mycenis affixos ostendit; quo clipeo *refixo* i. e. detracto (Epist. I, 18, 56. Epod. 17, 5) Euphorbi nomen vere inventum traditur. De qua re legatur Ovid. Met. XV, 160sq. Iam apertum est, opinor, quid versus velint 2 et 3. Nam te, inquit nauta, qui totam terram mente complectebaris, nunc *cohibent parva munera pulveris exigui*: i. e. tu nunc terrae exiguum partem, exiguum spatium occupas. Tum *cohibere* verbum quid sit, facile perspicies ex Carm. II, 20, 8. III, 4, 80. III, 14, 22. IV, 6, 34; cum quibus si comparaveris II, 18, 38. II, 19, 19, illud idem esse videbis quod *coercere* i. e. prohibere ne quid ultra certum quendam terminum evagetur, progrediatur. — *Matinum*] a Matino Apuliae promontorio. cf. Carm. IV, 2, 27. Epod. 16, 28. — *aërias domos*] cf. Carm. I, 3, 29. — *polum*] Per synecdochen ponitur passim a poetis pro ipso coelo; Epod. 17, 77. Virg. Aen. V, 721.

V. 13. *concesserat*] Poetae non abhorrent ab indicativo apud part. *quamvis*, cum praesertim non cogitata sed certa res significatur. Apud Horatium compara Epist. I, 14, 6. I, 17, 1. 22. A. P. 366. Carm. III, 7, 25. III, 10, 13; coninnctivus est Carm. IV, 2, 39. IV, 6, 6; ex

- 15 Naturae verique. Sed omnes una manet nox
 Et calcanda semel via leti.
 Dant alios Furiae torvo spectacula Marti,
 Exitio est avidum mare nautis;
 Mixta senum ac iuvenum densentur fuera, nullum
 20 Saeva caput Proserpina fugit.
 Me quoque devexi rapidus comes Orionis
 Illyricis Notus obruit undis.
 At tu, nauta, vagae ne parce malignus arenae
 Ossibus et capiti inhumato
 25 Particulam dare. Sic, quodcunque minabitur Eurus
 Fluctibus Hesperiiis, Venuusinae
 Plectantur silvae te sospite, multaque merces,

quibus locis discrimen senties. — *Tartara*] non de damnatorum sede, sed de universo Orco. Fuit autem metrica ratio, quae poetas ut *Tartara* dicerent, non *Tartaros* permovit. — *iudice te*] Qui carmen prave intelligerent, scribendum putarunt *iudice me*. Pythagorae in magna Graecia tam celebratum erat nomen, ut quaedam eius doctrinae notitia ad eos quoque homines pervenire deberet qui expertes fuerunt artium et disciplinarum. — *calcanda semel via leti*] Generalis sententia post prolata nonnulla eiusdem rei exempla desinendi aliquid indicium habet. cf. Carm. I, 17, 13. II, 3, 25. II, 10, 5. 21. II, 13, 19. III, 16, 17. III, 7, 19 cet. Versus 17—20 a superioribus diversam naturam produunt, quippe qui exclusa prope omni contumelia communem omnium mortaliū condicionem describant, nisi quod v. 18 nautarum exemplum de industria sumptum apparet. — *avidum mare*] Altera lectio *avidis* prava est; epitheton illud maris ad metum nautae incutiendum aptissimum. cf. Carm. III, 29, 61. — *densentur*] Duplex forma est verbi, *densare* et *densere*; codices plerumque fluctuant; *densare* tamen a Livio et Quintiliano, *densere* a Lucretio, Horatio, Tacito et serioribus usurpata videtur, a Virgilio utraque. — *nullum saeva caput Proserp. fug.*] Nullum caput tantum, nemo tam gravis fuit, quem Proserpina i. e. mors fugerit, timuerit, ad quem mors non accesserit. Sic Lucan. Phars. II, 75: „Mors ipsa refugit saepe virum (Marium)“. Proserpina enim ad moribundos accedit itaque cincinnum desecat; Virg. Aen. IV, 698.

V. 21. *devexi Orionis*] Occidit Orion V. Id. Novembr., quo tempore tempestates saevire solent; inde *Notus* rapidus illius comes dicitur, inde ipse Orion nautis infestus. Epod. 15, 7. Carm. III, 27, 17. — *parce*] vide ad Carm. I, 1, 8. — *capiti inhumato*] In hoc verbo cum littera *u* brevis sit, vocalium *i* concursione hiat oratio; quod ne fieret duo critici scribere maluerunt *intumulto*. Sed cf. Carm. II, 20, 13. III, 14, 11. Epod. 5, 100. Sat. I, 9, 38. Fuit autem vetus superstitio, animam corporis inhumati non posse Stygias aquas transire (cf. Virg. Aen. VI, 325 sqq. 365. 374). Quare sacris legibus vetitum erat, ne quis ignotum etiam corpus, in quod incidisset, insepultum relinqueret. Quod officium ut festinantes etiam possent praestare, ter glebam inficisse sufficiebat. — *sic*] vide ad Carm. I, 3, 1. — *quodcunque minabitur, ple-*

- Unde potest, tibi defluat aequo
 Ab Iove Neptunoque sacri custode Tarenti.
 30 Negligis immeritis nocituram
 Postmodo te natis fraudem committere? Fors et
 Debita iura vicesque superbae
 Te maneant ipsum: precibus non linquar inultis
 Teque piacula nulla solvent.
 35 Quamquam festinas, non est mora longa; licebit
 Iniecto ter pulvere curras.

Carmen XXIX.

Ikci, beatis nunc Arabum invides
 Gazis et acrem militiam paras

clantur] Similis oratio Epist. I, 2, 14. — *unde*] vide ad Carm. II, 12, 7. — *Neptuno*] Fuit Archytas Tarentinus, quorum Neptunus *πολιεύχος* deus erat. — *negligis committere*] vide ad Carm. I, 27, 9. — *te natis*] vide Zumpt. gr. lat. §. 451. — *fors et*] fortasse etiam. Virg. Aen. XI, 50 — *ricesque superbae*] *ἀριστεύοντα*, talio. cf. Hom. Od. XI, 72 sq. — *licebit curras*] vide Zumpt. §. 624. — *ter*] Ternarius numerus sacer.

Carmen XXIX.

Aelium Gallum a. n. 730 ex Aegypto expeditionem in Arabiam felicem Augusti iussu fecisse ex eaque summa quacque expectasse Romanos supra ad Carm. I, 12 dictum est. Quid igitur mirum, quod magna Arabiae et eius divitiarum fama multos tum incendit iuvenes Romanos bellandi cupiditate opumque colligendarum expectatione? Ex amicis Horatii *Iccius* quoque, qui usque ad id tempus in otio et mansuetioribus litteris vixerat, nomen professus est. Quod cum audivisset Horatius, festivo hoc carmine amicum iocose deridet. Quare mirabundus exclamat: ergo tu quoque militiam paras, tu quoque otium et libros cum castris et gladio commutaturus es? Laedere Iccium Horatius non voluit; acerbitalis in amicum nihil reperitur toto carmine, ioci et leporis omnia plena sunt. Verum etiamsi Iccium non accusat, accusat tamen ingentem suae aetatis cupiditatem bonorum; etenim ita saepe fit, ut quae in amicos ridendo et iocando dicamus iis alios tangi velimus, cum praesertim amicos a tali criminatione sciamus liberrimos. Ad eundem Iccium data est Epist. I, 12.

V. 1. *nunc*] Quanta nunc subito exarsit ferocia, quanta audacia in te, qui adhuc fuisti placidus, tranquillus, innocuus; tu igitur ex mitissimo philosopho acerrimus bellator factus Arabibus et Parthis, invictis gentibus, militiam paras et catenas; tu igitur alter Achilles ignoti cuiusdam principis filiam servam, filium pocillatorem reduces. Sic continuatur iocosa irrisio, amabilis superlatio. Post *catenas* interrogandi signum rectius ponitur; admirationi enim, non affirmationi hic locus est. Sic totum carmen ex interrogationibus compositum est: de qua re com-

Non ante devictis Sabaeae
Regibus horribilique Medo

3 Nectis catenas? Quae tibi virginium
Sponso necato barbara serviet?
Puer quis ex aula capillis
Ad cyathum statuetur unctis

Doctus sagittas tendere Sericas
10 Arcu paterno? Quis neget arduis
Pronos relabi posse rivos
Montibus et Tiberim reverti,

Cum tu coemptos undique nobilis
Libros Panaeti Socraticam et domum
15 Mutare loriceis Hiberis
Pollicitus meliora tendis?

parari potest Carm. I, 8. — *Sabaeae*] populus Arabiae felicis, quorum caput Saba, — *ex aula*] regia; vide Liv. XLV, 6 — *sagittas tendere*] paulo audacius dictum, cum arcus proprie tendatur; a qua tamen audacia ne epicus quidem Virgilius abhorruit Aen. V, 508. Seres autem ut omnes orientales gentes nobiles erant sagittarii. — *arcu paterno*] vide Carm. II, 13, 17.

V. 10. *arduus pronos*] Pronum cum sit quod per declive decurrit (Virg. Georg. I, 203), hac ipsa oxymori oppositione egregie ostenditur, nihil magis inter se contrarium esse nisi *arduos montes* et *pronos rivos*; illi adscendunt, hi descendunt; flumina per adscendentes montes descendere nequeunt. — *et Tiberim*] amplificatio per exemplum; vide ad Carm. I, 3, 19. — *coemptos undique*] Significatur his verbis magnum quo olim Iccius ardebat studium philosophiae, quo quidquid librorum philosophorum vidit, coemit. Neque inconsulto Stoici Panaetii mentio facta est, quippe qui nihil expetendum docuerit nisi honestum; ut sic quoque plane contrarius Iccii animus prodatur. — *Panaeti*] vide ad Carm. I, 2, 26. De Panaetio Rhodio, Stoicorum principe, Scipioni Africano minori et Laelio familiarissimo vide Cicer. de off. III, 2. — *nobilis Panaeti*] Alii *nobiles*, in quod facile potuit aberrari, cum utrumque *nobilis* scriberetur. Verum Horatii consilium et manum videmus in verborum locis et ordine, quibus primum et tertium (*coemptos* — *libros*), alterum et quartum vocabulum (*nobilis* — *Panaeti*) coniungenda esse ostenditur. — *Socraticam domum*] Socraticos philosophos, Platonem, Xenophontem, alios. De et particula enclitica vide ad Carm. I, 2, 9. — *Hiberis*] ex ferro optimo, Hispano, confectis. — *pollicitus meliora*] Haec quoque verbis severa, re iocosa sunt.

Carmen XXX.

O Venus, regina Cnidi Paphique,
 Sperne dilectam Cypron et vocantis
 Thure te multo Glyceræ decoram
 Transfer in aedem.

5 Fervidus tecum puer et solutis
 Gratiae zoni: properentque Nymphæ
 Et parum comis sine te Iuventas
 Mercuriusque.

Carmen XXXI.

Quid dedicatum poscit Apollinem
 Vates? quid orat de patera novum

Carmen XXX.

Glyceræ puellæ domi suæ Veneri sacra facienti Horatius quasi opitulatur; evocat deam ex solitis sedibus in aedem Glyceræ; quo sequitur, ut ipsi Glyceræ optet pulchritudinem eaque omnia quæ pulchritudinem sequuntur, augment, conservant — De Glycera vide ad Carm. I, 19, neque temere conicias, eodem fere quo illud tempore hoc quoque scriptum esse.

Cnidi] Pausan. Att. I, 1, 3: „Κνίδος τιμῶσιν Ἀφροδίτην μάλιστα.“ — Paphi] cf. Hom. Od. VIII, 362 sq. — Thure] Veneri enim non sanguine, sed floribus, et thure sacrificabatur. cf. Carm. I, 19, 14. — aedem] Cui minus placeat, aedem sing. num. pro tota domo accipi, id quod rarissime invenitur, is partem domus, ut atrium, intelligat; proprium Veneris sacrarium minus convenire videtur cum eiusmodi puellæ condicione. — decoram] floribus. — solutis zonis] distinctæ. cf. Carm. IV, 7, 5 sq. III, 19, 16 sq. — properentque] De transpositione particulae quæ vide ad Carm. II, 7, 25. — Iuventas] Haec iuventæ dea Iovis et Iunonis filia dicitur, a Græcis Hebe appellata. cf. Carm. II, 11, 5. Cicer. Tusc. I, 26, 65. — Mercuriusque] „Antiqui Mercurium cum Venere in eodem templo soliti dedicare; quid nisi significantes, sermonem et blanditiâ conciliatricem amoris esse et debere igitur adiungi?“ Lipsius Epist. cent. III ad Belg. 40. Vide ad Carm. I, 10.

Carmen XXXI.

Caesar Octavianus cum victoria ad Actium promontorium reportata unus imperium teneret maximeque id ageret, ut otium et ordinem terris restitueret, non placandos solum animos esse vidit sed quo certius licentiae et libidini obviam iretur, imbuendos etiam prisca pietate et timore deorum. Itaque templa antiquitate et incendiis collapsa renovavit et nova exstruxit. Iam cum Apollinis templum in Palatio a. 726 dedit, caretur, praeter publica vota multa a multis etiam privatis immodice et intemperanter dicta videntur. Quare Horatius quoque ad Apollinem quasi accedens hoc carmine quid ipse a deo petat ita exponit, ut de

- Fundens liquorem ? Non opimae
 Sardiniae segetes feraces,
 5 Non aestuosae grata Calabriae
 Armenta, non aurum aut ebur Iudicum,
 Non rura quae Liris quieta
 Mordet aqua taciturnus amnis.
 Premant Calena falce quibus dedit
 10 Fortuna vitem; dives et aureis
 Mercator exsiccet culullis
 Vina Syra reparata merce,
 Dis carus ipsis, quippe ter et quater

summis bonis deque iis quae sola recte sint expetenda quid sentiat disertè et simpliciter simul prodatur. Summa igitur carminis sententia haec est: Non in magnis divitiis quaerendum est summum bonum, sed in sanitate corporis et animi, qua non concupiscimus plura sed fruimur iis quae adsunt. Iuven. Sat. X, 356: „Orandum est, ut sit mens sana in corpore sano.“

V. 1. *dedicatum Apollinem*] Latine non solum dicitur *aedem deo dedicare*, sed etiam *deum aede dedicare* vel absolute *deum dedicare*. Ovid. Fast. VI, 637: „Te quoque magnifica, Concordia, dedicat aede Livia.“ Liv. V, 52. — *novum liquorem*] Novum vinum solebant veteres adhibere in libationibus. cf. Carm. I, 19, 15. — *segetes feraces*] Significat *seges* terram frugibus accipiendis destinatam et aptam, ut Epist. II, 2, 161. Virg. Georg. I, 47. Cicer. de senect. 15. Quare nihil est cur optimorum codicum auctoritate neglecta cum aliis scribamus: *opimas* — *feracis*. — *opimae Sardiniae*] cf. Carm. I, 7, 11. II, 12, 22. — *Calabriae armenta*] cf. Carm. II, 6, 10. Epod. I, 27. — *mordet*] Exquisita translatione flumina ripas *mordere*, *lambere*, *rodere*, *stringere*, *lavere*, *terere* dicuntur, quoniam aquis praeterlabentibus terrae aliquid semper demitur. cf. Carm. I, 22, 8. II, 3, 18. Virg. Aen. VIII, 63. — *taciturnus amnis*] Silius Ital. Pun. IV, 348: „Et Liris, qui forte quieto Dissimulat cursum ac nullo mutabilis imbri Perstringit tacitas gemmanti gurgite ripas.“

V. 9. *Premant vitem*] Commatis interpungendum in hac sententia non est; accusativus enim *vitem* non magis *premant* verbum sequitur quam *dedit*. Sic cum scriberent veteres, exili et molesto pronomine *eam* abstinere potuerunt. Vide ad Carm. I, 3, 6. *Premere* autem vitem est putare vitem, nimiam pampinorum luxuriam falce putatoria compe-scere. cf. Virg. Georg. I, 157. Ovid. Met. XIV, 628. *Calena* adiectivum per enallagen satis frequentem a vite et vino ad falcem translatum est, ut Carm. I, 20, 9. III. 16, 34. — *dives et*] vide ad Carm. I, 2, 9. — *exsiccet*] ebibat. cf. Carm. I, 35, 27. Sat. II, 6, 68. — *culullis*] „Calices fictiles, quibus pontifices virginesque Vestales in sacris utebantur“ Acro. Tum de divitum grandioribus poculis. cf. A. P. 434. — *Syra merce*] aromatis, unguentis e Syria advectis. cf. Carm. II, 11, 16. II, 7, 8. — *reparata*] Sumptum hoc verbum ex sermone mercatorum merces pecuniae loco permutantium (umtauschen); rarissimum vocabulum. — *dis carus*] Argumentum hoc a consequentibus sumptum non per invidiam quidem sed per gravem aliquam ironiam adiunctum est.

Anno revisens aequor Atlanticum

15 Impune. Me pascunt olivae,
Me cichorea levesque malvae.

Frui paratis et valido mihi,
Latoë, dones et precor integra
Cum mente nec turpem senectam

20 Degere nec cithara carentem.

Carmen XXXII.

Poscimus. Si quid vacui sub umbra
Lusimus tecum, quod et hunc in annum

V. 15. *pascunt*] Indicativus optimorum codicum unice verus; qui in aliis est et codicibus et editionibus conjunctivus vel hac una ratione falsissimus est, quod vota nuncupare Horatius non hoc versu sed v. 17 incipit. His frugalitatem suae vitae cum divitum et mercatorum luxuria comparat. — *levesque malvae*] facile concoquendae. Epod. 2, 58. — *Latoë*] graece *Λατοῖα*, *Λατοῖα*. cf. Carm. I, 1, 34. — *et valido mihi*] Respondent inter se *et valido*, *et integra cum mente*, utrumque tamen referendum ad infinitivum *frui*. Dativus *valido* per attractionem Graecis magis usitatam ab infinitivo relatus est ad pron. *mihi*. Duae igitur voti Horatiani partes sunt: *dones* precor et valido mihi et integra cum mente paratis *frui*, tum *dones degere* senectam nec turpem nec cithara carentem. Hunc ordinem verborum ipse Horatius indicavit artificiose positae particulis *et, et, nec, nec*. — *senectam*] Poetica haec forma argentea demum quam vocant aetate ad prosam orationem pervenit. Est autem feminina forma adiectivi *senectus*, *a, um* in prisci sermonis reliquiis etiam obvii.

Carmen XXXII.

Cum magnum aliquid in republica accidisset, videtur Horatius ab amicis rogatus esse, ut carmine aliquo graviore illud quod dignum omnibus summo honore videretur ad aeternam memoriam consecraret. Ille autem qui magnis rebus digne canendis imparem se haberet (in quam rem bene comparatur Carm. I, 6), hoc parvo sed suavissimo carmine respondit. Ostendit igitur, qualis sua sit poesis, qualis ipse poeta, quid sibi valeant carmina: lyrica se Graecorum poetarum genera ad Latinas litteras transferre, imitari se Alcaeum qui inter bella et negotia et labores amorem cecinerit et vinum, sua omnia levia esse et ludicra, nondum se accedere ad serias res vel describendas vel docendas, poesin sibi esse comitem vitae et consolatricem in laboribus. Quas sententias cum composueris, contineri hoc carmine senties egregiam laudationem poesis lyrica; quae quo anno scripta sit non facile invenies. Coniecturae in eiusmodi rebus latus et lubricus campus patet. Oeconomia carminis haec est, ut prima strophæ occasione canendi leviter significata genus poesis, altera et tertia argumenta, quarta laudationem habeat finemque quem poeta sequatur ostendat. Ceterum hoc suave est, quod Horatius dum videtur parare tantum carmen, elegantissimum iam confecit.

Vivat et plures, age dic Latinum
Barbite carmen ,

a Lesbio primum modulate civi,
Qui ferox bello tamen inter arma
Sive iactatam religarat udo
Littore navim ,

Liberum et Musas Veneremque et illi
10 Semper haerentem puerum canebat
Et Lycum nigris oculis nigroque
Crine decorum.

O decus Phoebi et dapibus supremi
Grata testudo Iovis, o laborum

V. 1. *Poscimur*] sc. carmen vel carmina. cf. Ovid. Fast. IV, 721 Palilia poscor. Met. V, 333. IV, 274. — *si quid lusimus*] Si particula in obtestationibus sollennis, ut Carm. III, 18, 5. C. S. 37. Sat. II, 6, 13. — *vacui*] otiosi, aliis rebus non occupati. cf. Virg. Georg. III, 3. Male comparatur Carm. I, 6, 19. — *sub umbra*] cf. Epist. II, 2, 77 sq. — *quod et hunc*] Haec noli producere ad *Latinum carmen*; simplicior ratio etiam verior. Arrogantiae criminatio nulla est. — *dic Latinum barbite carmen*] Consulto usus est Horatius graeco vocabulo *barbitos*, quo cum graeca suae poesis natura prodatur, certamen aliquod exoritur inter nomina *Latinum* et *barbite* et ipse Romanae fidicen lyrae (Carm. IV, 3, 23) ostenditur. Neque aliter positum est graecum vocabulum Carm. I, 1, 34. III, 26, 4. — *Lesbio civi*] Alcaeo, qui floruit circa a. 600 a. Chr. n. vide ad Carm. II, 13, 27. — *modulate*] passive dictum, ut contraria vox *immodulatus* A. P. 263, ex quo loco vides simul, modulari poetas proprie carmina, deinde etiam lyram; hoc est ita moderari lyram, ut sonos certis modis inflexos et temperatos reddat. — *ferox bello*] Dimicavit Alcaeus contra Athenienses et patriae suae tyrannos, Myrsilum et Pittacum. De adiectivo *ferox* ad rationem participiorum posito vide ad Carm. I, 6, 19.

V. 7. *religarat*] Frequens hoc in re nautica vocabulum de navibus ad terram alligandis et retinendis. cf. Sat. I, 5, 19. — *puerum*] cf. Carm. I, 30, 5. — *illi haerentem*] Triplici ratione *haerere* verbum coniungitur apud Horatium, vel cum dativa, Sat. I, 10, 49, vel cum ablativo et praepositione *in*, Sat. I, 3, 32 vel cum solo ablativo, Carm. I, 2, 9. Sat. II, 3, 205. — *Lycum*] cuius pueri amati nomen in paucis quae nobis obvenerunt Alcaeï reliquiis reperitur, ap. Schneidewin del. p. 281. n. 48; de re conferas Ciceronis Tusc. IV, 33. — *nigris oculis nigroque crine*] Antiquis niger oculorum et capillorum color pulchritudinem formae augere visus est; de qua re videndi sunt loci Epist. I, 7, 26. A. P. 37. Virgilius quoque Memnonem, quem Ulixes (Hom. Od. XI, 521) pulcherrimum omnium virorum quos ad Troiam vidisset appellavit, *nigrum* dixit, Aen. I, 489. — *dapibus supr. Iovis*] vide Hom. II, I, 603. — *cunque*] De significatione huius particulae vide Zumpt. gr. lat. §. 128. Hoc loco cum non habeat relativum vocabulum ad quod referatur, sententiae necessitate cum participio

15 Dulce lenimen, mihi cunque salve
Rite vocanti.

Carmen XXXIII.

Albi, ne doleas plus nimio memor
Immitis Glycerae neu miserabiles
Decantes elegos, cur tibi iunior
Laesa praeniteat fide.

5 Insignem tenui fronte Lycorida

vocanti coniungitur. Significat autem quinque vel sex locis, in quibus absolute posita legitur — nam praeter hunc Horatianum loci sunt Lucretii de rer. nat. II, 21. 112. V, 312 cet., ubi veteri scribendi ratione *quomque* est, unde originem intelligas particulae — significat igitur aut *quoquo tempore* aut *omnino*. II. l. recte scholiastae: *quotiescunque te vocavero*.

Carmen XXXIII.

Caput carminis, quo Albium Tibullum, dulcissimum elegiarum poetam, de perfidia Glycerae Horatius consolatur, conspicitur vv. 10—12, quibus Veneris crudeli saepe ioco homines forma et animo diversos amoris vinculo coniungi ostenditur. Compositio carminis elegantissima est. Ex quattuor strophis prima Tibullum revocat a nimio luctu et querimonia de perfidia Glycerae; mediae et tribus inter se copulatis exemplis amore non semper gigni amorem demonstrant et continent universam illam de iocosa saevitia Veneris sententiam. cf. ad Carm. I, 28, 16. Quarta denique strophæ suam rem et condicionem admodum similem Horatius blande componit consolationisque causa tacite oblata initium cum fine egregie coniungit. — Albium Tibullum — nam praenomen ignoratur — nec quo anno natus sit constat nec quo mortuus; probabili tamen coniectura id effecerunt viri docti, ut ab anno 695 ad annum 736 u. c. vixisse eum credatur. Glycera autem quae fuerit nescimus, quamquam multi fuerunt qui Nemesin esse eam putarent, de qua ex Tibulli carminibus tria sunt in libro secundo, eleg 3 4. 6; alii negarunt. De anno huius carminis natali nihil potest certi affirmari, nisi quod Tibullus ea iam aetate esse debuit, ut iunior aliquis ei posset praeferrî.

plus nimio] Propter caesuram rectius haec cum *memor* adi. coniunguntur quam cum verbo *doleas*. Tribus utitur Horatius formulis cum rem aliquam modum excedere indicatur: *plus nimio* Carm. I, 18, 15. Epist. I, 10, 30; *plus aequo* Sat. I, 3, 52. Epist. I, 2, 29. I, 18, 10; *plus iusto* Carm. III, 7, 24. — *immitis Glycerae*] *Πυξερὰ* a dulcedine dicta; adiectivo igitur *immitis* gratum aliquod oxymoron efficitur. — *cur*] idem fere in tali sententiarum coniunctione quod *propterea quod*. Similis particulae *cur* usus est apud verba *mirari*, *irasci*, similia, ut Epist. I, 8, 10. Cicer. ad Attic. III, 9: „quod me accusas, cur hunc meum casum tam graviter feram, debes ignoscere.“ — *tenui fronte*] cf. Epist. I, 7, 26. Becker. Charicles T. II. p. 392: „Bei Weitem in den meisten Fällen sieht man das lauge, reiche Haar weder geflochten noch

Cyri torret amor, Cyrus in asperam
Declinat Pholoën; sed prius Apulis
Iungentur capreae lupis,

Quam turpi Pholoë peccet adultero.

10 Sic visum Veneri, cui placet impares
Formas atque animos sub iuga aënea
Saevo mittere cum ioco.

Ipsam me melior cum peteret Venus
Grata detinuit compede Myrtale

15 Libertina fretis acrior Hadriae
Curvantis Calabros sinus.

Carmen XXXIV.

Parcus deorum cultor et infrequens
Insanientis dum sapientiae

in künstliche Locken gedreht, sondern, wenn nicht anderer Kopfschmuck hinzukömmt, nach hinten oder auch selbst über dem Scheitel in einen Bündel oder Knoten zusammengefasst und gebunden. Dabei reicht gewöhnlich das Haar tief über die Stirne herab, da ein schmaler Stirnbogen für schön galt — *declinat*] a Lycoride ad Pholoën. vide ad Carm. I, 1, 13. — *capreae lupis*] ἀδύνατον; alia exempla Carm. I, 29, 10. Epod. 16, 27 sqq. — *peccet*] de amoribus; cf. Carm. I, 27, 17. Sat. I, 2, 63. — *iuga aënea*] firmissima. Carm. III, 9, 18. — *melior Venus*] cum ego ipse ab elegantiore et commodiore puella ultro peterer, Myrtalae tamen iracundae libenter serviebam. — *compede*] cf. Carm. IV, 11, 24. — *Hadriae*] Carm. III, 9, 23.

Carmen XXXIV.

Horatius quamquam nulli philosophorum sectae omnino addictus (Epist. I, 1, 14) multa tamen ex Epicureorum disciplina, quae ad hilaritatem vitae maxime pertinerent, in suum sibi usum sumpserat. Inde hoc est quod Sat. I, 5, 101 sqq. legitur; quibus versibus, scilicet ne deorum hilaris vita regendo et administrando mundo turbetur, omnis de humano genere deque iis quae fieri videmus in rerum natura deorum cura aut providentia tollitur. A qua sententia virili aetate reversus, cum divinam mentem et in rerum natura et in humani generis fati conspicuam et apertam intellexisset, necessitatem publice etiam retractandae opinionis sibi impositam ratus hoc carmine professus est, providentiam divinam non demonstrari quidem placitis philosophicis sed manifestam esse omnibus, quibus mentis natura et acies libera sit ac non occaecata falsis humanae sapientiae doctrinis. Quare redire se ait ad primos sensus naturae humano pectori insitos, relinquere se ieiunam ac frigidam sapientiam perverso acumine procreatam (stroph. 1); nam me-

Consultus erro, nunc retrorsum
Vela dare atque iterare cursus

5 Cogor relictos: namque Diespiter
Igui corusco nubila dividens
Plerumque per purum tonantes
Egit equos volucremque currum,

Quo bruta tellus et vaga flumina,
10 Quo Styx et invisi horrida Taenari

litora doctum videre se divinam manum potentem ac valentem in rerum natura, omnia etiam quae maxime viderentur aliena inter se coniungentem (str. 2. 3), agnoscere se deorum potestatem ac voluntatem in contrariis et insperatis hominum fati ac vicissitudinibus (str. 4). Poetam hic quoque ita agit, ut non abstractas quas vocant sententias proponat, sed exemplis propius animos hominum tangentibus et ex quotidiana vita petitis rem illustret; sic intelligendus per purum tonans Diespiter, sic apex, regum in Asia ornamentum. Quo simul ornamento temporis notitiam adipiscimur; est enim veri simile, Tiridatem significari a Phraate redeunte expulsum. Quod si recte intelligitur, liquet carmen scriptum esse eo tempore quo inter Tiridatem et Phraatem bellum Romae quasi fabula fuit, h. e. a. 730. cf. Carm. I, 26, II, 2. De qua levi Tiridatis significatione non possum non apponere Buttmanni verba Mytholog. T. I. p. 321: „Mit einer Zeitungsnachricht, wenn ich so sagen darf, zur Bestätigung eines Gemeinplatzes, beschloße sich eine erhabene Ode von nur sechszehn Zeilen nach meiner Empfindung schlecht. Aber in ausgesuchten Worten allgemein gelassen, entspricht der Gedanke der Würde des ganzen, während eine ernste Anspielung, so leicht angebracht, durch die Wahl eines einzigen Wortes, zu einer Zeit, wo jenes Ereigniss wahrscheinlich die allgemeine Aufmerksamkeit beschäftigte, nicht anders als einen höchst wohlgefälligen Eindruck machen konnte.“ Legatur Lessingius Opp. ed. Iachm. IV. p. 34.

Insanientis sapientiae] Oxymoron; simillimum praeter multa alia est Epist. I, 12, 19. — *consultus*] nove dictum, ut Colum. XI, 1, 12 „universae disciplinae consultus.“ — *cursus relictos*] Cum vulgo dicatur *relegere viam*, similia, Heinsius primus corrigendum putavit *relectos*; quem alii secuti sunt. Iam ex iis quae de universo carmine supra disputata sunt, indicabis facile quid habendum videatur de hac quam dicunt emendatione. — *Diespiter*] Varro ling. lat. V, 66 Müll.: „Antiquius Iovis nomen: nam olim Iulovis et Diespiter dictus, id est dies (genit. antiq.) pater.“ — *plerumque*] h. v. cum superioribus, non cum inferioribus coniungendum. — *per purum tonantes*] coelo sereno cum tonat, quae contraria sunt coniunguntur; quare inter prodigia habebatur. cf. Virg. Georg. I, 487 sq. Aen. VIII, 527 sqq. — *volucremque currum*] celerem, ut Virg. Aen. X, 440. De curru Iovis cf. Carm. I, 12, 58. — *bruta tellus*] Iovis magna potestas triplici ratione ostenditur, quod movet a) inanimatam naturam v. 9; b) inferos et imas regiones v. 10; c) extrema loca v. 11. Epitheta autem *bruta*, *vaga* eo consilio posita sunt, ut diversam harum rerum naturam illustrent; sentit vim Iovis terra immobilis, sentiunt etiam flumina perpetuo motu agitata. — *Taenari*] ubi antrum erat, per quod descendi ad Orcum posse antiqua fama tradebat. cf. Virg. Georg. IV, 467. — *invisi horrida*] Adiectivorum hac collocatione

Sedes Atlanteusque finis

Concutitur. Valet ima summis

Mutare et insignem attenuat deus

Obscura promens; hinc apicem rapax

15 Fortuna cum stridore acuto

Sustulit, hic posuisse gaudet.

Carmen XXXV. *Interpretatio*

O diva, gratum quae regis Antium,

Praesens vel imo tollere de gradu

circa caesuram, qua utriusque sonus et vis augetur, horror Orci ad animos legentium et audientium propius accedit — *valet*] h. v. cum infinitivo coniunctum a poetis transit in prosam orationem post Augusti aetatem. — *apicem*] cf. Carm. III, 21, 20. — *cum stridore acuto*] Fortuna enim alata est. cf. Carm. III, 29, 53. Semota imagine pertinent haec ad terrorem et tumultum, quem edere solent subitae rerum mutationes. Iam si quaeras qua tandem inter se ratione coniuncti sint Diespiter, deus, Fortuna; Diespiter est numen divinum rerum naturam administrans ex eaque intelligendum; deus v. 13 generalis et individua divina potestas, quae in Fortuna quid velit quid nolit declarat. — *sustulit*] vide ad Carm. I, 1, 4. — *gaudet*] quia arbitrio suo sic indulget. — *hic*] vide ad Epod. 2, 31.

Carmen XXXV.

In concipienda notione ac describenda potestate deorum tota antiquitas non unam eandemque rationem secuta est; eundem deum alium formarunt et cogitarunt Graeci, alium Romani, alium adeo aliae urbes. Idem in dea Fortuna factum. Quam ut superiore carmine et III, 29, 49—54 Graecae magis, incertam et alatam habemus, sic hoc Fortunae Antiatis i. e. vere Latinae notio et imago Latinis coloribus describitur et celebratur. Haec enim Fortuna Antias non *Τύχη* est, non anceps dea, non arbitrio et libidine agit (cf. Carm. sup. v. 16), sed benigna est et benevola eademque potentissima. Quaecunque facit, quoscunque homines tollit aut delicit, in iis necessitatem aliquam fixam et firmam sequitur hominum bonis malisque facinoribus rerumque condicione sibi ipsi impositam. Cum benigna sit dea, in nummis Romanis altera manu gerit gubernaculum altera cornu Copiae (inde v. 5—8 ruris colonus et nauta); cum certas leges sequatur in distribuendis retrahendisque donis, apud Horatium (fortasse ex imagine quadam Antiana) *Necessitas* dea cum omni devinciendi et continendi apparatu eam praecit (v. 17 sqq.). sequuntur Spes et Fides (v. 21sq.). Hanc igitur Fortunam Horatius h. l. celebrat, occasionem fortasse nactus ab expeditionibus quas Octavianus a. 727 in Britanniam et Arabiam parabat (v. 29sqq.). Rem sic instituit; prima enim strophæ „tu, inquit, Fortuna potentissima es; quare omnes mortales te timent, pauperes et divites, nationes et civitates, barbari et Romani, ne rerum statum quo recte sibi videntur gaudere

Mortale corpus vel superbos
Vertere funeribus triumphos,

5 Te pauper ambit sollicita prece
Ruris colonus, te dominam aequoris,
Quicumque Bithyna laeessit
Carpathium pelagus carina.

Te Dacus asper, te profugi Scythae
10 Urbesque gentesque et Latium ferox
Regumque matres barbarorum et
Purpurei metuunt tyranni,

Iniurioso ne pede proruas

subita vi evertas (str. 2. 3. 4). Sed tu non libidine res regis hominum, sed sequeris immutabiles necessitatis et ipsarum rerum leges et eventus (str. 5); quamobrem qualis sis perspiciunt Spes et Fides, comitantur tibi quandocunque coacta et moesta quidem sed, quoniam gratiam tuam sua plerumque culpa homines perdunt, inimica potentium domos relinquunt (str. 6). Nam ab innocentibus perfidum solum vulgus et qui sua utilitate sola ducuntur cum tuis donis recedunt (str. 7). Tu igitur tutare Caesarem quaeque conatur adiuvare; hoc enim nobis crepto dilaberemur iterum discordia, cuius non dici potest quantum nos poeniteat. Gladios nostros nostro cruore infectos et profanatos novis tu auspiciis consecra inque iustos hostes converte (str. 8. 9. 10).^a Illae expeditiones, primae quidem quae compositis bellis civilibus magnae pararentur, quid ad extirpandam domesticorum motum foedam memoriam valuerint extrema pars carminis ostendit; quare iis potissimum ut adesset Fortuna Antias ex intimo animo Horatius petivit. Scriptum videtur carmen a. u. c. 727.

V. 2. *Praesens*] de diis usurpatum idem quod *potens* significat. Sic h. l. et Cicer. Tusc. I, 12, 28. Carm. III, 5, 2. Sat. II, 3, 68. Epist. II, 1, 134. — *ambit*] Ab ambitu candidatorum sensim h. v. in quamcunque precandi et rogandi notionem dilatatum videtur. cf. Virg. Aen. IV, 283. VII, 333. — *ruris colonus*] Coloni, non quivis agricolae vel rustici, prae aliis inopes; aut enim partiarii erant aut mercede agros colebant. cf. Sat. II, 2, 115. Carm. II, 14, 12. — *Bithyna carina*] propter frequentem Romanorum in Bithynia mercaturam, cf. Carm. III, 7, 3. Similiter Carm. I, 1, 13 III, 6, 31. — *profugi*] Cur ita appellentur, discas ex Carm. III, 24, 9sq. — *et*] in fine versus; de qua re vide ad Carm. I, 7, 6.

V. 13. Cum superiore strophâ timere omnes Fortunam indicasset, hac quid timerent addidit. Id autem de omnibus quos ante nominasset exponere cum ab ratione poetica longe recederet, ad tyrannos ultimo loco positos proxime et rectissime accommodavit. Iam cum sic incepisset *iniurioso ne pede proruas*, sponte sua ad continuandam quam inchoaverat imaginem incidit in *stantem columnam*. Stare enim dicunt Latini poetae aedificia exstructa et perfecta, ut Ovid. Met. III, 131. XI, 205. Columna firmitatis signum est et dominationem firmissimam indicat. In antiquis monumentis Paci, Securitati, Felicitati columna additur. Iam quae insequuntur *neu pop. freq.* nihil novi addunt, sed Horatiano

Stantem columnam, neu populus frequens

15 Ad arma cessantes, ad arma
Concitet imperiumque frangat.

Te semper anteit saeva Necessitas
Clavos trabales et cuneos manu
Gestans aëna, nec severus

20 Uncus abest liquidumque plumbum.

Te Spes et albo rara Fides colit
Velata panno nec comitem abnegat,
Utcunque mutata potentes
Veste domos inimica linquis.

25 At vulgus infidum et meretrix retro
Periura cedit, diffugiunt cadis
Cum faece siccatis amici

more eandem rem uberius collustrant; continent enim qua stans columna evertatur rationem ac modum. — *populus frequens*] non plurima pars populi, sed multitudo concitatorum hominum reliquos, non pauciores exagitantium ad armaque vocantium. Dein *ad arma* bis positum est in illustribus locis (i. e. in prima et extrema sede versus), ut repetitum ac terribilem clamorem ipsi ad tumultum quasi admissi audiamus. cf. Ovid. Met. XII, 241.

V. 17. *clavos trabales*] Hi et reliqua quae Necessitati tribuuntur, pertinent ad exprimendam firmitatem ac stabilitatem. cf. Carm. III, 24, 7. Nam In proverbium etiam transiit *clavo trabali figere aliquid*, quo certissimum aliquid esse indicaretur. cf. Cic. Verr. II, 5, 21. In monumentis etiam *clavi* Fortunae Antiati tribuuntur. Uncis autem ferreis (ideo severis) lapides firmissime continentur, praesertim cum *liquidum* iis *plumbum* circumfundatur. Multi hunc Horatii locum vituperarunt (veluti *Lessingius* Laocoon. Opp. ed. Lachm. VI. p. 143) propter nimiam rerum attributarum copiam oculos magis quam aures tangentium. In qua tamen re hoc monendum est, in multis rebus antiquos homines aliter atque nos iudicasse, deinde hoc fortasse verum est quod *Herder* (Krit. Wälder. Werke zur schön. Lit. u. Kunst. XIII p. 139 sqq.) observavit, sumpsisse Horatium hanc Necessitatis imaginem totam ex tabula quadam picta, Antii in templo Fortunae collocata; quamquam is quoque Horatium non minus reprehendit. — *albo panno*] candoris et innocentiae signum. — *abnegat*] sc. se, ut Ovid. A. A. I, 127: „Si qua repugnarat nimium comitemque negarat (se).“ vide Zumpt. gr. §. 605. Ceterum poeticum hoc vocabulum est neque nisi post Augusti aetatem ad prosam orationem transiit. — *utcunque*] vide ad Carm. II, 17, 11. — *mutata veste*] mutare vestem, i. e. togam sordidam induere solebant Romani ad significandam aliquam calamitatem et luctum; unde *sorditati* rei erant.

V. 25. Quod in superiore stropha tacite factum est, id his versibus aperte proditur: confudit enim Horatius ipsam deam cum statu hominis cum adversa fortuna conflictantis, qua re aliorum magnam laudem, aliorum gravem castigationem meruit. — *siccatis*] vide ad Carm. I, 31, 11. —

Ferre iugum pariter dolosi.

Serves iturum Caesarem in ultimos

30 Orbis Britannos et iuvenum recens

Examen Eois timendum

Partibus Oceanoque rubro.

Eheu cicatricum et sceleris pudet

Fratrumque. Quid nos dura refugimus

35 Aetas? quid intactum nefasti

Liquimus? unde manum iuventus

Metu deorum continuit? quibus

Pepercit aris? O utinam nova

Incude diffingas retusum in

40 Massagetis Arabasque ferrum!

Carmen XXXVI.

† Et thure et fidibus iuvat

Placare et vituli sanguine debito

Custodes Numidae deos,

Qui nunc Hesperia sospes ab ultima

5 Caris multa sodalibus,

Nulli plura tamen dividit oscula

Quam dulci Lamiae, memor

amici dolosi] de quibus egregium graecum proverbium: „ζεῖ χύτρα, ζῆ φίλα“. — *quid nos*] gravis interrogationum cumulus; similiter in eadem re Carm. II, 1, 29—36. De re compara Carminis III, 6 primam et ultimam stropham. — *diffingas*] aliter ac prius fuerat formes; rarissimum vocabulum. cf. Carm. III, 29, 47. — *nova incude*] non ea qua olim cusum erat quasi ad bella civilia.

Carmen XXXVI.

Celebrat Plotii Numidae post longam absentiam ex Hispania reditum. Plotii nomen reperitur in scholiis antiquis, quamquam libri fluctuant inter Plotium et Pomponium. Scriptum fortasse carmen est a. 730, siquidem cum Augusto, non ante Augustum, Numida ex Hispanico bello rediit. De Aelio Lamia vide ad Carm. I, 26; Damalis libertinae nomen. Similis argumenti est Carm. II, 7; simile etiam Carm. III, 14 de reverso Augusto; in hoc tamen diversus color, maior licentia, effrenatius gaudium.

placare] Dii etiam si non sunt irati *placantur*, nimirum ne irascantur, si non persolvantur sacrificia debita. Carm. III, 23, 3. Sat. II, 3, 206. Epist. I, 16, 58. A. P. 210. — *Hesperia*] vide ad Carm.

Horatius ed. Dillenburger.

- Actae non alio rege puertiae
Mutataeque simul togae.
- 10 Cressa ne careat pulchra dies nota,
Neu promptae modus amphorae,
Neu morem in Salium sit requies pedum,
Neu multi Damalis meri
Bassum Threicia vincat amystide,
- 15 Neu desint epulis rosae
Neu vivax apium neu breve lilium.
Omnes in Damalin putres
Deponent oculos, nec Damalis novo
Divelletur adultero
- 20 Lascivis hederis ambitiosior. †

II, 1, 32. — *non alio rege*] Quid hoc sit, videbis ex Epist. I, 1, 59. — *puertiae*] De syncope vide ad Carm. II, 2, 2. — *mutat. sim. togae*] Cum essent aequales, eodem tempore togam virilem sumpserunt. Iam quo anno aetatis praetextam deposuerint pueri, id ita investigari nequit, ut certus et idem hic annus omnibus fuisse videatur, quamquam si quis annum decimum quintum absolvisset, is satis maturus plerumque videbatur. — *Cressa nota*] i. e. alba, quia creta ex Cimōlo, parva insula prope Cretam sita, Romam advehebatur. Solebant Thraces, et fortasse etiam Graeci et Romani, laetos dies albis, tristes nigris calculis notare; inde dicitur dies candidiore nota, meliore lapillo, candidissimo calculo lactea gemma, similia. — *promptae amphorae*] Carm. III, 21, 8. I, 37, 5. — *morem in Salium*] Salii Martis sacerdotes certis anni temporibus cum tripudiis et sollennibus saltibus carmina cantabant. cf. IV, 1, 28. Tibure etiam Salii erant Herculis sacerdotes. cf. Virg. Aen. VIII, 285. *Salium* adiectivum esse videtur, non genit. plur. pro *Saliorum*; nominantur enim *Saliae* etiam virgines. — *multi Damalis meri*] Ex eiusmodi locis intelligitur, quam late patuerit genitivi quem qualitatis grammatici vocant, apud Romanos usus neque apud poetas solum sed etiam apud Ciceronem ad Fam. IX, 26: „homo non multi cibi sed multi ioci.“ Ovid. Met. XIV, 252. — *Bassum*] Quis fuerit Bassus nescimus; natura autem loci fert, ut eum in talibus computationibus modestum fuisse credamus et abstinentem. Nam hoc dicit Horatius, bibacissima Damalis ne vincat hodie Bassum i. e. Bassus etiam alias temperantissimus hodie communi laetitia inductus plurimum hibat. — *amystide*] ἀμυστις, συνεχὴς πόσις, ἀπὸ τοῦ ἀμυσσῆν πίνειν. Thraces autem homines vinolenti. cf. Carm. I, 27, 2. — *rosae*] vide ad Carm. II, 3, 13. In insequentibus autem *vivax* et *breve* adiectiva nihil volunt aliud nisi ut grata quaedam florum oppositio efficiatur. — *putres*] molles. — *ambitiosior*] Epod. 15, 5; vocabulum h. l. primam amplectendi significationem retinuit.

Carmen XXXVII.

Nunc est bibendum, nunc pede libero

Pulsanda tellus, nunc Saliaribus

Ornare pulvinar deorum

Tempus erat dapibus, sodales.

5 Antehac nefas depromere Caecubum

Cellis avitis, dum Capitolio

Regina dementes ruinas

Fumus et imperio parabat

Contaminato cum grege turpium

Carmen XXXVII.

Cum a. u. c. 724 mense Septembri a M. Tullio Cicerone, oratoris filio, nuntius Romam perlatus esset de capta Alexandria deque voluntaria Antonii et Cleopatrae morte, Horatius hoc carmine ad privatam et publicam laetitiam Romanos evocavit. Exordium carminis ab Alcaeo sumptum esse aperte ostendit hoc de Myrsili, Lesbi tyranni, morte fragmentum (p. 268 Schneidewin.):

*Νῦν χρὴ μεθύσθην καὶ τινα πρὸς βίαν
Πίνην, ἐπειδὴ καίθανε Μύρσιλος.*

Quod quidem exordium ita cohaeret cum reliqua parte carminis, ut gaudendum esse cum dictum sit, toto deinde carmine cur sit exponatur. Unde miro modo factum est, ut transitione ab exordio ad tractationem rei facta uno tenore sententia ad finem decurrat. Gaudendum igitur est, inquit, privatim et publice, cum infestissima Romano nomini adversaria mortem sibi ipsa consciverit, exitium ac perniciem minata imperio Romano, Caesaris tamen armis et fortuna devicta (stroph. 2. 3. 4). Quae quam magna fuerit quamque timenda, morte etiam comprobavit (str. 6. 7. 8). Ex quo vides, duplicem esse laetitiae de Cleopatrae morte causam, alteram in odio positam quo illa in Romanos fuerit accensa, alteram in magnitudine animi, quo nisi a maiore esset victa, satisfacere ea potuisset odio. Sic ultro exoritur Cleopatrae et Octaviani comparatio duabus imaginibus in medio carmine (str. 5. nam prima strophæ ab hac partitione separanda est) collocatis illustrata. Propter negligentiam caesurae v. 5. 14 et synaloephen v. 5 inter prima carmina hoc referendum non pauci putant. Ego non consentio, quamquam alia etiam insunt quae laudem non mereantur; vide supra p. 6. Cfr. Epod. 9.

V. 1. *bibendum*] Potatio et saltatio referendae sunt ad privatam laetitiam, reliqua ad publica. Ad supplicationes et lectisternia sodales evocare non potuit privatus homo; quare non scripsit *tempus est*, sed *tempus erat*, de quo vide Zumpt. gr. lat. §. 518. — *Saliaribus*] Saliarum dapes per sacros dies lautae esse solebant, inde etiam quae aliae opiparae erant Saliarum appellabantur. Similiter Carm. II, 14, 28. — *Caecubum*] generosum vinum; ager est Latii prope Fundos ad viam Appiam. — *dementes ruinas*] Enallage adiectivi neque ea improbanda, nam quae concipiuntur ruinae a demente muliere, eadem dementes poetica ratione appellantur. — *funus et*] vide ad Carm. I, 2, 9. — *contaminato cum grege*] turba hominum impurorum, foedorum. Audacius dicta sunt haec et obscurius *turpium morbo cirorum*; *morbis* est ipsa

10 Morbo virorum, quidlibet impotens

Sperare fortunaque dulci

Ebria; sed minuit furorem

Vix una sospes navis ab ignibus,

Mentemque lymphatam Mareotico

15 Redegit in veros timores

Caesar ab Italia volantem

Remis adurgens, accipiter velut

Molles columbas aut leporem citus

Venator in campis nivalis

20 Haemoniae, daret ut catenis

Fatale monstrum; quae generosius

Perire quaerens nec muliebriter

Expavit ensem nec latentes

insana libido, qua animus simul et corpus corrumpitur et deformatur. Quare magna inest acerbitas in nomine *virorum*, cuius omnis vis ac dignitas epithetorum pravitate (*turp. morb.*) tollitur. — *impotens*] impotens est qui libidine et cupiditate captus sibi ipse temperare nequit. — *fortuna dulci*] vide ad *Carm.* I, 16, 23.

V. 13. *furorem*] intemperantiam et arrogantiam, qua quidlibet sperare ausa erat. — *lymphatam Mareotico*] Iterum obscurior locus. Lymphatus enim est *νυμφόληπιος*, cui a nymphis vel a quocunque deo subitus terror infectus est. Quare apertum est, spectari subitam Cleopatrae ex pugna Actiaca fugam, in quam vano quodam pavore coniecta Antonio relicto Aegyptum petiit. *Mareotico*, quod dulce fuit et odoriferum, luxuriosae Antonii et Cleopatrae compotationes significantur, quas ebrietas sequitur et „furiales somni et inquietas nocturna“, ut Plinius dicit *H. N.* XIV, 22. Vino igitur illa in vanum timorem homines coniiciendi vis tribuitur. — *ab Italia volantem*] Id enim speraverat insana mulier, fore ut cum Antonio victore victam etiam Italiam suo arbitrio subiiceret. — *accipiter velut*] *Hom.* II. XXII, 139. — *Haemoniae*] ab Haemone, antiquo rege, Thessali patre, Thessalia sic nominata. Ornandi causa certam terram et tabulam quasi proponit.

V. 21. *fatale monstrum, quae*] Monstrum appellatur Cleopatra, ut apud Ciceronem *Cat.* II, 1 Catilina furens audacia. De relativo pronomine vide Zumpt. *gr. lat.* §. 368. — *ensem*] *Plut. Anton.* 79: „Θεασαμένη τὸν Πτολεμαῖον ὤρμησε μὲν αὐτὴν παρὰ τὰς πρὸς δρυμῶν δὲ ταχὺ αὐτὴν ἐκώλυσεν.“ Sententia ipsa perspicua est, nam Cleopatra, inquit, generosam mortem servituti ac dedecori praeferens neque ignavia qua mulieres esse solent, quominus manum sibi inferret prohibita est, neque in remotas regiones fugiens vitam servare studuit et regnum. Etenim *latentes orae* sunt remotae, et *reparare oras* quid aliud esse potest atque hoc quod Orellius vidit? „Alias sibi parare et assequi studuit regiones pro illis, quas amittendas Caesarique relinquendas esse videbat, i. e. pro Aegypto.“ Nihil igitur opus est coniecturis. Post

Classe cita reparavit oras;

- 25 *Ausa* et iacentem visere regiam
 Vultu sereno, fortis et *asperas*
 Tractare serpentes, ut atrum
 Corpore combiberet venenum,
 Deliberata morte ferocior,
 30 *Saevis Liburnis* scilicet invidens
 Privata deduci superbo
 Non humilis mulier triumpho.

Carmen XXXVIII.

Persicos odi, puer, apparatus,
 Displacent nexae *philyra* coronae;

oras non potest poni punctum, absolutae sententiae signum; nam quae insequuntur *ausa* et *fortis* gravem efficiunt antithesin. Per participia et adiectiva participiorum ratione collocata ad finem continuatur oratio. — *asperas*] quae bene non tractantur, quas tractare periculosum est. cf. Carm. III, 2, 10. — *Liburnis*] Liburnae parva et velocia navigia, quorum agilitate Octavianus grandes et impeditas naves Antonii devicit. Epod. 1, 1. — *privata deduci*] Nominativus cum infin. ad graecum morem positus est, ubi utrumque verbum *invidens* et *deduci* in eadem persona coniunguntur. — *privata*] regia dignitate amissa.

Carmen XXXVIII.

Ut totum genus lyricum sic habitum quoque carminum a Graecis haud raro adoptavit Horatius; inde huius carminis forma. Nam frequenter lyriici graeci pocillatores etiam alloquebantur, quibus quid sentirent quidve vellent exprimerent. Ex quo genere Anacreontica sunt in Mehlhornii anthologia lyrica tertium p. 52, octavum p. 54. Caput autem huius carminis hoc est: ad hilaritatem non opus esse magno apparatu, in conviviis quoque simplicitatem se praeferre splendori. — De tempore quo videatur carmen scriptum esse nihil potest investigari, nisi quod *sera rosa* clare indicatur posterior pars aestatis, qua rosae florere iam desinunt.

Persicos apparatus] De Persarum luxuria vide Corn. Nepot. Pausan. 3. Xenophon. Cyrop. VIII, 8, 15–19. Herod. IX, 82. Nomen *apparatus* praeter h. l. non facile apud ullum poetam reperietur. — *philyra*] Plin. II. N. XVI, 14: „Inter corticem ac lignum (tiliae arboris) tennes tunicae multiplici membranula, e quibus vincula tiliae vocantur, tenuissimae earum *philyrae*, coronarum lemniscis celebres.“ De his Becker Gall. T. II, p. 216: „An Denkmälern findet man häufig Kränze, wo Blatt über Blatt liegt oder Rose an Rose sitzt, und es ist wohl möglich, dass an solchen die Blätter oder Rosen auf ein Band oder einen Streifen Bast, *philyra*, geheftet waren: sie würden dann mit Recht *sutiles* heis-

Mitte sectari, rosa quo locorum

Sera moretur.

5 Simplici myrto nihil allabores

Sedulus curo: neque te ministrum

Dedecet myrtus neque me sub arta

Vite bibentem.

sen.“ Ovid. Fast. V, 335 sqq.: „Tempora subtilibus cinguntur tota coronis
Et latet iniecta splendida mensa rosa: Ebrius incinctis philyra conviva
capillis Saltat.“ — *allabores*] vide ad Carm. I, 5, 8. — *sedulus*] con-
iungendum hoc cum *allabores*. — *ministrum*] nam pocillatores quoque
sertis redimebantur. — *arta vite*] umbrosa, densa.

Q. HORATII FLACCI

C A R M I N U M

LIBER SECUNDUS.

Carmen I.

Motum ex Metello consule civicum
Bellique causas et vitia et modos

Carmen I.

C. Asinius Pollio a. u. c. 679 natus magnis ingenii animique virtutibus instructus civilibus bellis egregiam sibi belli pacisque gloriam paravit. Nam cum a. 714 consul esset creatus, pacem inter Antonium et Octavianum Brundisinam conciliavit, et insequenti anno victis Parthinis, Illyrica gente, triumphum impetravit. Deinde bello abstinuit omnemque laudem in litteris bonisque artibus quaesivit. Iam eloquentia civibus adfuit, civilium rerum peritia senatum adjuvit, tragoediis amicos delectavit. Primus Romae publicam bibliothecam et scriptorum privatas recitationes mutuaeque amicorum iudicia instituit. Iam scimus scripsisse Asinium historiarum bellorum civilium libros XVII; ac videtur partem eius operis amicis recitasse. Inter quos cum adesset Horatius praestantia operis tantopere motus est, ut suum et de opere et de viro iudicium hoc carmine proderet. — Quo anno scriptum sit carmen, pro certo non potest affirmari; quamquam veri simillimum videtur, civilia bella composita quidem esse sed animis nondum reconciliatis ignem sub cineribus latere.

V. 1. *Metello*] Q. Caecilio Metello Celere L. Afranio Coss. a. u. c. 694. — *civicum*] antiquior forma adiectivi et prope nobilior. cf. Carm. III, 24, 26. Epist. I, 3, 23. — *bellique*] Vv. 1—8 significantur originis rationesque bellorum civilium; particula *que* triplice tres efficiuntur partes, quae ipsae intercedentibus et particulis iterum dividuntur. Nam genitivus *belli* non ad causas magis quam ad *vitia* et *modos* referendus

Ludumque fortunae gravesque
Principum amicitias et arma

5 Nondum expiatis uncta cruoribus,
Periculosae plenum opus aleae,
Tractas et incedis per ignes
Suppositos cineri doloso.

Paulum severae Musa tragoediae

10 Desit theatris: mox ubi publicas
Res ordinaris, grande munus
Cecropio repetes cothurno,

Insigne moestis praesidium reis
Et consulenti, Pollio, curiae;

15 Cui laurus aeternos honores
Dalmatico peperit triumpho.

est, ut bellum unde ortum sit, quid sit in eo peccatum, et quomodo gestum versu secundo indicatum habeamus. Accedit *ludus Fortunae*, quo homines iactantur, neque sunt minoris momenti *principum amicitiae*, quae rempublicam quam iuvare debebant turbarunt ideoque *graves* appellantur. — *arma*] Haec quoque principum sunt, ut foedera eorum et arma aequae perniciose fuisse dicantur. — *cruoribus*] plur. num. de magnitudine caedis. cf. Virg. Aen. IV, 687. — *aleae*] Animis nondum pacatis odium leviter tectum in scriptorem a partium studio non prorsus alienum facile incenditur. — *per ignes*] Per cineres facile erumpit incendium et comburit eum qui nimia fiducia per eos procedit. Summa igitur cautio opus est.

V. 9. cf. Sat. I, 10, 42. Virg. Buc. 8, 10. — *publicas res*] res publice gestas, quae ipso versu opponuntur theatris i. e. fictis rebus. — *ordinare*] est temporum et causarum rationibus componere. — *Cecropio cothurno*] Cothurnus tragoedorum, soccus comoedorum. Tota autem res scenica apud Athenienses originem cepit et incrementa. — *insigne*] Aptissimo loco et quasi sponte ad reliquas Pollionis laudes fertur; sunt autem petitae ex eloquentia, prudentia civili, bellica virtute. — *consulenti*] absolute positum, deliberanti. Liv. XXI, 16. Virg. Aen. XI, 335. Senatorum est consulere; qui optime suadet, is consulentibus praesidio est. — *moestis reis*] cf. Carm. IV, 1, 14. De dativo cf. Carm. I, 15, 21. — *Iam nunc*] Videtur Pollio ab initio operis descripsisse magnitudinem imperii Romani, splendoris Pompeii Caesarisque de exteris nationibus reportatas victorias, quibus totus orbis terrarum subiectus est praeter virtutem Romanam. Ea autem significatur atrocitate Catonis. Cuius nomine poetae animus facile fertur in Africam, cum praesertim maior quoque Cato Carthaginem delendam esse perpetuo olim censuisset. Verum aenula illa sublata ingentis imperii vires inter se discordes ad domestica bella ruebant. Haec igitur sunt, quae tribus strophis usque ad v. 28 exponuntur. Anaphora autem *iam nunc, iam, iam, iam* vegetam describendi rationem Pollionis collustrat ad magnamque expectationem movendam aptissima est. — *cornuum*] vide ad Carm. I, 1,

Iam nunc minaci murmure cornuum
 Perstringis aures, iam litui strepunt,
 Iam fulgor armorum fugaces

20 Terret equos equitumque vultus.

Audire magnos iam videor duces
 Non indecoro pulvere sordidos
 Et cuncta terrarum subacta
 Praeter atrocem animum Catonis.

25 Iuno et deorum quisquis amicior
 Afris inulta cesserat impotens
 Tellure victorum nepotes
 Rettulit inferias Iugurthae.

Quis non Latino sanguine pinguior
 30 Campus sepulcris impia proelia
 Testatur auditumque Medis

23. Pugnae interesse sibi videntur, qui Pollionem legentem audiunt. — *fugaces*] Equorum natura fugax est, neque ruerent ii in adversam aciem, nisi frenorum et calcarium vi pellerentur.

V. 21. *Audire*] Non concionantes quidem, sed inter pugnandum clamantes, se suosque milites ad fortiter pugnandum stimulantes, hostem provocantes. Ex ipsa pugna haec quoque scena petita. — *non indecoro*] vide ad Carm. I, 1, 19. — *cuncta terrarum*] Zumpt. gr. §. 435. adnot. cf. Carm. IV, 12, 19. Haec quoque bene referuntur ad verbum *audire*; nam victorias quoque legentem Pollionem audit. Quare summi Bentleii coniectura *videre* ut simplicissima ita maxime otiosa est. cf. Hom. Od. IX, 166: ἐλεύσσομεν καπνόν τ' αὐτῶν τε φθογγήν^α Splendida autem ἀντίθesis est inter terrarum orbem et unum Catonem — *Iuno*] patrona Africae et Karthaginis, irata Romanis, Aeneae posteris. Carm. III, 3, 32. Virg. Aen. I, 15. — *Deorum quisquis*] Tenendum est cum regione vel gente victa etiam deos patrios quodam modo vinci; quare qui urbem oppugnabant, ii deos, ne cum his sibi res esset, evocare solebant. De coniunctione hac *Iuno et quisquis* conferas Ovid. Met. I, 262. — *rettulit*] vide Zumpt. §. 22.

V. 29. Horatius quid de suae aetatis calamitatibus iudicaverit, unde originem earum duxerit, multis locis ostendit; ut Carm. I, 35, 33. III, 5, 7. III, 6, 7. 45. III, 24, 25 sqq. cet. Posteri luebant quae impie et iniuste maiores fecerant; atque etiam bellum Iugurthinum semina posuerat belli inter Marium et Sullam gesti. — In insequentibus duabus strophis animadvertite aequabilitatem membrorum; quae sunt quattuor, quorum primum et tertium negantem particulam (*quis non* — *quod non*), alterum et quartum verba habent negantia (*ignara* — *caret*). — *Hesperiae*] adiectivum est, non substantivum. Inditum hoc nomen est et *Italiae*, Graecis occidentem versus sitae (Carm. III, 6, 8. IV, 5, 38. I, 28, 26) et *Hispaniae* etiam Italis occidentem versus sitae (Carm. I, 36, 4. IV, 13, 16. II, 17, 20). — *Medi*] Hi significant nihil aliud nisi remotissimam orientis regionem; quare ἀντίθesis noli praetermittere inter

Hesperiae sonitum ruinae?

Qui gurgēs aut quae flumina lugubris
Ignara belli? quod mare Dauniae

35 Non decoloravere caedes?

Quae caret ora cruore nostro?

Sed ne relictis, Musa procax, iocis
Ceae retractes munera neniae;

Mecum Dionaeo sub antro

40 Quaere modos levioꝛe plectro.

Carmen II.

Nullus argento color est avaris

Abdito terris, inimice lamnae

Medos et Hesperiam. — *Dauniae*] Latinae, *συνερδοχικῶς*. Carm. IV, 6, 27. Similis locus est Carm. III, 6, 34. II, 12, 2.

V. 35. *decoloravere*] Seneca Quaest. Nat. II, 41: „Decoloratur id, cuius color vitatur, non mutatur; coloratur id, cuius alia sit quam fuit facies.“ Ceterum praepositio *de* in comp. saepe intendit notionem, ut in *debacchari* Carm. III, 3, 55; *desaevire* Epist. I, 3, 14; *decertare* Carm. I, 3, 13; *deproeliari* Carm. I, 9, 11; *delitigare* A. P. 94; *denarrare* Sat. II, 3, 315; *deperire* Epist. II, 1, 40; *deproperare* Carm. II, 7, 24; *depugnare* Epist. II, 1, 184. — *iocis*] Sic poetae poemata sua levioris generis saepe vocant, ut rei nomen ad carmen transferatur. — Vehementia doloris cum longius abreptum se sentiat neque suum esse intellexerit tantas calamitates aut describere aut deslere, subito desinit. Musa est procax, quae aliena sibi arrogat; Horatii Musa iocosa est. cf. Carm. III, 3, 69. I, 6, 17. — *neniae*] Cic. de leg. II, 24: „Honoratorum virorum laudes in concione memorentur easque etiam cantu ad tibicinem prosequantur, cui nomen neniae.“ Cf. Carm. II, 20, 21. Deinde neniae appellantur cantus quibus nutrices infantes sopiunt (Epist. I, 1, 62. cf. Carm. III, 28, 16). Omnino sic appellantur carmina lugubria, qualia Simonides Ceo insula oriundus composuit. — *Dionaeo*] Dione, mater Veneris. Hom. II, V, 370. — *antro*] cf. Carm. III, 4, 40. III, 25, 4. II, 19, 1. Poetae Veneris antra ingressi non bella sed amores canunt. — *levioꝛe plectro*] Argumenti levitas ad lyram transfertur et ad plectrum; scilicet in levi re graviter pulsare fides non decet. Contrarium est Carm. IV, 2, 33. cf. Ovid. Met. X, 150. 152. — *modos*] carmina, Weisen. Carm. II, 12, 4. 9, 9. III, 9, 10. 3, 72. IV, 6, 43.

Carmen II.

Cum divitiae ipsae non habeant cur expetantur, is summa laude dignus est qui bonis suis optime utitur neque summum bonum in magnitudine rerum ponendum esse putat. Nam cupiditas animi nullis fini-

Crispe Salusti, nisi temperato
Splendeat usu,

5 Vivet extento Proculeius aeo,
Notus in fratres animi paterni;
Illum aget penna metuente solvi
Fama superstes.



Latius regnes avidum domando

10 Spiritum, quam si Libyam remotis

bus coercetur et is demum verus rex est, is vere dives est qui sibi, non aliis imperat. — Scriptum est carmen ad C. Salustium Crispum, quem C. Salustius, Romanarum rerum scriptor, sororis nepotem in nomen adsciverat. Qui cum adolescentulus magnis divitiis non bene usus esset (Sat. I, 2, 48), virili aetate laudem sapientiae et liberalitatis coniungeret, aptissimus Horatio visus est, cuius nomine eiusmodi carmen orneret; cum praesertim metalla aeris in Centronum Alpino tractu haberet. Adhortationis vel vituperationis in carmine nihil inest. Versibus 5 et 17 facile efficitur, ut compositum hoc credamus anno fere 730; Phraates enim restitutus est a. 730, et Proculeii fratres post a. 732, quo anno Fannii Caepionis et Licinii Murenarum coniuratio contra Augustum detecta est (vide infra ad carmen X), commemorare Horatium vix decuit.

V. 1. *color*] Hic est qui allicit hominum animos; in metallis neque argento neque auro color est; ad lucem protractis cum colore et splendore pretium accrescit. — *avaris terris*] Metalla non sine magno labore aperiuntur; reluctatur quasi terra, unde *avara* appellatur. cf. Carm. III, 3, 49. — *lammae*] per syncopen pro *laminarum*; sic Carm. I, 36, 8 *puertiae*; IV, 13, 20 *surpuerat*; Epod. 9, 1 *repositus*; Sat. I, 1, 49 *portarit*; I, 2, 113 *soldo*; I, 9, 7 *noris*; I, 3, 53 *caldus*. cf. Carm. II, 16, 2. Epist. I, 9, 6. 15, 36. *Laminam* autem cum contemptu dixit et opposuit argento facto. — *nisi*] Hypothetica haec enuntiatio coniungenda cum vocativo: *qui es inimicus, nisi*. Simillimi loci Carm. II, 3, 4sq. Sat. I, 2, 74. — *splendeat*] Coniunctivus modus Salustii, non unius Horatii hanc esse sententiam prodit. — *Proculeius*] C. Proculeius Varro Murena, eques Romanus, frater Terentiae Maecenatis, rarissimae pietatis erga fratres fuit, adeo ut bona sua cum illis, qui bello civili omnia amisissent, aequis partibus divideret. — *animi paterni*] In genitivo ad graecam orationem posito, ne latino dicenti languida aliqua opus esset praepositione, causa inest. Sic Carm. IV, 13, 21. — *extento aeo*] Aevum saepe apud Horatium id est temporis spatium quod mortalibus datum est ad vivendum. Sic Carm. II, 9, 13. III, 11, 5. Epist. I, 20, 26. *Aevum extendere* est vitae annos augere, ut si quis vivat extento aeo, is etiam post mortem vivat.

V. 7. *metuente solvi*] Quanto sic nervosius dixit quam si voluisset *metuente ne solvatur*! Exempla vide haec: Carm. I, 8, 8. III, 11, 10. III, 24, 56. IV, 5, 20. Sat. I, 4, 23. Epist. I, 5, 2. I, 16, 60. I, 19, 27. II, 1, 114. — *domando spiritum*] Gerundium ideo non mutavit in passivam formam gerundivi, ne activa vis verbi gravissima frangatur. cf. Carm. I, 2, 29. Poetae quo clarius rem describant, exemplis solent uti; atque id ita quoque fit, ut cum alteram partem sententiae simplicem omnique ornatu carentem posuerint, alteri exempla substituant; quod hic factum vides et Carm. II, 10, 5 sqq. Praeterea autem

Gadibus iungas et uterque Poenus
Serviat uni.

Crescit indulgens sibi dirus hydrops
Nec sitim pellit, nisi causa morbi
15 Fugerit venis et aquosus albo
Corpore languor.

Redditum Cyri solio Phraaten
Dissidens plebi numero beatorum
Eximit virtus populumque falsis
20 Dedocet uti

Vocibus, regnum et diadema tutum
Deferens uni propriamque laurum,
Quisquis ingentes oculo irretorto
Spectat acervos.

animadvertas velim amplificationem; si *Lib. remot.* *Gad. iungas et uterque Poen. serv. uni*; eadem res ex diversis partibus collustrata animum magis movet. In quo loco *et part. consecutivam* quam dicimus facultatem nacta est; quare prosa oratio sic: „si Libyam remotis Gadibus iungas, *ita ut* et Karthaginenses et Hispanienses Poeni tibi uni serviant.“ Karthago ditissima olim urbs fuit propter mercaturam, Africa ipsa feracissima frugum, deinde Hispania metallorum opibus celebrata; coniunctae avidissimi hominis animum explere poterant.

V. 13. „Cupiditas enim in dies crescit neque unquam restinguitur, et, quod est turpissimum, quo ducit, id ne bonum quidem est vere.“ Sic cohaerent quae sequuntur. — *indulgens*] indulgendo; qui participii usus apud Graecos frequentissimus. De imagine lege hunc Ovidii locum *Fast. I, 215 sq.*: „Sic quibus intumuit suffusa venter ab unda, Quo plus sunt potae, plus sitiuntur aquae.“ cf. *Epist. II, 2, 147.* — *venis*] de intima parte cuiusque rei. *Cic. Catil. I, 13, 31.* — *albo corpore*] adiectivum *πολῆτικῶς* positum; quo in genere iterum inest magnum poetarum brevitatis studium. — *Phraaten*] Phraates IV a Parthis expulsus a. u. 724 Scytharum ope in regnum restitutus est. Vide *Carm. I, 26, 4 sq.* — *dissidens plebi*] Verba pugnandi, certandi, similia cur a poetis saepe cum dativo coniungantur (*Carm. II, 6, 15. Sat. I, 2, 73. Ovid. Met. I, 19*), intelligitur ex iis quae supra scripta sunt ad v. 6. cf. ad *Carm. I, 3, 13.* — *vocibus*] quibus populus Phraaten et similes beatos praedicat. cf. *Sat. I, 1, 65.* — *propriam*] perpetuam. *Sat. II, 6, 5. Epist. I, 17, 5. II, 2, 172.* — *laurum*] quoniam etiam de cupiditatibus triumphatur. — *irretorto*] Sapiens adeo contemnit divitias; maximas etiam placido animo praeterire et ita potest videre, ut ne oculum quidem reorqueat. cf. *Cic. Cat. II, 1, 2.* — *acervos*] anri. *Sat. I, 1, 44.*

Carmen III.

Aequam memento rebus in arduis
Servare mentem, non secus in bonis

Ab insolenti temperatam
Laetitia, moriture Delli,

5 Seu moestus omni tempore vixeris,
Seu te in remoto gramine per dies

Festos reclinatum bearis
Interiore nota Falerni.

Carmen III.

Cic. de off. I, 26 sic scripsit: „In rebus prosperis et ad voluntatem nostram fluentibus superbiam, fastidium arrogantiamque magno opere fugiamus; nam ut adversas res sic secundas immoderate ferre levitatis est: praeclaraque est aequabilitas in omni vita et idem semper vultus eademque frons, ut de Socrate, item de C. Laelio accepimus.“ Hanc doctrinam poetica ratione Horatius illustrat; non cedendum esse fortunae, qua incerta homines modo tollantur, modo deprimantur. Humano generi nihil certius esse morte; quare qui vita sapientissime fruatur eum salutis suae optime consulere; vitae autem sapientem usum nasci ex animi tranquillitate. Similes sunt loci I, 7, 17. II, 10, 21 sqq. II, 16, 25 sqq. Dividitur hoc carmen in duas partes; superior (v. 1–16) quid sit faciendum suadet, inferior (17–28) cur ita faciendum docet. Caput autem cernitur in scena quam exhibet media carminis strophæ. Delli, cuius nomen v. 4 legimus, is videtur fuisse, qui cum a Dolabella ad Cassium, a Cassio ad Antonium, ab Antonio transiret ad Caesarem (Vell. Pat. II, 84) a Messalla Corvino *desultor bellorum civilium* vocatus est. Is fortasse cum Horatio in Macedonia militavit, deinde in omnibus castris fortunae favorem quaesivit. Videntur viri docti iure suspicari, hoc carmen ante a. 723, quo Delli ad Octavianum transiret, non potuisse scribi; porro veri simile est post a. 725 finitis civilibus bellis demum esse compositum, cum Delli quam quaesivisset fortunam nondum assecutus intemperantiam animi etiam aleret.

V. 1. *arduis*] periculosis. Carm. I, 3, 37. — *aequam*] Aequus est locus, in quo neque exstat quidquam neque recedit; sic animus aequus nunquam turbatus, semper idem, ad omnia paratus non committit, ut aliquando dicendum sit: non putaram (Cic. de off. I, 23). Hor. Carm. III, 29, 32. Epist. I, 17, 24. Cic. Rosc. Am. 50. — *non secus*] itidem. Carm. III, 25, 8. — *insolenti laetitia*] *προληπτικῶς*. Carm. I, 16, 21. II, 4, 2. — *moriture*] cui moriendum est (I, 28, 6), sive moestam sive hilarem vitam egeris. Vide ad II, 2, 2 sq. cf. Ovid. Trist. V, 5, 61: „Caesar dis accessure, sed olim Aequarint Pylios cum tua fata dies.“ — *Gramine*] Describitur convivium rusticum in remoto prato habitum; in quo pingendo eo diutius poeta commoratur, quo fortius ad hilaritatem vitae homines evocet. Ad totum locum cf. Epod. 2, 23 sqq. — *interiore nota Falerni*] Deteriora vina quae aetatem non ferebant, de cupa vel dolo potabantur; meliora in amphoras et lagenas diffundebantur; amphorae vitreae vel luteae cortice et pice claudiebantur vel gypsabantur; inscribebantur nomina consulum, ut quibus annis vina nata essent posset

10 Morbo virorum, quidlibet impotens
Sperare fortune dulci
Ebria; sed minuit furorem

Vix una sospes navis ab ignibus,
Mentemque lymphatam Mareotico

15 Redegit in veros timores
Caesar ab Italia volentem

Remis adurgens, accipiter velut
Molles columbas aut leporem citus
Venator in campis nivalis

20 Haemoniac, daret ut catenis

Fatale monstrum; quae generosius
Perire quaerens nec muliebriter
Expavit ensem nec latentes

insana libido, qua animus simul et corpus corrumpitur et deformatur. Quare magna inest acerbitas in nomine *virorum*, cuius omnis vis ac dignitas epithetorum pravitate (*turp. morb.*) tollitur. — *impotens*] impotens est qui libidine et cupiditate captus sibi ipse temperare nequit. — *fortuna dulci*] vide ad Carm. I, 16, 23.

V. 13. *furorem*] intemperantiam et arrogantiam, qua quidlibet sperare ausa erat. — *lymphatam Mareotico*] Iterum obscurior locus. Lymphatus enim est *νυμφόληπιος*, cui a nymphis vel a quocunque deo subitus terror iniectus est. Quare apertum est, spectari subitam Cleopatrae ex pugna Actiaca fugam, in quam vano quodam pavore coniecta Antonio relicto Aegyptum petiit. *Mareotico*, quod dulce fuit et odoriferum, luxuriosae Antonii et Cleopatrae computationes significantur, quas ebrietas sequitur et „furiales somni et inquietas nocturna“, ut Plinius dicit H. N. XIV, 22. Vino igitur illa in vanum timorem homines concitiendi vis tribuitur. — *ab Italia volentem*] Id enim speraverat insana mulier, fore ut cum Antonio victore victam etiam Italiam suo arbitrio subiiceret. — *accipiter velut*] Hom. II. XXII, 139. — *Haemoniac*] ab Haemone, antiquo rege, Thessalia patre, Thessalia sic nominata. Ornandi causa certam terram et tabulam quasi proponit.

V. 21. *fatale monstrum, quae*] Monstrum appellatur Cleopatra, ut apud Ciceronem Cat. II, 1 Catilina furens audacia. De relativo pronomine vide Zumpt. gr. lat. §. 368. — *ensem*] Plut. Anton. 79: *ἡ Θεασαμένη τὸν Προκλήϊον ὥρμησε μὲν αὐτὴν πατάξαι προσδρακῶν δὲ ταχὺ αὐτὴν ἐκώλυσεν.* Sententia ipsa perspicua est, nam Cleopatra, inquit, generosam mortem servituti ac dedecori praeferens neque ignavia qua mulieres esse solent, quominus manum sibi inferret prohibita est, neque in remotas regiones fugiens vitam servare studuit et regnum. Etenim *latentes orae* sunt remotae, et *reparare oras* quid aliud esse potest atque hoc quod Orellius vidit? „Alias sibi parare et assequi studuit regiones pro illis, quas amittendas Caesarique relinquendas esse videbat, i. e. pro Aegypto.“ Nihil igitur opus est coniecturis. Post

Classe cita reparavit oras;

25 *Ausa* et iacentem visere regiam
Vultu sereno, fortis et asperas
Tractare serpentes, ut atrum
Corpore combiberet venenum,

Deliberata morte ferocior,
30 *Saevis Liburnis* scilicet invidens
Privata deduci superbo
Non humilis mulier triumpho.

Carmen XXXVIII.

Persicos odi, puer, apparatus,
Displicent nexae philyra coronae;

oras non potest poni punctum, absolutae sententiae signum; nam quae insequuntur *ausa* et *fortis* gravem efficiunt antithesin. Per participia et adiectiva participiorum ratione collocata ad finem continuatur oratio. — *asperas*] quae bene non tractantur, quas tractare periculosum est. cf. Carm. III, 2, 10. — *Liburnis*] Liburnae parva et velocia navigia, quorum agilitate Octavianus grandes et impeditas naves Antonii devicit. Epod. 1, 1. — *privata deduci*] Nominativus cum infin. ad graecum morem positus est, ubi utrumque verbum *invidens* et *deduci* in eadem persona coniunguntur. — *privata*] regia dignitate amissa.

Carmen XXXVIII.

Ut totum genus lyricum sic habitum quoque carminum a Graecis haud raro adoptavit Horatius; inde huius carminis forma. Nam frequenter lyrici graeci pocillatores etiam alloquebantur, quibus quid sentirent quidve vellent exprimerent. Ex quo genere Anacreontica sunt in Mehlhornii anthologia lyrica tertium p. 52, octavum p. 54. Caput autem huius carminis hoc est: ad hilaritatem non opus esse magno apparatu, in conviviis quoque simplicitatem se praeferre splendori. — De tempore quo videatur carmen scriptum esse nihil potest investigari, nisi quod *sera rosa* clare indicatur posterior pars aestatis, qua rosae florere iam desinunt.

Persicos apparatus] De Persarum luxuria vide Corn. Nepot. Pausan. 3. Xenophon. Cyrop. VIII, 8, 15–19. Herod. IX, 82. Nomen *apparatus* praeter h. l. non facile apud ullum poetam reperietur. — *philyra*] Plin. II. N. XVI, 14: „Inter corticem ac lignum (tiliae arboris) tennes tunicae multiplici membranula, e quibus vincula tiliae vocantur, tenuissimae earum *philyrae*, coronarum lemniscis celebres.“ De his Becker Gall. T. II, p. 216: „An Denkmälern findet man häufig Kränze, wo Blatt über Blatt liegt oder Rose an Rose sitzt, und es ist wohl möglich, dass an solchen die Blätter oder Rosen auf ein Band oder einen Streifen Bast, philyra, geheftet waren: sie würden dann mit Recht *stiles* heis-

Mitte sectari, rosa quo locorum

Sera moretur.

5 Simplici myrto nihil allabores

Sedulus curo: neque te ministrum

Dedecet myrtus neque me sub arta

Vite bibentem.

sen. Ovid. Fast. V, 335 sqq.: „Tempora sutilibus cinguntur tota coronis
Et latet injecta splendida mensa rosa: Ebrius incinctis philyra conviva
capillis Saltat.“ — *allabores*] vide ad Carm. I, 5, 8. — *sedulus*] con-
iungendum hoc cum *allabores*. — *ministrum*] nam pocillatores quoque
sertis redimebantur. — *arta vite*] umbrosa, densa.

Q. HORATII FLACCI

C A R M I N U M

LIBER SECUNDUS.

Carmen I.

Motum ex Metello consule civicum
Bellique causas et vitia et modos

Carmen I.

C. Asinius Pollio a. u. c. 679 natus magnis ingenii animique virtutibus instructus civilibus bellis egregiam sibi belli pacisque gloriam paravit. Nam cum a. 714 consul esset creatus, pacem inter Antonium et Octavianum Brundisinam conciliavit, et insequenti anno victis Parthinis, Illyrica gente, triumphum impetravit. Deinde bello abstinuit omnemque laudem in litteris bonisque artibus quaesivit. Iam eloquentia civibus adfuit, civilium rerum peritia senatum adjuvit, tragoediis amicos delectavit. Primus Romae publicam bibliothecam et scriptorum privatas recitationes mutuaeque amicorum iudicia instituit. Iam scimus scripsisse Asinium historiarum bellorum civilium libros XVII; ac videtur partem eius operis amicis recitasse. Inter quos cum adesset Horatius praestantia operis tantopere motus est, ut suum et de opere et de viro iudicium hoc carmine proderet. — Quo anno scriptum sit carmen, pro certo non potest affirmari; quamquam veri simillimum videtur, civilia bella composita quidem esse sed animis nondum reconciliatis ignem sub cineribus latere.

V. 1. *Metello*] Q. Caccilio Metello Celere L. Afranio Coss. a. u. c. 694. — *civicum*] antiquior forma adiectivi et prope nobilior. cf. Carm. III, 24, 26. Epist. I, 3, 23. — *bellique*] Vv. 1—8 significantur originis rationesque bellorum civilium; particula *que* triplice tres efficiuntur partes, quae ipsae intercedentibus *et* particulis iterum dividuntur. Nam genitivus *belli* non ad causas magis quam ad *vitia et modos* referendus

Ludumque fortunae gravesque
Principum amicitias et arma

- 5 Nondum expiatis uncta cruoribus,
Periculosae plenum opus aleae,
Tractas et incedis per ignes
Suppositos cineri doloso.

Paulum severae Musa tragoediae

- 10 Desit theatri: mox ubi publicas
Res ordinari, grande munus
Cecropio repetes cothurno,

Insigne moestis praesidium reis
Et consulenti, Pollio, curiae;

- 15 Cui laurus aeternos honores
Dalmatico peperit triumpho.

est, ut bellum unde ortum sit, quid sit in eo peccatum, et quomodo gestum versu secundo indicatum habeamus. Accedit *ludus Fortunae*, quo homines iactantur, neque sunt minoris momenti *principum amicitiae*, quae rempublicam quam iuvare debebant turbarunt ideoque *graves* appellantur. — *arma*] Haec quoque principum sunt, ut foedera eorum et arma aequae perniciose fuisse dicantur. — *cruoribus*] plur. num. de magnitudine caedis. cf. Virg. Aen. IV, 687. — *aleae*] Animis nondum pacatis odium leviter tectum in scriptorem a partium studio non prorsus alienum facile incenditur. — *per ignes*] Per cineres facile erumpit incendium et comburit eum qui nimia fiducia per eos procedit. Summa igitur cautione opus est.

V. 9. cf. Sat. I, 10, 42. Virg. Buc. 8, 10. — *publicas res*] res publice gestas, quae ipso versu opponuntur theatri i. e. fictis rebus. — *ordinare*] est temporum et causarum rationibus componere. — *Cecropio cothurno*] Cothurnus tragoedorum, soccus comoedorum. Tota autem res scenica apud Athenienses originem cepit et incrementa. — *insigne*] Aptissimo loco et quasi sponte ad reliquas Pollionis laudes fertur; sunt autem petita ex eloquentia, prudentia civili, bellica virtute. — *consulenti*] absolute positum, deliberanti. Liv. XXI, 16. Virg. Aen. XI, 335. Senatorum est consulere; qui optime suadet, is consulentibus praesidio est. — *moestis reis*] cf. Carm. IV, 1, 14. De dativo cf. Carm. I, 15, 21. — *Iam nunc*] Videtur Pollio ab initio operis descripsisse magnitudinem imperii Romani, splendidas Pompeii Caesarisque de exteris nationibus reportatas victorias, quibus totus orbis terrarum subiectus est praeter virtutem Romanam. Ea autem significatur atrocitate Catonis. Cuius nomine poetae animus facile fertur in Africam, cum praesertim maior quoque Cato Carthaginem delendam esse perpetuo olim censuisset. Verum aemula illa sublata ingentis imperii vires inter se discordes ad domestica bella ruebant. Haec igitur sunt, quae tribus strophis usque ad v. 28 exponuntur. Anaphora autem *iam nunc, iam, iam, iam* vegetam describendi rationem Pollionis collustrat ad magnamque expectationem movendam aptissima est. — *cornuum*] vide ad Carm. I, 1,

Iam nunc minaci murmure cornuum
Perstringis aures, iam litui strepunt,
Iam fulgor armorum fugaces

20 Terret equos equitumque vultus.

Audire magnos iam videor duces
Non indecoro pulvere sordidos
Et cuncta terrarum subacta
Praeter atrocem animum Catonis.

25 Iuno et deorum quisquis amicior
Afris inulta cesserat impotens
Tellure victorum nepotes
Rettulit inferias Iugurthae.

Quis non Latino sanguine pinguior
30 Campus sepulcris impia proelia
Testatur auditumque Medis

23. Pugnae interesse sibi videntur, qui Pollionem legentem audiunt. — *fugaces*] Equorum natura fugax est, neque ruerent ii in adversam aciem, nisi frenorum et calcarium vi pellerentur.

V. 21. *Audire*] Non concionantes quidem, sed inter pugnandum clamantes, se suosque milites ad fortiter pugnandum stimulant, hostem provocantes. Ex ipsa pugna haec quoque scena petita. — *non indecoro*] vide ad Carm. I, 1, 19. — *cuncta terrarum*] Zumpt. gr. §. 435. adnot. cf. Carm. IV, 12, 19. Haec quoque bene referuntur ad verbum *audire*; nam victorias quoque legentem Pollionem audit. Quare summi Bentleii conjectura *videre* ut simplicissima ita maxime otiosa est. cf. Hom. Od. IX, 166: ἐλεύσσομεν καπνὸν τ' αὐτῶν τε φθογγήν. Splendida autem ἀντιθεσις est inter terrarum orbem et unum Catonem. — *Iuno*] patrona Africae et Karthaginis, irata Romanis, Aeneae posteris. Carm. III, 3, 32. Virg. Aen. I, 15. — *Deorum quisquis*] Tenendum est cum regione vel gente victa etiam deos patrios quodam modo vinci; quare qui urbem oppugnabant, ii deos, ne cum his sibi res esset, evocare solebant. De coniunctione hac *Iuno et quisquis* conferas Ovid. Met. I, 262. — *rettulit*] vide Zumpt. §. 22.

V. 29. Horatius quid de suae aetatis calamitatibus iudicaverit, unde originem earum duxerit, multis locis ostendit; ut Carm. I, 35, 33. III, 5, 7. III, 6, 7. 45. III, 24, 25 sqq. cet. Posteri luebant quae impie et iniuste maiores fecerant; atque etiam bellum Iugurthinum semina posuerat belli inter Marium et Sullam gesti. — In insequentibus duabus strophis animadvertit aequabilitatem membrorum; quae sunt quattuor, quorum primum et tertium negantem particulam (*quis non — quod non*), alterum et quartum verba habent negantia (*ignara — caret*). — *Hisperiae*] adiectivum est, non substantivum. Inditum hoc nomen est et *Italiae*, Graecis occidentem versus sitae (Carm. III, 6, 8. IV, 5, 38. I, 28, 26) et *Hispaniae* etiam Italis occidentem versus sitae (Carm. I, 36, 4. IV, 15, 16. II, 17, 20). — *Medi*] Ili significant nihil aliud nisi remotissimam orientis regionem; quare ἀντιθεσιν noli praetermittere inter

Hesperiae sonitum ruinae?

Qui gurgēs aut quae flumina lugubris
Ignara belli? quod mare Dauniae

35 Non decoloravere caedes?

Quae caret ora cruore nostro?

Sed ne relictis, Musa procax, iocis
Ceae retractes munera neniae;

Mecum Dionaeo sub antro

40 Quaere modos levioꝛe plectro.

Carmen II.

Nullus argento color est avaris
Abdito terris, inimice laminae

Medos et Hesperiam. — *Dauniae*] Latinae, *συνηδοχικῶς*. Carm. IV, 6, 27. Similis locus est Carm. III, 6, 34. II, 12, 2.

V. 35. *decoloravere*] Seneca Quaest. Nat. II, 41: „Decoloratur id, cuius color vitatur, non mutatur; coloratur id, cuius alia fit quam fuit facies.“ Ceterum praepositio *de* in comp. saepe intendit notionem, ut in *debauchari* Carm. III, 3, 55; *desaevire* Epist. I, 3, 14; *decertare* Carm. I, 3, 13; *deproeliari* Carm. I, 9, 11; *delitigare* A. P. 94; *denarrare* Sat. II, 3, 315; *deperire* Epist. II, 1, 40; *deproperare* Carm. II, 7, 24; *depugnare* Epist. II, 1, 184. — *iocis*] Sic poetae poemata sua levioris generis saepe vocant, ut rei nomen ad carmen transferatur. — Vehementia doloris cum longius abreptum se sentiat neque suum esse intellexerit tantas calamitates aut describere aut deslere, subito desinit. Musa est procax, quae aliena sibi arrogat; Horatii Musa iocosa est. cf. Carm. III, 3, 69. I, 6, 17. — *neniae*] Cic. de leg. II, 24: „Honoratorum virorum laudes in concione memorentur easque etiam cantu ad tibicinem prosequantur, cui nomen neniae.“ Cf. Carm. II, 20, 21. Deinde neniae appellantur cantus quibus nutrices infantes sopiunt (Epist. I, 1, 62. cf. Carm. III, 28, 16). Omnino sic appellantur carmina lugubria, qualia Simonides Ceo insula oriundus composuit. — *Dionaeo*] Dione, mater Veneris. Hom. II. V, 370. — *antro*] cf. Carm. III, 4, 40. III, 25, 4. II, 19, 1. Poetae Veneris antro ingressi non bella sed amores canunt. — *levioꝛe plectro*] Argumenti levitas ad lyram transfertur et ad plectrum; scilicet in levi re graviter pulsare fides non decet. Contrarium est Carm. IV, 2, 33. cf. Ovid. Met. X, 150. 152. — *modos*] carmina, Weissen. Carm. II, 12, 4. 9, 9. III, 9, 10. 3, 72. IV, 6, 43.

Carmen II.

Cum divitiae ipsae non habeant cur expetantur, is summa laude dignus est qui bonis suis optime utitur neque summum bonum in magnitudine rerum ponendum esse putat. Nam cupiditas animi nullis fini-

Crispe Salusti, nisi temperato
Splendeat usu,

5 Vivet extento Proculeius aevo,
Notus in fratres animi paterni;
Illum aget penna metuente solvi
Fama superstes.



Latus regnes avidum domando

10 Spiritum, quam si Libyam remotis

bus coercetur et is demum verus rex est, is vere dives est qui sibi, non aliis imperat. — Scriptum est carmen ad C. Salustium Crispum, quem C. Salustius, Romanarum rerum scriptor, sororis nepotem in nomen adsciverat. Qui cum adolescentulus magnis divitiis non bene usus esset (Sat. I, 2, 48), virili aetate laudem sapientiae et liberalitatis coniungeret, aptissimus Horatio visus est, cuius nomine eiusmodi carmen orna- ret; cum praesertim metalla aeris in Centronum Alpino tractu haberet. Adhortationis vel vituperationis in carmine nihil inest. Versibus 5 et 17 facile efficitur, ut compositum hoc credamus anno fere 730; Phraa- tes enim restitutus est a. 730, et Proculeii fratres post a. 732, quo anno Fannii Caepionis et Licinii Murenarum coniuratio contra Augustum detecta est (vide infra ad carmen X), commemorare Horatium vix deuit.

V. 1. *color*] Hic est qui allicit hominum animos; in metallis neque argento neque auro color est; ad lucem protractis cum colore et splen- dore pretium accrescit. — *avaris terris*] Metalla non sine magno labore apeririunt; relictur quasi terra, unde *avara* appellatur. cf. Carm. III, 3, 49. — *lamnae*] per syncopen pro *laminarum*; sic Carm. I, 36, 8 *puertiae*; IV, 13, 20 *surpuerat*; Epod. 9, 1 *repositus*; Sat. I, 1, 49 *portarit*; I, 2, 113 *soldo*; I, 9, 7 *noris*; I, 3, 53 *caldus*. cf. Carm. II, 16, 2. Epist. I, 9, 6. 15, 36. Laminam autem cum contemptu dixit et opposuit argento facto. — *nisi*] Hypothetica haec enuntiatio coniungenda cum vocativo: *qui es inimicus, nisi*. Simillimi loci Carm. II, 3, 4sq. Sat. I, 2, 74. — *splendeat*] Coniunctivus modus Salu- stii, non unius Horatii hanc esse sententiam prodit. — *Proculeius*] C. Proculeius Varro Murena, eques Romanus, frater Terentiae Maecenatis, rarissimae pietatis erga fratres fuit, adeo ut bona sua cum illis, qui bello civili omnia amisissent, aequis partibus divideret. — *animi pa- terni*] In genitivo ad graecam orationem posito, ne latine dicenti lan- guida aliqua opus esset praepositione, causa inest. Sic Carm. IV, 13, 21. — *extento aevo*] Aevum saepe apud Horatium id est temporis spatium quod mortalibus datum est ad vivendum. Sic Carm. II, 9, 13. III, 11, 5. Epist. I, 20, 26. *Aevum extendere* est vitae annos augere, ut si quis vivat extento aevo, is etiam post mortem vivat.

V. 7. *metuente solvi*] Quanto sic nervosius dixit quam si voluisset *metuente ne solvatur*! Exempla vide haec: Carm. I, 8, 8. III, 11, 10. III, 24, 56. IV, 5, 20. Sat. I, 4, 23. Epist. I, 5, 2. I, 16, 60. I, 19, 27. II, 1, 114. — *domando spiritum*] Gerundium ideo non muta- vit in passivam formam gerundivi, ne activa vis verbi gravissima fran- gatur. cf. Carm. I, 2, 29. Poetae quo clarius rem describebant, exemplis solent uti; atque id ita quoque fit, ut cum alteram partem sententiae simplicem omnique ornatu carentem posuerint, alteri exempla substitu- ant; quod hic factum vides et Carm. II, 10, 5 sqq. Praeterea autem

Gadibus iungas et uterque Poenus
Serviat uni.

Crescit indulgens sibi dirus hydrops
Nec sitim pellit, nisi causa morbi
15 Fugerit venis et aquosus albo
Corpore languor.

Redditum Cyri solio Phraaten
Dissidens plebi numero beatorum
Eximit virtus populumque falsis
20 Dedocet uti

Vocibus, regnum et diadema tutum
Deferens uni propriamque laurum,
Quisquis ingentes oculo irretorto
Spectat acervos.

animadvertas velim amplificationem; si *Lib. remot. Gad. iungas et uterque Poen. serv. uni*; eadem res ex diversis partibus collustrata animum magis movet. In quo loco *et part. consecutivam* quam dicimus facultatem nacta est; quare prosa oratio sic: „si Libyam remotis Gadibus iungas, *ita ut* et Karthaginienses et Hispanienses Poeni tibi uni serviant.“ Karthago ditissima olim urbs fuit propter mercaturam, Africa ipsa feracissima frugum, deinde Hispania metallorum opibus celebrata; coniunctae avidissimi hominis animum explere poterant.

V. 13. „Cupiditas enim in dies crescit neque nunquam restinguitur, et, quod est turpissimum, quo ducit, id ne bonum quidem est vere.“ Sic cohaerent quae sequuntur. — *indulgens*] indulgendo; qui participii usus apud Gracos frequentissimus. De imagine lege hunc Ovidii locum *Fast. I, 215 sq.*: „Sic quibus intumuit suffusa venter ab unda, Quo plus sunt potae, plus sitiuntur aquae.“ cf. *Epist. II, 2, 147.* — *venis*] de intima parte cuiusque rei. *Cic. Catil. I, 13, 31.* — *albo corpore*] adiectivum *ποληπτικῶς* positum; quo in genere iterum inest magnum peccatarum brevitatis studium. — *Phraaten*] Phraates IV a Parthis expulsus a. u. 724 Scytharum ope in regnum restitutus est. Vide *Carm. I, 26, 4 sq.* — *dissidens plebi*] Verba pugnandi, certandi, similia cur a poetis saepe cum dativo coniungantur (*Carm. II, 6, 15. Sat. I, 2, 73. Ovid. Met. I, 19*), intelligitur ex iis quae supra scripta sunt ad v. 6. cf. ad *Carm. I, 3, 13.* — *vocibus*] quibus populus Phraaten et similes beatos praedicat. cf. *Sat. I, 1, 65.* — *propriam*] perpetuam. *Sat. II, 6, 5. Epist. I, 17, 5. II, 2, 172.* — *laurum*] quoniam etiam de cupiditatibus triumphatur. — *irretorto*] Sapiens adeo contemnit divitias; maximas etiam placido animo praeterire et ita potest videre, ut ne oculum quidem reorqueat. cf. *Cic. Cat. II, 1, 2.* — *acervos*] auri. *Sat. I, 1, 44.*

Carmen III.

Aequam memento rebus in arduis
 Servare mentem, non secus in bonis
 Ab insolenti temperatam
 Laetitia, moriture Delli,
 5 Seu moestus omni tempore vixeris,
 Seu te in remoto gramine per dies
 Festos reclinatum bearis
 Interiore nota Falerni.

Carmen III.

Cic. de off. I, 26 sic scripsit: „In rebus prosperis et ad voluntatem nostram fluentibus superbiam, fastidium arrogantiamque magno opere fugiamus; nam ut adversas res sic secundas immoderate ferre levitatis est: praeclaraque est aequabilitas in omni vita et idem semper vultus eademque frons, ut de Socrate, item de C. Laelio accepimus.“ Hanc doctrinam poetica ratione Horatius illustrat; non cedendum esse fortunae, qua incerta homines modo tollantur, modo deprimantur. Humano generi nihil certius esse morte; quare qui vita sapientissime fruatur eum saluti suae optime consulere; vitae autem sapientem usum nasci ex animi tranquillitate. Similes sunt loci I, 7, 17. II, 10, 21 sqq. II, 16, 25 sqq. Dividitur hoc carmen in duas partes; superior (v. 1–16) quid sit faciendum suadet, inferior (17–28) cur ita faciendum docet. Caput autem cernitur in scena quam exhibet media carminis strophæ. Delli, cuius nomen v. 4 legimus, is videtur fuisse, qui cum a Dolabella ad Cassium, a Cassio ad Antonium, ab Antonio transiret ad Caesarem (Vell. Pat. II, 84) a Messalla Corvino *desultor bellorum civilium* vocatus est. Is fortasse cum Horatio in Macedonia militavit, deinde in omnibus castris fortunæ favorem quaesivit. Videntur viri docti iure suspicari, hoc carmen ante a. 723, quo Delli ad Octavianum transiret, non potuisse scribi; porro veri simile est post a. 725 finitis civilibus bellis demum esse compositum, cum Delli quam quaesivisset fortunam nondum assecutus intemperantiam animi etiam aleret.

V. 1. *arduis*] periculosis. Carm. I, 3, 37. — *aequam*] Aequus est locus, in quo neque exstat quidquam neque recedit; sic animus aequus nunquam turbatus, semper idem, ad omnia paratus non committit, ut aliquando dicendum sit: non putaram (Cic. de off. I, 23). Hor. Carm. III, 29, 32. Epist. I, 17, 24. Cic. Rosc. Am. 50. — *non secus*] itidem. Carm. III, 25, 8. — *insolenti laetitia*] *πρὸς ἡδονῇ*. Carm. I, 16, 21. II, 4, 2. — *moriture*] cui moriendum est (I, 28, 6), sive moestam sive hilarem vitam egeris. Vide ad II, 2, 2 sq. cf. Ovid. Trist. V, 5, 61: „Caesar dis accessure, sed olim Aequarint Pylios cum tua fata dies.“ — *Gramine*] Describitur convivium rusticum in remoto prato habitum; in quo pingendo eo diutius poeta commoratur, quo fortius ad hilaritatem vitae homines evocet. Ad totum locum cf. Epod. 2, 23 sqq. — *interiore nota Falerni*] Deteriora vina quae aetatem non ferebant, de cupa vel dolio potabantur; meliora in amphoras et lagenas diffundebantur; amphorae vitreae vel luteae cortice et pice claudebantur vel gypsabantur; inscribebantur nomina consulum, ut quibus annis vina nata essent posset

- Quo pinus ingens albaque populus
 10 Umbram hospitem consociare amant
 Ramis? Quid obliquo laborat
 Lympha fugax trepidare rivo?
 Huc vina et unguenta et nimium breves
 Flores amoenae ferre iube rosae,
 15 Dum res et aetas et sororum
 Fila trium patiuntur atra.
 Cedet coemptis saltibus et domo
 Villaque, flavus quam Tiberis lavit,
 Cedet, et exstructis in altum
 20 Divitiis potietur heres.

videri; vitreis tesserae nominibus inscriptae addebantur. Tum amphorae in apotheca in summa parte aedium sita, ubi sumus colligebatur, collocari solebant, quo celerius vina mitescerent. Cellae autem vinariae in terram depressae erant et frigoris causa, si fieri potuit, septentriones spectabant. Unde quae nota sit intelligitur; *interior* adi. ab amphora ad notam translatus significat vetustius vinum, quod ab ostio magis erat remotum. *Falernum* autem vinum generosissimum praeter Caecubum, Massicum, Setinum. cf. Carm. III, 8, 9 sqq. III, 21, 7. Tibull. II, 1, 27: „Nunc mihi *fumosos veteris* proferte *Falernos Consulis*.“ — *bearis*] beatum feceris; Carm. IV, 8, 29. Epist. I, 18, 75. II, 2, 121.

V. 10. *amant*] Sic Graeci quoque φιλοῦσι, pro vulgato *solent*. Carm. III, 16, 10. Sat. I, 4, 87. I, 10, 60. II, 3, 20. — *Ramis? quid*] Sic in antiquissimis codd., et recte quidem. Quo part. praecedens accipienda ut Epist. I, 5, 12, et bene Porphyrio ad v. 11: „subaudiendum: si ea (lympha) non utimur.“ — *trepidare*] significat celerem aliquem motum, cuius non in terrore solum sed in aliis quibuscunque rebus inesse potest causa. Carm. II, 4, 23. IV, 11, 11. Epist. I, 10, 21. — *vina et unguenta*] In convivii Romani coronis ornati erant et unguentis pretiosissimis uncti. Carm. II, 11, 13 sqq. III, 14, 17. — *Flores*] „Bei den Griechen wurden mannigfaltige Blumen zu Kränzen gewunden. Anders war es bei den Römern, welche ausser dem Grün der Blätter, namentlich vom Epheu, der Myrte, dem apium nur wenige Gartenblumen und hauptsächlich Veilchen und Rosen zu Kränzen gebrauchten.“ Becker Gallus T. II, p. 214. Luxuria autem eo processit, ut nardinis etiam foliis uterentur. — *res*] vitae condicio, qua otio frui conceditur. — *aetas*] iuventus; nam morosa senectus haec spernit. Carm. I, 9, 17. — *Soror. fila*] Parcarum; quarum quae fuerit potestas, ex his vide locis: Carm. II, 6, 9, 16, 39, 17, 16. C. S. 25. Epod. 13, 15.

V. 17. Incipit altera pars carminis, cuius iterum sunt tres partes: „relinquendae sunt divitiae studiose conquistae (17—20); amittenda nobilitas, qua superbire solent (21—24); nam mors omnibus communis omnes pares reddit (25—28). Quod inde efficitur praeceptum, id facile intelligitur. cf. Carm. II, 16, 21. Epist. II, 2, 177. — *flavus Tiberis*] vide ad I, 2, 13. Villa ad aquam sita maiorem habet amoenitatem. — *lavit*] Hac forma *lavere* in lyricis ubique utitur Horatius: Carm. III, 12, 2, 4, 61. IV, 6, 26. III, 12, 7. Epod. 16, 28. — *heres*] Carm.

Divesne prisco natus ab Inacho,
 Nil interest, an pauper et infima
 De gente sub divo moreris,
 Victima nil miserantis Orci.

25 Omnes eodem cogimur, omnium
 Versatur urna serius ocius
 Sors exitura et nos in aeternum —
 Exsilium impositura cumbae.

Carmen IV.

Ne sit ancillae tibi amor pudori,
 Xanthia Phoeu! Prius insolentem
 Serva Briseis niveo colore
 Movit Achillem;

5 Movit Aiace Telamone natum
 Forma captivae dominum Tecmessae;
 Arsit Atrides medio in triumpho
 Virgine rapta,

II, 14, 25. IV, 7, 19. Sat. II, 3, 145—151. Epist. II, 2, 190 sq. — *moreris*] Nam „commemorandi natura deversorium nobis, non habitandi locum dedit.“ Cic. de senect. 23. cf Ovid. Met. X, 32. — *urna*] Omnium hominum sortes in urnam coniectae ab Necessitate versantur; cuius exsilit sors, ei moriendum est. Carm. III, 1, 16. — *exsilium*] quoniam in terram, humani generis patriam, non conceditur reditus. — *cumbae*] Charontis.

Carmen IV.

Festive irridet Horatius amicum, quem graeco nomine Xanthiae Phocensis tegit, de amore ancillae. Festivitas ubique conspicua; grandia exempla Achillis, Aiace, Agamemnonis, regium quod fingitur genus, maligne laudata fides, integritas, lucri contemptio in hoc genere certe rarissima quid poeta voluerit aperte produunt. Scilicet una vera est pulchritudo, in extrema stropha laudata. Carmen scriptum est a. u. 729; id quod intelligitur ex v. 23 sq.

Xanthia Phoeu] Vide Vit. Hor. p. 15 sq. — *prius*] iam ante te; tu primus non es. — *Briseis*] Hom. II. II, 690. IX, 342. — *Tecmessa*] Teuthrantis, Phrygii regis, filia, ab Aiace capta. Soph. Ai. 210 *παῖδα Φρυγίου Τελεύταντος* eam vocat. — *arsit*] vide ad Carm. IV, 9, 13. — *virgine rapta*] Cassandra. Hom. Od. XI, 420. — *Thessalo victore*]

Barbarae postquam cecidere turmae
 10 Thessalo victore et adeptus Hector
 Tradidit fessis leviora tolli
 Pergama Graiis.

Nescias an te generum beati
 Phyllidis flavae decorent parentes :
 15 Regium certe genus et penates
 Moeret iniquos.

Crede non illam tibi de scelesta
 Plebe dilectam, neque sic fidelem,
 Sic lucro aversam potuisse nasci
 20 Matre pudenda.

Brachia et vultum teretesque suras
 Integer laudo; fuge suspicari,
 Cuius octavum trepidavit aetas
 Claudere lustrum.

non solus Achilles aut Neoptolemus; sed Thessali pro cunctis Graecis, quia sine Thessalorum Achillis, Neoptolemi, Myrmidonum ope Troia non potuit capi. — *Hector*] Hom. Il. XXII, 507. XXIV, 243. — V. 11. Duplex est antithesis *fessis leviora* et *Pergama Graiis* — *Graiis*] de Graecis antiquis, praecipue heroica aetate, ut Epod. 10, 12. Ovid. Met. XIII, 281. 241. Corn. Nep. Annib. 3; inde hoc nomine saepissime usus est Virgilius in Aeneide. Deinde *Graii* appellantur magis poetico nomine, cum antiqua eorum virtus, nobilitas, poesis praedicantur, ut Carm. II, 16, 38. IV, 8, 4. Epist. II, 1, 19. A. P. 323. In lyricis carminibus alterum nomen *Graeci* non videtur inveniri, nisi ubi suae aetatis Graeculos sine verecundia nominare Horatius voluit, ut Carm. I, 20, 2. III, 24, 57, in quo loco vituperationis aliquid inest, quae ab *Graiorum* nomine longissime recedit. — *nescias an*] fortasse. vid. Zumpt. §. 354. — *Phyllidis flavae*] Et nomen ipsum et *ἐπιθρον* iuventutem mulierculae indicant; flava est ut folia arborum recentia; sic Chloe flava est Carm. III, 9, 19, Ganymedes IV, 4, 4. Phyllis autem (*φύλλον*) idem significat quod Chloe (*χλόη*): prima ex cortice excrescentia folia. — *moeret regium genus*] quod sua servitute contaminatum sentit, non quod amisit. Nam genus amittere quis potest? — *integer*] amore non captus, cuius iudicium non est amore corruptum. cf. Carm. III, 7, 22. — *fuge suspicari*] vide ad Carm. I, 1, 8.

Carmen V.

Nondum subacta ferre iugum valet

Cervice, nondum munia comparis

Aequare nec tauri ruentis

In venerem tolerare pondus.

5 Circa virentes est animus tuae

Campos iuvencae nunc fluviis gravem

Solantis aestum, nunc in udo

Ludere cum vitulis salicto

Praekestientis. Tolle cupidinem

10 Immitis uvae: iam tibi lividos

Distinguet Auctumnus racemos

Purpureo variis colore.

Iam te sequetur: currit enim ferox

Aetas et illi quos tibi dempserit

15 Apponet annos: iam proterva

Fronte petet Lalage maritum,

Dilecta, quantum non Pholoë fugax,

Non Chloris albo sic humero nitens,

Ut pura nocturno renidet

20 Luna mari Cnidiusve Gyges,

Carmen V.

Se ipsum consolatur de dura arrogantia puellae ardenter amatae sed fugientis; atque eo utitur consolationis genere quo vulpes in fabula. Quae cum altius pendentem uvam saliendo deripere non potuisset, tandem sibi ipsa persuasit immaturam eam esse necdum ad edendum satis mitem; dum maturescat, alias esse petendas.

V. 1—9. Metaphora sumpta a vacca nondum adulta, eaque in antiquitate usitata, a nostris moribus aliena. cf. Carm. III, 11, 9 sq. — *comparis*] ad idem iugum victi, iugalis. cf. Carm. I, 33, 11. — *solantis*] levantis, exstinguentis. — V. 11. *Auctumnus*] hic personae formam induit, ut Epod. 2, 18; ineunte auctumno uvae, olim virides, variant, sensim transeunt in purpureum colorem, qui est maturitatis primum indicium. Cum uvis et fructibus etiam Auctumnus colorem quasi mutat, quare et ipse *purpureo colore* dicitur h. e. qui varius est transeundo a viridi colore in purpureum. cf. Ovid. Met. III, 482 sqq. — *lividos*] subnigros. — *ferox aetas*] tempus indomitum, quod tardari nequit. — *Pholoë*] idem nomen Carm. I, 33, 7. III, 15, 7; *fugax* eadem quae I, 33, 6 *aspera*. — *Cnidiusve*] *Ve* particula Gyges quoque cum Lalage comparatur; nam sic inter se respondent: *quantum non* — *non*

Quem si puellarum insereres choro,
Mire sagaces falleret hospites
Discrimen obscurum solutis
Crinibus ambiguoque vultu.

Carmen VI.

Septimi, Gades aditure mecum et
Cantabrum indoctum iuga ferre nostra et
Barbaras Syrtes, ubi Maura semper
Aestuat unda:

5 Tibur Argeo positum colono
Sit meae sedes utinam senectae,
Sit modus lasso maris et viarum
Militiaeque!

— *re.* — *mire*] Adverbium coniunge cum *falleret*. — *solutis crinibus*] Alebant capillum pueri ingenui, maxime delicati. cf. Epod. 11, 28. — *ambiguo vultu*] cuius vultu non intelligitur, sitne puer an puella. Ovid. Met. IX, 711 sqq.

Carmen VI.

Septimii nomen, quod in hoc carmine legitur, est etiam in epist. I, 9 et in fragmento epistolae Augusti ad Horatium datae. Vide Vit. Hor. p. 12. Viris doctis admodum probabile visum est tribus locis eundem hominem indicari. Quod cum libenter concedatur de Septimio Horatiano, dubitatio tamen restat de tertio illo in epistola Augusti; nisi forte credas Augusti epistolam din post Horatii nonam scriptam esse. Sed admodum lubrica res est, nisi quod ex fine carminis recte tibi videris concludere Septimium hunc Horatio multo fuisse iuniorem. De hoc carmine recte observatum est, secundo versu id spatium significari, quod est inter a. 728 et a. 734. Nam cum a. 725 Romani primum Cantabros vicissent, hi a. 728 iugum excutere studuissent et anno denum 734 devincerentur, Horatius certe *Cantabros indoctos iuga ferre Romana* ante a. 728 quo primum rebellarunt non potuit appellare. Compositum igitur videtur a. 729 v. 730; nam noli credere Horatium Sabinam villam nondum accepisse, id quod aliis placuit. Tiburis et Tarenti desiderium etiam exprimitur, cum iam dudum Sabinam accepisset. Carm. III, 4, 21 sqq. Epist. I, 7, 44.

V. 1. *aditure*] qui adire paratus es, qui mecum si opus sit, libenti animo adens. Tribus exemplis utitur poeta; Gadibus, qui extremus est Europae locus; Cantabro, quae natio est ferocissima (Carm. II, 11, 1. III, 8, 22. IV, 14, 41. Epist. I, 12, 26); Syrtibus propter tempestates et scopulos maxime periculosos (Carm. I, 22, 5. Epod. 9, 31). — *Maura unda*] vide ad Carm. I, 1, 28. — *Argeo*] graeca adiectivi forma, in lyricis saepius obvia; sic *Lesbos* Carm. I, 1, 34, *Daedalus* II, 20, 13. Ceterum vide ad Carm. I, 7, 13. I, 18, 2. Virg. Aen. VII, 670 sqq. — *senectae*] Tertius casus est, non secundus. — *maris*]

Unde si Parcae prohibent iniquae,
 10 Dulce pellitis ovibus Galaesi
 Flumen et regnata petam Laconi
 Rura Phalanto.

Ille terrarum mihi praeter omnes
 Angulus ridet, ubi non Hymetto
 15 Mella decedunt viridique certat
 Baca Venafro;

Ver ubi longum tepidasque praebet
 Iuppiter brumas, et amicus Aulon
 Fertili Baccho minimum Falernis
 20 Invidet uvis.

Ille te mecum locus et beatæ
 Postulant arces; ibi tu calentem

Tres genitivi *maris, tiarum, militiae* a nomine *lasso* non magis pendent quam ab altero *modus*. cf. Epist. I, 11, 6. *Militia* autem mare et vias complectitur, quippe duplex est militia, maritima et terrestris. Sic Carm. I, 1, 23 *castra et tubae sonitus bellaque*; ut a partibus ad totam rem ascendatur. — *Parcae iniquae*] vide ad Carm. II, 3, 15.

V. 10. *pellitis ovibus*] Oves Tarentinae, quarum alba lana erat pretiosissima, pellibus tegebantur, ne lana aut macularetur aut rubis spinisve discerneretur. — *regnata Laconi*] Ne a neutrorum quidem verborum formis passivis abstinere poetae. cf. Carm. III, 29, 27. *Phalantus* autem dux fuit Partheniarum. — *ridet*] placet. Eadem metaphora *γέλων* Graeci quoque in rebus utuntur quasi vitam habentibus et faciem. Sic *renidere* II, 5, 19. II, 18, 2. Propter metrum *Artius* scribendum putavit *ridens* sc. est. — *Hymetto*] Ex more antiquo pro *melli Hymettio*. Solent enim veteres cum hominum vel rerum facultates virtutesve inter se componunt, alterius facultatem componere cum altero ipso homine vel re. Sic Cic. de orat. II, 1, 4: „nostrorum hominum prudentiam Graecis anteferre.“ Hor. Carm. I, 1, 23. III, 6, 46. Hom. II XVII, 51; et infra *certat baca Venafro*. — *decedunt*] Decedit is, qui primo loco quem adhuc obtinuit ab altero praestantiori victus cedit. cf. Epist. II, 2, 213. — *Venafrum*] Minturnis et Fregellis et Liri fluvio vicinum; *viride* est totum Venafrum propter frequentia ibi oliveta. Venafraunum oleum optimum erat. Plin. II. N. XV, 2. — *Iuppiter*] Carm. I, 12, 15.

V. 17. *amicus Aulon*] Aulon ex testimoniis Acronis scholiastae, commentarius Cruq. et Servii ad Virg. Aen. III, 553 *mons* fuit Calabriae. — *Fertili Baccho*] Sic melius quam *fertilis Baccho*, quod pedestrem orationem sapit. Est autem dativus, non ablativus. cf. III. 16, 34. — *invidet*] Regio vita animique affectionibus carens poetice vitam quasi accipit et cum vita studium et voluntatem. Sic Stat. Silv. II, 2, 5: „Preliis non invidet uva Falernis“; quem locum etiam propter *αιρότητα* compares. — *beatæ arces*] Adi. *beatæ* non ad arces solum sed *ad vitam* quoque referendum. Vide ad Carm. I, 2, 1. *Locus* autem best

Debita sparges lacrima favillam
Vatis amici.

Carmen VII.

O saepe mecum tempus in ultimum
Deducte Bruto militiae duce,
Quis te redonavit Quiritem
Dis patriis Italoque coelo,
s Pompei meorum prime sodalium?
Cum quo morantem saepe diem mero

ager Tarentinus; *arces* Aulonem montem significant. Sic *arx* vel *arces* de monte C. S. 65. Virg. Georg. II, 535. Ovid. Met. I, 467. — *vatis amici*] Tacit. dial. 9: „Quis Saleium nostrum, *egregium poetam* vel si hoc honorificentius est praeclarissimum *vatem*, deducit aut salutatur?“ Poeta artifex; est, vates sacer et Musis amicus. cf. Carm. IV, 6, 44.

Carmen VII.

Pompeius Varus, olim Horatii commilito, quocum coniunctus et mala et bona communia habuerat, post cladem Philippensem aliam atque eam quam Horatius iniverat viam ingressus cum Sexto Pompeio, ut veri simile est, bellum continuaverat. Hoc mortuo (a. 719) Antonium potius quam Octavianum secutus iterum adversam belli fortunam expertus esse videtur. Tum demum nescimus quo intercedente Romam reversus dulcissimum amicum Horatium recuperavit. Hic felici rei exitu laetatus amicitiae tenerrimos sensus hoc carmine prodit. Habet carmen septem strophas, ex quibus tres primae amicorum in castris et bello coniunctam vitam et fortunam, media quarta post cladem seiunctionem et diversa itinera, reliquae tres post seiunctionem alteram coniunctionem eiusque laticitiam mira arte et dulcedine describunt. Scriptum autem est non ante a. 724, quoniam et Pompeius *longa* militia fessus dicitur et Horatium Sabinam villam (v. 19) aperte ostenditur iam habuisse.

V. 1 sqq. *tempus in ultimum*] in extremum periculum. Temporis nomen non dierum solum et annorum seriem, sed quaecumque diebus et annis aut agenda sunt hominibus aut patienda comprehendit. cf. IV, 9, 36. Epist. II, 2, 46. Verbis quodam modo ludere videtur Horatius deducte — duce; deinde consulto dictum *in ultimum tempus*. Duxerat eos Brutus in condiciones remotas a patria et civitate; inde: quis te redonavit Quiritem? quae verba mirantis sunt de insperato amici reditu. — Quiritem] capite non iam deminutum; fuit autem triplex capitis deminutio. Singularis numerus nominis Quiritium non legitur nisi apud poetas. Apud Horatium vide Epist. I, 6, 7. — Pompei] duas tantum efficit syllabas per synaloephen. Sic Carm. I, 35, 17, 37, 5. Deinde vix est quod moneam *primum* sodalium cum esse quem maxime amaverit, non quocum a prima pueritia vixerit coniunctus. *Sodales* intelligendi ii sunt, quibuscum olim militavit. Inter hos carissimus erat Pompeius. — Saepe] Per itinera et praesidia haud raro militantibus accedere potuit, ut quid facerent nescientes quavis arte diem conficere

Fregi coronatus nitentes

Malobathro Syrio capillos.

Tecum Philippos et celerem fugam

10 Sensi relictæ non bene parmula ,

Cum fracta virtus et minaces

Turpe solum tetigere mento.

Sed me per hostes Mercurius celer

Denso paventem sustulit aëre ;

15 Te rursus in bellum resorbens

Unda fretis tulit aestuosus.

Ergo obligatam redde Iovi dapem ,

Longaque fessum militia latus

quaerere. Ad vv. 7. 8 conferas Carm. II, 3, 13 et quæ ad eum locum notata sunt. Nam Malobathrum Syrium i. e. Indicum (Carm. II, 11, 16. I, 31, 12) unguentum est ex cognomine frutice expressum.

V. 9. Siquidem conviviorum grata est memoria, non ingrata tamen est simul perpressorum malorum; quas contrarias res vide ut poeta diversis strophis distraxerit. Sed pervenimus ad locum, in quo interpretando viri docti in alia omnia discesserunt. Pessima est eorum sententia, qui timiditatis et ignaviae turpem quandam confessionem in hoc loco odorati sunt. Quid enim? Si ea vera esset sententia, quomodo tandem idem Horatius Epist. I, 20, 23 eo progredi potuisset iactantiae et arrogantiae, ut primis se olim placuisse belli ducibus palam gloria-retur? Quapropter hoc dicit: „tu mihi comes eras apud Philippos, ibi tu mecum sensisti cladem et fugam“, quam Brutum ipsum antequam mortem sibi daret amicis secum aufugientibus vehementer suasisse sci-mus. Sed in hoc quoque loco festivitas quaedam bene notanda est, per totum carmen mire dispersa. — *Turpe solum tetigere mento* Cum virtute iam nihil efficeretur et magna pars fortissimorum commilitonum in iisque Brutus interfecti essent in humumque prostrati minas et iram etiam vultu ostenderent. Nam qui *minaces* ideo illos appellatos dicunt, quod nimis certi fuissent victoriae, ii ludibrium Horatio addunt ab animo eius alienissimum. *Turpe* autem solum poetice dicitur, quoniam in eo macula cladis et turpitudinis concepta est.

V. 13. *Mercurius* Se per hostes a Mercurio sublatum ait i. e. se abiecta spe et deficiente animo (*paventem*) arma posuisse et ad poesin confugisse, amicum in bellum esse retractum. Carm. III, 4, 26 salutem se Musarum tutelae debere dicit; Mercurius autem non minus custos poetarum, Mercurialium virorum (Carm. II, 17, 29). Praeterea notandum est fictionem hanc esse Homericam. II III, 380. V, 23. 344. XX, 325. In sequentibus duobus versibus imago est a naufragio petita, ita tamen, ut tacite significetur Pompeium prope invitum ad continuandum bellum tractum fuisse. — *Ergo* Sententia sic cohaeret: Ex quibus fluctibus cum tu quoque nunc ereptus sis, primum diis gratias redde debitas, deinde necum vitae et amicitiae fructu gaudiis. *Ergo* particula subito quodam et lyrico motu ad initium carminis quasi reducit amici animum. — *obligatam* Qui ex magnis periculis decorum beneficio eripitur, is pro-

Depone sub lauru mea nec

20 Parce cadis tibi destinatis,

Oblivioso levia Massico

Ciboria exple, funde capacibus

Unguenta de conchis. Quis udo

Deproperare apio coronas

25 Curatve myrto? Quem Venus arbitrum

Dicet bibendi? Non ego sanius

Bacchabor Edonis: recepto

Dulce mihi furere est amico.

pter id ipsum, si quidem est grato animo, voti quasi reus est. cf. Carm. II, 8, 5. — *lauru*] Altera ablativi forma *lauro* apud Horatium est Carm. III, 30, 16. Vide Zumptii gr. §. 97. Ne hoc quidem sine *εἰσφορῆς*; uterque in bello laurum i. e. gloriam sibi parare studuerat sed frustra. Horatius quidem aliam in pace et otio litterarum studiis invenerat. — *nec parce*] vide ad Carm. I, 11, 2.

V. 21. *Oblivioso Massico*] Massicum vinum dicitur obliviosum, quod aegritudinum curarum malorum oblivionem affert et demissum animum erigit. — *levia*] non „in tuum honorem detera ac polita“, sed decet semper ciboria esse levia. — *Ciboria*] Poculi genus lato ore superius, inferius angusto in modum fabae Aegyptiae, quae colocasia s. cyamus vocata. Fuit autem hoc genus capacius; nam in tali convivio laetitia vernerit in abundantia quoque et vinorum et unguentorum; inde *conchae* quoque grandiores. Asyndeton *exple, funde* ad animum festinantis neque moram patientis accommodatum; huic rei congruum est subsequens verbum *deproperare*. Simplex verbum eadem significatione Carm. III, 24, 61. Epod. 12, 22. Epist. I, 3, 28, quod cum sua natura accusativum obiecti non patitur, tamen ad exemplum graeci verbi *σπένδεις* ad festinandi notionem alteram agendi adsciscit. Festinationis vero notio addita particula *de* etiam augetur. — *curatve*] Particulae *que, re, ne* saepe non ei vocabulo adhaerere videntur quod superioribus addendum est. Verum ne casu vel metri ratione factum credas, sic tibi persuade, poetas transposita particula et maiorem vim vel pondus aliquod addidisse ei vocabulo cui illa adhaeret, et speciem aliquam effecisse constructionis *ἀπὸ χοιροῦ*, nimirum ut unum vocabulum utrumque trahatur. Exempla sunt: Carm. I, 30, 6. II, 17, 16. II, 19, 32. Sat. I, 4, 115. II, 1, 68. I, 6, 43. 44. II, 3, 182. Sat. I, 8, 2. I, 2, 63. Carm. II, 7, 25. Epod. 2, 50. Sat. II, 3, 139. 180.

Venus] iactus Venereus. Solebant veteres in lautis conviviis magistros s. reges bibendi creare talorum sorte. Talorum autem quattuor latera longiora punctis notata erant, ita ut unum latus unum haberet punctum, alterum huic oppositum sex puncta ostenderet, in duobus reliquis tria essent et quattuor puncta. Ludebatur talis quattuor; Venus erat iactus, cum quattuor tali iacti quattuor diversos numeros, canis i. e. pessimus iactus, cum omnes unum punctum ostenderent. In reliquis iactibus valebat punctorum numerus. A talis differabant tesserne, quae sex numeros in sex lateribus habebant longitudine paribus. — *Edonis*] Thraciae populo; quorum exemplo utitur, quoniam Thraeces Bacchi sacris et orgiis dediti erant. Ad quam rem verbum *bacchari* accommodatum est.

Carmen VIII.

Ulla si iuris tibi peierati
 Poena, Barine, nocuisset unquam,
 Dente si nigro fieres vel uno
 Turpior ungui,

5 Crederem. Sed tu simul obligasti
 Perfidum votis caput, entescis
 Pulchrior multo iuvenumque prodis
 Publica cura.

Expediit matris cineres opertos
 10 Fallere et toto taciturna noctis
 Signa cum coelo gelidaque divos
 Morte carentes.

Ridet hoc, inquam, Venus ipsa, rident
 Simples Nymphae ferus et Cupido

Carmen VIII.

Festiva expostulatio cum Barine pulcherrima quidem sed nimis perfida puella.

V. 1. In prima stropha vide quam artificiose verba collocata sint ad ostendendam impunitatem peierantis sed pulchrae puellae, quae ne minima quidem poena periurii a diis in alios homines severis afficiatur. Nam non temere haec vocabula *ulla, unquam, dente, uno, ungui* in versuum terminis disposita sunt; atque consilium poetae conspicuum est in verbo *crederem* in fronte strophae posito et omnem apodosin efficiente. — *iuris peierati*] Audacius a poeta dictum pro *periurii*. — *uno turpior ungui*] *Uno* referendum etiam ad *dente*. Vide ad Carm. I, 2, 1. Intellegenda scabritia unguum, cuius medicamenta multa apud Plinium in Hist. Nat. reperiuntur. In qua re tenendum hand parvam curam puellas in conservandis dentibus et unguibus posuisse; unde haec praecepta Ovidius A. A. III, 276: „Exiguo signet gestu quodcumque loquetur, Cui digiti pingues et scaber unguis erunt“; et v. 279: „Si niger aut ingens aut non erit ordine natus *Dens* tibi, ridendo maxima damna feres“. — *obligasti*] vide ad Carm. II, 7, 17. Sententia haec est: Tantum abest, ut perfidiae et periurii poenam luas, ut quo saepius peieraveris eo pulchrior evadas omniumque iuvenum animi non abalienentur sed invictis illecebris trahantur. Quare tibi non nocet peierasse, sed prodest fallere fidem cum iureiurando per mortuam matrem, per sidera nocturna, per ipsos deos, qui tantum abest ut tibi irascantur ut rideant de tuis periuriis. — Per suorum mortuorum cineres iurare hand insolitum apud antiquos fuit; Cicer. pro Quinctio 31: „obsecravit per fratris sui mortui cinerem.“ Tibull. II, 6, 29: „per immatura tuae precor ossa sororis“; nocturnum coelum et sidera ab amatoribus in testimonium vocabantur. — *gelidaque divos morte carentes*] θεοὺς ἀθανάτους, quorum potestate improbos aliquando castigari certissimum est.

Nymphae] in comitatu Veneris. cf. Carm. I, 30, 6. *Nymphae* ideo

15 Semper ardentes acuens sagittas
Cote cruenta.

Adde quod pubes tibi crescit omnis,
Servitus crescit nova, nec priores
Impiae tectum dominae relinquunt

20 Saepe minati.

Te suis matres metuunt iuencis,
Te senes parci miseraeque nuper
Virgines nuptae, tua ne retardet
Aura maritos.

Carmen IX.

Non semper imbres nubibus hispidos
Manant in agros aut mare Caspium

simplices appellatae videntur, quod cum sua natura ab omni fraude alienae sint, in hac re sibi parum constantes dominae crudelem naturam induunt.

V. 17. Sed non diis solis perfidia tua placet, sed etiam hominibus; quare turba amantium in dies tibi augetur. vv. 17—20 omnis amantium turba in duas partes dividitur, in eos quidem qui nondum quam sis perfida sunt experti et in eos qui quamquam illud sunt experti tamen non abstinere. — *servitus*] est quasi appositio v. *pubes*. — *iuencis*] Inest in hoc verbo imago nobis inusitata, antiquis poetis ad rerum naturam propius accedentibus usitatissima. Inde etiam *aura*. Virg. Georg. III, 250. vide ad Carm. II, 5, 1. — *senes parci*] Scilicet hi timebant ne filii nepotesve tibi dediti rem perdant. — *virgines*] Hoc et *puellarum* nomine eae quoque nominantur qui viro iam nupserunt. — *miserae*] *προλητικῶς* positum adiectivum.

Carmen IX.

C. Valgius Rufus inter viros ea aetate ingenio doctrinaque eminentes non minima laude floruit (Horat. Sat. I. 10, 82. Tibull. IV, 1, 180: „Valgius, aeterno propior non alter Homero.“); nam praeter rhetorica et grammatica studia et scripsit opus de usu herbarum ad Augustum, et tentavit elegias et epica carmina. Et vix dubitandum est, quin idem Valgius fuerit, qui a. 742 senex ad summum honorem consulatus pervenerit. Qui cum Myste, puero dilecto, mortuo nimio se traderet dolori neque quid amisisset lugubribus carminibus lugere unquam desineret, luctui quoque et dolori modum esse ponendum ab Horatio amice monetur. Id cur necessarium sit, docetur exemplis primum ex natura rerum deinde ex mythologia petitis; quorum auctoritas quo efficacior fiat, adiungitur adhortatio, ut aliud sibi Valgius canendi argumentum quaerat ad vitamque animum reducat. Quare caput carminis est in erigendo animo et compescendo dolore; non decere virum asperitate

Vexant inaequales procellae

Usque, nec Armeniis in oris,

5 Amice Valgi, stat glacies iners

Menses per omnes aut Aquilonibus

Querceta Gargani laborant

Et foliis viduantur orni.

Tu semper urges flebilibus modis

10 Mysten ademptum, nec tibi Vespero

Surgente decedunt amores

Nec rapidum fugiente Solem.

At non ter aevo functus amabilem

malorum omnino flecti, aequam mentem conservandam esse in maxima calamitate. De tempore quo hoc carmen scriptum sit interpretes inter se non consentiunt; nam cum ex v. 19 intelligatur non ante annum 727 hoc componi potuisse, quoniam eo anno Octavianus Augusti nomine ornatus est, incertum relinquitur, quid *Niphates* significet, quid *Medum flumen*, quid *Geloni*. Quare alii usque ad a. 734 adscendunt, alii veri similis annum 729 v. 730 designatum vident. Exitus carminis accommodatus est ad locum Virg. Georg. III, 31 sqq., quem Virgilius iam anno 724 scribere potuit.

V. 1. *hispidos*] *προληπτικῶς*. Ceterum duabus primis strophis quattuor exempla continentur, quibus tristia tempora naturam non semper vexare ostendatur; illa autem aequabili particularum (*non — aut — nec — aut*) dispositione inter se coniunguntur; quartum tamen bipartitum est, quod ne in duo diversa distrahatur cautum est particula et v. 8. — *mare Caspium*] de quo Pomponius Mela III, 5: „Mare Caspium omne atrox, saevum, sine portibus, procellis undique expositum.“ — *inaequales*] ob effectum dictae. — *stat*] vide Carm. I, 9, 1. — *Gargani*] montis Apuliae, silvis tecti. Epist. II, 1, 202. — *laborant*] Poetis tota natura vivit; quare arbores pati, sentire iis videntur; inde aptissima verba *laborant* et *viduantur*. — *urges*] quo verbo saepissime et libenter Horatius utitur, ut rem aliquam ab altera re atque ea quidem propinqua vel teneri vel prope teneri indicet, sive utraque res movetur sive non movetur. Inde dicitur de adstantibus, adhaerentibus, tenentibus, prementibus, prope sedentibus, persequentibus, instantibus, aliis. cf. Sat. I, 3, 135. 69. A. P. 453. Carm. I, 24, 6. I, 15, 23. Epist. I, 14, 26. Carm. I, 5, 2. Sat. II, 6, 29. Carm. II, 10, 2. Quo fit ut de quacunque vi ex propinquo loco non corporibus solis sed animis etiam illata saepe usurpetur. — *flebilibus modis*] cf. ad Carm. II, 1, 40. Modi non tam poetarum quam tibicinum et fidicinum sunt, sonos tamen ad carminum sensus temperantium. cf. Cic. Tusc. I, 44. — *Vespero*] „Stella Veneris *ἑσπερίος* seu *φωσφερίος* a Graecis, Lucifer a Latinis appellatur, cum solem antegreditur orientem; eadem *ἑσπέρως*, id est vespers, dicitur, cum solem occidentem subsequitur.“ Lambinus. Egregie poeta totam noctem et diem Valgium cruciari significavit; neque difficile est ad iudicandum, cur antiquissimi codicis lectio *rapido fugiente sole* hac vulgari deterior sit habenda.

V. 13. „At quam diversum est exemplum Nestoris aut Priami qui

Ploravit omnes Antilochum senex

15 Annos, nec impubem parentes
Troilon aut Phrygiae sorores

Flevire semper. Desine mollium
Tandem querelarum, et potius nova
Cantemus Augusti tropaea

20 Caesaris et rigidum Niphaten

Medumque flumen gentibus additum
Victis minores volvere vertices
Intraque praescriptum Gelonos
Exiguus equitare campis.

iidem amatis filiis orbi luctui non semper indulserunt, sed quantumvis senes animum tamen erexerunt ad vitamque et negotia redierunt. Quod si senes tam firmi erant, quid tibi sit faciendum vides.^a — Hanc inter Valgium virili aetate florentem et inter senes imbecillos oppositionem etiam augeat mulierularum mollium commemoratio; quam consulto interposuisse poetam inde perspicitur. — *Antilochum*] cuius mors in Iliade non narratur, sed lege Odyss. III, 109 sqq. IV, 187. — *Troilon*] cf. Virg. Aen. I, 474. — *Phrygiae*] Troianae, ut Cassandra, Polyxena, aliae. — *semper*] Hoc vocabulum, in quo omnis sententiae vis posita sit, illustrem locum et ipsius enuntiati et versus obtinuit; non aliter in initio coniunctae sunt particulae *at non*. — *mollium querelarum*]* Genitivus positus est ad exemplum graecae linguae (cf. Hom. II. I, 210), cum latine dicatur desinere aliquam rem et aliqua re. Hor. Carm. II, 13, 38. II, 11, 5. Sat. II, 6, 84. Virg. Aen. X, 441. XI, 280. 126. — *cantemus*] Observanda est duplex verbi *cantandi* coniunctio; nam primum inde suspensus est accusativus (*tropaea* — *Niphaten*), deinde infinitivus (*Medum* — *volvère*, *Gelonos* — *equitare*). — *rigidum*] glacie adstrictum, nive tectum. Niphates mons est in Armenia quamquam ex male intellecto loco Virgiliano a posterioribus poetis latinis flumen habitus est, veluti a Lucano, Silio Italico. — *Medumque*] Flumina quoque et tota regio poetis sentire videntur quae accolae patiuntur; populi virtute fracta Medus quoque flumen, olim de accolarum fortitudine superbiens et magnifice fluens, animum reprimat et tristitiam minore aquarum copia quam volvit quasi prodit. — *Medum flumen*] Medus in Araxen influens prope Persepolin. Ceterum ipsum nomen pro adiectivo habitum. cf. Carm. IV, 4, 38. A. P. 18. Aliter II, 6, 10. — *Gelonos*] Scythas, intra certos fines repressos. — *equitare*] cf. Carm. I, 2, 51; aptissimum verbum ad ferocissimam gentem quae equitatu maxime valet. Cf. Epist. II, 1, 250 sqq.

Carmen X.

Rectius vives, Licini, neque altum
Semper urgendo neque dum procellas
Cautus horrescis nimium premendo
Littus iniquum.

5 Auream quisquis mediocritatem
Diligit, tutus caret obsoleto

Carmen X.

Argumentum huius carminis ex eo genere est quod frequentissimum apud hunc poetam; agitur enim iterum de continentia animi, in qua quantam ille ingenii ubertatem probaverit iusta admiratione amplectimur. Graeci iam philosophi statuerunt *μηδὲν ἄγαν* vel *ὁ μέσος βίος βέλτιστος*; eandem doctrinam sic tractat Horatius, ut carmen aperiat viamque sibi muniat frequenti illa allegoria, qua humana vita cum navigatione comparatur; tum argumentum ponit v. 5 non nude aut exiliter, sed poetico ornatu quasi vestitum. Nam quod dicit hoc est v. 5 — 8: „qui auream mediocritatem diligit, is liber est ab extremis vitiis; vitia autem duo sunt, et insto minora et iusto maiora.“ Illud cum per se patet, hoc quod vitiosum non omnes intelligant tribus exemplis v. 9 — 12 illustratur. Iam versu 12 superior pars carminis, quod totum viginti quattuor habet versus, finem habet; altera pars, duodecim eadem versus complectens, de alia quidem virtute agit sed ea cognata et quae radices quasi agat in mediocritate. Qui mediocri rerum condicione est contentus, is ad quancunque fortunae vicissitudinem paratus est. Quae res sic illustratur. „Cui de praestantia mediocritatis persuasum est, is cum adversis rebus utitur, sperat secundas; cum secundis, metu it adversas, neque unquam subita rerum mutazione opprimitur cum omnia in hac terra mutabilia esse sciat.“ Sed exemplo ex natura rerum sumpto ostenditur (vv. 15. 16), ne vitam quidem hominum continuis procellis agitari (v. 17); cuius doctrinae veritas egregie augetur vv. 18 — 20 altero Apollinis exemplo, qui interdum hilaris ac mitis non semper pestiferum arcum tendat. Extrema stropha poeta redit ad primae inferioris partis strophae sententiam, sed ita redit, ut imagine quoque navigationis iterata ad totius carminis initium per orbem reveniat. In carmino observa praecepta et exempla certo ordine inter se excipere; dicendi genus ad rem accommodatum, placidum et tranquillum. A. Terentius Varro Murena, etiam Licinius Murena dictus, filius fuisse videtur L. Licinii Murenac, cuius causam Cicero egerat. Ille cum bellis civilibus paterna bona amisisset, summam fratris (vel fratris patruelis, ut alii putant) Proculii (vide Carm. II, 2, 5) benevolentiam expertus est. Ab Augusto magni aestimatus Sulassios in Alpibus habitantes superavit et a. 731 consul creatus est. Anno autem insequenti inita cum Fannio Caepione coniuratione capitis damnatus est. — Quo anno carmen scriptum sit dici nequit.

V. 1. *Rectius*] quam si contrariam rationem sequaris. — *nimum premendo*] Sic coniungenda esse vocabula caesura ostendit — *iniquum*] propter vada et scopulos. — *tutus*] In hoc uideativo et in altero *sobrius* summa sententiae vis posita est; nam haec sunt quae mediocritate parantur, et quod tuti sumus a molestiis inopiae et quod non superbi-

Sordibus tecti, caret invidenda
Sobrius aula.

Saeplus ventis agitur ingens
10 Pinus et celsae graviore casu
Decidunt turres feriuntque summos
Fulgura montes.

Sperat infestis, metuit secundis
Alteram sortem bene praeparatum
15 Pectus. Informes hiemes reducit
Iuppiter, idem

Summovet. Non, si male nunc, et olim
Sic erit: quondam cithara tacentem

mus nimis fortunae beneficiis. cf. Carm. I, 37, 11. Praeterea nolim praetermittas artem in positione verbi *caret* conspicuam; deinde versus 6 et 7 miro modo ita compositos vidēs, ut iisdem locis collocata verba eundem ambitum habentia easdem efficiant caesuras. Omnia praeclarae huius strophae vocabula tanta arte disposita sunt, ut ne unum quidem sine communi omnium detrimento loco possit moveri. — *et celsae*] Notandus usus particularum; alterum exemplum *et* particula adiicitur, tertium non minus diversum particula *que*. Quod satis apud hunc poetam frequens est in rebus *tripartitis*, quem ipsum numerum in deliciis habuit Horatius. cf. Carm. I, 1, 23. I, 14, 4 sqq. I, 18, 14 sqq. I, 24, 6. I, 28, 1. I, 29, 1—5. I, 35, 33 sq. II, 2, 21 sq. II, 3, 17 sq. II, 6, 7 sq. II, 8, 9—12. II, 11, 14—17. II, 12, 5 sqq. II, 14, 3 sq. 17 sqq. II, 19, 25 sq. II, 20, 9—12. Haec sufficiant. Non nomina solum sed etiam sententiae hac ratione copulantur. Sic hoc loco *et* I, 29; 1—5 *et* II, 20, 9—12. Iam patet, cur quod aliis in codicibus legitur *excelsae* (pro *et celsae*) Horatianum non videatur. — *ingens*] cf. Carm. II, 3, 9.

V. 13. Inde ab hoc loco usque ad finem oratio sententiarum plena et brevior et nervosior est quam in superiori parte. Quae simillima sunt et inter se proxima, ea ne minimo quidem externo vinculo vincuntur, immo vero brevis dicendi augetur figura asyndeti, quo bene usus est versu 13. — *informes*] Epitheta eiusmodi ex personificatione quam dicimus nascuntur. — *olim*] adverbium hoc cum factum sit ex pronomine *ollus* (= ille), diversum a praesenti tempus ostendit, nihil aliud. Inde triplex eius est usus; primum de infinito tempore quo quid factum est aut fieri solet usurpatur, ut frequenter reperitur in fabellis et exemplis: Hor. Carm. IV, 4, 5. Epod. 3, 1. Sat. I, 1, 25. II, 6, 79. Epist. I, 3, 18. I, 10, 42. II, 2, 197; deinde cum praesenti tempori aut praeteritum opponatur aut futurum, utrumque hoc adverbio indicatur; praeteritum saepissime: Carm. I, 10, 9. III, 11, 5. IV, 9, 9. Epod. 14, 7. Sat. I, 3, 35. 46. I, 4, 57 *et*. futurum: praeter hunc de quo agitur locum Sat. I, 4, 137. I, 6, 85. II, 5, 27. — *quondam*] Adverbium hoc est adiectivi *quidam*; quo cum res significetur, quae qualis sit accurate non tradatur, efficitur ut *quondam* adverbio non magis certum temporis momentum ostendatur. Quare eius usus non minus late patet quam *olim*

Suscitat Musam neque semper arcum

20 Tendit Apollo.

Rebus angustis animosus atque

Fortis appare; sapienter idem

Contrahes vento nimium secundo

Turgida vela.

Carmen XI.

Quid bellicosus Cantaber et Scythes,

Hirpine Quinti, cogitet Hadria

Divisus obiecto, remittas

adverbii; de infinito tempore, ut sit *interdum*: hoc nostro loco, tum Virg. Aen. II, 367. Georg. IV, 261; de futuro tempore: Hor. Sat. II, 2, 82. Virg. Aen. VI, 877; de praeterito saepissime. — *cithara*] Sic scribendum ex optimis codicibus, non *citharae*. cf. Carm. IV, 15, 1 sq. Gratisissima haec imago, qua Apollo pulsa lyra Musam ad canendum excitat. Quam voluerit Horatius Musam, supervacaneum est quaerere; sed ne dubites, vide quid legatur A. P. 406. Ad rem legendus est Homerus, Il. I, 43 sqq. et 601 sqq. — *atque*] Ne in ultimo loco versus posita particula offendaris, vide Carm. III, 11, 18. Epist. I, 18, 41. — *idem*] cf. supra v. 16. vide Zumpt. gramm. §. 697. — *vento nimium secundo*] quoniam navicula eo potest agi, ubi vadis et scopulis circumdata et summis periculis opposita est. Haec autem velorum contrahendorum imago latinis poetis est usitatissima.

Carmen XI.

„Dum quae remota sunt spectas, cave ne proxima perdas; dum futura cnras, ne praesenti vitae usu priveris; omnino noli quod tuum non est quaerendo haud necessarios tibi parare labores, immo quos tua tibi obiecit sors eos tu sapienter imminuere stude ac lenire.“ Medium carmen (vv. 11. 12) summam sententiam aperit. Ab initio quieto et tranquillo surgit sensim oratio usque ad medium carmen; inde interrogationes et omnis dicendi natura calidiorem animum produunt, qui non contentus quam vera sint illa praecepta intellexisse et proposuisse statim usum eorum et fructum cupidissime petit. Quis vero fuerit Quintius Hirpinus nescimus; eundem hunc esse ad quem est Epistola I, 16 alii aiunt alii negant. Quo fere tempore carmen sit scriptum, eius vestigia latent in Cantabrorum et Scytharum commemoratione et canis Horatii capillis (cf. v. 15 et Vit. Hor. p. 16 not. 63); utraque res annos ostendit 728—730.

V. 1. *Cantaber et Scythes*] Cantabri occidenti, Scythae orienti soli subiecti, a media Italia longissime remoti. — *Hirpine Quinti*] inverso nominum ordine, ut Carm. II, 2, 3. — *Hadria divisus obiecto*] Haec ad Scythas solos sunt apta; quo tamen alterum mare obstare Cantabris haud difficulter intelligitur. — *remittas*] Compositum verbum pro simplici positum, ut aiunt; sed non temere id factum est. Sic enim quae

Quaerere nec trepides in usum

5 Poscentis aevi pauca. Fugit retro

Levis iuventus et decor arida

Pellente lascivos amores

Canitie facilemque somnum.

Non semper idem floribus est honor

10 Vernis neque uno Luna rubens nitet

Vultu: quid aeternis minorem

Consiliis animum fatigas?

Cur non sub alta vel platano vel hac

Pinu iacentes sic temere et rosa

15 Canos odorati capillos,

Dum licet, Assyriaque nardo

Potamus uncti? Dissipat Evius

animo sunt oculis quasi subiiciuntur, et lumen aliquod accedit orationi. Inde frequens eius particulae *re* apud Horatium usus. — *nec trepides*] Carm. I, 9, 15. I, 11, 3. Cetera sic inter se excipiunt: „nec trepides aevi pauca in usum poscentis“. Nam quam alii voluerunt (Orellius) verborum compositionem „nec trepides in usum aevi pauca poscentis“, ea ut sine exemplo est, ita pedestrem orationem vehementer sapit. Contra in his *trepidare alicuius rei* nihil est quo offendaris magis quam iis quae supra posita sunt ad Carm. II, 9, 17. — *aeril*] cf. ad Carm. II, 2, 5. — *levis*] Carm. I, 2, 38. Iuvenile corpus imprimis molle est ac tenerum, senile aridum et siccum; quae quam sint opposita poeta artificiose indicavit ita, ut alterum in fronte alterum in fine versus poneret. — *facilemque somnum*] qui facile obrepit nec vigiliis interrumpitur. Sic Carm. III, 21, 4; quocum conferas Carm. II, 16, 15.

V. 9. Sed nihil est quod perpetuum sit aut vicissitudini non obiectum; quid tuus animus aeternitatem quaerit rerum cui par esse nequit? — *rubens nitet*] Haec separanda non sunt, nam varia Lunae est species. — *Quid aeternis*] Constructio ἀπὸ τοῦ αἰῶνος, frequentissima apud Horatium; *aeternis consiliis fatigas et aet. cons. minorem*. — *vel hac*] prima quaque quae offertur, quam videre iam sibi videtur poeta. Platanus autem et pinus nominantur propter densam et amplam quae earum ramis diffunditur umbram. — *sic temere*] His verbis eadem negligentia exprimitur quae illo pronomine *hac*; ut fors tulerit, dum nil paramus, nil curamus; Graeci οὐτως. — *rosa*] sertis roscis. De singulari numero vide ad Carm. I, 5, 1. — *dum licet*] cf. ad Carm. II, 3, 15. — *Assyriaque nardo*] vide ad Carm. II, 7, 7, nam Assyria est Syria, unde Romam advehebantur aromata illa pretiosissima. De nardo locus est gravissimus apud Plinium H. N. XIII, 3: „Haec est materia luxus cunctis maxime supervacui. Margaritae enim gemmaeque ad heredem tamen transeunt, vestes prorogant tempus: unguenta illico expirant ac suis moriuntur horis. Summa commendatio eorum, ut transeunte femina odor invitet etiam aliud agentes. Exceduntque quadragenos denarios librae. Tanti emitur voluptas aliena.“

Curas edaces. Quis puer ocius
 Restinguet ardentis Falerni
 20 Pocula praetereunte lympa?
 Quis devium scortum eliciet domo
 Lyden? Eburna dic age cum lyra
 Maturet in comptum Lacacnae
 More comas religata nodum.

Carmen XII.

Nolis longa ferae bella Numantiae
 Nec durum Hannibalem nec Siculum mare

V. 17. *curas edaces*] Carm. I, 18, 4. — *puer*] servus, minister. — *restinguet*] temperabit; sed est verbum ad ardorem nobilissimi Falerni propius. — *devium*] habitans in devia domo, non vulgare. — *in comptum Lac.*] Ordo verborum est: comas religata in comptum nodum more Lacacnae, i. e. capillis Lacacnarum more in simplicem nodum religatis. Non opus est oruare eam splendide capillos, sed veniat „simplex munditiis.“ cf. Carm. III, 14, 17—24. De graecarum mulierum ornatu capilli vide ad Carm. I, 33, 5.

Carmen XII.

Et re et consilio hoc carmen comparari potest cum sexto primi libri. Nam dum ostenditur, gravibus rebus, bellis et heroum praecclaris facinoribus non aptam esse lyram, Caesaris autem res gestas melius ab ipso Maecenate pedestri oratione describi posse quam a poeta tantae materiae handquaquam pari, promittit Horatius sua carmina Maecenati non defutura, sed celebratura esse venustatem Licymniae (uxoris Maecenatis) et gratas rixas amantium. — Septem stropharum media (v. 13—17) quasi totius carminis fastigium est. In ceteris quoque strophis raram artem admiramur; nam cum bella militum et virtutes Caesaris in priore parte virtutibus Licymniae et bellis puellarum per chiasmi figuram opponantur, orbis quasi a bello ad bellum describitur; deinde uti n bellis per mythica facta ad Caesarem per tres strophas ascenditur, sic a Licymniae laudibus per mythicos Aethaeum et Mygdonem totidem descenditur ad muliebria bella. Scriptum videtur carmen, quantum quidem conicere licet ex nomine *Caesaris* (v. 10), ante annum 727.

V. 2. *durum*] Sic in optimis, ut videtur, codicibus et editionibus; et recte quidem, nam durus Hannibal handquaquam invenustam oppositionem efficit v. *mollibus*, sed quaesitam et gratam. Deinde *dirus*, quod hic quoque alii libri praebent, aliis locis magis aptus est quam huic, ut Carm. IV, 4, 42, ubi omnes Orelliani codices, in quibus hic est *durus*, alterum *dirus* concordantes tenent. Sequamur igitur codices tertio quoque loco, Carm. III, 6, 36 *dirum* lectionem sua auctoritate invantes. Neque huic rationi desunt veteres editiones. Illic (III, 6, 36) igitur est locus quem significasse videtur Quintil. VIII, 2, 9: „Quo nihil inveniri

Poenno purpureum sanguine mollibus
Aptari citharae modis

5 Nec saevos Lapithas et nimium mero
Hylaeum domitosque Herculea manu
Telluris iuvenes, unde periculum
Fulgens contremuit domus

Saturni veteris; tuque pedestribus
10 Dices historiis proelia Caesaris,
Maecenas, melius ductaque per vias
Regum colla minacium.

Me dulcis dominae Musa Licymniae

possit significantius; ut Horatius *acrem tibiam, Hannibalemque dirum.* — *Siculum mare etc.*] In his poeta significat Duilium eiusque victoriam navalem. Eadem tangitur Carm. III, 6, 34 iisdem prope verbis.

V. 5 sqq. *Lapithas*] cf. ad Carm. I, 18, 8sq. Duo afferuntur exempla, Centauromachia et Gigantomachia; quae cum non opponantur inter se, nihil mutandum videtur. Alii contra codd. *domitosve*. De Hylaeo cf. Virg. Georg. II, 456. Ovid. Met. XII, 378. — *Herculea manu*] Iuppiter enim ad certamen contra Gigantes Herculem socium sibi assumpsit. *Telluris iuvenes* graece sunt *γῆγενεῖς*. — *unde*] De persona hoc dictum, ut graecum *ἐθεν*. Cuius rei exempla haec apud Horatium: Carm. I, 12, 17. I, 28, 28. III, 11, 38. Sat. I, 2, 58. 78. II, 6, 21. Deinde verba *unde periculum* ita dicta sunt, ut in oratione participium aliquod desideretur, veluti *motum*. Quamquam apud optimos etiam scriptores pedestres ea nominum per praepositiones coniunctio haud ita rara est ut vulgo creditur; nam dicitur latine: homo de plebe, bellum a Volscis, ex sermone rumor, versus de Philocteta; quae omnia huic Horatiano simillima sunt. — *contremuit*] quod verbum cum intransitivum sit, tamen cum accusativo coniunctum est. Sic Virg. Aen. III, 648.

V. 9. *tuque*] Noli credere hanc particulum *que* alteri (v. 11) respondere. Habet enim haec opponendi facultatem post negans verbum et est utique referenda ad v. 1. *nolis*; qua re duplex oritur oppositio, inter Horatium Maecenatemque et inter carmina pedestremque orationem. Alia eius facultatis quam inesse dixi in particula *que* exempla vido haec: Carm. I, 2, 45. I, 27, 16. II, 20, 4. IV, 15, 25. — *pedestribus*] Inter scriptores qui supersunt Horatius primus hoc v. usus esse dicitur ad Graecorum imitationem, *πεζὸς λόγος*. Ut haec ab Horatio ita scripta sunt, ut voluisse certe Maecenatem Augusti res gestas scribere videas, sic aliunde etiam fecisse eum satis probatur. — *ductaque*] *que* part. coniungit victorias et triumphos. — *per vias*] quas sequi solebat pompa triumphalis a Campo Martio per portam triumphalem et sacram viam ad aedem Iovis optimi maximi in Capitolio. cf. Carm. IV, 2, 35. Epod. 7, 7 sq. — *regum colla*] Pro regibus eam corporis partem bene posuit quae in hoc periculo praecipue agebatur; quippe colla captivorum ducum catenis onerata erant, mox secabantur vel laqueo frangebantur. — *minacium*] Hoc aptius ad rem quam quod in aliis legitur codicibus *minantium*. cf. IV, 3, 8. Epist. II, 1, 191.

V. 13. *Licymniae*] Veri est simillimum Licymniam esse Terentiam,

Cantus, me voluit dicere lucidum

15 Fulgentes oculos et bene mutuis
Fidum pectus amoribus;

Quam nec ferre pedem dedecuit choris
Nec certare ioco nec dare brachia
Ludentem nitidis virginibus sacro

20 Dianae celebris die.

Num tu quae tenuit dives Achaemenes
Aut pinguis Phrygiae Mygdonias opes
Permutare velis crine Licymniae,
Plenas aut Arabum domos,

25 Dum flagrantia detorquet ad oscula
Cervicem, aut facili saevitia negat
Quae poscente magis gaudeat eripi,
Interdum rapere occupet?

Maecenatis uxorem admodum adolescentem. Poetae Latini cum vero nomini fictum subiicerent, eam legem observarunt, ut formam nominis quam accuratissime redderent syllabarum et numero et natura. Sunt tamen qui Licymniam amicam aut Horatii aut Maecenatis esse putent. — *lucidum fulgentes*] In eiusmodi elocutionibus (cf. Carm. I, 22, 23. II, 19, 6. III, 3, 17. III, 27, 67. Sat. I, 8, 41.) neutra adiectivorum genera usurpantur, si non solum qualis res sit indicandum est, sed proditur simul quid ipsa re quasi efficiatur. Sic h. l. oculi tantopere fulgent ut lucere videantur. — *bene*] i. e. plane. Sic Sat. I, 3, 61. Cic. Tusc. II, 19. — *dedecuit*] De perfecto vide ad Carm. I, 1, 4. — *Dianae celebris die*] Dianae dies festus erat Idibus Augusti, quo die choros ducere non licuit nisi ingenuis virginibus. cf. ad Carm. IV, 6, 31.

V. 21. *Achaemenes*] primus dicitur fuisse Persarum rex; unde Achaemenidarum gens originem duxit. — *Mygdonias*] Phrygia magna a Mygdone Mygdonia appellata est. cf. Hom. II, III, 185. Hor. Carm. III, 16, 41. — *permutare*] vide ad Carm. I, 17, 1. — *crine*] pro crinibus. In quibus cum haud exigua pars pulchritudinis cernatur, poetice omnis venustas corporis assumitur. — *Arabum*] cf. Carm. I, 29, 1. — *detorquet*] de caesura vide ad Carm. I, 18, 16. — *poscente magis*] In eo quidem conspicitur Licymniae facilis saevitia, quod oscula negat, quantumvis si sibi eripiantur maiorem ex iis percipiat voluptatem quam coniux, qui frustra poposcit. Scilicet ante negata sua sponte offert. Unde facile perspicitur v. 28 *occupet*, non *occupat* esse legendum. — *occupet*] Cum infinitivo hoc verbum coniunctum, ut Graecum *φθάνειν*. cf. Hor. Epist. I, 6, 32. I, 7, 66. Liv. I, 30. I, 14. Ceterum in asyndeto inest quaedam gradatio.

15 Semper ardentes acuens sagittas

Cote cruenta.

Adde quod pubes tibi crescit omnis,

Servitus crescit nova, nec priores

Impiae tectum dominae relinquunt

20 Saepe minati.

Te suis matres metuunt iuencis,

Te senes parci miseraeque nuper

Virgines nuptae, tua ne retardet

Aura maritos.

Carmen IX.

Non semper imbres nubibus hispidos

Manant in agros aut mare Caspium

simplices appellatae videntur, quod cum sua natura ab omni fraude alienae sint, in hac re sibi parum constantes dominae crudelem naturam induunt.

V. 17. Sed non diis solis perfidia tua placet, sed etiam hominibus; quare turba amantium in dies tibi augetur. vv. 17—20 omnis amantium turba in duas partes dividitur, in eos quidem qui nondum quam sis perfida sunt experti et in eos qui quamquam illud sunt experti tamen non abstinent. — *servitus*] est quasi appositio v. *pubes*. — *iuencis*] Inest in hoc verbo imago nobis inusitata, antiquis poetis ad rerum naturam propius accedentibus usitatissima. Inde etiam *aura*. Virg. Georg. III, 250. vide ad Carm. II, 5, 1. — *senes parci*] Scilicet hi timebant ne filii nepotesve tibi dediti rem perdant. — *virgines*] Hoc et *puellarum* nomine eae quoque nominantur qui viro iam nupserunt. — *miserae*] *προληπτικῶς* positum adiectivum.

Carmen IX.

C. Valgius Rufus inter viros ea aetate ingenio doctrinaque eminentes non minima laude floruit (Horat. Sat. I. 10, 82. Tibull. IV, 1, 180: „Valgius, aeterno propior non alter Homero.“); nam praeter rhetorica et grammatica studia et scripsit opus de usu herbarum ad Augustum, et tentavit elegias et epica carmina. Et vix dubitandum est, quin idem Valgius fuerit, qui a. 742 senex ad summum honorem consulatus pervenerit. Qui cum Myste, puero dilecto, mortuo nimio se traderet dolori neque quid amisisset lugubribus carminibus lugere unquam desineret, luctui quoque et dolori modum esse ponendum ab Iloratio amice monetur. Id cur necessarium sit, docetur exemplis primum ex natura rerum deinde ex mythologia petitis; quorum auctoritas quo efficacior fiat, adiungitur adhortatio, ut aliud sibi Valgius canendi argumentum quaerat ad vitandum animum reducat. Quare caput carminis est in erigendo animo et compescendo dolore; non decere virum asperitate

Vexant inaequales procellae

Usque, nec Armeniis in oris,

5 Amice Valgi, stat glacies iners

Menses per omnes aut Aquilonibus

Querceta Gargani laborant

Et foliis viduantur orni.

Tu semper urges flebilibus modis

10 Mysten ademptum, nec tibi Vespero

Surgente decedunt amores

Nec rapidum fugiente Solem.

At non ter aevo functus amabilem

malorum omnino flecti, aequam mentem conservandam esse in maxima calamitate. De tempore quo hoc carmen scriptum sit interpretes inter se non consentiunt; nam cum ex v. 19 intelligatur non ante annum 727 hoc componi potuisse, quoniam eo anno Octavianus Augusti nomine ornatus est, incertum relinquitur, quid *Niphates* significet, quid *Medum flumen*, quid *Geloni*. Quare alii usque ad a. 734 adscendunt, alii veri similis annum 729 v. 730 designatum vident. Exitus carminis accommodatus est ad locum Virg. Georg. III, 31 sqq., quem Virgilius iam anno 724 scribere potuit.

V. 1. *hispidos*] *πρὸ ληπτειχῶς*. Ceterum duabus primis strophis quattuor exempla continentur, quibus tristia tempora naturam non semper vexare ostendatur; illa autem aequabili particularum (*non — aut — nec — aut*) dispositione inter se coniunguntur; quartum tamen bipartitum est, quod ne in duo diversa distrahatur cautum est particula et v. 8. — *mare Caspium*] de quo Pomponius Mela III, 5: „Mare Caspium omne atrox, saevum, sine portibus, procellis undique expositum.“ — *inaequales*] ob effectum dictae. — *stat*] vide Carm. I, 9, 1. — *Gargani*] montis Apuliae, silvis tecti. Epist. II, 1, 202. — *laborant*] Poetis tota natura vivit; quare arbores pati, sentire iis videntur; inde aptissima verba *laborant* et *viduantur*. — *urges*] quo verbo saepissime et libenter Horatius utitur, ut rem aliquam ab altera re atque ea quidem propinqua vel teneri vel prope teneri indicet, sive utraque res movetur sive non movetur. Inde dicitur de adstantibus, adhaerentibus, tenentibus, prementibus, prope sedentibus, persequentibus, instantibus, aliis. cf. Sat. I, 3, 135. 69. A. P. 453. Carm. I, 24, 6. I, 15, 23. Epist. I, 14, 26. Carm. I, 5, 2. Sat. II, 6, 29. Carm. II, 10, 2. Quo fit ut de quacunque vi ex propinquo loco non corporibus solis sed animis etiam illata saepe usurpetur. — *flebilibus modis*] cf. ad Carm. II, 1, 40. Modi non tam poetarum quam tibicinum et fidicinum sunt, sonos tamen ad carminum sensus temperantium. cf. Cic. Tusc. I, 44. — *Vespero*] „Stella Veneris *ἑωςφύρος* seu *φωςφύρος* a Graecis, Lucifer a Latinis appellatur, cum solem antegreditur orientem; eadem *ἑσπέρως*, id est vespere, dicitur, cum solem occidentem subsequitur.“ Lambinus. Egregie poeta totam noctem et diem Valgium cruciari significavit; neque difficile est ad indicandum, cur antiquissimi codicis lectio *rapido fugiente sole* hac vulgari deterior sit habenda.

V. 13. „At quam diversum est exemplum Nestoris aut Priami qui

Ploravit omnes Antilochum senex
 15 Annos, nec impubem parentes
 Troilon aut Phrygiae sorores
 Flevere semper. Desine mollium
 Tandem querelarum, et potius nova
 Cantemus Augusti tropaea
 20 Caesaris et rigidum Niphaten
 Medumque flumen gentibus additum
 Victis minores volvere vertices
 Intraque praescriptum Gelonos
 Exiguis equitare campis.

iidem amatis filiis orbatu luctui non semper indulserunt, sed quantumvis senes animum tamen erexerunt ad vitamque et negotia redierunt. Quodsi senes tam firmi erant, quid tibi sit faciendum vides. — Ilanc inter Valgium virili aetate florentem et inter senes imbecillos oppositionem etiam augeat muliercularum mollium commemoratio; quam consulto interposuisse poetam inde perspicitur. — *Antilochum*] cuius mors in Iliade non narratur, sed lege Odyss. III, 109 sqq. IV, 187. — *Troilon*] cf. Virg. Aen. I, 474. — *Phrygiae*] Troianae, ut Cassandra, Polyxena, aliae. — *semper*] Hoc vocabulum, in quo omnis sententiae vis posita sit, illustrem locum et ipsius enuntiati et versus obtinuit; non aliter in initio coniunctae sunt particulae *at non*. — *mollium querelarum*] Genitivus positus est ad exemplum graecae linguae (cf. Hom. II. I, 210), cum latine dicatur desinere aliquam rem et aliqua re. Hor. Carm. II, 13, 38. II, 11, 5. Sat. II, 6, 84. Virg. Aen. X, 441. XI, 280. 126. — *cantemus*] Observanda est duplex verbi *cantandi* coniunctio; nam primum inde suspensus est accusativus (*tropaea* — *Niphaten*), deinde infinitivus (*Medum* — *volvete*, *Gelonos* — *equitare*). — *rigidum*] glacie adstrictum, nive tectum. Niphates mons est in Armenia quamquam ex male intellecto loco Virgiliano a posterioribus poetis latinis flumen habitus est, veluti a Lucano, Silio Italico. — *Medumque*] Flumina quoque et tota regio poetis sentire videntur quae accolae patiuntur; populi virtute fracta Medus quoque flumen, olim de accolarum fortitudine superbiens et magnifice fluens, animum reprimit et tristitiam minore aquarum copia quam volvit quasi prodit. — *Medum flumen*] Medus in Araxen influens prope Persepolin. Ceterum ipsum nomen pro adiectivo habitum. cf. Carm. IV, 4, 38. A. P. 18. Aliter II, 6, 10. — *Gelonos*] Scythas, intra certos fines repressos. — *equitare*] cf. Carm. I, 2, 51; aptissimum verbum ad ferocissimam gentem quae equitatu maxime valet. Cf. Epist. II, 1, 250 sqq.

Carmen X.

Rectius vives, Licini, neque altum
Semper urgendo neque dum procellas
Cautus horrescis nimium premendo
Littus iniquum.

5 Auream quisquis mediocritatem
Diligit, tutus caret obsoleti

Carmen X.

Argumentum huius carminis ex eo genere est quod frequentissimum apud hunc poetam; agitur enim iterum de continentia animi, in qua quantum ille ingenii ubertatem probaverit iusta admiratione amplectimur. Graeci iam philosophi statuerunt *μηδὲν ἄγαν* vel *ὁ μέσος βίος βέλτιστος*; eandem doctrinam sic tractat Horatius, ut carmen aperiat viamque sibi muniat frequenti illa allegoria, qua humana vita cum navigatione comparatur; tum argumentum ponit v. 5 non nude aut exiliter, sed poetico ornatu quasi vestitum. Nam quod dicit hoc est v. 5 — 8: „qui auream mediocritatem diligit, is liber est ab extremis vitiis; vitia autem duo sunt, et iusto minora et iusto maiora.“ Illud cum per se pateat, hoc quod vitiosum non omnes intelligant tribus exemplis v. 9 — 12 illustratur. Iam versu 12 superior pars carminis, quod totum viginti quattuor habet versus, finem habet; altera pars, duodecim eadem versus complectens, de alia quidem virtute agit sed ea cognata et quae radices quasi agat in mediocritate. Qui mediocri rerum conditione est contentus, is ad quamcunque fortunae vicissitudinem paratus est. Quae res sic illustratur. „Cui de praestantia mediocritatis persuasum est, is cum adversis rebus utitur, sperat secundas; cum secundis, metuit adversas, neque unquam subita rerum mutatione opprimitur cum omnia in hac terra mutabilia esse sciat.“ Sed exemplo ex natura rerum sumpto ostenditur (vv. 15. 16), ne vitam quidem hominum continuis procellis agitari (v. 17); cuius doctrinae veritas egregie augetur vv. 18—20 altero Apollinis exemplo, qui interdum hilaris ac mitis non semper pestiferum arcum tendat. Extrema strophæ poeta reddit ad primæ inferioris partis strophæ sententiam, sed ita reddit, ut imagine quoque navigationis iterata ad totius carminis initium per orbem reveniat. In carmine observa praecepta et exempla certo ordine inter se excipere; dicendi genus ad rem accommodatum, placidum et tranquillum. A. Terentius Varro Murena, etiam Licinius Murena dictus, filius fuisse videtur L. Licinii Murenæ, cuius causam Cicero egerat. Hic cum bellis civilibus paterna bona amisisset, summam fratris (vel fratris patruelis, ut alii putant) Proculii (vide Carm. II, 2, 5) benevolentiam expertus est, Ab Augusto magni aestimatus Salassios in Alpibus habitantes superavit et a. 731 consul creatus est. Anqo autem insequenti iniuncta cum Fannio Caepione coniuratione capitis damnatus est. — Quo anno carmen scriptum sit dici nequit.

V. 1. *Rectius*] quam si contrariam rationem sequaris. — *nimum premendo*] Sic coniungenda esse vocabula caesura ostendit — *iniquum*] propter vada et scopulos. — *tutus*] In hoc adiectivo et in altero *sobrius* summa sententiæ vis posita est; nam hæc sunt quæ mediocritate parantur, et quod tuti sumus a molestiis inopiæ et quod non superbi-

Sordibus tecti, caret invidenda
Sobrius aula.

Saepius ventis agitur ingens
10 Pinus et celsae graviore casu
Decidunt turres feriuntque summos
Fulgura montes.

Sperat infestis, metuit secundis
Alteram sortem bene praeparatum
15 Pectus. Informes hiemes reducit
Iuppiter, idem

Summovet. Non, si male nunc, et olim
Sic erit: quondam cithara tacentem

mus nimis fortunae beneficiis. cf. Carm. I, 37, 11. Praeterea nolim praetermittas artem in positione verbi *caret* conspicuam; deinde versus 6 et 7 miro modo ita compositos vidēs, ut iisdem locis collocata verba eundem ambitum habentia easdem efficiant caesuras. Omnia praeclarae huius strophae vocabula tanta arte disposita sunt, ut ne unum quidem sine communi omnium detrimento loco possit moveri. — *et celsae*] Notandus usus particularum; alterum exemplum *et* particula adiicitur, tertium non minus diversum particula *que*. Quod satis apud hunc poetam frequens est in rebus *tripartitis*, quem ipsum numerum in deliciis habuit Horatius. cf. Carm. I, 1, 23. I, 14, 4 sqq. I, 18, 14 sqq. I, 24, 6. I, 28, 1. I, 29, 1—5. I, 35, 33 sq. II, 2, 21 sq. II, 3, 17 sq. II, 6, 7 sq. II, 8, 9—12. II, 11, 14—17. II, 12, 5 sqq. II, 14, 3 sq. 17 sqq. II, 19, 25 sq. II, 20, 9—12. Haec sufficiant. Non nomina solum sed etiam sententiae hac ratione copulantur. Sic hoc loco *et* I, 29; 1—5 *et* II, 20, 9—12. Iam patet, cur quod aliis in codicibus legitur *excelsae* (pro *et celsae*) Horatianum non videatur. — *ingens*] cf. Carm. II, 3, 9.

V. 13. Inde ab hoc loco usque ad finem oratio sententiarum plena et brevior et nervosior est quam in superiori parte. Quae simillima sunt et inter se proxima, ea ne minime quidem externo vinculo vincuntur, immo vero brevis dicendi augetur figura asyndeti, quo bene usus est versu 13. — *informes*] Epitheta eiusmodi ex personificatione quam dicimus nascuntur. — *olim*] adverbium hoc cum factum sit ex pronomine *illius* (= ille), diversum a praesenti tempus ostendit, nihil aliud. Inde triplex eius est usus; primum de infinito tempore quo quid factum est aut fieri solet usurpatur, ut frequenter reperitur in fabellis et exemplis: Hor. Carm. IV, 4, 5. Epod. 3, 1. Sat. I, 1, 25. II, 6, 79. Epist. I, 3, 18. I, 10, 42. II, 2, 197; deinde cum praesenti tempori aut praeteritum opponatur aut futurum, utrumque hoc adverbio indicatur; praeteritum saepissime: Carm. I, 10, 9. III, 11, 5. IV, 9, 9. Epod. 14, 7. Sat. I, 3, 35. 46. I, 4, 57 *et*. futurum: praeter hunc de quo agitur locum Sat. I, 4, 137. I, 6, 85. II, 5, 27. — *quondam*] Adverbium hoc est adiectivi *quidam*; quo cum res significetur, quaequalis sit accurate non tradatur, efficitur ut *quondam* adverbio non magis certum temporis momentum ostendatur. Quare eius usus non minus late patet quam *olim*

Suscitat Musam neque semper arcum

20 Tendit Apollo.

Rebus angustis animosus atque

Fortis appare; sapienter idem

Contrahes vento nimium secundo

Turgida vela.

Carmen XI.

Quid bellicosus Cantaber et Scythes,

Hirpine Quinti, cogitet Hadria

Divisus obiecto, remittas

adverbii; de infinito tempore, ut sit *interdum*: hoc nostro loco, tum Virg. Aen. II, 367. Georg. IV, 261; de futuro tempore: Hor. Sat. II, 2, 82. Virg. Aen. VI, 877; de praeterito saepissime. — *cithara*] Sic scribendum ex optimis codicibus, non *citharae*. cf. Carm. IV, 15, 1 sq. Gratiissima haec imago, qua Apollo pulsa lyra Musam ad canendum excitat. Quam voluerit Horatius Musam, supervacaneum est quaerere; sed ne dubites, vide quid legatur A. P. 406. Ad rem legendus est Homerus, II. I, 43 sqq. et 601 sqq. — *atque*] Ne in ultimo loco versus posita particula offendaris, vide Carm. III, 11, 18. Epist. I, 18, 41. — *idem*] cf. supra v. 16. vide Zumpt. gramm. §. 697. — *vento nimium secundo*] quoniam navicula eo potest agi, ubi vadis et scopulis circumdata et summis periculis opposita est. Haec autem velorum contrahendorum imago latinis poetis est usitatissima.

Carmen XI.

„Dum quae remota sunt spectas, cave ne proxima perdas; dum futura curas, ne praesenti vitae usu priveris; omnino noli quod tuum non est quaerendo laud necessarios tibi parare labores, immo quos tua tibi obiecit sors eos tu sapienter imminuere stude ac lenire.“ Medium carmen (vv. 11. 12) summam sententiam aperit. Ab initio quieto et tranquillo surgit sensim oratio usque ad medium carmen; inde interrogationes et omnis dicendi natura calidiorem animum produunt, qui non contentus quam vera sint illa praecepta intellexisse et proposuisse statim usum eorum et fructum cupidissime petit. Quis vero fuerit Quintius Hirpinus nescimus; eundem hunc esse ad quem est Epistola I, 16 alii aiunt alii negant. Quo fere tempore carmen sit scriptum, eius vestigia latent in Cantabrorum et Scytharum commemoratione et causis Horatii capillis (cf. v. 15 et Vit. Hor. p. 16 not. 63); utraque res annos ostendit 728—730.

V. 1. *Cantaber et Scythes*] Cantabri occidenti, Scythae orienti soli subiecti, a media Italia longissime remoti. — *Hirpine Quinti*] inverso nominum ordine, ut Carm. II, 2, 3. — *Hadria divisus obiecto*] Haec ad Scythas solos sunt apta; quo tamen alterum mare obstare Cantabris haud difficulter intelligitur. — *remittas*] Compositum verbum pro simplici positum, ut aiunt; sed non temere id factum est. Sic enim quae

Quaerere nec trepides in usum

5 Poscentis aevi pauca. Fugit retro

Levis iuventas et decor arida

Pellente lascivos amores

Canitie facilemque somnum.

Non semper idem floribus est honor

10 Vernis neque uno Luna rubens nitet

Vultu: quid aeternis minorem

Consiliis animum fatigas?

Cur non sub alta vel platano vel hac

Pinu iacentes sic temere et rosa

15 Canos odorati capillos,

Dum licet, Assyriaque nardo

Potamus uncti? Dissipat Evius

animo sunt oculis quasi subiiciuntur, et lumen aliquod accedit orationi. Inde frequens eius particulae *re* apud Horatium usus. — *nec trepides*] Carm. I, 9, 15. I, 11, 3. Cetera sic inter se excipiunt: „nec trepides aevi pauca in usum poscentis“. Nam quam alii voluerunt (Orellius) verborum compositionem „nec trepides in usum aevi pauca poscentis“, ea ut sine exemplo est, ita pedestrem orationem vehementer sapit. Contra in his *trepidare alicuius rei* nihil est quo offendaris magis quam iis quae supra posita sunt ad Carm. II, 9, 17. — *aevi*] cf. ad Carm. II, 2, 5. — *levis*] Carm. I, 2, 38. Iuvenile corpus imprimis molle est ac tenerum, senile aridum et siccum: quae quam sint opposita poeta artificiose indicavit ita, ut alterum in fronte alterum in fine versus poneret. — *facilemque somnum*] qui facile obrepit nec vigilis interruptitur. Sic Carm. III, 21, 4; quocum conferas Carm. II, 16, 15.

V. 9. Sed nihil est quod perpetuum sit aut vicissitudini non obiectum; quid tuus animus aeternitatem quaerit rerum cui par esse nequit? — *rubens nitet*] Haec separanda non sunt, nam varia Lunae est species. — *Quid aeternis*] Constructio ἀπὸ τοῦ αἰῶνος, frequentissima apud Horatium; *aeternis consiliis fatigas et aet. cons. minorem*. — *vel hac*] prima quaque quae offertur, quam videre iam sibi videtur poeta. Platanus autem et pinus nominantur propter densam et amplam quae earum ramis diffunditur umbram. — *sic temere*] Illis verbis eadem negligentia exprimitur quae illo pronomine *hac*; ut fors tulerit, dum nil paramus, nil curamus; Graeci οὐτως. — *rosa*] sertis roseis. De singulari numero vide ad Carm. I, 5, 1. — *dum licet*] cf. ad Carm. II, 3, 15. — *Assyriaque nardo*] vide ad Carm. II, 7, 7, nam Assyria est Syria, unde Romam advehebantur aromata illa pretiosissima. De nardo locus est gravissimus apud Plinium H. N. XIII, 3: „Haec est materia luxus e cunctis maxime supervacui. Margaritae enim gemmaeque ad heredem tamen transeunt, vestes prorogant tempus: unguenta illico expirant ac suis moriuntur horis. Summa commendatio eorum, ut transeunte femina odor invitet etiam aliud agentes. Exceduntque quadragenos denarios librae. Tanti emitur voluptas aliena.“

Curas edaces. Quis puer ocius
 Restinguet ardentis Falerni
 20 Pocula praetereunte lympa?
 Quis devium scortum eliciet domo
 Lyden? Eburna dic age cum lyra
 Maturet in comptum Lacacnae
 More comas religata nodum.

Carmen XII.

Nolis longa ferae bella Numantiae
 Nec durum Hannibalem nec Siculum mare

V. 17. *curas edaces*] Carm. I, 18, 4. — *puer*] servus, minister. — *restinguet*] temperabit; sed est verbum ad ardorem nobilissimi Falerni propius. — *devium*] habitans in devia domo, non vulgare. — *in comptum Lac.*] Ordo verborum est: comas religata in comptum nodum more Lacacnae, i. e. capillis Lacacnarum more in simplicem nodum religatis. Non opus est ornare eam splendide capillos, sed veniat „simplex munditiis.“ cf. Carm. III, 14, 17—24. De graecarum mulierum ornatu capilli vide ad Carm. I, 33, 5.

Carmen XII.

Et re et consilio hoc carmen comparari potest cum sexto primi libri. Nam dum ostenditur, gravibus rebus, bellis et heroum praeclaris facinoribus non aptam esse lyram, Caesaris autem res gestas melius ab ipso Maecenate pedestri oratione describi posse quam a poeta tantae materiae handquaquam pari, promittit Horatius sua carmina Maecenati non defutura, sed celebratura esse venustatem Licymniae (uxoris Maecenatis) et gratas rixas amantium. — Septem stropharum media (v. 13—17) quasi totius carminis fastigium est. In ceteris quoque strophis raram artem admiramur; nam cum bella militum et virtutes Caesaris in priore parte virtutibus Licymniae et bellis puellarum per chiasmi figuram opponantur, orbis quasi a bello ad bellum describitur; deinde uti a bellis per mythica facta ad Caesarem per tres strophas ascenditur, sic a Licymniae laudibus per mythicos Achaemenem et Mygdonem totidem descenditur ad muliebria bella. Scriptum videtur carmen, quantum quidem conicere licet ex nomine *Caesaris* (v. 10), ante annum 727.

V 2. *durum*] Sic in optimis, ut videtur, codicibus et editionibus; et recte quidem, nam durus Hannibal handquaquam invenustam oppositionem efficit v. *mollibus*, sed quaesitam et gratam. Deinde *dirus*, quod hic quoque alii libri praebent, aliis locis magis aptus est quam huic, ut Carm. IV, 4, 42, ubi omnes Orelliani codices, in quibus hic est *durus*, alterum *dirus* concordare tenent. Sequamur igitur codices tertio quoque loco, Carm. III, 6, 36 *dirum* lectionem sua auctoritate iuvantes. Neque huic rationi desunt veteres editiones. Hic (III, 6, 36) igitur est locus quem significasse videtur Quintil. VIII, 2, 9: „Quo nihil inveniri

Poenno purpureum sanguine mollibus
Aptari citharae modis

5 Nec saevos Lapithas et nimium mero
Hylaeum domitosque Herculea manu
Telluris iuvenes, unde periculum
Fulgens contremuit domus

Saturni veteris; tuque pedestribus
10 Dices historiis proelia Caesaris,
Maecenas, melius ductaque per vias
Regum colla minacium.

Me dulcis dominae Musa Licymniae

possit significantius; ut Horatius *acrem tibiam, Hannibalemque dirum.* — *Siculum mare etc.*] In his poeta significat Duilium eiusque victoriam navalem. Eadem tangitur Carm. III, 6, 34 iisdem prope verbis.

V. 5 sqq. *Lapithas*] cf. ad Carm. I, 18, 8sq. Duo asseruntur exempla, Centauromachia et Gigantomachia; quae cum non opponantur inter se, nihil mutandum videtur. Alii contra codd. *domitosve*. De Hylaeo cf. Virg. Georg. II, 456. Ovid. Met. XII, 378. — *Herculea manu*] Iuppiter enim ad certamen contra Gigantes Herculem socium sibi assumpsit. *Telluris iuvenes* graece sunt *γῆγενεῖς*. — *unde*] De persona hoc dictum, ut graecum *ἐθεν*. Cuius rei exempla haec apud Horatium: Carm. I, 12, 17. I, 28, 28. III, 11, 38. Sat. I, 2, 58. 78. II, 6, 21. Deinde verba *unde periculum* ita dicta sunt, ut in oratione participium aliquod desideretur, veluti *motum*. Quamquam apud optimos etiam scriptores pedestres ea nominum per praepositiones coniunctio haud ita rara est ut vulgo creditur; nam dicitur latine: homo de plebe, bellum a Volscis, ex sermone rumor, versus de Philocteta; quae omnia huic Horatiano simillima sunt. — *contremuit*] quod verbum cum intransitivum sit, tamen cum accusativo coniunctum est. Sic Virg. Aen. III, 648.

V. 9. *tuque*] Noli credere hanc particulam *que* alteri (v. 11) respondere. Habet enim haec opponendi facultatem post negans verbum et est utique referenda ad v. 1. *nolis*; qua re duplex oritur oppositio, inter Horatium Maecenatemque et inter carmina pedestremque orationem. Alia eius facultatis quam inesse dixi in particula *que* exempla vide haec: Carm. I, 2, 45. I, 27, 16. II, 20, 4. IV, 15, 25. — *pedestribus*] Inter scriptores qui supersunt Horatius primus hoc v. usus esse dicitur ad Graecorum imitationem, *πεδῶς λόγος*. Ut haec ab Horatio ita scripta sunt, ut voluisse certe Maecenatem Augusti res gestas scribere videas, sic aliunde etiam fecisse eum satis probatur. — *ductaque*] *que* part. coniungit victorias et triumphos. — *per vias*] quas sequi solebat pompa triumphalis a Campo Martio per portam triumphalem et sacram viam ad aedem Iovis optimi maximi in Capitolio. cf. Carm. IV, 2, 35. Epod. 7, 7 sq. — *regum colla*] Pro regibus eam corporis partem bene posuit quae in hoc periculo praecipue agebatur; quippe colla captivorum ducum catenis onerata erant, mox secabantur vel laqueo frangebantur. — *minacium*] Illoc aptius ad rem quam quod in aliis legitur codicibus *minantium*. cf. IV, 3, 8. Epist. II, 1, 191.

V. 13. *Licymniae*] Veri est simillimum Licymniam esse Terentiam,

Cantus, me voluit dicere lucidum

15 Fulgentes oculos et bene mutuis

Fidum pectus amoribus;

Quam nec ferre pedem dedecuit choris

Nec certare ioco nec dare brachia

Ludentem nitidis virginibus sacro

20 Dianae celebris die.

Num tu quae tenuit dives Achaemenes

Aut pinguis Phrygiae Mygdonias opes

Permutare velis crine Licymniae,

Plenas aut Arabum domos,

25 Dum flagrantia detorquet ad oscula

Cervicem, aut facili saevitia negat

Quae poscente magis gaudeat eripi,

Interdum rapere occupet?

Maecenatis uxorem admodum adolescentem. Poetae Latini cum vero nomini fictum subiicerent, eam legem observarunt, ut formam nominis quam accuratissime redderent syllabarum et numero et natura. Sunt tamen qui Licymniam amicam aut Horatii aut Maecenatis esse putent. — *lucidum fulgentes*] In eiusmodi elocutionibus (cf. Carm. I, 22, 23. II, 19, 6. III, 3, 17. III, 27, 67. Sat. I, 8, 41.) neutra adiectivorum genera usurpantur, si non solum qualis res sit indicandum est, sed proditur simul quid ipsa re quasi efficiatur. Sic h. l. oculi tantopere fulgent ut lucere videantur. — *bene*] i. e. plane. Sic Sat. I, 3, 61. Cic. Tusc. II, 19. — *dedecuit*] De perfecto vide ad Carm. I, 1, 4. — *Dianae celebris die*] Dianae dies festus erat Idibus Augusti, quo die choros ducere non licuit nisi ingenuis virginibus. cf. ad Carm. IV, 6, 31.

V. 21. *Achaemenes*] primus dicitur fuisse Persarum rex; unde Achaemenidarum gens originem duxit. — *Mygdonias*] Phrygia magna a Mygdone Mygdonia appellata est. cf. Hom. II. III, 185. Hor. Carm. III, 16, 41. — *permutare*] vide ad Carm. I, 17, 1. — *crine*] pro crinibus. In quibus cum haud exigua pars pulchritudinis cernatur, poetice omnis venustas corporis assumitur. — *Arabum*] cf. Carm. I, 29, 1. — *detorquet*] de caesura vide ad Carm. I, 18, 16. — *poscente magis*] In eo quidem conspicitur Licymniae facilis saevitia, quod oscula negat, quantumvis si sibi eripiantur maiorem ex iis percipiat voluptatem quam coniux, qui frustra poposcit. Scilicet ante negata sua sponte offert. Unde facile perspicitur v. 28 *occupet*, non *occupat* esse legendum. — *occupet*] Cum infinitivo hoc verbum coniunctum, ut Graecum *φθάνειν*. cf. Hor. Epist. I, 6, 32. I, 7, 66. Liv. I, 30. I, 14. Ceterum in asyndeto inest quaedam gradatio.

Carmen XIII.

Ille et nefasto te posuit die,
 Quicumque primum, et sacrilega manu
 Produxit, arbos, in nepotum
 Perniciem opprobriumque pagi;
 5 Illum et parentis crediderim sui
 Fregisse cervicem et penetralia
 Sparsisse nocturno cruore
 Hospitis; ille venena Colcha
 Et quidquid usquam concipitur nefas

Carmen XIII.

Olim cum Horatius in agro suo Sabino ambularet vel in prato sederet, cadente arbore paene oppressus est. Qua pietate erat, in hac etiam re non incertum casum sed divinam manum vidit; quare quid tunc sensisset praeclaro hoc carmine explicavit. Summa carminis sententia cernitur in praestantia poesis, quae, cum hominibus omnibus incerta fata immineant, id tamen habet consolationis, ut qui eam colant etiam apud inferos magna se fructuros laude et veneratione sciant. Quod quomodo in duas partes dilabatur, vides; alteram de caecis humani generis fatis ab initio usque ad medium versum (v. 20), alteram de consolatione poeticae facultatis a medio usque ad ultimum versum descripsit Horatius. Utramque partem ex calamitate, qua paene est oppressus, ut ex communi quasi fonte ducit (v. 1. 21). — Ex reliquis locis, quibus periculi illius mentio fit, satis probabiliter intelligi potest, quoniam id anno factum videatur. cf. Carm. II, 17. III, 4. III, 8. Hoc enim carmine (III, 8) invitat Maecenatem ut ad se veniat Kalendis Martiis; quo ipso die anni superioris cadente arbore paene exstinctus sit. Ex rerum autem quas ibi intexit commemoratione clarum esse videtur, scriptum illud esse a. 729. Nam primum Cantabri et Astures hoc anno *denuo* domabantur; deinde eodem anno Parthorum bella civilia aptissime potuit tangere; tum veri simile est, Maecenatem eo anno urbi praefectum fuisse; Daci denique a M. Crasso iam a. 725 ita erant victi, ut triumphum is deportaret. Quae cum ita sese habere videantur, efficitur carmen III, 8 paulo ante Kalendas Martias 729 scriptum esse, arboris casum Kal. Mart. a. 728 accidisse, eodem anno Maecenatem vehementer aegrotasse (Carm. II, 17, 22), et hoc de quo nunc agimus carmen ipsis Kalendis Martiis a. 728 fuisse compositum.

V. 1. Exsecratio arboris et eius qui eam plantavit per tres strophas continuatur; cuius demonstrativa pars ipsa tripartita tribus pronomini-
 bus *ille* indicatur, relativa additur v. 10; quattuor singulae partes iterum in duas dividuntur; ut hunc habeamus ordinem verborum: *ille*, quicumque primum te posuit, *et nefasto die te posuit et sacrilega manu produxit*, *ille* tam nefarius haud dubie fuit, ut *et parenti et hospiti*, quibus sanctius nihil est, manum inferre non dubitaverit, etiam eo progressus est malitiae, ut *et venena tractare et quaecunque nefanda sunt perpetrare ausus sit ille*, qui *te*, triste lignum, quod casurum eras in domini caput immerentis, meo agro statuit. — *venena Colcha*] quibus

10 Tractavit, agro qui statuit meo
Te, triste lignum, te caducum
In domini caput immerentis.

Quid quisque vitet, nunquam homini satis
Cautum est in horas: navita Bosporum

15 Poenus perhorrescit neque, ultra;
Caeca timet aliunde fata,

Miles sagittas et celerem fugam
Parthi, catenas Parthus et Italum
Robur; sed improvisa leti

20 Vis rapuit rapietque gentes.

Quam paene furvae regna Proserpinae
Et iudicantem vidimus Aeacum
Sedesque discretas porum et
Aeoliis fidibus querentem

25 Sappho puellis de popularibus

usa olim est Medea venefica. Epod. 17, 35. — *caducum*] casurum. Virg. Aen. X, 622. Ovid. Met. IX, 651.

V. 13. Talia, inquit Horatius, cum facta sunt, docemur quam hominibus nihil sit certum, nihil securum; undique pericula obstant, et maxime unde non metuuntur. — *in horas*] Nam quaque hora unde periculum impendeat nesciunt. Generalis sententia per duas strophas ducta tribus interpositis exemplis (navita, miles, Parthus) distrahitur, sed ut verborum et partium oppositio per chiasmum nihil impediatur (nunquam — rapuit rapietque; cautum est — improvisa). — *Bosporum*] aestuosum fretum Byzantinum. cf. Carm. III, 4, 30. — *navita Poenus*] Phoenices significantur, non Karthaginienses; illi autem navigatione et mercatura nobiles. — *timet*] Ultima syllaba caesura et arsi producitur; quapropter non opus est coniectura *timetque*. cf. Carm. II, 6, 14. — *sagittas et celerem fugam*] Parthi fugientes in insequentes hostes sagittas tendunt, fugientes magis metuuntur quam impetum facientes. cf. Virg. Georg. III, 31. Quare idem Horatius duobus nominibus quod Statius Silv. I, 4, 78 uno „arcuque horrenda fugaci Armenia“. — *Italum robur*] Adiectivum Italum non minus ad catenas referendum; de quo vide ad Carm. II, 6, 21; *robur* i. e. carcer roboreus (Sall. Cat. 55); proprio compedes roborei et trunci, cui alligati captivi. — *rapuit rapietque*] Hoc satis usitatum est Latinis scriptoribus, non poetis solis, ut cum fieri aliquid quovis et continuo tempore dicendum sit, verbi tempora praeteritum vel praesens et futurum coniungantur. Sic apud Horatium Carm. IV, 2, 38. Epist. I, 2, 43. Virg. Aen. VI, 617. Liv. XXV, 38. Plin. Epist. II, 1 „vivit vivetque“, Vell. Patere. II, 66 „vivit vivetque.“ Liv. IX, 19. Lucil. apud Quintil. I, 6, 8 „fervit aqua et fervet; fervit nunc, fervet ad annum.“

V. 21. *furvae*] atrae; vocabulum illud antiquum et sublime. Apud inferos autem omnia atra. — *Sappho*] De accusativi forma vide Zumptii

Et te sonantem plenius aureo ,
 Alcaeae , plectro dura navis ,
 Dura fugae mala , dura belli.

Utrumque sacro digna silentio
 30 Mirantur umbrae dicere ; sed magis
 Pugnas et exactos tyrannos
 Densum humeris bibit aure vulgus.

Quid mirum , ubi illis carminibus stupens
 Demittit atras belua centiceps
 35 Aures et intorti capillis
 Eumenidum recreantur angues ?

Quin et Prometheus et Pelopis parens
 Dulci laborum decipitur sono ,

gramm. §. 70. Fuit autem Sappho Lesbica, Aeolia. cf. Carm. IV, 9, 12. — *puellis*] quod amori suo nollent obtemperare. — *plenius*] ob maiorem argumentorum dignitatem et gravitatem Alcaeae; cuius quae fuerint argumenta, vides apud Horatium. cf. Carm. I, 32, 5. — *plectro*] vide ad Carm. II, 1, 40. De Alcaeae Quintilianus X, 1, 63: „Alcaeae in parte operis *aureo plectro* merito donatur, qua tyrannos insectatus multum etiam moribus confert: in eloquendo quoque brevis et magnificus et diligens et plerumque Homero similis: sed in lusus et amores descendit, maioribus tamen aptior.“ — *sacro silentio*] Sacra silentio agebantur; poetarum cantus eodem quo sacra silentio digni. In ceteris graecae coniunge: mirantur dicere pro *admirantur cum dicant*. Brevitas in eloquendo poetis aptior. — *bibit aure]* de cupiditate audiendi ne quod verbum perdat. Sic Ovid. Trist. III, 5, 14: „auribus illa bibi.“

V. 33. *Quid mirum, ubi*] Umbras virtute poetarum delectari non mirandum est, cum beluae ipsae carminum blanditiis mulceantur. — *demittit aures*] Cerberus perpetua vigilantia aures arrectas habet; carmina efficiunt ut quid sit suum paulisper oblitus aures demittat. Sic quae angues in Eumenidum capillis perpetuo motu aguntur, ne unquam mala sceleratorum conscientia placetur, eae etiam dulcedine cantus *recreantur* i. e. desistunt a movendo et stimulando; qua re indicatur, etiam malos paulisper criminum et poenarum oblivisci et recreari. Simillimus locus est Hor. Carm. III, 11, 17—24. Sic haec cum insequenti Promethei et Tantalii exemplis facillime congruunt. — *laborum decipitur*] Graecae haec coniuncta sunt ad similitudinem verborum obliviscendi et cessandi; ea enim inest huic verbo generalis notio: sua sponte oblivisci ut qui obliviscatur ipse vix sentiat, cf. ad Carm. II, 9, 17. — *Orion*] magnus dum vixit venator. Solent autem umbrae quae in vita erant studia apud inferos persequi. Sic Hom. Od. XI, 571. cf. Virg. Aen. VI, 651 sqq. Ovid. Met. IV, 445. Hor. Carm. III, 4, 71. — *angues, lyncas*] Solent haec nomina feminino genere usurpari; non dubium tamen quin Horatius masculinum posuerit, quod Priscianus discrete ex h. l. affert. Optimi etiam codices masculinum genus tuentur.

Nec curat Orion leones

40

Aut timidos agitare lyncas.

Carmen XIV.

Eheu fugaces, Postume, Postume,

Labuntur anni nec pietas moram

Rugis et instanti senectae

Afferet indomitaeque morti;

5 Non, si trecentis quotquot eunt dies,

Amice, places illacrimabilem

Plutona tauris, qui ter amplum

Geryonen Tityonque tristi

Carmen XIV.

Quis Postumus fuerit, ad quem hoc carmen Horatius scripsit, nescimus. Hoc autem tenendum est, neque illud nomen neque frequentem in carmine alteram personam impedire quominus communem locum ex Horatiana philosophia saepe celebratum hunc putemus. Conqueritur poeta de brevitate vitae, de necessitate moriendi, de inanitate inferorum. Omnia tamen a solita animi hilaritate, quae in eiusmodi argumentis ubique fere proditur, magnopere recedunt; contra tristitiam quandam sapiunt, quam semper ab animo suo excludere ne huic quidem homini contigit. — Media strophæ huius quoque carminis ostendit caput, quod sic illustratum videbis: Neque innocentia vitae (1—4) neque sacrorum multitudine a communi humani generis sorte te vindicabis (4—12); nam aliqua ratione mors obeunda est (13—16). Ad inferos deducimur (17—20), relinquimus omnia quaecunque in hac terra cara habemus (21—24), iisque potentur post nostrum discessum heredes carissima nobis quaeque profundentes (25—28). — Quonam anno haec poeta scripserit dici nequit.

V. 1. Quo animo fuerit poeta cum haec scriberet, prima statim querula prodit vocula *eheu*; neque aliena ab hoc animo anadiplosis est *Postume, Postume*. — *labuntur*] ut ipsi vix sentiamus, imagine de labentibus aquis quarum motum oculorum acie vix cernas petita. Iisdem prope verbis Ovidius Fast. VI. 771: „Tempora labuntur tacitisque senescimus annis.“ — *rugis*] Illic iterum velim animadvertas tres partes particulis *et, que* coniunctas. — *quotquot eunt dies*] poetice pro *quotidie*. *Ire* autem de temporum aequabili motu frequens verbum. Carm. IV, 5, 7. Epist. II, 2, 55. — *places*] Coniunctivus in sententia hypothetica ita positus, ut quid possit fieri summumque cogitetur ostendatur; graece optativus sic ponitur, etiamsi in apodosi indicativus modus est. — *illacrimabilem*] cf. Carm. II, 3, 24. — *ter amplum*] Ad comparisonem hoc epitheton factum; nam cum ter amplus Geryon domatur, quomodo nos effugiemus? Geryon, Chrysaoris et Calirrhoës filius, ingentis magnitudinis monstrum, ab Hercule olim superatus; qui ut a Graecis τριζώνης, τριζώνιος sic latine ab Horatio *ter amplus*, ab aliis *ter geminus*, tricornis, tripectus appellatur. — *Tityon*] vid. Hom. Od. XI, 576.

① MIGHTY-MOUTHE'D . . . VENTOR OF HARMONIES

② SKILLED TO SING OF THE CR. CRIMINAL

③ GOD-GIFTED CRIMINAL VANDERBILT

MILTONA NAME TO REMIND FOR PLACES;

Compescit unda, scilicet omnibus
 10 Quicunque terrae munere vescimur
 Enaviganda, sive reges
 Sive inopes erimus coloni.

Frustra cruento Marte carebimus
 Fractisque rauci fluctibus Hadriae,
 15 Frustra per auctumnos nocentem
 Corporibus metuemus Austrum:

Visendus ater flumine languido
 Cocytos errans et Danaï genus
 Infame damnatusque longi
 20 Sisyphus Aeolides laboris.

Linquenda tellus et domus et placens
 Uxor, neque harum quas colis arborum
 Te praeter invisas cupressos
 Ulla brevem dominum sequetur.

25 Absumet heres Caecuba dignior

cf. Virg. Aen. VI, 595. Is Terrae fuit filius. Hor. Carm. III, 4, 77. III, 11, 21. IV, 6, 2. — *terrae munere*] In hac mortalitatis significatione imitatus est poeta Homerum, quem vide Il. VI, 142. XIII, 322. Od. VIII, 222. — *enaviganda*] Hoc verbum cum proprie sit navigando exire, haud ita diversam h. l. sententiam habet: navigando traicere.

V. 13. Frustra homines consilio et prudentia mortem vitare student; obeunda semel ea est. Illud autem studium duplex est, aut cum quaecunque vitae subita parant pericula iis abstinemus (Mars — fluctus Hadriae), aut cum cavemus ne malo coelo et febribus sanitas corporis perdat (v. 15. 16). Sic poeta coniunxit quaecunque extra nos posita infestum impetum quasi faciunt in sanitatem et vitam; reliqua quae sunt in nobismet ipsis, quibus ipsi mortem acceleramus non poluit commemorare; scilicet haec saepe sunt, propter quae illis frustra caremus. — *fractisque*] Scopulis franguntur fluctus, inde raucus fragor. Vide tamen quam egregie etiam verborum sonum ad rerum duritiam composuerit Horatius. — *corporibus*] Dativus obnoxius est potestati utriusque vicini verbi. — *flum. lang. errans*] languide fluens. Compara de Cocyto Virg. Georg. IV, 478. Aen. VI, 132. — *Danaï genus*] cf. Carm. III, 11, 22 sq. — *Sisyphus*] Hom. Od. XI, 592. — *damnatus longi laboris*] Qui genitivi casus natura quae sit perspexerit, eum haec non offendunt. Nam *damnare* cum haud procul absit ab *aestimando*, nisi quod illud poenam, hoc pretium habet, nihil est quod quominus illud quoque genitivum quasi pretii adsciscat possit impedire.

V. 21. *Linquenda*] cf. Carm. II, 3, 17. — *cupressos*] quae *invisae* dicuntur quia *funebres* sunt, Epod. 5, 17, et *ferales*, Virg. Aen. VI, 216. Cupressus enim Plutoni sacra ante domum funestam, circa rogam, ad sepulcrum ponebatur. — *brevem*] cf. Carm. II, 3, 13. — *dignior*] sc.

Servata centum clavibus et mero
 Tinget pavimentum superbo ,
 Pontificum potiore coenis.

Carmen XV.

Iam pauca aratro iugera regiae
 Moles relinquent, undique latius
 Extenta visentur Lucrino
 Stagna lacu platanusque caelebs

5 Evincet ulmos. Tum violaria et
 Myrtus et omnis copia narium

quam tu. Sed inest tristes quaedam et acerba ironia in hoc epitheto, cum ipse bene viderit, quo remedio haec vitae brevitatis optime possit sanari. — *superbo*] Sic ex optimis codicibus scribendum. Reliquae lectiones *superbum*, *superbus*, *superbis* merae sunt coniecturae eorum qui vino duplex epitheton (*superbo* — *potiore*) inviderent. Sed confer supra v. 18. Cocytum, tum lupam Carm. III, 27, 2. — *Pontificum pot. coenis*] *potiore* quam esse solet in lautis pontificum epulis; quae in proverbium videntur abiisse. Neque aliter positae sunt Carm. I, 37, 2 *Saliare dapes*.

Carmen XV.

Continet hoc carmen iudicium Horatii de nimia suae aetatis privata luxuria, publica parsimonia. Nam cum privati homines amplissima aedificia exstruerent, cum tam fastidiosi essent Romani ut naturam locorum spernentes terram vellent ubi esset mare, mare ubi esset terra, cum tota Italia luxui et mollietati serviret neque rari agri satis frumenti ederent, tum tanta eorundem hominum in publicis aedificiis erat parsimonia, ut deorum templa a maioribus magnifice erecta aut vetustate corruerent aut incendiis vastata iacerent. Sic iam Cicero pro Flacco 12: „Haec ratio ac magnitudo animi in maioribus nostris fuit, ut cum in privatis rebus suisque sumptibus minimo contenti tenuissimo cultu viverent, in imperio atque in publica dignitate omnia ad gloriam splendoremque revocarent.“ — De anno huius carminis natali consentiens prope virorum doctorum sententia est; a. 726 scriptum existimant, quoniam eo anno Octavianus censuram agens templa vetustate collapsa aut incendiis deleta refecit eaque splendide ornavit; quam rem ultima strophæ ab Horatio putant tangi.

V. 2. *moles*] de magnis aedificiis; cf. Carm. III, 29, 10. — *regiae*] Regium quod regis, regale quod rege dignum est. Apud poetas tamen et eos scriptores qui post Augusti erant aetatem *regius* adiect. alterius locum occupavit. — *stagna*] ingentes piscinae, in quibus potuit navigari. — *platanus caelebs*] grata ea quidem, non utilis. Cui *caelebs* appelleretur ulmorum ostendit oppositio; ulmi vitibus maritantur, non platani. Quas quam insane coluerint Romani, elucet exemplo Hortensii oratoris, qui platano quam in Tusculano villa posuerat vinum ipse suffudit. — *copia narium*] Est figura metonymiae, qua nares dicuntur

Spargent olivetis odorem
Fertilibus domino priori;

Tum spissa ramis laurea fervidos
10 Excludet ictus. Non ita Romuli
Praescriptum et intonsi Catonis
Auspiciis veterumque norma.

Privatus illis census erat brevis,
Commune magnum; nulla decempedis
15 Metata privatis opacam
Porticus excipiebat Arceton,

Nec fortuitum spernere cespitem
Leges sinebant, oppida publico
Sumptu iubentes et deorum
20 Templa novo decorare saxo.

earum rerum loco, quibus nares delectantur. Sic Aelian. V. II. III, 1 : καὶ ἐστὶν ὁ φθάλμιος πανήγυρις. — *olivetis*] Est ablativus loci; ubi olim oliveta erant, ibi nunc violaria sunt.

V. 10. *ictus*] Adiectivis *spissa*, *fervidos* cautum satis est, ne quis *ictus*, qui solis sunt, perperam intelligeret. Quare substituenda non est nonnullorum codicum ex glossa orta lectio *aestus*. Quibusdam lauri generibus opere topiario umbracula et tecta ambulacra formabantur; nam magna in formandis arboribus a naturaque revocandis ars fuit Romanorum. — *intonsi*] Catonis Censorini; anno demum 454 u. c. tonsores ex Sicilia Romam venerunt. — *auspiciis*] Auspicium summorum belli pacisque magistratum ius fuit deos interrogandi; id quod antequam publice aliquid ageretur semper fiebat. Quare qui auspicia habebant, in agendo praebant suoque quasi exemplo reliquos trahebant. Inde factum ut *auspicia* idem prope significarent quod exemplar, cuius vestigia premerentur.

V. 13. *census*] cf. Sat. II, 3, 324. Epist. I, 1, 43. I, 7, 56. — *commune*] ut graecum τὸ κοινόν, respublica, aerarium. — *metata*] passive. cf. Sat. II, 2, 114. — *porticus*] Privatis quoque domibus additae porticus, ad septentriones spectantes, in quibus per aestatem solis radiis non expositi ambularent; aliae etiam meridiem spectabant, in quibus per hiemem apricaretur. — *fortuitum*] ubivis obvium. Notandum, eius vocabuli litteram i a poetis et produci et corripri, nisi forte is recte vidit, qui in paucis locis, quibus i littera corripitur videtur, per synaeresin trisyllabum illud esse vocabulum affirmavit. — *cespitem*] in quo prostrati cubarent homines. cf. Tibull. II, 5, 99 sq.: „At sibi quisque dapes et festas exstruet alte Cespitibus mensas cespitibusque torum“; alii minus recte de tuguriorum culminibus, ut apud Virg. Buc. 1, 68. — *oppida*] aedificia publica, muros et quae statim nominantur deorum templa. — *novo saxo*] nimirum si collapsa essent.

Carmen XVI.

Otium dīvos rogat in patenti
 Prensus Aegaeο, simul atra nubes
 Condidit lunam neque certa fulgent
 Sidera nautis;

5 Otium bello furiosa Thrace,
 Otium Medi pharetra decori,
 Gropshe, non gemmis neque purpura ve-
 nale neque auro.

Non enim gazae neque consularis

Carmen XVI.

Omnes homines otium et securitatem vitae quaerunt, sed ubi non inveniunt, extra se ipsos (v. 1—7); verum autem otium neque summis honoribus neque divitiis paratur (7—12), sed in mediocritate et moderatione animi a cupiditatibus vacui (13—16). Quare quid beatam vitam aliunde quaerimus, cum in nobismet ipsis posita sit (17—20)? Nam in animis nostris si quae insunt culpae et curae, eas ubique nobiscum feremus (21—24). Quamobrem cum ne summae quidem divitiae otium possint gignere, quid his curis laboramus? Cur non quae adsunt gaudia iis fruimur, quae mala, iis patientia et risu medicinam quandam adhibemus? Nam in vita hominum omnia non possunt ex voto cedere (25—28); sed quae huic fata dederunt, illi negarunt. Quod quam verum sit exemplis illustratur. Sic procedit sententiarum series; summam autem carminis sententiam invenies in medio versu. — Scriptum est carmen ad Pompeium Grosphum, equitem Romanum Siciliensem, de quo Epist. I, 12, 22. Quo anno haec Horatius scripserit nequit dici, nisi quod ex v. 37 intelligis habuisse poetam tunc Sabinum praedium.

V. 1. *Otium*] Huius vocabuli notio cum latissima sit, quid singulis locis significet ex sententiarum omni et coniunctione et discrepantia quasi eruatur oportet. Nam cum eum vitae statum indicet, quo quid faciamus quid non faciamus in nostro omnino iudicio vel arbitrio positum est, quo nullis ne minimis quidem curis aut animi aut corporis vel trahimur ad certam rem vel distrahimur, contrarium hoc vocabulum est negotiis et privatis et publicis, bello, motibus et naturae et animi, curis, perturbationibus. Quo magno notionis ambitu quam mirifice in hoc carmine Horatius usus sit nolo praetermittatur. Homines, inquit, otium quaerunt externum, neque illud consequuntur, quia internum animi otium neque cognoverunt neque petunt, quia cupiditatibus agitantur neque ipsos se infestissimos sibi adversarios esse sentiunt. Sic sensim a corporis otio ad animi transitur v. 7. — *Aegaeο*] Poetarum more non universum mare nominavit, sed exemplum satis celebratum. cf. Carm. III, 29, 63. — *certa sidera*] nam „ducunt instabiles sidera certa rates“ Tibull. I, 9, 10. — *Thrace*] Cum primum exemplum nautarum satis explicaverit, tum demum homines otium petere a diis cum in periculis versentur (cf. Carm. I, 1, 16—18), alterum et tertium simili ornatu facile carent. — *Medi*] Parthi. cf. Carm. I, 29, 4.

V. 9. *consularis lictor*] summi honores; hoc egregie dictum, quo-

10 **Summovet lictor miseros tumultus**
Mentis et Curas laqueata circum
Tecta volantes.

Vivitur parvo bene, cui paternum
Splendet in mensa tenui salinum

15 **Nec leves somnos timor aut cupido**
Sordidus aufert.

Quid brevi fortes iaculamur aevo
Multa? Quid terras alio calentes
Sole mutamus? Patriae quis exsul

20 **Se quoque fugit?**

Scandit aeratas vitiosa naves
Cura nec turmas equitum relinquit
Ociur cervis et agente nimbos
Ociur Euro.

niam homines quidem obstantes a lictoribus summoventur, minime curae in animo habitantes. — *laqueata tecta*] non totius domus, sed cubiculorum et tricliniorum; de quorum ornatu haec lege *Beckeri* (Gal-lus T. I. p. 98 sq.): „Die Decken (der Zimmer) wurden anfänglich nur durch über die Balken gelegte Bretter gebildet. Um ihnen indess ein zierlicheres Ansehen zu geben, machte man gleichsam einen Rost von Balken, so dass vertiefte Felder entstanden, lacus, lacunar, laquear. Diese Lacunarien erhielten mannigfachen Schmuck in Stucco, und wurden auch wie in Tempeln vergoldet und mit Elfenbein ausgelegt. Nach-her verkleidete man auch die Felder, und malte die Decke.“ cf. Cic. de legg. II, 1: „Magnificasque villas et pavimenta marmorea et laqueata tecta contemno.“ — *circum*] Tmesis — *Vivitur parvo bene, cui*] Ex dativo cui ad *vivitur* verbum eliciendum ei; deinde cui non magis ad *splendet* referendum quam ad *aufert*; id quod aperte ostenditur particula *nec*. Describitur autem is qui paucis quae habet est contentus. *Salino* enim et *tenui mensa* ea significantur quae necessaria sunt remoto omni luxu apparatus et condimentorum. cf. Sat. I, 3, 13. — *Splendet*] i. e. pretium habet; nam quod pretium habet quasi splendet, et quod splendet solet magni aestimari. cf. Carm. II, 2, 4. — *leves somnos*] vide ad Carm. II, 11, 8. — *timor aut cupido*] solent haec coniuncta esse cum magnis divitiis, timor ne auferantur opes, cupido vel cupiditas ut augeantur. — *Sordidus*] Cupido apud Horatium masculino semper genere: Carm. III, 16, 39. III, 24, 51. Sat. I, 1, 61. Epist. I, 1, 33. Ceterum vide ad Carm. I, 28. p. 83.

V. 17. *fortes*] i. e. omni virium contentione, qua ad colligendas res opus esse videtur, cum simus homines *δλιγοχρόνιοι* (brevi aevo). — *mutamus*] vide ad Carm. I, 17, 1. cf. II, 12, 23. III, 1, 47. Epod. 9, 28. Sat. II, 7, 109. Epist. I, 7, 36. — *patriae exsul*] Ovid. Met. IX, 409: „exsul mentisque domusque.“ cf. ibid. VI, 189; neque haec aliena sunt a vi et natura genitivi, praecipue graeci. — *se*] cum suis curis et cupiditatibus, quas secum habet ubique. Sic accedit insequens strophæ. — *aeratas naves*] Simillimus locus est Carm. III, 1, 37 sqq. cf. Sat.

25 Laetus in praesens animus quod ultra est
 Oderit curare et amara lento
 Temperet risu: nihil est ab omni
 Parte beatum.

Abstulit clarum cita mors Achillem,
 30 Longa Tithonum minuit senectus,
 Et mihi forsan, tibi quod negarit,
 Porriget hora.

Te greges centum Siculaeque circum
 Mugiant vaccae, tibi tollit hinnitum
 35 Apta quadrigis equa, te bis Afro
 Murice tinctae

Vestiunt lanae; mihi parva rura et
 Spiritum Graiae tenuem Camenae
 Parca non mendax dedit et malignum

40 Spernere vulgus.

II, 7, 111—115. Epist. I, 11, 27. I, 14, 15 sq. — *quod ultra est*] i. e. ultra praesens, futurum. — *oderit*] vide ad Carm. I, 1, 8. — *lento*] quieto (gleichgültig); quo risu sapiens ostendit se rebus adversis non perturbari. — *Achillem*] cui ancipite fato destinatum erat, ut vitam haberet aut brevem et nobilem aut longam et ignobilem; quare cum illam praetulisset, *μυρρὸδάδιος* factus est (Hom. II. I, 352. IX, 410 sqq.). — *Tithono*] Laomedontis filio, precibus Aurorae coniugis Iuppiter motus longissimam vitam dedit; ad quam cum oblita esset Aurora ut perpetua iuventus adderetur, Tithonus crescentibus annis tantopere exaruit (v. 30 *minuit*), ut in cicadam tandem misericordia Iovis mutaretur. cf. I, 28, 8. Quae exempla aptissima sunt ad ostendendum, non omnibus data omnia, aliis alia esse negata. Ab exemplis interposita universa sententia ad amici suamque rem transit. — *te*] Anaphora *te, tibi, te* praeclare facit, ut quam multa fato data sint Grospho videamus; ubi de se loquitur, semel *mihi* posuit. — *circum*] vide ad Carm. I, 2, 34. — *bis tinctae*] Becker Gall. T. II. p. 96: „Da die übrige Kleidung durchaus weiss sein musste, so liess man es wenigstens bei der lacerna (ein offener Mantel, der gewöhnlich wohl über der rechten Schulter durch eine fibula zusammengeheftet wurde) nicht an bunten Farben fehlen.“ ibid. p. 98: „Namentlich war auch hier der zweimal gefärbte Purpur, *δίβαφος*, als besonders kostbar beliebt, wiewohl sein Geruch so wenig angenehm war, dass Martial. IV, 4 unter einer Menge von foedis odoribus auch nennt: quod bis murice vellus inquinatum . . . Eine solche lacerna kam zuweilen, wie Martial. VIII, 10 erzählt, 10000 Sest. (2000 fr.).“ cf. Epod. 12, 21. Epist. II, 2, 181. — *tenuem*] subtilem et ingeniosum. — *non mendax*] cf. Carm. Saec. 25.

Carmen XIII.

Ille et nefasto te posuit die,
 Quicumque primum, et sacrilega manu
 Produxit, arbos, in nepotum
 Perniciem opprobriumque pagi;
 5 Illum et parentis crediderim sui
 Fregisse cervicem et penetralia
 Sparsisse nocturno cruore
 Hospitis; ille venena Colcha
 Et quidquid usquam concipitur nefas

Carmen XIII.

Olim cum Horatius in agro suo Sabino ambularet vel in prato sederet, cadente arbore paene oppressus est. Qua pietate erat, in hac etiam re non incertum casum sed divinam manum vidit; quare quid tunc sensisset praeclaro hoc carmine explicavit. Summa carminis sententia cernitur in praestantia poesis, quae, cum hominibus omnibus incerta fata immincant, id tamen habet consolationis, ut qui eam colant etiam apud inferos magna se fructuros laude et veneratione sciant. Quod quomodo in duas partes dilabatur, vides; alteram de caecis humani generis fatibus ab initio usque ad medium versum (v. 20), alteram de consolatione poeticae facultatis a medio usque ad ultimum versum descripsit Horatius. Utramque partem ex calamitate, qua paene est oppressus, ut ex communi quasi fonte ducit (v. 1. 21). — Ex reliquis locis, quibus periculi illius mentio fit, satis probabiliter intelligi potest, quoniam id anno factum videatur. cf. Carm. II, 17. III, 4. III, 8. Hoc enim carmine (III, 8) invitat Maecenatem ut ad se veniat kalendis Martiis; quo ipso die anni superioris cadente arbore paene exstinctus sit. Ex rerum autem quas ibi intexit commemoratione clarum esse videtur, scriptum illud esse a. 729. Nam primum Cantabri et Astures hoc anno *denuo* domabantur; deinde eodem anno Parthorum bella civilia aptissime potuit tangere; tum veri simile est, Maecenatem eo anno urbi praefectum fuisse; Daci denique a M. Crasso iam a. 725 ita erant victi, ut triumphum is deportaret. Quae cum ita sese habere videantur, efficitur carmen III, 8 paulo ante Kalendas Martias 729 scriptum esse, arboris casum Kal. Mart. a. 728 accidisse, eodem anno Maecenatem vehementer aegrotasse (Carm. II, 17, 22), et hoc de quo nunc agimus carmen ipsis Kalendis Martiis a. 728 fuisse compositum.

V. 1. Exsecratio arboris et eius qui eam plantavit per tres strophas continuatur; cuius demonstrativa pars ipsa tripartita tribus pronominiibus *ille* indicatur, relativa additur v. 10; quattuor singulae partes iterum in duas dividuntur; ut hunc habeamus ordinem verborum: *ille*, quicumque primum te posuit, *et nefasto die te posuit et sacrilega manu produxit*, *ille* tam nefarius haud dubie fuit, ut *et parenti et hospiti*, quibus sanctius nihil est, manum inferre non dubitaverit, etiam eo progressus est malitiae, ut *et venena tractare et quaecunque nefanda sunt perpetrare ausus sit ille*, qui *te*, triste lignum, quod casurum eras in domini caput immerentis, meo agro statuit. — *venena Colcha*] quibus

10 Tractavit, agro qui statuit meo
Te, triste lignum, te caducum
In domini caput immerentis.

Quid quisque vitet, nunquam homini satis
Cautum est in horas: navita Bosporum

15 Poenus perhorrescit neque, ultra
Caeca timet aliunde fata,

Miles sagittas et celerem fugam
Parthi, catenas Parthus et Italum
Robur; sed improvisa leti

20 Vis rapuit rapietque gentes.

Quam paene furvae regna Proserpinae
Et iudicantem vidimus Aeacum
Sedesque discretas piorum et
Aeoliis fidibus querentem

25 Sappho puellis de popularibus

usa olim est Medea venefica. Epod. 17, 35. — *caducum*] casurum. Virg. Aen. X, 622. Ovid. Met. IX, 651.

V. 13. Talia, inquit Horatius, cum facta sunt, docemur quam hominibus nihil sit certum, nihil securum; undique pericula obstant, et maxime unde non metuuntur. — *in horas*] Nam quaque hora unde periculum impendat nesciunt. Generalis sententia per duas strophas ducta tribus interpositis exemplis (nauta, miles, Parthus) distrahitur, sed ut verborum et partium oppositio per chiasmum nihil impediatur (nunquam — rapuit rapietque; cautum est — improvisa). — *Bosporum*] aestuosum fretum Byzantinum. cf. Carm. III, 4, 30. — *navita Poenus*] Phoenices significantur, non Karthaginienses; illi autem navigatione et mercatura nobiles. — *timet*] Ultima syllaba caesura et arsi producitur; quapropter non opus est coniectura *timetque*. cf. Carm. II, 6, 14. — *sagittas et celerem fugam*] Parthi fugientes in insequentes hostes sagittas tendunt, fugientes magis metuuntur quam impetum facientes. cf. Virg. Georg. III, 31. Quare idem Horatius duobus nominibus quod Statius Silv. I, 4, 78 uno „arcuque horrenda fugaci Armenia“. — *Italum robur*] Adiectivum Italum non minus ad catenas referendum; de quo vide ad Carm. II, 6, 21; *robur* i. e. carcer roboreus (Sall. Cat. 55); proprie compedes roborei et trunci, cui alligati captivi. — *rapuit rapietque*] Hoc satis usitatum est Latinis scriptoribus, non poetis solis, ut cum fieri aliquid quovis et continuo tempore dicendum sit, verbi tempora praeteritum vel praesens et futurum coniungantur. Sic apud Horatium Carm. IV, 2, 38. Epist. I, 2, 43. Virg. Aen. VI, 617. Liv. XXV, 38. Plin. Epist. II, 1 „vivit vivetque“, Vell. Patere. II, 66 „vivit vivetque.“ Liv. IX, 19. Lucil. apud Quintil. I, 6, 8 „fervit aqua et fervet; fervit nunc, fervet ad annum.“

V. 21. *furvae*] atrae; vocabulum illud antiquum et sublime. Apud inferos autem omnia atra. — *Sappho*] De accusativi forma vide Zumptii

Et te sonantem plenius aureo ,
 Alcaeae , plectro dura navis ,
 Dura fugae mala , dura belli.

Utrumque sacro digna silentio
 30 Mirantur umbrae dicere ; sed magis
 Pugnas et exactos tyrannos
 Densum humeris bibit aure vulgus.

Quid mirum , ubi illis carminibus stupens
 Demittit atras belua centiceps
 35 Aures et intorti capillis
 Eumenidum recreantur angues ?

Quin et Prometheus et Pelopis parens
 Dulci laborum decipitur sono ,

gramm. §. 70. Fuit autem Sappho Lesbica, Aeolia. cf. Carm. IV, 9, 12. — *puellis*] quod amori suo nollent obtemperare. — *plenius*] ob maiorem argumentorum dignitatem et gravitatem Alcaeae; cuius quae fuerint argumenta, vides apud Horatium. cf. Carm. I, 32, 5. — *plectro*] vide ad Carm. II, 1, 40. De Alcaeae Quintilianus X, 1, 63: „Alcaeae in parte operis *aureo plectro* merito donatur, qua tyrannos insectatus multum etiam moribus confert: in eloquendo quoque brevis et magnificus et diligens et plerumque Homero similis: sed in lusus et amores descendit, maioribus tamen aptior.“ — *sacro silentio*] Sacra silentio agebantur; poetarum cantus eodem quo sacra silentio digni. In ceteris graece coniunge: mirantur dicere pro *admirantur cum dicant*. Brevitas in eloquendo poetis aptior. — *bibit aure*] de cupiditate audiendi ne quod verbum perdat. Sic Ovid. Trist. III, 5, 14: „auribus illa bibi.“

V. 33. *Quid mirum, ubi*] Umbras virtute poetarum delectari non mirandum est, cum beluae ipsae carminum blanditiis mulceantur. — *demittit aures*] Cerberus perpetua vigilantia aures arrectas habet; carmina efficiunt ut quid sit suum paulisper oblitus aures demittat. Sic quae angues in Eumenidum capillis perpetuo motu aguntur, ne unquam mala sceleratorum conscientia placetur, eae etiam dulcedine cantus *recreantur* i. e. desistunt a movendo et stimulando; qua re indicatur, etiam malos paulisper criminum et poenarum oblivisci et recreari. Simillimus locus est Hor. Carm. III, 11, 17—24. Sic haec cum insequenti Promethei et Tantalii exemplis facillime congruunt. — *laborum decipitur*] Graece haec coniuncta sunt ad similitudinem verborum obliviscendi et cessandi; ea enim inest huic verbo generalis notio: sua sponte oblivisci ut qui obliviscatur ipse vix sentiat. cf. ad Carm. II, 9, 17. — *Orion*] magnus dum vixit venator. Solent autem umbrae quae in vita erant studia apud inferos persequi. Sic Hom. Od. XI, 571. cf. Virg. Aen. VI, 651 sqq. Ovid. Met. IV, 445. Hor. Carm. III, 4, 71. — *angues, lyncas*] Solent haec nomina feminino genere usurpari; non dubium tamen quin Horatius masculinum posuerit, quod Priscianus discrete ex h. l. affert. Optimi etiam codices masculinum genus tuentur.

Nec curat Orion leones

40

Aut timidos agitare lyncas.

Carmen XIV.

Eheu fugaces, Postume, Postume,

Labuntur anni nec pietas moram

Rugis et instanti senectae

Afferet indomitaeque morti;

5 Non, si trecentis quotquot eunt dies,

Amice, places illacrimabilem

Plutona tauris, qui ter amplum

Geryonen Tityonque tristi

Carmen XIV.

Quis Postumus fuerit, ad quem hoc carmen Horatius scripsit, nescimus. Hoc autem tenendum est, neque illud nomen neque frequentem in carmine alteram personam impedire quominus communem locum ex Horatiana philosophia saepe celebratum hunc putemus. Conqueritur poeta de brevitate vitae, de necessitate moriendi, de inanitate inferorum. Omnia tamen a solita animi hilaritate, quae in eiusmodi argumentis ubique fere proditur, magnopere recedunt; contra tristitiam quandam sapiunt, quam semper ab animo suo excludere ne huic quidem homini contigit. — Media strophæ huius quoque carminis ostendit caput, quod sic illustratum videbis: Neque innocentia vitae (1—4) neque sacrorum multitudine a communi humani generis sorte te vindicabis (4—12); nam aliqua ratione mors obeunda est (13—16). Ad inferos dedrudimur (17—20), reliquimus omnia quaecunque in hac terra cara habemus (21—24), iisque potentur post nostrum discessum heredes carissima nobis quaeque profundentes (25—28). — Quonam anno haec poeta scripserit dici nequit.

V. 1. Quo animo fuerit poeta cum haec scriberet, prima statim quæritur prodiit vocula *eheu*; neque aliena ab hoc animo anadiplosis est *Postume, Postume*. — *labuntur* ut ipsi vix sentiamus, imagine de labentibus aquis quarum motum oculorum acie vix cernas petita. Iisdem prope verbis Ovidius Fast. VI. 771: „Tempora labuntur tacitisque senescimus annis.“ — *rugis* Illic iterum velim animadvertas tres partes particulis *et, que* coniunctas. — *quotquot eunt dies* poetice pro *quotidie*. Ire autem de temporum aequabili motu frequens verbum. Carm. IV, 5, 7. Epist. II, 2, 55. — *places* Coniunctivus in sententia hypothetica ita positus, ut quid possit fieri summumque cogitetur ostendatur; graece optativus sic ponitur, etiamsi in apodosi indicativus modus est. — *illacrimabilem* cf. Carm. II, 3, 24. — *ter amplum* Ad comparisonem hoc epitheton factum; nam cum ter amplius Geryon domatur, quomodo nos effugiemus? Geryon, Chrysaoris et Calirrhoës filius, ingentis magnitudinis monstrum, ab Hercule olim superatus; qui ut a Graecis *τρὶς ἀμφὺς* sic latine ab Horatio *ter amplus*, ab aliis *ter geminus*, tricorpor, tripectorus appellatur. — *Tityon* vid. Hom. Od. XI, 576.

① MIGHTY-MOULTHED INVOKER OF HARMONIES

② SKILLED TO SING OF TIME OR ETERNITY

③ GOD-GIFTED ORGAN-VOICE

MILTON, A NAME TO REMEMBER FOR AGES

TEACH, TEACH

- Compescit unda, scilicet omnibus
 10 Quicunque terrae munere vescimur
 Enaviganda, sive reges
 Sive inopes erimus coloni.
- Frustra cruento Marte carebimus
 Fractisque rauci fluctibus Hadriae,
 15 Frustra per auctumnos nocentem
 Corporibus metuemus Austrum:

- Visendus ater flumine languido
 Cocytos errans et Danaï genus
 Infame damnatusque longi
 20 Sisyphus Aeolides laboris.
- Linquenda tellus et domus et placens
 Uxor, neque harum quas colis arborum
 Te praeter invisas cupressos
 Ulla brevem dominum sequetur.

25 Absumet heres Caecuba dignior

cf. Virg. Aen. VI, 595. Is Terrae fuit filius. Hor. Carm. III, 4, 77. III, 11, 21. IV, 6, 2. — *terrae munere*] In hac mortalitatis significatione imitatus est poeta Homerum, quem vide Il. VI, 142. XIII, 322. Od. VIII, 222. — *enaviganda*] Hoc verbum cum proprie sit navigando exire, haud ita diversam h. l. sententiam habet: navigando traicere.

V. 13. Frustra homines consilio et prudentia mortem vitare student; obeunda semel ea est. Illud autem studium duplex est, aut cum quaecunque vitae subita parant pericula iis abstinemus (Mars — fluctus Hadriae), aut cum cavemus ne malo coelo et febribus sanitas corporis perdatur (v. 15. 16). Sic poeta coniunxit quaecunque extra nos posita infestum impetum quasi faciunt in sanitatem et vitam; reliqua quae sunt in nobismet ipsis, quibus ipsi mortem acceleramus non potuit commemorare; scilicet haec saepe sunt, propter quae illis frustra caremus. — *fractisque*] Scopulis franguntur fluctus, inde raucus fragor. Vide tamen quam egregie etiam verborum sonum ad rerum duritiem composuerit Horatius. — *corporibus*] Dativus obnoxius est potestati utriusque vicini verbi. — *flum. lang. errans*] languide fluens. Compara de Cocyto Virg. Georg. IV, 478. Aen. VI, 132. — *Danaï genus*] cf. Carm. III, 11, 22 sq. — *Sisyphus*] Hom. Od. XI, 592. — *damnatus longi laboris*] Qui genitivi casus natura quae sit perspexerit, eum haec non offendunt. Nam *damnare* cum haud procul absit ab *aestimando*, nisi quod illud poenam, hoc pretium habet, nihil est quod quominus illud quoque genitivum quasi pretii adsciscat possit impedire.

V. 21. *Linquenda*] cf. Carm. II, 3, 17. — *cupressos*] quae *invisae* dicuntur quia *funebres* sunt, Epod. 5, 17, et *ferales*, Virg. Aen. VI, 216. Cupressus enim Plutoni sacra ante domum funestam, circa rogum, ad sepulcrum ponebatur. — *brevem*] cf. Carm. II, 3, 13. — *dignior*] sc.

Servata centum clavibus et mero
 Tinget pavimentum superbo ,
 Pontificum potiore coenis.

Carmen XV.

Iam pauca aratro iugera regiae
 Moles relinquent, undique latius
 Extenta visentur Lucrino
 Stagna lacu platanusque caelebs

5 Evincet ulmos. Tum violaria et
 Myrtus et omnis copia narium

quam tu. Sed inest tristis quaedam et acerba ironia in hoc epitheto, cum ipse bene viderit, quo remedio haec vitae brevitatis optime possit sanari. — *superbo*] Sic ex optimis codicibus scribendum. Reliquae lectiones *superbum*, *superbus*, *superbis* merae sunt coniecturae eorum qui vino duplex epitheton (*superbo* — *potiore*) inviderent. Sed confer supra v. 18. Cocytum, tum lupam Carm. III, 27, 2. — *Pontificum pot. coenis*] *potiore* quam esse solet in lautis pontificum epulis; quae in proverbium videntur abiisse. Neque aliter positae sunt Carm. I, 37, 2 *Saliare dapas*.

Carmen XV.

Continet hoc carmen iudicium Horatii de nimia suae aetatis privata luxuria, publica parsimonia. Nam cum privati homines amplissima aedificia exstruerent, cum tam fastidiosi essent Romani ut naturam locorum spernentes terram vellent ubi esset mare, mare ubi esset terra, cum tota Italia luxui et mollietati serviret neque rari agri satis frumenti ederent, tum tanta eorundem hominum in publicis aedificiis erat parsimonia, ut deorum templa a maioribus magnifice erecta aut vetustate corruerent aut incendiis vastata iacerent. Sic iam Cicero pro Flacco 12: „Haec ratio ac magnitudo animi in maioribus nostris fuit, ut cum in privatis rebus suisque sumptibus minimo contenti tenuissimo cultu viverent, in imperio atque in publica dignitate omnia ad gloriam splendoremque revocarent.“ — De anno huius carminis natali consentiens prope virorum doctorum sententia est; a. 726 scriptum existimant, quoniam eo anno Octavianus censuram agens templa vetustate collapsa aut incendiis deleta refecit eaque splendide ornavit; quam rem ultima strophæ ab Horatio putant tangi.

V. 2. *moles*] de magnis aedificiis; cf. Carm. III, 29, 10. — *regiae*] Regium quod regis, regale quod rege dignum est. Apud poetas tamen et eos scriptores qui post Augusti erant aetatem *regius* adiect. alterius locum occupavit. — *stagna*] ingentes piscinae, in quibus potuit navigari. — *platanus caelebs*] grata ea quidem, non utilis. Cur *caelebs* appelletur ulmorum ostendit oppositio; ulmi vitibus maritantur, non platani. Quas quam insane coluerint Romani, elucet exemplo Hortensii oratoris, qui platano quam in Tusculano villa posuerat vinum ipse suffudit. — *copia narium*] Est figura metonymiae, qua nares dicuntur

Spargent olivetis odorem
Fertilibus domino priori;

Tum spissa ramis laurea fervidos
10 Excludet ictus. Non ita Romuli
Praescriptum et intonsi Catonis
Auspiciis veterumque norma.

Privatus illis census erat brevis,
Commune magnum; nulla decempedis
15 Metata privatis opacam
Porticus excipiebat Arcton,

Nec fortuitum spernere cespitem
Leges sinebant, oppida publico
Sumptu iubentes et deorum
20 Templa novo decorare saxo.

earum rerum loco, quibus nares delectantur. Sic Aelian. V. II. III, 1 : *καὶ εἶσιν ὁ φθάλμιος πανήγυρις*. — *olivetis*] Est ablativus loci; ubi olim oliveta erant, ibi nunc violaria sunt.

V. 10. *ictus*] Adiectivis *spissa*, *fervidos* cautum satis est, ne quis *ictus*, qui solis sunt, perperam intelligeret. Quare substituenda non est nonnullorum codicum ex glossa orta lectio *aestus*. Quibusdam lauri generibus opere topiario umbracula et tecta ambulacra formabantur; nam magna in formandis arboribus a naturaque revocandis ars fuit Romanorum. — *intonsi*] Catonis Censorini; anno demum 454 u. c. tonsores ex Sicilia Romam venerunt. — *auspiciis*] Auspicium summorum belli pacisque magistratuum ius fuit deos interrogandi; id quod antequam publice aliquid ageretur semper fiebat. Quare qui auspicia habebant, in agendo praecibant suoque quasi exemplo reliquos trahebant. Inde factum ut *auspicia* idem prope significarent quod exemplar, cuius vestigia premerentur.

V. 13. *census*] cf. Sat. II, 3, 324. Epist. I, 1, 43. I, 7, 56. — *commune*] ut graecum τὸ κοινόν, respublica, aerarium. — *metata*] passive. cf. Sat. II, 2, 114. — *porticus*] Privatis quoque domibus additae porticus, ad septentriones spectantes, in quibus per aestatem solis radiis non expositi ambularent; aliae etiam meridiem spectabant, in quibus per hiemem apricaretur. — *fortuitum*] ubivis obvium. Notandum, eius vocabuli litteram *i* a poetis et produci et corripi, nisi forte is recte vidit, qui in paucis locis, quibus *i* littera corripi videtur, per synaeresin trisyllabum illud esse vocabulum affirmavit. — *cespitem*] in quo prostrati cubarent homines. cf. Tibull. II, 5, 99sq.: „At sibi quisque dapes et festas exstruet alte Cespitibus mensas cespitibusque torum“; alii minus recte de tuguriorum culminibus, ut apud Virg. Buc. 1, 68. — *oppida*] aedificia publica, muros et quae statim nominantur deorum templa. — *novo saxo*] nimirum si collapsa essent.

Carmen XVI.

Otium divos rogat in patenti
 Prensus Aegaeo, simul atra nubes
 Condidit lunam neque certa fulgent
 Sidera nautis;

5 Otium bello furiosa Thrace,
 Otium Medi pharetra decori,
 Grosphæ, non gemmis neque purpura ve-
 nale neque auro.

Non enim gazæ neque consularis

Carmen XVI.

Omnes homines otium et securitatem vitæ quaerunt, sed ubi non inveniunt, extra se ipsos (v. 1—7); verum autem otium neque summis honoribus neque divitiis paratur (7—12), sed in mediocritate et moderatione animi a cupiditatibus vacui (13—16). Quare quid beatam vitam aliunde quaerimus, cum in nobismet ipsis posita sit (17—20)? Nam in animis nostris si quæ insunt culpæ et curæ, eas ubique nobiscum feremus (21—24). Quamobrem cum ne summae quidem divitiæ otium possint gignere, quid his curis laboramus? Cur non quæ adsunt gaudia iis fruimur, quæ mala, iis patientia et risu medicinam quandam adhibemus? Nam in vita hominum omnia non possunt ex voto cedere (25—28); sed quæ huic fata dederunt, illi negarunt. Quod quam verum sit exemplis illustratur. Sic procedit sententiarum series; summam autem carminis sententiam invenies in medio versu. — Scriptum est carmen ad Pompeium Grosphum, equitem Romanum Siciliensem, de quo Epist. I, 12, 22. Quo anno hæc Horatius scripserit nequit dici, nisi quod ex v. 37 intelligis habuisse poetam tum Sabinum prædium.

V. 1. *Otium*] Huius vocabuli notio cum latissima sit, quid singulis locis significet ex sententiarum omni et coniunctione et discrepantia quasi eruatur oportet. Nam cum eum vitæ statum indicet, quo quid faciamus quid non faciamus in nostro omnino iudicio vel arbitrio positum est, quo nullis ne minimis quidem curis aut animi aut corporis vel trahimur ad certam rem vel distrahimur, contrarium hoc vocabulum est negotiis et privatis et publicis, bello, motibus et naturæ et animi, curis, perturbationibus. Quo magno notionis ambitu quam mirifice in hoc carmine Horatius usus sit nolo prætermittatur. Homines, inquit, otium quaerunt externum, neque illud consequuntur, quia internum animi otium neque cognoverunt neque petunt, quia cupiditatibus agitantur neque ipsos se infestissimos sibi adversarios esse sentiunt. Sic sensim a corporis otio ad animi transitur v. 7. — *Aegæo*] Poetarum more non universum mare nominavit, sed exemplum satis celebratum. cf. Carm. III, 29, 63. — *certa sidera*] nam „ducunt instabiles sidera certa rates“ Tibull. I, 9, 10. — *Thræce*] Cum primum exemplum nantarum satis explicaverit, tum demum homines otium petere a diis cum in periculis versentur (cf. Carm. I, 1, 16—18), alterum et tertium simili ornatu facile carent. — *Medi*] Parthi. cf. Carm. I, 29, 4.

V. 9. *consularis lictor*] summi honores; hoc egregie dictum, quo-

10 **Summovet lictor miseros tumultus**
Mentis et Curas laqueata circum
Tecta volantes.

Vivitur parvo bene, cui paternum
Splendet in mensa tenui salinum

15 **Nec leves somnos timor aut cupido**
Sordidus aufert.

Quid brevi fortes iaculamur aevo
Multa? Quid terras alio calentes
Sole mutamus? Patriae quis exsul

20 **Se quoque fugit?**

Scandit aeratas vitiosa naves
Cura nec turmas equitum relinquit
Ocior cervis et agente nimbos
Ocior Euro.

niam homines quidem obstantes a lictoribus summoventur, minime curae in animo habitantes. — *laqueata tecta*] non totius domus, sed cubiculorum et tricliniorum; de quorum ornatu haec lege *Beckeri* (*Gallus* T. I. p. 98 sq.): „Die Decken (der Zimmer) wurden anfänglich nur durch über die Balken gelegte Bretter gebildet. Um ihnen indess ein zierlicheres Ansehen zu geben, machte man gleichsam einen Rost von Balken, so dass vertiefte Felder entstanden, lacus, lacunar, laquear. Diese Lacunarien erhielten mannigfachen Schmuck in Stucco, und wurden auch wie in Tempeln vergoldet und mit Elfenbein ausgelegt. Nachher verkleidete man auch die Felder, und malte die Decke.“ cf. *Cic. de legg.* II, 1: „Magnificasque villas et pavimenta marmorea et laqueata tecta contemno.“ — *circum*] *Tmesis* — *Vivitur parvo bene, cui*] *Ex* dativo *cui* ad *vivitur* verbum eliciendum *ei*; deinde *cui* non magis ad *splendet* referendum quam ad *aufert*; id quod aperte ostenditur particula *nec*. Describitur autem is qui paucis quae habet est contentus. *Salino* enim et *tenui mensa* ea significantur quae necessaria sunt remoto omni luxu apparatus et condimentorum. cf. *Sat.* I, 3, 13. — *Splendet*] i. e. pretium habet; nam quod pretium habet quasi splendet, et quod splendet solet magni aestimari. cf. *Carm.* II, 2, 4. — *leves somnos*] vide ad *Carm.* II, 11, 8. — *timor aut cupido*] solent haec coniuncta esse cum magnis divitiis, timor ne auferantur opes, cupido vel cupiditas ut augeantur. — *Sordidus*] *Cupido* apud *Horatium* masculino semper genere: *Carm.* III, 16, 39. III, 24, 51. *Sat.* I, 1, 61. *Epist.* I, 1, 33. Ceterum vide ad *Carm.* I, 28. p. 83.

V. 17. *fortes*] i. e. omni virium contentione, qua ad colligendas res opus esse videtur, cum simus homines *ὀλιγοχρόνιοι* (brevi aevo). — *mutamus*] vide ad *Carm.* I, 17, 1. cf. II, 12, 23. III, 1, 47. *Epod.* 9, 28. *Sat.* II, 7, 109. *Epist.* I, 7, 36. — *patriae exsul*] *Ovid.* *Met.* IX, 409: „exsul mentisque domusque.“ cf. *ibid.* VI, 189; neque haec aliena sunt a vi et natura genitivi, praecipue graeci. — *se*] cum suis curis et cupiditatibus, quas secum habet ubique. Sic accedit insequens strophæ. — *aeratas naves*] Simillimus locus est *Carm.* III, 1, 37 sqq. cf. *Sat.*

25 Laetus in praesens animus quod ultra est
 Oderit curare et amara lento
 Temperet risu: nihil est ab omni
 Parte beatum.

Abstulit clarum cita mors Achillem,
 30 Longa Tithonum minuit senectus,
 Et mihi forsán, tibi quod negarit,
 Porriget hora.

Te greges centum Siculaeque circum
 Mugiant vaccae, tibi tollit hinnitum
 35 Apta quadrigis equa, te bis Afro
 Murice tinctae

Vestiunt lanae; mihi parva rura et
 Spiritum Graiae tenuem Camenae
 Parca non mendax dedit et malignum

40 Spernere vulgus.

II, 7, 111—115. Epist. I, 11, 27. I, 14, 15 sq. — *quod ultra est*] i. e. ultra praesens, futurum. — *oderit*] vide ad Carm. I, 1, 8. — *lento*] quieto (gleichgültig); quo risu sapiens ostendit se rebus adversis non perturbari. — *Achillem*] cui ancipite fato destinatum erat, ut vitam haberet aut brevem et nobilem aut longam et ignobilem; quare cum illam praetulisset, *μυρρὸδάδιος* factus est (Hom. II. I, 352. IX, 410 sqq.). — *Tithono*] Laomedontis filio, precibus Aurorae coniugis Iuppiter motus longissimam vitam dedit; ad quam cum oblita esset Aurora ut perpetua iuventus adderetur, Tithonus crescentibus annis tantopere exaruit (v. 30 *minuit*), ut in cicadam tandem misericordia Iovis mutaretur. cf. I, 28, 8. Quae exempla aptissima sunt ad ostendendum, non omnibus data omnia, aliis alia esse negata. Ab exemplis interposita universa sententia ad amici suamque rem transit. — *te*] Anaphora *te*, *tibi*, *te* praeclare facit, ut quam multa fato data sint Grospho videamus; ubi de se loquitur, semel *mihi* posuit. — *circum*] vide ad Carm. I, 2, 34. — *bis tinctae*] Becker Gall. T. II. p. 96: „Da die übrige Kleidung durchaus weiss sein musste, so liess man es wenigstens bei der lacerna (ein offener Mantel, der gewöhnlich wohl über der rechten Schulter durch eine fibula zusammengeheftet wurde) nicht an bunten Farben fehlen.“ ibid. p. 98: „Namentlich war auch hier der zweimal gefärbte Purpur, *δύγαφος*, als besonders kostbar beliebt, wiewohl sein Geruch so wenig angenehm war, dass Martial. IV, 4 unter einer Menge von foedis odoribus auch nennt: quod bis murice vellus inquinatum . . . Eine solche lacerna kam zuweilen, wie Martial. VIII, 10 erzählt, 10000 Sest. (2000 fr.).“ cf. Epod. 12, 21. Epist. II, 2, 181. — *tenuem*] subtilem et ingeniosum. — *non mendax*] cf. Carm. Saec. 25.

Carmen XVII.

Cur me querelis exanimas tuis?
 Nec dis amicum est nec mihi te prius
 Obire, Maecenas, mearum
 Grandē decus columenque rerum.

s Ah te meae si partem animae rapit
 Maturior vis, quid moror altera,
 Nec carus aequae nec superstes
 Integer? Ille dies utramque
 Ducet ruinam. Non ego perfidum
 Dixi sacramentum: ibimus, ibimus,
 Utcunque praecedes, supremum
 Carpere iter comites parati.

Me nec Chimaerae spiritus igneae
 Nec si resurgat centimanus Gyas

Carmen XVII.

Cum Maecenas perpetuis febribus laboraret — cui rei testis est Plinius H. N. VII, 51: „Quibusdam perpetua febris est sicut C. Maecenati. Eidem triennio supremo nullo horae momento contigit somnus“ —, sensim tanta eius animam occupasse videtur tristitia, ut cum tunc ipsum ex gravi impetu convalesceret, restituta valetudine non iam gauderet, sed ne redeunti morbo mox succumberet continuo angore premeretur. Qua animi affectione quid tristius potuit esse optimo amico, Horatio? Quare hic dulcissimo hoc carmine illum admonet ne vitae spem abiicere velit; utrique longiorem vitam divino consilio esse destinatam; cuius rei luculentum testimonium utrumque accepisse, alterum in salute ex morbo restituta, in capite a cadente arbore servato alterum. Quibus deorum beneficiis quid aliud ostendi nisi coniuncta esse utriusque fata? Anno videtur hoc carmen esse scriptum eodem quo huius libri 13, ad quod vide. Facile intelligitur, totum hoc tenerimae amicitiae testimonium in duas dividi aequales partes, quarum quasi praenuntius est versus 2.

V. 1. *exanimas*] moerore afficis. Sat. I, 4, 127. Cic. pro Mil. c. 34, 93. — *decus columenque*] eadem haec ornamenta quae Carm. I, 1, 2. — *partem animae*] cf. Carm. I, 3, 8, ubi vide. — *carus aequae*] atque nunc sum. Quo verbo quid sit quidve valeat totum se debere ait Maecenati. cf. Epist. I, 3, 29. Epod. 1, 5. — *ibimus, ibimus*] In reduplicatione (*ἀναδιπλασις*) mira quaedam vis inest affirmationis et veritatis. — *utcunque*] ad exemplum particulae *ut* haec quoque accepit temporis significationem: quandocunque. — *carpere*] Sat. I, 5, 95. Virg. Georg. III, 142. IV, 311. — *Chimaerae*] „Non est tanta vis, quae me possit separare a te.“ In quo loco ut summam vim poetice describat, Chimaeram, ignivomum monstrum, et centimanum Gyan, Terrae et Coeli filium (Carm. I, 27, 24. III, 4, 69), intulit. cf. Virg. Aen. VI, 285. — *resurgat*] si fieri possit ut resurgat. Nam in Tartaro prostratus iacet.

- 15 **Divellet unquam: sic potenti
Iustitiae placitumque Parcis.**

**Seu Libra seu me Scorpis adspicit
Formidolosus, pars violentior
Natalis horae, seu tyrannus
20 Hesperiae Capricornus undae,**

**Utrumque nostrum incredibili modo
Consentit astrum. Te Iovis impio
Tutela Saturno refulgens
Eripuit volucrisque Fati**

- 25 **Tardavit alas, cum populus frequens
Laetum theatris ter crepuit sonum;
Me truncus illapsus cerebro
Sustulerat, nisi Faunus ictum
Dextra levasset, Mercurialium**

— *Iustitiae*] *Δίκη*, Iovis et Themidis filiae. Quae quod Parcis additur, id ideo factum est, ut non solum fata id ita velle sed recte etiam velle ostendat. Nam Iustitia Parcarum soror est. — *placitumque*] De part. *que* vide ad Carm. II, 7, 25. — *Seu Libra* cet.] Horatius quam non deditus sit mathematicorum ineptiis carminum I, 11 ostendit. Quare hic quoque bene constans: quaecunque est, inquit, genitura mea, quodcunque astrum natali mea hora regnavit, hoc certum est, consentire nostra sidera, i. e. natura et moribus nos artissime esse coniunctos. Credebantur autem alia sidera prospera et salutaria (*ἀγαθοιοιοὶ ἀστέρες*), alia noxia et infesta (*κακοιοιοὶ ἀστέρες*); illorum coniuncta potestate horum inimica vis aut superabatur aut non superabatur; utrorumque temperata vi ratio genesis efficiebatur, cuius observatio a mathematicis institui et horoscopus dici solebat. Inde intelliguntur verba *adspicit* et *pars violent. nat. horae*. Nam etiamsi sidera inter se adspicere dicebantur, tamen non minus etiam adspiciebant nascentem hominem. Praesens tempus *adspicit* durantem etiam per vitam sideris potestatem exprimit. *Libra*, Iuppiter, *Venus*, *Luna* *ἀγαθοιοιοὶ*, *Scorpius*, *Capricornus*, *Saturnus*, *Mars* *κακοιοιοὶ* habebantur. In quam rem conferas nostratis Schilleri tragoediam de Wallensteinii ducis morte I, 1.

V. 19. *tyrannus Hesp. undae*] Capricorni imperio subiecta erat omnis pars Europae occidentalis; quare in mari Hispanico tempestates movebat. — *Saturno*] Dativus coniungendus est et cum v. *refulgens* et cum v. *eripuit*. — *volucrisque Fati*] cf. Sat. II, 1, 58. — *ter crepuit sonum*] Quid his verbis significetur prope nescimus. Videtur tamen eadem esse res, quam supra iam Carm. I, 20, 4 sqq. tactam legimus. — *Faunus*] Carm. III, 8, 7 Baccho se salutem debere ait; in quo tamen discrimine nolim offendas, nam Faunus agrestis deus poctam ruris amatorem (Epist. I, 10, 2) tutatus est. De hypothetica quam dicunt fornica cf. Carm. III, 16, 3 sqq. Zumptii gramm. §. 519. — *Mercurialium*] poe-

30 Custos virorum. Reddere victimas
 Aedemque votivam memento:
 Nos humilem feriemus agnam.

Carmen XVIII.

Non ebur neque aureum
 Mea renidet in domo lacunar,
 Non trabes Hymettiae
 Premunt columnas ultima recisas
 5 Africa, neque Attali

tarum, qui in Mercurii tutela sunt. cf. Carm. II, 7, 13. — *reddere victimas*] Iam cum benevolentiam deorum uterque expertus sit, imprimis gratias reddendas esse diis bonamque spem in posterum concipiendam. Quali tamen discrimine ipse a Maecenatis dignitate absit, votorum diversitate modeste et praeclare indicavit. Deinde cum voti etiam reus sit Maecenas, recte concludamus haud ita multo post restitutam valetudinem carmen scriptum esse.

Carmen XVIII.

Ab initio huius carminis eam invenimus sententiam, quae decimum sextum huius libri clausit. „Ego enim, inquit poeta, magnas quibus inhiare solent homines opes neque habeo neque peto, et tamen ob ingenii facultates animique pietatem magnorum et divitum hominum mihi conciliavi amicitiam; quos ut maiora mihi darent, si vellem, facile possem permoveere. Sed nihil cupio, et si quaeris cur nihil cupiam: quia video non perpetuam esse hanc vitam (v. 15 sq.). Nam profecto stultissimi ii sunt, quos ad extremam vitae horam magna molientes videmus, suamque ut expleant cupiditatem crudeliter saevientes in egenos homines, suo arbitrio expositos (v. 28). Qua stultitia quae maior potest esse hominibus aequa lege mortis necessitati subiectis? Nam quis est sive prudentissimus (v. 35) sive ditissimus (v. 37), qui morti se possit subtrahere? Omnes moriemur; sed veniet mors avaris terrori, solatio pauperibus (v. 38—40).“ Fundamentum quo quasi nititur carmen sententia illa est frequens apud Horatium de certamine quod est inter magnitudinem consiliorum et vitae brevitate hominum. — Iam habuisse tum Horatium Sabinam villam ex versu 14 certum est; incertum num eodem tempore hoc scriptum sit, quo libri III carmen 24, an antea.

V. 1. *ebur*] De eburneis et aureis lacunaribus vide ad Carm. II, 16, 11. — *trabes Hymettiae*] sunt trabes i. e. epistylia ex marmore Hymettio facta. Hymettium ex candidis marmoribus praeter Pentelicum, Parium, Lunense (Italicum, *Cararischer*) pretiosissimum; varii coloris nobilissima erant Numidicum (quod Horatius verbis *col. ultima recisas Africa* significavit) flavum, hodie *giallo antico* nominatum (Epist. I, 10, 19), Phrygium, rubris maculis et venis mixtum, etiam appellatum Synnadicum et Mygdonicum, Laconicum vel Taenarium, viride; Carystium, viridibus maculis et venis mixtum. — *Attali*] vide ad Carm. I, 1, 12.

- Ignotus heres regiam occupavi,
 Nec Laconicas mihi
 Trahunt honestae purpuras clientae.
 At fides et ingeni
 10 Benigna vena est, pauperemque dives
 Me petit: nihil supra
 Deos lacesso nec potentem amicum
 Largiora flagito
 Satis beatus unicus Sabinis.
 15 Truditur dies die,
 Novaeque pergunt interire lunae.
 Tu secanda marmora
 Locas sub ipsum funus et sepulcri
 Immemor struis domos
 20 Marisque Baiis obstrepentis urges

Nihil dicit amplius poeta, nisi hoc: se non, quod multis aliis contigit, nescio qua arte vel casu magnas opes hereditate accepisse. — *Laconicas*] Purpurarum pretiosissima genera Tyria et Laconica. cf. Epist. I, 10, 26, supra p. 139. — *trahunt*] i. e. mihi clientium uxores lanam neque carpunt neque nent, cum non habeam clientes. Trahere autem in hac arte proprium verbum. — *honestae*] nobiles; quo epitheto patroni auctoritas augetur.

V. 9. *fides et ingeni vena*] Eadem poeta Carm. I, 17, 13 aliis verbis coniunxit. — *lacesso*] Concinnitatis causa huic etiam verbi duos accusativos addidit ad exemplum verbi *flagitandi*, a quo non recedit illius ipsa notio. — *potentem amicum*] Maecenatem; sic suadet Sabinus statim commemoratio; nec si hunc nolisset indicare poeta, alium quisquam intellexisset. — *Sabinis*] praediis. — *Locas*] redemptoribus et operis ad extruenda magnifica aedificia. — *sub ipsum funus*] i. e. paulo ante funus. cf. Carm. I, 9, 19. — *Baiis*] Baiae balneorum celebritate nobilissimae et coeli temperie amoenissimae, Epist. I, 1, 83; inde plurimae et pulcherrimae villae totum sinum Baianum cinxerunt, cum non aegroti solum sed omnes qui delicatam vitam quaerent huc solerent convenire. — *parum locuples cont. ripa*] Eo luxuriae pervenerant Romani, ut in terra navigare, in mari habitare vellent; de qua re conferas Carm. III, 1, 33. III, 24, 3. Stat. Silv. II, 2, 54 sqq.:

Mons erat hic, ubi plana vides: haec lustra fuerunt,
 Quae nunc tecta subis; ubi nunc memora ardua cernis,
 Hic nec terra fuit; domuit possessor cet.

Quid, quod] Frequenti hac elocutione apud oratores maior aliqua res et gravior ad commovendos animos legentium addi solet. Quare h. l. poeta „non, inquit, mare solum et aquam loco moves, sed homines etiam inopes parva sede pellis“; qua impudenti rapacitate quid est turpius? — *clientium*] Quod ne fieret cautum erat in XII tabulis, in quibus haec erant: „patronus si clienti fraudem fecerit, sacer esto“; et in lege Numa „qui terminom exarasit, ipse et boveis sacri sunt.“ Sed lege Sal. Iugurth. c. 41. — *Salis*] Habet h. v. significationem superbiae et arrogantiae.

- Summovere littora
 Parum locuples continente ripa.
 Quid, quod usque proximos
 Revellis agri terminos et ultra
 25 Limites clientium
 Salis avarus? Pellitur paternos
 In sinu ferens deos
 Et uxor et vir sordidosque natos.
 Nulla certior tamen
 30 Rapacis Orci fine destinata
 Aula divitem manet
 Herum. Quid ultra tendis? Aequa tellus
 Pauperi recluditur
 Regumque pueris, nec satellites Orci
 35 Callidum Promethea
 Revexit auro captus. Hic superbum
 Tantalum atque Tantali
 Genus coërcet, hic levare functum
 Pauperem laboribus
 40 Vocatus atque non vocatus audit.

V. 25. *pellitur*] De singulari numero ad duplex subiectum *et uxor et vir* vide Zumpt. gr. §. 373 sq. — *deos sordidosque natos*] Nam nihil reliqui est praeter hos; deos penates et lares relinquere pietas vetuit, natos natura. — *sordidos*] misere tectos vel vestitos. — *Nulla certior cet.*] Ordo verborum hic est: „Nulla tamen aula certior divitem herum manet fine destinata rapacis Orci.“ In quo loco *finis dest. rap. Orci* dictum est pro *finis quam rapax Orcus destinavit*; quod quidem ut bene diceretur effecit Orci nomen, qui et finem facit et ipse finis est. De feminino genere v. *finis* cf. Epod. 17, 36. Zumpt. gr. §. 77. — *aula*] Aula cum amplam sedem significet, hic habet aliquid acerbae ironiae; videlicet sepulcrum omnium maxime est angusta domus, cf. Carm. I, 4, 17. — *aequa tellus*] cf. Carm. I, 4, 13. Epist. II, 2, 178. — *satellites Orci*] Charon. — *hic*] Orcus, non Charon. — *levare*] Infinitivum coniunge cum *vocatus* pro *ut levet*; sed ille modus quo brevior eo est nervosior. — *audit*] Mira brevitate hoc quoque dictum; nam audire non vocatus non potest. Sed cum mors vocata veniat et non vocata, ac semper miscelarum quies sit, zeugma hoc ausus est Horatius.

Carmen XIX.

Bacchum in remotis carmina rupibus

Vidi docentem, credite posteri,

Nymphasque discentes et aures

Capripedum Satyrorum acutas.

5 Evoe recenti mens trepidat metu,

Plenoque Bacchi pectore turbidum

Laetatur. Evoe parce Liber,

Parce gravi metuende thyrso.

Fas pervicaces est mihi Thyiadas

Carmen XIX.

Ex dithyramborum genere est hoc carmen, simile Carm. III, 25. Fingit autem poeta, cum forte in abditis silvis carmina meditans vagaretur, incidisse se in Bacchum eiusque turbam Nympharum et Satyrorum. Tum et horror et laetitia simul animum occupant; sentit homo ingentem vim numinis, quo pectus subito impletur. Divino furore percitus non potest facere quin sacros sensus animi profundat, quin dei, cuius numine plenus est, laudes alta voce canat. Quo furore divino factum est, ut quam apud Horatium ubique conspicuam habeamus certam carminis oeconomiam non reperiamus aliam, nisi quod a minore miraculo ad maiora semper adscendat totiusque rerum naturae victorem ac dominum Bacchum celebret, terram, homines, mare, gigantes, inferorum monstra huic uni parere clamet. De elocutione haec Ianius: „In tam excelsis sensibus elocutionis etiam qua illi efferuntur summa et aptissima dignitas est. Est enim talis, quae deceat furorem enthusiasmi, ab uno sensu ad alterum, ut flamma per taedas, continuo ardore properantem, nulli diu immorantem.“ — Quo tempore scriptum sit carmen nihil est unde efficiatur.

V. 1. *Bacchum*] Is deus auctor est poesis furore plenae (Epist. II, 2, 77 sq.); quare mysticos hymnos docere dicitur comites. — *in remotis rupibus*] Nam fugit urbes et vulgarium hominum coetus; inde graece ὄρετος appellatur. — *Nymphae et Satyri*] comites Bacchi, iique aptissimi. cf. Soph. Antig. 1128 sq. — *acutas*] Cogitabantur et formabantur Satyri pedibus caprinis et auribus acutis. Inde intelligitur acutas non esse arrectas aures; potius attentio animi et auscultatio inest in aurium praecipua commemoratione. — *Evoe*] εὐοῖ, bacchantium exclamatio, qua illico a deo correptum se indicat; deinde metu i. e. horrore impletur propter terribilem, laetitia propter benignam numinis maiestatem. — *recenti*] etiam tunc, cum ex silvis redux quae viderit narrat. Immortalium praesentia mortalibus semper horribilis, cf. Virg. Aen. IV, 279. Ilom. II. XX, 131. — *turbidum laetatur*] vide ad Carm. II, 12, 14. — *parce*] Ἀναδίνωσις est enixe precantis; et precatur quidem, ne nimio furore, quem mortale pectus capere non possit, in insaniam bacchantium agatur. — *thyrso*] thyrsus hasta pampinis et hedera cincta.

V. 9. *Fas*] Quo nomine cum vulgo significetur quod iustum, pium, licitum est, hic indicatur poetam in se nunc facultatem sentire deum et

10 Vinique fontem lactis et uberes

Cantare rivos atque truncis

Lapsa cavis iterare mella;

Fas et beatæ coniugis additum

Stellis honorem tectaque Penthei

15 Disiecta non leni ruina

Thracis et exitium Lycurgi.

Tu flectis amnes, tu mare barbarum,

Tu separatis uvidus in iugis

Nodo coërces viperino

20 Bistonidum sine fraude crines.

Tu, cum parentis regna per arduum

sacra rite canendi. Sic apud Virgilium Aen. VII, 692. — *pervicaces*] cf. Carm. III, 3, 70. Bacchæ non desistunt ab exsultando et furendo; quæ furendi notio cum non sit in hoc adiectivo, in Thyiadum nomine latet. Factum est enim illud a graeco verbo *θύειν*, furere. — *Vinique fontem*] Ubicunque terra thyrsu pulsabatur a Baccho vel a bacchantibus mulieribus, vinum, lac, mella fluebant. cf. Plat. Ion. p. 534. A. — *lactis et*] Et part. postposita. cf. ad Carm. I, 2, 9. Ceterum tria illa summae abundantiae et ubertatis terrae signa sunt. — *iterare*] nihil nisi referre, narrare. Sic Plaut. Cas. V, 2, 5: „Operam date, dum mea facta itero; est operæ auribus percipere.“

V. 13. *beatæ coniugis*] Ariadnae, Minois filigæ, in coelum relatae. — *honorem*] ornamentum, coronam inter stellas positam. Fuit autem corona aurea, opus Vulcani, a Baccho Ariadnae data. Ovid. Met. VIII, 176 sqq. — *Penthei*] Ovid. Met. III, 512 sqq. 690. — *Lycurgi*] Hom. II. VI, 130 sqq. Ab Homero diversa apud alios narratur fabula. Nam cum omnes per totum regnum vites excidi iussisset, a deo in furem coniectus filium Dryantem interfecisse sibi quæque falce crura amputavisse traditur. — *flectis amnes*] Hydaspem et Orontem fluvios thyrsu retro vertisse et sicco pede transisse Bacchus dicebatur. — *Mare barbarum*] Indicum est; ad quod ut *flectendi* verbum posset referri, debuit generalem *domandi* et *regendi* notionem accipere. — *uvidus*] Sic *vino madi-* *cus* et *madere* dicebant Romani. — *nodo coërcere*] cf. Carm. III, 14, 22; impeditur nodo ne capillus passus defluat. — *Bistonidum*] Thraciarum mulierum; nam inter Thraciæ gentes Bistones quoque nominantur; Thracia autem orgiorum et mysteriorum prima sedes. — *sine fraude*] impune. cf. Carm. Saec. 41. Qui serpentes tractat, eorum innocentiae fidem habet; quodsi morsu laeditur, fraudem sentit. Ceterum constat Bacchas tortis serpentibus ipsas sese cinxisse.

V. 21. *Gigantum*] Cum in campis Phlegræis dii cum gigantibus accipiti proelio diu certassent, ferunt Terram Iovi dixisse, gigantes non posse vinci, nisi a diis duo semidei certaminis socii essent arcessiti. Quare Baccho et Hercule in auxilium deorum vocatis gigantes victi sunt. De Hercule vide Carm. II, 12, 6. Bacchus in leonis formam mutatus fortiter pugnasce dicitur. cf. Carm. III, 4, 53. — *per arduum*] de ima

Cohors Gigantum scanderet impia,
 Rhoetum retorsisti leonis
 Unguibus horribilique mala;

25 Quamquam choreis aptior et iocis
 Ludoque dictus non sat idoneus
 Pugnae ferebaris, sed idem
 Pacis eras mediusque belli.

Te vidit insons Cerberus aureo
 30 Cornu decorum leniter atterens
 Caudam et recedentis trilingui
 Ore pedes tetigitque crura.

Carmen XX.

Non usitata nec tenui ferar
 Penna biformis per liquidum aethera

terrae sede arduum coelum ascendere gigantes conabantur. — *Rhoetum*] unum ex gigantibus. — *horribilique*] vide ad Carm. I, 2, 1. — *choreis*] Cum tua natura mitior esset tuque aptior habereris iocis et choreis quam bello, illo tamen certamine utrique rei, et paci et bello, aequae aptum te praeuisti. — *mediusque*] De transposita quam dicunt particula *que* vide ad Carm. II, 7, 25. *Medius* autem *pacis et belli* appellatur deus sua natura neutri parti deditus, sed, ut tempus fert, modo bellicosus modo pacis amans. cf. Epist. I, 18, 9. *Idem* autem non est *par tibi*, sed coniunguntur in eadem persona duo et diversa quae vocantur praedicata; de qua re vide Zumpt. gr. lat. §. 697. Cui quidem pronomini *sed* ita additur, ut non rarum est *sed tamen*.

V. 29. Etiam inferos et inferorum monstra sibi subiecisse dicitur Bacchus, cum Semelen reducturus Orcum intrasset. *aureo cornu*] Cornu antiquissimum roboris symbolum. Athen. II, 7: „Καὶ ταύτῃ παρεικάζουσι τὸν Διόνυσον καὶ παρδάλει διὰ τὸ πρὸς βίαν τρέπεσθαι τοὺς ἐξοινωθέντας.“ Et conferas Carm. III, 21, 18. Hinc Bacchus Graecis est *χρυσόχερως, ταυροχέρως, Ταῦρος*. Athen. XI, 51. A Baccho cornua sumpserunt inque nummis renovarunt Alexander M. et ei qui successerunt. — *leniter att. caud.*] leni caudae motu adulans. — *trilingui*] Audacter hoc dictum *ore trilingui*, cum tamen antiquis Cerberus aut *triceps* esset aut *centiceps*. cf. III, 11, 20. Fuerunt, qui in uno ore hic tres linguas reperirent; praestat tamen consistere in tricipite Cerbero, ut tria ora et tres linguas simul indicata habeamus. — *tetigitque*] vide supra ad v. 28.

Carmen XX.

Poetas non mori sed in cynos mutatos ad coelum evolare vulga-

Vates neque in terris morabor
Longius invidiae maior

5 Urbes relinquam. Non ego pauperum
Sanguis parentum, non ego, quem vocas,
Dilecte Maecenas, obibo
Nec Stygia cohibebor unda.

Iam iam residunt cruribus asperae
10 Pelles et album mutor in alitem

tum iam per Graecos fuit commentum. Atque eo in hoc carmine de se Horatius usus laudem suam poeticam perpetuam fore omnibusque gentibus notam vaticinatur. Quae quidem vaticinatio quam eum non fefellit! Similis argumenti est carmen III, 30. In hoc tamen ut in carmine I, 1 ea maxime re gloriatur suumque ingenium ideo praedicare non dubitat, quod Maecenati, vero artis iudici et fautori, quae fecerit carmina grata et accepta viderit. — In carmine nihil inest unde annum quo potissimum scriptum sit efficias, et viri docti magnopere in hoc loco dissentiunt. Oratio autem et sententiae per totum carmen poetica quadam audacia plenae singularem animi poetae altitudinem produunt; haud longe recedunt a superioris carminis elatiore genere. — Caput carminis cernitur in summa poeticae artis laude ac praestantia, nam „caelo Musa beat“ (Carm. IV, 8, 28).

V. 2. *biformis*] in cynum mutatus, et tamen poeta manens. Nam „χοῦρον χοῖμα ποιητής ἐστὶ καὶ πτηρὸν ἱερὸν“ Plat. Ion. p. 534. B. — *liquidum*] Epitheton ad naturam aetheris accommodatum; petit igitur vates relicto hoc gravi corpore, spreto hac iniqua sibi quae iam non congrua terra similem magis aethera, neque ut reliqui homines ad inferos fertur, quoniam morte non premetur sed omni tempore et omni loco vivet. — *invidiae maior*] cf. Carm. IV, 3, 16. Haec igitur et quae deinde sequuntur *paup. sang. parent.* ad invidiam spectant, quam amicitia Maecenatis poetae contraxit. cf. Sat. I, 6, 46. II, 6, 47 sqq. — *Non ego*] De vi ἀναδιπλώσεως non semel iam dictum; hic quoque veritas sententiae augetur: se qui a Maecenate ametur non posse mori. — *quem vocas*] ad te, ut tecum sim, tecum habitem, tua amicitia fruar. cf. Carm. II, 18, 10. Inepta est aliorum coniunctio *quem vocas dilecte*, (den Du Freund nennst), quamquam grammatica ratio non obstat, cf. Sat. II, 6, 20. Epist. I, 7, 37. I, 16, 59; sed versus obstat.

V. 9. *Iam iam*] Furore poetico eo fertur, ut iam nunc ipsum in cynum mutationem sentire sibi videatur; inde haec a nostro pulchri sensu remotior paulo singularum partium descriptio; quae in epica poesi Ovidii haud infrequens in lyricis carminibus rara certe est. Instans tempus duplici particula *iam* valde premitur, ne minima quidem interposita mora. cf. Epod. 2, 68. — *residunt*] „Pellis aspera fit, residit; dum enim crura humana extenuantur, cyni formam exilem induunt, necesse est, ut cutis, quae mollibus ante ac succulentis partibus induta fuerat, his evanescentibus *subsidiat*, ossibus propius admoveatur, quaeque antea pleniori corpore extensa erat, nunc contrahatur, adeoque *aspera* i. e. rugosa evadat.“ Sic Mitscherlich. — *superne*] ultima

Superne nascunturque leves
Per digitos humerosque plumae.

Iam Daedaleo ocior Icaro
Visam gementis littora Bospori
15 Syrtisque Gaetulas canorus
Ales Hyperboreosque campos.

Me Colchus et qui dissimulat metum
Marsae cohortis Dacus et ultimi
Noscent Geloni, me peritus
20 Discet Hiber Rhodanique potor.

Absint inani funere neniae
Luctusque turpes et querimoniae;

syllaba correpta ad aliorum poetarum exemplum. — *leves*] non asperae. Saepissime ita vocabula disposuit Horatius in hoc metrorum genere, ut tertii versus extremum vocabulum quarti ultimum spectaret. *Exempla* omnibus locis obvia, sed cf. infra v. 23. 24. II, 7, 27. 28. II, 14, 19. 20. III, 3, 59. 60. III, 4, 7. 8; ibid. 67. 68; 79. 80. III, 5, 39. 40. cet.

V. 13. *Daedaleo ocior Icaro*] Hiatus excusationem facile invenit in caesura; quamquam eum etiam praeter caesuram non fastidivit poeta Carm. III, 14, 11. De *gracca* adiectivi forma *Daedaleus* (*Δαιδάλειος*) vide ad Carm. II, 6, 5. — *gementis*] Bosporus eadem ratione *gemens* hic dicitur, qua Carm. II, 14, 14 Hadria *raucus*. cf. Virg. Aen. V, 806. Iam notandum est, ut in hac stropha remotas et barbaras regiones, sic in insequenti nationes nominari ex diversis et contrariis coeli tractibus collectas. — *canorus ales*] cygnus canorus, olor mutus. cf. Carm. IV, 2, 25. IV, 3, 20. — *Marsae cohortis*] Marsi fortitudinis fama celebrati; inde hoc nomine utitur ad significandam fortitudinem Romanarum legionum. — *peritus Iber*] Adiectivum *προληπτικῶς* positum: „Hispanae quoque gentes nunc ferae aliquando carminibus meis delectabuntur.“ — *Rhodanique potor*] poetice pro Rhodani accola, Gallus. Sic *fluvium bibere* est ad fluvium habitare: Hom. II. II, 825. Hor. Carm. III, 10, 1. IV, 15, 21. — *inani funere*] quippe deest corpus sepeliendum. — *neniae*] vide ad Carm. II, 1, 31. — *luctus turpes*] imprimis *praeficarum*, quae sunt mulieres ad lamentandum mortuum conductae. Eaedem caneabant *neniam*. cf. Art. poet. 431. — *supervacuos honores*] Solebant Romani mortuos, praesertim nobiles et in aliqua re claros magna pompa efferre; utebantur omnes qui prosequerentur funus atra veste; habebatur in foro posito lecto laudatio funebri a propinquo aliquo, qui mortui in re publica et privata merita rite celebraret; aderant mimi, qui non solum tragicorum poetarum locos ad mortuum adhiberent et recitarent, sed — id quod vere mirandum — nugae etiam facerent, inter quos archimimus personam defuncti agebat; praeibant imagines maiorum i. e. homines qui personis et idoneis vestimentis maiorum figuras et corpora quantum fieri potuit reddebant (Epod. 8, 11); funus ipsum imponebatur lecto funebri saepe eburneo et aureis vestibus strato; portabatur lectus a pro-

Compesce clamorem ac sepulcri
Mitte supervacuos honores.

ximis vel servis testamento manumissis; funus sequebantur heredes et proximi cum servis testamento manumissis et pileatis. — *supervacuos*] „Inter scriptores qui nobis supersunt hac forma primus usus est Horatius, Cicero semper *supervacaneus*.“ Orellius.

Q. HORATII FLACCI

C A R M I N U M

LIBER TERTIUS.

Carmen I.

Odi profanum vulgus et arceo;
Favete linguis: carmina non prius

Carmen I.

Prima strophæ huius carminis seriem quandam sex carminum aperit, quibus poeta quid de iis rebus, quæ suæ ætatis civibus divitiis, molliæ, luxuria, bellorum civilium depravatione corruptis maxime videantur conducere, cogitaverit ac sentiat, sublimi ratione præcipit. Quibus rebus cum nihil possit esse gravius, sacerdotem se esse dicit Musarum, qui sacra præcepta canat remotisque omnibus profanis vilisque mentis hominibus sacrum sibi colligat conventum, quem apertis auribus et animis bonas doctrinas accepturum speret. Consensum autem et audientiam apud iuventutem præcipue invenire sibi videtur; iuventus enim et potest corrigi et debet, siquidem ex tanta morum corruptela omniumque rerum depravatione salus potest expectari. Prima illa strophæ ob insolitam sublimitatem magnamque quam excitat de cavendis carminibus spem non potest esse unius carminis, neque unum se daturum promittit poeta *carmen*, sed plura *carmina* non prius audita. Hoc autem primo carmine seriem illam doctrinarum inchoat proposita de restituenda in animis hominum continentia necessitas. In hac terra, inquit Horatius, omnia certis finibus continentur; homines quidem id student efficere, ut alter alterum aut divitiis aut gloria aut fama aut auctoritate superet; attamen ex utraque parte immutatis quasi quibusdam terminis circumscripti sunt; hinc eos coercet totius mundi dominus ac gubernator Iuppiter optimus maximus, illinc communis omnibus mortalibus moriendi sors omnes colligit. Iam vide, quam egregie hos quibus continentur hominum studia terminos in versibus etiam ad utramque partem poeta collocaverit (cf.

Audita Musarum sacerdos
Virginibus puerisque canto.

5 Regum timendorum in proprios greges,
Reges in ipsos imperium est Iovis
Clari Giganteo triumpho,
Cuncta supercilio moventis.

Est ut viro vir latius ordinet
10 Arbusta sulcis, hic generosior
Descendat in campum petitor,
Moribus hic meliorque fama

v. 6 sq. et v. 14—16). Deinde transgreditur ad ea quae inde efficiantur. Manifestum est enim, ne summis quidem divitiis veram procreari felicitatem, quae non possit reperiri nisi in animi continentia in eiusque comitibus, perpetua et immota tranquillitate et aequitate; cupiditate et aviditate nihil gigni nisi continuum timorem ac metum. Felix igitur is solus est, qui quam haec sint vera sibi persuasit ideoque iis rebus quae benevolentia deorum accepit contentus non quaerit magnas opes earumque labores. — Argumentum carminis clare propositum est in septima strophā; qua re novum etiam praebetur documentum sententiae, qua primam stropham cum sex carminibus coniungendam esse supra diximus. Resecta enim hac strophā undecim restant carminis aliae, quarum quae argumentum habet media est. Quod ne casu factum credas, cogita quam saepe Horatius usus sit hoc componendorum carminum artificio.

V. 1. *profanum vulgus*] Profani sunt non initiati sacris; hic significantur omnes qui spreta vera sapientia vilibus artibus dediti sunt. — *savete linguis*] vel tacendo vel bona verba dicendo, ne quid in sacris habendis male fiat. Nam Cicero de divin. II, 34: „id silentium, inquit, dicimus in auspiciis, quod omni vitio caret.“ cf. Virg. Aen. V, 71. VI, 258. — *virginibus puerisque*] Intelligunt interpretes chorum, qui sacerdotem cingat laudesque deorum canat. Verum nihil hic est carminum a choro nescio quo canendorum; praestat igitur omnem hic videre iuventutem Romanam, quae ne in eandem perniciem, in quam patres decidissent, delaberetur quam maxime cavendum erat. — *greges*] Reges enim sunt ποιμένες λαόν. — *clari Giganteo triumpho*] Illoc ne credas inane esse epitheton ornandi causa appositum, cogitandum est latere in hoc loco commendationem aliquam principatus Augusti, qui eodem quo Iuppiter in coelo regnat iure victoriae devictis adversariis terrarum imperium tenet. Quod genus commendationis saepius redit in his sex carminibus. — *supercilio*] cf. Hom. II. I, 528. — *est ut*] ἔστιν ὅτι, ἔστιν ὅπως; accidit ut. Epist. I, 12, 2. — *arbusta*] maxime vinea, etiamsi alia arborea non excluduntur. Solebant autem illa seri in quincuncem, ut certo inter se ordine exciperent. Inde ordinare. — *generosior*] genere nobilior. — *campum*] Martium, ut Carm. I, 8, 3. I, 9, 18. Sat. I, 1, 91. II, 6, 49. Epist. I, 7, 59. I, 11, 4. A. P. 162. Quattuor hominum genera nominantur, primum qui magna habent latifundia, deinde qui excellunt generis nobilitate, tum qui homines novi suis meritis suaeque fama nituntur, denique qui multitudine clientium multum inter cives auctoritate valent. — *meliorque*] vide ad Carm. II,

- Contendat, illi turba clientium
 Sit maior: aequa lege Necessitas
 15 Sortitur insignes et imos;
 Omne capax movet urna nomen.
 Destructus ensis cui super impia
 Cervice pendet, non Siculae dapes
 Dulcem elaborabunt saporem,
 20 Non avium citharaeque cantus
 Somnum reducent. Somnus agrestium
 Lenis virorum non humiles domos
 Fastidit umbrosamque ripam
 Non Zephyris agitata Tempe.
 25 Desiderantem quod satis est neque
 Tumultuosum sollicitat mare,
 Nec saevus Arcturi cadentis
 Impetus aut orientis Haedi,
 Non verberatae grandine vineae
 30 Fundusque mendax arbore nunc aquas
 Culpante nunc torrentia agros
 Sidera nunc hiemes iniquas.
 Contracta pisces aequora sentiunt

7, 25. — *Necessitas*] cf. Carm. I, 35, 17. — *sortitur*] cf. Carm. II, 3, 26. — *destructus ensis*] Significatur nota illa apud Ciceronem Tusc. V, 21 narratio de Dionysio et Damocle; inde etiam Siculae dapes, apud antiquos tam famosae ut in proverbium prope abirent. — *avium*] Habebant enim Romani sua aviaria, Graeci *ἀρνιῶνας*. Bene dicit *elaborabunt*; sic enim sentitur labor et opera, quam divites ad superandum fastidium ciborum etiam delicatissimorum nequidquam impendunt. — *somnus*] Horatii consuetudo hunc esse ordinem docet: lenis somnus agrestium virorum non fastidit humiles domos cet. Etenim somnus, quo recreari videmus agrestes homines, non fastidit parva eorum tuguria aut cespitem sub divo positum.

V. 25. *desiderantem*] cf. Carm. III, 16, 42 sqq. Epist. I, 2, 46. I, 10, 44. — *Arcturi*] Cadit Arcturus a. d. IV. Kal. Nov.; oriuntur Haedi prid. Non. Octobr. — *fundus*] Poetae agri quoque quasi vivunt; inde grata haec *προσωποποιία*, qua fundus sterilitatem excusaturus ne a mendaciis quidem abstinere nunc hinc nunc illinc causam repetens. Incerta fides agrorum indicatur particula *nunc* ter posita; nam omni prope tempore fundus habet quo excusetur. Epist. I, 7, 87. — *contracta*] Ingentem Romanorum luxum in aedibus non in continenti solum sed etiam in aggeribus in mare actis exstruendis iam carmine II, 15 vituperave-

Iactis in altum molibus; huc frequens

35 Caementa demittit redemptor

Cum famulis dominusque terrae

Fastidiosus: sed Timor et Minae

Scandunt eodem quo dominus neque

Decedit aerata triremi et

40 Post equitem sedet atra Cura.

Quodsi dolentem nec Phrygius lapis

Nec purpurarum sidere clarior

Delinit usus nec Falerna

Vitis Achaemeniumque costum,

45 Cur invidendis postibus et novo

Sublime ritu moliar atrium?

Cur valle permutem Sabina

Divitias operosiores?

rat poeta; hic iterum ad suam rem eo utitur. Quidquid enim, inquit, isti conantur, quascunque etiam altissimas moles exstruunt, comitem habent perpetuam Curam; quam ne navibus quidem aut equorum celeritate possunt effugere, scilicet in animo ubique retentam. — *caementa*] dicta sunt a caedendo; lapides caesi. cf. Carm. III, 24, 3. — *redemptor*] ἐργολάβος, qui opus aliquod faciendum suo periculo certa quadam mercede pacta conduxit. cf. Epist. II, 2, 72. Poetice is frequens dicitur, quia frequentes secum ducit servos et operas. — *Timor*] Minae et Cura quasi personae sunt; id verba scandendi, decedendi, sedendi aperte ostendunt. — *aerata triremi*] Non necessario intelligenda est navis longa bellico usui destinata; sed quod aerata est triremis, id pertinaciam et fortitudinem Curae qua divitis et iniusti hominis animus pungitur, vehementer augeat. Comprehendit Cura quodammodo Timorem et Minas; Timor enim ne quae iniuste et avare correpta sunt bona subito aut abripiantur aut relinqui debeant, et Minae quibus improbi semper stimulantur internae Curae quasi parentes sunt. cf. Carm. II, 16, 21 sqq. — *atra Cura*] cf. Carm. III, 14, 13. IV, 11, 35. Atra dicitur propter tristes cogitationes et aerumnosas imagines quibus animos hominum sibi obnoxiorum implet. — *dolentem*] non corpore, sed animo. — *Phrygius lapis*] marmor Phrygium. Vide ad Carm. II, 18, 3. — *Achaemeniumque*] Benthieus mutandum putavit in Achaemenium, eumque multi novum aliquod deliciarum genus addi arbitantes secuti sunt. Sed errarunt. Vina enim et unguenta in comissionibus semper erant coniuncta. Costum fuit unguentum ex radicibus fruticis Indici vel Arabici; quod cum ex Arabia vel India per Parthos in Italiam transportaretur, Persicum sive ab antiquo Persarum rege, Achaemene (Carm. II, 12, 21. Epod. 13, 8. Herod. VII, 11), Achaemenium appellatum est. — *invidendis*] cf. Carm. II, 10, 7. — *atrium*] Magna et splendida pars aedium, quae prope ad ianuam sita splendidis columnis parietibusque ornari solebat ad excipiendos clientes, qui ad salutandum patronum convenirent. Epist. I, 5, 31. — *permutem*] vide ad Carm. I, 17, 2.

Carmen II.

Angustam amice pauperiem pati
 Robustus acri militia puer
 Condiscat et Parthos feroces
 Vexet eques metuendus hasta

5 Vitamque sub divo et trepidis agat
 In rebus. Illum ex moenibus hosticis

Carmen II.

Quod ad superius carmen adnotatum est, arto quodam vinculo sex carmina coniuncta teneri, id ex hac quoque re incrementum veritatis capit, quod hoc alterum proprio quodam aditu non aperitur sed a primo statim versu doctrinas de recuperanda salute patriae producere pergit. Ex iis quae primo carmine proposita sunt de animi continentia facili progressionem efficitur, quae sit vera paupertas. Cui quidem restituendum esse honorem quo sit digna, nunc praecipitur; ea enim quasi quoddam remedium est luxuriae restituitque virtutes quae immoderato luxu perditae sunt. Paupertatis enim perpetuae comites sunt principales priscorum Romanorum facultates: fortitudo, quae civem horribilem reddit hostibus animoque auget ad mortem pro patria obeundam parato; civilis virtus, quae summa quaeque gignit virosque aeterno honore summaque veneratione dignos efficit; fides, qua maior non est auxiliatrix ad continentiam et sustentandam inter homines societatem. Cui potissimum haec cecinerit Horatius, id hoc quoque carmine, v. 2. 15, aperte proditur. Quid enim mirum, quod poeta tribus illis facultatibus poetico ornatu instructis iuventuti quo tendere debeat nitida quadam tabula ostendit?

V. 1. *angustam pauperiem*] Paupertas, cui altera forma *pauperies* versibus magis comoda substituta est, angusta est non quia molesta premit, sed quia ne homines in luxuriam excurrant prohibet. Significatur igitur hoc adiectivo vinculum, quo cum continentia paupertas coniungitur. Etenim qui animum suum ipse temperat, is pauper est; et qui pauper est, is non potest facere quin cupiditates animi reprimat, angustis finibus coarceat. cf. Carm. III, 16, 39. — *amice*] libenter, non aegre. Male ex codd. nonnulli vocativum sumpserunt *amici*; nempe amici ab his carminibus alienissimi sunt. Adhortatur hic poeta iuvenes, ut paupertatem non modo non contemnant sed etiam pro amica habeant. — *robustus*] pro participio hoc positum: robustus factus; quod ne durius esse putes, compara hos similes locos Epod. 1, 34. 16, 34. Liv. V, 2, 9 ubi ad verba *consules dictatoresve* eadem necessitate *facti* intelligendum est. — *Parthos*] invictos adeo et infestissimos nomini Romano. — *vitamque*] Particula *que* cum eas partes coniungat quae natura sua magis quam casu copulantur, h. l. eas partes militaris vitae adiungit, quibus iuvenes desiderata paupertate maxime assuescant. Hae enim molestiae sunt quas habet militia, ut milites et sub divo omnibus commoditatibus carentes perdurare cogantur et in perpetuis periculis versentur. Unde videbis, particulam *et* v. 5 non posse cum Doeringio omitti. — *Illum*] h. e. talem iuvenem, qui ad hanc severam disciplinam sese formavit. Sapienter autem poeta gravitatem doctrinae mitigavit exempli et picturae vividissimis coloribus distinctae suavitate et gratia; quae ratio ut aptior est ad lyricum genus ita animos iuvenum specta-

- Matrona bellantis tyranni
 Prospiciens et adulta virgo
 Suspiret, ^{saep}eheu, ne rudis agminum
 10 Sponsus lacessat regius asperum
 Tactu leonem, quem cruenta
 Per medias rapit ira caedes.
 Dulce et decorum est pro patria mori :
 Mors et fugacem persequitur virum
 15 Nec parcat imbellis iuventae
 Poplitibus timidoque tergo.
 Virtus repulsae nescia sordidae
 Intaminatis fulget honoribus
 Nec sumit aut ponit secures
 20 Arbitrio popularis aurae.
 Virtus recludens immeritis mori
 Coelum negata tentat iter via
 Coetusque vulgares et udam

culum belli quasi spectantium blandius debuit allicere. Grata haec tabula ad exemplum Troiae a Graecis oppugnatae (Hom. Il. III, 154) prope expressa; efficax suspirantium mulierum descriptio ad incitandam aemulationem. — *hosticis*] hostilibus, poetica forma, ut *civicus*, *genticus*. — *suspiret*] Et in suspirandi verbo et in particula *eheu* metuendi notio inest, unde insequens sententia *ne* particulae ope adhaeret. cf. Carm. I, 2, 5. — *agminum*] pugnandi inter acies. Agmina enim apud poetas talium rerum non anxios omnino exercitum saepe significant et aciem. cf. Carm. III, 8, 18. IV, 14, 29. Epod. 17, 9. Sat. II, 1, 14. Iniquum de verborum et rerum in hac imagine ordine iudicium est Klopstockii „über Sprache und Dichtkunst“ p. 259 sqq. 265.

V. 13. *mori*] cf. Carm. IV, 9, 51 sq., ubi simili ratione ad liberam pro patria mortem homines inflammari posse ostenditur paupertate et continentia. — *timidoque tergo*] Male in bonis etiam codd. est *timidore*; non separandi sunt poplites a tergo sed coniungendi, ut ignavus miles in fuga totus conspiciatur. Vide etiam ad Carm. I, 2, 1. — *persequitur*] i. e. sequitur et consequitur, nam qui persequitur non desinit sequi. — *repulsae nescia*] quia qui virtute praestant neque honores petunt a populo neque aliam veram esse sciunt dignitatem nisi eam quam virtus ipsa tribuat. Qui sic sentiunt, iis honorem neque data munera augent neque negata minuunt. cf. Carm. II, 2, 17. IV, 9, 39 sqq. — *intaminatis*] *Taminare* verbum etiamsi insolitum est et certam accepit auctoritatem a composito contaminare et potuit facile poetam perducere ad audendam hanc negantem formam, cum praesertim latina lingua ad negantes formas faciendas quam maxime esset inclinata. Inane igitur corrigendi periculum eorum, qui in codd. scripserunt *incontaminatis*, ut versus 17 hypermeter esset. — *negata*] hominibus quales esse solent.

Spernit humum fugiente penna.

25 Est et fideli tuta silentia

Mercēs: vetabo qui Cereris sacrum

Vulgarit arcanæ sub isdem

Sit trabibus fragilemve mecum

Solvat phaselon; saepe Diespiter

30 Neglectus incesto addidit integrum,

Raro antecedentem scelestum

Deseruit pede Poena claudō.

Carmen III.

Iustum et tenacem propositi virum

Non civium ardor prava iubentium,

— *udam humum*] nebulis et humido aëre tectam, contra quam cogitandus est perpetua serenitate nitens aether, quem ut dignum suo candore domicilium quaerit virtus. — *Est et*] Compara Simonidis hoc fragmentum Ἔστι καὶ αἰγᾶς ἀνένδονον γέρας (p. 398 Schneidew.), quod Augustum in ore habuisse narrat Plutarch. Apophth Augusti 7 et Horatium voluisse exprimere credendum est; quamquam omnino in levissima saepe similitudine verborum imitationes investigare non magis iniquum est quam molestum. — *Cereris sacrum*] Fides in rebus sacris probata exemplo est, a quo facilis est conclusio et transitus ad praestandam in omnibus rebus incorruptam fidem. Sacra Cereris summa religione continebantur; quae qui vulgare auderet, linguae erat incontinentis ac nullius fidei. — *fragilemve*] Codd. praeter unum antiquissimum Bernensem omnes *fragilemque*; quod mutandum iam Bentleius bene vidit. Opponuntur enim inter se tectum et navis. Talis homo tam anxie vitandus est, ut non modo eandem nobiscum domum non intret sed ne navem quidem ut nobiscum conscendat possimus ei permittere. — *Diespiter*] vide ad Carm. I, 34, 5. Superstitionis aliquid inest in hac de scelerum contagione sententia, sed quod proprium non sit antiquis hominibus. Similia etiam his temporibus inveniuntur, maxime apud nautas. — *incestum*] impium; sic *castus* i. q. pius C. S. 42. — *antecedentem*] ac propterea securum; nimirum sese poenam effugere posse putat. Poenam autem quasi deam esse, propter elaudum pedem vix est quod dicam. Comparetur Homerica descriptio Ἀΐης II. XIX, 91 sqq. IX, 502 sqq.

Carmen III.

Ne huic quidem carmini proprius aditus paratur, sed subita quadam ratione, ut cum superioribus coniunctio appareat, quarta additur virtus constantiae. Ea enim, iustitiae comes, primis statim versibus quasi parens praedicatur invicti animi, qui ne summae quidem potestati — in qua significanda a minore hominum vi per naturalium rerum potestatem ad validissimam ipsius Iovis manum adscenditur — unquam cedit. Constantia virtus est qua qui omni tempore bene merere voluerunt de ho-

Non vultus instantis tyranni

Mente quatit solida neque Auster,

minibus, magna sua facinora patrare, aeternam laudem sibi parare viamque ad coelum munire potuerunt. Quorum splendidum exemplum Romulus est, qui qua eminuit virtute invidiam et odium acerbissimi etiam adversarii superavit urbemque Romam condere ac firmare potuit. Iuno enim, non temere provocata sed nativa Romanorum adversaria, quae quidquid voluntate ac potestate potuit efficere in delendam urbem Troiam olim contulerat, quae cum suam maiestatem Minervaeque castitatem prae luxuria ac mollietate contemptam a Troianis vidisset totam sese stirpem eversuram iuraverat, tamen Romuli insigni virtute commota quominus inter deos is recipiatur non amplius vult prohibere neque magis impedire, quo minus Troianorum posteri ex urbe sua Italiam, ex Italia totam terram subiiciant, dummodo ut imperii parens Romulus quo tendere debeant recte pernoscant neque perfidae Troiae et maiorum falsa vestigia sequantur. Inter Romam et Troiam mare saeviat necesse est, Troia ut renascatur nunquam potest concedi, h. e. cavendum est ne Roma exemplum Troiae sequatur, ne Roma altera quasi evadat Troia, ne Romani cives divitiarum blanditiis deleniti voluptatibusque capti divinum maiestatem et sapientiam spernant. Audacter poeta ipsam lunonem ad deos de recipiendo in coelum Romulo dicentem fecit, sed non maiori audacia quam felicitate. Vides enim, quanta arte praemissa generali quadam de constantia doctrina quid inde commodi redundaverit et redundet in imperium Romanorum deam docentem induxit; quam egregie ea deorum concio inventa sit, quo consilio Iunonis, non alius dei orationem retulerit. Nihil in hac oratione inest degressionis nescio cuius poeticae; latet ibi summa carminis, quam cum insolita quadam forma circumdedit venuste poetae excusavit clausulae simul aptissimam rationem nactus. Admiranda etiam est admodum grata urbanitas, qua vv. 11. 12 Augustus magnorum virorum, quorum laboribus securitas et otium bonorum hominum ab insidiis et dolis malorum hominum et ferarum bestiarum vindicata olim esse traduntur, societati adscribitur cum Romuloque comparatur quasi alter parens imperii cf. Epist. II, 1, 5 sqq. Si verum est quod dicunt, habuisse olim Iulium Caesarem sedis imperii Troiam transferendam consilium, fieri potuit ut inde poeta hanc carminis forinam sumeret. Quid enim magis imperium perdere potuisset? Summa igitur carminis cernitur in laude et gloria nominis Romani, in constantia tanquam in fundamento posita, per annorum seriem adaucta, ab Augusto ad summum fastigium elata.

V. 1. *tenacem*] Cum prosa oratio pateretur dictionem *propositum tenere*, poetis certe licuit eiusdem verbi alia forma in eadem coniunctione uti, quamquam qui tenax alias appellatur vituperatur saepius quam laudatur. cf. Virg. Aen. IV, 188. Ovid. Met. II, 104 et imprimis X, 405. Quid in simili re audere potuerit poeta, ostendit locus Epist. I, 13, 11. — *ardor*] de quavis cupiditate; nobilior certe vocabulum quam furor. Lucret. III, 252: „Sive voluptas est sive est contrarius ardor.“ — *iubentium*] iubet populus, censet senatus. Notandus est additus accusativus obiecti. cf. Sat. II, 3, 141. II, 5, 70. Epist. II, 2, 63. Sall. Ing. 84, 1. — *instantis*] Qui ab altero nunquam recedit, sive ut ipse alteri iniuriam aliquam vel malum inferat, sive alterum ad ingratum aliquod opus perficendum cogat, is instare alteri dicitur, ut Sat. I, 1, 115. Epist. I, 2, 71. absolute hic ponitur et Carm. II, 14, 3. — *mente quatit solida*] Haec quoque verborum coniunctio poetica et audacior est pro *mentem solidam alicuius quatere*. Ablativo autem poeta eam iusti et constantis

5 Dux inquieti turbidus Hadriae,
Nec fulminantis magna manus Iovis;
Si fractus illabatur orbis,
Impavidum ferient ruinae.

Hac arte Pollux et vagus Hercules
10 Enisus arces attingit igneas,
Quos inter Augustus recumbens
Purpureo bibit ore nectar.

Hac te merentem, Bacche pater, tuae
Vexere tigres indocili iugum
15 Collo trahentes; hac Quirinus
Martis equis Acheronta fugit,

Gratum elocuta consiliantibus
Iunone divis: Ilion, Ilion

hominis partem accuratius significat, qua ille illatam vim sentit. *Solida* mens opponitur quasi liquidae, fluctuanti menti eius, qui cum certam voluntatem non sequatur, omni externae potestati obnoxius est. — *dux*] cf. Carm. I, 3, 15. — *fulminantis*] Semel apud Horatium; poeticum vocabulum a serioribus prosae orationis scriptoribus receptum. — *hac arte*] in prosa: hac via, hac ratione. cf. Sat. II, 5, 3; levis quaedam in hac voce significatio inesse videtur Graecae ἀρετῆς. Est enim constantia, virtus. Suo more Horatius a generali sententia per mythica exempla ad suam rem leniter audientes transducit. In quibus exemplis memorabilis est quaedam poetae constantia; eadem enim reperies Carm. IV, 8 extr. et Epist. II, 1, 5. Neque magnus fuit numerus magnorum virorum, a quibus exempla peti potuerunt. — *enisus*] melius quam quod etiam est in codd. *innisus*; qui altiora petunt, enituntur. cf. Virg. Georg. II, 360. — *Quos inter*] Praepositionis anastrophe praepositi nominis notionem et gravitatem auget, praepositioni quae coniungendis notionibus inserviens ipsa notione caret nimiam vim detrahit, orationem concinnio-rem gratio-remque reddit, rhythmum versuum adiuvat cf. Epod. 2, 38. 7, 3. 12, 23. 16, 40. Sat. I, 1, 47. I, 3, 53. 60. 68. 100. Epist. II, 1, 43. — *recumbens*] cf. Epist. I, 5, 1. — *Purpureo ore*] vide ad Carm. IV, 1, 10. — *bibit*] Sic, ut videtur, plurimi codices; in aliis *bibet*. Praesens qui defendunt, iis acriter tenenda est symbolica interpretatio viventis etiam ac videntis Augusti inter deos praesentiae. Antiquis enim viventium hominum i ter deos relatio indicium erat ingentis famae insolitaeque dignitatis. cf. Carm. III, 5, 2. IV, 5, 32. Epist. II, 1, 15. — *Bacche pater*] Epist. II, 1, 5. Pater appellatur, quia eius beneficio terrae insita est vitium procreandarum vis, hominesque ipsi vini cultura ad cultiorem vitam sensim perducebantur. Inde etiam tigres ab eo domabantur. — *collo*] Singularis pro plurali apud poetas ponitur ad unitatis et concordiae notionem sustentandam. cf. Epod. 2, 64. — *Quirinus*] Lege Ovid. Met. XIV, 805 sqq. — *gratum*] accusativus obiecti est. vide ad Carm. II, 12, 14.

V. 18 *Ilion*] De genere nominis vide ad Carm. I, 10, 14. In con-

Fatalis incestusque iudex

20 Et mulier peregrina vertit

In pulverem, ex quo destituit deos

Mercede pacta Laomedon, mihi

Castaecque damnatum Minervae

Cum populo et duce fraudulento.

25 Iam nec Lacaenae splendet adulterae

Famosus hospes nec Priami domus

Periura pugnaces Achivos

Hectoreis opibus refringit,

Nostrisque ductum seditionibus

30 Bellum resedit. Protinus et graves

Iras et invisum nepotem,

Troica quem peperit sacerdos,

Marti redonabo; illum ego lucidas

Inire sedes, discere nectaris

35 Sucos et adscribi quietis

Ordinibus patiar deorum.

duplicatione (*ἀναδίπλωσις*) cohortandi et deterrendi vis inest. — *fatalis incestusque*] cf. Ep. II, 1, 11. Est autem fato destinatus ad exitium Troiae ferendum, quia incestus est castaecque (v. 23) deae invisus. *Que* particula adduntur nonnunquam quae explicandi causa necessaria videntur. Sic infra v. 59. Carm. I, 7, 30. I, 36, 9. III, 5, 36. — *mulier peregrina*] Dea indignatione plena Helenam non nominat. cf. v. 32. — *vertit*] Paris absolvit perniciem Troiae iam destinatam, ex quo Laomedon deos fefellit. In Laomedonte initium est interitus, in Paride fastigium et absolutio. De fraude Laomedontis vide Hom. II. XXI, 442 sqq. Apertum est, *fraudulentum ducem* v. 24 non esse innocentem Priamum, qui maiorum culpam luit, sed ipsum Laomedontem. — *mercede pacta*] est ablatus instrumenti. Similiter Liv. I. 51: „quod morando spem destituerit.“ — *adulterae*] est dativus ethicus. — *Hectoreis*] cf. Carm. I, 3, 36 Epist. I, 12, 20. Propert. III, 3, 44: „Teutonicas Roma refringat opes“, in quo loco idem est verbi *refringendi* poeticus usus, frangendo reprimere. — *resedit*] Contrarium residere est surgendo. Ovid. Am. I, 1, 27: „Sex mihi surgat opus numeris, in quinque residat“ — *redonabo*] h. v. non legitur nisi bis apud Horatium, sed diversa significatione: Carm. II, 7, 3 idem est quod reddere, hic impunitum aliquem mittere. Verum in hac quoque vi altera reddendi inclusa est, praesertim quia coniuncta est cum dativo *Marti*. Qui alicui aliquem eripuit, deinde incolumem reddit, is redonat — *discere*] Sic multi codd.; vulgo *ducere*. Sed Martis filius qui admittitur ad convivium deorum, mortalis ante nectar nondum gustavit; satis est igitur *discere* eum sucos nectaris.

- Dum longus inter saeviat Ilion
 Romamque pontus, qualibet exsules
 In parte regnanto beati;
 40 Dum Priami Paridisque busto †
 Insultet armentum et catulos ferae
 Celent inultae, stet Capitolium
 Fulgens triumphatisque possit
 Roma ferox dare iura Medis.
 45 Horrenda late nomen in ultimas
 Extendat oras, qua medius liquor
 Secernit Europen ab Afro,
 Qua tumidus rigat arva Nilus.
 Aurum irrepertum et sic melius situm,
 50 Cum terra celat, spernere fortior
 Quam cogere humanos in usus
 Omne sacrum rapiente dextra,
 Quicumque mundo terminus obstitit,
 Hunc tangat armis, visere gestiens,
 55 Qua parte debacchentur ignes,
 Qua nebulae pluviique rores;

V. 37. *inter saeviat Ilion*] Nonnunquam poetae inter praepositionem eiusque casum verbum aliquod interponebant; hoc autem loco diaeresis seiuncta quae videntur vocabula tollit simul et coniungit. Similia sunt exempla Virgillii Bucol. 6, 19. Aen. II, 278. — *exsules*] Romani. — *busto*] Priamus caruit quidem busto, nam discerptus et dilaniatus in litore iacuit (Virg. Aen. II, 557); neque tamen vituperandus Horatius. Totus enim ager Troianus eius quoddam sepulcrum est. — *ferae*] cf. Epod. 16, 10. — *triumphatis*] Activa vis huic verbo non inest nisi apud poetas et qui eos imitabantur seriores scriptores. — *possit*] Locus in fine versus eximius tritissimo vocabulo suam vim restituit. — *horrenda late*] metrica vi haec coniunguntur. — *medius liquor*] medium mare, quod extremas occidenti soli subiectas regiones coniungit cum oriente. — *spernere fortior*] Adiectivum participii more positum (vide ad Carm. I, 6, 19) conditionem habet a Iunone positam, i. e. si maiorem ostendat fortitudinem in spernendo auro quam in cogendo. Quare verba *humanos in usus* non cum cogendi verbo sunt coniungenda sed cum insequentem versu. Humani enim usus profani sunt. — *obstitit deploratus*, qui a primis temporibus obstitit mundo i. e. orbi terrarum, et nunc quoque obstat, finem ponit. Quare dativus *mundo* praestat genitivo *mundi* paucorum codicum. — *tangat*] rectius quam multorum codicum *tanget*: non vaticinatur Iuno, sed ut Romani eo perveniant concedit. Insequentibus versibus describuntur zona torrida et frigida. cf. Carm. I, 22, 17 sqq. — *rores*] apud poetas de quocunque liquore.

Sed bellicosis fata Quiritibus
Hac lege dico, ne nimium pii
Rebusque fidentes avitae

60 Tecta velint reparare Troiae.

Troiae renascens alite lugubri
Fortuna tristi clade iterabitur,
Ducente victrices catervas
Coniuge me Iovis et sorore.

65 Ter si resurgat murus aëneus
Auctore Phoebo, ter pereat meis
Excisus Argivis; ter uxor
Capta virum puerosque plore.

Non hoc iocosae conveniet lyrae:

70 Quo, Musa, tendis? Desine pervicax
Referre sermones deorum et
Magna modis tenuare parvis.

Carmen IV.

Descende coelo et dic age tibia
Regina longum Calliope melos,

V. 61. *renascens*] Si Troia renascitur, malis omnibus renascitur, quoniam Iunonis numen id fieri non patitur. cf. Carm. I, 15, 5. — *victrices*] quae semel iam vicerunt et iterum vincent. — *coniuge me*] Virg. Aen. I, 46. In utroque loco inde gloriam petit et superbiam, quod coniux simul est et soror Iovis; apud utrumque poetam vv. *coniux* et *soror* gravissima versuum loca occuparunt. cf. Hom. Il. XVI, 432. — *ter*] numerus poeticus, ut Virg. Georg. I, 281 sqq. IV, 384. Ovid. Met. X, 452. — *Argivis*] cf. Carm. I, 7, 8 sq. — *non hoc*] cf. Carm. II, 1, 37. Fluctuant codd. inter haec: *non hoc conveniet*, *non haec convenient*, *non haec conveniunt*. Futurum necessarium videtur; vetatur ne longius pergatur; unde haec *quo tendis*? Adhuc quae dicta sunt iustos fines non excesserunt. Singularis autem auctoritate optimorum codicum sustentatur. — *tenuare*] vocabulum poeticum; verba in syllabam *ae* desinentia propter suavem et gravem sonum plerumque placuerunt poetis.

Carmen IV.

Discrepat hoc carmen ab duobus superioribus eo, quod non caret introitu; quo cum quintum et sextum destituta sint, tota haec series in duas aequales partes dividitur. Inter quas hoc maxime discriminis est, quod cum illa parte universae magis virtutes, quibus Romani nominis

Seu voce nunc mavis acuta

Seu fidibus citharaque Phœbi.

5 Auditis? an me ludit amabilis

Insania? Audire et videor pios

Errare per lucos, amœnæ

Quos et aquæ subeunt et auræ.

Me fabulosæ Vulture in Apulo

gloria inuititur, ostenduntur et prædicantur, hac altera poeta docet, quid de necessitate principatus de Augustique præstantia sibi persuaserit. Cui rei brevi in tertio carmine Augusti commemoratione quasi via sternitur. Iam incipit poeta a sublimi invocatione Musæ, cuius ope in tanta re quam maxime indigere se sentit. Quam sibi non defuturam bene scit; morem enim dii gerunt iis quibus favent. Quare ad ipsa sacra nemora, ad conventum Musarum admissus esse sibi videtur, et quemadmodum primo carmine Musarum se sacerdotem nominavit, hic cantum suum patriæ amoris plenum commendat ut divina origine ortum. Musis enim tota poetæ vita dedita fuit, quæcunque huic bona unquam evenerunt illis debentur; pii igitur et sacri vatis carmina divinæ voces sunt. Ut poetam sic omnes adiuvant Musæ a quibus coluntur; etiam Augustum, qui non militaribus solum virtutibus eminet sed deditus etiam est leni Mænarum potestati, quibus quod imperium sapientia temperatum habet acceptum refert. Nulla enim vera potestas est sine sapientia; vis consilio non temperata invisa diis est neque potest durare. Hæc sententia uberius explicatur imagine pugnae, quam coelestis Iuppiter, in quo omnis sapientia est, cum Titanibus pugnavit, rudium et immoderatarum terrestris naturæ virium exemplis. Quæ cum ita sint, poeta perfectio hoc carmine pietatem celebrat erga deos cum eaque coniunctam sapientiam, iustam eam cuiusvis potestatis moderatricem. In qua re invocata Musa Horatius eo ferebatur, ut a suo exemplo ad Augusti maiorem auctoritatem, ab Augusto ad generalem et exemplorum simplicitate prope liberatam doctrinam sese tolleretur; quæ quidem ne philosophum magis quam poetam decere videretur, mythicis fabulis passim insertis prudenti consilio cautum est. Vix est quod monemus, videri Horatium in describenda illa Iovis et Titanum pugna proxime attingere voluisse suam ætatem, qua partium insanum studium omni utilitate quæ ex superiorum temporum fatali ratione potuisset capi pertinaciter contempta cum principatu Augusti divina prudentia Romanis imposito impium certamen inire ausum est. Comparetur illud Schilleri: „Wo rohe Kräfte sinnlos walten, Da kann sich kein Gebild gestalten; Wo sich die Völker selbst befreien, Da kann die Wohlfahrt nicht gedeihen.“

V. 2. *longum*] mains, uberius, ad quod canendum longiore Musæ præsentia opus est. Ad insequentes versus compara Carm. I, 1, 32—34, ubi eadem ratione diversa genera lyricæ poesis tibia et lyra distinguuntur. — *Auditis*] Poeta ipse iam *ἑρθεός* est. Interrogat autem circumstantes, et eosdem quidem quos Carm. III, 1, 4 cogitaverat. — *amabilis insania*] Oxymoron. Est furor poeticus, *ἑρθευσιακός, μανία*. — *videor*] In prosa vulgo: *mihi videor*; ut Carm. II, 1, 21; sed sic etiam Cicero de amic. 12, 41. Divin. in Cæcil. 14, 45. — *subeunt*] Latior huius verbi notio non magis auris apta est quam aquis; elegantius est enim quam intrare, nihil aliud. — *fabulosæ*] Et strophæ et rerum necessitate con-

- 10 Altricis extra limen Apuliae
 Ludo fatigatumque somno
 Fronde nova puerum palumbes
 Texere, mirum quod foret omnibus,
 Quicumque celsae nidum Acherontiae
- 15 Saltusque Bantinos et arvum.
 Pingue tenent humilis Forenti, X
 Ut tuto ab atris corpore viperis
 Dormirem et ursis, ut premerer sacra
 Lauroque collataque myrto,
 20 Non sine dis animosus infaus.
 Vester, Camenae, vester in arduos
 Tollor Sabinos, seu mihi frigidum
 Praeneste seu Tibur supinum
 Seu liquidae placuere Baiae.
- 25 Vestris amicum fontibus et choris
 Non me Philippis versa acies retro,
 Devota non exstinxit arbos,
 Nec Sicula Palinurus unda.

iungenda sunt *fabulosae palumbes*, mirae, prodigiosae. Congruunt *me fabulosae* et *puerum palumbes*. — in *Apulo*] Vultur Apuliae mons erat supra Venusiam; parte tamen etiam in Lucaniam procurrebat. Nihil igitur pravi in Horatii verbis, ne in diverso quidem metro nominum *Apulo* (— ∪ —) et *Apuliae* (∪ — ∪ —). Talia enim poetae mutabant ut versus iubebant. Exemplum non desunt, ne huius quidem nominis. — *fatigatumque*] Locum mutavit particula, vide ad Carm. II, 7, 25. Somnus autem somni cupiditas et desiderium est. — *puerum*] Similis est de Pindaro puero narratio, cui devio et somno oppresso apes mella in labra concessisse dicuntur. Poetarum vita tota Musis sacra est. — *nidum*] Cic. de orat. I, 44: „Ithacam illam in asperrimis saxulis tanquam nidulum affixam.“ Acherontia hodie *Acerenza*, Bantia *Abbazia di Vanzo*, Forentum *Forenza*. — ut] coniunge cum *mirum*. Epod. 16, 53. — *Lauroque*] In lauro et myrto vaticinatio quaedam de futura poesi Horatii Apollini et Veneri dicata. — *non sine dis*] Litotes fortior est quam simplex affirmatio. vide ad III, 26, 2.

V. 21. *Sabinos*] tibi Horatii villa. Deinde nominantur tria oppida a Romanis vitandi caloris aestivi causa frequentata; inde epitheta etiam sumpta ab Horatio. Confer etiam Epist. I, 2, 2. I, 15, 2. De Baiis vide ad Carm. II, 18, 20. — *amicum*] cf. Carm. I, 26, 1. Sacer vates ubique et semper in Musarum tutela est, admittitur ad earum fontes et choros. De Philippensi clade vide Carm. II, 7, 13 sqq., de arbore nefasto die posita ideoque *devota* Carm. II, 13. II, 17, 27. — *Palinurus*] promontorium in ora Lucaniae prope Veliam situm, a Palinuro Aeneae

Utcunque mecum vos eritis, libens
 30 Insanientem navita Bosporum
 Tentabo et urentes arenas
 Littoris Assyrii viator.
 Visam Britannos hospitibus feros
 Et laetum equino sanguine Concanum,
 35 Visam pharetratos Gelonos
 Et Scythicum inviolatus amnem.

Vos Caesarem altum, militia simul
 Fessas cohortes abdidit oppidis,
 Finire quaerentem labores
 40 Pierio recreatis antro.

Vos Iene consilium et datis et dato
 Gaudetis, almae. Scimus ut impios
 Titanas immanemque turmam
 Fulmine sustulerit caduco,

gubernatore nominatum. Virg. Aen. VI, 338. — *utcunque*] vide ad Carm. II, 17, 11. — *insanientem*] Inanimata etiam natura poetarum excitatis animis vivere videtur; inde eius quoque quaedam quasi voluntas est et cupiditas. cf. Carm. III, 7, 6. De Bosporo vide ad Carm. II, 13, 14. Coniunxit autem Horatius his duabus strophis omnes et maris et terrae terrores, omniaque apud barbaras et occidentis (Britanni, Concani i. e. Hispani) et orientis (Geloni, Scythae) nationes pericula. De Britannis Tacit. Ann. XIV, 30: „Cruore, inquit, captivo adolere aras et hominum libris consulere deos fas habebant.“ — *equino sanguine*] Ut Concani sic etiam Geloni lacte concreto aut farre sanguine equino mixto vescebantur. Virg. Georg. III, 461 sqq. — *Scythicum amnem*] Carm. IV, 15, 24. — *altum*] cf. Carm. I, 6, 11. Sat. II, 5, 62. Metro prohibemur, ne coniungamus *altum militia*. Caesaris animus altus est, quia maiorem etiam esse aliquam laudem quam bellicam intellexit. — *abdidit*] In bonis etiam codicibus *addidit*; quod quidem etiamsi vulgo dicebant *addere colonos*, posthabendum tamen est longe gratiori *abdidit*, quod mirifice congruit cum finiendis veteranorum militum laboribus. Tertium *reddidit* merum glossema est. Significantur suave otium grataque pax, non inertia et desidia. — *consilium*] trisyllabam per *συμβουλῆσιν*, ut Carm. III, 6, 6. Sat. I, 8, 43. II, 2, 21. II, 8, 1 coll. 75. Virg. Aen. II, 442. — *Scimus ut*] qua ratione; hoc enim differt *ut* part. ab infinitivo cum accusat., quod non tam dicitur scire aliquem factum esse aliquid, quam qua quid ratione factum sit a teste aliquo describitur. — *turmam*] C S. 38. In compluribus codicibus *turbam*; confusa eadem vocabula v. 47, ubi in nonnullis libris male *turmas*. — *caduco*] Prop. IV, 2, 53 „tela caduca“. Magna vis est in hoc adiectivo; Titanes telis gravi manu Iovis fortiter demissis ad terram, unde coelum petere studebant, prostrati sunt. Iam vide num quid praestet Bentleiana coniectura *corusco*.

45 Qui terram inertem, qui mare temperat
 Ventosum et urbes regnaque tristia
 Divosque mortalesque turbas
 Imperio regit unus aequo.

Magnum illa terrorem intulerat Iovi
 50 Fidens iuventus horrida brachii
 Fratresque tendentes opaco
 Pelion imposuisse Olympo.

Sed quid Typhoeus et validus Mimas,
 Aut quid minaci Porphyryon statu,
 55 Quid Rhoetus evulsisque truncis
 Enceladus iaculator audax

Contra sonantem Palladis aegida
 Possent ruentes? Hinc avidus stetit
 Vulcanus, hinc matrona Iuno et
 60 Nunquam humeris positurus arcum,

Qui rore puro Castaliae lavit
 Crines solutos, qui Lyciae tenet
 Dumeta natalemque silvam,
 Delius et Patareus Apollo.

65 Vis consili expers mole ruit sua :

V. 45. *inertem*] Carm. I, 34, 9. Grato certamine inter se oppo-
 nuntur immobilis terra et turbidum mare, deinde terra ab hominibus
 inculta (*urbes*) et inanis Orcus, tum beati quietique dii et discordes
 semper homines; iisdem autem partibus triplex imperium Iovis descri-
 bitur. — *fidens brachiis*] Necessario haec coniunguntur; in brachiis enim
 corporum robur inest, quo contra Iovis mentem pugnare audebant. Po-
 tuerunt ii quidem aliquandiu terrorem incutere (*horrida*), sed nihil ef-
 ficere quod maneret. Sic cohaerent vv. 49—58. — *fratresque*] vide ad
 Carm. I, 3, 19. Intelligendi sunt fratres Aloidae, Otus et Ephialtes cf.
 Virg. Georg. I, 280. Ovid. Met. I, 151 sqq. — *Typhoeus*] Τυφωεύς. Virg.
 Aen. IX, 713. Ovid. Met. V, 321 sq. III, 303. — *Mimas*] modo Cen-
 taurus, modo Gigas. Horatius si traditas a Graecis fabulas non anxie
 secutus est, non est vituperandus; id enim secutus est, ut inmania cor-
 pora consilio carentia contraque mentis divinae imperium pugnantia con-
 iungeret. — *Porphyryon*] βασιλεὺς Γυγάντων. — *Rhoetus*] cf. Carm. II,
 19, 23. — *Enceladus*] cf. Virg. Aen. III, 578. — *Palladis*] A Iovis
 parte stabant omnes dii deaeque; ex quibus nominantur sapientia Mi-
 nervae, officiosa sedulitas Vulcani (*avidus*), maiestas Iunonis, Apollinis
 sinceritas et veritas, qua quidquid impurum et improbum est indefessa
 fortitudine adoritur. Quas deorum facultates poeta rara epithetorum
 brevitate indicavit. — *Castaliae*] Limpidus fons est in iugo Par-
 nasi, Apollini sacer. — *lavit*] vide ad Carm. II, 3, 18. — *mole*

Vim temperatam di quoque provehunt
In maius; idem odere vires
Omne nefas animo moventes.

Testis mearum centimanus Gyas

70 Sententiarum, notus et integrae

Tentator Orion Dianae

Virginea domitus sagitta.

Iniecta monstris Terra dolet suis

Moerētque partus fulmine luridum

75 Missos ad Orcum: nec peredit

Impositam celer ignis Aetnam,

Incontinentis nec Tityi iecur

Reliquit ales nequitiae additus

Custos; amatorem trecentae

80 Pirithoum cohibent catenae.

sua] quia nimia est et modum rectum egreditur, si non est temperata consilio. — *Testis*] Puerunt quibus tota haec stropha spuria videretur; centimanum Gyam ex Carm. II, 17, 14 male repetitum, ipsam Gyaem mentionem post absolutam Gigantum pugnam molestam et importunam, *sententiarum* vocabulum prosa magis quam poetica oratione dignum esse aiebant. Ex quibus causis quam imbecilla prima sit vix est quod dicatur; altera talis est ut non videas quo iure a prudenti iudice afferri potuerit. Scilicet eiecta hac stropha cum nova Gigantum commemoratione nonne in eandem cladem retrahitur quidquid usque ad finem carminis relinquitur? Subita profecto vi v. 73 Horatius *monstra Terrae* inferret post v. 68. Neque id quod volunt assequantur adversarii horum versuum; nam nonne restat in reliquis strophis invisa ista Gigantum commemoratio? Tum qui pluralem *sententiarum* concoquere non poterunt unamque tantum sententiam propositam clamarunt, iidem in aliis pluralibus minus religiosi bene intellexerunt quid gravitatis ita poetarum verbis accederet. Addidit aliquis, mire dictum esse *notus*, *virginea* (pro *virginis*) adiectivum imbellicitate premi. At vero Orion propter id ipsum maxime notus fuit, quod Dianam tentavit, unde egregie *tentator* appellatur; deinde cur *virginea* minus probandum sit quam Carm. III, 3, 28 *Hectoreis* alia, difficile est ad intelligendum. Propert. II, 1, 67: „Dolia virgineis (Danaidum) idem illo repleverit urnis“ — *Terra*] *Faëa*, inater Gigantum. — *luridum*] Qui color significetur, videbis ex coniunctis locis Carm. IV, 13, 10. Epod. 17, 22. — *ignis*] Ne victus quidem Aetnaeque subiectus Tiphoeus pugnare desinit; ignem evomit, sed ne eius quidem celeritate quidquam efficiet. — *Tityi*] Hom. Od. XI, 575—580. — *reliquit*] In bonis etiam libris MSS. *relinquit*. Utrumque eodem redit. Perfectum praestare videtur propter praecedens idem tempus *peredit*. Supplendum *adhuc*. — *Pirithous*] Lapitharum rex cum Theseo amico Proserpinam ex Orco rapere conatus a Plutone saxis alligatus est cf. IV, 7, 27 sq. — *trecentae*] permultae; ut in prosa sexcenti. cf. II, 14, 5.

Carmen V.

Coelo tonantem credidimus Iovem
 Regnare; praesens divus habebitur
 Augustus adiectis Britannis
 Imperio gravibusque Persis.

5 Milesne Crassi coniuge barbara
 Turpis maritus vixit, et hostium,
 Pro curia inversique mores!
 Consenuit socerorum in armis

Carmen V.

Quod in praecedente carmine pugna Titanum et Gigantum indicatum est, id huius carminis stropharum quasi agmen ducit. Ut Iuppiter, totius mundi gubernator, in coelo regnat, sic Augustum rerum gestarum magnitudo terrarum dominum fecit. Ab eo igitur sperandum est fore ut Romana dignitas integra restitatur, ut quas morum depravatio Romano nomini inusserit maculas debeat, ut ea reducantur tempora, quibus bonorum laus et bona fama pluris haberentur quam corporis salus et vita. En habes sententiam, quam duobus exemplis illustrandam Horatius sibi sumpsit; alterum est eorum militum, qui Crasso primum, deinde Antonio a Parthis victo capti adeo potuerunt oblivisci Romani nominis ac dignitatis, ut inter Parthos habitare, matrimonia inire, arma etiam contra patriam ferre non dedignarentur. Alterum exemplum Reguli est; qui cum istis compositus quantus quantaque laude dignus eminet! Qui cum adversa fortuna a Poenis captus esset, indignum se haberet qui Romani civis nomine ornaretur, qui honestatem semel amissam nullis posse restitui artibus singulari iudicio iudicaret. Huius igitur tanti viri exemplum cum maiore ubertate exornaret, huius etiam voce cum in carmine uteretur, Horatius rectum quo tam multum ille valebat sensum exipie comprobavit. Sic enim sibi persuasit poeta, prisca illa tempora ut revocarentur unicuique quantum posset curandum esse; quam ob rem Augustum, qui ad restituendam imperii gloriam tenderet, magnopere praedicari ab omnibusque omni opera debere adiuvari. Nam haec extrema etiamsi a poeta diserte non adduntur, intelliguntur tamen ex ipso carminis initio. Hoc saepe secutus est consilium, ut in imagine aliqua consistens quid vellet indicasse satis haberet legentibus explorandum relinqueret.

V. 1. *tonantem*] *τρυφεραντος*. — *credidimus*] semper et credidimus et credemus. — *praesens*] vide ad Carn. I, 35, 2. — *adiectis*] cum adiecerit; loquitur enim poeta de futura imperii spe. — *coniuge barbara*] lunge *maritus coni. barb.*, ut Ovid. Her. 4, 134: „fratre marita soror.“ *Turpis* est, quia dedecit cives peregrinam et hostis filiam in matrimonium ducere. — *vixit*] Locus quem occupavit verbum magnam ei tribuit vim. — *hostium*] lunge *cum socerorum*. — *armis*] Sic omnes eodd. praeter unum, in quo *arvis*, quod viri docti ex coniectura restituendum putaverant. At vero quod ii qui capti erant et in servitutem redacti dominorum agros colebant, non fuit dedecori, sed quod arma etiam hostilia in patriam ferebant. Cuius quidem rei exempla sunt

- Sub rege Medo Marsus et Apulus,
 10 Anciliorum et nominis et togae
 Oblitus aeternaeque Vestae
 Incolumi Iove et urbe Roma?
 Hoc caverat mens provida Reguli
 Dissidentis condicionibus
 15 Foedis et exemplo trahentis
 Perniciem veniens in aevum,
 Si non periret immiserabilis
 Captiva pubes. Signa ego Puicis
 Affixa delubris et arma
 20 Militibus sine caede, dixit,
 Derepta vidi; vidi ego civium
 Retorta tergo brachia libero
 Portasque non clausas et arva
 Marte coli populata nostro.
 25 Auro repensus scilicet acrior
 Miles redibit. Flagitio additis
 Damnum: neque amissos colores
 Lana refert medicata fuco,
 Nec vera virtus, cum semel excidit,
 30 Curat reponi deterioribus.

apud rerum Romanarum scriptores. — *Anciliorum et*] De genitivi forma vide Zumpt. gr. lat. §. 67. *Et* in bonis codd. deest; sed praestat polysyndeton. Flor. IV, 11, 3: „Antonius patriae, nominis, togae, fascium oblitus.“ — *Vestae*] Cic. Cat. IV, 9, 18. — *Iove*] Capitolino. — *Hoc caverat*] Observanda sententiarum iunctura: Illud ipsum erat, quod prohibere olim suo exemplo voluerat Regulus, et tamen factum est. — *trahentis*] Sic omnes codices; neque opus est coniectura *trahenti*. Nam *trahentis* est *qui traheret*, quod ex protasi *siperiret* intelligas. Cfr. graeca coniunctio apud Plat. Criton. p. 48. C. *Trahere* autem solitum est vocabulum de contagione. Sat. I, 2, 59. Ovid. Met. I, 190 sq. — *periret*] Ut metro consuleret, Glareanus coniecit *perirent*; quo quidem remedio non opus est in re poetae arbitrio subiecta. — *immiserabilis*] miseratione indigna.

V. 18. *signa*] De rebus et verbis compara Carm. IV, 15, 6 sq. Epist. I, 18, 56. — *derepta*] Omnes fere codices *direpta*, male. — *portasque*] Karthaginis — *populata*] Populare verbum non sine exemplo, ut Liv. III, 6. Virg. Georg. I, 185 Aen. I, 527. — *Flagitio*] Medium carmen ut saepissime fit summam totius sententiam habet. *Damnum* in malo magis exemplo verpendum est quam in impenso pretio. — *deterioribus*] dativus; nam reponere est reddere. Epist. I, 7, 39. Plin. Epist. VIII,

Si pugnat extricata densis
Cerva plagis, erit ille fortis

Qui perfidis se credidit hostibus,
Et Marte Poenos proteret altero

35 Qui lora restrictis lacertis
Sensit iners timuitque mortem.

Hic unde vita sumeret inscius
Pacem duello miscuit. O pudor!

O magna Karthago, probrosis
40 Altior Italiae ruinis!

Fertur pudicae coniugis osculum
Parvosque natos ut capitis minor
Ab se removisse et virilem
Torvus humi posuisse vultum,

45 Donec labantes consilio patres
Firmaret auctor nunquam alias dato
Interque moerentes amicos
Egregius properaret exsul.

Atqui sciebat quae sibi barbarus
50 Tortor pararet: non aliter tamen
Dimovit obstantes propinquos

2, 6: „Cum reputarem quosdam ex debito aliquantulum, quosdam aliquid, quosdam nihil reposuisse.“ — *si pugnat*] Si ordo rerum invertitur, tunc fortes erunt qui semel capti honestatem amiserunt. — *perfidis credidit*] Egrege inter se opponuntur, ut Carm. III, 27, 25. — *Hic unde*] Sic plurimi codices, et recte quidem legunt. *Hic* enim cum indignatione positum refertur ad eum militem quem ante descripsit. Is igitur qui capi se passus est, cum nimia cupiditate vitae conservandae occaecatus recte eam servari fortiter pugnando non cogitaret, suam pacem fecit cum hoste. Ubi civitas bellum intulerit ibi singulis civibus non licere ait Regulus pacem componere. — *duello*] Antiquior forma egregia in ore antiqui Reguli. Sed reperitur eadem III, 14, 18. IV, 15, 8. Epist. I, 2, 7. II, 1, 254. II, 2, 98. Festus: „*Duellum* bellum, videlicet quod duabus partibus de victoria contententibus dimicatur.“ Sic *bis* ex *duis*, *bonus* e *duonus*. — *probrosis*] Probra cum dedecore sunt coniuncta; quare quod imperium Romanum a Poenis victum ruinam minatur, eius rei culpa est in ignominiosa civium ignavia. Sibi ipsi irascitur Regulus.

V. 42. *capitis minor*] „Capite deminutus erat qui in hostium potestatem venit.“ Festus. cf. Liv. XXII, 60. Triplex erat capitis deminutio. — *Torvus*] cf. Ovid. Met. V, 92. Virg. Georg. III, 51. *ταυρηδὸν ὑποβλέπειν*. — *tortor*] cf. Cic. de off. I, 13. III, 27. — *reditus*] Plu-

Et populum reditus morantem,

Quam si clientum longa negotia

Diiudicata lite relinqueret

56 Tendens Venafranos in agros

Aut Lacedaemonium Tarentum.

Carmen VI.

Delicta maiorum immeritus lues,

Romane, donec templa refeceris

rali numero describitur, quoties Regulus populo prohibente reditum tenuerit. — *longa*] taedii plena. — *Venafranos*] in Campania sitos. — *Lacedaemonium*] Carm. II, 6, 11.

Carmen VI.

Argumentum huius carminis cum quinto cognatum est. Nam Augustus qui eo tenderet, ut Romanam dignitatem inter ipsos cives et apud exterarum nationes restitueret, pravitatis et corruptionis qua laborabat respublica quasi radices evellere debebat. Diuturna civium discordia fundamenta communis salutis suffossa erant, priscus timor deorum sublatus, templa devastata vel neglecta, integritas domesticae vitae turpissimis flagitiis contaminata. Pietatem cum integritate restituendam censuit Augustus; inde eius in renovandis templis in corrigendisque moribus egregium studium. Quod quam rectum sit Horatius hoc carmine docet. Nam: „quia privati, inquit, commodi amor prae cae deorum religionis sedem occupavit, dii omnes calamitates in impiam Italiam miserunt; infestissimi hostes, Parthi, saepius victores impetus nostros malis omnibus illatos gravi clade reiecerunt et Romanus civis, Antonius, barbararum gentium copias (Dacos, Aethiopes) ut contra ipsam patriam duceret ab animo potuit impetrare. Deorum immortalium contempcionem secuta est turpitudine domestica, qua omnes, imprimis mulieres, polluti et corrupti sunt; mala enim semina malos edunt fructus. Quare ante omnia inventuti consulendum est; reducenda in animos iuvenum prisca pietas priscae disciplinae severitate. Severitate et officio assuefacta fuit ea iuventus, qua quidquid ex rebus Romanis perpetua splendet gloria gestum est, qua Hannibal, Pyrrhus, Antiochus superati sunt. Nostra aetas deterior est; avi nostri perniciosi originem posuerunt, patres incrementa attulerunt, quibus nos rursus improbitate ita praestamus, ut nisi nunc ipsum corrigimur a malaque qua incedimus via deflectimus peiorem etiam simus relicturi progeniem.“ — Vides igitur, in hoc quoque carmine efflagitare poetam, ut iuventus rectis et severis doctrinis imbuatur; aliam salutis viam esse nullam. Romanus, quem Horatius alloquitur, quia *immeritus* est non suae potest esse aetatis, sed proximae; inde v. 1 fut. *lues*. — Restat, ut de tempore horum sex carminum pauca dicam. Quae cum cognatione consilii et loci inter se coniungantur, non possunt esse diversi temporis. Iam cum quartum et quintum ante a. 728 scripta esse non possint, omnia hoc anno iuniora esse nego. Nam ne in sexto quidem quidquam legitur, quod annum 726, quo anno Augustus templa reficere et mores corrigere incepit, aperte prodat aut duobus annis post scriptum esse nequeat.

Aedesque labentes deorum et
Foeda nigro simulacra fumo.

5 Dis te minorem quod geris, imperas;
Hinc omne principium, huc refer exitum:
Di multa neglecti dederunt
Hesperiae mala luctuosae.

Iam bis Monaeses et Pacori manus
10 Non auspicatos contudit impetus
Nostros et adiecisse praedam
Torquibus exiguis renidet.

Paene occupatam seditionibus
Delevit urbem Dacus et Aethiops,
15 Hic classe formidatus, ille
Missilibus melior sagittis.

Fecunda culpa saecula nuptias

V. 1 *templa refeceris*] cf. Carm. II, 15, 20. Sat. II, 2, 104. Fuit qui primo versu scribendum censeret *meritus*; perperam. — *Romane*] cf. Virg. Aen. VI, 852. Quinctil. VIII, 6, 20: „Maxime autem in orando valebit numerorum illa libertas. Nam et Livius saepe sic dicit *Romanus proelio victor*, cum Romanos vicisse significat.“ Vis quaedam et gravitas inest in singulari omnes Romanos ad unum quasi corpus colligente. — *fumo*] et incendiis et incuria. Nam cum antiqua aedificia non haberent ea tectorum foramina quibus fumus apud nos colligitur et educitur, necessarium erat, ut in templis etiam simulacra deorum lavarentur. — *te geris*] Sat. II, 5, 19. — *principium, huc*] vide ad Carm. III, 4, 41. Zengma in hoc loco non est; nam *princip.* nominativus est. Quod ut intelligas conferas Cic. de off. III, 8, 36 de senect. 12, 39. Terent. Andr. I, 1, 99: „Hinc illae lacrimae.“ — *iam bis*] Non bis Monaeses et bis Pacorus; sed semel Monaeses a. 701 M. Crussi, et semel Pacorus, Orodis filius, a 714 Didii s. Decidii Saxae exercitum vicit. Quod deinde a. 718 ipse Antonius a Parthis superatus est, id nescio qua verecundia prohibitus non commemoravit. Amicitia Iuli Antonii (Carm. IV, 2) certe eum non prohibuit, qui v. 14 satis perspicue Antonium notaret. Fortasse no idem in duobus malis publicis conspiceretur voluit cavere. — *non auspicatos*] De Crasso Vell. Pat. II, 46: „Hunc proficiscentem in Syriam diris cum omnibus tribuni plebis frustra retinere conati. Quorum execrationes si in ipsum tantummodo valuissent, utile imperatoris damnum salvo exercitu fuisset reipublicae.“ — *contudit*] Magnam h. v. significat cladem; compara eius usum Epod. 5, 98. Epist. II, 1, 10. I, 8, 5 Sat. II, 7, 16. Carm. IV, 3, 8. — *renidet*] ridet, gaudet. Ovid. Met. VIII, 197. Catull. 39, 1: „Egnatius quod candidos habet dentes, Renidet usquequaque.“ De coniunctione cf. Carm. I, 34, 16 et infr. v. 21. — *Dacus*] Ili ab Octaviano spreto ad Antonium inclinaverant. Virg. Aen. VIII, 704.

V. 17. *fecunda*] De genit. Zumpt. §. 436. cf. Carm. IV, 4, 58. In

- Primum inquinavere et genus et domos ;
 Hoc fonte derivata clades
 20 In patriam populumque fluxit.
 Motus doceri gaudet Ionicos
 Matura virgo et fingitur artibus ;
 Iam nunc et incestos amores
 De tenero meditatur ungui ;
 25 Mox iuniores quaerit adulteros
 Inter mariti vina neque eligit
 Cui donet impermissa raptim
 Gaudia luminibus remotis ;
 Sed iussa coram non sine conscio
 30 Surgit marito, seu vocat institor
 Seu navis Hispanae magister ,
 Dedecorum pretiosus emptor.
 Non his iuventus orta parentibus
 Infecit aequor sanguine Punico ,
 35 Pyrrhumque et ingentem cecidit
 Antiochum Hannibalemque dirum ;
 Sed rusticorum mascula militum
 Proles , Sabellis docta ligonibus

reliquis locis apud Horatium genitivus non est additus, sed facile intelligitur, cum quid *secundus* proprie significet recte tecum reputaveris. Sat. II, 5, 31. II, 4, 44. II, 3, 287. Carm. III, 23, 6. Epist. I, 5, 19. — *genus*] liberos. — *domos*] rationes domesticas. — *in patriam populumque*] Bentleius ne otiosa synonyma ingerere videretur Horatius, corrigendum putavit *inque patres populumque*, ut Virg. Aen. IV, 682. IX, 192 al. Sed non est tangenda antiqua formula: cf. Liv. V, 41. Sall. Cat. 52. Ovid. Met. XV, 572. Apud Horatium *que* praepositioni non adhaeret nisi Sat. I, 3, 141. — *Ionicos*] Iones mollitie insignes, inde Ἰωνικὴ ὑψηλότης lasciva saltatio. — *matura*] quam aetatem modestia et castitas maxime commendat. — *artibus*] Est ablativus, cf. Carm. IV, 13, 21. — *iam nunc*] cf. Epist. II, 1, 127. A. P. 43. Expectationem res praecurrit. — *ungui*] Ab unguibus complura proverbia sumpta sunt. Cic. ad Fam. I, 6, 2. „A teneris unguiculis.“ ξξ ἀναλῶν ὀνύχων. — *institor*] Epod. 17, 20: „Institores, quibus vestiarii dant vestes linteaeque circumferenda ac distrahenda.“ Gloss. — *navis Hispanae*] Plin. II, N. III, 3: „Metallis plumbi, ferri, aeris, argenti, auri tota ferme Hispania scatet, citerior et specularibus lapidibus, Baetica et minio. Sunt et marmorum lapicidinae.“ Inde in Hispaniam frequens mercatura, et Hispani mercatores divites. — *dedecorum*] Varia dedecoris genera. — *aequor*] Primo Punico bello, cf. Carm. II, 12, 3. — *dirum*] vide ad Carm. II, 12, 2. — *Sabellis*] Quorum de severa disciplina vide Virg. Georg. II, 167. Aen. IX, 603 sqq.

- Versare glebas et severae
 40 Matris ad arbitrium recisos
 Portare fustes, Sol ubi montium
 Mutaret umbras et iuga demeret
 Bobus fatigatis amicum
 Tempus agens abeunte curru.
 45 Damnosa quid non imminuit dies?
 Aetas parentum peior avis tulit
 Nos nequiores mox daturos
 Progeniem vitiosiore.

Carmen VII.

Quid fles, Asterie, quem tibi candidi
 Primo restituent vere Favonii
 Thyra merce beatum
 Constantis iuvenem fide

Ovid. Am. II, 4, 15 *rigidas Sabinas* vocat. Cic. pro Ligar. 11, 32. — *iuga demeret*] Cum tota natura quiescit, cum etiam bobus iuga demuntur, severitas matrum iuvenes quieti se dare non sinit. — *agens*] adducens, ut Virg. Bucol. 8, 17. — *aetas parentum*] Observa admirabili quodam artificio poetae quattuor aetates brevi trium versuum spatio coniungi. Gravissimum illud iudicium egregio modo carminum seriem claudit.

Carmen VII.

Asterien, quae de Gygis, amati iuvenis, longa absentia sollicita erat, consolatur Horatius: neminem in amore constantiorem Gyge esse neque apud eum quidquam valere malas Chloae hospitae artes et illecebras; contra ne ipsa Romae periculis undique cincta fidem frangat magis ait esse timendum; quare eam admonet ut ne aurem praebet Enipei vicini nocturnis carminibus, ut domum clausam teneat, ut difficilis maneat, dum Gyges revertatur. Graeca nomina cum haud dubie ficta sint, veros tamen et Romanos homines celare videntur; quamquam qui lateant investigare velle inane est studium et supervacaneum. Quo tempore compositum carmen sit nos latet.

V. 1. *quem tibi*] Relativa sententia ob eam causam praecedit ipsum nomen Gygis, quia consolandi rationes paucis verbis comprehensas continet. — *candidi Favonii*] cf. Carm. I, 7, 15. III, 27, 19. — *Thyna*] Thyni Thraces erant, qui in Bithyniam emigrarant, unde Plin. II. N. V, 32: „Tenent omnem oram Thyni, interiora Bithyni.“ Utroque tamen nomine poetae certe sine ullo discrimine utebantur; Epist. I, 6, 33. Nobilis ea fuit regio propter multa et magna quae habuit emporia. — *fide*] De hac genitivi forma vide Zumpt. gr. lat. §. 85 ann. 3. cf. Sat.

5 Gygen? Ille Notis actus ad Oricum
 Post insana Caprae sidera frigidas
 Noctes non sine multis
 Insomnis lacrimis agit.

Atqui sollicitae nuntius hospitae
 10 Suspirare Chloën et miseram tuis
 Dicens ignibus uri
 Tentat mille vafer modis.

Ut Proetum mulier perfida credulum
 Falsis impulerit criminibus nimis
 15 Casto Bellerophonti
 Maturare necem refert.

Narrat paene datum Pēlea Tartaro,
 Magnessam Hippolyten dum fugit abstinens;
 Et peccare docentes
 20 Fallax historias movet.

Frustra: nam scopulis surdior Icari

I, 3, 95. — *Oricum*] urbs Epiri, nunc *Orso* vel *Erikho* appellata, colonia Euboeae, cuius portus iam ab Herodoto IX, 93 commemoratus est. — *insana caprae sidera*] Capra quae olim Iovem nutriverat inter sidera relata locum in sinistro humero Aurigae habet; oritur autem una cum pluvialibus Haedis (cf. Carm. III, 1, 28) a. d. IV. Kal. Octobr., occidit Kal. Ianuar. Quae cum ingentes tempestates in mari soleat concitare, eadem ratione *insana* appellatur, qua Leonis sidus nimios calores afferens *resanum* Carm. III, 29, 19. Pluralis autem numerus *sidera* capram ipsam comprehendit cum haedis.

V. 10. *tuis ignibus*] cf. Carm. I, 27, 16. Pluralis numeri natura obscurata animi affectionis significatione et addita continuitatis notione cernitur in exprimendo ipso qui amatur homine; quare quid velit possessivum pronomen satis liquet. Cf. usum pluralis *amores*. — *Proetum*] De hac fabula lege Hom. II. VI, 155 sqq. — *impulerit maturare*] vide ad Carm. I, 1, 8; quamquam in epistolis, quarum oratio propior est ad vulgarem rationem, coniungitur etiam *impulit ut*, Epist. II, 2, 51 sq. — *Pelea*] Hippolyte Acasti Iolci regis coniux Peleum, quem diu ad amore frustra tentasset, vim sibi inferre voluisse apud maritum criminata est. Qui hospitem in Pelei montis solitudines abductum somnoque oppressum inter medios Centauros reliquit; neque eorum impetus Peleus nisi deorum misericordia adiutus sustinere potuit. — *movel*] In aliis etiam bonis et antiquis codicibus *monet* legitur; illud tamen quanto sit gravius tum intelliges, cum fabulas sic ab nuntio moveri consideraveris, ut a bellantibus et castella obsidentibus arma et machinae solent moveri. Gygis pectus quasi castellum est fide et constantia defensum, impugnatum illecebris cupiditatis et perfidia. — *Icari*] non pro Icarii sc. maris; sed sunt ipsius Icari scopuli; ceterum cf.

Voces audit adhuc integer. At tibi

Ne vicinus Enipeus

Plus iusto placeat cave;

25 Quamvis non alius flectere equum sciens

Aeque conspicitur gramine Martio

Nec quisquam citus aeque

Tusco denatat alveo.

Prima nocte domum claude neque in vias

30 Sub cantu querulae despicere tibiae.,

Et te saepe vocanti

Duram difficilis mane.

Carmen VIII.

Martiis caelebs quid agam Kalendis ,

Quid velint flores et acerra thuris

Epod. 17, 54. Gratum haud dubie est oxymoron *surdior audit*. cf. Euripidis Med. 28: *ὥς δὲ πέριος ἢ θαλάσσιος κλύδων ἀκούει*; audit quidem, sed non movetur magis quam si non audivisset.

V. 25. *quamvis conspicitur*] vide ad Carm. I, 28, 13. — *flectere equum*] In delicata qua tum perdebantur Romani pueri (Carm. III, 24, 54sq.) vita magnum haud dubie fuit roboris argumentum in equitandi nandique artibus; quapropter in his saepius ad amorem puellarum excitandum gravis sane commendatio quaeritur, de qua compara sis Carm. I, 8, 6. III, 12, 7. Summa igitur Enipei laus ostenditur ab Horatio his posito *aeque* adverbio in illustri loco, initium dico et finem versuum. — *denatat*] *ἀπαξ λεγόμενον* ut videtur; est autem ex superiore loco in inferiorem natarc, quae quidem significatio praepositionis *de* mox redit in verbo *despice*; compara *delabi* Carm. III, 29, 35; *decidere* Epist. I, 14, 29; *decurrere* Carm. IV, 2, 5; *destuere* Carm. I, 12, 29. Epist. I, 2, 42; alia. — *neque despice*] vide ad Carm. I, 11, 2.

Carmen VIII.

Horatium a. 728 cadente subito arbore paene extinctum esse ad Carm. II, 13 expositum est. Quae quidem res tam admirabilis ei visa est, ut ob conservatam salutem gratum diis animum annuo sacrificio testari decerneret. Vocat igitur insequenti anno dulcissimum amicum, Maecenatem, ad epulas cum sacrificio hoc festo die celebrandas. Qui cum nesciret, quid hoc potissimum die, Matronalibus, caelebs Horatius coenam instituisset, domum intrans sacros ibi apparatus mirari se vultu exprimit. Iam hoc carmine cogitandum est excipere Horatium laete amicum quidque sit rei explicare. Dividitur carmen ex septem strophis compositum in duas partes, quarum prior tres strophas complectens festiva aliqua ratione admirationem habet Maecenatis Horatiique cur ea

Plena, miraris, positusque carbo in
Cespite vivo,

5 Docte sermones utriusque linguae:
Voveram dulces epulas et album
Libero caprum prope funeratus
Arboris ictu.

Hic dies anno redeunte festas
10 Corticem adstrictum pice demovebit.
Amphorae fumum bibere institutae
Consule Tullo.

Sume, Maecenas, cyathos amici

paraverit explicationem. Tum media strophæ invitatur Maecenas, ut adesse velit hilari quidem sed a nimia lætitia alieno convivio; in quo loco grave est v. 13 vocabulum *amici*, quocum aliqua certe ratione coniungenda sunt ultima huius strophæ vocabula. Amicum posci ait ab amico, amicas etiam epulas fore; quare abiciendas esse omnes alienas curas, etiam publicas, fruendum potius quæ hora præbeat bonis, pellendam in læta re severitatem. Haec extrema altera continentur carminis parte, eadem composita tribus strophis Maecenatem ita spectantibus, ut primæ tres Horatium.

V. 1. *Martii Kalendis*] Praeclarum verborum ordinem primi versus digito monstrasse sufficiat. Kal. Mart. celebrari solebant Matronalia in honorem Iunonis memoriamque Romulo regnante institutorum connubiorum servataeque per mulieres civitatis. Fuit etiam mos hoc die mulieres strenis donare. — *acerra*] arca thuraria. — *cespite*] cf. Carm. I, 19, 13 sqq. — *docte*] Admodum festiva alloquendi ratio: „quid mihi sit caeli cum matronalibus, tu, cui quidquid rerum est sacrarum vel latinarum vel graecarum bene perspectum est, tota ista doctrina non assequeris.“ Sermones enim litterae ipsae sunt. cf. Cic. de off. I, 1, 1. — *Libero*] vide ad Carm. II, 17, 28. Baccho cur caprum immolaverit, vide ex Virgil. Georg. II, 380; et album quidem, quia superis diis albae, inferis nigrae hostiae mactabantur. — *funeratus*] Quantum nos quidem ex aliis scriptoribus possumus iudicare, *funerare* est iusta mortuis persolvere; quem usum si Horatius reliquit, cum funus etiam sit mortuum corpus, non abhorruit a communi Latinorum verba ex nominibus faciendi consuetudine. cf. Carm. I, 28, 19. — *demovebit*] non *dimovebit*, quod in bonis etiam est codicibus. — *fumum bibere*] Colum. I, 6, 20: „Apothecae recte superponentur iis locis, unde plerumque fumus exoritur; quoniam vina celerius vetustescunt, quæ fumi quodam tenore praecocem maturitatem trahunt.“ Apothecae igitur diversae erant a cella vinaria, quæ ne vinum calore vitaretur, in humum depressa fuit et septentriones versus sita. Amphoræ autem vel vitro vel argilla confectae, ne aer accederet, gypsabantur vel oppicabantur. — *Consule Tullo*] Significatur annus a. u. c. 688, quo consules erant L. Volcatius Tullus et M'. Aemilius Lepidus. Ne vetustatem vini mireris confer Carm. III, 21, 1.

V. 13. *cyathos amici sospitis*] qui propter salutem amici servatam
Horatius ed. Dillenburger.

Sospitis centum et vigiles lucernas
 15 Perfer in lucem; procul omnis esto
 Clamor et ira.

Mitte civiles super urbe curas:
 Occidit Daci Cotisonis agmen,
 Medus infestus sibi luctuosus
 20 Dissidet armis,

Servit Hispanae vetus hostis orae
 Cantaber sera domitus catena,
 Iam Scythae laxo meditantur arcu
 Cedere campis.

25 Negligens ne qua populus laboret
 Parce privatus nimium cavere;
 Dona praesentis cape lactus horae,
 Linque severa.

Carmen IX.

Donec gratus eram tibi
 Nec quisquam potior brachia candidae

ebibantur. cf. Carm. III, 19, 9 sq.; in qua re his verbis Romani utebantur: *bene te* vel *bene tibi*. Centum autem numerus hic est infinitus. — *Daci Cotisonis*] de hoc reliquisque rebus ad Romanam historiam pertinentibus vide ad Carm. II, 13. — *infestus sibi luctuosus*] En iterum exemplum constructionis ἀπὸ κοινοῦ quae solet vocari. Est enim Medus *sibi* infestus armis *sibi* luctuosus. Nam quod alii voluerunt *Medus infestus Romanis*, id cum ab hoc certe loco alienum videatur, tum vix ex adiectivo absolute posito intelligitur. Praeterea ne cum Heinio et Bentleio *infestis* — *luctuosus* scribas vetat homoeoteleuton a poetis latinis magnopere adamatum. — *Scythae*] cf. Carm. II, 9, 23 sq. — *populus*] Maecenas cum hoc anno praefectus urbi esset, potestatem habuit extraordinariam; cui quidem officio bene opponitur *privatus*, quo non tam indicatur Maecenati publico munere non fungenti mittendas esse publicas curas, quam velle Horatium, ut amicus totus sit apud se, ut nihil cogitet nisi mutuam qua gaudebant amicitiam. — *cape*] Codices etiam *rape* praebent, quod cur non sit recipiendum, invenies cum non cupiditatem, sed usum praesentis laetitiae suaderi intellexeris. — *horae*] Alii *horae* et sive *ac*; utrumque falsum. Asyndeton optimis codicibus probatur.

Carmen IX.

Dramaticum et amoebaeum hoc carmen inter amatoria fere dulcissimum in tres aequales partes facile dividi perspicuum est. Ac prima

Cervici iuvenis dabat,
Persarum vigui rege beatior.

5 Donec non alia magis
Arsisti neque erat Lydia post Chloën,
Multi Lydia nominis
Romana vigui clarior Ilia.

Me nunc Thressa Chloë regit
10 Dulces docta modos et citharae sciens,
Pro qua non metuum mori,
Si parcent animae fata superstiti.

Me torret face mutua
Thurini Calaïs filius Ornyti,
15 Pro quo bis patiar mori,
Si parcent puero fata superstiti.

Quid, si prisca redit Venus
Diductosque iugo cogit aëneo,
Si flava excutitur Chloë

quidem pars (str. 1. 2) irae qua Horatius et Lydia distrahantur originem ostendit, altera (str. 3. 4), qua quid rixam amantium secutum sit ostenditur, apposite transitur ad reconciliationem gratiae et amoris; quae cum tertiam efficiat partem, totum carmen ita comparatum est, ut quam verum sit Terentianum illud: „amantium irae amoris redintegratio“ venuste demonstraretur. Nam hoc proprium est etiam primae et alteri parti, ut per zelotypiam et iram amoris tamen vis quasi perluceat. Deinde quam sit suave, quod quidquid ab Horatio Lydiae obiciatur perfidiae et invidiae, id statim ab hac superetur et acute augeatur, non est quod uberius exponatur. Quo anno scriptum sit carmen quis dicat?

V. 3. *dabat*] Simplex verbum compositi *circumdare* loco positum esse ex dativo intelligitur *cervici*, de quo nomine Quintilianus dicit VIII, 3, 35: „*Cervicem* videtur Hortensius primus dixisse: nam veteres pluraliter appellant“, cui addendum tamen, veteres poetas singularem sic ponere iam ausos esse. — *alia arsisisti*] cf. Carm. IV, 9, 13. Epod. 14, 9, unde quid de altera lectione *aliā* iudicandum sit facile videbis. — *multi Lydia nominis*] De genitivo vide ad Carm. I, 36, 13. cf. Sat. I, 1, 33; in quibus locis hoc quoque poetici sermonis est, quod genitivi qualitatibus qui vocantur omisso appellativo nomine proprium nomen possunt ornare. Etenim in prosa oratione scribendum esset: „Lydia, puella multi nominis“.

V. 12. *animae*] dulce hoc amicitiae vel amoris nomen; veluti Cic. Fam. XIV, 14: „Vos meae carissimae animae, quam saepissime ad me scribite“; neque nos aliter Germani „mein Leben“. — *iugo aëneo*] In adiectivo posita vis est et firmitas redintegrati amoris. cf. Carm. I, 33, 11. In sequentibus verbis Chloë excutitur non domo sed pectore, deinde

20 Reiectaeque patet ianua Lydiae?

Quamquam sidere pulchrior

Ille est, tu levior cortice et improbo

Iracundior Hadria,

Tecum vivere amem, tecum obeam libens.

Carmen X.

Extremum Tanain si biberes, Lyce,

Saevo nupta viro, me tamen asperas

Porrectum ante fores oblicere incolis

Plorares Aquilonibus.

5 Audis quo strepitu ianua, quo nemus

Inter pulchra satum tecta remugiat

Ventis, et positas ut glaciēt nives

Puro numine Iuppiter?

Ingratam Veneri pone superbiam,

reiectae Lydiae dativus est, non genitivus. — *improbo*] Quidquid modum excedit, improbum est poetis. cf. Virg. Georg. I, 146. 388. — *iracundior*] Talem se ipse describit Horatius Epist. I, 20, 25.

Carmen X.

Unum hoc exemplum est Horatianum ex carminum genere, quod *παράπλευσις* nominatur; quo poetae amatores imitantur prima nocte ad ianuam difficilium puellarum stantes miserisque vel precibus vel minis gratiam muliercularum moventes. Cuius quidem generis mentio iniecta est Carm. I, 25, 7 sq. III, 7, 30 sqq.

V. 1. *Extremum Tanain*] Etiamsi barbara esses a mitiorque sensu aliena, me saevo frigori oppositum exciperes. De verbo *bibendi* vide ad Carm. II, 20, 20. — *asperas fores*] cf. Epod. 11, 22. — *incolis Aquilonibus*] Aquilones quoniam in gelida Scythia flare solent, egregie eius regiones incolae appellantur. Non multum diversus locus est Carm. I, 16, 6. — *nemus*] non est viridarium in domus impluvio plantatum, a ventorum vi undique cingentium aedificiorum tutela defensum, sed *solarium*, de quo Seneca Contr. exc. V, 5: „Alunt in summis culminibus mentita nemora et navigabilium piscinarum freta“ et idem Epist. 122, 8: „Non vivunt contra naturam qui pomaria in summis turribus serunt? quorum silvae in tectis domorum ac fastigiis nutant?“ — *ventis*] ablativus est causae. — *glaciēt*] Ad hoc verbum cum alterum quod praecedit *audis* omnino aptum non videatur zeugma in hoc loco inesse putant eliciendumque ex *audis* accomodatius verbum *sentis*, quamquam nivem in glaciem converti etiam auditur, veluti vestigiis praetereuntium.

- 10 Ne currente retro funis eat rota :
 Non te Penelopen difficilem prócis
 Tyrrhenus genuit parens.
 O quamvis neque te munera nec preces
 Nec tinctus viola pallor amantium ,
 15 Nec vir Pieria pellice saucius
 Curvat , supplicibus tuis
 Parcas nec rigida mollior aesculo
 Nec Mauris animum mitior anguibus.
 Non hoc semper erit liminis aut aquae
 20 Coelestis patiens latus.

Carmen XI.

Mercuri, nam te docilis magistro
 Movit Amphion lapides canendo ,

V. 10. Proverbium hoc difficile ad interpretandum; optima tamen ea videtur esse ratio, quae ab hominibus molem aliquam machinae rota instructae ope in sublime trahentibus petita est. Iis enim funis saepe vel machinae manubrium e manibus elabitur; quo facto retro currente rota retro it funis deceditque trahenda moles. Quae ratio si vera est, rota retro cedente significatur pulchritudo, quae crescentibus annis paulatim minuitur; moles quae trahitur ipse est amator, funis ex manibus puellae elabens amor est, quo ut fune moles sic amator tenetur. Quare recte *retro* adverbium positum est ἀπὸ χοινοῦ, neque recipiendus alter verborum ordo: *ne currente rota funis eat retro* Bentleyo aliisque probatus. — *Tyrrhenus pater*] Extenuat originem Lyces, ne cur superbiat causam habere sibi ea videatur. — *quamvis*] vide ad Carm. I, 28, 13. — *tinctus viola pallor*] Tibull. I, 8, 52: „Sed nimius luto corpora tingit amor.“ Virg. Bucol. 2, 47: „Pallentes violas“; nam violarum genus etiam luteum est. — *vir*] maritus. — *saucius*] amore. — *Mauris*] vide ad Carm. I, 1, 28. — *hoc latus*] Pronomen vere demonstrativum est, nequo aliter Graeci οὗτος usurpant. Sat. I, 9, 47. Deinde cf. Carm. II, 7, 18. — *Coelestis aquae*] cf. Epist. II, 1, 135.

Carmen XI.

Precibus Horatius convertitur ad Mercurium et lyram, ut carmen sibi velint dare quo Lyden timidam et amatam puellam sibi possit conciliare (str. 1—3); nam magnam esse carminum potestatem etiam in feras bestias, in inanimatam naturam, in ipsos adeo inferos (cf. Carm. II, 13. — str. 4—6). Ex inferis postremum locum consulto occuparunt Danae filiae, quarum exemplum quam gravi poena lueretur male redditus et deceptus amor statim doceret. Quod quidem Lyden spectare versu 25 clare ostenditur, neque temere fecit Horatius, quod in Danaeum fabula diutius moratus rem suam videtur relinquere. Etenim in

Tuque testudo resonare septem
Callida nervis,

5 Nec loquax olim neque grata, nunc et
Divitum mensis et amica templis,
Dic modos, Lyde quibus obstinatas
Applicet aures,

Quae velut latis equa trima campis,
10 Ludit exsultim metuitque tangi
Nuptiarum expers et adhuc protervo
Cruda marito.

Tu potes tigres comitesque silvas
Ducere et rivos celeres morari;
15 Cessit immanis tibi blandienti
Ianitor aulae,

Cerberus, quamvis furiale centum
Muniant angues caput eius atque

hac fabula nihil velim aliud videas nisi ipsum carminis quo Lyden voluerit Horatius mulcere argumentum. Quod si perspexeris, simul etiam cur ad Lyden postea non revertatur videbis. Neque minus planum est, quid causae fuerit cur haec de Danaïdibus pars — id enim artificium frequens est Horatii — per septem extenderetur strophas; quarum prima ut media est totius carminis ita summam habet sententiam. Quid quod inde hoc quoque intelligitur, quintam stropham (v. 17—20) non debere ut spurium eiici? id quod multi iique praestantissimi Horatii interpretes facere non dubitarunt. Eiice hanc stropham, et vide ubi sit aequabilitas partium. Verumtamen si quid ibi est ineptum vel vituperandum, Horatius vituperandus est, non emendandus. Qui hoc certe optime instituisse videtur, quod carmini finem imposuit oratione Hypermnestrae suam salutem amori et fidei longe posthabentis. Id enim Lyde quoque ut faciat studiose suadet.

V. 1. *nam*] Exemplo, quod huius particulae vinculo adiungitur, causa cur ad Mercurium convertatur probatur. cf. infra v. 30. Epod. 17, 45. Virg. Aen. I, 65. Sic saepe apud Graecos γὰρ particula. — *Amphion*] cf. Art. poet. 394 sqq. — *testudo*] cf. Hom. hymn. in Mercur. v. 47 sqq. — *resonare callida*] vide ad Carm. I, 1, 18. — *loquax*] olim antequam nervis instructa esset neque canora neque grata hominibus, nunc ubique accepta, et divitibus hominibus et ipsis diis. cf. Carm. I, 32, 13. Hom. Od VIII, 99. De septem nervis vide Hom. hymn. in Merc. 51. — *exsultim*] vide ad Carm. I, 5, 8. — *cruda*] proprie de fructibus. cf. Carm. II, 5, 10. — *comitesque silvas ducere*] In quo loco *comites* vocabulum cum non magis ad silvas (cf. Carm. I, 12, 7 sqq.) pertineat quam ad tigres, medium locum obtinuit instructumque est particula *que*; quae qua ratione soleat transponi vide ad Carm. II, 7, 25. — *Ianitor aulae*] Cerberus cessisse dicitur Orpheo Eurydicen uxorem ex inferis repotenti; immanis enim aula est inferorum. — *caput eius*

Spiritus teter saniesque manet
20 Ore trilingui.

Quin et Ixton Tityosque vultu
Risit invito, stetit urna paulum
Sicca, dum grato Danaï puellas
Carmine mulces.

25 Audiat Lyde scelus atque notas
Virginum poenas et inane lymphæ
Dolium fundo pereuntis imo
Seraque fata,

Quæ manent culpas etiam sub Orco.

30 Impiæ — nam quid potuere maius? —
Impiæ sponso potuere duro
Perdere ferro.

Una de multis face nuptiali

atque] Supra iam dictum est, multos et magnos fuisse criticos qui totam stropham ut Horatio indignam eiiciendam censerent exilitate pronominis *eius* et inepta quam dicunt Cerberi descriptione moti. Fuerunt etiam qui Cerberi minus gratam descriptionem ferentes v. 18 emendare mal-
lent coniectura, veluti *exeatque* vel *aestus atque*, vel *effluatque*, vel *emi-
cetque* cet. Quibus hoc respondendum est, *eius* pronomen graviore sono
effferendum neque tam exile esse neque tam rarum quam iis visum sit:
cf. Carm. IV, 8, 18. Tibull. I, 6, 25. Propert. IV, 2, 35. IV, 6, 67;
deinde *atque* in fine versus positum esse etiam Carm. II, 10, 21 neque
id mirandum esse, cum saepissime in fine posita *et* particula multoquo
ea debilior (vide ad Carm. I, 7, 6) quo inter se vinculo contineantur
antiqui versus demonstrat. De tota autem strophâ quid videatur haben-
dum esse supra iam indicavi. Voluit fortasse Horatius Cerberi exemplo
ostendere, quam nihil sit satis munitum a potestate poesis, ne teterri-
mum quidem et a venustate alienissimum monstrum. — *ore trilingui*]
cf. Carm. II, 19, 31 sq.

V. 21. *Tityosque*] vide ad Carm. II, 14, 8. III, 4, 77. — *risit*]
vide Zumpt. gr. lat. §. 373. ann. 1. — *inane lymph. dol.*] Tria etiam
substantiva cum suis adiectivis ita Horatius disposuit, ut non casum ne-
que metri solam necessitatem sed consilium et artem aperte secutus
sit; id quod ex hoc schemate spero intelliges:

inane lymphæ dolium fundo pereuntis imo

1 2 3 4 5 6



Cum qua re conferas ann. ad Carm. I, 9, 21 sq. — *inane lymphæ*]
Genitivus cum hoc nomine eodem iure coniunctus quo cum *plenus*. cf.
Cic. de orat. I, 9, 37: „Omnia nonne plena consiliorum, inania verbo-
rum videmus?“ — *potuere*] ab animo impetrarunt; nam hanc quoque

- Digna perlurum fuit in parentem
 35 Splendide mendax et in omne virgo
 Nobilis aevum;
 Surge, quae dixit iuveni marito
 Surge, ne longus tibi somnus unde
 Non times detur; socerum et scelestas
 40 Falle sorores
 Quae velut nactae vitulos leaenae
 Singulos cheu lacerant; ego illis
 Mollior nec te feriam neque intra
 Claustra tenebo.
 45 Me pater saevis oneret catenis,
 Quod viro clemens misero peperci;
 Me vel extremos Numidarum in agros
 Classe releget:
 I pedes quo te rapiunt et aurae,
 50 Dum favet nox et Venus; i secundo
 Omine et nostri memorem sepulcro
 Scalpe querelam.
-

Carmen XII.

Miserarum est neque amorì dare ludum neque dulci
 Mala vino lavere aut exanimari metuentes

facultatem *posse* verbum significat. Epist. I, 5, 1. — *iuveni marito*] Lynceo. — *oneret catenis*] Quod postea factum fabula tradit, unde Hypermnestra apud Ovidium Heroid. 14, 3 ipsa queritur: „Clausula domo teneor gravibusque coercita vinculis.“ Exsilium Horatius addidisse videtur. — *aurae*] venti. cf. Epod. 16, 21. — *scalpe*] Alii ex codd. *sculpe*; quae vocabula saepissime confunduntur; *sculpere* tamen latinum quidem sed rarissimum est vocabulum. cf. Sat. II, 3, 22. Apud Ovidium Heroid. 14, 128 ipsa Hypermnestra hoc sibi epitaphium proponit:

„Exsul Hypermnestra pretium pietatis iniquum
 Quam mortem fratri depulit, ipsa tulit.“

Carmen XII.

Horatius qui ultimo huius libri carmine Graecorum lyricos modos ad Latinos se primum transtulisse gloriatur, imitando carmine Alcaei, cuius primus versus servatus nobis est (p. 181 Schneidew.):

Patruae verbera linguae.

Tibi qualum Cythereae puer ales, tibi telas
s Operosaeque Minervae studium aufert, Neobule,
Liparaei nitor Hebri,

Simul unctos Tiberinis humeros lavit in undis,
Eques ipso melior Bellerophonte, neque pugno
Neque segni pede victus,

10 Catus idem per apertum fugientes agitato
Grege cervos iaculari et celer arto latitantem
Fruticeto excipere aprum.

Carmen XIII.

O fons Bandusiae, splendidior vitro,
Dulci digne mero, non sine floribus

Ἐμὲ δειλὰν, ἐμὲ πασῶν κακοτάτων πεδέχουσιν,
hoc quoque difficilins metrum tentavit. Nam aliud consilium in componendo hoc carmine non videtur esse secutus; quare cum aliis hunc quoque *μονόλογον* Neobules recte nobis videmur habere neque obstare putamus, quod v. 4 Neobulē alterius utitur personae forma; nam in *μονολόγοις* et nostris poetis et latinis altera persona satis est usitata. Ex qua carminis origine factum esse credimus, quod graecos mores (cf. v. 2 *mala vino lavere*, id quod abhorret ab Romana severitate) et Romana loca mixta habeamus. Neobules autem et Liparaei nomina, ut Carm. I, 11 Leuconoes, metri ratione habita ficta sunt.

amori dare ludum] Sic Cic. pro Coelio 12: „Datur concessu omnium huic aliquis ludus aetati.“ — *vino*] graecum hoc; neque sufficiens haec est causa cur libertinam hanc esse dicamus; nam *patruus* mox totus Romanus est; de quo vide Sat. II, 3, 88. — *lavere*] vide ad Carm. II, 3, 18. — *operosae*] graece *ἐργάνη*, quia praest muliebribus operibus. — *Liparaei Hebri*] Bene notatum est fictis etiam nominibus ad certam aliquam personam lectoris menti demonstrandam patriae nomina addi solere. — *eques*] vide ad Carm. III, 7, 25. — *Bellerophonte*] Ultima syllaba producitur a graeca forma *Βελλεροφόντης*. — *catus*] vide ad Carm. I, 10, 3. — *arto*] Sic in bonis codd.; praeferenda lectio et quia *arto* facilius abiit in *alto* scribarum vel incuria vel inscitia, et quia *artum* i. e. spissum contrarium est praecedentis v. *apertum*. — *excipere*] ut *δέχεσθαι* venatorum proprium est.

Carmen XIII.

Bandusinum fontem aliquem VI milia passuum a Venusia situm fuisse cum pateat ex mediae aetatis (anni 1103) documentis, exstiterunt qui hoc carmen ab Horatio iter cum Maecenate in inferiorem Italiam faciente natalemque agrum revisente scriptum esse putarent. In qua tamen re haec oritur quaestio, num probabile videatur, Horatium pue-

Cras donaberis haedo,
Cui frons turgida cornibus

5 Primis et venerem et proelia destinat;
Frustra: nam gelidos inficiet tibi
Rubro sanguine rivos
Lascivi suboles gregis.

Te flagrantis atrox hora Caniculae
10 Nescit tangere, tu frigis amabile
Fessis vomere tauris
Praebes et pecori vago.

Fies nobilium tu quoque fontium,
Me dicente cavis impositam ilicem

rum fontem a Venusia tanto spatio remotum tantopere adamasse, ut cum multis annis post Venusiae paucos certe dies moraretur, eum tum quoque quaereret proprioque carmine celebraret. Quod quidem ego non dubito negare. Deinde sacrificium quod promittitur ut alienum videtur ab homine iter faciente, ita cum frigore, cum pecore, cum bove et aratro prodit Horatium non peregrinantem sed domi suae habitantem, non in alieno sed in suo agro viventem suisque rebus gaudentem. Quare sic sentio, in Sabino suo Horatium fontem Bandusinum cecinisse ibique vel eiusdem nominis fontem invenisse vel nomen a primis annis in deliciis habitum fonticulo cuidam, fortasse Digentiae, memoriae causa indidisse. Huic igitur Sabino fonti, cuius amoenitatibus saepe delectabatur, Horatius sacrificium insequenti die mactandum atque aeternam nominis nobilitatem hoc carmine promittit. Videntur igitur haec scripta esse die ante Fontanalia, quae erant Fontibus dicata III. Id. Octobr., quo die et coronae in fontes coniici et putei coronari solebant.

vitro] cf. Carm. IV, 2, 3. Virg. Aen. VII, 759. Insequenti versu duae res significantur, vini libatio et florum sparsio; neque dicit Horatius fontis aquam dignam esse quae in poculis mero admisceatur floribusque coronetur. — *frons turg. corn.*] in qua prima cornua turgescere incipiunt. Ceterum noli mirari, cur longius immoratus sit poeta in describenda haedi natura; grata est enim in componendis eiusmodi imaginibus Horatii quaedam ubertas, cuius alia et simillima sunt exempla Carm. III, 22, 7. IV, 2, 55 sqq. — *Frustra*] Noli coniungere hoc adverbium cum superiore verbo *destinat*; omnem huic vim cum sua quadam solitudine eriperes. Simillimus locus est Carm. III, 7, 21; Sat. II, 7, 115. — *gelidos rivos*] Quod gelida est aqua, fonti laudi est; deinde *ruber sanguis* quia calidus est contra gelidam aquam consulto ponitur. — *atrox*] ferventissima; similiter Carm. III, 29, 18 *Procyon furit* et *Leo vesanus* dicitur. — *nobilium fontium*] Vero est genitivus partitivus. — *ilicem*] Ilex haud dubie collective posita est; antrum enim ex quo prosilire fons dicitur ilicibus tectum et a radiis solis defensum est. — *Lymphae*] Alia est lectio *Nymphae*, sed prava, nam „a poetis lymphas dici, cum aquam ipsam vel humorem et undam intelligant, nympham vero, cum

- 15 Saxis, unde loquaces
Lymphae desiliunt tuae.

Carmen XIV.

Herculis ritu modo dictus, o plebs,
Morte venalem petiisse laurum
Caesar Hispana repetit penates
Victor ab ora.

- 5 Unico gaudens mulier marito
Prodeat iustis operata divis

vel omnino fontem vel eius praesidem deam velint, aquae naturam non respicientes“ docet Hand. ad Gronovii Diatr. in Stat. T. I. p. 179.

Carmen XIV.

Augustus, qui iam ab anno 727 Roma abfuerat, cum bello Cantabrico a. 729 suscepto et praeter opinionem celeriter confecto tandem a. 730 Tarracone, ubi morbo retentus erat, in urbem redire diceretur, magno omnium qui pacem et securitatem amarent gaudio expectatus et exceptus est. Quo laeto die quid sentiret optaretque hoc carmine Horatius quoque expressit. Simile igitur hoc est secundo carmini libri IV. Nam hoc verissimum est, quidquid alii obloquuntur, scripta haec aut vere esse aut fingi ipso quo Augustus rediret die; sic persuadent et sacrificium, ad quod faciendum vocat poeta v. 6, et versus 11 sq., 13 sq., imprimis v. 17 sqq. Grave initium est *Herculis ritu*, quod quidem ut profectum est ex comparatione Hispanicae expeditionis, ita eam quoque laudem prodit, quam ad exemplum Herculis ex restituto per totum orbem recto rerum ordine Augustus sibi paravit. Pacato igitur omni imperio cum ad suos militibus redire iam liceret, mulieres imprimis ad festum diem redeuntis Augusti celebrandum evocantur, praesertim cum moribus civium correctis recuperatam dignitatem ipsae imprimis Augusto deberent. Sic per communem omnium laetitiam Horatius ad suam pergit, sed interposita quarta stropha, quae sive numerum stropharum respicit sive summam sententiam quaeris media est et utramque partem coniungit.

V. 1. *modo*] Nam spe citius bellum compositum est. — *plebs*] Ne cum aliis in hoc nomine offendas, cogita Horatii aetate plebem abiecta omni contemptione quidquid Romae esset dignitatis et honorum sibi sumpsisse. Deinde nullo prorsus discrimine *plebs* et *populus* usurpantur Carm. II, 2, 18 sq. — *morte venalem*] Qui laurum petit, mortem subire paratus est. — *unico*] amato, caro, ut Carm. II, 18, 14. Sic Plautus Capt. I, 2, 47: „Tibi ille unicu'st, mihi etiam unico magis unicus.“ Catull. 71 (73), 6: „Me unum atque unicum amicum habuit.“ — *mulier*] Livia. — *operata*] ἀφ' ὧρας pro praesente, ut Sil. Ital. II, 674: „Tartareo est operata Iovi poenasque ministrat.“ cf. Virg. Georg. I, 339. Utrumque dicitur, operari absolute et operari sacris; nam „operari est omnino rei divinae operam dare, observare ritus religiosos festi, obser-

Sospitis centum et vigiles lucernas
 15 Perfer in lucem; procul omnis esto
 Clamor et ira.

Mitte civiles super urbe curas:
 Occidit Daci Cotisonis agmen,
 Medus infestus sibi luctuosus
 20 Dissidet armis,
 Servit Hispanae vetus hostis orae
 Cantaber sera domitus catena,
 Iam Scythae laxo meditantur arcu
 Cedere campis.

25 Negligens ne qua populus laboret
 Parce privatus nimium cavere;
 Dona praesentis cape lactus horae,
 Linque severa.

Carmen IX.

Donec gratus eram tibi
 Nec quisquam potior brachia candidae

ebibantur. cf. Carm. III, 19, 9sq.; in qua re his verbis Romani utebantur: *bene te* vel *bene tibi*. Centum autem numerus hic est infinitus. — *Daci Cotisonis*] de hoc reliquisque rebus ad Romanam historiam pertinentibus vide ad Carm. II, 13. — *infestus sibi luctuosus*] En iterum exemplum constructionis ἀπὸ κοινοῦ quae solet vocari. Est enim Medus *sibi* infestus armis *sibi* luctuosus. Nam quod alii voluerunt *Medus infestus Romanis*, id cum ab hoc certe loco alienum videatur, tum vix ex adiectivo absolute posito intelligitur. Praeterea ne cum Heinso et Benteio *infestis* — *luctuosus* scribas vetat homoeoteleuton a poetis latinis magnopere admatum. — *Scythae*] cf. Carm. II, 9, 23 sq. — *populus*] Maecenas cum hoc anno praefectus urbi esset, potestatem habuit extraordinariam; cui quidem officio bene opponitur *privatus*, quo non tam indicatur Maecenati publico munere non fungenti mittendas esse publicas curas, quam velle Horatium, ut amicus totus sit apud se, ut nihil cogitet nisi mutuum qua gaudebant amicitiam. — *cape*] Codices etiam *rape* praebent, quod cur non sit recipiendum, invenies cum non cupiditatem, sed usum praesentis laetitiae suaderi intellexeris. — *horae*] Alii *horae* et sive *ac*; utrumque falsum. Asyndeton optimis codicibus probatur.

Carmen IX.

Dramaticum et amoebaeum hoc carmen inter amatoria fere dulcissimum in tres aequales partes facile dividi perspicuum est. Ac prima

Cervici iuvenis dabat,
Persarum vigui rege beatior.

5 Donec non alia magis
Arsisti neque erat Lydia post Chloën,
Multi Lydia nominis
Romana vigui clarior Ilia.

Me nunc Thressa Chloë regit
10 Dulces docta modos et citharae sciens,
Pro qua non metuum mori,
Si parcent animae fata superstiti.

Mc torret face mutua
Thurini Calaïs filius Ornyti,
15 Pro quo bis patiar mori,
Si parcent puero fata superstiti.

Quid, si prisca redit Venus
Diductosque iugo cogit aëneo,
Si flava excutitur Chloë

quidem pars (str. 1. 2) irae qua Horatius et Lydia distrahuntur originem ostendit, altera (str. 3. 4), qua quid rixam amantium secutum sit ostenditur, apposite transitur ad reconciliationem gratiae et amoris; quae cum tertiam efficiat partem, totum carmen ita comparatum est, ut quam verum sit Terentianum illud: „amantium irae amoris redintegratio“ venuste demonstraretur. Nam hoc proprium est etiam primae et alteri parti, ut per zelotypiam et iram amoris tamen vis quasi perluceat. Deinde quam sit suave, quod quidquid ab Horatio Lydiae obiiciatur perfidiae et invidiae, id statim ab hac superetur et acute augeatur, non est quod uberius exponatur. Quo anno scriptum sit carmen quis dicat?

V. 3. *dabat*] Simplex verbum compositi *circumdare* loco positum esse ex dativo intelligitur *cervici*, de quo nomine Quintilianus dicit VIII, 3, 35: „*Cervicem* videtur Hortensius primus dixisse: nam veteres pluraliter appellant“, cui addendum tamen, veteres poetas singularem sic ponere iam ausos esse. — *alia arsisit*] cf. Carm. IV, 9, 13. Epod. 14, 9, unde quid de altera lectione *aliam* indicandum sit facile videbis. — *multi Lydia nominis*] De genitivo vide ad Carm. I, 36, 13. cf. Sat. I, 1, 33; in quibus locis hoc quoque poetici sermonis est, quod genitivi qualitatē qui vocantur omisso appellativo nomine proprium nomen possunt ornare. Etenim in prosa oratione scribendum esset: „Lydia, puella multi nominis“.

V. 12. *animae*] dulce hoc amicitiae vel amoris nomen; veluti Cic. Fam. XIV, 14: „Vos meae carissimae animae, quam saepissime ad me scribite“; neque nos aliter Germani „mein Leben“. — *iugo aëneo*] In adiectivo posita vis est et firmitas redintegrati amoris. cf. Carm. I, 33, 11. In sequentibus verbis Chloë excutitur non domo sed pectore, deinde

20 Reiectaeque patet ianua Lydiae?

Quamquam sidere pulchrior

Ille est, tu levior cortice et improbo

Iracundior Hadria,

Tecum vivere amem, tecum obeam libens.

Carmen X.

Extremum Tanain si biberes, Lyce,

Saevo nupta viro, me tamen asperas

Porrectum ante fores oblicere incolis

Plorares Aquilonibus.

5 Audis quo strepitu ianua, quo nemus

Inter pulchra satum tecta remugiat

Ventis, et positas ut glaciēt nives

Puro numine Iuppiter?

Ingratam Veneri pone superbiam,

reiectae Lydiae dativus est, non genitivus. — *improbo*] Quidquid modum excedit, improbum est poetis. cf. Virg. Georg. I, 146. 388. — *iracundior*] Talem se ipse describit Horatius Epist. I, 20, 25.

Carmen X.

Unum hoc exemplum est Horatianum ex carminum genere, quod *παράκλεισις* nominatur; quo poetae amatores imitantur prima nocte ad ianuam difficultium puellarum stantes miserisque vel precibus vel minis gratiam muliercularum moventes. Cuius quidem generis mentio iniecta est Carm. I, 25, 7 sq. III, 7, 30 sqq.

V. 1. *Extremum Tanain*] Etiamsi barbara esses a mitiorique sensu aliena, me saevo frigori oppositum exciperes. De verbo *bibendi* vide ad Carm. II, 20, 20. — *asperas fores*] cf. Epod. 11, 22. — *incolis Aquilonibus*] Aquilones quoniam in gelida Scythia flare solent, egregie eius regiones incolae appellantur. Non multum diversus locus est Carm. I, 16, 6. — *nemus*] non est viridarium in domus impluvio plantatum, a ventorum vi undique cingentium aedificiorum tutela defensum, sed *solarium*, de quo Seneca Contr. exc. V, 5: „Alunt in summis culminibus mentita nemora et navigabilium piscinarum freta“ et idem Epist. 122, 8: „Non vivunt contra naturam qui pomaria in summis turribus serunt? quorum silvae in tectis domorum ac fastigiis nutant?“ — *ventis*] ablativus est causae. — *glaciēt*] Ad hoc verbum cum alterum quod praecedit *audis* omnino aptum non videatur zeugma in hoc loco inesse putant eliciendumque ex *audis* accomodatius verbum *sentis*, quamquam nivem in glaciem converti etiam auditur, veluti vestigiis praetercuntium.

- 10 Ne currente retro funis eat rota :
 Non te Penelopen difficilem prócis
 Tyrrhenus genuit parens.
- O quamvis neque te munera nec preces
 Nec tinctus viola pallor amantium ,
- 15 Nec vir Pieria pellice saucius
 Curvat , supplicibus tuis
- Parcas nec rigida mollior aesculo
 Nec Mauris animum mitior anguibz.
 Non hoc semper erit liminis aut aquae
- 20 Coelestis patiens latus.

Carmen XI.

Mercuri, nam te docilis magistro
 Movit Amphion lapides canendo ,

V. 10. Proverbium hoc difficile ad interpretandum; optima tamen ea videtur esse ratio, quae ab hominibus molem aliquam machinae rota instructae ope in sublime trahentibus petita est. Iis enim funis saepe vel machinae manubrium e manibus elabatur; quo facto retro currente rota retro it funis deceditque trahenda moles. Quae ratio si vera est, rota retro cedente significatur pulchritudo, quae crescentibus annis paulatim minuitur; moles quae trahitur ipse est amator, funis ex manibus puellae elabens amor est, quo ut fune moles sic amator tenetur. Quare recte *retro* adverbium positum est ἀπὸ τοῦ ὀπίσθεν, neque recipiendus alter verborum ordo: *ne currente rota funis eat retro* Bentleyo aliisque probatus. — *Tyrrhenus pater*] Extenuat originem Lyces, ne cur superbiat causam habere sibi ea videatur. — *quamvis*] vide ad Carm. I, 28, 13. — *tinctus viola pallor*] Tibull. I, 8, 52: „Sed nimius luto corpora tingit amor.“ Virg. Bucol. 2, 47: „Pallentes violas“; nam violarum genus etiam luteum est. — *vir*] maritus. — *saucius*] amore. — *Mauris*] vide ad Carm. I, 1, 28. — *hoc latus*] Pronomen vere demonstrativum est, neque aliter Graeci οὗτος usurpant. Sat. I, 9, 47. Deinde cf. Carm. II, 7, 18. — *Coelestis aquae*] cf. Epist. II, 1, 135.

Carmen XI.

Precibus Horatius convertitur ad Mercurium et lyram, ut carmen sibi velit dare quo Lyden timidam et amatam puellam sibi possit conciliare (str. 1—3); nam magnam esse carminum potestatem etiam in feras bestias, in inanimatam naturam, in ipsos adeo inferos (cf. Carm. II, 13. — str. 4—6). Ex inferis postremum locum consulto occuparunt Danae filiae, quarum exemplum quam gravi poena lueretur male redditus et deceptus amor statim doceret. Quod quidem Lyden spectare versu 25 clare ostenditur, neque temere fecit Horatius, quod in Danaëdum fabula diutius moratus rem suam videtur relinquere. Etenim in

Tuque testudo resonare septem
Callida nervis,

5 Nec loquax olim neque grata, nunc et
Divitum mensis et amica templis,
Dic modos, Lyde quibus obstinatas
Applicet aures,

Quae velut latis equa trima campis,
10 Ludit exsultim metuitque tangi
Nuptiarum expers et adhuc protervo
Cruda marito.

Tu potes tigres comitesque silvas
Ducere et rivos celeres morari;
15 Cessit immanis tibi blandienti
Ianitor aulae,

Cerberus, quamvis furiale centum
Muniant angues caput eius atque

hac fabula nihil velim aliud videas nisi ipsum carminis quo Lyden voluerit Horatius mulcere argumentum. Quod si perspexeris, simul etiam cur ad Lyden postea non revertatur videbis. Neque minus planum est, quid causae fuerit cur haec de Danaidibus pars — id enim artificium frequens est Horatii — per septem extenderetur strophas; quarum prima ut media est totius carminis ita summam habet sententiam. Quid quod inde hoc quoque intelligitur, quintam stropham (v. 17—20) non debere ut spuriam eiici? id quod multi iique praestantissimi Horatii interpretes facere non dubitarunt. Eiice hanc stropham, et vide ubi sit aequabilitas partium. Verumtamen si quid ibi est ineptum vel vituperandum, Horatius vituperandus est, non emendandus. Qui hoc certe optime instituisse videtur, quod carmini finem imposuit oratione Hypermnestrae suam salutem amori et fidei longe posthabentis. Id enim Lydo quoque ut faciat studiose suadet.

V. 1. *nam*] Exemplo, quod huius particulae vinculo adiungitur, causa cur ad Mercurium convertatur probatur. cf. infra v. 30. Epod. 17, 45. Virg. Aen. I, 65. Sic saepe apud Graecos γὰρ particula. — *Amphion*] cf. Art. poet. 394 sqq. — *testudo*] cf. Hom. hymn. in Mercur. v. 47 sqq. — *resonare callida*] vide ad Carm. I, 1, 18. — *loquax*] olim antequam nervis instructa esset neque canora neque grata hominibus, nunc ubique accepta, et divitibus hominibus et ipsis diis. cf. Carm. I, 32, 13. Hom. Od. VIII, 99. De septem nervis vide Hom. hymn. in Merc. 51. — *exsultim*] vide ad Carm. I, 5, 8. — *cruda*] proprie de fructibus. cf. Carm. II, 5, 10. — *comitesque silvas ducere*] In quo loco *comites* vocabulum cum non magis ad silvas (cf. Carm. I, 12, 7 sqq.) pertineat quam ad tigres, medium locum obtinuit instructumque est particula *que*; quae qua ratione soleat transponi vide ad Carm. II, 7, 25. — *Ianitor aulae*] Cerberus cessisse dicitur Orpheo Eurydicen uxorem ex inferis repetenti; immanis enim aula est inferorum. — *caput eius*

Spiritus teter saniesque manet
20 Ore trilingui.

Quin et Ixton Tityosque vultu
Risit invito, stetit urna paulum
Sicca, dum grato Danai puellas
Carmine mulces.

25 Audiat Lyde scelus atque notas
Virginum poenas et inane lymphae
Dolium fundo pereuntis imo
Seraque fata,

Quae manent culpas etiam sub Orco.

30 Impiae — nam quid potuere maius? —
Impiae sponso potuere duro
Perdere ferro.

Una de multis face nuptiali

atque] Supra iam dictum est, multos et magnos fuisse criticos qui totam stropham ut Horatio indignam eiiciendam censerent exilitate pronominis *eius* et inepta quam dicunt Cerberi descriptione moti. Fuerunt etiam qui Cerberi minus gratam descriptionem ferentes v. 18 emendare mal-
lent coniectura, veluti *exeatque* vel *aestus atque*, vel *effluatque*, vel *emi-
cetque* cet. Quibus hoc respondendum est, *eius* pronomem graviore sono
efferendum neque tam exile esse neque tam rarum quam iis visum sit:
cf. Carm. IV, 8, 18. Tibull. I, 6, 25. Propert. IV, 2, 35. IV, 6, 67;
deinde *atque* in fine versus positum esse etiam Carm. II, 10, 21 neque
id mirandum esse, cum saepissime in fine posita *et* particula multoquo
ea debilior (vide ad Carm. I, 7, 6) quo inter se vinculo contineantur
antiqui versus demonstrat. De tota autem stropha quid videatur haben-
dum esse supra iam indicavi. Voluit fortasse Horatius Cerberi exemplo
ostendere, quam nihil sit satis munitum a potestate poesis, ne teterri-
mum quidem et a venustate alienissimum monstrum. — *ore trilingui*]
cf. Carm. II, 19, 31 sq.

V. 21. *Tityosque*] vide ad Carm. II, 14, 8. III, 4, 77. — *risit*]
vide Zumpt. gr. lat. §. 373. ann. 1. — *inane lymph. dol.*] Tria etiam
substantiva cum suis adiectivis ita Horatius disposuit, ut non casum ne-
que metri solam necessitatem sed consilium et artem aperte secutus
sit; id quod ex hoc schemate spero intelliges:

inane lymphae dolium fundo pereuntis imo

1	2	3	4	5	6

Cum qua re conferas ann. ad Carm. I, 9, 21 sq. — *inane lymphae*]
Genitivus cum hoc nomine eodem iure coniunctus quo cum *plenus*. cf.
Cic. de orat. I, 9, 37: „Omnia nonne plena consiliorum, inania verbo-
rum videmus?“ — *potuere*] ab animo impetrarunt; nam hanc quoque

- Digna perlurum fuit in parentem
 35 Splendide mendax et in omne virgo
 Nobilis aevum;
 Surge, quae dixit iuveni marito
 Surge, ne longus tibi somnus unde
 Non times detur; socerum et scelestas
 40 Falle sorores
 Quae velut nactae vitulos leaenae
 Singulos cheu lacerant; ego illis
 Mollior nec te feriam neque intra
 Claustra tenebo.
 45 Me pater saevis oneret catenis,
 Quod viro clemens misero peperci;
 Me vel extremos Numidarum in agros
 Classe releget:
 I pedes quo te rapiunt et aurae,
 50 Dum favet nox et Venus; i secundo
 Omine et nostri memorem sepulcro
 Scalpe querelam.

Carmen XII.

Miserarum est neque amoris dare ludum neque dulci
 Mala vino lavere aut exanimari metuentes

facultatem *posse* verbum significat. Epist. I, 5, 1. — *iuveni marito*] Lynceo. — *oneret catenis*] Quod postea factum fabula tradit, unde Hypermnestra apud Ovidium Heroid. 14, 3 ipsa queritur: „Clausula domo te-
 neor gravibusque coercita vinclis.“ Exsilium Horatius addidisse vide-
 tur. — *aurae*] venti. cf. Epod. 16, 21. — *scalpe*] Alii ex codd. *sculpe*;
 quae vocabula saepissime confunduntur; *sculpere* tamen latinum quidem
 sed rarissimum est vocabulum. cf. Sat. II, 3, 22. Apud Ovidium Heroid.
 14, 128 ipsa Hypermnestra hoc sibi epitaphium proponit:
 „Exsul Hypermnestra pretium pietatis iniquum
 Quam mortem fratri depulit, ipsa tulit.“

Carmen XII.

Horatius qui ultimo huius libri carmine Graecorum lyricos modos
 ad Latinos se primum transtulisse gloriatur, imitando carmine Alcaci,
 cuius primus versus servatus nobis est (p. 181 Schneidew.):

Patruae verbera linguae.

Tibi qualum Cythereae puer ales, tibi telas
s Operosaeque Minervae studium aufert, Neobule,
Liparaci nitor Hebri,

Simul unctos Tiberinis humeros lavit in undis,
Eques ipso melior Bellerophonte, neque pugno
Neque segni pede victus,

10 Catus idem per apertum fugientes agitato
Grege cervos iaculari et celer arto latitantem
Fruticeto excipere aprum.

Carmen XIII.

O fons Bandusiae, splendidior vitro, —
Dulci digne mero, non sine floribus

Ἐμὲ δειλὰν, ἐμὲ πασῶν κακοτάτων πεδέχουσιν,
hoc quoque difficilius metrum tentavit. Nam aliud consilium in componendo hoc carmine non videtur esse secutus; quare cum aliis hunc quoque *μονόλογον* Neobules recte nobis videmur habere neque ob stare putamus, quod v. 4 Neobulè alterius utitur personae forma; nam in *μονολόγοις* et nostris poetis et latinis altera persona satis est usitata. Ex qua carminis origine factum esse credimus, quod graecos mores (cf. v. 2 *mala vino lavere*, id quod abhorret ab Romana severitate) et Romana loca mixta habeamus. Neobules autem et Liparaci nomina, ut Carm. I, 11 Leuconoes, metri ratione habita ficta sunt.

amori dare ludum] Sic Cic. pro Coelio 12: „Datur concessu omnium huic aliquis ludus aetati.“ — *vino*] graecum hoc; neque sufficiens haec est causa cur libertinam hanc esse dicamus; nam *patruus* mox totus Romanus est; de quo vide Sat. II, 3, 88. — *lavere*] vide ad Carm. II, 3, 18. — *operosae*] graece *ἐργάνη*, quia praest muliebribus operibus. — *Liparaci Hebri*] Bene notatum est fictis etiam nominibus ad certam aliquam personam lectoris menti demonstrandam patriae nomina addi solere. — *eques*] vide ad Carm. III, 7, 25. — *Bellerophonte*] Ultima syllaba producitur a graeca forma *Βελλεροφόντης*. — *catus*] vide ad Carm. I, 10, 3. — *arto*] Sic in bonis codd.; praeferenda lectio et quia *arto* facilius abiit in *alto* scribarum vel incuria vel incertia, et quia *artum* i. e. spissum contrarium est praecedentis v. *apertum*. — *excipere*] ut *δέχασθαι* venatorum proprium est.

Carmen XIII.

Bandusinum fontem aliquem VI milia passuum a Venusia situm fuisse cum pateat ex mediae aetatis (anni 1103) documentis, exstiterunt qui hoc carmen ab Horatio iter cum Maecenate in inferiorem Italiam faciente natalemque agrum revisente scriptum esse putarent. In qua tamen re haec oritur quaestio, num probabile videatur, Horatium pue-

Cras donaberis haedo,
Cui frons turgida cornibus

5 Primis et venerem et proelia destinat;
Frustra: nam gelidos inficiet tibi
Rubro sanguine rivos
Lascivi suboles gregis.

Te flagrantis atrox hora Caniculae
10 Nescit tangere, tu frigus amabile
Fessis vomere tauris
Praebes et pecori vago.

Fies nobilium tu quoque fontium,
Me dicente cavis impositam ilicem

rum fontem a Venusia tanto spatio remotum tantopere adamasse, ut cum multis annis post Venusiae paucos certo dies moraretur, cum tum quoque quaereret proprioque carmine celebraret. Quod quidem ego non dubito negare. Deinde sacrificium quod promittitur ut alienum videtur ab homine iter faciente, ita cum frigore, cum pecore, cum bove et aratro prodit Horatium non peregrinantem sed domi suae habitantem, non in alieno sed in suo agro viventem suisque rebus gaudentem. Quare sic sentio, in Sabino suo Horatium fontem Bandusinum cecinisse ibique vel eiusdem nominis fontem invenisse vel nomen a primis annis in deliciis habitum fonticulo cuidam, fortasse Digentiae, memoriae causa indidisse. Huic igitur Sabino fonti, cuius amoenitatibus saepe delectabatur, Horatius sacrificium insequenti die mactandum atque aeternam nominis nobilitatem hoc carmine promittit. Videntur igitur haec scripta esse die ante Fontanalia, quae erant Fontibus dicata III. Id. Octobr., quo die et coronae in fontes coniici et putei coronari solebant.

vitro] cf. Carm. IV, 2, 3. Virg. Aen. VII, 759. Insequenti versu duae res significantur, vini libatio et florum sparsio; neque dicit Horatius fontis aquam dignam esse quae in poculis mero admisceatur floribusque coronetur. — *frons turg. corn.*] in qua prima cornua turgescere incipiunt. Ceterum noli mirari, cur longius immoratus sit poeta in describenda haedi natura; grata est enim in componendis eiusmodi imaginibus Horatii quaedam ubertas, cuius alia et simillima sunt exempla Carm. III, 22, 7. IV, 2, 55 sqq. — *Frustra*] Noli coniungere hoc adverbium cum superiore verbo *destinat*; omnem huic vim cum sua quadam solitudine eriperes. Similimus locus est Carm. III, 7, 21; Sat. II, 7, 115. — *gelidos rivos*] Quod gelida est aqua, fonti laudi est; deinde *ruber sanguis* quia calidus est contra gelidam aquam consulto ponitur. — *atrox*] ferventissima; similiter Carm. III, 29, 18 *Procyon furit* et *Leo vesanus* dicitur. — *nobilium fontium*] Vero est genitivus partitivus. — *ilicem*] Ilex haud dubie collective posita est; antrum enim ex quo prosilire fons dicitur ilicibus tectum et a radiis solis defensum est. — *Lymphae*] Alia est lectio *Nymphae*, sed prava, nam „a poetis lymphas dici, cum aquam ipsam vel humorem et undam intelligant, nympham vero, cum

- 15 Saxis, unde loquaces
Lymphae desiliunt tuae.

Carmen XIV.

Herculis ritu modo dictus, o plebs,
Morte venalem petiisse laurum
Caesar Hispana repetit penates
Victor ab ora.

- 5 Unico gaudens mulier marito
Prodeat iustis operata divi

vel omnino fontem vel eius praesidem deam velint, aquae naturam non respicientes“ docet Händ. ad Gronovii Diatr. in Stat. T. I. p. 179.

Carmen XIV.

Augustus, qui iam ab anno 727 Roma abfuerat, cum bello Cantabrico a. 729 suscepto et praeter opinionem celeriter confecto tandem a. 730 Tarracone, ubi morbo retentus erat, in urbem redire diceretur, magno omnium qui pacem et securitatem amarent gaudio expectatus et exceptus est. Quo laeto die quid sentiret optaretque hoc carmine Horatius quoque expressit. Simile igitur hoc est secundo carmini libri IV. Nam hoc verissimum est, quidquid alii obloquuntur, scripta haec aut vere esse aut fingi ipso quo Augustus rediret die; sic persuadent et sacrificium, ad quod faciendum vocat poeta v. 6, et versus 11 sq., 13 sq., imprimis v. 17 sqq. Grave initium est *Herculis ritu*, quod quidem ut profectum est ex comparatione Hispanicae expeditionis, ita eam quoque laudem prodit, quam ad exemplum Herculis ex restituto per totum orbem recto rerum ordine Augustus sibi paravit. Pacato igitur omni imperio cum ad suos militibus redire iam liceret, mulieres imprimis ad festum diem redeuntis Augusti celebrandum evocantur, praesertim cum moribus civium correctis recuperatam dignitatem ipsae imprimis Augusto deberent. Sic per communem omnium laetitiam Horatius ad suam pergit, sed interposita quarta strophæ, quæ sive numerum stropharum respicit sive summam sententiam quaeris media est et utramque partem coniungit.

V. 1. *modo*] Nam spe citius bellum compositum est. — *plebs*] Ne cum aliis in hoc nomine offendas, cogita Horatii aetate plebem abiecta omni contempnitione quidquid Romae esset dignitatis et honorum sibi sumpsisse. Deinde nullo prorsus discrimine *plebs* et *populus* usurpantur Carm. II, 2, 18 sq. — *morte venalem*] Qui laurum petit, mortem subire paratus est. — *unico*] amato, caro, ut Carm. II, 18, 14. Sic Plautus Capt. I, 2, 47: „Tibi ille unicu'st, mihi etiam unico magis unicus.“ Catull. 71 (73), 6: „Me unum atque unicum amicum habuit.“ — *mulier*] Livia. — *operata*] ἀποτόρωσ pro praesente, ut Sil. Ital. II, 674: „Tartareo est operata Iovi poenasque ministrat.“ cf. Virg. Georg. I, 339. Utrumque dicitur, operari absolute et operari sacris; nam „operari est omnino rei divinae operam dare, observare ritus religiosos festi, obser-

Et soror clari ducis et decorae
Supplice vitta

Virginum matres iuvenumque nuper
10 Sospitum. Vos, o pueri et puellae,
Iam virum expertae male ominatis
Parcite verbis.

vare ipsum diem sacrum sacrificando, precando, convivando, omnino feriando et intermisso vulgari opere." Dissen. ad Tibull. T. II. p. 211. Fluctuant tamen libri MSS. inter *sacris* et *divis*; quae verba ut per se aequo iure ponuntur ita adiectivo apposito *iustis* haud facile diiudicantur. *Sacra* enim recte *iusta* i. e. rite inita et curata (Liv. I, 31) appellantur, neque minus *divi iusti*, quos veteres Scholiastae bene interpretati sunt: „quae Caesari victoriam et reditum merenti dederunt." Ovid. Heroid. 6, 152: „*Iustus* adest votis Iuppiter ipse meis" i. e. propitius. Tamen ut *divis* ab Horatio scriptum esse credam, et scholiastarum auctoritate adducor et quia *sacris* facile ex margine, quo interpretandae et explendae sententiae causa appositum fuit, inter Horatii verba potuit subrepere. Ea ipsa res, quod purissimae latinitatis est *operari sacris*, occasionem haud dubie praebuit, cur quod deesse videretur *sacris* margini adscriberetur. — *soror*] Octavia. — *supplice vitta*] vittae enim virgis involutae supplicantium erant. cf. Virg. Aen. VII, 237.

V. 10. *virginum*] Quae virgines appellantur (cf. Carm. II, 8, 23), uxores sunt iuvenum ex Cantabrico bello feliciter redeuntium, *sospitum*; quod adiectivum non minus de virginibus dictum est, quoniam in maritorum salute etiam uxorum salus continetur. Iam pervenimus ad difficillimum carminis locum. Etenim haec tria quaeruntur; primum quos esse credamus *pueros et puellas*, deinde quo modo intelligenda videantur verba *virum expertae* (sic enim habent codd.; *virum expertes* e coniectura est Cuninghamii); tum cum non concordēs sint codices de verbis *male ominatis* vel *male nominatis*, utrum rectum et Horatianum habeamus quaeque sit eorum verborum vera interpretatio. Iam si Horatianos locos, in quibus pueri et puellae coniuncti vel appellantur vel memorantur, inter se comparaveris (Carm. III, 1, 4. IV, 1, 25. Sat. II, 3, 130), universam iuventutem Romanam indicari videbis, neque credendum est aliam huius loci esse rationem. Deinde cum per grammaticas rationes *expertae* participium etiam ad pueros referre liceat, ea videtur praestare interpretatio, qua *virum* Augustum esse (cf. Carm. III, 16, 14) atque insignem eius laudari virtutem suadet. Quae virtus qualis sit intelligenda cum quaeritur, utramque et quae foris in subiugandis hostibus et quae domi in continendis moribus restituendaque fide et securitate probata sit censemus celebrari. Atque quoniam altera quoque domestica virtus ab hoc loco non est aliena, camque muliebris sexus maxime expertus est, causam nobis invenisse videmur, cur *expertae* quam *expertii* poeta maluerit scribere. Iam particula cum *parcite* verbo coniungatur necesse est. Verbis autem *male ominatis parcere* nihil est aliud nisi *linguis favere* et malis ominibus abstinere. De hiatu autem compara Carm. I, 28, 24. II, 20, 13. Epod. 5, 100. 13, 3. Sat. I, 9, 38; et bene iam dictum est continere haec *male ominatis* unam notionem ut *male dicere*, *bene dicere*. Unde nihil est cur cum multis etiam codicibus *nominatis* scribamus.

Hic dies vere mihi festus atras
 Eximet curas : ego nec tumultum
 15 Nec mori per vim metuam tenente
 Caesare terras.

I, pete unguentum , puer, et coronas
 Et cadum Marsi memorem duelli,
 Spartacum si qua potuit vagantem
 20 Fallere testa.

Dic et argutae properet Neerae
 Murreum nodo cohibere crinem;
 Si per invisum mora ianitorem
 Fiet, abito :

25 Lenit albescens animos capillus
 Litium et rixae cupidos protervae;

V. 13. Proponit Horatius hac stropha causas, quibus ipse quoque permotus hunc diem celebrandum sibi existimet. Tanto enim homine, quantus est Augustus, imperium tenente pax omnibus civibus et vitae securitas certa est. — *atras curas*] cf. Carm. III, 1, 40. IV, 11, 35. — *tumultum*] Cic. Philipp. VIII, 1: „Potest esse bellum sine tumultu, tumultus esse sine bello non potest. Quid est enim aliud tumultus nisi perturbatio tanta, ut maior timor oriatur? unde etiam nomen ductum est tumultus. Itaque maiores nostri tumultum Italicum, quod erat domesticum, tumultum Gallicum, quod erat Italiae finitimus, praeterea nulum nominabant. Gravius autem tumultum esse quam bellum, hinc intelligi licet, quod bello vacationes valeat, tumultu non valent.“ — *per vim*] vide Zumpt. gr. lat. §. 455 annot. Significat autem intestinas turbas. cf. Carm. IV, 15, 18. — *unguentum*] vide ad Carm. II, 3, 13 sqq. — *Marsi duelli*] Egregie vetustatem vini Horatius indicat nomine infelicissimi et crudelissimi belli Italici, quo simul comparisonem eorum temporum cum sua pacatissima aetate in legentium animis moveat. — *duelli*] vide ad Carm. III, 5, 38. — *si qua*] qua ratione, quo casu. Virg. Aen. I, 18. — *Spartacum*] cf. Epod. 16, 5. — *argutae*] Argutum omnino id appellatur quod sensus et animum vehementer tangit; hinc de gravibus ponitur sonis sive gratis sive ingratis. cf. Carm. IV, 6, 25. Epist. II, 2, 90. — *properet*] cf. Carm. II, 11, 22 sq. — *murreum crinem*] h. e. murra madentem. Virg. Aen. XII, 100. Ovid. Met. III, 553. — *ianitorem*] Servi, quibus tradita erat custodia ianuae, ostiarii sive ianitores, pro sua animi natura aut in cella erant ostiaria aut catenis etiam alligati. Sic Ovid. Am. I, 6, 1:

Ianitor indignum dura religate catena,
 Difficilem moto cardine pande forem.

Invisus autem ianitor iis est quos non admittit virgaque qua solebat esse armatus repellit. — *albescens*] nam fuit Horatius praecanus. Epist. I, 20, 24. — *iuventae*] vigor iuvenilis, non iuventus. Fuit autem L. Mun-

Non ego hoc ferrem calidus iuventa
 Consule Planco.

Carmen XV.

Uxor pauperis Ibyci,
 Tandem nequitiae fige modum tuae
 Famosisque laboribus:
 Maturo proprior desine funeri
 5 Inter ludere virgines
 Et stellis nebulam spargere candidis.
 Non si quid Pholoën satis
 Et te, Chlorig, decet: filia rectius
 Expugnat iuvenum domos,
 10 Pulso Thyias uti concita tympano.
 Illam cogit amor Nothi
 Lascivae similem ludere capreae:
 Te lanae prope nobilem
 Tonsae Luceriam, non citharae decent

tius Plancus cum M. Aemilio Lepido consul anni 712. — *ferrem*] non pro *tulissem*; sed apodosis inest paulo tectior in adiectivo *calidus iuventa*: non ego hoc ferrem, si essem calidus iuventa. Insignis est huius loci brevitās. Ablativum enim absolutum quem vocant *Cons. Pl.* artissime coniungas cum *iuventa* i. e. iuventa qua vigui Consule Planco.

Carmen XV.

Castigatur anus libidiosa, quae cum iuventutis ac venustatis nihil praeter nomen (Chloris) retinuerit, tamen cum proterva filia amores magis exercere studeat quam lanificium, quod pauperis hominis uxorem ad sustentandum mariti laborem maxime deceat. Sic intelligitur primus versus, utique componendus cum extremis versibus. Nomina patet esse ficta, etiamsi corrupti eius aetatis mores magnam haud dubie talium muliercularum copiam protulerunt. Coniuncta eadem nomina Carm. II, 5, 17 sq., sed aliam Chloridem certe esse primo obtutu intelligitur. Pholoë etiam est I, 33, 7. Cf. Carm. I, 25. IV, 13.

famosis laboribus] Consulto ut videtur infamis quaestus *labor* appellatur, quo provocetur honestorum laborum (*lanificii*) oppositio. — *stellis*] Est amplificatio superioris sententiae per similitudinem et metaphoram; cuius rei multo frequentior est usus apud Tibullum et similes poetas. — *Thyias*] vide ad Carm. II, 19, 9. — *Luceriam*] Apuliae oppidum, lanae praestantia nobile. — *flos purp. rosae*] cf. Carm. IV, 10, 4. — *vetula*] Sic plurimi et boni codices, etiam Scholiastae; atque ea alteri lectioni *vetulam* nescio cur cedat. Qui offendeantur adiectivi enallage, *vetulam* corrigendum putarunt. Enallage autem cur adhibita sit,

15 Nec flos purpureus rosae
Nec poti vetula facce tenuis cadi.

Carmen XVI.

Inclusam Danaën turris aënea
Robustaeque fores et vigilum canum
Tristes excubiae munierant satis
Nocturnis ab adulteris,

in promptu est; nam cum pro vino diceret *cados*, eos hoc adiectivo non potuit bene exornare.

Carmen XVI.

Argumentum carminis cernitur in laude aureae mediocritatis, versu 21 simplicissime proposita; qui versus cum insequentibus, quibus quid illud de mediocritate iudicium ad ipsius Horatii res valeat exhibetur, mediam et summam sententiam et stropharum numero et sententiarum gravitate efficit. Nascitur exordium poetica potestatis auri descriptione ex mytho de Danaë Acrisii filia petita; mythum sequitur (vv. 9. 10) ipsa de auro sententia neque tamen universa quadam ratione expressa, sed duobus quibus nimia illa potestas probatur modis illustrata. Suo deinde more Horatius tria addit exempla, unum ex fabulis primorum temporum, alterum ex Graecorum rebus gestis, tertium a Romanis suae aetatis sumptum; et tertium quidem non nominibus insignitum sed indiciiis satis tum accuratis quodam modo tectum (vv. 15. 16). Usque adhuc cum ad mores et animos hominum quid divitiae valeant nondum sit expositum, quinta strophæ et praecedentibus versibus opponitur et quid mali secum habeat nimia auri cupiditas ostenditur et ad ipsius poetae condicionem transitus paratur. Qua parte absoluta cum ad fastigium quasi carminis perventum est, alteram partem consumi videmus ingenua et amabili Horatii de suis studiis suaque animi temperantia confessione. Clauditur denique carmen iterum posita generali sententia, sed nova forma et quæ cum brevitate gravitatem mire coniungat; sic ad finem optime decurrit neque quidquam est quod demi velis aut, nisi egregie coniuncta et absolute comparata dilacerare placeat aut mutilare, demere possis. Ceterum quod de suis rebus ita scripsit, in eo neque ingratum neque arrogantem in Maecenatem animum prodidit; immo vero qualis ab amicis optime perspiciebatur talis etiam ut ab aliis agnosceretur et hoc carmine voluit efficere et aliis de eadem re sed diversa ratione conscriptis. cf. Sat. I, 6. II, 6. Epist. I, 19. coll. I, 1. I, 7. Quando haec composuerit Flaccus quis dicat, cum nihil ex ipso carmine invenias nisi iam accepisse eum Sabinam villam?

V. 1. Acrisius Argivorum rex cum oraculum accepisset interfectum se iri a puero, quem Danaë filia peperisset, filiam ne omnino pareret in aeneam turrin inclusit. Sed Iuppiter in auream pluviam mutatus ad virginem pervenit. Ovid. Met. IV, 611. Quam fabulam quomodo interpretatus sit Horatius, ut aurum ad pessima quaeque aditum parare ostenderet, manifestum est. — *munierant*] De indicativo modo vide Zumpt. gr. lat. §. 519. cf. Carm. II, 17, 27. — *Munire*] verbum poetica quæ-

5 Si non Acrisium virginis additae
Custodem pavidum Iuppiter et Venus
Risissent: fore enim tutum iter et patens
Converso in pretium deo.

Aurum per medios ire satellites
10 Et perrumpere amat saxa potentius
Ictu fulmineo: concidit auguris
Argivi domus ob lucrum

Demersa exitio; diffidit urbium
Portas vir Macedo et subruit aemulos
15 Reges muneribus; munera navium
Saevos illaqueant duces.

Crescentem sequitur cura pecuniam
Maiorumque fames. Iure perhorru
Late conspicuum tollere verticem,
20 Maecenas, equitum decus.

dam libertate cum *ab* part. coniungitur, quia quod munitur simul ab inimico aliquo impetu defenditur. — [*fore*] Potuit infinitivus poni, quia in *videndi* verbi notione inest simul altera dicendi sciendique. cf. Zumpt. gr. lat. §. 620. — [*pretium*] Hoc quamvis aurum significet, non abiecit suam naturam; fuit enim aurum pretium etiam, quo corruptis custodibus deus admissus est. — [*satellites*] tyrannorum. — [*perrumpere saxa*] Metaphora haudquaquam premenda; saxis enim nihil durius est, fulmine nihil violentius. Quanta igitur auri vis, si utrumque superat! — [*potentius*] Positivus est Art. poet. 40, senioribus scriptoribus usitator. — [*amat*] vide ad Carm. II, 3, 10. — [*auguris*] Amphiarai, qui cum fatum quod sibi instaret, si cum Polynice Thebas aggrediretur, bene sciret atque iturum se constanter negaret, tandem Eriphylae a Polynice aureo monili corruptae precibus et adhortationibus cessit in mortemque abiit. cf. Hom. Od. XI, 325. Filius Alcmaeon patrem ulturus matrem occidit, ipse ob idem monile a fratribus uxoris necatus est.

V. 13. [*diffidit*] Egrege hoc ad nimiam auri potentiam. Sic Cicero de divin. I, 13 *saxo difisso*. — [*vir Macedo*] Philippus, Alexandri pater, de quo Cicero ad Att. I, 16: „Omnia castella expugnari posse dicebat, in quae modo asellus auro onustus ascendere posset.“ — [*subruit*] Proprie arbores a radicibus aut moenia cuniculo subruuntur; sic eximia h. l. oritur imago regum firmiter stare se credentium, clam vero subrutorum. — [*munera*] con duplicatio ad variam vim auri ostendendam aptissima figura. — [*navium duces*] Menodorus s. Menas Cn. Pompeii libertus, S. Pompeii dux classis, auro captus ad Octavianum descendit, dein hoc relicto ad Pompeium rediit, tum iterum corruptus ad alterum defecit. — [*cura*] ne periantur; *fames*, ut augeantur divitiae. — [*perhorru*] vide ad Carm. I, 1, 8. — [*equitum decus*] Recte ii qui quaesitam hanc compellationem dicebant. Etiam Maecenas poterat esse maior quam volebat. cf. ad I, 1, 1.

Quanto quisque sibi plura negaverit,
 Ab dis plura feret: nil cupientium
 Nudus castra peto et transfuga divitum
 Partes linquere gestio,

25 *Contemptae dominus splendidior rei*
Quam si quidquid arat impiger Apulus
Occultare meis dicerer horreis
Maguas inter opes inops.

Purae rivus aquae silvaeque iugerum
 30 *Paucorum et segetis certa fides meae*
Fulgentem imperio fertilis Africae
Fallit sorte beatior.

Quamquam nec Calabrae mella ferunt apes,

V. 21. *plura*] Sententia plana: summas esse in continentia animi divitias. Sed vide artificiosam *plura* vocabuli positionem, his arsin choriambi tenentis maximeque animum tangentis. — *nudus castra*] Castrorum imago non rara de sectis philosophorum; cui imagini *nudus* voc. bene accommodatum est; quippe nihil se armorum, i. e. artium quibus parentur opes, secum se ferre ait. Etiam in amplificatione *et transfuga gestio* metaphora continuatur. — *splendidior*] Saepe sic adiectivum a Romanis participio verbi *esse* carentibus participii instar usurpatur. Graeci addunt *ὤν*. — *contemptae*] nimirum ab aliis. — *arat*] Caesurae vi producit ultima syllaba ut III, 24, 5; quod qui non animadvertent, mutarunt *impiger* in *non piger*. cf. Epod. 2, 42. — *inter opes inops*] Splendida haec sententia ne quid amittat gravitatis unius versus spatium non egreditur. Similis verborum oppositio frequentissima, ut Cic. Tusc. III, 19, 44. — *horreis*] cf. Carm. I, 1, 9.

V. 29. *certa fides*] Hoc non ita dixit, tanquam sui agri semper certa esset fides, verum inest hypothetica potius sententia: „si agellus non premitur sterilitate.“ Ceterum cf. Carm. III, 1, 30. Reliqua pars huius strophae difficilior visa multis ac variis interpretationibus fuit obnoxia. Simplicissima tamen verissima. *Sors* enim ea est, quam modica bona, qualia modo sunt descripta, solent praebere; cuius quidem significationis apud Horatium ubique obvia sunt exempla. Neque alterum, in quo haerebant, insolens est: *fallit beatior fulgentem*; *fallere* enim verbum cum participio non minus recte coniungi quam graecum *λανθάνειν*, locus est Horatianus qui ostendat: Epist. I, 17, 10; participii autem loco *beatior* est, ut supra *splendidior*; accusativum deinde ab eodem verbo cum participio coniuncto non esse alienum Virgilianus locus demonstrat Aen. VII, 350 sq. Iam cum addideris *beatum* id quoque esse quod *beet*, felices reddat homines (cf. Epist. I, 10, 14. Carm. I, 29, 1. II, 6, 21), hanc habebis sententiam: „agellus meus sorte quam praebet beatiorum me reddit, quam capere potest is qui maxima habet et fertilissima latifundia“; in qua quid sit vituperandum non video.

V. 33. *Calabrae*] De praestantia Calabri mellis vide Carm. II, 6, 14.

Horatius ed. Dillenburger.

Nec Laestrygonia Bacchus in amphora
 35 Languescit mihi nec pingua Gallicis
 Crescunt vellera pascuis,

Importuna tamen pauperies abest,
 Nec, si plura velim, tu dare deneges.
 Contracto melius parva cupidine
 40 Vectigalia porrigam,

Quam si Mygdoniis regnum Alyattei
 Campis continuem. Multa petentibus
 Desunt multa: bene est cui deus obtulit
 Parca quod satis est manu.

Carmen XVII.

Acli vetusto nobilis ab Lamo,
 Quando et priores hinc Lamias ferunt

— *Laestrygonia*] Adiectivum quo vinum significatur, ad vas, in quo inest, translatum, ut Carm. I, 9, 7. Nam intelligendum vinum Formianum, quod est inter nobilissima (Carm. I, 20, 11); etenim ad Formias olim Laestrygonēs habitasse ferebantur; de quibus Hom. Od. X, 82. Ovid. Met. XIV, 233. — *Gallicis*] nam in cisalpina Gallia optimae tum erant oves. — *cupidine*] vide ad Carm. II, 16, 15. — *vectigalia*] primum publici erant redditus, deinde etiam privati; sic h. l. et Sat. II, 2, 100. Cic. de off. II, 25. Iam cum *porrigere* propria sit notione *extendere*, sententia versus satis plana est; neque enim negligendum est voc. *melius* i. e. rectius. — *Mygdoniis*] vide ad Carm. II, 12, 22. — *Alyattei*] De hac genitivi forma nominis *Alyattes* vide Zumpt. gr. lat. § 52. 4. Fuit autem Alyattes Croesi pater. — *bene est*] vide Zumpt. l. l. §. 365 extr. cf. Epist. I, 1, 89.

Carmen XVII.

Parvum hoc carmen ne prave aestimetur, considerandum est totum esse iocose scriptum neque videri Horatium quod schedulae ad amicum missae olim inscripsisset aliam ob causam libris edendis inseruisse, nisi ut Lamiae amicitiae pignus alterum etiam consecraret. Nam ut ii non recte videntur iudicasse qui Horatio indignum hoc putarent eique abrogare conarentur, sic cavendum est ne iusto maior huic carmini honor tribuatur. Misit enim, ut videtur, Horatius hanc schedulam Lamiae ob natalem altero die celebrandum gratulaturus. Quod ut amice et cum quadam protervitate faceret, pleno ore et magnifice exorditur, laudat magnopere nobilitatem eius et genus atque ita se gerit, ut nihil nisi gravissima vota subsequi posse putes. Iam quid sequitur? Levicula ad tristorem (vide ad I, 26) amicum admonitio, ut cum timendum sit ne crastinus dies tristi coelo obscuretur, quantum possit festum cum familiaris domi celebret, tempestatem vitet, cutem curet. En carmen, quod

Denominatos et nepotum

Per memores genus omne fastos,

5 Auctore ab illo ducis originem,

Qui Formiarum moenia dicitur

Princeps et innantem Maricae

Littoribus tenuisse Lirim

Late tyrannus: cras foliis nemus

10 Multis et alga littus inutili

Demissa tempestas ab Euro

Sternet, aquae nisi fallit augur

Annosa cornix. Dum potes, aridum

Compone lignum: cras Genium mero

si non grave et sublime, si multiplici artificio non elaboratum, si orationis luminibus non exornatum, tamen non caret venustate et gratia. Neque sunt ii probandi qui versus 2—4 eliciendos censuerint; nam et quae in iis menda vel vitia inesse dicuntur, iusta interpretatione recta videbuntur neque perturbanda est haud fortuita carminis aequabilitas.

V. 1. *vetusto*] Quam vani olim fuerint Romani in investiganda et arroganda antiqua gentis origine, ostenditur etiam Ciceronum exemplo, qui Plutarcho (vit. Cicer. 1) teste genus duxerunt a Tallo Attio, quem βασιλεύσαρτα dicit ἐν Οὐλοῦσχοις, Aurelio Victore (c. 81) auctore a Tito Tatío rege. Ipse M. Cicero iocose, ut videtur, Tusc. I, 16, 38: „meo regnante gentili“ i. e. Servio Tullio. Neque credendum est, Lamiam ipsum gentem ad fabulosum regem Laestrygonum, Neptuni filium, voluisse ducere; intelligamus potius innocentem Horatii familiariumque iocum. — *quando*] quoniam. Sat. II, 5, 9. II, 7, 5. Deinde *priores* Lamiae i. e. pristini, primi opponuntur eorum nepotibus usque ad eos qui tunc vivebant. — *memores fastos*] Carm. IV, 14, 4. Sunt autem annales libri aut quos Lamiae vere continuaverunt aut iocose ficti. — *auctore ab illo*] Sic revertitur ad primum versum interruptaque sententia copulatur; quare omnium codicum scriptura *ducis* cur cedere debeat Heinsii coniecturae *ducit*, non liquet. — *Maricae*] deae littoris Minturnensium. — *late tyrannus*] Superlatio iocosa. De adverbii cum substantivo coniunctione cf. Carm. IV, 6, 3. Virg. Aen. I, 21. Ovid. Her. 17, 57: „Phrygiae late primordia gentis.“

V. 9. *nemus*] non arbores, sed nemoris solum. cf. diversum locum Carm. III, 18, 14. — *alga inutili*] Epitheton positum ex more antiquo non ad loci sed ad rei naturam accommodatum. cf. Sat. II, 5, 8. — *aquae*] pluviae. vide ad Carm. III, 10, 19 — *Genium curabis*] Dicebant antiqui cutem curare, corpus curare; iam cum Genio immolaretur die festo natali simulque corpus lautis epulis curaretur, lepide ausus est Horatius Genium curaro (cf. Sat. II, 5, 38. Epist. I, 4, 15. Liv. hist. XXXVI, 18, 1), id quod potuit facilius, cum *genio indulgere*, quod fuit usitatum, non differat a corporis curatione. cf. A. P. 210. Qua ratione qui verba intellexerit, is profecto non perturbabitur religione veterum natali die a caede ac sanguine manum abstinendi. Qui Genio porcum non mactabant, sibi tamen

- 15 Curabis et porco bimestri
Cum famulis operum solutis.
-

Carmen XVIII.

Faune, Nympharum fugientum amator,
Per meos fines et aprica rura
Lenis incedas abeasque parvis
Acquus alumnis,

- 5 Si tener pleno cadit haedus anno,
Larga nec desunt Veneris sodali
Vina craterae, vetus ara multo
Fumat odore.

- Ludit herboso pecus omne campo,
10 Cum tibi Nonae redeunt Decembres;
Festus in pratis vacat otioso
Cum bove pagus;

Inter audaces lupus errat agnos;
Spargit agrestes tibi silva frondes;

non dubitarunt. — *operum solutis*] Idem genitivus, quem frequentem habemus in his: iniuriarum absolvere, timoris absolvere, similibus; sic ipse Cicero pro Sext. c. 7 *legum solvere* (coll. Hor. Sat. II, 6, 68) Plaut. Rud. I, 4, 27 „ut me omnium iam laborum levas.“

Carmen XVIII.

Faunum, in cuius tutela erant pecora (vide Carm. I, 17), precatur ut vitulis, haedis, agris huius anni propitius esse velit. Bis per annum Faunalia celebrabant, et Idibus Februariis et Nonis Decembribus; illo die venire Faunus (*incedas* v. 3), hoc *abire* dicebatur; neque utro die hoc carmen scriptum sit quisquam poterit dubitare. Nam si Decembribus Nonis, quomodo *incedas lenis* potuisset precari? quomodo v. 5 conditionem proponere de futuro sacrificio? Deinde compara v. 10; verum ne turberis praesentibus *ludit, vacat* cett., cogita celeritate mentis etiam quae futura sint tanquam praesentia saepe videri. Versus autem 9—16 non praesentis sed futuri festi descriptionem exhibent.

V. 3. *parvis alumnis*] Ex Carm. III, 23, 7 capies rectam interpretationem. — *cadit*] Etiam *cadet* in codice; qui sic scripsit, erravit sed locum recte intellexit. — *craterae*] Duplex est forma, crater, cratera. cf. Sat. II, 4, 80. — *vetus ara*] In vetustate dignitas est. — *herboso campo*] Sub miti Italiae coelo tum etiam virent campi. — *fossor*] agricola, imprimis vinitor, quem Acro intellexit. cf. Virg. Georg. II, 264.

- 15 Gaudet invisam populisse fossor
Ter pede terram.

Carmen XIX.

- Quantum distet ab Inacho
Codrus pro patria non timidus mori
Narras et genus Aeaci
Et pugnata sacro bella sub Illo ;
5 Quo Chium pretio cadum
Mercesur, quis aquam temperet ignibus
Quo praebente domum et quota
Pelignis caream frigoribus taces.
Da lunae propere novae ,
10 Da noctis mediae, da, puer, auguris
Murenæ: tribus aut novem
Miscentur cyathis pocula commodis.

— *populisse*] *δογίστως*; vide ad I, 1, 4. — *ter*] Ternarius numerus referendus ad saltationis rhythmum anapaesticum.

Carmen XIX.

Egregium hoc carmen, cuius virtutes ab omnibus non satis sunt perspectae; simile est Carm. I, 9. Scenam enim, qua provocatum quasi carmen fingatur, hanc esse credimus. Frigido, tristi et hiemali vespere Horatius inter complures amicos nescio ubi sedet; confabulantur, bibunt; tamen et confabulatio et potatio non minore premitur quam quo aura contrahitur frigore. Languor ad summum iam fastigium elatus est ieiuna historicarum et mythologicarum rerum enumeratione, qua unus reliquos paene videtur enecare. Tum Horatius internis et externis frigoribus cruciatus, animum ut effundat in hoc carmen quasi erumpit; nam calorem desiderat et vigorem. Sic nisi fallor omnes carminis partes placide conveniunt; primum qui loquitur interrumpitur et exprobratur, cum prisco Inacho cum Codro et Troianis misso rectius indicet, qua tuuc ratione tempestatis tristitia graeci vini calore mitigetur etc.; deinde monentur amici, ut velocius bibant, cuius rei exemplar praeit poeta uno quasi spiritu ter ut sibi vinum infundatur poscens (v. 9. 10), tandem in furem se agens (v. 18). Vocantur tibiae et lyra, iubentur rosae, evocatur clamor, arcessuntur amicae.

V. 5. *Chium*] Nobilissima graeca sive transmarina vina haec erant: Thasium, Chium, Lesbium, Sicyonium, Cyprium, Clazomenium. — *aquam temperet ignibus*] h. e. quis balneum parabit. Intelligenda enim est symbola, qua alius aliam partem coenae et comissionis praebat. — *Pelignis*] Peligni in montibus habitabant. — *lunae novae*] Fuerunt igitur Kalendae. De genitivo vide ad Carm. III, 8, 13. — *noctis mediae*] quia in mediam noctem convivium vult produci. — *auguris Murenæ*] De Murena vide ad Carm. II, 2, 5 et ad Carm. II, 10. Qui cum inter convivas esset eo

- Qui Musas amat impares,
 Ternos ter cyathos attonitus petet
 15 Vates; tres prohibet supra
 Rixarum metuens tangere Gratia
 Nudis iuncta sororibus.
 Insanire iuvat: cur Berecynthiae
 Cessant flamina tibiae?
 20 Cur pendet tacita fistula cum lyra?
 Parcentes ego dexteras
 Odi: sparge rosas; audiat invidus
 Dementem strepitum Lycus
 Et vicina seni non habilis Lyco.
 25 Spissa te nitidum coma,
 Puro te similem, Telephe, Vespero
 Tempestiva petit Rhode;
 Me lentus Glycerae torret amor meae.

Carmen XX.

Non vides quanto moveas periclo,
 Pyrrhe, Gaetulae catulos leaenae?

tempore augur factus, non alienum fuit bibere in eius honorem. — *tribus aut novem*] Numeri quid velint ex quattuor insequentibus versibus invenies, per ordinem Chiasmi cum hoc loco coniunctis. Dicit enim hoc: aut novem cyathis vini tres addantur aquae, quae mixtura poetis grata et ipsi Horatio —, aut tribus vini novem aquae — quae ratio decentioribus potoribus gravior erit. Coniunge igitur *supra tres*. vide ad Carm. III, 3, 11. — *insanire iuvat*] cf. Carm. II, 7, 28. IV, 12, 28. — *Berecynthiae*] vide ad Carm. I, 18, 13. et cf. IV, 1, 22 sqq. — *non habilis*] propter diversam aetatem. *Lyci* nomen bis positum est contumeliae causa, ut Carm. IV, 13, 1. 2. Non minus bene vv. 25, 26 *te* pronomen in eadem arsi bis collocatum et ponitur contra insequens *me* et quas virtutes iste habeat clarius indicat. Quo efficitur, ut Tolephi nitidam comam non sine quadam sui ipsius irrisione tantopere laudatam esse credamus, scilicet ut albescentes suos capillos tecte derideret. Ex qua re rectius fortasse coniecturam de tempore quo haec sint scripta facias quam ex Murenac auguratu, aut ex Glycerae amore quo nihil est incertius. — *tempestiva*] cf. Carm. I, 23, 12. — *lentus*] ut Carm. I, 13, 8, i. e. amor qui lente absุมit; in torrendo enim ignis notio est.

Carmen XX.

Cum Nearchus, puer delicatus, eodem tempore et a Pyrrho iuvene et a puella peteretur, ipse autem neutrius amoris se dederet, Horatius eam rem per se locosam et rivalium inanibus amoris excitandi conten-

Dura post paulo fugies inaudax
Proelia raptor,

6 Cum per obstantes iuvenum catervas
Ibit insignem repetens Nearchum:
Grande certamen, tibi praeda cedat
Maior an illi.

Interim, dum tu celeres sagittas
10 Promis, haec dentes acuit timendos,
Arbiter pugnae posuisse nudo

tionibus ridiculam derisui ut praeberet aequalibus, severo vultu, gravibus verbis, magnificis comparationibus, omni denique orationis apparatu auctam et amplificatam enarravit. Haec una et vera interpretaudi carminis ratio videtur, quae cum nondum esset intellecta, non mirum quod exstitit vir doctus, qui obscurum carmen et Horatio vix dignum haberet. Oeconomia simplex, ordo clarus, rerum verborumve certamen nullum. — Alii graecum exemplar imitatum putant Horatium. Qui non mihi persuaserunt: hoc certe Cydiae Hermionensis fragmentum (Schneidewiu. del. p. 375. cf. Plat. Chama. p. 155. D):

Μὴ κατέναντα λέοντος

νέσρος ἔλθων μοῖραν αἰρεῖναι κρεῶν,

quid magis poterit cum Horatiano componi quam sexcenti fortasse alii loci?

V. 1. *periculo*] vide ad Carm. II, 2, 2. — *Gaetulas*] vide ad Carm. I, 23, 10. Plana erit sententia considerantibus, quam saepe Horatius comparandam rem cum re quacum comparatur ita confundat, ut singulae partes in unum quasi corpus coalescant. Tertium quod vocant comparationis cernitur in ira, qua ut Iaccha catulos sic puella Nearchum abductum repetere dicitur. In vv. 3. 4 noli negligere artificiosam vocabulorum dispositionem, qua libera antiquarum linguarum natura duplicem simul antithesin potuit efficere; *dura* — *inaudax*, *inaudax* — *raptor*, quae altera oxymori grata imagine etiam augetur. De v. *inaudax* vide ad Carm. I, 5, 8. Huc accedit, quod communi bonorum scriptorum usu tabulam inceptam in singulas etiam partes persequitur; inde iuvenum (venatorum) catervae, inde postea sagittae et dentes. Dentes acueri aprorum magis est quam leonum (Hom. II. XI, 416); quamquam haec quoque translatio exemplo non caret. — *insignem*] pulchritudine eminentem. — *grande certamen*] Ili duo versus non Nearchum sed totam sententiam praecedentem explicant; hoc enim liberiore appositionis genere saepe utuntur latini scriptores; quod genus ut perspiciant discipuli videantque quomodo inter se differant non rara exempla, hos addo locos: Cic. Tusc. I, 26, 43. Liv. XXI, 5. Virg. Aen. VI, 223. VIII, 683. Hor. epist. I, 18, 49. Sat. I, 4, 110. *Praeda* ipse Nearchus; quare tantum non recepi duorum virorum doctorum facillimam emendationem *maior an illa*; in omnibus libris legitur *maior an illi*.

V. 11. *arbiter pugnae*] Nearchus, qui plane incuriosus certaminis adstat. Haec autem pueri negligentia et superbia lepida quadam gravitate descripta egregiam oculis proponit tabulam pictore non indignam. Etenim *palmam sub pede ponere* superbi est cum victoria etiam certantes contemnentis, *humerum vento recreare* negligentis, aliud agentis.

Sub pede palmam

Fertur et leni recreare vento

Sparsum odoratis humerum capillis ,

15 Qualis aut Nireus fuit aut aquosa

Raptus ab Ida.

Carmen XXI.

O nata mecum consule Manlio ,

Seu tu querelas sive geris iocos

Seu rixam et insanos amores

Seu facilem , pia testa , somnum ,

Fingendus autem puer est nudus; id quod praeter nudum pedem etiam humerus demonstrat. Nuditas autem index pulchritudinis et ex palaestra petita, unde scena sumpta videtur. — *Fertur*] Oblique hoc in Pyrrhum: dum vos pugnam paratis, is dicitur quanto vos despiciat manifesto indicio aperuisse. — *Nireus*] Epod. 15, 22. Hom. Il. II, 673. — *raptus ab Ida*] Ganymedes. — *aquosa*] Ex Homero sumptum epitheton: *πιδίεσσα, πολυνιδάξ*.

Carmen XXI.

Cum M. Valerius Messalla Corvinus (natus a. u. c. 685, mortuus 757) non minori pacis quam belli laude insignis Horatio ad coenam se venturum olim promisisset, optimum sibi quod in fumario servaretur vinum promendum esse hic vidit. Quod dum facit, animi sui sensus ita prodit, ut ad ipsum vinum conversus primum aperiat, quanti Messallam habeat, deinde vini beneficam vim omnibus hominum et temporibus et condicionibus conspicuam celebret, denique ad coenam quam est instituturus reversus generosis amphorae donis quamdiu possit fructuosos se esse polliceatur. Idem prope argumentum subiectum est Epistolae quintae libri I, quae partim ad illustrandas huius carminis nonnullas sententias partim ad discrimen quod intercedit inter lyricum genus et epistolam perspicendum ab legentibus velim comparetur. Neque alienum est Carmen I, 18. De anno quo hoc carmen ad amphoram scripsisse videatur Horatius quaerere inanis est opera. Hoc tamen addendum est, esse hoc carmen ex iis, quae non domi sedens solus et meditans, sed amicorum conventu cinctus data aliqua canendi occasione subita animi incitatione videtur effudisse. Eam enim Horatius prae se fert speciem et ostendit versu 7 *Corvino iubente*; quae verba ut coenam iam paratam, praesentes convivas, Messallam etiam fortasse *συμμοσταρχον* meliora vina clamantem audiamus haud dubia vi cogunt.

V. 2. *Seu tu*] Ex diversis haec sumpta sunt bibentium ingeniis et moribus; in aliis alia vini vis est; ipsum autem vinum innocens est et pium. Sic *pia testa* vocativus ne dirimatur a praecedentibus sententiis *seu* — *sive*; cum quibus sic coniungendus est, ut Carm. II, 2, 2 cum particula *nisi*; ubi vide quae comparaverim. Ad v. 1 cf. Epod. 13, 6. Tibull. II, 1, 27: „Nunc mihi fumosos veteris proferte Falernos Con-

5 Quocunque lectum nomine Massicum
 Servas, moveri digna bono die,
 Descende Corvino iubente
 Promere languidiora vina.

Non ille, quamquam Socraticis madet
 10 Sermonibus, te negliget horridus:
 Narratur et prisci Catonis
 Saepe mero caluisse virtus.

Tu lene tormentum ingenio admoves
 Plerumque duro; tu sapientium
 15 Curas et arcanum iocoso
 Consilium retegis Lyaeo;

Tu spem reducis mentibus auxiliis
 Viresque et addis cornua pauperi

sulis et Chio solvite vincla cado.“ — *quocunque lectum nomine*] Leguntur uvae; igitur etiam vinum legitur. Fingit autem Horatius, vinum iam cum legeretur, quippe quod videretur generosum esse, a vineae domino ad certum quendam finem et usum olim esse destinatum; qui qualiscunque sit, non maiorem esse quam ut tanto viro non debeat proponi. — *Descende*] ex fumario; cum hoc imperativo coniunge *promere*, non cum *iubente*. — *languidiora*] cf. Carm. III, 16, 34 sq. — *madet*] imbutus est. Verum egregie alluditur ad vinum ipsum, quo qui satis biberunt madere dicuntur; ut prope iocose dictum sit: quamquam philosophia madet, vino tamen non minus madebit. — *prisci Catonis*] cf. Epist. II, 2, 117. Sat. II, 1, 72. Cato autem Censorinus est, non Uticensis; cuius virtutem quam aliam dicas nisi moderationem et temperantiam?

Ÿ. 12. *lene tormentum*] Elegans oxymorum, ut Bacchyl. fragm. 26 γλοχεῖν ἀνάγκα; huius enim tormenti vis, quamquam ne sentiatur quidem, tanta est, ut dura plerumque ingenia mitescant. Num de vena poetica aut ingenio oratoris non bene alii cogitarunt. — *Curas*] Sapientium curae quae debeant intelligi, ipse Horatius additis verbis *arcanum consilium* per amplificationem explanat. *Sapientes* enim non sunt philosophi, sed quicunque contracta fronte ac severo vultu gravia semper alere videntur consilia, quae ne imprudenter prodant anxii student cavere. Quorum quidem severitati quam belle opponatur *iocosus Lyaeus*, magis senties cum dativum *Lyaeo* esse credis quam cum ablativum. Ad totum locum compara Ovid. A. A. I, 237 sqq.:

Vina parant animos faciuntque caloribus aptos:

Cura fugit multo diluiturque mero.

Tunc veniunt risus, tunc pauper cornua sumit

Tunc dolor et curae rugaque frontis abit,

Tunc aperit mentes aevo rarissima nostro

Simplicitas artes excutiente deo.

sapientium] In lyricis Horatius genitivum eiusmodi verborum in *ium* formavit. cf. Epod. 1, 20. Carm. III, 24, 21; in satiris altera forma in *um* exeunte metri causa usus est: Sat. II, 3, 296. Sed cf. Carm. III, 18, 1. III,

Post te neque iratos trementi
20 Regum apices neque militum arma.

Te Liber et si laeta aderit Venus
Segnesque nodum solvere Gratiae
Vivaeque producent lucernae,
Dum rediens fugat astra Phoebus.

Carmen XXII.

Montium custos nemorumque, Virgo,
Quae laborantes utero puellas
Ter vocata audis adimisque leto,
Diva triformis,
5 Imminens villae tua pinus esto,
Quam per exactos ego laetus annos

27, 10. — *post te*] cf. Carm. I, 18, 5. — *laeta*] propitia, ut Claudian. epist. 2, 58: „Saltem absens, regina, fave reditusque secundos Annue sidereo laeta supercilio.“ — *segnesque nod.* solo.] decentes, ut Carm. I, 4, 6. — *vivae lucernae*] In epulis et comissationibus non potuit desiderari lucernarum splendor, ad augendam laetitiam utique necessarius. Quare magna etiam in his fuit antiquorum hominum luxuria; reperiuntur enim aureae lucernae, argenteae, vitreae, marmoreae, omnes summa arte et elegantia elaboratae. Quid igitur mirum, quod lucernae quoque cum Libero et decenti Venere coenam *producere* dicuntur? cf. Carm. I, 27, 5. III, 8, 14.

Carmen XXII.

Parvum hoc carmen nihil est aliud nisi inscriptio tabulae, qua pinus villae imminens Dianae consecratur anniversariumque sacrificium vovetur. Quoniam id a poeta consilio sit factum, primus docet versus, scilicet ut Dianae tutelae silvam suam rite commendaret. In qua ro nolo offendaris additis aliis quoque clementiae et potestatis eius deae indiciis. Nimirum qui precibus adibant deos, ii multiplicis eorum potestatis memores non temere sic praedicabant numina. De qua re recordare, qua ratione apud Homerum (Il. I, 37 sqq.) Chryseus sacerdos Apollinem appellaverit. Ne huius quidem carminis annus natalis explorari potest, nisi forte tum maxime scriptum putas, cum a Maeceenate villam Sabinam dono accepisset.

Montium] cf. Carm. I, 21, 5. — *Virgo*] perpetua haec laus virginittatis. cf. Carm. I, 12, 22. — *laborantes utero*] parturientes. — *puellae*] vide ad Carm. III, 14, 10. — *ter*] ternarius numerus in sacris frequens. cf. Carm. I, 28, 36. — *triformis*] τριμορφος; est enim in terra Diana, in coelo Luna, in inferis Ilcate. cf. Virg. Aen. IV, 511. — *per exactos annos*] quotiescunque annus exactus erit, quotannis. Similiter Carm. III,

Verris obliquum meditantis ictum
Sanguine donem.

Carmen XXIII.

Coelo supinas si tuleris manus
Nascente luna, rustica Phidyle,
Si thure placaris et horna
Fruge Lares avidaque porca,

5 Nec pestilentem sentiet Africum
Fecunda vitis nec sterilem seges
Robiginem aut dulces alumni
Pomifero grave tempus anno.

18, 5. — *verris*] Non dissimilis hostiae descriptio III, 13, 4sq. IV, 2, 55 sq. Apri venatoribus ictum oblique inferunt; inde etiam Ovid. Her. 4, 104: „nec obliquo dente timendus aper.“ Cui autem apro dentes emittere incipiunt, is ictum quasi meditat. —

Carmen XXIII.

Deos non magnitudinem sacrificiorum spectare, sed pietatem et voluntatem immolantium docet Horatius rusticam Phidylem, tristem eam quidem ac timentem, ne exiguis suis sacrificiis deorum favorem et benevolentiam sibi suisque agris et pecoribus conciliare non contingat. De simplici carminis oeconomia vix quidquam monendum est. Phidyle autem — fictum haud dubie nomen neque ab argumento alienum — neque villica est Horatii neque certa quaedam rustica mulier. In comuni omnium rerum magnificentia ne in sacris quidem antiqua simplicitas retinebatur; quare cum rustici homines cum in omnibus rebus tum in sacris integritatem morum, ut sit, servarent, non potuit credo Horatius cuiquam rectius dare quam voluit doctrinam quam rusticae mulieri, quippe quae magnis divitum hominum victimis conspectis pro sua animi simplicitate in eam sententiam incidere potuit, quasi dii gratiam ex magnitudine hostiarum metiri ac distribuere solerent. Villicam Horatii hanc non esse, vel unus demonstrat Catonis de Re Rust. 143 locus: „Villica rem divinam ne faciat iniussu domini aut dominae. Scito dominum pro tota familia rem divinam facere.“ De anno quo sic scripserit poeta ne coniecturam quidem facere licet.

V. 1. *Coelo supinas*] Similis Virgilii locus Aen. III, 176. — *nascente luna*] „Solent rusticae mulieres in initio primae lunae ad coelum effundere preces.“ Acro. Religiosi homines mensis cuiusque Kalendis sacrificabant. — *placaris*] De extrema h. v. syllaba vide Zumpt. gr. lat. §. 165. — *avidaque porca*] cf. Sat. II, 3, 165. — *robiginem*] Cur ea sit sterilis disce ex Virg. Georg. I, 150. — *alumni*] vituli, haedi, agni. Bis tribus utitur exemplis: thure, fruge, porca; et vitis, seges, pecora. Omnino ex consuetudine Horatii. — *grave tempus*] auctumnus. Sat. II, 6, 19. Iuven. IV, 56: „Iam letifero cedente pruinis Auctumno.“

- Nam quae nivali pascitur Algidò
 10 Devota quercus inter et ilices,
 Aut crescit Albanis in herbis
 Victima pontificum secures
 Cervice tinget: te nihil attinet
 Tentare multa caede bidentium
 15 Parvos coronantem marino
 Rore deos fragilique myrto.
 Immunis aram si tetigit manus,
 Non sumptuosa blandior hostia
 Mollivit aversos Penates
 20 Farre pio et saliente mica.

— *nivali*] Carm. I, 21, 6. — *devota*] Animalia enim statim post partum designabantur alia ad greges et labores alia ad aras. Sic Virg. Georg. III, 157—165. In Algidò monte quercubus tecto porci, in herbosis Albanis pascuis boves sacri pasti ac saginati videntur.

V. 13. *tentare*] lacerare, sollicitare. — *parvos deos*] Larium simulacra vel aenea vel lignea admodum parva esse solebant; quae tanquam cpulatura sertis florum et fruticum bene olentium redinebantur. Quod cum pia Phidyle non negligat, *coronantem* partic. rectius intelligitur *quae coronas* s. *quum coronas* quam quod alii voluerunt *dummodo coronas* — *bidentium*] „Ambidens sive bidens ovis appellabatur, quae superioribus et inferioribus est dentibus.“ Fest. p. 5. — *immunis*] Diversissimae de hac voce interpretum opiniones in alia omnia abierunt; simplicissima tamen ratio etiam verissima. Horatius hoc videtur dicere: si pura manus (immunis scelerum) aram complectitur, parvum etiam farris et salientis micas sacrificium tanti a diis habetur, quanti vel sumptuosissima hostia. Cui interpretationi non obstant aversi Penates, quoniam qui commisso aliquo peccato deos a se avertit, eius si bene poenitet manus non minus pia dici potest quam qui nihil omnino commisit; neque magis timendum est ne brevis syllaba *sumptuosa* metri rationem perturbet. Alterum eius rei exemplum in elaboratissimo carmine III, 5, 17. Denique perfecta etiam *tetigit*, *mollivit* (sic enim scribendum, non *mollibit*, vide Zumpt. gr. lat. §. 162., quod quamquam ex plurimis codicibus petium tamen ortum est ex male intellecto loco) inter se aptissime respondent. — *farre pio*] Poetica circumlocutio molae salsae. „Est autem *far pium* quod religioso animo offertur, et *sal* (mica) *saliens* est micans in igne, quae res boni ominis.“ Dissen. ad Tibull. III, 4, 10 p. 346.

Carmen XXIV.

Intactis opulentior

Thesauris Arabum et divitis Indiae

Caementis licet occupes

Tyrrenum omne tuis et mare Apulicum ,

s Si figit adamantinos

Summis verticibus dira Necessitas

Clavos, non animum metu ,

Non mortis laqueis expedit caput.

Carmen XXIV.

Accedit hoc carmen iis, in quibus in corruptos suae aetatis mores eorumque originem, nimias privatorum hominum divitias, invecus est Horatius. Proponam igitur consilium quod in hac re nunc secutus videtur. Divitiae et luxuria cum perpetuo exagitant homines neque unquam ipsae ad aliquem finem perveniant, beatos reddere non possunt (v. 9); quare multo feliciores sunt ii qui simplicitati naturae proprios neque delicias vitae neque quae inde proveniunt mala cognoverunt (v. 24). Iam cum Romani semel ab ista via abducti in summam rerum perversitatem ceciderint, viro maxime opus est qui refrenata licentia restitutoque recto rerum ordine optime et immortaliter mereatur de universae civitatis salute (v. 32). Haec superior pars carminis, et ipsa aequabiliter et apte divisa. Altera non minor tota consumitur accurata magis et ubere explicatione extremae prioris partis sententiae additis simul remediis etiam desperatissimis coercendae libidinis avertendaeque perniciiei. Duplici autem via, simul inunda, eo posse perveniri ait, minuendis privatorum hominum divitiis ac meliore in pueris educandis ratione. Extremum denique carmen non sine arte eo unde exierat reddit. — Non male suspicati sunt interpretes, compositum esse carmen anno fere 725 vel 726; quo tempore Augustus de emendandis moribus cogitavit. Primus statim versus ante a. 730 scriptum esse docet et recens est v. 25 sqq. bellorum civilium memoria.

V. 1. *Intactis*] a Romanis. De Arabia et India, ignotis prope summarum divitiarum sedibus vide Carm. I, 29, 1. Epist. I, 6, 6. De caementis vide ad Carm. III, 1, 35, de prima syllaba nominis *Apulicum* ad III, 4, 9. 10. — *adamantinos clavos*] Verbum *figere* cum Romanis ex proverbio in memoriam vocaret *clavos trabales*, de quibus vide ad Carm. I, 35, 18, summos vertices qui essent putandi incertos non reliquit. Sunt enim fastigia aedium, non quos alii satis mire voluerunt vertices hominum. Nam quid *summi* vertices hominum? Neque melior est interpretatio eorum, qui *summis verticibus* dativum esse putantes clavorum capita explicant. Sententia igitur haec est; licet omnium tu mortalium ditissimus utrumque mare villis tuis aggeribusque expleas, tamen cum Necessitas, Fatum, cui omnes sunt subiecti, in altum iam exstructis mobilibus clavos suos infligit tibi ipsi finem instare clamat, frustra dives es neque caput tuum ex mortis vinculis liberabunt. cf. Carm. III, 1, 14 sq. Quidquid conaris, irritum est; cum ad finem tibi videris pervenisse, cum aedificiis etiam te fructurum et gavisurum putas, en adest Mors extremam quasi manum operi admovent. De producta posteriore

- Campestres melius Scythae,
 10 Quorum plaustra vagas rite trahunt domos,
 Vivunt et rigidi Getae,
 Immetata quibus iugera liberas
 Fruges et Cererem ferunt
 Nec cultura placet longior annua
 15 Defunctumque laboribus
 Aequali recreat sorte vicarius.
 Illic matre carentibus
 Privignis mulier temperat innocens
 Nec dotata regit virum
 20 Coniux nec nitido fudit adultero;
 Dos est magna parentum
 Virtus et metuens alterius viri
 Certo foedere castitas;
 Et peccare nefas aut pretium est mori.
 25 O quisquis volet impias
 Caedes et rabiem tollere civicam,
 Si quaeret pater urbium

verbi *figit* syllaba vide ad III, 16, 26. — *campestres*] *ρομῆδες*. — *rite*] A sacris h. v. ad rectum ordinem, inde ad vulgarem usum, ad solitam agendi rationem descendit. Sic apud Virgilium Aen. IX, 352. — *immetata*] Aureae hoc aetatis est, quod agri limitibus et terminis nondum sunt signati. Virg. Georg. I, 126. Ovid. Met. I, 135. — *Fruges et Cererem*] *ἐν δὲ δούρῳ*. — Ad insequentes versus lege quae apud Caesarem B. G. IV, 1 sunt de Suevorum simili vita.

V. 17. *temperat*] temperamus alicui vel ab aliquo, quem neque iniuste quid facere iubemus neque malo conamur afflicere. Sic saepe apud Ciceronem, alios. — *dotata*] Plaut. Men. V, 2, 16: „Ita istae solent, quae viros subservire sibi postulant dote fretae.“ — *dos est*] Repete *illic*. Bene nostra sententia explicatur h. l. Plauti Amphitr. II, 2, 207: „Non ego illam dotem mi esse duco, quae dos dicitur; Sed pudicitiam et pudorem et sedatam cupidinem, Deum metum, parentum amorem et cognatum concordiam.“ — *parentum*] vide ad Carm. III, 21, 14. — *metuens alterius viri*] cf. Carm. III, 19, 16. Ceterum *virtus et castitas* altera alteram illustrat; *ἐν δὲ δούρῳ*. — *Et peccare*] Haec ne cum iis quae proxime praecedunt arte coniungas, vetat grammatica ratio; quare hic quoque repete *illic* ex v. 17. Deinde premendum est vocabulum nefas, ut Carm. IV, 5, 22; *aut* particula duarum rerum, quae solae fieri cogitarive possunt, alteram addit quae, si non sit quod superiore loco positum est, necessario debeat esse: *widrigenfalls*, alioquin, ut apud Virgilium Aen. X, 630. Quam particulae vim si bene teneas ac praeterea *pretium* ex iis esse vocabulis quae solemus media appellare memineris, nihil erit quo amplius impediaris. — *quisquis*] si quis; omnes qui. Quare noli cum Benteio iteratum interrogans pronomen *quis, quis* praeferre. — *pater urbium*] Quamquam generalis est senten-

- Subscribi statuis, indomitam audeat
 Refrenare licentiam,
 30 Clarus postgenitis: quatenus — heu nefas! —
 Virtutem incolumem odimus,
 Sublatam ex oculis quaerimus invidi.
 Quid tristes querimoniae,
 Si non supplicio culpa reciditur;
 35 Quid leges sine moribus
 Vanae proficiunt, si neque fervidis
 Pars inclusa caloribus
 Mundi nec Boreae finitimum latus
 Durataeque solo nives
 40 Mercatorem abigunt, horrida callidi
 Vincunt aequora navitae,
 Magnum pauperies opprobrium iubet
 Quidvis et facere et pati
 Virtutisque viam deserit arduae?
 45 Vel nos in Capitolium,
 Quo clamor vocat et turba faventium,
 Vel nos in mare proximum
 Gemmas et lapides aurum et inutile,
 Summi materiem mali,
 50 Mittamus, scelorum si bene poenitet.
 Eradenda cupidinis

tia, Augustus tamen tecte monstratur; in qua re cavendum est ne videre quis sibi videatur patris patriae nomen, quo anno demum 752 auctus est Augustus. *Urbes* tamen ut Carm. I, 35, 10 contra gentes, rudes eas atque incultas, ponuntur, sic hic quoque cum omnibus suis vitae hominum ornamentis cogitantur. — *clarus postgenitis*] quoniam virtutem aequales invidia, veneratione posterī persequuntur. cf. Epist. II, 1, 10 sqq. Quare *invidi* ad *odimus* magis quam ad *quaerimus* referendum.

V. 36. *Si neque*] Condicionalis sententia triplex est; eaque continuanda usque ad v. 44. Ad sententiam conferas Taciti vocem Germ. 19: „Bonae leges minus valent quam boni mores.“ — *virtutis arduae*] ex imagine antiquis satis usurpata; nimirum in arduo monte arcem ea tenere fingebatur. Nobis via certe ad virtutem ardua est. — *clamor et turba*] *ἐν δῖα δροῖν*. Sumpta haec ex pompa triumphali, qua qui suas divitias in communem usum conferre parati sunt inter lactas populi acclamationes ducuntur in Capitolium. — *gemmas, lapides*] gemmae anaglyphae et ectypae; lapides sunt uniones. Ovid. Med. fac. 20 sq.: „Conspiciam genimis vultis habere manum, Induitis collo lapides oriente

Pravi sunt elementa et tenerae nimis
 Mentēs asperioribus
 Formandae studiis. Nescit equo rudis
 53 Haerere ingenuus puer
 Venarique timet, ludere doctior
 Seu Graeco iubeas trocho
 Seu malis vetita legibus alea,
 Cum periura patris fides
 60 Consortem socium fallat et hospitem
 Indignoque pecuniam
 Heredi properet. Scilicet improbae
 Crescunt divitiae; tamen
 Curtae nescio quid semper abest rei.

Carmen XXV.

Quo me, Bacche, rapis tui

Plenum? quae nemora aut quos agor in specus

paratos.“ — *equo haerere*] non „firmiter insidere“, sed „in equo se continere, non deiici.“ Sic etiam Cic. pro Deiot. 10. — *seu iubeas*] Horatius etsi cum *seu* — *seu* vel *sive* — *sive* particulis indicativum modum, ut vulgo fit, coniunxit, tamen a coniunctivo non potuit abstinere, cum res diceret non quae essent sed quae possent esse. Sic Carm. I, 4, 12. I, 12, 53—55. — *trochus*] rota ferrea cum anulis crepitantibus, quam pueri virga ferrea circumagebant; ludus graece *χοινηλασία* dictus. Graecus dicitur non sine contemptione. — *vetita legib. alea*] cf. Cic. Philipp. II, 23. — *Consortem socium*] Consortes sunt quibus eadem sors; inde et cognati, quia sors etiam patrimonium, et qui lucri faciendi causa sortes composuerunt. Ili consortes socii. — *properet*] transitive, ut Epist. I, 2, 61; est enim omni opera et quam citissime parare. — *improbae*] ingentes. Virg. Aen. XII, 687. — *curtae*] ex opinione cupidorum hominum. — *nescio quid*] graviter et ironice dictum; deest enim animi temperantia, otium. cf. Carm. II, 16, 7.

Carmen XXV.

Non tam dithyrambus est, ut carm. II, 19, sed dithyrambica i. e. sublimi ratione tentata Augusti imperatoris laudatio. Cuius res gestas, divinas magis quam humanas, merito celebraturus poeta tanta admiratione ac paene furore correptum se sensit, ut Bacchi numine impletus ex vulgari hominum coetu in sacras regiones Baccharumque societatem ablatus esse sibi videretur. Quae fictio poetico ornatu nudata hoc dicit, cum Augusti ingentia facinora humanas facultates excedere divinaque mente procreata videantur, eum etiam poetam qui merito illa canere velit divina ope quam maxime adiutum et instructum esse debere; etenim deum, qui Baccharum feros animos flectere, corporibus

- Velox mente nova? Quibus
 Antris egregii Caesaris audiar
 5 Aeternum meditans decus
 Stellis inserere et consilio Iovis?
 Dicam insigne recens adhuc
 Indictum ore alio. Non secus in iugis
 Exsomnia stupet Evias,
 10 Hebrum prospiciens et nive candidam
 Thracen ac pede barbaro
 Lustratam Rhodopen, ut mihi devio
 Ripas et vacuum nemus
 Mirari libet. O Naiadum potens
 15 Baccharumque valentium
 Proceras manibus vertere fraxinos,

insolitum robur dare possit, imbecillum etiam hominem ad coelestem cantum extollere Verum — sic clauditur carmen — periculosum simul et blandum est dei numini tradi; periculosum, quia non omnibus contigit eam viam impune persequi; dulce, quia iste furor a deo venit, qui vini beneficio mortale genus hominum auxit. Sic infirmitatis accedit libera confessio, frequens illa quidem apud Horatium. — Scriptum fortasse — nam quid certum in hac re? — anno 725 vel 726, quo omnes Augusti merita ac facinora stupentes tantum hominem inter deos prope referebant. Cf. Carm. III, 3, 11. —

V. 2. *quae nemora*] De praepos. in huc quoque referenda vide Zumpt. gr. lat. §. 778. *Specus* autem et *antrum* hoc inter se differunt, quod specus dicitur de solitudine ac vastitate loci, antrum de divino poetarum deversorio. — *quibus antris*] non est dativus, sed ablativus loci. — *egregii*] cf. Carm. I, 6, 11. — *meditans*] meditatatur poeta, qui quas celebraturus est res iis totus tenetur; iam cum divina in pectore poetarum vis saepe efficiat, ut simul atque oriantur cogitationes etiam proferantur, *meditari* ipsum *canere* potest significare. — *indictum*] cf. Epist. I, 19, 32. — *exsomnia*] Baccha non somno est expectata, sed insomnia, perpetua vigilia agitata; scilicet deus somnum eam capere non patitur. Quod ne credas praepositione *ex* vetari, compara *excors* Epist. I, 2, 25; *exlex* A. P. 224; *exsanguis* Epist. I, 19, 18; *exsors* A. P. 305; *expes* Epod. 16, 37. A. P. 20. Bacchae autem non alia mente sacras Thraciae regiones, dei vestigiis referas stupent, atque ea qua poeta ab iis rebus quas solet canere distractus (*devius*) grandia admiratur atque excelsa ad canendum nunc sibi proposita facinora. Sic intelliguntur *ripae et vacuum nemus*, quae hoc tantum volunt, ut sacras regiones vel sublimes et adhuc poetae intentatas res apta allegoria illustrent.

V. 12. *ut*] coniunge cum *non secus*. cf. Carm. I, 16, 7 sqq. Cic. Brut. 50, 188 *perinde* — *ut*, quae species quaedam est constructionis ad sensum quae vocatur. Nimirum *non secus*, *perinde*, *non aliter* (Ovid. Met. IX, 642) idem significant quod *ita*, cui relativa respondet particula *ut*. — *manibus vertere*] Exemplum ad ostendendam ingentem vim qua deus solet implere; ab hoc ad poetarum Baccho plenorum magnificentiam

Nil parvum aut humili modo ,
 Nil mortale loquar. Dulce periculum est,
 O Lenace, sequi deum
 20 Cingentem viridi tempora pampino.

Carmen XXVI.

Vixi puellis nuper idoneus
 Et militavi non sine gloria;
 Nunc arma defunctumque bello
 Barbiton hic paries habebit ,
 5 Laevum marinae qui Veneris latus
 Custodit. Hic, hic ponite lucida
 Funalia et vectes et arcus

non longa est concludendi via. — *dulce periculum*] oxymoron. — *Lenace*] Hoc nomen cum pampino ostendit deum vini. cf. Carm. IV, 8, 33.

Carmen XXVI.

Poeta Chloae amore captus sed non auditus tanta aegrimonia et tristitia obruitur, ut amoribus non iam idoneum se sentiens queratur: „Fuit olim cum in amore felix essem; nunc secus est. Ut miles militiae laboribus ferendis impar arma mea Veneri suspendam. Nam quid prosunt? Chloa precibus meis aures dare recusat. Sed verus et spreus amor inultus non erit; tu, dea, arrogantem castigabis.“ Hoc extremum ita intelligendum non est, ut suo amore velit capi Chloam, sed ut iure quodam talionis par pari referatur. Forma autem carminis tota est dramatica; poeta in aede (vide v. 4.) Veneris secum loquitur, sed clara voce; deinde ministros arma portantes deponere iubet, tum ad deam conversus vindictam rogat. De tempore carminis admodum lubrica est coniectura.

militavi] Haud rara apud poetas amantium cum militantibus comparatio: Carm. IV, 1, 16. Ovid. Am. I, 9, 1: „Militat omnis amans et habet sua castra Cupido.“ — *non sine*] Litotes Horatio saepe usurpata, ut Carm. I, 23, 3, III, 4, 20 III, 29, 38. — *arma*] Quae qualia fuerint ostendunt versus 6 et 7. Sed barbitos quoque inter arma est; de particula *que* vide ad Carm. I, 21, 14. — *laevum*] Cicer. divin. II, 39, 82: „Nobis sinistra videntur; Graiis et barbaris dextra, meliora.“ — *marinae*] *novίτας, νέκυιτας*. Carm. IV, 11, 15. — *custodit*] eleganter dictum pro eo quod vulgo dicebant *latus tegere*, ut Sat. II, 5, 18 — *funalia*] Haec cum reliquis arma sunt protervorum iuvenum nocturno tempore cum funalibus per plateas circumvagantium portasque libertinarum statim non apertas vectibus effringentium. Ne *arcus* quidem tentandi sunt coniecturis ut Benthiana *vecles securesque*, Cuninghamiana *vecles et harpas*. Furibundi prope adolescentes quid non potuerunt corripere? scilicet ut ianitores terrerent, ut ait vetus glossa. Nam in versu 8 ad *vecles* magis quam ad *funalia* et *arcus* referendo haerendum non est

Oppositis foribus minaces.

O quae beatam diva tenes Cyprum et
 10 Memphin carentem Sithonia nive,
 Regina, sublimi flagello
 Tange Chloën semel arrogantem.

Carmen XXVII.

Impios parrae recinentis omen
 Ducat et praegnans canis aut ab agro

anxie. — *Cyprum*] vide Carm. I, 3, 1. — *Memphin carentem Sith. nive*] Egregie hoc dictum; etenim frigus ut in rerum natura, sic etiam in hominum pectoribus odiosum est Veneri; habent igitur haec verba causam, cur fore speret ut Venus frigidam, amoris caloribus non imbutam Chloam velit castigare. De templo autem Veneris in Aegypti hac nobilissima urbe vide Herod. II, 112; de Sithoniis ad Carm. I, 18, 9.

Carmen XXVII.

Galatea nescio qua ratione cum Horatio coniuncta — id quod probatur versu 14 — quam adhuc habuit sedem ac simul poetam relictura est. A quo consilio ille cum frustra, ut videtur, advocare eam tentaverit, novis etiam causis ne omnino faciat iter persuadere iam non studet negatque se propterea eam malis prosequi ominibus, quibus neminem nisi malum et impium hominem plecti velit; immo quo in eam sit animo se ita ostendere, ut quandoquidem obire decreverit praesentiam ei ac tutelam deorum exoptet. Hoc unum se velle, ne procelloso hoc auctumni tempore iter instituat summisque opponatur periculis. Etenim tempestates non timere temerarium esse; temeritate autem pericula gigni et poenitentiae dolores. Quam quidem sententiam Horatius nudam sic et frigidam proponere noluit in eiusque locum substituit Europae exemplum et fabulam. In qua quid lateret, gravi illa ac perspicua dolorum quibus Europa esset agitata descriptione tam clare monstravit poeta, ut fuisse aliquem qui maximam eius partem alienam ac male assutam opinaretur recte tibi videaris mirari. Patet enim per triginta fere versus poenitentia Europae de levitate sua ac temeritate, ut luce clarius sit, non aliter atque in Carm. III, 3 et 11 huius etiam carminis summam sententiam in ipsa fabula esse quaerendam quaeque praecedant reliqua rerum tantum occasionem explicare. Deinde sententia illa, qua scire dicimus homines quid relinquunt, quid sint inventuri nescire, egregium locum in initio fabulae nacta est mirifice inter se oppositis strophis octava et nona. Iam si quis id ageret, ut singulas etiam fabulae partes cum Galatea vellet comparare, is magnopere erraret, quoniam in eiusmodi rebus ita fere fit, ut exemplorum et comparisonum vis universa spectetur, non omnium rerum aut partium opportunitas. Ex quibus ut unum proponam, exitus de magno quo digna Europa habita dicitur honore nihil accommodatus est ad Galateam, nisi forte credis, hoc secutum esse poetam, ut levitatem et imprudentiam non posse corrigi diceret nisi intercedentibus deorum numinibus; id quod de suis rebus Galatae non licuit expectare. Ceterum nescimus neque quae fuerit Galatea neque quo anno carmen scriptum sit.

Rava decurrens lupa Lanuvino
Fetaque vulpes;

5 Rumpat et serpens iter institutum,
Si per obliquum similis sagittae
Terruit mannos: ego cui timebo,
Providus auspex,

Antequam stantes repetat paludes
10 Imbrium divina avis imminetum,
Oscinem corvum prece suscitabo
Solis ab ortu.

Sis licet felix ubicunque mavis,
Et memor nostri, Galatea, vivas,
15 Teque nec laevus vetet ire picus
Nec vaga cornix.

Sed vides quanto trepidet tumultu
Pronus Orion. Ego quid sit ater

V. 3. *rava*] „Ravi coloris appellantur qui sunt inter flavos et caesios“ Festus p. 133. — *Lanuvino*] Lanuvium, Latii oppidum, haud longe a via Appia situm; sic breviter significantur qui iter faciunt in Campaniam et Brundisium. — *rumpat et*] Sic omnes codd. praeter duos, in quibus *rumpit* legitur a Bentleio aliis receptum. Illud rectius; nam neque hoc dicit quidquam aliud nisi per obliquam viam celeriter labi et sustentatur gravi ac plena versus secundi allitteratione: *ducat et — rumpat et*; qualem vehementer adamarunt poetae latini. — *mannos*] animal ex equo et asina natum, maximae celeritatis, quare ad rhedas trahendas frequenter adhibitum. cf. Epod. 4, 14. Epist. I, 7, 77. — *cui timebo*] Sic recte, vide Zumpt. gr. lat. §. 414; in multis libris MSS. *quid*, quod vocabulum ex mala pronuntiatione insequentem litteram *t* iterantium scribarum (cui timebo) ortum ipsum effecit tertiam lectionem *cur*. Qui *quid* receperunt, iis imposita erat necessitas interrogandi signum post voc. *auspex* ponendi; quo misere perit sententia. — *repetat paludes*] Indicium hoc appropinquantis tempestatis; iam vides cur providum se auspicem dixerit. *Stantes* autem ex illo genere est epithetorum quae ornantia dicuntur; quae quid valeant, supra iam dictum est. De *auspice* vide ad Carm. I, 7, 27. — *divina avis*] quia vaticinatur, ut A. P. 218. Sat. I, 6, 114. 9, 30. — *oscinem*] *Oscines* aves, quae cantu, *praepetes*, quae volatu augurium faciunt. — *ab ortu*] Qui augurium capiebant Romani, ad meridiem conversi solis ortum ad sinistram, occasum ad dextram habebant; inde sinistra fausta, dextra mala auguria. Graeci contra.

V. 15. *laevus picus*] mali ominis est, ut sententia monet; cur sit, cum laeva s. sinistra fausta habeantur, non satis patet. Conferas tamen Ovid. Ib. 128: „et a laeva moesta volavit avis“ *Vetet* ex optimis codicibus; alterum *vetat* pravum esse in promptu est. — *pronus Orion*]

Hadriae novi sinus et quid albus
20 Peccet Iapyx.

Hostium uxores puerique caecos
Sentiant motus orientis Austri et
Aequoris nigri fremitum et trementes
Verbere ripas.

25 Sic et Europe niveum doloso
Credidit tauro latus et scatentem
Beluis pontum mediasque fraudes
Palluit audax.

Nuper in pratis studiosa florum et
30 Debitae Nymphis opifex coronae
Nocte sublustri nihil astra praeter
Vidit et undas.

Quae simul centum tetigit potentem
Oppidis Creten : Pater , o relictum
35 Filiae nomen pietasque, dixit,
Victa furore !

Unde quo veni? Levis una mors est
Virginum culpa. Vigilansne ploro

Vergit Orion ad occasum a. d. V. Id. Novembr. — *albus Iapyx*] vide ad Carm. I, 3, 4 et 14. — *hostium*] Ad hanc hostium execrationem lege Carm. I, 21, 13sq. — *verbere*] Singularis numeri huius nominis primus, tertius, quartus casus omnino non inveniuntur, reliqui admodum raro; genitivus est apud Ovid. Met. XIV, 821. Sed cf. Epod. 10, 3. — *Europe*] Hom. II. XIV, 321. — *latus*] poetice pro corpore, per synecdochen; ut Carm. II, 7, 18. — *medias fraudes*] pericula ac monstra quae medium mare celat, in littore stantibus ac mare intuentibus non obvia. Tum egregium hoc *palluit audax*, quippe quo subita et magna animi Europae mutatio mirum in modum non exprimitur sed pingitur. Inde consulto *palluit* cum accusativo, ut Epist. I, 3, 10. — *debitae*] ex voto.

V. 33. Iam incipit magnifica haec de Europae moerore expositio, in qua si quaeras quid illa tandem commiserit, cur summo se supplicio dignam accuset, ipsa adest Europa quae respondeat v. 34 sqq. Nam dum per mare vehitur, ne verba quidem prae terrore potuit invenire; in terram exposita a tauroque destituta primum patris male deserti meminit seque quod levitate seducta filiae nomen prodiderit pietatemque furore i. e. temeritate vinci passa sit graviter accusat. Neque quidquam *culpa* est aliud et *turpe commissum* nisi hoc, quod insano amore eo pervenit, ut quem carissimum habuit patrem relinqueret. cf. v. 42—44. 49. — *unde quo*] Coniunctae ad graecum modum duae interrogationes.

Turpe commissum an vitiis carentem

40 Ludit imago

Vana, quae porta fugiens eburna

Somnium ducit? Meliusne fluctus

Ire per longos fuit an recentes

Carpere flores?

45 Si quis infamem mihi nunc iuvenum

Dedat iratae, lacerare ferro et

Frangere enitar modo multum amati

Cornua monstri.

Impudens liqui patrios Penates,

50 Impudens Orcum moror. O deorum

Si quis haec audis, utinam inter errem

Nuda leones!

Antequam turpis macies decentes

Occupet malas teneraeque sucus

55 Defluat praedae, speciosa quaero

Pascere tigres.

Vilis Europe, pater urget absens:

Quid mori cessas? Potes hac ab orno

Pendulum zona bene te secuta

cf. Carm. III, 19, 6 sq. Virg. Aen. X, 670. — *vitiis*] Unum quidem intelligit vitium, sed pluralis numerus auget rem, ut saepe apud poetas. — *porta eburna*] Hom. Od. XIX, 562. Virg. Aen. VI, 894. Altera adiectivi forma *eburneus* neque Horatius usus est neque Virgilius. — *cornua monstri*] In aliis et codd. et edit. *tauri*, ex aperta interpretatione orta lectio.

V. 49. Venusti versus gravi oppositione: nam quae id impudenter fecit, quod patriam domum temerario amore inducta reliquit, ea etiam auget impudentiam, quod luce et coelo frui audet poenamque quodam modo detrectat. — *audis*] Brevitatem quae inest in hac pronomini *quis* cum altera persona coniunctione nostra lingua non assequitur. Omnes enim deos simul sic alloquitur; cognatum illud Virgilianum (Aen. IV, 625): „*Exoriaro aliquis nostris ex ossibus ultor, Qui face Dardanios ferroque sequaro colonos.*“ — *nuda*] propria significatione. Sequentem stropham fuerunt qui abesse inallent propter ingratam quam habet imaginem et pulchritudinis ineptam laudem. In qua re si quid peccatum est, id Horatio potius dandum est quam scribae nescio cuius fraudi et versus faciendi studio. Idem faciendum est indicium de tertia strophâ Carm. II, 20. — *urget absens*] hoc quoque oxymoron, nam propriæ praesentia sola urgent. vide ad Carm. II, 9, 9. — *pendulum*] „Ho-

60 **Laedere collum;**

Sive te rupes et acuta leto
Saxa delectant, age te procellae
Crede veloci, nisi herile mavis
Carpere pensum

65 **Regius sanguis dominaeque tradi**
Barbarae pellex. Aderat querenti
Perfidum ridens Venus et remisso
Filius arcu.

Mox, ubi lusit satis: Abstineto,
70 Dixit, irarum calidaeque rixae,
Cum tibi invisus laceranda reddet
Cornua taurus.

Uxor invicti Iovis esse nescis.
Mitte singultus, bene ferre magnam
75 Disce fortunam; tua sectus orbis
Nomina ducet.

Carmen XXVIII.

Festo quid potius die
Neptuni faciam? Prome reconditum

ratius figuram Europae quasi moribundae et ab arbore pendentis exquisitiore modo depinxit, collum ipsum, cui in tali morte maximo erant partes, dicens *pendulum*. Verbo *laedere*, quod Ianius h. l. audacius et doctius collocatum esse censet, comparemus Soph. Antig. 54 *πλεχταῖσιν ἀριάναισιν λωβᾶται βίον*.⁴ Iacob. Qu aest. epic. p. 106. Inde iudica de eo quod in codd. etiam reperitur *secuta e* — *Lidere*. Ceterum hoc genus mortis vulgare in heroinis, ut in Iocasta, Phaedra. — *bene*] opportune. — *sive*] vide ad Carm. I, 2, 33. Acerbum hoc est et indignabundum mortis arbitrium; scilicet filia, quae libere patrem reliquit, libere etiam mortis genus constituat. Sic intelligitur verbum *delectant* prope malignum, sic etiam saxa *acuta leto* i. e. ad mortem dandam natura instituta, a quibus qui desiliunt procella etiam acti celeriore morte inveniunt. Praeterea grave etiam est, quod *regius sanguis* appellatur, cui quid tristius potuit accidere quam in servitutem dari?

Carmen XXVIII.

Neptunalibus (a. d. X. Kal. Aug.) poeta cum psaltriam Lyden apud se habeat, nescire se ait quid melius faciat quam vino et cantu Genio

Lyde strenua Caecubum

Munitaeque adhibe vim sapientiae.

5 Inclinare meridiem

Sentis ac, veluti stet volucris dies,

Parcis deripere horreo

Cessantem Bibuli consulis amphoram.

Nos cantabimus invicem

10 Neptunum et virides Nereidum comas;

Tu curva recines lyra

Latonam et celeris spicula Cynthiae;

Summo carmine quae Cnidon

Fulgentesque tenet Cycladas et Paphon

15 Iunctis visit oloribus

Dicetur, merita Nox quoque nenia.

indulgere. Sic carmen dividitur in duas partes; primum vinum promovere iubet Lyden (v. 1—8), deinde canere (9—16). Cantus autem alternus est; Horatius Neptunum celebrabit, deinde Lyde Latonam et Dianam, tum coniunctis vocibus — id quod ex plurali numero v. 9 recte videtur concludi — Venerem et Noctem. Sic simplex carminis ratio procedit neque opus est, ut cum multis interpretibus graecum nescimus quod carmen odoremur, quod Horatius, quasi nunquam suis pedibus possit stare, videatur latine reddidisse. Temporis notationem carmen non habet.

[*faciam*] Bentl. *facias* ex conî. propter insequens *promove*. Sed nihil opus emendatione. — *strenua*] Adiectivum pro adverbio. cf. ad Carm. I, 2, 45. Epist. I, 2, 70. — *munitae sapientiae*] Quae sit munita sapientia patebit ex Carm. III, 21, 14, ubi vide. — *inclinare*] ad vesperam vergere; proprie de sole, ut Iuven. III, 316 *Sol inclinat*. Pronomen *se* apud Livium quoque saepius omissum. — *ac*] I. H. Vossius emendandum putavit *at*; sed coniunctivae particulae adversante saepe facultate instructae sunt: *ac tamen*; exempla ne apud Ciceronem quidem desunt. — *veluti*] pro *velut si*, ut Ovid. Met. IV, 596. *Stare* autem verbum admodum frequens est de rebus immotis ac durantibus; sic h. l. oppositum est superiori verbo *inclinare*. — *parcis*] vide ad Carm. I, 1, 8. Ex hoc verbo quasi sponte prognatum est alterum *cessantem amphoram*. — *Bibuli*] M. Calpurnius Bibulus cum C. Iulio Caesare consul fuit a. u. c. 695. Sed iocose hoc nomen lectum; videlicet *bibere* gesticienti vinum *Bibuli* consulis haud dubie gratissimum. — *virides*] a colore aquae marinae. — *recines*] canendo respondebis, ut Carm. I, 12, 3. Versum decimum secundum accurate vides accommodatum esse decimo. — *Summo carmine*] *Summus* quamquam contrarius sua natura est *imo*, ut Epist. I, 1, 54, a loco tamen id vocabulum etiam ad tempus transfertur, ut contrarius sit *primus*, ut Epist. I, 1, 1; confer illud Lucani II, 211: „In fluvium *primi* cecidere, in corpora *summi*.“ — *Cnidon*] cf. Carm. I, 30, 1. — *oloribus*] De carru Veneris vide Ovid. Met. X, 717. — *nenia*] vide ad Carm. II, 1, 38.

Carmen XXIX.

Tyrrhena regum progenies, tibi
 Non ante verso lene merum cado
 Cum flore, Maecenas, rosarum et
 Pressa tuis balanus capillis

5 Iamdudum apud me est. Eripe te morae
 Nec semper udum Tibur et Aesulae

Carmen XXIX.

Externam scribendi carminis occasionem praebuit Maecenas invitatus, ut ex urbe ad poetam rusticatum veniret. Cui voluntati cur Maecenas obtemperare debeat, causas propositas habemus v. 13—24; primum enim divitibus vices saepe iucundae sunt, quoniam frugalitas pauperum optimum solet esse remedium magnarum quibus tenentur illi curarum, deinde (v. 17) instat etiam aestas, quam in urbe paene intolerabilem Romani saepe numero ruri, maxime in montibus, transigere solebant. „Verum, inquit, tu quidem, Maecenas, tui vix iuris; civiles curae, publica salus animum tuum undique captum habent, sed recordare (v. 29) futurarum rerum condiciones divina prudentia praeclusas esse humano intellectui, hominesque decere quae sint parata iis sapienter frui, bene scientes quidquid sit futurum id fluminum ritu fluere, modo placidum ac quietum modo turbidum et violentum. Quare cum quietis rebus nimiae curae sint inanes, turbidis impares, nemo rectius vivit eo (v. 41), cui vespera cum venerit dicere liceat: hic meus fuit dies; qualiscunque crastinus erit, quibus bonis fructus sum ne deus quidem ea mihi auferet. Sic qui cogitat, verum is habet otium, non quaerendum illud quidem in sectanda fortuna, qua nihil est mobilius aut magis incertum. Quam ob rem (v. 49) quae benigna offert dona grato animo accipiantur; quae adversa aufert libenter reddantur ab eo qui quae vera sit dignitas, vera virtus, verae opes, sapienter sibi persuasit. Inde (v. 57) nascitur animi securitas ab omnibus externis et curis et periculis; quae si minantur, recti conscientia deorumque tutela omnia summoventur.“ Tale igitur carminis est argumentum; quo tres efficiuntur partes. Ac prima quidem sex strophas complexa invitationem habet cum universis causis, quibus ut veniat Maecenati suadet; altera quattuor stropharum Maecenatis res et condiciones describit transitumque sensim parat ad tertiam eandemque sex strophas tenentem, qua quid cogitet Horatius de vitae rationibus vicibusque libere ac diserte exhibetur. In qua partium distributione hoc quoque egregium est, quod qui totius carminis medii sunt versus (29—34) iidem principalem totius doctrinae originem ac quasi fontem ostendunt. Quapropter recte iudicarunt qui hoc multis nominibus laudandum carmen inter praestantissima referrent Venusini poetae. Quod quo anno scriptum sit certum non est; sed veri simillimum est, cum Maecenas aedes suas in Esquilis iam habeat exstructas (v. 10), Horatium etiam in Sabina villa habitare ex initio perspicuum sit, praeterea versu 28 Tiridatis et Phraatis Parthicorum discordia tangatur, ortum esse carmen non ante annum 729. Simile est pluribus de causis carmen III, 8.

V. 2. *non ante verso*] usque adhuc recondito, nondum tacto, id quod honorificum est Maecenati. cf. III, 21, 6. — *lene*] vetustate delentum; recentia enim vina acerba. — *balanus*] hyperanthera semidecandra; nux autem posita pro oleo inde presso. — *nec semper*] Sic boni codd.; alii

Declive contempleris arvom et
Telegoni iuga paricidae.

Fastidiosam desere copiam et
10 Molem propinquam nubibus arduis ;
Omitte mirari beatae
Fumum et opes strepitumque Romae.

Plerumque gratae divitibus vices
Mundaeque parvo sub lare pauperum
15 Coenae sine aulacis et ostro
Sollicitam explicuere frontem.

Iam clarus occultum Andromedae pater
Ostendit ignem : iam Procyon furit
Et stella vesani Leonis
20 Sole dies referente siccos ;

Iam pastor umbras cum grege languido

ne ; illud tamen rectius , quia et ingratum est asyndeton neque obstat nec particula cum imperativo coniuncta. cf. Carm. I, 9, 15. I, 11, 2. III, 7, 29. Neque rectum videtur, quod Peerlkampius Batavus affirmavit, *contemplari* neminem posse nisi praesentem, non remotum. An vero *astra* cum *contemplamur* non sumus remoti ab iis ? Sic autem Romani dicebant. Immo in contemplando non tam praesentia inest hominum quam attentio animi et oculorum. Quae verbi significatio huic quoque loco bene convenit. Nam cum qui contemplatur aliquid desiderium vel studium cognoscendae eius rei prodat, quid prohibet, quominus Maecenatem fingamus in turri sedentem fixis in circumiacentem regionem oculis, desiderio otiosae rusticationis plenum, sed nimis curis Romae retentum ? Dubitantem igitur et desiderantem stimulat Horatius, ut morae tandem finem faciat fastidiique plenam urbem animi relaxandi causa relinquat. Sic nihil dubitationis relinquitur, ne id quidem, quo trahenda sit *semper* particula. — *Telegoni*] Ille Ulixis et Circae filius patrem, quem ut quaereret missus erat, inscius necavit in Italiamque delatus Tusculum condidit. Aesula inter Praeneste et Tibur sita est. *Udum* Tibur (cf. Carm. I, 7; 13) cum montibus eius regionis aestate amoenus locus. — *molem*] vide Epod. 9, 3. — *omitte*] Burmannus *o mitte* scribendum censuit, nimirum ne a iambo procederet versus ; sed conferas Carm. I, 17, 7 *olentis* ; I, 29, 7 *puer quis* ; I, 37, 15 *redegit*, ak — *mirari*] cum levi ironia dictum. — *strepitum*] cf. Epist. II, 2, 70 sqq. — *aulacis et ostro*] „Consuetudo apud antiquos fuit, ut aulaeae subcameras tenderent, ut si quid pulveris caderet ab ipsis exciperetur.“ Schol. ad Sat. II, 8, 54. Ostrum significat peristromata purpurea lectorum tricliniarum. — *explicuere*] Sic proprie positum ; etiam Sat. II, 2, 125. Ceterum vide ad Carm. I, 1, 4.

V. 17. *Andromedae pater*] Tribus stellis ex Horatiana consuetudine aestas indicatur ; Cepheus oritur a. d. VII. Id Iul., Procyon (Antecanis) ipsis Idibus Iuliis ; leonem sol ingreditur a. d. XIII. Kal. Aug. Voca-

Rivumque fessus quaerit et horridi
 Dumeta Silvani, caretque
 Ripa vagis taciturna ventis.

25 Tu civitatem quis deceat status
 Curas et Urbi sollicitus times
 Quid Seres et regnata Cyro
 Bactra parent Tanaisque discors.

Prudens futuri temporis exitum
 30 Caliginosa nocte premit deus,
 Ridetque si mortalis ultra
 Fas trepidat. Quod adest memento

Componere aequus: cetera fluminis
 Ritu feruntur, nunc medio alveo
 35 Cum pace delabentis Etruscum
 In mare nunc lapides adesos

Stirpesque raptas et pecus et domos
 Volventis una non sine montium
 Clamore vicinaeque silvae,
 40 Cum fera diluvies quietos

Irritat amnes. Ille potens sui
 Laetusque deget, cui licet in diem
 Dixisse vixi: cras vel atra
 Nube polum pater occupato,

45 Vel sole puro; non tamen irritum

bula furit et vesani propria sunt de diebus canicularibus. — *horridi Silvani*] Silvanus nemorum et arborum deus naturam silvarum ipse induit; nam „horrida siccae Silva comae“, ut est apud Iuvenalem IX, 12. — *Urbij*] Nimis acuti fuerunt qui ex hoc loco Maecenatem tum praefectum Urbi fuisse coniecerunt. Scilicet perpetuam Maecenas habuit Urbis, imperii sedis, curam. — *regnata*] vide ad Carm. II, 6, 11. — *Tanais*] fluvii nomen pro accolis; similiter Carm. II, 9, 21. — *componere*] Per metaphoram sic dicitur de rebus ad usum recte ordinandis, ut proprie crines componere, togam componere. — *alveo*] Sic optimi et antiquissimi codices; *aequore* ex docta fortasse interpretatione a nonnullis scribis receptum. — *Etruscum*] Ultima syllaba ante sequentem vocalem eliditur. — *non sine*] vide ad Carm. III, 26, 2. — *amnes*] Sunt minora flumina quae influunt in Tiberim, a quo sumptam esse comparisonem ostendit mare Etruscum. — *in diem*] quotidie, ut Liv. XXII, 39. XXXI, 29. Frequentius tamen *in dies*. — *atra nube*] Metaphora intelligitur ex

Quodcunque retro est efficiet neque
 Diffinget infectumque reddet
 Quod fugiens semel hora vexit.

Fortuna saevo laeta negotio et
 50 Ludum insolentem ludere pertinax
 Transmutat incertos honores
 Nunc mihi, nunc alii benigna.
 Laudo manentem; si celeres quatit
 Pennas, resigno quae dedit et mea
 55 Virtute me involvo probamque
 Pauperiem sine dote quaero.

Non est meum, si mugiat Africis
 Malus procellis, ad miseras preces
 Decurrere et votis pacisci,
 60 Ne Cypriae Tyriaeque merces
 Addant avaro divitias mari;
 Tunc me biremis praesidio scaphae
 Tutum per Aegaeos tumultus
 Aura feret geminusque Pollux.

Carmen XXX.

Exegi monumentum aere perennius
 Regalique situ pyramidum altius,

Carm. II, 10, 15. — *diffinget*] vide ad Carm. I, 35, 39. — *verit*] non abstulit sed attulit, dedit; *semel* adverbium non adversatur; nam id quod hora semel dedit ne divina quidem potestas auferet, quoniam hora fugit i. e. tempus removeri nequit.

V. 51. *incertos honores*] De sententia confer Carm. I, 34, 14 sqq. — *resigno*] „Resignare antiqui dicebant pro rescribere.“ Festus p. 137. Rescribere autem quid sit vides ex h. l. Cicer. Att. XVI, 2: „Qui de residuis CCCC. HS. CC praesentia solverimus, reliqua rescribamus“ (per attributionem solvere, durch Anweisung bezahlen). Inde idem quod solvere. Sat. II, 3, 76. — *Africis*] cf. Carm. I, 14, 5. — *biremis scaphae*] quae duos non ordines remorum sed remos habet, ut ab uno homine gubernetur. Etenim suis viribus fretum deorum tutela adiuva-
 bit. Fiduciam Horatii futurum *feret* melius exprimit quam quod alii voluerunt *ferat*. — *geminusque Pollux*] vide ad Carm. I, 3, 2 et I, 12, 25 sqq.

Carmen XXX.

Incertum est, utrum Horatius tres simul ediderit libros an duos primum, deinde tertium separatim. Hanc sententiam qui tuerentur, prae-

Quod non imber edax, non Aquilo impotens
Possit diruere aut innumerabilis

sidium quaerunt ex Carm. II, 20 neque illud quidem satis firmum. Nam si illud carmen ad claudendos primum et secundum libros scripsisset, inopis sane ingenii fuisset tertio separatim aliquot annis post edendo libro simillimum adiciere epilogum. Utut est, hoc certum manebit; de quo nunc disputamus carmen absoluto iam tertio libro comitem esse annexum. Argumentum simplicissimum est: edidisse se dicit magnum monumentum quod nomen suum perpetuo sit celebraturum; meritam inde se gloriam petere neque arrogantiae aut vanitatis crimen subire. Qua de carminibus opinione nihil vulgarius esse apud antiquos poetas haec demonstrant argumenta:

Ennius apud *Cicer.* Tusc. I, 15:

Nemo me lacrimis decoret nec funera fletu
Faxit. Cur? volito vivo' per ora virum.

Virgilius *Georg.* III, 8 sq.:

Tentanda via est, qua me quoque possim
Tollere humo victorque virum volitare per ora.

Propertius III, 1, 35:

Meque inter seros laudabit Roma nepotes.

et *ibid.* v. 56 sqq.:

Carmina erunt formae tot monumenta tuae;
Nam neque *Pyramidum* sumptus ad sidera ducti
Nec Iovis Elei coelum imitata domus
Nec Mausolei dives fortuna sepulchri
Mortis ab extrema condicione vacant:
Aut illis flamma aut imber subducet honores
Annorum aut ictu pondera victa ruent.
At non ingenio quaesitum nomen ab aevo
Excidet, ingenio stat sine morte decus.

Ovidius *Amor.* III, 15, 7 sq.:

Mantua Virgilio gaudet, Verona Catullo:
Pelagiae dicar gloria gentis ego.

ibid. v. 19 sq.:

Imbelles elegi, genialis Musa, valete,
Post mea mansurum fata superstes opus!

A. A. III, 339 sq.:

Forsitan et nostrum nomen miscebitur istis,
Nec mea Lethaeis scripta dabuntur aquis.

Met. XV, 871 sqq.:

Iamque opus exegi, quod nec Iovis ira nec ignes
Nec poterit ferrum nec edax abolere vetustas
Quum volet, illa dies, quae nil nisi corporis huius
Ius habet, incerti spatium mihi finiat aevi:
Parte tamen meliore mei super alta perennis
Astra ferar nomenque erit indelebile nostrum;
Quaque patet domitis Romana potentia terris,
Ore legar populi, perque omnia saecula fama,
Si quid habent veri vatum praesagia, vivam.

Martialis X, 2, 7 sqq.:

Pigra per hunc fugies ingratae flumina Lethes
Et meliore tui parte superstes eris.
Marmora Messallae findit caprificus et audax

- 5 Annorum series et fuga temporum.
 Non omnis moriar multaque pars mei
 Vitabit Libitinam: usque ego postera
 Crescam laude recens, dum Capitolium
 Scandet cum tacita virgine pontifex.
 10 Dicar, qua violens obstrepit Aufidus
 Et qua pauper aquae Daunus agrestium
 Regnavit populorum, ex humili potens
 Princeps Aeolium carmen ad Italos
 Deduxisse modos. Sume superbiam
 15 Quaesitam meritis et mihi Delphica
 Lauro cinge volens, Melpomene, comam.

Dimidios Crispi mulio ridet equos.

At chartis nec furta nocent nec saecula prosunt;

Solaque non norunt haec monumenta mori.

In quibus locis vides non pauca ad exemplum Horatii scripta esse.

V. 2. *situ*] mole. Comparari potest adiectivi *situs* usus apud Tacitum Ann. III, 38: „Philippopolim a Macedone Philippo *sitam* (i. e. conditam) circumsidunt², alias. — *impotens*] sibi non temperans, vehementer furens. Epod. 16, 62. — *Libitinam*] Venus Libitina, dea funerum; in cuius aede erant libitinarii, quibus qui mortui essent ex lege nuntiabatur, eadem ratione qua recens nati in templo Iunonis Lucinae nominabantur. Inde Livius XL, 19: „Pestilentia in urbe tanta fuit, ut Libitina vix sufficeret.“ cf. Sat. II, 6, 19. Epist. II, 1, 49. — *dum Capitolium*] in perpetuum; aeterna enim Roma habebatur. cf. Virg. Aen. IX, 446. — *tacita*] Silentium in sacris observabatur. Vestales virgines indicant aeternam Vestam cf. Carm. III, 5, 11.

V. 10. *qua violens*] ut Sat. I, 1, 58. Carm. IV, 9, 2. Noli tamen haec cum *dicar* artius coniungere; nam nomen Horatii et gloria tam angustis finibus non est circumscribenda. Potius originem poetae et natale solum significant. — *Daunus*] Epod. 3, 16. — *populorum*] Genitivus ad graeci verbi βασιλεύειν usum hic positus exemplo apud latinos videtur carere; unde iam in codd. emendare conabantur *regnator*. — *Aeolium carmen*] Hanc sibi laudem tribuit Horatius, transtulisse se lyricam poesin ex Graecia in Italiam, auxisse Italicos modos novo genere. Modi enim nihil sunt aliud nisi carminum et versuum genera, ut apud Ovidium Trist. II, 220: „*Imparibus legeres carmina facta modis.*“ cf. Hor. Epist. I, 3, 13. I, 19, 27. Aeolia appellantur lyrica carmina ab Alcaeo et Sapphone, Lesbo insula ortis. — *Delphica*] cf. Carm. IV, 2, 9. — *volens*] Sollenne vocabulum in precibus. Liv. VII, 26, 4: „Si divus, si diva esset, qui sibi praepetem misisset, *volens propitiusque* addeset.“

Q. HORATII FLACCI

C A R M I N U M

LIBER QUARTUS.

Carmen I.

Intermissa, Venus, diu

Rursus bella moves? Parce, precor precor.

Carmen I.

Scimus ex Suetoniana Horatii vita, quantum carminum librum Augusti rogatu ab Horatio superioribus tribus additum esse. In qua re cum videatur probabile, Augustum id sua magis quam poetae causa voluisse, veri simillimum est quod a scholiastis traditur, propter ea carmina in quibus Augusti eiusque privignorum laudes canantur, scilicet ne potentissimi et optimi imperatoris voluntati plane deesset, totum librum emisisse Horatium. Qui cum lyricam suam poesin parvam et amatoriam esse saepenumero olim pronuntiasset, non potuit facere quin libro adderet amatoria etiam carmina, sive recentia sive ex copia superioris temporis desumpta. Huc spectat primum quoque hoc carmen, quod ut prologi munere fungeretur compositum est post reliqua huius libri carmina a. u. 741, cum librum editurus quid lectores expectare deberent, quid non deberent poeta palam profitendum sibi esse arbitraretur. Dicit enim, praeteritum sibi esse tempus, quo amores celebrasset et vinum; senescenti iam et a tenui amoris lusu alieno (vv. 29—32. 6. 7) cedendum esse vere lyricis carminibus. Quod quamquam in homine quinquaginta fere annos nato verissimum erat, lyricorum tamen carminum quale in animo eius remanserit desiderium, simul indicatur Ligurini imagine. Posuit poeta lyram, sed invitus. Inde Ligurini imago ex superiori tempore revocata dies noctesque poetam sequitur. Quare ne crede Horatium tunc cum scriberet hoc carmen Ligurinum iuvenem amasse; nimium Ligurini nomen propter decimum carmen olim scriptum, diu repositum, tunc revocatum aliis magis placuit. Consulto etiam „dulcium mater saeva Cupidinum“ v. 5 ex Carm. I, 19 petita est.

Non sum qualis eram bonae
 Sub regno Cinarae. Desine, dulcium
 5 Mater saeva Cupidinum,
 Circa lustra decem flectere mollibus
 Iam durum imperiis; abi
 Quo blandae iuvenum te revocant preces.
 Tempestivius in domum
 10 Pauli purpureis ales oloribus
 Comissabere Maximi,
 Si torrere iecur quaeris idoneum:
 Namque et nobilis et decens
 Et pro sollicitis non tacitus reis
 15 Et centum puer artium
 Late signa feret militiae tuae,
 Et quandoque potentior
 Largi muneribus riserit aemuli,
 Albanos prope te lacus

V. 1. *intermissa bella*] Compara Carm. I, 19. III, 26. — *bonae Cinarae*] De Cinara olim ab Horatio vere amata vide ad IV, 13, 21. Bonam appellat dudum mortuam, ut Lucret. III, 1037: „Lumina suis oculis etiam bonus Ancu' reliquit.“ — *circa lustra decem*] Etiam si Horatius decem lustra implevit a. d. VI Id. Decembr. a. 739, *circa* voc. tamen prohibet, ne quis a. 741 hoc scribere poetam potuisse neget. — *flectere*] metaphora sumpta ab equis (cf. Carm. III, 7, 25); inde etiam adiectiva *mollis* et *durus*. — *te revocant*] Ingeniosa quidem sed non necessaria coniectura Peerlkampii *rite vocant*, nam *revocant* non est iterum vocant, sed „a me ad se vocant“ Sat. II, 3, 264. — *tempestivius*] magis opportune, ut Ovid. Trist. IV, 10, 81: „Felices ambo tempestiveque sepultos.“ — *in domum*] Boni etiam codices *in domo*; rectius tamen illud propter motum qui inest in comissione. — *Pauli*] Videtur esse Paulus Fabius Maximus cos. a. u. 743. Quem ne mireris versu 15 *puerum* nominari, cogita hunc valde gratiosum fuisse apud Augustum neque iam observatas esse leges annales. — *purp. al. oloribus*] Ipsa Venus siquidem alata non est, vehitur tamen ab alitibus. *Purpureum* autem non rubicundum est sed nitidum ac splendens, ut etiam *nixem purpuream* dicere potuerint latini poetae. — *iecur*] Apud antiquos iecur omnium cupiditatum sedes est, etiam amoris. Epist. I, 18, 72. — *torrere*] Suspensum hoc verbum est et ex verbo *quaeris* et ex adi. *idoneum*: si quaeris torrere iecur, quod idoneum sit ad torrendum.

V. 14. *decens*] formosus, ut III, 27, 53. Ad ea quae sequuntur compara Carm. II, 1, 13. — *centum artium*] cf. Cic. Rosc. Am. 41, 120. Ovid. Rem. Am. 713: „Nec solam faciem, mores quoque confer et artes.“ — *militiae tuae*] vide ad Carm. III, 26, 2. — *quandoque*] quandoquocunque, ut Carm. IV, 2, 34. A. P. 359. — *Largi*] In aliis *largis*; verum rectius largus habetur aemulus, quippe qui liberalitate sua puellarum animos flectere studeat. Sic venuste contra Pauli multas artes una aemuli divitiarum copia ponitur. — *Albanos*] Praeter Albanum

- 20 Ponet marmoream sub trabe citræa. |
 Illic plurima naribus
 Duces thura, lyraeque et Berecynthiae
 Delectabere tibiae
 Mixtis carminibus non sine fistula ;
- 25 Illic bis pueri die
 Numen cum teneris virginibus tuum
 Laudantes pede candido
 In morem Salium ter quatient humum.
 Me nec femina nec puer
- 30 Iam nec spes animi credula mutui
 Nec certare iuvat mero
 Nec vincere novis tempora floribus.
 Sed cur heu, Ligurine, cur |
 Manat rara meas lacrima per genas?
- 35 Cur facunda parum decoro
 Inter verba cadit lingua silentio ?
 Nocturnis ego somniis
 Iam captum teneo, iam volucrem sequor
 Te per gramina Martii
- 40 Campi, te per aquas, dure, volubiles.

lacum proprie dictum tres ibi alii et proximi fuerunt lacus; inde pluralis numerus. Videtur Paulus villam ibi habuisse. — *trabe citrea*] Sic in antiquissimis codicibus; *Cypria* ex corruptione et prava memoria loci Carm. I, 1, 13 ortum. Citrus arbor bene olens et pretiosissima ex Africa petebatur. Apud Persium I, 53 inveniuntur *lecti citreis* — *Berecynthiae tibiae*] cf. Carm. III, 19, 20; de dativo Epod. 9, 5. Indicatur concentus trium instrumentorum; cui accedunt mox cantus et saltatio. cf. IV, 15, 30. — *bis die*] matutino et vespertino tempore. — *morem Salium*] cf. Carm. I, 36, 12. — *ter quatient humum*] cf. Carm. III, 18, 16 et I, 37, 2.

V. 33. *Ligurine*] Egregia haec Ligurini apostrophe. Dum proficitur poeta, suum iam non esse amores iungere vinoque certare, subitum exoritur in eius animo pristinorum temporum desiderium; quod cum explere non possit quasi somnium sectari videtur. Quae coniuncta sunt omnia demonstrant non significari verum eius temporis amorem, sed tristem iuventutis recordationem, unam quidem reliquam ex omnibus iucunditatibus neque iam magis veram quam somniorum fallaces imagines. — *rara lacrima*] ut fit in amissorum bonorum grata et acerba recordatione. Idem sensus silentio quoque exprimitur. cf. Epod. 11, 9.

Carmen II.

Pindarum quisquis studet aemulari,
Iule, ceratis ope Daedalea
Nititur pennis vitreo daturus
Nomina ponto.

5 Monte decurrens velut amnis, imbres

Carmen II.

Anno 738 Germani populi, Usipetes, Tencteri et Sugambri, excursions in Galliam trans Rhenum fecerant neque equitatum solum Romanum contra se missum vicerant sed etiam M. Lollio legato gravem cladem intulerant. Quos ut ulscisceretur Augustus ipse in Galliam profectus nominis sui magnitudine tantopere Germanos terruit, ut obsidibus datis in suos fines redirent. Quo facto restitutoque honore imperii Augustum Romam rediturum omnes expectabant credebantque; quae tamen eos spes fefellit; nam aliis interea bellis exortis in Gallia imperator remansit neque rediit nisi a. 741 pacatis rebus Germanicis, Gallicis, Hispanicis. Iam cum a. 739 de victis Sugambriis nuntius Romam pervenisset, probabile est Horatium a Iulo Antonio, altero M. Antonii triumviri ex Fulvia filio, gratioso apud Augustum eodemque poeticis studiis deditissimo ad canendas Pindarica ratione novas Augusti laudes excitatum hoc carmen fecisse. Ac primum quidem quam magnus sit Pindarus ostendit (str. 1—7); contra quem postquam octava stropha suas facultates posuit, reliqua parte carminis id quod a se erat postulatum ad Antonium quasi relegat, dum suo more inter recusandum tantum laudis addit, quantum ipse sibi videtur posse impertire, finemque et carminis et comparisonis suarum virium cum Antonio invenit victimarum certamine, quas et sibi et Antonio festo redeuntis Augusti die immolandas esse censet. Victimarum eadem ratio est quae poeticarum utriusque facultatum. Antonio immolandi sunt decem boves totidemque vaccae, Horatio unus vitulus candida in fronte nota insignis, reliquis partibus fulvus. Nimirum Horatius parvum se esse poetam dicit, aptum ad unum tantum poematum genus, amatorium; sublimia genera, Pindaricum et epicum, a se esse aliena. Qua ratione cum extremam partem carminis intellexeris, ab iniqua vituperatione abstinebis. Octava stropha ipse Horatius inter Pindaricam poesin et magna quae sunt proposita Augusti facinora utrisque impar ponitur; quare carminis oeconomiam perfectam recte nominabis. cf. Carm. I, 6, II, 12, IV, 15

V. 1. *aemulari*] Est aliquid inter imitari et aemulari; qui aliquem aemulatur, aequare studet et superare, non item qui imitatur. — *Iule*] Sic omnes codices. Sed *Iulum* neminem esse nisi Aeneae filium Ascanium neque Horatianae videri consuetudinis eundem hominem bis diverso nomine alloqui ratus Peerlkampius ille scribendum suspicatus est, ut hic non certum aliquem hominem, infra v. 26 Antonium quendam Rufum, fabularum scriptorem Horatius significaverit. Docuit tamen Grotefendus (zur Geogr. u. Gesch. von Alt-Italien. fascic. 5. p. 39) Augusti aetate cognomina quae ante fuissent etiam pro praenominibus indita esse, cuius consuetudinis praeter alia exempla hunc quoque *Iulum* et superioris carminis *Paulum* Fabium Maximum attulit. — *daturus nomina*] ut ab Icaro mare Icarium nominatur. De plurali *nomina* cf. Carm. III, 27, 76. — *vitreo*] a natura sumptum aquae pellucidae, ut Virg. Aen. VII, 759. Hor. Carm. III, 13, 1. — *amnis*] Hoc vocabulum ex subli-

Quem super notas aluere ripas,
Fervet immensusque ruit profundo
Pindarus ore,

Laurea donandus Apollinari,
10 Seu per audaces nova dithyrambos
Verba devolvit numerisque fertur
Lege solutis;

Seu deos regesve canit, deorum
Sanguinem, per quos cecidere iusta
15 Morte Centauri, cecidit tremendae
Flamma Chimaerae;

Sive quos Elea domum reducit.
Palma coelestes pugilemve equumve
Dicit et centum potiore signis,
20 Munere donat;

Flebili sponsae iuvenemve raptum
Plorat et vires animumque moresque
Aureos educit in astra nigroque
Invidet Orco.

maiori scribendi genere Augusti demum aetate saepius usurpatum magnum aliquod flumen vel rapidum torrentem significat. cf. Cic. Orat. 12, 39: „Alter (Herodotus) sine ullis salebris quasi sedatus amnis fluit; alter (Thucydides) incitator fertur.“ Id. Fin. II, 1, 3: „Cum fertur quasi torrens oratio, quamvis multa cuiusquemodi rapiat, nihil cet.“ Propert. III, 16(17), 40: „Qualis Pindarico spiritus ore tonat.“ Deinde confer Sat. I, 7, 27. 10, 62. — *laurea*] cf. Carm. III, 30, 15. IV, 3, 6. *Apollinaris* forma maxime de ludis Apollinaribus etiam in pedestri oratione usitata; poetae contra qui hexametris usi sunt aliam magis sibi commodam usurpant, *Apollineus*. — *audaces dithyrambos*] Cic. de orat. III, 48: „Inde ille licentior et divitior fluxit dithyrambus, cuius membra et pedes sunt in omni locupleti oratione diffusa.“ Per totum locum vides Horatium constantem esse in imagine fluminis. — *lege solutis*] Dithyrambicum genus variis animi motibus versuum numerorumque genera varia accommodavit neque tulit certam metrorum repetitionem. Praeter dithyrambos describuntur deinceps paeanes et hymni, epinicia, threni; singula singulis strophis.

V. 13. *regesve*] semideos esse deorum ostendit sanguis. Sunt autem Theseus, Pirithous, Bellerophon, alii cf. Carm. I, 18, 8. I, 27, 23. II, 17, 13. — *cecidere*] Eiusdem vocabuli eadem forma in eodem versus loco posita et sonum efficit gratum et vigorem addit orationi. — *Elea*] Olympica, ut apud Virgilium Georg. III, 202. cf. Ovid. Met. V, 576. — *coelestes*] cf. Carm. I, 1, 6. — *pugilemve*] cf. A. P. 84. Carm. IV, 3, 3. — *moresque*] Sunt duo versus hypermetri; praeter hos apud Horatium, II, 2, 18 II, 16, 34. C. S. 47. — *invidet Orco*] nam „Coelo Musa

25 Multa Dircaeum levat aura cyncum,
Tendit, Antoni, quoties in altos
Nubium tractus. Ego apis Matinae
More modoque

Grata carpentis thyma per laborem
30 Plurimum circa nemus uvidique
Tiburis ripas operosa parvus
Carmina fingo.

/ Concines maiore poëta plectro
Caesarem, quandoque trahet feroces

35 Per sacrum clivum merita decorus
Fronde Sugambros;

Quo nihil maius meliusve terris
Fata donavere bonique divi,
Nec dabunt, quamvis redeant in aurum
40 Tempora priscum.

Concines lactosque dies et Urbis
Publicum ludum super impetrato
Fortis Augusti reditu forumque
Litibus orbum.

45 Tum meae, si quid loquar audiendum,

beat^a, ut est Carm. IV, 8, 29. — *Dircaeum*] Pindarus Thebanus a fonte Dirce sic appellatus — *Antoni*] De altera hac allocutione bene notatum est ab Orellio, citari Antonium tanquam testem, qui quam vera haec sint ipse sit expertus, deinde parari ad insequentia transitum. — *apis Matinae*] Plat. Ion. p. 534 A: «λέγουσι γὰρ πρὸς ἡμῖς οἱ ποιηταί, ὅτι ἀπὸ κρηνῶν μελιφόρτων ἐκ Μουσῶν κήπων τινῶν καὶ γαπῶν δρεπόμενοι τὰ μέλη ἡμῖν γέρονσι ὥσπερ αἱ μέλιται.» Pindaro grandia etiam carmina sponte fluunt; Horatio necessaria est apum sedulitas ac plurimus labor. — *Matinae*] Mons Martinus in Apulia, ubi mel optimum. Carm. III, 16, 33. II, 6, 15. I, 28, 3. — *thyma*] quoniam mella reddunt. Epist. I, 3, 21. — *Tiburis*] cf. Carm. II, 6, 5. III, 29, 6. Ripae autem sunt Anienis; quare Bentleii coniectura *riveos* nihil opus est.

V. 33. *plectro*] vide ad Carm. II, 1, 40. — *quandoque*] vide ad Carm. IV, 1, 17. — *sacrum clivum*] Videtur esse *clivus Capitolinus*, cf. Livium III, 18; vel pars acclivis viae sacrae, qua triumphantes ad Capitolium ibant. — *nihil maius*] cf. Epist. II, 1, 15 sqq. — *boni divi*] cf. Carm. IV, 5, 1. — *impetrato*] Supersunt nummi a. u. c. 738 cum inscriptione S. P. Q. R. V. S. Pro S. ET RED. AVG. h. e. Sen. pop. que Rom. vota suscepta pro salute et reditu Augusti. — *litibus orbum*] Festis diebus iustitia indicebantur. — *loquar*] rectius quam *loquor*, quod

Vocis accedet bona pars, et O sol
Pulcher, o laudande! canam recepto
Caesare felix;

| Teque dum procedis, Io Triumphe,
50 Non semel dicemus, Io Triumphe,
Civitas omnis dabimusque divis
Thura benignis.

Te decem tauri totidemque vaccae,
Me tener solvet vitulus, relictæ
55 Matre qui largis iuvenescit herbis
In mea vota,

Fronte curvatos imitatus ignes *
Tertium lunæ referentis ortum,
Qua notam duxit niveus videri,
60 Cetera fulvus.

est in nonnullis codicibus. Nam: „si quid canere, inquit, potero quod dignum sit tanto die, ego vero publicæ lætitiæ non deero.“ — *teque dum procedis*] Sic antiquissimi et plurimi codices, nisi quod unus antiquus Bernensis habet *procedit*. Illud rectius; etenim ad triumphum ipsum est oratio, id quod scholiastæ iam viderunt. De qua re hæc considera verba Livii XLV, 38: „(Milites) triumphum nomine cient suasque et imperatoris laudes canentes per urbem incedunt“; cum quibus conferas Hor. Epod. 9, 21. Invocatur igitur tanquam deus Triumphus; quare sic locum interpretare: „Dum tu, Triumphe, procedis, omnes te cives non semel invocabimus, sed continuo clamore dicemus Io triumphe.“ In qua re hoc egregium est, quod iteratus civium clamor bis positus verbis *io triumphe* in fine duorum versuum ad aures nostras quoque paene adducitur. *Tuque dum procedis* quod ex deterioribus codicibus in recentiores editiones transiit bandquaquam potest ferri. De ipsa re compara etiam hæc Varronis L. L. VI, 7, 69: „Triumphare appellatum, quod cum imperatore milites redeuntés clamitant per urbem in Capitolium eunti *Io triumphe*: id a *θριῦμφῳ* Græco Liberi cognomento potest dictum.“ — *Te*] Redit oratio ad Antonium, ad quem transitio valde expeditur interposita prima pluralis numeri persona. — *iuvenescit*] cf. Carm. III, 23, 11. — *fronte*] Cornua non sunt maiora quam lunæ tertio die post novilunium. — *niveus videri*] *λευκὸς ἰδῆσθαι*. Ad totam victimæ descriptionem compara Carm. III, 13, 4. Apud Moschum 2, 84 taurus, qui Europam fefellit, similis est: *Τοῦ δ' ἦτοι τὸ μὲν ἄλλο θέμας ξανθόχρουν ἔσχεν, κόκλος δ' ἀργύρεος μέσσω μάγμαιρε μετώπῳ*. Cf. Hom. II. XXIII, 454. Pulcherrimus igitur vitulus Horatii est. Contrarius est taurus Pasiphaæ apud Ovidium A. A. I, 291: „Signatus tenui media inter cornua nigro, Una fuit labes, cetera lactis erant“

Carmen III.

Quem tu, Melpomene, semel
 Nascentem placido lumine videris,
 Illum non labor Isthmius
 Clarabit pugilem, non equus impiger
 5 Curru ducet Achaico
 Victorem, neque res bellica Deliis
 Ornatum foliis ducem,
 Quod regum tumidas contuderit minas,
 Ostendet Capitolio;
 10 Sed quae Tibur aquae fertile praefluunt
 Et spissae nemorum comae

Carmen III.

Argumentum carminis hoc est. „Quem nascentem, inquit Horatius, Musae benignis oculis adspexerunt, eum qui aliunde veniunt honores non alliciunt (in quibus describendis honoribus eandem sequitur poeta rationem quam ante erat secutus in Carm. I, 1; septem enim versus 3—9 inter Graecos honores dividuntur et Romanos), sed naturae amoenitates in nemoribus et agris capiunt dulcissimisque sensibus implent. Ex quibus ego quoque sum; nam me, quidquid clamant derogantque obrectatores, Romani vatem praedicant. De quo honore si licet gloriari, ita tamen gloriator, ut cui tantum ego beneficium debeam, bene sciam. Tuum igitur est, Musa, quidquid sum et quidquid cano; poetica facultas deorum est hominum pectora intrantium.“ Dividitur igitur carmen in duas partes, superiorem generalem (1—12), inferiorem specialem; neque difficile est ad intelligendum, id consilium secutum esse poetam, ut poetas non sibi sed Musarum potestati carmina debere doceret. Quam de poetica sententiam si cum superiore carmine (vv. 27—32) pugnare quis credat, eum liquet non bene perspexisse, quam graviter Tiburis uvida arva et nemora in utroque carmine posita Horatii constantiam demonstrent; quo accedit, quod in utroque carmine poetarum animos a magnis rebus gestis gerendisque alienos esse ponitur. De tempore quo sic Horatius cecinerit nihil invenias certi; suspicabantur tamen viri docti, ortum esse carmen cum Horatius a. 737 ab Augusto iuberetur saeculare carmen componere.

V. 1. *semel*] Adverbium hoc ex frequenti Latinorum usu sic usurpatur, ut et cae res significantur quae non saepius quam semel fiant et quae cum semel sint facta, perpetuam vim prodant. Exempla sint Cic. pro Deiot. 3, 9 14, 39 et Virg. Aen. XI, 418. Posteriores et deteriores scriptores dixerunt *semel et in perpetuum*. — *lumine videris*] Hesiod. Theog. 82: Ὅντινα τιμῆσουσι Διὸς κοῦραι μέγαλοιο Γεινόμενον τ' ἐσιδῶσι — Τῷ μὲν ἐπὶ γλώσῃ γλυκερὴν χέουσιν ἄοιδῃν. — *clarabit*] vocabulum poeticum, ne a Cicerone quidem in versibus (de divin. I, 12 fin.) spretum — *equus impiger*] Epitheton quo equus ornatur satis declarat, quid sit *ducet curru Achaico*; intelligitur enim ipsum curriculum Olympicum. — *Deliis foliis*] Laurus Apollini in insula Delo nato sacra fuit. — *contuderit*] cf. Carm. II, 12, 12, III, 6, 10. — *praefluunt*]

Fingent Aeol^o carmine nobilem. {
 Romae principis urbium
 Dignatur soboles inter amabiles
 15 Vatum ponere me choros,
 Et iam dente minus mordeor invido.
 O testudinis aureae
 Dulcem quae strepitum, Pieri, temperas,
 O mutis quoque piscibus
 20 Donatura cynci, si libeat, sonum,
 Totum muneris hoc tui est,
 Quod monstror digito praetereuntium
 Romanae fidicen lyrae:
 Quod spiro et placeo, si placeo, tuum est.

Carmen IV.

Qualem ministrum fulminis alitem,
 Cui rex deorum regnum in aves vagas

i e. praeterfluunt, ut Carm. IV, 14, 26. Liv. I, 45. XLIV, 31. Virg. Aen. VI, 705. — *Aeolio carmine*] cf. Carm. II, 13, 24. III, 30, 13.

V. 13. *principis urbium*] Martial. XII, 8, 1: „Terrarum dea gentium-que Roma, Cui par est nihil et nihil secundum.“ — *soboles*] Romanum genus; nam per iuventutem Romanam poetae laus ad posteros quoque pervenit. — *dente invido*] Epod. 6, 15. Epist. I, 18, 82. Ovid. Trist. IV, 10, 123: „Nec qui detrectat praesentia *Livor* iniquo Ullum de nostris *dente momordit* opus“ Cic. Balb. 26: „More hominum invident, in conviviis rodunt, in circulis vellicant: non illo inimico sed hoc maledico *dente* carpunt.“ De re cf. Carm. II, 20, 4. — *testudinis aureae*] Poetis aureum est quidquid est praeclarum et egregium. cf. Carm. IV, 2, 23. — *strepitum*] Saepissime quidem h. v. significat clamorem ac sonum incompositum ac rudem, Horatius autem praeter h. l. etiam Epist. I, 2, 31. I, 14, 26 gratum sic dicit citharae sonum. — *Pieri*] Musae hoc nomen traxerunt a Pierio monte Thessaliae in confinio Macedoniae. Frequens pluralis *Pierides*, rarus singularis. — *donatura, si libeat*] Idem genus constructionis quod iam observatum est ad Carm. II, 3, 4. — *muneris*] beneficii, meriti. De genitivo compara Cic. Tusc. I, 48, 114: „*Hoc ei muneris* pro sua missione dedisse dicitur.“ — *quod spiro*] *Quod* particula est, non accusativus. Sententia haec: quod movet me spiritus poeticus, quod poeta sum. cf. IV, 6, 29. Similiter Ovidius Trist. IV, 10, 115: „Ergo quod vivo durisque laboribus obsto, Gratia, Musa, tibi.“

Carmen IV.

Raeti et Vindelici qui ex Alpibus in Italiam Galliamque saepe excursionem fecissent, a. u. c. 739 a Druso primum, deinde cum Tiberius

Permisit expertus fidelem
Iuppiter in Ganymede flavo,

fratri bellandi adiutor missus esset, ab Augusti privignis coniunctis viribus et divisis copiis ad summa Alpium iuga fugati superatique sunt. Quam victoriam Horatius Augusti, ut videtur, iussu celebraturus ita rem instituit, ut hoc carmine Drusum, decimo quarto Tiberium magis ornaret, neutrum in altero utro plane omitteret. Nam in hoc quoque Tiberii, etsi nomen eius non nominatur, aperta tamen mentio fit v. 28; deinde recta versus 17 sq. interpretatio utrumque iam populum Raetorum et Vindelicorum victum esse docet. Unde manifestum est, utrumque carmen eodem tempore compositum esse neque — id quod alii voluerunt — quartum post primam Drusi victoriam, quartum decimum anno demum 741 reverso ex Gallia Augusto. Tantum tamen his tribuendum est, ut cum carmen 14 post reversum Augustum (vide ibi v. 8 *nuper* et extremum carmen omne) scriptum sit, hoc quoque quartum non antea elaboratum videri. Sed haec hactenus. Compositionem carminis hanc esse puto: „Qualem aquilam iuvenem, regem avium, iuvenilis vigor et patrius animus ex nido pellit, ut iam verno tempore quid alis valeat tentet, deinde vividus impetus ovibus terribilem hostem reddit, tum pugnandi cupiditas et praedae amor ad certamen etiam cum ferocibus anguibus ineundum agit (in qua re videas tres animi et roboris quasi gradus; prorsus Horatianum, quapropter nihil hic ut Horatio indignum tentandum), talem Raeti Drusum in Alpibus conspexerunt, talem etiam Vindelici, antiquitus bellicosissimum genus nobisque ad hunc diem paene ignotum (hanc sententiam inesse puto vv. *quibus* — *omnia* 18—22, a multis viris doctis Horatio abiudicatis), viderunt, quorum victrices cattervae imperatoria virtute iuvenis Romani (nam Drusus h. a. natus erat annos 25) superatae et reiectae (h. e. *revictae* v. 24) senserunt, quid nativa virtus bene culta, quid Augusti patrius in Neronis animus efficere posset.“ (Hucusque prima sententia pergit. Clanditur v. 28 nomine *Nerones*, incipit v. 29 voce *fortes*; hoc quoque consulto factum a poeta, nam *Nero* in Sabina lingua *fortem* significat. „Neque potuit aliter res fieri, nam *fortes* creantur fortibus, quaeque bene nata sunt ea recto cultu magnopere etiam augentur. (v. 29—36. Hae duae strophae proxime praecedentem sententiam bene illustrent. Ab hoc inde loco altera pars carminis incipit; nam cum ante Neronum, imprimis Drusi gloria effertur, iusta Augusti commemoratione facta adiungitur laudatio totius Neronum familiae.) Quid Romanum imperium Neronibus debeat testatur Metauri flumen, testatur Hasdrubal, testatur ille dies, quo primo nova lux oborta est Romano nomini, ex quo Hannibal per Italiam saeviebat ut ignis et tempestas (h. l. observandum pugnam ad Metauri flumen triplici ratione significari, loco, hostium duce, die). Hic enim dies fortunam Romanorum mutavit; quae adversa fuerat, ea propitia iterum facta cum diis faventibus rediit, ut cognosceret Hannibal, occidisse sua astra.“ Hannibale per omnem Romanorum memoriam nemo fuit terribilior. Quare scite ac prudenter Horatius fecit, quod tantum hostem ita intulit, ut Romam urbem, quae tantos cives aleret quantus esset Claudius Nero, non posse ulla unquam potestate dirni ipse palam fateretur. Hoc secutus est Horatius consilium in addenda oratione Hannibalis a Perikampio iniuria ad exilium damnata. Populus, cuius cives fortissimi sunt omnes, nunquam vincitur. En sententiam, quae fabulis, sententiis, figuris illustratur ac probatur. Extrema quoque strophæ Hannibalis est; non semel Horatius carmen subito videtur magis abruptum quam abruptum. cf. Carm. I, 17. I, 15. III, 11. III, 27.

5 **Olim iuventas et patrius vigor**
Nido laborum propulit inscium
Vernique iam nimbis remotis
Insolitos docuere nisus

Venti paventem, mox in ovilia
 10 **Demisit hostem vividus impetus,**
Nunc in reluctantes dracones
Egit amor dapis atque pugnae;

Qualemve laetis caprea pascuis
Intenta fulvae matris ab ubere

15 **Iam lacte depulsum leonem,**
Dente novo peritura vidit:

V. 1. *Qualem*] Fuit qui hanc ubertatem comparationis vituperaret non memor, solere poetas gravitatem rerum comparationum copia exornare (cf. Hom. Il. II, 455 sqq.) neque id anxie spectare, ut omnes partes imaginum respondeant comparatae rei sed ornandi causa plura etiam addere. Deinde quod v. 17 *talem* voc. omisum est, ne id quidem exemplo caret. vide Virg. Aen. III, 641 sqq. — *ministerium fulminis*] Virg. Aen. V, 255. De Ganymede lege Hom. Il. XX, 232. Hymn. in Vener. 203. Hor. Carm. III, 20, 16. — *olim*] vide ad Carm. II, 10, 17. — *propulit*] vide ad Carm. I, 1, 4. *propulit* ex antiquis codicibus, quamquam in aliis etiam vetustis *protulit*. Illud tamen fortius. — *laborum*] volatus et certaminum. — *nisus*] quia alis volucres quasi nituntur. — *paventem*] Ne hoc quidem inane est; ex omnibus enim partibus aquilae imago mirifica quadam varietate magnoque etiam splendore quasi pingitur. Talem profecto orationis ornatum verborumque proprietatem cuiusvis non est versificatoris invenire. Ne id quidem facile fuit, in tanta verborum copia perspicuitati quoque dilucide dispositis vocabulis consulere. — *demisit*] ex natura rapacium volucrum ex alto nubium tractu subita vi in praedam sese deicientium. — *reluctantes*] Plin. H. N. X, 4: „Draco multiplici nexu alas aquilae ligat, ita se implicans ut simul decidat.“ cf. Virg. Aen. XI, 751 sqq. — *dapis*] Fest. p. 51: „Daps apud antiquos dicebatur res divina, quae fiebat aut hiberna semente aut verna.“ A poetis deinde et serioribus scriptoribus a sacris rebus ad profanas etiam translata vox est. — *iam lacte*] Cum post *ab ubere* vocabula molestum videretur *lacte*, scilicet a quibus *ubere* substantivum esse putaretur, partim mutarunt *iam mane*, *iam sponte*, *iam iamque, paulo ante*, partim satis inepte opinabantur, addere voluisse poetam, diligentem eum et cautum, a cuius rei usu prohiberetur leo ab ubere matris depulsus, partim *lacte depulsus* quodam modo in unam notionem coalescere nimis acute viderunt. Sed tantum abest, ut quominus coniungamus *ab ubere lacte* (cf. Carm. II, 19, 10) obstare quidquam videatur, ut particula *iam* aliam interpretationem plane refellat. Hoc enim dicit Horatius: etiamsi uber est matris lac, quo tempore leo qui carne vescatur vix idoneus est, tamen insitus vigor catulum iam depellit acutiusque ut oves aggrediatur. — *videre*] Iterato hoc verbo ex praecedente versu omnis istius comparationis vis huc transfertur.

Videre Raeti bella sub Alpibus
 Drusum gerentem, Vindelici — quibus
 Mos unde deductus per omne

20 Tempus Amazonia securi

Dextras obarmet quaerere distuli,
 Nec scire fas est omnia; — sed diu
 Lateque victrices catervae
 Consiliis iuvenis revictae

25 Sensere quid mens rite, quid indoles
 Nutrita faustis sub penetralibus
 Posset, quid Augusti paternus
 In pueros animus Neronis.

Fortes creantur fortibus et bonis;
 30 Est in iuvenis, est in equis patrum
 Virtus, nec imbellem feroces
 Progenerant aquilae columbam;
 Doctrina sed vim promovet insitam

V. 17. *Raeti*] Sic in plurimis et antiquissimis codicibus et editionibus; primus Bentley ex coniectura *Raelis*, quod cum in duobus tribusve libris Mstis inventum esset, receperunt recentiores editores prope omnes. Non recte, opinor. Etenim si iam tunc inter Raetos et Vindelicos accurate discrimen statuebant Romani, quomodo tandem Vindelici sub Raeticis Alpibus Drusum bellum gerentem potuerant videre? Quare aut cum scholiastis Horatianis et Servio ad Virg. Aen. I, 247 *Raeti Vindelici* uno nomine coniungendi sunt, ita ut Vindelicos, ignotam prope gentem, Raetorum partem Horatius cum aequalibus habuisse videatur, aut commate posito post *gerentem* anacoluthia in hoc loco videnda, et ita quidem, ut Horatius, cum scribere voluisset *Vindelici — sensere*, interposita longiore sententia nominativi quasi immemor alterum nominativum *victrices catervae* adhibuerit. Quae quidem ratio adiumentum habet ex particula *sed* in eiusmodi structura satis frequenti. Nam ne hoc quidem placet *gerentem et Vindelici*, quod est in nonnullis Mss. In sententia autem quae sequitur *quibus — omnia* si quid est quod poetam dedeceat, in ipso Horatio tu quaere culpam, non in innocenti nescio quo scriba vel interprete, quem mira cupiditate correptum clamant insulsas quas dicunt suas annotatiunculas numeris applicatas Horatio obtrudendi.

V. 29. *fortibus*] est ablativus casus, cum quo *creari* verbum saepissime coniungitur, ut Ovid. Met. XI, 295. XIII, 22. 616. Sententia iterum tribus exemplis explicatur; in quibus nisi consulto vim anaphorae minuire velis, noli cum aliis commate posito post *fortibus* verba *et bonis* cum *iuvenis* coniungere; quo nihil pravius excogitari potest. — *doctrina sed*] Sic alii quoque poetae *sed* part. in secundo loco collo-

Rectique cultus pectora roborant:

35 Utcunque defecere mores,
Indecorant bene nata culpa.

Quid debeas, o Roma, Neronibus,
Testis Metaurum flumen et Hasdrubal
Devictus et pulcher fugatis

40 Ille dies Latio tenebris,

Qui primus alma risit adorea,
Dirus per urbes Afer ut Italas
Ceu flamma per taedas vel Euris
Per Siculas equitavit undas.

45 Post hoc secundis usque laboribus
Romana pubes crevit et impio
Vastata Poenorum tumultu
Fana deos habuere rectos,

Dixitque tandem perfidus Hannibal:

50 Cervi, luporum praeda rapacium,
Sectamur ultro quos opimus
Fallere et effugere est triumphus.

carunt. — *utcunque*] i. e. simulac, ut Carm. I, 17, 10. I, 35, 23. II, 17, 11. III, 4, 29. — *indecorant*] Alii *dedecorant*, illud mutari potuit facilius quam contra. Utrumque in bonis ac vetustis codd. — *Metaurum flumen*] vide apud Livium XXVII, 43 sqq. De verbis conferas Carm. II, 9, 21. A. P. 18. — *tenebris*] Eadem metaphora apud Ciceronem Rosc. Amer. 32, 91. — *adorea*] Donatione adorea — nam far primus in Latio cibus — milites fortissimi antiquis temporibus ornari solebant. Inde ipsa adorea sensim posita pro victoria et gloria. Alma autem ea appellatur, quoniam virtutem nutrit; nam quae alunt alma (alima) sunt. — *risit*] explenduit, ut Carm. IV, 11, 6. — *ut*] ex quo. Epod. 7, 19. — *ceu*] Particula haec ante Augustum prorsus poetica paulatim ad prosaicos scriptores descendit. — *equitavit*] Hoc vocabulum cum celeritatis notionem habeat, facili non zeugmate sed metaphora ad flammam et Eurum transfertur. — *crevit*] Immerito vituperatum hoc est, quasi crescere numero tantum sit augeri; tu compara Hor. Carm. III, 30, 8. Cic. Rosc. Am. 30, 83. Ovid. Heroid. XV, 117: „Gaudet et e nostro crescit moerore Charaxus.“ — *deos rectos*] Fana a Karthaginiensibus antea vastata deorum statuas de suis sedibus deturbatas habuere rectas.

V. 49. *perfidus Hannibal*] Ab omnibus Romanis hoc perfidiae crimine Poenum affici, non mirum est. Sed vide Liv. XXI, 4. XXII, 6 extr. Ad orationem compara quae sunt apud eundem Liv. XXVII, 51. — *fallere*] pro latere ut Carm. I, 10, 16. — *gens*] cf. Virgil. Aen. I, 67.

- Gens, quae cremato fortis ab Illo
 lactata Tuscis aequoribus sacra
 55 Natosque maturosque patres
 Pertulit Ausonias ad urbes,
 Duris ut ilex tonsa bipennibus
 Nigrae feraci frondis in Algido,
 Per damna, per caedes ab ipso
 60 Ducit opes animumque ferro.
 Non hydra secto corpore firmior
 Vinci dolentem crevit in Herculem,
 Monstrumve summisere Colchi
 Maius Echioniaeve Thebae.
 65 Merses profundo, pulchrior evenit;
 Luctere, multa proruet integrum
 Cum laude victorem geretque
 Proelia coniugibus loquenda.
 Karthagini iam non ego nuntios
 70 Mittam superbos: occidit, occidit
 Spes omnis et fortuna nostri
 Nominis Hasdrubale interempto.

maturus] sc. funeri, ut III, 15, 4. A. P. 115. — *Algido*] vide Carm. I, 21, 6. — *opes animumque*] non *animosque*, quod ex coniectura importuna et duobus codd. passim receptum. cf. Caes. B. G. VII, 76. Hor. Carm. IV, 2, 22. — *hydra*] Fabulam de hydra Lernaea lege apud Ovid. Met. IX, 69 sqq. — *vinci dolentem*] qui non nisi magno dolore vincitur, is intendit etiam ne vincatur vires; quapropter acre inter Herculem et hydram certamen sic significatur. — *firmior*] coniunge cum *crevit* pro firmius, ut v. 53 *fortis* pertulit. — *summisere*] Viri enim illi armati e terra provenerunt; sic tellus apud Lucanum IV, 411 summittit pabula pascendis equis, apud Lucretium I, 8 eadem summittit flores. — Fabulas Iasonis et Cadmi invenies apud Ovidium Met. III, 24 sqq. et VII, 121 sqq. Cur Thebae dicantur *Echioniae* ex eodem loco Ovid. Met. III, 126 intelligitur.

V. 65. *merses*] De hoc genere constructionis vide Zumpt. gr. lat. §. 780. — *evenit*] Sic optimi codices. Alterum *eriet* hominis esse videtur, qui futurum tempus propter *proruet* necessarium haberet; quae nimia est diligentia. Praeterea *eriet* antiquior est forma a bonis scriptoribus non usurpata; nam apud Tibullum I, 4, 27 *transiet* cedat oportet meliori *transiit*. Illud autem *evenire* propria notione raro quidem legitur, sed compara Colum IV, 32, 2: „Tota arundo serius praedicto tempore evenit.“ — *coniugibus*] Romanorum; non Karthaginensium. — *nuntios superbos*] ut post cladem Cannensem; vide apud Livium XXIII, 11.

Nil Claudiae non perficient manus,
Quas et benigno numine Iuppiter

75 Defendit et curae sagaces
Expediunt per acuta belli.

Carmen V.

Divis orte bonis, optime Romulae
Custos gentis, abes iam nimium diu;
Maturum reditum pollicitus patrum

De Hasdrubale lege Liv. XXVIII, 12. — *acuta belli*] vide Zumpt. gr. lat. §. 435. annot. Curae autem sagaces eam significant animi virtutem, qua quid quovis tempore optime fiat reperimus. *Sagax* enim a canum naribus vestigia ferarum insequentium ad alios aliorum animalium sensus et ad ipsos etiam hominum animos bene transducitur.

Carmen V.

Dulcissimum hoc carmen, multis nominibus laudandum, ad Augustum, qui a mense Sept. a 738 usque ad Februar. 741 in Germania et Gallia tenebatur, scriptum tenerrimos prodit sensus de beneficiis pacis ex diuturnis bellis intestinis restitutae morumque ex longa corruptione emendatorum. Exprimitur universi populi desiderium boni principis, nam non inconsulto et in initio et in fine carminis Augustus *dux bonus* appellatur, neque deerant causae, cur tanto omnes cives tenerentur desiderio. Ut enim prima et secunda strophae compellationem Augusti habent cum brevi quidem sed venusta rationum cur ei redeundum sit significatione, sic patriae desiderium grata matris filium diu expectantis comparatione tertia et quarta proponitur. Illud autem unde in animis civium sit excitatum, tribus deinde strophis ita ostenditur, ut quinta celebretur securitas agriculturæ, navigationis, mercaturæ, ex quibus quasi fontibus domesticarum rerum prosperitas profluit; ut sexta addat innocentiam vitæ, cui leges et consuetudines quam maxime consulant (v. 22), laude simul bonorum (v. 23) et poena malorum (v. 24) adiuncta; ut denique septima sit de potestate et honore imperii Romani apud externas nationes. Quae nationes eo compositae sunt ordine, ut omnes fines indicentur, ex quibus bella moveri possint; ab oriente pergitur ad occidentem, a Parthis per Scythas et Germanos ad Hispanos, qui quattuor sunt bellicae laudis Augusti gravissimi testes. Quae omnia qui bene ponderaverit, is profecto cum poeta Augustum venerabitur ut coelitus missum pacis auctorem et conservatorem, atque ut pax diu etiam ac feliciter colatur sinceris precibus deos rogabit. Quam sententiam poeticis coloribus illustratam ubi addidit Horatius, carmen ea ratione absolvit, ut a quo profectum esset eo etiam rediret, ad Augustum. Qui cum Februario a 741 ex Gallia reversus sit, probabile est carmen scriptum esse a. 740.

V. 1. *divis orte bonis*] Intelliguntur haec ex Carm. IV, 2, 37 sq. Contrarium est Sat. II, 3, 8. — *Romulae*] Eadem adiectivi forma C. S. 47. Virg. Aen. VI, 877. cf. Carm. I, 15, 10. Altera forma est *Romuleus*, non minus usitata; cligebant poetae utram metrum efflagitaret.

Sancto concilio redi.

5 Lucem redde tuae, dux bone, patriae:
 Instar veris enim vultus ubi tuus
 Affulsit populo, gratior it dies
 Et soles melius nitent.

Ut mater iuvenem, quem Notus invido
 10 Flatu Carpathii trans maris aequora
 Cunctantem spatio longius annuo
 Dulci distinet a domo,

Votis ominibusque et precibus vocat,
 Curvo nec faciem littore demovet;
 15 Sic desideriiis icta fidelibus
 Quaerit patria Caesarem.

Tutus bos etenim rura perambulat,
 Nutrit rura Ceres almaque Faustitas,
 Pacatum volitant per mare navitae,
 20 Culpari metuit Fides,

Nullis polluitur casta domus stupris,
 Mos et lex maculosum edomuit nefas,
 Laudantur simili prole puerperae,
 Culpam Poena premit comes.

25 Quis Parthum paveat, quis gelidum Scythen,

— *sancto concilio*] Virg. Aen. I, 426. In paucis libris *consilio*; quod cum per se ferri possit, refellitur tamen auctoritate librorum. — *Lucem*] Virg. Aen. II, 281. — *soles*] de plurali cf. Epod. 2, 41. 16, 13. Epist. I, 20, 24. — *it dies*] Carm. II, 14, 5. — *Notus*] qui adversus est ex Asia in Italiam navigantibus. Poetis autem cum omnes res etiam inaninatae spiritum et vitam habere videantur, ventus etiam vivit et voluntate aliqua vel cupiditate agitur; inde *invido flatu*, non *uvido*, quod in nonnullis est codd. — *etenim*] tertium locum occupavit contra Ciceronis morem; sed poetis in hac re magna est licentia. — *nutrit rura*] Qui anaphorae potestatem non sentiebant, *rura* non bene iterari putabant. Inde inanes natae sunt coniecturae *tuta*, *culta*, *prata*. — *Faustitas*] vide ad Carm. I, 5, 8. — *volitant*] ab avium volatu translatus ad nautas per mare vagantes. Sic Auct. ad Herenn. IV, 39, 51: „volitabit et vagabitur in foro.“ — *metuit*] vide ad Carm. I, 1, 8. — *mos et lex*] cf. III, 24, 35. — *edomuit*] verbum poetis et serioribus scriptoribus usurpatum; funditus domuit. — *Poena*] cf. Carm. III, 2, 32. — *paveat*] Accusativus *pavere* verbum accuratius definit et indicat, circa quam rem pavor versetur. Epod. 12, 25.

Quis Germania quos horrida parturit
Fetus incolumi Caesare? quis ferae
Bellum curet Hiberiae?

Condit quisque diem collibus in suis
30 Et vitem viduas ducit ad arbores;
Hinc ad vina redit laetus et alteris
Te mensis adhibet deum;

Te multa prece, te prosequitur mero
Defuso pateris et Laribus tuum
35 Miscet numen uti Graecia Castoris
Et magni memor Herculis.

Longas o utinam, dux bone, ferias
Praestes Hesperiae: dicimus integro
Sicci mane die, dicimus uvidi,
40 Cum sol oceano subest.

V. 26. *parturit fetus*] cf. Epod. 16, 7. Scripsit de h. l. Peerlkampius: „Non poterant (Romani) timere fetus, quos Germania parturibat vel pariebat, cum Horatius haec scribebat“; itaque corrigendum opinatur *motus*. Sed inter Parthos, Scythas, Hispanos non potuerunt poni Germaniae *motus*; deinde parturire verbo egregie significatur magna Germanorum Romanos lacesseudi cupiditas, qua nunquam fines imperii devastare desierunt. *Fetus* autem sunt immania Germanorum corpora. — *Condit*] exigit inter laborem. Sic latine dicimus *diem, noctem, lustrum condere*. Deinde bene additum est *suis*, quo quam certae tum possessiones fuerint significetur. — *vitem ducit*] vide ad Carm. II, 15, 4. Epod. 2, 10. — *ad vina*] Redit agricola confecto labore ad coenam, inter quam eius etiam sive hominis sive dei memor est, cui hoc ipsum quod agrum colere et coenam honestam parare potuit acceptum refert. Secundis mensis libare solebant penetibus et diis tutelaribus; quibus cum par sit Augustus beneficiis, non minus adhibetur. Virg. Aen. V, 62. et vide ad Carm. III, 3, 12. — *magni Herculis*] Genitivi suspensi sunt ex adi. *memor*; ita ipse vocabulorum ordo suadet, de quo confer hos locos: Carm. I, 14, 12. I, 17, 21. I, 18, 12. I, 24, 13. I, 27, 10. I, 36, 13. II, 1, 9. III, 9, 7. IV, 6, 33. IV, 11, 31. IV, 15, 26. Deinde *memor* adi. non facile caret obiecto. Herculi aliisque heroibus hoc maxime debebat Graecia, quod per omnes regiones vagantes quidquid invenissent vel ferorum hominum vel bestiarum necabant vitamque humanam a periculis liberam et quietam reddebant. — *dicimus integro*] Animadvertite hoc iterum artificium, quo quae inter se respondent vocabula *dic. int.* et *dic. uvid.* eadem obtinent versuum loca. — *uvidi*] apud computationem. cf. Carm. IV, 1, 25.

Carmen VI.

Dive, quem proles Niobe magnae
Vindicem linguae Tityosque raptor
Sensit et Troiae prope victor altae
Phthius Achilles,

6 Ceteris maior, tibi miles impar,
Filius quamvis Thetidis marinae
Dardanas turres quateret tremenda
Cuspide pugnax.

Ille, mordaci velut icta ferro
10 Pinus aut impulsa cupressus Euro,
Procidit late posuitque collum in
Pulvere Teucro.

Ille non inclusus equo Minervae
Sacra mentito male feriatos
15 Troas et laetam Priami choreis

Carmen VI.

Horatius cum a. u. c. 737 ab Augusto iussus carmen saeculare scripsisset, hoc carmen quasi prooemium addidit. Nam scriptum esse patet confecto iam carmine saeculari necdum celebratis ipsis ludis. Et enim „idem deus, inquit poeta, qui superbos castigat, pios autem omnesque qui suum numen rite colunt tutatur ac per incommoda et calamitates ad felicitatem et gloriam perducit, cuius tutela Roma urbs condita potuit (v. 24), me quoque iuvabit iustamque canendi facultatem tribuet. Huic enim artem et laudem acceptam refero. Quare vos, pueri et puellae, qui electi estis ad canendum carmen saeculare, digna carminis mei reverentia impleti rite laudate Apollinem et Dianam, magnamque vobis obvenisse honorem credite, quemadmodum ego laetor, quod inter omnes qui componerem carmen dignus habitus sum.“ Duae sunt huius carminis partes; argumentum positum est partim in ea sententia quae est Carm. II, 10, 18—20, partim in conscientia favoris eiusdem dei, in cuius honorem ludi celebrantur.

V 1. *Niobe*] cf. Ovid. Met. VI, 148. Cic. Tusc. III, 26, 63. Trias superbiae exempla particulis *que*, et coniuncta sunt, ut saepissime. cf. ad II, 10, 9. De Tityo vide ad Carm. II, 14, 8. — *prope victor*] vide ad Carm. III, 17, 9; conferas Virg. Aen. VI, 56 sqq. — *altae*] ἀλτῆς, ut Hom. Od. III, 130. — *quamvis*] Sic boni codd. vide ad Carm. I, 28, 13. Alii *quamquam*. — *Dardanas*] De adiectivi forma vide ad Carm. IV, 5, 1. Cur tam diu poeta in Achillis morte ac fortitudine immoretur, non est difficile ad intelligendum. Nimirum Achille gravior hostis non fuit Troianis; qui si diruisset urbem omnesque incolas, etiam infantes, necasset, Roma urbs non potuit unquam condita. Quapropter Achilles caedes maximum erat Romanis beneficium. — *cuspide*] Hom. II, XIX, 387. — *pinus*] Aptissima haec imago ad ingentem corporum vastitatem relata ex Homero sumpta est. cf. II, XIII, 178 sqq. XVI, 482 sqq. Virg.

Falleret aulam;

Sed palam captis gravis, heu nefas heu,

Nescios fari pueros Achivis

Ureret flammis, etiam latentem

20 Matris in alvo,

Ni tuis victus Venerisque gratae

Vocibus divum pater annuisset

Rebus Aeneae potiore ductos

Alite muros.

25 Doctor argutae fidicen Thaliae,

Phoebe, qui Xantho lavis amne crines,

Dauniae defende decus Camenae,

Levis Agyieū.

Spiritum Phoebus mihi, Phoebus artem

30 Carminis nomenque dedit poëtae.

Virginum primae puerique claris

Patribus orti:

Deliae tutela deae fugaces

Aen. II, 626. — *procidit late*] Expressa haec videntur ex Hom. Od. XXIV, 39 sq. — *Minervae*] Virg. Aen. II, 15 sqq. 183. — *falleret*] De hypotheticae sententiae forma lege Zumpt. gr. lat. §. 525.

V. 17. *palam captis*] Non consentiunt in h. l. codices. In aliis *captis*, in aliis *captos* vel *raptor* vel *victor*, in aliis vocabulum plane omisum. Unde recte collegerunt critici, in antiquissimis codicibus, ex quibus qui ad nos pervenerunt profecti sunt, scriptum fuisse vocabulum aliquod vel rarissimum scribisque ignotum vel male pictum, ut alius aliud legeret ac scriberet. Fuerunt qui *captor* ab Horatio scriptum putarent, rarissimum illud quidem, sed obvium in Anthologia Burmanni II p. 453, ubi *venatorem* significat; alii autem scripserunt *raptor*. — *nescios fari*] *νήνια τέχνα*. Memoratu digna res est, quod Horatius fabulam ab Homero sumptam Homericis etiam vocabulis ornavit; inde etiam quae sequuntur *etiam latentem*, de quibus cf. II, VI, 57 sq. — *potiore alite*] cf. Carm. I, 15, 5. — *ductos*] Muri *ducuntur* (Virg. Aen. I, 423) ut parietes, valla, fossae, sulci, versus, lineae, propter longitudinem, per quam extenduntur — *argutae*] Alii *Argivae*, ex inepta correctione. vide ad Carm. III, 14, 21. Epist. II, 2, 90. — *Xantho lavis*] cf. Carm. III, 4, 61. De verbo *lavere* vide ad Carm. II, 3, 18. — *Dauniae*] vide ad Carm. II, 1, 34. — *Agyieū*] Apollo apud Graecos *ἄγυιός* appellabatur quia viis urbanis praepositus erat. *Levis*, imberbis est propter perpetuam iuventutem.

V. 29. *Spiritum*] Inter se opposita sunt *spiritus* et *ars*, egregio consilio in praecipuis versus locis collocata. Quae cum coniuncta sunt bonum efficiunt poetam nominisque laudem parant. — *primae*] Chorus

Horatius ed. Dillenburger.

Lyncas et cervos cohibentis arcu,
 35 Lesbium servate pedem meique
 Pollicis ictum,

Rite Latonae puerum canentes,
 Rite crescentem face Noctilucam,
 Prosperam frugum celeremque pronos
 40 Volvere menses.

Nupta iam dices: Ego dis amicum
 Saeculo festas referente luces
 Reddidi carmen docilis modorum
 Vatis Horati.

Carmen VII.

Diffugere nives, redeunt iam gramina campis
 Arboribusque comae;

eligeretur ex nobilibus pueris et puellis, patrimis et matrimis. — *tutela*] quia chorus in tutela deorum est, quorum laudes canit. — *Lesbium*] metrum Sapphicum, quo Carmen Saeculare compositum est. — *pollicis ictum*] Loquitur de fidium pulsatione, qua poeta, quasi vere esset cantor, chori cantum temperare se simulat. Apud alios poetas eadem ratione dicitur fila, chordas lyrae pollice pulsare, movere. — *rite*] bis positum per anaphoram propter magnam sacrorum religionem, qua ne quid prave fieret diligenter cavendum erat. cf. Carm. IV, 15, 28. — *face*] lumine. Est enim Diana *νυκτιφαής*, *νυκτιλαμπής*, Noctiluca. — *frugum*] De genitivo vide Zumpt. I. l. §. 437. *Prospera* est *frugum*, quia fruges nutrit nocturno rore et recto anni tempestatisque decursu. — *Nupta*] Grata olim erit festorum et honoris recordatio; quae et ipsa tunc quoque incendere debuit studium et diligentiam. Neque mirandum est quod puellas solas dulci recordatione futuri temporis excitare satis habuit poeta; sponte enim ad pueros quoque ea recurrit. — *luces*] dies; per triduum enim et trinodium celebrari solebant ludi saeculares cf. C. S. 23 sq. — *vatis Horati*] Gravi cum vi in fine nomen positum est. In ipso autem nomine *Horatii* dignitatis aliquid invenisse videtur poeta, quoniam ubi sine laudatione nomen quo utatur simpliciter inferre voluit, *Flaccum* se appellavit (Epod. 15, 12. Sat. II, 1, 18); ubi blandientes scribas designat, blando etiam praenomine *Quinte* (Sat. II, 6, 37) salutatur. Compara Epist. I, 14, 5.

Carmen VII.

Videmus ex v. 23, ad Torquatum aliquem scriptum esse hoc carmen; qui cum idem esse non possit, quo consule Horatius natus est,

- Mutat terra vices et decrescentia ripas
 Flumina praetereunt;
 5 Gratia cum Nymphis geminisque sororibus audet
 Ducere nuda choros.
 Immortalia ne speres monet annus et alium
 Quae rapit hora diem.
 Frigora mitescunt zephyris; ver proterit aestas
 10 Interitura, simul
 Pomifer auctumnus fruges effuderit, et mox
 Bruma recurrit iners.
 Damna tamen celeres reparant coelestia lunae;
 Nos ubi decidimus,
 15 Quo pius Aeneas, quo dives Tullus et Ancus,

neque eius filius qui ante a. u. c. 709 in Hispania occidit, haerent interpretes, quem sibi fingant alium Manlium Torquatam. Nam neque de alio illius Manlii filio neque de nepote neque omnino de ullo alio ex hoc genere quidquam nobis traditum est. Ac ne is quidem satis idoneus est, quem ex Suetonio viri docti huc transtulerunt, C. Nonius Asprenas, ab Augusto torque donatus et Torquati cognomine ornatus. Illius enim neque pietatem neque genus (v. 23) tantopere laudare potuit Horatius. Abstinendum igitur erit a novis investigationibus, hoc tamen dicendum ad eundem Epistolam I, 5 datam videri, neque fuisse eum hominem divitem et avarum, sed hilarem ac satis liberalem qui quam vera sit ea sententia, quae ab Horatio ponitur Epist. I, 5, 12, bene intellexisset. Continet autem carmen eas cogitationes, quas verni temporis reditus poetae suppeditavit; comparatur humani generis vita cum anni vicissitudine. Anni tempora redeunt, non vitae, quae si peracta est in perpetuum aufugit. A morte neque virtutes homines defendunt, neque amoris aut amicitiae potestas liberabit. Simile est Carm. I, 4.

V. 1. *nives*] Pluralis numerus talium etiam rerum usurpatur, quae sua natura cum numerum pati non videntur; et causa quidem duplex est, concinnitas orationis et in eadem re locorum vel temporum diversitas. Utrumque h. l. valet. cf. v. 9. — *Gratia*] cf. Carm. I, 4, 6. Tres sunt Gratiae, Aglaia, Euphrosyne, Thalia. — *nuda*] cf. Carm. I, 30, 5. III, 19, 17. — *alium*] vide ad Carm. IV, 4, 41. — *frigora*] Animadvertendum quattuor versibus quattuor tempora describi. Similis rerum cumulatim verborumque brevis extremorum versuum est Carm. III, 6. — *proterit*] Servavit particula *pro* suam potestatem, neque est *retro pellit*, sed *pellit* ut progrediatur, ut festinet. Quod quomodo dictum sit a poeta ut intelligas, cogita rotam perpetuo motu agitatum. Inde vocabula *proterit*, *interitura*, *recurrat*. Quod alii habent *recurrat* ex nimia et molesta diligentia nescio cuius scribae exortum est. — *iners*] cf. Carm. II, 9, 5. Hieme enim nihil procreatur. — *decidimus*] Epist. II, 1, 36.

V. 15. *pius Aeneas*] Alii *pater* legunt. Utrumque apud Virgilium. Pietas tamen Aeneae propria quaedam virtus est, perpetua eius apud Romanos comes. Praeterea fluctuant codices inter *Tullus dives* et *dives Tullus*. Sed nisi vis quaedam inest in adiectivo, quid poeta Tullum hac

Pulvis et umbra sumus.

Quis scit an adiciant hodiernae crastina summae

Tempora di superi?

Cuncta manus avidas fugient heredis, amico

20 Quae dederis animo.

Cum semel occideris et de te splendida Minos

Fecerit arbitria,

Non, Torquate, genus, non te facundia, non te

Restituet pietas;

25 Infernis neque enim tenebris Diana pudicum

Liberat Hippolytum,

Nec Lethaea valet Theseus abrumpere caro

Vincula Pirithoo.

laude auxit? Quae si adest, priorem locum occupet necesse est. Tullus autem dives appellatur, quia rex fuit; etiam Ancus dives. Oppositionis nihil videndum inter pium Aeneam et divitem Tullum; uterque suo honore fruitur. Tanta autem nomina illata non sunt consolandae conditionis, sed amplificandae sortis humanae gratia. cf. Epist. I, 6, 27. — *quis scit an*] Raro apud aureae aetatis scriptores *an* part. sic legitur in simplici oratione obliqua; saepe apud inferiores. vide Zumpt. gr. lat. § 353. Diversus est locus Hor. Carm. II, 4, 13. — *summae*] cf. Carm. I, 4, 15. Ex quo loco nata est alia nonnullorum codicum lectio *vitae*, quod vocabulum interpretandi causa in margine adscriptum sensim receptum est. — *animo*] Simili ratione dicitur animo obsequi, animo morem gerere; animus enim appetitus est. — *dederis*] Zumpt. gr. lat. §. 165. — *Minos*] cf. Hom. Od. XI, 567. — *splendida arbitria*] non honorifica, sed augusta pro maiestate iudicis et tribunalis. — *genus*] Nihil potest a morte defendere mortales homines, neque suae virtutes (genus, facundia, pietas) neque quae maximas etiam difficultates vincere possunt, amor et amicitia (Diana, Theseus). — *Diana*] De Hippolyto et Diana lege Virgil. Aen. VII, 765 sqq. Ovid. Met. XV, 497 sqq., a quibus tamen Horatius ita recedit, ut illi Hippolytum in vitam revocatum tradant, hic nihil valuisse amorem deae affirmet. Dianae nominis antepenultima modo producit modo corripitur ad necessitatem metricam. cf. Carm. II, 12, 20. C. S. I. 70. A. P. 16. 454. De Pirithoo vide ad Carm. III, 4, 79. Cuius quidem fabulam Horatius vel mutatam paulo accepit vel ipse mutavit. Vulgo enim Theseus simul cum amico et ad inferos descendisse et ab Orco retentus esse traditur; qui cum postea ab Hercule liberatus esset Pirithoom tamen secum ducere non potuit. Apud Horatium Pirithous solus videtur descendisse, qui cum captus retineretur, ne a Theseo quidem, quem amicitia misit, liberatus est.

Carmen VIII.

- Donarem pateras grataque commodus,
 Censorine, meis aera sodalibus,
 Donarem tripodas, praemia fortium
 Graiorum, neque tu pessima munerum
 5 Ferres divite me scilicet artium,
 Quas aut Parrhasius protulit aut Scopas,
 Hic saxo, liquidis ille coloribus
 Sollers nunc hominem ponere nunc deum.
 Sed non haec mihi vis, non tibi talium
 10 Res est aut animus deliciarum egens.
 Gaudes carminibus; carmina possumus
 Donare et pretium dicere muner.

Carmen VIII.

Fuit mos hominum Romanorum, ut Kalendis Martiis et Saturnalibus grata dona (strenas) cuiusvis generis amicis darent. Quem cum sequi vellet Horatius, Censorino amico — qui fuit cos. a. u. 746 — non pretiosa vasa sed hoc carmen non minoris pretii misit. In quo cum ostendit quid carmina possint efficere, quanto ad laudem et gloriam apud posteros bonis hominibus tribuendam magis apta sint quam publicae inscriptiones et ipsa facinora, tum id quoque consequitur, quod tecto saepe consilio parat. Censorini nomen oblivioni ereptum aeterno splendore nitet. Fuit autem homo probus, demerendis hominibus genitus, ut dicit Velleius Paterculus II, 102. Quo tempore carmen scriptum sit, ne coniectura quidem assequi possumus.

V. 1. *pateras*] poculi genus planum ac patens, cuius usus etiam in sacris plurimus. — *commodus*] cum *donarem* coniungi debere versus ratio docet; non cum *sodalibus* — *aera*] vasa, imprimis Corinthiaca. cf. Sat. II, 3, 21. Epist. I, 6, 17. — *tripodas*] cf. Hom. II. XXIII, 513. IX, 122. Virg. Aen. IX, 264 sqq. — *ferres*] acciperes, ut Carm. III, 16, 22. Sat. II, 1, 12. Epist. II, 2, 14. Qui verbi usus unde sit exortus videbis ex Virg. Aen. V, 248. — *artium*] operum affabre factorum, ut Epist. I, 6, 17. Virg. Aen. V, 359. De genitivo vide Zumpt. gr. lat. §. 437 et confer illud Virgilianum *dives opum*, (Georg. II, 468. Aen. I, 14. II, 22). De altero genitivo *pessima munerum* lege Zumpt. l. I. §. 435. — *Parrhasius*] pictor clarus, Ephesius, Olymp. 98. — *Scopas*] statuarum fctor, Parus, Olymp. 87. — *sollers ponere*] fingere, facere, *ὑδῆραι*, darstellen. cf. A. P. 34. — *carmina*] Cum vi traductum vocabulum ex praecedente sententia. De traductionis figura vide Zumpt. l. I. §. 821. — *muneri*] Dativum genitivo elegantiores tuerent antiquissimi codices; dicendi verbum graviolem statuendi, ponendi notionem accepit. cf. Sat. II, 3, 23.

V. 13. Qui insequuntur versus magnis impediti sunt difficultatibus. Ac primum quidem totam sententiam satis claram aut apertam esse negabant. Non bene, opinor. Etenim quam manifesto quaesivit poeta *ἀντίθαι*, ea locus non videtur carere. Quid enim? Nonne recte dicere potuit: „ne ipsae quidem hominum res gestae manent; temporis

Non incisa notis marmora publicis,
Per quae spiritus et vita redit bonis

- 15 Post mortem ducibus, non celeres fugae
Reiectaeque retrorsum Hannibalis minae,
Non incendia Karthaginis impiae
Eius, qui domita nomen ab Africa
Lucratus rediit, clarius indicant

- 20 Laudes, quam Calabrae Pierides : neque,

perpetuo motu quidquid bene factum est oblivionis caligine paulatim premittitur cum omnibus quae in aequales redundarunt beneficiis. Quare nihil ad posteros pervenit, nisi quod fixum firmatumque est poetarum aeternis carminibus.⁴ Cuius sententiae testimonium affertur exemplum Scipionis Africani maioris; qui cum Hannibalem, maximum inter omnes Romanorum hostem, superasset, sensim ex memoria hominum elaberetur, nisi gloriae suae praeconem invenisset Ennium, Rudiis Calabrae oppido natum (a. u. 515—584). Altera dubitatio movetur ex v. 17, in quo contra Horatii consuetudinem caesuram admissam videmus. Quae quidem caesura etiamsi defendi nequit locis Carm. I, 18, 16. II, 12, 25, ubi praepositiones facile separantur a verbis, excusationem tamen inveniet in nomine proprio. Restat tertia difficultas. Nam cum Hannibalis nomen, cum Ennii carmina maiorem Africanum indicent, *incendia Karthaginis* ad minorem necessario referenda esse videntur. In qua re primum animadvertendum est, cum nominis *Africani* ne ulla quidem forma metrum hoc asclepiadeum ferret — nisi forte trochaicam basin versus praepone-re voluit poeta, — Horatium dissoluta nominis potestate non sine gravitate totum versum 18 explevisse. De qua re compara Sat. II, 1, 66. I, 5, 87 et Carm. III, 20, 15, ubi Ganymedis nomen non magis Sapphicum versum toleraret. Iam vero qui corruptum locum putarunt contrariam medelam adhibuerunt; alii quattuor versus eiiciendos rati hunc constituerunt versuum cursum *post mortem ducibus, clarius indicant*. At vero si celeres fugae et minae Hannibalis expelluntur, si Scipionis omnia vestigia tolluntur, unde *Calabrae Pierides* possunt teneri, quae fundamento quodam, in quo niterentur, carerent? Alii deesse duos versus opinantes lacunae signa collocarunt inter v. 17 et 18; ideo maxime moti, quod monostropha et distropha metra omnia praeter hoc carmen cum versuum numerum haberent, qui quaternario numero ita posset dividi ut omnis consumeretur. Quod etsi verum est de tribus prioribus libris, nonne Horatio eam legem, quam ipse sibi imposuerat neque in Epodis observaverat, quarto etiam libro relinquere licuit? Ac praeterea si quid omissem credas, omnino non vides, quomodo Horatius a maiori Africano ad minorem, deinde a minori iterum ad maiorem circuli instar pervenire potuerit. Deinde quem poetam dignum habere potuit, quocum Ennium eadem ratione coniungeret, qua cum maiori Africano minorem? Tum quomodo minorem Africanum significare potuit, diviso sic nomine et in maiorem consumpto? Alii ad coniecturas *impendia, stipendia* faciendas confugerunt; desperatum illud quidem remedium in tanta librorum constantia. Quapropter aut cum Bentleyo v. 17 spurium eiiciendumque habeamus, aut potius *incendiis* non urbem ipsam combustam credamus, sed naves et portum; de qua re vide Liv. XXX, 43. Nam ne hoc quidem ferendum est, incendia ipsum bellum significare. Apud Virgilium Aen. I, 566 *belli* genitivus additus est. Rectius *ignes* comparare possis ex Carm. IV, 14, 24.

- Si chartae sileant quod bene feceris,
 Mercedem tuleris. Quid foret Iliæ
 Mavortisque puer, si taciturnitas
 Obstaret meritis invida Romuli?
- 25 Ereptum Stygiis fluctibus Aeacum
 Virtus et favor et lingua potentium
 [Vatum divitibus consecrat insulis.
 Dignum laude virum Musa vetat mori;
 Coelo Musa beat. Sic Iovis interest
- 30 Optatis epulis impiger Hercules:
 Clarum Tyndaridæ sidus ab infimis
 Quassas eripiunt acquoribus rates;
 Ornatus viridi tempora pampino
 Liber vota bonos ducit ad exitus.

Carmen IX.

Ne forte credas interitura, quæ
 Longe sonantem natus ad Aufidum

V. 21. *chartæ*] poemata, ut Carm. IV, 9, 31. — *Iliæ Mavortisque puer*] In hac parentum laudatione latet cogitatio nobilitatis et generis, quod Romulum ab oblivione non potuisset liberare. Romulum autem idem Ennius laudavit in primo Annalium libro. — *divitibus insulis*] *μακάριον νῆσοις*. cf. Epod. 16, 41. — *Sic*] hac ratione; poetarum carminibus. Quæ exempla hic proferuntur, iis ante iam usus erat poeta Carm. III, 3. — *Tyndaridæ*] vide ad Carm. I, 3, 2. — *pampino*] cf. Carm. III, 25, 20. — *vota*] Hoc quoque divinitatis indicium est; in qua describenda observa poetæ ubertatem.

Carmen IX.

Sententiæ carminis hoc ordine procedunt. Mea, inquit poeta, carmina nunquam interibunt, quamquam non, ut alter Homerus, magnorum hominum res gestas epico carmine celebrare conor. Verum etiam lyrici poetæ adhuc vivunt (Pindarus, Simonides, Alcaeus, Stesichorus, Anacreon, Sappho, quorum nomina Horatius eo ordine coniunxit, ut a summo hymnorum poeta Pindaro ad leviora genera Sapphonis descenderet); poetarum cantus temporis invidia non obruitur. v. 1—12. Factis hominum non eadem sors est; neque enim ii qui in Troianis campis pugnarunt, soli meruerunt laudem poetarum (Troianorum et Graecorum virorum aptum hunc ordinem constituit, ut ad Sapphonis carmina amatoria bene annexis Helenæ amoribus sursum ascenderet ad maximum omurium regem Agamemnonem). Sed vivunt illi in memoria hominum, reliqui vitam et memoriam amiserunt; et cur? quia vate carent. v. 13—28.^a Hic incipit altera pars, qua a generali sententia ad unum Lollium trans-

Non ante vulgatas per artes
Verba loquor socianda chordis.

5 Non, si priores Maconius tenet
Sedes Homerus, Pindaricae latent
Caeaeque et Alcaei minaces
Stesichorique graves Camenae;

Nec si quid olim lusit Anacreon
10 Delevit aetas; spirat adhuc amor
Vivuntque commissi calores
Aeoliae fidibus puellae.

Non sola comptos arsit adulteri
Crines et aurum vestibus illitum
15 Mirata regalesque cultus

itur. Transitiō paratur hac sententia: oblivione omnia aequantur; ignota virtus nil distat sepulta inertia. Quare se Lollium celebraturum dicit, ne nobilitas eius et honesti studium ex memoria hominum excidant. Animum eius prudentem esse, constantem in secundis rebus et adversis, purum ac sincerum, fidum et certum, summoque honore dignum. v. 29—45. Itaque Lollium bono animo esse debere, quoniam quae homines fecerint non felicitate sed voluntate et consilio aestimantur. v. 45—52. — Lollius, qui a. u. 733 consul fuerat, gravi clade a Germanis a. 738 reiectus est; nihilo minus favorem sibi Augusti servavit, donec in Orientem missus avaritia et malis artibus odium sibi aequalium contraheret. Subita vi mortis a. u. 753 oppressus est. Qui vir, a posterioribus rerum Romanarum scriptoribus vehementer vituperatus, quo tempore ab Horatio tantam laudem acciperet aut liber erat omni criminatione aut inter summam vitiorum dissimulationem etiam Horatium fefellit. Scriptum videtur hoc carmen non multo post acceptam in Germania cladem; apertum enim est consolandi hominis consilium. Lollii cognomen incertum est; alii Palikanum, alii Paulinum appellant; neptis certe Lollia dicebatur Paulina.

V. 2. *Aufidum*] cf. Carm. III, 30, 10 sqq. — *Maconius*] cf. Carm. I, 6, 2. — *Caeaeque*] vide ad Carm. II, 1, 38. — *Stesichori*] Hic Himeræ in Sicilia natus, mortuus est Olymp. 56; de quo Quintilianus X, 1, 62: „Stesichorum, inquit, quam sit ingenio validus, materiae quoque ostendunt, maxima bella et clarissimos canentem duces et epici carminis onera lyra sustinentem.“ Inde *graves* eius Camenas appellavit Horatius. — *Anacreon*] cf. Carm. I, 17, 18. — *spirat*] vivit ac viget. Cic. Brut. 24: „Videtur Laelii mens spirare etiam in scriptis.“ Virg. Aen. VI, 848. — *calores*] pluralis ut amores. Qui poetice *vivere* dicuntur, ut carmina, Carm. I, 32, 3. Epist. I, 19, 2. — *arsit*] Ardere verbum cum sit ardens amare ac desiderare, activam quandam habet naturam; inde accusativus, ut apud Virgilium Buc. 2, 1. Ablativus, quocum idem verbum coniunctum est Carm. II, 4, 7. III, 9, 5. Epod. 14, 9. Epist. II, 1, 95, id indicat unde venit ardor. Ceterum ad sententiam compara Ovid Heroid. 13, 57: „Venerat, ut fama est, multo spectabilis auro, Quique

Et comites Helene Lacæna ,

Primusve Teucer tela Cydonio

Direxit arcu ; non semel Ilios

Vexata ; non pugnavit ingens

20 Idomeneus Sthenelusve solus

Dicenda Musis proelia ; non ferox

Hector vel acer Deiphobus graves

Excepit ictus pro pudicis

Coniugibus puerisque primus.

25 Vixere fortes ante Agamemnona

Multi ; sed omnes illacrimabiles

Urgentur ignotique longa

Nocte, carent quia vate sacro.

Paulum sepultae distat inertiae

30 Celata virtus. Non ego te meis

Chartis inornatum silebo

Totve tuos patiar labores

Impune, Lolli, carpere lividas

Obliviones. Est animus tibi

35 Rerumque prudens et secundis

Temporibus dubiisque rectus,

suo Phrygiæ corpore ferret opes, Classe virisque potens." — *primusve*] In nonnullis codd. *primusque*. Sed vide ad Carm. II, 5, 20. — *Cydonio*] Cydon, urbs Cretæ. vide ad Carm. I, 15, 17. — *non semel Ilios*] Non semel tanta urbs quanta fuit Ilios oppugnata est; quod monendum, ne quis de unius urbis Troiæ pluribus cogitet oppugnationibus. — *Deiphobus*] Priami et Hecubæ filius, Helenæ post Paridem coniux. cf. Virg. Aen. VI, 495 sqq. — *primus*] Magna cum gravitate iteratur ex initio superioris strophæ; qua re hoc simul efficitur, ut quæ inter se quasi certant vocabula *non*, *primus*, locorum etiam distantia distineantur. — *urgentur*] cf. Carm. I, 24, 5 sq

V. 29. *inertiae*] dativus est, ut Sat. I, 4, 48. Nihil prope discriminis est inter virtutem celatam et inertiam sepultam. — *chartis*] vide ad Sat. I, 10, 4. — *impune*] Oblivio quasi quendam animum ac voluntatem habet ac perpetuo studio agitur, ut hominum res bene gestas opprimat. Huic qui se opponit, quasi castigat oblivionem neque impune eam hominum memoriam carpere patitur. Pluralis autem numerus positus est propter oblivionis continuos extinguendæ famæ conatus. — *rectus*] qui neque bonis neque malis rebus flectitur, ut Cic. de Sen. 6.

Vindex avarae fraudis et abstinens
 Ducentis ad se cuncta pecuniae,
 Consulque non unius anni

40 Sed quoties bonus atque fidus

Iudex honestum praetulit utili,
 Reiecit alto dona nocentium
 Vultu, per obstantes catervas
 Explicuit sua victor arma.

45 Non possidentem multa vocaveris
 Recte beatum; rectius occupat
 Nomen beati qui deorum
 Muneribus sapienter uti

Duramque callet pauperiem pati
 50 Peiusque leto flagitium timet,
 Non ille pro caris amicis
 Aut patria timidus perire.

— *vindex*] De animo tanquam de persona loquitur; inde appellatur vindex, consul, iudex, victor, inde habet vultum et arma. Ex magna hac Lollii innocentiae et abstinentiae laude non inique iudicaveris, iam tum in hominum invidiam incertis rumoribus incidisse Lollium; quam Horatius cum immeritam putaret, defendere ab innocenti homine fortasse voluit. — *cuncta*] Pecuniae crimini datur quod avarorum hominum est, quorum cupiditas nunquam expletur, omnia ad se rapit. — *consul*] Consulatus, summus magistratus, summum honorem tribuit; dicit igitur, rectum animum sempiterno ac summo honore esse dignum; de qua re cf. Cicer. Tusc. II, 17, 41. Hor. Carm. III, 2, 19. — *alto vultu*] quo in eas res, quas contemnimus, despiciere solemus. Cic. Tusc. II, 4, 11. — *catervas*] malorum hominum et corrumpere tentantium. — *recte*] Notanda gradatio *recte*, *rectius*; cui quam vim addiderit poeta locorum quae illa vocabula obtinuerunt gravitate manifestum est. — *peius*] pro *magis* positum, sed fortius est; sic Epist. I, 17, 30. — *non timidus*] figura *λιτότρος*; paratus. cf. Carm. III, 19, 2. Qua figura cur h. l. poeta usus sit perspicuum est; gravis enim sic paratur oppositio quaedam. Sapiens timet quidem flagitium, non timet pro patria mortem.

Carmen X.

O crudelis adhuc et Veneris muneribus potens,
 Insuperata tuae cum veniet pluma superbiae,
 Et quae nunc humeris involitant deciderint comae,
 Nunc et qui color est puniceae flore prior rosae
 5 Mutatus Ligurinum in faciem verterit hispidam,
 Dices, heu, quoties te speculo videris alterum:
 Quae mens est hodie, cur eadem non puero fuit,
 Vel cur his animis incolumes non redeunt genae?

Carmen XI.

Est mihi nonum superantis annum
 Plenus Albani cadus; est in horto,

Carmen X.

Argumentum huius carminis breviter potest indicari hoc versu Virgilii Buc. 2, 17: „O formose puer, nimium ne crede colori.“ Et credibile est hoc carmen iam dudum compositum tum demum a poeta ex scriniis sumptum esse, cum librum hunc editurus esset. Quod si verum est, Ligurini nomen ex hoc carmine in primum huius libri transiit.

Veneris muneribus] cf. Hom. II. III, 54. — *pluma*] metaphorice pro lanugine, cuius mollities bene hoc vocabulo exprimitur. Nostrates prorsus eadem ratione dicunt Flaum, Graeci *πίλον*. — *deciderint*] nam tondebatur adulta aetate capillus, quem pueri, imprimis delicati, alere solebant. cf. Carm. II, 5, 21 sqq. Epod. 11, 28. — *puniceae*] purpureae, ut Virg. Aen. XII, 77. — *Ligurinum*] Accusativus hic acerbitatis aliquid habet; barba enim bellum et levem Ligurinum roseo genarum colore privabit et hispidum reddet. Praestat igitur is casus vocativo, quem alii ex codd. receperunt. — *alterum*] mutatum. — *his animis*] qui nunc mihi sunt.

Carmen XI.

Ut Lyden Carm. III, 28 ad Neptunalia, sic h. c. Phyllidem ad celebrandum diem natalem Maecenatis, Idus Apriles invitat. Introitus similis est ei quo Maecenatem vocat Carm. III, 29. Sententiae simplici ordine procedunt; ex quibus satis perspicuum est Horatium ex Sabino suo sic scribere, Phyllidem annis nondum provectam, carmen ipsum fortasse ante editos tres libros superiores compositum esse, haud ita multo post Carm. II, 4, anno fere 730. Potuit tamen etiam paulo post editos tres libros haec scribere, cum primum epistolarum librum componeret et ipse vitam rusticam urbanae in dies magis praeferre inciperet. cf. Epist. I, 14. Quae ratio cui placuerit, is urbane Horatium Maecenati indicare suspicetur, ruri quoque se amicorum memorem satis esse.

V. 1. *Albani*] cf. Sat. II, 8, 16. Ex nobilissimis hoc genus vini fuit, deinde quod habuit poeta satis est vetustum ac molle. —

Phylli, nectendis apium coronis;
Est hederæ vis

5 Multa, qua crines religata fulges;
Ridet argento domus; ara castis
Vincta verbenis avet immolato
Spargier agno;

Cuncta festinat manus, huc et illuc
10 Cursitant mixtæ pueris puellæ;
Sordidum flammæ trepidant rotantes
Vertice fumum.

Ut tamen noris quibus advoceris
Gaudiis, Idus tibi sunt agendaæ,
15 Qui dies mensem Veneris marinae
Findit Aprilem,

Iure sollennis mihi sanctiorque
Paene natali proprio, quod ex hac
Luce Maecenas meus affluentes
20 Ordinât annos.

Telephum, quem tu petis, occupavit
Non tuæ sortis iuvenem puella
Dives et lasciva tenetque grata
Compede vinctum.

apium] cf. Carm. I, 36, 16. II, 7, 24. — *religata*] cf. Carm. II, 11, 24. Construe igitur *qua fulges crines religata*. Iam *fulges* non est futurum antiqui verbi fulgere, neque premendum hoc est, quod hederam Phyllis accipere demum debebat apud Horatium; omnino amabat Phyllis hederaceam coronam, quippe quæ bene sciret aptissimam eam sibi esse summamque venustatem præbere. — *ridet*] splendet. cf. Carm. II, 18, 2. — *verbenis*] vide ad Carm. I, 19, 14. — *spargier*] vide Zumpt gr. lat. §. 162. Hoc uno in lyricis loco Horatius hac forma usus est. — *pueris puellæ*] servi et ancillæ. — *vertice*] non aedium, sed ipsius flammæ et foci. *Trepidare* autem verbum accommodatum est ad incertum ac trepidum flammarum motum. cf. Virg. Buc. 8, 105. — *Veneris marinae*] vide ad Carm. I, 3, 1. III, 26, 5. Aprilis Veneri sacer fuit, quia hoc mense ex spuma maris provenisse dicebatur. — *findit*] dividit. Iduum nomen ab antiquo verbo *idurare* i. e. dividere factum dicebant antiqui. — *affluentes*] translatus verbum a leni flumine aquarum ad annos et tempora, ut Epist. I, 1, 23.

V. 21 *Telephum*] Idem nomen Carm. I, 13. III, 19. tribus locis commune est, quod qui appellatur Telephus a puellis petitur, non ipse petit, — *compede*] cf. Carm. I, 33, 14. — *Phaëthon*] cf. Ovid. Met.

- 25 Terret ambustus Phaëthon avaras
 Spes, et exemplum grave praebet ales
 Pegasus terrenum equitem gravatus
 Bellerophontem,
 Semper ut te digna sequare et ultra
 30 Quam licet sperare nefas putando
 Disparem vites. Age iam, meorum
 Finis amorum —
 Non enim posthac alia calebo
 Femina —, condisce modos, amanda
 35 Voce quos reddas: minuentur atrae
 Carmine curae.

Carmen XII.

Iam veris comites, quae mare temperant,
 Impellunt animae lintea Thraciae;

II, 1 sqq. — *Pegasus*] vide ad Carm. I, 27, 24. Bellerophon cum Chimaeram occidisset, temerarius factus ipsum coelum petere conatus est, sed a Pegaso deiectus cupiditatis poenas solvit. Pegasus enim Neptuno et Medusa procreatus homini mortali ita tantum servire voluit, ut a Minerva erat iussus. — *reddas*] cf. Carm. IV, 6, 43. — *minuentur*] melius hoc quam praesens *minuuntur*, quod aliis placuit; quamquam ad solam Phyllidem curas referri nolo. — *atrae*] cf. Carm. III, 1, 40. III, 14, 13. Sat. II, 7, 115.

Carmen XII.

Non ad Virgilium nescio quem unguentarium vel medicum sed ad poetam Virgilium ioci ac familiaritatis plenum carmen scriptum est. Incipit autem ita, ut verni temporis suavitas copiose et eleganter describatur. Iam adest ver, cum vere calor, cum calore sitis. Eam autem optime pellunt vina mediocria. „Sed, inquit, si apud me esse gestis ut apud iuvenes nobiles ac divites, quibuscum esse soles, si Calena vina ducere cupis, agedum dabo, sed ea lege, ut cum in comissatione Calenum nardo carere non possit, tu unguenta praestes.“ Est igitur iocabunda ad hilarem comissationem invitatio, neque difficultates movendae sunt ex v. 25; dummodo credatur, carmen scriptum esse a iuvene Horatio ad iuvenem Virgilium, anno fortasse 714 vel 715; cuius quidem dulcissimi amici memoriam edito post multos annos hoc carmine quasi renovare et celebrare Flaccus voluit. Compositio carminis ea est, quam frequentem iam invenimus. Septem stropharum media quarta principalem sententiam continet, quam quae praecedunt et sequuntur aut viam quasi muniunt aut ubertatem et explicationem addunt.

animae Thraciae] Aquilones. Colum. XI, 2, 21: „Venti septentrio-

Iam nec prata rigent nec fluvii strepunt
Hiberna nive turgidi.

- 5 Nidum ponit Ityn flebiliter gemens
Infelix avis et Cecropiae domus
Aeternum opprobrium, quod male barbaras
Regum est ulta libidines.

Dicunt in tenero gramine pinguum

- 10 Custodes ovium carmina fistula
Delectantque deum, cui pecus et nigri
Colles Arcadiae placent.

Adduxere sitim tempora, Virgili;
Sed pressum Calibus ducere Liberum

- 15 Si gestis, iuvenum nobilium cliens,
Nardo vina merebere.

Nardi parvus onyx eliciet cadum,
Qui nunc Sulpiciis accubat horreis,

nales qui vocantur Ornithiae per dies XXX esse solent; tum et hirundo advenit.^a Cum vere mare navibus ex hieme aperitur. *Temperare* igitur est placare. Comparari potest simillimum carminis I, 4 initium. — *infelix avis*] hirundo, veris nuntia. cf. Epist. I, 7, 13. De Procne, Pandionis filia, et Tereo rege, eius marito, lege Ovidium Met. VI, 623 sqq. Hom. Od. XIX, 518 sqq. — *opprobrium*] de persona, ut *ἔλεγχος, ὀνειδος* apud Homerum. cf. II, II, 235. — *male*] nimium; de qua adverbii significatione confer Carm. I, 17, 24. Sat. I, 3, 31. 45. I, 4, 66. I, 9, 65. In prosaicae orationis scriptoribus non facile ullum huius generis exemplum invenietur. — *libidines*] Pluralis amplificandae rei causa: quales esse solent barbarorum regum libidines; quamquam Terei imprimis libido tangitur. — *dicunt*] canunt, ut Carm. III, 4, 1. — *delectantque*] In aliis et codicibus et editionibus *delectante*, ad fistulam vocabulo relato. Sed pastores ipsos deum, Pana, delectare deumque quasi auscultare illis canentibus poetam magis decet. — *nigri*] vide ad Carm. I, 21, 7.

V. 14. *Calibus*] cf. Carm. I, 20, 9. — *ducere*] vide ad Carm. I, 17, 22. — *iuvenum nobilium*] Agrippae, Pollionis, aliorum, apud quos gratosus erat Virgilius. Nam nihil nisi favor et familiaritas quaedam hominum nobilium et maiore loco ortorum in hac clientela quaerendum est. Sic etiam poetae sunt in clientela Musarum. — *nardo*] unguento pretiosissimo, quod ex India et Syria Romam portabatur. Dicit igitur Horatius, se utrumque, et vinum et oleum, praestare neque posse neque velle; neque Virgilium immunem fore ut in ampla ac divite domo, neque (id quod per iocum et risum additur) curandum esse, utrum vinum sit carius an oleum. — *onyx*] concha ex onyche facta. — *eliciet*] Hoc quoque iocose dictum, tanquam tam blanda sit vis nardi, ut vini cadus ex horreis Sulpicianis eliciatur. Sed Horatio emendum erat vinum. — *Sulpiciis*] Sulpicianis. vide ad Carm. I, 15, 10. Sulpicianae horrea pu-

Spes donare novas largus amaraque
20 Curarum eluere efficax.

Ad quae si properas gaudia, cum tua
Velox merce veni: non ego te meis
Immunem meditor tingere poculis
Plena dives ut in domo.

25 Verum pone moras et studium lucri,
Nigrorumque memor, dum licet, ignium
Misce stultitiam consiliis brevem:
Dulce est desipere in loco.

Carmen XIII.

Audivere, Lyce, di mea vota, di
Audivere, Lyce: fis anus et tamen
Vis formosa videri
Ludisque et bibis impudens

blicae quasi apothecae erant, ubi vina vendebantur. — *amara curarum*] vide ad Carm. IV, 4, 76. — *studium lucri*] Male quidam severo vultu cogitarunt de ficta quadam Virgilii parsimonia aut nimia pretiorum vini et unguenti aestimatione. Quae ridendo scripta sunt, ridendo etiam sunt legenda; nimirum: „agedum, inquit, festina ad convivium; noli retardari magno pretio, mihi tamen vinum carius est.“ — *nigrorum*] Quaecunque ad inferos pertinent nigra sunt; igitur etiam rogos. — *in loco*] Aequabilem vitae cursum nonnunquam grata quadam stultitia interrumpi necesse est, sed iusto et tempore et loco. Dicitur enim *loco, in loco*, (Epist. I, 7, 57) pro commodo loco, opportuno. vide Zumpt. gr. lat. §. 481.

Carmen XIII.

Etiam si hoc carmen referendum videatur ad III, 10, tamen satis longo temporis intervallo post scriptum est. Nam quae ibi aetate floruit Lyce, hic anus facta ne rugis quidem oris deterretur, quo minus amores nectere studeat; et quam iram ibi poeta Lycæ minatus est, eam hoc carmine explet. Quod si Carm. III, 10 Lyce recens nupta annos habuit 22 vel 23, nunc facile duplicem habere potest annorum numerum, ut hoc carmen anno fere 737 vel 738 scriptum esse conicias. Abundat autem magna irridendi et vellicandi figuris et artificijs; in qua re non satis possumus admirari frequentem et acutam litterarum i copiam in primis versibus conspicuam cum sibilantibus litteris et festivo ludo verhorum *fis* et *vis*. Deinde animadvertendi sunt vv. 13—15 propter allitterationem quam vocant vocabulorum *nec — nec — notis*; vv. 17—20 propter *quo — quo — quae — quae*; praeterea v. 1 et 2 *audivere Lyce — audivere Lyce*; v. 18 *illius — illius*, alia.

Non incisa notis marmora publicis,
Per quae spiritus et vita redit bonis

- 15 Post mortem ducibus, non celeres fugae
Reiectaeque retrorsum Hannibalis minae,
Non incendia Karthaginis impiae
Eius, qui domita nomen ab Africa
Lucratus rediit, clarius indicant

- 20 Laudes, quam Calabriae Pierides : neque,

perpetuo motu quidquid bene factum est oblivionis caligine paulatim premittitur cum omnibus quae in aequales redundarunt beneficiis. Quare nihil ad posteros pervenit, nisi quod fixum firmatumque est poetarum aeternis carminibus.⁴ Cuius sententiae testimonium affertur exemplum Scipionis Africani maioris; qui cum Hannibalem, maximum inter omnes Romanorum hostem, superasset, sensim ex memoria hominum elaberetur, nisi gloriae suae praeconem invenisset Ennium, Rudiis Calabriae oppido natum (a. u. 515—584). Altera dubitatio movetur ex v. 17, in quo contra Horatii consuetudinem caesuram admissam videmus. Quae quidem caesura etiamsi defendi nequit locis Carm. I, 18, 16. II, 12, 25, ubi praepositiones facile separantur a verbis, excusationem tamen inveniet in nomine proprio. Restat tertia difficultas. Nam cum Hannibalis nomen, cum Ennii carmina maiorem Africanum indicent, *incendia Karthaginis* ad minorem necessario referenda esse videntur. In qua re primum animadvertendum est, cum nominis *Africani* ne ulla quidem forma metrum hoc asclepiadeum ferret — nisi forte trochaicam basin versui praepone-re voluit poeta, — Horatium dissoluta nominis potestate non sine gravitate totum versum 18 explevisse. De qua re compara Sat. II, 1, 66. I, 5, 87 et Carm. III, 20, 15, ubi Ganymedis nomen non magis Sapphicum versum toleraret. Iam vero qui corruptum locum putarunt contrariam medelam adhibuerunt; alii quattuor versus eiiciendos rati hunc constituerunt versuum cursum *post mortem ducibus, clarius indicant*. At vero si celeres fugae et minae Hannibalis expelluntur, si Scipionis omnia vestigia tolluntur, unde *Calabriae Pierides* possunt teneri, quae fundamento quodam, in quo niterentur, carerent? Alii deesse duos versus opinantes lacunae signa collocarunt inter v. 17 et 18; ideo maxime moti, quod monostropha et distropha metra omnia praeter hoc carmen eum versuum numerum haberent, qui quaternario numero ita posset dividi ut onnis consumeretur. Quod etsi verum est de tribus prioribus libris, nonne Horatio eam legem, quam ipse sibi imposuerat neque in Epodis observaverat, quarto etiam libro relinquere licuit? Ac praeterea si quid omissum credas, omnino non vides, quomodo Horatius a maiori Africano ad minorem, deinde a minori iterum ad maiorem circuli instar pervenire potuerit. Deinde quem poetam dignum habere potuit, quocum Ennium eadem ratione coniungeret, qua cum maiori Africano minorem? Tum quomodo minorem Africanum significare potuit, diviso sic nomine et in maiorem consumpto? Alii ad coniecturas *impendia, stipendia* faciendas confugerunt; desperatum illud quidem remedium in tanta librorum constantia. Quapropter aut cum Bentleyo v. 17 spurium eiiciendumque habeamus, aut potius *incendiis* non urbem ipsam combustam credamus, sed naves et portum; de qua re vide Liv. XXX, 43. Nam ne hoc quidem ferendum est, incendia ipsum bellum significare. Apud Virgilium Aen. I, 566 *belli* genitivus additus est. Rectius *ignes* comparare possis ex Carm. IV, 14, 24.

- Si chartae sileant quod bene feceris,
 Mercedem tuleris. Quid foret Iliæ
 Mavortisque puer, si taciturnitas
 Obstaret meritis invida Romuli?
- 25 Ereptum Stygiis fluctibus Acacum
 Virtus et favor et lingua potentium
 [Vatum divitibus consecrat insulis.
 Dignum laude virum Musa vetat mori;
 Coelo Musa beat. Sic Iovis interest
- 30 Optatis epulis impiger Hercules:
 Clarum Tyndaridæ sidus ab infimis
 Quassas eripiunt aequoribus rates;
 Ornatus viridi tempora pampino
 Liber vota bonos ducit ad exitus.

Carmen IX.

Ne forte credas interitura, quæ
 Longe sonantem natus ad Aufidum

V. 21. *chartæ*] poemata, ut Carm. IV, 9, 31. — *Iliæ Mavortisque puer*] In hac parentum laudatione latet cogitatio nobilitatis et generis, quod Romulum ab oblivione non potuisset liberare. Romulum autem idem Ennius laudavit in primo Annalium libro. — *divitibus insulis*] *μακάρων νήσοις*. cf. Epod. 16, 41. — *Sic*] hac ratione; poetarum carminibus. Quæ exempla hic proferuntur, iis ante iam usus erat poeta Carm. III, 3. — *Tyndaridæ*] vide ad Carm. I, 3, 2. — *pampino*] cf. Carm. III, 25, 20. — *vota*] Hoc quoque divinitatis indicium est; in qua describenda observa poetæ ubertatem.

Carmen IX.

Sententiæ carminis hoc ordine procedunt. Mea, inquit poeta, carmina nunquam interibunt, quamquam non, ut alter Homerus, magnorum hominum res gestas epico carmine celebrare conor. Verum etiam lyrici poetæ adhuc vivunt (Pindarus, Simonides, Alcaeus, Stesichorus, Anacreon, Sappho, quorum nomina Horatius eo ordine coniunxit, ut a summo hymnorum poeta Pindaro ad leviora genera Sapphonis descenderet); poetarum cantus temporis invidia non obruitur. v. 1—12. Factis hominum non eadem sors est; neque enim ii qui in Troianis campis pugnarunt, soli meruerunt laudem poetarum (Troianorum et Graecorum virorum aptum hunc ordinem constituit, ut ad Sapphonis carmina amatoria bene annexis Helenæ amoribus sursum ascenderet ad maximum omnium regem Agamemnonem). Sed vivunt illi in memoria hominum, reliqui vitam et memoriam amiserunt; et cur? quia vate carent. v. 13—28. Hic incipit altera pars, qua a generali sententia ad unum Lollium trans-

Non ante vulgatas per artes
Verba loquor socianda chordis.

5 Non, si priores Maconius tenet
Sedes Homerus, Pindaricae latent
Caeaeque et Alcaei minaces
Stesichorique graves Camenae;

Nec si quid olim ludit Anacreon
10 Delevit aetas; spirat adhuc amor
Vivuntque commissi calores
Aeoliae fidibus puellae.

Non sola comptos arsit adulteri
Crines et aurum vestibus illitum
15 Mirata regalesque cultus

itur. Transito paratur hac sententia: oblivione omnia aequantur; ignota virtus nil distat sepulta inertia. Quare se Lollium celebraturum dicit, ne nobilitas eius et honesti studium ex memoria hominum excidant. Animum eius prudentem esse, constantem in secundis rebus et adversis, purum ac sincerum, fidum et certum, summoque honore dignum. v. 29—45. Itaque Lollium bono animo esse debere, quoniam quae homines fecerint non felicitate sed voluntate et consilio aestimantur. v. 45—52. — Lollius, qui a. u. 733 consul fuerat, gravi clade a Germanis a. 738 reiectus est; nihilo minus favorem sibi Augusti servavit, donec in Orientem missus avaritia et malis artibus odium sibi aequalium contraheret. Subita vi mortis a. u. 753 oppressus est. Qui vir, a posterioribus rerum Romanarum scriptoribus vehementer vituperatus, quo tempore ab Horatio tantam laudem acciperet aut liber erat omni criminatione aut inter summam vitiorum dissimulationem etiam Horatium fefellit. Scriptum videtur hoc carmen non multo post acceptam in Germania cladem; apertum enim est consolandi hominis consilium. Lollii cognomen incertum est; alii Palikanum, alii Paulinum appellant; neptis certe Lollia dicebatur Paulina.

V. 2. *Aufidum*] cf. Carm. III, 30, 10 sqq. — *Maconius*] cf. Carm. I, 6, 2. — *Caeaeque*] vide ad Carm. II, 1, 38. — *Stesichori*] Hic Himeræ in Sicilia natus, mortuus est Olymp. 56; de quo Quintilianus X, 1, 62: „Stesichorum, inquit, quam sit ingenio validus, materiae quoque ostendunt, maxima bella et clarissimos canentem duces et epici carminis onera lyra sustinentem.“ Inde *graves* eius Camenas appellavit Horatius. — *Anacreon*] cf. Carm. I, 17, 18. — *spirat*] vivit ac viget. Cic. Brut. 24: „Videtur Laelii mens spirare etiam in scriptis.“ Virg. Aen. VI, 848. — *calores*] pluralis ut amores. Qui poetice *vivere* dicuntur, ut carmina, Carm. I, 32, 3. Epist. I, 19, 2. — *arsit*] Ardere verbum cum sit ardens amare ac desiderare, activam quandam habet naturam; inde accusativus, ut apud Virgilium Buc. 2, 1. Ablativus, quocum idem verbum coniunctum est Carm. II, 4, 7. III, 9, 5. Epod. 14, 9. Epist. II, 1, 95, id indicat unde venit ardor. Ceterum ad sententiam compara Ovid Heroid. 13, 57: „Venerat, ut fama est, multo spectabilis auro, Quique

Et comites Helene Lacæna ,

Primusve Teucer tela Cydonio

Direxit arcu ; non semel Ilios

Vexata ; non pugnavit ingens

20 Idomeneus Sthenelusve solus

Dicenda Musis proelia ; non ferox

Hector vel acer Deiphobus graves

Excepit ictus pro pudicis

Coniugibus puerisque primus.

25 Vixere fortes ante Agamemnona

Multi ; sed omnes illacrimabiles

Urgentur ignotique longa

Nocte, carent quia vate sacro.

Paulum sepultae distat inertiae

30 Celata virtus. Non ego te meis

Chartis inornatum silebo

Totve tuos patiar labores

Impune, Lolli, carpere lividas

Obliviones. Est animus tibi

35 Rerumque prudens et secundis

Temporibus dubiisque rectus,

suo Phrygiæ corpore ferret opes, Classe virisque potens.“ — *primus*] In nonnullis codd. *primusque*. Sed vide ad Carm. II, 5, 20. — *Cydonio*] Cydon, urbs Cretæ. vide ad Carm. I, 15, 17. — *non semel Ilios*] Non semel tanta urbs quanta fuit Ilios oppugnata est; quod monendum, ne quis de unius urbis Troiæ pluribus cogitet oppugnationibus. — *Deiphobus*] Priami et Hecubæ filius, Helenæ post Paridem coniux. cf. Virg. Aen. VI, 495 sqq. — *primus*] Magna cum gravitate iteratur ex initio superioris strophæ; qua re hoc simul efficitur, ut quæ inter se quasi certant vocabula *non*, *primus*, locorum etiam distantia distineantur. — *urgentur*] cf. Carm. I, 24, 5 sq

V. 29. *inertiae*] dativus est, ut Sat. I, 4, 48. Nihil prope discriminis est inter virtutem celatam et inertiam sepultam. — *chartis*] vide ad Sat. I, 10, 4. — *impune*] Oblivio quasi quendam animum ac voluntatem habet ac perpetuo studio agitur, ut hominum res bene gestas opprimat. Huic qui se opponit, quasi castigat oblivionem neque impune eam hominum memoriam carpere patitur. Pluralis autem numerus positus est propter oblivionis continuos extinguendæ famæ conatus. — *rectus*] qui neque bonis neque malis rebus flectitur, ut Cic. de Sen. 6.

Vindex avarae fraudis et abstinens
Ducentis ad se cuncta pecuniae,
Consulque non unius anni

40 Sed quoties bonus atque fidus

Iudex honestum praetulit utili,
Reiecit alto dona nocentium
Vultu, per obstantes catervas
Explicuit sua victor arma.

45 Non possidentem multa vocaveris
Recte beatum; rectius occupat
Nomen beati qui decorum
Muneribus sapienter uti

Duramque callet pauperiem pati
50 Peiusque leto flagitium timet,
Non ille pro caris amicis
Aut patria timidus perire.

— *vindex*] De animo tanquam de persona loquitur; inde appellatur vindex, consul, iudex, victor, inde habet vultum et arma. Ex magna hac Lollii innocentiae et abstinentiae laude non inique iudicaveris, iam tum in hominum invidiam incertis rumoribus incidisse Lollium; quam Horatius cum immeritam putaret, defendere ab innocenti homine fortasse voluit. — *cuncta*] Pecuniae crimini datur quod avarorum hominum est, quorum cupiditas nunquam expletur, omnia ad se rapit. — *consul*] Consulatus, summus magistratus, summum honorem tribuit; dicit igitur, rectum animum sempiterno ac summo honore esse dignum; de qua re cf. Cicer. Tusc. II, 17, 41. Hor. Carm. III, 2, 19. — *alto vultu*] quo in eas res, quas contemnimus, despicere solemus. Cic. Tusc. II, 4, 11. — *catervas*] malorum hominum et corrumpere tentantium. — *recte*] Notanda gradatio *recte*, *rectius*; cui quam vim addiderit poeta locorum quae illa vocabula obtinuerunt gravitate manifestum est. — *peius*] pro *magis* positum, sed fortius est; sic Epist. I, 17, 30. — *non timidus*] figura *λιτότης*; paratus. cf. Carm. III, 19, 2. Qua figura cur h. l. poeta usus sit perspicuum est; gravis enim sic paratur oppositio quaedam. Sapiens timet quidem flagitium, non timet pro patria mortem.

Carmen X.

O crudelis adhuc et Veneris muneribus potens,
 Inesperata tuae cum veniet pluma superbiae,
 Et quae nunc humeris involitant deciderint comae,
 Nunc et qui color est puniceae flore prior rosae
 5 Mutatus Ligurinum in faciem verterit hispidam,
 Dices, heu, quoties te speculo videris alterum:
 Quae mens est hodie, cur eadem non puero fuit,
 Vel cur his animis incolumes non redeunt genae?

Carmen XI.

Est mihi nonum superantis annum
 Plenus Albani cadus; est in horto,

Carmen X.

Argumentum huius carminis breviter potest indicari hoc versu Virgilii Buc. 2, 17: „O formose puer, nimium ne crede colori.“ Et credibile est hoc carmen iam dudum compositum tum demum a poeta ex scriniis sumptum esse, cum librum hunc editurus esset. Quod si verum est, Ligurini nomen ex hoc carmine in primum huius libri transiit.

Veneris muneribus] cf. Hom. Il. III, 54. — *pluma*] metaphorice pro lanugine, cuius mollities bene hoc vocabulo exprimitur. Nostrates prorsus eadem ratione dicunt Flaum, Graeci *πίλον*. — *deciderint*] nam tondebatur adulta aetate capillus, quem pueri, imprimis delicati, alere solebant. cf. Carm. II, 5, 21 sqq. Epod. 11, 28. — *puniceae*] purpureae, ut Virg. Aen. XII, 77. — *Ligurinum*] Accusativus hic acerbitatis aliquid habet; barba enim bellum et levem Ligurinum roseo genarum colore privabit et hispidum reddet. Praestat igitur is casus vocativo, quem alii ex codd. receperunt. — *alterum*] mutatum. — *his animis*] qui nunc mihi sunt.

Carmen XI.

Ut Lyden Carm. III, 28 ad Neptunalia, sic h. c. Phyllidem ad celebrandum diem natalem Maecenatis, Idus Apriles invitat. Introitus similis est ei quo Maecenatem vocat Carm. III, 29. Sententiae simplici ordine procedunt; ex quibus satis perspicuum est Horatium ex Sabino suo sic scribere, Phyllidem annis nondum provectam, carmen ipsum fortasse ante editos tres libros superiores compositum esse, haud ita multo post Carm. II, 4, anno fere 730. Potuit tamen etiam paulo post editos tres libros haec scribere, cum primum epistolarum librum componeret et ipse vitam rusticam urbanae in dies magis praeferre inciperet. cf. Epist. I, 14. Quae ratio cui placuerit, is urbanc Horatium Maecenati indicare suspicetur, ruri quoque se amicorum memorem satis esse.

V. 1. *Albani*] cf. Sat. II, 8, 16. Ex nobilissimis hoc genus vini fuit, deinde quod habuit poeta satis est vetustum ac molle. —

Phylli, nectendis apium coronis;
Est hederæ vis

5 Multa, qua crines religata fulges;
Ridet argento domus; ara castis
Vincta verbenis avet immolato
Spargier agno;

Cuncta festinat manus, huc et illuc
10 Cursitant mixtae pueris puellae;
Sordidum flammæ trepidant rotantes
Vertice fumum.

Ut tamen noris quibus advoceris
Gaudiis, Idus tibi sunt agendae,
15 Qui dies mensem Veneris marinae
Findit Aprilem,

Iure sollennis mihi sanctiorque
Paene natali proprio, quod ex hac
Luce Maecenas meus affluentes
20 Ordinat annos.

Telephum, quem tu petis, occupavit
Non tuæ sortis iuvenem puella
Dives et lasciva tenetque grata
Compede vinctum.

apium] cf. Carm. I, 36, 16. II, 7, 24. — *religata*] cf. Carm. II, 11, 24. Construe igitur *qua fulges crines religata*. Ium *fulges* non est futurum antiqui verbi fulgere, neque premendum hoc est, quod hederam Phyllis accipere demum debebat apud Horatium; omnino amabat Phyllis hederaceam coronam, quippe quæ bene sciret aptissimam eam sibi esse summamque venustatem præbere. — *ridet*] splendet. cf. Carm. II, 18, 2. — *verbenis*] vide ad Carm. I, 19, 14. — *spargier*] vide Zumpt gr. lat. §. 162. Hoc uno in lyricis loco Horatius hac forma usus est. — *pueris puellæ*] servi et ancillæ. — *vertice*] non ædium, sed ipsius flammæ et foci. *Trepidare* autem verbum accommodatum est ad incertum ac trepidum flammarum motum. cf. Virg. Buc. 8, 105. — *Veneris marinae*] vide ad Carm. I, 3, 1. III, 26, 5. Aprilis Veneri sacer fuit, quia hoc mense ex spuma inaris provenisse dicebatur. — *findit*] dividit. Iduum nomen ab antiquo verbo *iduarè* i. e. dividere factum dicebant antiqui. — *affluentes*] translatum verbum a leni flumine aquarum ad annos et tempora, ut Epist. I, 1, 23.

V. 21 *Telephum*] Idem nomen Carm. I, 13. III, 19. tribus locis commune est, quod qui appellatur Telephus a puellis petitur, non ipso petit. — *compede*] cf. Carm. I, 33, 14. — *Phaëthon*] cf. Ovid. Met.

- 25 Terret ambustus Phaëthon avaras
 Spes, et exemplum grave praebet ales
 Pegasus terrenum equitem gravatus
 Bellerophontem,
 Semper ut te digna sequare et ultra
 30 Quam licet sperare nefas putando
 Disparem vites. Age iam, meorum
 Finis amorum —
 Non enim posthac alia calebo
 Femina —, condisce modos, amanda
 35 Voce quos reddas: minuuntur atrae
 Carmine curae.

Carmen XII.

Iam veris comites, quae mare temperant,
 Impellunt animae lintea Thraciae;

II, 1 sqq. — *Pegasus*] vide ad Carm. I, 27, 24. Bellerophon cum Chimaeram occidisset, temerarius factus ipsum coelum petere conatus est, sed a Pegaso deiectus cupiditatis poenas solvit. Pegasus enim Neptuno et Medusa procreatus homini mortali ita tantum servire voluit, ut a Minerva erat iussus. — *reddas*] cf. Carm. IV, 6, 43. — *minuuntur*] melius hoc quam praesens *minuuntur*, quod aliis placuit; quamquam ad solam Phyllidem curas referri nolo. — *atrae*] cf. Carm. III, 1, 40. III, 14, 13. Sat. II, 7, 115.

Carmen XII.

Non ad Virgilium nescio quem unguentarium vel medicum sed ad poetam Virgilium ioci ac familiaritatis plenum carmen scriptum est. Incipit autem ita, ut verni temporis suavis copiose et eleganter describatur. Iam adest ver, cum vere calor, cum calore sitis. Eam autem optime pellunt vina mediocria. „Sed, inquit, si apud me esse gestis ut apud iuvenes nobiles ac divites, quibuscum esse soles, si Calena vina ducere cupis, agedum dabo, sed ea lege, ut cum in comissatione Calenum nardo carere non possit, tu unguenta praestes.“ Est igitur iocabunda ad hilarem comissationem invitatio, neque difficultates movendae sunt ex v. 25; dummodo credatur, carmen scriptum esse a iuvene Horatio ad iuvenem Virgilium, anno fortasse 714 vel 715; cuius quidem dulcissimi amici memoriam edito post multos annos hoc carmine quasi renovare et celebrare Flaccus voluit. Compositio carminis ea est, quam frequentem iam invenimus. Septem stropharum media quarta principalem sententiam continet, quam quae praecedunt et sequuntur aut viam quasi muniunt aut ubertatem et explicationem addunt.

animae Thraciae] Aquilones. Colum. XI, 2, 21: „Venti septentrio-

Iam nec prata rigent nec fluvii strepunt
Hiberna nive turgidi.

- 5 Nidum ponit Ityn flebiliter gemens
Infelix avis et Cecropiae domus
Aeternum opprobrium, quod male barbaras
Regum est ulta libidines.

Dicunt in tenero gramine pinguium

- 10 Custodes ovium carmina fistula
Delectantque deum, cui pecus et nigri
Colles Arcadiae placent.

Adduxere sitim tempora, Virgili;
Sed pressum Calibus ducere Liberum

- 15 Si gestis, iuvenum nobilium cliens,
Nardo vina merebere.

Nardi parvus onyx eliciet cadum,
Qui nunc Sulpiciis accubat horreis,

nales qui vocantur Ornithiae per dies XXX esse solent; tum et hirundo advenit. Cum vere mare navibus ex hieme aperitur. *Temperare* igitur est placare. Comparari potest simillimum carminis I, 4 initium. — *infelix avis*] hirundo, veris nuntia. cf. Epist. I, 7, 13. De Procne, Pandionis filia, et Tereo rege, eius marito, lege Ovidium Met. VI, 623 sqq. Hom. Od. XIX, 518 sqq. — *opprobrium*] de persona, ut *ἔλεγχος, ὀντιδος* apud Homerum. cf. Il. II, 235. — *male*] nimium; de qua adverbii significatione confer Carm. I, 17, 24. Sat. I, 3, 31. 45. I, 4, 66. I, 9, 65. In prosaicae orationis scriptoribus non facile ullum huius generis exemplum invenietur. — *libidines*] Pluralis amplificandae rei causa: quales esse solent barbarorum regum libidines; quamquam Terei imprimis libido tangitur. — *dicunt*] canunt, ut Carm. III, 4, 1. — *delectantque*] In aliis et codicibus et editionibus *delectante*, ad fistulam vocabulo relato. Sed pastores ipsos deum, Pana, delectare deumque quasi auscultare illis canentibus poetam magis decet. — *nigri*] vide ad Carm. I, 21, 7.

V. 14. *Calibus*] cf. Carm. I, 20, 9. — *ducere*] vide ad Carm. I, 17, 22. — *iuvenum nobilium*] Agrippae, Pollionis, aliorum, apud quos gratus erat Virgilius. Nam nihil nisi favor et familiaritas quaedam hominum nobilium et maiore loco ortorum in hac clientela quaerendum est. Sic etiam poetae sunt in clientela Musarum. — *nardo*] unguento pretiosissimo, quod ex India et Syria Romam portabatur. Dicit igitur Horatius, se utrumque, et vinum et oleum, praestare neque posse neque velle; neque Virgilium immunem fore ut in ampla ac divite domo, neque (id quod per iocum et risum additur) curandum esse, utrum vinum sit carius an oleum. — *onyx*] concha ex onyche facta. — *eliciet*] Hoc quoque iocose dictum, tanquam tam blanda sit vis nardi, ut vini cadus ex horreis Sulpicianis eliciatur. Sed Horatio emendum erat vinum. — *Sulpiciis*] Sulpicianis. vide ad Carm. I, 15, 10. Sulpicianae horrea pu-

- Spes donare novas largus amaraque
20 Curarum elucre efficax.

Ad quae si properas gaudia, cum tua
Velox merce veni: non ego te meis
Immunem meditor tingere poculis
Plena dives ut in domo.

- 25 Verum pone moras et studium lucri,
Nigrorumque memor, dum licet, ignium
Misce stultitiam consiliis brevem:
Dulce est desipere in loco.

Carmen XIII.

Audivere, Lyce, di mea vota, di
Audivere, Lyce: fis anus et tamen
Vis formosa videri
Ludisque et bibis impudens

blicae quasi apothecae erant, ubi vina vendebantur. — *amara curarum*] vide ad Carm. IV, 4, 76. — *studium lucri*] Male quidam severo vultu cogitarunt de ficta quadam Virgilii parsimonia aut nimia pretiorum vini et unguenti aestimatione. Quae ridendo scripta sunt, ridendo etiam sunt legenda; nimirum: „agedum, inquit, festina ad convivium; noli retardari magno pretio, mihi tamen vinum carius est.“ — *nigrorum*] Quaecunque ad inferos pertinent nigra sunt; igitur etiam rogus. — *in loco*] Aequabilem vitae cursum nonnunquam grata quadam stultitia interrumpi necesse est, sed iusto et tempore et loco. Dicitur enim *loco, in loco*, (Epist. I, 7, 57) pro commodo loco, opportuno. vide Zumpt. gr. lat. §. 481.

Carmen XIII.

Etiamsi hoc carmen referendum videatur ad III, 10, tamen satis longo temporis intervallo post scriptum est. Nam quae ibi aetate floruit Lyce, hic anus facta ne rugis quidem oris deterretur, quo minus amores nectere studeat; et quam iram ibi poeta Lycae minatus est, eam hoc carmine explet. Quodsi Carm. III, 10 Lyce recens nupta annos habuit 22 vel 23, nunc facile duplicem habere potest annorum numerum, ut hoc carmen anno fere 737 vel 738 scriptum esse conicias. Abundat autem magna irridendi et vellicandi figuris et artificijs; in qua re non satis possumus admirari frequentem et acutam litterarum et copiam in primis versibus conspicuam cum sibilantibus litteris et festivo ludo verborum *vis* et *vis*. Deinde animadvertendi sunt vv. 13—15 propter allitterationem quam vocant vocabulorum *nec — nec — notis*; vv. 17—20 propter *quo — quo — quae — quae*; praeterea v. 1 et 2 *audivere Lyce — audivere Lyce*; v. 18 *illius — illius*, alia.

- 5 Et cantu tremulo pota Cupidinem
 Lentum sollicitas. Ille virentis et
 Doctae psallere Chiae
 Pulchris excubat in genis.
- Importunus enim transvolat aridas
- 10 Quercus et refugit te quia luridi
 Dentes, te quia rugae
 Turpant et capitis nives.
- Nec Coae referunt iam tibi purpurae
 Nec clari lapides tempora, quae semel
- 15 Notis condita fastis
 Inclusit volucris dies.
- Quo fugit venus, heu, quove color? decens
 Quo motus? Quid habes illius, illius,
 Quae spirabat amores,
- 20 Quae me surpuerat mihi,
 Felix post Cinaram, notaque et artium

V. 6. *lentum*] tibi non obsequentem. — *excubat*] Sic Soph. Ant. 776: *Ἐως — ὅς ἐν μαλακαῖς παρειαῖς νεανίδος ἐννυχεύεις*. Scilicet ibi quasi in statione quadam est, unde quos velit iuvenes capiat. — *importunus*] iniquus, difficilis; lepide hoc ex mente Lycæ, similitum. — *te quia*] Haec quoque magna cum vi in simili versuum sede collocata sunt; nimirum quia in utroque versu diaeresis praecedit, qui legunt redintegrata quasi voce ista irrisionis plena vocabula pronuntiare et audientium animos quam maxime tangere prope coguntur. *Et* part. consecutivam vim habet *et propterea*; quare ita interpungendum fuit, ut bis positum pronomen *te* ex utroque verbo *refugit*, *turpant* pendere intelligeretur. — *capitis nives*] Quintil. VIII, 6, 17: „Sunt et duræ, id est a longinqua similitudine ductæ translationes ut *capitis nives*.“ Hic ipsa translationis duritate risus movetur. — *Coae purpurae*] tenues ac paene pellucidae ex bombycinis filis contextae vestes, ex insula Coe, in quam bombyces ex Oriente apportabantur. — *clari lapides*] uniones splendentes. Sic rectius scribitur quam *cari*, ex codd. Dicere enim debuit poeta, ne unionum quidem splendorem venustatem et iuventutem semel amissam posse referre. Nam nihil ad h. l. valet quod pretiosi etiam sunt uniones. — *venus*] venustas et gratia, ut Epist. I, 6, 38. A. P. 42. — *color*] cf. Carm. IV, 10, 4. — *surpuerat*] cf. Sat. II, 3, 283. De syncope vide ad Carm. II, 2, 2. — *felix*] amata et laudibus celebrata. — *post Cinaram*] Commemoratur haec Cinara, quam vere amasse Horatium omnes existimant, Carm. IV, 1, 4. Epist. I, 7, 28. I, 14, 33. Proprio carmine ea laudata non est. Ubique hoc nomine Horatius iuventutem suam significat; quare primis post reditum ex Macedonia annis Horatio cum Cinara amores fuisse credendum est. — *notaque et artium*] De genitivo cf. Carm. II, 2, 6. Hic *et* particula pro *etiam* est. Facies autem

Gratarum facies? Sed Cinaræ breves
Annos fata dederunt
Servatura diu parem

25 Cornicis vetulae temporibus Lycen,
Possent ut iuvenes visere fervidi
Multo non sine risu
Dilapsam in cineres facem.

Carmen XIV.

Quae cura patrum quaeve Quiritium
Plenis honorum muneribus tuas,

totam corporis speciem significat. — *Cornicis vetulae*] cf. Carm. III, 17, 13. — *dilapsam in cineres facem*] Sic de vetula lasciva Martial. X, 90, 2: „Quid busti cineres tui lacessis?“ Est etiam aliquod vocabulorum certamen inter *fervidos iuvenes* et hanc dilapsam in cineres facem. Fax enim amoris iuventus est; ea autem in iuvenibus ardet, in anu combusta in cineres dilabitur.

Carmen XIV.

Supra ad carmen IV notatum est, quo consilio et quo tempore hoc carmen scriptum sit. Restat ut de compositione dicatur. „Tuas, inquit, virtutes Auguste neque senatus neque populus digno potest honore colere, quia maximus es per omnem terrarum orbem princeps. Quod quam sit verum quae nuper gesta sunt clarissime demonstrarunt. Tuam enim potestatem senserunt nuper invicti adhuc Vindelici, cum Drusus ad summa Alpium iuga pertinaces hostes fugaret, Tiberius ingenti proelio immanes Raetos vinceret quidquid obiceretur prosternens et ipse incolumis. Tu enim, Auguste, praebueras ei tuum exercitum, tuum consilium, tuos deos. Magno tu quidem deorum favore gaudes, qui vel hac re ostenditur quod eo ipso die, quo ante quindecim annos Alexandriam ingressus eras, terribile hoc bellum composuisti.“ Sic Horatius magnam hanc de Gallis victoriam sapienter et egregie coniungit cum eo die qui Augusto imperium olim totius orbis dederat; in qua re Romanorum pietas non potuit non videre deorum voluntatem. Augustus autem imperium tenet omnium terrarum, cuius potestati obnoxii sunt Hispani, Parthi et Indi, Scythae i. e. omnes populi ab Occidente ad ultimam Orientis oram; Augustus quasi decus et praesidium est urbis Romae et urbs Roma domina est terrarum; hunc timet Africa (Nilus), Europa (Ister), Asia (Tigris), hunc metunt atrocissimae gentes, Britanni, Galli, Iberi, Germani. — Perfectum omnino et quasi rotundum est carmen. Altera et principalis pars, ad quam sustentandam prior laudes Neronum et praecipue Tiberii tanquam argumenta praebet, quam verum sit illud quod in initio carminis positum est: *o qua sol habitabiles illustrat oras, maxime principum*, firmissimis sententiis probat. Victoria enim de Gallicis populis reportata occasionem magis ad carmen

Auguste, virtutes in aevum
Per titulos memoresque fastos

5 Aeternet, o qua sol habitabiles
Illustrat oras maxime principum!
Quem legis expertes Latinae
Vindelici didicere nuper

Quid Marte posses; milite nam tuo
10 Drusus Genaunos, implacidum genus,
Breunosque veloces et arces
Alpibus impositas tremendis

Deiecit acer plus vice simplici.
Maior Neronum mox grave proelium
15 Commisit immanesque Raetos
Auspiciis pepulit secundis,

Spectandus in certamine Martio,
Devota morti pectora liberae
Quantis fatigaret ruinis;
20 Indomitas prope qualis undas

Exercet Auster Pleiadam choro

componendum praebuit quam ipsa praedicatur; omnis gloria cumulatur in Augustum; ad quem quanta arte transgrediatur poeta videas velim v. 33.

V. 2. *plenis*] iustis. — *titulos*] Sunt statuae et monumenta publica Augusti laude inscripta. — *fastos*] vide ad Carm. III, 17, 4. — *aeternet*] Praeter h. l. semel tantum hoc verbum apud scriptores Romanos legitur, in Varronis aliquo fragmento; sed grave verbum est et Horatio dignissimum. — *Quem didicere*] Attractionis quodam genere quod subiectum esse debebat verbi *posses* cum primario verbo *didicere* coniunctum est; qua constructione apud Graecos frequentius est nihil; de quibus vide Buttmanni gr. gr. §. 151. I. 6. p. 456. ed. 16. — *nam*] vide ad Carm. I, 18, 3. — *Genaunos*] Genauni et Breuni Alpinae gentes fuerunt ad fontem et ripas Aeni fluvii; apud Strabonem Illyricis iam gentibus adnumerantur. — *arces*] castella, quae in Alpibus barbari habebant. Epist. II, 1, 252. — *vice simplici*] quia plures hostium prostraverat, quam suorum militum perdiderat. Notandum rarius genus constructionis *plus vice* pro *plus quam vice*; sic Carm. I, 13, 20. cf. etiam Epist. I, 10, 39 sq. — *prope qualis*] Rarus quidem in comparationibus poetarum usus particulae *prope*, sed cf. Sat. II, 3, 268. Habet autem illa aliquam cautionem dictionis, non dissimilem illi, qua Graeci nimiam gravitatem minuebant addito indefinito pronomine τίς. — *Pleiadam choro*] Pleiades

Scindente nubes, impiger hostium
 Vexare turmas et frementem
 Mittere equum medios per ignes.

25 Sic tauriformis volvitur Aufidus,
 Qui regna Dauni praeffluit Apuli,
 Cum saevit horrendamque cultis
 Diluviem meditatur agris,

Ut barbarorum Claudius agmina
 30 Ferrata vasto diruit impetu
 Primosque et extremos metendo
 Stravit humum sine clade victor,

Te copias, te consilium et tuos
 Praebente divos. Nam tibi quo die
 35 Portus Alexandria supplex
 Et vacuum patefecit aulam,

Fortuna lustris prospera tertio
 Belli secundos reddidit exitus,
 Laudemque et optatum peractis
 40 Imperiis decus arrogavit.

Te Cantaber non ante domabilis

Atlantis septem filiae inter stellas relatae, latine Vergiliae. Exoriuntur a. d. VI. Id. Octobr., celantur a. d. VIII. Id. April. — *per ignes*] Tiberius ipse fortiter pugnavit et immiscuit se ardentissimae pugnae. — *tauriformis*] Fluvii solebant fingi cum cornuto capite, imagine petita ab ingenti aquarum mugitu cf. Hom. II XXI, 237. Virg. Georg. IV, 371. Aen. VIII, 77. — *praeffluit*] vide ad Carm. IV, 3, 10 — *meditatur*] Alii ex codd. *minitatur*. Illud tamen magis aptum est ad personam, quam induit Aufidus fluvius; audacior etiam translatio lyrico carmine multo videtur esse dignior.

V. 30. *ferrata*] ferreis loriceis tecta. — *diruit*] Hoc quoque audacter translatum est ad ordines hostium, sed egregie describit ingentem vim, qua opus erat ad disiciendam Gallorum aciem; quae quia *ferrata* est, etiam diruitur cf. Liv. XXXIX, 18: „Bacchanalia diruere.“ — *stravit humum*] cf. Carm. III, 17, 12. — *Alexandrea*] Utraque forma usitata, Alexandria et Alexandria; Antiochea et Antiochia. Fuit is dies Kal. Sext. — *vacuum*] mortua Cleopatra. — *arrogavit*] Epist. II, 1, 15. A. P. 122. Est autem haec verbi significatio poetica pro dare alicui aliquid et suum. — *Cantaber*] cf. Carm. II, 6, 2. — *Indus*] Sueton. Oct. 21: „Indos etiam ac Scythas auditu modo cognitos pellexit ad amicitiam suam populiue Romani ultro per legatos petendam. Parthi

Medusque et Indus, te profugus Scythes
 Miratur, o tutela praesens
 Italiae dominaeque Romae!

45 Te fontium qui celat origines
 Nilusque et Ister, te rapidus Tigris,
 Te beluosus qui remotis
 Obstrepit Oceanus Britannis,

Te non paventis funera Galliae
 50 Duracque tellus audit Iberiae,
 Te caede gaudentes Sugambri
 Compositis venerantur armis.

Carmen XV.

Phoebus volentem proelia me loqui
 Victas et urbes increpuit lyra,

quoque et Armeniam vindicanti facile cesserunt et signa militaria, quae M. Crasso et M. Antonio ademerant, reposcenti reddiderunt.“ — *profugus*] cf. Carm. I, 35, 9. III, 24, 9. — *obstrepit*] cf. Carm. II, 18, 20. — *Britannis*] cf. Carm. I, 21, 15. I, 35, 30. III, 5, 3. — *non paventis*] vide Caes. B. G. VI, 14. — *durae*] cf. IV, 5, 27. — *Sugambri*] Graece Σύγανδροι et Σούγανδροι. Hi Lollius a. 737 magna clade affecerunt; inde caede gaudentes nominantur. Suet. Oct. 21: „Germanos ultra Albim fluvium summovit; ex quibus Ubios et Sugambros dedentes se traduxit in Galliam atque in proximis Rheno agris collocavit“

Carmen XV.

Celebrantur Augusti quasi pacificatoris orbis honores ac merita; ad quae non insolito quidem sed proprio modo aditus sic paratur. „Bella enim, inquit, et victorias cum canere vellem, prohibitus sum ab Apolline, ne parvo carmine magnas res detererem. Sed est etiam alia ratio tuarum laudum; tu enim non bellorum solum gerendorum sed pacis etiam restituendae artifex es, tu huic aetati pacem et eius omnia beneficia reddidisti.“ Reliquae septem strophae ita distributae sunt, ut media quae totius carminis est quinta, generalem sententiam habent de securitate totius imperii imperante Caesare Augusto; quam securitatem quibus artibus paraverit magnus ille vir strophae ostendunt secunda, tertia, quarta. Deinde tribus extremis strophis bene describitur quid Augusti imperium et auctoritas in populos valuerit, primum in hostiles et barbaros, tum in ipsos Romanos. — Temporis quo scriptum sit carmen non certa quidem sed multa insunt vestigia. Nam praeter vv. 6. 9. 22. ex quibus potest aliquid effici, versus 21 demonstrat, cum hoc scriberetur, victos iam fuisse Raetos et Vindelicos; quod cum factum sit

Ne parva Tyrrhenum per aequor
Vela darem. Tua, Caesar, aetas

5 Fruges et agris rettulit uberes

Et signa nostro restituit Iovi

Derepta Parthorum superbis

Postibus et vacuum duellis

Ianum Quirini clausit et ordinem

10 Rectum evaganti frena licentiae

Iniecit emovitque culpas

Et veteres revocavit artes,

Per quas Latinum nomen et Italae

a. 741, probabile videtur, non multo post hunc annum ortum esse carmen. Nam quod dicunt, v. 9. annum respici 744, quo Ianus tertium clausum affirmant, id duplici ratione infirmum est; nam primum in universum laudatur Augustus, quod sua aetate Ianus clausus sit — id quod bis factum erat a. 725 et 729 —, deinde quamquam diserte scriptum est apud veteres, sene Augusto tertium Iani templum clausum esse, incertum tamen est quo id anno factum credamus. Quare in tam dubia re recte iudicatum est, non debere hoc carmen ab reliquis huius libri iusto longius sine necessitate removeri.

V. 2. *increpuit lyra*] pulsata lyra me admonuit, ne relictis levioribus carminibus grandia tentarem, quibus impar esset mea lyra. Apollo enim quasi choragus est, qui cantores cum ab rectis modis aberrantes audit, graviter tacta lyra interpellat et *increpat* i. e. corrigit, erroris admonet. — *parva*] Non insolita poesis comparatio cum navigatione. Compara haec Propertii III, 9, 3: „Quid me scribendi tam vastum mittis in aequor? Non sunt apta meae grandia vela rati.“ Tyrrhenum autem mare non pro quovis mari, sed pro vasto, aperto mari. — *signa*] Restituta a Parthis arma a. u. 734, Crasso aliisque olim erepta, inter pacifica Augusti opera commemorari bene poterant, quia non bello coacti sed solo nominis Augusti terrore permoti Parthi sponte ea reddiderant. Quam rem Augustus pro magna victoria habuit. Quare Horatius eam cum clauso Iano etiam Epist. II, 1, 255 coniungendam putavit. — *postibus*] templorum in quibus suspensa fuerant. Peregrinis igitur diis erepta arma restituit Augustus *nostro Iovi*, i. e. rectis diis; quamquam re vera non Iovi sed Marti Ultori Augustus ea dicavit. cf. Epist. I, 18, 56. — *Ianum Quirini*] In hac re summa Augusti cernitur laus Nam: „Iannum Quirinum, inquit Suetonius (Oct. 22), semel atque iterum a condita Urbe memoriam ante suam clausum in multo breviori temporis spatio terra marique pace parta ter clusit.“ Dicebant quidem *Ianum Quirinum*, sed omnes codd. *Quirini*. Reliquit Horatius vulgarem formulam, ut Ianus a Quirino positum Quiritium esse indicaret — *ordinem rectum*] Per bella civilia pudor et severitas impudicitiae et luxuriae cessarent; restituit quantum quidem potuit Augustus castos mores legibus a. 736 de pudicitia atque de maritandis ordinibus perlatis. cf. Carm. IV, 5, 21 sq., quod carmen totum cum hoc apposite componatur. — *artes*] Intelliguntur frugalitas, patientia paupertatis, iustitia, conti-

Crevere vires famaue et imperi

15 Porrecta maiestas ad ortus
Solis ab Hesperio cubili.

Custode rerum Caesare non furor

Civilis aut vis exigit otium,

Non ira quae procudit enses

20 Et miseras inimicat urbes.

Non qui profundum Danubium bibunt

Edicta rumpent Iulia, non Getae,

Non Seres infidive Persae,

Non Tanain prope flumen orti;

25 Nosque et profestis lucibus et sacris

Inter iocosi munera Liberi

Cum prole matronisque nostris

Rite deos prius apprecati

Virtute functos more patrum duces

30 Lydis remixto carmine tibiis

mentia animi. — *emovitque*] Legitur etiam in codd. *amovitque*; illud tamen Horatianum. cf. Sat. II, 3, 28. Epist. II, 2, 46.

V. 15. *ad ortus*] Multi editores singularem numerum *ortum* ex codd. praetulerunt, nimirum ne toties sibi let littera *s*; a qua quam non abstinerit Horatius ut intelligas, compara hos locos: Carm. I, 2, 1. I, 12, 5. II, 18, 14. III, 7, 8. III, 17, 9. III, 18, 3. 4. III, 23, 1. III, 27, 73, alios. Deinde pluralis locum significat quo quotidie iteratur solis ortus. Eo enim consilio poetae pluralem saepe praetulerunt, ut quae certis temporibus certo ordine redirent ad exemplum naturae verborum vi pingerentur. cf. Carm. III, 24, 37. III, 19, 6. Virg. Georg. II, 481. — *custode rerum*] cf. Carm. III, 14, 14. — *exigit*] In codd. legitur etiam *eximit*, *eximet*, *exuet*. Hoc extremum ex errore scribarum ortum est; alterum *eximet* a recentibus etiam editoribus praelatum de rebus ingratis ac molestis potius dicitur, ut Carm. III, 14, 14. Exigere autem est quasi extra agere, expellere. — *vis*] bellica. — *inimicat*] inimicas inter se reddit. Grave hoc vocabulum Horatius primus ausus esse videtur. — *bibunt*] vide ad Carm. II, 20, 20. — *edicta Iulia*] leges ab Augusto iis impositas, foedera, pacta. — *Seres*] cf. Carm. I, 12, 56. — *infidive Persae*] Sic rectius quam *infidique*; assertur enim novum Persarum exemplum. Infidi autem dicuntur, quia saepius pactiones cum Romanis initas violarunt. — *iocosi Liberi*] cf. Carm. III, 21, 15. — *apprecati*] Praeter h. l. hoc verbum non legitur nisi bis apud Apuleium. — *more patrum*] De his laudibus maiorum in epulis celebratis vide Cic. Tusc. I, 2. IV, 2. — *duces*] quorum grata memoria animi hominum delectantur et superbia quadam implentur. cf. Hom. II. IX, 189. — *remixto*] Etiam hoc verbum *remiscere* pro *miscere* rarissimum; nam prae-

Troiamque et Anchisen et almae
Progeniem Veneris canemus.

ter duos Horatii locos (vide A. P. 151) duo tantum videntur esse loci Senecae, in quibus reperiatur. — *Lydis tibiis*] i. e. tibiis, quibus canitur ad modum Lydium Ex diversis enim modis musicis (harmoniiis) Lydius mollis et hilaris fuit conviviorumque hilaritati aptissimus. — *progeniem Veneris*] totam gentem Iuliam ab Iulo, Aeneae filio, ortam. Sic sensim ascendit oratio ad Augustum, qui ex tota stirpe Iulia summus et optimus a laetis et gratis convivis carminibus celebratur et libationibus colitur. cf. Carm. IV, 5, 31 sq.

Q. HORATII FLACCI

E P O D O N

L I B E R.

Carmen I.

Ibis Liburnis inter alta navium ,
Amice, propugnacula

Carmen. I.

Epodorum librum editum videri anno 725 supra iam p. 17 dictum est; falsa enim eorum est opinio quibus Octavianus tam infirmo et pusillo, Horatius tam vili et humili animo fuisse videbatur, ut quae in his inessent liberiora carmina (Epod. 7. 16) neque illum benevole accipere potuisse neque hunc in vulgus edere ausum esse sibi persuaderent et mortuo demum Horatio Epodos a grammatico aliquo collectos esse affirmarent. Nomen autem hoc genus carminum accepit a metro, quo duo simplices versus ita coniunguntur, ut aut longiorem brevior excipiat aut brevior longior sequatur. Quo metri genere ad exemplum Archilochi et aliorum Graecorum Horatius usus est in omnibus his carminibus excepto decimo septimo, quod siquidem non metri rei tamen natura reliquis cognatum est; de qua re memorabilis locus est ipsius poetae Epist. I, 19, 23. Monendum tamen est ne quis omnia quae in Epodis legantur nomina propter Archilochi imitationem vera statim habeat; immo vero consentaneum est in Epodis quoque fictis interdum nominibus aequales Horatii celari.

Anno u. c. 723 cum bellum in Cleopatram et Antonium pararetur, Maecenas Octavianum in bellum comitandi consilium cepit. Horatius pro necessitudine quae ei erat cum illo viro suum esse hoc carmine professus est, iisdem sese periculis quae amicus obiret obicere. Etenim „tu, inquit, Maecenas, amicum tui Octavianum comitaturus es in extrema belli pericula, idem ne ego faciam vetas. In qua re qui putas me tibi posse obtemperare? Immo paratus sum omnia tua pericula libenter obire, non lucri et praedae causa sed quia praesens tibi minus timeo quam Romae

Paratus omne Caesaris periculum

Subire, Maecenas, tuo:

5 Quid nos, quibus te vita si superstite

Iucunda, si contra gravis?

Utrumne iussi persequemur otium

Non dulce ni tecum simul,

An hunc laborem mente laturo, decet

10 Qua ferre non molles viros?

Feremus et te vel per Alpium iuga

Inhospitalem et Caucasum,

Vel Occidentis usque ad ultimum sinum

Forti sequemur pectore.

15 Roges tuum labore quid iuvem meo

Imbellis ac firmus parum?

Comes minore sum futurus in metu,

Qui maior absentes habet;

Ut assidens implumibus pullis avis

20 Serpantium allapsus timet

Magis relictis, non ut adsit auxili

Latura plus praesentibus.

Libenter hoc et omne militabitur

relictus." Haec Horatius; Maecenas deinde qui urbanis negotiis praecesset ab Octaviano relictus captum ante consilium non est persecutus.

V. 1. *Liburnis*] vide ad Carm. I, 37, 30. — *propugnacula*] Antonii magnae naves. Cic. Verr. II, 5, 34: „Navis ita magna, ut propugnaculo ceteris possit esse." Plin. II, N. XXXII, 1, 1: „Armatae classes imponunt sibi turrium propugnacula, ut in mari quoque pugnetur velut e muris." cf. Virg. Aen. VIII, 685—693. — *si superstite*] Alii *sit superst.*, quod facilius quidem minore tamen codicum auctoritate nititur. Nomina *te superstite* loco distracta metri quadam ratione coniunguntur. Ordo hic est: quibus vita si te superstite (sit), iucunda; si contra, gravis. Similiter esse verbum omissum infra v. 8. vide ad Carm. I, 20, 3. — *utrumne*] De hoc et similibus vide Zumpt. gr. lat. §. 352. — *laborem*] militiae. — *Caucasum*] cf. Carm. I, 22, 6. — *imbellis*] Carm. II, 6, 7. Alterum *firmus* ad valetudinem pertinet. — *Comes*] Respondent haec ad praecedentem interrogationem. — *Ut assidens*] „Quemadmodum avis implumibus pullis assidens serpentium impetus magis timet cum eos escae quaerendae causa reliquit, quam cum apud eos sedet, etiamsi praesens nihil possit auxilii ferre, ita ego quoque minore metu crucior praesens quam absens." *Relictis* dativus est suspensus a verbis *timet* et *assidens*; *ut adsit* est *etiamsi adsit*. Zumpt. gr. lat. §. 573. Iam vides quid sit indicandum de alia lectione *non uti sit*. — *militabitur bellum*] Audacter et nove dictum. Sed compara similia Carm. III, 19, 4. III, 3, 43.

Bellum in tuae spem gratiae,
 25 Non ut iuvenis illigata pluribus
 Aratra nitantur mea,
 Pecusve Calabris ante sidus fervidum
 Lucana mutet pascuis,
 Neque ut superni villa candens Tusculi
 30 Circaea tangat moenia.
 Satis superque me benignitas tua
 Ditavit; haud paravero
 Quod aut avarus ut Chremes terra premam,
 Discinctus aut perdam nepos.

Carmen II.

Beatus ille qui procul negotiis,
 Ut prisca gens mortalium,

Epist. I, 16, 25. — *nitantur mea*] In antiquissimis quidem libris *meis*; at Bentleius: „possessivum, inquit, cum propiore nomine coniungi debet: neque vero in *meis pluribus iuvenis* aut duplex adiectivum aut prava et luxata collocatio tolerari potest.“ — *Calabris*] „neque ut maxima ego latifundia habeam, quibus greges ante calores solis ex fervida Calabria in Lucaniam minus aestuosam aestivatum mittere possim.“ Varro R. R. II, 1, 16: „Mihi greges in Apulia hibernabant, qui in Reatinis montibus aestivabant.“ De mutandi verbo vide ad Carm. I, 17, 2. — *superni Tusculi*] Situm erat Tusculum in clivo leniter assurgente; iam cum haud dubie amoenior fuerit villa quae in superiore parte collis quam quae in inferiore sita, nihil erit causae cur relativum adiectivum *supernus*, quo infernae v. inferioris partis ratio habetur, ad exemplum loci Carm. III, 4, 23 in *supini* cum Bentleio mutetur. *Supernus* neque apud Ciceronem neque apud Caesarem legitur. — *Circaea moenia*] vide ad Carm. III, 29, 8. — *Satis*] cf. Carm. II, 18, 12. III, 16, 38. Sat. II, 6, 1. — *Chremes*] Exemplum avari senis ex Menandri aliqua fabula. — *discinctus*] luxuriosus; discingi enim ut corporis ita animi quoque molliem et turpitudinem quandam designat. Ovid. Am. I, 9, 41: „Ipse ego segnis eram discinctaque in otia natus.“ — *perdam nepos*] Sic antiquissimi codices; unde postea factum videtur *perdam ut nepos*. cf. Epod. 2, 5.

Carmen II.

Inducitur Alfius, fenerator eius aetatis notissimus, molliore quadam animi affectione nescio quo casu motus et rusticae vitae suavitates et delicias facundo ore praedicans. Cuius qui seriam et severam orationem per sexaginta sex versus continuatam audiverit, expectabit certo hunc hominem fenore posito urbem et negotia statim esse relicturum. Quae quidem spes egregie fallitur, nam „Naturam expellas furca, tamen

- Paterna rura bobus exercet suis
 Solutus omni fenore,
 5 Neque excitatur classico miles truci,
 Neque horret iratum mare,
 Forumque vitat et superba civium
 Potentiorum limina.
 Ergo aut adulta vitium propagine
 10 Altas maritat populos,
 Aut in reducta valle mugientium
 Prospectat errantes greges,
 Inutilesve falce ramos amputans
 Feliciores inserit,
 15 Aut pressa puris mella condit amphoris,
 Aut tondet infirmas oves;
 Vel cum decorum mitibus pomis caput

usque recurret" (Epist. I, 10, 24). Laudat vir ille bonus vitam rusticam, redigit pecuniam in fenore positam Idibus tanquam praedia empturus, sed vincit avaritia et proximis Kalendis pecunia iterum fenori datur. Omnis carminis *εἰσுவρετα* inest in gravi illo *ἀνρωςδρηχίτω*, quo homines alia saepe laudant alia sequuntur. Est igitur tota descriptio ex illo genere, quod satira prima alia ratione-propositum et castigatum legimus. Fuerant qui Horatium Virgilii locum Georg. II, 458sq. amabili quadam irrisione respexisse putarent; fuit etiam qui ad Tibulli carmina quaedam libri primi totum carmen accommodatum diceret; neutrum habet idoneas quibus possit recte defendi causas.

V. 1. *negotiis*] saepe de omni genere quaestus, sed imprimis de eo quod ex fenore reddit. Epist. I, 6, 33. — *exercet*] eleganter pro *subigit*. cf. Carm. IV, 14, 21. Virg. Georg. I, 99. — *truci*] ob sonitum ut hostibus ita saepe dormientibus militibus terribilem. — *ergo*] Ab his igitur molestiis agricola cum liber sit, totum se dare potest naturae amoenitatibus; quarum quidem magna quaedam tabula deinde proponitur. — *adulta propagine*] Novellae vites tertio anno cum radices satis egisse viderentur, *maritari* solebant. vide ad Carm. II, 15, 4. *Altas* adiectivum ex natura earum arborum petiitum non est inane neque mutandum in *altas*, in quod incidit Lambinus. — *Aut. in reducta*] Ne maritatio vitium ab simili opere putationis et insitionis arborum separaretur, multi editores invitis codicibus hunc versuum ordinem restituendum censuerunt, ut vv. 11. 12 insequentium versuum 13. 14 locum occuparent. Maritatio autem mense fit Octobri, putatio et insitio Martio; inter utramque ad ordinem anni et naturae armentorum prospectus ponitur ut arborum intermissio et agricolarum voluptas. cf. Carm. I, 17, 17. — *inutilesve*] Sic ex Bentleyi coniectura pro *inutilesque*, ne diversa male coniungi videantur. Idem iudicandum de versu 35. — *feliciores*] Frugiferae arbores felices nominantur. Virg. Georg. II, 81. Liv. V, 24.

V. 16. *infirmas oves*] imbecillas multisque morbis obnoxias. — *vel cum*] „Vel sic usurpatum eam habet potestatem, ut transitum paret ad

- Auctumnus agris extulit,
 Ut gaudet insitiva decerpens pyra,
 20 Certantem et uvam purpurae,
 Qua muneretur te, Priape, et te, pater
 Silvane, tutor finium.
 Libet iacere modo sub antiqua ilice
 Modo in tenaci gramine.
 25 Labuntur altis interim ripis aquae,
 Queruntur in silvis aves,
 Fontesque lymphis obstrepunt manantibus,
 Somnos quod invitet leves.
 At cum tonantis annus hibernus Iovis
 30 Imbres nivesque comparat,
 Aut trudit acres hinc et hinc multa cane
 Apros in obstantes plagas,
 Aut amite levi rara tendit retia,
 Turdis edacibus dolos,
 35 Pavidumve leporem et advenam laqueo gruem
 Lucunda captat praemia.
 Quis non malarum quas amor curas habet
 Haec inter obliviscitur?
 Quodsi pudica mulier in partem iuvet

alia, cum respicit ad praegressa." Wagner ad Virg. Aen. XI, 406. — *agris*] Hoc praefarendum auctoritate codicum alteri lectioni *arvis*; quamquam arva quoque pomifera sunt ut Prop. IV, 7, 81: „Pomosis Anio qua spumifer incubat arvis." — *ut gaudet*] cf. Carm. III, 25, 12. infra 61. — *insitiva*] ab ipso inserta. — *purpurae*] Codd. aliquot *purpura*; sed vide ad Carm. I, 3, 13 — *tenaci gramine*] ant. propter altitudinem, quod pedes euntium quasi tenet; aut quod terrae firmiter adhaeret. — *obstrepunt*] iacenti. Liv. XXI, 56 Ingeniosa sed non necessaria Marklandi coniectura *frondesque* ad exemplum Propertii IV, 4, 4: „Multaque nativis obstrepit arbor aquis" — *tonantis*] Epitheton ornans neque ad anni solum tempus aptum. Describuntur gaudia hiberna. — *hinc et hinc*] Sic poetae, quibus quae remota sunt etiam praesentia videntur, pro *hinc et illinc*. Id imitati sunt prosaici scriptores a Livii tempore: Liv. XXI, 8, 1, 13, 2. cf. Epod. 4, 9. Carm. I, 34, 14 sqq. — *rara*] opponuntur densis; sic rariores silvae apud Tacitum Agr. 37. — *amite*] pertica aucupali. — *edacibus*] Bene additum; edacitas enim fraudi iis est.

V. 35. Notandus hic versus qui celeritate anapaestorum et tribrachys cursum leporis et volatum gruvis imitari videtur. Plin. X, 23, 31 grues hiemis, ciconias aestatis advenas appellat. — *malarum*] Male intellexerunt amorem habendi, cum sit feminarum. De attractionis genere lege Zumpt. gr. lat. §. 814. — *Haec inter*] vide ad Carm. III, 3, 11.

- 40 Domum atque dulces liberos,
 Sabina qualis aut perusta solibus
 Pernicis uxor Apuli,
 Sacrum vetustis exstruat lignis focum
 Lassi sub adventum viri,
- 45 Claudensque textis cratibus lactum pecus
 Distenta siccet ubera,
 Et horna dulci vina promens dolio
 Dapes inemptas apparet:
 Non me Lucrina iuverint conchyliis
- 50 Magisve rhombus aut scari,
 Si quos Eois intonata fluctibus
 Hiems ad hoc vertat mare;
 Non Afra avis descendat in ventrem meum,
 Non attagen Ionicus
- 55 Iucundior quam lecta de pinguis-
 oliva ramis arborum
 Aut herba lapathi prata amantis et gravi
 Malvae salubres corpori
 Vel agna festis caesa Terminalibus,
- 60 Vel haedus ereptus lupo.
 Has inter epulas ut iuvat pastas oves
 Videre properantes domum,
 Videre fessos vomerem inversum boves
 Collo trahentes languido
- 65 Positosque vernas, ditis examen domus,

— *Sabina*] vide ad Carm. III, 6, 38. Describitur inde ab hoc loco rusticorum vita domestica; ita ut tota haec laudatio in duas fere aequales partes dividatur, quarum altera vitam rusticam extra domum, altera in domo habeat. Quae de amore dicta sunt, ea ab altera ad alteram legentes transducunt. — *exstruat focum*] Ne quid audacter dictum putes pro *tigna in foco exstr.* compara Ciceronem Tusc. V, 21, 62. — *horna vina*] pro simplicitate rustica. — *inemptas*] domi natas. Virg. Georg. IV, 132 sq. — *Lucrina*] e laeu Lucrino. Sat. II, 4, 32. — *Eois*] praecipue Syriae. — *intonata*] cum tonitru inmissa; praeter h. l. non videtur inveniri haec forma. — *Afra avis*] gallina Numidica, Perlhuhn. — *malvae*] cf. Carm. I, 31, 16. Sat. II, 4, 27 sqq. — *Terminalibus*] a. d. VII. Kal. Mart. Ovid. Fast. II, 653: „Spargitur et caesa communis Terminus agna“ — *ditis*] Poetica haec forma a prosaïcis scriptoribus recepta est ab Augusti demum aetate. Liv. XLII, 34. cf. Tibull. II, 1, 23: „Turbaque vernarum, saturi bona signa coloni.“ Sat. II, 6, 66. — *residentes*] tersi

Circum renidentes lares.
 Haec ubi, locutus fenerator Alfius,
 Iam iam futurus rusticus,
 Omnem redegit Idibus pecuniam;
 70 Quaerit Kalendis ponere.

Carmen III.

Parentis olim si quis impia manu
 Senile guttur fregerit,
 Edit cicutis allium nocentius.
 O dura messorum ilia!
 5 Quid hoc veneni saevit in praecordiis?
 Num viperinus his cruor
 Incoctus herbis me fefellit? an malas
 Canidia tractavit dapes?
 Ut Argonautas praeter omnes candidum
 10 Medea mirata est ducem,
 Ignota tauris illigaturum iuga
 Perunxit hoc Iasonem;

ac politi; hellpolirt, spiegelblank. — *iam iam*] vide ad Carm. II, 20, 9. — *Idibus*] Cic. Catil. I, 6. Hor. Sat. I, 3, 87. Kalendis, Nonis, Idibus pecunia a feneratoribus aut in fenus dabatur aut redigebatur a debitoribus. — *ponere*] cf. A. P. 421. Cic. pro lege Manil. 7, 18. *Redigere* pecuniam est apud varios debitores collocatam exigere.

Carmen III.

Videtur olim Maecenas Horatio moretum, cibi aliquod genus ex diversis oleribus, etiam allio compositum commendavisse; quod cum gustasset Horatius visceraque ardore et dolore affecta haberet, seriam is rem in iocum vertit, exsecratur allium dirissimis venenis nocentius, Maecenatique qui se iocosa quadam malignitate decepisset iocosam etiam poenam optat. Quo anno carmen scriptum sit non liquet; neque tamen vehementer erraveris, si propter familiaritatem qua cum Maecenate poeta coniunctus iam vixit duobus tribusve post iter Brundisium annis talia scribi potuisse putes.

olim] vide ad Carm. II, 10, 17. — *fregerit*] Carm. II, 13, 6; quo scelere gravius nullum est. — *edit*] vide Zumpt. gr. lat. § 162. — *messorum*] qui ferre possint tam durum venenum. cf. Virg. Buc. 2, 10. — *viperinus cruor*] ut Carm. I, 8, 9, praesentissimum venenum. — *Canidia*] vide ad Epod. 5. — *tractavit*] cf. Carm. II, 13, 10. — *praeter omnes*] Coniungenda haec sunt cum *candidum*, non cum *mirata est*; cum quadam elegantia pro *magis quam*. Epod. 11, 3. — *Iasonem*] ut

- Hoc delibutis ulta donis pellicem,
 Serpente fugit alite.
 15 Nec tantus unquam siderum insedit vapor
 Siticulosae Apuliae,
 Nec munus humeris efficacis Herculis
 Inarsit aestuosius.
 At si quid unquam tale concupiveris,
 20 Iocose Maecenas, precor
 Manum puella savio opponat tuo,
 Extrema et in sponda cubet.

Carmen IV.

Lupis et agnis quanta sortito obtigit
 Tecum mihi discordia est,
 Hibericis peruste funibus latus

is resistere posset flammis quas taurus evomere solebat. — *hoc*] Magna cum vi repetitur pronomen ex superiori, quo nihil certius esse indicetur nisi venenum Medae ex alio fuisse factum. — *pellicem*] cf. Epod. 5, 63 sqq. Est Glauce vel Creusa, Creontis regis Corinthi filia, quam cum Iason in matrimonium duxisset, repudiata Medea palla veneno imbuta combussit; quo facto Medea curru draconibus alatis iuncto per aërem Athenas aufugit. cf. Carm. IV, 11, 26. — *vapor*] proprie calida exhalatio, deinde ipse calor unde illa efficitur. Sic Lucretius II, 148: „vapor is quem sol mittit.“ Cic. de Sen 15, 51. — *siticulosae*] cf. Carm. III, 30, 11. — *munus*] Ovid. Met. IX, 130. — *efficacis*] Carm. IV, 8, 30. Cic. Fam. VIII, 10, 3: „Nosti Marcellum quam tardus et parum efficax sit.“

Carmen IV.

Invehitur Horatius acerbissime in hominem quendam, qui olim nequissimum mancipium malis artibus divitias sibi et auctoritatem paraverat. In qua re bene animadvertendum est, Horatium non servili qua ille fuisset condicione ut hominem vehementissime castigaret commotum esse, sed vilitate et nequitia quam paratae opes arrogantia et iactantia quasi cumulo auxissent. Pecunia enim non mores mutat sed rationem qua quales sint mores proditur. Ille enim servus furta egit et nequitias, ut flagellis et compedibus a domino coereretur; dives factus et tribunus militum omnium in via Appia ambulantium proborum hominum indignationem et odium sibi contraxit. Scriptum carmen est cum classis pararetur contra latrones et piratas S. Pompeii a. u. 718. Fuit autem qui castigatur tribunus militum in exercitu ipsius Octaviani, non Sextus Menas, Pompeii libertus. In titulis nonnullorum codicum nominatur Vedius quidam Rufus.

sortito] sorte s. lege natura. — *Hibericis*] ex sparto Hispanico

Et crura dura compede.
 5 Licet superbus ambules pecunia ,
 Fortuna non mutat genus.
 Videsne, sacram metiente te viam
 Cum bis trium ulnarum toga ,
 Ut ora vertat huc et huc euntium
 10 Liberrima indignatio ?
 Sectus flagellis hic triumphalibus
 Praeconis ad fastidium
 Arat Falerni mille fundi iugera
 Et Appiam mannisi terit ,
 15 Sedilibusque magnus in primis eques
 Othone contempto sedet.
 Quid attinet tot ora navium gravi

tortis. — *peruste*] Epist. I, 16, 47. Urunt enim vulnera flagellis facta.
 — *compe*] In prosa oratione usitatus solus fuit pluralis numerus; aptior utique, cum compedibus pedes utrimque vincti constringerentur. Poetae primum usi sunt ablativo singularis, postea etiam genitivo et accusativo. — *ambulet*] Sat. I, 2, 25. I, 4, 66; respicitur hominis affectatio dignitatis et gravitatis. — *genus*] Male interpretati sunt servilem condicionem, cum sit genus morum. Illam Horatius libertini filius recto iudicio munitus non vituperasset. — *Sacram metiente*] Sacram viam, quae ad Capitolium ducebat, frequentare solebat otiosorum hominum turba. Sat. I, 9, 1. *Metiri* autem acerbe dictum de homine qui otiosus et vanus totam viam perambulat, aliis scilicet ut ostendat quam amplis et pretiosis vestimentis utatur. Talis enim toga est quae insequentibus versu describitur; cui nihil desit quod delicato etiam homini gratum et iustum possit videri. In codd. scriptum est *bis ter*; ex quibus verbis cum apta sententia non possit extorqueri, recipienda fuit ingeniosa Barthii coniectura *bis trium*, praesertim cum aliquid auxilii accedat ex scriptura duorum bonorum codicum *bis . t . ulnarum*; quam vides facile potuisse ab incantis scribis corrumpi. — *huc et huc*] poetice pro huc et illuc. vide ad Epod. 2, 31. — *triumphalibus*] Quae sequuntur usque ad finem carminis imitantur sermones hominum, qui tam nefarium hominem sumptuosis mollissimisque vestibus indutum gloriari indignabantur. Triumviri capitales de delictis servorum aliorum hominum vilioris generis, etiam peregrinorum cognoscebant supplicis eorum praerant. A quibus damnatus si quis caederetur, praeco simul criminis et poenae genus magna voce proclamabat. — *Falerni*] et amoenissimi et fertilissimi. — *mannisi*] vide ad Carm. III, 27, 7. — *terit*] frequentibus ad sna in Campania praedia itineribus. — *Othone*] L. Roscius Otho trib. pl. a. n. c. 687 lege vetuit ne quis in quattuordecim gradibus orchestrae, in qua senatores sedebant, proximis sederet, nisi qui eques et equestri censu esset. Hic igitur homo tam fuit dives, ut legem Rosciam theatralem facile posset contemnere. — *Quid attinet*] nil expedit, nil prodest. Cic. Fin. IV, 22: „Quid attinet cum iis, quibuscum re concinebat, verbis discrepare?“ — *ora navium rostrata*] Nihil mutandum neque cum Bentleio scribendum *tot aera* aut cum Sanadono *rostra* — *aerata*. Poe-

Rostrata duci pondere
 Contra latrones atque servilem manum
 20 Hoc, hoc tribuno militum?

Carmen V.

At o deorum quidquid in coelo regit
 Terras et humanum genus,

tarum oratio non est coercenda vulgari dicendi ratione aut nostrorum
 lexicorum copia et legibus.

Carmen V.

Describitur in hoc carmine, quod totum dramaticum est, philtorum
 magicorum terribilis apparatus. Quo consilio in medias res poeta le-
 gentes ducit raptumque puerum, cuius intestinīs sagae uti volunt, mi-
 rantem et querentem, quod subita vi vestimentis privatum se videat,
 inducit. Iam indicatur quo ornatu mulieres quid agant; Canidia vipe-
 ris in capillum insertis componit singulas partes philtri: caprificos et
 cupressus funebres, ova et plumas strigis ranae sanguine infecta, her-
 bas magicas ex Thessalia et Hiberia collectas, ossa esurienti cani erepta
 eiusque sanie conspersa, quibus omnibus postea addantur medulla et
 iecur pueri fame necati; altera, Sagana, domum conspergit aqua Averni
 lacus (cf. Cic. Tusc. I, 16); tertia, Veia, scrobem effodit, in quem in-
 iciatur miser ille puer; quarta, Folia carminibus devocat sidera et lu-
 nam. Inter quas praecipua est Canidia, propter quam omnia parantur;
 ea enim Varum iam senem, a quo olim amata tum relicta est, magica
 vi ad se reducere tentat. Quae dicuntur in hoc carmine a Canidia
 (v. 49), a multis male intellecta sunt; ipsa enim cum hoc agit senem
 illum neque videt neque audit, nam quaecunque id indicare videntur ad
 furorem et ardentem cupiditatem mulieris referenda sunt. „Adeste, in-
 quit, nocturna numina, mihi auxilio, adversariis, meis terrori; Varum
 enim cogam, ut ardenti amore ad me agitatus nocturno tempore uncto
 capillo et delicato ornatu domum relinquat; canes ex somno excitet,
 vicinos ex domo eliciat ab omnibusque derideatur. Sic me ulciscar
 (v. 60).“ Qui insequuntur versus causas ostendunt, quibus Canidia ira
 ac furore excitata ut certissimo et extremo artis suae genere utatur
 permota esse dicitur. Nam „quid, clamat, factum est? Cur solitae ar-
 tes nihil adiuvant? Nullas tamen neque herbas neque radices inex-
 pertas reliqui, immo etiam lectulum eius unguentis illevi, quae aliarum
 anorem omnem ex eius animo delere debebant.“ Quibus verbis tum
 cum acerbitate et ira ridens haec addit: „At vero alia et potentior saga
 me superasse videtur; sed nondum ostendi quid ego valeam.“ Iam
 cum in eo sit, ut puerum in fossam iniiciat terraque usque ad os te-
 gat, miser ille in dirissimas execrationes erumpit. Quibus Horatius
 sapienter carminis finem fecit; pueri enim necem poeta neque potuit
 describere neque debuit, cum id quod vellet, nimirum ut insaniam im-
 manium mulierum vehementer carperet, satis effecisset. Sunt carminis
 quattuor partes: 1) pueri nescientis quid sibi pararetur querela, v. 1—
 10; 2) apparatus omnium rerum quae sagis sunt necessariae, v. 11—46;
 3) preces et consilium Canidiae, v. 47—82; 4) execratio pueri, v. 83

- Quid iste fert tumultus? et quid omnium
 Vultus in unum me truces?
 5 Per liberos te, si vocata partubus
 Lucina veris affuit,
 Per hoc inane purpuræ decus precor,
 Per improbaturum hæc Iovem,
 Quid ut noverca me intueris aut uti
 10 Petita ferro belua?
 Ut hæc trementi questus ore constitit
 Insignibus raptis puer,
 Impube corpus quale posset impia
 Mollire Thracum pectora,
 15 Canidia brevibus implicata viperis
 Crines et incomptum caput
 Iubet sepulcris caprificos erutas,
 Iubet cupressus funebres
 Et uncta turpis ova ranae sanguine
 20 Plumamque nocturnae strigis
 Herbasque, quas Iolcos atque Hiberia
 Mittit venenorum ferax,
 Et ossa ab ore rapta ieiunae canis
 Flammis aduri Colchicis.
 25 At expedita Sagana per totam domum
 Spargens Avernales aquas
 Horret capillis ut marinus asperis
 Echinus aut currens aper.

—102. Principales igitur partes, altera et tertia, tricenos senos habent versus; quarta duplicem habet versuum numerum primæ partis. Videtur carmen eodem fere tempore scriptum quo Sat. I, 8; quæ hic severe et graviter reprehenduntur, eadem satira illa ridendo proferuntur. In Satiris enim ridendo dicitur verum.

V. 1. at] Significat particula dolorem et aegritudinem cum animi quadam vehementia. Incipit Ovidius Her. XII, 1 eadem particula. — *partubus veris*] si liberos vere habes, non alios supposuisti. Epod. 17, 50. De Lucina cf. C. S. 15. — *purpuræ*] togæ prætextæ; eadem et bulla insignia sunt, quæ leguntur v. 12. — *implicata viperis*] Furiarum instar. — *sepulcris erutas*] scilicet quæ validiores in hac re haberentur. — *ranae*] bufonis. — *Iolcos*] Thessalæ enim mulieres notæ veneficiis et magicis artibus. Hiberia autem regio Ponti est; frequentes ibi venenatæ herbae, quibus olim Medea usa est. — *Sagana*] Hæc Canidiæ socia commemoratur etiam Sat. I, 8, 25. — *Avernales aquas*] Virg. Aen. IV, 512. — *currens aper*] in venatores ruens. Ovid. Halieut.

- Abacta nulla Veia conscientia
 30 Ligonibus duris humum
 Exhaustiebat ingemens laboribus,
 Quo posset infossus puer
 Longo die bis terque mutatae dapis
 Inemori spectaculo,
 35 Cum promineret ore quantum exstant aqua
 Suspensa mento corpora:
 Exsucta uti medulla et aridum iecur
 Amoris esset poculum,
 Interminato cum semel fixae cibo
 40 Intabuissent pupulae.
 Non defuisse masculae libidinis
 Ariminensem Foliam
 Et otiosa credidit Neapolis
 Et omne vicinum oppidum,
 45 Quae sidera excantata voce Thessala
 Lunamque coelo deripit.
 Hic irresectum saeva dente livido
 Canidia rodens pollicem
 Quid dixit aut quid tacuit? O rebus meis
 50 Non infideles arbitrae
 Nox et Diana, quae silentium regis,
 Arcana cum fiunt sacra,

59: „Actus aper setis iram denuntiat hirtis.“ Supervacanea igitur coniectura *Laurens*. — *bis terque*] Male olim *bis terve*; nam *bis terque* significat *saepius*, *bis terve* est pro *raro*. — *inemori*] vide ad Carm. I, 5, 8. — *exsucta*] Probata haec lectio bonis codicibus et antiquissimorum Cruquii codicum glossa *extracta*. In aliis *exsecta*, *exesa*, similia. — *cum semel*] simul ac. Sat. II, 1, 24 — *otiosa Neapolis*] Fuerunt qui ex hoc nomine concluderent scenam huius epodi Neapoli esse; in quo eos errasse docent versus 58 et 100. Canidia Romae vixit ibique scelus hoc nefarium committitur. Cur Neapolin nominaverit poeta, in promptu est; fuit enim, si scholiastis fides habenda, Canidia Neapolitana, vero nomine Gratidia; tum otiosa est Neapolis, Graeculorum more talium rerum curiosa, quae cum huius rei rumor esset allatus avide omnia arripuit. Liv. VIII, 22. Neque minus errare videntur qui Canidiam olim ab Horatio amatam tradunt. Nusquam enim amoris vestigium. *excantata*] Epod. 17, 4. Virg. Buc. 8, 69. De voce Thessala vide ad Carm. I, 27, 21. — *irresectum*] Hoc quoque Furiis proprium, rabiei signum. — *livido*] ut vetulae. — *tacuit*] Epist. I, 7, 72.

V. 51. *Diana*] Hecate. Carm. III, 22, 4. Sacris omnibus silentio

- Nunc nunc adeste, nunc in hostiles domos
 Iram atque numen vertite!
- 55 Formidolosis dum latent silvis ferae
 Dulci sopore languidae,
 Senem, quod omnes rideant, adulterum
 Latrent Suburanae canes
 Nardo perunctum, quale non perfectius
 60 Meae laborarint manus.
 Quid accidit? Cur dira barbarae minus
 Venena Medae valent?
 Quibus superbam fugit ultra pellicem,
 Magni Creontis filiam,
 65 Cum palla, tabo munus imbutum, novam
 Incendio nuptam abstulit.
 Atqui nec herba nec latens in asperis
 Radix fefellit me locis.
 Indormit unctis omnium cubilibus
 70 Oblivione pellicum.
 Ah ah! solutus ambulat veneficae
 Scientioris carmine.
 Non usitatis, Vare, potionibus,
 O multa fleturum caput,
 75 Ad me recurres nec vocata mens tua
 Marsis redibit vocibus.

opus est, etiam magicis. — *hostiles domos*] earum quae Varum a Canidia ad se detraxerant. — *formidolosis*] Habet h. v. et activam et neutralem significationem; illa cum aperta sit altero loco Horatiano quo legitur, Carm. II, 17, 18, praetuli hanc vetustissimorum codicum scripturam; qui cum aliis codicibus *formidolosae* scribendum censerent, iis tenenda contraria est vis vocabuli. — *Suburanae*] Subura regio urbis Romae, ubi habitabant diffamatae mulieres in iisque Canidia. — *latrent*] De accusativo cf. Sat. II, 1, 85. Epist. I, 2, 66. — *laborarint*] Ne antiquissimi quidem codices consentiunt; alii *laborarunt* exhibent. Coniunctivus potentialis videtur praestare. — *superbam*] Hic quoque antiquissimi codices fluctuant inter *superbam* et *superba*. Metro etiam praefereendus accusativus — *Creontis*] vide ad Epod. 3, 13. — *Ah, ah*] risus cum acerba cavillatione. — *solutus*] Epist. 17, 45. — *vocata mens*] ad me vocata mens tua nunquam ad te redibit, h. e. nulla vi ab insano mei amore liberari poterit. — *Marsis vocibus*] Marsis carminibus; de quibus Gellius XVI, 11: „Marsis hominibus vi quadam genitili datum est, ut serpentium virulentorum domitores sint et incentionibus herbarumque sucis faciant medelarum miracula.“

Malus parabo, malus infundam tibi
 Fastidienti poculum,
 Priusque coelum sidet inferius mari
 20 Tellure porrecta super,
 Quam non amore sic meo flagres, uti
 Bitumen atris ignibus.
 Sub haec puer iam non ut ante mollibus
 Lenire verbis impias,
 25 Sed dubius unde rumperet silentium,
 Misit Thyesteas preces:
 Venena magnum fas nefasque, non valent
 Convertere humanam vicem.
 Diris agam vos: dira detestatio
 30 Nulla expiatur victima.
 Quin ubi perire iussus exspiravero,
 Nocturnus occurram furor,
 Petamque vultus umbra curvis unguibus,
 Quae vis deorum est manium,
 35 Et inquietis assideus praecordiis
 Pavore somnos auferam.
 Vos turba vaticum hinc et hinc saxis petens
 Contundet obscoenas anus;
 Post insepulta membra different lupi

Epod. 17, 28. Sat. I, 9, 29. — *atris ignibus*] nam atrum ipsum bitumen atrum fumum edit. cf. Virg. Georg. III, 451. — *sub haec*] Statim postquam Canidia haec dixit. Haec enim particula utrumque tempus significat et quod proxime aliquam rem praecedat et quod statim sequitur. Quare compara Sat. II, 8, 43 et Carm. I, 9, 19. Sat. II, 1, 9. II, 7, 109 Epist. II, 2, 169. Sat. II, 7, 33. I, 1, 10. Epist. I, 16, 22. *Thyesteas preces*] vide Cic. Tusc. I, 44 — *Venena*] Difficillimum hunc et diversissime tentatum locum ita optime expedies, si ex verbis *non valent* ipsum verbum *valent* omissa negante particula repetas: *venena* valent quidem magnum fas nefasque convertere i. e. confundere, non valent convertere humanam vicem, hominum sortem. Sic Tac. Ann. XII, 64: „Agrippina, quae filio dare imperium, tolerare imperitantem nequibat.“ cf. ib. XIII, 56: „Deesse nobis terra, in qua vivamus, in qua moriamur non potest.“ Deinde cf. Suet. Aug. 66: „vicem suam conquestus est.“ Si quis *magnum fas nefasque* nominativum esse putet, repugnare is videat consuetudinem Horatianam, qua singularis *valet* postularetur; praeterea *venena* non possunt dici pro veneficis. Tertium interpretandi genus reperies apud Zumpt. gr. lat. §. 453 extr. — *nulla expiatur*] cf. Carm. I, 28, 34. — *nocturnus furor*] Interfectorum animas perpetuo sequi et terrere eos, a quibus necati essent, vulgaris antiquitatis opinio fuit. Virg. Aen. IV, 385. Cic. Rosc. Am. 24, 67. — *hinc*

100 Et Esquillinae alites,
Neque hoc parentes heu mihi superstites
Effugerit spectaculum.

Carmen VI.

Quid immerentes hospites vexas canis
Ignavus adversum lupos?
Quin huc inanes, si potes, vertis minas,
Et me remorsurum petis.
5 Nam qualis aut Molossus aut fulvus Lacon,
Amica vis pastoribus,
Agam per altas aure sublata nives,
Quaecunque procedet fera;
Tu cum timenda voce complesti nemus,
10 Proiectum odoraris cibum.
Cave, cave: namque in malos asperrimus
Parata tollo cornua,

et hinc] vide ad Epod. 2, 31. — *Esquillinae alites*] rapaces, quae cada-
vera quaerunt. De Esquiliis cf. Sat. 1, 8, 14. Hiatus proprio nomine
excusatur. — *heu*] Luget quod parentes habiturus sit superstites, cum
naturae lege filii parentibus superstites esse debeant.

Carmen VI.

Acerbissimum carmen in hominem ignotum, qui innocentes et pe-
grinos homines, qui ipsi se non potuerunt defendere, malignis carmi-
nibus — nam videtur poeta fuisse — erat calumniatus. Horatius se
comparat cum cane pastoralis, qui natura fidelis ac mitis, si qua fera
gregem aggressa sit, in furorem agatur; adversarium cum venatico ac
malo, qui vehementi latratu fortitudinem quidem promittat, sed cum in
silvam a domino missus sit muneris statim obliviscatur neque ferarum
vestigia sed proiecti cibi odorem sequatur, fortitudinem autem in allatran-
dis viatoribus expomat. Quod cum venaticus faciat, haud procul abest
pastoralis canis, pascentis gregis custos; qui iusta ira motus concrepat
statim latratorem et „in me, clamat, verte minas, me pete remorsurum“
cet. Relicta hac imagine v. 11 triplici ratione proverbii et exemplo
poeta quid sentiat declarat. Scholiastae nominant Cassium quendam
Severum, maledicum oratorem, qui a. u. 786 senex mortuus est. Alii
de Maevio poeta cogitarunt; de quo vide Epod. 10.

canis] natura impudens. — *quin vertis*] vide Zumpt. gr. §. 542.
Non recte in nonnullis codd. *verte* et *pete*. — *Molossus*] cf. Virg. Georg.
III, 405. — *procedet*] Sic rectius quam quod inest in plurimis codici-
bus *praece*det: „quaecunque fera gregem aggressura silvam relinquet.“
— *cornua*] cf. Carm. III, 21, 18. Sumptum ex imagine tauri. — *Ly-*

Qualis Lycambae spretus infido gener
Aut acer hostis Bupalō.

15 An si quis atro dente me petiverit,
Inultus ut flebo puer?

Carmen VII.

Quo, quo scelesti ruitis? aut cur dexteris
Aptantur enses conditi?

Parumne campis atque Neptuno super
Fusum est Latini sanguinis?

5 Non ut superbas invidae Karthaginis
Romanus arces ureret,

Intactus aut Britannus ut descenderet
Sacra catenatus via,

Sed ut secundum vota Parthorum sua

cambae] Archilochus poeta Lycamben, qui filiam suam illi iam desponsam daturum se negaverat, tam contumeliosis versibus insectatus erat, ut et socer et sponsa aegritudinis medelam laqueo quaereret. Epist. I, 19, 25. 30 sq. — *Bupalō*] Plin. H. N. XXXVI, 5: „Bupalus et Anthernus clarissimi in ea (sculpendi) scientia fuere Hipponactis poetae aetate, quem certum est LX Olympiade fuisse. Hipponacti notabilis foeditas vultus erat; quamobrem imaginem eius lascivia iocorum ii proposuere ridendum circulis. Quod Hipponax indignatus amaritudinem carminum destrinxit in tantum, ut credatur aliquibus ad laqueum eos compulisse, quod falsum est.“

Carmen VII.

Cum civile bellum vix compositum iterum erumpere videretur, fatalem sortem imperii Romani conqueritur poeta, qua quod scelus olim Remo interfecto Romulus concepisset cruentissimis bellis mutisque cladibus luere deberent posterī. Illud quidem a prima urbis origine civitati quasi naturale et insitum scelus ut primo statim versu uno verbo designatur ita extremo carmine palam pronuntiatur. Scriptum autem carmen videtur oriente bello Perusino a. 713.

aptantur] Eleganter pro: gladii stringuntur, educuntur. cf. Sen. Agam. 425: „Ad militares remus aptatur manus.“ — *Neptuno*] per metonymiam pro *mari*. De praepositionis anastrophe vide ad Carm. III, 3, 11. — *non*] Iusta hoc positum brevitate pro: „quod quidem non est factum, ut cet.“ — *invidae*] Sall. Cat. 10. — *Sacra via*] vide ad Epod. 4, 7: „Ex porta Triumphali per Campum Martium, Velabrum, Circum maximum et qua nunc est arcus Constantini qui triumphabant inde per hanc viam procedebant usque ad locum arcus Septimii Severi, unde captivi dimittebantur ad dexteram in proximum carcerem Tullianum; triumphantes per clivum Capitolinum ad laevam ascendeabant ad Capitolium.“ *Fea*. — *Parthorum*] qui maxime metuendi infestissimique ha-

- 10 *Urbs haec periret dextera.*
 Neque hic lupis mos nec fuit leonibus
 Unquam nisi in dispar feris.
 Furorne caecus, an rapit vis acrior,
 An culpa? Responsum date!
 15 *Tacent, et albus ora pallor inficit*
 Mentesque percussae stupent.
 Sic est: acerba fata Romanos agunt
 Scelusque fraternae necis,
 Ut immerentis fluxit in terram Remi
 20 *Sacer nepotibus cruor.*

Carmen VIII.

- Rogare longo putidam te saeculo,*
 Vires quid enervet meas,
 Cum sit tibi dens ater et rugis vetus
 Frontem senectus exaret,
 5 *Hietque turpis inter aridas nates*
 Podex velut crudae bovis?
 Sed incitat me pectus et mammae putres
 Equina quales ubera,
 Venterque mollis et femur tumentibus
 10 *Exile suris additum.*
 Esto beata, funus atque imagines

bebantur hostes. — *unquam*] Sic omnes codices; in una antiqua editione *nunquam*, ex correctione, opinor. Ordo est: neque hic mos unquam fuit lupis neque leonibus feris nisi in dispar sc. genus. Neque *feris* nisi in otiose additum, quoniam in *dispar* non solum cum *mos fuit* cum *feris* videtur esse coniungendum. — *vis acrior*] fatalis — *albus pallor*] qualis conspicitur in ore mortui hominis; proditur terror divinus et conscientia culpae. Inde etiam *ut* — *ut*] vide ad Carm. IV, 4, 42. — *sacer nepotibus*] cf. Virg. Aen. III, 57. Altius calamitates quibus per bella bebantur Romani repetit Virgilius Georg. I, 501 sq.

Carmen VIII.

rogare] Infinitivo utuntur Romani in interrogando ad exprimendam indignationem vel admirationem. Sat. II, 4, 83. I, 9, 72. II, 8, 67. Aen. I, 37. — *dens ater*] cf. Carm. II, 8, 3. — *vetus senectus*] cf. Eun. IV, 4, 21: „Hic est vetus, vietus, veterosus senex.“ —

Ducant triumphales tuum,
 Nec sit marita quae rotundioribus
 Onusta bacis ambulet.
 15 Quid, quod libelli Stoici inter sericos
 Iacere pulvillos amant?
 Illiterati num minus nervi rigent?
 Minusve languet fascinum?
 Quod ut superbo provoces ab ingulne,
 20 Ore allaborandum est tibi.

Carmen IX.

Quando repostum Caecubum ad festas dapes
 Victore laetus Caesare
 Tecum sub alta, sic Iovi gratum, domo,
 Beate Maecenas, bibam
 5 Sonante mixtum tibiis carmen lyra,
 Hac Dorium, illis barbarum?
 Ut nuper, actus cum freto Neptunius

ezaret] Eadem metaphora apud Virgilium Aen. VII, 417. — *imagines*] vide ad Carm. II, 20, 24. p. 149. — *ambulet*] vide ad Epod. 4, 5. — *amant*] vide ad Carm. II, 3, 10.

Carmen IX.

Statim post acceptum primum nuntium de victoria Actiaca poeta ut laetitiam suam exprimeret tantam rem non minus quam sexennio ante, cum Agrippa de S. Pompeio victoriam reportasset, hilari convivio celebrandam esse Maecenati ostendit. In qua re tantum aberat, ut Octaviano victori adularetur, ut simul indicaret, quid esset cur hac victoria tantopere gaudendum existimaret. Turpiora etiam vincula, quam quae olim servilis Pompeii exercitus, Cleopatrae et Antonii luxuria ac molities Urbi et civitati paraverat. Vicit Romana disciplina; restituta est Romana dignitas; inde iusta de felici pugnae exitu laetitia.

repostum] Syncope. vide ad Carm. II, 2, 2. — *alta domo*] Magnam sibi Maecenas in Esquilis, ubi olim sepulcra fuerant, domum aedificaverat. cf. Carm. III, 29, 10. — *sic Iovi gratum*] Iovi enim victoriae auctori gratum ita animum testatur. — *beate*] cui omnia ex voto cedunt. cf. Carm. I, 4, 14. — *mixtum*] cf. Carm. III, 19, 18. IV, 15, 30. Dorica harmonia ad bellicos cantus, Phrygia ad computationes aptissima; utraque coniuncta bene miscetur carmen, quo laetitiae de aliqua victoria perceptae exprimitur. — *actus freto*] Siculo, ubi prope Messanam S. Pompeius ab Agrippa victus erat a. u. 718. — *Neptunius*] S. Pompeius rerum mari gestarum magnitudine elatus Neptuni se filium esse gloriabatur. „Is tum occupata Sicilia servitia fugitivosque in numerum

Et crura dura compede.

5 Licet superbus ambules pecunia ,

Fortuna non mutat genus.

Videsne , sacram metiente te viam

Cum bis trium ulnarum toga ,

Ut ora vertat huc et huc euntium

10 Liberrima indignatio ?

Sectus flagellis hic triumphalibus

Praeconis ad fastidium

Arat Falerni mille fundi iugera

Et Appiam mannis terit ,

15 Sedilibusque magnus in primis eques

Othone contempto sedet.

Quid attinet tot ora navium gravi

tortis. — *peruste*] Epist. I, 16, 47. Urunt enim vulnera flagellis facta. — *compede*] In prosa oratione usitatus solus fuit pluralis numerus; aptior utique, cum compedibus pedes utrimque vinculi constringerentur. Poetae primum usi sunt ablativo singularis, postea etiam genitivo et accusativo. — *ambulet*] Sat. I, 2, 25. I, 4, 66; respicitur hominis affectatio dignitatis et gravitatis. — *genus*] Male interpretati sunt servilem condicionem, cum sit genus morum. Illam Horatius libertini filius recto iudicio munitus non vituperasset. — *Sacram metiente*] Sacram viam, quae ad Capitolium ducebat, frequentare solebat otiosorum hominum turba. Sat. I, 9, 1. *Metiri* autem acerbe dictum de homine qui otiosus et vanus totam viam perambulatur, aliis scilicet ut ostendat quam amplis et pretiosis vestimentis utatur. Talis enim toga est quae insequenti versu describitur; cui nihil desit quod delicato etiam homini gratum et iustum possit videri. In codd. scriptum est *bis ter*; ex quibus verbis cum apta sententia non possit extorqueri, recipienda fuit ingeniosa Barthii coniectura *bis trium*, praesertim cum aliquid auxilii accedat ex scriptura duorum honorum codicum *bis . t . ulnarum*; quam vides facile potuisse ab incautis scribis corrumpi. — *huc et huc*] poetice pro huc et illuc. vide ad Epod. 2, 31. — *triumphalibus*] Quae sequuntur usque ad finem carminis imitantur sermones hominum, qui tam nefarium hominem sumptuosius mollissimisque vestibus indutum gloriari indignabantur. Triumviri capitales de delictis servorum aliorum hominum vilioris generis, etiam peregrinorum cognoscebant suppliciiisque eorum praerant. A quibus damnatus si quis caederetur, praeco simul criminis et poenae genus magna voce proclamabat. — *Falerni*] et amoenissimi et fertilissimi. — *mannis*] vide ad Carm. III, 27, 7. — *terit*] frequentibus ad sua in Campania praedia itineribus. — *Othone*] L. Roscius Otho trib. pl. a. u. c. 687 lege vetuit ne quis in quattuordecim gradibus orchestrae, in qua senatores sedebant, proximis sederet, nisi qui eques et equestri censu esset. Hic igitur homo tam fuit dives, ut legem Rosciam theatralium facile posset contemnere. — *Quid attinet*] nil expedit, nil prodest. Cic. Fin. IV, 22: „Quid attinuit cum iis, quibuscum re concinebat, verbis discrepare?“ — *ora navium rostrata*] Nihil mutandum neque cum Bentleio scribendum *tot aera* aut cum Sanadono *rostra* — *aerata*. Poe-

Rostrata duci pondere
Contra latrones atque servilem manum
20 Hoc, hoc tribuno militum?

Carmen V.

At o deorum quidquid in coelo regit
Terras et humanum genus,

tarum oratio non est coercenda vulgari dicendi ratione aut nostrorum
lexicorum copia et legibus.

Carmen V.

Describitur in hoc carmine, quod totum dramaticum est, philtorum
magicorum terribilis apparatus. Quo consilio in medias res poeta le-
gentes ducit raptumque puerum, cuius intestinis sagae uti volunt, mi-
rantem et querentem, quod subita vi vestimentis privatum se videat,
inducit. Iam indicatur quo ornatu mulieres quid agant; Canidia vipe-
ris in capillum insertis componit singulas partes philtri: caprificos et
cupressus funebres, ova et plumas strigis ranae sanguine infecta, her-
bas magicas ex Thessalia et Hiberia collectas, ossa esurienti cani erepta
eiusque sanie conspersa, quibus omnibus postea addantur medulla et
iecur pueri fame necati; altera, Sagana, domum conspergit aqua Averni
lacus (cf. Cic. Tusc. I, 16); tertia, Veia, scrobem effodit, in quem in-
iciatur miser ille puer; quarta, Folia carminibus devocat sidera et lu-
nam. Inter quas praecipua est Canidia, propter quam omnia parantur;
ea enim Varum iam senem, a quo olim anata tum relicta est, magica
vi ad se reducere tentat. Quae dicuntur in hoc carmine a Canidia
(v. 49), a multis male intellecta sunt; ipsa enim cum hoc agit senem
illum neque videt neque audit, nam quaecunque id indicare videntur ad
furorem et ardentem cupiditatem mulieris referenda sunt. „Adeste, in-
quit, nocturna numina, mihi auxilio, adversariis meis terrori; Varum
enim cogam, ut ardenti amore ad me agitatus nocturno tempore uncto
capillo et delicato ornatu domum relinquat; canes ex somno excitet,
vicinos ex domo eliciat ab omnibusque derideatur. Sic me ulciscar
(v. 60).“ Qui insequuntur versus causas ostendunt, quibus Canidia ira
ac furore excitata ut certissimo et extremo artis suae genere utatur
permota esse dicitur. Nam „quid, clamat, factum est? Cur solitae ar-
tes nihil adiuvarunt? Nullas tamen neque herbas neque radices inex-
pertas reliqui, immo etiam lectulum eius unguentis illevis, quae aliarum
amorem omnem ex eius animo delere debebant.“ Quibus verbis tum
cum acerbitate et ira ridens haec addit: „At vero alia et potentior saga
me superasse videtur; sed nondum ostendi quid ego valeam.“ Iam
cum in eo sit, ut puerum in fossam iniciat terraque usque ad os te-
gat, miser ille in dirissimas execrationes erumpit. Quibus Horatius
sapienter carminis finem fecit; pueri enim necem poeta neque potuit
describere neque debuit, cum id quod vellet, nimirum ut insaniam im-
manium mulierum vehementer carperet, satis effecisset. Sunt carminis
quattuor partes: 1) pueri nescientis quid sibi pararetur querela, v. 1—
10; 2) apparatus omnium rerum quae sagis sunt necessariae, v. 11—46;
3) preces et consilium Canidiae, v. 47—82; 4) execratio pueri, v. 83

- Quid iste fert tumultus? et quid omnium
 Vultus in unum me truces?
 5 Per liberos te, si vocata partibus
 Lucina veris affuit,
 Per hoc inane purpurae decus precor,
 Per improbaturum haec Iovem,
 Quid ut noverca me intueris aut uti
 10 Petita ferro belua?
 Ut haec trementi questus ore constitit
 Insignibus raptis puer,
 Impube corpus quale posset impia
 Mollire Thracum pectora,
 15 Canidia brevibus implicata viperis
 Crines et incompertum caput
 Iubet sepulcris caprificos erutas,
 Iubet cupressus funebres
 Et uncta turpis ova ranae sanguine
 20 Plumamque nocturnae strigis
 Herbasque, quas Iolcos atque Hiberia
 Mittit venenorum ferax,
 Et ossa ab ore rapta ieiunae canis
 Flammis aduri Colchicis.
 25 At expedita Sagana per totam domum
 Spargens Avernales aquas
 Horret capillis ut marinus asperis
 Echinus aut currens aper.

—102. Principales igitur partes, altera et tertia, tricenos senos habent versus; quarta duplicem habet versuum numerum primae partis. Videtur carmen eodem fere tempore scriptum quo Sat. I, 8; quae hic severe et graviter reprehenduntur, eadem satira illa ridendo proferuntur. In Satiris enim ridendo dicitur verum.

V. 1. *at*] Significat particula dolorem et aegritudinem cum animi quadam vehementia. Incipit Ovidius Her. XII, 1 eadem particula. — *partibus veris*] si liberos vere habes, non alios supposuisti. Epod. 17, 50. De Lucina cf. C. S. 15. — *purpurae*] togae praetextae; eadem et bulla insignia sunt, quae leguntur v. 12. — *implicata viperis*] Furiarum instar. — *sepulcris erutas*] scilicet quae validiores in hac re haberentur. — *ranae*] bufonis. — *Iolcos*] Thessalae enim mulieres notae veneficiis et magicis artibus. Hiberia autem regio Ponti est; frequentes ibi venenatae herbae, quibus olim Medea usa est. — *Sagana*] Haec Canidiae socia commemoratur etiam Sat. I, 8, 25. — *Avernales aquas*] Virg. Aen. IV, 512. — *currens aper*] in venatores ruens. Ovid. Halieut.

- Abacta nulla Veia conscientia
 30 Ligonibus duris humum
 Exhauriebat ingemens laboribus,
 Quo posset infossus puer
 Longo die bis terque mutatae dapis
 Inemori spectaculo,
 35 Cum promineret ore quantum exstant aqua
 Suspensa mento corpora:
 Exsucta uti medulla et aridum iecur
 Amoris esset poculum,
 Interminato cum semel fixae cibo
 40 Intabuissent pupulae.
 Non defuisse masculae libidinis
 Ariminensem Foliam
 Et otiosa credidit Neapolis
 Et omne vicinum oppidum,
 45 Quae sidera excantata voce Thessala
 Lunamque coelo deripit.
 Hic irresectum saeva dente livido
 Canidia rodens pollicem
 Quid dixit aut quid tacuit? O rebus meis
 50 Non infideles arbitrae
 Nox et Diana, quae silentium regis,
 Arcana cum fiunt sacra,

59: „Actus aper setis iram denuntiat hirtis.“ Supervacanea igitur coniectura *Laurens*. — *bis terque*] Male olim *bis terve*; nam *bis terque* significat *saepius*, *bis terve* est pro *raro*. — *inemori*] vide ad Carm. I, 5, 8. — *exsucta*] Probata haec lectio bonis codicibus et antiquissimorum Cruquii codicum glossa *extracta*. In aliis *exsecta*, *exesa*, similia. — *cum semel*] simul ac. Sat. II, 1, 24 — *otiosa Neapolis*] Fuerunt qui ex hoc nomine concluderent scenam huius epodi Neapoli esse; in quo eos errasse docent versus 58 et 100. Canidia Romae vixit ibique scelus hoc nefarium committitur. Cur Neapolin nominaverit poeta, in promptu est; fuit enim, si scholiastis fides habenda, Canidia Neapolitana, vero nomine Gratidia; tum otiosa est Neapolis, Graeculorum more talium rerum curiosa, quae cum huius rei rumor esset allatus avide omnia arripuit. Liv. VIII, 22. Neque minus errare videntur qui Canidiam olim ab Horatio amatam tradunt. Nusquam enim amoris vestigium. *excantata*] Epod. 17, 4. Virg. Buc. 8, 69. De voce Thessala vide ad Carm. I, 27, 21. — *irresectum*] Hoc quoque Furiis proprium, rabiei signum. — *livido*] ut vetulae. — *tacuit*] Epist. I, 7, 72.

V. 51. *Diana*] Hecate. Carm. III, 22, 4. Sacris omnibus silentio

- Nunc nunc adeste, nunc in hostiles domos
Iram atque numen vertite!
- 55 Formidolosis dum latent silvis ferae
Dulci sopore languidae,
Senem, quod omnes rideant, adulterum
Latrent Suburanae canes
Nardo perunctum, quale non perfectius
60 Meae laborarint manus.
Quid accidit? Cur dira barbarae minus
Venena Medae valent?
Quibus superbam fugit ulta pellicem,
Magni Creontis filiam,
65 Cum palla, tabo munus imbutum, novam
Incendio nuptam abstulit.
Atqui nec herba nec latens in asperis
Radix fefellit me locis.
Indormit unctis omnium cubilibus
70 Oblivione pellicum.
Ah ah! solutus ambulat veneficae
Scientioris carmine.
Non usitatis, Vare, potionibus,
O multa fleturum caput,
75 Ad me recurres nec vocata mens tua
Marsis redibit vocibus.

opus est, etiam magicis. — *hostiles domos*] earum quae Varum a Canidia ad se detraxerant. — *formidolosis*] Habet h. v. et activam et neutralem significationem; illa cum aperta sit altero loco Horatiano quo legitur, Carm. II, 17, 18, praetuli hanc vetustissimorum codicum scripturam; qui cum aliis codicibus *formidolosae* scribendum censent, iis tenenda contraria est vis vocabuli. — *Suburanae*] Subura regio urbis Romae, ubi habitabant diffamatae mulieres in iisque Canidia. — *latrent*] De accusativo cf. Sat. II, 1, 85. Epist. I, 2, 66. — *laborarint*] Ne antiquissimi quidem codices consentiunt; alii *laborarunt*, alii *laborarunt* exhibent. Coniunctivus potentialis videtur praestare. — *superbam*] Hic quoque antiquissimi codices fluctuant inter *superbam* et *superba*. Metro etiam praefereendus accusativus — *Creontis*] vide ad Epod. 3, 13. — *Ah, ah*] risus cum acerba cavillatione. — *solutus*] Epist. 17, 45. — *vocata mens*] ad me vocata mens tua nunquam ad te redibit, h. e. nulla vi ab insano mei amore liberari poterit. — *Marsis vocibus*] Marsis carminibus; de quibus Gellius XVI, 11: „Marsis hominibus vi quadam genitili datum est, ut serpentium virulentorum domitores sint et incentionibus herbarumque sucis faciant medelarum miracula.“

Malus parabo, malus infundam tibi
 Fastidienti poculum,
 Priusque coelum sidet inferius mari
 80 Tellure porrecta super,
 Quam non amore sic meo flagres, uti
 Bitumen atris ignibus.
 Sub haec puer iam non ut ante mollibus
 Lenire verbis impias,
 85 Sed dubius unde rumperet silentium,
 Misit Thyesteas preces:
 Venena magnum fas nefasque, non valent
 Convertere humanam vicem.
 Diris agam vos: dira detestatio
 90 Nulla expiatur victima.
 Quin ubi perire iussus expiravero,
 Nocturnus occurram furor,
 Petamque vultus umbra curvis unguibus,
 Quae vis deorum est manium,
 95 Et inquietis assidens praecordiis
 Pavore somnos auferam.
 Vos turba vaticum hinc et hinc saxis petens
 Contundet obscoenas anus;
 Post insepulta membra different lupi

Epod. 17, 28. Sat. I, 9, 29. — *atris ignibus*] nam atrum ipsum bitumen atrum fumum edit. cf. Virg. Georg. III, 451. — *sub haec*] Statim postquam Canidia haec dixit. Haec enim particula utrumque tempus significat et quod proxime aliquam rem praecedat et quod statim sequitur. Quare compara Sat. II, 8, 43 et Carm. I, 9, 19. Sat. II, 1, 9. II, 7, 109 Epist. II, 2, 169. Sat. II, 7, 33. I, 1, 10. Epist. I, 16, 22. *Thyesteas preces*] vide Cic. Tusc. I, 44 — *Venena*] Difficillimum hunc et diversissime tentatum locum ita optime expedit, si ex verbis *non valent* ipsum verbum *valent* omissa negante particula repetas: venena valent quidem magnum fas nefasque convertere i. e. confundere, non valent convertere humanam vicem, hominum sortem. Sic Tac. Ann. XII, 64: „Agrippina, quae filio dare imperium, tolerare imperitantem nequibat.“ cf. ib. XIII, 56: „Deesse nobis terra, in qua vivamus, in qua moriamur non potest.“ Deinde cf. Suet. Aug. 66: „vicem suam conquestus est.“ Si quis *magnum fas nefasque* nominativum esse putet, repugnare is videat consuetudinem Horatianam, qua singularis *valet* postularetur; praeterea *venena* non possunt dici pro veneficiis. Tertium interpretandi genus reperies apud Zumpt. gr. lat. §. 453 extr. — *nulla expiatur*] cf. Carm. I, 28, 34. — *nocturnus furor*] Interfectorum animas perpetuo sequi et terrere eos, a quibus necati essent, vulgaris antiquitatis opinio fuit. Virg. Aen. IV, 385. Cic. Rosc. Am. 24, 67. — *hinc*

100 Et Esquillinae alites,
Neque hoc parentes heu mihi superstites
Effugerit spectaculum.

Carmen VI.

Quid immerentes hospites vexas canis
Ignavus adversum lupos?
Quin huc inanes, si potes, vertis minas,
Et me remorsurum petis.
5 Nam qualis aut Molossus aut fulvus Lacon,
Amica vis pastoribus,
Agam per altas aure sublata nives,
Quaecunque procedet fera;
Tu cum timenda voce complesti nemus,
10 Proiectum odoraris cibum.
Cave, cave: namque in malos asperrimus
Parata tollo cornua,

et hinc] vide ad Epod. 2, 31. — *Esquillinae alites]* rapaces, quae cada-
vera quaerunt. De Esquiliis cf. Sat. I, 8, 14. Hiatus proprio nomine
excusatur. — *heu]* Luget quod parentes habiturus sit superstites, cum
naturae lege filii parentibus superstites esse debeant.

Carmen VI.

Acerbissimum carmen in hominem ignotum, qui innocentes et pe-
regrinos homines, qui ipsi se non potuerunt defendere, malignis carmi-
nibus — nam videtur poeta fuisse — erat calumniatus. Horatius se
comparat cum cane pastoralis, qui natura fidelis ac mitis, si qua fera
gregem aggressa sit, in furorem agatur; adversarium cum venatico ac
malo, qui vehementi latratu fortitudinem quidem promittat, sed cum in
silvam a domino missus sit muneris statim obliviscatur neque ferarum
vestigia sed proiecti cibi odorem sequatur, fortitudinem autem in allatran-
dis viatoribus expromat. Quod cum venaticus faciat, haud procul abest
pastoralis canis, pascentis gregis custos; qui iusta ira motus concrepat
statim latratorem et „in me, clamat, verte minas, me pete remorsurum“
cet. Relicta hac imagine v. 11 triplici ratione proverbii et exemplo
poeta quid sentiat declarat. Scholiastae nominant Cassium quendam
Severum, maledicum oratorem, qui a. u. 786 senex mortuus est. Alii
de Maevio poeta cogitarunt; de quo vide Epod. 10.

canis] natura impudens. — *quin vertis]* vide Zumpt. gr. §. 542.
Non recte in nonnullis codd. *verte et pete*. — *Molossus]* cf. Virg. Georg.
III, 405. — *procedet]* Sic rectius quam quod inest in plurimis codici-
bus *praececedet*: „quaecunque fera gregem aggressura silvam relinquet.“
— *cornua]* cf. Carm. III, 21, 18. Sumptum ex imagine tauri. — *Ly-*

Qualls Lycambae spretus infido gener
 Aut acer hostis Bupalō.
 15 An si quis atro dente me petiverit,
 Inultus ut flebo puer?

Carmen VII.

Quo, quo scelesti ruitis? aut cur dexteris
 Aptantur enses conditi?
 Parumne campis atque Neptuno super
 Fusum est Latini sanguinis?
 5 Non ut superbas invidae Karthaginis
 Romanus arces ureret,
 Intactus aut Britannus ut descenderet
 Sacra catenatus via,
 Sed ut secundum vota Parthorum sua

cambae] Archilochus poeta Lycamben, qui filiam suam illi iam desponsam daturum se negaverat, tam contumeliosis versibus insectatus erat, ut et socer et sponsa aegritudinis medelam laqueo quaereret. Epist. I, 19, 25. 30 sq. — *Bupalō*] Plin. H. N. XXXVI, 5: „Bupalus et Anthermus clarissimi in ea (sculpendi) scientia fuere Hipponactis poetae aetate, quem certum est LX Olympiade fuisse. Hipponacti notabilis foeditas vultus erat; quamobrem imaginem eius lascivia iocorum ii proposuere ridentium circulis. Quod Hipponax indignatus amaritudinem carminum destrinxit in tantum, ut credatur aliquibus ad laqueum eos compulisse, quod falsum est.“

Carmen VII.

Cum civile bellum vix compositum iterum erumpere videretur, fatalem sortem imperii Romani conqueritur poeta, qua quod scelus olim Remo interfecto Romulus concepisset cruentissimis bellis mutisque cladibus luere deberent posteris. Illud quidem a prima urbis origine civitati quasi naturale et insitum scelus ut primo statim versu uno verbo designatur ita extremo carmine palam pronuntiatur. Scriptum autem carmen videtur oriente bello Perusino a. 713.

aptantur] Eleganter pro: gladii stringuntur, educuntur. cf. Sen. Agam. 425: „Ad militares remus aptatur manus.“ — *Neptuno*] per metonymiam pro *mari*. De praepositionis anastrophe vide ad Carm. III, 3, 11. — *non*] Iusta hoc positum brevitate pro: „quod quidem non est factum, ut cet.“ — *invidae*] Sall. Cat. 10. — *Sacra via*] vide ad Epod. 4, 7: „Ex porta Triumphali per Campum Martium, Velabrum, Circum maximum et qua nunc est arcus Constantini qui triumphabant inde per hanc viam procedebant usque ad locum arcus Septimii Severi, unde captivi dimittebantur ad dexteram in proximum carcerem Tullianum; triumphantes per clivum Capitolinum ad laevam ascendebant ad Capitolium.“ *Fea*. — *Parthorum*] qui maxime metuendi infestissimique ha-

- 10 Urbs haec periret dextera.
 Neque hic lupis mos nec fuit leonibus
 Unquam nisi in dispar feris.
 Furorne caecus, an rapit vis acrior,
 An culpa? Responsum date!
 15 Tacent, et albus ora pallor inficit
 Mentisque percussae stupent.
 Sic est: acerba fata Romanos agunt
 Scelusque fraternae necis,
 Ut immerentis fluxit in terram Remi
 20 Sacer nepotibus cruor.

Carmen VIII.

- Rogare longo putidam te saeculo,
 Vires quid enervet meas,
 Cum sit tibi dens ater et rugis vetus
 Frontem senectus exaret,
 5 Hietque turpis inter aridas nates
 Podex velut crudae bovis?
 Sed incitat me pectus et mammae putres
 Equina quales ubera,
 Venterque mollis et femur tumentibus
 10 Exile suris additum.
 Esto beata, funus atque imagines

bebantur hostes. — *unquam*] Sic omnes codices; in una antiqua editione *nunquam*, ex correctione, opinor. Ordo est: neque hic mos unquam fuit lupis neque leonibus feris nisi in dispar sc. genus. Neque *feris* male aut otiose additum, quoniam in *dispar* non solum cum *mos fuit* sed etiam cum *feris* videtur esse coniungendum. — *vis acrior*] fatalis necessitas. — *albus pallor*] qualis conspicitur in ore mortui hominis; quo quidem proditur terror divinus et conscientia culpae. Inde etiam *tacent, stupent* — ut] vide ad Carm. IV, 4, 42. — *sacer nepotibus*] perniciosus. cf. Virg. Aen. III, 57. Altius calamitates quibus per bella civilia premebantur Romani repetit Virgilius Georg. I, 501 sq

Carmen VIII.

Rogare] Infinitivo utuntur Romani in interrogando ad exprimendam vel indignationem vel admirationem. Sat. II, 4, 83. I, 9, 72. II, 8, 67. Virg. Aen. I, 37. — *dens ater*] cf. Carm. II, 8, 3. — *vetus senectus*] cf. Ter. Eun. IV, 4, 21: „Hic est vetus, vietus, veterosus senex.“ —

Ducant triumphales tuum,
 Nec sit marita quae rotundioribus
 Onusta bacis ambulet.
 15 Quid, quod libelli Stoici inter sericos
 Iacere pulvillos amant?
 Illiterati num minus nervi rigent?
 Minusve languet fascinum?
 Quod ut superbo provoces ab ingulne,
 20 Ore allaborandum est tibi.

Carmen IX.

Quando repostum Caecubum ad festas dapes
 Victore laetus Caesare
 Tecum sub alta, sic Iovi gratum, domo,
 Beate Maecenas, bibam
 5 Sonante mixtum tibiis carmen lyra,
 Hac Dorium, illis barbarum?
 Ut nuper, actus cum freto Neptunius

exaret] Eadem metaphora apud Virgilium Aen. VII, 417. — *imagines*] vide ad Carm. II, 20, 24. p. 149. — *ambulet*] vide ad Epod. 4, 5. — *amant*] vide ad Carm. II, 3, 10.

Carmen IX.

Statim post acceptum primum nuntium de victoria Actiaca poeta ut laetitiam suam exprimeret tantam rem non minus quam sexennio ante, cum Agrippa de S. Pompeio victoriam reportasset, hilari convivio celebrandam esse Maecenati ostendit. In qua re tantum aberat, ut Octaviano victori adularetur, ut simul indicaret, quid esset cur hac victoria tantopere gaudendum existimaret. Turpiora etiam vincula, quam quae olim servilis Pompeii exercitus, Cleopatrae et Antonii luxuria ac molities Urbi et civitati paraverat. Vicit Romana disciplina; restituta est Romana dignitas; inde iusta de felici pugnae exitu laetitia.

repostum] Syncope. vide ad Carm. II, 2, 2. — *alta domo*] Magnam sibi Maecenas in Esquiliiis, ubi olim sepulcra fuerant, domum aedificaverat. cf. Carm. III, 29, 10. — *sic Iovi gratum*] Iovi enim victoriae auctori gratum ita animum testatur. — *beate*] cui omnia ex voto cedunt. cf. Carm. I, 4, 14. — *mixtum*] cf. Carm. III, 19, 18. IV, 15, 30. Dorica harmonia ad bellicos cantus, Phrygia ad computationes aptissima; utraque coniuncta bene miscetur carmen, quo laetitia de aliqua victoria percepta exprimitur. — *actus freto*] Siculo, ubi prope Messanam S. Pompeius ab Agrippa victus erat a. u. 718. — *Neptunius*] S. Pompeius rerum mari gestarum magnitudine elatus Neptuni se filium esse gloriabatur. „Is tum occupata Sicilia servitia fugitivosque in numerum

- Dux fugit ustis navibus,
 Minatus Urbi vincla, quae detraxerat
 10 Servis amicus perfidis.
 Romanus, cheu, posterī negabitis,
 Emancipatus feminae
 Fert vallum et arma miles et spadonibus
 Servire rugosis potest,
 15 Interque signa turpe militaria
 Sol adspicit conopium!
 At hoc frementes verterunt bis mille equos
 Galli canentes Caesarem,
 Hostiliumque navium portu latent
 20 Puppēs sinistrorsum citae.
 Io Triumphe, tu moraris aureos
 Currus et intactas boves?
 Io Triumphe, nec Iugurthino parem

exercitus sui recipiens magnum modum legionum effecerat, perque Menam et Menecratem, paternos libertos, praefectos classium latrocinii ac praedationibus infestato mari ad se exercitumque tuendum rapto utebatur, cum eum non depuderet viudicatum arnis ac ductu patris sui mare infestare piraticis sceleribus " Vell. Pat II, 73. — *Emancipatus*] Emancipare se alicui est se alicui vendere, totum tradere. cf. Cic. de sen. 11, 38. Phil. II, 21, 51. — *Romanus*] non unus est Antonius, sed omnis exercitus Antonii. Singularis autem cum vi et indignatione positus: homines Romanorum civium nomine ornati, clarissimi totius orbis milites. — *Fert vallum et arma*] cf. Cic. Tusc. II, 16. Quod inter tantos labores tanta ipsi virium magnitudine instructi spadonibus, vilissimo hominum generi, et mulierculis servire potuerunt, illud indignissimum est; inde *potest* i. e. ab animo impetrat, sustinet. — *conopium*] *χωροπείον*, unde etiam conopēum et conopēum; fuit velum ad arcendos culices in Aegypto frequentes lectulis obtentum; quod turpissimum visum est Romanis muliebris mollietiei indicium. — *Sol*] Qui omnia videt, hoc quoque videt et indignatur. — *At hoc*] In codicibus *At huc* vel *Ad hunc* vel *Adhuc*, in uno *At hunc*. Quod recepi, ex emendatione Feae est; neque tamen ablativum ibi cum Fea video, sed cum Orellio accusativum cum verbo *frementes* coniungendum. Cuius rei Romanos non puduit, pudit Gallos (Galatas, milites Deiotari minoris). De accusativo compara Virg. Aen. VII, 460. XI, 132. — *canentes Caesarem*] Plut. Ant. 63: „Εγύνοντο δὲ καὶ βασιλέων ἀποστάσεις Ἀμύντιου καὶ Διοτάρου πρὸς Καίσαρα.“ — *hostiliumque*] „Etiam navalium copiarum pars pudore et metu perculsi navibus retrorsum actis (*puppēs citae*) ignavi in portu latuerunt.“ Quae res cum ab Horatio fingi non potuerit, haud dubio cum primo de pugna nuntio Romam perlata est; nam quod rerum scriptores qui ad nos pervenerunt nihil eius rei memoriae tradiderunt, Horatium id non potest refellere. — *sinistrorsum*] Aegyptum versus; *puppēs ciere* est remis *inhibere*; quod fieri solet ne fuga ab hostibus sentiat. — *Io triumphē*] vide ad Carm. IV, 2, 49. — *intactas*] quibus iugum

Bello reportasti ducem,
 25 Neque Africanum, cui super Karthaginem
 Virtus sepulcrum condidit.
 Terra marique victus hostis punico
 Lugubre mutavit sagum.
 Aut ille centum nobilem Cretam urbibus
 30 Ventis iturus non suis,
 Exercitatus aut petit Syrtes Noto,
 Aut fertur incerto mari.
 Capaciores affer huc, puer, scyphos
 Et Chia vina aut Lesbia,
 35 Vel quod fluentem nauseam coërceat
 Metire nobis Caecubum:
 Curam metumque Caesaris rerum iuvat
 Dulci Lyaeo solvere.

Carmen X.

Mala soluta navis exit alite
 Ferens olentem Maevium.

nondum impositum. — *ducem*] Non tanta fuit neque Marii de Iugurtha neque Scipionis de Karthagine triumphantis gloria. Intelligendus Scipio minor, cui virtus in ipso solo ubi Karthago steterat monumentum quasi erexit; nam id ipsum quod aemula olim imperii Romani Karthago deleta est, Scipionis perpetuum est monumentum. Non temere factum, quod Iugurthinum et Punicum bellum in comparisonem vocantur; Octavianus quoque ex Africa (Aegypto) unde summa imperio pericula semper imminuerant triumphavit. — *punico*] i. e. purpureo sago posito lugubre sumpsit; purpureo enim paludamento imperatores in proeliis utebantur. De forma *punico* cf. Carm. IV, 10, 4. — *centum urbibus*] cf. Carm. III, 27, 33. — *non suis*] adversis. cf. Cic. Quinct. 7, 29: „Alphenus utebatur populo sane suo.“ Ovid. Met. XIII, 195. — *coërceat*] quia Caecubum austerum. Nausea, si proprie intelligenda est, ad vomitum in Romanorum conviviis solitum neque apud illos pudendum referenda videtur; non inepte tamen sentias hoc loco fastidium spadonibus et luxuria Cleopatrae motum (*fluens*).

Carmen X.

Dira est detestatio Maevii, mali poetae, bonorum hominum obtrectatoris (Virg. Buc. 3, 90), Athenas tunc proficiscentis. Comparandum est Carm. I, 3, quo anicūm Virgilium, eundem Athenas proficiscentem, optimis votis prosequitur. Quo anno scriptum sit hoc carmen dici nequit.

Mala alite] Carm. I, 15, 5. — *olentem*] putidum et animo et cor-

- Ut horridis utrumque verberes latus,
 Auster, memento fluctibus.
 5 Niger rudentes Eurus inverso mari
 Fractosque remos differat.
 Insurgat Aquilo quantus altis montibus
 Frangit trementes ilices.
 Nec sidus atra nocte amicum appareat,
 10 Qua tristis Orion cadit;
 Quietiore nec feratur aequore,
 Quam Graia victorum manus,
 Cum Pallas usto vertit iram ab Illo
 In impiam Aiakis ratem.
 15 O quantus instat navitis sudor tuis
 Tibique pallor luteus,
 Et illa non virilis eiulatio
 Preces et aversum ad Iovem,
 Ionius udo cum remugiens sinus
 20 Noto carinam ruperit!
 Opima quodsi praeda curvo littore
 Porrecta mergos iuveris,
 Libidinosus immolabitur caper
 Et agna Tempestatibus.

pore. cf. Sat. II, 3, 75. — *Auster*] Concitantur in Maevii perniciem tres venti, Auster, Eurus, Aquilo. Quartus, Iapyx, non vocatur, quia secundus esset. Plane contrarius locus est Carm. I, 3, 4. — *niger Eurus*] nubes cogens. cf. Carm. I, 5, 7. — *quantus*] tanto impetu, quanto. — *sidus amicum*] cf. Carm. I, 3, 2. — *tristis Orion*] Epod. 15, 7. Carm. III, 27, 18, ubi vide annot. — *Illo*] vide ad Carm. I, 10, 14. De perniciem Aiakis minoris lege Ilom. Od. IV, 499 sqq. Virg. Aen. I, 39. — *sudor*] ut Carm. I, 15, 9. — *pallor luteus*] Lutum herba est in palustribus et aquosis locis nascens, flore rufo vel aureo; quo pannorum infectores utuntur ut caerulei coloris pannos virides efficiant; nostratibus Wau, Gilbgrau, ap. Linn. reseda luteola. Augetur adiectivo pallor ad summum terrorem significandum. — *eiulatio*] Frequentior videtur altera forma *eiulatus*; illa tamen etiam apud Ciceronem de legg. II, 23. Cur ea non virilis sit, videbis apud eundem Tusc. II, 23, 55. cf. Epod. 16, 39. — *preces et*] vide ad Carm. I, 2, 9. — *sinus*] cf. Carm. I, 33, 16. III, 27, 19. Epod. 1, 13. — *remugiens*] Carm. III, 10, 5 sq. — *mergos*] Qui quamquam cadavera non attingunt, insatiabiles tamen sunt. Plin. XI, 37, 79: „Insatiabilia animalium, quibus a ventre protinus recto intestino transeunt cibi, ut lupis cervariis et inter aves mergis.“ — *Tempestatibus*] Virg. Aen. III, 120. V, 772.

Carmen XI.

- Petti, nihil me sicut antea iuvat
 Scribere versiculos amore perculsum gravi,
 Amore, qui me praeter omnes expetit
 Mollibus in pueris aut in puellis urere.
 5 Hic tertius December, ex quo destiti
 Inachia furere, silvis honorem decutit.
 Heu me, per urbem — nam pudet tanti mali —
 Fabula quanta fui! Conviviorum et poenitet,
 In quis amantem languor et silentium
 10 Arguit et latere petitus imo spiritus.
 Contrane lucrum nil valere candidum
 Pauperis ingenium? querebar applorans tibi,
 Simul calentis inverecundus deus
 Fervidiore mero arcana promorat loco.
 15 Quodsi meis inaestuet praecordiis
 Libera bilis, ut haec ingrata ventis dividat

Carmen XI.

Apud amicum Pettium conqueritur, se tantopere nunc captum esse amore, ut ne versus quidem facere, dulcissimum ante studium, aut possit aut velit: nihil se posse aliud cogitare nisi amorem; eodem se semper vel ultro trahi. Pettius — sic in antiquis editionibus et inscriptionibus nomen scribitur — quis fuerit nescimus; neque potest definiri annus quo videatur scriptum hoc carmen, nisi quod tribus annis post Epod. 12 compositum esse versu 5 ostenditur.

versiculos] non sine aliquo contemptu Cic. orat. 20, 67: „Apud quos (comicos poetas), nisi quod versiculi sunt, nihil est aliud quotidiani dissimile sermonis.“ sed cf. Sat. I, 10, 58 — *praeter omnes*] vide ad Epod. 3, 9. — *expetit urere*] me prae omnibus elegit quem urat. vide ad Carm. I, 1, 8. — *December*] Solent omnes poetae, non antiqui solum, anni tempus quo quid scribunt canuntve pro ipso anno ponere. — *honorem*] frondes, ut Virg. Georg. II, 404. cf. Carm. I, 17, 16. — *nam pudet*] Similiter Graeci γὰρ usurpant ad explicandam non totam sententiam sed unam partem vel unum etiam vocabulum. Inest in his causa, cur *heu me* vocabulis doloris et aegritudinis sensum prodiderit. — *Fabula*] Latinis fabulae dicuntur qui hominibus confabulari et ridendi occasionem praeberunt cf. Epist. I, 13, 9. — *languor*] non pallor oris, sed torpor quidam animi et omnium rerum, de quibus agitur, negligentia. Inde oritur *silentium*. — *arguit*] Est perfecti temporis — *Contrane*] Indignantis est exclamatio, ut Epod. 8, 1. — *lucrum*] cum Inachia ditio rem rivalem propter pretiosa dona ingenio pauperis poetae praeferret. — *applorans*] Praeter h. l. non videtur legi nisi semel apud Senecam. — *inverecundus*] Simulac vini largiore usu effectum erat, ut amore me captum profiterer. Aliter Bacchus *verecundus* est Carm. I, 27, 3. — *ventis dividat*] h. e. ventis dissipanda tradat. cf.

- Fomenta vulnus nil malum levantia,
 Desinet imparibus certare summotus pudor.
 Ubi haec severus te palam laudaveram,
 20 Iussus abire domum ferebar incerto pede
 Ad non amicos heu mihi postes et heu
 Limina dura, quibus lumbos et infregi latus.
 Nunc gloriantis quamlibet mulierculam
 Vincere mollitie amor Lycisci me tenet;
 25 Unde expedire non amicorum queant
 Libera consilia nec contumeliae graves,
 Sed alius ardor aut puellae candidae,
 Aut teretis pueri longam renodantis comam.

Carmen XII.

- Quid tibi vis, mulier nigris dignissima barris?
 Munera quid mihi quidve tabellas
 Mittis nec firmo iuveni neque naris obesae?
 Namque sagacius unus odoror,
 5 Polypus an gravis hirsutis cubet hircus in alis,
 Quam canis acer, ubi lateat sus.
 Qui sudor vietis et quam malus undique membris
 Crescit odor, cum pene soluto
 Indomitam properat rabiem sedare; nec illi
 10 Iam manet humida creta colorque
 Stercore fucatus crocodili, iamque subando

Carm. 1, 26, 1 sqq. — *fomenta*] spes fallaces et querelas, ex quibus remedia saepe et solatia petuntur. cf. Epist. 1, 3, 26. — *imparibus*] ingenio inferioribus. Est tertius casus. vide ad Carm. I, 3, 13. — *te palam*] vide apud Zumpt. gr. §. 321. — *incerto pede*] cum pedes quasi invitum me ad Inachiam perducerent. — *postes*] cf. Carm. III, 10, 2. 20. — *renodantis comam*] qui, ut puellae solebant, comam eleganter in nodum colligit.

Carmen XII.

barris] „Apud Indos elephantus a voce *barrus* vocatur; vox eius *barritus*.“ Isid. Orig. XII, 2, 14. — *tabellas*] epistolas amatorias. — *obesae*] crassae, pinguis; tum, quia pinguedo sagacitatem impedit, obtusae, hebetis. — *sagacius unus*] Unas saepe superlativis, raro comparativis additur. cf. Virg. Aen. I, 15. — *vietis*] h. l. bisyllabum. — *stercore crocodili*] Plin. H. N. XXVIII, 8, 28: „Intestina (crocodili) diligen-

Tenta cubilia tectaque rumpit!
 Vel mea cum saevis agitat fastidia verbis;
 Inachia langues minus ac me;
 15 Inachiam ter nocte potes, mihi semper ad unum
 Mollis opus. Pereat male quae te
 Lesbica quaerenti taurum monstravit inertem,
 Cum mihi Cous adesset Amyntas,
 Cuius in indomito constantior inguine nervus,
 20 Quam nova collibus arbor inhaeret.
 Muricibus Tyriis iteratae vellera lanæ
 Cui properabantur? Tibi nempe,
 Ne foret aequales inter conviva, magis quem
 Diligeret mulier sua quam te.
 25 O ego non felix, quam tu fugis, ut pavet acres
 Agna lupos capreaeque leones!

Carmen XIII.

Horrida tempestas coelum contraxit et imbres
 Nivesque deducunt Iovem; nunc mare, nunc silvae
 Threicio Aquilone sonant: rapiamus, amici,

ter exquiruntur iucundo nidore farta. Illita quoque ex oleo cyprino molestias in facie enascentes tollit (crocodilea).⁴ — *Muricibus Tyriis iteratae*] dibapha. vide ad Carm. II, 16, 35. — *pavet lupos*] De accusativo vide ad Carm. IV, 5, 25.

Carmen XIII.

Compositum videtur haud ita multo post pugnam Philippensem, quamquam alii annum potius 721 vel 722 significari putant. Est autem illud simillimum carmini I, 9; die enim hiberno ac pluvioso adhortatur amicos, ut genio indulgentes eas ante omnia removere velint molestias, quibus tunc ipsum iniquitate anni premantur, futuri temporis rerumque publicarum curam benignitati et consilio deorum bono animo mandent. Quod praeceptum ut auctoritate firmet, exemplo utitur Chironis, qui Achilli alumno, cum fatum Parcarum certa voluntate fixum ac destinatum effugere non posset, ut quidquid sibi vitae concessum esset laeto animo transigeret neve nimia futurarum rerum sollicitudine ipse perderet sapienti quondam consilio suaserat.

contraxit] Cic. N. D. II, 40, 102: „Sol modo accedens, tum autem recedens quasi *tristitia quadam contrahit terram*, tum vicissim laetificat“; unde qualis in hoc verbo insit metaphora intelliges. — *Iovem*] pluvium. Sic Lucr. I, 251: „Postremo pereunt imbres, ubi eos pater Aether in gremium matris Terrae praecipitavit: At nitidae surgunt fruges ramique virescunt Arboribus cett.“ cf. Virg. Georg. II, 325 sqq. — *Threicio*

Occasionem de die, dumque virent genua

5 Et decet, obducta solvatur fronte senectus.

Tu vina Torquato move consule pressa meo.

Cetera mitte loqui: deus haec fortasse benigna

Reducet in sedem vice. Nunc et Achaemenio

Perfundi nardo iuvat et fide Cyllenea

10 Levare diris pectora sollicitudinibus,

Nobilis ut grandi cecinit Centaurus alumno:

Invicte, mortalis dea nate puer Thetide,

Te manet Assaraci tellus. quam frigida parvi

Findunt Scamandri flumina lubricus et Simois;

15 Unde tibi reditum certo subtemine Parcae

Rupere nec mater domum caerulea te revehet.

Illic omne malum vino cantuque levato,

Deformis aegrimoniae dulcibus alloquiis.

Aquilone] Hiatus in proprio nomine veniam inveniet. Ceterum cf. Carm. I, 25, 11. — *de die*] de praesenti die, nihil confisi futuro tempore. cf. Carm. III, 8, 27 — *virent genua*] cf. Carm. I, 9, 17. In genibus robur corporis inesse visum est antiquis hominibus. Plin. H. N. XI, 45: „Genibus hominum, inquit, inest quaedam religio observatione gentium; haec supplices attingunt, ad haec manus tendunt, haec ut aras adorant; fortasse quia inest iis vitalitas.“ Inde Homericæ illa *θεῶν ἐν γούνασι πεῖται* et *γούνατα λύειν*. — *obducta*] curarum nubibus. — *Torquato*] cf. Carm. III, 21, 1. — *move*] cf. Carm. III, 21, 6. III, 28, 7. — *cetera*] Intelligenda hominum discordia et perturbatus rerum civilium status; ut Carm. I, 9, 9 — *Achaemenio*] cf. Carm. II, 11, 16. II, 12, 21. III, 1, 44. Neutrale positionem *nardum*, quae est etiam Epod. 5, 59, h. l. codicum auctoritas tuetur. — *Cyllenea*] Mercurius, natus in Cyllene Arcadiae monte Iyram invenisse dicebatur. cf. Carm. I, 10, 6. — *grandi*] Referendum hoc ad ingentem corporis staturam, qualis esse solebat heroum. — *mortalis dea*] Noli negligere artem poetae, qui quae contraria sunt loci propinquitate coniunxit, ut vitae brevitatem etiam Achilles deae filii clarius illustretur. cf. Virg. Aen. VI, 365 VIII, 293. — *Assaraci*] Hom. II XX, 232. — *frigida flumina*] Plurali numero indicari videntur variae quas flumen per agrum Troianum serpens edit species. Cum *parvum* dicit Scamandrum, repugnare videtur Homero II. XXI, 15. Sed non priscam aetatem sed suum tempus respexit, quo „(Caesar) Inscius in sicco serpentem pulvere rivum Transierat, qui Xanthus erat“, ut Lucan. Phars. IX, 972. — *subtemine*] poetica variatione pro *filo*, quod certo et immutato tempore sectum vitae finem imponit. — *cantu*] cf. Hom. II. IX, 186. — *alloquiis*] quae, vina et cantus, dulcia sunt alloquia, solatia aegrimoniae. *Alloquium* ante Augusti aetatem non videtur fuisse usitatum. — *deformis*] quae deformat ut vultum sic animum. Eadem ratione Lucan. Phars. VIII, 81 *deformis dolor*. Ceterum conferas Stat. Silv. II, 1, 232: „noctesque Dulcibus alloquiis et vivis vultibus imple.“

Carmen XIV.

Mollis inertia cur tantam diffuderit imis
 Oblivionem sensibus,
 Pocula Lethaeos ut si ducentia somnos
 Arente fauce traxerim,
 5 Candide Maecenas, occidis saepe rogando:
 Deus, deus nam me vetat
 Inceptos, olim promissum carmen, iambos
 Ad umbilicum adducere.
 Non aliter Samio dicunt arsisse Bathyllo
 10 Anacreonta Teïum,

Carmen XIV.

Simili ratione qua Epod. 11 Horatius quod carminibus conscribendis limandis edendis operam dare non possit, saeva amoris potestate effici Maecenati amico candido animo profitetur. In qua re suas rationes comparat cum Anacreonte Teio, qui quid sentiret amoris vi coactus saepe in carminibus deposuerit, nimirum ut animum curis gravatum levaret, conscripta dein carmina quippe quae quid deberent effecissent iteratis curis non limaverit, sed intacta reliquerit. Eu habemus vere lyricum poetam, qui ex intimo pectore sensus haurit, quaeque ipse vel passus est vel vidit vel fecit carminibus prodit. Iam vero quae subito animi quodam furore composita sunt ut elaborentur, ut poliantur, tranquillo animo nulla re exagitato opus est. In fine carminis ipsum Maecenatem quid valeat amor sentire ait poeta; iam opponitur puella a Maecenate amata libertinae Horatii, unde cum ingenuam eam fuisse pateat non male cum plurimis interpretibus Terentiam Maecenatis tum sponsam designari conicias. Quod si verum est, hoc carmen non ita multo ante editam συλλογὴν Epodorum scriptum sit necesse est.

imis sensibus] ut Virg. Buc. 3, 54. — *oblivionem*] earum rerum, quas promiserim me facturum. — *ducentia*] ut Carm. III, 27, 42; aliter Virg. Aen. IV, 560. — *deus nam*] *Nam* particula proxime referenda ad v. *occidis*; dicit enim hoc: tu non desinis me quaerere, ut perpetuis quaestionibus cruciatum me sentias, nam quid ego aliud tibi respondeam nisi hoc unum, deum esse qui me absolvere non patiatur incepta carmina. Ceterum cf. ad Carm. I, 18, 3. — *olim*] iamdudum tibi promissum iamborum librum, quo nomine non est dubium quin epodos a maiori parte nominare voluerit. Carminis nomine lyrica poesis significatur, opposita epicae; sic apud Quintilianum II, 4, 2: „fabula, quae versatur in tragoediis atque carminibus.“ Similiter Lucretius VI, 936 de toto primo libro: „Nunc omnes repetam quam raro corpore sint res Commemorare, quod in primo quoque carmine claret.“ — *ad umbilicum adducere*] „Extremis chartae papyraceae vel membranae, ex quibus conficiebantur volumina, agglutinabatur bacillo, cui circumvolvebatur totum volumen. Illius capita ex osse aut ligno facta *umbilici* vocabantur, quia in media parte libri erant.“ *Fea*. Est igitur absolvere, ut Mart. IV, 91, 1: „Ohe, iam satis est, ohe libelle, iam pervenimus usque ad umbilicos.“ — *arsisse*] cum ablativo. cf. Carm. II, 4, 7. III,

Horatius ed. Dillenburger.

Qui persaepe cava testudine flevit amorem
 Non elaboratum ad pedem.
 Ureris ipse miser: quodsi non pulchrior ignis
 Accendit obsessam Ilion,
 15 Gaude sorte tua; me libertina neque uno
 Contenta Phryne macerat.

Carmen XV.

Nox erat et coelo fulgebat luna sereno
 Inter minora sidera,
 Cum tu magnorum numen laesura deorum
 In verba iurabas mea,
 5 Artius atque hedera procera adstringitur illex
 Lentis adhaerens brachiis:
 Dum pecori lupus et nautis infestus Orion
 Turbaret hibernum mare,
 Intonsosque agitare Apollinis aura capillos,
 10 Fore hunc amorem mutuum.

9, 5, ubi vide. — *miser*] propter nimiam potestatem etiam felicitis amoris. — *ignis*] Virg. Buc. III, 66. — *macerat*] Carm. I, 13, 8.

Carmen XV.

Perfidiam Neerae, quae sanctissimo iureiurando interposito perpetuam ei fidem promiserat, graviter accusat, et ita quidem, ut iamiam se eam relicturum aliamque sibi fide et animo parem etsi minus pulchram quaesiturum minetur, rivali autem nunc glorianti neque divitias Croesi neque sapientiam Pythagorae neque pulchritudinem Nirei cum ab eadem perfidia tueri posse ostendat. Quo anno carmen compositum sit nos latet.

minora sidera] similiter Carm. I, 12, 47. — *in verba iurabas mea*] Liv. XXVIII, 29: „Milites in verba P. Scipionis iurarunt“; a militibus igitur ad amantes translata res. cf. Epist. I, 1, 14. — *artius atque*] Atque post adiectivorum comparativos pro *quam* ponitur rarissime aut nunquam ab oratoribus, saepius a poetis. cf. Sat. I, 1, 46. I, 2, 22. 5, 5. 6, 130. 10, 34. 59. II, 3, 241. 270. II, 7, 96. Virg. Aen. III, 561. vide Zumpt gr. §. 340. annot. — *hedera*] eadem imago Carm. I, 36, 20. — *Orion*] vide ad Carm. III, 27, 18. I, 28, 21. Epod. 10, 10. — *turbaret*] Sic et postea *agitaret* in plurimis codicibus; atque immerito prava paucorum codicum lectio *turbarit*, *agitavit* a nonnullis editoribus praelata est. Utique enim referenda sententia ad imperfectum *iurabas*, quo idem tempus vehementer efflagitur. Suo more Horatius tres eiusdem rei imagines coniunxit, duas ex natura rerum, tertiam ex mythologia petitam. Gratae huius varietatis dilucida exempla exhibet

O dolitura mea multum virtute Neaera!
 Nam si quid in Flacco viri est,
 Non feret assiduas potiori te dare noctes,
 Et quaeret iratus parem,
 15 Nec semel offensae cedit constantia formae,
 Si certus intrarit dolor.
 Et tu, quicumque es felicior atque meo nunc
 Superbus incedis malo,
 Sis pecore et multa dives tellure licebit,
 20 Tibique Pactolus fluat,
 Nec te Pythagorae fallant arcana renati,
 Formaue vincas Nirea,
 Eheu translatos alio moerebis amores:
 Ast ego vicissim risero.

Carmen XVI.

Altera iam teritur bellis civilibus aetas
 Suis et ipsa Roma viribus ruit,

Carm. II, 10. — *mea virtute*] per me, meis viribus. cf. Plaut. Mil. III, 1, 82: „Deum virtute transeuntem hospitio accipere.“ ibid. 142: „tua te ex virtute et mea Meae domi accipiam benigne.“ — *in Flacco*] Cum vi et gravitate nomen ponitur tanquam tertiae personae. vide ad Carm. IV, 6, 44. — *semel offensae*] semel invisae, ut apud Ciceronem Sest. 58: „cui nos offensi invisique fuerimus.“ Hoc minatur, si semel pectus ita intraverit dolor, ut aliam puellam quaesiverit, nunquam se hac relicta ad Neeram quamquam pulchriorem rediturum, nunquam suam constantiam semel invisam venustate superatum iri. — *superbus incedis*] cf. Epod. 4, 5. — *sis licebit*] cf. Carm. I, 28, 35. III, 27, 13. Sat. II, 2, 59. — *renati*] vide ad Carm. I, 28, 10. — *Nirea*] vide ad Carm. III, 20, 15.

Carmen XVI.

Memorabilis est Acronis scholiastae infra ad versum 41 annotatio: „In quo (Oceano) sunt insulae fortunatae, ad quas Salustius in historia dicit victum voluisse ire Sertorium“; cui fides accedit ex auctoritate Plutarchi in vita Sertorii c. 9 eandem rem narrantis. Iam cum Horatium misero reipublicae statu graviter afflictum hoc carmine idem civibus suis consilium dare videamus, non inanis videatur coniectura poetam Sertorianam illam vocem in simili omnium rerum desperatione arripuisse et poeticis imaginibus ac luminibus illustrasse. Summa autem Romanarum rerum desperatio quae per totum carmen quasi regnat, quod aliud tempus ostendere potest nisi illud quo Brutianae partes dissipa-

Quam neque finitimi valuerunt perdere Marsi
 Minacis aut Etrusca Porsenae manus,
 5 Aemula nec virtus Capuae nec Spartacus acer
 Novisque rebus infidelis Allobrox,
 Nec fera caerulea domuit Germania pube
 Parentibusque abominatus Hannibal,
 Impia perdemus devoti sanguinis aetas,
 10 Ferisque rursus occupabitur solum.
 Barbarus heu cineres insistet victor et Urbem
 Eques sonante verberabit ungula,
 Quaeque carent ventis et solibus ossa Quirini,

tae ac profligatae nullam restituendae libertatis spem reliquissent nec-
 dum Horatius cum contraria parte ita pacem fecisset ut salutem inde
 posset exspectare? Quare scriptum videtur carmen a u. c. 713 sub
 initium belli Perusini. Scena quae carmini quasi subiecta est, sumpta
 est ex concione civium, ad quos poeta agit de republica; ut speciem
 praebeat orationis ad populum habitae metrorum vinculis circumclusae.
 In qua re quaerenda mihi videtur causa molestae cuiusdam ubertatis ac
 paene vitiosae latitudinis, quam ut in magna figurarum τοῦ ἀδυνάτου
 copia ita in nimia fortunatarum insularum descriptione reprehendas.
 Ceterum animadvertendum est, principalem sententiam eandem esse quam
 in Epod. 7 inesse vidimus.

V. 1. *Altera*] nam Sullana aetas prima fuit. — *suis et ipsa*] In
 pedestri oratione scriberemus *suis ipsius viribus*; et enclitica est. cf.
 Epod. 7, 9 sq — *Marsi*] Tria in his versibus diversorum hostium quasi
 quaedam castra coniuncta, distichorum spatio inter se divisa. In qua
 re quod diversissimas quasque nationes coniunxit poeta, id consulto
 factum puto, nimirum quo magis pateret nihil unquam fuisse quod Ro-
 manam potestatem imminuere potuisset. Iam habes etiam cur vv. 6 et
 8 non videatur necessarium librorum particulam *que* in te mutare. — *Ca-
 puae*] Cicer. de leg. agr. II, 32: „Maiores tres solum urbes in terris
 omnibus, Karthaginiem, Corinthum, Capuam statuerunt posse imperii gra-
 vitatem ac nomen sustinere.“ — *Allobrox*] Videnda necessario coniuratio
 Catilinae et bellum quod eam secutum est. Cic. de prov. cons. 13:
 C. Pomptinus ortum repente bellum Allobrogum atque hac scelerata
 coniuratione (Catilinae) excitatum proeliis fregit eosque domuit qui la-
 cessierant.“ Allobroges Galli erant, de quorum novarum rerum studio
 certissimus locus est Caes. B. G. IV, 5. Ceterum singularis *Allobrox*
 non legitur nisi in poetarum libris. — *parentibus*] maioribus nostris.
 Qualem Romani Hannibalem cogitaverint, ex hoc loco Senecae de ira
 II, 5 intelligas: „Hannibalem aiunt dixisse, cum fossam sanguine hu-
 mano plenam vidisset: o formosum spectaculum! Quanto pulchrius illi
 visum esset, si flumen aliquod lacumque complexset. Quid mirum, si
 hoc maxime spectaculo caperis innatus sanguini et ab infante caedibus
 admotus?“ — *abominatus*] passive ut Liv. XXXI, 12, 8. — *rursus*]
 ut ante urbem conditam. — *cineres insistet*] Apposite ad primam verbi
 significationem oritur vis *calcandi* et *insultandi* cum notione contume-
 liae et contemptionis etiam in verbo *verberabit* conspicua; neque ita
 rarus est accusativus obiecti propter cognatas adeundi, ineundi, ingre-
 diendi notiones. — *carent*] h. e. nunc defenduntur, quia Romanis sacra

- Nefas videre! dissipabit insolens.
- 15 Forte quid expediat communiter aut melior pars
 Malis carere quaeritis laboribus:
 Nulla sit hac potior sententia, Phocaeorum
 Velut profugit exsecrata civitas
 Agros atque Lares patrios habitandaque fana
- 20 Apris reliquit et rapacibus lupis,
 Ire pedes quocunque ferent, quocunque per undas
 Notus vocabit aut protervus Africanus.
 Sic placet? an melius quis habet suadere? Secunda
 Ratem occupare quid moramur alite?
- 25 Sed iuremus in haec: simul imis saxa renarint
 Vadis levata, ne redire sit nefas;
 Neu conversa domum pigeat dare lintea, quando
 Padus Matina laverit cacumina,
 In mare seu celsus procurrerit Apenninus,
- 30 Novaque monstra iunxerit libidine
 Mirus amor, iuvet ut tigres subsidere cervis,
 Adulteretur et columba miluo,
 Credula nec rivos timeant armenta leones,
 Ametque salsa levis hircus aequora.
- 35 Haec et quae poterunt reditus abscindere dulces
 Eamus omnis exsecrata civitas,

sunt. „Sic dicit, quasi Römulus sepultus sit, non ad coelum raptus aut discriptus a senatoribus: nam Varro post Rostra fuisse sepulcrum Römuli dicit.“ Porphyrio.

V. 15. *Forte quid*] Omissa particula *si*, ut Sat. II, 5, 74. Epist. I, 6, 56. Ordo est: „si forte quaeritis communiter (omnes) aut melior pars (cf. v. 37), quid expediat carere malis laboribus“, h. e. quid efficiat ut careamus. *Carere* enim infinitivus obnoxius est potestati alterius verbi *expediat*. — *Phocaeorum*] Herod. I, 165. — *agros atque Lares*] Coniungendus accusativus et cum verbo *profugit* et cum *exsecrata*. — *patrios*] In editionibus et veteribus et recentioribus *proprios*, quod ex interpretatione ortum esse statim vides. — *habitanda*] cf. Carin. III, 3, 40 sq. — *pedes*] cf. Carm. III, 11, 49. — *protervus*] Carm. I, 26, 2. — *saxa*] Ad exemplum Phocaeorum, qui ferri massam in mare iniicisse dicuntur. — *Matina*] vide ad Carm. I, 28, 3. — *ravos*] Alii *flavos* vel *fuleos*. sed vide ad Carm. III, 27, 3. — *levis hircus*] Oxymoron; nam natura villosus est hircus, levis factus cum per aquam natavit. — *dulces*] blandos; ad redeundum in patriam propensus est hominum animus. Pluralis *reditus* varia redeundi consilia et conatus significat. — *exsecrata civitas*] Consulto haec repetuntur ex v. 18, quo par Phocaeorum et Romanorum status magis etiam inculce-

- Aut pars indocili melior grege; molles et exspes
Inominata perprimat cubilia!
- Vos, quibus est virtus, muliebrem tollite luctum,
40 Etrusca praeter et volate littora.
Nos manet Oceanus circumvagus: arva, beata
Petamus arva divites et insulas,
Reddit ubi cererem tellus inarata quotannis
Et imputata floret usque vinea,
45 Germinat et nunquam fallentis termes olivae
Suamque pulla ficus ornat arborem,
Mella cava manant ex ilice, montibus altis
Levis crepante lympa desilit pede.
Illic iniussae veniunt ad mulctra capellae
50 Refertque tenta grex amicus ubera,
Nec vespertinus circumgemit ursus ovile,
Neque intumescit alta viperis humus.
Pluraque felices mirabimur, ut neque largis
Aquosus Eurus arva radat imbribus,
55 Pingua nec siccis urantur semina glebis,
Utrumque rege temperante coelitem.
Non huc Argo contendit remige pinus,

tur. — *Etrusca praeter*] Praepositiones postpositas (vide ad Carm. III, 3, 11) encliticarum vocularum instar nomini suo adhaerere caesura ostendit atque altera enclitica *et*. — *arva*] De iterato in altero versu eodem vocabulo — in qua re quanta vis insit non est quod moneatur — conferas Epod. 11, 3. Virg. Aen. VII, 586 sq. — *pulla ficus*] matura. Ac nascitur ea in sua arbore, non in insitivis ramis; insitione igitur in beatis insulis non est opus. — *Levis crepante*] „Eleganter ipso versu susurrum aquae desilientis imitatus est.“ *Comm. Crug.* Aquae quia currunt apud poetas *pedem* quoque habent; ut Virg. Cul. 17: „Castaliaeque sonans liquido pede labitur unda.“ — *tenta ubera*] ut Virg. Buc. 4, 21. — *vespertinus*] vide ad Carm. I, 2, 45. — *circumgemit*] Gemere dicuntur ea maxime animalia, quorum vox gementi similis est, sed extendunt poetae notionem, ut Virg. Aen. VII, 15. — *intumescit alta*] Voc. *alta* notione sua artissime cum *intumescit* coniungendum, ut sit „Noch schwillt von Nattern hoch der Boden auf.“

V. 53. *mirabimur, ut*] cf. Carm. III, 4, 13 sqq. — *radat imbribus*] proprio sensu; imbres enim agros diluunt et dilacerant. Paulo aliter Sat. II, 6, 25. — *nec*] postpositum. vide ad Carm. I, 8, 6. — *pingua*] sunt sucosa; artificiose igitur adiectiva per se contraria vicinitate locorum coniuncta sunt, ut saepe. — *Non huc*] Intactae illae insulae sunt ab hominum commercio neque infectae cupiditatibus, mercaturae et commercii illis quidem sociis. Cuius rei triplex affertur exemplum: Argo navis cum Medea, quae patre relicto peregrinum virum secuta est;

Neque impudica Colchis intulit pedem;
 Non huc Sidonii torserunt cornua nautae,
 60 Laboriosa nec cohors Ulixel.
 Nulla nocent pecori contagia, nullius astri
 Gregem aestuosa torret impotentia.
 Iuppiter illa pia secrevit littora genti,
 Ut inquinavit aere tempus aureum;
 65 Aere, dehinc ferro duravit saecula: quorum
 Piis secunda vate me datur fuga.

Carmen XVII.

Iam iam efficaci do manus scientiae,
 Supplex et oro regna per Proserpinae,

Sidonii nautae, qui ut divitias conquirent in remotissimas regiones penetrabant; Ulixes versutus et astutus. Praeterea notandum, eadem tria exempla clarissima esse per antiquitatem longinquis per Oceanum navigationibus. — *Nulla nocent*] Hoc loco hi versus in omnibus codd. leguntur. Interpretes eos aut in alium locum vel post v. 52 vel post v. 56 transferunt aut pro spuriis habent. Sed poeta primum eas insularum dotes, quae terra ipsa continentur, vv. 43—52 descripsit, deinde res quae extrinsecus veniunt subiunxit. Terra nihil in se continet quod aut agris aut incolis et gregibus noceat neque extrinsecus mala veniunt. Etenim agros neque nimiae pluviae vexant nec siccitas exurit, incolae a peregrinis non turbantur, pecudes denique nullis contagiis laborant. Igitur neque agris neque hominibus neque pecudibus quidquam timendum est. — *Iahn.* — *astri*] cf. Carm. III, 13, 9. — *aere*] Tres habet aetates, auream, aeream, ferream, omissa argentea. — *aere, dehinc*] Alii ex codd. *aerea dehinc* (monosyll.), qua lectione molestam, ut dicebant, anaphoram vitarent. At vero recte animadversum est, referri anaphora commotum poetae animum, quo intueatur humani generis depravationem. cf. supra v. 41. Deinde si quid ibi molesti est, id ne adiectivo quidem *aerea* pellitur. -- *quorum*] Genitivus est quem solemus obiectivum dicere.

Carmen XVII.

Duobus carminibus, quae in Canidiam sagam et veneficam acerbissime scripta erant (Epod. 5. Sat. I, 8), hoc tertium additur. Fingit enim poeta, Canidiam versibus suis in furore gravissimamque iram agitatam magica arte etiam in se usam esse, non ut ludibrium et odium in amorem converteret, sed ut durissima quaeque mala in inimicum cumlaret. Cuius quidem artis maximam vim iam nunc se sentire simulat inimicamque ut tandem sibi satis cruciatio parcere velit supplex obsecrat. Sed surdae sunt aures Canidiae; nunquam ea furorem ultionemque minuet. Duae igitur carminis sunt partes, prima (v. 1—52) qua poeta quidquid olim calumniatus sit mentitum se esse humili

- Per et Dianae non movenda numina,
 Per atque libros carminum valentium
 5 Refixa coelo devocare sidera,
 Canidia, parce vocibus tandem sacris
 Citumque retro solve solve turbinem.
 Movit nepotem Telephus Nereium,
 In quem superbus ordinarat agmina
 10 Mysorum et in quem tela acuta torserat.
 Unxere matres Iliæ addictum feris
 Alitibus atque canibus homicidam Hectorem,
 Postquam relictis moenibus rex procidit
 Heu pervicacis ad pedes Achillei.
 15 Setosa duris exuere pellibus
 Laboriosi remiges Ulixei
 Volente Circa membra; tunc mens et sonus
 Relapsus atque notus in vultus honor.

animo videtur fateri; altera (v. 53—81) qua Canidia veniam se daturam non negat solum sed poenas etiam aucturam minatur. Qua carminis ratione novam salissimamque Canidiae irrisiōnem addi supervacaneum prope videtur monere. Quo anno carmen compositum videatur inveniri nequit; vehementer enim erraret qui ex v. 23 concludi aliquid posse opinaretur.

V. 1. *do manus*] victum me profiteor. Cic. ad Att. II, 22: „Aiebant illum prinno sane diu multa contra, ad extremum autem manus dedisse.“ — *Proserpinae*] a Canidia maga magnopere culta. Eadem de causa etiam Diana memoratur. cf. Epod. 5, 51. — *per atque*] Ne credas cum Bothio esse scribendum *per teque*, recordare etiam atque postponi a poetis, ut Epod. 8, 11. Sat. I, 5, 4. I, 6, 131. — *carminum*] sunt formulae magicæ. cf. Epod. 5, 45. — *refixa*] Sic scribendum, non *defixa* vide ad Carm. I, 28. p. 83. — *solve solve*] Iteratio est enixe precantis. Similiter Carm. I, 35, 15. — *turbinem*] rhombum magicum, qui ut per licia attracta et advoluta agitatus incantatos ad voluntatem magæ adstrinxit, sic retro actus adstrictos vi solvit. cf. Theocr. II, 30: „Χῶς δινεῖθ' ὅδε ῥόμβος ὁ χάλκεος ἐξ Ἀγροδτίας, ὧς ἱγρὸς δινεῖτο ποθ' ἀμειτέρῃσι θύρῃσι. — *Telephus*] Mysorum rex ab Achille (Nerei nepote) vulneratus consulto oraculo responsum tulit: ὁ τρώας καὶ λίσσεται. Achilles precibus eius motus ferrugine cuspidis hastæ suæ vulnus sanavit. — *unxere*] Boni etiam codices *luxere*, male; lugere etiam poterant non receptum, ungere non potuerunt. Sic igitur recte, etiamsi Homerus II. XXIV, 776 diserte non narrat quod rerum ratio tulit. — *addictum*] Hom. II. XXIII, 183. — *homicidam*] Hom. II. I, 242. — *procidit*] Hom. II. XXIV, 510. cf. Carm. I, 10, 14. — *perricacis*] Carm. I, 6, 6. — *laboriosi*] Epod. 16, 60. De Circa vide Hom. Od. X, 388 sqq. Latina forma *Circa* ex bonis codicibus. — *sonus*] vox humana. — *relapsus*] In bonis libris legitur *relatus*, de quo Bentleyus: „in eo duntaxat differunt, quod *relatus* externa vi reductum significet,

- Dedi satis superque poenarum tibi,
 20 Amata nautis multum et institoribus.
 Fugit iuventas et verecundus color
 Reliquit ossa pelle amicta lurida;
 Tuis capillus albus est odoribus,
 Nullum ab labore me reclinat otium;
 25 Urget diem nox et dies noctem, neque est
 Levare tenta spiritu praecordia.
 Ergo negatum vincor ut credam miser,
 Sabella pectus increpare carmina
 Caputque Marsa dissilire nenia.
 30 Quid amplius vis? O mare, o terra, ardeo
 Quantum neque atro delibutus Hercules
 Nessi cruore, nec Sicana fervida
 Virens in Aetna flamma; tu, donec cinis
 Iniuriosis aridus ventis ferar,
 35 Cales venenis officina Colchicis.
 Quae finis aut quod me manet stipendium?
 Effare; iussas cum fide poenas luam,
 Paratus expiare, seu poposceris
 Centum iuencos sive mendaci lyra

relapsus ultro et sponte sua reversum.^a — *multum*] vide ad Carm. I, 25, 5. — *institoribus*] vide ad Carm. III, 6, 30. Sed animadvertite quanta insit in hac laude acerbitas et contumelia.

V. 21. *fugit*] Nimirum ficta sunt haec omnia; non verior canities quam luridus color cutis. Verecundus color rubor est iuventuti proprius; qui *ossa* relinquit, cum corpus macie confectum nihil est nisi ossa et cutis. Quare tenenda est codicum lectio *ossa* contra Bentleyi conjecturam *ora*. — *odoribus*] unguentis magicis. — *neque est*] οὐδ' ἔστι. vide Zumpt. gr. lat. §. 227. — *Sabella*] Sat. I, 9, 29. Ut Marsi sic etiam Sabelli et Peligni magicarum rerum periti. cf. Epod. 5, 76. infr. v. 60. Vide ad Carm. II, 1, 38. — *Hercules*] Epod. 3, 17. — *virens flamma*] ad colorem sulfureae flammae, quam exhalat Aetna. In codd. etiam *urens* et *furens*. — *cinis*] „Tu veluti quaedam venenorum officina non cessabis me tuis venenis exurere, donec exaruerim et cineris in modum consumptus atque a ventis dispersus fuerim?“ — *iniuriosis*] Summa in mortuos iniuria est cineres eorum ventis dissipandos dare. — *Quae finis*] exitus, eventus; sic non raro feminino genere: Virg. Aen. II, 554. Liv. XXII, 57. Cic. Leg. II, 22: „Necesse est edisseri a nobis, quae finis funestae familiae cet.“ — *sive mendaci lyra*] Gravissima εἰρωτῆλα hic aperta; nam quam mendacem ita appellat lyram, ut mentitam eam in diffamanda Canidia videatur fateri, eam simul significat nunc mentiri in laudanda. Quae verba *mend. tyr.* cum praecedant, insequentem laudem omnem in irrisionem vertunt. — *peram-*

- 40 Voles sonari: Tu pudica, tu proba
Perambulabis astra sidus aureum.
Infamis Helenae Castor offensus vicem
Fraterque magni Castoris victi prece
Adempta vati reddidere lumina.
- 45 Et tu, potes nam, solve me dementia,
O nec paternis obsoleta sordibus,
Nec in sepulcris pauperum prudens anus
Novendiales dissipare pulveres.
Tibi hospitale pectus et purae manus,
- 50 Tuusque venter Pactumeius, et tuo
Cruore rubros obstetrix pannos lavit,
Utcunque fortis exsilis puerpera.

Quid obseratis auribus fundis preces?

Non saxa nudis surdiora navitis

- 55 Neptunus alto tundit hibernus salo.

Inultus ut tu riseris Cotyttia

Vulgata, sacrum liberi Cupidinis,

Et Esquilini pontifex venefici

Impune ut urbem nomine impleris meo?

bulabis] vide ad Epod 4, 5. — *Infamis Helenae*] infamatae; Stesichorus enim poeta oculis captus esse dicitur quia Helenam maledicis et contumeliosis versibus laceraverat. Plat. Phaedr. p. 243. A: ἢ ἔστι δὲ τοῖς ἀμαρτάνουσι περὶ μυθολογίαν καθαρμὸς ἀρχαῖος, ὃν Ὅμηρος μὲν οὐκ ᾔσθετο, Σιησίχορος δὲ τῶν γὰρ ἀμαρτίων σιτηθεὶς διὰ τὴν Ἑλένης κακηγορίαν, οὐκ ἐγνόησεν ὥσπερ Ὅμηρος, ἀλλ' ἅτε μουσικὸς ὢν ἔγνων τὴν αἰτίαν καὶ ποιεῖ εὐθὺς Ὅμηρον οὐκ ἔστι' ἔτυμος λόγος οὗτος, οὗ δ' ἔβας ἐν νηυσὶν εὐσέλμοις οὐδ' ἴκετο Πέργαμα Τροίας. καὶ ποιήσας δὴ πᾶσαν τὴν καλουμένην παλινωδίαν παραγοῆμα ἀνέβλεψεν. — *vicem*] Plurimi codices *rice*; sed lege Zumpt. gr. lat. §. 453. — *potes nam*] vide ad Carm. IV, 14, 9. *sepulcris pauperum*] cf. Sat. I, 8, 14—20. Divitum sepulcris sui erant custodes. — *novendiales cineres*] recentes; nono enim die omnia iusta mortuis peracta erant. *Dissipare est in magicum usum consumere.* — *Pactumeius*] Est nomen filii suppositicii, quem sibi filium esse dicebat. cf. Epod 5, 5. Illud autem vere est nomen Romanum in inscriptionibus obvium.

V. 55. *Neptunus hibernus*] Metonymia; mare procellisum. — *ut tu*] vide Zumpt. gr. lat. §. 609. — *Cotyttia*] sacra nocturna et flagitiosa a Cotyttone Thracia dea impudicitiae dicta. — *pontifex*] Pontifex maximus iudex et arbiter erat omnium rerum sacrarum; quare Canidia Horatium invidiose pontificem appellat Esquilini veneficii, cuius arbitrum

- 60 Quid proderat ditasse Pelignas anus,
 Velociusve miscuisse toxicum?
 Sed tardiora fata te votis manent;
 Ingrata misero vita ducenda est in hoc,
 Novis ut usque suppetas laboribus.
- 65 Optat quietem Pelopis infidi pater,
 Egens benignae Tantalus semper dapis,
 Optat Prometheus obligatus aliti,
 Optat supremo collocare Sisyphus
 In monte saxum; sed vetant leges Iovis.
- 70 Voles modo altis desilire turribus,
 Modo ense pectus Norico recludere,
 Frustraque vincla gutturi innectes tuo,
 Fastidiosa tristis aegrimonia.
 Vectabor humeris tunc ego inimicis eques,
- 75 Meaeque terra cedet insolentiae.
 An quae movere cereas imagines,
 Ut ipse nosti curiosus, et polo
 Deripere Lunam vocibus possim meis,
 Possim crematos excitare mortuos

eum fuisse ostendit Sat. I, 8. — *Pelignas*] vide ad v. 28. — *Sed tardiora*] Non pauci et boni codices *si tard.*, quod cum olim praetulerim nunc tamen relinquendum video. Canidia enim hoc vult: „Quid proderat mihi magna mercede magicam artem didicisse, si te nunc ulcisci non possum? Verum senties meam potestatem; mori males quam vitam ducere a me tibi paratam. Sed tuis votis tardiora fata te manent cet.“ — *in hoc*] Ovid. Met. VIII, 77. Liv. XXI, 42, 2. Significatur res, propter quam aliquid fieri dicitur. — *Pelopis infidi*] quia in mare coniecerat Myrtilum aurigam, cuius ope Hippodamiam, Oenomai filiam, in matrimonium acceperat. Gravis in hoc loco anaphora *optat*; nam „tu quoque, inquit, nequidquam optabis a perpetua poena morte liberari.“ — *obligatus*] tenacissime ligatus; ut dicunt Latini *nexu se obligare*, similia. — *Norico*] Carm. I, 16, 9. — *recludere*] aperire. Virg. Aen. X, 601. — *innectes*] Sic antiqui codices non pauci; alii etiam *boni nectes*. Difficilior lectio praestare videtur. cf. Virg. Aen. VI, 609. Lucan. II, 670: „Tunc placuit caesis innectere vincula silvis.“ — *vectabor humeris*] Metaphoram intelliges ex Epod. 16, 12. Sic Graeci *καθηπλάσθαι*. Aesch. Eum. 778: „θεοὶ νεώτεροι παλαιούς νόμους καθηπλάσασθε.“ ibid. 731: „καθηπλάζει με πρεσβύτερον νέος.“ — *terra cedet*] „tibi quasi inequitans terram iam non tangam, ut omnes meam potentiam agnoscant.“ — *cereas imagines*] Hoc quid sit, disces ex Virg. Buc. 8, 79 sqq. et Theocr. 2, 29: Ὡς τοῦτον τὸν κατὸν ἐγὼ σὺν δαίμονι τάκω, Ὡς τάκοιθ' ὑπ' ἔρωτος ὁ Μινδῖος αὐτίκα δέλφισ. — *curiosus*] invidiose dictum: „cum tu ex insidiis arti meae

Qui persaepe cava testudine flevit amorem
 Non elaboratum ad pedem.
 Ureris ipse miser: quodsi non pulchrior ignis
 Accendit obsessam Ilion,
 15 Gaude sorte tua; me libertina neque uno
 Contenta Phryne macerat.

Carmen XV.

Nox erat et coelo fulgebat luna sereno
 Inter minora sidera,
 Cum tu magnorum numen laesura deorum
 In verba iurabas mea,
 5 Artius atque hedera procera adstringitur illex
 Lentis adhaerens brachiis:
 Dum pecori lupus et nautis infestus Orion
 Turbaret hibernum mare,
 Intonsosque agitaret Apollinis aura capillos,
 10 Fore hunc amorem mutuum.

9, 5, ubi vide. — *miser*] propter nimiam potestatem etiam felicitis amoris. — *ignis*] Virg. Buc. III, 66. — *macerat*] Carm. I, 13, 8.

Carmen XV.

Perfidiam Neerae, quae sanctissimo iureiurando interposito perpetuam ei fidem promiserat, graviter accusat, et ita quidem, ut iamiam se eam relicturum aliamque sibi fide et animo parem etsi minus pulchram quaesiturum minetur, rivali autem nunc glorianti neque divitias Croesi neque sapientiam Pythagorae neque pulchritudinem Nirei eum ab eadem perfidia tueri posse ostendat. Quo anno carmen compositum sit nos latet.

minora sidera] similiter Carm. I, 12, 47. — *in verba iurabas mea*] Liv. XXVIII, 29: „Milites in verba P. Scipionis iurarunt“; a militibus igitur ad amantes translata res. cf. Epist. I, 1, 14. — *artius atque*] Atque post adiectivorum comparativos pro *quam* ponitur rarissime aut nunquam ab oratoribus, saepius a poetis. cf. Sat. I, 1, 46. I, 2, 22. 5, 5. 6, 130. 10, 34. 59. II, 3, 241. 270. II, 7, 96. Virg. Aen. III, 561. vide Zumpt gr. §. 340. annot. — *hedera*] eadem imago Carm. I, 36, 20. — *Orion*] vide ad Carm. III, 27, 18. I, 28, 21. Epod. 10, 10. — *turbaret*] Sic et postea *agitaret* in plurimis codicibus; atque immerito prava paucorum codicum lectio *turbarit*, *agitavit* a nonnullis editoribus praelata est. Utique enim referenda sententia ad imperfectum *iurabas*, quo idem tempus vehementer efflagitur. Suo more Horatius tres eiusdem rei imagines coniunxit, duas ex natura rerum, tertiam ex mythologia petitam. Gratae huius varietatis dilucida exempla exhibet

O dolitura mea multum virtute Neaera!

Nam si quid in Flacco viri est,

Non feret assiduas potiori te dare noctes,

Et quaeret iratus parem,

15 Nec semel offensae cedit constantia formae,

Si certus intrarit dolor.

Et tu, quicumque es felicior atque meo nunc

Superbus incedis malo,

Sis, pecore et multa dives tellure licebit,

20 Tibique Pactolus fluat,

Nec te Pythagorae fallant arcana renati,

Formaque vincas Nirea,

Eheu translatos alio moerebis amores:

Ast ego vicissim risero.

Carmen XVI.

Altera iam teritur bellis civilibus aetas

Suis et ipsa Roma viribus ruit,

Carm. II, 10. — *mea virtute*] per me, meis viribus. cf. Plaut. Mil. III, 1, 82: „Deum virtute transeuntem hospitio accipere.“ ibid. 142: „tua te ex virtute et mea Meae domi accipiam benigne.“ — *in Flacco*] Cum vi et gravitate nomen ponitur tanquam tertiae personae. vide ad Carm. IV, 6, 44. — *semel offensae*] semel invisae, ut apud Ciceronem Sest. 58: „cui nos offensi invisique fuimus.“ Hoc minatur, si semel pectus ita intraverit dolor, ut aliam puellam quaesiverit, nunquam se hac relicta ad Neaeram quamquam pulchriorem rediturum, nunquam suam constantiam semel invisam venustate superatum iri. — *superbus incedis*] cf. Epod. 4, 5. — *sis licebit*] cf. Carm. I, 28, 35. III, 27, 13. Sat. II, 2, 59. — *renati*] vide ad Carm. I, 28, 10. — *Nirea*] vide ad Carm. III, 20, 15.

Carmen XVI.

Memorabilis est Acronis scholiastae infra ad versum 41 annotatio: „In quo (Oceano) sunt insulae fortunatae, ad quas Salustius in historia dicit victum voluisse ire Sertorium“; cui fides accedit ex auctoritate Plutarchi in vita Sertorii c. 9 eandem rem narrantis. Iam cum Horatium misero reipublicae statu graviter afflictum hoc carmine idem civibus suis consilium dare videamus, non inanis videatur coniectura poetam Sertorianam illam vocem in simili omnium rerum desperatione arripuisse et poeticis imaginibus ac luminibus illustrasse. Summa autem Romanarum rerum desperatio quae per totum carmen quasi regnat, quod aliud tempus ostendere potest nisi illud quo Brutianae partes dissipa-

Quam neque finitimi valuerunt perdere Marsi
 Minacis aut Etrusca Porsenae manus,
 5 Aemula nec virtus Capuae nec Spartacus acer
 Novisque rebus infidelis Allobrox,
 Nec fera caerulea domuit Germania pube
 Parentibusque abominatus Hannibal,
 Impia perdemus devoti sanguinis aetas,
 10 Ferisque rursus occupabitur solum.
 Barbarus heu cineres insistet victor et Urbem
 Eques sonante verberabit ungula,
 Quaeque carent ventis et solibus ossa Quirini,

tae ac profligatae nullam restituendae libertatis spem reliquissent nec-
 dum Horatius cum contraria parte ita pacem fecisset ut salutem inde
 posset expectare? Quare scriptum videtur carmen a u. c. 713 sub
 initium belli Persini. Scena quae carmini quasi subiecta est, sumpta
 est ex concione civium, ad quos poeta agit de republica; ut speciem
 praebet orationis ad populum habitae metrorum vinculis circumclusae.
 In qua re quaerenda mihi videtur causa molestae cuiusdam ubertatis ac
 paene vitiosae latitudinis, quam ut in magna figurarum τοῦ ἀδυνατοῦ
 copia ita in nimia fortunatarum insularum descriptione reprehendas.
 Ceterum animadvertendum est, principalem sententiam eandem esse quam
 in Epod. 7 inesse vidimus.

V. 1. *Altera*] nam Sullana aetas prima fuit. — *suis et ipsa*] In
 pedestri oratione scriberemus *suis ipsius viribus*; et enclitica est. cf.
 Epod. 7, 9 sq — *Marsi*] Tria in his versibus diversorum hostium quasi
 quaedam castra coniuncta, distichorum spatio inter se divisa. In qua
 re quod diversissimas quasque nationes coniunxit poeta, id consulto
 factum puto, nimirum quo magis pateret nihil unquam fuisse quod Ro-
 manam potestatem imminuere potuisset. Iam habes etiam cur vv. 6 et
 8 non videatur necessarium librorum particulam *que* in remittere. — *Ca-
 puae*] Cicer. de leg. agr. II, 32: „Maiores tres solum urbes in terris
 omnibus, Karthaginem, Corinthum, Capuam statuerunt posse imperii gra-
 vitatem ac nomen sustinere.“ — *Allobrox*] Videnda necessario coniuratio
 Catilinaria et bellum quod eam secutum est. Cic. de prov. cons. 13:
 C. Pomptinus ortum repente bellum Allobrogum atque hac scelerata
 coniuratione (Catilinae) excitatum proeliis fregit eosque domuit qui la-
 cessierant.“ Allobroges Galli erant, de quorum novarum rerum studio
 certissimus locus est Caes. B. G. IV, 5. Ceterum singularis *Allobrox*
 non legitur nisi in poetarum libris. — *parentibus*] maioribus nostris.
 Qualem Romani Hannibalem cogitaverint, ex hoc loco Senecae de ira
 II, 5 intelligas: „Hannibalem aiunt dixisse, cum fossam sanguine hu-
 mano plenam vidisset: o formosum spectaculum! Quanto pulchrius illi
 visum esset, si flumen aliquod lacumque complexset. Quid mirum, si
 hoc maxime spectaculo caperis innatus sanguini et ab infante caedibus
 admotus?“ — *abominatus*] passive ut Liv. XXXI, 12, 8. — *rursus*]
 ut ante urbem conditam. — *cineres insistet*] Apposite ad primam verbi
 significationem oritur vis *calcandi* et *insultandi* cum notione contume-
 liae et contumeliosae etiam in verbo *verberabit* conspicua; neque ita
 raris est accusativus obiecti propter cognatas adeundi, ineundi, ingre-
 diendi notiones. — *carent*] h. e. nunc defenduntur, quia Romanis sacra

- Nefas videre! dissipabit insolens.
- 15 Forte quid expediat communiter aut melior pars
 Malis carere quaeritis laboribus:
 Nulla sit hac potior sententia, Phocaeorum
 Velut profugit exsecrata civitas
 Agros atque Lares patrios habitandaque fana
- 20 Apris reliquit et rapacibus lupis,
 Ire pedes quocunque ferent, quocunque per undas
 Notus vocabit aut protervus Africanus.
 Sic placet? an melius quis habet suadere? Secunda
 Ratem occupare quid moramur alite?
- 25 Sed iuremus in haec: simul imis saxa renarint
 Vadis levata, ne redire sit nefas;
 Neu conversa domum pigeat dare lintea, quando
 Padus Matina laverit cacumina,
 In mare seu celsus procurrerit Apenninus,
- 30 Novaque monstra iunxerit libidine
 Mirus amor, iuvet ut tigres subsidere cervis,
 Adulteretur et columba miluo,
 Credula nec rivos timeant armenta leones,
 Ametque salsa levis hircus aequora.
- 35 Haec et quae poterunt reditus abscindere dulces
 Eamus omnis exsecrata civitas,

sunt. „Sic dicit, quasi Romulus sepultus sit, non ad coelum raptus aut discriptus a senatoribus: nam Varro post Rostra fuisse sepulcrum Romuli dicit.“ Porphyrio.

V. 15. *Forte quid*] Omissa particula si, ut Sat. II, 5, 74. Epist. I, 6, 56. Ordo est: „si forte quaeritis communiter (omnes) aut melior pars (cf. v. 37), quid expediat carere malis laboribus“, h. e. quid efficiat ut careamus. *Carere* enim infinitivus obnoxius est potestati alterius verbi *expediat*. — *Phocaeorum*] Herod. I, 165. — *agros atque Lares*] Coniungendus accusativus et cum verbo *profugit* et cum *exsecrata*. — *patrios*] In editionibus et veteribus et recentioribus *proprios*, quod ex interpretatione ortum esse statim vides. — *habitanda*] cf. Carm. III, 3, 40 sq. — *pedes*] cf. Carm. III, 11, 49. — *protervus*] Carm. I, 26, 2. — *saxa*] Ad exemplum Phocaeorum, qui ferri massam in mare iniicisse dicuntur. — *Matina*] vide ad Carm. I, 28, 3. — *rivos*] Alii *flavos* vel *fultos*. sed vide ad Carm. III, 27, 3. — *levis hircus*] Oxymoron; nam natura villosus est hircus, levis factus cum per aquam natavit. — *dulces*] blandos; ad redeundum in patriam propensus est hominum animus. Pluralis *reditus* varia redeundi consilia et conatus significat. — *exsecrata civitas*] Consulto haec repetuntur ex v. 18, quo per Phocaeorum et Romanorum status magis etiam inculce-

Aut pars indocili melior grege; mollis et exspes
Inominata perprimat cubilia!

Vos, quibus est virtus, muliebrem tollite luctum,

40 Etrusca praeter et volate littora.

Nos manet Oceanus circumvagus: arva, beata

Petamus arva divites et insulas,

Reddit ubi cererem tellus inarata quotannis

Et imputata floret usque vinea,

45 Germinat et nunquam fallentis termes olivae

Suamque pulla ficus ornat arborem,

Mella cava manant ex ilice, montibus altis

Levis crepante lymph a desilit pede.

Illic iniussae veniunt ad mulctra capellae

50 Refertque tenta grex amicus ubera,

Nec vespertinus circumgemit ursus ovile,

Neque intumescit alta viperis humus.

Pluraque felices mirabimur, ut neque largis

Aquosus Eurus arva radat imbribus,

55 Pingua nec siccis urantur semina glebis,

Utrumque rege temperante coelitus.

Non huc Argo contendit remige pinus,

tur. — *Etrusca praeter*] Praepositiones postpositas (vide ad Carm. III, 3, 11) encliticarum vocularum instar nomini suo adhaerere caesura ostendit atque altera enclitica *et*. — *arva*] De iterato in altero versu eodem vocabulo — in qua re quanta vis insit non est quod moneatur — conferas Epod. 11, 3. Virg. Aen. VII, 586 sq. — *pulla ficus*] matura. Ac nascitur ea in sua arbore, non in insitivis ramis; insitione igitur in beatis insulis non est opus. — *Levis crepante*] „Eleganter ipso versu susurrum aquae desilientis imitatus est.“ *Comm. Cruq.* Aquae quia currunt apud poetas *pedem* quoque habent; ut Virg. Cul. 17: „Castaliaeque sonans liquido pede labitur unda.“ — *tenta ubera*] ut Virg. Buc. 4, 21. — *vespertinus*] vide ad Carm. I, 2, 45. — *circumgemit*] Gemere dicuntur ea maxime animalia, quorum vox gementi similis est, sed extendunt poetae notionem, ut Virg. Aen. VII, 15. — *intumescit alta*] Voc. *alta* notione sua artissime cum *intumescit* coniungendum, ut sit „Noch schwillt von Nattern hoch der Boden auf.“

V. 53. *mirabimur, ut*] cf. Carm. III, 4, 13 sqq. — *radat imbribus*] proprio sensu; imbres enim agros diluunt et dilacerant. Paulo aliter Sat. II, 6, 25. — *nec*] postpositum. vide ad Carm. I, 8, 6. — *pingua*] sunt sucosa; artificiose igitur adiectiva per se contraria vicinitate locorum coniuncta sunt, ut saepe. — *Non huc*] Intactae illae insulae sunt ab hominum commercio neque infectae cupiditatibus, mercaturae et commercii illis quidem sociis. Cuius rei triplex affertur exemplum: Argo navis cum Medea, quae patre relicto peregrinum virum secuta est;

Neque impudica Colchis intulit pedem;
 Non huc Sidonii torserunt cornua nautae,
 60 Laboriosa nec cohors Ulixci.
 Nulla nocent pecori contagia, nullius astri
 Gregem aestuosa torret impotentia.
 Iuppiter illa piaec secrevit littora genti,
 Ut inquinavit aere tempus aureum;
 65 Aere, dehinc ferro duravit saecula: quorum
 Piis secunda vate me datur fuga.

Carmen XVII.

Iam iam efficaci do manus scientiae,
 Supplex et oro regna per Proserpinae,

Sidonii nautae, qui ut divitias conquirerent in remotissimas regiones penetrabant; Ulixes versutus et astutus. Praeterea notandum, eadem tria exempla clarissima esse per antiquitatem longinquis per Oceanum navigationibus. — *Nulla nocent*] Hoc loco hi versus in omnibus codd. leguntur. Interpretes eos aut in alium locum vel post v. 52 vel post v. 56 transferunt aut pro spuris habent. Sed poeta primum eas insularum dotes, quae terra ipsa continentur, vv. 43—52 descripsit, deinde res quae extrinsecus veniunt subiunxit. Terra nihil in se continet quod aut agris aut incolis et gregibus noceat neque extrinsecus mala veniunt. Etenim agros neque nimiae pluviae vexant nec siccitas exurit, incolae a peregrinis non turbantur, pecudes denique nullis contagiis laborant. Igitur neque agris neque hominibus neque pecudibus quidquam timendum est. — *Iahn.* — *astri*] cf. Carm. III, 13, 9. — *aere*] Tres habet aetates, auream, aeream, ferream, omissa argentea. — *aere, dehinc*] Alii ex codd. *aerea dehinc* (monosyll.), qua lectione molestam, ut dicebant, anaphoram vitarent. At vero recte animadversum est, referri anaphora commotum poetae animum, quo intueatur humani generis depravationem. cf. supra v. 41. Deinde si quid ibi molesti est, id ne adiectivo quidem *aerea* pellitur. -- *quorum*] Genitivus est quem solemus obiectivum dicere.

Carmen XVII.

Duobus carminibus, quae in Canidiam sagam et veneficam acerbissime scripta erant (Epod. 5. Sat. 1, 8), hoc tertium additur. Fingit enim poeta, Canidiam versibus suis in furorem gravissimamque iram agitatum magica arte etiam in se usam esse, non ut ludibrium et odium in amorem converteret, sed ut durissima quaeque mala in inimicum cummlaret. Cuius quidem artis maximam vim iam nunc se sentire simulat inimicamque ut tandem sibi satis cruciati parcere velit supplex obsecrat. Sed surdae sunt aures Canidiae; nunquam ea furem ultionemque minuet. Duae igitur carminis sunt partes, prima (v. 1—52) qua poeta quidquid olim calumniatus sit mentitum se esse humili

- Per et Dianae non movenda numina,
 Per atque libros carminum valentium
 5 Refixa coelo devocare sidera,
 Canidia, parce vocibus tandem sacris
 Citumque retro solve solve turbinem.
 Movit nepotem Telephus Nereium,
 In quem superbus ordinarat agmina
 10 Mysorum et in quem tela acuta torserat.
 Unxere matres Iliac addictum feris
 Alitibus atque canibus homicidam Hectorem,
 Postquam relictis moenibus rex procidit
 Heu pervicacis ad pedes Achillei.
 15 Setosa duris exuere pellibus
 Laboriosi remiges Ulixei
 Volente Circa membra; tunc mens et sonus
 Relapsus atque notus in vultus honor.

animo videtur fateri; altera (v. 53—81) qua Canidia veniam se daturam non negat solum sed poenas etiam aucturam minatur. Qua carminis ratione novam salsissimamque Canidiae irrisiōnem addi supervacaneum prope videtur monere. Quo anno carmen compositum videatur inveniri nequit; vehementer enim erraret qui ex v. 23 concludi aliquid posse opinaretur.

V. 1. *do manus*] victum me profiteor. Cic. ad Att. II, 22: „Aiebant illum primo sane diu multa contra, ad extremum autem manus dedisse.“ — *Proserpinae*] a Canidia maga magnopere culta. Eadem de causa etiam Diana memoratur. cf. Epod. 5, 51. — *per atque*] Ne credas cum Bothio esse scribendum *per teque*, recordare etiam *atque* postponi a poetis, ut Epod. 8, 11. Sat. I, 5, 4. I, 6, 131. — *carminum*] sunt formulae magicae. cf. Epod. 5, 45. — *refixa*] Sic scribendum, non *defixa* vide ad Carm. I, 28, p. 83. — *solve solve*] Iteratio est enixe precantis. Similiter Carm. I, 35, 15. — *turbinem*] rhombum magicum, qui ut per licia attracta et advoluta agitatae incantatos ad voluntatem magae adstrinxit, sic retro actus adstrictos vi solvit. cf. Theocr. II, 30: „Χῶς δινεῖθ' ὅδε ῥόμβος ὁ χάλκεος ἐξ Ἀγροδίτας, Ὡς τῆρος δινοῖτο ποθ' ἀμειτέρῃσι θύρεσσιν. — *Telephus*] Mysorum rex ab Achille (*Nerei* nepote) vulneratus consulto oraculo responsum tulit: ὁ τρώας καὶ ἰάσεται. Achilles precibus eius motus ferrugine cuspidis hastae suae vulnus sanavit. — *unxere*] Boni etiam codices *luxere*, male; lugere etiam poterant non receptum, ungere non potuerunt. Sic igitur recte, etiamsi Homerus II. XXIV, 776 diserte non narrat quod rerum ratio tulit. — *addictum*] Hom. II. XXIII, 183. — *homicidam*] Hom. II. I, 242. — *procidit*] Hom. II. XXIV, 510. cf. Carm. I, 10, 14. — *pervicacis*] Carm. I, 6, 6. — *laboriosi*] Epod. 16, 60. De Circa vide Hom. Od. X, 388 sqq. Latina forma *Circa* ex bonis codicibus. — *sonus*] vox humana. — *relapsus*] In bonis libris legitur *relatus*, de quo Bentleius: „in eo dumtaxat differunt, quod *relatus* externa vi reductum significet,

- Dedi satis superque poenarum tibi ,
 20 Amata nautis multum et institoribus.
 Fugit iuventas et verecundus color
 Reliquit ossa pelle amicta lurida;
 Tuis capillus albus est odoribus ,
 Nullum ab labore me reclinat otium ;
 25 Urget diem nox et dies noctem , neque est
 Levare tenta spiritu praecordia.
 Ergo negatum vincor ut credam miser ,
 Sabella pectus increpare carmina
 Caputque Marsa dissilire nenia.
 30 Quid amplius vis? O mare , o terra , ardeo
 Quantum neque atro delibutus Hercules
 Nessi cruore , nec Sicana fervida
 Virens in Aetna flamma; tu, donec cinis
 Iniuriosis aridus ventis ferar ,
 35 Cales venenis officina Colchicis.
 Quae finis aut quod me manet stipendium?
 Effare; iussas cum fide poenas luam ,
 Paratus expiare , seu poposceris
 Centum iuvenços sive mendaci lyra

relapsus ultro et sponte sua reversum. — *multum*] vide ad Carm. I, 25, 5. — *institoribus*] vide ad Carm. III, 6, 30. Sed animadvertite quanta insit in hac laude acerbitas et contumelia.

V. 21. *fugit*] Nimirum ficta sunt haec omnia; non verior canities quam luridus color cutis. Verecundus color rubor est iuventuti proprius; qui *ossa* relinquit, cum corpus macie confectum nihil est nisi ossa et cutis. Quare tenenda est codicum lectio *ossa* contra Bentleyi conjecturam *ora*. — *odoribus*] unguentis magicis. — *neque est*] οὐδ' ἔστι. vide Zumpt. gr. lat. §. 227. — *Sabella*] Sat. I, 9, 29. Ut Marsi sic etiam Sabelli et Peligni magicarum rerum periti. cf. Epod. 5, 76. infr. v. 60. Vide ad Carm. II, 1, 38. — *Hercules*] Epod. 3, 17. — *virens flamma*] ad colorem sulfureae flammae, quam exhalat Aetna. In codd. etiam *urens* et *furens*. — *cinis*] „Tu veluti quaedam venenorum officina non cessabis me tuis venenis exurere, donec exaruerim et cineris in modum consumptus atque a ventis dispersus fuerim?“ — *iniuriosis*] Summa in mortuos iniuria est cineres eorum ventis dissipandos dare. — *Quae finis*] exitus, eventus; sic non raro feminino genere: Virg. Aen. II, 554. Liv. XXII, 57. Cic. Leg. II, 22: „Necesse est edisseri a nobis, quae finis funestae familiae cet.“ — *sive mendaci lyra*] Gravissima *εἰρωμένη* hic aperta; nam quam mendacem ita appellat lyram, ut mentitam eam in diffamanda Canidia videatur fateri, eam simul significat nunc mentiri in laudanda. Quae verba *mend. lyr.* cum praecedant, insequentem laudem omnem in irrisionem vertunt. — *peram-*

- 40 Voles sonari: Tu pudica, tu proba
Perambulabis astra sidus aureum.
Infamis Helenae Castor offensus vicem
Fraterque magni Castoris victi prece
Adempta vati reddidere lumina.
- 45 Et tu, potes nam, solve me dementia,
O nec paternis obsoleta sordibus,
Nec in sepulcris pauperum prudens anus
Novendiales dissipare pulveres.
Tibi hospitale pectus et purae manus,
- 50 Tuusque venter Pactumeius, et tuo
Cruore rubros obstetrix pannos lavit,
Utcunque fortis exsulis puerpera.

Quid obseratis auribus fundis preces?

Non saxa nudis surdiora navitis

- 55 Neptunus alto tundit hibernus salo.

Inultus ut tu riseris Cotyttia

Vulgata, sacrum liberi Cupidinis,

Et Esquilini pontifex venefici

Impune ut urbem nomine imperis meo?

bulabis] vide ad Epod 4, 5. — *Infamis Helenae*] infamatae; Stesichorus enim poeta oculis captus esse dicitur quia Helenam maledicis et contumeliosis versibus laceraverat. Plat. Phaedr. p. 243. A: „Ἔστι δὲ τοῖς ἀμαρτάνουσι περὶ μυθολογίαν καθαροῦς ἀρχαῖος, ὃν Ὀμηρὸς μὲν οὐκ ᾔσθετο, Σιησίχορος δὲ τῶν γὰρ θμμάτων σιτηθεὶς διὰ τὴν Ἑλένης κακῆγορίαν, οὐκ ἔγνόησεν ὥσπερ Ὀμηρὸς, ἀλλ’ αἶε μουσικός ὧν ἔγνων τὴν αἰτίαν καὶ ποιεῖ εὐθὺς Οὐκ ἔστι ἔτυμος λόγος οὗτος, οὐδ’ ἔβας ἐν νηυσὶν εὐσέλμοις οὐδ’ ἔκεο Πέργαμα Τροίας. καὶ ποιήσας δὴ πᾶσαν τὴν καλουμένην παλινφθίαν παραχρῆμα ἀνέβλεπεν. — *vicem*] Plurimi codices *vice*; sed lege Zumpt. gr. lat. §. 453. — *potes nam*] vide ad Carm. IV, 14, 9. *sepulcris pauperum*] cf. Sat. I, 8, 14—20. Divitum sepulcris sui erant custodes. — *novendiales cineres*] recentes; nono enim die omnia iusta mortuis peracta erant. *Dissipare est in magicum usum consumere.* — *Pactumeius*] Est nomen filii suppositicii, quem sibi filium esse dicebat. cf. Epod 5, 5. Illud autem vere est nomen Romanum in inscriptionibus obvium.

V. 55. *Neptunus hibernus*] Metonymia; mare procellisum. — *ut tu*] vide Zumpt. gr. lat. §. 609. — *Cotyttia*] sacra nocturna et flagitiosa a Cotyttone Thracia dea impudicitiae dicta. — *pontifex*] Pontifex maximus iudex et arbiter erat omnium rerum sacrarum; quare Canidia Horatium invidiose pontificem appellat Esquilini veneficii, cuius arbitrum

- 60 Quid proderat ditasse Pelignas anus,
Velociusve miscuisse toxicum?
Sed tardiora fata te votis manent;
Ingrata misero vita ducenda est in hoc,
Novis ut usque suppetas laboribus.
- 65 Optat quietem Pelopis infidi pater,
Egens benignae Tantalus semper dapis,
Optat Prometheus obligatus aliti,
Optat supremo collocare Sisyphus
In monte saxum; sed vetant leges Iovis.
- 70 Voles modo altis desilire turribus,
Modo ense pectus Norico recludere,
Frustraque vincla gutturi innectes tuo,
Fastidiosa tristis aegrimonia.
Vectabor humeris tunc ego inimicis eques,
- 75 Meaeque terra cedet insolentiae.
An quae movere cereas imagines,
Ut ipse nosti curiosus, et polo
Deripere Lunam vocibus possim meis,
Possim crematos excitare mortuos

cum fuisse ostendit Sat. I, 8. — *Pelignas*] vide ad v. 28. — *Sed tardiora*] Non pauci et boni codices *si tard.*, quod cum olim praetulerim nunc tamen relinquendum video. Canidia enim hoc vult: „Quid proderat mihi magna mercede magicam artem didicisse, si te nunc ulcisci non possum? Verum senties meam potestatem; mori males quam vitam ducere a me tibi paratam. Sed tuis votis tardiora fata te manent cet.“ — *in hoc*] Ovid. Met. VIII, 77. Liv. XXI, 42, 2. Significatur res, propter quam aliquid fieri dicitur. — *Pelopis infidi*] quia in mare coniecerat Myrtilum aurigam, cuius ope Hippodamiam, Oenomai filiam, in matrimonium acceperat. Gravis in hoc loco anaphora *optat*; nam „tu quoque, inquit, nequidquam optabis a perpetua poena morte liberari.“ — *obligatus*] tenacissime ligatus; ut dicunt Latini *nezu se obligare*, similia. — *Norico*] Carm. I, 16, 9. — *recludere*] aperire. Virg. Aen. X, 601. — *innectes*] Sic antiqui codices non pauci; alii etiam boni *nectes*. Difficilior lectio praestare videtur. cf. Virg. Aen. VI, 609. Lucan. II, 670: „Tunc placuit caesis innectere vincula silvis. — *vectabor humeris*] Metaphoram intelliges ex Epod. 16, 12. Sic Graeci *καθιπνάζεσθαι*. Aesch. Eum. 778: „θεοὶ νεώτεροι παλαιούς νόμους καθιπνάζουσιν.“ ibid. 731: „καθιπνάζει με πρεσβύτερον νέος.“ — *terra cedet*] „tibi quasi inequitans terram iam non tangam, ut omnes meam potentiam agnoscant.“ — *cereas imagines*] Hoc quid sit, disces ex Virg. Buc. 8, 79 sqq. et Theocr. 2, 29: ‘Ὡς τοῦτον τὸν καρὸν ἐγὼ σὺν δαίμονι τάκω, ὥς τάχοιθ’ ὑπ’ ἔρωτος ὁ Μῦνδιος αὐτίκα δέλφους. — *curiosus*] invidiose dictum: „cum tu ex insidiis arti meae

80 Desiderique temperare pocula,
Plorem artis in te nil agentis exitus?

interesses.* — *pocula*] Praestare videtur pluralis ex bonis codicibus; in aliis *poculum* et *exitum*. Sed plura amoris pocula (Epod. 5, 73) conficere illa norat variaequae artis plures exitus expectabat. cf. Carm. IV, 14, 38. — *nil agentis*] nil efficientis; ut Sat. 1, 9, 15. II, 3, 103.

Q. HORATHI FLACCI

CARMEN SAECULARE

AD APOLLINEM ET DIANAM.

Phoebe silvarumque potens Diana,
Lucidum coeli decus, o colendi

Carmen saeculare.

„Augustus ludos saeculares celebravit a. u. c. 737, cum primum decennium, in quod prorogandum sibi a senatu imperium curaverat a. u. c. 727, praeterisset: qua occasione oblata partim praeclarum felicitatis imperii Romani se principe monumentum posteris proponere, partim Romanis legem suam de maritandis ordinibus sensim commendare studuit. Finis igitur huius caerimoniae omnino erat πολιτικώτατος. Compacto autem rem cum Quindecimviris sacris faciundis ita egisse videtur, ut hi pro eius voluntate dicis causa consultis libris Sibyllinis et compositis fortasse illis ipsis versibus, quos servarunt Phlegon Trallianus et Zosimus, pronuntiarent, ultimos ludos saeculares celebratos esse a. u. c. 628, quo fortasse piaculum et lustrum aliquod solenne populi Romani factum erat, cum re vera proxime superiores editi essent a. u. c. 605 vel 608, sequentibus (a. u. c. 705 vel 708) per bellorum civilium turbas intermissis: saeculum autem finiri annis CX, qua in re Etruscum doctrinam secuti esse videntur, cum consuetudo Latina v. saeculum pro centenis annis usurparet.“ *Orellius*. Augusti iussu Horatius hoc carmen ludis saecularibus rite canendum composuit; leguntur enim apud Zosimum hist. Rom. II, 5 haec: „ἡμέτερά δὲ τριτὴ ἐν τῷ κατὰ τὸ Παλάτιον Ἀπόλλωνος ἱερῷ τρεῖς ἐννέα παιδὲς ἐπιφανεῖς μετὰ παρθένων τοσοούτων, οἳ πάντες ἀμφοιθαλεῖς ὅτερό ἐστιν ἀμφοτέρους τοὺς γονεῖς ἔχοντες περιόντας ὕμνους ἤδουσιν καὶ παιᾶνας, δι' ὧν αἱ ὑπὸ Ῥωμαίοις σωζονται πόλεις.“ Ex quo loco cum aliis similibus (Liv. XXVII, 37. XXXI, 12) composito rectissime videtur conclusisse *Steiner* (progr. schol. Cruden. 1841) „septem illos et viginti pueros tribus ordinibus in Palatino Apollinis templo instructos fuisse totidemque ordinibus septem et viginti puellas ab illis seiunctas.“ Atque inter hos duos choros carminis saecularis strophas hoc modo distribuendas esse censet:

Semper et culti, date quae precamur
Tempore sacro,

5 Quo Sibyllini monuere versus
Virgines lectas puerosque castos
Dis, quibus septem placuere colles,
Dicere carmen.

Alme Sol, curru nitido diem qui
10 Promis et celas aliasque et idem
Nascaris, possis nihil urbe Roma
Visere maius.

Rite maturos aperire partus
Lenis, Ilithyia, tuere matres,

Stropha 1 et 2 proodus
iuncti pueri et puellae

Str. 3 pueri — 4 puellae

Str. 10 pueri — 11 puellae

5 pueri — 6 puellae

Str. 9 mesodus

12 pueri — 13 puellae

vs. 1 et 2 pueri,
vs. 3 et 4 puellae

7 pueri — 8 puellae

Str. 16—19 epodus

14 pueri — 15 puellae

iuncti pueri et puellae.

Qui ordo multo est veri similior quam qui aliis placuit puellis puerisque Quindecimvirorum etiam chorum immiscentibus. Puellas a puero-
rum choris seiunctas fuisse patet ex versibus Sibyllinis apud Zosim. l. l.,
nam v. 20 sic legimus: *χωρίς δὲ χοροῦ χορὸν αὐταὶ ἔχοιεν καὶ χω-
ρίς πατρῶν ἀρσὴν σταχὺς*. Iam iuvat etiam diversissima virorum do-
ctorum de hoc carmine iudicia proponere. Ac *Doeringus* quidem:
„Elaboratissimis Horatii carminibus hoc carmen saeculare annumerandum
esse vel inde intelligi potest, quod ad hoc rite canendum singulari car-
mine IV, 6 Apollinis opem imploravit et sibi expetiit. Nec mirum, si
poeta in carmine publice in publica laetitia a puerorum puellarumque
choro decantando omne studium posuerit et omnes ingenii vires ner-
vosque intenderit.“ Contra *Eichstadius*: „Vix ullum ego poema legi,
Augusteo quidem aevo compositum, in quo tanta inesset ieiunitas sen-
tentiarum, tanta compositionis inconcinnitas, quanta celebratissimum illud
Horatii carmen saeculare laborare mihi videtur.“ Recte iterum *Steiner*,
cui trita illa succurrunt proverbialia: Ne quid nimis! medium tenere beati!

V. 1. *Phoebe*] cf. Carm. I, 21. III, 22, 1. — *decus*] Singularis
numerus de geminis numinibus Latoidarum, ut Carm IV, 8, 31. — *Sibyl-
lini versus*] Hi ipso carmine memorari debebant, quia eorum auctori-
tate ductus Augustus ludos habere dicebatur. — *lectas*] vide Zosimi l. l.
Recte autem observatum est, utrumque adiectivum *lectas*, *castos* ad
utrumque sexum pertinere. Debeant enim pueri et puellae ex con-
farreatis parentibus esse, senatoriae stirpis, patrimi et matrimi. — *celas*]
Totus mundus naturali quadam caligine obductus radiis Solis illustratur;
occidente igitur Sole priore nocte orbis necesse est tegatur. — *rite*]
prosperare, facile. Coniungendum hoc cum v. *aperire*; simillimus locus
est Carm. II, 5, 22; etiam Epod. 11, 17. — *Ilithyia*] Hom. II, XI, 270.

15 Sive tu Lucina probas vocari

Seu Genitalis :

Diva, producas subolem patrumque

Prosperes decreta super iugandis

Feminis prolisque novae feraci

20 Lege marita,

Certus undenos decies per annos

Orbis ut cantus referatque ludos

Ter die claro totiesque grata

Nocte frequentes.

25 Vosque veraces cecinisse Parcae,

Quod semel dictum est stabilisque rerum

Terminus servet, bona iam peractis

XVI, 187. XIX, 103. Callim. Hymn. 3, 6: „*Δὸς μοι παρθενὴν αἰώνιον, ἄππα, φυλάσσειν. Καὶ πολυωνυμίην.*“ Multis igitur nominibus dii gaudent; quare duo alia adduntur latina nomina, Lucina et Genitalis. cf. Sat. II, 6, 20. De nominativo cum infinitivo vide ad Carm. I, 37, 31.

V. 17 „Cum quarta strophæ puellæ Lucinam ut matres parturientes adiuveret precatæ sint, quinta strophæ pueri hanc precationem excipientes optant, ut suboles partu edita eadem dea adiutrice laeta capiat incrementa et aliquando adulta legibus nuptialibus obtemperans novam ex se gignat prolem, ita ut alterius sæculi orbe impleto iidem ludi in Apollinis et Dianæ honorem maxima civium frequentia denuo celebrari possint. Hanc alteram sententiæ partem, ut secundariam, puellis attribuit poeta stroph. 6.^a Steiner. — *iugandis feminis*] sunt leges de maritalandis ordinibus, quas ut a. 726 ita hoc ipso anno Augustus tulerat sed non pertulerat; quod factum tandem est a. u. c. 762 M. Papio Q. Poppæo coss. suffectis, a quibus nominata lex Papia Poppæa. — *lege marita*] ad coniugium pertinente, ut Ovid. Her. XII, 87: „Inno sacris præfecta maritis.“ — *referatque*] vide ad Carm. II, 7, 25. — *ter*] In toto carmine numerus ternarius quasi regnat; „tres sunt festi dies, tres noctes, ter novem pueri, ter novem puellæ, ter singulas preces fundunt pueri in utraque carminis parte, ter puellæ; ter ut preces exaudiantur precantur chori.“ Steiner. — *frequentes*] Consulto h. v. in fine strophæ positum, quo magis eius vis eluceat; quod consilium frequens apud Horatium. — *Parcae*] Preces ad Parcas et Tellurem (v. 29) præscriptæ erant versibus Sibyllinis: „*ἐνθα σὺ ῥέξειν Ἴερά ποιογόνοισ Μοῖραις ἄρνας τε καὶ αἰγας· Κρανέας δ' ἐπὶ ταῖς· Ἐλλειψύτας ἀρέουσαι Παῖδες ἰόχους θυέσσιν ὄπη θέμις. Ἀὐθι δὲ Γαλήνη Πληθούνη χοῖρος τε καὶ ὕς ἱεροῖτο μέλαινα.*“ — *semel*] vide ad Carm. I, 24, 16. Romanis oraculo erat prædictum, quamdiu ritu haberentur ludi sæculares tamdiu incolume fore imperium Romanum. — *servet*] Sic Scholiastæ et antiquissimi plurimique codices, in aliis male *servat*, quod ex præcedenti indicativo est corruptum apparet. Ordo verborum hic est: vos Parcae veraces cecinisse iungite bona fata iam peractis fatis, quod quidem semel dictum est quodque stabilis rerum terminus servet.“ Bentl. coniecerat *dictum stabilis per ævum Terminus servet*.

Iungite fata.

Fertilis frugum pecorisque Tellus
 30 Spicea donet Cererem corona;
 Nutriant fetus et aquae salubres
 Et Iovis aurae.

Condito mitis placidusque telo
 Supplices audi pueros, Apollo;
 35 Siderum regina bicornis, audi,
 Luna, puellas:

Roma si vestrum est opus, Iliaeque
 Littus Etruscum tenuere turmae,
 Iussa pars mutare lares et urbem
 40 Hospite cursu,

Cui per ardentem sine fraude Troiam
 Castus Aeneas patriae superstes
 Liberum munivit iter daturus
 Plura relictis:

45 Di, probos mores docili iuventae,
 Di, senectuti placidae quietem,
 Romulae genti date remque prolemque
 Et decus omne.

V. 29. *Tellus*] vide versus Sibyllinos ad v. 25 exscriptos. cf. iusiurandum Philippi cos. apud Dion. fragm. p. 128: "Ὅμνυε τὸν Δία τὸν Καπετώλιον καὶ τὴν Ἑστίαν τῆς Πώμης καὶ τὸν πατρώον αὐτῆς Ἀρην καὶ τὸν γένεαρχον Ἥλιον καὶ τὴν εὐεργέτιν ζώων τε καὶ φυτῶν Γῆν. — *salubres*] Adiectivum medium inter nomina subst. positum ad utrumque referendum neque ulla distinctione segregandum a voc. *aquae* aut ab altero *aurae*. Aqua est pluvia. cf. Carm. III, 10, 19. — *Condito telo*] Apollinis tela pestifera erant, et *Diana bicornis* i. e. luna alternis cornuum vicibus ad terrae fertilitatem plurimum conferre credebatur. Sic haec strophæ optime cum præcedente cohaeret. cf. Hom. II. I, 50 sqq. — *si vestrum est*] Particula *si* modestiam exprimit in precibus; est enim: *si vestrum est, ut est*. Cohaerent autem hae strophæ a v. 33 usque ad v. 48 eadem ratione qua Chrysis socerdotis preces in Iliad. I, 37—42. De re compara Virg. Aen. III, 93 sq. IV, 345. Hor. Carm. IV, 6, 21. — *iussa pars*] per appositionem. — *sine fraude*] Carm. II, 19, 20. De casto Aenea vide ad Carm. III, 2, 30. — *placidæ*] Cic. de Sen. 5. Placidus est qui perturbatione animi caret; *πραλπητικῶς* igitur positum. Alii e codd. aut *senectutis* aut *placidam*. Verum congruant inter se oportet *docili iuventae*, *senectuti placidae*, *Romulae genti*. Tertius huius strophæ versus non sine arte primum et

Quaeque vos bobus veneratur albis

50 Clarus Anchisae Venerisque sanguis,
Impetret bellante prior iacentem
Lenis in hostem.

Iam mari terraque manus potentes
Medus Albanasque timet secures;

55 Iam Scythae responsa petunt superbi
Nuper et Indi.

Iam Fides et Pax et Honos Pudorque
Priscus et neglecta redire Virtus
Audet apparetque beata pleno

60 Copia cornu.

Augur et fulgente decorus arcu

secundum complectitur. — *Romulae*] vide ad Carm. IV, 5, 1. — *quaeque veneratur*] i. e. quaeque venerando precatur, ut Sat. II, 2, 124. 6, 8. Vers. Sibyll. apud Zosim. l. l. 12: „Ζάλευκοι ταῦροι δὲ Λιὸς παρὰ βωμὸν ἀγέσθων“ et v. 16: „Καὶ Φοῖβος Ἀπόλλων, Ὅστε καὶ Ἥλιος κικλήσκειται, Ἰσα δὲδέχθω Θύματα Ἀγιοῦδης.“ — *impetret*] Sic recte ex optimis codicibus. Alii *Quique* — *imperet*.

V. 53. „Singulis precationibus ad deos peractis praeclara adiungitur laudatio Caesaris Augusti, ludorum saecularium auctoris, quem calide poeta stroph. 13 monstravit potius quam nominavit. Quae igitur chori antea a diis immortalibus precati sint: probos mores, quietem, rerum amplitudinem et copiam, ea populum Romanum Augusto principe iam aliqua ex parte consecutum esse profitentur. Caute autem Horatius, ne nihil a diis precandum superesse videretur, usus est verbis: *redire audet Pax cet., apparetque*; his enim verbis inchoata magis quam absoluta significatur civitatis salus ac felicitas.“ *Steiner*. „Nota quam caute totum per carmen omnem bellorum civilium quae imperium laceraverant vel occultissimam mentionem devitet ac de exteris dumtaxat nationibus ab Augusto domitis loquatur, tum v. 57 de fide ac pace ab eodem restituta.“ *Orellius*. — *responsa*] Carm. IV, 15, 22. — *Copia*] Carm. I, 17, 14. Epist. I, 12, 28. „Pacatum autem et quietum iam terrarum orbem cum verbis tum numeris lenioribus egregie declaravit poeta, qui in duabus his strophis quinques inolli caesura trochaica usus sit. Eiusdem caesurae in primo odarum libro sex exempla reperies, in altero unum exemplum, in tertio nullum, ut mirum sit, quod quarti libri tria carmina sapphica viginti duas exhibent caesuras trochaicas, unumque carmen saeculare undeviginti.“ *Steiner*. Cuius quidem dissimilitudinis causa si quae potest inveniri, in argumenti magis ratione quam in aetatis Horatii differentia quaerenda videtur. — *Augur*] „In proodo chorus cecinit: Date quae precamur, Phoebe et Diana. In mesodo eandem sententiam iteravit: audite nostras preces, Apollo et Luna. Denique in epodo universus chorus hanc sententiam ita repetit, ut non iam numina ipsa alloquatur, sed ad populum ni fallor conversus tertia persona dicat: Phoebus et Diana cum Quindecimvirem pias preces, quas

Phoebus acceptusque novem Camenis,
 Qui salutari levat arte fessos.
 Corporis artus,

65 Si Palatinas videt aequus arces,
 Remque Romanam Latiumque felix
 Alterum in lustrum meliusque semper
 Proroget aevum.

Quaeque Aventinum tenet Algidumque
 70 Quindecim Diana preces virorum
 Curet et votis puerorum amicas
 Applicet aures.

Haec Iovem sentire deosque cunctos,
 Spem bonam certamque domum reporto,
 75 Doctus et Phoebi chorus et Dianae
 Dicere laudes.

illi in sacrificando pro imperii incolumitate susceperunt, tum nostra quae modo nuncupavimus vota benigne curent. Postremo omnibus precibus rite perfectis idem chorus iam domum discessurus se certam spem habere profitetur, fore ut Iuppiter cunctique dii quae chorus precatus sit rata esse velint.“ Steiner. — *fulgente arcu*] χρυσότοξος, ἀργυρότοξος. — *fessos*] morbo. Est enim Apollo Παιών. cf. Hom. II. XVI, 514 sqq. — *arces*] Ne optimi quidem et antiquissimi codices concordantes sunt; in aliis *aras*. Sed *arces* sunt colles. Virg. Georg. II, 535. Ovid. Met. XIII, 196; ex cuius significationis ignoratione facilius illa scriptura exoriri potuit. cf. ad Carm. II, 6, 22. — *Latiumque felix*] Sic coniunge verba; adiect. *felix* magna cum vi versum claudit; nam *felix proroget* est „felicitatem qua nunc Augusto principe gaudet Latium proroget“. Carminis finis ad preces redit; inde coniunctivus *proroget* praeferendus indicativo bonorum etiam codicum. — *Algidumque*] Carm. I, 21, 6. — *quindecim virorum*] Tacit. Ann. XI, 11: „Collegio Quindecimvirum antiquitus ea cura (ludorum saecularium), et magistratus potissimum exsequebantur officia caerimoniarum“ — *puerorum*] „Pueri appellatione etiam puella significatur.“ Paul. de Verb. sign. p. 78 ed. Cramer — *Haec*] quae precati sumus.

Q. HORATII FLACCI

S A T I R A R U M

LIBER PRIMUS.

Satira I.

Qui fit, Maecenas, ut nemo, quam sibi sortem
Seu ratio dederit seu fors obiecerit, illa

De Satirarum origine scriptoribusque brevis
expositio.

De origine satirarum praecipuus locus est Livii VII, 2, a quo satiras primo rude aliquod fabularum genus fuisse docemur, quod descripto ad tibicinem cantu congruenti motu perageretur, certo tamen argumento careret. Ex qua rei natura nomen sumptum est, nam: „Satira, inquit Diomedes (p. 483. P.), dicta a *satura lance*, quae referta *variis multisque primitiis* in sacro apud priscos diis inferebatur... sive a quodam genere farciminis, quod multis rebus refertum, saturam dicit Varro vocitatum.“ Inde vides quid sit habendum de prava illa scribendi nominis ratione, qua hoc genus vere Romanum, quasi petillum esset a satyrica Graecorum fabula, *satyram* appellare solebant. Deinde cum Livius Andronicus fabulas argumento serere primus esset ausus, inventus autem Romana histrionibus fabularum actu relicto inconditis suis nullaque lege impeditis ludis diu etiam delectaretur, sensim factum est, ut saturae scriberentur non quae agerentur sed quae legerentur, et eae quidem mixtae et rerum et versuum diversitate neque omnino prosam orationem, ut videtur, spernentes. Patet autem ex ipsa origine qualis satirarum fuerit natura; nam cum de certo argumento non ageretur, ex vita sermones petebantur, castigabantur aequales quorum aut res gestae aut mores non placerent, laudabantur etiam qui laudem viderentur merere. Sed quoniam in vituperationem magis inclinatur humanus animus quam in laudem, in vellicandisque hominibus ioco risuque ma-

Contentus vivat, laudet diversa sequentes?

O fortunati mercatores! gravis annis

ior campus pateret, saturas plenas fuisse probabile est irrisionis et contumeliosi saepe ludibrii. Ennius quoque Porphyrione teste (ad Horat. Sat. I, 10, 46) quattuor libros satirarum scripsisse fertur, quae si recte iudicamus, mixta fuerunt carmina, et severa et iocosa, diversis versuum generibus composita. Plurimum tamen ad excolendum hoc genus contulit C. Lucilius, eques Romanus, Suessae Auruncae a. u. c. 606 natus, cum, id quod sua maxime aetas ad luxuriam et voluptates iam propensior postulare videbatur, quaecumque in hominum vita aut bona aut mala inter se certant, in carminibus componeret, describeret, illustraret propositisque malorum hominum verissimis exemplis reliquos quid sequi deberent docere studeret. Is triginta libros satirarum scripsisse fertur; quamquam alii ipsum duobus libris edidisse carmina suspicantur, quos quidem postea grammatici in minores partes distraxerint, priorem in XXI minores libros, posteriorem in IX. Hunc imitatus est et superavit Horatius, quem de Lucilio iudicantem audimus Sat. I, 4, 1, 10, II, 1. Post Horatium nominandi sunt A. Persius Flaccus et Decimus Iunius Iuvenalis. Et ille quidem (natus prid. Non. Dec. anni p. Chr. 34. Volaterris, mortuus a. d. VIII. Kal. Dec. a. 62) acerrimo virtutis amore, vitiorum odio incensus, Stoicorum austeris doctrinis deditissimus et magna quadam animi tristitia paene oppressus Neronis tempora non magis tolerare potuit quam Dec. Iunius Iuvenalis Domitiani corruptam aetatem postea tulit. Verum ut Persii nobilitatem animi sex satiris quae ad nos pervenerunt comprobata diligimus et admiramur, ita Iuvenalis sedecim satirae ingentem animi acerbicatem, aetatis suae moribus omni vitio contaminatis procreata, Domitiani saevo imperio diu repressam, et quasi quandam in describendis pingendisque cuiusvis generis turpissimis flagitiis delectationem producit. Iuvenalis vita nunc caligine quadam premitur, sed suspicatus est Heinrichius, de interpretandis Iuvenalis satiris optime meritis, vixisse eum inde ab a. 42 p. Chr. usque ad a. 122. — Iam ut ad Horatium revertar, restat ut moneam fuisse qui ipsum poetam quattuor libros satirarum et epistolarum uno nomine sermonum comprehendisse (Epist. I, 4, 1. II, 2, 60) affirmarent; quibus cavendum est ne quis obtemperet. Manifestum est enim, eo ipso nomine (sermonum) Horatium et satiras et epistolas ut sermoni i. e. prosae orationi proprios (Sat. I, 4, 42) contra altius genus lyricorum carminum collocavisse, nunquam ut proprio quadam titulo inscripsisse.

Satira I.

Horatium, qui iam puer contemplandis variis hominum studiis assuetus erat, haudquaquam fugere potuit communis omnium hominum omniumque aetatum de suae sortis iniquitate querela. Hanc igitur poeta risu et castigatione abundantem partim iocosa partim severa ratione reprehendit eiusque originem quaerendam esse docet in invidia, qua cum singulis quibusque hominibus certum quandam locum certumque officium natura et condicione attributa in iisque recte et fideliter explendis summam laudem unamque felicitatem cernendam esse nesciamus, nostra soleamus contemnere, aliena ut praestantiora laudare. Iam cum satiricum genus dramaticum esset, factum est ut Horatius et adversarium aliquem saepe statueret et vigore suae orationis ex vita sumptas tabulas legentium oculis proponeret. Cuius quidem rei egregium exemplum initium statim praebet huius satirae, quo loco bis composita habes vota veteris militis et mercatoris, iuris consulti urbanis negotiis occupati et agricolae

- 5 Miles ait multo iam fractus membra labore.
 Contra mercator navem iactantibus Austris:
 Militia est potior. Quid enim? Concurritur; horae
 Momento cita mors venit aut victoria lacta.
 Agricolam laudat iuris legumque peritus,
 10 Sub galli cantum consultor ubi ostia pulsat.
 Ille, datis vadibus qui rure extractus in urbem est,
 Solos felices viventes clamat in urbe.
 Cetera de genere hoc, adeo sunt multa, loquacem

urbanam vitam suae praeferentis. Iam cum quaeritur, unde fiat ut tam multi homines sua sorte non sint contenti, respondendum erit nimias esse hominum cupiditates quibus plura etiam expetantur quam quibus ad bene vivendum opus sit; neque minui eas mutata sorte ac rerum statu; cupiditatibus autem curas nasci, curis desiderium alienae sortis. At habent etiam homines quo suas curas cupiditatesque excusatas atque probatas velint. Scilicet a) alii id tantum se curare aiunt ut senectutem sibi securam et placidam parent (v. 31); imitari se formicae exemplum quae aestate colligat quibus hieme vitam sustentet. Nae isti in colligendo quidem opes formicae similes sunt, in fruendo dissimilimi, cum nunquam congestis fruuntur, aurum autem ipsum sine sapiente usu nullius sit pretii. cf. Carm. II, 2. (v. 50). Iam sunt b) alii, quibus suave videtur de magno sumere posse acervo. Qui quidem non minus stulti sunt (v. 60). Tum adsunt c) qui suam agendi rationem excusaturi nihil satis esse affirmant, quoniam cum rebus etiam dignitas et auctoritas crescat. Quibus ita persuasum est, ii miseri sunt neque possunt sanari. Ii comparandi sunt cum Tantalo suavissimas fruges semper contemplanti sed perpetua fame vexato. Opes iis non comoda parant sed metum ac sollicitudinem. Nemo est qui tales homines amet, ne cognati quidem; nam ne ipsi quidem quemquam possunt amare. Quo fit, ut in ipsa hominum societate ab omnibus destituantur, deserantur. v. 92. Quid igitur d) inde docemur? Desistendum aliquando a colligendis divitiis, fruendum tandem esse ne mala vita malum habeat exitum (v. 100). Neque propterea in contrarium vitium delabamur oportet, nam „est modus in rebus“ v. 106. Versu 117 respondetur ad primi versus interrogationem. Satira quando scripta sit ignoramus; probabile tamen est ex ultimis eam esse huius libri.

V. 1. *sortem*] vitae genus. — *illa*] In codicibus legitur etiam *ulla*. — *laudat*] Ex negante vocabulo *nemo* affirmans *quisque* per zeugma intelligendum est. — *gravis annis*] Sic codices, quorum auctoritas non debuit cedere coniecturae Bouherii *armis*; quamquam *anni* non magis militiae sunt quam vitae. Significatur enim miles, qui multa stipendia meruit neque tamen tantum sibi paravit, ut „senex in otia tuta“ recedere posset. v. 31. cf. Virg. Aen. IX, 246. II, 435. Liv. X, 34, 12. Etiam particula *iam* Bouherii coniecturae repugnat — *Austris*] Carm. III, 27, 21. IV, 14, 21. — *quid enim*] Sat. II, 3, 132. Apud Ciceronem semper sequitur altera interrogatio. — *cita*] Alii *aut cita*; sed cf. 72 et 101. — *iuris peritus*] Non est patronus causae vel orator, sed vir iuris scientia insignis qui vel in foro ambulans vel domi in atrio sedens de iure responsa dat. Epist. II, 1, 104. Cic. Mur. c. 9. — *vadibus*] Vades apud praetorem spondebant reum in iudicium sisti; quod ni fieret fore ut

- Delassare valent Fabium. Ne te morer, audi
 15 Quo rem deducam. Si quis deus, En ego, dicat,
 Iam faciam quod vultis: eris tu, qui modo miles,
 Mercator; tu, consultus modo, rusticus; hinc vos,
 Vos hinc mutatis discedite partibus. Eia!
 Quid statis? — nolint. Atqui licet esse beatis.
 20 Quid causae est, merito quin illis Iuppiter ambas
 Iratus buccas inflet neque se fore posthac
 Tam facilem dicat, votis ut praebeat aurem?
 Praeterea, ne sic, ut qui iocularia, ridens
 Percurram, — quamquam ridentem dicere verum
 25 Quid vetat? ut pueris olim dant crustula blandi
 Doctores, elementa velint ut discere prima; —
 Sed tamen amoto quaeramus seria ludo.
 Ille gravem duro terram qui vertit aratro,
 Perfidus hic caupo, miles nautaeque, per omne
 30 Audaces mare qui currunt, hac mente laborem
 Sese ferre, senes ut in otia tuta recedant,
 Aiunt, cum sibi sint congesta cibaria; sicut
 Parvula, nam exemplo est, magni formica laboris
 Ore trahit quodcunque potest atque addit acervo
 35 Quem struit, haud ignara ac non incauta futuri.

ipsi litis aestimationem sufferrent. Cic. de off. III, 10, 45. — *Fabium*] Idem Sat. I, 2, 134. Stoicus aretalogus. — *valent*] vide ad Carm. I, 34, 12. — *eia*] est impatientis et adhortantis. Sat. II, 6, 23. — *Nolint*] Est apodosis. cf. Sat. II, 7, 24. In codd. est etiam *nolunt* et *nolent*. — *beatis*] Zumpt. gr. §. 601. — *praeterea*] Tota sententia ἀναχολούθια est; abrupta per parenthesin oratio continuatur quidem particula *sed*, alia tamen ratione. Similis locus Cicer. Tusc. II, 1, 3. — *iocularia*] sc. percurrit. — *olim*] vide ad Carm. II, 10, 17. — *percurram*] Virg. Aen. VI, 627. H. l. cum obiecto careat idem est quod pergere usque ad finem. — *perfidus hic caupo*] Cum eosdem quos supra hic quoque nominandos putare non pauci interpretes neque novum hunc cauponem, genus illud Romae frequentissimum, inferri tolerarent, in alia omnia discesserunt. Sed acriter tenenda illa est plurimorum et optimorum codicum lectio; *Fea* e codd. recepit *Perfidus hic campo miles*; coniecturas enumerare longum est. Nominantur homines qui lucrum sequuntur; quid inter hos iuris consultus? Ne rusticus quidem idem est qui v. 11 producebatur. Pronomina *ille*, *hic* exempla proponunt ex vita petita satisque frequentia. — *nautae*] mercatores. Carm. II, 13, 14. Epod. 17, 20. — *hac mente*] eo consilio cf. Sat. II, 2, 90. — *exemplo est*] cuius illi exemplo utantur. Virg. Georg. I, 186. — *magni laboris*] vide ad Carm. I, 36, 13.

- Quae, simul inversum contristat Aquarius annum,
 Non usquam prorepat et illis utitur ante
 Quaesitis sapiens, cum te neque fervidus aestus
 Demoveat lucro neque hiems, ignis, mare, ferrum,
 40 Nil obstat tibi, dum ne sit te ditior alter.
 Quid iuvat immensum te argenti pondus et auri
 Furtim defossa timidum deponere terra?
 Quod si comminuas vilem redigatur ad assem.
 At, nī id sit, quid habet pulchri constructus acervus?
 45 Milia frumenti tua triverit area centum,
 Non tuus hoc capiet venter plus ac meus: ut si
 Reticulum panis venales inter onusto
 Forte vebas humero, nihilo plus accipias quam
 Qui nil portarit. Vel dic quid referat intra
 50 Naturae fines viventi, iugera centum an
 Mille aret? At suave est ex magno tollere acervo.
 Dum ex parvo nobis tantundem haurire relinquo,
 Cur tua plus laudes cumeris granaria nostris?

V. 36. *Quae*] At ea. — *Aquarius*] Sol transit in Aquarium XVII. Kal. Februar. Annus antiquis est circulus quem sol in coelo conficit; inde Horatius *inversum* annum dixit ad exemplum Homericorum *περιπλομένον, περιτελλομένων ἐνιαυτῶν*. Macrob. Sat. I, 14 p. 178 Gron. „Sicut *lunaris annus* mensis est, quia luna paulo minus quam mensem in Zodiaci circuitione consumit, ita *solis annus* est quem peragit, dum ad signum se denuo vertit ex quo digressus est: unde annus vertens vocatur.“ — *sapiens*] Carm. I, 7, 17. Sat. II, 7, 73. Sic antiqui codices; in aliis etiam bonis crebra confusione *patiens*; male. — *dum te*] Ad unum ex multis conversa oratio ad vitam redit unde petita est. — *furtim*] Certabant interpretes, illud vocabulum utrum referendum sit ad *defossa* an ad *deponere*. Tu noli in partes dissecare *defossa deponere terra*. — *quod si*] Ex mente cupidorum hominum haec interponit Horatius ipse: *at id si*, ut supra v. 36. — *area*] cf. Carm. I, 1, 9. Virg. Georg. I, 298. Terebantur fruges equis vel bobus ad tribulum iunctis. — *hoc capiet*] Sat. I, 9, 8. „Cicero nunquam ita locutus est, sed semper orationem continuat per *quod*.“ Hand. Turs. III. p. 94. De *ac* part. post adiectivi comparativum vide ad Epod. 15, 5. — *inter*] vide ad Carm. III, 3, 11. Inter servos qui cum domino iter faciunt unus tantum est, cui imponitur reticulum panis; et tamen hic non plus accipiet quam reliqui. Eadem res avari hominis. — *referat*] In dativo *viventi* non est haerendum. Similis est Taciti locus Ann. XV, 65: „non referre dedecori, si citharoedus demoveretur et tragoedus succederet.“ Non necessaria igitur Chabotii et Cuningamii coniectura *viventis*; *viventi* est datus commodi. — *inter naturae fines*] ut plura non possit consumere quam quae patiatur natura cf. v. 46. — *tantundem*] quantum tu ex magno acervo, i. e. quantum natura poscit. — *cumeris*] Epist. I, 7, 30. Videtur fuisse vasa viminea, in quibus frumenta condebantur. Cume-

- Ut tibi si sit opus liquidi non amplius urna
 55 Vel cyatho et dicas: Magno de flumine malim
 Quam ex hoc fonticulo tantundem sumere. Eo fit,
 Plenior ut si quos delectet copia iusto,
 Cum ripa simul avulsos ferat Aufidus acer.
 At qui tantuli eget quanto est opus, is neque limo
 60 Turbatam haurit aquam neque vitam amittit in undis.
 At bona pars hominum decepta cupidine falso,
 Nil satis est, inquit; quia tanti, quantum habeas, sis.
 Quid facias illi? Iubeas miserum esse, libenter
 Quatenus id facit: ut quidam memoratur Athenis
 65 Sordidus ac dives, populi contemnere voces
 Sic solitus: Populus me sibilat, at mihi plaudo
 Ipse domi, simul ac nummos contemplor in arca.
 Tantalus a labris sitiens fugientia captat
 Flumina Quid rides? Mutato nomine de te
 70 Fabula narratur: congestis undique saccis
 Indormis inbians et tanquam parcere sacris
 Cogeries aut pictis tanquam gaudere tabellis.
 Nescis quo valeat nummus? quem praebeat usum?

rae pauperum sunt, granaria divitum — *urna*] dimidia pars amphorae paulo maior fuit quam undecim modii (Quart) Berolinenses; *cyathus*, duodecima pars sextarii, magnitudinem vix aequiparat poculorum vitreorum quo vinum nos bibere solemus. — *malim*] Non consentiunt neque codices neque editiones; in aliis *malim*, in aliis *mallem*. Illud rectius; quid enim quominus ad flumen eat talem hominem prohibet? *Aufidus* deinde infertur, quia patrio fluvio libenter poeta utitur. cf. Carm. III, 30, 10. IV, 14, 25. Species igitur pro genere et imago pro ipsa re posita est.

V. 61. *cupidine*] vide ad Carm. II, 16, 15. — *bona pars*] est satis magna pars, ex qua unus deinde protractus et loquitur et refellitur (v. 63 *illi*, *miserum*). — *quatenus*] quoniam. Carm. III, 24, 30. Sat. I, 3, 76 — *facit*] Generale hoc verbum in alterius verbi, vicem ita substituitur ut nostrum *thun* et Graecum *ποσειδων* (non *ποσειδων* Stallb. ad Plat. Crit. p. 48. E.). Sat. I, 4, 79 Cic. de off. I, 1, 1. I, 38, 136. I, 40, 144. — *quidam memoratur*] Nescio quid inanius sit quam in eiusmodi fabulis veritatem certosque et locos et homines quaerere. Et si sciremus, quid inde lucraremur? Non refellitur ab Horatio argumentum illud de crescente cum pecunia auctoritate, sed ostenditur eorum hominum miserrimus status, non ex populi contemptione sed ex perpetua fame, quae nunquam paratarum rerum usu restringitur. Inde exemplum Tantalii, cuius nomen solum nominatum avaro satis quid velit poeta ostendit. Ridet ille, cum nesciat quid ea ad se pertineat fabula. — *sacris*] Carm. III, 3, 52. Sat. II, 3, 110. —

- Panis ematur, olus, vini sextarius; adde
 75 Quis humana sibi doleat natura negatis.
 An vigilare metu exanimem, noctesque diesque
 Formidare malos fures, incendia, servos,
 Ne te compilent fugientes, hoc iuvat? Horum
 Semper ego optarim pauperrimus esse bonorum.
 80 At si condoluit tentatum frigore corpus
 Aut alius casus lecto te afflixit, habes qui
 Assideat, fomenta paret, medicum roget, ut te
 Suscitet ac natis reddat carisque propinquis?
 Non uxor salvum te vult, non filius; omnes
 85 Vicini oderunt, noti, pueri atque puellae.
 Miraris, cum tu argento post omnia ponas,
 Si nemo praestet quem non merearis amorem?
 At si cognatos nullo natura labore
 Quos tibi dat retinere velis servareque amicos,
 90 Infelix operam perdas, ut si quis asellum
 In campo doceat parentem currere frenis.
 Denique sit finis quaerendi, cumque habeas plus,

sextarius] sexta pars congi, paulo maior quam dimidia pars modii Berolinensis ($\frac{1}{2}$ Quart = 29,0452 Kubz.). — *quis*] quibus. Carm. I, 26, 3. — *bonorum*] quae quia curas habent et molestias mala potius dicenda sunt. Ironia efficitur certamine quod est inter *pauperrimus* et *bonorum*. De genitivo cf. Sat. II, 3, 142. Sic etiam *dives* c. gen. Carm. IV, 8, 5. Sat. I, 2, 74. Epist. II, 2, 31. — *frigus*] Sat. II, 3, 290. *ibid.* 163. — *afflixit*] Sic antiquissimi codices, alii *affixit*, quod cur practulerint recentissimi editores satis causae esse non videtur. Vim aliquam casus in altero inesse aiunt, quae si quid video non abhorret ab hoc loco. Ovid. Met. XII, 139. — *assideat*] ad lectum. — *suscitet*] a dormiente translatus verbum ad aegrotantem in lectuloque cubantem. Generalis eius verbi notio cernitur in commovendo homine aliquo quiescente, tam cubante quam sedente. cf. Carm. II, 10, 19. III, 27, 11. Virg. Aen. IX, 463. Ovid. Met. VIII, 643. — *pueri atque puellae*] ex proverbio, ut nos Jung und Alt. Sat. II, 3, 130. — *post omnia ponas*] Tmesis, ut Cic. de off. III, 17. Virg. Aen. I, 412. — *at si*] Etiam optimi et antiquissimi codd. dissentiunt; alii *at si*, alii *an si* habent; pauci etiam *ac si*. Quam varietatem interpretes coniecturis etiam auxerunt: *ut si*, *aut si*, *non si*. Refellit autem poeta avarum, qui cognatos quos ultro ei obtulit natura — ultro autem datis rebus quid gratius est avaro? — nulla etiam impensa amicos sibi servare velit, non magis stultus quam si quis asellum freno currere velit docere. Quare verba *nullo labore ἀνὸ χοίρου* posita sunt. Vide ad Carm. III, 1, 11.

V. 92. *plus*] Metuunt homines paupertatem, opes quaerunt. Iam cum plus habent quam eo tempore quo maxime metuebant, minuendus

- Pauperiem metuas minus et finire laborem
 Incipias, parto quod' avebas, ne facias quod
 95 Ummidius quidam, non longa est fabula, dives
 Ut metiretur nummos, ita sordidus, ut se
 Non unquam servo melius vestiret, ad usque
 Supremum tempus ne se penuria victus
 Opprimeret metuebat. At hunc liberta securi
 100 Divisit medium, fortissima Tyndaridarum.
 Quid mi igitur suades? Ut vivam Maenius? aut sic,
 Ut Nomentanus? Pergis pugnantia secum
 Frontibus adversis componere: non ego, avarum
 Cum veto te fieri, vappam iubeo ac nebulonem.
 105 Est inter Tanain quiddam socerumque Viselli.
 Est modus in rebus, sunt certi denique fines,
 Quos ultra citraque nequit consistere rectum.
 Illuc unde abii redeo, nemo ut avarus
 Se probet ac potius laudet diversa sequentes,
 110 Quodque aliena capella gerat distentius uber
 Tabescat, neque se maiori pauperiorum
 Turbae comparet, hunc atque hunc superare laboret.
 Sic festinanti semper locupletior obstat,
 Ut cum carceribus missos rapit ungula currus,
 115 Instat equis auriga suos vincentibus, illum
 Praeteritum temnens extremos inter euntem.

etiam metus est. Intelligunt alii *plus quam opus est*, non bene. *Plus* et *minus* eadem ratione intelligenda sunt; tunc si illud voluisset poeta suo more *plura* posuisset, ut Sat. II, 2, 109. Epist. II, 2, 196. — *facias*] Generale verbum est ut Germanicum *machen*, quo tota agendi et vivendi ratio significatur, non excluso tristi exitu. — *quidam*] Ingeniosa et facilis sed supervacanea et prava est Bentleii coniectura *qui tam* — *fortissima Tyndaridarum*] Masculina forma *Tyndaridae* utrumque sexum comprehendit; quare quod per synesin quandam femininum genus additur non mirandum est. Carm. I, 37, 21. Sat. I, 9, 4. Suet. Ner. 33: „Locusta venenariorum inclita“ — *Maenius*] Illic et Nomentanus noti eius aetatis nepotes et ganeones. — *vappam*] a vino corrupto ad hominem perditum translatus. — *Tanais*] hic spado fuit, Visellii socer herniosus. — *nemo ut*] Sic recte ex codicibus, quamquam in multis etiam antiquissimis *nemon ut*, ortum illud ex inepto hiatus timore. Nam intolerabilis hoc loco est admirantis aut cum admiratione indignantis exclamatio. De part. *ut* vide ad Carm. I, 9, 1. I, 13, 3. — *hunc atque hunc*] Uno superato alterum statim videt cui invidet. — *temnens*] In pedestri oratione simplex rarissimum. Sat. II, 2, 38. Virg. Aen. VI,

Inde fit ut raro qui se vixisse beatum
 Dicat et exacto contentus tempore vita
 Cedat uti conviva satur reperire queamus.
 120 Iam satis est: ne me Crispini scrinia lippi
 Compilasse putes, verbum non amplius addam.

S a t i r a I I.

Ambubaiarum collegia, pharmacopolae,
 Mendici, mimae, balatrones, hoc genus omne

620. VII, 236. — Crispini] Sat. I, 3, 139. II, 7, 45. I, 4. 14. Fuit philosophus Stoicus, qui quotiescunque posset emendandos mores insulis suis versiculis clamaret nomenque aretalogi ab aequalibus accepisset. Lippitudo eius magis ad mentem referenda videtur quam ad oculos; quamquam his quoque laborasse eum necesse est. Admirabilis autem Horatius est propter egregiam inveniendi exitus artem, qua satiris et epistolis inexpectato quodam ioco finem saepe imposuit legentiumque animos grata affecit hilaritate.

S a t i r a I I.

Occasionem scribendae huius satirae accepisse videtur Horatius mortuo M. Tigellio, Sardo, qui musicae artis peritissimus propter raram vocem gratus fuerat apud C. Iulium Caesarem, Cleopatram, Octavianum; homo tamen pestilentior sua patria (Cic. Fam. VII, 24) et in facilitate parandarum opum maxime prodigus. Argumentum generali sententia proponitur v. 24, cui quattuor exemplis diversissimis, prodigi hominis et avari, nepotis et feneratoris, aditus paratur. Iam versum 24 bina iterum exemplorum paria sequuntur, ut inde a v. 28 generalis illa sententia quam sit vera in certa re, qua tum maxime Romana civitas laborabat, demonstretur. De tempore quo satira scripta videatur non consentiunt viri docti. Hoc certum est, ante tertiam et quartam huius libri hanc compositam esse. Iam alii, qui sibi persuaserint versu 25 ficto nomine Malchini vel Maltini Maecenatem vellicari, neque credant facere id potuisse Horatium in Maecenatis familiaritatem iam receptum, satiram anno 714 vel 715 attribuunt; alii ad a. 717 referendam putant. Quorum opinio mihi quidem probabilior videtur, quoniam satira tertia ante a. 717 haudquaquam scripta est (vide ib. v. 64) neque veri simile est hanc, cuius haud dubie in tertia ratio habetur, duobus vel tribus annis ante scriptam esse.

V. 1. *ambubaiarum*] Sunt „mulieres tibicinae lingua Syrorum: etenim Syris tibia sive symphonia ambubaia dicitur.“ Comm. Cruq. Compara אֲבֻבָּאִים, plur. אֲבֻבָּאִיִּם. — *pharmacopolae*] medicorum quoddam genus circumforaneorum, qui per urbes cursitabant creduloque popello medicamenta venditabant. Cic. Cluent. 14: „Tum repente Anconitanum quendam L. Clodium pharmacopolam circumforancum aggreditur.“ — *Mendici*] ἀγύρται; harioli, Galli, quorum impudentia mendicandi summa fuisse traditur. Etiam Iudaei Romae vagabantur mendicantes et quae-

- Moestum ac sollicitum est cantoris morte Tigelli:
 Quippe benignus erat. Contra hic, ne prodigus esse
 5 Dicatur metuens, inopi dare nolit amico,
 Frigus quo duramque famem propellere possit.
 Hunc si perconteris, avi cur atque parentis
 Praeclaram ingrata stringat malus ingluvie rem,
 Omnia conductis coëmens obsonia nummis;
 10 Sordidus atque animi quod parvi nolit haberi
 Respondet: laudatur ab his, culpatur ab illis.
 Fufidius vappae famam timet ac nebulonis;
 Dives agris, dives positus in fenore nummis,
 Quinas hic capiti mercedes exsecat atque
 15 Quanto perditior quisque est, tanto acrius urget;
 Nomina sectatur modo sumpta veste virili
 Sub patribus duris tironum. Maxime, quis non,
 Iuppiter! exclamat, simul atque audivit? At in se
 Pro quaestu sumptum facit hic. Vix credere possis,
 20 Quam sibi non sit amicus, ita ut pater ille, Terenti
 Fabula quem miserum nato vixisse fugato
 Inducit, non se peius cruciaverit atque hic.
 Si quis nunc quaerat: Quo res haec pertinet? illuc:

stus causa hariolantes. — *balatrones*] scurrae, qui loquacitate divites delectabant. Inde Servilii cognomen Sat. II, 8, 21. — *Tigelli*] Hic Sardus diversus est ab Hermogene Tigellio, cuius mentio fit in Satira quarta et decima huius libri. — *benignus*] ex sententia illorum hominum, re vero prodigus. — *stringat*] deminuat, radat. „Sumpta metaphora a ramis quos stringimus, quando illos nudamus foliis“ Comm. Cruq. cf. Virg. Buc. 9, 61. — *omnia conductis*] Compara Sat. II, 3, 224—230. Pers. VI, 21: „hic bona dente Grandia magnanimus peragit puer.“ — *Fufidius*] Feneratorem hunc hominem fuisse locus ipse docet; praeterea nihil de eo scimus. — *capiti*] sorti, Capital. Sordidissimus homo quinas centesimas in singulos menses de sorte extorquet, *exsecat*, quo verbo bene castigatur crudelitas hominis quintuplicatam usuram (60 Procent) debitoribus exprimentis. — *nomina*] de re pecuniaria. Cic. Planc. 28: „nomen quod urget dissolvere“. id. Rosc. Com. 1: „Non refert parva nomina in codices“. de off. III, 14. — Etiam debitores nomina appellantur: Epist. II, 1, 105. Cic. Att. V, 21: „Nam aut bono nomine centesimis contentus erat, aut non bono quaternas centesimas sperabat“. — *veste virili*] Lege Laetoria (Cic. off. III, 15) vetitum erat ne XXV annis minores stipulari possent. Quare feneratores perditis adolescentulis cum suo periculo pecuniam fenori darent, maiores etiam usuras expresserunt. — *Terenti*] In Ἐυτοκίμωδον ἑστὶν Menedemus pater se cruciat dies noctesque, quod filium Cliniam nimia severitate eo egerit at relicta domo in Asiam militatum iret. — *peius atque*] vide ad Epod.

- Dum vitant stulti vitia, in contraria currunt.
- 25 Malchinus tunicis demissis ambulat; est qui
 Inguen ad obscenum subductis usque facetus:
 Pastillos Rufillus olet, Gargonius hircum.
 Nil medium est. Sunt qui nolint tetigisse nisi illas,
 Quarum subsuta talos tegat instita veste;
- 30 Contra alius nullam nisi olenti in fornice stantem.
 Quidam notus homo cum exiret fornice, Macte
 Virtute esto, inquit sententia dia Catonis;
 Nam simul ac venas inflavit tetra libido,
 Huc iuvenes aequum est descendere, non alienas
- 35 Permolere uxores. Nolim laudarier, inquit,
 Sic me, mirator cunni Cupiennius albi.

15, 5. — *quo res*] Similis ad ipsam rem transeundi ratio Sat. I, 1, 14 sq.

V. 25. *Malchinus*] Nomen fictum a graeco *μαλαχός*, quo veteres etiam latini poetae usi sunt, ut Plaut. Mil. III, 1, 74: „cinaedus malacicus“ Qui ex aliis codicibus *Malthinus* vel *Maltinus* scribendum censuerunt, ab antiquo vocabulo *malta* i. e. *mollis* repetendum nomen docent. Scholiastis auctoribus *Maecenas* hoc nomine tangitur, qui teste Seneca ep. 114 soluta tunica per urbem ire solebat. De qua re cum olim non esset dubitatum scrupulum nunc moverunt doctissimi viri, qui scurrilem et ab Horatii Maecenatisque coniunctione alienissimam putarent Maecenatis sub ficto nomine irrisorem. Attamen et illa scholiastarum annotatio antiquitus tradita videtur neque in ipso hoc loco quidquam est tam malignum aut contumeliosum ut Maecenas, sive coniunctus iam fuit cum Horatio sive non fuit, iure potnerit offendi. Nam „stulti prope omnes“ dicuntur Sat. II, 3, 32; cum quo loco cf. Sat. II, 3, 307. II, 7, 42. Deinde ne amicorum quidem vitii Horatius pepercit; id quod perspicuum est ex loco Sat. I, 3, 26, quem non sine huius loci ratione scriptum esse veri simile est. Praeterea ne hoc quidem recte concluditur, qui ita Maecenatem ipsum vituperaret eum nondum potuisse amicum fuisse Maecenatis. Nam si quid iniuriarum in hoc loco inerat, non minus inerat cum coniunctae ederentur satirae primi libri quam cum haec una scriberetur; ut idonea ex ea re inveniri non possit causa cur haec satira ante scripta esse debeat quam Horatius a Maecenate esset inter familiares receptus. — *tunicis demissis*] solutis. cf. v. 99. Non videntur esse demissitiae vel talares. Cic. in Cat. II, 10. — *ambulat*] vide ad Epod. 4, 5. — *subductis*] Quintil. XI, 3, 138: „Cui lati clavius non erit ita cingatur, ut tunicae prioribus oris infra genua paulum, posterioribus ad medios poplites usque perveniant. Nam infra mulierum est, supra centurionum.“ Varro de vit. pop. Rom. ap. Non. de gen. vest.: „Postquam binas tunicas habere coeperunt, instituerunt vocare subuculam (virorum) et indusium (mulierum)“ — *Pastillos*] cf. Sen. ep. 86: „Descripturus infamem et nimis notabilem deliciis Horatius quid ait? Pastillos cet.“ Hi homines satis noti fuerunt neque minime dignitatis, ut eorum irrisio poetae invidiam conflaverit. cf. Sat. I, 4, 91 sq. — *instita*] fasciola fimbriata in ima stola matronarum. — *laudarier*] vide ad Carm. IV, 11, 8 cf. infra 104 Sat. II, 8, 67. Epist. II, 1, 94. II, 2, 148. — *Cupiennius*] C. Cupiennius Libo Cumanus Augusti

- Audire est operae pretium, procedere recte
 Qui mocchis non vultis, ut omni parte laborent;
 Utque illis multo corrupta dolore voluptas
 40 Atque haec rara cadat dura inter saepe pericla.
 Hic se praecipitem tecto dedit, ille flagellis
 Ad mortem caesus, fugiens hic decedit acrem
 Praedonum in turbam, dedit hic pro corpore nummos,
 Hunc perminxerunt calones; quin etiam illud
 45 Accidit, ut quidam testes caudamque salacem
 Demeteret ferro. Iure omnes: Galba negabat.
 Tutior at quanto merx est in classe secunda,
 Libertinarum dico, Salustius in quas
 Non minus insanit quam qui moechatur: at hic si,
 50 Qua res, qua ratio suaderet quaque modeste
 Munifico esse licet, vellet bonus atque benignus
 Esse, daret quantum satis esset nec sibi damno
 Dedecorique foret. Verum hoc se amplectitur uno,
 Hoc amat et laudat: Matronam nullam ego tango.
 55 Ut quondam Marsaeus, amator Originis ille,
 Qui patrium mimae donat fundumque laremque,
 Nil fuerit mi, inquit, cum uxoribus unquam alienis.
 Verum est cum mimis, est cum meretricibus, unde
 Fama malum gravius quam res trahit. An tibi abunde
 60 Personam satis est, non illud, quidquid ubique
 Officit, evitare? Bonam deperdere famam,
 Rem patris oblimare, malum est ubicunque. Quid inter-
 Est in matrona, ancilla peccesve togata?
 Villius in Fausta Sullae gener, hoc miser uno

familiaritate clarus. — *audire*] „Urbane abutitur Ennianis versibus: Audire est operae pretium, procedere recte Qui rem Romanam Latiumque augescere vultis.“ *Schol.* — *moechis*] Sic optimi codices. Alii *moechos*.

V. 46. *Galba*] Ser. Galbam iuris peritum dicit Comment. Cruq., cui non obsecuti recentiores interpretes A. Galbam Octaviani scurras praetulerunt, non sufficiente causa. — *Salustius*] vide ad Carm. II, 2. — *malum gravius*] Grave est malum patriam rem effundere, gravius famam corrumpere. — *Quid inter — Est*] cf. Epist. II, 2, 188. Sat. I, 9, 51. II, 3, 117. 179. Epist. II, 2, 93. 188. A. P. 290. 424. — *peccesve*] Sic plurimi et antiquissimi codices; quod quamquam insolitum est, tamen retinendum videtur. Tibull. IV, 5, 20: „Quid refert *clamve palamve* roget?“ ubi Lachmannus et Dissenus non scripserunt cum aliis *clamve palamve*. Eadem varietas infra Epist. I, 11, 3. — *Villius*] Fau-

- 65 Nomine deceptus, poenas dedit usque superque
 Quam satis est pugnīs caesus ferroque petitus,
 Exclusus fore, cum Longarenius foret intus.
 Huic si mutonis verbis mala tanta videntis
 Diceret haec animus: Quid vis tibi? Numquid ego a te
- 70 Magno prognatum deosco consule cunnum
 Velatumque stola, mea quum conferbuit ira?
 Quid responderet? Magno patre nata puella est.
 At quanto meliora monet pugnātiaque istis
 Dives opis natura suae, tu si modo recte
- 75 Dispensare velis ac non fugienda petendis
 Immiscere. Tuo vitio rerumne labores,
 Nil referre putas? Quare ne poeniteat te
 Desine matronas sectarier, unde laboris
 Plus haurire mali est quam ex re decerpere fructus.
- 80 Nec magis huic inter niveos viridesque lapillos,
 Sit licet hoc, Cerinthe, tuum, tenerum est femur aut crus
 Rectius, atque etiam melius persaepe togatae est.
 Adde huc quod mercem sine fucis gestat, aperte
 Quod venale habet ostendit, nec si quid honesti est
- 85 lactat habetque palam, quaerit quo turpia celet.
 Regibus hic mos est: ubi equos mercantur, opertos
 Inspiciunt, ne si facies ut saepe decora
 Molli fulta pede est, emptorem inducat hiantem,
 Quod pulchrae clunes, breve quod caput, ardua cervix.
- 90 Hoc illi recte: ne corporis optima Lyncei
 Contemplare oculis, Hypsaea caecior illa
 Quae mala sunt spectes. O crus! o brachia! verum

stae, Sullae filiae, Milonis uxoris adulter. Eiusdem mulieris moechus Longarenius videtur fuisse. — *Sit licet hoc*] Simplicissima ratio haec est, ut *hoc* ad *lapillos* referatur; similis locus est infra v. 97. — *tuum*] Haec tua res sit, tibi relinquo. Cerinthus vanus homo fuisse videtur, qui externo vestitus splendore capi se pateretur. — *honesti*] pulchri — *regibus*] vide ad Carm. I, 4, 14. — *hiantem*] cf. Sat. I, 1, 71. — *molli pede*] Non tenui et agiliore, sed infirmo ac debili. Diversus enim locus est Virg. Georg. III, 76. — *Hypsaea*] Plautia Hypsaea, ita caeca, ut in proverbium abiret. Eius enim caecitas ponitur contra Lyncei aciem. Lynceus unus fuit ex Argonautis, filius Apharei, Messenius, qui tanta fuisse oculorum acie traditur, ut vel parietem visu penetraret. Occisus est a Polluce. — *depugis*] vide ad Carm. I, 5, 8. — *hoc facit*

- Depugis, nasuta, brevi latere ac pede longo est.
 Matronae praeter faciem nil cernere possis,
 95 Cetera, ni Catia est, demissa veste tegentis.
 Si interdicta petes, vallo circumdata, nam te
 Hoc facit insanum, multae tibi tum officient res,
 Custodes, lectica, ciniflones, parasitae,
 Ad talos stola demissa et circumdata palla,
 100 Plurima, quae inuideant pure apparere tibi rem.
 Altera, nil obstat: Cois tibi paene videre est
 Ut nudam, ne crure malo, ne sit pede turpi;
 Metiri possis oculo latus. An tibi mavis
 Insidias fieri pretijumque avellier ante
 105 Quam mercem ostendi? Leporem venator ut alta
 In nive sectetur, positum sic tangere nolit,
 Cantat et apponit, Meus est amor huic similis: nam
 Transvolat in medio posita et fugientia captat.
 Hiscine versiculis speras tibi posse dolores
 110 Atque aestus curasque graves e pectore pelli?
 Nonne cupidinibus statuatur natura modum quem,
 Quid latura sibi quid sit dolitura negatum,
 Quaerere plus prodest et inane abscindere soldo?
 Num, tibi cum fauces urit sitis, aurea quaeris
 115 Pocula? num esuriens fastidis omnia praeter

insanum] Hoc referendum ad praecedentium verborum sententiam: interdicta petere. — ciniflones] „Ciniflones et cinerarii eadem significatione apud antiquos habebantur, ab officio calamistrorum in cinere calefaciendorum, quibus matronae capillos crispabant. Dicti autem ciniflones ab eo, quod in cinerem flant ad ferrum calefaciendum.“ Acro. — Altera] Sententiae filum abruptum ex imitatione sermonis quotidiani. — Cois] cf. Sen. de Benef. VII, 9: „Video sericas vestes, si vestes vocandae sunt, in quibus nihil est quo defendi aut corpus aut denique pudor possit.“ — videre est] Zumpt. gr. lat. § 227. — Leporem venator] Expressit epigramma Callimachi 33: „Ὠρευτής, Ἐπίκυδες, ἐν οὖρεσι πάντα λαγῶν Λυγὰ καὶ πάσης ἔχνη δορυκαλίδος, Στίβη καὶ νικητὴν πεχορημένος· ἦν δὲ τις εἴλη· Τῇ τὸδε βέβληται θηρίον, οὐκ ἔλαβεν. Χοῦμός ἐρωσ τοιόσδε. τὰ μὲν γεύγοντα διώκειν Οἶδε, τὰ δ' ἐν μέσσω Κείμενα παρῆνται.“ Ex quo vides quid sit positum. cf. tamen Sat. II, 2, 23. — pelli] Optimi codices dissentiunt; in aliis pelli, in aliis tolli; utrumque sua natura rectum et aptum. Pelli allitteratione videtur commendari — soldo] De syncope vide ad Carm. II, 2, 2. Solidum inani opponitur splendori; ut Cic. de fin. I, 18: „illi negant bonum quidquam esse nisi nescio quam illam umbram, quod appellant honestum, non tam solido quam splendido nomine.“ ibid. 21: „In quibus

- Pavonem rhombumque? tument tibi cum inguina, num si
 Ancilla aut verna est praesto puer, impetus in quem
 Continuo fiat, malis tentigine rumpi?
 Non ego: namque parabilem amo venerem facilemque.
 120 Illam „Post paulo“: „Sed pluris: „Si exierit vir“
 Gallis, hanc Philodemus ait sibi, quae neque magno
 Stet pretio neque cunctetur, cum est iussa venire.
 Candida rectaque sit; munda hactenus, ut neque longa
 Nec magis alba velit, quam dat natura, videri.
 125 Haec ubi supposuit dextro corpus mihi laevum,
 Ilia et Egeria est; do nomen quodlibet illi,
 Nec vereor ne, dum futuo, vir rure recurrat,
 Ianua frangatur, latret canis, undique magno
 Pulsa domus strepitu resonet, vepallida lecto
 130 Desiliat mulier, miseram se conscia clamet,
 Cruribus haec metuat, doti deprensa, egomet mi.
 Discincta tunica fugiendum est ac pede nudo,
 Ne nummi pereant aut puga aut denique fama.
 Deprendi miserum est; Fabio vel iudice vincam.

Satira III.

Omnibus hoc vitium est cantoribus, inter amicos
 Ut nunquam inducant animum cantare rogati,

nulla solida utilitas omnisque puerilis est delectatio.“ — *Philodemus*] Epicureus philosophus et poeta, Ciceronis aequalis. — *Gallis*] spadonibus. — *Ilia et Egeria*] nobilissima et antiquissima nomina. — *vepallida*] vide ad Carm. I, 5, 8. — *conscia*] ancilla conciliatrix. — *cruribus*] Infidelibus servis crudeles domini crura saepe frangebant. — *doti*] Mulieres adulterii convictae dotis parte multabantur. — *Fabio*] Sat. I, 1, 14. Is etiam, qui verborum linguaeque certamine nemini unquam cessit, hoc verum esse concedet ipse fortasse expertus.

Satira III.

Patet ex v. 63 (*saepe*) Horatium cum haec satira scriberetur in amicitiam Maecenatis fuisse iam receptum; amplius nihil poterit de tempore affirmari, modo teneatur haud ita magnum spatium intercedere potuisse inter hanc et superiorem. Familiaritatem Horatii cum Maecenate tota satira prodit, in qua nihil est timiditatis aut incertae sese gerendi rationis. Scribendae autem huius satirae rationem et voluntatem ipsa altera prae buisse videtur, quippe qua castigatis multorum hominum

- Iniussi nunquam desistant. Sardus habebat
 Ille Tigellius hoc. Caesar, qui cogere posset,
 5 Si peteret per amicitiam patris atque suam, non
 Quidquam proficeret; si collibisset, ab ovo
 Usque ad mala citaret, Io Bacche! modo summa
 Voce, modo hac resonat quae chordis quattuor ima.
 Nil aequale homini fuit illi: saepe velut qui
 10 Currebat fugiens hostem, persaepe velut qui
 Iunonis sacra ferret; habebat saepe ducentos,
 Saepe decem servos; modo reges atque tetrarchas,
 Omnia magna loquens, modo: Sit mihi mensa tripes et
 Concha salis puri et toga, quae defendere frigus
 15 Quamvis crassa queat. Decies centena dedisses

perversitatibus non paucos sibi adversarios excitasset poeta, clamantes eos quidem malignum eum esse hominem qui ne ab amicorum quidem parvis vitiiis abstineret Maecenatique illudere ausus sit. Quare nunc ostendit quales homines esse soleant, qui sua vitia non videntes alios maligne vituperent, quidque discriminis intersit inter sinceram etiam amicorum reprehensionem correctionemque et malignum levissima vitia augendi efferendique studium. Quo consilio ductus Stoicorum nimis severam disciplinam, qua omnia peccata aequalia esse contenderunt (v. 76), opposita Epicureorum doctrina ab humani generis ratione et vita non minus alienam et remotam esse docet quam miram illam eiusdem sectae de perfecto sapiente sententiam. Haec igitur satira cum scripta sit ne perperam altera in posterum intelligeretur, ab eodem Tigellio Sardo paulo ante mortuo hanc quoque inchoavit eiusque miros mores perpetuamque vivendi inconstantiam lepide descripsit, ut ab hoc semel vituperato ad suam rem communemque hominum invidendi aliosque vellendae consuetudinem viam sibi satirice muniret.

V. 1. *cantare*] utrimque pendet et ab *induc. animum* et ab *rogati*. — *habebat*] Non recte ex hoc imperfecto nonnulli concluderunt, Tigellium iam pridem mortuum fuisse. Quod secus est; neque enim quidquam eius rei in imperfecto tempore inest neque poeta pridem mortui nomine et moribus sic uti potuit. Ad significationem v. habendi cf. Cic. Phil. II, 32: „Habebat hoc omnino Caesar“; intellige hoc moris, consuetudinis; hoc mirum, singulare. — *peteret*] vide Zumpt. gr. lat. §. 525 med. — *ab ovo*] „Ovum initium coenae erat, quippe quod in gustatione statim a balneis offerebatur; poma vero cum bellariis in secundis mensis erant.“ *Schol* — *Io Bacche*] Significatur cantilena convivalis, cuius fortasse strophae iterato hoc versu claudabantur (*Refrain*). Posterior syllaba v. *Bacche* in arsi producitur. — *modo summa*] „Tigellius modo utebatur ea voce, quae summa chorda tetrachordi, τῇ ὑπέρῳ, resonat i. e. gravissima τῇ βαρυγάρῳ; modo ea quae ima chorda, τῇ νήῳ, eademque acutissima, τῇ ὀξύγάρῳ resonat.“ *Gesner*. — *Iunonis sacra*] Cic. off. I, 36. Κερηφόροι sacra capite portantes lento gradu incedebant. Sat. II, 8, 13. — *modo reges*] Modo nihil nisi magna loquens amicitiam suam cum regibus magnisque viris iactabat, modo minima etiam sibi sufficere dictitabat. — *decies centena*] sc. milia sester-

- Huic parco paucis contento, quinque diebus
 Nil erat in loculis. Noctes vigilabat ad ipsum
 Mane, diem totum stertebat. Nil fuit unquam
 Sic impar sibi. Nunc aliquis dicat mihi: Quid tu?
 20 Nullane habes vitia? Immo alia et fortasse minora.
 Maenius absentem Novium cum carperet: Heus tu,
 Quidam ait, ignoras te? an ut ignotum dare nobis
 Verba putas? Egomet mi ignosco, Maenius inquit.
 Stultus et improbus hic amor est dignusque notari.
 25 Cum tua pervideas oculis mala lippus inunctis,
 Cur in amicorum vitiis tam cernis acutum,
 Quam aut aquila aut serpens Epidaurius? At tibi contra
 Evenit, inquirant vitia ut tua rursus et illi.
 Iracundior est paulo, minus aptus acutis
 30 Naribus horum hominum; rideri possit eo quod
 Rusticius tonso toga defluit et male laxus

tium; quae ad nostram rationem redacta efficiunt fere 95456 flor. Rhen.

V. 20. *et fortasse*] Sic recte scribitur ex omnibus prope codicibus, altera lectio *haud fort* exigua tantum auctoritate sustentatur. „Habeo, inquit, vitia sed alia et nisi fallor minora, non tanta vituperatione digna.“ Sat. I, 4, 130. I, 6, 65. Iam sic videtur poeta pergere: „quod quidem cum intelligam, neque mihi ipsi ignosco et aliorum vitiis libenter veniam dare soleo; nam bene perspexi omnia vitia paria non esse, immo alia severe quamquam non maligne reprehendi, aliis benevole ignosci debere.“ In quo loco ne arrogantiae ac superbiae Horatium accuses, consideres velim antiquos homines alienissimos semper fuisse a fucata illa et simulata modestia qua nostra aetas immerito gloriari saepe solet, deinde Tigellii vitia quae vituperasset poeta non solum non parva fuisse sed quae totam hominis vitam temeritati et cupiditatibus obnoxiam omnemque operam et laborem irritum vanumque redderent. — *Novium*] potest esse fenerator Novius ex Sat. I, 6, 121. — *Maenius*] Sat. I, 4, 101. — *pervideas*] Recte sic codices praeter duos, in quibus *praevidas*, quod quibus placuit interpretantur *praetervidas*, nulla sane auctoritate adiuti. *Pervideas* eo ipso quod certare videtur cum *oculis lippus inunctis* praefereendum est. — *Epidaurius*] Epidauri templum fuit Aesculapii, cui sacri serpentes. — *iracundior est*] Rectius esse praecipit hominum parva vitia patienter ferre et ponderandis etiam magnis saepe virtutibus benevole compensare. Sui igitur more hominis aliquam imaginem exprimit, ad quam efficiendam putant lineamenta quaedam suorum morum (Sat. II, 3, 323. Epist. I, 1, 94. I, 20, 25) eum admiscuisse. Quod cum de vitiis possit concedi, de virtutibus non potest; nam siquidem ingenium sibi esse nunquam negavit (Carm. II, 18, 9. III, 30.) Horatius, tamen ingens sibi ingenium (v. 33) non magis unquam, nedum hoc tempore, arrogavit quam singularem animi bonitatem, ut alium quemquam meliorem se auderet negare. — *acutis naribus*] quibus minima etiam aliorum vitia odorantur. — *male laxus*] vide

- In pede calceus haeret: at est bonus, ut melior vir
 Non alius quisquam, at tibi amicus, at ingenium ingens
 Inculto latet hoc sub corpore. Denique te ipsum
- 35 Concute, num qua tibi vitiorum inseverit olim
 Natura aut etiam consuetudo mala; namque
 Neglectis urenda filix innascitur agris.
 Illuc praevertamur, amatorem quod amicae
 Turpia decipiunt caecum vitia, aut etiam ipsa haec
- 40 Delectant, veluti Balbinum polypus Hagnae.
 Vellem in amicitia sic erraremus et isti
 Errori nomen virtus posuisset honestum.
 At pater ut gnati, sic nos debemus amici
 Si quod sit vitium non fastidire: strabonem
- 45 Appellat paetum pater, et pullum, male parvus
 Si cui filius est, ut abortivus fuit olim
 Sisyphus; hunc varum distortis cruribus, illum
 Balbutit scaurum pravis fultum male talis.
 Parcius hic vivit: frugi dicatur. Ineptus

ad Carm. IV, 12, 7. — *tibi*] Fictus significatur adversarius. — *Concute*] idem quod *excute*, quo libentius utebantur prosae orationis scriptores. Dicimus enim excutere vestem alicuius hominis, ut si quid ibi celatum sit id excidat.

V. 38. *praevertamur*] Praeverti est altera re relicta ad alteram sese convertere, ut hanc habeamus sententiarum iuncturam: „Iam cum nemo sit qui purum se liberumque vitiis dicere possit, summa lenitas adhibenda est in iudicandis amicorum vitiis imitandumque exemplum amantium, quibus amatorum hominum etiam pravitates placent, aut certe parentum, qui puerorum vitia blandis saepe nominibus celare student. — *polypus*] Producitur prima syllaba propter liquidam litteram *l*. Est autem vitium foetidum ipsarum narium. Iam animadvertenda satirica acerbitas in ipso exemplo; dicunt enim significari L. Coelium Balbinum, qui hoc tempore proscriptus, postea reversus a. u. c. 724 consul suffectus est. Hagna libertinae nomen. — *At pater*] Etiam si adamare non possumus amicorum vitia, tamen non fastidire ea sed quantum possumus celare debemus. — *strabonem*] „Strabo dicitur qui est detortis oculis; paetus autem qui est oculis leniter declinatis cuique huc atque illuc tremuli celeriter volvuntur.“ *Comm. Cruq.* — *pullum*] „Antiqui puerum, quem quis amabat, pullum eius dicebant.“ *Festus.* — *Sisyphus*] M. Antonii triumviri pumilio fuisse dicitur, ob calliditatem hoc nomine ornatus. — *balbutit*] infantes imitans. Varus est cuius pedes introrsum reortiti sunt, scaurus qui talos habet exstantes vel inversos et tortuosos. (Klumpfuss). Indulgentia patris in ea maxime re cernitur, quod cognominibus utitur clarissimarum gentium. — *ineptus*] Cic. de Orat II, 4, 17: „Qui aut tempus quid postulet non videt, aut plura loquitur, aut se ostentat, aut eorum quibuscum est vel dignitatis vel commodi ratio-

- 50 Et iactantior hic paulo est: concinnus amicis
 Postulat ut videatur. At est truculentior atque
 Plus aequo liber: simplex fortisque habeatur.
 Caldior est: acres inter numeretur. Opinor,
 Haec res et iungit iunctos et servat amicos.
- 55 At nos virtutes ipsas invertimus atque
 Sincerum cupimus vas incrustare. Probus quis
 Nobiscum vivit, multum demissus homo: illi
 Tardo cognomen, pingui damus. Hic fugit omnes
 Insidias nullique malo latus obdit apertum,
- 60 Cum genus hoc inter vitae versetur, ubi acris
 Invidia atque vigent ubi crimina: pro bene sano
 Ac non incauto fictum astutumque vocamus.
 Simplicior quis et est, qualem me saepe libenter
 Obtulerim tibi, Maecenas, ut forte legentem
- 65 Aut tacitum impellat quovis sermone molestus:
 Communi sensu plane caret, inquit. Eheu
 Quam temere in nosmet legem sancimus iniquam!
 Nam vitiis nemo sine nascitur; optimus ille est,
 Qui minimis urgetur. Amicus dulcis ut aequum est,
- 70 Cum mea compenset vitiis bona, pluribus hisce,

nem non habet, aut denique in aliquo genere aut inconcinnus aut multus est, is ineptus dicitur.“ — *simplex*] Contrarius est *duplex*, ut Carm. I, 6, 7. Simplex ut sentit ita loquitur. — *inter*] vide ad Carm. III, 3, 11. — *opinor*] Praeter hunc tribus locis apud Horatium legitur Sat. I, 7, 2. Epist. I, 16, 78. II, 2, 17; ubique versum claudit, nimirum eo consilio ut insigni loco ironica eius verbi vis magis proferatur. — *incrustare*] „Adeo perversi sumus, ut et purum vas corrupto aliquo liquore eiusque faecibus obducere cupiamus.“ *Orellius*. Homines igitur aliorum mores non tales iudicare solent quales sunt, sed in praviorem speciem a se maligne conversos; cuius iam rei exempla adduntur.

V. 56. *probus*] Sic coniunge: si quis probus (*simplex*) est eum tardum (Schwachkopf), si multum demissus (modestus) eum pinguem (Dummkopf) appellamus. — *multum*] vide ad Carm. I, 25, 5. — *fictum*] Is est fictus qui se ipse fingit, talem se non praebet qualis est. — *qualem me*] i. e. qualem me tibi saepe obtuli et libenter obtuli, ut ne nunc quidem poeniteat. *Libenter* est sponte, consulto, ut Sat. I, 1, 63. Simplicem igitur et rectum neque nimis falsae cuiusdam urbanitatis legibus obnoxium se esse apud Maecenatem dicit poeta, quo clarius sua familiaritas ab omni assentatione et adulatione libera eluceat. — *Communi sensu*] eius quod decet. Quint. I, 2, 20: „Sensum ipsum, qui communis dicitur, ubi discet, cum se a congressu, qui non hominibus solum sed mutis quoque animalibus naturalis est, segregavit?“ — *amicus dulcis*] vide ad Carm. I, 16, 23. — *cum mea com-*

- Si modo plura mihi bona sunt, inclinet, amari
 Si volet: hac lege in trutina ponetur eadem.
 Qui ne tuberibus propriis offendat amicum
 Postulat, ignoscet verrucis illius: aequum est,
 75 Peccatis veniam poscentem reddere rursus.
 Denique, quatenus excidi penitus vitium irae,
 Cetera item nequeunt stultis haerentia, cur non
 Ponderibus modulisque suis ratio utitur ac res
 Ut quaeque est ita suppliciis delicta coercet?
 80 Si quis eum servum, patinam qui tollere iussus
 Semesos pisces tepidumque ligurierit ius,
 In cruce suffigat, Labeone insanior inter
 Sanos dicatur. Quanto hoc furiosius atque
 Maius peccatum est! Paulum deliquit amicus,
 85 Quod nisi concedas, habere insuavis: acerbus
 Odisti et fugis ut Rusonem debitor aeris;
 Qui nisi, cum tristes misero venere Kalendae,
 Mercedem aut nummos unde unde extricat, amaras
 Porrecto iugulo historias captivus ut audit.
 90 Comminxit lectum potus mensave catillum
 Euandri manibus tritum deiecit: ob hanc rem,
 Aut positum ante mea quia pullum in parte catini
 Sustulit esuriens, minus hoc iucundus amicus
 Sit mihi? Quid faciam, si furtum fecerit, aut si

penset] Cum non est praepositio sed coniunctio. *Compensare* enim verbum duplici ratione potest coniungi, ut mutandi quoque verba, de quibus vide ad Cārm. I, 17, 2. Cf. Ovid. Her. 3, 51: „Tot tamen amissis te compensavimus unum.“ *Ut aequum est* in fine versus posita sunt et ne seiungantur ab adi. *dulcis* et quo efficaciora reddantur, ut v. 74. — *hac lege*] Videnda lex in verbis pluribus hisce *inclinet*, non in vv. 73 sq., qui rationis reddendae causa adduntur. — *quatenus*] vide ad Sat. I, 1, 64. — *stultis*] ex sententia Stoicorum omnes stulti sumus praeter vere sapientem. Sat. II, 3, 32. — *Si quis*] Est argumentum a minori ad maius. — *Labeone*] M. Antistius Labeo, postea clarissimus Ictus, tum iuvenis servum, qui nescimus quid parvum commiserat, crudelissima poena afficisse videtur. — *Rusonem*] „Octavius Ruso acerbus generator esse traditur; idem scriptor historiarum.“ *Schol.* — *Kalendae*] vide ad Epod. 2. fin. Ceterum cf. A. P. 474. — *Euandri*] prisci illius regis. Romani enim antiquorum vasorum cupidissimi erant. Sat. II, 3, 20. Mart. VIII, 6, 7 sqq.: „Hoc cratero ferox commisit proelia Rhoecus Cum Lapithis: pugna debile cernis opus; Hi duo longaevo censentur Nestore fundi: Pollice de Pyllo trita columba nitet.“ — *mea quia pullum*] Negligentior qui videtur ordo verborum restituitur caesurae ope, qua *mea*

- 95 Prodiderit commissa fide sponsumque negarit?
 Quis paria esse fere placuit peccata, laborant,
 Cum ventum ad verum est; sensus moresque repugnant
 Atque ipsa utilitas, iusti prope mater et aequi.
 Cum prorepserunt primis animalia terris,
- 100 Mutum et turpe pecus, glandem atque cubilia propter
 Unguibus et pugnīs, dein fustibus, atque ita porro
 Pugnabant armis, quae post fabricaverat usus,
 Donec verba, quibus voces sensusque notarent,
 Nominaque invenere; dehinc absistere bello,
- 105 Oppida coeperunt munire et ponere leges,
 Ne quis fur esset neu latro neu quis adulter.
 Nam fuit ante Helenam cunnus teterrima belli
 Causa, sed ignotis perierunt mortibus illi,
 Quos venerem incertam rapientes more ferarum
- 110 Viribus editior caedebat, ut in grege taurus.
 Iura inventa metu iniusti fateare necesse est,
 Tempora si fastosque velis evolvere mundi.
 Nec natura potest iusto secernere iniquum,
 Dividit ut bona diversis, fugienda petendis;
- 115 Nec vincet ratio hoc, tantundem ut peccet idemque,
 Qui teneros caules alieni fregerit horti
 Et qui nocturnus sacra divum legerit. Adsit
 Regula, peccatis quae poenas irroget aquas,
 Ne scutica dignum horribili sectere flagello.
- 120 Nam ut ferula caedas meritum maiora subire

in parte facile coniunguntur. — *fide*] vide ad Carm. III, 7, 4. — *quis*] Carm. I, 26, 3. — *ad verum*] relicta sterili doctrina ad ipsam vitam. — *primis terris*] novis. — *ignotis mortibus*] cf. Carm IV, 9, 13 sqq. Numerus pluralis ad res plures et diverso tempore gestas accommodatus.

V. 115. *ratio*] Ratione nitentur Stoici ad evincendam suam sententiam. Sat. II, 3, 225. *Vincere* est adversarium vincendo demonstrare; sic apud Cic. Cluent. 44, 124: „Vince deinde, bonum virum fuisse Oppianicum.“ — *sacra legerit*] inde sacrilegus. — *Nam ut ferula*] „Nam ne graviora lenioribus poenis coerceas, illud profecto non est timendum.“ Non offendendum in particula *ut*, quam tu noli coniungere cum verbo *tereor*. Cui verbo cum addideris *illud*, omnia bene se habent ad exemplum huiusmodi sententiae: Cic. de divin. II, 31, 66: „De ipso Roscio potest illud quidem esse falsum, ut circumligatus fuerit angui; sed ut in cunis fuerit anguis, non tam est mirum.“ cf. Liv. XXVIII, 22: „Nihil minus quam ut egredi moenibus auderent timeri

- Verbera, non vereor, cum dicas esse pares res
 Furta latrocinii et magnis parva mineris
 Falce recisurum simili te, si tibi regnum
 Permittant homines. Si dives, qui sapiens est,
 125 Et sutor bonus et solus formosus et est rex;
 Cur optas quod habes? Non nosti, quid pater, inquit,
 Chrysippus dicat: Sapiens crepidas sibi nunquam
 Nec soleas fecit, sutor tamen est sapiens. Qui?
 Ut quamvis tacet Hermogenes, cantor tamen atque
 130 Optimus est modulator; ut Alfenus vafer omni
 Abiecto instrumento artis clausaque taberna
 Sutor erat, sapiens operis sic optimus omnis
 Est opifex solus, sic rex. Vellunt tibi barbam
 Lascivi pueri; quos tu nisi fuste coërces,
 135 Urgeris turba circum te stante miserque
 Rumperis et latras, magnorum maxime regum.
 Ne longum faciam: dum tu quadrante lavatum
 Rex ibis neque te quisquam stipator ineptum
 Praeter Crispinum sectabitur, et mihi dulces
 140 Ignoscent si quid peccare stultus amici,

poterat. — *magnis parva*] Vide quam sit brevis et concisa lingua Latina. Simili enim ratione atque ea, quam ad Carm. II, 6, 14 observavimus, haec posita sunt: „parva mineris simili te falce recisurum ei falci qua magna.“ *Recidere* est nimia et exuberantia caedendo rem ad iustum modum reducere. — *regnum*] Epist. I, 1, 106 sqq. — *optas*] Referendum hoc ad v. 121 *cum dicas si*. — *pater Chrysippus*] cf. Sat. II, 3, 44. 287. Epist. I, 19, 7. *Εἰ μὴ ἦν Χρύσιππος, οὐκ ἂν ἦν Σιόα*. Diog. Laert. VII, 183. — *Hermogenes*] vide ad Sat. I, 2, 3. Tigellii Sardi filius adoptivus fuisse videtur. Sat. I, 9, 25. — *Alfenus vafer*] „Urbane satis Alfenum Cremonensem deridet, qui abiecta sutrina quam in municipio suo exercuerat Romam venit magistroque usus Ser. Sulpicio Rufo lecto ad tantam pervenit scientiam, ut consulatum gereret et publico funere efferretur.“ *Schol.* — *barbam*] Praeter barbam abolla (*ἀμφόβλη, ἀναβολή*), pallium philosophicum insigne fuit Stoici. Inde iocosum votum Sat. II, 3, 17. Gell. N. A. IX, 2: „Video, inquit Herodes, barbam et pallium; philosophum nondum video.“ — *rumperis et latras*] rumperis latrando. cf. Sat. II, 1, 85. Latrant canes; Stoici autem semicynici erant. — *quadrante*] In publicis balneis tenuiores homines quadrante lavabant. — *stipator*] Cic. off. II, 7, 25. Varro L. L. VII, 3, 91 fin.: „Latrones dicti ab latere, qui circum latera erant regi, quos postea a stipatione stipatores appellarunt.“ Deridetur igitur regia philosophi dignitas. — *Crispinum*] vide ad Sat. I, 1, 120. — *inque*] Hic unus Horatii locus, in quo *que* part. in praepos. adhaeret. cf. I, 4, 66. — *peccare*] Alii *peccavero*. „Neque enim o finale in verbis temere invenies

Inque vicem illorum patiar delicta libenter,
Privatusque magis vivam te rege beatus.

Satira IV.

Eupolis atque Cratinus Aristophanesque poëtae
Atque alii quorum comoedia prisca virorum est,
Si quis erat dignus describi, quod malus ac fur,

corruptum apud huius aetatis scriptores." *Bentleius*. Sed cf. Sat. I, 4, 104. I, 6, 119. I, 9, 2. 17.

Satira IV.

Haec quoque satira scripta est a poeta, ut se satirasque suae ab iniusto iudicio vindicaret. Duplex autem fuit criminatio, quam in editas tunc satiras adversarii coniecissent. Ac primum quidem negabant poetam esse Horatium, quippe qui nihil nisi paucos versus conscripsisset, deinde malignum esse hominem qui ne amicis quidem, scilicet ut risum sibi excuteret, parceret. Quae ut refelleret inchoavit satiram ab origine generis satirici et auctore suo Lucilio, qui cum multa scripsisset facilem ad priorem criminationem paucorum versuum transitum praebebat (vv. 9—22). Neque minori arte ad alterum crimen transitur Fannio quodam poeta imperitiae multitudini gratissimo in comparationem vocato. Iam versu 38 ad ipsam defensionem accingitur; in qua primum ne ipsum quidem poetam se esse credere affirmat, cum non versus sed res et rerum ingeniosa tractatio poetam faciat (v. 63). Deinde a malignitate sese defendit; neque se timendum esse ait cuiquam nisi malis neque se satiras suas in medio foro primo cuique recitare (v. 78), neque delectari laedendis hominibus, cum absentes non rodant nec falsa fingant nec commissa prodant nec quibus videatur esse amicus ex insidiis calumniari (v. 103). Iam cum qualis non sit ostenderit, addit qualis velit haberi quaque ratione ex puerili institutione paulatim exorta sit sua hominum contemplandorum consuetudo, qua ut puer tunc quoque ad animum suum in dies magis excolendum utatur; hoc suum esse vitium. Cui qui ignoscere nolint, in eos iocosas minas in clausula satirae proicit. — De tempore certum est non potuisse haec scribi nisi pluribus iam satiris divulgatis; ex iis quae ad nos venerunt secunda prior (v. 92), decima posterior (10, 1) est. Nihil amplius certum; priores fortasse etiam tertia et sexta.

V. 1. Triplex fuit comoedia graeca; *antiqua*, cuius principes erant Eupolis c. a. 430, Cratinus mortuus a. 423 centesimum annum egressus, Aristophanes qui maxime floruit intra a. 427—392. Haec liberrima erat et insectandis vitiis praecipua. Moderatior iam *media* erat, cuius tamen argumenta ad civiles res pertinerent, id quod probatur fragmentis Antiphanis Rhodii a. 408 et Alexidis Thuri a. 336. Tandem cum Macedonum auctoritas graecam libertatem opprimeret, *nova* comoedia delapsa est ad res privatas; praecipuus Menander fuit intra a. 342—290. cf. A. P. 281—284 — *virorum*] Sat. I, 10, 16. Designatur et nomine et loco, quem bis accepit nomen, virilis illa libertas in castigandis vitiis

- Quod moechus foret aut sicarius aut alioqui
 5 Famosus, multa cum libertate notabant.
 Hinc omnis pendet Lucilius, hosce secutus
 Mutatis tantum pedibus numerisque, facetus,
 Emunctae naris, durus componere versus.
 Nam fuit hoc vitiosus: in hora saepe ducentos,
 10 Ut magnum, versus dictabat stans pede in uno.
 Cum fluere lutulentus, erat quod tollere velles;
 Garrulus atque piger scribendi ferre laborem,
 Scribendi recte: nam ut multum, nil moror. Ecce,
 Crispinus minimo me provocat: Accipe, si vis,
 15 Accipiam tabulas; detur nobis locus, hora,
 Custodes; videamus uter plus scribere possit.
 Di bene fecerunt, inopis me quodque pusilli
 Finxerunt animi, raro et perpauca loquentis.
 At tu conclusas hircinis follibus auras,
 20 Usque laborantes, dum ferrum molliat ignis,
 Ut mavis, imitare. Beatus Fannius ultro

conspicua. — *numerisque*] Epist. I, 19, 24. Cum pedibus coniunctus numerus est, ὁδυμός. Lucilius praeter hexametrum etiam iambicis et trochaicis pedibus usus est. — *emunctae naris*] quasi purgatis naribus ut vitia bene odoraretur. Sat. I, 3, 29 sq. — *durus*] A versu duritia, qua non tactus solum sed sapor etiam et auditus laeditur, ad ipsum hominem translata. Plin. II. N. XXXV, 11: „Mechopanes pictor durus in coloribus.“ Horatii iudicium fragmentis Lucilii egregie comprobatur. — *fluere lutulentus*] Quint. X, 1, 93: „Ego ab Horatio dissentio, qui Lucilium fluere lutulentum et esse aliquid, quod tollere possis, putat.“ Cum particula est causalis; iam ut *fluere* dicitur eius oratio, cui quae alii multo labore consequuntur sponte ac nullo prope negotio in mentem veniunt, ita etiam poeta quasi fluit qui facillime versus componit. Imago autem a flumine sumpta verbo *lutulentus* continuatur, quod per quandam *πρόληψιν* positum sententiam satis illustrat. *Tollere* est recidere, non reservare aut laudare. Seneca Controv. 2, 10: „Naso rogatus aliquando ab amicis suis ut tolleret tres versus.“ cf. Sat. I, 10, 50. — *multum*] Multum scribere posse non magna laus est, quam insulso etiam et loquaci Crispino libenter concedam. vide ad Sat. I, 1, 120. — *minimo*] „Minimo provocare dicuntur ii qui in restipulatione plus ipsi promittunt quam exigunt ab adversario.“ Schol. — *accipiam*] Melioris haec lectio auctoritatis est quam quae aliis placuit *accipe iam*. *Ego* pronomen necessarium non est — *hora*] temporis spatium quod ad scribendum utrique conceditur. — *quodque*] vide ad Carm. II, 7, 25. — *At tu*] Fictus adversarius compellatur. — *follibus*] Tumidum et verbosum genus facete comparatur cum vento ex indefessis follibus emisso. Poetarum enim spiritus est et spirare. Carm. IV, 3, 24. IV, 6, 29.

V. 21. *Fannius*] Sat. I, 10, 80. Salse praedicat Fannium, cui a

- Delatis capsis et imagine, cum mea nemo
 Scripta legat vulgo recitare timentis ob hanc rem,
 Quod sunt quos genus hoc minime iuvat, utpote plures
- 25 Culpari dignos. Quemvis media erue turba,
 Aut ob avaritiam aut misera ambitione laborat.
 Hic nuptarum insanit amoribus, hic puerorum;
 Hunc capit argenti splendor; stupet Albius aere;
 Hic mutat merces surgente a sole ad eum quo
- 30 Vespertina tepet regio; quin per mala praeceps
 Fertur uti pulvis collectus turbine, ne quid
 Summa deperdat metuens aut ampliet ut rem.
 Omnes hi metuunt versus, odere poëtas.
 Foenum habet in cornu, longe fuge: dummodo risum
- 35 Excutiat sibi, non hic cuiquam parceret amico,
 Et quodcunque semel chartis illevertit, omnes
 Gestiet a furno redeunt scire lacuque
 Et pueros et anus. Agedum, pauca accipe contra.
 Primum ego me illorum, dederim quibus esse poëtas,
- 40 Excerptam numero: neque enim concludere versum
 Dixeris esse satis; neque si quis scribat uti nos
 Sermoni propiora, putes hunc esse poëtam.
 Ingenium cui sit, cui mens diviniior atque os
 Magna sonaturum, des nominis huius honorem.
- 45 Idcirco quidam comoedia necne poëma

docta plebe pretiosae capsae, in quibus tumida sua carmina conderet conservaretque, et imago coronata ultro oblata esse videntur. Nam quod Scholiastae tradunt, in publicas bibliothecas eius carmina et imaginem delata esse, id quidem ut ex male intellecto ipso loco ortum videtur ita omni probabilitate caret. Nam in Pollionis bibliothecam a. n. c. 716 conditam M. Terentii Varronis unius viventis imago recepta est. Fannius autem etiam tunc vixit, — *ob avaritiam*] Male alii ex coniectura duobus codicibus adiuta *ab avaritia*; nam neque Horatius *laborare ab aliqua re* dixisse unquam videtur, neque, si unquam, hoc loco dixisset, ubi morbus, non membrum vel pars ex qua dolor oritur, significandus erat. — *Albius*] homo ignotus. cf. v. 109. — *tepet regio*] Epist. I, 20, 19. — *pulvis collectus*] Carm. I, 1, 4. — *ut rem*] ut part. coniungenda cum *metuens*. — *odere poetas*] satirarum scriptores. — *foenum*] „Quando feriunt boves, eorum in cornibus ligatur foenum.“ Schol. — *lacuque*] M. Agrippa aedilis DCC aquae receptacula in urbe fecit; praeterea CV salientes. — *poetas*] Sic ex auctoritate omnium prope codicum etiam Bentleio scribendum; alii ex attractione *poetis*, de quo genere cf. Sat. I, 1, 19. I, 2, 51. I, 6, 25. A. P. 372. vide Zumpt. §. 601. — *comoedia necne poëma*] Co-

- Esset quaesivere; quod acer spiritus ac vis
 Nec verbis nec rebus inest, nisi quod pede certo
 Differt sermoni sermo merus. At pater ardens
 Saevit, quod meretrice nepos insanus amica
 50 Filius uxorem grandi cum dote recuset,
 Ebrius et, magnum quod dedecus, ambulet ante
 Noctem cum facibus. Numquid Pomponius istis
 Audiret leviora, pater si viveret? Ergo
 Non satis est puris versum perscribere verbis,
 55 Quem si dissolvas, quivis stomachetur eodem
 Quo personatus pacto pater. His, ego quae nunc,
 Olim quae scripsit Lucilius, eripias si
 Tempora certa modosque et quod prius ordine verbum est
 Posterius facias praeponens ultima primis,
 60 Non, ut si solvas „Postquam Discordia tetra
 Belli ferratos postes portasque refregit,“
 Invenias etiam disiecti membra poëtae.
 Hactenus haec: alias iustum sit necne poëma.
 Nunc illud tantum quaeram, meritone tibi sit
 65 Suspectum genus hoc scribendi. Sulcius acer
 Ambulat et Caprius, rauci male cumque libellis,
 Magnus uterque timor latronibus; at bene si quis
 Et vivat puris manibus, contemnat utrumque.
 Ut sis tu similis Coeli Birrique latronum,
 70 Non ego sim Capri neque Sulci: cur metuas me?

moedia poema non est neque verbis (Form) neque rebus (Inhalt); omnia enim vulgaria sunt et ex vitae quotidianae sermone sumpta. Cic. Orat. 20: „Video visum esse nonnullis Platonis et Democriti locutionem, etsi absit a versu, tamen quod incitatus feratur et clarissimis verborum luminibus utatur, potius poema putandum quam comicorum poetarum, apud quos nisi quod versiculi sunt nihil est aliud quotidiani dissimile sermonis.“ — *At pater*] Res in comoediis frequentissima, quam adversarius ut in comoediis etiam incitatioem esse orationem demonstret possit afferre. — *Pomponius*] ut locus suadet luxuriosus iuvenis, cetera ignotus. — *Postquam Discordia*] Versus Ennii testibus scholiastis. — *hactenus*] Omissa uberiore eius rei explicatione ab hoc certe loco alienissima ad alterum crimen transgreditur. — *Sulcius et Caprius*] „Hi acerrimi delatores (id est quadruplatores) et caudidici fuisse traduntur et ideo male, valde rauci, quod in contentione iudiciorum altissima voce clamarent.“ *Schol.* Argumentum petit Horatius a maiori ad minus. — *sim*] Sic optimi codd. Est modus potentialis οὕτως ἂν εἴην, ut Sat. I, 1,

- Nulla taberna meos habeat neque pila libellos,
 Quis manus insudet vulgi Hermogenisque Tigelli;
 Nec recito cuiquam nisi amicis, idque coactus,
 Non ubivis coramve quibuslibet. In medio qui
 75 Scripta foro recitent sunt multi quique lavantes;
 Suave locus voci resonat conclusus. Inanes
 Hoc iuvat, haud illud quaerentes, num sine sensu,
 Tempore num faciant alieno. Laedere gaudes,
 Inquit et hoc stūdio pravus facis. Unde petitur
 80 Hoc in me iacis? est auctor quis denique eorum,
 Vixi cum quibus? Absentem qui rodit amicum,
 Qui non defendit alio culpante, solutos
 Qui captat risus hominum famamque dicacis,
 Fingere qui non visa potest, commissa tacere
 85 Qui nequit; hic niger est, hunc tu, Romane, caveto.
 Saepe tribus lectis videas coenare quaternos,
 E quibus unus avet quavis adspargere cunctos
 Praeter eum qui praebet aquam; post hunc quoque potus,
 Condita cum verax aperit praecordia Liber.
 90 Hic tibi comis et urbanus liberque videtur,
 Infesto nigris; ego si risi, quod ineptus
 Pastillos Rufillus olet, Gargonius hircum,

19. 48. 55. 79. I, 2, 5. 35 al. — *habeat*] optativus modus. — *taberna*] cf. Mart. I, 118, 10 sqq.: „Contra Caesaris est forum taberna Scriptis postibus hinc et inde totis, Omnes ut cito perlegas poetas.“ Epist. I, 20, 1 sqq. — *quis*] vide ad Carm. I, 26, 3. — *Hermogenis*] vide ad Sat. I, 2, 3. Huius igitur hominis iudicium nihil melius esse iudicio imperitae multitudinis acerbissime indicatur. — *recitent*] Ubicunque Horatius meliora sua carmina habet quam quae recitentur: intelligendae utique sunt pravae illae recitationes, quibus divites saepe ac nobiles homines ingentia sua ac tumida carmina ad taedium clientium et debitorum recitarunt. Sat. I, 3, 88 sq. — *haud illud*] „Gravior negatio in iis apparet, ubi unum vocabulum sua negatione intenditur atque una res reliquis opponitur. Huius generis sunt demonstrativa pronomina atque adverbia.“ *Hand. Turs.* III p. 32. — *sensu*] communi. Sat. I, 3, 66.

V. 79. *inquit*] Ut graecorum *ἔπει* usurpatur non certa cogitata persona (heisst's). Sat. II, 2, 99. Cic. Tusc. I, 39, 93. V, 41, 118. — *captat risus*] Cic. Tusc. II, 7, 17. Frequentativa verbi forma studium et operam hominis ostendit. — *niger*] Cic. pro Caec. 10: „Clodius, cui nomen est Phormio, nec minus niger nec minus confidens“. — *caveto*] Loquitur poeta tanquam legem proponens. — *quaternos*] summus numerus elegantiorum hominum. — *praebet aquam*] praeter convivatorem; elocutio accommodata ad verb. *adspargere*. — *pastillos*] Sat. I, 2,

- Lividus et mordax videor tibi? Mentio si qua
 De Capitolini furtis iniecta Petilli
- 95 Te coram fuerit, defendas, ut tuus est mos:
 Me Capitolinus convictore usus amicoque
 A puero est, causaque mea permulta rogatus
 Fecit, et incolumis laetor quod vivit in urbe;
 Sed tamen admiror, quo pacto iudicium illud
- 100 Fugerit. Hic nigrae sucus loliginis, haec est
 Aerugo mera; quod vitium procul afore chartis
 Atque animo prius, ut si quid promittere de me
 Possum aliud vere, promitto. Liberius si
 Dixero quid, si forte iocosius, hoc mihi iuris
- 105 Cum venia dabis: insuevit pater optimus hoc me
 Ut fugerem exemplis vitiorum quaeque notando.
 Cum me hortaretur, parce, frugaliter atque
 Viverem uti contentus eo, quod mi ipse parasset:
 Nonne vides, Albi ut male vivat filius utque
- 110 Barrus inops? magnum documentum, ne patriam rem
 Perdere quis velit. A turpi meretricis amore
 Cum deterreret: Scetani dissimilis sis.
 Ne sequerer moechas, concessa cum venere uti
 Possem: Deprepsi non bella est fama Treboni,
- 115 Aiebat. Sapiens, vitatu quidque petitu
 Sit melius, causas reddet tibi; mi satis est, si
 Traditum ab antiquis morem servare tuamque,
 Dum custodis eges, vitam famamque tueri
 Incolumem possum; simul ac duraverit aetas

27. — *Petilli*] „Fingit se loqui cum amico Petillii Capitolini, qui cum praeset Capitolio accusatus est quod coronam Iovis Capitolini rapuisset; quare ipse sublatae coronae causam dixit et absolutus est a iudicibus in gratiam Caesaris Octaviani, cuius amicus erat.“ *Comm. Cruq.* Sat. I, 10, 26. — *amicoque*] Versus hypermeter, ut Sat. I, 6, 102. — *ut si quid*] Ne ter ponendum esset verbum promittere, primam personam in fine posuit sententiae; pro: ut promitto, si quid aliud vere de me promittere possum, ita promitto afore cet. — *insuevit hoc me*] *Lambinus* et *Heinsius* *mi*. Sed cf. Sat. II, 2, 109. Ne in duplici quidem accusativo haerendum est, praesertim in pronomine *hoc*. — *vitiorum*] ἀνὸ τοιούτου positum. — *Albi*] supra v. 28. Patris disciplinam ostendens vide quam multos simul carpat. — *magnum documentum*] vide ad Carm. III, 20, 7. — *Barrus*] Sat. I, 6, 30. I, 7, 8. Ceterum ignotus homo, ut etiam Scetanus et Trebonius. — *quidque*] vide ad Carm. II,

- 120 Membra animumque tuum, nabis sine cortice. Sic me
Formabat puerum dictis, et sive iubebat
Ut facerem quid, Habes auctorem, quo facias hoc:
Unum ex iudicibus selectis obiciebat;
Sive vetabat, An hoc inhonestum et inutile factu
- 125 Necne sit addubites, flagret rumore malo cum
Hic atque ille? Avidos vicinum funus ut aegros
Exanimat mortisque metu sibi parcere cogit;
Sic teneros animos aliena opprobria saepe
Absterrent vitiis. Ex hoc ego sanus ab illis,
- 130 Perniciem quaecunque ferunt, mediocribus et quis
Ignoscas vitiis teneor; fortassis et istinc
Largiter abstulerit longa aetas, liber amicus,
Consilium proprium; neque enim, cum lectulus aut me
Porticus excepit, desum mihi. Rectius hoc est.
- 135 Hoc faciens vivam melius. Sic dulcis amicis
Occurram. Hoc quidam non belle: numquid ego illi
Imprudens olim faciam simile? Haec ego mecum
Compressis agito labris; ubi quid datur oti,
Illudo chartis. Hoc est mediocribus illis
- 140 Ex vitiis unum; cui si concedere nolis,
Multa poetarum veniet manus, auxilio quae
Sit mihi; nam multo plures sumus ac veluti te
Iudaei cogenus in hanc concedere turbam.

7, 25. — *iudicibus selectis*] sc. rerum capitalium. Cic. pro Cluent. 43: „Praetores urbani iurati debent optimum quemque in selectos iudices referre.“

V. 126. *avidos*] intemperantes. — *sibi parcere*] Epist. I, 7, 11. — *Ex hoc*] hac educatione. — *quis*] ut supra v. 72. — *desum mihi*] in emendandis meis moribus. — *Rectius*] Verba sunt quasi secum loquentis ac de suis rebus cogitantis, ut ostendit v. 137. — *olim*] vide ad Carm. II, 10, 17. — *poetarum manus*] „Festive fingit magnum Romae esse poetarum quasi sodalicium et coniurationem. Simul ridet studium versificandi, quo tunc quam plurimi etiam invita Minerva ducebantur.“ Orellius. In qua re hoc quoque facetum est, quod poetarum turba Horatio quam infestissima erat. — *Iudaei*] qui multi tunc Romae multos ad suam doctrinam trahere studebant.

Satira V.

Egressum magna me excepit Aricia Roma
 Hospitio modico; rhetor comes Heliodorus,
 Graecorum longe doctissimus: inde Forum Appi
 Differtum nautis, cauponibus atque malignis.
 5 Hoc iter ignavi divisimus, altius ac nos
 Praecinctis unum: minus est gravis Appia tardis.
 Hic ego propter aquam, quod erat deterrima, ventri
 Indico bellum, coenantes haud animo aequo
 Exspectans comites. Iam nox inducere terris
 10 Umbras et coelo diffundere signa parabat;
 Tum pueri nautis, pueris convicia nautae
 Ingerere: Huc appelle! Trecentos inseris! Ohe

Satira V.

Caesar Octavianus cum aestate a. 716 maritimo bello contra S. Pompeium gesto maximam classis partem amisisset, ad Antonium misit Maecenatem, qui remota inter triumviros similitate ad belli societatem utrumque coniungeret. Quare ineunte vere a. 717 Antonius cum trecentis navibus Brundisium vectus est; ubi cum non esset receptus, Tarentum cursum direxit. Iam cum alter alterum timeret, primo per amicos agebant, deinde intercedente Octavia ipsi prope Tarentum congressi mutuum inter se auxilium promiserunt: Octavianus Antonio duas legiones Italicas contra Parthos, Antonius Octaviano centum naves contra Pompeium. Amici per quos primo agebant non dubium est quin Maecenas fuerit et Cocceius, per quos iam a. 714 foedus Brundisium factum erat; unde v. 29 dicuntur „aversos soliti componere amicos.“ Maecenati autem qui ne in itinere quidem doctorum amicorum usu carere vellet comes fuit Horatius; qui cum Lucilius olim iter Roma usque ad fretum Siculum factum in Satiris descripsisset, non potuit a se impetrare, quin in hac quoque re eum aemularetur, cum praesertim sperare posset fore ut eius exemplum et rebus et oratione et versu facile superaret (Sat. I, 4, 8). Iter factum esse verno tempore suadet imprimis versus 14, cum quibus conferantur vv. 72 et 81; quare veri videtur simile eodem anno etiam scriptam esse hanc satiram.

V. 1. *Aricia*] ad viam Appiam, distat a Roma XVI. M. P. — *Heliodorus*] rhetor graecus. — *Forum Appi*] distans ab Aricia XX. M. P. ab Appio Claudio Caeco qui Appiam viam fecit nominatum. — *atque*] vide ad Epod. 17, 4. — *cauponibus*] Sat. I, 1, 29. — *altius ac*] vide ad Epod. 15, 5. Qui altius praecincti sunt, expeditiores sunt celeriusque iter conficiunt. Facete dictum. His opponuntur postea *tardi*, qui abhorrent a labore viae. Quare rectius ex optimis libris *minus*, quam alterum *nimis*. Fori Appii initium erat Pomptinarum paludum, per quas iter continuabatur lentre a mulis tracta usque ad templum Feroniae (v. 24) distans a Terracina III. M. P. Non mirandum igitur, quod Forum Appii refertum erat nautis et cauponibus. — *comites*] Omnes intelligendi sunt qui per paludes iter facturi erant eadem navicula, quae vespere solvi solebat, ut altero die mane ad Feroniae appelleretur — *huc appelle*] Iam cum nox adesset, cuius adventum poeta epica quadam

- Iam satis est! Dum aes exigitur, dum mula ligatur,
 Tota abit hora. Mali culices ranaeque palustres
 15 Avertunt somnos. Absentem ut cantat amicam
 Multa prolutus vappa nauta atque viator
 Certatim, tandem fessus dormire viator
 Incipit, ac missae pastum retinacula mulae
 Nauta piger saxo religat stertitque supinus.
 20 Iamque dies aderat, nil cum procedere lintrem
 Sentimus; donec cerebrosus prosilit unus
 Ac mulae nautaeque caput lumbesque saligno
 Fuste dolat; quarta vix demum exponimur hora.
 Ora manusque tua lavimus, Feronia, lympa.
 25 Milia tum pransi tria repimus atque subimus
 Impositum saxis late candentibus Anxur.
 Huc venturus erat Maecenas optimus atque
 Cocceius, missi magnis de rebus uterque

dignitate utpote expectabundus describit v. 9. 10, omnes conscendunt lintrem, omnes properant, curant ne quid suarum rerum relinqueretur. Inde puerorum nautarumque convicia; sed sufficebat poetae puerorum convicia paucis significasse, nautarum non memorantur. Haec igitur verba *huc appelle; trecentos inseris; ohe, iam satis est* non sunt dividenda inter puerum et nautam. — *prolutus*] Sat. II, 4, 27. — *nauta atque viator*] Etiam si v. 11 plures *nautae* memorantur, unus tamen est qui hanc unam-naviculam regat, cui in imponendis et hominibus et sarcinis reliqui auxilio fuerant. Viator autem mulio non est, sed vilioris condicionis homo qui idem iter facit. Mulionem omnino non video; unus nauta in quiete fossa et navem regit et mulam loro lintrem trahentem. Sed cum facilius sit ex lintre mulam quam ex mula lintrem regere, nautam non apud mulam ambulantem aut mulae insidentem video, sed in navicula stantem suaeque voce mulam satis docilem et assuetam agitantem. Cui rei ne ob stare illud credas, quod nautam in terra postea cubantem dormientemque videmus, considera modo quam facile fuerit nautae ex nave in terram prosilire praesertim in angusta fossa; quae v. 21 ne cerebrosum quidem illum non nautam potuit retinere.

V. 20 *dies aderat*] Omnes in navicula dormiverant; unus tandem prima luce expergelactus mirabundus cum videat nautam dormientem, mulam pascentem, navem nihil prope progressam, prosilit iratus et non leniter suscitatur nautam agitque mulam. — *quarta hora*] Romani quovis anni tempore in eadem duodecim horas diem noctemque tum longiorem tum breviorē dividebant. Iam cum vere iter hoc factum sit, quo tempore sexta fere nostra hora sol oritur, quarta Romana respondet circiter nostrae decimae. — *Feronia*] antiqua dea Italica. — *subimus*] Terracina, cuius antiquum nomen Anxur erat, in monte posita erat Liv. XXVII, 18. Hirt. de bell. Gall. VIII, 15, 1. Saxa candentia sunt propter calcem; inde Mart. V, 1 „candidus Anxur“. — *Cocceius*] M. Cocceius M. F. Nerva, consul a. u. 718, proavus Nervae imperatoris, et

Legati, aversos soliti componere amicos.

- 30 Hoc oculis ego nigra meis collyria lippus
 Illinere. Interea Maecenas advenit atque
 Cocceius Capitoque simul Fonteius, ad unguem
 Factus homo, Antoni non ut magis alter amicus.
 Fundos Aufidio Lusco praetore libenter
- 35 Linquimus, insani ridentes praemia scribae,
 Praetextam et latum clavum prunaeque batillum.
 In Mamurrarum lassi deinde urbe manemus,
 Murena praebente domum, Capitone culinam.

Octaviano et Antonio gratus. *Optimus* Maecenas est, non Cocceius, quem sic laudari voluit Bentleius, scilicet ne nimia in Maecenatem familiaritate uteretur poeta. cf. Carm. I, 20, 5. Simillima ratio est Sat. I, 10, 82. — *collyria*] Plura erant genera; unum a cinereo colore *γελειον* appellabatur. Ex hoc loco noli concludere perpetua lippitudine vexatum fuisse poetam; illud solum recte efficies, infirmiores fuisse eius oculos qui nocturnos humores et frigora non bene tolerarent. Compara quae de Hannibale narrantur apud Livium XXII, 2 extr. — *Fonteius*] C. Fonteius Capito, elegans homo ac politus, Antonii in Asia legatus, a. u. c. 721 consul suffectus. — *ad unguem*] A. P. 294. Virg. Georg. II, 277. *εἰς ὄνυχα* vel *ἐν' ὄνυχος*. „Translatio a marmorariis, qui iuncturas marmorum tum demum perfectas ducunt, si unguis superductus non offendatur.“ *Schol.* — *Fundos*] Latii oppidum a Terracina XII. M. P. distans. Aufidius olim scriba tunc praefectus huius oppiduli praetoris sibi nomen arrogabat, quo nomine in nonnullis municipiis summi magistratus honorabantur, non in praefecturis, ex quibus Fundi erant. Liv. XXIII, 19 extr. Qui insanus et vanus homo ut rite acciperet Maecenatem, Cocceium, Fonteium, maximos in civitate viros, quacunque potuit ratione externo cultu dignitatisque insignibus sese ornaverant, molestaque fortasse iter facientes sedulitate rogaverat ut in suo oppido pernoctare ne dedignarentur. Ridebant autem magni viri vanitatem hominis senatorum instar praetexta et lato clavo ornati. Quibus insignibus *ἀπορροχίτως* accedit *prunae batillum*; quod quid sit, de eo incertissimum. Scribitur etiam *vatillum* in antiquis codicibus et apud Comment. Cruq., qui vas parvum fuisse ait „in quo pro felici hospitum adventu incensis odoribus Iovi hospitali sacra fiebant; quod cum ex cupro esset, ita tollebat et ostentabat hospitibus, quasi esset aureum.“ *Gesnero* videbatur focolus sacrificandi causa praelatus huic magistratui; *Cruquius* existimavit „vatillum esse focolum in coenatione aut cubili a laquearibus aut contignatione suspensum, in quo sub adventum hospitum vel convivarum prunis positus suffitus fiat.“ Iam cum prunarum vasculum non facile praemium sive insigne vocetur in aliisque locis batillo prunae vel stercora tollantur (Varr. R. R. III, 6, 5: „cum batillo circumire oportet ac sterces tollere“), Duentzero visum est, significari scipionem eburneum, quo viri triumphales et consules interdum uterentur; ut hunc quoque imitatus esset insanus scriba. Aliis placuit coniectura *prunique bacillum*, bacillum prunaeum pro consulis scipione usurpatum. — *Mamurrarum urbe*] Formiis a Fundis XII. M. P. distantibus. Mamurra eques Romanus, homo ditissimus ideoque Formiis potentissimus. — *Murena*] L. Licinius Terentius Varro Murena, de quo vide ad Carm. II, 10.

- Postera lux oritur multo gratissima: namque
 40 Plotius et Varius Sinuessae Virgiliusque
 Occurrunt, animae quales neque candidiores
 Terra tulit neque quis me sit devinctior alter.
 O qui complexus et gaudia quanta fuerunt!
 Nil ego contulerim iucundo sanus amico.
 45 Proxima Campano ponti quae villula, tectum
 Praebuit, et parochi quae debent ligna salemque.
 Hinc muli Capuae clitellas tempore ponunt.
 Lusum it Maecenas, dormitum ego Virgiliusque;
 Namque pila lippis inimicum et ludere crudis.
 50 Hinc nos Cocceii recipit plenissima villa,
 Quae super est Caudi cauponas. Nunc mihi paucis
 Sarmenti scurrae pugnam Messique Cicirrho,
 Musa, velim memores, et quo patre natus uterque
 Contulerit lites. Messi clarum genus Osci;
 55 Sarmenti domina exstat: ab his maioribus orti
 Ad pugnam venire. Prior Sarmentus: Equi te
 Esse feri similem dico. Ridemus, et ipse

Murena et Capito Formiis domus habuerunt atque aemulati uter hospites reciperet, tandem honorem et operam inter se diviserunt. Murena casu aderat. — *Plotius*] M. Plotius Tucca. Sat. I, 10, 81; qui postea cum L. Vario (Carm. I, 6, 1) Virgilii mortui Aeneidem edidit. — *Sinuessae*] XVIII. M. P. a Formiis.

V. 45. *Campano*] Pons impositus Savoni flumini III. M. P. a Sinuessae. Inter pontem et Capuam plures villulae; in proxima pernoctarunt. Capua a ponte Campano distabat XXII. M. P. — *parochi*] Sunt homines quibus publicum munus erat ligna, foenum, salem, tectum iter reipublicae causa facientibus praebere. — *lippis*] Celsus VI, 6 lippis quietem et abstinentiam commendat, crudos iubet „neque labori se neque exercitationi neque negotio credere.“ — *Caudi*] Caudium in Hirpinis XXI. M. P. a Capua. — *plenissima*] Carm. II, 12, 24. IV, 12, 24. — *Nunc mihi paucis*] Iocosa epicae dignitatis imitatio. Qui fastidiose hunc locum vituperarunt, neque quid Romanus mos tulerit neque qualem Romani rusticationem habuerint satis considerarunt. Cic. de orat. II, 6: „Saepe ex meo socero audivi, cum is diceret socerum suum Laelium semper fere cum Scipione solitum rusticari eosque incredibiliter repuerascere esse solitos.“ — *Sarmenti*] Sarmentus Maecenatis videtur fuisse scurra, Messius Cocceii; hic robusto, ille gracili corpore. Cicirrhus ridiculum nomen, *κίκίρρος, ἀλετριών*. — *domina exstat*] fuerat servus M. Favonii inter proscriptos occisi; cuius bonorum sectio cum ad Maecenatem venisset, Sarmentus manumissus et scriba factus est. Quod cum bene sciret Messius, simulat tamen se nescire v. 65 sq. Fuga etiam Sarmenti ficta videtur in contumeliam. — *equi feri*] Plin. H. N. VIII, 21: „Asperrimam autem feram *monocerotem*, reliquo corpore equo similem, capite cervo, pedibus elephanto, cauda

- Messius: Accipio; caput et movet: O, tua cornu
 Ni foret exsecto frons, inquit, quid faceres, cum
 60 Sic mutilus miniteris? At illi foeda cicatrix
 Setosam laevi frontem turpaverat oris.
 Campanum in morbum, in faciem permulta iocatus,
 Pastorem saltaret uti Cyclopa rogabat:
 Nil illi larva aut tragicis opus esse cothurnis.
 65 Multa Cicirrhos ad haec: Donasset iamne catenam
 Ex voto Laribus, quaerebat; scribe quod esset,
 Deterius nihilo dominae ius esse; rogabat
 Denique, cur unquam fugisset, cui satis una
 Farris libra foret, gracili sic tamque pusillo.
 70 Prorsus iucunde coenam producimus illam.
 Tendimus hinc recta Beneventum, ubi sedulus hospes
 Paene macros arsit dum turdos versat in igni:
 Nam vaga per veterem dilapso flamma culinam
 Vulcano summum properabat lambere tectum.
 75 Convivas avidos coenam servosque timentes
 Tum rapere atque omnes restinguere velle videres.
 Incipit ex illo montes Apulia notos
 Ostentare mihi, quos torret Atabulus et quos
 Nunquam crepsemus, nisi nos vicina Trivici

apro, mugitu gravi, uno cornu nigro media fronte cubitorum duum emi-
 nente“. — *accipio*] istam comparisonem. — *caput et movet*] vide ad
 Carm. I, 2, 9. — *miniteris*] Codd. fluctuant inter *miniteris* et *minitaris*.
 Sententia autem causam habet, cur Sarmentus adversarium terribilem
 fore dicat, nisi cornu esset exsectum. — *At*] At ne quaeras cur alterum
 ita comparaverit cet. — *Campanum*] „Hoc enim quasi a natura Cam-
 panis fere omnibus est, ut capitis temporibus magnae verrucae innas-
 cantur in modum cornuum.“ *Comm. Cruq.* — *Cyclopa*] Epist. II, 2.
 125. Saltare cum accus. ut ludere cum acc. est saltando exprimere; Vell.
 Pat. II, 73 „Glaucum saltare“. etiam passive ut Ovid. Trist. II, 519:
 „Et mea sunt populo saltata poemata saepe.“ Ante Augustum sic usur-
 patum verbum non videtur. — *catenam*] Fugitivi et ostiarii plerumque
 catenati erant; sed vide ad v. 55. — *una libra*] Servis quotidie quaternae
 vel quinae farris librae dari solebant. Saep̄ tamen probabile est factum
 esse ut fame pressi aufugerent servi. — *Beneventum*] A Caudio dista-
 bat XII. M. P. Ibi in cauponis hospitium devertisse videntur. — *ma-
 cros turdos*] iam verno tempore. Versus quaedam perturbatio ipsam
 rem quodammodo imitatur; insequentes duo non sine iocosa quadam
 epicae gravitatis acemulatione. — *videres*] Zumpt gr. lat. §. 528 —
Atabulus] perniciosus ventus, nunc *Altino* nominatus. — *crepsemus*]
 cf. Sat. I, 9, 73. II, 3, 169. II, 7, 68. vide ad Carm. II, 2, 2. —
Trivici] „oppidi in fine Campaniae, quo vehicula iuncta accedere ne-

- 80 Villa recepisset lacrimoso non sine fumo,
 Udos cum foliis ramos urente camino.
 Hic ego mendacem stultissimus usque puellam
 Ad mediam noctem exspecto; somnus tamen aufert
 Intentum veneri; tum immundo somnia visu
- 85 Nocturnam vestem maculant ventremque supinum.
 Quattuor hinc rapimur viginti et milia rhedis,
 Mansuri oppidulo, quod versu dicere non est,
 Signis perfacile est: venit vilissima rerum
 Hic aqua, sed panis longe pulcherrimus, ultra
- 90 Callidus ut soleat humeris portare viator:
 Nam Canusi lapidosus, aquae non ditior urna
 Qui locus a forti Diomede est conditus olim.
 Flentibus hinc Varius discedit moestus amicis.
 Inde Rubos fessi pervenimus, utpote longum
- 95 Carpentem iter et factum corruptius imbri.
 Postera tempestas melior, via peior ad usque
 Bari moenia piscosi; dein Gnatia Lymphis
 Iratis exstructa dedit risusque iocosque,

queunt; ergo Horatius ad villam devertit.“ *Schol.* Villa Trivicana non videtur esse amici cuiusdam, sed vel parochi vel cauponis.

V. 87. *versu dicere*] Ad exemplum Lucilii, cuius versus exstat; „Servorum est festu’ dies hic, Quem plane hexametro versu non dicere possis“, et aliorum etiam Graecorum. Equum tuticum vel Equotuticum significari male scribunt scholiastae; nimirum Maecenas comitesque a recta via septentriones versus declinassent; deinde cum Benevento tertio demum die Canusium pervenirent, et ita quidem ut primam noctem in Tuticana villa, alteram in hoc oppidulo transigerent, duobus primis diebus tantum XXII. M. P. confecissent, tertioque diei XLII reliquissent; id quod factum esse nequit et per totam itineris faciendi rationem et quia uno iam altero die XXIV. M. P. se confecisse dicit Horatius v. 86. Incerti igitur haeremus de nomine huius oppiduli quod haud ita magno spatio Canusio distare potuit. Hoc quoque accedit quod Equi Tutici vel Equotutici nomen, si u littera longa est — id quod veri simile est — versu non excluditur. — *signis*] non litteris, sed iis signis quae statim adduntur. — *Canusi*] distat a Benevento LXIV. M. P. — *qui locus*] In hoc loco ne erres compara Carm. IV, 2, 5, C. S 9, qui hoc quidem differunt quod nomen quocumque relativum coniungendum est praecedit; sed cf. Zumpt. gr. §. 372. — *Rubos*] Rubi a Canusio distabant XXIV vel alio auctore XXX. M. P. — *Bari*] Barium ad mare situm, a Rubis distans XXI. M. P. — *Gnatia*] populari forma pro *Egnatia*; oppidum fuit a Bario remotum XXXVII. M. P., quod cum dulci aqua careret iratis Lymphis conditum dicitur Lymphae latinum nomen Nympharum. De hoc oppido Plin. II. N. II, 111: „In Salentino oppido Egnatia imposito ligno in saxum

- Esset quaesivere; quod acer spiritus ac vis
 Nec verbis nec rebus inest, nisi quod pede certo
 Differt sermoni sermo merus. At pater ardens
 Saevit, quod meretrice nepos insanus amica
 50 Filius uxorem grandi cum dote recuset,
 Ebrius et, magnum quod dedecus, ambulet ante
 Noctem cum facibus. Numquid Pomponius istis
 Audiret leviora, pater si viveret? Ergo
 Non satis est puris versum perscribere verbis,
 55 Quem si dissolvas, quivis stomachetur eodem
 Quo personatus pacto pater. His, ego quae nunc,
 Olim quae scripsit Lucilius, eripias si
 Tempora certa modosque et quod prius ordine verbum est
 Posterius facias praeponens ultima primis,
 60 Non, ut si solvas „Postquam Discordia tetra
 Belli ferratos postes portasque refregit,“
 Invenias etiam disiecti membra poëtae.
 Hactenus haec: alias iustum sit necne poëma.
 Nunc illud tantum quaeram, meritone tibi sit
 65 Suspectum genus hoc scribendi. Sulcius acer
 Ambulat et Caprius, rauci male cumque libellis,
 Magnus uterque timor latronibus; at bene si quis
 Et vivat puris manibus, contemnat utrumque.
 Ut sis tu similis Coeli Birrique latronum,
 70 Non ego sim Capri neque Sulci: cur metuas me?

moedia poema non est neque verbis (Form) neque rebus (Inhalt); omnia enim vulgaria sunt et ex vitae quotidianae sermone sumpta. Cic. Orat. 20: „Video visum esse nonnullis Platonis et Democriti locutionem, etsi absit a versu, tamen quod incitatus feratur et clarissimis verborum luminibus utatur, potius poema putandum quam comitorum poetarum, apud quos nisi quod versiculi sunt nihil est aliud quotidiani dissimile sermonis.“ — *At pater*] Res in comoediis frequentissima, quam adversarius ut in comoediis etiam incitatioem esse orationem demonstret possit afferre. — *Pomponius*] ut locus suadet luxuriosus iuvenis, cetera ignotus. — *Postquam Discordia*] Versus Ennii testibus scholiastis. — *hactenus*] Omissa uberiore eius rei explicatione ab hoc certe loco alienissima ad alterum crimen transgreditur. — *Sulcius et Caprius*] „Hi acerrimi delatores (id est quadruplatores) et cauidici fuisse traduntur et ideo male, valde rauci, quod in contentione iudiciorum altissima voce clamarent.“ *Schol.* Argumentum petit Horatius a maiori ad minus. — *sim*] Sic optimi codd. Est modus potentialis οὕτως ἂν εἴη, ut Sat. I, 1,

- Nulla taberna meos habeat neque pila libellos,
 Quis manus insudet vulgi Hermogenisque Tigelli;
 Nec recito cuiquam nisi amicis, idque coactus,
 Non ubivis coramve quibuslibet. In medio qui
 75 Scripta foro recitent sunt multi quique lavantes;
 Suave locus voci resonat conclusus. Inanes
 Hoc iuvat, haud illud quaerentes, num sine sensu,
 Tempore num faciant alieno. Laedere gaudes,
 Inquit et hoc stúdio pravus facis. Unde petium
 80 Hoc in me iacis? est auctor quis denique eorum,
 Vixi cum quibus? Absentem qui rodit amicum,
 Qui non defendit alio culpante, solutos
 Qui captat risus hominum famamque dicacis,
 Fingere qui non visa potest, commissa tacere
 85 Qui nequit; hic niger est, hunc tu, Romane, caveto.
 Saepe tribus lectis videas coenare quaternos,
 E quibus unus avet quavis adspergere cunctos
 Praeter eum qui praebet aquam; post hunc quoque potus,
 Condita cum verax aperit praecordia Liber.
 90 Hic tibi comis et urbanus liberque videtur,
 Infesto nigris; ego si risi, quod ineptus
 Pastillos Rufillus olet, Gargonius hircum,

19. 48. 55. 79. 1, 2, 5. 35 al. — *habeat*] optativus modus. — *taberna*] cf. Mart. 1, 118, 10 sqq.: „Contra Caesaris est forum taberna Scriptis postibus hinc et inde totis, Omnes ut cito perlegas poetas.“ Epist. 1, 20, 1 sqq. — *quis*] vide ad Carm. 1, 26, 3. — *Hermogenis*] vide ad Sat. 1, 2, 3. Huius igitur hominis iudicium nihil melius esse iudicio imperitae multitudinis acerbissime indicatur. — *recitent*] Ubique Horatius meliora sua carmina habet quam quae recitentur: intelligendae utique sunt pravae illae recitationes, quibus divites saepe ac nobiles homines ingentia sua ac tumida carmina ad taedium clientium et debitorum recitarunt. Sat. 1, 3, 88 sq. — *haud illud*] „Gravior negatio in iis apparet, ubi unum vocabulum sua negatione intenditur atque una res reliquis opponitur. Huius generis sunt demonstrativa pronomina atque adverbia.“ Hand. Turs. III p. 32. — *sensu*] communi. Sat. 1, 3, 66.

V. 79. *inquit*] Ut graecorum ἰνῆσι usurpatur non certa cogitata persona (heisst's). Sat. 11, 2, 99. Cic. Tusc. 1, 39, 93. V, 41, 118. — *captat risus*] Cic. Tusc. 11, 7, 17. Frequentativa verbi forma studium et operam hominis ostendit. — *niger*] Cic. pro Caec. 10: „Clodius, cui nomen est Phormio, nec minus niger nec minus confidens“. — *caveto*] Loquitur poeta tanquam legem proponens. — *quaternos*] summus numerus elegantiorum hominum. — *praebet aquam*] praeter convivatorem; elocutio accommodata ad verb. *adspergere*. — *pastillos*] Sat. 1, 2,

- Lividus et mordax videor tibi? Mentio si qua
De Capitolini furtis iniecta Petilli
- 95 Te coram fuerit, defendas, ut tuus est mos:
Me Capitolinus convictore usus amicoque
A puero est, causaque mea permulta rogatus
Fecit, et incolumis laetor quod vivit in urbe;
Sed tamen admiror, quo pacto iudicium illud
- 100 Fugerit. Hic nigrae sucus loliginis, haec est
Aerugo mera; quod vitium procul afore chartis
Atque animo prius, ut si quid promittere de me
Possum aliud vere, promitto. Liberius si
Dixero quid, si forte iocosius, hoc mihi iuris
- 105 Cum venia dabis: insuevit pater optimus hoc me
Ut fugerem exemplis vitiorum quaeque notando.
Cum me hortaretur, parce, frugaliter atque
Viverem uti contentus eo, quod mi ipse parasset:
Nonne vides, Albi ut male vivat filius utque
- 110 Barrus inops? magnum documentum, ne patriam rem
Perdere quis velit. A turpi meretricis amore
Cum deterreret: Scetani dissimilis sis.
Ne sequerer moechas, concessa cum venere uti
Possem: Deprensi non bella est fama Treboni,
- 115 Aiebat. Sapiens, vitatu quidque petitu
Sit melius, causas reddet tibi; mi satis est, si
Traditum ab antiquis morem servare tuamque,
Dum custodis eges, vitam famamque tueri
Incolumem possum; simul ac duraverit aetas

27. — Petilli] „Fingit se loqui cum amico Petillii Capitolini, qui cum praesset capitolio accusatus est quod coronam Iovis Capitolini rapuis-
set; quare ipse sublatae coronae causam dixit et absolutus est a iudi-
cibus in gratiam Caesaris Octaviani, cuius amicus erat.“ *Comm. Cruq.*
Sat. I, 10, 26. — *amicoque*] Versus hypermeter, ut Sat. I, 6, 102. —
ut si quid] Ne ter ponendum esset verbum promittere, primam perso-
nam in fine ipse sublatae sententiae; pro: ut promitto, si quid aliud vere de
me promittere possum, ita promitto afore cet. — *insuevit hoc me*] Lam-
binus et Heinsius *mi*. Sed cf. Sat. II, 2, 109. Ne in duplici quidem
accusativo haerendum est, praesertim in pronomine *hoc*. — *vitiorum*]
ἀνὸ κακοῦ positum. — *Albi*] supra v. 28. Patris disciplinam osten-
dens vide quam multos simul carpat. — *magnum documentum*] vide ad
Carm. III, 20, 7. — *Barrus*] Sat. I, 6, 30. I, 7, 8. Ceterum ignotus
homo, ut etiam Scetanus et Trebonius. — *quidque*] vide ad Carm. II,

- 120 Membra animumque tuum, nabis sine cortice. Sic me
 Formabat puerum dictis, et sive iubebat
 Ut facerem quid, Habes auctorem, quo facias hoc:
 Unum ex iudicibus selectis obiciebat;
 Sive vetabat, An hoc inhonestum et inutile factu
- 125 Necne sit addubites, flagret rumore malo cum
 Hic atque ille? Avidos vicium funus ut aegros
 Exanimat mortisque metu sibi parcere cogit;
 Sic teneros animos aliena opprobria saepe
 Absterrent vitiis. Ex hoc ego sanus ab illis,
- 130 Perniciem quaecunque ferunt, mediocribus et quis
 Ignoscas vitiis teneor; fortassis et istinc
 Largiter abstulerit longa aetas, liber amicus,
 Consilium proprium; neque enim, cum lectulus aut me
 Porticus excepit, desum mihi. Rectius hoc est.
- 135 Hoc faciens vivam melius. Sic dulcis amicis
 Occurram. Hoc quidam non belle: numquid ego illi
 Imprudens olim faciam simile? Haec ego mecum
 Compressis agito labris; ubi quid datur oti,
 Illudo chartis. Hoc est mediocribus illis
- 140 Ex vitiis unum; cui si concedere nolis,
 Multa poetarum veniet manus, auxilio quae
 Sit mihi; nam multo plures sumus ac veluti te
 Iudaei cogemus in hanc concedere turbam.

7, 25. — *iudicibus selectis*] sc. rerum capitalium. Cic. pro Cluent. 43: „Praetores urbani iurati debent optimum quemque in selectos iudices referre.“

V. 126. *avidos*] intemperantes. — *sibi parcere*] Epist. I, 7, 11. — *Ex hoc*] hac educatione. — *quis*] ut supra v. 72. — *desum mihi*] in emendandis meis moribus. — *Rectius*] Verba sunt quasi secum loquentis ac de suis rebus cogitantis, ut ostendit v. 137. — *olim*] vide ad Carm. II, 10, 17. — *poetarum manus*] „Festive fingit magnum Romae esse poetarum quasi sodalicium et coniurationem. Simul ridet studium versificandi, quo tunc quam plurimi etiam invita Minerva ducebantur.“ Orellius. In qua re hoc quoque facetum est, quod poetarum turba Horatio quam infestissima erat. — *Iudaei*] qui multi tunc Romae multos ad suam doctrinam trahere studebant.

Satira V.

- Egressum magna me excepit Aricia Roma
 Hospitio modico; rhetor comes Heliodorus,
 Graecorum longe doctissimus: inde Forum Appi
 Differtum nautis, cauponibus atque malignis.
 5 Hoc iter ignavi divisimus, altius ac nos
 Praecinctis unum: minus est gravis Appia tardis.
 Hic ego propter aquam, quod erat deterrima, ventri
 Indico bellum, coenantes haud animo aequo
 Expectans comites. Iam nox inducere terris
 10 Umbras et coelo diffundere signa parabat;
 Tum pueri nautis, pueris convicia nautae
 Ingerere: Huc appelle! Trecentos inseris! Ohe

Satira V.

Caesar Octavianus cum aestate a. 716 maritimo bello contra S. Pompeium gesto maximam classis partem amisisset, ad Antonium misit Maecenatem, qui remota inter triumviros similitate ad belli societatem utrumque coniungeret. Quare ineunte vere a. 717 Antonius cum trecentis navibus Brundisium vectus est; ubi cum non esset receptus, Tarentum cursum direxit. Iam cum alter alterum timeret, primo per amicos agebant, deinde intercedente Octavia ipsi prope Tarentum congressi mutuum inter se auxilium promiserunt: Octavianus Antonio duas legiones Italicas contra Parthos, Antonius Octaviano centum naves contra Pompeium. Amici per quos primo agebant non dubium est quin Maecenas fuerit et Cocceius, per quos iam a. 714 foedus Brundisinum ictum erat; unde v. 29 dicuntur „aversos soliti componere amicos.“ Maecenati autem qui ne in itinere quidem doctorum amicorum usu carere vellet comes fuit Horatius; qui cum Lucilius olim iter Roma usque ad fretum Siculum factum in Satiris descripsisset, non potuit a se impetrare, quin in hac quoque re eum aemularetur, cum praesertim sperare posset fore ut eius exemplum et rebus et oratione et versu facile superaret (Sat. I, 4, 8). Iter factum esse verno tempore suadet imprimis versus 14, cum quibus conferantur vv. 72 et 81; quare veri videtur simile eodem anno etiam scriptam esse hanc satiram.

V. 1. *Aricia*] ad viam Appiam, distat a Roma XVI. M. P. — *Heliodorus*] rhetor graecus. — *Forum Appi*] distans ab Aricia XX. M. P. ab Appio Claudio Caeco qui Appiam viam fecit nominatum. — *atque*] vide ad Epod. 17, 4. — *cauponibus*] Sat. I, 1, 29. — *altius ac*] vide ad Epod. 15, 5. Qui altius praecincti sunt, expeditiores sunt celeriusque iter faciunt. Facete dictum. His opponuntur postea *tardi*, qui abhorrent a labore viae. Quare rectius ex optimis libris *minus*, quam alterum *nimis*. Fori Appii initium erat Pomptinarum paludum, per quas iter continuabatur linte a mulis tracta usque ad templum Feroniae (v. 24) distans a Terracina III. M. P. Non mirandum igitur, quod Forum Appii refertum erat nautis et cauponibus. — *comites*] Omnes intelligendi sunt qui per paludes iter facturi erant eadem navicula, quae vespere solvi solebat, ut altero die mane ad Feroniae appelleretur — *huc appelle*] Iam cum nox adesset, cuius adventum poeta epica quadam

- Iam satis est! Dum aes exigitur, dum mula ligatur,
 Tota abit hora. Mali culices ranaeque palustres
 15 Avertunt somnos. Absentem ut cautat amicam
 Multa prolutus vappa nauta atque viator
 Certatim, tandem fessus dormire viator
 Incipit, ac missae pastum retinacula mulae
 Nauta piger saxo religat stertitque supinus.
 20 Iamque dies aderat, nil cum procedere lintrem
 Sentimus; donec cerebrosus prosilit unus
 Ac mulae nautaeque caput lumbesque saligno
 Fuste dolat; quarta vix demum exponimur hora.
 Ora manusque tua lavimus, Feronia, lympa.
 25 Milia tum pransi tria repimus atque subimus
 Impositum saxis late candentibus Anxur.
 Huc venturus erat Maecenas optimus atque
 Cocceius, missi magnis de rebus uterque

dignitate utpote expectabundus describit v. 9. 10, omnes conscendunt lintrem, omnes properant, curant ne quid suarum rerum relinqueretur. Inde puerorum nautarumque convicia; sed sufficebat poetae puerorum convicia paucis significasse, nautarum non memorantur. Haec igitur verba *huc appelle; trecentos inseris; ohe, iam satis est* non sunt dividenda inter puerum et nautam. — *prolutus*] Sat. II, 4, 27. — *nauta atque viator*] Etiam si v. 11 plures *nautae* memorantur, unus tamen est qui hanc unam-naviculam regat, cui in imponendis et hominibus et sarcinis reliqui auxilio fuerant. Viator autem mulio non est, sed vilioris conditionis homo qui idem iter facit. Mulionem omnino non video; unus nauta in quieti fossa et navem regit et mulam loro lintrem trahentem. Sed cum facilius sit ex lintre mulam quam ex mula lintrem regere, nautam non apud mulam ambulantem aut mulae insidentem video, sed in navicula stantem suaeque voce mulam satis docilem et assuetam agitantem. Cui rei ne ob stare illud credas, quod nautam in terra postea cubantem dormientemque videmus, considera modo quam facile fuerit nautae ex nave in terram prosilire praesertim in angusta fossa; quae v. 21 ne cerebrosum quidem illum non nautam potuit retinere.

V. 20 *dies aderat*] Omnes in navicula dormiverant; unus tandem prima luce expergefactus mirabundus cum videat nautam dormientem, mulam pascentem, navem nihil prope progressam, prosilit iratus et non leniter suscitatur nautam agitque mulam. — *quarta hora*] Romani quovis anni tempore in eadem duodecim horas diem noctemque tum longiorem tum breviorē dividebant. Iam cum vere iter hoc factum sit, quo tempore sexta fere nostra hora sol oritur, quarta Romana respondet circiter nostrae decimae. — *Feronia*] antiqua dea Italica. — *subimus*] Terracina, cuius antiquum nomen Anxur erat, in monte posita erat Liv. XXVII, 18. Hirt. de bell. Gall. VIII, 15, 1. Saxa candentia sunt propter calcem; inde Mart. V, 1 „candidus Anxur“. — *Cocceius*] M. Cocceius M. F. Nerva, consul a. u. 718, proavus Nervae imperatoris, et

Legati, aversos soliti componere amicos.

- 30 Hic oculis ego nigra meis collyria lippus
 Illinere. Interea Maecenas advenit atque
 Cocceius Capitoque simul Fonteius, ad unguem
 Factus homo, Antoni non ut magis alter amicus.
 Fundos Aufidio Lusco praetore libenter
- 35 Linquimus, insani ridentes praemia scribae,
 Praetextam et latum clavum prunaeque batillum.
 In Mamurrarum lassi deinde urbe manemus,
 Murena praebente domum, Capitone culinam.

Octaviano et Antonio gratus. *Optimus* Maecenas est, non Cocceius, quem sic laudari voluit Bentleius, scilicet ne nimia in Maecenatem familiaritate uteretur poeta. cf. Carm. I, 20, 5. Simillima ratio est Sat. I, 10, 82. — *collyria*] Plura erant genera; unum a cinereo colore *ῥέγιον* appellabatur. Ex hoc loco noli concludere perpetua lippitudine vexatum fuisse poetam; illud solum recte efficies, infirmiores fuisse eius oculos qui nocturnos humores et frigora non bene tolerarent. Compara quae de Hannibale narrantur apud Livium XXII, 2 extr. — *Fonteius*] C. Fonteius Capito, elegans homo ac politus, Antonii in Asia legatus, a. u. c. 721 consul suffectus. — *ad unguem*] A. P. 294. Virg. Georg. II, 277. *εἰς ὄνυχα* vel *ἐν' ὄνυχος*. „Translatio a marmorariis, qui iuncturas marmorum tum demum perfectas ducunt, si unguis superductus non offendatur.“ *Schol.* — *Fundos*] Latii oppidum a Terracina XII. M. P. distans. Aufidius olim scriba tunc praefectus huius oppiduli praetoris sibi nomen arrogabat, quo nomine in nonnullis municipiis summi magistratus honorabantur, non in praefecturis, ex quibus Fundi erant. Liv. XXIII, 19 extr. Qui insanus et vanus homo ut rite acciperet Maecenatem, Cocceium, Fonteium, maximos in civitate viros, quacunq̃ue potuit ratione externo cultu dignitatisque insignibus sese ornaverāt, molestaque fortasse iter facientes sedulitate rogaverat ut in suo oppido pernoctare ne dedignarentur. Ridebant autem magni viri vanitatem hominis senatorum instar praetexta et lato clavo ornati. Quibus insignibus *ἀνγοσδοκίῳ* accedit *prunae batillum*; quod quid sit, de eo incerti sumus. Scribitur etiam *vatillum* in antiquis codicibus et apud Comment. Cruq., qui vas parvum fuisse ait „in quo pro felici hospitum adventu incensis odoribus Iovi hospitali sacra fiebant; quod cum ex cupro esset, ita tollebat et ostentabat hospitibus, quasi esset aureum.“ *Gesnero* videbatur focolus sacrificandi causa praelatus huic magistratui; *Cruquius* existimavit „vatillum esse focolum in coenatione aut cubili a laquearibus aut contignatione suspensum, in quo sub adventum hospitum vel convivarum prunis positis suffitus fiat.“ Iam cum prunarum vasculum non facile praemium sive insigne vocetur in aliisque locis batillo prunae vel stercora tollantur (Varr. R. R. III, 6, 5: „cum batillo circumire oportet ac sterces tollere“), Duentzero visum est, significari scipionem eburneum, quo viri triumphales et consules interdum uterentur; ut hunc quoque imitatus esset insanus scriba. Aliis placuit coniectura *prunique bacillum*, bacillum prunae pro consulis scipione usurpatum. — *Mamurrarum urbe*] Formiis a Fundis XII. M. P. distantibus. Mamurra eques Romanus, homo ditissimus ideoque Formiis potentissimus. — *Murena*] L. Licinius Terentius Varro Murena, de quo vide ad Carm. II, 10.

- Postera lux oritur multo gratissima: namque
 40 Plotius et Varius Sinuessae Virgiliusque
 Occurrunt, animae quales neque candidiores
 Terra tulit neque quis me sit devinctior alter.
 O qui complexus et gaudia quanta fuerunt!
 Nil ego contulerim iucundo sanus amico.
 45 Proxima Campano ponti quae villula, tectum
 Praebuit, et parochi quae debent ligna salemque.
 Hinc muli Capuae clitellas tempore ponunt.
 Lusum it Maecenas, dormitum ego Virgiliusque;
 Namque pila lippis inimicum et ludere crudis.
 50 Hinc nos Cocceii recipit plenissima villa,
 Quae super est Caudi cauponas. Nunc mihi paucis
 Sarmenti scurrae pugnam Messique Cicirrhī,
 Musa, velim memores, et quo patre natus uterque
 Contulerit lites. Messi clarum genus Osci;
 55 Sarmenti domina exstat: ab his maioribus orti
 Ad pugnam venere. Prior Sarmentus: Equi te
 Esse feri similem dico. Ridemus, et ipse

Murena et Capito Formiis domus habuerunt atque aemulati uter hospites reciperet, tandem honorem et operam inter se diviserunt. Murena casu aderat. — *Plotius*] M. Plotius Tucca. Sat. I, 10, 81; qui postea cum L. Vario (Carm. I, 6, 1) Virgilii mortui Aeneidem edidit. — *Sinuessae*] XVIII. M. P. a Formiis.

V. 45. *Campano*] Pons impositus Savoni flumini III. M. P. a Sinuessa. Inter pontem et Capuam plures villulae; in proxima pernoctarunt. Capua a ponte Campano distabat XXII. M. P. — *parochi*] Sunt homines quibus publicum munus erat ligna, foenum, salem, tectum iter reipublicae causa facientibus praebere. — *lippis*] Celsus VI, 6 lippis quietem et abstinentiam commendat, crudos iubet „neque labori se neque exercitationi neque negotio credere.“ — *Caudi*] Caudium in Hirpinis XXI. M. P. a Capua. — *plenissima*] Carm. II, 12, 24. IV, 12, 24. — *Nunc mihi paucis*] Iocosa epicae dignitatis imitatio. Qui fastidiose hunc locum vituperarunt, neque quid Romanus mos tulerit neque qualem Romani rusticationem habuerint satis considerarunt. Cic. de orat. II, 6: „Saepe ex meo socero audiui, cum is diceret socerum suum Laelium semper fere cum Scipione solitum rusticari eosque incredibiliter repuerascere esse solitos“. — *Sarmenti*] Sarmentus Maecenatis videtur fuisse scurra, Messius Cocceii; hic robusto, ille gracili corpore. Cicirrhus ridiculum nomen, *κίρκρος*, *ἀλεξτρον*. — *domina exstat*] fuerat servus M. Favonii inter proscriptos occisi; cuius bonorum sectio cum ad Maecenatem venisset, Sarmentus manumissus et scriba factus est. Quod cum bene sciret Messius, simulat tamen se nescire v. 65 sq. Fuga etiam Sarmenti ficta videtur in contumeliam. — *equi feri*] Plin. H. N. VIII, 21: „Asperriniam autem feram *monocerotem*, reliquo corpore equo similem, capite cervo, pedibus elephanto, cauda

- Messius: Accipio; caput et movet: O, tua cornu
 Ni foret exsecto frons, inquit, quid faceres, cum
 60 Sic mutilus miniteris? At illi foeda cicatrix
 Setosam laevi frontem turpaverat oris.
 Campanum in morbum, in faciem permulta iocatus,
 Pastorem saltaret uti Cyclopa rogabat:
 Nil illi larva aut tragicis opus esse cothurnis.
 65 Multa Cicirrhos ad haec: Donasset iamne catenam
 Ex voto Laribus, quaerebat; scribe quod esset,
 Deterius nihilo dominae ius esse; rogabat
 Denique, cur unquam fugisset, cui satis una
 Farris libra foret, gracili sic tamque pusillo.
 70 Prorsus iucunde coenam producimus illam.
 Tendimus hinc recta Beneventum, ubi sedulus hospes
 Paene macros arsit dum turdos versat in igni:
 Nam vaga per veterem dilapso flamma culinam
 Vulcano summum properabat lambere tectum.
 75 Convivas avidos coenam servosque timentes
 Tum rapere atque omnes restinguere velle videres.
 Incipit ex illo montes Apulia notos
 Ostentare mihi, quos torret Atabulus et quos
 Nunquam crepsemus, nisi nos vicina Trivici

apro, mugitu gravi, uno cornu nigro media fronte cubitorum duum emi-
 nente“. — *accipio*] istam comparisonem. — *caput et movet*] vide ad
 Carm. I, 2, 9. — *miniteris*] Codd. fluctuant inter *miniteris* et *minitaris*.
 Sententia autem causam habet, cur Sarmentus adversarium terribilem
 fore dicat, nisi cornu esset exsectum. — *At*] At ne quaeras cur alterum
 ita comparaverit cet. — *Campanum*] „Hoc enim quasi a natura Cam-
 panis fere omnibus est, ut capitis temporibus magnae verrucae innas-
 cantur in modum cornuum.“ *Comm. Cruq.* — *Cyclopa*] Epist. II, 2.
 125. Saltare cum accus. ut *Indere* cum acc. est saltando exprimere; Vell.
 Pat. II, 73 „Glaucum saltare“. etiam passive ut Ovid. Trist. II, 519:
 „Et mea sunt populo saltata poemata saepe.“ Ante Augustum sic usur-
 patum verbum non videtur. — *catenam*] Fugitivi et ostiarii plerumque
 catenati erant; sed vide ad v. 55. — *una libra*] Servis quotidie quaternae
 vel quinae farris librae dari solebant. Saepe tamen probabile est factum
 esse ut fame pressi aufugerent servi. — *Beneventum*] A Caudio dista-
 bat XII. M. P. Ibi in cauponis hospitium devertisse videntur. — *ma-
 cros turdos*] iam verno tempore. Versus quaedam perturbatio ipsam
 rem quodammodo imitatur; insequentes duo non sine iocosa quadam
 epicae gravitatis acumulatione. — *videres*] Zumpt gr. lat. §. 528 —
Atabulus] perniciosus ventus, nunc *Altino* nominatus. — *crepsemus*]
 cf. Sat. I, 9, 73. II, 3, 169. II, 7, 68. vide ad Carm. II, 2, 2. —
Trivici] „oppidi in fine Campaniae, quo vehicula iuncta accedere ne-

- 80 Villa recepisset lacrimoso non sine fumo,
 Udos cum foliis ramos urente camino.
 Hic ego mendacem stultissimus usque puellam
 Ad mediam noctem exspecto; somnus tamen aufert
 Intentum veneri; tum immundo somnia visu
- 85 Nocturnam vestem maculant ventremque supinum.
 Quattuor hinc rapimur viginti et milia rhedis,
 Mansuri oppidulo, quod versu dicere non est,
 Signis perfacile est: venit vilissima rerum
 Hic aqua, sed panis longe pulcherrimus, ultra
- 90 Callidus ut soleat humeris portare viator:
 Nam Canusi lapidosus, aquae non ditior urna
 Qui locus a forti Diomede est conditus olim.
 Flentibus hinc Varius discedit moestus amicis.
 Inde Rubos fessi pervenimus, utpote longum
- 95 Carpentem iter et factum corruptius imbrī.
 Postera tempestas melior, via peior ad usque
 Bari moenia piscosi; dein Gnatia Lymphis
 Iratis exstructa dedit risusque iocosque,

queunt; ergo Horatius ad villam devertit.“ *Schol.* Villa Trivicana non videtur esse amici cuiusdam, sed vel parochi vel canponis.

V. 87. *versu dicere*] Ad exemplum Lucilii, cuius versus exstat; „Servorum est festu' dies hic, Quem plane hexametro versu non dicere possis“, et aliorum etiam Graecorum. Equum tuticum vel Equotaticum significari male scribunt scholiastae; nimirum Maecenas comitesque a recta via septentriones versus declinassent; deinde cum Benevento tertio demum die Canusium pervenirent, et ita quidem ut primam noctem in Tuticana villa, alteram in hoc oppidulo transigerent, duobus primis diebus tantum XXII. M. P. confecissent, tertioque diei XLII reliquissent; id quod factum esse nequit et per totam itineris faciendi rationem et quia uno iam altero die XXIV. M. P. se confecisse dicit Horatius v. 86. Incerti igitur haeremus de nomine huius oppiduli quod haud ita magno spatio Canusio distare potuit. Hoc quoque accedit quod Equi Tutici vel Equotutici nomen, si *u* littera longa est — id quod veri simile est — versu non excluditur. — *signis*] non litteris, sed iis signis quae statim adduntur. — *Canusi*] distat a Benevento LXIV. M. P. — *qui locus*] In hoc loco ne erres compara Carm. IV, 2, 5, C. S 9, qui hoc quidem differunt quod nomen quocum relativum coniungendum est praecedat; sed cf. Zumpt. gr. §. 372. — *Rubos*] Rubi a Canusio distabant XXIV vel alio auctore XXX. M. P. — *Bari*] Barium ad mare situm, a Rubis distans XXI. M. P. — *Gnatia*] populari forma pro *Egnatia*; oppidum fuit a Bario remotum XXXVII. M. P., quod cum dulci aqua careret iratis Lymphis conditum dicitur. Lymphae latinum nomen Nympharum. De hoc oppido Plin. H. N. II, 111: „In Salentino oppido Egnatia imposito ligno in saxum

Dum flamma sine thura liquescere limine sacro
 100 Persuadere cupit. Credat Iudaeus Apella,
 Non ego; namque deos didici securum agere aevum,
 Nec si quid miri faciat natura, deos id
 Tristes ex alto coeli demittere tecto.
 Brundisium longae finis chartaeque viacque est.

Satira VI.

Non, quia, Maecenas, Lydorum quidquid Etruscos
 Incoluit fines, nemo generosior est te,
 Nec quod avus tibi maternus fuit atque paternus

protinus flammam existere^a. — *Iudaeus Apella*] Apella libertini nomen. Iudaeis ab Augusto concessum est ut in regione Transiberina habitarent. — *Brundisium*] ab Egnatia distabat XLIV. M. P.

Satira VI.

Qui recte rationem consideraverit, qua poeta satiras suas oriri ipse dixerit Sat. I, 4, 134—139, is non mirabitur alteram ex altera quasi nasci. Sic haec sexta ex quinta orta videtur. Ibi enim cum comitem se et convictorem Maecenatis publice proposuisset, iterum expertus est quod olim in Asia et Graecia cum tribunus legioni praecesset, invidiam homines recte de aliis iudicare non pati, plurimis eos qui a magnis viris diligerentur magnique haberentur importunos videri ac superbos, qui parentum et condicionis qua essent nati obliti magna captare auderent. Iam quid ipse sibi de hac re persuaserit, ingenue hac satira profitetur. Etenim „etiamsi tu, inquit, Maecenas homines non maiorum sed sua dignitate recte soles iudicare, populus tamen genus et nobilitatem maxime spectat; quare stulti est ibi sese inferre ubi quisque alienum perspiciat. Exemplum praebet Tillius, qui cum omnibus sui similibus iniquum populi iudicium ipse provocat neque aliorum se exemplo recte potest excusare (v. 44).“ Ilanc generalem sententiam altera deinde parte ad se adhibet. Immerito se ait invidia hominum carpi, nunc maxime cum Maecenati sese non unquam obtruderit ipse sed ab amicis commendatus propter virtutes placuerit et vocatus venerit (v. 64). Quas virtutes cum patris sapienti educationi debeat (v. 88), tantum abesse, ut parentum se pudeat, ut ne nobilissimos quidem eorum loco accipere velit. Nobilitate enim generis nihil nunc effici nisi molestias et curas, veram libertatem non augeri sed imminui; nunc se parvis parentibus ortum multo vivere felicius et liberius quam alios permultos nobilissimis maioribus immerito superbientes

V. 1. *Maecenas*] vide ad Carm. I, 1, 1. — *Lydorum quidquid*] Sic Epod. 5, 1. Ovid. Met. X, 18. De Lydis vide Herod. I, 94 — *avus*] collectivi vocabuli singularis numerus pro plurali positus; avi enim omnino maiores sunt, ut apud Ovidium Fast. II, 30: „Hec apud in-

- Olim qui magnis legionibus imperitarent,
 5 Ut plerique solent, naso suspendis adunco
 Ignotos ut me libertino patre natum.
 Cum referre negas, quali sit quisque parente
 Natus, dum ingenuus; persuades hoc tibi vere,
 Ante potestatem Tulli atque ignobile regnum
 10 Multos saepe viros nullis maioribus ortos
 Et vixisse probos, amplis et honoribus auctos;
 Contra Laevinum, Valeri genus, unde superbus
 Tarquinius regno pulsus fuit, unius assis
 Non unquam pretio pluris licuisse notante
 15 Iudice quo nosti populo, qui stultus honores
 Saepe dat indignis et famae servit ineptus,
 Qui stupet in titulis et imaginibus. Quid oportet
 Nos facere a vulgo longe longeque remotos?
 Namque esto, populus Laevino mallet honorem
 20 Quam Decio mandare novo, censorque moveret
 Appius, ingenuo si non essem patre natus:
 Vel merito, quoniam in propria non pelle quiessem.
 Sed fulgente trahit constrictos Gloria curru

tousos nomen habebat avos.“ id Met. IX, 491. XV, 425. — *imperitarent*] In codd. etiam *imperitarint* et *imperitarunt*; utrumque falsum. — *magnis legionibus*] Sall. Cat. 53: „Saepenumero parva manu cum magnis legionibus hostium contendisse“. Etiam apud Livium X, 5 legiones sunt Etruscorum, ut Bruttiorum et Lucanorum VIII, 24. — *naso*] Sat. II, 8, 64. Plin. H. N. XI, 37, 59: „Novi mores subdolae irrisioni dicavere nasum.“ — *ingenuus*] Suet Octav. 74: „Valerius Messalla tradit, neminem unquam libertinorum adhibitum ab Augusto coenae, excepto Mena sed asserto in ingenuitatem.“ Vide supra p. 1 adn. 4. — *Tulli*] Servii Tullii, de quo Liv. IV, 3. — *Laevinum*] „Illic P. Valerius Laevinus adeo foedis ac proiectis in omnem turpitudinem moribus vixit, ut provehi non potuerit ultra quaesturae dignitatem“ *Schol.* Nihil aliunde notum — *unde*] vide ad Carm. II, 12, 7. — *pulsus fuit*] vide Zumpt. §. 495. Non debuit praeferrī altera lectio *fugit* — *licuisse*] Licere verbum locum habet in rebus venalibus; quare vilissimo mancipio negat meliorem fuisse. — *quo nosti*] Attractio Graecis usitatissima. — *imaginibus*] vide p. 149. — *Decio*] homini novo, sed probo. Non certus quidam Decius cogitandus neque Appius; significantur homines quales Decii erant, et severi Censores, qualis olim Appius. — *vel merito*] sc. me moveret censor, quia senatoria dignitas natalibus meis parum convenire videretur. Genus et natales nemo potest magis mutare quam cutem; inde *in propr. non pelle quiesc.* ex proverbio. — *Sed*] Quod quamquam verissimum est, omnes tamen, nobiles et ignobiles, Glorīae curru quasi triumphalem (*fulgente*) sequuntur. cf. Epist. II, 1, 177.

- Non minus ignotos generosis. Quo tibi, Tilli,
 25 Sumere depositum clavum fierique tribuno?
 Invidia accrevit, privato quae minor esset.
 Nam ut quisque insanus nigris medium impediit crus
 Pellibus et latum demisit pectore clavum,
 Audit continuo: Quis homo hic est? quo patre natus?
 30 Ut si qui aegrotet quo morbo Barrus, haberi
 Ut cupiat formosus, eat quacunque, puellis
 Iniiciat curam quaerendi singula, quali
 Sit facie, sura, quali pede, dente, capillo.
 Sic qui promittit cives, urbem sibi curae,
 35 Imperium fore et Italiam et delubra deorum,
 Quo patre sit natus, num ignota matre inhonestus,
 Omnes mortales curare et quaerere cogit.
 Tune Syri, Damae aut Dionysi filius, audes
 Deicere e saxo cives aut tradere Cadmo?
 40 At Novius collega gradu post me sedet uno;
 Namque est ille, pater quod erat meus. Hoc tibi Paulus
 Et Messalla videris? At hic, si plostra ducenta
 Concurrantque foro tria funera, magna sonabit
 Cornua quod vincatque tubas; saltem tenet hoc nos.

V. 24. *Tilli*] Tillius hic senatu motus est a Caesare quasi Pompeianus; occiso vero Caesare recepit latum iterum clavum, id est, senatoriam dignitatem, et tribunus militum factus est. — *Comm Cruq.* Tribuni quattuor primarum legionum habebant ius lati clavi. Aliis tribunum plebis Tillium fuisse probabilius videtur. — *nigris pellibus*] Senatorum calcei hoc differebant ab aliorum, quod quattuor nigris corrigiis in medio crure ligabantur ac praeterea ad talum addebatur lunula, quae litteram C (Centum Senatores primi) forma redderet. Calcei ipsi albi aut purpurei erant. — *Barrus*] Sat. I, 4, 110. — *Tune Syri*] Inquit aliquis ex populo. Tria nomina hic coniuncta solita servorum sunt. — *Cadmo*] Cadmus dicitur eo tempore fuisse carnifex notae crudelitatis. — *Schol.* Necandos qui tradunt cives, quaestores sunt rerum capitalium. — *Novius*] Respondet ignobilis ille, libertinus et tamen munere maiore fungens: „At collega meus Novius uno gradu deterior est me; nam cum ego sim libertino patre natus, ille ipse libertinus est.“ Res metaphoricè expressa a theatro et ordinibus — *Hoc tibi*] Horatii sunt Novio respondentis, cuius etiam insequentes versus sunt, quibus quam parvis saepe rebus multitudinis iudicium nitatur acerbe ostenditur. — *Concurrantque*] De part. que bis transposita vide ad Carm. II, 2, 25. — *Foro*] In foro habebantur laudationes funebres, quibus habitis mortui in Campo cremabantur. — *magna sonabit*] cf Sat. I, 4, 44.

- 45 Nunc ad me redeo libertino patre natum,
 Quem rodunt omnes libertino patre natum,
 Nunc, quia sum tibi, Maecenas, convictor, at olim,
 Quod mihi pareret legio Romana tribuno.
 Dissimile hoc illi est: quia non ut forsit honorem
- 50 Iure mihi invideat quivis, ita te quoque amicum,
 Praesertim cautum dignos assumere prava
 Ambitione procul. Felicem dicere non hoc
 Me possim, casu quod te sortitus amicum:
 Nulla etenim mihi te fors obtulit; optimus olim
- 55 Virgilius, post hunc Varius dixere quid essem.
 Ut veni coram, singultim pauca locutus,
 Infans namque pudor prohibebat plura profari,
 Non ego me claro natum patre, non ego circum
 Me Satureiano vectari rura caballo,
- 60 Sed quod eram narro. Respondes, ut tuus est mos,
 Pauca; abeo, et revocas nono post mense iubesque
 Esse in amicorum numero. Magnum hoc ego duco,
 Quod placui tibi, qui turpi secernis honestum
 Non patre praeclaro sed vita et pectore puro.
- 65 Atqui si vitiis mediocribus ac mea paucis
 Mendosa est natura, alioqui recta, velut si
 Egregio inspersos reprehendas corpore naevos,
 Si neque avaritiam neque sordes aut mala lustra
 Obiiciet vere quisquam mihi, purus et insons,
- 70 Ut me collaudem, si et vivo carus amicis;
 Causa fuit pater his, qui macro pauper agello
 Noluit in Flavi ludum me mittere, magni

V. 45. *libertino patre natum*] Repetitio egregie imitatur continuos adversariorum clamores. cf. Carm. I, 33, 15 Ovid. Met. I, 325 sq. VIII, 628 sq. — *forsit*] Huius formae praeter h. l. nullum reperitur certum exemplum; quamquam de veritate dubitari nequit, quoniam Priscianus p. 1015 in libris Horatii ita se legisse testatur. — *ambitione*] Haec tria verba coniuncta unius adiectivi locum explent, ut Graeci participium *δυνας* adderent; nam tanquam accusativus sunt. — *casu*] Vide quanta vi hoc nomen primam sententiae partem et arsin obtineat. — *quid essem*] Animadvertite quam sit hoc diversum a *quis essem*. — *prohibebat profari*] Zumpt. §. 544. — *Satureiano*] Steph. Byz. v. Σατύριον χώρα πλησίον Τέαντος. Fertilissima ea regio. Neque temere magno quasi hiatu dixit *Sat. caballo*. Epist. I, 7, 88. De toto loco vide supra p. 8. — *vita et pectore*] Ad Horatium ipsum, non ad patrem haec sunt re-

- Quo pueri magnis e centurionibus orti,
 Laevo suspensi loculos tabulamque lacerto,
 75 Ibant octonis referentes Idibus aera,
 Sed puerum est ausus Romam portare docendum
 Artes, quas doceat quivis eques atque senator
 Semet prognatos. Vestem servosque sequentes
 In magno ut populo si qui vidisset, avita
 80 Ex re praeberi sumptus mihi crederet illos.
 Ipse mihi custos incorruptissimus omnes
 Circum doctores aderat. Quid multa? Pudicum,
 Qui primus virtutis honos, servavit ab omni
 Non solum facto verum opprobrio quoque turpi,
 85 Nec timuit, sibi ne vitio quis verteret, olim
 Si praeco parvas aut, ut fuit ipse, coactor
 Mercedes sequeretur; neque ego essem questus: at hoc nunc
 Laus illi debetur et a me gratia maior.
 Nil me poeniteat sanum patris huius; eoque

ferenda. — *Flavi]* Flavius fuit ludi magister, qui arithmeticen imprimis docebat, scilicet eam artem quae lucelli cupidis hominibus prae reliquis ad veram humanitatem informantibus exoptata videretur. — *magni]* quales sibi videbantur in parvo oppido. — *loculos tabulamque]* Ex Iuven. X, 116: „Quisquis adhuc uno partam colit asse Minervam, Quem sequitur custos angustae vernula capsae“ intelligimus, pueros qui ludum peterent secum habuisse paedagogos capsam cum libris et chartis tabulamque portantes. Iam cum *loculi* nil differant a *capsa*, utpote quae loculos contineret, non sine acerbitate significatur, nobilium istorum centurionum uobiles filios ipsos tulisse capsam tabulamque, non habuisse paedagogos. Non magnam enim impensam contulerunt isti homines in puerorum educationem; quare in eum ludum pueros mittebant, ubi minimo pretio litteraturam possent discere. Hoc dicitur v. 75. Nam octonae idus sunt eorum mensium, qui singulis annis scholis habendis destinabantur. Ferae quadrimestres erant per menses aestivos. *Aera* haud dubie sunt didactrum, quod singulis mensibus solvebatur, satis parvum, si quidem singulis assibus maius. His igitur hominibus nomine fortasse nobilibus, animo ignobilibus opponit poeta patris sui libertini hominis eximiam de filio bene educando curam.

V. 76. *est ausus]* nam pauperior erat. — *in magno ut populo]* h. e. ut in magno populo, in magna urbe decet. Referenda haec sunt ad vestem et servos; nam Venusiae nobilium etiam qui videbantur filii deterioribus vestibus utebantur ac sine servis in ludum mittebantur. — *avita]* cf. supra v. 10. Liv. IV, 3, 12. — *qui primus]* Zumpt. §. 372. med. — *coactor]* vide supra p. 2. — *at hoc]* „Comici poetae antiqui hoc dixerunt, ut causam designarent, pro ideo, propterea, ut graecum ὡς. Idque rursus in usum revocarunt scriptores aevi Angustei et recentiores. Apud Ciceronem nullum exstat exemplum.“ Hand.

- 90 Non, ut magna dolo factum negat esse suo pars,
 Quod non ingenuos habeat clarosque parentes,
 Sic me defendam. Longe mea discrepat istis
 Et vox et ratio: nam si natura iuberet
 A certis annis aevum remeare peractum
- 95 Atque alios legere ad fastum quoscunque parentes
 Optaret sibi quisque, meis contentus honestos
 Fascibus et sellis nollem mihi sumere, demens
 Iudicio vulgi, sanus fortasse tuo, quod
 Nollem onus haud unquam solitus portare molestum.
- 100 Nam mihi continuo maior quaerenda foret res
 Atque salutandi plures, ducendus et unus
 Et comes alter, uti ne solus rusve peregreve
 Exirem, plures calones atque caballi
 Pascendi, ducenda petorrita. Nunc mihi curto
- 105 Ire licet mulo vel si libet usque Tarentum,
 Mantica cui lumbos onere ulceret atque eques armos;
 Obiiciet nemo sordes mihi, quas tibi, Tilli,
 Cum Tiburte via praetorem quinque sequuntur
 Te pueri, lasanum portantes oenophorumque.

Turs. III. p. 92. cf. supra 41. 52. — *dolo*] culpa, ut apud Ictos. — *ad fastum*] Haec verba *ad fast.* *quosc. par.* cum non magis ad optandi quam ad legendi verbum referenda sint, interductus ponendi non sunt. Constructio similis est Epod. 2, 37. Sat. I, 4, 2. I, 10, 16. — *fascibus et sellis*] Summorum honorum insignia; honesti sunt nobiles, qui honores gessere in republica. Plin. XVIII, 3, 4: „Honesti manibus (imperatorii) omnia laetius proveniunt“. — *tuo*] Maecenatis, qui ipse senatorium ordinem sprexit. — *haud unquam*] „Non dicunt veteres Latini *non quidquam*, *non usquam*, *non ullum* sed *haud quidquam*. Recentiori demum tempore Plinii negligentior exstitit usus.“ *Hand.* Turs. III p. 18sq. — *salutandi*] Cic. Fam. IX, 20 fin.: „Mane salutamus domi et bonos viros multos cet.“ Utrumque tamen officium est magnorum virorum, et alios salutatum ire et salutantes domi accipere; utrumque eodem verbo significatur. Quid igitur discrimen faciamus, ubi Horatius non statuit? Cic. ad Att. XIV, 20 fin.: „Eram continuo Piliam salutaturus, deinde ad epulas Vestorii cet.“ — *curto*] Carm. III, 24, 64. Pers. IV, 52: „curta supellex“. — *peregreve*] vide ad Sat. I, 4, 96. — *Sordes*] cf. v. 68. Sat. II, 5, 105: „Tillium hunc et supra increpuerat, quod senatoriam dignitatem accepisset, non sufficiens ei censu nec moribus.“ *Schol.* Populus tamen, qui credere non potest, hominem praetoria dignitate apta rerum copia carere, cum tam exiguo comitatu cinctum vidit Tillium, sordidum hominem habet. — *Tiburte via*] a porta Esquilina ad Tibur ducente. Exiguum iter facturus tamen Tillius sordidus instrumenta culinaria secum habet. — *lasanum*] Tillius obscuro

- 110 Hoc ego commodius quam tu, praeclare senator,
 Milibus atque aliis vivo. Quacunque libido est,
 Incedo solus, percontor quanti olus ac far;
 Fallacem Circum vespertinumque pererro
 Saepe forum, adsisto divinis, inde domum me
- 115 Ad porri et ciceris refero laganique catinum;
 Coena ministratur pueris tribus, et lapis albus
 Pocula cum cyatho duo sustinet, adstat echinus
 Vilis, cum patera guttus, Campana suppellex.
 Deinde eo dormitum non sollicitus, mihi quod cras
- 120 Surgendum sit mane, obeundus Marsya, qui se
 Vultum ferre negat Noviorum posse minoris.
 Ad quartam iaceo; post hanc vagor, aut ego lecto
 Aut scripto quod me tacitum iuвет, ungor olivo,
 Non quo fraudatis immundus Natta lucernis.
- 125 Ast ubi me fessum sol acrior ire lavatum
 Admonuit, fugio rabiosi tempora signi.

loco natus magnos hospites, in quorum villis pernoctare posset, non habuit; iam cum propter pauperiam diversoria quam maxime vitare deberet, quae necessaria viderentur, domesticum vinum, panem, salem, oleum cum vasis coquinariis servis imposituit. Lasanum enim olla culinaria est, non vas vel sella exonerandae alvo. — *milibus atque aliis*] Notanda duplex comparativi constructio. Alia milia sunt multi alii, qui eodem honorum studio ducuntur quo Tillius.

V. 113. *Circum*] ubi semper erant multi circulatores, mathematici, sortilegi, alii id genus — *divinis*] vide ad Carm. III, 27, 10. — *laganique*] „Lagana sunt placentulae quaedam vulgares quasi membranulae compositae, quae cum pipere et liquamine conditae depromi solebant ad coenam moderatam et parabilem.“ *Comm. Cruq.* — *pueris tribus*] Nobis satis magnus videtur numerus, Romanis parvus. Plin. H. N. XXII, 10: „C. Caecilius Claudius Isidorus testamento suo edixit, quamvis multa civili bello perdidisset, tamen relinquere servorum quattuor milia centum decem.“ — *lapis albus*] ex vulgari marmore factus; in hac quoque re ingens fuit luxuria Romanorum. — *pocula duo*] alterum ad vinum, alterum ad aquam. — *echinus*] vas fuisse videtur, in quo calices lavantur. — *cum patera guttus*] utrumque ad libationes faciendas. — *Campana*] Sat. II, 3, 144. Fictilis ac vilis supellex. — *Marsya*] „Marsya statua erat pro Rostris, ad quam solebant convenire causicidi, qui lites et negotia tractabant et componebant.“ *Comm. Cruq.* Marsyas erecta manu stans quasi quoddam libertatis indicium erat. Cuius quidem erectam manum ita interpretatur poeta, tanquam Marsyas non possit tolerare Novii feneratoris turpissimam faciem. — *Natta*] Sordidissimus homo oleo utebatur ex lucernis detracto. Sat. II, 2, 59. II, 3, 125. — *rabiosi tempora signi*] Non significantur dies caniculares, sed tempus meridianum, quo solis aestus est acerrimus et quasi in rabiem agit. Haec unice vera lectio miro modo in recentioribus editionibus

Pransus non avide, quantum interpellet inani
 Ventre diem durare, domesticus otior. Haec est
 Vita solutorum misera ambitione gravique;

130 His me consolor victurum suavius ac si

Quaestor avus pater atque meus patruusque fuisset.

Satira VII.

Proscripti Regis Rupili pus atque venenum
 Hybrida quo pacto sit Persius ultus, opinor

posthabita est unius antiqui codicis interpolationi *fugio Campum lusum-que trigonem*. Trigon quidem genus fuit pilae minimae, inde nominatae quod a tribus iactabatur ludentibus et ita dispositis, ut trianguli formam efficerent. Sed obscure dictum *lusum trigonem* pro *lusum* (vel ludum) *trigonis*; deinde ita non in Campo ludebatur sed in sphaeristerio, tum vehementer dubitandum, num hac aetate trigonis nomen iam usurpatum fuerit, cum ante Martialem nusquam legatur. Veterem esse corruptelam patet, ortam fortasse ex glossa in margine explicandi loci causa addita. — *quaestor*] Primus hic maiorum honorum, ad quem qui nobili loco essent nati plurimi pervenerunt. Quaestura igitur generis nobilitas satis explicatur.

Satira VII.

Facete describit Horatius litem quam Persius quidam Clazomenius P. Rupilio Regi apud Brutum in Asia imperium tenentem olim intenderat. Cui rei probabile est ipsum interfuisse Horatium. Summa autem lepidae narrationis videnda est in festiva ratione qua Rupilii cognomen luditur. Ac veri simile est, primam hanc esse inter Horatii satiras, scriptam haud ita multo post quam ex Macedonia in Italiam poeta reversus esset. Nam quis credat levissimam illam rem sex septemve annis post ita divulgatam etiam fuisse, ut nota omnibus et lippis et tonsoribus dici ea potuisset? Deinde vehementer cavendum est, ne quis Bruti levem aliquem contemptum in satira inesse putet indeque posteriorem annum quasi natalem velit efficere. Horatio Bruti memoria semper sacra fuit, etiam cum omnino deditus esset Maecenati Octavianique partibus. cf. Carm. II, 7. Epist. I, 20, 23. Turpe sane facinus fuisset, si Horatius a. 718, quo alii putant scriptam satiram, quinto anno post reditum in Italiam, Brutum oblique tangere ausus esset, turpius etiam quam si idem fecisset anno iam 713. Ne in tricesimo quarto quidem versu quidquam inest maligni aut contumeliosi in Brutum aut caedem Caesaris; sed salse dicta ea sunt in Regem Rupilium, quibus etiam simplicissimus Brutoque deditissimus quisque vel praesente Bruto innocenter uti potuit. Attamen non recte videntur iudicasse qui inter praestantissimas satiras hanc quoque habendam arbitrati sunt.

V. 1. *Regis Rupili*] P. Rupilius Rex Praenestinus, eques Romanus a. 702 magister publicanorum in Bithynia fuerat; deinde a. 711 Romae praetor factus sed Octaviano auctore proscriptus ad Brutum confugit in

- Omnibus et lippis notum et tonsoribus esse.
 Persius hic permagna negotia dives habebat
 5 Clazomenis, etiam lites cum Rege molestas,
 Durus homo atque odio qui posset vincere Regem,
 Confidens tumidusque, adeo sermonis amari,
 Sisennas, Barros ut equis praecurreret albis.
 Ad Regem redeo. Postquam nihil inter utrumque
 10 Convenit; hoc etenim sunt omnes iure molesti,
 Quo fortes, quibus adversum bellum incidit: inter
 Hectora Priamiden animosum atque inter Achillem
 Ira fuit capitalis, ut ultima divideret mors,
 Non aliam ob causam, nisi quod virtus in utroque
 15 Summa fuit; duo si discordia verset inertes

eiusque comitatum receptus est. cf. v. 25. Consulto Horatius cognomen in priore loco posuit, quo certamen aliquod oriretur inter proscriptum et Regem. — *Persius*] Clazomenius fuit, patre Asiatico, matre Romana; inde hybrida dicitur. Iam si quid licet divinare de hac lite, Persium cogita mercaturam fecisse frumentis colligendis ac dividendis cf. v. 4; id quod probabile fit ex contumeliae genere quo v. 24 sqq. utitur Persius. Rupilio, olim magistro societatis Bithynicae rei quae frumentariae fortasse perito, Brutus, ut videtur, colligendi emendique frumenti negotia mandaverat; quae cum ille exerceret, facile fieri potuit ut cum Persio negotiatore de commodis vel incommodis exercitus Bruttiani litigaret — *lippis*] Admodum frequens Romae lippitudo fuit; iam cum ii qui ex oculis laborarent certa negotia sequi non possent, in medicinis, quo illinendorum oculorum causa conveniebant, diutius sedebant et confabulabantur. Tonsores autem etiam antiquos loquacissimos fuisse, quid mirum? — *confidens*] cf. Cic. Tusc. III, 7, 14. — *tumidusque*] Carin. IV, 3, 8. Sat II, 5, 98. II, 3, 213. A. P. 94. — *Sisennas, Barros*] homines maledicos ac mordaces. — *equis albis*] „quasi quadrigis triumphalibus incederet“. *Schol.* Albi enim equi nobiliores sunt „quod victores in triumpho albis equis vectari solebant.“ Erasm. Adag. I, 4, 21. — *Ad Regem redeo*] Expectas poetam hinc Rupilii quoque accuratam aliquam morum descriptionem additurum esse; sed frustra, nimirum ne primus versus dilatatus redire videretur. Quare non diffiteor, dnram hanc mihi videri redeundi rationem; qua cur opus fuerit nihil videas. — *molesti*] difficiles, quorum alter alteri non cedit. Qui comparantur cum hominibus fortitudine paribus et usque ad mortem pugnantis; quorum exempla sunt Hector et Achilles. Alia ratio est hominum pugnantium, quorum alter fortis, alter ignavus est; quales dicuntur fuisse Diomedes et Glaucus, quamquam Glaucus apud Homerum II. VI, 119 sqq. ignavus non est. Tota autem haec comparatio vitiosa quadam inertate non caret; neque grata est haec orationis negligentia, qua inchoata narratio (v. 9) statim relinquitur. Versu enim decimo octavo de integro iterum inchoatur; nam quis sic coniungat: „postquam nihil inter utrumque convenit, Bruto praetore tenente Dilem Asiam Rupili et Persi par pugnatur?“ — *inter atque inter*] Epist. I, 2, 12. Liv. X, 7, 1. Cic. de amic. 25, 95. De atque particula vide ad

- Aut si disparibus bellum incidat, ut Diomed
 Cum Lycio Glaucō, discedat pigrior ultro
 Muneribus missis. Bruto praetore tenente
 Ditem Asiam, Rupili et Persi par pugnat, uti non
 20 Compositum melius cum Bitho Bacchius. In ius
 Acres procurrunt, magnum spectaculum uterque.
 Persius exponit causam; ridetur ab omni
 Conventu: laudat Brutum laudatque cohortem,
 Solem Asiae Brutum appellat, stellasque salubres
 25 Appellat comites, excepto Rege: canem illum,
 Invisum agricolis sidus, venisse; ruebat
 Flumen ut hibernum, fertur quo rara securis.
 Tum Praenestinus salso multoque fluenti
 Expressa arbusto regerit convicia, durus
 30 Vindemiator et invictus, cui saepe viator
 Cessisset magna compellans voce cuculum.
 At Graecus, postquam est Italo perfusus aceto,
 Persius exclamat: Per magnos, Brute, deos te
 Oro, qui reges consuesti tollere, cur non
 35 Hunc Regem iugulas? Operum hoc, mihi crede, tuorum est.

Epod. 17, 4. — *verset*] Sat. II, 3, 249. II, 7, 94. Alii ex codd. *veret*.
 Passim haec verba inter se commutantur a librariis.

V. 20. *Compositum*] par. „Bithus et Bacchius gladiatores optimi illis temporibus fuerunt, qui cum multis interemissent, commissi inter se mutuis vulneribus conciderunt.“ *Schol.* — *ridetur*] impersonaliter; non Persius. Rident omnes propter acutam et salsam rei expositionem. Deinde nihil video tumidarum metaphorarum et ridiculae ἀνιδίκατος in imaginibus quibus usus esse dicitur Persius. Negotiatori, praesertim agricolae qui magna habuit latifundia illa cum sole et stellis et Cane comparatio haud dubie facillima fuit — *fertur quo*] ubi densissima est silva — *multoque fluenti*] Virg. Georg. III, 28 — *expressa arbusto*] cf. Epist. II, 1, 146. Solebat probro obici vindemiatoribus, si cuculus eos deprehendisset putantes vineam. Quare viatores si quos vindemiatores sero putantes conspexissent, cuculum clamantes illis conviciari solebant. Quibus conviciis vindemiatores dure satis et rustice respondebant. Rupilius igitur salsis cavillationibus Persii rustica et dura convicia obicit, ita ut Graeci lepore omnino et facile superetur. — *vindemiator*] pronuntia quattuor syllabis vide ad Carm. III, 4, 41. — *Regem*] Ambiguitatem quae inest in cognomine Regis nos imitari non possumus.

Satira VIII.

- Olim truncus eram ficulnus, inutile lignum,
 Cum faber incertus scamnum faceretne Priapum
 Maluit esse deum; deus inde ego, furum aviumque
 Maxima formido: nam fures dextra coërcet
 5 Obscenoque ruber porrectus ab inguine palus:
 Ast importunas volucres in vertice arundo
 Terret fixa vetatque novis considerare in hortis.
 Huc prius angustis eiecta cadavera cellis
 Conservus vili portanda locabat in arca;
 10 Hoc miserae plebi stabat commune sepulcrum,
 Pantolabo scurrae Nomentanoque nepoti.

Satira VIII.

In Esquilis magnum olim pauperum hominum sepulcretum fuit: qui locus a Maecenate, ad quem nescimus qua ratione his temporibus turbulentis et incertis pervenerat, in amoenos hortos commutatus magnoque aedificio, quam turrim Maecenatianam vocarunt (Carm. III, 29, 9 sq.), ornatus est. In hoc igitur loco etiam ante quam perfecti omnino essent horti Priapi, fertilitatis dei, statua ficulnea posita erat. Quare quasi deum ipsum hac satira narrantem audimus, quam saevas artes ibi a Canidia cum Sagana socia exerceri viderit, quo terrore ac pudore correptus ipse sit, qua denique iocosa ratione veneficas fugaverit. Proxime igitur hoc carmine tangitur Canidia, de qua vide Epod. 5, 43; a quo haec satira ita differt, ut cum in utroque carmine terribiles insanarum mulierum magicae artes tanquam a testibus describantur, illud triste et acerbum, hoc iocosum ac lepidum sit. De tempore huius satirae hoc tantum dici potest, scriptam eam esse ante Epod. 17; reliqua quae viri docti excogitarunt, lubrica sunt ac debilia. Etenim quis inveniat, satira utrum scripta sit antequam Horatius a Maecenate acceptus sit an postea? Quamquam altera opinio, qua postea scripta dicitur, mihi quoque magis videtur probabilis esse.

V. 1. *inutile lignum*] Lignum ficulnum fragile atque ad omnia ferme inutile; inde Graecis quoque *σύνικος ἄνθος*, *σύνικη γυνώμη*, *σύνικη κηρύοντα*. Vide Passow s. v. *σύνικος*. — *faceretne*] vide ad Carm. II, 7, 25. Similiter Vertumnus apud Propertium IV, 2, 59: „Stipes acernus eram properanti falce dolatus“. — *eiecta cadavera*] Becker. Gall. T. II. p. 293: „Allgemeine Bebräunissplätze für alle Klassen gab es zu keiner Zeit. Wer irgend die Kosten bestreiten konnte, der wählte oder erwarb sich einen Platz ausserhalb der Stadt und zwar an den frequentesten Stellen, namentlich an grossen Landstrassen, wo ein Familienbegräbniss angelegt wurde. Nur für die niedrigste Klasse, für Sklaven und Verurtheilte war der gemeinschaftliche Begräbnissort bis auf August am Esquilinus.“ — *cellis*] miseris servorum cubiculis. — *arca*] Est sandapila, feretrum mortuorum, quo plebeiorum atque damnatorum cadavera portabantur. — *Pantolabo*] „Mallius Pantolabus scurra et Casius Nomentanus nepos cum omnia bona sua comissando vorassent,

- Mille pedes in fronte, trecentos cippus in agrum
 Hic dabat, heredes monumentum ne sequeretur.
 Nunc licet Esquiliis habitare salubribus atque
 15 Aggere in aprico spatium, quo modo tristes
 Albis informem spectabant ossibus agrum;
 Cum mihi non tantum furesque feraeque suetae
 Hunc vexare locum curae sunt atque labori,
 Quantum carminibus quae versant atque venenis
 20 Humanos animos: has nullo perdere possum
 Nec prohibere modo, simul ac vaga Luna decorum
 Protulit os, quin ossa legant herbasque nocentes.
 Vidi egomet nigra succinctam vadere palla
 Canidiam pedibus nudis passoque capillo,
 25 Cum Sagana maiore ululantem; pallor utrasque
 Fecerat horrendas adspectu. Scalpere terram
 Unguibus et pullam divellere mordicus agnam
 Coeperunt; cruor in fossam confusus, ut inde

ita ut privata sepulcra habere non possent, in Esquiliis publicis sepulti sunt. Mallius autem Pantolabus dictus est, quod ab omnibus acciperet postquam sua omnia comedisset, *Comm. Cruq.* cf. Sat. I, 1, 102. II, 1, 22. II, 3, 224. Acerbissima igitur contumelia Priapus dicit, nepotes illos, qui inter pauperes et servos proiecti iacerent, constanti profusione ingens sibi fecisse hoc sepulcrum; quod cum dis Manibus consecrasset ne ad heredes transiret prohibuisse. Scilicet heredes nihil omnino acceperunt. Sic intellige locum; in pauperes et servos inepta esset contumelia. — *cippus*] In sepulcris columna posita indicare solebat, quantum spatium dis Manibus consecratum esset; veluti IN. AG. P. XII. IN. FR. P. XXIV Hic locus ab ignoto quodam homine in hunc usum consecratus pro multitudine hominum quibus destinatus erat ingens fuisse videtur; id quod salsissime ad nepotes refertur a poeta. — *Heredes*] Solita haec formula: H. M. H. N. S. (hoc monumentum heredes non sequitur). — *salubribus*] Quare Octavianus „aeger in domo Maecenatis cubabat“, Suet. Oct. 72. — *aggere*] in ipsis hortis exstructo. Insequens versus spondeorum gravitate premitur; apposite ad rem. — *feraeque*] Sunt Esquilinae alites (Epod. 5, 100), alia animalia id genus, quae cadavera sequuntur. — *non tantum quantum*] non tam quam. Sat. II, 5, 80. cf. Sat. II, 3, 313. Virg. Georg. IV, 101. Poetis hoc proprium et iis qui poetas secuti sunt.

V. 21. *Luna*] Epod. 5, 51. cf. etiam ibid. v. 17. — *Vidi egomet*] Hic cum initium habeat ipsa rei narratio, oratio insurgit ad epicam quandam gravitatem. Iam *Schol.* in comparisonem vocarunt Virg. Aen. III, 623. — *nudis*] Compara Medeam apud Ovidium Met. VII, 182. — *Sagana*] Epod. 5, 25 Maior appellatur, vel quia sororem natu minorem habuit, vel quia potentior fuit quam Canidia. cf. v. 41. — *utrasque*] Non necessaria coniectura *utranque*. cf. Virg. Aen. VI, 685. Cic. Ligar. 12, 36. Sall. Cat. 30. Caes. B. G. I, 53. B. C. II, 6. vide

Manes elicerent animas responsa daturas.

- 30 **Lanea** et effigies erat, altera cerea: maior
Lanea, quae poenis compesceret inferiorem;
Cerea suppliciter stabat servilibus, ut quae
 iam peritura, modis. **Hecaten** vocat altera, saevam
 Altera **Tisiphonen**: serpentes atque videres
 35 **Infernas** errare canes, **Lunamque** rubentem,
 Ne foret his testis, post magna latere sepulcra.
Mentior at si quid, merdis caput inquinare albis
Corvorum atque in me veniat mictum atque cacatum
Iulius et fragilis **Pediatia** furque **Voranus**.
 40 **Singula** quid memorem? quo pacto alterna loquentes
Umbrae cum **Sagana** resonarent triste et acutum,
 Utque **lupi** **barbam** variae cum dente **colubrae**
Abdiderint furtim terris et imagine cerea

Zumpt. §. 141. adn. 2. — *crucor*] Hom. Od. XI, 44sq. — *Manes*] Frequentissima tum temporis *νεκροψυχαί*. Cic. Tusc. I, 16. Inde apud poetas Manes evocantur, ubicunque grave aliquid et arcanum fit, veluti apud Silium Ital. I, 97 ad Hannibalis sacramentum. — *responsa*] de felici rei exitu. cf. v 40 sq. — *Lanea*] Duae erant imagines, altera lanea quae Canidiam, altera cerea quae hominem, quem magica vi amore sui implere illa vellet, referebat. Lanea maior est ad indicandam maiorem Canidia potestatem; et lanea est quia lana invulnerabilis et dura est; altera cerea, ut liquescat igni admota. cf. Virg. Bucol. 8, 80. — *atque videres*] Hic ordo: serpentes atque infernas canes. Hyperbaton vocant grammatici, cuius exempla alia sunt Sat. I, 5, 49. 72. — *lunamque rubentem*] Devocabant sagae lunam et sidera de coelo. Tam atrox autem et foeda res est quae committitur, ut etiam Luna prae pudore rubeat et lateat post magna sepulcra. Magna autem sepulcra tumulorum reliquiae sunt; horti enim nondum sunt perfecti.

V. 37. *Mentior*] Priapo timore agitato omnia maiora ac terribiora visa sunt quam vere fuerunt; inde in narratione ridiculae superlatiões ut vv. 26. 27. 34. 35. 36. Iam cum mendacia eius satis nota sint, sacramento fidem sibi facere conatur. — *inquinare*] quod ne fieri posset, statuæ sub dio positæ operculis tectæ erant. — *Pediatia*] Pediatius, Romanus, homo mollissimus et effeminatus i. e. *fragilis*; inde in ludibrium *Pediatia* appellatus. *Iulius* libertus fortasse C. Iulii Caesaris, mala fama tunc notissimus. — *Voranus*] „Aiunt Voranum Q. Lutatii Catuli libertum fuisse adeo furacem, ut nummos surreptos a nummulario in calceos demiserit.“ *Comm. Cruq.* — *resonarent*] Benteius reclamantibus quamvis codicibus quo concinnior esset oratio *resonarint* scribendum censuit. Sed imperfectum tempus iteratos Saganæ cum umbris sermones exprimit; contra *lupi barba* semel tantum abdita est. — *lupi barbam*] Plin. XXVIII, 10 (44): „Veneficiis rostrum lupi resistere inveteratum aiunt ob idque villarum portis præfigunt“. Hac barba lupi utuntur ad avertendas alius sagæ adversarias artes. cf. Epod. 5, 69. — *abdiderint furtim*] Non rara apud poetas in eadem sententia adiectivi et adverbii

- Largior arserit ignis , et ut non testis inultus
 45 Horruerim voces Furiarum et facta duarum.
 Nam, displosa sonat quantum vesica, pepedi
 Diffissa nate ficus; at illae currere in urbem.
 Canidiae dentes, altum Saganæ caliendrum
 Excidere atque herbas atque incantata lacertis.
 50 Vincula , cum magno risuque iocoque videres.

S a t i r a IX.

Ibam forte via sacra, sicut meus est mos
 Nescio quid meditans nugarum, totus in illis;

cumulatio. cf. Tibull. I, 8, 60: „Et strepitu nullo clam reserare fores.“ id. II, 1, 80: „placidus leniter afflat Amor.“ id. II, 6, 45: „furtimque tabellas occulto portans itque redditque sinu.“ — *cerea*] disyllabum. vide ad Carm. III, 4, 41. — *Furiarum*] Cur Furias appellet, colligas ex Epod. 5, 15. 27. — *dentes*] „locatur in has, quasi altera dentibus appositis uti solita sit, altera, quod glabra fuerit, caliendrum h. e. gale-riculum sive crinem suppositum habere consuesset.“ *Schol.* *Excidere* verbum non magis est aptum dentibus quam caliendro et herbis; dicunt enim Latini *excidere equis*, *excidere arce*, similia.

Satira IX.

Familiaritas Maecenatis Horatio ut obtreptatorum invidiam, de qua sunt satiræ 3. 4. 6, ita importunorum hominum molestam sedulitatem contraxerat, qui fortunæ filium, quem Horatium esse putabant, admirantes eodem quo ille pervenisset perventuros se quoque confiderent, dummodo primam difficultatem ad Maecenatem perveniendi superassent. Ex hac igitur turba doctorum, ut aiebant, hominum unum poeta arreptum iocosa ac lepida ratione describit, nimirum duplici consilio, et quo id vile genus hominum si fieri possit in perpetuum abigat et ut cives suos quam sincera ipse cum Maecenate coniungatur amicitia quasi aliud agens doceat. Haec quoque satira ex eo genere est, quod indicatur supra Sat. I, 4, 137—139. Quo anno haec scripta sit si quaeras, nihil poterit aliud responderi, nisi adulta iam Maecenatis Horatius amicitia tale quid scribi potuisse; quare haudquaquam magnopere potuerunt errare qui anno 719 vel 720 hanc satiram attribuerunt. Memorabilis est imitatio Lucilii, quam in primo versu cum Luciliano comparato tantam invenimus ut verbum verbo, caesurae caesura respondeat:

Ibam		forte	via		sacra		sic		ut		meus		est	mos
Ibat		forte	aries		inquit		iam		quod		genus		quantis	
Nescio —														
Festibus														

V. 1. *via sacra*] vide ad Epod. 4, 7. 7, 8. — *nugarum*] Catull. 1, 4: „Namque tu solebas Meas esse aliquid putare nugas“. Martial. IX, 1, 5: „Ille ego sum nulli nugarum laude secundus“. Possunt igitur

- Accurrit quidam notus mihi nomine tantum,
 Arreptaque manu: Quid agis, dulcissime rerum?
 5 Suaviter, ut nunc est, inquam, et cupio omnia quae vis.
 Cum assectaretur: Num quid vis? occupo. At ille:
 Noris nos, inquit: docti sumus. Hic ego: Pluris
 Hoc, inquam, mihi eris. Misere discedere quaerens,
 Ire modo ocius, interdum consistere, in aurem
 10 Dicere nescio quid puero, cum sudor ad imos
 Manaret talos. O te, Bolane, cerebri
 Felicem! aiebam tacitus, cum quidlibet ille
 Garriret, vicos, urbem laudaret. Ut illi
 Nil respondebam: Misere cupis, inquit, abire:
 15 Iamdudum video; sed nil agis: usque tenebo;
 Persequar hinc quo nunc iter est tibi. Nil opus est te
 Circumagi: quendam volo visere non tibi notum;
 Trans Tiberim longe cubat is, prope Caesaris hortos.
 Nil habeo quod agam et non sum piger: usque sequar te.

hoc vocabulo carmina significari; necessarium non est. Verba *sicut m. e mos* ad meditationem referenda sunt, non ad ambulationem. Animadvertenda levitas ac paene negligentia narrationis; inde asyndeti figura. — *totus*] Epist. I, 1, 11. — *dulcissime rerum*] Sic coniungenda verba. cf. Ovid Met. VIII, 49. Her. 4, 125 „pulcherrime rerum“. Animadvertendum in hoc sermone Horatii studium urbana quadam ratione molestum hominem abigendi. Inde frigidissime respondet, modo hoc modo illud tentat, ostendit luculenter se solum esse velle; omnia tamen irrita sunt, cum urbanitas poetae duram importuni hominis naturam non vincat. — *cupio omnia*] Urbanitatis hac formula respondetur ad officiosi hominis de rerum statu interrogationem. — *Num quid vis?*] Haec valedicentis sunt. Terent. Eun. II, 3, 50: „Rogo num quid velit. Recte, inquit, abeo.“ — *Noris nos*] Coniunctivus pendet ex praecedente verbo *vis*. — *docti*] vide ad Carm. I, 1, 29. — *Pluris hoc*] iterum urbane, sed quam frigidissime; nam si diutius eum tenere voluisset poeta aut vere eum magni fecisset, ipse opinor de doctrina et facultatibus plura interrogasset. — *puero*] pedisequo; scilicet ut videretur arcanum habere negotium aut consilium. Quod cum videret alter, nisi impudentissimus fuit, abire debuit. — *Bolane*] Qui quis fuerit nescimus; certum est hominem fuisse durissimum et agrestem, cui nihil notum esset urbanitatis. — *quidlibet garriret*] Ex more hominum, qui, ne subito quo velint tendere videantur, per inanes ambages multa quidem faciunt verba, nihil tamen dicant. Cic. Att. XII, 1: „Garrimus quidquid in buccam venit“.

V. 14. *misere cupis*] Homo dum urbanus vult videri, facetias quaerit, rusticius loquitur. Inde *persequar*, in quo quasi minae sunt, quas ille lepidas habet, praefendum alteri lectioni codd. *prosequar*, quod innocens est. — *cubat*] De aegrotantibus saepius, ut Sat. II, 3, 289. Epist. II, 2, 68. Ovid. Her. 20, 166: „Haec cubat, ille valet“. — *Caesaris hortos*] in Ianiculo sitos; quo a sacra via horae prope integrae

- 20 Demitto auriculas, ut iniquae mentis asellus,
 Cum gravius dorso subiit onus. Incipit ille:
 Si bene me novi, non Viscum pluris amicum,
 Non Varium facies: nam quis me scribere plures
 Aut citius possit versus? quis membra movere
- 25 Mollius? invideat quod et Hermogenes, ego canto.
 Interpellandi locus hic erat: Est tibi mater,
 Cognati, quis te salvo est opus? Haud mihi quisquam;
 Omnes composui. Felices! nunc ego resto!
 Confice: namque instat fatum mihi triste, Sabella
- 30 Quod puero cecinit divina mota anus urna:
 Hunc neque dira venena nec hosticus auferet ensis
 Nec laterum dolor aut tussis nec tarda podagra;
 Garrulus hunc quando consumet cunque: loquaces
 Si sapiat vitet, simul atque adoleverit aetas.

iter faciendum erat. — *piger*] cf. Sat. I, 5, 6. — *subiit*] Ultima syllaba arsis vi producitur. — *Onus*] autem quartus casus est, ut Epist. I, 7, 33. Carm. III, 4, 8. — *me novi*] cf. Epist. I, 18, 1. Quae verba non dubitationem habent, sed urbanitatem quandam, qua nimii sui amoris criminationem ille defendere studet. — *Viscum*] cf. Sat. I, 10, 83, ubi Schol.: „Visci duo fratres fuerunt; pater eorum Vibius Viscus, quamvis et divitiis et amicitia Augusti clarus esset, in equestri tamen ordine perduravit, cum filios suos senatores fecisset“. De Vario vide ad Carm. I, 6, 1. — *mollius*] Ovid. A. A. I, 595: „Si vox est, canta, si mollia brachia, salta.“ — *Hermogenes*] vide ad Sat. I, 3, 129. — *quis*] vide ad Carm. I, 26, 3. — *est opus*] cf. Sat. II, 6, 116. Idem est quod *expedit*; sic etiam Cic. de off. III, 11. — *haud quisquam*] vide ad Sat. I, 6, 99. — *composui*] Ut nostrum vocabulum *beisetzen* de recens mortuis, qui cognatis olim mortuis in sepulcris adduntur. Catull. 68, 98: „Nec prope cognatos compositum cineres.“ Virg. Aen. I, 249. Haec verba *haud . . . composui* necessario tribuuntur molesto. Quae deinde insequuntur usque ad v. 34 Horatius tacitus cogitat magis quam pronuntiat, atque intelligenda sunt ex vv. *omnes composui*. Ex quibus festive satis colligit poeta, ab homine qui omnes suos composuerit sibi quoque mortem instare. Innocenti enim componendi verbo Horatius ipse necandi aliquam notionem cogitatione addit, quasi alter suos quoque importunitate et molestiis ad mortem cruciaverit. — *Confice*] Sumptum verbum a negotiis, ut Cic. Att. XII, 19: „Tu cum Apella Chio confice de columnis“, unde ad eos transfertur qui alios plane interficiunt, ut Plaut. Truc. II, 7, 52: „Iam hercle ego te hic hac offatim conficiam.“ — *Sabella*] vide ad Epod. 17, 28. — *divina*] vide ad Carm. III, 27, 10. De urna cf. Carm. III, 1, 16. Virg. Aen. VI, 22. Non est offendendum in coniunctis verbis divina mota urna, quoniam longae etiam syllabae eliduntur, ut Sat. I, 1, 101. II, 3, 16; deinde *divina urna* unam quasi efficiunt notionem. Quapropter supersedere facile possumus coniecturis *motâ divina* (nomin.) et *motum*, quod esset coniungendum cum *fatum*.

- 35 Ventum erat ad Vestae quarta iam parte diei
 Praeterita, et casu tunc respondere vadato
 Debebat; quod ni fecisset, perdere litem.
 Si me amas, inquit, paulum hic ades. Inteream si
 Ant valeo stare aut novi civilia iura;
 40 Et propero quo scis. Dubius sum quid faciam, inquit,
 Tene relinquam an rem. Me, sodes. Non faciam, ille,
 Et praecedere coepit; ego, ut contendere durum est
 Cum victore, sequor. Maecenas quomodo tecum?
 Hinc repetit; paucorum hominum et mentis bene sanae;
 45 Nemo dexterius fortuna est usus. Haberes
 Magnum adiutorem, posset qui ferre secundas,
 Hunc hominem velles si tradere: dispeream ni
 Summosses omnes. Non isto vivimus illic,
 Quo tu rere, modo: domus hac nec purior ulla est
 50 Nec magis his aliena malis; nil mi officit unquam,

V. 35. *Vestae*] vide ad Carm. I, 2, 16. — *quarta parte*] tertia hora. vide ad Sat. I, 5, 23. Martial. IV, 8: „Prima salutantes atque altera conterit hora, Exercet rancos tertia caustidos, In quintam varios extendit Roma labores, Sexta quies lassis“. — *respondere*] ad iudicium adesse, ut Varr. ap. Gell. XI, 1, 4: „M. Terentius quando citatus neque respondet neque excusatus est, ego ei unum ovem multam dico.“ — *perdere litem*] „Contumacia eorum qui ius dicenti non obtemperant litis damno coercetur. Contumax est qui tribus edictis propositis vel uno pro tribus, quod vulgo peremptorium appellatur, litteris evocatus praesentiam sui facere contemnit.“ Digest. LII, 1, 53. — *me amas*] vide Zumpt. §. 9 et ad Carm. I, 28, 24. — *ades*] Summa haec arrogantia hominis molesti, quod Horatium petit ut in iudicio advocatus sibi adsit. cf. Cic. de off. I, 10. Advocatos noli confundere cum patronis. — *stare*] in iudicio; idem est quod adesse et astare. — *Maecenas*] Haec verba usque ad omnes v. 48 omnia importuno homini tradenda sunt. Cuius quidem hominis natura egregie hic proditur. Ad id quod ipse interrogavit quid responsurus sit Horatius non exspectat, sed continuata statim oratione Maecenatem laude, qua eum extollit, Horatium spe, quam ei excitare studet, simul offendit. Utrumque enim se meliorem non ducit. — *paucorum hominum*] Haec verba quid velint intelliges ex Cic. de amic. 6 extr. coll. huius satirae v. 71 et Cic. de off. I, 30. — *dexterius*] ut Carm. II, 16, 10. II, 10, 17. Sumptum vocabulum ab hominibus in via festinantibus aut iter per hominum catervas sibi facientibus. De Syncope vide ad Sat. I, 5, 79. Plusquamperfecto tempore, cum ipsa commendatio ut iam facta ponatur, nihil certius esse indicatur quam Horatii de rivalibus, quos ille somniat, victoriam. — *rere*] Sat. II, 3, 134. Verbum poetis usitatius est quam prosae orationis scriptoribus, quanquam Cicero etiam et Livius eo utuntur, non Caesar. Quintilianus

- Ditior hic aut est quia doctior; est locus uni
 Cuique suus. Magnum narras, vix credibile! Atqui
 Sic habet. Accendis quare cupiam magis illi
 Proximus esse. Velis tantummodo: quae tua virtus,
 55 Expugnabis; et est qui vinci possit, eoque
 Difficiles aditus primos habet. Haud mihi deero:
 Muneribus servos corrumpam; non, hodie si
 Exclusus fuero, desistam; tempora quaeram;
 Occurram in triviis; deducam. Nil sine magno
 60 Vita labore dedit mortalibus. Haec dum agit, ecce
 Fuscus Aristius occurrit, mihi carus, et illum
 Qui pulchre nosset. Consistimus. Unde venis? et,
 Quo tendis? rogat et respondet. Vellere coepi
 Et prensare manu lentissima brachia, nutans,
 65 Distorquens oculos, ut me eriperet. Male salsus
 Ridens dissimulare; meum iecur urere bilis.
 Certe nescio quid secreto velle loqui te
 Aiebas mecum. Memini bene; sed meliore
 Tempore dicam: hodie tricesima sabbata: vin tu

VIII, 3, 26 horridum appellat. — *uni Cuique*] vide ad Sat. I, 2, 62.

V. 52. *Magnum*] Importuni hominis sunt, qui tamen quominus consilium suum exsequi studeat non deterretur. Itaque cum Horatius rem ita sese habere confirmaverit, maiore etiam studio inflammari se ait. Artes tamen quibus aditum ad Maecenatem sibi se paraturum sperat, vilem hominis animum iterum testantur. — *quae tua virtus*] vide Zumpt. gr. §. 705. — *haud mihi deero*] cf. Sat. II, 1, 17. II, 2, 98. Zumpt. gr. §. 11. — *deducam*] Cic. ad Fam. X, 12, 2: „Cum magna multitudo optimorum virorum et civium me de domo deduceret“; cum quo loco cf. Cic. pro Mur. 34. — *Fuscus Aristius*] vide ad Carm. I, 22. — *pulchre*] Ex sermone familiari et quotidiano, ut Cic. ad Fam. X, 23: „Lepidum pulchre noram“; et inest quaedam ironia, ut Plaut. Mil. II, 4, 50: „Si ad herum haec res pervenit, peristi pulchre“. — *prensare*] Sic meliores libri MSS., in aliis *pressare*. *Vellere* ad togam referendum, non ad brachia. Ovid. A. A. I, 606: „Velle latus digitis et pede tange pedem“. — *lentissima*] quasi nihil sentiant. Tac. Ann. I, 65: „lentao adversus imperia aures“. Tibull. IV, 11, 6; „Nostra potes lento pectore ferre mala?“ Aliter Epod. 15, 6. — *Male salsus*] intempestive, ut Carm. IV, 6, 14. Sat. II, 1, 20. — *iecur*] vide ad Carm. I, 13, 4. — *tricesima sabbata*] Ad interpretandum hunc locum quodcunque excogitari potuit ab interpretibus tentatum est. Inde alii in paschatis festum inciderunt, alii in scenopegia, alii denique in neomeniam. Et nisi forte Aristius certus satis, a nemine se facile refelli posse, primum quemque numerum sabbatorum, non certum festi alienius diem nominavit, veri videtur simillimum neomeniae festum indicari, ut *tricesima sabbata* sint sabbata tricesimo die habita. In comparisonem vocari potest locus

- 70 *Curtis Iudaeis oppedere? Nulla mihi, inquam,
Religio est. At mi, sum paulo infirmior, unus
Multorum. Ignosces; alias loquar. Huncine solem
Tam nigrum surrexe mihi! Fugit improbus ac me
Sub cultro linquit. Casu venit obvius illi*
- 75 *Adversarius, et: Quo tu turpissime? magna
Inclamat voce, et: Licet antestari? Ego vero
Oppono auriculam. Rapi in ius; clamor utrimque,
Undique concursus. Sic me servavit Apollo.*

Satira X.

*Lucili, quam sis mendosus, teste Catone
Defensore tuo pervincam, qui male factos*

Ovid. A. A. I, 76: „Cultaque Iudaeo septima sacra Syro“, ubi septima sacra haud dubie sunt quae septimo die habentur. — *curtis*] circumcisis. Iudaei creduli et religiosi et anxii in observandis praeceptis sacris Romanis saepe sunt ludibrio. cf. Sat. I, 5, 100. I, 4, 143. — *vin*] ex usu quotidiano et comitorum; factum ex *visne*. — *infirmior*] „Quid mirum igitur, si in auspiciis et in omni divinatione *imbecilli animi* superstitiosa ista concipiant, verum dispicere non possint.“ Cic. de divin. II, 39. — *huncine solem*] Haec quoque et omnia usque ad *linquit* Horatii sunt non narrantis sed exclamantis cum ab Aristio desereretur. — *adversarius*] Necessario idem est qui hunc hominem vadatus erat, non alius. Videtur enim adversario ea aetate licuisse contumacem reum, quo citius res dirimeretur, obtorto collo in ius rapere. — *auriculam*] Vellere aurem admonentis est. Virg. Buc. 6, 4. „Solebant testium aures tenere et ita dicere: *memento quod tu mihi in illa causa testis eris*, quod est antestari.“ Schol. — *Apollo*] in cuius tutela sunt poetae.

Satira X.

Ad confirmandum quod quarta huius libri satira factum erat iudicium de Lucilio Horatius praeter risus movendi artem alia quoque requiri docet quibus bona efficiatur satira, nimirum magnam curam collocandam esse in ipso scribendi ac describendi genere, ne vitiosa verborum ubertate oratio et languescat ipsa et audientes taedio obruat neve neglecta rerum locorumque diversa natura urbani sales severaeque doctrinae male confundantur (v. 1—19). Aliud quoque vitium Lucilii in ea re cerni, quae ab ineptis talium rerum iudiciis hominibusque recto pulchri sensu destitutis laudi ei tribuatur; solere eum latinis verbis graeca admiscere, qua ratione nihil esse aut invenustius aut facilius aut periculosius. Quare se graeca poemata, quae olim adolescentulus fecisset, omnia ad perpetuam oblivionem damnassee genusque aliud oc-

*Emendare parat versus, hoc lentus ille,
Est quo vir melior, longe subtilior illo,
5 Qui multum puer et loris et funibus udis
Exhortatus, ut esset opem qui ferre poëtis
Antiquis posset contra fastidia nostra,
Grammaticorum equitum doctissimus. Ut redeam illuc.*

Nempe in composito dixi pede currere versus
Lucili: quis tam Lucili fautor inepte est,
Ut non hoc fateatur? At idem, quod sale multo
Urbem defricuit, charta laudatur eadem.
5 Nec tamen hoc tribuens dederim quoque cetera; nam sic
Et Laberi mimos ut pulchra poemata mirer.

cupasse, cui vires suas sufficere sensisset. Id genus satiricum esse; in quo si elaboraret, nolle se de Lucilii veris laudibus quidquam detrachere (v. 50). Iniquos igitur esse qui ipsum, quod quae vituperanda essent in Lucilio vituperasset, reprehenderent; ne summos quidem poetas aequo ac vero iudicio sese debere subtrahere, iustumque esse in Lucilio quoque quae pravorum versuum duraeque formae fuisset causa quaerere. (v. 64). Immo vero non esse dubium, quin ipse Lucilius, si tunc etiam viveret, multa corrigeret, multa politius limaret, redundantia detraxeret. Non debere poetam offendi limae labore et mora (cf. A. P. 290 sq.), lima poematis diuturnitatem parari et verorum iudicum assensum et approbationem. Atque eos qui recte possent iudicare solos esse respiciendos, reliquos iure negligendos. Sic sese sibi persuasisse; quapropter nihil se malevolorum et imperitorum hominum iudicio moveri satis contentum ac beatum approbatione bonorum poetarum prudentiumque artium ac litterarum existimatorum. — Hac igitur satira, quam quasi quandam custodem et comitem toti libro edendo addidit, liberali ac plena ratione se comparavit cum Lucilio, quem tanquam inique iudicatum et longe se maiorem ab invidio quodam genere hominum sibi opponi saepe audiebat. — Octo versus in fronte carminis inclinatis litteris expressi merito ab Horatio abiudicati sunt. Ne sunt quidem in omnibus codicibus.

V. 1. *nempe*] vide Zumpt. gr. lat. § 278. 345. Imitatus Horatium Persius est Sat. III, 1: „Nempe hoc assidue“; uterque poeta lectorem rapit in medias res. — *dixi*] Sat. I, 4, 7. 8. — *in composito*] rudi. Virg. Georg. I, 350. Quintil. X, 1, 66: „rudis in plerisque et incompositus“. — *sale multo*] Catull. 86, 4: „nulla venustas, Nulla in tam magno est corpore mica salis.“ Cic. Brut. 34: „P. Scipio omnes sale facetiisque superabat.“ id. Tusc. V, 19, 55. cf. Epist. II, 2, 60. De Lucilio haec leguntur apud Quintilianum X, 1, 94: „Ego quantum ab illis tantum ab Horatio dissentio, qui Lucilium fluere lutulentum et esse aliquid quod tollere possis putat (Sat. I, 4, 11). Nam et eruditio in eo mira et libertas atque inde acerbitas et abunde salis. Multo est tersior ac purus magis Horatius et ad notandos hominum mores praecipuus“. *charta*] Sat. I, 4, 7. cf. Sat. I, 5, 104. Carm. IV, 9, 31. Epist. II, 1, 35. 161. 270. A. P. 310. — *dederim*] verbum hoc in disputationibus frequentissimum, ut Cic. Tusc. I, 11, 25. Hor. Epist. II, 1, 125. —

- Ergo non satis est risu diducere rictum
 Auditoris; et est quaedam tamen hic quoque virtus;
 Est brevitate opus, ut currat sententia neu se
 10 Impediat verbis lassas onerantibus aures;
 Et sermone opus est modo tristi, saepe iocoso,
 Defendente vicem modo rhetoris atque poëtae,
 Interdum urbani, parcentis viribus atque
 Extenuantis eas consulto. Ridiculum acri
 15 Fortius et melius magnas plerumque secatur res,
 Illi scripta quibus comoedia prisca viris est
 Hoc stabant, hoc sunt imitandi; quos neque pulcher
 Hermogenes unquam legit, neque simius iste
 Nil praeter Calvum et doctus cantare Catullum.

Laberi] Macrob. Sat. II, 7: „D. Laberium, asperae libertatis equitem Romanum, Caesar quingentis milibus invitavit, ut prodiret in scenam et ipse ageret mimos quos scriptitabat.“ Et Cic. ad Fam. XII, 18: „Equidem sic iam obdurui (a. u. c. 709), ut ludis Caesaris nostri aequissimo animo audirem Laberii et Publii (Syri) poemata.“ — *rictum diducere*] nam ridentes *labra diducunt*, ut dicit Quintil. XI, 3, 81, unde rictus efficitur. — *currat*] Cave ne quid nimii motus in hoc verbo invenias. Comparatur oratio rivo facili motu aquarum fluenti; ut apud Ciceronem Fin. V, 28, 84: „Proclivi currit oratio, venit ad extremum, haeret in salebra.“ — *rhetoris atque poëtae*] Utrique enim dignitas gravitasque orationis propria; contra quam ponitur urbani hominis levitas; de quo ap. Quintil. VI, 3, 105: „Urbanus homo erit cuius multa bene dicta responsaque erunt, et qui in sermonibus, circulis, conviviiis, item in concionibus, omni denique loco ridicule commodeque dicit. *Risus erunt, quicumque haec faciet orator.*“ — *secatur*] cf. Epist. I, 16, 42; et memor sis velim eius rei quam narrat lepide Horatius Sat. I, 7. — *quibus viris*] Sat. I, 4, 1. De verborum constructione vide ad Epod. 2, 37. — *stabant*] Solenne hoc verbum de fabulis quae populo placerent; ut Epist. II, 1, 176. Terent. Phorm. prol. 9: „Quodsi intelligeret, cum stetit olim nova (fabula), Actoris opera magis stetisse quam sua cet.“ Translatum etiam ad oratores; Cic. orat. 28: „Magnus orator, si semel constitit, nunquam cadet.“ Pronomen autem hoc omnem in re describenda et exornanda curam (v. 9–16) comprehendit. — *Hermogenes*] Sat. I, 4, 72. I, 9, 25. I, 3, 129, ubi vide. Cum Hermogene qui coniungitur *simius iste*, Marcus quidam Demetrius poeta esse dicitur, ob deformitatem brevemque staturam simius appellatus; „in quo nomine, inquit Weichertus lat. poet. reliq. p. 289, convicium inesse manifestum fit ex oppos. *pulcher Hermogenes*, quod et ipsum *εἰρωνικῶς* accipi debet. Sicut enim Hermogenes ob affectatam formae habitusque elegantiam *pulcher* i. e. der Stutzer vocatur, ita Demetrius, quia deformis esset brevisque staturae, simius, das Affengesicht, audit.“ — *Calvum*] C. Licinius Calvus, orator et poeta, Catulli amicus, praematura morte circiter a. u. c. 706 extinctus est. C. Valerius Catullus, natus in Sirmione peninsula lacus Benaci a. 668, non videtur ante a 707 mortuus esse. Horum igitur nugae isti homines cantabant (cf. v. 91), Graeca et maiora et digniora negligebant. Cantare autem cum contemptu dictum est

- 20 At magnum fecit, quod verbis Graeca Latinis
 Miscuit. O seri studiorum! quine putetis
 Difficile et mirum, Rhodio quod Pitholeonti
 Contigit? At sermo lingua concinnus utraque
 Suavior, ut Chio nota si commixta Falerni est.
- 25 Cum versus facias, te ipsum percontor, an et cum
 Dura tibi peragenda rei sit causa Petilli?
 Scilicet oblitus patriaeque patrisque, Latine
 Cum Pedius causas exsudet Poplicola atque
 Corvinus, patriis intermiscere petita
- 30 Verba foris malis, Canusini more bilinguis.
 Atqui ego cum Graecos facerem natus mare citra
 Versiculos, vetuit me tali voce Quirinus,
 Post mediam noctem visus, cum somnia vera:
 In silvam non ligna feras insanius ac si
- 35 Magnas Graecorum malis implere catervas.
 Turgidus Alpinus iugulat dum Memnona dumque

de vocis modnlatore et mimarum doctore. Noli tamen credere, etiam Catullum et Calvum h. l. oblique vituperari.

V. 21. *seri studiorum*] Quam suam *ὀψιμαθίαν* et ignorantiam ipso illo probabant iudicio; et „*ὀψιμαθεῖς* homines scis quam insolentes sint“ Cic. ad Fam IX, 20. — *quine*] vide Zumpt §. 352. — *Pitholeonti*] Weichert. l. l. p. 333 annot.: „Pitholeon Rhodius videtur esse Pitholaus ille, qui C. Iulii Caesaris existimationem maledicentissimis carminibus laceravit, auctore Sueton. c. 75. Is, cum nomen Pitholaus, *Πειθόλαος*, in hexametrum versum non veniret, Horatio dictus est Pitholeon, *Πειθόλεως*, *Πειθολέων*, ut *Τιμόλαος*, *Τιμολέων* et id genus alia“. — *Chio*] Chia vina dulcia erant, Falerna austera. — *causa Petilli*] vide ad Sat. I, 4, 94. Non magis igitur Graeca admiscenda sunt in poematis quam si quis in iudicio idem vellet conari. In patrio sermone vera vis inest; quare orator ut populum iudicesve moveat peregrino non utitur. — *Latine*] Quamquam in plerisque Codd. legitur *patriisque Latini*, tamen ipsum verbum exsudandi (cf. Liv. IV, 13, V, 5) definitione aliqua indiget, ne magni oratores, ut Pedius Poplicola et M. Valerius Poplicola Messalla Corvinus, in perferendis causis magnam operam omnino collocasse, sed *latine* dixisse dicantur, i. e. eleganter et aperte, nullo dolo, nulla ambiguitate verborum. — *atqui ego*] Sic plurimi codd. et antiquae editiones; in aliis *atque* ex frequenti particularum confusione. Opponitur tamen haec de Quirino fabula praecedenti perversae adversariorum opinioni. — *somnia vera*] cf. Plat. Criton. p. 44. A. Hom. Od. IV, 841. — *Alpinus*] Significatur hoc lepido nomine M. Furius Bibaculus Cremonensis, natus a. n. c. 651, qui Aethiopidem scripserat, in qua Memnon, Tithoni et Aurorae filius, quasi iterum ab Achille interficiebatur, et *παρμαρτίων* belli Gallici a Caesare gesti, quam exorsus erat hoc versu: „Iuppiter hibernas cana nive conspuit Alpes“; propter quem versum ab Horatio Sat. II, 5, 41 salsa *παρμαρτίων* repetitum h. l. *Alpinus* iocose appellatur. Deinde probabile

Defingit Rheni luteum caput, haec ego ludo
 Quae neque in aede sonent certantia iudice Tarpa,
 Nec redeant iterum atque iterum spectanda theatri.

- 40 Arguta meretrice potes Davoque Chremeta
 Eludente senem comis garrere libellos
 Unus vivorum, Fundani; Pollio regum
 Facta canit pede ter percusso; forte epos acer
 Ut nemo Varius ducit; molle atque facetum
- 45 Virgilio annuerunt gaudentes rure Camenae.
 Hoc erat, experto frustra Varrone Atacino
 Atque quibusdam aliis, melius quod scribere possem,
 Inventore minor; neque ego illi detrahere ausim
 Haerentem capiti cum multa laude coronam.
- 50 At dixi fluere hunc lutulentum, saepe ferentem
 Plura quidem tollenda relinquendis. Age, quaeso,
 Tu nihil in magno doctus reprehendis Homero?
 Nil comis tragici mutat Lucilius Atti?

est, in eadem narratione belli Gallici fontem Rheni fluvii *Rheni luteum caput* appellatum ac tumidis imaginibus descriptum esse; id quod eo facilius fieri potuit quo minus tum Romanis notus erat Rheni fons. vide A. P. 18. — *defingit*] Rarissimum hoc vocabulum, quod haud dubie reprehensionem h. l. continet ut simile verbum *deformare*. — *aede*] Musarum. — *Tarpa*] A. P. 387. Sp. Maecio Tarpa cum aliis quattuor iudicibus cura tradita erat fabularum aut mimorum diiudicandorum; a quibus quae non essent probata, in scenam non deferebantur.

V. 40. *Davoque Chremeta*] Personae ex Andria Terentiana; Davus servi nomen est. Scripsit igitur Fundanius comoedias. cf. Sat. II, 8. 19. — *comis garrere*] comis est lepidus, ut Sat. II, 8, 76; neque est accusativus pluralis pro *comes* aut vocativus, sed nominativus cum infinitivo coniungendus. vide ad Carm. I, 1, 18. — *Pollio*] cf. Carm. II, 1, 9. Praeterea animadvertas velim aptam verborum varietatem: *garrere* comoediam, *canere* tragoediam, *ducere* epica carmina. cf. Epist. II, 1, 225. — *facetum*] Quintil. VI, 3, 19: „Facetum quoque non tantum circa ridicula opinor consistere. Neque enim diceret Horatius, facetum carminis genus natura concessum esse Virgilio. Decoris hanc magis et excultae cuiusdam elegantiae appellationem puto. Ideoque in epistolis Cicero haec Bruti refert verba: „Nae illi sunt pedes faceti ac deliciis ingredienti (v. ingrediendi) molles“ Quod convenit cum illo Horatiano *molle atque facetum Virgilio*. — *Varrone Atacino*] P. Terentius Varro, ab Atace (nunc Aude) Narbonensis Galliae fl. Atacinus dictus, a u. c. 672—717, ad exemplum Apollonii Argonautica, deinde satiras, elegias, Cosmographiam, carmen de Caesaris bello Aquitanico scripsit. De eo Quintil. X, 1, 87: „Atacinus Varro in iis per quae nomen est assecutus, interpretes operis alieni, non spernendus quidem, verum ad augendam facultatem dicendi parum locuples.“ — *inventore minor*] Lucilium inventorem satirici generis dici docent ea quae adduntur. cf. Sat. II, 1, 62 sq. 74 sq. — *tollenda*] recidenda. cf. Sat. I, 4, 11. — *doctus*] iro-

- Non ridet versus Enni gravitate minores,
 55 Cum de se loquitur non ut maiore reprehensis?
 Quid vetat et nosmet Lucili scripta legentes
 Quaerere, num illius, num rerum dura negarit
 Versiculos natura magis factos et euntes
 Mollius ac si quis pedibus quid claudere senis,
 60 Hoc tantum contentus, amet scripsisse ducentos
 Ante cibum versus, totidem coenatus; Etrusci
 Quale fuit Cassi rapido ferventius amni
 Ingenium, capsis quem fama est esse librisque
 Ambustum propriis. Fuerit Lucilius, inquam,
 65 Comis et urbanus, fuerit limatior idem
 Quam rudis et Graecis intacti carminis auctor
 Quamque poetarum seniorum turba; sed ille,
 Si foret hoc nostrum fato dilatus in aevum,

nice positum. — Atti] L. Attius natus a. u. c. 584, tragoediarum nobilissimus scriptor. Epist. II, 1, 56. De Ennio vide ad Carm. IV, 8, 20. — *maiore reprehensis*] Lucilius etsi in Attio et Ennio quae sibi non placerent reprehendebat, tamen se reprehensis maiorem non gloriabatur. Idem igitur de se quoque indicandum ait Horatius. — *num illius*] Hoc quaeritur, utrum carminis an Lucilii natura factum sit ut versiculos tam duros parumque politos fecerit. Inter se opponuntur duae particulae *num*; neque in iis quidquam inest negationis, utpote in obliqua interrogatione. vide Zumpt. § 351 fin. Deinde ne simpliciter diceret *versiculos euntes mollius quam suos*, hanc partem *quam suos* simili ratione dilatavit ac descripsit qua Sat. I, 4, 9. Iam nihil offendes in hoc loco, cum verba *hoc tantum*, quippe quae proxime praecedentem sententiam repetant, quodammodo abundare intellexeris. Simul vero vides, quanta his additis accedat vis verbis *pedibus quid claudere senis*; nam hoc quidem minimum est quod curare debeat poeta.

V. 61. *Etrusci Cassi*] Diversus hic a Cassio Parmensi. Epist. I, 4, 3. Hic igitur Etruscus permulta scripsit, ita ut festinatione prope ardesceret. Iam cum nescio quo casu magna eius librorum et chartarum multitudo flammis corripere, ut ipse undique libris et igne circumventus vitam aegre servaret, malevoli quidam derisores ipsum suo fervore libros incendisse urbane affirmabant. Si pauciores eius fuissent libri, nihil inde factum esset periculi. Eam puto esse *famam* de Cassio divulgatam, qua certam aliquam rem significari nihil potest esse clarius. Illud autem quod Scholiastae tradunt, Cassio mortuo decrevisse senatum, ut libri cum cadavere comburerentur, ridiculum est ipsorum ex hoc loco commentum. *Amburitur* qui flammis undique cinctus uritur; neque est necessarium eum igne simul perire. cf. Cic. Mil. 5, 12; ac saepius amburi dicuntur qui fulmine tacti non necantur. — *Graecis intacti carminis auctor*] Concedam, inquit Horatius, libenter Lucilium limatiorem fuisse quam ab homine qui genus aliquod poeticum rude adhuc et a Graecis intactum primus tentare audeat, expectari possit — *poetarum seniorum*] Livii Andronici, Cu. Naevii, Pacuvii, Attii Ennii, aliorum. —

- Detereret sibi multa, recideret omne quod ultra
 70 Perfectum traheretur, et in versu faciendo
 Saepe caput scaberet, vivos et roderet unguēs.
 Saepe stilum veritas iterum quae digna legi sint
 Scripturus, neque te ut miretur turba labores,
 Contentus paucis lectoribus. An tua demens
 75 Vilibus in ludis dictari carmina malis?
 Non ego: nam satis est equitem mihi plaudere, ut audax
 Contemptis aliis explosa Arbuscula dixit.
 Men moveat cimex Pantilius, aut cruciet quod
 Vellicet absentem Demetrius, aut quod ineptus
 80 Fannius Hermogenis laedat conviva Tigelli?
 Plotius et Varius, Maecenas Virgiliusque,
 Valgius et probet haec Octavius optimus atque
 Fuscus et haec utinam Viscorum laudet uterque.
 Ambitione relegata te dicere possum,
 85 Pollio, te, Messalla, tuo cum fratre simulque
 Vos, Bibuli et Servi, simul his te, candide Furni,
 Complures alios, doctos ego quos et amicos
 Prudens praetereo; quibus haec, sunt qualiacunque,

dilatus] si etiam nunc viveret; non: si hoc tempore natus fuisset. — *traheretur*] A flumine sumptum vocabulum; fluebat enim Lucilius lutulentus. — *vivos unguēs*] usque ad vivam carnem; prostans pars unguium vita caret, inde ipsi vivi dicuntur. — *stilum veritas*] Superiore i. e. lata stili parte obliterari solebant male exarata.

V. 74. *paucis lectoribus*] sed quibus rectum sit iudicium. — *ludis*] cf. Epist. I, 20, 17. — *Arbuscula*] Mima fuit eximia; quae cum aliquando a multitudine exsibilata, a paucis equitibus laudata esset, horum se prudentium laudem imperitae multitudinis vituperationi longe praeferre dixit. — *Pantilius*] Nomen est mali poetae, qui cum clam adversarios pungeret, *cimex* acerbe dicitur. — *Demetrius*] idem qui supra v. 18 simius audit. — *Fannius*] Fannius Quadratus. Sat. I, 4, 21. — *Plotius*] vide ad Sat. I, 5, 40. De Valgio ad Carm. II, 9, de Aristio ad Carm. I, 22, de Viscis ad Sat. I, 9, 22. Octavius poeta fuit et historicus. — *cum fratre*] Pedius Poplicola, Messallae maioris filius alter, a Q. Pedio, C. Iulii Caesaris ex sorore filio, adoptatus et inde Pedius dictus. — *Bibuli*] Sic omnes codices, quos cur plurimi editores post Benteium reliquerint non satis causae esse video. Etenim quidni pluralem cum singulari *Servi* coniungat Horatius? Suspiciantur significari filios M. Calpurnii Bibuli et Ser. Sulpicii Ruli Icti, trib. pleb. a. u. c. 706. — *Furni*] „C. Furnius historiarum fide et elegantia claruit.“ *Comm. Cruq.* — *plorare*] flebili ac molli voce cantare. vide supra ad v. 19. De his *Acro*: „Hi modulatores fuerunt et docuerunt puellas ingenuas modos, quia hoc tempore maximum earum studium fuit affectandi lyricam disci-

Arridere velim, doliturus si placeant spe
90 Deterius nostra. Demetri, teque, Tigelli,
Discipularum inter iubeo plorare cathedras.
I, puer, atque meo citus haec subscribe libello.

plinam. — *haec subscribe* Finis sic imponitur toti libro; *haec* enim non ad extrema solum de Demetrio ac Tigellio dicta referenda sunt sed ad totam hanc satiram. Solebant autem Romani non ipsi scribere sed pueris dictare.

Q. HORATII FLACCI

S A T I R A R U M

LIBER SECUNDUS.

Satira I.

Sunt quibus in satira videor nimis acer et ultra
Legem tendere opus; sine nervis altera quidquid

Satira I.

Ultima haec omnium satirarum alteri libro quasi prologus addita liberrimam habet et perfectam totius generis defensionem. Nam cum inter eos qui editis satiris laesos se sentirent hand dubie multi eo irae progredierentur, ut malignum quem putarent poetam iniuriarum posse accusari arbitrantur, Horatius nunc simulat se C. Trebatium Testam, iuris peritissimum, de ea re consulere; qui olim Ciceronis amicus, a. u. c. 707 tribunus plebis, si tunc etiam vixit, sexagenarius fere fuit. Hunc igitur quid in tanta adversariorum malorumque hominum ira faciendum sibi praescribat rogat, ostendens simul neque malitia aut invidia ductum ad satiras scribendas se pervenisse neque ipsas satiras ita esse comparatas, ut alios innocentes adorirentur, immo vero et ipsum pacis esse amantissimum (v. 43 sq.) et satiras naturae placidas illatas solum iniurias defendere (v. 39); neque ab animo se posse impetrare, quin quae viderit iniqua et iniusta et improba ea summisserat aut scribendi studium quo agatur ad aliam rem suis facultatibus altiore convertat (v. 6—17), quoniam hoc genus a natura sibi quasi arma datum sit, quibus ita utatur ut lupus dente et cornu taurus (v. 47 sqq.). Neque ait se timere ne magni homines et in civitate potentes ideo sibi magis succenseant quam Lucilio idem olim facienti Laelius aut Scipio (v. 60 sqq.). Quae cum refellere non possit Trebatius, monet tamen ne propter mala carmina actio iniuriarum ipsi aliquando intentetur, cum fortasse quid leges de iis praescripserint nesciat. Iam ne leges quidem

Composui pars esse putat similesque meorum

Mille die versus deduci posse. Trebati,

5 Quid faciam praescribe. Quiescas. Ne faciam, inquis,
Omnino versus? Aio. Peream male, si non
Optimum erat; verum nequeo dormire. Ter uncti
Transnautō Tiberim, somno quibus est opus alto,
Irriguumque mero sub noctem corpus habento.

10 Aut, si tantus amor scribendi te rapit, aude
Caesaris invicti res dicere, multa laborum
Praemia laturus. Cupidum, pater optime, vires

timendas sibi esse ait poeta, quoniam quae ipse Caesar Octavianus probaverit carmina ea non mala sed bona oporteat habebantur. Consentiēte demum Trebatio splendidam quasi de inimicis victoriam reportasse videtur poeta; quid enim rectius, quid innocentius esse potest quam illud, quod Octavianus, potentissimus inter omnes et iustissimus — quam laudem v. 16 Octaviano non inconsulto tributam vides — et Trebati legum iurisque peritissimus pari approbatione laudaverunt? — Haec igitur ultima poetae defensio est et absoluta; de qua, ne mirum credas satiris frequentem satirarum excusationem addi, considerandum est ipsum hoc genus defendendi satiricum iniectis plurimis malorum hominum castigationibus eximiaque urbanitate lepide esse ornatum; deinde Horatium imitatum esse Lucilii exemplum, cuius tota vita in satiris aperte fuit proposita (v. 33). Veri simile est scriptam esse hanc satiram a. u. c. 724, qui quidem annus optime convenire videtur cum paucis temporum quae hic latent indiciiis (v. 11 et 13—15); ut totus liber intra annos 719—724 confectus videatur. Quamquam non defuerunt qui spatium aliquod longius inter primum librum et secundum intercessisse probabilius putarent, causam inventientes in ipso quod inter utriusque libri satiras interest discriminē. Nam praeterquam quod alterius libri satirae „numeris, elocutione ac compositione et perfectiores sunt quam priores et dramatica forma novo veluti artificio novam induunt et singularem indolem“ (Frank. fast. Hor. p. 71), iuvenilis etiam fervor ac vehementia sententiarum, gravis in accusandis carpendisque vitiis acerbitas, liberrima singulorum hominum castigatio molli ac placido deducendi sermonis vigori, considerato consilio ac lenitati reprehensionis, comi in vellicandis hominum ac vitae perversitatibus urbanitati ubique cessit. Hae tamen virtutes cum in posterioribus satiris maiores, in iis qui primo libro propiores sunt, ut Sat. 2, minores inveniuntur, quid prohibet quominus in homine tricesimum aetatis annum egresso paulatim eas provenisse, in perfectissimo epistolarum genere maxime exultas credamus?

V. 1. *ultra legem*] ultra modum et iustum satirarum finem; cf. A. P. 135. sed legem dixit, cum iuris consultum alloqueretur. *Deinde tenere* sumptum ab arcu, quo etiam quod contrarium hic ponitur *sine nervis* referendum. Qui enervem putabant Horatianam satiram, iis lepida urbanitas minus placuit quam durae salsaeque Lucilii facetiae. — *deduci*] a nendo sumptum, ut Sat. I, 10, 44. Epist. II, 1, 225. — *ter*] coniunge cum *transnautō*. Numerus autem ternarius a medicis petitus, qui in eo nescio quid magicæ potestatis invenerunt. — *praemia*] approbationem Caesaris et laudem aequalium. — *pater*] reverentiæ nomen,

- Deficiunt: neque enim quivis horrentia pilis
 Agmina nec fracta pereuntes cuspidē Gallos
 15 Aut labentis equo describit vulnera Parthi.
 Attamen et iustum poteras et scribere fortem,
 Scipiadam ut sapiens Lucilius. Haud mihi deero,
 Cum res ipsa feret: nisi dextro tempore Flacci
 Verba per attentam non ibunt Caesaris aurem;
 20 Cui male si palpere, recalcitrat undique tutus.
 Quanto rectius hoc quam tristi laedere versu
 Pantolabum scurram Nomentanumque nepotem,
 Cum sibi quisque timet, quamquam est intactus, et odit.
 Quid faciam? Saltat Milonius, ut semel icto
 25 Accessit fervor capiti numerusque lucernis;
 Castor gaudet equis, ovo prognatus eodem
 Pugnis; quot capitum vivunt, totidem studiorum
 Milia: me pedibus delectat claudere verba
 Lucili ritu, nostrum melioris utroque.
 30 Ille velut fidis arcana sodalibus olim
 Credebat libris, neque si male cesserat unquam
 Decurrens alio, neque si bene; quo fit, ut omnis

quo iuniores alloquebantur seniores. cf. v. 60. Ceterum haec Horatii excusatio frequentissima, veluti Carm. II, 12, IV, 2. I, 6. — *fracta cuspidē*] „qua vulneratus erat hostis. Ex historia de Mario hoc sumptum est; nam Marius adversus Santonas talia tela commentus est, ut fracta mitterentur, ne remitti ab hostibus possent.“ *Porphyr.* Gallos autem et Parthos nominavit ut infestissimos et pervicacissimos Romano nomini hostes. Ceterum a. 724 Octavianus ex Aegypto per Syriam in Asiam venit ibique res Parthicas inter Phraatem et Tiridatem composuit; adversus Gallos autem non solum ipse a. 715 profectus erat sed Agrippa quoque devictis a. 717 Gallis triumphavit; deinde a. 719 Gallicis gentibus bellum illatum coloniaeque deductae sunt. — *poteras*] vide Zumpt. gr. §. 518. — *fortem*] magnanimum, ut Epist. I, 7, 46. — *describit*] Sic boni codd., alii *describat*, *describet*; indicativus autem ipse potestatem aliquid faciendi exprimit, ut A. P. 263. Idem usus nobis Germanis, ut *das thut nicht Jeder*, pro: *das kann nicht Jeder thun*.

V. 17. *Scipiadam*] Cum versus hexameter Scipionis nominis nihil ferret nisi nominativum ipsum neque poetae iusta patronymici forma *Scipionides* magis uti possent (Zumpt. §. 245), ad hanc minus rectam formam confugientes *Scipiadam* posuerunt pro accusativo *Scipionem* et similia, ut infra v. 72. Virg. Aen. VI, 843. Georg. II, 170; vide etiam ad Carm. IV, 8, 18. — *deero*] cf. Sat. I, 9, 56. — *quanto rectius*] Trebatii tres versus sunt 21—23. Ad v. 22 compara Sat. I, 8, 11. — *Milonius*] Scurram eius aetatis scholiastae fuisse dicunt. — *icto*] vini potestate. cf. Carm. IV, 5, 15. De saltando lege Cic. pro Mur. 6.

Votiva pateat veluti descripta tabella

Vita senis. Sequor hunc Lucanus an Apulus anceps:

35 Nam Venusinus arat finem sub utrumque colonus,
Missus ad hoc pulsus, vetus est ut fama, Sabellis,
Quo ne per vacuum Romano incurreret hostis,
Sive quod Apula gens, seu quod Lucania bellum
Incuteret violenta. Sed hic stilus haud petet ultro

40 Quemquam animantem et me veluti custodiet ensis
Vagina tectus. Quem cur destringere coner
Tutus ab infestis latronibus? O pater et rex
Iuppiter, ut pereat positum robigine telum
Nec quisquam noceat cupido mihi pacis! at ille,

45 Qui me commoritur, — melius non tangere, clamo —
Flebit et insignis tota cantabitur urbe.

Cervius iratus leges minitatur et urnam,

Canidia Albuci quibus est inimica venenum,

Grande malum Turius, si quid se iudice certes.

50 Ut, quo quisque valet, suspectos terreat, utque

— *vita senis*] Qui nuperrime de Lucilio scripsit (Van Heusde studia crit. in Lucil. 1842. p. 31 sq.), octogenario maiorem obiisse Lucilium statuit. Qui *senem* honoris et gravitatis causa dictum putarunt, parum memores fuerunt eam laudem apud Horatium non inesse in nomine *senis*, sed *prisci* (Carm. III, 21, 11. Epist. I, 19, 1. II, 2, 117). Nihil profecto laudis in *sene* inest Sat. II, 2, 67. cf. Epist. II, 1, 56. — *anceps*] Non is solum anceps est, qui dubius est aut incertus quid credat faciatur, sed is etiam, de quo in utramque partem disputari potest, ut Sat. II, 5, 34. Quare vel ipsa loci concinnitas efflagitare videtur, ut *anceps* masculini, non neutrius generis esse credamus. — *ad hoc*] Sat. II, 6, 42. — *quo ne*] pro *ut ne*, sed cum quadam abundantia dictum, quoniam quod in verbis *ad hoc* inest, iterum ponitur relativo *quo*. Similiter Cic. ad Fam. VII, 2: „Sed eo vidisti multum quod praefinisti, quo ne pluris emerem.“ cf. Liv. XXXIV, 6 med. — *Sed*] opponitur verbis *sequor hunc*. — *ultro*] i. e. nisi quis me provocavit, non iniuriis sed vitiis suis aut ridicula agendi et vivendi ratione. Epist. II, 2, 107. II, 1, 227. Sat. II, 3, 262.

V. 40. *ensis*] Iuven. I, 165: „Ense velut stricto quoties Lucilius ardens infremuit.“ — *flebit*] Epod. 6, 16. *Cantari* autem de bona et mala fama. — *Cervius*] delator et calumniator, ut Caprius et Sulcius ex Sat. I, 4, 70. — *urna*] iudicium. — *Canidia*] „Deest filia; alii uxorem dicunt. Canidia autem pro Gratidia. Albucius quidam veneficus, matris exstinctor.“ Acro. Alii maluerunt coniungere *Albuci venenum*; sed consulto Horatius, ut iam notat Porphyrio, ἀμφιβολίας posuit genitivum *Albuci*. — *Turius*] Haud dubie iudex significatur corruptissimus; nomen eius varie legitur in scholiis: C. Marius Turius, C. Martius Turius, Turius Marinus. — *ut, quo*] quomodo fiat ut, quo cet. — *Scaevae*]

- Imperet hoc natura potens, sic collige mecum :
 Dente lupus, cornu taurus petit: unde nisi intus
 Monstratum? Scaevae vivacem crede nepoti
 Matrem: nil faciet sceleris pia dextera; mirum,
 55 Ut neque calce lupus quemquam neque dente petit bos:
 Sed mala tollet anum vitiato melle cicuta.
 Ne longum faciam: seu me tranquilla senectus
 Exspectat seu Mors atris circumvolat alis,
 Dives, inops, Romae seu fors ita iusserit exsul,
 60 Quisquis erit vitae scribam color. O puer, ut sis
 Vitalis metuo, et maiorum ne quis amicus
 Frigore te feriat. Quid? cum est Lucilius ausus
 Primus in hunc operis componere carmina morem,
 Detrahere et pellem, nitidus qua quisque per ora
 65 Cederet, introrsum turpis; num Laelius aut qui
 Duxit ab oppressa meritum Karthagine nomen,
 Ingenio offensi aut laeso doluere Metello
 Famosisque Lupo cooperto versibus? Atqui
 Primores populi arripuit populumque tributim,
 70 Scilicet uni aequus virtuti atque eius amicis.
 Quin ubi se a vulgo et scena in secreta remorant
 Virtus Scipiadae et mitis sapientia Laeli,
 Nugari cum illo et discincti ludere, donec

„Scaeva luxuriosus quidam fuit, qui matrem dato veneno necavit, propterea quod ei nimis diu viveret. Sic Cicero pro Scauro (fragm. Beier. p. 155): *Libertus patronam non occidit, sed duobus digitulis guttam oblit.*“ *Comm. Cruq.* — *mirum ut*] tam mirum quam, vel: non magis mirum quam. — *scribam*] Inverso ordine magna huic verbum maximam arsin sequenti accrescit vis. — *o puer*] Trebatii verba sunt usque ad *v. feriat.* — *frigore*] Intelliguntur haec ex imitatione Persii I, 108: „Vide sis ne maiorum tibi forte Limina frigescant.“ — *aut qui*] vide ad *Carm. IV, 8, 18.* De plurali cum *aut part.* coniuncto vide *Zumpt. §. 374.* — *Metello*] Q. Caecilius Metellus Macedonicus, cos. a. u. c. 611. Lucilii versus in L. Cornelium Lentulum Lupum cos. a. u. c. 598 servavit *Cic. de N. D. I, 23:* „Tubulus si Lucius unquam Si Lupus aut Carbo Neptuni filius, ut ait Lucilius, putasset esse deos, tam periurus aut tam impurus fuisset?“ Quos si Lucilius contumeliosis (*Epist. I, 19, 31*) versibus laceravit, boni cives, ut Laelius et Scipio, idem sibi non metuerunt. De *part. que* in verbo *famosisque* vide ad *Carm. II, 7, 25.* — *tributim*] per omnes tribus, totum populum, nullo facto discrimine.

V. 71. *scena*] vita publica. — *nugari*] *Comm. Cruq.* „Scipio et Laelius feruntur tam familiares fuisse et amici Lucilio, ut quodam tem-

- Decoqueretur olus, soliti. Quidquid sum ego, quamvis
 75 *Infra Lucili censum ingeniumque*, tamen me
 Cum magnis vixisse invita fatebitur usque
 Invidia et fragili quaerens illidere dentem,
 Offendet solido, nisi quid tu, docte Trebati,
 Dissentis. Equidem nihil hinc diffindere possum;
 80 Sed tamen ut monitus caveas, ne forte negoti
 Incutiat tibi quid sanctarum inscitia legum:
 Si mala condiderit in quem quis carmina, ius est
 Iudiciumque. Esto, si quis mala: sed bona si quis
 Iudice condiderit laudatus Caesare? si quis
 85 Opprobriis dignum latraverit, integer ipse?
 Solventur risu tabulae, tu missus abibis.

Satira II.

Quae virtus et quanta, boni, sit vivere parvo, —
 Nec meus hic sermo est, sed quem praecepit Ofellus

pore Laelio circum lectos triclinii fugienti Lucilius superveniens cum obtorta mappa quasi feriturus sequeretur. — *Lucili censum*] Fuit enim Lucilius equestri loco natus et Pompeii Magni avus; alio auctore avia Pompeii soror Lucilii fuit. vide ad Sat II, 7, 53. — *fragili*] gen. neutr.; imago de nuce sumpta. Adversarii, inquit poeta, nihil iam efficient, cum favorem mihi et gratiam optimorum conciliaverim. — *diffindere*] Sic recte boni codices; in aliis ex corruptione *defindere*, *diffingere*, *defingere*, *defringere*, alia. cf. Carm. III, 16, 13. Virg. Aen. IX, 586. Trebatii sunt usque ad *iudiciumque*. — *legum*] Cic. de rep. IV, 11: „Nostrae XII tabulae cum perpaucae res capite sanxissent, in his hanc quoque sancendam putaverunt, si quis occentavisset sive carmen condidisset quod infamiam faceret flagitiumve alteri.“ cf. Epist. II, 1, 152 sqq. Ut quae insequuntur recte et ordine adiungantur, supple scito, ut Epist. I, 1, 13. I, 18, 58. — *laudatus Caesare*] vide ad Carm. I, 6, 2. — *solventur tabulae*] tabulae, in quibus leges scriptae erant, pro ipsis legibus. Leges solvere est severitatem earum minuere, frangere. Similiter Quintil. XI, 3, 58: „Fori sanctitatem ludorum licentia solvere.“ id. V, 10, 67: „Risu tota res solvitur.“

Satira II.

Felicissimis bellis omnium prope terrarum divitiae cum Romam essent congestae, inter reliqua luxus genera incredibilis paene cibi ac potus intemperantia et improbitas Romanam civitatem invaserat. Quae quam sit insana quamque perniciosa, hac satira docet Horatius et ita quidem, ut non sua proponat praecepta sed loquentem inducat Ofellum quendam, rusticum hominem et sanae mentis, quem ipse suum agrum

- Rusticus, abnormis sapiens, crassaque Minerva —
 Discite non inter lances mensasque nitentes,
 5 Cum stupet insanis acies fulgoribus et cum
 Acclinis falsis animus meliora recusat,
 Verum hic impransi mecum disquirite. Cur hoc?
 Dicam, si potero. Male verum examinat omnis
 Corruptus iudex. Leporem sectatus equove
 10 Lassus ab indomito vel, si Romana fatigat
 Militia assuetum graecari, seu pila velox
 Molliter austerum studio fallente laborem
 Seu te discus agit, pede cedentem aëra disco:
 Cum labor extuderit fastidia, siccus, inanis
 15 Sperne cibum vilem, nisi Hymettia mella Falerno
 Ne biberis diluta. Foris est promus, et atrum

colentem bonisque rebus gaudentem Venusiae olim puer noverat (v. 112 sq.). Postea cum Venusini agri bellis civilibus dominis erepti veteranis militibus darentur, Ofelli ager Umbreno cuidam veterano attributus est, ut qui olim dominus fuisset tunc colonus eundem agrum alieno homini coleret (v. 133). Hunc igitur Ofellum simulat Horatius inter suos et filios et amicos sedentem deque suae aetatis ingenti profusione ac stultitia disputantem; quae stultitia quo clariore luce collustratur, sordidissimae etiam avaritiae, qua obstricti alii fortasse non pauciores tenebantur, tristis quaedam imago additur (v. 53 — 62). Ofelli autem totus sermo est praeter vv. 2 et 3, 112—116; id quod recte colligas ex v. 112, ubi verbis *hunc Ofellum* poeta ad v. 2 redit, deinde ex primae personae usu vv. 7. 8. 35. 90. 93, tum ne 53 quidem versus adversatur. Versu 111 ea pars concluditur quae generalia complectitur praecepta et sententias; quibus quo accedat maior fides et auctoritas deinde ostenditur, hominem illum non solum tanta usum esse doctrinae severitate sed fecisse etiam ipsum quae bene praeceperit.

V. 1. *boni*] Suavis compellatio suorum et filiorum et amicorum. cf. v. 128. Iam apud Acronem scholiastam falsa est lectio *bonis*, orta ea ex continua scriptura geminata forte littera *s* (*bonisit*). cf. Sat. II, 6, 51. 95. Epist. II, 2, 37; et de hoc genere sermonis Sat. II, 6, 70 — 76. — *sermo*] verba. cf. A. P. 69. — *abnormis sapiens*] Cic. Lael. 5. — *acies*] oculorum. — *acclinis*] rarum et poeticum vocabulum. Virg. Aen. X, 835. Cognatum verbum *acclinare* metaphorice, ut h. l. adiectivum, positum est apud Livium IV, 48. — *impransi*] ieiuni, ut v. 38. — *Leporem sectatus*] Sententia paulo impeditius formata; nam participiorum loco, a quibus egressa est oratio, condicionalis forma substituitur. — *graecari*] cf. Carm. III, 24, 57. Est autem exercere se mollioribus Graecorum ludis pilae et disci. — *discus agit*] allicit. — *Hymettia mella*] Carm. II, 6, 14. Macrob. Sat. VII, 12: „Unde est et illud proverbium quo utuntur gulones: mulsum, quod probe temperes, miscendum esse novo Hymettio et vetulo Falerno.“ cf. infra Sat. II, 4, 24. Columella auctore (XII, 41) mulsum optime parabatur, cum singulis urnis vini denae librae mellis addebantur. — *atrum*] procillis

- Defendens pisces hiemat mare: cum sale pauis
 Latrantem stomachum bene leniet. Unde putas aut
 Qui partum? Non in caro nidore voluptas
 20 Summa, sed in te ipso est. Tu pulmentaria quaere
 Sudando: pinguem vitiiis albumque neque ostrea
 Nec scarus aut poterit peregrina iuvare lagois.
 Vix tamen eripiam, posito pavone velis quin
 Hoc potius quam gallina tergere palatum,
 25 Corruptus vanis rerum, quia veneat auro
 Rara avis et picta pandat spectacula cauda,
 Tanquam ad rem attineat quidquam. Num vesceris ista
 Quam laudas pluma? cocto num adest honor idem?
 Carne tamen quamvis distat, nil hac magis illa,
 30 Imparibus formis deceptum te patet. Esto:
 Unde datum sentis, lupus hic Tiberinus an alto

agitatum. Carm. III, 27, 18. — *latrantem*] Sat. II, 8, 5. Lucret. II, 17: „Nihil aliud sibi naturam latrare nisi ut cet.“ — *pulmentaria*] Ad exemplum Socratis; qui cum usque ad noctem spatiaretur interrogatus a quodam, cur hoc faceret, respondit: ὄρεον αὐτάγω. — *pinguem vitiiis*] luxuria tumidum. cf. v. 77. Pers. III, 98: „Turgidus hic epulis atque albo ventre lavatur.“ — *ostrea*] vide ad Sat. I, 8, 43. — *scarus*] pretiosus piscis, in mari Carpathio maxime frequens, ceterum ignotus. Epod. 2, 50. — *lagois*] „avis quae carnem leporis habere perhibetur.“ Acro.

V. 23. *eripiam*] poetice pro *impediam*. Quod quomodo fieri potuerit vide ex hoc loco Tibulli I, 9, 35: „Illis eriperes verbis mihi sidera coelo Lucere.“ Ovid. Met. II, 483: „Posse loqui eripitur.“ — *pavone*] Q. Hortensius primus Romanos docuisse dicitur pavones in mensa apponere. Sat. I, 2, 116. — *vanis rerum*] vide Zumpt. §. 435. adnot. — *attineat quidquam*] sc. picta cauda. — *num adest*] hiatus a poeta admissus. — *carne tamen*] Locus hic difficillimus et diversissime tentatus, cum alii aliam vel interpretandi vel interpungendi rationem excogitarent. Ac mihi quidem ut simplicissima ita verissima videtur Bothii interpretatio, qua commate posito post *distat* hunc habemus verborum ordinem et sententiam: „quamvis distat gallinae caro a pavonis, tamen nihil (non) hac (pavonis) magis illa (gallina, sed) imparibus formis deceptum te esse patet“, vel si ex verbo *deceptum* zeugmatis quodam facili genere simile *captum* assumas: quamvis (etiamsi, quantumvis) distat gallinae caro a pavonis, tamen nihil hac magis quam illa (vide ad Carm. IV, 14, 13) te *captum* patet, sed imparibus formis deceptum.“ — *esto*] Concedit Ofellus istum formae amorem habere aliquod veniae progrediturque ad alia magis etiam inania. Magnum enim discrimen gulosos aiebant esse inter lupos marinos, qui in Tiberi essent capti et eos qui in alto, et iterum inter eos qui ad ostia Tiberis et qui inter pontes (sublicium et senatorium, inter quos Cloaca maxima sordes urbis in fluvium egerebat). Qui in mari essent capti, pessimi videbantur. Unde autem, inquit Ofellus, datum tibi est ut sentias sapore, quo

- Captus hiet, pontesne inter iactatus an amnis
 Ostia sub Tusci? Laudas, insane, trilibrem
 Mullum, in singula quem minuas pulmenta necesse est.
- 35 Ducit te species, video. Quo pertinet ergo
 Proceros odisse lupos? quia scilicet illis
 Maiorem natura modum dedit, his breve pondus.
 Ieiunus raro stomachus vulgaria temnit.
 Porrectum magno magnum spectare catino
- 40 Vellem, ait Harpyiis gula digna rapacibus. At vos,
 Praesentes Austri, coquite horum obsonia. Quamquam
 Putet aper rhombusque recens, mala copia quando
 Aegrum sollicitat stomachum, cum rapula plenus
 Atque acidas mavult inulas. Necdum omnis abacta
- 45 Pauperies epulis regum: nam vilibus ovis
 Nigrisque est oleis hodie locus. Haud ita pridem
 Galloni praeconis erat acipensere mensa
 Infamis. Quid? tunc rhombos minus aequora alebant?
 Tutus erat rhombus tutoque ciconia nido,
- 50 Donec vos auctor docuit praetorius. Ergo
 Si quis nunc mergos suaves edixerit assos,
 Parebit pravi docilis Romana iuventus.
 Sordidus a tenui victu distabit Ofello

is lupus qui appositus in mensa hiat captus sit loco? — *laudas*] *Iidem* gulones ingentes querebant mullos, parvos lupos, hac una causa moti quod natura mullos parvos, lupos magnos fecit. *Plin. II. N. IX, 30*: „Nulli binas libras ponderis raro admodum exsuperant.“ *Iuven. IV, 15*: „Mullum sex milibus emit Aequantem sane paribus sestertia libris.“ — *pulmenta*] *Epist. I, 18, 48*; sunt h. l. partes (*Scheiben*) in quas ingens piscis dissecandus est. — *porrectum*] nullum.

V. 40. *At*] Exsecratur Ofellus epulas luxuriosorum optatque ut Austri eas putrefaciant. Statim autem se corrigens: quamquam quid opus est, inquit, hac exsecratione, cum recentes etiam cibi talibus hominibus puteant neque iis gratius quidquam videatur quam rapula et inulae quae lassum pervellant stomachum? *Sat. II, 8, 51*. — *quando*] quandoquidem, quoniam. — *Galloni*] „Galloni praeconis praeconis acipenserem suae mensae apposuit, quare eius luxuriam etiam a Lucilio taxatur.“ *Comm. Cruq.* — *erat*] caesura ultima syllaba producit. — *praetorius*] „Sempronius Rufus praetorius instituisse creditur ut ciconiarum pulli manducarentur: quare cum in praetura petenda repulsam tulisset, tale epigramma meruit: „Ciconiarum Rufus iste conditor Illic est duobus elegantior Plancis; Suffragiorum puncta non tulit septem, Ciconiarum populus ultus est mortem.“ *Comm. Cruq.* — *mergos*] durissima carne. — *edixerit*] tanquam praetor. *Epist. I, 19, 10*. Inde cum gravi ironia

- Iudice: nam frustra vitium vitaveris illud,
 55 Si te alio pravam detorseris. Avidienus,
 Cui Canis ex vero dictum cognomen adhaeret,
 Quinquennes oleas est et silvestria corna,
 Ac nisi mutatum parcit defundere vinum et,
 Cuius odorem olei nequeas perferre, licebit
 60 Ille repotia, natales, aliosve dierum
 Festos albatus celebret, cornu ipse bilibri
 Caulibus instillat, veteris non parvus aceti.
 Quali igitur victu sapiens utetur? et horum
 Utrum imitabitur? Hac urget lupo, hac canis, aiunt.
 65 Mundus erit qua non offendat sordibus atque
 In neutram partem cultus miser. Hic neque servis
 Albuci senis exemplo, dum munia didit,
 Saevus erit, nec sic ut simplex Naevius unctam
 Convivis praebebit aquam: vitium hoc quoque magnum.
 70 Accipe nunc, victus tenuis quae quantaque secum
 Afferat. In primis valeas bene: nam variae res
 Ut noceant homini, credas memor illius escae,
 Quae simplex olim tibi sederit; at simul assis
 Miscueris elixa, simul conchyliis turdis,
 75 Dulcia se in bilem vertent stomachoque tumultum
 Lenta feret pituita. Vides ut pallidus omnis
 Coena desurgat dubia? Quin corpus onustum

Romana inventus. cf. Epist. I, 1, 70. — *Ofello iudice*] me iudice. — *Avidienus*] ignotum nomen sordidi hominis. — *mutatum vinum*] vappam. — *repotia*] „Postridie nuptias apud novum maritum coenatur; quia quasi reficitur potatio.“ *Festus* — *albatus*] toga recens cretata indutus. — *bilibri*] nimis magno, non elegantioris formae. — *qua non offendat*] Sic boni codd., in aliis est *qui*. Intellige: eatenus, qua. — *cultus*] genitivus est utrimque suspensus: *in neutram partem cultus et miser cultus*, ut Stat. Theb. IV, 403: „Ah miseri morum.“ Plin. paneg. 58. med. „miseros ambitionis“.

V. 67. *Albuci*] vide ad Sat. II, 1, 48. Albucius durissimus erat in servos maximosque cruciatus iis minabatur, si quid in coena non bene esset paratum. Naevius contra negligentissimus fuit et nimiae animi bonitatis in servos. — *didit*] poeticum vocabulum; saepissime apud Lucretium. — *aquam*] ad vinum miscendum. — *ut noceant*] quantopere noceat. cf. Cic. Mil. 24, 64. — *pituita*] trisyllabum. Epist. I, 1, 108. Est phlegma ventriculi et intestinorum. Plin. H. N. XX, 7: „Pituitae lentitiam digerunt (lactucae).“ — *coena dubia*] Terent. Phorm. II, 2, 28: P. „Coena dubia apponitur.“ G. „Quid istuc verbi est?“ P. „Ubi tu

- Hesternis vitiis animum quoque praegravat una,
Atque affigit humo divinae particulam auras.
- 80 Alter, ubi dicto citius curata sopori
Membra dedit, vegetus praescripta ad munia surgit.
Hic tamen ad melius poterit transcurrere quondam,
Sive diem festum rediens advexerit annus
Seu recreare volet tenuatum corpus, ubique
- 85 Accedent auni et tractari mollius aetas
Imbecilla volet. Tibi quidnam accedet ad istam
Quam puer et validus praesumis mollitiem, seu
Dura valetudo inciderit seu tarda senectus?
Rancidum aprum antiqui laudabant, non quia nasus
- 90 Illis nullus erat, sed credo hac mente, quod hospes
Tardius adveniens vitiatum commodius quam
Integrum edax dominus consumeret. Hos utinam inter
Heroas natum tellus me prima tulisset!
Das aliquid famae, quae carmine gratior aurem
- 95 Occupat humanam: grandes rhombi patinaeque
Grande ferunt una cum damno dedecus; adde
Iratum patrum, vicinos, te tibi iniquum
Et frustra mortis cupidum, cum deerit egenti
As, laquei pretium. Iure, inquit, Trausius istis
- 100 Iurgatur verbis; ego vectigalia magna
Divitiasque habeo tribus amplas regibus. Ergo,
Quod superat non est melius quo insumere possis?
Cur eget indignus quisquam te divite? quare
Templa ruunt antiqua deum? cur, improbe, carae

dubites quid sumas potissimum — *divinae auras*] Cic. de senect. 21. Tusc. I, 26. — *hic tamen*] Primum simplicis victus praemium sanitas est et corporis et animi. Accedit quod qui moderatus est in ciborum usu interdum et opportuno tempore exquisitis epulis vere potest gaudere (82—93). Deinde idem bonae etiam famae consulit, sibi suisque gratus (v. 94—111). — *ubique*] et ubi. — *Tibi*] Oppositum hoc pronomen est alteri hic v. 82. — *validus*] Ex chiasmi ordine iunguntur *puer, validus, dura valetudo, senectus*. — *hac mente*] Sat. I, 1, 30. — *edax dominus*] Iuven. I, 140: „Quanta est gula, quae sibi totos Ponit apros, animal propter convivia natum!“ cf. Sat. II, 8, 6. — *tellus prima*] Sat. I, 3, 99; est nova tellus. — *patrum*] Carm. III, 12, 3 Sat. II, 3, 88. — *inquit*] vide ad Sat. I, 4, 79. — *Trausius*] homo luxuriosus, non admodum dives. — *vectigalia*] vide ad Carm. III, 16, 40. — *Ergo*] indignantis est: cum tantum habeas, nonne est quo melius insumere possis

- 105 Non aliquid patriae tanto emetiris acervo?
 Uni nimirum recte tibi semper erunt res?
 O magnus posthac inimicis risus! Uterne
 Ad casus dubios fidet sibi certius? hic qui
 Pluribus adsuerit mentem corpusque superbum,
 110 An qui contentus parvo metuensque futuri,
 In hac ut sapiens aptarit idonea bello?

- Quo magis his credas, puer hunc ego parvus Ofellum
 Integris opibus novi non latius usum
 Quam nunc accisis. Videas metato in agello
 115 Cum pecore et gnatis fortem mercede colonum:
 Non ego, narrantem, temere edi luce profesta
 Quidquam praeter olus fumosae cum pede pernae.
 At mihi seu longum post tempus venerat hospes
 Sive operum vacuo gratus conviva per imbrem
 120 Vicinus, bene erat non piscibus urbe petitis
 Sed pullo atque haedo; tum pensilis uva secundas
 Et nux ornat mensas cum duplici ficu.
 Post hoc ludus erat culpa potare magistra,
 Ac venerata Ceres, ita culmo surgeret alto,
 125 Explicuit vino contractae seria frontis.

quod superest? — *templa ruunt*] vide ad Carm. III, 6. — *recte erunt*] Zumpt. §. 365 fin. infra v. 120. Sat. II, 3, 162. II, 8, 19. Male in codicibus nonnullis *rectae*, accommodato vocabulo ad *res*. — *uterne*] Zumpt. §. 352. — *superbum*] non corpus magis quam mentem ornat. cf. Sat. II, 6, 87.

V. 112. *Quo magis*] Horatii ipsius hi quattuor versus sunt. — *quam nunc*] post triumvirorum proscriptiones. cf. Virg. Buc. 9, 2 sqq. Suspicis certe ex adverbio *nunc* vixisse etiam tunc Ofellum. — *metato*] quem metator Umbreno militi dederat. Vide ad Carm. II, 15, 15. — *mercede colonus*] vide ad Carm. I, 35, 6. cf. Epist. II, 1, 139. — *non temere*] non facile. Epist. II, 2, 13. — *olus*] Sat. II, 6, 64. — *duplici ficu*] ad siccandum divisa. — *post hoc*] non ut luxuriosi inter edendum. cf. Sen. ep. 122: „Post prandium aut coenam bibere vulgare est: hoc patres familiae rustici faciunt et verae voluptatis ignari.“ — *culpa magistra*] Culpa dicitur magistra bibendi, quia si quis in ipso bibendo aliquid commisisset, ei ab reliquis convivis poena quasi imponebatur alterius etiam poculi hauriendi. Culpa igitur tanquam *θαλασχος* s. *συμφοράσχος* est. Haec rustica ratio contra urbanam bibendi magistri eligendi ponitur. — *ita culmo*] *ita* part. eadem ratione in voto posita qua similis *sic*; vide ad Carm. I, 3, 1. Plenam sententiam intelliges ex locis Cic. in Cat. IV, 6, 11. ad Att. V, 15: „Ita vivam ut maximos

- Deficiunt: neque enim quivis horrentia pilis
 Agmina nec fracta pereuntes cuspile Gallos
 15 Aut labentis equo describit vulnera Parthi.
 Attamen et iustum poteras et scribere fortem,
 Scipiadam ut sapiens Lucilius. Haud mihi deero,
 Cum res ipsa feret: nisi dextro tempore Flacci
 Verba per attentam non ibunt Caesaris aurem;
 20 Cui male si palpere, recalcitrat undique tutus.
 Quanto rectius hoc quam tristi laedere versu
 Pantolabum scurram Nomentanumque nepotem,
 Cum sibi quisque timet, quamquam est intactus, et odit.
 Quid faciam? Saltat Milonius, ut semel icto
 25 Accessit fervor capiti numerusque lucernis;
 Castor gaudet equis, ovo prognatus eodem
 Pugnīs; quot capitum vivunt, totidem studiorum
 Milia: me pedibus delectat claudere verba
 Lucili ritu, nostrum melioris utroque.
 30 Ille velut fidis arcana sodalibus olim
 Credebat libris, neque si male cesserat unquam
 Decurrens alio, neque si bene; quo fit, ut omnis

quo iuniores alloquebantur seniores. cf. v. 60. Ceterum haec Horatii excusatio frequentissima, veluti Carm. II, 12, IV, 2. I, 6. — *fracta cuspile*] „qua vulneratus erat hostis. Ex historia de Mario hoc sumptum est; nam Marius adversus Santonas talia tela commentus est, ut fracta mitterentur, ne remitti ab hostibus possent.“ *Porphyr.* Gallos autem et Parthos nominavit ut infestissimos et pervicacissimos Romano nomini hostes. Ceterum a. 724 Octavianus ex Aegypto per Syriam in Asiam venit ibique res Parthicas inter Phraatem et Tiridatem composuit; adversus Gallos autem non solum ipse a. 715 profectus erat sed Agrippa quoque devictis a. 717 Gallis triumphavit; deinde a. 719 Gallicis gentibus bellum illatum coloniaeque deductae sunt. — *poteras*] vide Zumpt. gr. §. 518. — *fortem*] magnanimum, ut Epist. I, 7, 46. — *describit*] Sic boni codd., alii *describat*, *describet*; indicativus autem ipse potestatem aliquid faciendi exprimit, ut A. P. 263. Idem usus nobis Germanis, ut *das thut nicht Jeder*, pro: *das kann nicht Jeder thun*.

V. 17. *Scipiadam*] Cum versus hexameter Scipionis nominis nihil ferret nisi nominativum ipsum neque poetae iusta patronymici forma *Scipionides* magis uti possent (Zumpt. §. 245), ad hanc minus rectam formam confugientes *Scipiadam* posuerunt pro accusativo *Scipionem* et similia, ut infra v. 72. Virg. Aen. VI, 843. Georg. II, 170; vide etiam ad Carm. IV, 8, 18. — *deero*] cf. Sat. I, 9, 56. — *quanto rectius*] Trebatii tres versus sunt 21—23. Ad v. 22 compara Sat. I, 8, 11. — *Milonius*] Scurram eius aetatis scholiastae fuisse dicunt. — *icto*] vini potestate. cf. Carm. IV, 5, 15. De saltando lege Cic. pro Mur. 6.

Votiva pateat veluti descripta tabella

Vita senis. Sequor hunc Lucanus an Apulus anceps:

- 35 Nam Venusinus arat finem sub utrumque colonus,
Missus ad hoc pulsus, vetus est ut fama, Sabellis,
Quo ne per vacuum Romano incurreret hostis,
Sive quod Apula gens, seu quod Lucania bellum
Incuteret violenta. Sed hic stilus haud petet ultro
40 Quemquam animantem et me veluti custodiet ensis
Vagina tectus. Quem cur destringere coner
Tutus ab infestis latronibus? O pater et rex
Iuppiter, ut pereat positum robigine telum
Nec quisquam noceat cupido mihi pacis! at ille,
45 Qui me commorit, — melius non tangere, clamo —
Flebit et insignis tota cantabitur urbe.
Cervius iratus leges minitatur et urnam,
Canidia Albuci quibus est inimica venenum,
Grande malum Turius, si quid se iudice certes.
50 Ut, quo quisque valet, suspectos terreat, utque

— *vita senis*] Qui nuperrime de Lucilio scripsit (Van Heusde studia crit. in Lucil. 1842. p. 31 sq.), octogenario maiorem obiisse Lucilium statuit. Qui *senem* honoris et gravitatis causa dictum putarunt, parum memores fuerunt eam laudem apud Horatium non inesse in nomine *senis*, sed *prisci* (Carm. III, 21, 11. Epist. I, 19, 1. II, 2, 117). Nihil profecto laudis in *sene* inest Sat. II, 2, 67. cf. Epist. II, 1, 56. — *anceps*] Non is solum anceps est, qui dubius est aut incertus quid credat faciatur, sed is etiam, de quo in utramque partem disputari potest, ut Sat. II, 5, 34. Quare vel ipsa loci concinnitas efflagitare videtur, ut *anceps* masculini, non neutrius generis esse credamus. — *ad hoc*] Sat. II, 6, 42. — *quo ne*] pro *ut ne*, sed cum quadam abundantia dictum, quoniam quod in verbis *ad hoc* inest, iterum ponitur relativo *quo*. Similiter Cic. ad Fam. VII, 2: „Sed eo vidisti multum quod praefinisti, quo ne pluris emerem.“ cf. Liv. XXXIV, 6 med. — *Sed*] opponitur verbis *sequor hunc*. — *ultro*] i. e. nisi quis me provocavit, non iniuriis sed vitiis suis aut ridicula agendi et vivendi ratione. Epist. II, 2, 107. II, 1, 227. Sat. II, 3, 262.

V. 40. *ensis*] Iuven. I, 165: „Ense velut stricto quoties Lucilius ardens infremuit.“ — *flebit*] Epod. 6, 16. *Cantari* autem de bona et mala fama. — *Cervius*] delator et calumniator, ut Caprius et Sulcius ex Sat. I, 4, 70. — *urna*] iudicium. — *Canidia*] „Deest filia; alii uxorem dicunt. Canidia autem pro Gratidia. Albucius quidam veneficus, matris extinctor.“ Acro. Alii maluerunt coniungere *Albuci venenum*; sed consulto Horatius, ut iam notat Porphyrio, ἀμφιβολίας posuit genitivum *Albuci*. — *Turius*] Haud dubie iudex significatur corruptissimus; nomen eius varie legitur in scholiis: C. Marius Turius, C. Martius Turius, Turius Marinus. — *ut, quo*] quomodo fiat ut, quo cet. — *Scaevae*]

- Imperet hoc natura potens, sic collige mecum :
 Dente lupus, cornu taurus petit: unde nisi intus
 Monstratum? Scaevae vivacem crede nepoti
 Matrem: nil faciet sceleris pia dextera; mirum,
 55 Ut neque calce lupus quemquam neque dente petit bos:
 Sed mala tollet anum vitiato melle cicuta.
 Ne longum faciam: seu me tranquilla senectus
 Exspectat seu Mors atris circumvolat alis,
 Dives, inops, Romae seu fors ita iusserit exsul,
 60 Quisquis erit vitae scribam color. O puer, ut sis
 Vitalis metuo, et maiorum ne quis amicus
 Frigore te feriat. Quid? cum est Lucilius ausus
 Primus in hunc operis componere carmina morem,
 Detrahere et pellem, nitidus qua quisque per ora
 65 Cederet, introrsum turpis; num Laelius aut qui
 Duxit ab oppressa meritum Karthagine nomen,
 Ingenio offensi aut laeso doluere Metello
 Famosisque Lupo cooperto versibus? Atqui
 Primores populi arripuit populumque tributum,
 70 Scilicet uni aequus virtuti atque eius amicis.
 Quin ubi se a vulgo et scena in secreta remorant
 Virtus Scipiadae et mitis sapientia Laeli,
 Nugari cum illo et discincti ludere, donec

„Scaeva luxuriosus quidam fuit, qui matrem dato veneno necavit, propterea quod ei nimis diu viveret. Sic Cicero pro Scauro (fragm. Beier. p. 155): *Libertus patronam non occidit, sed duobus digitulis gulam oblit.*“ *Comm. Cruq.* — *mirum ut*] tam mirum quam, vel: non magis mirum quam. — *scribam*] Inverso ordine magna huic verbo maximam arsin sequenti accrescit vis. — *o puer*] Trebatii verba sunt usque ad v. *feriat*. — *frigore*] Intelliguntur haec ex imitatione Persii I, 108: „Vide sis ne maiorum tibi forte limina frigescant.“ — *aut qui*] vide ad Carm. IV, 8, 18. De plurali cum *aut* part. coniuncto vide Zumpt. §. 374. — *Metello*] Q. Caecilius Metellus Macedonicus, cos. a. u. c. 611. Lucilii versus in L. Cornelium Lentulum Lupum cos. a. u. c. 598 servavit Cic. de N. D. I, 23: „Tubulus si Lucius unquam Si Lupus aut Carbo Neptuni filius, ut ait Lucilius, putasset esse deos, tam periurus aut tam impurus fuisset?“ Quos si Lucilius contumeliosis (Epist. I, 19, 31) versibus laceravit, boni cives, ut Laelius et Scipio, idem sibi non metuerunt. De part. *que* in verbo *famosisque* vide ad Carin. II, 7, 25. — *tributum*] per omnes tribus, totum populum, nullo facto discrimine.

V. 71. *scena*] vita publica. — *nugari*] *Comm. Cruq.* „Scipio et Laelius feruntur tam familiares fuisse et amici Lucilio, ut quodam tem-

- Decoqueretur olus, soliti. Quidquid sum ego, quamvis
 75 *Infra Lucili censum ingeniumque*, tamen me
 Cum magnis vixisse invita fatebitur usque
 Invidia et fragili quaerens illidere dentem,
 Offendet solido, nisi quid tu, docte Trebati,
 Dissentis. Equidem nihil hinc diffindere possum;
 80 Sed tamen ut monitus caveas, ne forte negoti
 Incutiat tibi quid sanctarum inscitia legum:
 Si mala condiderit in quem quis carmina, ius est
 Iudiciumque. Esto, si quis mala: sed bona si quis
 Iudice condiderit laudatus Caesare? si quis
 85 Opprobriis dignum latraverit, integer ipse?
 Solventur risu tabulae, tu missus abibis.

Satira II.

Quae virtus et quanta, boni, sit vivere parvo, —
 Nec meus hic sermo est, sed quem praecepit Ofellus

pore Laelio circum lectos triclinii fugienti Lucilius superveniens eum obtorta mappa quasi feriturnus sequeretur. — *Lucili censum*] Fuit enim Lucilius equestri loco natus et Pompeii Magni avus; alio auctore avia Pompeii soror Lucilii fuit. vide ad Sat. II, 7, 53. — *fragili*] gen. neutr.; imago de nuce sumpta. Adversarii, inquit poeta, nihil iam efficient, cum favorem mihi et gratiam optimorum conciliaverim. — *diffindere*] Sic recte boni codices; in aliis ex corruptione *defindere*, *diffingere*, *defingere*, *defringere*, alia. cf. Carm. III, 16, 13. Virg. Aen. IX, 586. Trebatii sunt usque ad *iudiciumque*. — *legum*] Cic. de rep. IV, 11: „Nostrae XII tabulae cum perpaucae res capite sanxissent, in his hanc quoque sancendam putaverunt, si quis occentavisset sive carmen condidisset quod infamiam faceret flagitiumve alteri.“ cf. Epist. II, 1, 152 sqq. Ut quae insequuntur recte et ordine adiungantur, supple *scito*, ut Epist. I, 1, 13. I, 18, 58. — *laudatus Caesare*] vide ad Carm. I, 6, 2. — *solventur tabulae*] tabulae, in quibus leges scriptae erant, pro ipsis legibus. Leges solvere est severitatem earum minuire, frangere. Similiter Quintil. XI, 3, 58: „Fori sanctitatem ludorum licentia solvere.“ id. V, 10, 67: „Risu tota res solvitur.“

Satira II.

Felicissimis bellis omnium prope terrarum divitiae cum Romam essent congestae, inter reliqua lux genera incredibilis paene cibi ac potus intemperantia et improbitas Romanam civitatem invaserat. Quae quam sit insana quamque perniciosa, hac satira docet Horatius et ita quidem, ut non sua proponat praecepta sed loquentem inducat Ofellum quendam, rusticum hominem et sanae mentis, quem ipse suum agrum

- Rusticus, abnormis sapiens, crassaque Minerva —
 Discite non inter lances mensasque nitentes,
 5 Cum stupet insanis acies fulgoribus et cum
 Acclinis falsis animus meliora recusat,
 Verum hic impransi mecum disquirite. Cur hoc?
 Dicam, si potero. Male verum examinat omnis
 Corruptus iudex. Leporem sectatus equove
 10 Lassus ab indomito vel, si Romana fatigat
 Militia assuetum graecari, seu pila velox
 Molliter austerum studio fallente laborem
 Seu te discus agit, pede cedentem aëra disco:
 Cum labor extuderit fastidia, siccus, inanis
 15 Sperne cibum vilem, nisi Hymettia mella Falerno
 Ne biberis diluta. Foris est promus, et atrum

colentem bonisque rebus gaudentem Venusiae olim puer noverat (v. 112 sq.). Postea cum Venusini agri bellis civilibus dominis erepti veteranis militibus darentur, Ofelli ager Umbreno cuidam veterano attributus est, ut qui olim dominus fuisset tunc colonus eundem agrum alieno homini coleret (v. 133). Hunc igitur Ofellum simulat Horatius inter suos et filios et amicos sedentem deque suae aetatis ingenti profusione ac stultitia disputantem; quae stultitia quo clariore luce collustratur, sordidissimae etiam avaritiae, qua obstricti alii fortasse non pauciores tenebantur, tristis quaedam imago additur (v. 53 — 62). Ofelli autem totus sermo est praeter vv. 2 et 3, 112—116; id quod recte colligas ex v. 112, ubi verbis *hunc Ofellum* poeta ad v. 2 redit, deinde ex primae personae usu vv. 7. 8. 35. 90. 93, tum ne 53 quidem versus adversatur. Versu 111 ea pars concluditur quae generalia complectitur praecepta et sententias; quibus quo accedat maior fides et auctoritas deinde ostenditur, hominem illum non solum tanta usum esse doctrinae severitate sed fecisse etiam ipsum quae bene praeceperit.

V. 1. *boni*] Suavis compellatio suorum et filiorum et amicorum. cf. v. 128. Iam apud Acronem scholiastam falsa est lectio *bonis*, orta ea ex continua scriptura geminata forte littera *s* (*bonisit*). cf. Sat. II, 6, 51. 95. Epist. II, 2, 37; et de hoc genere sermonis Sat. II, 6, 70 — 76. — *sermo*] verba. cf. A. P. 69. — *abnormis sapiens*] Cic. Lael. 5. — *acies*] oculorum. — *acclinis*] rarum et poeticum vocabulum. Virg. Aen. X, 835. Cognatum verbum *acclinare* metaphorice, ut h. l. adiectivum, positum est apud Livium IV, 48. — *impransi*] ieiuni, ut v. 38. — *Leporem sectatus*] Sententia paulo impeditius formata; nam participiorum loco, a quibus egressa est oratio, condicionalis forma substituitur. — *graecari*] cf. Carm. III, 24, 57. Est autem exercere se mollioribus Graecorum ludis pilae et disci. — *discus agit*] allicit. — *Hymettia mella*] Carm. II, 6, 14. Macrob. Sat. VII, 12: „Unde est et illud proverbium quo utuntur gulones: mulsum, quod probe temperes, miscendum esse novo Hymettio et vetulo Falerno.“ cf. infra Sat. II, 4, 24. Columella auctore (XII, 41) mulsum optime parabatur, cum singulis urnis vini denae librae mellis addebantur. — *atrum*] procillis

- Defendens pisces hiemat mare: cum sale pauis
 Latrantem stomachum bene leniet. Unde putas aut
 Qui partum? Non in caro nidore voluptas
- 20 Summa, sed in te ipso est. Tu pulmentaria quaere
 Sudando: pinguem vitiiis albumque neque ostrea
 Nec scarus aut poterit peregrina iuvare lagois.
 Vix tamen eripiam, posito pavone velis quin
 Hoc potius quam gallina tergere palatum,
- 25 Corruptus vanis rerum, quia veneat auro
 Rara avis et picta pandat spectacula cauda,
 Tanquam ad rem attineat quidquam. Num vesceris ista
 Quam laudas pluma? cocto num adest honor idem?
 Carne tamen quamvis distat, nil hac magis illa,
- 30 Imparibus formis deceptum te patet. Esto:
 Unde datum sentis, lupus hic Tiberinus an alto

agitatum. Carm. III, 27, 18. — *latrantem*] Sat. II, 8, 5. Lucret. II, 17: „Nihil aliud sibi naturam latrare nisi ut cet.“ — *pulmentaria*] Ad exemplum Socratis; qui cum usque ad noctem spatia retur interrogatus a quodam, cur hoc faceret, respondit: ὄρεον σαργῶν. — *pinguem vitiiis*] luxuria tumidum. cf. v. 77. Pers. III, 98: „Turgidus hic epulis atque albo ventre lavatur.“ — *ostrea*] vide ad Sat. I, 8, 43. — *scarus*] pretiosus piscis, in mari Carpathio maxime frequens, ceterum ignotus. Epod. 2, 50. — *lagois*] „avis quae carnem leporis habere perhibetur.“ Acro.

V. 23. *eripiam*] poetice pro *impediam*. Quod quomodo fieri potuerit vide ex hoc loco Tibulli I, 9, 35: „Illis eriperes verbis mihi sidera coelo Lucere.“ Ovid. Met. II, 483: „Posse loqui eripitur.“ — *pavone*] Q. Hortensius primus Romanos docuisse dicitur pavones in mensa apponere. Sat. I, 2, 116. — *vanis rerum*] vide Zumpt. §. 435. adnot. — *attineat quidquam*] sc. picta cauda. — *num adest*] hiatus a poeta admissus. — *carne tamen*] Locus hic difficillimus et diversissime tentatus, cum alii aliam vel interpretandi vel interpungendi rationem excogitent. Ac mihi quidem ut simplicissima ita verissima videtur Boethii interpretatio, qua commate posito post *distat* hunc habemus verborum ordinem et sententiam: „quamvis distat gallinae caro a pavonis, tamen nihil (non) hac (pavonis) magis illa (gallina, sed) imparibus formis deceptum te esse patet“, vel si ex verbo *deceptum* zeugmatis quodam facili genere simile *captum* assumas: quamvis (etiamsi, quantumvis) distat gallinae caro a pavonis, tamen nihil hac magis quam illa (vide ad Carm. IV, 14, 13) te captum patet, sed imparibus formis deceptum.“ — *esto*] Concedit Ofellus istum formae amorem habere aliquod veniae progrediturque ad alia magis etiam inania. Magnum enim discrimen gulones aiebant esse inter lupos marinos, qui in Tiberi essent capti et eos qui in alto, et iterum inter eos qui ad ostia Tiberis et qui inter pontes (sublicium et senatorium, inter quos Cloaca maxima sordes urbis in fluvium egerebat). Qui in mari essent capti, pessimi videbantur. Unde autem, inquit Ofellus, datum tibi est ut sentias sapore, quo

- Captus biet, pontesne inter iactatus an amnis
 Ostia sub Tusci? Laudas, insane, trilibrem
 Mullum, in singula quem minuas pulmenta necesse est.
- 35 Ducit te species, video. Quo pertinet ergo
 Proceros odisse lupos? quia scilicet illis
 Maiorem natura modum dedit, bis breve pondus.
 Ieiunus raro stomachus vulgaria temnit.
 Porrectum magno magnum spectare catino
- 40 Vellem, ait Harpyiis gula digna rapacibus. At vos,
 Praesentes Austri, coquite horum obsonia. Quamquam
 Putet aper rhombusque recens, mala copia quando
 Aegrum sollicitat stomachum, cum rapula plenus
 Atque acidas mavult inulas. Necdum omniſ abacta
- 45 Pauperies epulis regum: nam vilibus ovis
 Nigrisque est oleis hodie locus. Haud ita pridem
 Galloni praeconis erat acipensere mensa
 Infamis. Quid? tunc rhombos minus aequora alebant?
 Tutus erat rhombus tutoque ciconia nido,
- 50 Donec vos auctor docuit praetorius. Ergo
 Si quis nunc mergos suaves edixerit assos,
 Parebit pravi docilis Romana iuventus.
 Sordidus a tenui victu distabit Ofello

is lupus qui appositus in mensa hiat captus sit loco? — *laudas*] Idem gulones ingentes quacrebant mullos, parvos lupos, hac una causa moti quod natura mullos parvos, lupos magnos fecit. Plin. H. N. IX, 30: „Nulli binas libras ponderis raro admodum exsuperant.“ Iuven. IV, 15: „Mullum sex milibus emit Aequantem sane paribus sestertia libris.“ — *pulmenta*] Epist. I, 18, 48; sunt h. l. partes (Scheiben) in quas ingens piscis dissecandus est. — *porrectum*] mullum.

V. 40. *At*] Exsecratur Ofellus epulas luxuriosorum optatque ut Austri eas putrefaciant. Statim autem se corrigens: quamquam quid opus est, inquit, hac exsecratione, cum recentes etiam cibi talibus hominibus puteant neque iis gratius quidquam videatur quam rapula et inulae quae lassum pervellant stomachum? Sat. II, 8, 8. 51. — *quando*] quandoquidem, quoniam. — *Galloni*] „Galloni praeco primus acipenserem suae mensae apposuit, quare eius luxuriosorum etiam a Lucilio taxatur.“ *Comm. Cruq.* — *erat*] caesura ultima syllaba producitur. — *praetorius*] „Sempronius Rufus praetorius instituisse creditur ut ciconiarum pulli manducarentur: quare cum in praetura petenda repulsam tulisset, tale epigramma meruit: „Ciconiarum Rufus iste conditor Illic est duobus elegantior Plancius; Suffragiorum puncta non tulit septem, Ciconiarum populus ultus est mortem.“ *Comm. Cruq.* — *mergos*] durissima carne. — *edixerit*] tanquam praetor. Epist. I, 19, 10. Inde cum gravi ironia

- Iudice: nam frustra vitium vitaveris illud ,
 55 Si te alio pravum detorseris. Avidienus,
 Cui Canis ex vero dictum cognomen adhaeret,
 Quinquennes oleas est et silvestria corna,
 Ac nisi mutatum parcat defundere vinum et,
 Cuius odorem olei nequeas perferre, licebit
 60 Ille repotia, natales, aliosve dierum
 Festos albatus celebret, cornu ipse bilibri
 Caulibus instillat, veteris non parcus aceti.
 Quali igitur victu sapiens utetur? et horum
 Utrum imitabitur? Hac urget lupo, hac canis, aiunt.
 65 Mundus erit qua non offendat sordibus atque
 In neutram partem cultus miser. Hic neque servis
 Albuci senis exemplo, dum munia didit,
 Saevus erit, nec sic ut simplex Naevius unctam
 Convivis praebebit aquam: vitium hoc quoque magnum.
 70 Accipe nunc, victus tenuis quae quantaque secum
 Afferat. In primis valeas bene: nam variae res
 Ut noceant homini, credas memor illius escae,
 Quae simplex olim tibi sederit; at simul assis
 Miscueris elixa, simul conchylia turdis,
 75 Dulcia se in bilem vertent stomachoque tumultum
 Lenta feret pituita. Vides ut pallidus omnis
 Coena desurgat dubia? Quin corpus onustum

Romana iuventus. cf. Epist. I, 1, 70. — *Ofello iudice*] me iudice. — *Avidienus*] ignotum nomen sordidi hominis. — *mutatum vinum*] vappam. — *repotia*] „Postridie nuptias apud novum maritum coenatur; quia quasi reficitur potatio.“ *Festus* — *albatus*] toga recens cretata indutus. — *bilibri*] nimis magno, non elegantioris formae. — *qua non offendat*] Sic boni codd., in aliis est *qui*. Intellige: eatenus, qua. — *cultus*] genitivus est utrimque suspensus: *in neutram partem cultus et miser cultus*, ut Stat. Theb. IV, 403: „Ah miseri morum.“ Plin. paneg. 58. med. „miseros ambitionis“.

V. 67. *Albuci*] vide ad Sat. II, 1, 48. Albucius durissimus erat in servos maximosque cruciatus iis minabatur, si quid in coena non bene esset paratum. Naevius contra negligentissimus fuit et nimiae animi bonitatis in servos. — *didit*] poeticum vocabulum; saepissime apud Lucretium. — *aquam*] ad vinum miscendum. — *ut noceant*] quantopere noceat. cf. Cic. Mil. 24, 64. — *pituita*] trisyllabum. Epist. I, 1, 108. Est phlegma ventriculi et intestinorum. Plin. H. N. XX, 7: „Pituitae lentitiam digerunt (lactucae).“ — *coena dubia*] Terent. Phorm. II, 2, 28: P. „Coena dubia apponitur.“ G. „Quid istuc verbi est?“ P. „Ubi tu

- Hesternis vitiis animum quoque praegravat una,
 Atque affigit humo divinae particulam aurae.
- 80 Alter, ubi dicto citius curata sopori
 Membra dedit, vegetus praescripta ad munia surgit.
 Hic tamen ad melius poterit transcurrere quondam,
 Sive diem festum rediens advexerit annus
 Seu recreare volet tenuatum corpus, ubique
- 85 Accedent anni et tractari mollius actas
 Imbecilla volet. Tibi quidnam accedet ad istam
 Quam puer et validus praesumis mollitiem, seu
 Dura valetudo inciderit seu tarda senectus?
 Rancidum aprum antiqui laudabant, non quia nasus
- 90 Illis nullus erat, sed credo hac mente, quod hospes
 Tardius adveniens vitiatum commodius quam
 Integrum edax dominus consumeret. Hos utinam inter
 Heroas natum tellus me prima tulisset!
 Das aliquid famae, quae carmine gratior aurem
- 95 Occupat humanam: grandes rhombi patinaeque
 Grande ferunt una cum damno dedecus; adde
 Iratum patrum, vicinos, te tibi iniquum
 Et frustra mortis cupidum, cum deerit egenti
 As, laquei pretium. Iure, inquit, Trausius istis
- 100 Iurgatur verbis; ego vectigalia magna
 Divitiasque habeo tribus amplas regibus. Ergo,
 Quod superat non est melius quo insumere possis?
 Cur eget indignus quisquam te divite? quare
 Templa ruunt antiqua deum? cur, improbe, carae

dubites quid sumas potissimum — *divinae aurae*] Cic. de senect. 21. Tusc. I, 26. — *hic tamen*] Primum simplicis victus praemium sanitas est et corporis et animi. Accedit quod qui moderatus est in ciborum usu interdum et opportuno tempore exquisitis epulis vere potest gaudere (82—93). Deinde idem bonae etiam famae consulit, sibi suisque gratus (v. 94—111). — *ubique*] et ubi. — *Tibi*] Oppositum hoc pronomen est alteri *hic* v. 82. — *validus*] Ex chiasmi ordine iunguntur *puer, validus, dura valetudo, senectus*. — *hac mente*] Sat. I, 1, 30. — *edax dominus*] Iuven. I, 140: „Quanta est gula, quae sibi totos Ponit apros, animal propter convivia natum!“ cf. Sat. II, 8, 6. — *tellus prima*] Sat. I, 3, 99; est nova tellus. — *patrum*] Carm. III, 12, 3 Sat. II, 3, 88. — *inquit*] vide ad Sat. I, 4, 79. — *Trausius*] homo luxuriosus, non admodum dives. — *vectigalia*] vide ad Carm. III, 16, 40. — *Ergo*] indignantis est: cum tantum habeas, nonne est quo melius insumere possis

- 105 Non aliquid patriae tanto emetiris acervo?
 Uni nimirum recte tibi semper erunt res?
 O magnus posthac inimicis risus! Uterne
 Ad casus dubios fidet sibi certius? hic qui
 Pluribus adsuerit mentem corpusque superbum,
 110 An qui, contentus parvo metuensque futuri,
 In hac ut sapiens aptarit idonea bello?

- Quo magis his credas, puer hunc ego parvus Ofellum
 Integris opibus novi non latius usum
 Quam nunc accisis. Videas metato in agello
 115 Cum pecore et gnatis fortem mercede colonum:
 Non ego, narrantem, temere edi luce profesta
 Quidquam praeter olus fumosae cum pede pernae.
 At mihi seu longum post tempus venerat hospes
 Sive operum vacuo gratus conviva per imbrem
 120 Vicinus, bene erat non piscibus urbe petitis
 Sed pullo atque haedo; tum pensilis uva secundas
 Et nux ornat mensas cum duplice ficu.
 Post hoc ludus erat culpa potare magistra,
 Ac venerata Ceres, ita culmo surgeret alto,
 125 Explicuit vino contractae seria frontis.

quod superest? — *templa ruunt*] vide ad Carm. III, 6. — *recte erunt*] Zumpt. §. 365 fin. infra v. 120. Sat. II, 3, 162. II, 8, 19. Male in codicibus nonnullis *rectae*, accommodato vocabulo ad *res*. — *uterne*] Zumpt. §. 352. — *superbum*] non corpus magis quam mentem ornat. cf. Sat. II, 6, 87.

V. 112. *Quo magis*] Horatii ipsius hi quattuor versus sunt. — *quam nunc*] post triumvirosum proscriptiones. cf. Virg. Buc. 9, 2 sqq. Suspicis certe ex adverbio *nunc* vixisse etiam tunc Ofellum. — *metato*] quem metator Umbreno militi dederat. Vide ad Carm. II, 15, 15. — *mercede colonus*] vide ad Carm. I, 35, 6. cf. Epist. II, 1, 139. — *non temere*] non facile. Epist. II, 2, 13. — *olus*] Sat. II, 6, 64. — *duplice ficu*] ad siccandum divisa. — *post hoc*] non ut luxuriosi inter edendum. cf. Sen. ep. 122: „Post prandium aut coenam bibere vulgare est: hoc patres familiae rustici faciunt et verae voluptatis ignari.“ — *culpa magistra*] Culpa dicitur magistra bibendi, quia si quis in ipso bibendo aliquid commisisset, ei ab reliquis convivis poena quasi imponebatur alterius etiam poculi hauriendi. Culpa igitur tanquam *παλιάρχος* s. *συμπόσιάρχος* est. Haec rustica ratio contra urbanam bibendi magistri eligendi ponitur. — *ita culmo*] *ita* part. eadem ratione in voto posita qua similis *sic*; vide ad Carm. I, 3, 1. Plenam sententiam intelliges ex locis Cic. in Cat. IV, 6, 11. ad Att. V, 15: „Ita vivam ut maximos

Saevia atque novos moveat fortuna tumultus:
 Quantum hinc imminuet? quanto aut ego parcius, aut vos,
 O pueri, nituistis, ut huc novus incola venit?
 Nam propriae telluris herum natura neque illum,
 130 Nec me nec quemquam statuit: nos expulit ille;
 Illum aut nequities aut vafri inscitia iuris,
 Postremum expellet certe vivacior heres.
 Nunc ager Umbreni sub nomine, nuper Ofelli
 Dictus, erit nulli proprius; sed cedit in usum
 135 Nunc mihi, nunc alii. Quocirca vivite fortes,
 Fortiaque adversis opponite pectora rebus.

Satira III.

Sic raro scribis, ut toto non quater anno
 Membranam pascas, scriptorum quaeque retexens,

sumptus facio." cf. Hom. Il. VIII, 538 sqq. XIII, 825 sqq. — *hinc*] ex iis bonis quae nunc nobis sunt, moderatione animi et frugalitate vitae. — *nituistis*] nitent qui bona valetudine utuntur. Epist. I, 4, 15. — *propriae*] vide ad Carm. II, 2, 22. — *vafri*] Sat. II, 5, 34.

Satira III.

Romae cum studio et opera doctorum hominum, veluti Ciceronis, graeca philosophia excepta esset, fieri non potuit quin sat multi ita sapientiam amplecterentur, ut philosophorum simias magis quam philosophos se praestarent. Et maxime quidem Stoicorum doctrina de vera sapientia communique hominum stultitia haud paucos allicere debuit, qui suam animi nequitiam celantes aliorumque rectum de se indicium declinantes Stoicorum severitatem cultu ac sermone misere affectarent, tristi vultu urbem percurrerent, alios homines quacunque possent ratione carperent et magna voce vituperarent. Talem igitur hominem — quod genus nihil nisi virtutem crepans ἀπειθαργόους appellarunt Romani — acerbissima ratione totum genus humanum insaniae argumentum facito utique et lepido modo perfectissima hac satira Horatius describit. Qui quam egregie rem suam instituit! Damasippum enim — id autem nomen est circumforaneo philosopho — nimio fictae suae sapientiae studio eo latum videmus impudentiae et importunitatis, ut poetam in villam Sabinae, quo is ne Saturnalibus (a. d. XVI. Kal. Ian. usque ad XIV. Kal. Ian.) ingenti urbis strepitu infinitisque epulis male vexaretur aufugerat, persequeretur; scilicet eo certe consilio, ut cum Horatii quoque aures ut hominum in urbe viventium insanis suis disputationibus impudentibusque adhortationibus obtudisset, laetam sibi mereret coenam. Isti enim homines a divitibus ut scurrae coenae adhiberi solebant, nimirum

Iratus tibi quod vini somnique benignus
 Nil dignum sermone canas. Quid fiet? At ipsis
 5 Saturnalibus huc fugisti. Sobrius ergo
 Dic aliquid dignum promissis. Incipe. Nil est.
 Culpantur frustra calami immeritusque laborat
 Iratis natus paries dis atque poetis.
 Atqui vultus erat multa et praeclara minantis,
 10 Si vacuum tepido cepisset villula tecto.
 Quorsum pertinuit stipare Platona Menandro,

ne qui risum moveret in hilari convivio deesset. Suet. Aug. 74: „Aut acroamata et histriones interponebat ac frequentius aretalogos.“ Nam inopes esse solebant boni isti philosophi, qui nihil antiquius haberent quam ut sua sapientia stomachum cupiditatemque placarent. Nihil melior Damasippus noster; qui olim mercator singulari sua calliditate (v. 20 sqq.) egregiisque consiliis rem male gestam perdidit (v. 18. 37), deinde cum desperata salute de ponte se in Tiberim deicere voluisset (v. 36), a Stertino, magno illo quidem Stoico et unice sapienti, retractus mercaturam philosophia mutaverat. Iam vero ne quid egregii huius sermonis perdas, considera modo quanta inter aretalogum et satiricum poetam intercedere videatur similitudo; quam Horatius de iudicio bonorum hominum securus consulto videtur descripsisse, ut imperitis quid inter utrumque non sit simile aperto exemplo ostenderet. Atque eam quidem comparisonem non illustratam quidem sed tribus verbis indicatam habemus Sat. I, 1, 120; etenim Crispinus quoque aretalogus. Praeterea tecte quidem significata est similis utriusque hominis, Damasippi et Horatii, sors et via qua ille ad philosophiam, hic ad satiram pervenerat. Quae Damasippus in foro ad medium Ianum (v. 18), ea Horatius ad Philippos in pugna videbatur certe perdidisse. — Satiram non ante a. 721 scriptam esse docet versus 180 coll. 185; eo enim anno Agrippa sponte sua aedilitate functus ingentem sibi civium approbationem liberalitate paravit. Neque multo post eum annum scriptam esse ipsa Agrippae laus ferre videtur. Horatius paulo ante Sabinam villam a Maecenate dono acceperat.

V. 1. sic raro scibis] Vehementer exprobrantis haec sunt, non interrogantis; excitatus enim sermo est Stoici in villam subito irrumpentis ac statim clamantis, quem mirabundus Horatius non prius interrumpt quam ad finem aliquem ipse decucurrit v. 16. Scribis ultimam syllabam caesurae potestate produxit; quod qui vitiosum putarent scripserunt scribes, orationis vim valde frangentes. — benignus] Ut genitivum intelligas, compara sis similis notionis adiectivum prodigus Carm. I, 12, 37. I, 18, 16. Epist. I, 7, 42; benignus enim est qui liberalis, largus, etiam prodigus est. Epist. I, 5, 11. Carm. I, 17, 15 — Saturnalibus] quos dies Romani facetiis et ludis et conviviis dicabant. — paries] Qui sententiarum vel verborum penuria premuntur, culpani in calamis parietibusque inesse saepe solent clamare eosque execrationibus agere; est enim antiqua execratio: deos iratos habeat! illi deos iratos! Quibus verbis comice additur atque poetis, quoniam illi irati parietem, ad quem sedentes aut cubantes scribunt, pugnīs caedere solent. Similiter Pers. I, 106: Nec pluteum caedit nec demorsos sapit unguis — vacuum] otiosum. — tepido tecto] Hieme enim celebrabantur Saturnalia. —

- Eupolin, Archilochum, comites educere tantos?
 Invidiam placare paras virtute relicta?
 Contemnere, miser. Vitanda est improba Siren
 15 Desidia, aut quidquid vita meliore parasti,
 Penendum aequo animo. Di te, Damasippe, deaeque
 Verum ob consilium donent tonsore! sed unde
 Tam bene me nosti? Postquam omnis res mea Ianum
 Ad medium fracta est, aliena negotia curo
 20 Excussus propriis: olim nam quaerere amabam,
 Quo vafer ille pedes lavisset Sisyphus aere,
 Quid sculptum infabre, quid fusum durius esset;
 Callidus huic signo ponebam milia centum;
 Hortos egregiasque domos mercarier unus
 25 Cum lucro noram: unde frequentia Mercuriale
 Imposuere mihi cognomen compita. Novi,
 Et miror morbi purgatum te illius. Atqui
 Emovit veterem mire novus, ut solet, in cor

Platona] cuius libri pleni sunt Socraticae *ἐλκωρείας*, quam satiricus poeta aemulabatur. — *virtute relicta]* nihil iam scribendo. — *improba Siren]* quia blanda est et nocet. — *vita meliore]* non desidiosa. Placuerat enim Stoico severo hominum iudici Horatiana satira, qua homines castigari magnopere gaudebat. — *parasti]* laudem et assensum bonorum hominum.

V. 16. *Damasippe]* Licinius Damasippus ut statuarum amator hor-
 torumque emptor et venditor memoratur a Cicerone in epistolis. De
 Stoicorum barba vide ad Sat. I, 3, 133. Expectare potuit Damasippus:
 Di deaeque te donent omnibus bonis et optatis; pro quo lepide sub-
 stituitur *tonsore*. — *Ianum]* Iani dicebantur omnes arcus vel transitio-
 nes perviae; quales tres memorantur ad forum ex viis deducentes: sum-
 mus, medius, inus. Ad medium sedebant feneratorum et argentarii.
 Epist. I, 1, 54. Cic. de off. II, 25. — *Sisyphus]* Ridicula tum fuit mu-
 ltorum divitum hominum insania antiquissima vasa ingenti pretio colli-
 gendi; qui quam saepe deciperentur facile videbis. cf. Sat. I, 3, 91.
 Sisyphus Corinthius fuit; is igitur ex opinione credulorum hominum aere
 iam Corinthio utebatur. — *Mercuriale]* Sic optimi quique codices; alii
Mercuriali. Ergo hic quoque *Mercurialis* est; nova iterum cum Horatio
 se quodammodo comparandi ratio, quoniam poetae quoque Mercuriales
 viri. cf. Carm. II, 17, 29. *Mercuriales* collegium erant Romae merca-
 torum. cf. Liv. II, 27. — *novi]* Horatii sunt. De genitivo *morbi* cf. ad
 Carm. II, 9, 18. Zumpt. §. 446. — *atqui]* Haec Damasippo tribuantur
 necesse est. *Morbus* enim ab Horatio positus erat pro vitioso illo con-
 quirendarum coemendarumque rerum studio; quod vocabulum a Stoico
 iocose assumitur ad significandum suum novum studium aliorum homi-
 num res curandi priori vel maxime contrarium. Horatius per totum
 sermonem brevissimus haec dicere non potest nisi male servatis parti-

Traiecto lateris miseri capitisve dolore:

- 30 Ut lethargicus hic cum fit pugil et medicum urget.
 Dum ne quid simile huic, esto ut libet. O bone, ne te
 Frustrare: insanis et tu stultique prope omnes,
 Si quid Stertinius veri crepat, unde ego mira
 Descripsi docilis praecepta haec, tempore quo me
- 35 Solatus iussit sapientem pascere barbam
 Atque a Fabricio non tristem ponte reverti.
 Nam male re gesta cum vellem mittere operto
 Me capite in flumen, dexter stetit et, Cave faxis
 Te quidquam indignum: pudor, inquit, te malus angit,
- 40 Insanos qui inter vereare insanus haberi.
 Primum nam inquiram, quid sit furere: hoc si erit in te
 Solo, nil verbi pereas quin fortiter addam.
 Quem mala stultitia et quemcunque inscitia veri
 Caecum agit, insanum Chrysippi porticus et grex
- 45 Autumat. Haec populos, haec magnos formula reges
 Excepto sapiente tenet. Nunc accipe quare
 Desipiant omnes aequae ac tu, qui tibi nomen
 Insano posuere. Velut silvis, ubi passim
 Palantes error certo de tramite pellit,
- 50 Ille sinistrorsum hic dextrorsum abit, unus utrique
 Error, sed variis illudit partibus; hoc te
 Crede modo insanum, nihilo ut sapientior ille,
 Qui te deridet, caudam trahat. Est genus unum

bus. — *lethargicus hic*] qui ex lethargia expergefactus subito ad tantum vigorem rediit, ut ipsum medicum pugnis peteret. Nam „dum vitant stulti vitia, in contraria currunt.“ Sat. I, 2, 24. Quod cum diceret Stoicus, gestum imitabatur ferientis; inde iocose veritus Horatius: „dum ne quid simile huic, esto ut libet.“ Haec sola verba Horatii. — *frustrare*] „Noli tu tibi timere; ego enim non sum insanus, tu insanis et omnes prope insaniant.“ Iam adest quo voluit. — *Stertinius*] Epist. I, 12, 20, ubi *Acro*: „Stertinius philosophus, qui ducentos et viginti libros Stoicorum latine scripsit.“ — *Fabricio*] „Hic pons Fabricius dictus est a Fabricio consule conditore, qui nunc Lapideus appellatur, iunctus insulae Tiberinae.“ *Comm. Cruq.* — *cave*] De littera e vide Zumpt. gr. § 25. cf. Sat. II, 5, 75. Epist. I, 13, 19. de forma *faxis* ibid. §. 161. e.

V. 42. *quin*] nihil verbi addam i. e. nihil te impediam quin. cf. Sat. II, 2, 23. — *porticus*] *στοὰ ποικίλη* Athenis, in qua Zeno eumque qui secuti sunt docere solebant. cf. Epist. I, 4, 16. — *formula*] definitio, regula, *καὶ νόμος*. — *caudam trahat*] „Solent pueri petulantes ne-

- Stultitiae nihilum metuenda timentis, ut ignes,
 55 Ut rupes fluviosque in campo ob stare queratur;
 Alterum et huic varum et nihilo sapientius ignes
 Per medios fluviosque ruentis: clamet amica,
 Mater, honesta soror cum cognatis, pater, uxor:
 Hic fossa est ingens, hic rupes maxima; serva!
 60 Non magis audierit, quam Fufius ebrius olim,
 Cum Ilionam edormit, Catienis mille ducentis
 Mater, te appello, clamantibus. Huic ego vulgus
 Errori similem cunctum insanire docebo.
 Insanit veteres statuas Damasippus emendo:
 65 Integer est mentis Damasippi creditor. Esto.
 Accipe quod nunquam reddas mihi, si tibi dicam,
 Tune insanus eris si acceperis? an magis excors
 Reiecta praeda, quam praesens Mercurius fert?
 Scribe decem a Nerio; non est satis: adde Cicutae
 70 Nodosi tabulas centum, mille adde catenas;
 Effugiet tamen haec sceleratus vincula Proteus.
 Cum rapies in ius malis ridentem alienis,

scientibus a tergo caudam suspendere, ut velut pecus caudam trahant "*Porphyr.* Facere id solent potissimum fatuis hominibus. — *Est genus unum*] Contrarius est error hominum; nam dum alii vident timentque pericula quae nulla sunt, alii nihil omnino vident ruuntque per omnia etiam periculosissima. — *campo*] Martio. Carm. III, 1, 11. — *nihilum*] in prosa oratione substantivum est, apud poetas interdum adverbii vice fungitur. — *clamet*] etiamsi clamet. — *Fufius*] Pacuvius tragoediam scripserat nomine Ilionae, Priami filiae, Polymestoris Thracum regis uxoris. Quae cum filium Deiphilum pro fratre Polydoro, Polydorum pro filio educasset, Polymestor pater, qui Polydori opibus potiri vellet, excisa Troia filium Deiphilum pro Polydoro occidit. In hac igitur fabula Deiphili umbra ex inferis rediens matrem Ilionam dormientem de sepultura appellabat. Iam cum olim Fufius actor Ilionam ageret somnumque simulare deberet, factum est ut vino ebrius vere dormiret atque ab altero actore Catieno, Deiphilum agente, frustra appellaretur. Cic. Tusc. I, 44, 106. — *edormit*] vide Zumpt. gr. §. 160. adnot. Verbum autem proprium de crapulam edormientibus; iocose igitur dictum *Ilionam edormit* pro Ilionam dormit i. e. dormiendo imitatur et crapulam edormit. — *insanire*] Zumpt. gr. §. 384. — *insanit veteres*] ex alterius mente haec interposita, ut cogitando quasi supplendum sit: dicat aliquis. — *Mercurius*] *ἑρμῆς*, lucri dator.

V. 69. *scribe*] Creditorem alloquitur: etiamsi a debitore non unam sed decem syngraphas (*tabulas*) ad exemplum Nerii, famosi feneratoris, cautionum plenissimas scribendas curaveris, tamen cet. — *a Nerio*] vide ad Carm. II, 12, 7. — *Cicutae*] Perillius fenerator ob asperitatem et amaritudinem Cicuta nominatus; nodosus est, quia optime calluit nodos et formulas iuris. — *catenas*] cautiones. — *alienis malis*] Hom. Od.

- Fiet aper, modo avis, modo saxum et cum volet arbor.
 Si male rem gerere insani est, contra bene sani;
 75 Putidius multo cerebrum est, mihi crede, Perilli
 Dictantis, quod tu nunquam rescribere possis.
 Audire atque togam iubeo componere, quisquis
 Ambitione mala aut argenti pallet amore,
 Quisquis luxuria tristive superstitione
 80 Aut alio mentis morbo calet; huc propius me,
 Dum doceo insanire omnes, vos ordine adite.
 Danda est hellebori multo pars maxima avaris;
 Nescio an Anticyram ratio illis destinet omnem.
 Heredes Staberi summam incidere sepulcro,
 85 Ni sic fecissent, gladiatorum dare centum
 Damnati populo paria atque epulum arbitrio Arri,
 Frumenti quantum metit Africa. Sive ego prave
 Seu recte hoc volui, ne sis patruus mihi. Credo
 Hoc Staberi prudentem animum vidisse. Quid ergo
 90 Sensit, cum summam patrimoni insculpere saxo
 Heredes voluit? Quoad vixit, credidit ingens
 Pauperiem vitium et cavit nihil acrius, ut si
 Forte minus locuples uno quadrante perisset,

XX. 347 Est ita ridere tanquam malae essent non suae sed alienae, malis non parcere. — *fiet aper*] Hom. Od. IV, 455 sqq. — *dictantis*] „credentis; quia cum damus dicimus: scribe cautionem pro ea pecunia.“ *Comm. Cruq.* — *rescribere*] solvere. vide ad Carm. III, 29, 54. — *audire*] Iam relicta re Damasippi omnes mortales insanire ut demonstrat Stertinius se accingit, primum his quinque versibus cunctos comprehendens, deinde a versu 82 de avaritia dicturus — *togam componere*] plicas togae recte disponere; quod qui faciunt domum relicturi sunt et ituri quo negotiis vocantur. Iam cum omnes ad se vocet, iam nunc monet ut paratos se habeant; neminem intactum se relicturum. — *pallet*] quia quasi aeger est. Pers. IV, 47: „Viso si palles, improbe, nummo.“ — *hellebori*] Est veratrum nigrum, quod melampodium dicitur; de quo Plin. H. N. XXV, 5: „Nigrum medetur paralyticis, *insanientibus*, hydropicis cet.“ Epist. II, 2, 137. A. P. 300. Plin. l. 1: „Ibi (in insula Anticyra in sinu Maliaco sita) tutissime sumitur (veratrum), quoniam sesamoides admiscet.“ — *Staberi*] Staberius homo fuit avarus, qui tanfopere opibus suis delectabatur, ut heredes magno proposito damno quid quisque accepisset monumento inscribere iuberet. — *damnati*] testamento; sumptum ex formula in monumentis frequenti, veluti: Heres meus uxori meae dare *damnas* esto. — *Arri*] cf. v. 243. Q. Arrii filii luxuriosi patre mortuo splendidissimum epulum funebre paraverunt. Carpitur igitur alter fratrum. — *Sive ego prave*] Reprehensus sic dicere possit Staberius. — *quoad*] monosyllabum est. — *sapiensne*]

- Ipse videretur sibi nequior: omnis enim res,
 95 Virtus, fama, decus, divina humanaque pulchris
 Divitiis parent; quas qui construxerit, ille
 Clarus erit, fortis, iustus. Sapiensne? Etiam, et rex
 Et quidquid volet. Hoc, veluti virtute paratum,
 Speravit magnae laudi fore. Quid simile isti
 100 Graecus Aristippus, qui servos proicere aurum
 In media iussit Libya, quia tardius irent
 Propter onus segnes? Uter est insanior horum?
 Nil agit exemplum, litem quod lite resolvit.
 Si quis emat citharas, emptas comportet in unum,
 105 Nec studio citharae nec Musae deditus ulli;
 Si scalpra et formas non sutor, nautica vela
 Aversus mercaturis; delirus et amens
 Undique dicatur merito. Qui discrepat istis,
 Qui nummos aurumque recondit, nescius uti
 110 Compositis metuensque velut contingere sacrum?
 Si quis ad ingentem frumenti semper acervum
 Porrectus vigilet cum longo fuste, neque illinc
 Audeat esuriens dominus contingere granum,
 Ac potius foliis parvus vescatur amaris;
 115 Si positis intus Chii veterisque Falerni
 Mille cadis, nihil est, tercentum milibus, acre
 Potet acetum; age, si et stramentis incubet unde-
 Octoginta annos natus, cui stragula vestis,
 Blattarum ac tinearum epulae, putrescat in arca;
 120 Nimirum insanus paucis videatur, eo quod

Se ipsum interrogat Stoicus. cf. Cic. Parad. prooem. 3.: „Cato enim Stoice solet oratoris ornamentis adhibitis dicere.“ — *et rex*] Contrarium lege Sat. I, 3, 124 sq. Epist. I, 1, 106.

V. 103. *litem*] Se ipse corrigens contrariis exemplis rem dirimi posse negat; utendum esse talibus, quae iam de veritate nihil relinquunt dubitationis. Quare tria addit. — *scalpra*] *σμίλη*, culter sutorum. — *formas*] lignei sunt pedes quibus utuntur sutores; *χαλόνους*. — *aversus*] Carm. II, 4, 19. Quintil. VII, 1, 11: „defensionem aversior;“ *mercaturis* igitur tertius casus est. — *qui discrepat*] Sic optimi codices, et recte. cf. v. 260. 275. 311. Ex initio ipsius verbi *discrepare* facile accrescere potuit *d* littera, unde quod in aliis editionibus est *quid* factum videtur. — *sacrum*] Sat. I, 1, 71. — *nihil est*] quid dico? non satis est dixisse *mille cadis*, dicendum *tercentum milibus*. — *acetum*]

- Maxima pars hominum morbo iactatur eodem.
 Filius aut etiam haec libertus ut eibat heres,
 Dis inimice senex, custodis? Ne tibi desit?
 Quantulum enim summae curtabit quisque dierum,
 125 Ungere si caules oleo meliore caputque
 Coeperis impexa foedum porrigine? Quare,
 Si quidvis satis est, periuras, surripis, auferis
 Undique? Tun sanus? Populum si caedere saxis
 Incipias servosque tuos, quos aere pararis,
 130 Insanum te omnes pueri clamentque puellae:
 Cum laqueo uxorem interimis matremque veneno,
 Incolumi capite es? Quid enim? Neque tu hoc facis Argis,
 Nec ferro ut demens genitricem occidis Orestes.
 An tu reris eum occisa insanisse parente,
 135 Ac non ante malis dementem actum Furiis, quam
 In matris iugulo ferrum tepefecit acutum?
 Quin, ex quo est habitus male tutae mentis Orestes,
 Nil sane fecit quod tu reprehendere possis:
 Non Pyladen ferro violare aususve sororem
 140 Electram, tantum maledicit utrique vocando

mutatum vinum, vappam tam acrem ut acetum. — *tun sanus*] „Tu profecto sanus non es; quamquam bene scio populo eos solos insanos videri qui raris, non vulgaribus vitiis laborent; veluti si quis populum saxis caedat vel magno pretio emptos servos vulneret, eum omnes insanum habeant, verum si quis uxorem matremve laqueo vel veneno clam tollat, is quoniam in media urbe Roma veneficis referta vulgare facinus commisit neque apertam ut Orestes vim matri intulit, plurimis insanus non videbitur. cf. Epist. I, 1, 101. — *servosque tuos*] Sic omnes prope codices et veteres editiones. Sed „si semel, inquit Bentleyus, tuos dixeris, nihil attinet illa adiicere *quos aere pararis*, ut ne addam *servos tuos quos xaxoφωλίq* sua aures offendere et vulnerare.“ Itaque coniecit legendum esse *servosve, tuo quos*, ingeniose quidem sed falsis rationibus motus. Nam illa *quos aere pararis* causam habent, unde magna in servis vulnerandis insania intelligatur: quamquam, inquit, servos tuos magnos tibi pretio parasti, tamen nunc vulneras tibi: que ipse damnnum paras. De *xaxoφωλίq* vix dicendum erat. — *pueri*] vide ad Sat. I, 1, 85. — *clamentque*] De transposita particula *que* vide ad Carm. II, 7, 25; exemplis ibi collatis adde praeter hunc locum versus 157. 180. 182. 242. Sat. II, 7, 64.

V. 139. *Pyladen*] Orestis exemplum Stoicis usitatissimum; inde etiam apud Persium III, 118: „Non sani esse hominis non sanus iuret Orestes“. Ceterum ratio hic habita est Orestis Euripidei v. 264, quo Orestes Furiam appellat sororem (*μὴ οὐσα τῶν ἐμῶν Ἐφύρῳ*); Pyladi maledicentem Orestem non reperimus apud Euripidem, quare

- Hanc Furiam, hunc aliud, iussit quod splendida bilis.
 Pauper Opimius argenti positi intus et auri,
 Qui Veientanum festis potare diebus
 Campana solitus trulla vappamque profestis,
 145 Quondam lethargo grandi est oppressus, ut heres
 Iam circum loculos et claves laetus ovansque
 Curreret. Hunc medicus multum celer atque fidelis
 Excitat hoc pacto: mensam poni iubet atque
 Effundi saccos nummorum, accedere plures
 150 Ad numerandum; hominem sic erigit; addit et illud:
 Ni tua custodis, avidus iam haec auferet heres.
 Men vivo? Ut vivas igitur, vigila: hoc age. Quid vis?
 Deficient inopem venae te, ni cibus atque
 Ingens accedit stomacho fultura ruenti.
 155 Tu cessas? agedum, sume hoc ptisanarium oryzae.
 Quanti emptae? Parvo. Quanti ergo? Octussibus. Eheu!
 Quid refert, morbo an furtis pereamque rapinis? —
 Quisnam igitur sanus? Qui non stultus. Quid avarus?
 Stultus et insanus. Quid? si quis non sit avarus,
 160 Continuo sanus? Minime. Cur, Stoice? Dicam.
 Non est cardiacus — Craterum dixisse putato —
 Hic aeger: recte est igitur surgetque? Negabit,
 Quod latus aut renes morbo tententur acuto.
 Non est periorus neque sordidus; immolet aequis

latinae antiquae tragoediae locum significari suspicati sunt. — *pauper argenti*] Sat. I, 1, 79. Iam reiecta populi de insania opinione ad avarum Stertinius redit eumque eo profectum esse ostendit insaniae ut opes ipsa vita cariores habeat. (v. 142—159). — *Veientanum*] vile vinum. — *trulla*] qua vinum ex cratere in pocula infunditur. Campana vilis est. vide ad Sat. I, 6, 118. — *hoc age*] Verbum praeconis in sacris incipiendis ad excitandos hominum animos, ne aliarum rerum cogitatione distraherentur. — *quid vis*] Opimii sunt verba. — *inopem*] defectum viribus, prorsus exhaustum. — *ptisanarium*] sorbitio ex fervente aqua et oryza, saepius hordeo, facta. Oryzam ea aetate ex Aegypto ad usus medicorum apportabant. — *morbo*] morbi curatione; suas enim putat opes minores esse quam quibus possit curatio praestari, cum ptisanarium iam octo assibus constet. Dicit igitur medicum, a quo defensu sit a rapinis heredum, nunc se perdere pretiosus medicamentis. — *Craterum*] quo nobili medico usus iam erat Atticus. Cic. ad Att. XII, 14. — *tententur*] Sic antiquissimi codices, alii *tentantur*. Coniunctivus causam habet cur neget medicus; ex cuius animo melius haec profertur quam simpliciter adduntur a Stoico. Epist. I, 6, 28 idem prope

- 165 Hic porcum Laribus: verum ambitiosus et audax;
 Naviget Anticyram. Quid enim differt, barathrone
 Dones quidquid habes, an nunquam utare paratis?
 Servius Oppidius Canusi duo praedia, dives
 Antiquo censu, gnatis divisisse duobus
- 170 Fertur et hoc moriens pueris dixisse vocatis
 Ad lectum: Postquam te talos, Aule, nucesque
 Ferre sinu laxo, donare et ludere vidi,
 Te, Tiberi, numerare, cavis abscondere tristem;
 Extimui, ne vos ageret vesania discors,
- 175 Tu Nomentanum, tu ne sequerere Cicutam.
 Quare per divos oratus uterque Penates,
 Tu cave ne minuas, tu ne maius facias id,
 Quod satis esse putat pater et natura coercet.
 Praeterea ne vos titillet gloria, iure
- 180 Iurando obstringam ambo: uter aedilis fueritve
 Vestrum praetor, is intestabilis et sacer esto.
 In cicere atque faba bona tu perdasque lupinis,
 Latus ut in Circo spatiere aut aeneus ut stes,
 Nudus agris, nudus nummis, insane, paternis;
- 185 Scilicet ut plausus, quos fert Agrippa, feras tu,
 Astuta ingenuum vulpes imitata leonem.

versiculus legitur; ibi autem recte codices indicativum tuentur. — *aequis*] cf. Carm. II, 4, 16. III, 23, 4. — *barathrone*] largitionibus, quibus popularis aura captatur. Id qui facit non melius facultatibus suis utitur quam avarus qui intactas eas servat. Cur ita, exemplo Servii Oppidii probatur.

V. 172. *sinu laxo*] ex quo facile poterant excidere. Quod deinde positum est *ludere vidi*, intelligendum de iis ludis puerorum, quo res perdi poterant; hos vitio dat pater, non item reliquos. — *intestabilis*] Etsi proprium est de eo cui interdictum est iure testandi, testamenti faciendi vel testamento aliquid accipiendi; tamen saepe apud Tacitum et Plinium legitur pro *detestabilis*, *exsecrandus*. — *in cicere*] Significantur ludi aedilium, quibus cibaria distribuebantur plebi. — *aut aeneus*] Sic plurimi codices; ex paucis primus Bentleius et *aëneus*, ne aeneus *ἡρώδης* pronuntiandum esset. Quod quamquam sine exemplo est, praestat tamen unum hoc statuere quam necessariam *aut* particulam obliterare. Nam per quendam iocum *spatiari* et *stare* verba opposita sunt inter se. — *latus*] ut Epod. 4, 7. — *imitata leonem*] Ad hunc usque locum pergit Oppidii oratio ad filios. Qua absoluta Stoicus pergit in demonstranda ambitionis insania, et ut summos etiam homines eodem vitio laborare ostendat, summum et nobilissimum inter omnes reges Agamemnonem arcessit et explorat (v. 187—223). In quo loco noli

- Ne quis humasse velit Aiace[m], Atrida, vetas cur?
 Rex sum. Nil ultra quaero plebeius. Et aequam
 Rem imperito; ac si cui videor non iustus, inulto
 190 Dicere quod sentit permitto. Maxime regum,
 Di tibi dent capta classem reducere Troia.
 Ergo consulere et mox respondere licebit?
 Consule. Cur Ajax heros ab Achille secundus
 Putescit, toties servatis clarus Achivis,
 195 Gaudeat ut populus Priami Priamusque inhumato,
 Per quem tot iuvenes patrio caruere sepulcro?
 Mille ovium insanus morti dedit, inclitum Ulixen
 Et Menelaum una mecum se occidere clamans.
 Tu cum pro vitula statuis dulcem Aulide natam
 200 Ante aras spargisque mola caput, improbe, salsa,
 Rectum animi servas? Quorsum? Insanus quid enim Ajax
 Fecit, cum stravit ferro pecus? Abstinuit vim
 Uxore et gnato: mala multa precatus Atridis,
 Non ille aut Teucrum aut ipsum violavit Ulixen.
 205 Verum ego, ut haerentes adverso littore naves
 Eriperem, prudens placavi sanguine divos.
 Nempe tuo, furiose. Meo, sed non furiosus.
 Qui species alias veris scelerisque tumultu

credere, fingi ab Horatio colloquium inter Agamemnonem et gregarium militem; immo vero ipse Stertinius est qui alloquitur Agamemnonem et Stoicorum vivida disputandi ratione ex eiusdem sententia et persona sibi ipse respondet. Stoicum arcessere omnes vidimus v. 80 sq. — *di tibi dent*] cf. Hom. Il. I, 18. — *reducere*] De duplici littera *d* vide Zumpt. gr. §. 22. cf. Carm. II, 1, 28. — *ab Achille*] Hom. Il. II, 768. — *Priami*] Hom. Il. I, 255. — *mille ovium*] Genitivum intelligas, cum *mille* substantivum quoque nomen esse memineris; alia exempla non ita rara sunt: Cic. Mil. 20, 53. Corn. Nep. Dat. 8, 3. Agamemnonis hi duo versus sunt. — *rectum animi*] Zumpt. gr. §. 435. — *clamans*] minitans; consulto hoc verbum in fine versus positum, quo clarius eluceat discrimen inter Agamemnonis factum et Aiace. — *quorsum*] quorsum haec spectant, inquit Agamemno. — *uxore*] Tecmessa; filius fuit Eurysaces. — *ipsum Ulixen*] cui vel maxime irascetur.

V. 205. *adverso littore*] est Troiae e regione situm. Agamemnonem refellens v. 208 Stertinius paulatim ad generalem disputationem relabitur; colloquio quidem finito insania tamen Agamemnonis usque ad finem totius loci v. 223 lepida ἀντιθέται filiae et agnae festive describitur. — *species alias*] Species sunt cogitationes et opiniones animo conceptae. Cic. Acad. I, 8: „Hanc illi ἰδέαν appellabant iam a Platone ita nominatam: nos recte speciem possumus dicere.“ Insequens vocabulum

- Permixtas capiet, commotus habebitur; atque
 210 Stultitiane erret, nihilum distabit, an ira:
 Ajax cum immeritos occidit, desipit, agnos;
 Cum prudens scelus ob titulos admittis inanes,
 Stas animo et purum est vitio tibi cum tumidum est cor?
 Si quis lectica nitidam gestare amet agnam,
 215 Huic vestem ut gnatae, paret ancillas, paret aurum,
 Rufam et Pusillam appellet fortique marito
 Destinet uxorem; interdicto huic omne adimat ius
 Praetor et ad sanos abeat tutela propinquos.
 Quid? si quis gnatam pro muta devovet agna,
 220 Integer est animi? Ne dixeris. Ergo ubi prava
 Stultitia, hic summa est insania; qui sceleratus,
 Et furiosus erit; quem cepit vitrea fama,
 Hunc circumtonuit gaudens Bellona cruentis.
 Nunc age luxuriam et Nomentanum arripe mecum:
 225 Vincet enim stultos ratio insanire nepotes.
 Hic simul accepit patrimoni mille talenta,
 Edicit, piscator uti, pomarius, auceps,
 Unguentarius ac Tusci turba impia vici,
 Cum scurris fartor, cum Velabro omne macellum

veris sumptum est ex tribus antiquissimis codicibus; reliqui prope omnes *veri*, pauci *vero*. Qui *veri* legunt, iis necessitas omnino imposita est coniungendi verba *veri* *scelerisque tumultu*; quo facto rectam explicationem specierum *aliarum* invenire non possunt, cum *alius* neque sit *inter se diversus* neque *alienus* (fremde Gebilde Kirchner) neque quidquam efficias si addere velis *atque eas quae hominibus esse solent*. *Veris* ablativus est, de quo vide Zumpt. gr. §. 470. — *commotus*] mente captus; movetur animus libidinibus et perturbatur. cf. v. 278. — *stas animo*] bene ponitur contra illud *commotus habebitur*. — *cor*] sedes affectionum et cupiditatum, ut Carm. I, 23, 8. A. P. 98. Hom. II. IX, 646. — *Rufam et Pusillam*] Cum non propria nomina haec sint sed blanda et *ὑποκοριστικά*, et particulam ex auctoritate antiquissimorum codicum alteri *aut* praeferebam duxi. — *vitrea fama*] vide ad Carm. I, 17, 20. — *Bellona*] Tibull. I, 6, 45: „Haec ubi Bellonae motu est agitata, nec acrem Flammam, non amens verbera torta timet. Ipsa bipenne suos caedit violenta lacertos Sanguineque effuso spargit inulta deam.“ Significantur fanatici ex aede Bellonae.

V. 224. Iam tertium genus insanorum arcessitur. cf. v. 79. — *vincet ratio*] Sat. I, 3, 115. coll. infra 250. — *edicii*] tanquam praetor per praecone[m] vel tabula publice posita. — *Tusci vici*] ubi lenones habitabant, — *fartor*] qui aves saginat, *δρεγορόφος*. Alii botularium intelligere malunt. Cicer. de off. I, 42. — *Velabro*] „locus Romae, ubi prostabant omnia quae ad victus rationem et delicias pertinebant.“

- 230 Mane domum veniant. Quid tum? Venere frequentes.
 Verba facit leno: Quidquid mihi, quidquid et horum
 Cuique domi est, id crede tuum et vel nunc pete vel cras.
 Accipe, quid contra iuvenis responderit aequus:
 In nive Lucana dormis ocreatus, ut aprum
- 235 Coenem ego: tu pisces hiberno ex aequore verris.
 Segnis ego indignus qui tantum possideam: aufer!
 Sume tibi decies; tibi tantundem; tibi triplex,
 Unde uxor media currit de nocte vocata.
 Filius Aesopi detractam ex aure Metellae,
- 240 Scilicet ut decies solidum exsorberet, aceto
 Diluit insignem bacam: qui sanior ac si
 Illud idem in rapidum flumen iaceretve cloacam?
 Quinti progenies Arri, par nobile fratrum,
 Nequitia et nugis pravorum et amore gemellum,
- 245 Lusciniis soliti impenso prandere coemptas,
 Quorsum abeant? Sani ut creta an carbone notati?
 Aedificare casas, plostello adiungere mures,

Comm. Cruq. — *macellum*] ubi caro, pisces, obsonia vendebantur. *Epist.* I, 15, 31. — *leno*] „Apud luxuriosum leno primum loquitur tanquam patronus omnium nebulonum.“ *Comm. Cruq.* — *pisces verris*] everriculo. — *segnis*] acerbissime dictum ut supra v. 233 *aequus*. — *decies*] vide Zumpt. gr. § 873. — *Aesopi*] tragici actoris et Ciceronis amici. — *Metellae*] Caecilia Metella, uxor P. Cornelii Lentuli Spintheris, repudiata ab eo a. u. c. 709. — *solidum*] integrum summam decies sestertium (82214 flor. Rhen.). *Plin. H. N.* IX, 35 ubi Cleopatram detractum ex altera auricula unionem aceto dilutum absorbuisset et sic uno haustu decies sestertium consumpsisse narravit, „prior, addit, id fecerat Romae in unionibus magnae taxationis Clodius tragoedi Aesopi filius, relictus ab eo in amplis opibus heres.“ — *Arri*] vide supra v. 86. — *pravorum et*] vide ad *Carm.* I, 2, 9. — *lusciniis*] *Plin. H. N.* X, 29: „Servorum illis (lusciniis) pretia sunt et quidem ampliora quam quibus olim armigeri parabantur. Scio sestertiis sex candidam alioquin, quod est prope inusitatum, venisse, quae Agrippinae, Claudii principis coniungi, dono daretur.“ Ceterum pronuntia tribus syllabis. vide ad *Carm.* III, 4, 41. — *prandere*] Sic prandere non ponitur contra coenam, sed videtur generale vocabulum esse de quovis epulo *Epist.* I, 17, 13 *A. P.* 340 — *sani ut*] Scribendum putavi *sani ut creta an carbone notati?* auctoritate motus quattuor antiquissimorum codicum Cruqii, duorum Orellii, aliquot Bentley et quattuor Pulmanni. De particula *ut* Gesnero quoque probata dubitari nequit. cf. *Sat.* I, 3, 89. *Ovid. Am.* III, 11, 12: „Excubui clausam *servus ut* ante domum.“ Deinde *notati* quoque participium recte se habere videtur, dummodo alteram interrogationem quam proxime cum superiore coniungas: quorsum abeant, postquam utra ratione, creta ut sani an carbone, notati sunt? Et bene iam Bentleyus: „non abeunt ablegati ad insanos, *notandi* carbone; sed iam tum

Ludere par impar, equitare in arundine longa
Si quem delectet barbatum, amentia verset.

- 250 Si puerilius his ratio esse evincet amare,
Nec quidquam differre, utrumne in pulvere, trimus
Quale prius, ludas opus, an meretricis amore
Sollicitus plores; quaero, faciasne quod olim
Mutatus Polemo, ponas insignia morbi,
255 Fasciolas, cubital, focalia, potus ut ille
Dicitur ex collo furtim carpsisse coronas,
Postquam est impransi correptus voce magistri?
Porrigis irato puero cum pomâ, recusat:
Sume, catelle; negat: si non des, optat: amator
260 Exclusus qui distat, agit ubi secum, eat an non,
Quo rediturus erat non arcessitus, et haeret
Invisis foribus? Ne nunc, cum me vocat ultro,
Accedam? an potius mediter finire dolores?
Excluit; revocat: redeam? Non, si obsecret. Ecce
265 Servus non paulo sapientior: O here, quae res
Nec modum habet neque consilium, ratione modoque
Tractari non vult. In amore haec sunt mala, bellum,

notati illuc deportantur. — *aedificare*] Luxuriosis etiam adnumerandi sunt qui amore meretricum uruntur; de horum insania disputatur vv. 247 — 280.

V. 252. *ludas opus*] opus serium ludendo imiteris. — *Polemo*] „Iuvenis fuit Atheniensis perditae luxuriae. Is cum ebrius incederet per urbem, fertur audisse e propinquo Xenocratis vocem disputantis, deinde introisse coronatus et unguentatus ad eum deridendum. Senex autem perseveravit et invecus in luxuriam coegit Polemonem poenitere sui et coronas abiicere: qui postea tantus in philosophia (Academica) exstitit, ut dignus existimatus sit qui Xenocrati succederet.“ *Comm. Cruq.* — *fasciolas*] „fasciolarum ornamenta quaedam sunt brachiorum, pedum, articularum vel vittae; *cubital* pulvillus qui cubito coenantis supponi solebat; *focalia* collaria ad fovendum collum et fauces.“ *Idem.* — *impransi*] sobrii. Sat. II, 2, 7. — *catelle*] blanda allocutio. — *qui distat*] cf. v. 108. — *Ne nunc*] Totus locus sumptus est ex Terentii Eunuchio I, 1, 1: „Quid igitur faciam? non eam? ne nunc quidem, Cum arcessor ultro? an potius ita me comparem, Non perpeti meretricum contumelias? Excluit, revocat. Redeam? non, si me obsecret.“ Haec ibi Phaedria; cui servus Parmeno v. 12: „Here, quae res in se neque consilium neque modum Habet ullum, cum consilio regere non potes. In amore haec omnia insunt vitia, iniuriarum, Suspicionum, inimicitiarum, induciae, Bellum, par rursum; incerta haec si tu postules Ratione certa facere, nihilo plus agas, Quam si des operam ut cum ratione insanias.“ Ceterum ne nunc positum vides pro ne nunc quidem; cuius rei quae apud bonos pedestris orationis scriptores inveniuntur exempla dubia

- Pax rursum: haec si quis tempestatis prope ritu
 Mobilia et caeca fluitantia sorte laboret
 270 Reddere certa sibi; nihilo plus explicet ac si
 Insanire paret certa ratione modoque.
 Quid? cum Picenis excerpens semina pomis
 Gaudes, si cameram percusti forte, penes te es?
 Quid? cum balba feris annoso verba palato,
 275 Aedificante casas qui sanior? Adde cruorem
 Stultitiae atque ignem gladio scrutare modo, inquam.
 Hellade percussa Marius cum praecipitat se,
 Cerritus fuit? an commotae crimine mentis
 Absolves hominem et sceleris damnabis eundem,
 280 Ex more imponens cognata vocabula rebus?
 Libertinus erat, qui circum compita siccus
 Lautis mane senex manibus currebat et, Unum, —
 Quid tam magnum? addens — unum me surpite morti;
 Dis etenim facile est, orabat, sanus utrisque
 285 Auribus atque oculis; mentem nisi litigiosus
 Exciperet dominus, cum venderet. Hoc quoque vulgus
 Chrysippus ponit fecunda in gente Meneni.
 Iuppiter, ingentes qui das adimisque dolores,
 Mater ait pueri menses iam quinque cubantis,
 290 Frigida si puerum quartana reliquerit, illo
 Mane die, quo tu indicis ieiunia, nudus
 In Tiberi stabit. Casus medicusve levarit

sunt. — *Picenis*] Sat. II, 4, 70. — *gaudes*] quia faustum inde amoris augurium capis. Est lusus amantium. — *feris*] quia a palato verba repercutiuntur. — *ignem gladio scrutare*] Imago Pythagorica *πῦρ μάχατος μὴ σκαλεῖν*. Est insanos tumultus mentis concitare — *Hellade*] puellae nomen est. — *cognata vocabula*] non multum diversa; scelus enim ab insania non multum distat ex Stoicorum doctrina.

V. 280. Transit ad quartum genus insanorum (v. 280—295); vide supra v. 79. Duo superstitionis exempla inter se contraria ponuntur, unum libertini (281—287), alterum insane matris (288—294). — *circum compita*] ubi Lares Praestites positi erant. — *litigiosus*] Digest. XXI, 1, 1: „Aiunt Aediles: Qui mancipia vendunt, certiores faciant emptores quid morbi vitiiue cuique sit, quis fugitivus errove sit noxaeve solutus non sit, eaque omnia, cum ea mancipia veneunt, palam recte pronuntiant.“ — *Meneni*] „Menenius fuit illis temporibus insanus. Unde Meneniae stultitiae vel ineptiae.“ *Porphyr.* — *cubantis*] vide ad Sat. I, 9, 18. — *ieiunia*] die Iovis, quo die Iudaei cibo abstinerunt. Vide

- Aegrum ex praecipiti, mater delira necabit
 In gelida fixum ripa febrimque reducet.
- 295 Quone malo mentem concussa? Timore deorum.
 Haec mihi Stertinius, sapientum octavus, amico
 Arma dedit, posthac ne compellarer inultus.
 Dixit insanum qui me, totidem audiet atque
 Respicere ignoto discet pendentia tergo.
- 300 Stoice, post damnum sic vendas omnia pluris,
 Qua me stultitia, quoniam non est genus unum,
 Insanire putas? ego nam videor mihi sanus.
 Quid? caput abscissum manibus cum portat Agave
 Gnati infelicis, sibi tum furiosa videtur?
- 305 Stultum me fateor, liceat concedere veris,
 Atque etiam insanum; tantum hoc edissere, quo me
 Aegrotare putes animi vitio. Accipe: primum
 Aedificas, hoc est, longos imitaris ab imo
 Ad summum totus moduli bipedalis, et idem
- 310 Corpore maiorem rides Turbonis in armis
 Spiritum et incessum: qui ridiculus minus illo?
 An quodcunque facit Maecenas, te quoque verum est
 Tantum dissimilem et tanto certare minorem?
 Absentis ranae pullis vituli pede pressis
- 315 Unus ubi effugit, matri denarrat, ut ingens
 Belua cognatos eliserit: illa rogare,
 Quantane? Num tantum, sufflans se, magna fuisset?

ad Sat. I, 4, 143. — *pendentia tergo*] Referunt interpretes haec ad Aesopicam fabulam ap. Phaedr IV, 10: „Peras imposuit Iuppiter nobis duas: Propriis repletam vitiis post tergum dedit, Alienis ante pectus suspendit gravem.“ Quid tamen prohibet quominus de caudam trahentibus (v. 53) dictum putemus?

V. 300. Ut redeat sermo unde exiit, interrogat Horatius Stoicum, qua se dicat insanire insania. De particula *sic* vide ad Carm. I, 3, 1. — *post damnum*] cf. supra v. 18 sq. — *pluris*] Gloriatu erat Damasippus v. 24 se unum cum lucro scivisse aedes vendere; quare maius etiam lucrum nunc ei optat Horatius. — *quid*] Quid, inquit Damasippus, mirum quod tu sanum te putas? Nonne idem etiam Agave? De qua lege Ovid. Met. III. 725. — *aedificas*] in Sabino nuper accepto. Liv. VI, 11, 9: „Et erat aeris alieni magna vis, re damnosissima etiam divitiis, aedificando contracta.“ Cic. de off. I, 39, 139. Notanda etiam Lacedaemoniorum imprecatio: *οἰχοδομά σε λάβοι*. — *bipedalis*] cf. Epist. I, 20, 24. — *Turbo*] „gladiator fuit exiguo corpore sed animosus pugna.“ Porphy. — *tantum dissimilem*] vide ad Sat. I, 8, 17. —

- Maior dimidio. Num tantum? Cum magis atque
 Se magis inflaret, Non, si te rupëris, inquit,
 320 Par eris. Haec a te non multum abludit imago.
 Adde poëmata nunc, hoc est, oleum adde camino;
 Quae si quis sanus facit, et sanus facies tu.
 Non dico horrendam rabiem. Iam desine. Cultum
 Maiorem censu. Teneas, Damasippe, tuis te.
 325 Mille puellarum, puerorum mille furores.
 O maior tandem parcas, insane, minori!

Satira IV.

Unde et quo Catius? Non est mihi tempus aventi
 Ponere signa novis praeceptis, qualia vincunt

maior dimidio] Sic respondet pullus, cui obstupefacto et imperito rectum de magnitudine vituli iudicium non est. Fabula apud Phaedrum est I, 24. — *Quae si quis*] cf. A. P. 296 sq. Sat. II, 7, 117. — *rabiem*] Epist. I, 20, 25. — *insane*] Egregius hic versiculus, qui dum magnam laudem parat uno vocabulo in salsissimam irrisionem subito cadit.

Satira IV.

De hac satira haud dubie post secundam scripta — vides enim Sat. II, 2, 52 sq. huic quasi viam muniri — verissime olim disputavit Wüllner (progr. schol. Düsseldorf. 1833). Etenim „verum, inquit, poetae in hac satira scribenda consilium discendum est primum ex ipso argumento quod cernitur in compluribus praeceptis laute et delicate vivendi (vv. 12—87). Secundum est quod in his praeceptis, quae maximam partem vulgaria sunt ac trita sed ut nova exhibentur, nonnulla communi veterum usui plane repugnant sive falsa sunt: utrumque quin studio quaesiverit Horatius nullo modo dubium est. Deinde Catius praecepta illa convivalia non ut a se cognita tradit, sed memoriter ea et quasi sine sensu decantat: unde initio carminis poeta eum cursu celerissimo praeterire cogitat, ut continuo singula litteris consignet priusquam ex animo suo quidquam exciderit. Quarto loco tenendum est verum auctorem sapienter dictorum sedulo occultari et arcana quadam magnitudine involutum esse tanquam alterum Tyanensem Apollonium. Porro facile vides non temere occultari nomen auctoris, sed hoc eo fieri consilio ut praecepta a Catio memorata cum nulla re alia comprobentur dignitate auctoris confirmata et ampliora esse videantur. Denique Catius nova sua praecepta talia esse praedicat, ut vincant „Pythagoran Anytique reum doctumque Platona“. Atque Horatius illa sub finem carminis ironice dicit praecepta vitae beatae, se quoque a magno illo magistro ea discere velle simulans: cum nemo sanus talia discere velit sed suum quisque sensum et palatum sequi debeat.“ Et deinde: „Ergo Horatius hac satira describit gastronomorum praecepta, quae pro novis

- Pythagoran Anytique reum doctumque Platona.
 Peccatum fateor, cum te sic tempore laevo
 5 Interpellarim; sed des veniam bonus oro.
 Quodsi interciderit tibi nunc aliquid, repetes mox,
 Sive est naturae hoc sive artis, mirus utroque.
 Quin id erat curae, quo pacto cuncta tenerem,
 Utpote res tenues tenui sermone peractas.
 10 Ede hominis nomen, simul et Romanus an hospes.
 Ipsa memor praecepta canam, celabitur auctor.
 Longa quibus facies ovis crit, illa memento,

et inauditis venditentur, pleraque vulgaria esse et omnibus nota, alia ex arbitrio et libidine singulorum hominum pendere et commenticia esse. Quare si quis in gustando princeps hodie inter lautas epulas edixisset pratenses fungos ceteris meliores esse et caulem in siccis agris natum suburbano dulciorem (cf. vv. 15 et 20) vel panem nigrum inter delicatissima cupedia numerandum esse, omnes harum rerum studiosos hoc ita verum esse continuo gustare quamvis reclamante palato. Et tamen hanc disciplinam tam vulgarem tamque arbitrariam sub eiusmodi hominibus veram artem beatae vitae dici tantaque diligentia doceri ac disci, quasi nihil rerum humanarum gravius aut difficilius sit.⁴ Catium autem sumpsit Horatius ex Ciceronis epistolis ad Fam. XV, 16; in qua epistola anno fere 708 scripta Catii Insubri, Epicurei philosophi, nupera mors memoratur. Idem saepius factum ab Horatio Trebatius Testa ostendit (Sat. II, 1). Et conferas Quintil. X, 1, 124: „In Epicureis levis quidem sed non iniucundus tamen auctor est Catius,“ quem quattuor libros de rerum natura et de summo bono scripsisse tradunt scholiastae ad h. l. Ignotum praeceptorum auctorem (v. 10. 89 sqq.) alii ipsum Horatium mira sui ipsius irrisione putant, alii non feliciter Maecenatem. Verum ut auctoris nomen concessum nobis non est explorare, nisi forte ab Horatio fictum auctorem credere praestat, ita in ipso carmine quis dubitat quin non pauca insint quae nostram rei culinariae antiquorum scientiam effugiant, perspecta autem si essent maiorem nobis crearent ex carmine delectationem. Scriptam esse hanc satiram alii a. 722 alii a. 724 opinantur, certis causis non innisi.

V. 2. *ponere signa*] idem est quod consignare litteris, eo fortasse discrimine, ut in ponendo signa simul insit notio firmitatis; id enim prohibitorius est Catius ne quid sibi excidat. — *vincunt*] Sic multi et antiqui codices; recte, cum nihil certius sit Catio. Coniunctivo *vincant*, quem ex paucis codd. alii receperunt, equidem futurum *vincent* ex antiquissimo Codice Cruquii et uno Pulmanni praeferrem — *Anytique reum*] cf. Plat. Apol. Socr. p. 23. E. — *tempore laevo*] Sat. II, 1, 18. — *sive artis*] „optima es memoria et naturali et artificiali.“ *Comm. Cruq.* Artem memoriae, ut dicit Quintil. XI, 2, 11, primus ostendisse dicitur Simonides. Qui arte memoriam studuerunt adiuvere ea quae essent tenenda fictis locis et imaginibus fixerunt; de quibus Quintil. XI, 2, 21: „Opus est ergo locis quae vel finguntur vel sumuntur, imaginibus vel simulacris quae utique fingenda sunt. Imagines notae sunt quibus ea quae ediscenda sunt notamus, ut, quomodo Cicero dicit, locis pro cera, simulacris pro litteris utamur.“ Ponit igitur Horatius Catium singula praecepta certis iam locis et imaginibus fixa tenere; quod qui-

Massica si coelo supponas vina sereno,
Nocturna, si quid crassi est, tenuabitur aura
Et decedet odor nervis inimicus; at illa
Integrum perdunt lino vitata saporem.

- 55 Surrentina vafer qui miscet faece Falerna
Vina, columbino limum bene colligit ovo,
Quatenus ima petit volvens aliena vitellus.
Tostis marcentem squillis recreabis et Afra
Potorem cochlea: nam lactuca innatat acri
60 Post vinum stomacho; perna magis ac magis hillis
Flagitat in morsus refici, quin omnia malit,
Quaecunque immundis fervent allata popinis.
Est operae pretium duplicis pernoscere iuris
Naturam. Simplex e dulci constat olivo,
65 Quod pingui miscere mero muriaque decebit,
Non alia quam qua Byzantia putuit orca.
Hoc ubi confusum sectis inferbuit herbis
Corycioque croco sparsum stetit, insuper addes

sint aetate. — *Massica*] Ab exemplo quo v. 49 usus est Catius ultro ad vinorum praecepta aufertur in iisque pergit usque ad v. 62. — *tenuabitur*] Plin. H. N. XIV, 27: „Campaniae vina nobilissima exposita sub dio in cadis verberari sole, luna, imbre, ventis aptissimum videtur.“ — *lino vitata*] vide ad Carm. I, 11, 6. — *Surrentina*] Plin. XIV, 8: „Ad tertiam palmam venire Surrentina convalescentibus maxime probata propter tenuitatem salubritatemque.“ Colum. XII, 30: „Si qua vina erunt duriora aut minus bona, sumito faecem vini boni et panes facito et in sole arefacito et coquito in igne, postea terito et pondo quadrantem amphoris singulis infricato et oblinito.“ Quod si factum esset, postea ovo columbino defaecandum erat vinum. Haec quoque praescripta omnibus nota. — *marcentem*] nimio potu torpentem; sic Tacit. Hist. III, 36 Vitellium „desidem et marcentem“ appellat. — *acri stomacho*] aestuanti Ceterum haec de lactuca doctrina contraria est Romanorum consuetudini. Martial. XIII, 14: „Claudere quae coenas lactuca solebat avorum, Dic mihi, cur nostras inchoat illa dapes?“ Virg. Moret. 76: „Grataque nobilium requies lactuca ciborum“ — *in morsus*] Sic scribendum ex auctoritate optimorum codicum et editionum antiquarum; qui morsus sint videbis ex Virg. Aen III, 394. Stomachus enim hominis qui nimis vino indulsit cibos (morsus) spernit; perna et hillis reficitur ad morsus. De nova potatione non videtur sermo esse. Quare non placet aliorum *immorsus*, quod idem esse aiunt quod *rellicatus*, *exercitatus*; vocabulum dubiae sane et auctoritatis et interpretationis.

V. 65. *muria*] liquamen praecipue thynnorum. Catius eam laudat quae paratur ex thynnis apud Byzantium captis — *orca*] vas fictile vel ligneum servandis salsamentis. — *hoc ubi*] Cum quibus rebus compositum sit ius simplex exposnerit, iam ea addit quae ut compositum ius paretur addantur necesse sit. — *herbis*] erucis, inulis, ut Sat. II, 8, 51.

Pressa Venafranae quod baca remisit olivae.

70 Picens cedunt pomis Tiburtia suco:

Nam facie praestant. Venucula convenit ollis,

Rectius Albanam fumo duraveris uvam.

Hanc ego cum malis, ego faecem primus et allec,

Primus et invenior piper album cum sale nigro

75 Incretum puris circumposuisse catillis.

Immane est vitium dare milia terna macello

Angustoque vagos pisces urgere catino.

Magna movet stomacho fastidia, seu puer unctis

Tractavit calicem manibus, dum furta ligurit,

80 Sive gravis veteri craterae limus adhaesit.

Vilibus in scopis, in mappis, in scobe quantus

Consistit sumptus? neglectis, flagitium ingens.

Ten lapides varios lutulenta radere palma

Et Tyrias dare circum illota toralia vestes,

— *Corycioque croco*] Plin. XXI, 6: „Prima nobilitas Cilicio (croco) et ibi in Coryco monte.“ — *stetit*] ut paulatim intepescat. — *Venafranae*] vide ad Carm. II, 6, 16. — *Picens*] Sat. II, 3, 272. cf. Carm. I, 7, 14. — *Venuculam*] uvam, de qua Plin. XIV, 2: „Veniculam (sic quoque scribitur) inter optime deflorescentes et ollis aptissimam Campani malunt circulam vocare, alii staculam.“ — *ego*] In iterato pronomine cernenda est gloriola hominis de rebus in hoc genere inventis. cf. Sat. II, 8, 51. De faece vide ibid. v. 9. — *piper album*] lenius nigro, contra sal niger salsissimus. — *incretum*] admixtum. — *macello*] vide ad Sat. II, 3, 229. — *angustoque catino*] Catinus quoque amplus sit oportet, cum tanta pecunia consumatur in pisces. Iam loquitur de externo mensae apparatus. — *unctis*] Sat. II, 2, 68. — *furta*] sic recte antiquissimi codices, alii *frusta*. — *veteri*] per se quidem ob vetustatem pretioso sed adhaerente limo deformato. cf. Sat. I, 3, 91. II, 3, 21.

V. 81. *vilibus in scopis*] Etiam minimis rebus magna adhibenda cura est, ne convivis fastidium exoriatum neglectis. — *scobe*] „Hic scobis et haec scobes dicitur rasura serrarum; sed hic pro omni purgamento domus ponitur.“ *Comm. Cruq.* — *quantus*] quam parvus. — *mappis*] vide ad Sat. II, 8, 63. — *lapides varios*] Epist. I, 10, 19; est pavimentum tessellatum, vermiculatum, sectile (Mosaikboden). — *toralia*] Becker. Gall. T. II. p. 149: „Die lecti tricliniaries waren niedrig, was man schon daraus schliessen kann, dass sämtliche Tische, welche sich hie und da gefunden haben, bedeutend niedriger sind, als die unsrigen. Uebrigens mochten sie von derselben Beschaffenheit sein, wie die cubiculares, d. h. mit Gurten und darauf liegendem Polster, über das prächtige, gewöhnlich purpurfarbige Decken gebreitet wurden. Natürlich fand man aber hier noch mehr Veranlassung, die reichste Pracht zu entfalten, und daher werden häufig nicht nur aerati, sondern argentei, testudinei genannt. Von den Decken, welche darüber gebreitet wurden, sind durchaus zu unterscheiden die toralia.“ p. 150: Es (die

- 85 Oblitum, quanto curam sumptumque minorem
 Haec habeant, tanto reprehendi iustius illis,
 Quae nisi divitibus nequeant contingere mensis?
 Docte Cati, per amicitiam divosque rogatus
 Ducere me auditum, perges quocunque, memento.
- 90 Nam quamvis referas memori mihi pectore cuncta,
 Non tamen interpret tantundem iuveris. Adde
 Vultum habitumque hominis, quem tu vidisse beatus
 Non magni pendis, quia contigit; at mihi cura
 Non mediocris inest, fontes ut adire remotos
- 95 Atque haurire queam vitae praecepta beatae.

Satira V.

Hoc quoque, Tiresia, praeter narrata petenti
 Responde, quibus amissas reparare queam res

toralia) sind Behänge, mit denen der lectus von dem torus an bis zum Fussboden bekleidet wird, proponuntur, und daher sagt auch Horaz circum Tyrias vestes (purpureum torum) dare illota toralia.“ cf. Epist. I, 5, 22. — *atque haurire*] festiva imitatio versus Lucretiani I, 926: „Invat integros accedere fontes Atque haurire.“

Satira V.

Cum Romanorum fortitudine ac felicitate aliae ex aliis terrae ac nationes Romano imperio subiicerentur immensisque quovis anno Romam comportatis divitiis multi ibi homines casu magis quam sua opera ditarentur, quid fuit mirum, cum mores luxuria bellorumque civilium licentia plane perditii essent paupertasque pro vitio haberetur, quod ii quibus neque militia neque patrimonio bona satis magna obvenissent alii aliam ingrediebantur viam, qua ad beatam quae videretur vitam fortunaeque fastigium pervenirent? Inde natum est genus hominum, quo vilius et abiectius vix potest ullum cogitari, qui pessimis artibus, dolo, scelere atque flagitio in testamenta locupletium irrepere iustosque heredes hereditate privare studerent. Neque vero defuit malis istis hominibus cupiditatis explendae occasio; adiuvit morum nefanda foeditas. Multos enim ea aetate, quos luxuria et libido a matrimoniis ineundis deterruerat, caelebs vita et senectus gratam praebeuit quasi praedam inhiantibus urdique hereditatis. Quos cum merito sale perfricat Horatius, mollissimo sane genere satirae utitur, scenam ipsam — nam satira tota dramatica est — ex sua aetate suaeque patria in antiquissima tempora ad Graecosque homines relegans. Ita enim rem finxit poeta, quasi Ulixes Tiresiam, vatem Thebanum, quocum in inferis convenisset (Hom. Od. XI, 90 sqq.), de futura vitae condicione quaque in Ithacam reversus amissa bona optime posset ratione recuperare, interrogare pergeret. Inde primo statim versu particula *quoque*, superioribus interro-

- Artibus atque modis. Quid rides? lamne doloso
 Non satis est Ithacam revehi patriosque penates
 5 Adspicere? O nulli quidquam mentite, vides ut
 Nudus inopsque domum redeam te vate neque illic
 Aut apotheca procis intacta est aut pecus: atqui
 Et genus et virtus nisi cum re vilior alga est.
 Quando pauperiem missis ambagibus horres,
 10 Accipe qua ratione queas ditescere. Turdus
 Sive aliud privum dabitur tibi, devolet illuc,
 Res ubi magna nitet domino sene; dulcia poma
 Et quosunque feret cultus tibi fundus honores,
 Ante Larem gustet venerabilior Lare dives;
 15 Qui quamvis periurus erit, sine gente, cruentus
 Sanguine fraterno, fugitivus, ne tamen illi
 Tu comes exterior, si postulet, ire recuses.
 Utne tegam spurco Damae latus? Haud ita Troiae

gationibus novam quasi annectens. Lepide factum est, quod Tiresias, antiquus vates, Graecus homo, per totum sermonem heroicis rebus vitam et consuetudinem Romanam admiscet exempla quae futura esse vaticinatur ex iis rebus sumpsit quae Romae facta omnibus lippis et tonsoribus nota erant. De satirae anno natali viri docti non consentiunt: versibus 62 sqq. alii annum 722, alii 724 vel 725, alii denique a. 734 significari arbitrantur; utut ea res se habet, hoc certum videtur, non licere satiram post pugnam Actiacam proferre.

V. 2. *amissas*] cf. Hom. Od. XI, 113—116. — *Quid rides*] Ulixis verba sunt; vates enim, dum ille interrogat de recuperandis rebus, risit. cf. Hom. Od. XIII, 287 sqq. Dolosus enim Ulixes, cui ante sufficere videretur si vel fumum ex patria terra ascendentem conspiceret (Hom. Od. I, 58), iam maiora exoptat. — *vilior alga*] Carm. III, 17, 10. Virg. Buc. 7, 42. — *missis ambagibus*] i. e. ut breviter dicam; nam quae Ulixes uberius exposuerat et quasi excusare tentaverat, ea duobus verbis complectitur Tiresias, *pauperiem horres*. — *turdus sive aliud*] Altera particula *sive* omissa est, ut Carm. I, 3, 16 ubi vide. *Privum* autem cum idem sit quod *proprium* (unde voc. *privilegium* factum) tu noli separare a verbo *dabitur*: si quid ita tibi dabitur, ut tibi habeas, in tuum unius usum convertas, tamen cet. — *honores*] Carm. I, 17, 16. — *ante Larem*] „Consuetudo fuit ut rerum primitiae dis Laribus ponerentur.“ *Porphyr.* cf. Epist. I, 1, 78. Monet ergo vates, ut senem divitem cariorem habeat se ipso venerabilioremque ipsis Laribus; cui rei tertium hoc adiungitur, ut eodem habeat honore quo nobilissimi amplissimique soleant haberi, etiamsi ille vel vilissimus fuerit servus vel sit sceleratissimus homo. — *comes exterior*] ad sinistrum latus hostili impetui magis oppositum incedere hominis est alterum suspicientis. Sic dicebant Romani *latus tegere* v. *claudere*. — *si postulet*] sc. te comitem.

V. 18. *utne*] vide Zumpt. gr. §. 609. — *Damae*] Servile nomen est, *Ἀμώδωρος*, *Ἀμᾶς*. Nomen autem positum pro toto genere, ut infra

- Me gessi certans semper melioribus. Ergo
 20 Pauper eris. Fortem hoc animum tolerare iubebo;
 Et quondam maiora tui. Tu protinus unde
 Divitias aerisque ruam dic augur acervos.
 Dixi equidem et dico: captes astutus ubique
 Testamenta senum, neu si vafer unus et alter
 25 Insidiatorem praeroso fugerit hamo,
 Aut spem deponas aut artem illusus omittas.
 Magna minorve foro si res certabitur olim,
 Vivet uter locuples sine gnatis, improbus, ultro
 Qui meliorem audax vocet in ius; illius esto
 30 Defensor; fama civem causaque priorem
 Sperne, domi si gnatus erit secundave coniux.
 Quinte puta aut Publi, — gaudent praenomine molles
 Auriculae — tibi me virtus tua fecit amicum:
 Ius anceps novi, causas defendere possum;
 35 Eripiet quivis oculos citius mihi, quam te
 Contemptum cassa nuce pauperet: haec mea cura est,
 Ne quid tu perdas neu sis iocus. Ire domum atque
 Pelliculam curare iube; si cognitor ipse;

v. 91. Quae Tiresias facienda praescribit, ea etiam Ulixi patientissimo et moderatissimo homini intolerabilia videntur; quare indignabundus in haec verba erumpit. Tiresias autem frigide respondet: ergo pauper eris. Quare cum una haec relicta sit via ratioque quae amiserit recuperandi, quid restat sapienti viro nisi ut hoc quoque multis quae iam peressus est malis forti animo addat? cf. Hom. Od. XX, 18. — *ruam*] Ruendi verbum apud poetas et eos scriptores qui poeticam orationem imitabantur activam naturam induebat; quod qua ratione fiat vide sis, apud Virgilium Aen. I, 35 et 85. XI, 211. Georg. II, 308. — *praeroso hamo*] „Metaphora a piscibus; quod apte subdit quia dixit *captes*. Praeroso hamo i. e. vorata esca, consumptis tuis et perditis muneribus.“ *Comm. Cruq.* — *certabitur*] Etsi vulgo et apud bonos scriptores dicatur certare de aliqua re vel pro aliqua re, tamen poetae brevitatis et gravitatis studio, quo molesta sane praepositio vitaretur, nihil dubitarunt usurpare *certare aliquid*; inde passiva quoque constructio verbi. cf. Sat. II, 1, 49. Ovid. Met. XIII, 713. Sil. Ital. XVII, 337: „Certatus nobis (Scipioni et Hannibali) hodie dominum accipit orbis“; a quo genere ne Livius quidem abstinuit XXV, 3. — *priorem*] Carm. III, 1, 12.

V. 32. *puta*] vide Zumpt. gr. §. 25. 1. a. — *molles auriculae*] quae facile offenduntur nisi permulcentur. — *ius anceps*] Sat. II, 2, 131. I, 9, 39. — *pauperet*] Verbum est Plautinum, gratum Horatio et gravitate et sono. cf. inimicare Carm. IV, 15, 20, alia id genus. — *cassa nuce*] ex proverbio. „Omnes MSS. habent *quassa*, vetere scriptura, sicuti nunquam offendi *quarere pro carere*.“ *Cruquius*. — *si cognitor*] „Co-

- Persta atque obdura, seu rubra canicula findet
 40 Infantes statuas, seu pingui tentus omaso
 Furius hibernas cana nive conspuet Alpes.
 Nonne vides, aliquis cubito stantem prope tangens
 Inquiet, ut patiens, ut amicis aptus, ut acer?
 Plures annabunt thunni et cetaria crescent.
 45 Si cui praeterea validus male filius in re
 Praeclara sublatus aletur, ne manifestum
 Caelibis obsequium nudet te, leniter in spem
 Arrepe officiosus, ut et scribare secundus
 Heres et si quis casus puerum egerit Orco,
 50 In vacuum venias: perraro haec alea fallit.
 Qui testamentum tradet tibi cunque legendum,
 Abnuere et tabulas a te removeere memento,
 Sic tamen ut limis rapias quid prima secundo
 Cera velit versu; solus multisne coheres,
 55 Veloci percurrere oculo. Plerumque recoctus

gnitor est qui defendit alterum in iudicio, si praesentis causam novit et sic tuetur ut suam.“ Pseudoascon. in Cic. Divin. §. 11. Diversus igitur a procuratore qui absentis causam agit. — *obdura seu*] Ut hereditatem captanti obdurandum esse et solis aestu et hiemis frigore praecipiat, singulari lepore tumidis quibusdam elocutionibus utitur M. Furium Bibaculum, turgidum illum Alpinum (Sat. I, 10, 36 ubi vide), egregia *παρωδία* irrisurus. Nam praeter versum 41, in quo salsissime Iovis partes ad ipsum Furium translatae sunt, veri simile est alia quoque ab eodem Furio petita esse; veluti *infantes* illae *statuae*, sive mutae (Epist. II, 2, 83) sunt sive recens factae, nescio quid habent inepti ac prope monstrosi ornatus, neque minus elucet malignius paulo consilium poetae ex verbis *pingui tentus omaso*. In quibus ego vero non negaverim inesse dilogiam quandam a corpore ad animum translata. Boni enim Bibaculi, qui „Bibaculus et erat et vocabatur“ (Plin. H. N. praef.) corpusculum fortasse non magis extentum erat vili, ut maligne addit Horatius, omaso quam animus ridiculis imaginibus repletus.

V. 44. *thunni*] Certum piscem in imaginem supra iam usurpatam intulit. Similiter Epist. I, 1, 79. — *sublatus*] Virg. Aen. IX, 203. Patres recens natos quos ali iubebant humi iacentes in genua tollebant; quos exponi, non tollebant. — *tabulas*] testamenti. — *prima cera*] „prima tabula, nam in primae tabulae secundo versu heredis nomen continetur.“ *Comm. Cruq.* — *plerumque*] Ea autem cautio necessaria est, ne ab astuto quodam homine decipiaris, ut Nasica a Corano. Festive vetera ut futura vaticinatur Tiresias. Ceterum vetat hoc adverbium ne quis Coranum scribam esse et Nasicam corvo indicari putet. Rei quae plerumque sit unum exemplum Nasicae additur. — *recoctus*] Quintil. XII, 6, 7: „Apollonio Moloni, quem Romae quoque audierat, Rhodi rursus formandum ac velut *recoquendum* dedit (se Cicero).“ Ex qua formae mutatione facilis transitus ad astutiam et calliditatem quam

Scriba ex quinqueviro corvum deludet hiantem,
Captatorque dabit risus Nasica Corano.

Num furis? an prudens ludis me obscura canendo?

O Laërtiade, quidquid dicam aut erit aut non:

60 Divinare etenim magnus mihi donat Apollo.

Quid tamen ista velit sibi fabula, si licet, ede.

Tempore, quo iuvenis Parthis horrendus, ab alto

Demissum genus Aenea, tellure marique

Magnus erit, forti nubet procera Corano

65 Filia Nasicae, metuentis reddere soldum.

Tum gener hoc faciet: tabulas socero dabit atque

Ut legat orabit; multum Nasica negatas

Accipiet tandem et tacitus leget, invenietque

Nil sibi legatum praeter plorare suisque.

70 Illud ad haec iubeo: mulier si forte dolosa

Libertusve senem delirum temperet, illis

Accedas socius; laudes, lauderis ut absens:

Adiuvet hoc quoque, sed vincit longe prius ipsum

Expugnare caput. Scribet mala carmina vecors:

in hoc loco inesse putamus. — *ex quinqueviro*] qui olim quinquevir fuisset; cogitatione supple *factus*. Cic. Acad. pr. II, 44, 136: „Neminem consulem, praetorem, imperatorem, nescio an ne quinquevirum quidem quemquam.“ Digest. L. I. Tit. 2. c. 2. §. 31: „Quia magistratibus vespertinis temporibus in publicum esse inconveniens erat, Quinqueviri constituti sunt cis Tiberim et uls Tiberim, qui possint pro magistratibus fungi.“

V. 58. *Num furis*] Ulixis verba sunt, qui quid alter velit non satis se intelligere fatetur. Inde uberius de Corano expositio. — *aut erit aut non*] Recte videtur pars interpretum dilogiam quandam iocosam vidisse, ut dubium sit, utrum sincere dicat: *aut erit aut non erit*, prout dixerit an voluerit *quidquid dicam eveniet aut non eveniet*, eadem omnino ratione qua sunt aliorum non divinatorum hominum dicta. Illud opinor voluit Tiresias, hoc Horatius, qui non nimiam fidem habuit vaticinationibus. — *iuvenis*] Octavianus. Carm. I, 2, 41. — *Corano*] Comicam vim huius narrationis magnopere adiuvari vides epica gravitate, quam poeta lepide imitatur epithetis *forti*, *procera*, *metuentis reddere soldum*. Coranus autem dives homo fuit; in cuius hereditatem ut irreperet Nasica, magno aere alieno obrutus, omni arte efficere studuit atque adeo seni filiam poscenti dare haudquaquam cunctatus est. Sed quid deinde factum? Nasica a Corano misere deceptus in testamento nihil invenit sibi relictum nisi luctum, non de mortuo genere sed de inani captatione. — *soldum*] sortem, summam argenti, quam mutuo acceperat fortasse etiam ab ipso Corano. — *illud ad haec*] haec de superioribus, *illud* de iis quae insequuntur. Tertium autem hoc est praescriptum (cf. v. 45). — *mulier*] libertina. — *venit enim*] Particula *enim* posita est ut a Graecis

- 75 Laudato. Scortator erit: cave te roget; ultro
 Penelopam facilis potiori trade. Putasne?
 Perduci poterit tam frugi tamque pudica,
 Quam nequiere proci recto depellere cursu?
 Venit enim magnum donandi parca iuventus,
 80 Nec tantum veneris quantum studiosa culinae:
 Sic tibi Penelope frugi est, quae si semel uno
 De sene gustarit tecum partita lucellum,
 Ut canis a corio nunquam absterrebitur uncto.
 Me sene quod dicam factum est: anus improba Thebis
 85 Ex testamento sic est elata: cadaver
 Unctum oleo largo nudis humeris tulit heres,
 Scilicet elabi si posset mortua; credo,
 Quod nimium institerat viventi. Cautus adito,
 Neu desis operae neve immoderatus abundes.
 90 Difficilem et morosum offendet garrulus; ultra
 Non etiam sileas. Davus sis comicus atque
 Stes capite obstipo, multum similis metuenti.
 Obsequio grassare; mone, si increbuit aura,
 Cautus uti velet carum caput; extrahe turba
 95 Oppositis humeris; aurem substringe loquaci.

in sermonibus saepissima γάρ; nam dum quae alter affirmavit conceditur, causa simul concedendi huius particulae ope adiungitur. locosa haec quoque παρῳδία Homeri Od. XVIII, 274—279. — *nec tantum*] vide ad Sat. I, 8, 17. — *ut canis*] sic Lucian. adv. Indoct, 25: „Οὐδὲ γάρ κύων ἀπαξ παύσαι· ἂν σκυτοτραγῆν μαδοῦσα.

V. 84. *Me sene*] Quod supra duobus verbis v. 47 (*leniter arrepe*) tetigerat, id nunc v. 84—98 amplius illustratur; scilicet magnam cautionem adhibendam esse in captandis conciliandisque hominibus, discendos esse mores, spectanda studia, laudandam voluntatem, ne male tractatus post vanam curam evadat piscis. — *improba*] astuta, quae cum viva captatorem effugere non potuisset periculum facere voluit, num mortuae felicius sibi eveniret. — *si posset*] Epist. I, 6, 41. I, 7, 39. I, 3, 30. Vide Zumpt. gr. §. 354 extr. — *ultra*] Sic plurimi et optimi codices; recte. Modus enim, ultra quem vetat ne colloquendi studium excedat, constituitur praemissa generali sententia: ultra quam ne garrulus habearis et offendas. Alii *ultro*. — *Davus*] Davum ex comoedia ludere, inclinato capite stare timideque loqui te decet. Theogn. 535 sq. „Οὐ ποτε δουλείη περὶ αὐτὴν ἰδέα πέφυκεν Ἀλλ' αἰεὶ σχολὴ καὶ χεῖρα λοῦσόν ἔχει.“ — *grassare*] ago, ut Liv. III, 44. X, 14. Sall. Iug. 68. Frequentissimum hac significatione verbum apud Tacitum. — *increbuit*] Cic. Fam. VII, 20: „ventus increbrescit“. Virg. Georg. I, 359. — *aurem substringe*] coerce, cohibe. Iam cum *loquaci* dativus sit quem commodi appellamus, sententia plana est: aurem nemini praebeas nisi

- Importunus amat laudari: donec Ohe iam!
 Ad coelum manibus sublatis dixerit, urge et
 Crescentem tumidis infla sermonibus utrem.
 Cum te servitio longo curaque levarit
 100 Et certum vigilans, Quartae esto partis Ulixes,
 Audieris, heres: Ergo nunc Dama sodalis
 Nusquam est? unde mihi tam fortem tamque fidelem?
 Sparge subinde et, si paulum potes, illacrimare; est
 Gaudia prodentem vultum celare. Sepulcrum
 105 Permissum arbitrio sine sordibus exstrue: funus
 Egregie factum laudet vicinia. Si quis
 Forte coheredum senior male tussiet, huic tu
 Dic, ex parte tua seu fundi sive domus sit
 Emptor, gaudentem nummo te addicere. Sed me
 110 Imperiosa trahit Proserpina: vive valeque.

Satira VI.

Hoc erat in votis: modus agri non ita magnus,
 Hortus ubi et tecto vicinus iugis aquae fons

huic, si loquax est. Comparari possunt hi loci: Tacit. Germ. 38: „Criminem nodo substringere.“ Suet. Galb. 21: „Carnem fascia substringere.“ Quintil. X, 5, 4: „Omissa supplere, effusa substringere.“ — *sublatis manibus*] impatientiae signum. Cic. Acad. II, 19: „Hortensius autem vehementer admirans, quod quidem perpetuo Lucullo loquente fecerat, ut etiam manus saepe tolleret.“ — *cura levarit*] si mortuus est. — *certum vigilans*] ne forte fallaris. — *unde mihi*] sc. petam. Sat. II, 7, 116. — *sparge*] passim inter legendum insere, clama. — *nummo addicere*] ficta venditione donare. Cic. pro Rab. Post. 17: „Equis est ex tanto populo, qui bona C. Rabirii Postumi nummo sestertio sibi addici velit?“ — *imperiosa*] ἐπαινή. Satis lepide subito abruptum sermonem Tiresias nihil gratiae expectans ab Ulixē, qui qua fuit probitate et iustitia haud dubie paupertatem praeferret divitiis improbitate ac scelere parandis. — *vive valeque*] Epist. I, 6, 67. I, 7, 3.

Satira VI.

Consilium quod in Sat. I, 9 inesse vidimus hoc quoque poemate secutum esse Horatium manifestum est. Nam quis dubitat quin multi semper fuerint homines, qui falsum sibi de amicitiae qua Horatius cum Maecenate coniunctus vixit vinculo deque Horatii studiis consiliisque fingerent iudicium? Nae isti homines non potuerunt sibi persuadere, eum qui summi prope in republica viri familiaritate uteretur alienissimo esse a publicis negotiis animo, remotissimo a comparandis sibi ma-

- Et paulum silvae super his foret. Auctius atque
 Di melius facere. Bene est: nihil amplius oro,
 5 Maia nate, nisi ut propria haec mihi munera faxis.
 Si neque maiorem feci ratione mala rem,
 Nec sum facturus vitio culpave minorem;
 Si veneror stultus nihil horum: O si angulus ille
 Proximus accedat, qui nunc denormat agellum!
 10 O si urnam argenti fors quae mihi monstret, ut illi,

ioribus bonis, continentissimo in fruendis modicis quas haberet opibus. Quae prava harum rerum existimatio cum radices quasi ageret in iniqua plerorumque hominum de veris gaudiis veraque felicitate sententia, tenerrima qua fieri potuit ratione Horatius quibus finibus circumscripta essent sua vota, quo modo viveret cum Maecenate, quibus denique rebus vita vere beata compararetur docere studuit. Inde exorta est rusticae vitae suavis laudatio, urbanarum molestiarum lenis reprehensio, consuetudinis suae cum Maecenate iocosa quaedam contractio. Poema autem ita comparatum est, ut remotum ab acerbitate hominumque salsa irrisione proximum sit dulcedini ac lenitati epistolarum, ut egregia frugalitatis laude, vero ex mediocribus rebus percepto gaudio, aperta ac non simulata pravae ambitionis despicientia facillimam et planissimam viam nobis muniat ad recte aestimandam amabilem Horatii naturam, qua omnes qui primos tantum versus legerint statim capiantur necesse est. Scriptum autem poema est exeunte anno 723. Tum enim curiosi homines quaerere potuerunt de Dacis (v. 53), qui Antonio quem adiuverant Actiaca pugna devicto motus ciebant, ut insequenti anno M. Crassus contra eos mitteretur; tum etiam frequens inter cives sermo erat de distributione agrorum, qua periculosam veteranorum militum in Italia seditionem ex Asia advolans Octavianus media inter annos 723 — 724 hieme sedavit (v. 55); tum denique negotiosi homines Horatium rogare potuerunt, ut tabellas suas anulo Octaviani a Maecenate obsignandas curaret (v. 38). Maecenati enim Octavianus ad bellum proficiscens anulum signatorium sphingis imagine insignitum commiserat, ut unus Italicis rebus praeesset; cui exeunte demum anno 723 socius additus est Agrippa. Restat ut moneam ne quis eodem anno Sabinam villam Horatio datam esse credat; immo vero desiderium ruris, grata rusticationis descriptio, rusticae vitae consuetudo firmissime evincunt, paucos certe annos Horatium iam habuisse suum praedium.

V. 1. *votis*] Raro apud bonos scriptores pedestris orationis vota dicuntur pro optatis, saepe apud poetas eosque qui secuti sunt scriptores. cf. v. 59. Epist. I, 11, 5. I, 14, 41. I, 2, 56. Sat. I, 1, 22. Carm. IV, 13, 1. C. S. 71. Epod. 7, 9. 17, 62. — *iugis aquae*] Sic coniunge; ut Epist. I, 15, 16. — *super his*] In prosa melius dicitur *super haec*. Vide Zumpt. gr. §. 320. Ceterum cf. Carm. II, 18, 11 sq. III, 16, 29 sq. Epod. 1, 31. — *Maia nate*] Invocat Mercurium *ἡγεμόν*. cf. Sat. II, 3, 68. Matris autem nomen in precibus blandum est. — *si neque cet*] Frequens in precibus particula *si* ad indicandam modestiam infirmo generi humano iustam et ad vindicandam aliquid a diis precandi aequitatem. Quare quae dubitanter dicuntur ea quidem habent causam spei fore ut dii faciant quae precibus expetantur Horatii autem causa triplex est; inde ter particula *si* posita, quam apodosi excipit versu 13. — *veneror*] vide ad C. S. 49. Sat. II, 2, 124. — *Hercule*]

Massica si coelo supponas vina sereno,
Nocturna, si quid crassi est, tenuabitur aura
Et decedet odor nervis inimicus; at illa
Integrum perdunt lino vitata saporem.

- 55 Surrentina vafer qui miscet faece Falerna
Vina, columbino limum bene colligit ovo,
Quatenus ima petit volvens aliena vitellus.
Tostis marcentem squillis recreabis et Afra
Potorem cochlea: nam lactuca innatat acri
60 Post vinum stomacho; perna magis ac magis hillis
Flagitat in morsus refici, quin omnia malit,
Quaecunque immundis fervent allata popinis.
Est operae pretium duplicis pernoscere iuris
Naturam. Simplex e dulci constat olivo,
65 Quod pingui miscere mero muriaque decebit,
Non alia quam qua Byzantia putuit orca.
Hoc ubi confusum sectis inferbuit herbis
Corycioque croco sparsum stetit, insuper addes

sint aetate. — *Massica*] Ab exemplo quo v. 49 usus est Catius ultro ad vinorum praecepta anfertur in iisque pergit usque ad v. 62. — *tenuabitur*] Plin. H. N. XIV, 27: „Campaniae vina nobilissima exposita sub dio in cadis verberari sole, luna, imbre, ventis aptissimum videtur.“ — *lino vitata*] vide ad Carm. I, 11, 6. — *Surrentina*] Plin. XIV, 8: „Ad tertiam palmam venire Surrentina convalescentibus maxime probata propter tenuitatem salubritatemque.“ Colum. XII, 30: „Si qua vina erunt duriora aut minus bona, sumito faecem vini boni et panes facito et in sole arefacito et coquito in igne, postea terito et pondo quadrantem amphoris singulis infricato et oblinto.“ Quod si factum esset, postea ovo columbino defaecandum erat vinum. Haec quoque praescripta omnibus nota. — *marcentem*] nimio potu torpentem; sic Tacit. Hist. III, 36 Vitellium „desidem et marcentem“ appellat. — *acri stomacho*] aestuanti Ceterum haec de lactuca doctrina contraria est Romanorum consuetudini. Martial. XIII, 14: „Claudere quae coenas lactuca solebat avorum, Dic mihi, cur nostras inchoat illa dapes?“ — *Virg. Moret. 76*: „Grataque nobilium requies lactuca ciborum“ — *in morsus*] Sic scribendum ex auctoritate optimorum codicum et editionum antiquarum; qui morsus sint videbis ex Virg. Aen. III, 394. Stomachus enim hominis qui nimis vino indulsit cibos (morsus) spernit; perna et hillis reficitur ad morsus. De nova potatione non videtur sermo esse. Quare non placet aliorum *immorsus*, quod idem esse aiunt quod *rellicatus*, *excitatus*; vocabulum dubiae sane et auctoritatis et interpretationis.

V. 65. *muria*] liquamen praecipue thynnorum. Catius eam laudat quae paratur ex thynnis apud Byzantium captis — *orca*] vas fictile vel ligneum servandis salsamentis. — *hoc ubi*] Cum quibus rebus compositum sit ius simplex exposnerit, iam ea addit quae ut compositum ius paretur addantur necesse sit. — *herbis*] erucis, inulis, ut Sat. II, 8, 51.

Pressa Venafranae quod baca remisit olivae.

70 Picens cedunt pomis Tiburtia suco:

Nam facie praestant. Venucula convenit ollis,

Rectius Albanam fumo duraveris uvam.

Hanc ego cum malis, ego faecem primus et allec,

Primus et invenior piper album cum sale nigro

75 Incretum puris circumposuisse catillis.

Immane est vitium dare milia terna macello

Angustoque vagos pisces urgere catino.

Magna movet stomacho fastidia, seu puer unctis

Tractavit calicem manibus, dum furta ligurit,

80 Sive gravis veteri craterae limus adhaesit.

Vilibus in scopis, in mappis, in scobe quantus

Consistit sumptus? neglectis, flagitium ingens.

Ten lapides varios lutulenta radere palma

Et Tyrias dare circum illota toralia vestes,

— *Corycioque croco*] Plin. XXI, 6: „Prima nobilitas Cilicio (croco) et ibi in Coryco monte.“ — *stetit*] ut paulatim intepescat. — *Venafranae*] vide ad Carm. II, 6, 16. — *Picens*] Sat. II, 3, 272. cf. Carm. I, 7, 14. — *Venuculam*] uvam, de qua Plin XIV, 2: „Veniculam (sic quoque scribitur) inter optime deflorescentes et ollis aptissimam Campani malunt circulam vocare, alii staculam.“ — *ego*] In iterato pronomine cernenda est gloriola hominis de rebus in hoc genere inventis. cf. Sat. II, 8, 51. De faece vide ibid. v. 9. — *piper album*] lenius nigro, contra sal niger salsissimus. — *incretum*] admixtum. — *macello*] vide ad Sat. II, 3, 229. — *angustoque catino*] Catinus quoque amplus sit oportet, cum tanta pecunia consumatur in pisces. Iam loquitur de externo mensae apparatus. — *unctis*] Sat. II, 2, 68. — *furta*] sic recte antiquissimi codices, alii *frusta*. — *veteri*] per se quidem ob vetustatem pretioso sed adhaerente limo deformato. cf. Sat. I, 3, 91. II, 3, 21.

V. 81. *vilibus in scopis*] Etiam minimis rebus magna adhibenda cura est, ne convivis fastidium exoriatnr neglectis. — *scobe*] „Hic scobis et haec scobes dicitur rasura serrarum; sed hic pro omni purgamento domus ponitur.“ *Comm. Cruq.* — *quantus*] quam parvus. — *mappis*] vide ad Sat. II, 8, 63. — *lapides varios*] Epist. I, 10, 19; est pavimentum tessellatum, vermiculatum, sectile (Mosaikboden). — *toralia*] Becker. Gall. T. II. p. 149: „Die lecti tricliniaries waren niedrig, was man schon daraus schliessen kann, dass sämtliche Tische, welche sich hie und da gefunden haben, bedeutend niedriger sind, als die unsrigen Uebrigens mochten sie von derselben Beschaffenheit sein, wie die cubiculares, d. h. mit Gurten und darauf liegendem Polster, über das prächtige, gewöhnlich purpurfarbige Decken gebreitet wurden. Natürlich fand man aber hier noch mehr Veranlassung, die reichste Pracht zu entfalten, und daher werden häufig nicht nur aerati, sondern argentei, testudinei genannt. Von den Decken, welche darüber gebreitet wurden, sind durchaus zu unterscheiden die toralia.“ p. 150: Es (die

- 85 Oblitum, quanto curam sumptumque minorem
 Haec habeant, tanto reprehendi iustius illis,
 Quae nisi divitibus nequeant contingere mensis?
 Docte Cati, per amicitiam divosque rogatus
 Ducere me auditum, perges quocunque, memento.
- 90 Nam quamvis referas memori mihi pectore cuncta,
 Non tamen interpret tantundem iuveris. Adde
 Vultum habitumque hominis, quem tu vidisse beatus
 Non magni pendis, quia contigit; at mihi cura
 Non mediocris inest, fontes ut adire remotos
- 95 Atque haurire queam vitae praecepta beatae.

Satira V.

Hoc quoque, Tiresia, praeter narrata petenti

Responde, quibus amissas reparare queam res

toralia) sind Behänge, mit denen der lectus von dem torus an bis zum Fussboden bekleidet wird, proponuntur, und daher sagt auch Horaz circum Tyrias vestes (purpureum torum) dare illota toralia.“ cf. Epist. I, 5, 22. — *atque haurire*] festiva imitatio versus Lucretiani I, 926: „Invat integros accedere fontes Atque haurire.“

Satira V.

Cum Romanorum fortitudine ac felicitate aliae ex aliis terrae ac nationes Romano imperio subiicerentur immensisque quovis anno Romam comportatis divitiis multi ibi homines casu magis quam sua opera ditarentur, quid fuit mirum, cum mores luxuria bellorumque civilium licentia plane perditii essent paupertasque pro vitio haberetur, quod ii quibus neque militia neque patrimonio bona satis magna obvenissent alii aliam ingrediebantur viam, qua ad beatam quae videretur vitam fortunaeque fastigium pervenirent? Inde natum est genus hominum, quo vilius et abiectius vix potest ullum cogitari, qui pessimis artibus, dolo, scelere atque flagitio in testamenta locupletium irrepere iustosque heredes hereditate privare studerent. Neque vero defuit malis istis hominibus cupiditatis explendae occasio; adjuvit morum nefanda foeditas. Multos enim ea aetate, quos luxuria et libido a matrimoniis incundis deterruerat, caelebs vita et senectus gratam praebuit quasi praedam inhiantibus undique hereditatis. Quos cum merito sale perfricat Horatius, mollissimo sane genere satirae utitur, scenam ipsam — nam satira tota dramatica est — ex sua aetate suaeque patria in antiquissima tempora ad Graecosque homines relegans. Ita enim rem finxit poeta, quasi Ulixes Tiresiam, vatem Thebanum, quocum in inferis convenisset (Hom. Od. XI, 90 sqq.), de futura vitae condicione quaque in Ithacam reversus amissa bona optime posset ratione recuperare, interrogare pergeret. Inde primo statim versu particula *quoque*, superioribus interro-

- Artibus atque modis. Quid rides? Iamne doloso
 Non satis est Ithacam revehi patriosque penates
 5 Adspicere? O nulli quidquam mentite, vides ut
 Nudus inopsque domum redeam te vate neque illic
 Aut apotheca procis intacta est aut pecus: atqui
 Et genus et virtus nisi cum re vilior alga est.
 Quando pauperiem missis ambagibus horres,
 10 Accipe qua ratione queas ditescere. Turdus
 Sive aliud privum dabitur tibi, devolet illuc,
 Res ubi magna nitet domino sene; dulcia poma
 Et quoscunque feret cultus tibi fundus honores,
 Ante Larem gustet venerabilior Lare dives;
 15 Qui quamvis periurus erit, sine gente, cruentus
 Sanguine fraterno, fugitivus, ne tamen illi
 Tu comes exterior, si postulet, ire recuses.
 Utne tegam spurco Damae latus? Haud ita Troiae

gationibus novam quasi annectens. Lepide factum est, quod Tiresias, antiquus vates, Graecus homo, per totum sermonem heroicis rebus vitam et consuetudinem Romanam admiscet exempla quae futura esse vaticinatur ex iis rebus sumpsit quae Romae facta omnibus lippis et tonsoribus nota erant. De satirae anno natali viri docti non consentiunt: versibus 62 sqq. alii annum 722, alii 724 vel 725, alii denique a. 734 significari arbitrantur; utut ea res se habet, hoc certum videtur, non licere satiram post pugnam Actiacam proferre.

V. 2. *amissas*] cf. Hom. Od. XI, 113—116. — *Quid rides*] Ulixis verba sunt; vates enim, dum ille interrogat de recuperandis rebus, risit. cf. Hom. Od. XIII, 287 sqq. Dolosus enim Ulixes, cui ante sufficere videretur si vel fumum ex patria terra ascendentem conspiceret (Hom. Od. I, 58), iam maiora exoptat. — *vilior alga*] Carm. III, 17, 10. Virg. Buc. 7, 42. — *missis ambagibus*] i. e. ut breviter dicam; nam quae Ulixes uberius exposuerat et quasi excusare tentaverat, ea duobus verbis complectitur Tiresias, *pauperiem horres*. — *turdus sive aliud*] Altera particula sive omissa est, ut Carm. I, 3, 16 ubi vide. *Privum* autem cum idem sit quod *proprium* (unde voc. *privilegium* factum) tu noli separare a verbo *dabitur*: si quid ita tibi dabitur, ut tibi habeas, in tuum unius usum convertas, tamen cet. — *honores*] Carm. I, 17, 16. — *ante Larem*] „Consuetudo fuit ut rerum primitiae dis Laribus ponerentur.“ *Porphyr.* cf. Epist. I, 1, 78. Monet ergo vates, ut senem divitem cariorem habeat se ipso venerabilioremque ipsis Laribus; cui rei tertium hoc adiungitur, ut eodem habeat honore quo nobilissimi amplissimique soleant haberi, etiamsi ille vel vilissimus fuerit servus vel sit sceleratissimus homo. — *comes exterior*] ad sinistrum latus hostili impetui magis oppositum incedere hominis est alterum suspicientis. Sic dicebant Romani *latus tegere* v. *claudere*. — *si postulet*] sc. te comitem.

V. 18. *utne*] vide Zumpt. gr. §. 609. — *Damae*] Servile nomen est, *Ἀκυόδωρος*, *Ἀκυάς*. Nomen autem positum pro toto genere, ut infra

- Me gessi certans semper melioribus. Ergo
 20 Pauper eris. Fortem hoc animum tolerare iubebo;
 Et quondam maiora tui. Tu protinus unde
 Divitias aerisque ruam dic augur acervos.
 Dixi equidem et dico: captes astutus ubique
 Testamenta senum, neu si vafer unus et alter
 25 Insidiatorem praeroso fugerit hamo,
 Aut spem deponas aut artem illusus omittas.
 Magna minorve foro si res certabitur olim,
 Vivet uter locuples sine gnatis, improbus, ultro
 Qui meliorem audax vocet in ius; illius esto
 30 Defensor; fama civem causaque priorem
 Sperne, domi si gnatus erit secundave coniux.
 Quinte puta aut Publi, — gaudent praenomine molles
 Auriculae — tibi me virtus tua fecit amicum:
 Ius anceps novi, causas defendere possum;
 35 Eripiet quivis oculos citius mihi, quam te
 Contemptum cassa nuce pauperet: haec mea cura est,
 Ne quid tu perdas neu sis iocus. Ire domum atque
 Pelliculam curare iube; si cognitor ipse;

v. 91. Quae Tiresias facienda praescribit, ea etiam Ulixi patientissimo et moderatissimo homini intolerabilia videntur; quare indignabundus in haec verba erumpit. Tiresias autem frigide respondet: ergo pauper eris. Quare cum una haec relicta sit via ratioque quae amiserit recuperandi, quid restat sapienti viro nisi ut hoc quoque multis quae iam perperessus est malis forti animo addat? cf. Hom. Od. XX, 18. — *ruam*] Ruendi verbum apud poetas et eos scriptores qui poeticam orationem imitabantur activam naturam induebat; quod qua ratione fiat vide sis, apud Virgilium Aen. I, 35 et 85. XI, 211. Georg. II, 308. — *praeroso hamo*] „Metaphora a piscibus; quod apte subdit quia dixit *captes*. Praeroso hamo i. e. vorata esca, consumptis tuis et perditis muneribus.“ *Comm. Cruq.* — *certabitur*] Etsi vulgo et apud bonos scriptores dicatur certare de aliqua re vel pro aliqua, tamen poetae brevitatis et gravitatis studio, quo molesta sane praepositio vitaretur, nihil dubitarunt usurpare *certare aliquid*; inde passiva quoque constructio verbi. cf. Sat. II, 1, 49. Ovid. Met. XIII, 713. Sil. Ital. XVII, 337: „Certatus nobis (Scipioni et Hannibali) hodie dominum accipit orbis“; a quo genere ne Livius quidem abstinuit XXV, 3. — *priorem*] Carm. III, 1, 12.

V. 32. *puta*] vide Zumpt. gr. §. 25. 1. a. — *molles auriculae*] quae facile offenduntur nisi permulcentur. — *ius anceps*] Sat. II, 2, 131. I, 9, 39. — *pauperet*] Verbum est Plautinum, gratum Horatio et gravitate et sono. cf. inimicare Carm. IV, 15, 20, alia id genus. — *cassa nuce*] ex proverbio. „Omnes MSS. habent *quassa*, vetere scriptura, sicuti nonnunquam offendi *quarere* pro *carere*.“ *Cruquius*. — *si cognitor*] „Co-

- Persta atque obdura, seu rubra canicula findet
 40 Infantes statuas, seu pingui tentus omaso
 Furius hibernas cana nive conspuet Alpes.
 Nonne vides, aliquis cubito stantem prope tangens
 Inquiet, ut patiens, ut amicis aptus, ut acer?
 Plures annabunt thunni et cetaria crescent.
 45 Si cui praeterea validus male filius in re
 Praeclara sublatus aletur, ne manifestum
 Caelibis obsequium nudet te, leniter in spem
 Arrepe officiosus, ut et scribare secundus
 Heres et si quis casus puerum egerit Orco,
 50 In vacuum venias: perraro haec alea fallit.
 Qui testamentum tradet tibi cunque legendum,
 Abnuere et tabulas a te remove memento,
 Sic tamen ut limis rapias quid prima secundo
 Cera velit versu; solus multisne coheres,
 55 Veloci percurrere oculo. Plerumque recoctus

gnitor est qui defendit alterum in iudicio, si praesentis causam novit et sic tuetur ut suam.“ Pseudoascon. in Cic. Divin. §. 11. Diversus igitur a procuratore qui absentis causam agit. — *obdura seu*] Ut hereditatem captanti obdurandum esse et solis aestu et hiemis frigore praecipiat, singulari lepore tumidis quibusdam elocutionibus utitur M. Furium Bibaculum, turgidum illum Alpinum (Sat. I, 10, 36 ubi vide), egregia *παρωδία* irrisurus. Nam praeter versum 41, in quo salsissime Iovis partes ad ipsum Furium translatae sunt, veri simile est alia quoque ab eodem Furio petita esse; veluti *infantes* illae *statuae*, sive mutae (Epist. II, 2, 83) sunt sive recens factae, nescio quid habent inepti ac prope monstrosi ornatus, neque minus elucet malignius paulo consilium poetae ex verbis *pingui tentus omaso*. In quibus ego vero non negaverim inesse dilogiam quandam a corpore ad animum translata. Boni enim Bibaculi, qui „Bibaculus et erat et vocabatur“ (Plin. H. N. praef.) corpusculum fortasse non magis extentum erat vili, ut maligne addit Horatius, omaso quam animus ridiculis imaginibus repletus.

V. 44. *thunni*] Certum piscem in imaginem supra iam usurpatam intulit. Similiter Epist. I, 1, 79. — *sublatus*] Virg. Aen. IX, 203. Patres recens natos quos ali iubebant humi iacentes in genua tollebant; quos exponi, non tollebant. — *tabulas*] testamenti. — *prima cera*] „prima tabula, nam in primae tabulae secundo versu heredis nomen continetur.“ *Comm. Cruq.* — *plerumque*] Ea autem cautio necessaria est, ne ab astuto quodam homine decipiaris, ut Nasica a Corano. Festive vetera ut futura vaticinatur Tiresias. Ceterum vetat hoc adverbium ne quis Coranum scribam esse et Nasicam corvo indicari putet. Rei quae plerumque sit unum exemplum Nasicae additur. — *recoctus*] Quintil. XII, 6, 7: „Apollonio Moloni, quem Romae quoque audierat, Rhodi rursus formandum ac velut *recoquendum* dedit (se Cicero).“ Ex qua formae mutatione facilis transitus ad astutiam et calliditatem quam

- Scriba ex quinqueviro corvum deludet hiantem,
 Captatorque dabit risus Nasica Corano.
 Num furis? an prudens ludis me obscura canendo?
 O Laërtiade, quidquid dicam aut erit aut non:
 60 Divinare etenim magnus mihi donat Apollo.
 Quid tamen ista velit sibi fabula, si licet, ede.
 Tempore, quo iuvenis Parthis horrendus, ab alto
 Demissum genus Aenea, tellure marique
 Magnus erit, forti nubet procera Corano
 65 Filia Nasicae, metuentis reddere soldum.
 Tum gener hoc faciet: tabulas socero dabit atque
 Ut legat orabit; multum Nasica negatas
 Accipiet tandem et tacitus leget, invenietque
 Nil sibi legatum praeter plorare suisque.
 70 Illud ad haec iubeo: mulier si forte dolosa
 Libertusve senem delirum temperet, illis
 Accedas socius; laudes, lauderis ut absens:
 Adiuvat hoc quoque, sed vincit longe prius ipsum
 Expugnare caput. Scribet mala carmina vecors:

in hoc loco inesse putamus. — *ex quinqueviro*] qui olim quinquevir fuisset; cogitatione supple *factus*. Cic. Acad. pr. II, 44, 136: „Neminem consulem, praetorem, imperatorem, nescio an ne quinquevirum quidem quemquam.“ Digest. L. I. Tit. 2. c. 2. §. 31: „Quia magistratibus vespertinis temporibus in publicum esse inconveniens erat, Quinqueviri constituti sunt cis Tiberim et uls Tiberim, qui possint pro magistratibus fungi.“

V. 58. *Num furis*] Ulixis verba sunt, qui quid alter velit non satis se intelligere fatetur. Inde uberius de Corano expositio. — *aut erit aut non*] Recte videtur pars interpretum dilogiam quandam iocosam vidisse, ut dubium sit, utrum sincere dicat: *aut erit aut non erit*, prout dixerit an voluerit *quidquid dicam eveniet aut non eveniet*, eadem omnino ratione qua sunt aliorum non divinorum hominum dicta. Illud opinor voluit Tiresias, hoc Horatius, qui non nimiam fidem habuit vaticinationibus. — *iuvenis*] Octavianus. Carm. I, 2, 41. — *Corano*] Comicam vim huius narrationis magnopere adiuvari vides epica gravitate, quam poeta lepide imitatur epithetis *forti, procera, metuentis reddere soldum*. Coranus autem dives homo fuit; in cuius hereditatem ut irreperet Nasica, magno aere alieno obrutus, omni arte efficere studuit atque adeo seni filiam poscenti dare haudquaquam cunctatus est. Sed quid deinde factum? Nasica a Corano misere deceptus in testamento nihil invenit sibi relictum nisi luctum, non de mortuo genero sed de inani captatione. — *soldum*] sortem, summam argenti, quam mutuo acceperat fortasse etiam ab ipso Corano. — *illud ad haec*] *haec* de superioribus, *illud* de iis quae insequuntur. Tertium autem hoc est praescriptum (cf. v. 45). — *mulier*] libertina. — *venit enim*] Particula *enim* posita est ut a Graecis

- 75 Laudato. Scortator erit: cave te roget; ultro
 Penelopam facilis potiori trade. Putasne?
 Perduci poterit tam frugi tamque pudica,
 Quam nequiere proci recto depellere cursu?
 Venit enim magnum donandi parca iuventus,
- 80 Nec tantum veneris quantum studiosa culinae:
 Sic tibi Penelope frugi est, quae si semel uno
 De sene gustarit tecum partita lucellum,
 Ut canis a corio nunquam absterrebitur uncto.
 Me sene quod dicam factum est: anus improba Thebis
- 85 Ex testamento sic est elata: cadaver
 Unctum oleo largo nudis humeris tulit heres,
 Scilicet elabi si posset mortua; credo,
 Quod nimium institerat viventi. Cautus adito,
 Neu desis operae neve immoderatus abundes.
- 90 Difficilem et morosum offendet garrulus; ultra,
 Non etiam sileas. Davus sis comicus atque
 Stes capite obstipo, multum similis metuenti.
 Obsequio grassare; mone, si increbuit aura,
 Cautus uti velet carum caput; extrahe turba
- 95 Oppositis humeris; aurem substringe loquaci.

in sermonibus saepissima γάρ; nam dum quae alter affirmavit conceditur, causa simul concedendi huius particulae ope adiungitur. Iocosa haec quoque παρωδία Homeri Od. XVIII, 274—279. — *nec tantum*] vide ad Sat. I, 8, 17. — *ut canis*] sic Lucian. adv. Indoct, 25: „Οὐδὲ γὰρ κύων ἀπαξ παύσαι' ἂν σκυτοτραγῆιν μαθοῦσα.

V. 84. *Me sene*] Quod supra duobus verbis v. 47 (*leniter arrepe*) tetigerat, id nunc v. 84—98 amplius illustratur; scilicet magnam cautionem adhibendam esse in captandis conciliandisque hominibus, discendos esse mores, spectanda studia, laudandam voluntatem, ne male tractatus post vanam curam evadat piscis. — *improba*] astuta, quae cum viva captatorem effugere non potuisset periculum facere voluit, num mortuae felicitas sibi eveniret. — *si posset*] Epist. I, 6, 41. I, 7, 39. I, 3, 30. Vide Zumpt. gr. §. 354 extr. — *ultra*] Sic plurimi et optimi codices; recte. Modus enim, ultra quem vetat ne colloquendi studium excedat, constituitur praemissa generali sententia: ultra quam ne garrulus habeatis et offendas. Alii *ultro*. — *Davus*] Davum ex comoedia ludere, inclinato capite stare timideque loqui te decet. Theogn. 535 sq. „Οὐ ποτε δουλείη κεφαλὴ θεῖα πέφυκεν Ἄλλ' αἰεὶ σχολὴ καὶ χεῖνα λοξὸν ἔχει.“ — *grassare*] age, ut Liv. III, 44. X, 14. Sall. Iug. 68. Frequentissimum hac significatione verbum apud Tacitum. — *increbuit*] Cic. Fam. VII, 20: „ventus increbrescit“. Virg. Georg. I, 359. — *aurem substringe*] coerce, cohibe. Iam cum *loquaci* dativus sit quem commodi appellamus, sententia plana est: aurem nemini praebeas nisi

Importunus amat laudari: donec Ohe iam!

Ad coelum manibus sublatis dixerit, urge et

Crescentem tumidis infla sermonibus utrem.

Cum te servitio longo curaque levarit

100 Et certum vigilans, Quartae esto partis Ulixes,

Audieris, heres: Ergo nunc Dama sodalis

Nusquam est? unde mihi tam fortem tamque fidelem?

Sparge subinde et, si paulum potes, illacrimare; est

Gaudia prodentem vultum celare. Sepulcrum

105 Permissum arbitrio sine sordibus exstrue: funus

Egrege factum laudet vicinia. Si quis

Forte coheredum senior male tussiet, huic tu

Dic, ex parte tua seu fundi sive domus sit

Emptor, gaudentem nummo te addicere. Sed me

110 Imperiosa trahit Proserpina: vive valeque.

Satira VI.

Hoc erat in votis: modus agri non ita magnus,

Hortus ubi et tecto vicinus iugis aquae fons

huic, si loquax est. Comparari possunt hi loci: Tacit. Germ. 38: „Criminem nodo substringere.“ Suet. Galb. 21: „Carnem fascia substringere.“ Quintil. X, 5, 4: „Omissa supplere, effusa substringere.“ — *sublatis manibus*] impatientiae signum. Cic. Acad. II, 19: „Hortensius autem vehementer admirans, quod quidem perpetuo Lucullo loquente fecerat, ut etiam manus saepe tolleret.“ — *cura levarit*] si mortuus est. — *certum vigilans*] ne forte fallaris. — *unde mihi*] sc. petam. Sat. II, 7, 116. — *sparge*] passim inter legendum insere, clama. — *nummo addicere*] ficta venditione donare. Cic. pro Rab. Post. 17: „Ecquis est ex tanto populo, qui bona C. Rabirii Postumi nummo sestertio sibi addici velit?“ — *imperiosa*] ἐπαινή. Satis lepide subito abrumpit sermonem Tiresias nihil gratiae expectans ab Ulixē, qui qua fuit probitate et iustitia haud dubie paupertatem praeferret divitiis improbitate ac scelere parandis. — *vive valeque*] Epist. I, 6, 67. I, 7, 3.

Satira VI.

Consilium quod in Sat. I, 9 inesse vidimus hoc quoque poemate secutum esse Horatium manifestum est. Nam quis dubitat quin multi semper fuerint homines, qui falsum sibi de amicitiae qua Horatius cum Maecenate coniunctus vixit vinculo deque Horatii studiis consiliisque fingerent iudicium? Nae isti homines non potuerunt sibi persuadere, eum qui summi prope in republica viri familiaritate uteretur alienissimo esse a publicis negotiis animo, remotissimo a comparandis sibi ma-

Et paulum silvae super his foret. Auctius atque
 Di melius facere. Bene est: nihil amplius oro,
 5 Maia nate, nisi ut propria haec mihi munera faxis.
 Si neque maiorem feci ratione mala rem,
 Nec sum facturus vitio culpave minorem;
 Si veneror stultus nihil horum: O si angulus ille
 Proximus accedat, qui nunc denormat agellum!
 10 O si urnam argenti fors quae mihi monstret, ut illi,

ioribus bonis, continentissimo in fruendis modicis quas haberet opibus. Quae prava harum rerum existimatio cum radices quasi ageret in iniqua plerorumque hominum de veris gaudiis veraque felicitate sententia, terrerrima qua fieri potuit ratione Horatius quibus finibus circumscripta essent sua vota, quo modo viveret cum Maecenate, quibus denique rebus vita vere beata compararetur docere studuit. Inde exorta est rusticae vitae suavis laudatio, urbanarum molestiarum lenis reprehensio, consuetudinis suae cum Maecenate iocosa quaedam contractio. Poema autem ita comparatum est, ut remotum ab acerbitate hominumque salsa irrisione proximum sit dulcedini ac lenitati epistolarum, ut egregia frugalitatis laude, vero ex mediocribus rebus percepto gaudio, aperta ac non simulata pravae ambitionis despicientia facillimam et planissimam viam nobis muniat ad recte aestimandam amabilem Horatii naturam, qua omnes qui primos tantum versus legerint statim capiantur necesse est. Scriptum autem poema est exeunte anno 723. Tum enim curiosi homines quaerere potuerunt de Dacis (v. 53), qui Antonio quem adiuverant Actiaca pugna devicto motus ciebant, ut insequenti anno M. Crassus contra eos mitteretur; tum etiam frequens inter cives sermo erat de distributione agrorum, qua periculosam veteranorum militum in Italia seditionem ex Asia advolans Octavianus media inter annos 723 — 724 hieme sedavit (v. 55); tum denique negotiosi homines Horatium rogare potuerunt, ut tabellas suas anulo Octaviani a Maecenate obsignandas curaret (v. 38). Maecenati enim Octavianus ad bellum proficiscens anulum signatorium sphingis imagine insignitum commiserat, ut unus Italicis rebus praecisset; cui exeunte demum anno 723 socius additus est Agrippa. Restat ut moneam ne quis eodem anno Sabinam villam Horatio datam esse credat; immo vero desiderium ruris, grata rusticationis descriptio, rusticae vitae consuetudo firmissime evincunt, paucos certe annos Horatium iam habuisse suum praedium.

V. 1. *votis*] Raro apud bonos scriptores pedestris orationis vota dicuntur pro optatis, saepe apud poetas eosque qui secuti sunt scriptores. cf. v. 59. Epist. I, 11, 5. I, 14, 41. I, 2, 56. Sat. I, 1, 22. Carm. IV, 13, 1. C. S. 71. Epod. 7, 9. 17, 62. — *iugis aquae*] Sic coniunge; ut Epist. I, 15, 16. — *super his*] In prosa melius dicitur *super haec*. Vide Zumpt. gr. §. 320. Ceterum cf. Carm. II, 18, 11 sq. III, 16, 29 sq. Epod. 1, 31. — *Maia nate*] Invocat Mercurium *μαῖα-δῶρον*. cf. Sat. II, 3, 68. Matris autem nomen in precibus blandum est. — *si neque cel*] Frequens in precibus particula *si* ad indicandam modestiam infirmo generi humano iustam et ad vindicandam aliquid a diis precandi aequitatem. Quare quae dubitanter dicuntur ea quidem habent causam spei fore ut dii faciant quae precibus expetantur. Horatii autem causa triplex est; inde ter particula *si* posita, quam apodosis excipit versu 13. — *veneror*] vide ad C. S. 49. Sat. II, 2, 124. — *Hercule*]

- Thesauro invento qui mercenarius agrum
 Illum ipsum mercatus aravit, dives amico
 Hercule! —; si quod adest gratum iuvat, hac prece te oro:
 Pingue pecus domino facias et cetera praeter
- 15 Ingenium, utque soles, custos mihi maximus adsis.
 Ergo ubi me in montes et in arcem ex urbe removi,
 Quid prius illustrem satiris musaque pedestri?
 Nec mala me ambitio perdit nec plumbeus Auster
 Auctumnusque gravis, Libitinae quaestus acerbae.
- 20 Matutine pater, seu Iane libentius audis,
 Unde homines operum primos vitaeque labores
 Instituunt — sic dis placitum —, tu carminis esto
 Principium. Romae sponsorem me rapis. Eia,
 Ne prior officio quisquam respondeat, urge.
- 25 Sive Aquilo radit terras seu bruma nivalem
 Interiore diem gyro trahit, ire necesse est.

qui thesauris recludendis et opibus largiendis praest. Imitatus hunc locum est Pers. II, 8: „O si Sub rastro crepet argenti mihi seria dextro Hercule!“ — *praeter ingenium*] locatur ambiguo vocabulo *pinguis*, quod ad ingenium relatum crassum, stupidum, hebes, tardum significat. Ovid. Met. XI, 148. — *utque soles*] quia Mercurialium virorum custos est. Carm. II, 17, 29. — *in montes*] Sabinos, quibus addit *in arcem*, quia tutus ibi est ab urbanae vitae molestiis. — *Quid prius illustrem*] sc. quam hanc felicitatem qua in rustica solitudine tunc utor. *Satiris* igitur et *musa pedestri* ablativi instrumenti sunt, non coniungendi cum comparativo. De *musa pedestri* cf. Carm. II, 12, 9. Sat. I, 4, 47. Epist. II, 1, 250. A. P. 95.

V. 18. *ambitio*] quae provenit ex incontinentia animi, qua homines maiora semper petunt ad altiora tendunt. Haec autem ambitio in urbe alitur, in secessu ruris exstinguitur; rus igitur hominem defendit a morbis et animi et corporis. De Austro vide Carm. II, 14, 15. cf. Epist. I, 16, 15 sq.; *plumbeus* est quia aestu corpus premit ut plumbum. — *Libitinae*] vide ad Carm. III, 30, 7. cf. Epist. I, 7, 5 sqq. — *Matutine*] Ut importuna in urbe negotia omnia describat, a matutino tempore orditur et lepide iocans ipsum deum Matutinum appellat quasi preces facturum. Deus ipse quasi testis est multorum negotiorum, quibus homines agitantur, ipse enim dormientes excitat ad muneraque adeunda agitat. De duobus dei nominibus vide ad C. S. 15 sq. — *Iane audis*] Vocativus tanquam obiectum aliquod additus est verbo audiendi; quod ne singulare videatur, compara sis Epist. I, 7, 37. I, 16, 59. Ovid. Am. I, 7, 19: „Quis mihi non *demens*, quis non mihi *barbare* dixit?“ id. A. A. I, 665: „Pugnabit primo fortassis et *improbe* dicet.“ — *unde*] a quo. vide ad Carm. II, 12, 7. — *Eia, ne*] verba sunt Iani Horatium ex somno quasi excitantis. cf. Pers. 5, 133: „Surge, inquit Avaritia; eia, surge.“ — *officio*] Officium est quo alterius voluntati morem gerimus. Sat. II, 5, 48. Epist. I, 7, 8. cf. Epist. II, 2, 65 sqq. — *interiore gyro*] duo-

- Postmodo quod mi obsit clare certumque locuto
 Luctandum in turba et facienda iniuria tardis.
 Quid vis, insane, et quas res agis? improbus urget
 30 Iratis precibus, tu pulses omne quod obstat,
 Ad Maecenatem memori si mente recurras.
 Hoc iuvat et melli est, non mentiar; at simul atras
 Ventum est Esquilias, aliena negotia centum
 Per caput et circa saliunt latus. Ante secundam
 35 Roscius orabat sibi adesses ad Puteal cras.
 De re communi scribae magna atque nova te
 Orabant hodie meminisses, Quinte, reverti.
 Imprimat his, cura, Maecenas signa tabellis.
 Dixeris, Experiar: Si vis, potes, addit et instat.
 40 Septimus octavo propior iam fugerit annus,
 Ex quo Maecenas me coepit habere suorum

rum circulorum, quibus idem est centrum, interior brevior est. Iam cum Sol hieme breviorē viam sequatur, dies hiberni breviores sunt. — *postmodo*] Coniungendum videtur *postmodo luctandum*, quoniam cum *obsit* coniunctum inanis ac supervacanea esset definitio. Deinde vv. *quod mi obsit* obiectum efficiunt verbo *locuto*. De re comparandum est *hiantis* pro-
 verbiū *ἔγγυα, πάρα δ' ἄτα*. — *Quid vis*] Sunt verba hominis in turba pulsati et iniuriam aegre ferentis; qui cum malas preces coniciat in festinantem poetam neque intelligat qua is necessitate obstrictus properare debeat, satis lepide *improbus* vocatur. Nam *preces* imprecationes sunt, ut Carm. I, 28, 33. — *tu pulses*] Coniunctivus potentialis esse videtur, cuius loco Graeci optativum usurpant cum part. *ἄν*. — *Hoc iuvat*] sc. recurrere ad Maecenatem. — *atras*] propter sepulcreta quae olim ibi fuerant. Sat. I, 8, 14. — *secundam*] vide ad Sat. I, 5, 23. Videtur autem haec verba esse non servi alicuius Roscii, sed ipsius Horatii aliena negotia apud Maecenatem curanda sibi in memoriam revocantis. Inde facile cur imperfecto utatur intelliges. — *Puteal*] „Puteal locus erat in foro, ad quem conveniebant mercatores et feneratores ad tradendum et recipiendum.“ *Comm. Cruq.* Est autem puteal septum lapideum puteo circumdatum ne incauti in puteum decident; cui quidem simile erat septum loco sacro circumdatum, ne humus consecrata praeterentium pedibus conculcetur. Hoc loco quod memoratur Libonis est vel Scribonianum a Libone quodam Scribonio exstructum. Epist. I, 19, 8. — *adesses*] ut testis apud argentarium.

V. 36. *de re communi*] Olim Horatius ipse scribarum ordini adscriptus erat; quare quid mirum si scribae tunc quoque poetam suum haberent magnoque quem putarent fautore ad invanda sua negotia uterentur? — *Quinte*] vide ad Sat. II, 5, 32. Non est veri simile, etiam tum Horatium scribam fuisse; quomodo enim, si ipse fuisset, scribarum negotia aliena potuisset appellare? — *tabellis*] Otiosum videtur quaerere, quae fuerint tabellae. Sufficit quod certum est, opus fuisse ut publicam fidem acciperent tabellae signo Octaviani Maecenati commisso. — *septimus octavo*] vide Vita Hor p. 8. — *Threx*] Gallina nomen est gla-

- In numero, duntaxat ad hoc, quem tollere rheda
 Vellet iter faciens et cui concedere nugas
 Hoc genus: Hora quota est? Threx est Gallina Syro par?
- 45 Matutina parum cautos iam frigora mordent;
 Et quae rimosa bene deponuntur in aure.
 Per totum hoc tempus subiectior in diem et horam
 Invidiae: noster ludos spectaverat una,
 Luserat in campo: Fortunae filius! omnes.
- 50 Frigidus a rostris manat per compita rumor:
 Quicunque obuius est, me consulit: O bone, — nam te
 Scire, deos quoniam propius contingis, oportet —
 Num quid de Dacis audisti? Nil equidem. Ut tu
 Semper eris derisor! At omnes di exagitent me,
- 55 Si quidquam. Quid? militibus promissa Triquetra
 Praedia Caesar an est Itala tellure daturus?
 Iurantem me scire nihil mirantur ut unum
 Scilicet egregii mortalem altique silenti.
 Perditur haec inter misero lux non sine votis:
- 60 O rus, quando ego te adspiciam, quandoque licebit,
 Nunc veterum libris nunc somno et inertibus horis
 Ducere sollicitae iucunda obliviae vitae?
 O quando faba Pythagorae cognata simulque
 Uncta satis pingui ponentur oluscula lardo?
- 65 O noctes coenaeque deum! quibus ipse meique

diatoris parma Threcidica et gladio incurvo induti; is componitur cum alio gladiatore, Syro, mirmillone, gallicis armis instructo et piscis (μορμύλου s. μορμύρου) imaginem in galea habente. In codicibus et editionibus prave scriptum olim est *Thrax*, qua forma de gladiatoribus non utebantur. Epist. I, 18, 36. — *noster*] Cogitatione facile additur ad *subiectior* verbum *sum*, et *noster* usitatissimum vocabulum de amicis. — *spectaverat*] ommissa particula *si*, ut supra v. 39. Sat. I, 3, 56. II, 7, 68. — *frigidus*] qui timorem et frigus inculcit. — *compita*] cf. Sat. II, 3, 26. 281. — *deos*] facete de magnis in republica hominibus.

V. 55. *Triquetra*] Sicula; propter formam insulae. cf. Caes. B. G. V, 13, 1. — *veterum libris*] cf. Sat. II, 3, 11. Inertes horae sunt quae molestis negotiis non auferuntur sed naturae iucunditatibus meditationisque dicantur. cf. Sat. I, 6, 123. Carm. I, 1, 20. — *ducere*] obliviae ut vinum. Virg. Aen. VI, 714. — *uncta satis*] haec coniungenda esse caesura suadet. De faba *Comm. Cruq.*: „Dubitabat enim Pythagoras, an in eo corpore lateret anima patris sui an alterius propinqui; qua de re ridet eum Horatius et eius sequaces.“ Iocoso modo vulgari cibo laus quaedam quaeritur. Ceterum cf. Sat. II, 2, 117. — *meique*] amici. No-

- Ante Larem proprium vescor vernasque procaces
 Pasco libatis dapibus. Prout cuique libido est,
 Siccat inaequales calices conviva solutus
 Legibus insanis, seu quis capit acria fortis
- 70 Pocula seu modicis uvescit lactius. Ergo
 Sermo oritur, non de villis domibusve alienis,
 Nec male necne Lepos saltet; sed quod magis ad nos
 Pertinet et nescire malum est agitamur, utrumne
 Divitiis homines an sint virtute beati;
- 75 Quidve ad amicitias, usus rectumne, trahat nos;
 Et quae sit natura boni summumque quid eius.
 Cervius haec inter vicinus garrit aniles
 Ex re fabellas. Si quis nam laudat Arelli
 Sollicitas ignarus opes, sic incipit: Olim
- 80 Rusticus urbanum murem mus paupere fertur
 Accepisse cavo, veterem vetus hospes amicum,
 Asper. et attentus quaesitis, ut tamen artum
 Solveret hospitiiis animum. Quid multa? neque ille
 Sepositi ciceris nec longae invidit avenae,
- 85 Aridum et ore ferens acinum semesaque lardi
 Frustra dedit, cupiens varia fastidia coena
 Vincere tangentis male singula dente superbo:
 Cum pater ipse domus palea porrectus in horna
 Esset ador loliumque, dapis meliora relinquens.
- 90 Tandem urbanus ad hunc: Quid te iuvat, inquit, amice,

cles autem et coenae sunt coenae in noctem productae. „Coenas deum dixit securiores et quae sunt sine sollicitudine.“ *Comm. Crug.* — *libatis dapibus*] Liv. XXXIX, 43. Cic. de legg. II, 8: „Certasque fruges certasque bacas sacerdotes publice libanto.“ Alii interpretantur *deglutatas*, reliquias coenae intelligentes. — *prout*] monosyllabum. — *legibus insanis*] bibendi, quas *συμποσιάρχης*, magister bibendi, in urbe imponere solebat convivis. — *acria*] cf. Sat. II, 8, 36. — *Lepos*] saltator, archimimus Caesari gratus. — *Cervius*] Hic et Arellius vicini erant Horatii in Sabinis. — *aniles*] ex nutricum narrationibus notas.

V. 80. *murem mus*] Vides bis (*murem mus, veterem vetus*) ita disposuisse Horatium verba, ut eiusdem nominis diversae formae altera alteram exciperet; id quod amabant latini scriptores. — *artum*] contractum itaque parcum; inde verbum solvendi, cui adhaeret dativus commodi quem vocant *hospitiis*. cf. Epist. I, 7, 91. II, 1, 172. — *invidit avenae*] De genitivo vide Zumpt. § 413. Sic Graeci *φθονεῖν τινα*. Aliam vere Romanam constructionem habet Horatius Sat. I, 6, 50. Epist. I, 14, 41. — *tangentis male*] fastidiose. — *pater*] similiter Sat.

- Praerupti nemoris patientem vivere dorso?
 Vis tu homines urbemque feris praeponere silvis?
 Carpe viam, mihi crede, comes, terrestria quando
 Mortales animas vivunt sortita neque ulla est
 95 Aut magno aut parvo leti fuga: quo, bone, circa,
 Dum licet, in rebus iucundis vive beatus,
 Vive memor quam sis aevi brevis. Haec ubi dicta
 Agrestem pepulere, domo levis exsilit; inde
 Ambo propositum peragunt iter, urbis aventes
 100 Moenia nocturni subrepere. Iamque tenebat
 Nox medium coeli spatium, cum ponit uterque
 In locuplete domo vestigia, rubro ubi cocco
 Tincta super lectos canderet vestis eburnos,
 Multaque de magna superessent fercula coena,
 105 Quae procul exstructis inerant hesterna canistris.
 Ergo ubi purpurea porrectum in veste locavit
 Agrestem, veluti succinctus cursitat hospes
 Continuatque dapes nec non verniliter ipsis
 Fungitur officiis, praelambens omne quod affert.
 110 Ille cubans gaudet mutata sorte bonisque
 Rebus agit laetum convivam, cum subito ingens
 Valvarum strepitus lectis excussit utrumque.
 Currere per totum pavidì conclave, magisque
 Exanimes trepidare, simul domus alta Molossis
 115 Personuit canibus. Tum rusticus: Haud mihi vita

II, 8, 7. — *patientem*] cf. Carm. I, 7, 10. Grata in his iocosa gravitas. — *ris tu*] Sic antiquissimi codices; alii *vin tu* quod esset simpliciter interrogantis, cum illud sit hortantis et excitantis. — *mihi crede*] Sat. II, 3, 75. vide Zumpt. gr. §. 801. — *quando*] quoniam. Facete poeta nurem urbanum ex sententia Epicureorum philosophorum disputantem facit. — *quo, bene, circa*] Tmesis est pro *quocirca*, qua particula praeter positas causas aliae et similes non excluduntur; sic *quocirca* et *quapropter* differunt a particulis *quare* et *quamobrem*. De voc. *bone* cf. Sat. II, 2, 1. — *aevi brevis*] cf. Carm. II, 14, 24. — *levis*] Egregia notanda est in versu levitatis imitatio. — *vestis*] vide ad Sat. II, 4, 84. — *procul*] *prope*, non *in altum*. Epist. I, 7, 32. — *succinctus*] quia sedulus, ut Sat. I, 5, 71. — *verniliter*] in modum servorum, alacriter. — *praelambens*] Urbanus mus sic quoque morem hominum urbanorum imitatur cibos praegustantium, i. e. gustu explorantium, num bene parati sint cibi potusque recte temperati. — *cubans*] in stragula purpurea. — *strepitus*] factus a servis, qui primo diluculo conclave scopis spongiisque purgaturi sunt; idem strepitus excitat canes, custodes

Est opus hac, ait, et valeas: me silva cavusque
Tutus ab insidiis tenui solabitur ervo.

Satira VII.

Iamdudum ausculto et cupiens tibi dicere servus
Pauca reformido. Davusne? Ita, Davus, amicum

domus. cf. Epod. 6, 5. — *haud mihi vita*] „Etiam in iis sententiis haec negatio (*haud*) proprie adhiberi poterat, quibus veritas alicuius rei demonstranda aut ipsa res confirmanda erat (*gar nicht, wirklich nicht*).“ *Hand. Turs.* T. III. p. 29 — *et valeas*] Sic recte optimi codices. Alii *valeat*; quod magnopere friget prae altera lectione, nam *et est et propterea*. vide ad Carm. II, 2, 11. — *solabitur*] vide ad Carm. II, 5, 7.

Satira VII.

Superiore poemate Horatius veram suam sententiam de suis rebus suaque cum Maecenate magnisque in civitate viris necessitudine amabili ratione descriperat; inde igitur petenda est vera morum animique Horatii cognitio. Adversarii autem, quos multos eum habuisse et natura rerum hominumque et poemata suadent, aliter de eo iudicabant, quippe qui in homine olim paupere, paupertatis, frugalitatis, libertatis, temperantiae laudatore, nunc satis ditato, ut etiam umbras scurrasque aleret (v. 36), divitum delicatarumque hominum sectatore et adulate, luxuriosae vitae amatore ea omnia vitia omnemque inconstantiam et dissolutionem iure sibi invenire et vituperare viderentur, quae saepissime in aliis non peioribus hominibus maligne, ut putabant, descripsisset. His igitur criminationibus postremum obviam eundi egregiam poeta invenit viam. Tantum enim abest ut iis se vitiis laborare negaverit, ut acriorem infestiorumque sui ipsius incusationem hoc poemate scripserit, quam unquam vel acerrimus adversarius in se parare auderet. Etenim ea non debilis ratio est sese ab aliorum criminationibus defendendi, cum nihil eorum quae vituperata sunt extenuatur, omnia potius ridicula quadam superlacione ita augentur, ut ridere debeant quicumque audiant legantve adversariisque fidem abrogent. Putidum autem fuisset et prope cynicum, si ipse suo ore sese voluisset maculis flagitiisque conspergere; quare sapiens eam poematis formam elegit, qua quidquid esset dicendum abiecto pudore insolitae licentiae posset pronuntiare. Saturnalia (vide ad Sat. II, 3) Numa rege instituta, quae Saturni auream aetatem sublatoque inter heros servosque discrimine pristinam omnium hominum aequalitatem in paucos dies referebant, magnam dicendi agendique prae-buerunt servis libertatem. Fingit igitur Horatius, Saturnalibus Davum suum servum impunitate ac licentia dicendi abuti gravissimeque dominum inconstantiae, stultitiae insignisque temeritatis accusare. Consilium poetae sane felicissimum est. Servi enim, quibus ne quid dominis ingratum dicant per totum annum gravi poena vetitum est, ubi dicendi quidquid velint veniam accipiunt, arrogantes et impudentes sese praestant, praesertim qui sapientiores vel doctiores sibi esse videantur quam solet esse plurima pars eorum. Quare hoc egregie invenit Horatius, quod Davum a Crispini aretalogi (Sat. I, 1, 120. I, 3, 139) iani-

- Mancipium domino et frugi quod sit satis, hoc est,
 Ut vitale putes. Age, libertate Decembri,
 5 Quando ita maiores voluerunt, utere; narra.
 Pars hominum vitiis gaudet constanter, et urget
 Propositum; pars multa natat, modo recta capessens,
 Interdum pravis obnoxia. Saepe notatus
 Cum tribus anellis, modo laeva Priscus inani,
 10 Vixit inaequalis, clavum ut mutaret in horas;
 Aedibus ex magnis subito se conderet, unde
 Mundior exiret vix libertinus honeste;

tore ridiculis Stoicorum Romanorum doctrinis imbutum esse finxit (v. 45). Aliter enim unde Davus animum sumpsisset et facultatem ita disputandi? Et vide, ab ianitore Crispini, non ab ipso Crispino suam sapientiam ille accepit, hoc est a vilissimo mancipio, unde non minima profecto vilitas et nequitia in ipsam quoque sapientiam redundavit. Quare Horatius alteram simul occasionem nactus est, in insulsum illud genus aretalogorum acerbissime invehendi; quod quomodo ludibrium reddere verius potuit inter aequales, quam ita ut doctores et interpretes doctrinae eorum nunc insanum et perditum mercatorem (Sat. II, 3) nunc nequissimum servum et ianitorem redderet? — De tempore satirae nihil certum est aliud nisi habuisse iam Horatium aliquamdiu villam suam Sabinam (v. 28. 118); veri tamen simile est haud ita multo post sextam huius libri hanc quoque scriptam esse. Ita iis assentior qui ad a. 724 hoc poema referendum existimarunt.

V. 1. *ausculto*] Cogita Horatium in cubiculo aut clara voce legisse aut inter scribendum secum subinde esse locutum, neque servum ausum esse adhuc libertate Saturnalium uti, tandem opportunum tempus nactum silentium rumpere. Poeta ita cubat ut Davum adesse non senserit; iam nondum respiciens et ex vocis noto sono Davum loqui suspicans rogat *Davusne*? Affirmante Davo inter tertium versum Horatius retro vertitur. — *ita*] „In colloquiis unum *ita* totam sententiam affirmat responsione.“ *Hand. Turs.* T. III. p. 493. — *vitale*] Sat. II, 1, 61. Et „optima prima fere Manibus rapiuntur avaris.“ Ovid. Am. II, 6, 39. Illo igitur nequam est, qui magnam sibi impertire laudem non audet. — *pars hominum*] Iam incipit Davus ratione vere philosophica, ut opinatur; antequam eo progrediatur quo vult, praemittit magnificam de hominum inconstantia universam sententiam exemplorum splendore satis ornatam (6—20). — *natat*] Senec ep. 35: „Profice et ante omnia hoc cura ut constes tibi. Mutatio voluntatis indicat animum *natare*, aliubi atque aliubi apparere prout tulit ventus: non vagatur quod est fixum et fundatum.“ — *modo*] cui respondet *interdum*, ut Sat. I, 10, 12 sq. Aliter etiam Epist. II, 1, 63. — *tribus anellis*] De anulorum usu magnoque in iis luxu hos lege locos: Isid. Orig. XIX, 32: „Apud veteres ultra unum anulum uti infame habitum viro.“ Contra Senec. Nat. Quaest. VII, 31: „Exornamus anulis digitos; in omni articulo gemma disponitur.“ — *Priscus*] homo ignotus, senatorii ordinis. — *inaequalis*] Sat. I, 3, 9. 19. — *clavum*] Tunica indutus erat modo lato, ut senatorum, modo Augusto clavo, ut equitum, ornata. — *in horas*] A. P. 160. Cic. ad Att. XIV, 20: „consilia temporum sunt; quae in horas commutari vides.“

- Iam moechus Romae, iam mallet doctor Athenis
 Vivere: Vertumnis quotquot sunt natus iniquis.
- 15 Scurra Volanerius, postquam illi iusta cheragra
 Contudit articulos, qui pro se tolleret atque
 Mitteret in phimum talos, mercede diurna
 Conductum pavit: quanto constantior isdem
 In vitiis, tanto levius miser ac prior illo,
- 20 Qui iam contento, iam laxo fune laborat.
 Non dices hodie quorsum haec tam putida tendant,
 Furcifer? Ad te, inquam. Quo pacto, pessime? Laudas
 Fortunam et mores antiquae plebis, et idem,
 Si quis ad illa deus subito te agat, usque recuses,
- 25 Aut quia non sentis quod clamas rectius esse,
 Aut quia non firmus rectum defendis et haeres
 Nequidquam coeno cupiens evellere plantam.
 Romae rus optas; absentem rusticus urbem
 Tollis ad astra levis. Si nusquam es forte vocatus
- 30 Ad coenam, laudas securum olus ac velut usquam

V. 13. *doctor*] Sic optimi quique codices, alii *doctus*. Illud tamen praefarendum putabam vel propter codicum auctoritatem, etiamsi nihil tribuendum sit scholiastarum adnotationi: „Dicitur Priscus oratoriam docuisse.“ — *Vertumnis*] A vertendo dictus deus Vertumnus, qui variis anni temporibus praeerat. vide de eo Ovid. Met. XIV, 642 sqq. *Comm. Cruq.* „Erat Vertumnus multiformis, positus in multis locis civitatis, et fere in omnibus municipiis Italiae consecrabantur simulacra, quibus essent ambigui vultus, qui pro habitus diversitate in diversas facies deorum vertebantur.“ Ceterum cf. Sat. II, 3, 8. — *Volanerius*] Nihil praeterea de hoc homine traditur. Est autem exemplum constantiae in vitiis. — *cheragra*] Verior haec videtur esse forma in locis, in quibus prima syllaba corripitur necesse est. Epist. I, 1, 31. — *mitteret*] „e fritillo, pyxide lignea, in qua tali manu agitabantur, deinde ex ea in phimum coniciebantur, adeo ut duobus his instrumentis omnis fraus arceretur. Phimus autem turricula erat sive pyrgus, cylindrus cavus qui trochleatim effectus erat certosque habebat intus gradus excisos, ex quibus fundebantur tali in alveolum sive tabulam lusoriam.“ *Orellius*. *Iam-iam* pro modo - modo. Ovid. Met. I, 111. Ad imaginem cf. Lucian. Dial. meretr. III extr.: „Ὅρα κατὰ τὴν παροῦσαν ἀποδόξῃ ξωμεν πᾶν τεύχους τὸ καλῶδες“. — *hodie*] Longi sermonis taedio captus Horatius timet ne totus dies ita consumatur. — *Furcifer*] Donat. ad Terent. Andr. IV, 5, 12: „Furciferi dicebantur qui ob leve delictum cogebantur a dominis ignominiae magis quam supplicii causa circa vicinos furcam (V) in collo ferre subligatis ad eam manibus et praedicare peccatum suum simulque commonere ceteros ne quid simile admittant.“ Cic. pro Deiot. 9. — *coeno*] Metaphora sumpta de eo, cui in coenum delapso vires non sufficiunt ad enitendum. „Tantus, inquit, in te non inest sensus veri, ut ex turpitudine omnino possis exire.“ — *olus*] Sat.

- Vinctus eas, ita te felicem dicis amasque,
 Quod nusquam tibi sit potandum. Iusserit ad se
 Maecenas serum sub lumina prima venire
 Convivam: Nemon oleum feret ocius? ecquis
 35 Audit? cum magno blateras clamore furisque.
 Mulvius et scurrae tibi non referenda precati
 Discedunt. Etenim fateor me, dixerit ille,
 Duci ventre levem, nasum nidore supinor,
 Imbecillus, iners, si quid vis, adde, popino;
 40 Tu cum sis quod ego et fortassis nequior, ultro
 Insectere velut melior verbisque decoris
 Obvolvas vitium? Quid, si me stultior ipso
 Quingentis empto drachmis deprenderis? Aufer
 Me vultu terrere; manum stomachumque teneto,
 45 Dum quae Crispini docuit me ianitor edo.
 Te coniux aliena capit, meretricula Davum:
 Peccat uter nostrum cruce dignius? Acris ubi me
 Natura intendit, sub clara nuda lucerna
 Quaecunque exceptit turgentis verbera caudae,
 50 Clunibus aut agitavit equum lasciva supinum,
 Dimittit neque famosum neque sollicitum, ne
 Ditiore aut formae melioris meciat eodem.
 Tu cum proiectis insignibus, anulo equestri

II, 6, 60—64. — *amasque*] Cic. ad Att. IV, 16: „In eo me valde amo.“ Sat. I, 2, 54.

V. 33. *lumina prima*] Epist. II, 2, 98. — *oleum*] lucernae, quae opus est ad Maecenatem festinanti. — *blateras*] Fest.: „Blaterare, stulte et percipue loqui.“ — *furisque*] Etsi alteram lectionem *fugisque* maior numerus MSS. tuetur, velocitatis notio ipsis interrogationibus multo gravius expressa proprio verbo vix debuit addi. Contra blaterare et furere bene videntur coniungi, ut indicetur prae cupiditate ac paene furore nescire Horatium quid dicat. Atque in bonis quidem libris legitur *furis*. — *Mulvius*] „Scurrae spe bonae coenae decepti increpantur tibi quae ego nolim iterare. Et recte quidem tibi maledicunt. Facile enim suam causam adversus te sic illi defendant.“ Non dubitandum quin ille Mulvius sit, quem Davus cum Horatio comparat — *ultro insectere*] In scurras, qui ridendi causa alebantur, suo sibi iure invehi videbantur. — *Quid*] Confirmat Davus Mulvii criminationes in poetam coniectas: „Recte sic Mulvius; quid enim? tu nonne stultior es me ipso mancipio?“ Quod cum dicere audeat Davus, cogitandum est iratum se praestare Horatium et manum tollere minantem. — *quingentis drachmis*] quo parvo pretio (120 thal.) vilia tantum mancipia emebantur. — *cruce*] Epist. I, 16, 48. Crucis autem supplicium apud Romanos peculiare fuit servis, unde servile supplicium appellatum. — *anulo equestri*] Qua ra-

- Romanoque habitu, prodixit ex iudice Dama
 55 Turpis, odoratum caput obscurante lacerna,
 Non es quod simulas? Metuens induceris atque
 Altercante libidinibus tremis ossa pavore.
 Quid refert uri virgis ferroque necari
 Auctoratus eas, an turpi clausus in arca,
 60 Quo te demisit peccati conscia herilis,
 Contractum genibus tangas caput? Estne marito
 Matronae peccantis in ambo iusta potestas?
 In corruptorem vel iustior. Illa tamen se
 Non habitu mutatae loco, peccatae superne.
 65 Cum te formidet mulier neque credat amanti,
 Ibis sub furcam prudens dominoque furenti
 Committes rem omnem et vitam et cum corpore famam.
 Evasti: credo, metues doctusque cavebis;
 Quaeres quando iterum paveas iterumque perire
 70 Possis, o toties servus! Quae belua ruptis
 Cum semel effugit, reddit se prava catenis?
 Non sum moechus, ais; neque ego, hercule, fur, ubi vasa
 Praetereo sapiens argentea: tolle periculum,

tione Horatius equestrem dignitatem acceperit nos quidem ignoramus; fortasse beneficio Octaviani eo tempore, quo Sabinum accepit, in ingenuitatem assertus cum censu equestri dignitatem quoque adeptus est. Cum qua re non pugnat Sat. II, 1, 29. 75; ibi enim cavet ne nova sibi dignitas in crimen et arrogantiam convertatur.

V. 54. *ex iudice*] nam ex equitibus iudices eligebantur. De lacerna vide ad Carm. II, 16, 35; quae ibi notata sunt iis adde haec Beckeri Gall. T. II. p. 98: „Da bei dieser Kleidung (lacerna) der Kopf immer unbedeckt blieb und man einen petasus gewöhnlich nicht trug, so heftete man, namentlich für die Reise oder wenn man obvoluto capite unerkant sein wollte, eine Art Capuchon, culullus, auch culullio an die lacerna oder paenula.“ — *altercante*] Verbum a iudicio est translatum; altercatur enim qui adversarium interrogando vincere studet. Cic. Brut. 43: „Crassus in altercando invenit parem neminem.“ — *quid refert*] Quodsi ita te geris, num tu magis liber es quam is qui lanistae se vendidit? nihil enim interest utrum ad gladiatoria munera corpus tuum lanistae an libidinibus corpus et animus ad flagitia dederis. De verbis Acro: „Qui se vendunt ludo auctorati dicuntur; auctoratio enim dicitur venditio gladiatorum.“ Senec. epist. 37: „Illius turpissimi auctoramenti verba sunt, uri, vinciri, verberari ferroque necari.“ — *ibis*] omisso pronomine *tu*. cf. Sat. I, 2, 90. II, 3, 212, 234. Epist. I, 14, 40. — *Evasti*] Omissa particula *cum* vel *si*; vides orationem sic nervosiorum reddi. — *toties*] saepissime. cf. Epist. I, 1, 6. Cogitatione addamus necesse est: „quoties talem te ostendis.“

Iam vaga prosiliet frenis natura remotis.

75 Tune mihi dominus, rerum imperiis hominumque
Tot tantisque minor, quem ter vindicta quaterque
Imposita haud unquam misera formidine privet?
Adde super dictis quod non levius valeat: nam
Sive vicarius est, qui servo paret — uti mos

80 Vester ait — seu conservus; tibi quid sum ego? Nempe
Tu, mihi qui imperitas, alii servis miser atque
Duceris ut nervis alienis mobile lignum.

Quisnam igitur liber? Sapiens sibi imperiosus,
Quem neque pauperies neque mors neque vincula terrent,

85 Responsare cupidinibus, contemnere honores
Fortis, et in se ipso totus, teres atque rotundus,
Externi ne quid valeat per leve morari,
In quem manca ruit semper fortuna. Potesne
Ex his ut proprium quid noscere? Quinque talenta

90 Poscit te mulier, vexat foribusque repulsum
Perfundit gelida, rursus vocat: eripe turpi

V. 74 *vaga*] *προληπτικῶς* positum: prosiliet et vagabitur, se extendet. — *vindicta*] De ratione manu servum mittendi Orellius ad h. l. haec habet: „Comparebat coram praetore urbano dominus cum servo, amicusque domini, assertor in libertatem; dominus servum vindicta (virgula) vel festuca dicis causa percutiebat, quo suam in eum potestatem manifestaret: tum assertor in libertatem hanc formulam pronuntiabat: *Hunc hominem liberum esse aio ex iure Quiritium*. Dominus velut cedens adversario ficto: *Hunc hominem liberum esse volo vel liber esto atque abito quo voles*; dein eum circumagebat et manu mittebat; postea praetor edicebat *eum hominem liberum esse ex iure Quiritium*.“ — *super dictis*] Sic cur non coniungamus non video neque est cur *dictis* dativum esse dicamus. Latior enim Horatii usus est huius particulae cum ablativo coniunctae. cf. Carm. I, 9, 5. Epod. 7, 3. Virg. Bucol. 1, 80. — *vicarius*] Licuit servis alium servum ex peculio suo emere ad perficienda quae sibi essent servilia negotia. Eos autem nominabant vicarios, qui, cum peculium servorum in potestate domini esset, servi non servus solum erat sed etiam conservus. — *alii*] Sic bene ex antiquis codicibus; alii *aliis* praebent; significatur non Maecenas, sed libido et cupiditas. — *lignum*] Significantur *νευρόσπαστα*, parva quaedam animalium simulacra, quorum vel singula vel universa membra certis nervis in hanc vel illam partem movebantur (Marionetten). — *sibi imperiosus*] Sic scripsi cum antiquissimis codicibus pro eo quod in pluribus inest *sibi qui*. Displicet duplex sententia relativa, altera alteram explicans. cf. Carm. III, 29, 41.

V. 86. *in se ipso totus*] Cic. Parad. 2: „Non potest non beatissimus esse, qui totus aptus est ex sese, qui in se uno sua posuit omnia.“ — *teres atque rotundus*] M. Anton. VIII, 41: „Τούτου (τοῦ νοῦ) οὐ πῦρ, οὐ σίδηρος, οὐ τύραννος, οὐ βλασφημία οὐχ διούριον ἀπείται.“

- Colla iugo; Liber, liber sum, dic age! Non quis:
 Urget enim dominus mentem non lenis et acres
 Subiectat lasso stimulos versatque negantem.
- 95 Vel cum Pausiaca torpes, insane, tabella,
 Qui peccas minus atque ego, cum Fulvi Rutubaeque
 Aut Pacideiani contento poplite miror
 Proelia rubrica picta aut carbone, velut si
 Re vera pugnent, feriant vitentque moventes
- 100 Arma viri? Nequam et cessator Davus; at ipse
 Subtilis veterum iudex et callidus audis.
 Nil ego, si ducor libo fumante: tibi ingens
 Virtus atque animus coenis responsat opimis?
 Obsequium ventris mihi perniciosius est cur?
- 105 Tergo plector enim. Qui tu impunitior illa,
 Quae parvo sumi nequeunt, obsonia captas?
 Nempe inamarescunt epulae sine fine petitae,
 Illusique pedes vitiosum ferre recusant
 Corpus. An hic peccat, sub noctem qui puer uvam
- 110 Furtiva mutat strigili? qui praedia vendit,
 Nil servile gulae parens habet? Adde, quod idem
 Non horam tecum esse potes, non otia recte

διαν γένηται σφαῖρος, κυκλοτέρης μένει.“ — *subiectat*] Metaphora sumpta ab equite qui lassus equis calcaria subdit. Epist. II, 1, 217. — *Pausiaca*] Pausias Sicyonius floruit circa a. ante Chr. 370. De re confers Cicronem Parad. 5: „An ille mihi liber, cui mulier imperat? cui leges imponit, praescribit, iubet, vetat quod videtur? qui nihil imperanti negare potest, nihil recusare audet? Poscit; dandum est: vocat; veniendum: eiicit; abeundum: minatur; extimescendum. Ego vero istum non modo servum, sed nequissimum servum appellandum puto.“ Et deinde: „Pari stultitia sunt quos signa, quos tabulae, quos aedificia magnifica nimio opere delectant.“ — *Fulvi*] Tria sunt nomina gladiatorum; tertium ex Lucilii satiris sumptum. — *contento poplite*] coniunge haec cum *proelia*, quae contentis poplitibus committuntur. — *cessator*] „quodsi ego illas rudes tabellas a lanistis propositas admirans paulo diutius moror, statim cessator audio et vituperor; tu contra in simili re non melior laudaris.“ — *nil ego*] nequam audio. — *plector enim*] „Perniciosum quidem est, nam tergum plectitur; tu autem nonne in stomacho et pedibus poenam sentis?“ cf. Sat. II, 2, 41 sqq.

V. 110. *mutat*] vide ad Carm. I, 17, 1. — *strigili*] Becker. Gall. T. II. p. 47: „Die strigiles oder Schabeisen sind aus den Gymnasien bekannt. In den Bädern bediente man sich ihrer, um Oel, Schweiss und Unreinigkeit von der Haut zu schaben. Sie haben sämtlich eine Höhlung, in welcher sich, wenn sie über den Körper strichen, Schweiss,

Ponere, teque ipsum vitas fugitivus et erro,
 Iam vino quaerens, iam somno fallere curam;
 115 Frustra: nam comes atra premit sequiturque fugacem.
 Unde mihi lapidem? Quorsum est opus? Unde sagittas?
 Aut insanit homo aut versus facit. Ocius hinc te
 Ni rapis, accedes opera agro nona Sabino.

Satira VIII.

Ut Nasidieni iuvit te coena beati?
 Nam mihi quaerenti convivam dictus here illic

Oel oder Wasser sammelte und wie in einer Rinne herabliefe.“ — *erro*] Ulpian. Dig. XXI, 1, 17: „Erronem sic definimus, qui non quidem fugit sed frequenter sine causa vagatur et temporibus in rebus nugatoriis consumptis serius ad dominum redit.“ — *unde mihi lapidem*] De impudentia servi iratus dominus lapidem quaerit quo malum hominem percutiat. Sic autem irasci et furere hominis est qui veras criminationes iustis causis non possit diluere. Quare lepide Horatius contumeliosis servi obiurgationibus quasi cedit. Lepide etiam Davus calidis domini exclamationibus frigidissime respondet; dominus calidior etiam factus sagittas quaerit, deinde impotens neque sibi consulere sciens molestum servum dirissimis minis pellit. — *versus facit*] Poetae qui vere sunt divino quodam furore corripiuntur, cum versus faciunt. Qua re Davus maligne ita utitur, ut dominum poetam nunc furore correptum mentis compotem esse aut quid dicat scire neget. — *opera nona*] Octo igitur iam servi fuerunt Horatio in Sabino. Viliores erant servi rustici et opera ruri duriora; quare qui ex urbana familia gravius quid deliquisset rusticae familiae addebantur.

Satira VIII.

Quod semper fieri solet cum rerum publicarum status et ordines violentis bellorum motibus turbantur, ut ex infima etiam plebe homines casu vel fortunae ludibrio emergant corrasisque magnis divitiis eam sibi concilient auctoritatem quam coniunctam semper scimus cum divitiis, id Romae et Horatii aetate saepe factum esse taedium testatur quo boni saepe cives moti de arrogantia et insolentia divitum libertinorum, aliorum id genus hominum conquerebantur. Nempe „fortuna non mutat genus“ (Epod. 4, 6). Talem tibi cogita hunc Nasidienum, cuius coenam in hac satira Horatius Fundanio, comico poeta, interprete descripsit. Is enim casu magis quam meritis dives factus cum pecunia omnia parari, genus et formam donari crederet (Epist. I, 6, 36 sq.), in consuetudine nobilium et doctorum hominum aliam insuper gloriandi causam quaesivisse videtur. Quare Maecenatem clarosque poetas, Varium et Fundanium (Sat. I, 10, 42) iam saepius fortasse ad se invitaverat; sed cum illud quod ardentem cuperet tandem esset assecutus, cum Maecenas importunis eius precibus cedere tandem coactus esset, ingentem convivis ridendi copiam praebuerunt eius agrestes mores, vana in osten-

De medio potare die. Sic, uti mihi nunquam
 In vita fuerit melius. Dic, si grave non est,
 5 Quae prima iratum ventrem placaverit esca.
 In primis Lucanus aper: leni fuit Austro
 Captus, ut aiebat coenae pater; acria circum
 Rapula, lactucae, radices, qualia lassum
 Pervellunt stomachum, siser, allec, faecula Coa.

dendis opibus elegantia, rustica in laudandis rebus arrogantia. Duae igitur res fuerunt quae Horatium ut convivium illud ridicule describeret videntur permovisse; ac primum quidem ut Nasidienorum perversitatem aequalibus ridendam praeberet aliorumque si fieri posset stolidam iactantiam sanaret, deinde quo Maecenati qui Nasidieni imperitia et ineptiis magnopere esset delectatus gratam eius convivii memoriam conservaret. In qua re illud tenendum est, multa haud dubie Romanis hominibus magis ridicula visa esse quam nobis de antiqua instruendae coenae ratione, de ferculorum recto ordine, de ciborum bene et eleganter parandorum et ponendorum iusto modo non satis instructis. Praeterea tamen bene velim observes quam egregie Horatius qui ipse coenae non interfuisset comico poetae Fundanio rem narrandam demandaverit, quippe in cuius ore quae natura essent ridicula maiorem etiam risum cicerent. Deinde sapienter institutum est quod Maecenatis praeter nomen nihil memoratur; nimirum ne tanti viri gravitas apud populum laederetur. Nasidienus Rufus quis fuerit nescimus; nam quod apud Acronem legitur, fuisse eum equitem Romanum, cave ne ei auctori nimium credas. Deinde alii Salvidienum Rufum, Octaviani legatum, rideri suspicati sunt; non bene, quoniam ille anno iam 714 occisus est. Unum in hac re certum est, Nasidienum nomen fuisse vere Romanum; id quod exemplorum auctoritate satis comprobatur. Quo anno satiram scriptam dicas nihil est quo docearis; plurimum annum 724 aptissimum suspicati sunt.

V. 1. *Ut Nasidieni*] Nomen quattuor syllabis pronuntiandum est *Νασιδιένιος*. vide ad Carm. III, 4, 41. Sat. I, 7, 30. II, 3, 245. Aliter v. 75. 84. Aliae lectiones *Ut te Nas.* et *Nasidieni qui* exortae sunt ex malo metri corrigendi studio. — *beati*] divitis Carm. III, 7, 3 Inest tamen in hoc epitheto ironia quaedam, non tanquam vere fuerit miser et infelix, qui suis divitiis bene uti nesciverit, sed quia opibus gloriari solebat vir bonus. — *Nam*] Additur hac particula unde sciat Horatius Fundanium coenae Nasidieni interfuisse. vide ad Carm. III, 11, 1. — *dictus*] Omissum pronomen *es*; ex sermone quotidiano. — *here*] De qua forma compara hos locos: Quintil. I, 7, 22: „*here* nunc e littera terminamus; ad veterum comicorum adhuc libris inventio *heri* ad *me renit*, quod idem in epistolis Augusti, quas sua manu scripsit aut emendavit, deprehenditur.“ id. I, 4, 8: „in *here* neque e plane neque i auditur.“ Priscian. p. 1011: „Dicitur tamen et *here*. (Juvenal. lib. I, 3, 23): *res hodie minor est, here quam fuit*. Horatius in II. Sermonum.“ — *de medio die*] Solita coenae hora nona fuit. cf. Epist. I, 14, 34. — *placaverit*] cf. Sat. II, 2, 18. De gustatione qua initio coenae irritabatur stomachi cupiditas nihil dicitur. — *Lucanus*] Sat. II, 3, 234. II, 4, 40. — *leni Austro*] scilicet ne convivae putrescere iam aprum suspicarentur (Sat. II, 2, 41); qua quidem re quid potuit magis putide aut importune moneri? — *circum*] vide Sat. II, 4, 73 sqq. — *radices*] Rettig. Ovid. Met. VIII, 666. — *siser*] Plin. XX. 7: „Siser stomachum excitat,

- 10 His ubi sublati puer alte cinctus acernam
 Gausape purpureo mensam pertersit, et alter
 Sublegit quodcunque iaceret inutile quodque
 Posset coenantes offendere; ut Attica virgo
 Cum sacris Cereris procedit fuscus Hydaspes
- 15 Caecuba vina ferens, Alcon Chium maris expers.
 Hic herus: Albanum, Maecenas, sive Falernum
 Te magis appositis delectat: habemus utrumque.
 Divitias miseras! Sed quis coenantibus una,
 Fundani, pulchre fuerit tibi, nosse laboro.
- 20 Summus ego et prope me Viscus Thurinus et infra,

fastidium absterget, ex aceto laserpitatio sumptum aut ex pipere et mulso vel ex garo." — *faecula*] Sat. II, 4, 73. Est liquamen et condimentum ex Coi vini facce paratum. — *puer alte cinctus*] altius videtur quam deceret. Nam si nihil in hoc loco inesset ridiculi aut indecori, quid eam rem discrete nominare debuit Horatius? Deinde Servilius de eadem re videtur ridere v. 70. — *acernam*] Non sequor Commentatorem Cruquianum: „Notat eius sorditiem, quod pro divitiis non habuerit mensam citream aut vermiculatam“; nam Plin. XVI, 26: „Acer, inquit, operum elegantia ac subtilitate citro secundum.“ Neque consentaneum est divitem hominem in parandis mensis, in eligenda supellectile parcum aut avarum fuisse; immo vero mensa satis pretiosa est. Augusti autem aetate mensae nondum ut postea mantelibus tegebantur, quare antequam novum ferculum poneretur gausape abstergi debuit. Isid. Orig. XIX, 26, 6: „Mantelia nunc pro operiendis mensis sunt, quae, ut nomen ipsum indicat, olim tergendis manibus praebebantur.“ — *sublegit*] ἀνελέξατο; unde nomen his servis anaeclorum.

V. 13. *Attica virgo*] *καρχήρος*; de quibus vide Passowii lex. gr. s. v. cf. Sat. I, 3, 10. — *Hydaspes*] Servus Indus, quos in familia habere luxuria et mos iussit. Nomen sumptum ex patrio flumine servi. — *Caecuba*] Plin. XIV, 6: „Divus Augustus Setinum praetulit cunctis. Antea Caecubo erat generositas celeberrima in palustribus populetis, sinu Amyclano. Secunda nobilitas Falerno agro erat et ex eo maxime Faustiano. Ad tertiam palmam varie venere: Albana urbi vicina praedulcia ac rara in austero; item Surrentina; certant Massica aequae ex monte Gaurano.“ Vituperandus igitur Nasidienus non erat ideo quod Caecuba vina proposuit, sed quod gloriabatur simul se alia quoque habere, et quod in divitum hominum epulis plura fortasse genera praebebantur. — *Chium maris expers*] Solebat vinis graecis aqua marina admisceri; hoc igitur Chium, quod inter transmarina nobilissimum fuit auctore Plinio, non erat mixtum, sive quod salubrius fortasse habebatur (cf. Plin. XIV, 7: „Nunc gratia ante omnia est Clazomenio, postquam *parcius* mari condiantur. et ibid.: „Nec Ephesium salubre esse, quoniam mari et defruto condiantur.“) sive ne sitim exciteret neve qui acriter biberent minus recte de exquisitis cibis possent iudicare (cf. v. 36 sqq.). — *divitias miseras*] Horatii sunt Fundanium interruptentis; de qua re ne quis dubitare velit particula *sed* satis debuit monere. Male igitur alii ea verba Nasidieno tribuerunt. Miserae sunt divitiae, quod miserum reddit hominem in tantamque agunt iactantiam et stultitiam. — *pul-*

Si memini, Varius, cum Servilio Balatrone
 Vibidius, quos Maecenas adduxerat umbras.
 Nomentanus erat super ipsum, Porcius infra,
 Ridiculus totas simul absorbere placentas.
 25 Nomentanus ad hoc, qui si quid forte lateret,
 Indice monstraret digito: nam cetera turba,

chre] Sat. II, 2, 106. — *Summus ego*] Quo ordine accubuerint convivae ex hac tabula videbis:

Medius lectus		
6	5	4
Imus lectus	7	Summus lectus
	8	
	9	
	</	

1) Fundanius 2) Viscus 3) Varius 4) Servilius 5) Vibidius 6) Maecenas 7) Nomentanus 8) Nasidienus 9) Porcius. In quo ordine hoc incertum relinquitur, utrum Viscus secundum et Varius tertium tenuerit an contra Viscus tertium et Varius secundum. Idem dicendum de umbris Maecenatis. Medius lectus maxime honoratus nobilissimo inter convivas viro eiusque comitibus tribuebatur; quare Maecenas in ultimo loco medii lecti, qui locus consularis appellabatur, accubebat. Si recto rem instituisset Nasidienus septimum locum Maecenati proximum sibi servare debuisset; quem cur Nomentano dederit manifestum est ex versu 25. — *Viscus Thurius*] Thuriis oriundus, diversus a Viscis fratribus qui Sat. I, 10, 83 nominantur. — *Servilio*] tribus syllabis pronuntiantur. — *quos Maecenas*] Optimi codices quos, quod quidem a scriba nimis anxio consuetudinis latinae in quas mutatum videtur. — *umbras*] comites a domino coenae non invitatos. Epist. I, 5, 28. — *Nomentanus*] Sat. I, 1, 102. Porcius publicanus appellatur apud Comm. Cruq., Nomentanus decumanus.

V. 24. *simul*] Sic plurima pars bonorum codicum neque video cur haec lectio alteri *semel* cedat. Dicit enim Porcium, voracitate reliquis ut ostenderet quam sint egregiae placentae, totas, in partes non dissectas, absorbuisset. *Simul* igitur bene ponitur contra *totas*, ut eandem habeas sententiam quam in altera lectione *semel* adversarii inesse aiebant. Dubitationi magis obiectum est iudicium de diversa lectione verborum *absorbere* et *osorbere*, utraque a bonis codicibus commendata. Illud tamen ideo praetulimus ne egregia comparatio gulonis cum maris gurgite perdat, adiuti loco Ciceronis Phil. II, 27, 67: „Oceanus vix videtur tot res, tam distantibus in locis positas tam cito absorbere potuisse.“ — *nam cetera turba*] Nomentanus omnes cibos laudabat ob insolitum gustum et novam qua essent parati rationem; cuius quidem

- Nos, inquam, coenamur aves, conchyliis, pisces,
 Longe dissimilem noto celantia sucum;
 Ut vel continuo patuit, cum passeris atque
- 30 Ingustata mihi porrexerat ilia rhombi.
 Post hoc me docuit melimela rubere minorem
 Ad lunam delecta: quid hoc intersit, ab ipso
 Audieris melius. Tum Vibidius Balatroni:
 Nos nisi damnose bibimus, moriemur inulti;
 35 Et calices poscit maiores. Vertere pallor
 Tum parochi faciem nil sic metuentis ut acres
 Potiores, vel quod maledicunt liberius vel
 Fervida quod subtile exsurdant vina palatum.
 Invertunt Allifanis vinaria tota -
- 40 Vibidius Balatroque, secutis omnibus; imi
 Convivae lecti nihilum nocuere lagenis.
 Affertur squillas inter muraena natantes
 In patina porrecta. Sub hoc herus: Haec gravida, inquit,
 Capta est, deterior post partum carne futura.
- 45 His mixtum ius est: oleo, quod prima Venafri
 Pressit cella; garo de sucis piscis Hiberi;
 Vino quinquenni verum citra mare nato,
 Dum coquitur — cocto Chium sic convenit, ut non
 Hoc magis ullum aliud — ; pipere albo non sine aceto,
- 50 Quod Methymnaeam vitio mutaverit uvam.
 Erucas virides, inulas ego primus amaras
 Monstravi incoquere; inultos Curtillus echinos,

rei convivae, haudquaquam earum rerum imperiti, etiamsi non initiati in mysteria culinae Nasidieni, nihil sentiebant; neque magis delectabantur intestinis piscium, quae alias non apponebantur. — *passeris*] Pleuronectis Flesi Linn. — *Nos nisi*] Perpetua omnium ciborum laudatione impudentique iactantia domini et eius sociorum convivis taedium paratur; quare Vibidius acri potatione ultionem quaerere constituit. cf. Virg. Aen. II, 670. IV, 659. — *parochi*] iocose dictum. vide ad Sat. I, 5, 46. — *Allifanis*] Maiores calices dicti ab Allifis, Samnii oppido. — *imi lecti*] Nomentanus et Porcius, scilicet ne gustum sibi perderent. — *his*] oleo, garo, vino cet. cf. Sat. II, 4, 63 — *Venafri*] Carm. II, 6, 15. — *garo*] Plin. XXXI, 43: „Garum nunc e scombrosi pisci laudatissimum in Karthaginis Spartariae cetariis.“ Karthago spartaria est Hispanica, quia frequens ibi fuit spartum. — *mutaverit*] cf. Sat. II, 2, 58. *Vitio* est dativus, in vitium i. e. in acorem. — *inultos*] e vasis, ubi sale conditi et repositi fuerant, cum sua sanguine exemptos. — *ut melius*] ως

- Ut melius muria quod testa marina remittat.
 Interea suspensa graves aulaea ruinas
- 55 In patinam fecere, trahentia pulveris atrii
 Quantum non Aquilo Campanis excitat agris.
 Nos maius veriti, postquam nihil esse periculi
 Sensimus, erigimur; Rufus posito capite, ut si
 Filius immaturus obisset, flere. Quis esset
- 60 Finis, ni sapiens sic Nomentanus amicum
 Tolleret: Heu, Fortuna, quis est crudelior in nos
 Te deus? Ut semper gaudes illudere rebus
 Humanis! Varius mappa compescere risum
 Vix poterat. Balatro suspendens omnia naso,
- 65 Haec est condicio vivendi, aiebat, eoque
 Responsura tuo nunquam est par fama labori.
 Tene, ut ego accipiar laute, torquerier omni
 Sollicitudine districtum, ne panis adustus,
 Ne male conditum ius apponatur, ut omnes
- 70 Praecincti recte pueri comptique ministrent?
 Adde hos praeterea casus, aulaea ruant si,
 Ut modo; si patinam pede lapsus frangat agaso.

χοῆτον ὄν; cf. v. 89. — *quod remittat*] Sic optimi codices; *quod* cum statim non intelligeretur corruptum est in *quam*. Verba autem *quod testa mar. remittat* subiectum sunt quod vocamus; illud enim ipsum melius esse praedicatur quam muria. — *Curtillus*] ignotus homo.

V. 54. *aulaea*] vide ad Carm. III, 29, 15. — *maius veriti*] ruinam domus vel tecti triclinii. — *mappa*] linteum quo manus et ora abstergebant (Serviette). Petron. 32: „Circaque oneratas veste cervices lativestem immiserat mappam fimbriis hinc atque illinc pendentibus“; nam quibus ius lati clavi erat, ii mappas quoque et mantelia lato clavo ornabant. — *suspendens*] vide ad Sat. I, 6, 5. Balatro Nomentano quasi assentiens rem iocans et irridens magnopere auget; nam plena haec consolatio est ironiae. — *ne panis*] Particulas *ne* et *ut* vides coniungendas esse cum *voc. sollicitudine*. Ludibrium autem in ea re videndum est, quod Balatro Nasidienum, qui cibos et curam in parandis cibis positam ad taedium ipse praedicaverat, minutis curis enumerandis maligne landat. Fortasse tamen ii recte viderunt, qui panem vere adustum, ius male conditum fuisse putarent. — *patinam*] Ea, in qua muraena apposita erat, haud dubie fracta erat decidentibus aulaeis. Quare si qui servus sinister hoc quoque in convivio patinam fregit, alia est patina, neque ille id facere potuit cum aulaea quae deciderant amoveret, id quod ex verbis *pede lapsus* clarissime patet. Neque credendum est Nasidienum ut numerum ministrorum augeret agasonem i. e. servum qui iumenta curaret aggregasse. In divite domo quis dubitat quin sat multi fuerint servi qui ad coenam adessent? praesertim cum ii homines qui

Sed convivoris, uti ducis, ingenium res
Adversae nudare solent, celare secundae.

75 Nasidienus ad haec: Tibi di quaecunque preceris
Commoda dent! ita vir bonus es convivaque comis;
Et soleas poscit. Tum in lecto quoque videres
Stridere secreta divisos aure susurros.

Nullos his mallet ludos spectasse; sed illa
80 Redde, age, quae deinceps risisti. Vibidius dum
Quaerit de pueris, num sit quoque fracta lagena,
Quod sibi poscenti non dantur pocula, dumque
Ridetur fictis rerum Balatrone secundo,

Nasidiene, redis mutatae frontis, ut arte
85 Emendaturus fortunam; deinde secuti
Mazonomo pueri magno discerpta ferentes
Membra gruis sparsi sale multo non sine farre,
Pinguibus et ficis pastum iecur anseris albae,
Et leporum avulsos, ut multo suavius, amos,
90 Quam si cum lumbis quis edit. Tum pectore adusto

in divitiis laudem quaerant in alenda magna familia parci esse non soleant. Quare agasonis nomen positum nobis quidem videtur pro vili et rudi servo, ut apud Persium V, 76: „Illic Dama est non tressis agaso.“ — *soleas poscit*] Qui ad coenam accumbebant soleas sibi demi iubebant; qui surgere volebant soleas poscebant. — *stridere*] Versus totus factus est ad significandum susurrum.

V. 81. *quoque*] nam patina fracta erat. — *secundo*] adiuvante. Epist. II, 1, 102. I, 10, 9. — *Nasidiene*] Fundanius in narrando ad ridendam gravitatem qua Nasidienus quasi triumphans redit epicorum consuetudine utitur heroas saepe in carminibus alloquentium. Hom. II. IV, 127. — *arte emendaturus*] cf. Ter. Ad. IV, 7, 23: „Illud quod cecidit forte id arte ut corrigas.“ — *Mazonomo*] Est proprie ingens lanx, ex qua *μάζα νέμεται*, puls distribuitur; deinde omnino ingentem patinam significat. — *discerpta membra*] In ipsis cibis quos apponebat Nasidienus nihil videtur peccatum esse; sed importunum omnes suas res laudandi studium, quo stolidi saporem augere tentavit Nasidienus, taedium renovavit convivis, qui cum aliter sese non possent liberare ab his molestiis satiati fastidio tandem relictis omnibus deliciis aufugerunt. Nam quod gruis membra sparsa erant sale et farre, quod anser saginatus sucosis ficis muliebris sexus erat, et quae reliqua sunt, ea omnia Nasidienus multis verbis exposuisse et praedicasse putandus est. — *amos*] cf. Sat II, 4, 44. „Quia lumbi habent aliquid tetri odoris et saporis minus iucundi“ *Comm. Cruq* — *edit*] Epod. 3, 3. — *pectore adusto*] cf. Ter. Ad. III, 3, 71: „Hoc salum est, hoc adustum est, hoc lautum est parum.“ Merulae igitur apponebantur propter festinationem, qua in iis parandis usi erant coqui, non assae sed vere adustae; praeterea absurdum videtur fuisse palumbes sine clunibus apponere. Apud Gellium certe legimus XV, 8: „Praefecti popinae atque altitium luxuriae negant

Vidimus et merulas poni et sine clune palumbes,
 Suaves res, si non causas narraret earum et
 Naturas dominus, quem nos sic fugimus ulti,
 Ut nihil omnino gustaremus, velut illis
 95 Canidia afflasset peior serpentibus Afris.

ullam avem praeter ficedulam totam comesse oportere; ceterarum avium atque altilium nisi tantum opponatur, ut a cluniculis inferiore parte saturi fiant, convivium putant inopia sordere; superiorem partem avium et altilium qui edunt, eos palatum non habere.“ — *causas et naturas*] Omnia illa edulia, inquit Fundanius, satis bona fuissent, nisi coenae pater iterum docuisset cur quaeque res hac ratione, non alia, parata esset, quem gustum sucumve haberet, similia. — *Canidia*] Epod. 5. 17. Sat. I, 8. — *afflasset*] cum dativo, ut Tibull. II, 1, 80: „Felix cui placidus leniter afflat Amor.“ Virg. Aen. I, 591. Cic. Her. IV, 49: „Si quem reperiat cui aliquid mali faucibus afflare possit.“ — *Afris*] Carm. III, 10, 18.

Q. HORATII FLACCI

EPISTOLARUM

LIBER PRIMUS.

Epistola I.

Prima dicte mihi, summa dicende Camena,
Spectatum satis et donatum iam rude quaeris,

Epistola I.

Editis tribus carminum libris Horatius magnam sibi nominis gloriam paraverat; ex quo tempore cum plures anni transiissent quibus Romanae lyrae fidicen nihil ad sustentandam augendamve laudem novi addidisset, unus sane non fuit Maecenas, qui poetam ut laudi suae consuleret benevola admonitione incitaret. Sed „tempora mutantur et nos mutamur in illis“ neque quaevis aetas aut quivis animus aptus est, ad componenda lyrica carmina, quibus tenerrimos et intimos sensus poetae exprimere solent. Quod quam sit verum Horatius quoque sensit eamque excusationem Maecenatis amicorumque reliquorum voluntati opposuit. Quare olim se lusisso ait adolescentem, iam severis se disciplinis et studiis deditum eam conquirere rerum copiam, unde summam possit capere utilitatem ad vitam sapienter instituendam. Hoc enim se sequi in rebus philosophicis consilium, eandem ob rem uni philosophorum disciplinae se non addictum esse sed undecunque fieri possit optima quaeque et verissima colligere (v. 19). In qua re cum ardentissimo studio et indefesso animo elaboraret, tamen haudquaquam se nescire non omnibus ad summum ascendere fastigium sapientiae esse concessum; largissimam vero ibi paratam esse veritatis quasi quandam messem, ut quivis quovis tempore aut consolationem malorum aut perturbationum animi sedationem dum velit possit ibi reperire: in qua quidem animi perturbati sedatione principium cernendum esse sapientiae (v. 41). Stultitiae radices positae esse in pravo de rebus iudicio; quare admirationem et desiderium coercenda esse ad ea quae vere bona sint h. e. ad

Maccenas, iterum antiquo me includere ludo :

Non eadem est aetas, non mens. Veianius armis

5 Herculis ad postem fixis latet abditus agro,

Ne populum extrema toties exoret arena.

virtutem (52); quamquam homines aliter ferme iudicare, virtutem divitiis posthabere, et in hominibus non virtutem sed opes admirari. Qui vero recte intelligant, iis summam vitae legem in innocentia esse, optimum consilium in animo a Fortunae incerto favore liberrimo (69); eosdem bene docere imperitae multitudinis opinionem vel voluntatem non sequendam esse, quoniam multiplex illa sit (76—80), incerta et varia ut Proteus (93), tam caeca, ut qui in externis rebus sui negligens sit eum derideat, qui inconstans in petendis fugiendisve rebus, eum ne vituperet quidem. Quare verissimum esse illud Stoicorum: sapientem unum esse regem, unum omnibus vere quae expetendae sint rebus exornatum. En habes argumentum epistolae, quam I. Caesar Scaliger, Horatii ille quidem non caecus laudator, sic praedicavit: „Prima epistola quovis melle dulcior est. Sententiae appositae, dictio casta, rotunda, suavis. Quapropter arbitror postremam omnium (libri I) factam, primam positam ob luculentam raritatem.“ De tempore quo scripta sit epistola idem nunc quoque iudicant viri docti. Ne tamen credas Horatium qui olim Stoicorum doctrinam ut insanam sugillaverit laudatis iisdem praeceptis non constantem videri, animadvertite quaeso lepidam illam sententiam, qua epistolae facete et iocose finis ita imponitur, ut quid discriminis faciendum sit inter artem et vitam bene hunc intellexisse videas.

V. 1. *summa Camena*] Significat poeta suam cum Maecenate familiaritatem, dignissimo viro quem semper et praedicaverit et praedicare debeat. In quo loco noli cogitare de certis carminibus; generalis enim sententia est. De voc. *summa* vide ad Carm. III, 28, 13. cf. Virg. Aen. II, 324. Inde Quintil. VI, 4, 22: „Eadem in argumentis ratio est, ut potentissima prima et summa ponantur.“ Ipsa Camena impedit quominus aut satiras aut epistolas intelligamus. cf. Sat. I, 4, 40. II, 6, 17. — *spectatum*] Verbum hoc proprium est de gladiatoribus, quibus cum poeta se suamque laudem comparat. Satis spectati gladiatores a ludi editoribus populo postulante rude donabantur, quod signum erat exauctorationis, si liberi erant, missionis artis gladiatoriae, si servi. Huic igitur missioni opponitur v. 3 *antiquo includere ludo*, qui ludus non est amphitheatrum, quo spectabantur munera, sed ludus lanistae, in cuius parvis cellis gladiatores alebantur. — *Veianius*] „Nomen proprium gladiatoris nobilissimi; incunde hoc exemplum attulit, quia superius meminit ludi. Comparat autem se Veiano, qui cum post multas palmas Herculi consecrasset sua arma tandem contentus agro suo privatim vixit. Cuius exemplo propter aetatem et institutum vitae dicit relictis iocis et lyricis versibus se velle transire ad philosophiae studium.“ *Comm. Crug.* — *toties*] quoties audeat in arenam denuo descendere et cum iunioribus et validioribus vires componere. cf. Sat. II, 7, 70. Laesi enim gladiatores arma summittebant; quo facto a nutu populi mors eorum pendebat aut salus. Qui saucio favebant premebant pollicem, qui necari eum volebant retro vertebant pollicem et subrigebant. Iuven. 3, 36: Munera nunc edunt et verso pollice vulgi. Quemlibet occidunt populariter.“ Hor. Epist. I, 18, 66. Illic igitur Veianius ne partam sibi laudem perdat nullo ne maximo quidem auctoramento induci potuit, ut denuo in certamen prodiret novamque palnam reportare tentaret. Saepe

Est mihi purgatam crebro qui personet aurem :

Solve senescentem mature sanus equum , ne

Peccet ad extremum ridendus et ilia ducat.

10 Nunc itaque et versus et cetera ludicra pono ,

Quid verum atque decens curo et rogo et omnis in hoc sum ;

Condo et compono quae mox depromere possim.

Ac ne forte roges , quo me duce , quo Lare tuter :

Nullius addictus iurare in verba magistri ,

enim factum est ut qui iam missi essent gladiatores rudiarii ad singula certamina ab munerum editoribus magno auctoramento revocarentur. Suet. Tib. 7: „Munus gladiatorium dedit, rudiariis quoque quibusdam revocatis auctoramento centenum millium.“ — *purgatam*] Pers V, 96: „Stat contra ratio et secretam gannit in aurem.“ Purgabant medici antiqui aures sordibus dolentes infuso aceto. Iam quae purgatae sunt aures facilius accipiunt allatos sonos et voces, ut ipsi homines iis facilius obtemperant neque quae benevole monita sunt spernant, tanquam surdi qui nihil omnino audiverint. — *personet*] active ut Virg. Aen. VI, 418.

V. 8. *solve senescentem*] Eandem rem nova illustrat imagine, sumpta ea quidem a nobili equo, qui saepe ἀεθλογόρος ne senescens quidem cum iunioribus certamen detrectat sed intentis quamvis omnibus viribus tamen vincitur et ridetur. — *peccet*] vincatur, eo quo velit non perveniat. Stat. Theb. VIII, 688: „Cuspis in armigerum Phlegyam peccavit.“ — *ilia ducat*] non lumbos trahere, sed multo labore anhelitum ducere, qua re senilis infirmitas proditur. Virg. Georg. III, 506. — *itaque*] De positura particulae vide Zumpt. §. 357. „Livii tempore primaria significatione oblitterata et particula pro igitur accepta scriptores haud contemnendi eam secundo loco vel tertio ponere consueverunt.“ Hand. Turs. III. p. 509. — *versus*] Haud dubie intelligendi sunt lyrica carmina a quibus se abstinere profitetur poeta; epistolas enim tunc ipsum totum librum editurus significare non potuit. cf. Epist. II, 1, 111. II, 2, 54 sqq. 141 sqq. I, 7, 27. I, 14, 36. Carm. III, 26, 4; ex quibus locis videbis quae cetera ludicra dixerit. — *curo et rogo*] meditando et alios, maxime libros, consulendo. — *omnis*] Sat. I, 9, 2. — *compono*] Quae collegi quasi in cella vel horreo condo et similia similibus compono, ut cum opus sit facile possim depromere. — *quo lare tuter*] Metaphoram intelliges ex Carm. I, 29, 14. De ratione transeundi cf. Epist. II, 1, 208; praeterea notanda est brevitudo in addenda apodosi et Graecis et Romanis valde usitata. vide ad Sat. II, 1, 82. Haec autem libertas, quam in philosophia quoque sibi servavit Horatius, cum satis nota esse debuerit Maecenati, ad hunc solum noli referre alteram verbi personam roges, sed quemcunque lectorem intelligas. — *addictus*] Verbum hoc proprium de iis, qui edicto praetoris ob aes alienum creditoribus quasi in servitutem dabantur, translatus est ad gladiatores (Sat. II, 7, 58) ab iisque ad philosophos h. l. ductum. Dicit autem poeta nihil aliud nisi hoc: „nunc Stoicos lego, cum iisque agendi cupidis (*agilis*) πρακτικός sum philosophus et πολιεύομαι videoque quid illi severi verae virtutis comites et satellites de rebus publicis praescribant, ut singuli homines universae salutis quam optime inserviant, nunc nescio quo modo (*furtim*) deferor ad Cyrenaicos (ἡδονικούς) cum iisque meditor de otiosa et beata vita spreto rerum et hominum imperio

- 15 Quo me cunque rapit tempestas, deferor hospes;
Nunc agilis fio et mersor civilibus undis
Virtutis verae custos rigidusque satelles,
Nunc in Aristippi furtim praecepta relabor
Et mihi res, non me rebus subiungere conor.
- 20 Ut nox longa quibus mentitur amica, diesque
Longa videtur opus debentibus, ut piger annus
Pupillis, quos dura premit custodia matrum;
Sic mihi tarda fluunt ingrataque tempora, quae spem
Consiliumque morantur agendi gnaviter id, quod
- 25 Aequae pauperibus prodest, locupletibus aequae,
Aequae neglectum pueris senibusque nocebit.
Restat, ut his ego me ipse regam solerque elementis.
Non possis oculo quantum contendere Lynceus:
Non tamen idcirco contemnas lippus inungi;
- 30 Nec quia desperes invicti membra Glyconis,

paranda.“ Epist. I, 17, 23. Sat. II, 3, 100. De Stoicis cf. Cic. de Fin. III, 20, 67: „Praeclare enim Chrysippus cetera nata esse hominum causa et deorum; eos autem communitalis et societatis suae; quoniamque ea natura esset hominis, ut ei cum genere humano quasi civile ius intercederet, qui id conservaret eum iustum, qui migraret iniustum fore.“ — *deferor*] Constat in imagine, in quam vocabulo *tempestas* incidit. Navigantium enim hoc verbum est. — *mersor*] Nihil causae est cur hoc verbum a Porphyryone optimisque omnibus codicibus firmatum cedat alteri *versor* nullius prope auctoritatis. cf. Corn. Nep. Att. 6, 1. — *rigidus*] Sat. II, 1, 70. Lucan. II, 389: „(Cato) Iustitiae cultor, rigidi servator honesti.“ De Aristippo vide Ciceronem Tusc. II, 6, 15. de Fin. II, 11, 34: „His omnibus quos dixi consequentes sunt fines bonorum: Aristippo simplex voluptas, Stoicis consentire naturae, quod esse volunt e virtute, id est, honeste vivere.“

V. 21. *opus debentibus*] mercenariis, servis, ancillis. — *custodia*] non tutela. Dig. XXVI, 1, 18: „Feminae tutores dari non possunt, quia id munus masculinum est.“ Cod. lib. V. Tit. XLIX, 1: „*Educatio* pupillorum tuorum nulli magis quam matri eorum, si non vitricum iis induxerit, committenda est.“ — *tempora*] De plurali compara Epist. II, 1, 4. Ovid. Met. VIII, 2. Cic. pro Arch. 6, 13. — *elementis*] Sententia ita cum praecedentibus coniungenda videtur, ut causam ipsa prodat cur poetae omne tempus quod non consumpserit in vera doctrina perditum videatur. „Nam, inquit, meum nunc est his quae colligo philosophiae initiis meam vitam regere et moderari.“ Aliena enim negotia non curat ut Damasippus (Sat. II, 3) neque ab aliis se regi patitur. — *Lynceus*] Sat. I, 2, 90. De omnia quam dicunt particula si, ne nobis quidem Germanis necessaria, cf. infra 33. 87. Epist. I, 6, 31. Sat. I, 1, 45. — *oculo contendere*] Sic optimi codices, recte. Pauci codices *oculos*. De constructione compara Cic. pro Ligar. 3, 6. — *inungi*] vide ad Sat. I, 5, 30. — *Glyconis*] Hic qui fuerit primus Lessingius

Nodosa corpus nolis prohibere cheragra.

Est quadam prodire tenus, si non datur ultra.

Fervet avaritia miseroque cupidine pectus:

Sunt verba et voces, quibus hunc lenire dolorem

35 Possis et magnam morbi deponere partem.

Laudis amore tumes: sunt certa piacula, quae te

Ter pure lecto poterunt recreare libello.

Invidus, iracundus, iners, vinosus, amator,

Nemo adeo ferus est, ut non mitescere possit,

40 Si modo culturae patientem commodet aurem.

Virtus est vitium fugere et sapientia prima *virtutis*

Stultitia caruisse. Vides, quae maxima credis

Esse mala, exiguum censum turpemque repulsam,

Quanto devites animi capitisque labore;

45 Impiger extremos curris mercator ad Indos,

Per mare pauperiem fugiens, per saxa, per ignes:

Ne cures ea, quae stulte miraris et optas,

(Vermischte Schrift. I. p. 325) ostendit ex Anthol. graeca (Brunck. Analect. T. II. p. 126. n. LXVIII): Γλύκων, τὸ Περγαμηνὸν Ἀσίδι κλέος, Ὁ παμμάχων κερταυρὸς, ὁ πλατὺς πόδας, Ὁ καινὸς Ἀτλάς κτλ. — cheragra] Sat. II, 7, 16. — tenus] Similis imesis apud Ovidium Met. V, 642: „Ilac Arethusa tenus.“ — avaritia] „Notatu dignum est poetam, ubicunque mores suae aetatis perstringit, avaro primas tribuere partes ad eumque ire redireque. cf. Sat. I, 4, 26. II, 3, 82 sqq. I, 1, 28 sqq. Epist. II, 1, 119. II, 2, 148 sqq.“ Obbarius. — verba et voces] Probabilis eorum opinio est qui verba ad cantiones, carmina magica, formulas magicas quibus corporum morbis medebantur antiqui, voces ad cantus vel vocis humanae vel tibiarum nervorumque (Epist. I, 2, 23. A. P. 216) referunt, nam symphoniae quoque ad leniendos dolores adhibebantur. cf. Plat. Charm. p. 155. E. 157 A. Eurip. Hippol. 478: „Εἶσιν δ' ἐπὶ δοῦναι καὶ λόγοι θελήντιοι.“ — tumet] Sat. II, 3, 213. Epist. II, 1, 177. „Ambitioni secundus post avaritiam locus tribuitur. Sat. I, 4, 26. II, 2, 187. Epist. II, 2, 205 sq.“ Obbarius. — ter] vide ad Carm. I, 28, 36. Sat. II, 1, 7. Iungendum autem ter lecto. — libello] expiationum et formulas continenti. — culturae] Lege Cic. Tusc. II, 5, 13. et cf. Epist. I, 14, 4. Sat. I, 3, 37. — sapientia prima] Adi. prima coniunge etiam cum voc. virtus. cf. Epist. I, 6, 17. Sat. I, 3, 129. — caruisse] vide ad Carm. I, 1, 4.

V. 42. vides] Idem genus apostrophes quod supra v. 13; nihil prorsus ad Maecenatem unum referendum, sed ad omnes homines. — per saxa] quae gravissimorum periculorum exempla sunt. Carm. IV, 14, 24. Sat. I, 1, 38. II, 3, 56. Neque rarius mercator exemplum est hominis lucri studiosi. cf. Carm. I, 1, 18. III, 1, 25. 26. III, 24, 40 sqq. Sat. I, 1, 39. I, 4, 29. — ne cures] non vis discere cet., ut desinas curare? Ne part. posita est pro ut non. vide A. P. 152. Ceterum cf.

Discere et audire et meliori credere non vis?

Quis circum pagos et circum compita pugna

50 Magna coronari contemnat Olympia, cui spes,

Cui sit condicio dulcis sine pulvere palmae?

Vilius argentum est auro, virtutibus aurum.

O cives, cives, quaerenda pecunia primum est,

Virtus post nummos! haec Ianus summus ab imo

55 Prodocet, haec recinunt iuvenes dictata senesque

Laevo suspensi loculos tabulamque lacerto.

Est animus tibi, sunt mōres et lingua fidesque,

Sed quadringentis sex septem milia desunt:

Plebs eris. At pueri ludentes, Rex eris, aiunt,

Epist. I, 8, 8. I, 6, 1. — *circum pagos*] Exemplo docetur, neminem qui magnum possit sibi parare praemium parvo contentum fore: maximum autem esse virtutem. Petatum est illud exemplum a pugilibus catervariis et circumforaneis lanistis, qui arte sua et robore paganum et oppidanum popellum delectabant. — *Olympia coronari*] στεφανοῦσθαι Ὀλύμπια. Sic Ennius apud Ciceronem de senect. 5: „vicit Olympia.“ Magna autem appellantur Olympia et ornandi causa et „quia in pluribus Graeciae locis certamina sacra sub Olympiorum nomine celebrabantur et vv. *Olympia magna* differentia eorum ab illis quae minus celebrae erant ab Horatio indicatur.“ *Iacob.* Quaest. Ep. p. 35. — *sine pulvere*] Cum quo nemo decertare auderet is palmam tulit *ἀνορτί καὶ ἀμαχητί*; id quod Olympiae Herculi primo contigisse narratur. In qua re haec inesse videtur sententia, eum qui vere sese ipse corrigere, virtuti studere audeat, si non facilem certam tamen victoriam esse reportaturum, de qua non ut de externis bonis cum aliis competitoribus decertandum sit. — *Ianus*] vide ad Sat. II, 3, 18. Ianus quasi magistri vice fungitur, inde vocabula propria *prodocet*, *recinunt*, *dictata*. *Prodocet*, docendo praeit, προδιδάσκει. *Soph.* Ai. 163. vide ad Carm. I, 5, 8. — *laevo*] Idem versus Sat. I, 6, 74, de qua eiusdem versus repetitione cum molesta aliis videretur bene sic disputavit Orellius: „Versus illius bene tornati fortuito ei venit in mentem, cum haec imago senum ac iuvenum ad Ianum medium velut in schola dictata falsae sapientiae magistro reddentium ei ante oculos versaretur, statimque vidit nova hac et callida iunctura imaginem illam ita absolvi, nihil ut festivius magisve ridiculum excogitari posset.“ Nihil igitur est quod cives ipsos tabulam calculatorem et loculos nummis repositos brachiis gestantes hoc loco videre nos cogat; talia servi portabant. Similiter versus suos repetit Horatius Sat. I, 2, 13 et A. P. 421. Sat. I, 2, 27 et I, 4, 92. Sat. II, 3, 163 et Epist. I, 6, 28. Carm. I, 19, 1 et IV, 1, 5. — *Est animus*] Hunc versus ordinem nos quoque rectum habemus; alii cum codicibus contrarium praetulerunt sed servata particula *si* pro *sed*. In nostro ordine difficultatis nihil, vigoris multum inest: „habes quidem quaecunque hominem ornare possunt virtutes, ingenium, innocentiam, facundiam, incorruptam fidem (Carm. II, 18, 9), sed desunt tibi magnae divitiae; et contemneris.“ — *quadringentis*] census equester; ad nostram rationem 38198 flor. Rhen.

V. 59. *pueri ludentes*] Multo rectius pueri ludendo viros imitantes

- 60 Si recte facies. Hic murus aëneus esto :
 Nil conscire sibi, nulla pallescere culpa.
 Roscia, dic sodes, melior lex an puerorum est
 Nenia, quae regnum recte facientibus offert,
 Et maribus Curiis et decantata Camillis?
- 65 Isne tibi melius suadet, qui rem facias, rem,
 Si possis, recte, si non, quocunque modo rem,
 Ut propius spectes lacrimosa poemata Pupi;
 An qui Fortunae te responsare superbae
 Liberum et erectum praesens hortatur et aptat?
- 70 Quodsi me populus Romanus forte roget, cur
 Non ut porticibus sic iudiciis fruar isdem,
 Nec sequar et fugiam quae diligit ipse vel odit;
 Olim quod vulpes aegroto cauta leoni
 Respondit referam: Quia me vestigia terrent,
- 75 Omnia te adversum spectantia, nulla retrorsum.
 Belua multorum es capitum: nam quid sequar aut quem?
 Pars hominum gestit conducere publica; sunt qui.

et regna et imperia distribuentes non eum regem creant sibi que praesse volunt qui ditissimus est, sed quem iustissimum fore sperant. Neque de certo quodam puerorum ludo cogitandum esse arbitror; nimirum plures haud dubie erant ludi, in quibus qui lites dirimeret, praemia distribueret, ordinem restitueret magistratu quodam opus erat. Hunc igitur creantes pueri canebant (*nenia*; vide ad Carm. II, 1, 38) teste Porphyryone: „Rex erit qui recte faciet, qui non faciet non erit.“ — *nil conscire*] idem quod recte facere: quam sententiam ut murum aëneum pravis cupiditatibus opponi vult poeta. — *Roscia*] vide ad Epod. 4, 16. Ex insequenti versu noli efficere, priscos homines idem cecinisse, sed idem sibi persuasisse. *Decantare* enim est semper repetere, in ore habere. Cic. de orat. II, 32, 140: „Ut causas omnes diligentes et memores et sobrii oratores percursas animo et prope dicam decantatas habere debeant.“ — *propius spectes*] sedeas eques in quattuordecim ordinibus. Simul perstringitur praetereundo Pupius, tragoediarum flebilium scriptor. Is hunc sibi titulum fecisse traditur: „Flebunt amici et bene noti mortem meam: Nam populus in me vivo lacrimatus est satis.“ — *responsare*] Sat. II, 7, 85. — *liberum*] cf. Epist. I, 16, 63 sqq. — *iudiciis fruar*] In fruendo delectationis vis inest; quare satis aptum hoc verbum est et porticibus et iudiciis. Sil. Ital. XII, 566: „Fruiturque timore paventum“. Quae intelligenda sint iudicia proximus ostendit versus — *vulpes*] Eodem apologo Aesopico usus erat Plato Alcib. I. c. 39. p. 123. A., deinde Lucilius, cuius hoc fragmentum restat: „Leonem aegrotum ac lassum Deductum tunc voce leo: Cur tu ipsa venire Non vis huc? . . . Quid sibi vult? quare fit, ut introversus et ad te Spectent atque ferant vestigia se omnia prorsus?“ Dicit autem ille apologus ad hanc rem accommodatus hoc: periculosum esse vestigia sequi eorum qui eo pervenerint unde redire non liceat. — *publica*] Describuntur et

- Crustis et pomis viduas venentur avaras
 Excipiantque senes quos in vivaria mittant;
 80 Multis occulto crescit res fenore. Verum
 Esto aliis alios rebus studiisque teneri:
 Idem eadem possunt horam durare probantes?
 Nullus in orbe sinus Baiis praelucet amoenis,
 Si dixit dives, lacus et mare sentit amorem
 85 Festinantis heri; cui si vitiosa libido
 Fecerit auspicium, Cras ferramenta Teanum
 Tollebis, fabri. Lectus genialis in aula est:
 Nil ait esse prius, melius nil caelibe vita;
 Si non est, iurat bene solis esse maritis.
 90 Quo teneam vultus mutantem Protea nodo?†
 Quid pauper? Ride: mutat coenacula, lectos,
 Balnea, tonsores, conducto navigio aequae
 Nauseat ac locuples, quem ducit priva triremis.
 Si curatus inaequali tonsore capillos
 95 Occurri, rides; si forte subucula pexae

publicani et ii „quis facile est aedem conducere, flumina, portus, Siccandam eluviem, portandum ad busta cadaver“. Iuven. III, 31 sq. — *viduas venentur*] Sunt heredipetae, de quibus Sat. II, 5. De ipsis vocabulis cf. Carm. III, 12, 12. Sat. I, 1, 25. II, 5, 44. Viduae autem omnino sunt inuptae mulieres, ut apud Livium I, 46, 7. — *esto*] Ad probandam suam sententiam v. 76 poeta augeat rem: „non solum diversa sunt studia hominum, ut alius aliud sequatur, sed ne iidem quidem in eadem re sibi constant nunc hoc nunc illud petentes.“ — *horam*] Sat. II, 7, 112. — *lacus*] Lucrinus prope Baias cf. Carm. III, 1, 33. II, 15, 1. II, 18, 20. — *vitiosa*] Cic. Tusc. IV, 13, 29. — *fecerit auspicium*] tanquam avis signum dederit mutandae voluntatis. cf. Liv. I, 34.

V. 87. *in aula*] in atrio. De eodem homine haec dicta sunt, qui si uxorem habet caelibum vitam praedicat; si non habet, maritorum. — *bene esse*] vide ad Carm. III, 16, 43. — *Protea*] Sat. II, 3, 71. — *pauper*] Ne pauperes quidem sibi constantes esse ait, qui cum in magnis rebus voluntatem non possint mutare, in parvis id facere ridicule quaerant. — *nauseat*] Divites cum fastidiunt terram mare petunt sua navi; eos ut imitentur pauperes conducunt navem idem sibi paraturi quod illis contingit, nauseam. In quo loco non negabo languoris significationem simul inesse, sed nauseam proprie dictam omnino relegare per totam loci naturam non licebit. Cic. N. D. I, 30, 84: „Confiteri potius nesciro quod nescires quam ista effluentem nauseare atque ipsum sibi displicere.“ — *tonsore*] vide ad Carm. I, 6, 2. Ad ipsum Maecenatem convertitur ad finem pergens poeta. Delicatus fuit in his rebus ac mollis Maecenas „vir, ubi res vigiliam exigeret, sane exsomnia, providens atque agendi sciens; simul vero aliquid ex negotio remitti posset, otio ac molliis paene ultra feminam fluens.“ Vell. Pat. II, 88. — *subucula*]

- Trita subest tunicae vel si toga dissidet impar,
 Rides : quid, mea cum pugnat sententia secum,
 Quod petiit spernit, repetit quod nuper omisit,
 Aestuat et vitae disconvenit ordine toto,
 100 Diruit, aedificat, mutat quadrata rotundis?
 Insanire putas sollennia me neque rides,
 Nec medici credis nec curatoris egere
 A praetore dati, rerum tutela mearum
 Cum sis et prave sectum stomacheris ob unguem
 105 De te pendentis, te respicientis amici.
 Ad summam: sapiens uno minor est Iove, dives,
 Liber, honoratus, pulcher, rex denique regum,
 Praecipue sanus, nisi cum pituita molesta est.

tunica interior linea vel byssina. Varro ap. Non. p. 542: „Posteaquam binas tunicas habere coeperunt, instituerunt vocare *subuculam* (virorum) et *indusium* (feminarum).“ — *dissidet*] Contrarium est apud Quintilianum XI, 3, 141: „super quod ora ex toga duplex *aequaliter* sedeat“. Absurdum est omnia haec in corporis habitu et animi voluntate vitia ad Horatium vel ad certum hominem referre. Fuerit Horatius in corporis cultu paulo negligentior, aedificandi tamen insaniam nunquam neque est agitatus neque potuit agitari. Quapropter noli de eo cogitare quod est Sat. II, 3, 308. — *disconvenit*] rarissimum vocabulum, bis apud Horatium, cf. Epist. I, 14, 18, semel apud Lactantium. — *insanire*] Sat. II, 3, 63. De sententia lege Sat. II, 3, 120. — *curatoris*] cf. Sat. II, 3, 218. — *tutela*] vide ad Carm. I, 1, 2. Sic Ovidius Trist. V, 14, 25 de coniuge „rerum sola es tutela mearum“. — *Ad summam*] Kirchner ad Sat. p. 201: „Kein Dichter hat die schwere Kunst gut zu schliessen so wie unser Horaz verstanden, der immer neu und geistreich überall befriedigt und namentlich in den Satiren und Episteln häufig durch einen überraschenden Scherz am Schlusse den heitersten Eindruck beim Leser zurücklässt; m. vgl. Sat. I, 2. 3. 4. 7. 10. II, 3. 7. Epist. I, 1. 4. 5. 17. 18 u. s. f.“ cf. Cic. de off. I, 41. — *pituita*] „Grata dilogia inest in v. *sanus*, quod cum h. l. usurpetur de corpore, tamen vix aliter fieri potest quam ut simul referamus ad Stoicorum usum loquendi, qui sapientem suum unice sanum, ceteros mortales insanos et stultos vocitabant.“ Sed fugit adhuc interpretes mihi notos etiam *pituitam* (h. l. trisyll.) e Stoicorum scholis petitam esse: obiciebant enim sibi hoc incommodum interdum obstare videri perfectae beatitudini; eo scilicet consilio, ut facili opera talem obiectionem confutarent.“ Orellius.

Epistola II.

Troiani belli scriptorem, maxime Lolli,
 Dum tu declamas Romae, Praeneste relegi,
 Qui quid sit pulchrum, quid turpe, quid utile, quid non,
 Planius ac melius Chrysippo et Crantore dicit.

Epistola II.

Data haec est epistola ad Lollium adolescentem, filium natu maximum M. Lollii, quem Horatius praedicavit Carm. IV, 9; ad eundem iuvenem huius libri decima octava est. Qui cum a. 729 puer in Hispania Augusto duce militasset (Epist. I, 18, 55), Romam reversus eloquentiae laude et prudentia civili viam sibi ad maiores in republica honores munire videtur studuisse. Sic enim intelligenda est illa declamatio, qua Romae occupatum Lollium fuisse dicit huius epistolae v. 2. cf. Cic. de Fin. V, 2, 5: „Ad flumen aiunt declamare solitum Demosthenem, ut fremitu assuesceret voce vincere.“ Iam cum epistola XVIII ex aperto indicio v. 56 anno scripta sit 734, hanc alteram, quae tempore illam praecedere videatur, annis 730—734 attribuendam esse probabile est; accuratius annum natalem vix possis definire. Horatius cum Lolliis, ut ex tribus carminibus ad eos datis non temere nobis videtur concludere, intima videtur fuisse familiaritate coniunctus; quare ne amici filio, bonae fortasse spei adolescenti, consilio deesset, absens et in Praenestino agro rusticans hac epistola iuveni praecepit, cui maxime rei praeter exercitationes dicendi operam dare deberet. Saluberrimis enim consiliis egregiisque praeceptis viam quasi ei monstrat et rationem, qua ad vere beatam vitam, ad veros honores, ad vera gaudia certissime possit pervenire. Iam cum ipse in solitudine rustica litteris vacare et poetas legere soleret (Sat. II, 3, 11), scite doctrinam coniungit cum lectione Homeri, quem certiore et aptiore ducem ad rectam intelligentiam praecipue adolescentibus esse ostendit quam maximos optimorum philosophorum libros. Epistolarum rationem et naturam bene conservatam videbis; praecepta enim non certo ordine, non praevia quadam meditatione dantur, sed ita ut ex benevoli animi abundante copia sua quasi sponte fluunt; versus simplices sunt et faciles, ironia rara et lenis.

V. 2. *Praeneste*] Flor. I, 11, 7: „Aestivae Praeneste deliciae“, hodie Palestrina. cf. Carm. III, 4, 23. De particula *dum* cum praesente ad indicandam praeteritam rem *Hand. Turs. T. II. p. 306*: „In re praeterita, inquit, narranda et de re futura, ubi non totus rerum cursus sed aliqua eius pars intelligitur, ab optimo quoque scriptore ponitur praesens. Praesens enim aut historicum est aut imaginem rei ita adumbrat, ut quae coniuncta fuisse mente cogitemus ante oculos ponantur consociata praesentia. Igitur quae hoc modo dicuntur, imaginem exhibent in se conclusam, atque eiusmodi enuntiatio instar est unius substantivi quo tempus indicetur: sicuti apud Livium verba *dum in Asia bellum geritur* exprimunt tempore belli.“ cf. Carm. I, 22, 10. III, 11, 23. Epist. I, 19, 16 II, 1, 7. A. P. 465. Sat. I, 5, 72. — *planius*] Codicum auctoritas divisa est inter *planius* et *plenius*; verum praeterquam quod scholiastas tres *planius* legisse docent scholia: *manifestius*, *tipertius*, hoc Horatio dicendum fuisse nobis videtur, omnem de moribus et vita doctrinam multo facilius ex exemplis Homericis intelligi posse

- 5 Cur ita crediderim, nisi quid te detinet, audi.
 Fabula, qua Paridis propter narratur amorem
 Graecia barbariae lento collisa duello,
 Stultorum regum et populorum continet aestus.
 Antenor censet belli praecidere causam:
- 10 Quid Paris? ut salvus regnet vivatque beatus,
 Cogi posse negat. Nestor componere lites
 Inter Peliden festinat et inter Atriden:
 Hunc amor, ira quidem communiter urit utrumque.
 Quidquid delirant reges, plectuntur Achivi.
- 15 Seditione, dolis, scelere atque libidine et ira
 Iliacos intra muros peccatur et extra.
 Rursus, quid virtus et quid sapientia possit,
 Utile proposuit nobis exemplar Ulixem,
 Qui domitor Troiae multorum providus urbes
- 20 Et mores hominum inspexit, latumque per aequor,
 Dum sibi, dum sociis reditum parat, aspera multa
 Pertulit, adversis rerum immersabilis undis.

praesertim ab adolescentibus, quam ex spinosis libris philosophorum. *Plenius* haud dubie philosophus de his rebus egit, *planius* poeta. Chrysippus Stoicus, Crantor Academicus (Cic. Tusc. III, 6. II, 44), uterque Solensis. Xenoph. Symp. 4, 6: "Ὁ Ὀμηρος ὁ σοφώτατος πεποίηκε σχεδὸν περὶ πάντων τῶν ἀνθρώπων." — *detinet*] In bonis codicibus legitur etiam *distinet*. Illud h. l. rectius habeo, non quod cum aliis putem *detineri* aliquem volentem et illecebris captum, *distineri* eos qui gravi atque ingrato negotio quasi invitati occupentur (quod discrimen exemplorum auctoritate non comprobatum video), sed quia in *detinendo* maior est notio remoti loci, sive corpus sive animum respicis, in *distinendo* valet significatio seiunctionis, quam vides ab hoc loco alienam esse. Carm. I, 33, 14. IV, 5, 12. Virg. Aen. II, 788. Caes. B. G. III, 12 fin. — *barbariae*] cf. Ennianus versus ap. Cic. Tusc. I, 35, 85. Virg. Aen. II, 504. — *aestus*] cf. Sat. I, 2, 110. Virg. Cir. 340. — *Antenor*] Hom. II. VII, 348. Liv. I, 1. — *inter Peliden*] De his collocata praepositione vide ad Sat. I, 7, 12.

V. 13. *hunc*] Agamemnonem. cf. Hom. II. I, 113. — *urit*] Sat. I, 9, 66. — *plectuntur Achivi*] Respicit poeta omnia ea mala, quae dum Achilles iratus pugnam detrectat fortitudine Hectoris in Graecos redundarunt, non sola pestilentia ab Apolline in castra Graecorum missa, quae quidem iram regum praecessit, non secuta est. In versu insequenti supervacaneum est quaerere, quas seditiones, dolos, scelera indicare poeta voluerit; satis est, quod ita peccatum scimus apud Graecos et apud Troianos. — *rursus*] Iam transitur ad Odysseam, cuius initium libere expressum habemus versibus statim insequentibus. cf. A. P. 141 sq. — *domitor Troiae*] quia equi lignei extruendi auctor fuit. — *multorum*] Praepositum et statim post caesuram collocatum hoc voca-

- Sirenum voces et Circae pocula nosti;
 Quae si cum sociis stultus cupidusque bibisset,
 25 Sub domina meretrice fuisset turpis et excors
 Vixisset canis immundus vel amica luto sus.
 Nos numerus sumus et fruges consumere nati,
 Sponsi Penelopae, nebulones, Alcinoique
 In cute curanda plus aequo operata iuventus,
 30 Cui pulchrum fuit in medios dormire dies et
 Ad strepitum citharae cessatum ducere Curam. †
 Ut iugulent hominēs, surgunt de nocte latrones:
 Ut te ipsum serves, non expergisceris? Atqui
 Si nolis sanus, curres hydropicus; et ni
 35 Posces ante diem librum cum lumine, si non

bulum est propter sonum et rei gravitatem. — *immersabilis*] qui adversis rebus non opprimitur. De metaphora cf. Carm. IV, 4, 65. Quae insequuntur exempla sunt periculorum, quibus oppositus fuit Ulixes; quamquam non negaverim Sirenum vocibus et Circae poculis non intelligendas esse per allegoriam voluptatum illecebras. cf. Hom. Od. XII, 39 sqq 155 sqq. X, 136 sqq. 308. Biberat quidem Ulixes, sed non seductus cupiditate et munitus remedio Mercurii. — *excors*] cf. Cic. Tusc. I, 9, 18. — *nos numerus*] Sicuti Ulixes exemplum est sapientis hominis et moderati, ita vulgarium hominum, quales maxima pars esse solemus, imagines ostendit Odyssea in describenda procorum et Phaeacum vita voluptatibus omnino addicta. *Numerus* ut apud Euripidem Heracl. 1000: „Εἰδὼς μὲν οὐκ ἀριθμὸν ἀλλ' ἐτηύμως Ἀνδρ' ὄντα τὸν σὸν παῖδα“, de hominibus nullius pretii, quorum capita tantum numerantur. vide Passow, s. v. ἀριθμὸς — *nati*] Ovid. Nuc. Eleg. 113: „Sentes tantummodo laedere natae.“ cf. Hom. Il. VI, 142. — *cute curanda*] vide ad Carm. III, 17, 14. Sat. II, 5, 38. Ceterum cave ne *Alcinoi* habeas pro nominativo pluralis numeri De molli Phaeacum vita lege Hom. Od. VIII, 248 — *cessatum ducere*] Necessario haec locutio intelligenda est ex frequentissima in nomine Curae prosopopoeia; nam quotiescunque aliqua cura eos homines agitare coepit, tanquam personam eam citharae blando strepitu *cessatum ducere* i. e. consopiebant. De consopiente vi musicae cf. Carm. III, 1, 20 sq. — *ut iugulent*] A luxuriosa vita iuvenum Homericorum sensim transit poeta in suae aetatis desidia ac negligentiam, qua seducti homines ad veram salutem sibi conciliandam rectam medicinam mature adhibere cunctantur. Argumento utitur quod vocant a minori ad maius; nam si mali homines ut opes sibi per vim nefarie colligant, de nocte surgant, quanto magis nos decet animo ex torpore quo premitur expergefatto vigilare et curare et studere ut summum nobis paremus bonum, εὐδαιμονίαν? Exemplis deinde usus est prope Socraticis: etenim ut homines, qui in corpore curando negligentes fuerunt, cum aegrotant sero id facere coguntur quod olim contempserunt, ita eos qui animum ut sanum habeant nihil curarunt negligentiae poenitet cum animus iam male affectus cupiditatibus agitur. Quod sani facere noluerunt, coacti faciunt aegrotantes. — *hydropicus*] Cels. III, 21: „Hydropicis multum ambulandum,

- Intendes animum studiis et rebus honestis,
 Invidia vel amore vigil torquere. Nam cur
 Quae laedunt oculum festinas demere, si quid
 Est animum, differs curandi tempus in annum?
 40 Dimidium facti qui coepit habet: sapere aude;
 Incipe. Qui recte vivendi prorogat horam,
 Rusticus exspectat dum defluat amnis; at ille
 Labitur et labetur in omne volubilis aevum.
 Quaeritur argentum puerisque beata creandis
 45 Uxor et incultae pacantur vomere silvae.
 Quod satis est cui contingit, nil amplius optet.
 Non domus et fundus, non aeris acervus et auri
 Aegroto domino deduxit corpore febres,
 Non animo curas: valeat possessor oportet,
 50 Si comportatis rebus bene cogitat uti.
 Qui cupit aut metuit, iuvat illum sic domus et res,
 Ut lippum pictae tabulae, fomenta podagram,

currentum aliquando est.⁴ cf. Carm. II, 2, 13. — *vigil*] „Si non propter philosophiam vigilaveris, propter invidiam et amorem dormire non poteris“ *Porphyr.* Noli tamen hoc exemplum magis ad Lollium referre quam alterum hydropici. — *Nam cur*] Nam quod de corpore valet, idem de animo; in utroque sanando nihil cunctandum est. — *est*] edit, consumit Hom. II. VI, 202. Cic. Tusc. III, 26, 63. — *in annum*] ex proverbio sumptum. Epist. I, 11, 23.

V. 40. *aude*] ab animo impetra; ut Graecum *τολμᾶν*. Epist. II, 2, 111. Virg. Aen. VIII, 364. — *rusticus*] is idem facit quod rusticus ille qui cum ad flumen pervenisset quod nunquam ante vidisset, se exspectaturum dixit dum flumen defluxisset. Nunquam igitur ille ad rectam vitam perveniet. — *argentum*] pecunia, ut Sat. II, 6, 10. — *beata*] bene dotata, dives; in quo loco noli praeterire egregiam ironiam quae inest in his *puerisque beata creandis*; nimirum quam leges iubebant suscipiendorum liberorum causa ducere, eam avidi homines divitiarum causa ducunt. Variarum opum colligendarum rationes describuntur. De voc. *beata* cf. Carm. II, 4, 13. Sat. II, 8, 1. — *deduxit*] *ἀφορσῖως*. — *valeat*] non corpore solum sed etiam animo, et magis animo quam corpore. Nam cuius animus aeger est, is divitiis non magis potest uti ac frui, quam lippus tabulis pictis, podager fomentis, auribus laborans ac paene surdus cithara et cantu. Quae sanum iuvant et delectant, iis nemo potest recte uti qui ea parte laboret, in qua usus et delectatio maxime sentitur. Idem valet de opibus, quorum rectus usus ad animum est referendus. — *fomenta*] Intelligitur locus, de quo diu dubitatum est, adeo ut coniecturis tentaretur, ex Seneca de provid. 4, 9: „Quem specularia semper ab afflatu vindicarunt, cuius pedes inter fomenta subinde mutata tepuerunt, cuius coenationes subditus et parietibus circumfusus calor temperavit, hunc lenis aura non sine periculo stringet.“ id. de vit. beat. 11, 3: „Mollibus lenibusque fomentis totum lacessitur eo-

Auriculas citharae collecta sorde dolentes. †

Sincerum est nisi vas, quodcunque infundis acescit.

55 Sperne voluptates: nocet empta dolore voluptas.

Semper avarus eget: certum voto pete finem.

Invidus alterius macrescit rebus opimis:

Invidia Siculi non invenere tyranni

Maius tormentum. Qui non moderabitur irae,

60 Infectum volet esse, dolor quod suaserit et mens,

Dum poenas odio per vim festinat inulto.

Ira furor brevis est: animum rege, qui nisi paret,

Imperat: hunc frenis, hunc tu compesce catena.

Fingit equum tenera docilem cervice magister

65 Ire viam qua monstret eques; venaticus ex quo

Tempore cervinam pellem latravit in aula,

Militat in silvis catulus. Nunc adhibe puro

Pectore verba puer, nunc te melioribus offer.

Quo semel est imbuta recens servabit odorem

70 Testa diu. Quodsi cessas aut strenuus anteis,

Nec tardum opperior nec praecedentibus insto.

rum corpus, et ne nares interim cessent, odoribus variis inficitur locus ipse, in quo luxuriae parentatur.^a Quos locos primus ostendit *Duentzer*. — *sincerum*] Vita nemo recte fruitur, cuius animus corruptus est cupiditatibus; corrumpi autem animum cupiditatibus exemplis ostenditur. — *dolor quod suaserit*] nimius dolor, quem iracundus cum offenditur sentit. Nam „iram esse cupiditatem doloris reponendi“ ex definitione Aristotelis ait Seneca de ira I, 3, 2. — *mens*] θυμός. Carm. I, 16, 21. — *tu compesce*] vide ad Carm. I, 9, 16. — *tenera cervice*] Coercendum esse praecipit animum, sed mature, cum vitium nondum inveteravit. — *viam*] Referendus accusativus est ad utrumque verbum, *ire viam* et *viam monstret*. — *latravit*] active, ut Epod. 5, 58. — *adhibe*] Cic. de Fin. III, 2, 9: „combibere artes“. cf. Carm. II, 13, 32. Propert. III, 6, 8: „Incipe: suspensis auribus ista bibam“. — *testa*] amphora, cadus. — *quodsi*] vide ad Epist. I, 1, 106. „En habes, inquit poeta, quod tibi praecipiam. Fac uti voles; mea mihi stat voluntas, nam in hac quoque re mediocritatis studiosus sum. cf. Epist. I, 6, 15 sq. — *anteis*] cf. Carm. I, 35, 17.

Epistola III.

Iuli Flore, quibus terrarum militet oris
 Claudius Augusti privignus scire laboro.
 Thracane vos Hebrusque nivali compede victus
 An freta vicinas inter currentia turres
 5 An pingues Asiae campi collesque morantur?
 Quid studiosa cohors operum struit? hoc quoque curo.

Epistola III.

Tiberius Claudius Nero cum anno 734 ad Tigranem in Armeniae regnum deducendum cum exercitu in orientem ab Augusto mitteretur, ut ipse doctus erat ita in cohorte comitum non paucos secum duxisse videtur iuvenes qui litterarum amore capti quid suis ipsi viribus possent efficere saepius tentarent. Ex hoc numero fuit Iulius quidam Florus, satirarum scriptor, si fides habenda est Porphyrii scholiastae, ceterum ignotus. Romae autem cum Horatius summa inter poetas esset auctoritate, nihil mirandum est quod omnes iuvenes qui in arte poetica elaborarent eius et familiaritatem quaerebant et iudicium de suis conatibus magni habebant. Atque Horatii tanta fuit cura latinarum litterarum, ut non praesens solum studio optimorum iuvenum adesset sed etiam magno locorum intervallo remotus consilia eorum alere et regere non vellet desinere. Id quomodo hac epistola factum sit ipse videbis. Quod ad Florum potissimum hanc epistolam dedit, aut factum est propter maiorem quam cum hoc iuvene habebat amicitiam (nam secundi quoque libri altera epistola ad eundem scripta est), aut propter similitudines, quas Florum cum amico antea Munatio habuisse ex versu 31 sq. videmus; nimium ut ad componendas lites inter amicos aliquid ipse componeret. Nam hoc non videtur probabile, quod tentatum video ab elegantibus harum rerum iudicibus, in iis similitudinibus unam quaerendam esse causam cur scripserit poeta epistolam; reliqua addita esse eo potissimum consilio, ut vera causa callide tegeretur.

V. 1. *quibus oris*] Inest in hac formula notio quaedam loci incerti et longinqui; ut Virg. Aen. I, 331. Liv. XXI, 10, 12. — *Augusti privignus*] honoris causa hoc additum puta cf. Epist. I, 8, 2. Nihil in hac compellatione videndum est ambitionis aut studii in Tiberium Nerone. — *Thracae*] Ex locorum ordine vides scriptam esse epistolam cum in Armeniam pergeret exercitus, non cum rediret, quod male alii suspicati sunt. Fecit autem Tiberius hanc expeditionem per Thraciam et Macedoniam, et quidem sub vernum tempus; inde Hebrus glacie tectus. — *turres*] „Hera et Leandri Inter Seston et Abŷdon nedium est Hellesponti fretum.“ *Porphy.* — *morantur*] amoenitatibus suis vos tenent. Accommodatum igitur verbum ad Asiae campos; unde si necessarium videbitur, facile invenies quod cum Hebro et Hellesponto coniungas aliud et generalius verbum. — *studiosa*] Hoc adiectivum, quod a Cicerone aliisque bonis scriptoribus non usurpatur nisi addito genitivo, quo vaga illius notio certis limitibus circumscribatur, Augusto imperante certiore significationem nactum est, eadem prorsus ratione qua ipsum verbum studendi. Quintil. XII, 11, 19: „Computamus annos, non quibus studuimus sed quibus viximus.“ Plin. Epist. V, 5, 5: „In lectulo suo compositus in habitu studentis.“ Quintil. X, 3, 32: „iuvenis studiosus alioquin.“ Plin. Epist. VI, 26, 1: „Ipse erat studiosus,

- Quis sibi res gestas Augusti scribere sumit?
 Bella quis et paces longum diffundit in aevum?
 Quid Titius Romana brevi venturus in ora,
 10 Pindarici fontis qui non expalluit haustus,
 Fastidire lacus et rivos ausus apertos?
 Ut valet? ut meminit nostri? fidibusne Latinis
 Thebanos aptare modos studet auspice Musa
 An tragica desaevit et ampullatur in arte?
 15 Quid mihi Celsus agit? monitus multumque monendus,
 Privatas ut quaerat opes et tangere vitet
 Scripta, Palatinus quaecunque recepit Apollo;
 Ne si forte suas repetitum venerit olim
 Grex avium plumas, moveat cornicula risum
 20 Furtivis nudata coloribus. Ipse quid audes?

litteratus, etiam disertus. Idem factum esse in aliis eiusdem generis adiectivis ostendunt hi loci Horatiani Carm. II, 20, 19. I, 28, 18. III, 4, 58. III, 23, 17. Sat. II, 2, 43. Carm. II, 4, 22. Est igitur hic litterata cohors. Cohors autem est quae alias grex appellatur. Epist. I, 9, 13. Sat. I, 7, 23. — *paces*] Epist. II, 1, 102. Sunt res praeclare in pace gestae. — *in aevum*] Carm. IV, 14, 3. III, 11, 35. — *Titius*] „Titius Septimius lyrica carmina et tragoedias scripsit Augusti tempore, sed libri eius nulli exstant. Huius autem insigne monumentum est infra Ariciam.“ *Comm. Cruq.* Suspiciantur fuisse eum filium M. Titii cos. suffecti a. u. c. 723. Recte autem dubitatum est de altero nomine *Septimio*; in gentibus enim vere Romanae originis primis Augusti temporibus non coniungebantur duo nomina gentilicia. Ceterum cave ne Titium credas ab Horatio castigari ob nimiam audaciam et confidentiam; immo vero laudatur Titii animus et additur magna de eius studiis expectatio. — *in ora*] Virg. Aen. XII, 235. Georg. III, 9. Propert. III, 7, 32: „Venies tu quoque in ora virum.“ — *expalluit*] De accusativo cf. Carm. II, 12, 7. III, 27, 28. Constans in imagine faciliora et humiliora poesis genera appellat poeta lacus et rivos apertos, ad quos alii quoque non pauci accedere audeant. Lucret. IV, 2: „Iuvat integros accedere fontes Atque haurire.“ — *desaevit*] Virg. Aen. IV, 52. Est ex alto i. e. vehementer saevire. „Refertur ad violentas animi perturbationes a tragicis expressas; *ampullari* autem ut Graecorum *ληρυθίζειν* de amplo et magnifico sermonis tragici ornatu.“ *Orellius.* cf. A. P. 97.

V. 15. *Celsus agit*] cf. Sat. I, 9, 4. Videtur esse Celsus Albino-vanus, ad quem est Epist. I, 8. Immerito Celsus in plagiariorum numero habitus est; talem enim hominem Horatius profecto nunquam tulisset. Sed videtur ex iis fuisse, qui cum litteras et poesis ament multaque legerint, ipsi tandem aliquid proferre audeant sed vera poetica facultate destituti in sola magnorum exemplorum imitatione haereant. — *Palatinus Apollo*] In cuius templo a. u. 726 ab Augusto condita erat bibliotheca publica. — *grex avium*] cf. fabulam Aesopicam apud Phaedrum I, 3. De libertate monendi bene Obbarius: „Addo, inquit, ego nostra sentiendi ratione utpote hominum saepe bilinguium atque incude

- Quae circumvolitas agilis thyma? Non tibi parvum
 Ingenium, non incultum est et turpiter hirtum:
 Seu linguam causis acuis seu civica iura
 Respondere paras seu condis amabile carmen,
 25 Prima feres hederæ victricis præmia. Quodsi
 Frigida curarum fomenta relinquere posses,
 Quo te coelestis sapientia duceret, ires.
 Hoc opus, hoc studium parvi properemus et ampli,
 Si patriæ volumus, si nobis vivere cari.
 30 Debes hoc etiam rescribere, si tibi curæ
 Quantæ conveniat Munatius, an male sarta
 Gratia nequidquam coit et rescinditur. At vos
 Seu calidus sanguis seu rerum inscitia vexat
 Indomita cervice feros, ubicunque locorum
 35 Vivitis indigni fratrum rumpere foedus,
 Pascitur in vestrum reditum votiva iuvenca.

aulica politorum non videri metiendos liberiores hominum antiquorum simpliciumque mores." — *thyma*] Carm. IV, 2, 29. — *turpiter*] A. P. 3. Metaphora ab agris sumpta. De coniuncto hoc cum adiectivo adverbio moneo, ne quis ita in prosa oratione bene dici posse credat; in qua qui accurate scripserunt non ausi sunt adverbia qualitatis cum adiectivis coniungere. Apud Horatium poetam compara Carm. III, 11, 35. A. P. 3. — *acuis*] ex frequenti eloquentiæ cum telis armisque comparatione. Quintil. X, 5, 16: „Ipse ille mucro ingenii quotidiana pugna retundatur necesse est." — *hederæ*] Carm. I, 1, 29. — *frigida fomenta*] Sunt solatia, lenimenta curarum, sed quæ cum inania sint (frigida) malum augeant potius quam minuant. Intelligenda sunt gloria, honores — *coelestis sapientia*] Cic. Tusc. V, 4, 10. — *ampli*] cf. Epist. I, 1, 25. — *rescribere, si*] vide ad Sat. II, 5, 87. — *Munatius*] filius fortasse eius Munatii, ad quem est Carm. I, 7. — *sarta coit*] Sumpta hæc a vulneribus, quæ *assui* et *coire* dicuntur. Ovid. Trist. IV, 4, 41: „Neve retractando nondum coeuntia rumpam vulnera." Petron. 113: „Credo veritus, ne inter initia coeuntis gratiæ recentem cicatricem rescinderet." — *rerum inscitia*] Non videtur esse ἀντιγία τῶν ἀνθρώπων πραγμάτων, sed prævum iudicium quo quæ alter sine malo studio et suo iure fecerit dixeritve consulto et ad iniuriam nobis inferendam facta sæpe putamus. — *indomita cervice*] cf. Epist. I, 2, 64. — *fratrum*] cf. Epist. I, 10, 4. Male olim ex hac voce interpretes effici posse opinabantur, Munatium et Florum vere fratres fuisse. — *indigni*] quos non decet rumpere. Coniunctum autem est vocabulum ad exemplum graeci ἄξιος, de quo vide Buttmann. gr. gr. §. 151. I. 7. ed. 16. — *pascitur*] Indicatur sacrum pro felici reditu amicorum faciendum. cf. Carm. I, 36, 2. Ad verbum compara Carm. III, 23, 11. IV, 2, 55.

Epistola IV.

Albi, nostrorum sermonum candide iudex,
 Quid nunc te dicam facere in regione Pedana?
 Scribere quod Cassi Parmensis opuscula vincat
 An tacitum silvas inter reptare salubres,
 5 Curantem quidquid dignum sapiente bonoque est?
 Non tu corpus eras sine pectore: di tibi formam,
 Di tibi divitias dederunt artemque fruendi.
 Quid voveat dulci nutricula maius alumno,
 Qui sapere et fari possit quae sentiat, et cui

Epistola IV.

Haec epistola ad Albium Tibullum poetam, de quo vide ad Carm. I, 33, quo anno scripta sit nos latet, nisi forte ex primo versu efficere audes datam eam esse non multo post editas ab Horatio satiras. Quas quomodo laudaverit Tibullus, utrum publice apud magnos viros an privatim in epistola aliqua ad Horatium, non magis invenies quam quid Horatium ut hanc epistolam conscriberet commoverit. Apud Messallam certe, Tibulli fautorem, Horatium ille vix opus erat ut commendaret, siquidem Messallae iam dudum notus, fortasse etiam familiaris fuerat Horatius. Apud Philippos uterque pugnaverat. Noli igitur hoc amplius quaerere et vide mecum causam scribendae epistolae in erigendo et exhilarando animo Tibulli, qui nescimus quo casu vel dolore oppressus ex urbe in Pedanam suam villam aufugerat; dein admirare egregiam extremorum versuum festivitatem, quae si quid aliud risum movere debuit tristiculo amico.

V 1. *candide*] Comm. Cruq. „integer, verax, pure, sine fuce, sine fallacia.“ — *Pedana*] apud Pedom sita, media inter Praeneste et Tibur. — *opuscula*] Intelligendae haud dubie elegiae, quas cum bonas scripserit Cassius Parmensis, meliores deinde Tibullus composuit. Cassius Parmensis olim in partibus Bruti et Cassii tribunus militum militavit; postea exorto inter Octavianum et Antonium bello apud Actium cum Antonio pugnavit; dein Athenis, quo fugerat ab Octaviano interfectus est, cum inter eos fuisset qui Caesarem necassent. Diversus hic est a Cassio Etrusco, de quo vide ad Sat. I, 10, 61. — *reptare*] lente et libere ambulare, quod est hominis otiosi et meditantis. Tibullus ipse de se IV, 13, 9: „Sic ego secretis possum bene vivere silvis, Qua nulla humano sit via trita pede.“ — *sapiente bonoque*] Cur haec habeamus coniuncta vide ex Ciceronis loco de off. III, 15, 62; et cf. Epist. I, 7, 22. I, 16, 73. A. P. 445. — *Non tu*] Sententiarum ordo hic esse videtur: „quid dicam te facere? utrum poemata componere an philosophari potius de iis rebus quae dignae sunt sapientibus bonisque viris? Quodsi hoc facis, recte facis; tam multas enim tu habes animi et corporis virtutes, ut indignas curas tu alere non possis.“ — *eras*] semper. — *pectore*] Ovid. Met. XIII, 290. Heroid. XVI, 305: „Huncine tu speres hominem sine pectore dotēs Posse satis formae, Tyndari, nosse tuae.“ — *dederunt*] cf. Zumpt. gr. §. 163. — *voveat maius*] cum ea quae habeat bona summa sint; quae qualia sint ostendunt tres insequentes versus. Haec igitur omnia habet Tibullus, quare sapienter iis frui

- 10 Gratia, fama, valetudo contingat abunde
 Et mundus victus non deficiente crumena?†
 Inter spem curamque, timores inter et iras
 Omnem crede diem tibi diluxisse supremum:
 Grata superveniet quae non sperabitur hora.
- 15 Me pinguem et nitidum bene curata cute vides,
 Cum ridere voles Epicuri de grege porcum.

Epistola V.

Si potes Archiacis conviva recumbere lectis
 Nec modica coenare times olus omne patella,

iubetur — *gratia*] apud magnos viros, imprimis Messallam. — *fama*] Ovid. Am. I, 15, 27: „Donec erunt ignes arcusque Cupidinis arma, Discentur numeri, culte Tibulle, tui.“ — *mundus victus*] Sat. II, 2, 65. Epist. II, 2, 199. Carm. III, 29, 14. — *crumena*] Similiter Iuven. XI, 38: „Quis enim te deficiente crumena Et crescente gula manet exitus?“ — *timores*] „Poeta tranquilliore dicendi genere usus de universo rerum humanarum statu locutus est et hac de causa pluralem elegit, licet singularis in eadem re praecesserit.“ *Jacob.* de usu num. plur. p. 11. — *diluxisse*] Significatur hoc verbo proprie id tempus, cum tam clara lux est ut res dignosci possint. Cic. Phil. XII, 2, 5: „Discussa est illa caligo, diluxit, patet, videmus omnia.“ id. Catil. III, 3. Liv. XXXVI, 24. — *curata cute*] Epist. I, 2, 29. — *nitidum*] vide ad Sat. II, 2, 128. De lepido epistolae exitu vide ad Epist. I, 1, 106. Ceterum ne offendaris maiore antiquorum hominum in his rebus libertate, compara hos locos Ciceronis in Pis. 16: „Epicure noster, ex hara producte, non ex schola.“ ibid. 30: „Quid nunc te, asine, litteras doceam?“ ad Att. IV, 5: „Scio me asinum germanum fuisse.“ Vera autem Epicuri ἡδονὴ fuit ἀταραξία et ἀπονία et ὑγίεια τοῦ σώματος: quam quomodo pravi homines intellexerint vides ex hoc loco Senecae de vit. beat. 12: „Non ab Epicuro impulsus luxuriantur, sed vitiis dediti luxuriam suam in philosophiae sinu abscondunt et eo concurrunt, ubi audiunt laudari voluptatem. Nec aestimatur voluptas illa Epicuri, ita enim mehercules sentio, cum sicca et sobria sit, sed ad nomen ipsum advolant quaerentes libidinibus suis patrociniū aliquod ac velamentum.“

Epistola V.

De Torquato, ad quem haec est epistola, vide ad Carm. IV, 7; atque eodem prope consilio et carmen illud et hanc epistolam scriptam esse patet. De anno autem natali huius epistolae non consentiunt viri docti; nimirum certum temporis indicium non reperitur. Nam ex versibus 4 et 9 hoc unum pro certo potest affirmari, dedisse Horatium hanc epistolam quattuor vel quinque annis post alterum consulatum T. Statilii Tauri a. 728; nam natalicia Augusti iam inde ab anno 725 celebrata esse memoriae prodidit Dio Cassius LI, 19: „Ἐν τῇ τοῖς γενεθλίοις αὐτοῦ καὶ ἐν τῇ τῆς ἀγγελίας τῆς νίκης ἡμέρᾳ ἑορηνῆσαν

Supremo te sole domi, Torquate, manebo.

Vina bibes iterum Tauro diffusa palustres

5 Inter Minturnas Sinuessanumque Petrinum.

Si melius quid habes, arcesse vel imperium fer.

Iamdudum splendet focus et tibi munda supellex.

Mitte leves spes et certamina divitiarum

Et Moschi causam; cras nato Caesare festus

10 Dat veniam somnumque dies; impune licebit

εἶναι ἔγνωσαν“, cum quo loco hunc alterum eiusdem scriptoris coniungas XIV, 34: „Καὶ τὰ γενέθλια τὰ τοῦ Αὐγούστου καὶ ἐν τῷ ἐκποδρόμῳ καὶ ἐν τῇ ἄλλῃ πόλει πολλαχόθεν θηρίων σφαγαῖς ἐτιμῆθη· καὶ τοῦτο μὲν καίτοι μὴ ψηφισθὲν ἐν πᾶσιν ὥς εἰπεῖν τοῖς ἑταίροις πρὸς τινος τῶν δεισιδαιμονούντων ἐγένετο· τὰ δὲ δὴ Αὐγουσιὰς, ἃ καὶ νῦν ἄγεται, τότε πρῶτον ἐκ δόγματος ἐτελέσθη.“ Quod quidem factum est a. 743. Adde locum Suetonii vit. Octav. 57: „Equites Romani natalem eius sponte atque consensu biduo semper celebrarunt“, et videbis certum annum versu 9 non indicari. Intelligendus autem natalis dies est Augusti, non divi Caesaris; nam etiamsi Augustus natus est a. d. XIV. Kal. Octobr., Julius autem Caesar a. d. IV. Id. Quintil., aestivam noctem v. 11 in Septembri mense recte licebit invenire. cf. Virg. Georg. I, 311 sq. Et quamquam Horatius quidem ipse Epist. I, 16, 16 *Septembres horas* gravi addit auctumno, recordandum tamen esse Septembres, aliis annis tepidos magis et aestivos aliis frigidos et auctumnales.

V. 1. *si potes*] Solebat enim Torquatus laute ac splendide vivere. Cave igitur ne hunc virum avaritiae deditum habeas; id quod non pauci interpretes ex tota epistola et Carm. IV, 7 recte sibi videbantur efficere. De usu verbi *posse* cf. Virg. Bucol. 7, 10. Aen. XI, 307. — *Archiacis*] a fabro quodam Archia confectis, simplicibus, non pretiosis. — *olus omne*] quaecunque. Promittitur tenuis coena, sed nos quoque cum amicis invitamus pauca promittimus, plura apponimus. — *supremo sole*] ad occasum vergente. Contrarius est *sol primus* apud Ovidium Met. IX, 93. vide ad Carm. III, 28, 13. cf. Sat. II, 7, 33. — *iterum*] sc. consule. Sic Capitolin vit. Pertin 4: „Quia ille esset iterum, cum Pertinax factus est“ — *Petrinum*] „vicus et locus in agro Falerno“ *Porphyr.*, Sed *Comm. Cruq.*: „Petrinus mons est Sinuessanae civitati imminens vel ager Sinuessae vicinus.“ Mediocre vinum est et, quod suspicari licet, non nimis novum sed quattuor vel quinque annos natum. — *Sij*] In codd. et multis editionibus *sin*, quo tamen vocabulo Horatius usus esse non videtur. Hoc loco sic scriptum est ab iis qui oppositionem quam intelligerent etiam exprimere particula vellent. Locatur autem poeta, cum sic scribit: noli enim cum aliis interpretari *arcesse me ad te*; apud Horatium coena iam parata est. — *splendet*] cf. Carm. IV, 11, 6. — *certamina divitiarum*] Hoc quoque iocose et innocenter dictum est (cf. Carm. IV, 12, 25), neque quidquam aliud reperiendum hic est nisi amica ac lepida admonitio, ut omnes curas quibus soleat teneri hoc die mittat totumque se dedat amico et hilaritati. De certaminibus divitiarum compara Sat. I, 1, 113 sq. — *Moschi*] „Hic Pergamenus fuit rhetor notissimus: reus beneficii fuit, cuius causam ex primis tunc oratores egerunt, Torquatus hic et Asinius Pollio.“ *Porph.* In hanc igitur causam Torquatus magnam curam et diligentiam

- Aestivam sermone benigno tendere noctem.
 Quo mihi fortunam, si non conceditur uti?
 Parcus ob heredis curam nimiumque severus
 Assidet insano; potare et spargere flores
 15 Incipiam patiarque vel inconsultus haberi.
 Quid non ebrietas designat? Operta recludit,
 Spes iubet esse ratas, ad proelia trudit inertem,
 Sollicitis animis onus eximit, addocet artes.
 Fecundi calices quem non fecere disertum?
 20 Contracta quem non in paupertate solutum?
 Haec ego procurare et idoneus imperor et non
 Invitus, ne turpe toral, ne sordida mappa
 Corruget nares, ne non et cantharus et lanx
 Ostendat tibi te, ne fidos inter amicos

contulisse videtur. — *tendere noctem*] transigere usque ad finem. Similiter Virg. Georg. III, 379. Ovid. Met. XII, 159. — *quo mihi fortunam*] sc. datam esse credam; nam *quo* in hac formula est *quoi*, *quorsum*. Sic non raro. Phaedr. III, 18, 9: „Quo mi, inquit, mutam speciem, si vincor sono?“ Cat. Distich 4, 16: „Quo tibi divitias, si semper pauper abundas?“ Sententia autem generalis est, in qua prima persona omnes saepe utuntur. — *assidet*] proximus et simillimus est. Hac tropica significatione ab ordinibus theatrorum petita, ut videtur, ἄπασθι λέγόμενον est. Quod quomodo in prosa exprimas ostendit Cic. Brut. 147: „Antonio Philippus proximus accedebat.“ — *spargere flores*] Carm. III, 19, 22.

V. 16. *designat*] Difficile hoc vocabulum alii aliter interpretantur. Porphyrio idem esse dicit quod *aperit* sc. quod signatum et clausum erat; et leviter significari et in quandam comparisonem vocandas esse lagenas Schmidius affirmavit. *Comm. Cruq.* ad h. l. habet glossam *facit*, ad Epist. I, 7, 6 idem esse ait quod *confundere*. *Donatus* ad Terent. Ad. I, 2, 7: „Nam illa quae antehac facta sunt, Omitto: modo quid designavit!“ explicat: „designare est rem novam facere in utramque partem, et bonam et malam.“ — *operta*] cf. Carm. III, 21, 14. Epod. 11, 14. Sat. I, 4, 89. — *spes*] cf. Carm. III, 21, 17 sq. — *inertem*] Sic recte antiquissimi codices; *inermem* quod in aliis non malis legitur ideo reiiciendum videtur, quod animus describendus erat a poeta, non casus quo quis inermis est. cf. Cic. in Catil. II, 5, 10. — *addocet*] Hoc verbum praeter hunc locum non videtur inveniri nisi semel apud Ciceronem pro Cluent. 37, 104: „addocti iudices.“ Eadem ratione dicitur *addiscere* Cic. senect. 8, 26. — *fecundi calices*] copiosi et abundantes. Notandum genus est huius vocabuli, quo Latini ab usu Graeco (ῥιχλὺς) recesserunt. — *contracta*] cf. Carm. III, 2, 1. I, 18, 5. Animadvertite ordinem verborum, quo prohibitum est ne aut nomen *paupertate* bis poneretur aut molestum pronomen *ea* deberet inferri. — *imperor*] pro *imperatur mihi*. — *toral*] vide ad Sat. II, 4, 84. De mappa ad Sat. II, 8, 63. — *corruget*] Quintil. XI, 3, 80: „Naribus labrisque derisus, contemptus, fastidium significari solet. Nam et *corru-*

- 25 Sit qui dicta foras eliminet, ut coëat par
Iungaturque pari. Butram tibi Septiciumque,
Et nisi coena prior potiorque puella Sabinum
Detinet, assumam; locus est et pluribus umbris,
Sed nimis arta premunt olidae convivia caprae.
30 Tu quotus esse velis rescribe, et rebus omissis
Atria servantem postico falle clientem.

Epistola VI.

Nil admirari prope res est una, Numici,
Solaque, quae possit facere et servare beatum.

gare nares, ut Horatius ait, et inflare indecorum est.^a — *cantharus*] vide ad Carm. I, 20, 2. — *Butram*] Nominantur tria sodalium nomina nobis aliunde ignotorum; nam ne de Sabino quidem certa coniectura est. Hunc alii putant esse Ovidii amicum, A. Sabinum, alii Sabinum quendam Tironem, qui librum Cepuricon Maecenati dicavit. — *umbris*] vide ad Sat. II, 8, 22. — *caprae*] Epod. 12, 5. — *atria*] vide ad Carm. III, 1, 46.

Epistola VI.

Plurimis antiquis philosophis communis fuit doctrina τοῦ μὴδὲν θανατίζειν, quam quidem virtutem alii ἀδαμύβιαν et ἀδαμύμαστιαν alii ἀπάθειαν, alii ἀταραξίαν appellarunt. Ea autem ipsa cernitur „in duobus, si et solum id quod honestum sit bonum iudices, et omni animi perturbatione liber sis. Nam et ea quae eximia plerisque et praeclara videntur parva ducere eaque ratione stabili firmaque contemnere fortis animi magnique ducendum est, et ea quae videntur acerba, quae multa et varia in hominum vita fortunaque versantur, ita ferre, ut nihil a statu naturae discedas, nihil a dignitate sapientis, robusti animi est magnaeque constantiae.“ Cic. de off. I, 20. De hac igitur virtute scribit Horatius ad Numicium quendam, hominem nobis aliunde prorsus ignotum, in quem tamen cave credas congerendas esse omnes animi perturbationes, quas a poeta in hac epistola descriptas et vituperatas invenias; immo vero satius erit sibi persuadere, fuisse Numicium iuvenem aliquem fortem ac frugi, qui idem sibi de rerum externarum despicientia fecisset iudicium maximeque idoneus videretur ad quem de illa doctrina epistola posset dari. Incertum est quo anno epistolam scriptam esse credamus, nisi quod *porticus Agrippae* (v. 26) iuniorem eam esse ostendit anno 729, quo anno Neptuni illa seu Argonautarum porticus ab Agrippa aedificata esse traditur.

V. 1. *prope*] Mitigat sententiam παράδοξον adiecta haec particula, quam germanice reddas *so ziemlich*. cf. Sat. I, 3, 98. Epist. I, 18, 28. II, 2, 21. 61. — *una*] Unus alios non excludit, sed unum tantum ponit praecipuum; *solus* contra omnes alios excludit. cf. Sat. II, 3, 24. Virg.

- Hunc solem et stellas et decedentia certis
 Tempora momentis sunt qui formidine nulla
 5 Imbuti spectent: quid censes munera terrae,
 Quid maris extremos Arabas ditantis et Indos,
 Ludicra quid, plausus et amici dona Quiritis,
 Quo spectanda modo, quo sensu credis et ore?
 Qui timet his adversa, fere miratur eodem
 10 Quo cupiens pacto; pavor est utrobique molestus,
 Improvisa simul species exterret utrumque.
 Gaudeat an doleat, cupiat metuatne, quid ad rem,
 Si, quidquid vidit melius peiusve sua spe,
 Defixis oculis animoque et corpore torpet?
 15 Insani sapiens nomen ferat, acquus iniqui,
 Ultra quam satis est virtutem si petat ipsam.
 I nunc, argentum et marmor vetus aeraque et artes

Aen. II, 426. — *hunc solem*] *δεξιτινός*, quem videmus et admiramur. Cic. Tusc. I, 25, 60. pro Mil. 30, 83. — *momentis*] Bewegungsgesetze. Cic. Tusc. I, 17, 40. Manil. Astron. III, 289: „Paribus per tempora versa Momentis redeunt.“ Describuntur philosophi naturalium rerum periti. — *formidine*] Ex admiratione magnarum rerum oritur aut formido et timor (v. 9) aut cupiditas (v. 10); utraque res aucta et amplificata torporem (v. 14) efficit. Plaut. Amph. I, 1, 179: „Timeo, totus torpore: non edepol nunc ubi terrarum sim scio.“ — *quid censes*] De sententiae forma cf. Cic. Rosc. Am. 17, 49. de off. II, 7. Verbum autem *credis* post longiorem verborum intercapedinem praecedenti *censes* bene substituitur. — *ludicra*] ludi publici, ut Liv. I, 9, 13. I, 35, 9. — *dona*] Iuven. X, 78 sqq.: „Nam qui (populus) dabat olim Imperium, fascēs, legiones, omnia, nunc se Continet atque duas tantum res anxius optat, Panem et Circenses“ Ceterum vide ad Carm. II, 7, 3. — *Qui timet*] Neque debemus eas res appetere neque quae iis contraria sunt timere; nam et in appetitione et in timore inest admiratio quaedam ac pavor, qui animum ex tranquillitate excutit rectumque de rebus iudicium perturbat. De pavore vide Ciceronem Tusc. IV, 8, 19; de ipsa sententia eundem Tusc. IV, 6, 12. III, 13, 28. IV, 26, 57. V, 28, 81. — *exterret*] verbum medium et ad timorem et ad cupidinem aptum. cf. Virg. Aen. XI, 806. Liv. VII, 39, 15. Cic. de off. II, 10, 37. Etiam *spes* vocabulum medium est, ut Salust. Iug. 88, 1. Liv. II, 3, 1; quamquam de malis rebus a Cicerone et Caesare non videtur esse usurpatum. — *insani sapiens*] Malum cernitur in nimio appetitu, non in re quae petitur. Cic. Tusc. IV, 25, 55. 29; 62.

V. 17. *i nunc*] Argumentum a maiori ad minus; ipsa autem formula concedentis est sed cum dissimulatione et irrisione. Epist. II, 2, 76. — *artes*] Carm. IV, 8, 2. Versus autem sic sunt coniungendi: Quodsi ne virtus quidem nimio studio appetenda est, nihil profecto est quod viliores res tantopere secteris, quod argentea et aenea artificia conquiras, quod laudem oratoriam appetas, quod quae stui per totum diem inhies, ne alius quis, obscuro fortasse loco natus,

- Suspice, cum gemmis Tyrlos mirare colores;
 Gaude quod spectant oculi te mille loquentem;
 20 Gnavus mane forum et vespertinus pete tectum,
 Ne plus frumenti dotalibus emetat agris
 Mutus et — indignum, quod sit peioribus ortus —
 Hic tibi sit potius quam tu mirabilis illi.
 Quidquid sub terra est, in apricum proferet aetas;
 25 Defodiet condetque nitentia. Cum bene notum
 Porticus Agrippae et via te conspexerit Appi,
 Ire tamen restat, Numa quo devenit et Ancus.
 Si latus aut renes morbo tentantur acuto,
 Quaere fugam morbi; vis recte vivere: quis non?
 30 Si virtus hoc una potest dare, fortis omissis
 Hoc age deliciis. Virtutem verba putas et
 Lucum ligna: cave ne portus occupet alter,
 Ne Cibyrica, ne Bithyna negotia perdas;
 Mille talenta rotundentur, totidem altera, porro et
 35 Tertia succedant et quae pars quadret acervum.
 Scilicet uxorem cum dote fidemque et amicos

uxoris dote i. e. sine ullo suo negotio te ditior sit. In qua re quo certior evadat imago, Mutum aliquem, hominem nobis ignotum, poetarum more substituit Horatius. — *emetat*] vide ad Carm. I, 5, 8. — *condetque nitentia*] Vanum igitur illorum est studium. Senec. Epist. 110: „Quid miraris? quid stupes? Pompa est. Ostenduntur istae res, non possidentur, et dum placent transeunt.“ — *conspexerit*] Nam in porticu Agrippae frequenter deambulabant Romani, et viam Appiam divites terebant mannis et curribus. cf. Epod. 4, 14. — *Ancus*] Carm. IV, 7, 15. — *Si latus*] Sententiarum ordo hic est: „Quare si mecum intellexisti, in tranquillitate animi cernendam esse beatam vitam, idem facias oportet quod soles, cum corporis morbo tentaris: nimirum remedia quaerenda sunt et vitanda omnia quae possint nocere. Animi autem remedia videnda sunt in illa virtute, qua nihil admiramur, nulla cupiditate aut metu tentamur. Contra si summum bonum in externis rebus positum putas, agedum quaere res et cura ne quis te opibus vincat.“ Externae autem res et cupiditates, quibus homines beatam sibi vitam se paraturos vulgo opinantur, aut divitiae sunt (31—48) aut honores et gratia popularis (49—55) aut victus lautissimus (56—64) aut amores (65—67). — *latus aut renes*] *νήρυις* et *νεγίρις*. Idem versus est Sat. II, 3, 163 ubi vide. — *virtutem verba*] Sic Schiller nostras in carmine die Worte des Glaubens: „Und die Tugend, sie ist kein leerer Schall.“ — *lucum*] sed numen est in luco et sacrilegorum vox est, lucum nihil esse nisi ligna. — *Cibyrica*] Cibra urbs Phrygiae magnae propter ferraementa celebrata. Et cf. Carm. III, 7, 3. — *fidemque*] cf. Sat. I, 1, 62. Philem. fr. XV: „Πρόσσει δὲ τῷ πένητι ἀπιστία· ἀνὴρ δὲ πλουτῶν καὶ ἄγαν ψευδογορῇ, δοκεῖ τι φράζειν τοῖς ἀκούουσιν

Epistola III.

Iuli Flore, quibus terrarum militet oris
 Claudius Augusti privignus scire laboro.
 Thracane vos Hebrusque nivali compede viuctus
 An freta vicinas inter currentia turres
 5 An pingues Asiae campi collesque morantur?
 Quid studiosa cohors operum struit? hoc quoque curo.

Epistola III.

Tiberius Claudius Nero cum anno 734 ad Tigranem in Armeniae regnum deducendum cum exercitu in orientem ab Augusto mitteretur, ut ipse doctus erat ita in cohorte comitum non paucos secum duxisse videtur iuvenes qui litterarum amore capti quid suis ipsi viribus possent efficere saepius tentarent. Ex hoc numero fuit Iulius quidam Florus, satirarum scriptor, si fides habenda est Porphyrii scholiastae, ceterum ignotus. Romae autem cum Horatius summa inter poetas esset auctoritate, nihil mirandum est quod omnes iuvenes qui in arte poetica elaborarent eius et familiaritatem quaerebant et iudicium de suis conatibus magni habebant. Atque Horatii tanta fuit cura latinarum litterarum, ut non praesens solum studio optimorum iuvenum adesset sed etiam magno locorum intervallo remotus consilia eorum alere et regere non vellet desinere. Id quomodo hac epistola factum sit ipse videbis. Quod ad Florum potissimum hanc epistolam dedit, aut factum est propter maiorem quam cum hoc iuvene habebat amicitiam (nam secundi quoque libri altera epistola ad eundem scripta est), aut propter similitudines, quas Florum cum amico antea Munatio habuisse ex versu 31 sq. videmus; nimium ut ad componendas lites inter amicos aliquid ipse componeret. Nam hoc non videtur probabile, quod tentatum video ab elegantibus harum rerum indicibus, in iis similitudinibus unam quaerendam esse causam cur scripserit poeta epistolam; reliqua addita esse eo potissimum consilio, ut vera causa callide tegeretur.

V. 1. *quibus oris*] Inest in hac formula notio quaedam loci incerti et longinqui; ut Virg. Aen. I, 331. Liv. XXI, 10, 12. — *Augusti privignus*] honoris causa hoc additum puta cf. Epist. I, 8, 2. Nihil in hac compellatione videndum est ambitionis aut studii in Tiberium Neronem. — *Thracae*] Ex locorum ordine vides scriptam esse epistolam cum in Armeniam pergeret exercitus, non cum rediret, quod male alii suspicati sunt. Fecit autem Tiberius hanc expeditionem per Thraciam et Macedoniam, et quidem sub vernum tempus; inde Hebrus glacie tectus. — *turres*] „Herus et Leandri Inter Seston et Abydon medium est Hellesponti fretum.“ *Porphy.* — *morantur*] amoenitatibus suis vos tenent. Accommodatum igitur verbum ad Asiae campos; unde si necessarium videbitur, facile invenies quod cum Hebro et Hellesponto coniungas aliud et generalius verbum. — *studiosa*] Hoc adiectivum, quod a Cicerone aliisque bonis scriptoribus non usurpatur nisi addito genitivo, quo vaga illius notio certis limitibus circumscribatur, Augusto imperante certiore significationem nactum est, eadem prorsus ratione qua ipsum verbum studendi. Quintil. XII, 11, 19: „Computamus annos, non quibus studuimus sed quibus viximus.“ Plin. Epist. V, 5, 5: „In lectulo suo compositus in habitu studentis.“ Quintil. X, 3, 32: „iuvenis studiosus alioquin.“ Plin. Epist. VI, 26, 1: „Ipse erat studiosus,

- Quis sibi res gestas Augusti scribere sumit?
 Bella quis et paces longum diffundit in aevum?
 Quid Titius Romana brevi venturus in ora,
 10 Pindarici fontis qui non expalluit haustus,
 Fastidire lacus et rivos ausus apertos?
 Ut valet? ut meminit nostri? fidibusne Latinis
 Thebanos aptare modos studet auspice Musa
 An tragica desaevit et ampullatur in arte?
 15 Quid mihi Celsus agit? monitus multumque monendus,
 Privatas ut quaerat opes et tangere vitet
 Scripta, Palatinus quaecunque recepit Apollo;
 Ne si forte suas repetitum venerit olim
 Grex avium plumas, moveat cornicula risum
 20 Furtivis nudata coloribus. Ipse quid audes?

litteratus, etiam disertus. Idem factum esse in aliis eiusdem generis adiectivis ostendunt hi loci Horatiani Carm. II, 20, 19. I, 28, 18. III, 4, 58. III, 23, 17. Sat. II, 2, 43. Carm. II, 4, 22. Est igitur hic litterata cohors. Cohors autem est quae alias grex appellatur. Epist. I, 9, 13. Sat. I, 7, 23. — *paces*] Epist. II, 1, 102. Sunt res praeclare in pace gestae. — *in aevum*] Carm. IV, 14, 3. III, 11, 35. — *Titius*] „Titius Septimius lyrica carmina et tragoedias scripsit Augusti tempore, sed libri eius nulli exstant. Huius autem insigne monumentum est infra Ariciam.“ *Comm. Cruq.* Suspiciantur fuisse eum filium M. Titii cos. suffecti a. u. c. 723. Recte autem dubitatum est de altero nomine *Septimio*; in gentibus enim vere Romanae originis primis Augusti temporibus non coniungebantur duo nomina gentilicia. Ceterum cave ne Titium credas ab Horatio castigari ob nimiam audaciam et confidentiam; immo vero laudatur Titii animus et additur magna de eius studiis expectatio. — *in ora*] Virg. Aen. XII, 235. Georg. III, 9. Propert. III, 7, 32: „Venies tu quoque in ora virum.“ — *expalluit*] De accusativo cf. Carm. II, 12, 7. III, 27, 28. Constans in imagine faciliora et humiliora poesis genera appellat poeta lacus et rivos apertos, ad quos alii quoque non pauci accedere audeant. Lucret. IV, 2: „Iuvat integros accedere fontes Atque haurire.“ — *desaevit*] Virg. Aen. IV, 52. Est ex alto i. e. vehementer saevire. „Refertur ad violentas animi perturbationes a tragicis expressas; *ampullari* autem ut Graecorum ἀμπύλλειν de amplo et magnifico sermonis tragici ornatu.“ *Orellius.* cf. A. P. 97.

V. 15. *Celsus agit*] cf. Sat. I, 9, 4. Videtur esse Celsus Albino-vanus, ad quem est Epist. I, 8. Immerito Celsus in plagiariorum numero habitus est; talem enim hominem Horatius profecto nunquam tulisset. Sed videtur ex iis fuisse, qui cum litteras et poesis ament multaque legerint, ipsi tandem aliquid proferre audeant sed vera poetica facultate destituti in sola magnorum exemplorum imitatione haereant. — *Palatinus Apollo*] In cuius templo a. u. 726 ab Augusto condita erat bibliotheca publica. — *grex avium*] cf. fabulam Aesopicam apud Phaedrum I, 3. De libertate monendi bene Obbarius: „Addo, inquit, ego nostra sentiendi ratione utpote hominum saepe bilinguium atque incude

- Quae circumvolitas agilis thyma? Non tibi parvum
 Ingenium, non incultum est et turpiter hirtum:
 Seu linguam causis acuis seu civica iura
 Respondere paras seu condis amabile carmen,
 25 Prima ferēs hederæ victricis præmia. Quodsi
 Frigida curarum fomenta relinquere posses,
 Quo te coelestis sapientia duceret, ires.
 Hoc opus, hoc studium parvi properemus et ampli,
 Si patriæ volumus, si nobis vivere cari.
 30 Debes hoc etiam rescribere, si tibi curæ
 Quantæ conveniat Munatius, an male sarta
 Gratia nequidquam coit et rescinditur. At vos
 Seu calidus sanguis seu rerum inscitia vexat
 Indomita cervice feros, ubicunque locorum
 35 Vivitis indigni fraternum rumpere foedus,
 Pascitur in vestrum reditum votiva iuvenca.

aulica politorum non videri metiendos liberiores hominum antiquorum simpliciumque mores." — *thyma*] Carm. IV, 2, 29. — *turpiter*] A. P. 3. Metaphora ab agris sumpta. De coniuncto hoc cum adiectivo adverbio moneo, ne quis ita in prosa oratione bene dici posse credat; in qua qui accurate scripserunt non ausi sunt adverbia qualitatis cum adiectivis coniungere. Apud Horatium poetam compara Carm. III, 11, 35. A. P. 3. — *acuis*] ex frequenti eloquentiæ cum telis armisque comparatione. Quintil. X, 5, 16: „Ipse ille mucro ingenii quotidiana pugna retundatur necesse est." — *hederæ*] Carm. I, 1, 29. — *frigida fomenta*] Sunt solatia, lenimenta curarum, sed quæ cum inania sint (frigida) malum augeant potius quam minuant. Intelligenda sunt gloria, honores — *coelestis sapientia*] Cic. Tusc. V, 4, 10. — *ampli*] cf. Epist. I, 1, 25. — *rescribere, si*] vide ad Sat. II, 5, 87. — *Munatius*] filius fortasse eius Munatii, ad quem est Carm. I, 7. — *sarta coit*] Sumpta hæc a vulneribus, quæ *assui* et *coire* dicuntur. Ovid. Trist. IV, 4, 41: „Neve retractando nondum coeuntia rumpam vulnera." Petron. 113: „Credo veritus, ne inter initia coeuntis gratiæ recentem cicatricem rescinderet." — *rerum inscitia*] Non videtur esse ἀπειρία τῶν ἀνθρώπων πραγμάτων, sed prævum iudicium quo quæ alter sine malo studio et suo iure fecerit dixeritve consulto et ad iniuriam nobis inferendam facta sæpe putamus. — *indomita cervice*] cf. Epist. I, 2, 64. — *fraternum*] cf. Epist. I, 10, 4. Male olim ex hac voce interpretes effici posse opinabantur, Munatium et Florum vere fratres fuisse. — *indigni*] quos non decet rumpere. Coniunctum autem est vocabulum ad exemplum græci ἀξίος, de quo vide Buttmann. gr. gr. §. 151. I. 7. ed. 16. — *pascitur*] Indicatur sacrum pro felici reditu amicorum faciendum. cf. Carm. I, 36, 2. Ad verbum compara Carm. III, 23, 11. IV, 2, 55.

Epistola IV.

- Albi, nostrorum sermonum candide iudex,
 Quid nunc te dicam facere in regione Pedana?
 Scribere quod Cassi Parmensis opuscula vincat
 An tacitum silvas inter reptare salubres,
 5 Curantem quidquid dignum sapiente bonoque est?
 Non tu corpus eras sine pectore: di tibi formam,
 Di tibi divitias dederunt artemque fruendi.
 Quid voveat dulci nutricula maius alumno,
 Qui sapere et fari possit quae sentiat, et cui

Epistola IV.

Haec epistola ad Albium Tibullum poetam, de quo vide ad Carm. I, 33, quo anno scripta sit nos latet, nisi forte ex primo versu efficere audes datam eam esse non multo post editas ab Horatio satiras. Quas quomodo laudaverit Tibullus, utrum publice apud magnos viros an privatim in epistola aliqua ad Horatium, non magis invenies quam quid Horatium ut hanc epistolam conscriberet commoverit. Apud Messallam certe, Tibulli fautorem, Horatium ille vix opus erat ut commendaret, siquidem Messallae iam dudum notus, fortasse etiam familiaris fuerat Horatius. Apud Philippos uterque pugnaverat. Noli igitur hoc amplius quaerere et vide mecum causam scribendae epistolae in erigendo et exhilarando animo Tibulli, qui nescimus quo casu vel dolore oppressus ex urbe in Pedanam suam villam aufugerat; dein admirare egregiam extremorum versuum festivitatem, quae si quid aliud risum movere debuit tristiculo amico.

V 1. *candide*] Comm. Cruq. „integer, verax, pure, sine fuce, sine fallacia.“ — *Pedana*] apud Pedom sita, media inter Praeneste et Tibur. — *opuscula*] Intelligendae haud dubie elegiae, quas cum bonas scripserit Cassius Parmensis, meliores deinde Tibullus composuit. Cassius Parmensis olim in partibus Bruti et Cassii tribunus militum militavit; postea exorto inter Octavianum et Antonium bello apud Actium cum Antonio pugnavit; dein Athenis, quo fugerat ab Octaviano interfectus est, cum inter eos fuisset qui Caesarem necassent. Diversus hic est a Cassio Etrusco, de quo vide ad Sat. I, 10, 61. — *reptare*] lente et libere ambulare, quod est hominis otiosi et meditantis. Tibullus ipse de se IV, 13, 9: „Sic ego secretis possum bene vivere silvis, Quam nulla humano sit via trita pede.“ — *sapiente bonoque*] Cur haec habeamus coniuncta vide ex Ciceronis loco de off. III, 15, 62; et cf. Epist. I, 7, 22. I, 16, 73. A. P. 445. — *Non tu*] Sententiarum ordo hic esse videtur: „quid dicam te facere? utrum poemata componere an philosophari potius de iis rebus quae dignae sunt sapientibus bonisque viris? Quodsi hoc facis, recte facis; tam multas enim tu habes animi et corporis virtutes, ut indignas curas tu alere non possis.“ — *eras*] semper. — *pectore*] Ovid. Met. XIII, 290. Heroid. XVI, 305: „Huncine tu speres hominem sine pectore dotēs Posse satis formae, Tyndari, nosse tuae.“ — *dederunt*] cf. Zumpt. gr. §. 163. — *voveat maius*] cum ea quae habeat bona summa sint; quae qualia sint ostendunt tres insequentibus versibus. Haec igitur omnia habet Tibullus, quare sapienter iis frui

- 10 Gratia, fama, valetudo contingat abunde
 Et mundus victus non deficiente crumena?†
 Inter spem curamque, timores inter et iras
 Omnem crede diem tibi diluxisse supremum:
 Grata superveniet quae non sperabitur hora.
 15 Me pinguem et nitidum bene curata cute vises,
 Cum ridere voles Epicuri de grege porcum.

Epistola V.

Si potes Archiacis conviva recumbere lectis
 Nec modica coenare times olus omne patella,

iubetur — *gratia*] apud magnos viros, imprimis Messallam. — *fama*] Ovid. Am. I, 15, 27: „Donec erunt ignes arcusque Cupidinis arma, Discentur numeri, culte Tibulle, tui.“ — *mundus victus*] Sat. II, 2, 65. Epist. II, 2, 199. Carm. III, 29, 14. — *crumena*] Similiter Iuven. XI, 38: „Quis enim te deficiente crumena Et crescente gula manet exitus?“ — *timores*] „Poeta tranquilliore dicendi genere usus de universo rerum humanarum statu locutus est et hac de causa pluralem elegit, licet singularis in eadem re praecesserit.“ *Jacob.* de usu num. plur. p 11. — *diluxisse*] Significatur hoc verbo proprie id tempus, cum tam clara lux est ut res dignosci possint. Cic. Phil. XII, 2, 5: „Discussa est illa caligo, diluxit, patet, videmus omnia.“ id. Catil. III, 3. Liv. XXXVI, 24. — *curata cute*] Epist. I, 2, 29. — *nitidum*] vide ad Sat. II, 2, 128. De lepido epistolae exitu vide ad Epist. I, 1, 106. Ceterum ne offendaris maiore antiquorum hominum in his rebus libertate, compara hos locos Ciceronis in Pis. 16: „Epicure noster, ex hara producte, non ex schola.“ ibid. 30: „Quid nunc te, asine, litteras doceam?“ ad Att. IV, 5: „Scio me asinum germanum fuisse.“ Vera autem Epicuri ἡδονή fuit ἀταραξία et ἀπονία et ὑγίεια τοῦ σώματος: quam quomodo pravi homines intellexerint vides ex hoc loco Senecae de vit. beat. 12: „Non ab Epicuro impulsus luxuriantur, sed vitiis dediti luxuriam suam in philosophiae sinu abscondunt et eo concurrunt, ubi audiunt laudari voluptatem. Nec aestimatur voluptas illa Epicuri, ita enim mehercules sentio, cum sicca et sobria sit, sed ad nomen ipsum advolant quaerentes libidinis suis patrocinium aliquod ac velamentum.“

Epistola V.

De Torquato, ad quem haec est epistola, vide ad Carm. IV, 7; atque eodem prope consilio et carinen illud et hanc epistolam scriptam esse patet. De anno autem natali huius epistolae non consentiunt viri docti; nimirum certum temporis indicium non reperitur. Nam ex versibus 4 et 9 hoc unum pro certo potest affirmari, dedisse Horatium hanc epistolam quattuor vel quinque annis post alterum consulatum T. Statilii Tauri a. 728; nam natalicia Augusti iam inde ab anno 725 celebrata esse memoriae prodidit Dio Cassius LI, 19: „Ἐν τε τοῖς γενεθλοῖς αὐτοῦ καὶ ἐν τῇ τῆς ἀγγελίας τῆς νίκης ἡμέτρῃ ἐρομένην

- Supremo te sole domi, Torquate, manebo.
 Vina bibes iterum Tauro diffusa palustres
 5 Inter Minturnas Sinuessanumque Petrinum.
 Si melius quid habes, arcesse vel imperium fer.
 Iamdudum splendet focus et tibi munda supellex.
 Mitte leves spes et certamina divitiarum
 Et Moschi causam; cras nato Caesare festus
 10 Dat veniam somnumque dies; impune licebit

εἶναι ἔγνωσαν“, cum quo loco hunc alterum eiusdem scriptoris coniungas XIV, 34: „Καὶ τὰ γενέθλια τὰ τοῦ Αὐγούστου καὶ ἐν τῷ Ἰπποδρόμῳ καὶ ἐν τῇ ἄλλῃ πόλει πολλαχόθεν θηρίων σφαγαῖς ἐτιμῆθη καὶ τοῦτο μὲν καίτοι μὴ ψηφισθὲν ἐν πασιν ὡς εἰπεῖν τοῖς ἑταῖροις πρὸς τινος τῶν ἀπὸ στρατηγούντων ἐγένετο· τὰ δὲ δὴ Αὐγουστάλια, ἃ καὶ νῦν ἄγεται, τότε πρῶτον ἐκ δόγματος ἐτελέσθη.“ Quod quidem factum est a. 743. Adde locum Suetonii vit. Octav. 57: „Equites Romani natalem eius sponte atque consensu biduo semper celebrarunt“, et videbis certum annum versu 9 non indicari. Intelligendus autem natalis dies est Augusti, non divi Caesaris; nam etiam si Augustus natus est a. d. XIV. Kal. Octobr., Iulius autem Caesar a. d. IV. Id. Quintil., aestivam noctem v. 11 in Septembri mense recte licebit invenire. cf. Virg. Georg. I, 311 sq. Et quamquam Horatius quidem ipse Epist. I, 16, 16 Septembres horas gravi addit auctumno, recordandum tamen esse varios esse Septembres, aliis annis tepidos magis et aestivos aliis frigidos et auctumnales.

V. 1. *si potes*] Solebat enim Torquatus laute ac splendide vivere. Cave igitur ne hunc virum avaritiae deditum habeas; id quod non pauci interpretes ex tota epistola et Carm. IV, 7 recte sibi videbantur efficere. De usu verbi *posse* cf. Virg. Bucol. 7, 10. Aen. XI, 307. — *Archiacis*] a fabro quodam Archia confectis, simplicibus, non pretiosis. — *olus omne*] quaecunque. Promittitur tenuis coena, sed nos quoque cum amicis invitamus pauca promittimus, plura apponimus. — *supremo sole*] ad occasum vergente. Contrarius est *sol primus* apud Ovidium Met. IX, 93. vide ad Carm. III, 28, 13. cf. Sat. II, 7, 33. — *iterum*] sc. consule. Sic Capitolin vit. Pertin 4: „Quia ille esset iterum, cum Pertinax factus est“ — *Petrinum*] „vicus et locus in agro Falerno“ *Porphyr.*. Sed *Comm. Cruq.*: „Petrinus mons est Sinuessanae civitati imminens vel ager Sinuessae vicinus.“ Mediocre vinum est et, quod suspicari licet, non nimis novum sed quattuor vel quinque annos natum. — *Sij*] In codd. et multis editionibus *sin*, quo tamen vocabulo Horatius usse non videtur. Hoc loco sic scriptum est ab iis qui oppositionem quam intelligerent etiam exprimere particula vellent. Locatur autem poeta, cum sic scribit: noli enim cum aliis interpretari *arcesse me ad te*; apud Horatium coena iam parata est. — *splendet*] cf. Carm. IV, 11, 6. — *certamina divitiarum*] Hoc quoque iocose et innocenter dictum est (cf. Carm. IV, 12, 25), neque quidquam aliud reperiendum hic est nisi amica ac lepida admonitio, ut omnes curas quibus soleat teneri hoc die mittat totumque se dedat amico et hilaritati. De certaminibus divitiarum compara Sat. I, 1, 113 sq. — *Moschi*] „Hic Pergamenus fuit rhetor notissimus: reus beneficii fuit, cuius causam ex primis tunc oratores egerunt, Torquatus hic et Asinius Pollio.“ *Porph.* In hanc igitur causam Torquatus magnam curam et diligentiam

- Aestivam sermone benigno tendere noctem.
 Quo mihi fortunam, si non conceditur uti?
 Parcus ob heredis curam nimiumque severus
 Assidet insano; potare et spargere flores
 15 Incipiam patiarque vel inconsultus haberi.
 Quid non ebrietas designat? Operta recludit,
 Spes iubet esse ratas, ad proelia trudit inertem,
 Sollicitis animis onus eximit, addocet artes.
 Fecundi calices quem non fecere disertum?
 20 Contracta quem non in paupertate solutum?
 Haec ego procurare et idoneus imperor et non
 Invitus, ne turpe toral, ne sordida mappa
 Corruget nares, ne non et cantharus et lanx
 Ostendat tibi te, ne fidos inter amicos

contulisse videtur. — *tendere noctem*] transigere usque ad finem. Similiter Virg. Georg. III, 379. Ovid. Met. XII, 159. — *quo mihi fortunam*] sc. datum esse credam; nam *quo* in hac formula est *quoi, quorum*. Sic non raro. Phaedr. III, 18, 9: „Quo mi, inquit, mutam speciem, si vincor sono?“ Cat. Distich 4, 16: „Quo tibi divitias, si semper pauper abundas?“ Sententia autem generalis est, in qua prima persona omnes saepe utuntur. — *assidet*] proximus et simillimus est. Hac tropica significatione ab ordinibus theatrorum petita, ut videtur, *ἡπας λεγόμενον* est. Quod quomodo in prosa exprimas ostendit Cic. Brut. 147: „Antonio Philippus proximus accedebat.“ — *spargere flores*] Carm. III, 19, 22.

V. 16. *designat*] Difficile hoc vocabulum alii aliter interpretantur. Porphyrio idem esse dicit quod *aperit* sc. quod signatum et clausum erat; et leviter significari et in quandam comparisonem vocandas esse lagenas Schmidius affirmavit. *Comm. Cruq.* ad h. l. habet glossam *facit*, ad Epist. I, 7, 6 idem esse ait quod *confundere*. *Donatus* ad Terent. Ad. I, 2, 7: „Nam illa quae antehac facta sunt, Omitto: modo quid designavit!“ explicat: „designare est rem novam facere in utramque partem, et bonam et malam.“ — *operta*] cf. Carm. III, 21, 14. Epod. 11, 14. Sat. I, 4, 89. — *spes*] cf. Carm. III, 21, 17 sq. — *inertem*] Sic recte antiquissimi codices; *inermem* quod in aliis non malis legitur ideo reiiciendum videtur, quod animus describendus erat a poeta, non casus quo quis inermis est. cf. Cic. in Catil. II, 5, 10. — *addocet*] Hoc verbum praeter hunc locum non videtur inveniri nisi semel apud Ciceronem pro Cluent. 37, 104: „addocti iudices.“ Eadem ratione dicitur *addiscere* Cic. senect. 8, 26. — *fecundi calices*] copiosi et abundantes. Notandum genus est huius vocabuli, quo Latini ab usu Graeco (*ἡ χελίξ*) recesserunt. — *contracta*] cf. Carm. III, 2, 1. I, 18, 5. Animadvertite ordinem verborum, quo prohibitum est ne aut nomen *paupertate* bis poneretur aut molestum pronomen *ea* deberet inferri. — *imperor*] pro *imperatur mihi*. — *toral*] vide ad Sat. II, 4, 84. De mappa ad Sat. II, 8, 63. — *corruget*] Quintil. XI, 3, 80: „Naribus labrisque derisus, contemptus, fastidium significari solet. Nam et *corru-*

- 25 Sit qui dicta foras eliminet, ut coëat par
Iungaturque pari. Butram tibi Septiciumque,
Et nisi coena prior potiorque puella Sabinum
Detinet, assumam; locus est et pluribus umbris,
Sed nimis arta premunt olidae convivia caprae.
30 Tu quotus esse velis rescribe, et rebus omissis
Atria servantem postico falle clientem.

Epistola VI.

Nil admirari prope res est una, Numici,
Solaque, quae possit facere et servare beatum.

gare nares, ut Horatius ait, et inflare indecorum est.^a — *cantharus*] vide ad Carm. I, 20, 2. — *Butram*] Nominantur tria sodalium nomina nobis aliunde ignotorum; nam ne de Sabino quidem certa coniectura est. Hunc alii putant esse Ovidii amicum, A. Sabinum, alii Sabinum quendam Tironem, qui librum Cepuricon Maecenati dicavit. — *umbris*] vide ad Sat. II, 8, 22. — *caprae*] Epod. 12, 5. — *atria*] vide ad Carm. III, 1, 46.

Epistola VI.

Plurimis antiquis philosophis communis fuit doctrina τοῦ μηδὲν ἀταραξίζειν, quam quidem virtutem alii ἀταραξίαν et ἀταραξίαν alii ἀπάθειαν, alii ἀταραξίαν appellarunt. Ea autem ipsa cernitur „in duobus, si et solum id quod honestum sit bonum iudices, et omni animi perturbatione liber sis. Nam et ea quae eximia plerisque et praeclara videntur parva ducere eaque ratione stabili firmaque contemnere fortis animi magnique ducendum est, et ea quae videntur acerba, quae multa et varia in hominum vita fortunaque versantur, ita ferre, ut nihil a statu naturae discedas, nihil a dignitate sapientis, robusti animi est magnaeque constantiae.“ Cic. de off. I, 20. De hac igitur virtute scribit Horatius ad Numicium quendam, hominem nobis aliunde prorsus ignotum, in quem tamen cave credas congerendas esse omnes animi perturbatio-nes, quas a poeta in hac epistola descriptas et vituperatas invenias; immo vero satius erit sibi persuadere, fuisse Numicium iuvenem aliquem fortem ac frugi, qui idem sibi de rerum externarum despicientia fecisset iudicium maximeque idoneus videretur ad quem de illa doctrina epistola posset dari. Incertum est quo anno epistolam scriptam esse credamus, nisi quod *porticus Agrippae* (v. 26) iuniorem eam esse ostendit anno 729, quo anno Neptuni illa seu Argonautarum porticus ab Agrippa aedificata esse traditur.

V. 1. *prope*] Mitigat sententiam παράδοξον adiecta haec particula, quam germanice reddas *so ziemlich*. cf. Sat. I, 3, 98. Epist. I, 18, 28. II, 2, 21. 61. — *una*] Unus alios non excludit, sed unum tantum ponit praecipuum; *solus* contra omnes alios excludit. cf. Sat. II, 3, 24. Virg.

Hunc solem et stellas et decedentia certis
Tempora momentis sunt qui formidine nulla

5 Imbuti spectent: quid censes munera terrae,
Quid maris extremos Arabas ditantis et Indos,
Ludicra quid, plausus et amici dona Quiritis,
Quo spectanda modo, quo sensu credis et ore?
Qui timet his adversa, fere miratur eodem

10 Quo cupiens pacto; pavor est utrobique molestus,
Improvisa simul species exterret utrumque.
Gaudeat an doleat, cupiat metuatne, quid ad rem,
Si, quidquid vidit melius peiusve sua spe,
Defixis oculis animoque et corpore torpet?

15 Insani sapiens nomen ferat, aequus iniqui,
Ultra quam satis est virtutem si petat ipsam.

I nunc, argentum et marmor vetus aeraque et artes

Aen. II, 426. — *hunc solem*] δεικτικῶς, quem videmus et admiramur. Cic. Tusc. I, 25, 60. pro Mil. 30, 83. — *momentis*] Bewegungsgesetze. Cic. Tusc. I, 17, 40. Manil. Astron. III, 289: „Paribus per tempora versa Momentis redeunt.“ Describuntur philosophi naturalium rerum periti. — *formidine*] Ex admiratione magnarum rerum oritur aut formido et timor (v. 9) aut cupiditas (v. 10); utraque res aucta et amplificata torpore (v. 14) efficit. Plaut. Amph. I, 1, 179: „Timeo, totus torpore: non edepol nunc ubi terrarum sim scio.“ — *quid censes*] De sententiae forma cf. Cic. Rosc. Am. 17, 49. de off. II, 7. Verbum autem *credis* post longiorem verborum intercapedinem praecedenti *censes* bene substituitur. — *ludicra*] ludi publici, ut Liv. I, 9, 13. I, 35, 9. — *dona*] Iuven. X, 78 sqq.: „Nam qui (populus) dabat olim Imperium, fasces, legiones, omnia, nunc se Continet atque duas tantum res anxius optat, Panem et Circenses.“ Ceterum vide ad Carm. II, 7, 3. — *Qui timet*] Neque debemus eas res appetere neque quae iis contraria sunt timere; nam et in appetitione et in timore inest admiratio quaedam ac pavor, qui animum ex tranquillitate excutit rectumque de rebus iudicium perturbat. De pavore vide Ciceronem Tusc. IV, 8, 19; de ipsa sententia eundem Tusc. IV, 6, 12. III, 13, 28. IV, 26, 57. V, 28, 81. — *exterret*] verbum medium et ad timorem et ad cupidinem aptum. cf. Virg. Aen. XI, 806. Liv. VII, 39, 15. Cic. de off. II, 10, 37. Etiam *spes* vocabulum medium est, ut Salust. Iug. 88, 1. Liv. II, 3, 1; quamquam de malis rebus a Cicerone et Caesare non videtur esse usurpatum. — *insani sapiens*] Malum cernitur in nimio appetitu, non in re quae petitur. Cic. Tusc. IV, 25, 55. 29; 62.

V. 17. *i nunc*] Argumentum a maiori ad minus; ipsa autem formula concedentis est sed cum dissimulatione et irrisione. Epist. II, 2, 76. — *artes*] Carm. IV, 8, 2. Versus autem sic sunt coniungendi: Quodsi ne virtus quidem nimio studio appetenda est, nihil profecto est quod viliores res tantopere secteris, quod argentea et aenea artificia conquiras, quod laudem oratoriam appetas, quod quae stui per totum diem inhies, ne alius quis, obscuro fortasse loco natus,

- Suspice, cum gemmis Tyrlos mirare colores;
 Gaude quod spectant oculi te mille loquentem;
 20 Gnavus mane forum et vespertinus pete tectum,
 Ne plus frumenti dotalibus emetat agris
 Mutus et — indignum, quod sit peioribus ortus —
 Hic tibi sit potius quam tu mirabilis illi.
 Quidquid sub terra est, in apricum proferet aetas;
 25 Defodiet condetque nitentia. Cum bene notum
 Porticus Agrippae et via te conspexerit Appi,
 Ire tamen restat, Numa quo devenit et Ancus.
 Si latus aut renes morbo tentantur acuto,
 Quaere fugam morbi; vis recte vivere: quis non?
 30 Si virtus hoc una potest dare, fortis omissis
 Hoc age deliciis. Virtutem verba putas et
 Lucum ligna: cave ne portus occupet alter,
 Ne Cibyrica, ne Bithyna negotia perdas;
 Mille talenta rotundentur, totidem altera, porro et
 35 Tertia succedant et quae pars quadret acervum.
 Scilicet uxorem cum dote fidemque et amicos

uxoris dote i. e. sine ullo suo negotio te ditior sit. In qua re quo certior evadat imago, Mutum aliquem, hominem nobis ignotum, poetarum more substituit Horatius. — *emetat*] vide ad Carm. I, 5, 8. — *condetque nitentia*] Vanum igitur illorum est studium. Senec. Epist. 110: „Quid miraris? quid stupes? Pompa est. Ostenduntur istae res, non possidentur, et dum placent transeunt.“ — *conspexerit*] Nam in porticu Agrippae frequenter deambulabant Romani, et viam Appiam divites terebant mannis et curribus. cf. Epod. 4, 14. — *Ancus*] Carm. IV, 7, 15. — *Si latus*] Sententiarum ordo hic est: „Quare si mecum intellexisti, in tranquillitate animi cernendam esse beatam vitam, idem facias oportet quod soles, cum corporis morbo tentaris: nimirum remedia quaerenda sunt et vitanda omnia quae possint nocere. Animi autem remedia videnda sunt in illa virtute, qua nihil admiramur, nulla cupiditate aut metu tentamur. Contra si summum bonum in externis rebus positum putas, agedum quaere res et cura ne quis te opibus vincat.“ Externae autem res et cupiditates, quibus homines beatam sibi vitam se paraturos vulgo opinantur, aut divitiae sunt (31—48) aut honores et gratia popularis (49—55) aut victus lautissimus (56—64) aut amores (65—67). — *latus aut renes*] *πλευρίτις* et *νεφρίτις*. Idem versus est Sat. II, 3, 163 ubi vide. — *virtutem verba*] Sic Schiller nostras in carmine die Worte des Glaubens: „Und die Tugend, sie ist kein leerer Schall.“ — *lucum*] sed numen est in luco et sacrilegorum vox est, lucum nihil esse nisi ligna. — *Cibyrica*] Cibra urbs Phrygiae magnae propter ferraementa celebrata. Et cf. Carm. III, 7, 3. — *fidemque*] cf. Sat. I, 1, 62. Philem. fr. XV: „Πρόσσειτε δὲ τῷ πένητι ἀπιστία ἀνὴρ δὲ πλουτῶν καὶ ἄγαν ψευδηγορῇ, δοκεῖ τι φράζειν τοῖς ἀκούουσιν

- Et genus et formam regina Pecunia donat,
 Ac bene nummatum decorat Suadela Venusque.
 Mancipiis locuples eget aeris Cappadocum rex:
 40 Ne fueris hic tu. Chlamydes Lucullus, ut aiunt,
 Si posset centum scenae praebere rogatus,
 Qui possum tot? ait; tamen et quaeram et quod habebo
 Mittam: post paulo scribit, sibi milia quinque
 Esse domi chlamydum, partem vel tolleret omnes.†
 45 Exilis domus est, ubi non et multa supersunt
 Et dominum fallunt et prosunt furibus. Ergo
 Si res sola potest facere et servare beatum,
 Hoc primus repetas opus, hoc postremus omittas.
 Si fortunatum species et gratia praestat,
 50 Mercemur servum, qui dictet nomina, laevum
 Qui fodicet latus et cogat trans pondera dextram
 Porrigere. Hic multum in Fabia valet, ille Velina;
 Cui libet hic fasces dabit eripietque curule
 Cui volet importunus ebur. Frater, Pater adde;
 55 Ut cuique est aetas, ita quemque facetus adopta.

*ἀσφαλές*α. — *Cappadocum rex*] Cum haec epistola scriberetur, regnabat in Cappadocia Archelaus; de cuius decessore Cicero scripsit ad Attic. VI, 1: „Nihil illo regno spoliatus, nihil rege egentius“ et ibid. 3: „Ariobarzanes, rex perpauper.“ Romae autem multi erant ex Cappadocia servi, sed rudes et viles.

V. 40. *Ne fueris*] Ille igitur pauperrimus rex malum est exemplum divitiarum; quare fac colligas opes Luculli, qui quam esset dives ipse nesciebat. — *scenae*] ut pompa aliqua vel triumphus ageretur. — *tolleret*] praetor vel aedilis, qui spectacula editurus erat. — *facere et servare*] Consulto haec repetuntur ex secundo versu, ut perversum cupidorum hominum iudicium cum vera sapientia infesto certamine componatur. — *species*] splendor externus. Tacit. Ann. IV, 6, 1: „sua consulibus, sua praetoribus species.“ — *servum*] Qui magistratum ambirent, civium in quos inciderent etiam tenuiorum manus prensabant, ut eorum sibi suffragia conciliarent. Quare servos nomenclatores secum habebant, qui singulorum civium nomina tenerent suisque auribus insusurrarent. cf. Sat. II, 5, 32. Ceterum non sine ioco verba *laevum, dextram* versus vicinos claudunt. — *trans pondera*] Videntur haec coniungenda esse cum verbis *dextram porrigere*, non cum *cogat*; quare rectissime intelligimus plaustra saxis, trabibus aliaque mole onusta, per quae candidato ut ad suffragatorem perveniat non sine difficultate aut aliquo periculo penetrandum est. — *Fabia, Velina*] duae ex XXXV tribubus Romanis. — *importunus*] durus, ut quid velit quavis ratione efficere studeat. — *adopta*] festive dictum de eo qui alienos homines blandis nominibus alloquendo inter cognatos quasi recipit.

- Si bene qui coenat bene vivit, lucet, eamus
 Quo ducet gula, piscemur, venemur, ut olim
 Gargilius, qui mane plagas, venabula, servos,
 Differtum transire forum populumque iuebat,
 60 Unus ut e multis populo spectante referret
 Emptum mulus aprum. Crudi tumidique lavemur,
 Quid deceat quid non obliti, Caerite cera
 Digni, remigium vitiosum Ithacensis Ulixei,
 Cui potior patria fuit interdicta voluptas.
 65 Si, Mimnermus uti censet, sine amore iocisque
 Nil est iucundum, vivas in amore iocisque.
 Vive, vale! Si quid novisti rectius istis,
 Candidus imperti; si non, his utere mecum.

Epistola VII.

Quinque dies tibi pollicitus me rure futurum
 Sextilem totum mendax desideror. Atqui

V. 57. *ducet gula*] cf. Sat. II, 7, 102. 111. — *Gargilius*] homo ignotus, de quo recte Bentleius: „Neque enim venatum *exibat* per forum, sed a venatione *redibat*; id ex ipsis verbis pro comperto habendum; iuebat, inquit, servos per forum transire, ut populo spectante mulus aprum referret. Ergo ante lucem pro solito venatorum more exierat: et mane sive ante meridiem pleno tum foro redibat. Neque vero recta via domum tendebat Gargilius“, sed flexo circuitu per forum servos iuebat, ut populo ibi confesto aprum ostentarent, non captum ut credi volebat, sed emptum. Neque vero Bentleiana coniectura *forum campumque* opus est, quoniam satis festive iteratur *populum*, *populo*, quo vanitas Gargilii magis describatur, quippe qui a populo vellet praedicari ob lautas suas quotidianas epulas. Illud quoque vani hominis est, quod magnam turbam servorum cum ingenti apparatu quotidie mittit, ut unum sibi apportent aprum; nimirum pluribus apris singulis diebus uti non potuit. — *lavemur*] ad excitandum iterum ciborum appetitum. — *Caerite cera*] Caeritibus tabulis; Caerites enim primi facti sunt municipes sine suffragii iure. — *remigium*] Epist. I, 2, 22 sqq. cf. Hom. Od. XI, 104 sqq. XII, 297 sqq. I, 8 sq. — *Mimnermus*] Colophonius, poeta elegiacus, Soloni aequalis. — *candidus*] Epist. I, 4, 1.

Epistola VII.

„Maecenas cum aegre careret familiaritate Horatii vatis et amici ob eamque rem, fortasse variis vitae incommodis iam tactus, amicum dilectum invitus dimitteret, Flacci longiorem quam quem is fore promiserat in villa sua secessum aegre tulisse videtur. Poeta igitur ut suam absentiam in sex menses dilaturus excusaret crimenque animi in-

- Si me vivere vis sanum recteque valentem,
 Quam mihi das aegro, dabis aegrotare timenti,
 5 Maecenas, veniam, dum ficus prima calorque
 Designatorem decorat lictoribus atris,
 Dum pueris omnis pater et matercula pallet,
 Officiosaque sedulitas et opella forensis
 Adducit febres et testamenta resignat.
 10 Quodsi bruma nives Albanis illinet agris,

grati, quod sibi propter promissum non servatum fieri videretur, dissolveret atque omnino suam suo more vivendi rationem patrono libere exponeret, hanc scripsit epistolam Romano homine dignissimam. Is enim valetudine tum utebatur minus commoda, cui ita consulendum erat, ut cum diutius rure moraretur tum per hiemem ad mare i. e. in regionem tepidiorem descenderet. Ante omnia igitur quantum debeat patrono liberalissimo quantique in beneficiis dandis facienda sit eius humanitas grato profitetur animo, ita tamen ut suam ipsius libertatem omnibus amicorum donis et vel ipsis Arabum divitiis praeferre non dubitet. Sibi enim aetate proveciori et corporis viribus paulo fracto alia iam opus esse vitae conditione quam qua lucusque apud patronum munificum usus sit. Quodsi Maecenas vincula, quibus ei beneficiis in ipsum collatis se sentiat obstrictum, laxare nolle, iam quae bona accepisset se resignare et re vera velle et aequo animo posse significat. Haec animi sensa tam urbane, tam facete ante oculos ponit Maecenatis, ut haec ipsa epistola insigne sit et libertatis et urbanitatis documentum. Primum enim quod de restituendis rebus sibi facile obici posse praesumit poeta, iocose illustrat lepido illo de vulpecula apologo, qua quidem similitudine usus omnibus nota simul, si qua fuit, rei lenitur quam maxime acerbitas. Tum ad significandum et paratum quo omnia reddere velit animum et mutatam sortem aequae ferentem duobus apprime utitur exemplis, altero a Telemacho, altero a Vulteio Mena desumptis.⁴ *Obbarius*. Annus quo epistolam scriptam esse dicamus inveniri nequit; nam etiamsi concedas referendam eam esse ad iter quod Veliam et Salernum poetam fecisse ex epistola XV videamus, illud ipsum iter quo anno factum sit non potest inveniri.

V. 1. *quinque dies*] certus numerus pro incerto positus ad indicandos paucos dies. cf. Sat. I, 3, 16. II, 3, 289. II, 7, 89. — *Sextilem*] qui mensis a. u. c. 746 Augustus nominatus est. — *sanum recteque valentem*] Hanc optimorum codicum lectionem recentissimi editores recte restituerunt utpote sermonis quotidiani formulam reiecta altera *recteque videre valentem*. cf. Epist. I, 16, 21. Cic. Acad. II, 7, 19: „Si sensus et sani sunt et valentes.“ Altera facta videtur ex correctione eorum qui tautologiam aliquam timerent. — *veniam*] non est *commeatum* (Urtaub) dare, sed precibus concedere, ut ruri vivam. Caes. B. G. VII, 15, 6. Virg. Aen. IV, 435. — *ficus prima*] quae mense Augusto et Septembri matnrescens grave auctumni tempus designat. Sat. II, 6, 19. Carm. II, 14, 16. — *designatorem*] „Designatores sunt funerum mancipis et ordinatores; nam designare est ordinare; unde et qui loca in theatris spectatoribus distribuabant, designatores dicebantur.“ *Comm. Cruq.* — *lictoribus*] Cic. de leg. II, 24, 61: „Reliqua sunt in more, funus ut indicatur, si quid ludorum, dominusque funeris utatur accenso atque lictoribus.“ — *illinet*] quo verbo prima hiems significatur, cum montes

- Ad mare descendet vates tuus et sibi parcat
 Contractusque leget; te, dulcis amice, reviset
 Cum Zephyris, si concedes, et hirundine prima.
 Non quo more pyris vesci Calaber iubet hospes,
 15 Tu me fecisti locupletem. Vescere sodes.
 Iam satis est. At tu quantum vis tolle. Benigne.
 Non invisa feres pueris munuscula parvis.
 Tam teneor dono quam si dimittar onustus.
 Ut libet: haec porcis hodie comedenda relinques.
 20 Prodigus et stultus donat quae spernit et odit:
 Haec seges ingratos tulit et feret omnibus annis.
 Vir bonus et sapiens dignis ait esse paratus,
 Nec tamen ignorat quid distent aera lupinis.
 Dignum praestabo me etiam pro laude merentis.

nive iam adsparguntur. — *ad mare*] Non male coniecerunt viri docti ex versu 45 Tarentum significari; nam cum Tibur et Tarentum contra urbem Romam ibi posuerit, eo autem ipso tempore quo scriberet hanc epistolam *rure* (v. 1) i. e. in villa sua prope Tibur sita diutius moraretur, ultro quasi in Tarentum nunc incidimus; cum qua re non temere coniungas Calabrum hospitem v. 14, quem cur magis descripserit quam alium alius regionis non videas, nisi et saepius iam Horatium in Calabria fuisse et nunc Tarentum petere velle existimes. — *contractus*] remotus a strepitu magnae urbis neque distractus variis curis et officiis. Contractus enim opponitur distracto et remisso. Cic. de orat. I, 59, 251: „industriam (oratoris) in plura studia distrahere nolim.“ id. de leg. II, 15, 38: „(sonorum vis) tum remittit animos tum contrahit.“ cf. Epist. I, 18, 90. De frigore enim in loco, quem vitandi frigoris causa petiturum se dicit poeta, non licet cogitare. — *benigne*] est modeste recusantis. cf. v. 62. — *teneor dono*] Vetat caesura versus, ne quis *dono* a verbo *teneor* seiungere et cum solo adiectivo *onustus* coniungere velit; ad utrumque est referendum. *Donum* autem vocabulum argutiis non est persequendum, siquidem oblata quaedam res, etiamsi ab altero recusatur, ex mente eius qui obtulit donum recte dicitur. — *relinques*] Recte sic optimi codices cf. v. 43.

V. 20. *prodigus*] Ea qua Calaber hospes utebatur ratione donandi recta non est, sed prodigorum hominum et stultorum; sapientes enim et ea solent dare quae ipsi magni aestimant et iis hominibus quos suis donis dignos habent. Quare ex sapientium hominum donis gratia reddit, non ex stultorum. — *tulit et feret*] vide ad Carm. II, 13, 20. — *paratus*] vide Zumpt. gr. lat. §. 612. — *aera lupinis*] Lupinis quasi fictitia pecunia utebantur et aleatores et bistriones in scena; inde proverbium ortum — *pro laude merentis*] Compara Lucret. V, 2: „Quis potis est dignum pollenti pectore carmen Condere pro rerum maiestate?“ Cicer. Div. in Caec. 13, 42: „Quidnam pro offensione hominum et expectatione omnium dignum eloqui possim?“ Hoc dicere videtur: „Tu, Maecenas, cum dicas te dignis semper esse paratum, in me autem tua beneficia contuleris, necesse est habeas me dignum tuis donis. Quare etiam praestabo me dignum et ita quidem, ut ex beneficiis tuis in te

- 25 Quodsi me noles usquam discedere, reddes
 Forte latus, nigros angusta fronte capillos,
 Reddes dulce loqui, reddes ridere decorum et
 Inter vina fugam Cinarae moerere protervae.
 Forte per angustam tenuis vulpecula rimam
- 30 Repserat in cumeram frumenti, pastaque rursus
 Ire foras pleno tendebat corpore frustra;
 Cui mustela procul, Si vis, ait, effugere istinc,
 Macra cavum repetes artum, quem macra subisti.
 Hac ego si compellor imagine, cuncta resigno:
- 35 Nec somnum plebis laudo satur altitium nec
 Otia divitiis Arabum liberrima muto.
 Saepe verecundum laudasti, rexque paterque
 Audisti coram, nec verbo parcius absens:
 Inspice, si possum donata reponere laetus.
- 40 Haud male Telemachus, proles patientis Ulixei:
 Non est aptus equis Ithace locus, ut neque planis
 Porrectus spatiis nec multae prodigus herbae;
 Atride, magis apta tibi tua dona relinquam.
 Parvum parva decent: mihi iam non regia Roma,

quoque redundet aliqua laus; qua ipsa re beneficia stultorum et sapientium inter se differunt; ad illos enim ex donis suis nihil revenit gratiae aut laudis. Quare libere beneficiis tuis utar, quae tu cum dares non voluisti imminuere adhaerentibus molestiis et incommodis. Olim cum juvenis essem, semper apud te eram delectabarque urbana vita; ita me gratum praestare nunc cum senescam iam non potero.“ — *angusta fronte*] Contrarium habes in hoc loco Plinii Epist. III, 6, 2: „rari et cedentes capilli, lata frons.“ Ceterum vide ad Carm. I, 33, 5. — *Cinarae*] vide ad Carm. IV, 13, 21. — *forte*] idem quod *aliquando*, ut Sat. I, 9, 1. Cicero ita locutus esse non dicitur, sed posteriores. — *vulpecula*] De hac omnium codicum scriptura Bentleius: „Vestram fidem, inquit, venatores, rustici, physici! Frumento vescitur vulpecula? Quis vel fando hoc audivit, quis prodidit?“, ac scribi iubet *nitedula*; quae conjectura cum olim recepta esset ab editoribus nunc recte reicitur. Nam praeterquam quod vulpecula etiam ab Isidoro comprobatur Orig. I, 39: „ad mores spectat fabula, ut apud Horatium mus loquitur muri (Sat. II, 6, 90), *mustela vulpeculae*“, tenendum est apologorum inventores non tam physicam probabilitatem spectare quam doctrinae veritatem. — *cumeram*] Sat. I, 1, 53. — *cavum quem*] Duplex substantivi forma est, *cavum* et *cavus*. cf. Sat. II, 6, 116. — *verecundum*] cf. Carm. II, 18, 12. — *rex*] Hoc nomine tenuiores et clientes patronos suos et fautores ornare solebant. cf. Epist. I, 17, 20. 43. — *Telemachus*] Hom. Od. IV, 601sq. Eodem ait animo se reddere posse omnia quae acceperit, quo olim Telemachus equos sibi oblatos utpote inutiles sibi suaeque patriae recusaverit — *patientis*] *πολύτιμος, ταλασίγερνος*.

- 45 Sed vacuum Tibur placet aut imbelles Tarentum.
 Strenuus et fortis causisque Philippus agendis
 Clarus, ab officiis octavam circiter horam
 Dum redit atque foro nimium distare Carinas
 Iam grandis natu queritur, conspexit, ut aiunt,
 50 Adrasum quendam vacua tonsoris in umbra
 Cultello proprios purgantem leniter ungues.
 Demetri, — puer hic non laeve iussa Philippi
 Accipiebat — abi, quaere et refer, unde domo, quis,
 Cuius fortunae, quo sit patre quove patrono.
 55 It, redit et narrat, Vulteium nomine Menam,
 Praeconem, tenui censu, sine crimine, notum,
 Et properare loco et cessare et quaerere et uti

— *vacuum Tibur*] otiosum, vacuum a turba et negotiis et officiis, plenum tranquillitatis. Epist. II, 2, 81. Ceterum cf. Carni. II, 6, 5—12. De Tarento cf. Sat. II, 4, 34.

V. 46. *Philippus*] L. Marcius Philippus, consul a. u. c. 663, quem Cicer. de orat. III, 1 hominem vehementem et disertum et inprimis fortem ad resistendum appellat. De ipsa autem lepida narratiuncula bene sic disputavit *Orellius*: „Haec narratiuncula ita cum praecedentibus connectitur, ut Vultei exemplo satis lepido demonstret virum prudentem, ubi casu aliquo collocetur in statu suae conditioni atque ingenio minus conveniente, etiam cum non levi iactura ex eo sese extricaturum esse, quo magis sibi aptum occupet.“ — *Foro*] ablativus est; in personis alia ratio est. cf. Epist. I, 18, 4. — *Carinas*] „Vicus Romae celeberrimus in regione IV constitutus ab aedificiis in modum carinarum factis vocatus esse dicitur; ibi fuit templum Telluris, aedes lunonis Sororiae, domus Pompeii, Antonii, Q. Ciceronis, aliorum virorum principum et ipsius Philippi“. *Obbarius*. Forum Romanum in regione VII situm erat. — *adrasum*] Tenendum hoc est et ex auctoritate codicum et quia homines *adraduntur*, barba *abraditur*. — *Ut aiunt* dictum est de re narrando tradita, ut Epist. I, 6, 40. I, 17, 18. — *vacua*] quia qui adfuerant abrasa barba iam reliquerant tonstrinam, Vultei autem otiosus et sibi placens ita remanserat, ut ex placido vultu tranquillitas eius animi intelligeretur. Haec igitur species hominis Philippum allexit. — *Menam*] Libertus igitur fuit, quod ex hoc nomine Philippus antea de conditione Vultei incertus (quare quaesivit „quo patre quove patrono“) intellexit. — *notum*] Noli hoc coniungere neque cum praecedentibus verbis *sine crimine* neque cum insequentis versus infinitivis. Ut homo *sine crimine* innocens est et probus, sic notus is recte dicitur, qui non in omnium hominum, ut magni ac nobiles viri, sed in multorum eiusdem et conditionis et regionis cognitionem pervenit, praesertim praeco cui cum multis fortasse hominibus negotia erant. Verba autem *sine crimine* adiectivi vice funguntur in lingua latina, cui negantia verba non tam facili opera licuit componere quam Graecae. cf. Ovid. Met. VII, 275. Senec. Phoen. 513: „sine crimine exsul.“ Infinitivi *properare*, *cessare* cett. intelligendi sunt ex forma orationis obliquae, qua servus Vultei verba domino refert. — *loco*] vide ad Carm. IV, 12, 28. —

- Gaudentem parvisque sodalibus et lare certo
Et ludis et post decisa negotia campo.
- 60 Scitari libet ex ipso quodcunque refers: dic
Ad coenam veniat. Non sane credere Mena,
Mirari secum tacitus. Quid multa? Benigne,
Respondet. Negat ille mihi? Negat improbus et te
Negligit aut horret. Vulteiū mane Philippus
- 65 Vilia vendentem tunicato scruta popello
Occupat et salvere iubet prior; ille Philippo
Excusare laborem et mercenaria vincla,
Quod non mane domum venisset, denique quod non
Providisset eum. Sic ignovisse putato
- 70 Me tibi, si coenas hodie mecum. Ut libet. Ergo
Post nonam venies: nunc i, rem strenuus auge.
Ut ventum ad coenam est, dicenda tacenda locutus
Tandem dormitum dimittitur. Hic ubi saepe
Occultum visus decurrere piscis ad hamum,
- 75 Mane cliens et iam certus conviva, iubetur
Rura suburbana indictis comes ire Latinis.
Impositus maunis arvum coelumque Sabinum
Non cessat laudare. Videt ridetque Philippus,
Et sibi dum requiem, dum risus undique quaerit,
- 80 Dum septem donat sestertia, mutua septem
Promittit, persuadet uti mercetur agellum.
Mercatur. Ne te longis ambagibus ultra

— *non sane*] idem fere quod *vix*, οὐ πάνυ. Varro R. R. III, 16, 10: „Parva villa et agellus non sane maior iugero uno.“ Ille enim vix potest cogitare se ab homine nobili ac divite ad coenam vocari; quare tacitus miratur. — *negat ille mihi*] Sic optimi et plurimi codices, alii *neget*, quod cur praeferatur nihil est causae; immo vero grata est eiusdem formae repetitio. Servus domino adulans convicio *improbus* statim addito rem augeat. — *tunicato popello*] Cum contemptu dictum; tenuiores enim tunica tantum, non toga induti in publicum ibant.

V. 72. *dicenda tacenda*] cf. Virg. Aen. IX, 595. — *tandem*] diu retentus, cum placeret, tandem ut dormitum eat dimittitur. — *cliens*] qui mane salutatum veniebant. — *indictis Latinis*] Ferae Latinae, quae quotannis a consule indicebantur, iustitium quadriduum dabant, quo qui negotiis forensibus occupati erant comitibus ex more nobiliorum hominum secum ductis rusticari solebant. — *requiem*] recreationem, delectationem; *risus*, ridendi materiem. Vulteiū enim hoc Philippi est consilium, quippe qui praesentiret tranquillum suum ac placidum praeconem

- Quam satis est morer, ex nitido fit rusticus atque
 Sulcos et vineta crepat mera, praeparat ulmos,
 85 Immoritur studiis et amore senescit habendi.
 Verum ubi oves furto, morbo periere capellae,
 Spem mentita seges, bos est enectus arando,
 Offensus damnis media de nocte caballum
 Arripit iratusque Philippi tendit ad aedes.
 90 Quem simul adspexit scabrum intonsumque Philippus,
 Durus, ait, Vultei, nimis attentusque videris
 Esse mihi. Pol me miserum, patrone, vocares,
 Si velles, inquit, verum mihi ponere nomen.
 Quod te per Genium dextramque deosque Penates
 95 Obsecro et obtestor, vitae me redde priori.
 Qui semel adspexit, quantum dimissa petitis
 Praestent, mature redeat repetatque relicta.
 Metiri se quemque suo modulo ac pede verum est.

non optimum fore rusticum. — *ex nitido*] Cic. ad Fam. XVI, 21, 13: „Deponendae tibi sunt urbanitates: rusticus Romanus factus es.“ — *studiis*] Dativus est, ut apud Quintilianum IX, 3, 73: „immori legationi.“ — *senescit*] macrescit, *τῆλειαι*. Epist. II, 2, 82. — *seges*] cf. Carm. III, 1, 30. — *enectus arando*] Prae nimio labore concidit bos; nimirum bonus Vultei urbanam suam sedulitatem (v. 65. 71) rus etiam contulisse videtur, ut quem ipse libenter susciperet magnum laborem etiam bubus imponeret Imperitia igitur fuit qua peccavit, non nimia cupiditas. — *arripit*] Hoc verbum et quae addita sunt *media de nocte* quam subito fastidium ceperit Vultei ad desperatumque consilium abiiciendi laboris adegerit egregie ostendunt. — *scabrum*] Indicia haec sunt non rusticae sed tristioris vitae. — *durus*] Huc quoque trahendum *nimis*, nam Plin. Epist. VI, 30, 4: „Rusticorum praediorum administratio poscit durum aliquem et agrestem, cui nec labor ille gravis nec cura sordida nec tristis solitudo videatur.“ — *deosque Penates*] Sat. II, 3, 176. In obtestandi formula *quod* relativum est infinitum pro *propter quod*, ut Graecorum *ὅ* pro *διότι*. Virg. Aen. II, 141; cave tamen credas splendendam esse illam praepositionem. — *semel*] Negligenda fuit optimorum codicum auctoritas, qua quod comprobatur *simul* ineptum est. Sed frequentissima horum vocabulorum confusio. Ceterum vide ad Carm. IV, 3, 1.

Epistola VIII.

- Celso gaudere et bene rem gerere Albinovano
 Musa rogata refer, comiti scribaeque Neronis.
 Si quaeret quid agam, dic multa et pulchra minantem
 Vivere nec recte nec suaviter: haud quia grando
 5 Contuderit vites oleamque momorderit aestus,
 Nec quia longinquis armentum aegrotet in agris,
 Sed quia mente minus validus quam corpore toto
 Nil audire velim, nil discere quod levet aegrum,
 Fidis offendar medicis, irascar amicis,
 10 Cur me funesto properent arcere veterno;
 Quae nocuere sequar, fugiam quae profore credam;
 Romae Tibur amem ventosus, Tibure Romam.

Epistola VIII.

Celsus Albinovanus (Epist. I, 3, 15) a Tiberio Nerone expeditionem in Armeniam faciente in cohortem receptus et ad scribendas arcanas, ut videtur, et gravioris argumenti litteras adhibitus ex Armenia vel ex itinere Horatium salutaverat. Respondet Horatius hac epistola et amico gratulatur de novo munere et parata ad honores via. Quo consilio scienter describit animi sui praesentem statum et monet amicum, ne nimia futurarum rerum expectatione elatus animi continentiam perdat. In qua re tu noli reprehensionem odorari, quasi Celsus insperata sua fortuna inflatus amicos suos superbe et arroganter tractarit, cum videas quam leniter poeta amicum admonuerit post liberam illam ac familiarem aegritudinis suae descriptionem dulcissimamque de salute eius rebusque curam. Horatii autem aegritudinem eam esse docuit Iacobsius (Lect. Venus. p. 336), qua saepe tentatos videmus praestantissimos quosque homines, praesertim artifices, qui cum ad eam quam animo et cogitatione sibi formaverint artis suae speciem et magnitudinem pervenire posse sibi non videantur severiusque de se suisque studiis ipsi iudicent quam alii, non raro spem deponant animumque tristitia quadam obrui patiantur. Quem animi morbum alii neque intelligunt neque possunt aut consolationibus aut consiliis sanare; nimirum qui ita laborant alienam medicinam spernentes et remedia ex animo quaerentes morbum alere magis quam curare videntur. Scripta videtur epistola a. u. c. 734.

V. 1. *gaudere et bene rem gerere*] Bene comparatur Graecorum salutandi ratio *χαίρειν καὶ εὖ πράττειν*. — *minantem*] Hoc verbum cum h. l. idem sit quod *polliceri*, sua natura medium esse patet; est enim idem quod *prae se ferre*. cf. Sat. II, 3, 9. Illa autem *pulchra* non coercenda sunt poesis finibus sed intelligendus est totus animi cultus. — *suaviter*] Sat. I, 9, 5. — *nil audire*] cf. Epist. I, 1, 48. — *cur me*] vide ad Carm. I, 33, 3. — *veterno*] est torpor quidam animi, ortus ille quidem ex tristitia quadam et diffidentia rerum et virium nostrarum. cf. Virg. Georg. I, 124. — *Tibur*] Epist. I, 7, 45. Sat. II, 7, 28. Non satis firmis argumentis usi sunt qui praeter Sabinae villam etiam Tibur-

Post haec, ut valeat, quo pacto rem gerat et se,
Ut placeat iuveni, percontare utque cohorti.

- 15 Si dicet Recte, primum gaudere, subinde
Praeceptum auriculis hoc instillare memento:
Ut tu fortunam, sic nos te, Celse, feremus.

Epistola IX.

Septimius, Claudii, nimirum intelligit unus
Quanti me facias: nam cum rogat et prece cogit,
Scilicet ut tibi se laudare et tradere coner,
Dignum mente domoque legentis honesta Neronis,

tinam Horatio fuisse affirmarunt. Extremum quod possis concedere hoc est, habuisse Horatium deversorium aliquod Tibure; quamquam ne hoc quidem certum est. Cic. ad Fam. VII, 23 circ. med.: „Libentius emerim deversorium Terracinae, ne semper hospiti molestus sim.“ — *iuveni*] Tiberio tunc XXII annos nato. — *subinde*] deinde, protinus, continuo. cf. Colum. II, 4, 11: „Ager *primum* arctur ultima parte mensis Augusti, *subinde* Septembri sit iteratus.“ — *nos*] ego et omnes quibuscum versaris.

Epistola IX.

Marcello iuveni mortuo Tiberius Claudius Nero is Romae adolescens fuit, cuius gratia maxima commoda et summam spem futuri temporis praebere posset. Quare qui ad honores viam sibi vellent parare, ii quod proxime ad hoc novum sidus accedere studebant publicorum rerum quae tum fuit ratio ipsa tulit. Et Horatius quoque Septimii iteratis precibus ita cessit, ut iuvenem amicum Neroni commendaret. Quod qua arte fecerit, ne aut Septimii iustis precibus deesset aut sua apud Neronem auctoritate arroganter abuti videretur, tu lege et admirare. De Septimio vide ad Carm. II, 6, de Nerone praecipuus locus est Taciti Ann. VI, 51: „Egregius vita famaque, quoad privatus vel in imperio sub Augusto fuerat.“ Inter eos qui Tiberium in Armeniam comitati sunt Septimius fuisse non videtur; si fuisset, in epistola III eum nominare Horatius non esset oblitus. Nam cuius ibi mentio fit, Titius diversus laud dubie fuit ab hoc; vide ibi ad v. 9. Quapropter libentius iis assentior qui a. 732, quam qui a. 734 scriptam suspicantur hanc epistolam; sed nihil in his rebus certum esse etiam atque etiam velim recorderis.

V. 1. *nimirum*] Per totam epistolam urbanus quidam lepor ac iucunditas regnat; inde lenissimae ironiae in vocabulis quoque indicia. — *unus*] melius quam ceteri et ipse ego (v. 6). cf. Sat. II, 6, 57. — *tradere*] Cic. ad Fam. VII, 5: „Totum tibi hominem ita trado manu, ut aiunt, in manum tuam istam et victoria et fide praestantem.“ Sat. I, 9, 47. Epist. I, 18, 78. — *domoque*] usu et consuetudine. Versus negligentius factus in epistola *sermoni propiore* reprehendendus non est. Similes sunt Sat. I, 2, 39. I, 8, 9. 17. 36. 50. Epist. I, 5, 27.

- 5 Munere cum fungi propioris censet amici;
 Quid possim videt ac novit me valdius ipso.
 Multa quidem dixi cur excusatus abirem,
 Sed timui, mea ne finxisse minora putarer,
 Dissimulator opis propriae, mihi commodus uni.
- 10 Sic ego maioris fugiens opprobria culpa
 Frontis ad urbanae descendi praemia. Quodsi
 Depositum laudas ob amici iussa pudorem,
 Scribe tui gregis hunc et fortem crede bonumque.

Epistola X.

Urbis amatorem Fuscum salvere iubemus

Ruris amatores, hac in re scilicet una

I, 16, 20. Sat. I, 2, 55. II, 8, 12. Epist. II, 2, 1. — *honestas*] neutro genere usus videtur quo magis evadat generalis sententia, ut Epist. II, 2, 179. — *Neronis*] Ipsum nomen cum vi post pronomen tibi infertur; i. e. hominis qualis est Nero. — *valdius*] A. P. 321. — *mea*] meum apud te favorem et auctoritatem. — *dissimulator*] Cic. Acad. II, 5, 15: „Ita cum aliud diceret atque sentiret, libenter uti solitus est ea dissimulatione quam Graeci *ἐλκυσέλας* vocant.“ — *opis*] facultatis, virtutis. Cic. Mil. 11, 30. Virg. Aen. I, 601. — *frontis*] Explicantur haec versu 12. Frons est animi ianua, tristitiae, hilaritatis, pudoris, impudentiae index: quare saepe accipitur pro animi affectu quo movemur. Cic. Prov. cons. 4: „libidines fronte et supercilio, non pudore et temperantia tegebat.“ id. Fin. II, 24: „ut in fronte ostentatio sit, intus veritas occultetur.“ Urbana frons scurrarum est, de quibus confer Plaut. Trin. I, 2, 162: „Nihil est profecto stultius neque stolidius. . . Quam *urbani* assidui cives quos *surras* vocant.“ Epist. I, 15, 27. — *gregis*] Est partitivus genitivus, ut Carm. III, 13, 13. Grex idem quod cohors comitum et amicorum.

Epistola X.

Horatium qui diutius iam ruri degisset Aristius Fuscus (Carm. I, 22. Sat. I, 9, 61. I, 10, 83.) litteris ut in urbem rediret invitasse videtur, describens simul urbanae vitae delicias et gaudia Cui ita respondet poeta, ut rusticationis commoda et amoenitates urbi longe praeferendas esse doceat suasque de vita vere beata verissimos sensus exprobat. Satiato sibi artibus urbis et deliciis opus esse ait quodam sincero et valido cibo, eumque ruri reperiri, ubi et corpori et animo recte possit consuli. Naturam enim hominum non posse reprimi fictasque delicias et iucunditates tandem fastidire. In urbe privari hominem vera libertate, in qua summum cerni debeat bonum quo homines vere fruuntur. Quare se felicissime vivere in suo Sabino, ibi se liberum esse, ibi divitem, ibi regem. Cui felicitati si quid addi velit, dulcissimi

- Multum dissimiles, at cetera paene gemelli
 Fraternis animis quidquid negat alter et alter,
 5 Annuimus pariter vetuli notique columbi,
 Tu nidum servas, ego laudo ruris amoeni
 Rivos et musco circumlita saxa nemusque.
 Quid quaeris? Vivo et regno, simul ista reliqui
 Quae vos ad coelum fertis rumore secundo,
 10 Utque sacerdotis fugitivus liba recuso:
 Pane egeo iam mellitis potiore placentis.
 Vivere naturae si convenienter oportet,
 Ponendaeque domo quaerenda est area primum;
 Novistine locum potiolem rure beato?
 15 Est ubi plus tepeant hiemes, ubi gratior aura
 Leniat et rabiem Canis et momenta Leonis,
 Cum semel accepit Solem furibundus acutum?
 Est ubi divellat somnos minus invida cura?
 Deterius Libycis olet aut nitet herba lapillis?

amici se expetere praesentiam. De tempore huius epistolae cum certis indiciiis destituamur, fluctuant viri docti inter annos 734—742.

V. 1. *salvere iubemus*] solita formula. Epist. I, 7, 66. Pluralis autem ponitur in huius modi enuntiatis ad evitandam iactantiam. — *multum*] vide ad Carm. I, 25, 5. — *annuimus*] Cicer. Orat. II, 70, 285: „Id quoque *toto capite annuit*.“ Facit vocab. *vetuli*, ut eam h. l. videamus festivitatem quae inest in hoc loco Catulli 61(59), 163 sqq.: „Quae tibi sine serviat, Usque dum *tremulum movens Cana tempus anilitas* Omnia omnibus *annuit*“ Masculina forma *columbi* feminam non excludit. Deinde ne ex antiquissimo uno codice *pariter vetulis notisque columbis* scribendum putes, memento quam saepe comparisonis particula ab Horatio omitatur. Iam cum annuere contrarium sit negando, comma ponendum post *alter* duximus, ut haec inde evadat sententia: quidquid negat alter, etiam alter negat. — *nidum*] sumptum ex imagine columborum. — *fertis*] Ne antiquissimi quidem codices inter se consentiunt; alii simplex praebent verbum, alii compositum *effertis*. Probabile tamen est compositum ex margine et glossa sensim irrepsisse. — *rumore secundo*] approbantibus plerisque. Sic poeta apud Ciceronem de divin. I, 16: „Solvere imperat secundo rumore adversaque avi.“ — *sacerdotis*] Ab iis qui sacra faciebant liba sacerdotibus relinquebantur; quae si plura essent quam quibus sacerdotes ipsi possent uti, ne perirent, servis dabantur. Iam fingitur servus sacerdotis olim taedio dulcium liborum, ut tandem pane vesceretur, aufugisse. — *naturae convenienter*] Cic. de off. III, 3, 7. — *domo*] antiquior forma pro *domui*. In insequenti descriptione suam villam Horatius respexisse videtur. Canicula oritur a. d. XIII. Kal. Aug.; de Leone vide ad Carm. III, 29, 19. — *lapillis*] de pavimentis tessellatis et vermiculatis ex marmore Numidico, de quo vide ad Carm. II, 18, 3. Solebant luxuriosi homines etiam pavimenta

Horatius ed. Dillenburger.

- 20 Purior in vicis aqua tendit rumpere plumbum,
 Quam quae per pronum trepidat cum murmure rivum?
 Nempe inter varias nutritur silva columnas,
 Laudaturque domus, longos quae prospicit agros.
 Naturam expellas furca, tamen usque recurret,
 25 Et mala perrumpet furtim fastidia victrix.
 Non, qui Sidonio contendere callidus ostro
 Nescit Aquinatam potentia vellera fucum,
 Certius accipiet damnum propiusve medullis,
 Quam qui non poterit vero distinguere falsum.
 30 Quem res plus nimio delectavere secundae,
 Mutatae quotient. Si quid mirabere, pones
 Invitus: fuge magna; licet sub paupere tecto
 Reges et regum vita praecurrere amicos.
 Cervus equum pugna melior communibus herbis
 35 Pellebat, donec minor in certamine longo
 Imploravit opes hominis frenumque recepit;
 Sed postquam victor violens discessit ab hoste,
 Non equitem dorso, non frenum depulit ore.
 Sic qui pauperiem veritus potiore metallis

unguentis perfundere; inde *olet*. — *vicis*] Cic. Mil. 24, 64. cf. Sat. I, 9, 13 II, 3, 228. Epist. II, 1, 269. — *trepidat*] Carm. II, 3, 12.

V. 22. *Nempe*] Inest in hoc loco ironica quaedam argumentatio de praestantia ruris inde sumpta, quod qui urbes incolunt amoenitates ruris imitantur easque domos ipsi praeferunt quae magnum in agros habeant prospectum. Versu 22 describitur viridarium in impluvio aedium cinctum peristyllo ex columnis marmoreis vario colore maculatis exstructo. — *expellas furca*] ex proverbio: cum ignominia exturbare aliquem. — *Non qui*] Incipit ab hoc versu altera epistolae pars, ita ut tota in duas aequales partes dividatur, casu magis, ut videtur, quam consilio. Ruri igitur fieri potest ut convenienter naturae vivamus, natura autem ubique suum ius postulat, quare rustica vita optima est. Quod ut recte intelligatur necesse est verum a falso distinguatur, ne beatitudinem quaeramus, servitutem nanciscamur. — *Sidonio*] Σιδών, Σιδώρος et Σιδώρος, longa tamen o littera magis usitata in Graecis. Inde utrumque apud Latinos, Sidōnius et Sidōnius, praeferebantque poetae utrum esset aptius ad metrum. Epod. 16, 59. Virg. Aen. IV, 545. XI, 74. — *Aquinatem*] „Aquinate purpurae similes sunt Tyriis; multum ergo imperiti falluntur.“ Acro. — *plus nimio*] vide ad Carm. I, 33, 1. — *praecurrere*] Sat. I, 7, 8. — *Cervus equum*] Ex fabula Aesopia, qua olim Stesichorus Himerenses monuit ne se Phalaridis tyrannidi subiicerent. Paulo mutata fabula est apud Phaedrum IV, 4. — *melior*] de fortitudine, ut Carm. I, 15, 28. III, 6, 16. Sat II, 5, 19. — *victor violens*] Epitheton *violens* tanquam molestum et supervacaneum exturbare conatus est Bentleius et substituere aut *victo sonipes* aut *victor*

40 Libertate caret, dominum vehet improbus atque

Serviet aeternum, quia parvo nesciet uti.

Cui non conveniet sua res, ut calceus olim,

Si pede maior erit, subvertet, si minor, uret.

Laetus sorte tua vives sapienter, Aristi,

45 Nec me dimittes incastigatum, ubi plura

Cogere quam satis est ac non cessare videbor.

Imperat aut servit collecta pecunia cuique,

Tortum digna sequi potius quam ducere funem.

Haec tibi dictabam post fanum putre Vacunae,

50 Excepto quod non simul esses, cetera laetus.

domito. Non bene, quoniam hoc adiectivum ex natura victorum peti-
tum egregie describit equum, qui cum magnus sibi videretur victor vio-
lentiamque animi et iactantiam prae se ferret, inscius in servitutem in-
ciderat hominis.

V. 39. *Sic qui*] Eadem ratione qui splendore magnarum rerum
captus simplicitatem naturae spernit, ut fere fit ab hominibus magnarum
urbium divitias et delicias laudantibus, dum paupertatem quavis ratione
malisque artibus vincere studet, libertatem animi perdit magnumque sibi
imponit dominum, quem nunquam ad maiora semper tendens poterit ex-
cutere. Is autem dominus ipsa est animi cupiditas externarumque rerum
augendarum perpetua fames. — *dominum vehet*] cf. Epod. 17, 74. Fu-
turum tempus optimorum codicum auctoritate munitum non est postha-
bendum praesenti *vehit*. Quod qui praetulerunt eo iam tempore homi-
nem quo paupertatem veritus libertate careat dominum vehere affirma-
runt; recte quidem, sed futurum *vehet*, quocum coniungas velim *aeter-
num*, instans tempus non excludit. *Improbus* habet causam cur serviat;
est enim immodicus, intemperatus. — *ut calceus olim*] Epictet. enchirid.
39: „Μέτρον πίψεως τὸ σῶμα ἐκάστω ὡς ὁ ποῦς ὑποδήματος.“ De
olim adverbio vide ad Carm. II, 10, 17. — *nec me dimittes*] „Quo ego
in te utor iure, eodem tu volo in me utaris; corrige me, ubi rectum
modum egressum me videris.“ Vides Horatium non prae se ferre vul-
tum molesti reprehensoris. — *pecunia cuique*] Sapienti servit, stulto
imperat pecunia; sed sapientem esse decet hominem et servire pecu-
niam. Recte igitur *aut servit*, non *haud servit*, quae est Waddelii et
Doeringi coniectura. — *ducere funem*] Imago sumpta videtur vel de
fune ductario in machinis tractoriis vel de remulco — *dictabam*] vide
Zumpt. gr. lat. §. 503. — *Vacunae*] „Vacuna apud Sabinos plurimum co-
litur; quidam Dianam, nonnulli et Cererem esse dixerunt, alii Venerem,
alii Victoriam, deam vacationis, quod faciat vacare a curis. Sed Varro
primo rerum divinarum Minervam dicit, quod ea maxime hi gaudent qui
sapientiae vacant“ *Comm. Cruq.* Quae nominis notatio sive vera est
sive falsa, illud certum videtur, non inconsulto positum a poeta esse
nomen, sed ut locum indicet ad meditationem aptissimum a negotiisque
molestis remotissimum. Invenire sibi visi sunt hunc locum in monte
hodie *Gennaro* appellato haud procul a vico *Rocca Giovane*, ubi pari-
etinae sunt templi Victoriae ab imperatore Vespasiano restituti, quod Va-
cunae deae quondam fuisse suspicantur. — *excepto*] vide Zumpt. l. l.
§. 647.

Epistola XI.

Quid tibi visa Chios, Bullati, notaque Lesbos,
 Quid concinna Samos, quid Croesi regia Sardis,
 Smyrna quid et Colophon? maiora minorave fama
 Cunctane prae campo et Tiberino flumine sordent?

5 An venit in votum Attalicis ex urbibus una,
 An Lebedum laudas odio maris atque viarum?
 Scis Lebedus quid sit: Gabiis desertior atque
 Fidenis vicus; tamen illic vivere vellem
 Oblitusque meorum obliviscendus et illis

10 Neptunum procul e terra spectare furemtem.

Sed neque qui Capua Romam petit, imbre lutoque

Epistola XI.

Ad Bullatium, amicum aliunde non notum, scribit Horatius de tranquillitate animi. Bullatius enim nescimus qua causa permotus Roma et Italia relictis tranquillam vitam in longinquis regionibus quaesiverat. Hunc igitur ut redeat tandem admonet poeta, quoniam cum ex patria aliquo cedamus, non cedamus in perpetuum aut diutius quam quae ad cedendum nos permoverint causae maneant, ac praeterea vera animi tranquillitas non ex loco petatur sed ex ipso animo bene regendo certisque finibus coercendo. Incertae sunt virorum doctorum de anno quo scripta epistola videatur suspensiones; alii motibus civilibus Bullatium ut exiret perductum qui opinantur ad annum 725 eam referunt, alii non maiore fide ad a. 733 descendunt.

V. 1. *notaque*] Nobilis et propter vina et propter poetas. — *concinna*] εὐφροδύος. Cicer. Pis. 10, 22: „concinna heluo“ (elegant). — *minorave*] Sic optimi codices, ut videtur, omnes; qui cum *σολοικίζειν* viderentur, posthabiti sunt faciliori scripturae *minorane*. Sed sublato post voc. *fama* interrogationis signo hunc tu constitue ordinem verborum: cunctane, sive maiora sunt fama sive minora, sordent cet. vide ad Sat. I, 2, 63. — *Attalicis*] Pergamo, Apollonia, Thyatira, aliis. — *Lebedum*] Distabat Lebedus 120 stad. a Colophone; scenicorum artificum conventus ibi erat et domicilium, et annua in Bacchi honorem certamina habebantur. Praeterea Strabo Myonnesios Lebedum migrasse dicit, a Lebediis benevole acceptos propter hominum ibi paucitatem. Hoc igitur oppidum ἐξ ἀντροδοχίου superioribus additur, ut transeat leniter ad rem: „an tibi placet Lebedus, parvum et desertum oppidum, ubi si quae me necessitas ex societate hominum pelleret, contento possem vivere animo. Idem tu fortasse: sed huius modi refugia non sunt diutius occupanda quam ipsa necessitas fert, alioquin non supervacanea solum sunt sed etiam molesta. Parva incommoda homines non debent in desperationem agere aut in contrariam partem trahere.“ Sic cohaerent inter se sententiae usque ad v. 20; neque potuit quidquam perversius excogitari nisi hoc, tribuendos esse vv. 7—10 Bullatio aut dividendos eos esse inter Bullatium et Horatium. — *meorum*] amicorum. — *Neptunum*] neglectis hominum curis ac negotiis ibi mecum vivere possem magnitudinem naturae rerum contemplan et admirans, indeque

Adpersus volet in caupona vivere; nec qui
Frigus collegit, furnos et balnea laudat
Ut fortunatam plene praestantia vitam:

- 15 Nec si te validus iactaverit Auster in alto,
Idcirco navem trans Aegaeum mare vendas.
Incolumi Rhodos et Mytilene pulchra facit quod
Paenula solstitio, campestre nivalibus auris,
Per brumam Tiberis, Sextili mense caminus.
- 20 Dum licet ac vultum servat Fortuna benignum,
Romae laudetur Samos et Chios et Rhodos absens.
Tu, quamcunque deus tibi fortunaverit horam,
Grata sume manu neu dulcia differ in annum;
Ut quocunque loco fueris, vixisse libenter
- 25 Te dicas: nam si ratio et prudentia curas,
Non locus effusi late maris arbiter aufert,
Coelum, non animum mutant qui trans mare currunt.
Strenua nos exercet inertia; navibus atque
Quadrigis petimus bene vivere. Quod petis hic est.
- 30 Est Ulubris, animus si te non deficit aequus.

animum alens. — *incolumi*] integro homini, non animi quadam inconstantia vel aegritudine laboranti. — *paenula*] vestis gausapina vel scor-tea, quo per itinera ad arcendum frigus utebantur. Contrarium est *campestre*, linteum subligaculum, quo iuvenes corpora exercentes pudenda operiebant; cetera nudi.

V. 22. *Tu quamcunque*] Omissi sunt hi duo versus in antiquis codicibus; quod quomodo negligentia scribarum fieri potuerit h. l. manifestum est. Aberravit oculus a v. 22 ad v. 24, ut omissis duobus scriberet manus *Tu quocunque loco*, ut est in iisdem codicibus. — *grata manu*] cf. Epist. I, 4, 14. — *arbiter*] cf. Carm. I, 3, 15. — *Strenua inertia*] oxymoron, ut apud Senecam de brev. vit. 11. *desidiosa occupatio*, de tranquill. anim. 12 *inquieta inertia*. Nam homines qui semper magna moliantur perpetuoque labore agantur (*exerceantur*), nihil tamen quod vere bonum sit aut magnum efficiant, nihil denique differunt ab aliis qui nihil omnino minati sunt. — *Ulubris*] „Ulubrae locus in Italia, in quo nutritus est Caesar Augustus, propter quam causam ab Horatio nominatur, cum sit desertissimus vicus.“ *Perphyr*. Cum his coniunge Suetonium Octavian. 6. „Nutrimentorum eius ostenditur adhuc locus in avito suburbano iuxta *Velitras*.“ Quare reliquias Ulubrarum nunc sibi reperire visi sunt in parietinis inter *Velletri* (Velitrae) et *Mole di Taverna* ad viam Appiam.

Epistola XII.

- Fructibus Agrippae Siculis, quos colligis, Icci,
 Si recte frueris, non est ut copia maior
 Ab Iove donari possit tibi. Tolle querelas:
 Pauper enim non est, cui rerum suppetit usus.
 5 Si ventri bene, si lateri est pedibusque tuis, nil
 Divitiae poterunt regales addere maius.
 Si forte in medio positorum abstemius herbis
 Vivis et urtica, sic vives protinus, ut te
 Confestim liquidus fortunae rivus inauret,
 10 Vel quia naturam mutare pecunia nescit,
 Vel quia cuncta putas una virtute minora.
 Miramur, si Democriti pecus edit agellos

Epistola XII.

Iccius, de quo vide ad Carm. I, 29, sive vere cum Aelio Gallo infelicem illam in Arabiam expeditionem fecit sive mutato consilio Romae mansit, post a. 730 procurator praediorum Siculorum M. Agrippae factus Horatio amico olim litteris conquestus esse videtur de nimis negotiis, de ingrata rationum ac tabularum cura, deque inopia sua, qua alienis laboribus ut totum se dederet coactus nihil prope otii servaret ad colenda ea studia, quibus maxime delectaretur: feliciores esse qui suis bonis beati suam quoque voluntatem suaque consilia sequi possent. De his rebus amicum consolatur Horatius eique Pompeium Grosphum (Carm. II, 16), quem officiis sibi conciliare studeat commendat. Epistola scripta videtur a. 735.

V. 1. *fructibus*] Fruges proprie dicuntur frumentum et legumina; fructus totius generis est appellatio, inde reditus praediorum et possessionum significat. Liv. XLV, 40. XXI, 7. Cic. Fin. I, 4, 12: „Partus ancillae sitne in fructu habendus.“ Dicit igitur Horatius, ex fructibus Agrippae tantum etiam Iccio redundare fructum, quantum usus postulet; plura autem quam quae sint necessaria ne Iovem quidem hominibus dare posse, neque sapientis interesse utrum quae suppetant habeat ex suis bonis an ex alienis sumere possit. cf. Epist. II, 2, 160 sqq. — *est ut*] vide ad Carm. III, 1, 9. — *in medio positorum*] Sat I, 2, 108. In medio posita sunt omnia quae parata iacent ad usum. Quae cum h. l. contra herbas et urticam, vilia ciborum genera, collocentur, lantiores cibos significant, quibus Agrippae procuratori in magna rerum copia quotidie vesci licuit. Ad Iccium enim accommodata sententia est, etiamsi unum hunc non magis tangit quam mille alios. — *et urtica*] de part. et vide ad Carm. I, 3, 19. — *ut te*] etiamsi, licet te. — *naturam mutare*] cf. Epod. 4, 6. — *miramur*] In praecedentibus versibus nihil inest dissimulationis; vere potius landat Horatius amicum suum, quod inter contagia lucri incolumis manserit Democritumque ipsum philosophicarum rerum studio superaverit. Democritus autem „ut quam minime animus a cogitationibus abduceretur, patrimonium neglexit, agros deseruit incultos, quid quaerens aliud nisi beatam vitam?“ Cic. Fin.

- Cultaque, dum peregre est animus sine corpore velox;
 Cum tu inter scabiem tantam et contagia lucri
- 15 Nil parvum sapias et adhuc sublimia cures:
 Quae mare compescant causae, quid temperet annum,
 Stellae sponte sua iussaene vagentur et errent,
 Quid premat obscurum lunae, quid proferat orbem,
 Quid velit et possit rerum concordia discors,
- 20 Empedocles an Stertinium deliret acumen?
 Verum seu pisces seu porrum et caepe trucidas,
 Utere Pompeio Grospho et si quid petet, ultro
 Defer: nil Grosphus nisi verum orabit et aequum.
 Vilis amicorum est annona, bonis ubi quid deest.
- 25 Ne tamen ignores quo sit Romana loco res:
 Cantaber Agrippae, Claudii virtute Neronis

V, 29, 87. Democritus Abderites, Eleaticus philosophus. — *peregre est*] peregrinatur quasi animus a corpore segregatus totumque mundum pervolans ac perlustrans. cf. Carm. I, 28, 5 sq. — *scabiem*] coniunge cum *lucri*. Cic. de leg. I, 17, 47: „Voluptas malorum mater omnium, cuius blanditiis corrupti quae natura bona sunt, quia dulcedine hac et *scabie* carent, non cernimus satis.“ — *adhuc*] etiam nunc, cum tamdiu sis versatus inter lucrum et negotia.

V. 18. *obscurum*] *προληπτικῶς* positum: quid caligine premat lunam, ut quae modo clara fuerit et splendida, iam obscura sit. Noli intelligere defectum lunae — *concordia discors*] Oxymoron; nam mundi partes cum discordia distrahi videntur, summa tamen concordia continentur Ovid. Met. I, 433. — *Sertinium*] Sat. II, 3, 33. Hunc facete pro Stoicis posuit. *Sertinium* pro *Sertinianum* cf. Carm. IV, 12, 18. Empedocles Agrigentinus, Pythagorae discipulus, ex quattuor naturis divinis (elementis) omnia constare voluit, praeterea amicitia (*φιλία*) cuncta copulari et discordia (*ῥιξος*) dissolvi. De Zenone autem Stoicorum principe Cicero scribit de N D. I, 14, 36: Zeno naturalem legem divinam esse censet eamque vim obtinere, recta imperantem prohibentemque contraria; et ibid. §. 39: „Chrysippus ait vim divinam in ratione esse positam et universae naturae animo atque mente; ipsumque mundum deum dicit esse et eius animi fusionem universam; tum eius ipsius principatum qui in mente et ratione versetur, communemque rerum naturam universam atque omnia continentem; tum fatalem vim et necessitatem rerum futurarum.“ — *trucidas*] proprie de pecore. cf. Sall. Cat. 58, 21. Festive Iccium, hominem tenui victu contentum et lautiarum rerum abstemium describit ut Pythagorae et Empedoclis sectatorem, qui propter *μετεψύχων* quaecunque moventur et vivunt necari vetabant. Nam de parco Siculorum vivendi genere cum Niebuhr, immortalis viro, cogitare, quasi Siculi ut Graeci herbis et piscibus, Romani carnibus magis delectati sint, id quidem videntur vetare *Siculae dapes*. Carm. III, 1, 18. — *Cantaber*] vide ad Carm. II, 6; de Nerone vide ad Epist. I, 3. Phraates s. Arsaces XV eodem anno 734 signa Romanis olim erepta Augusto per Tiberium sponte sua remisit. — *ge-*

Armenius cecidit; ius imperiumque Phraates
 Caesaris accepit genibus minor; aurea fruges
 Italiae pleno defundit Copia cornu.

Epistola XIII.

Ut proficiscentem docui te saepe diuque,
 Augusto reddes signata volumina, Vinni,
 Si validus, si laetus erit, si denique poscet:
 Ne studio nostri pecces odiumque libellis
 5 Sedulus importes opera vehemente minister.
 Si te forte meae gravis uret sarcina chartae,

nibus minor] supplex, nam „Phraates cuncta venerantium officia ad Augustum verterat.“ Tacit. Ann. II, 1. — *Copia]* Carm. Saec. 60.

Epistola XIII.

Horatius quanquam ne libertatem suam minneret aut perderet, ad Augusti animum et favorem propius accedere ausus non erat, tamen Carminum tres libros (ea enim coniectura est veri simillima; quamquam in tali re quid potest certum inveniri?) simul editos, quibus etiam Augusti merita laus praedicaretur, imperatori mittere non potuit dubitare. Quod ut recte faceret in suoque de hac re pronuntiato olim consilio (Sat. II, 1, 18 sqq.) constantem sese praeberet, hanc addidit epistolam ad nuntium, per quem ex Sabino in urbem volumina missurus erat; quamquam ad eum hominem nunquam missa est epistola, sed Augusti gratia scripta „cui, inquit Iacobsius, poeta verecundiam suam vix poterat commendare urbanus. Paratam eadem habebat excusationem, si forte poemata sua Augusto ab amicis nimis officiosis male essent tradita aut minus apte commendata.“ Consilium quod sequitur poeta elucet ex vv. 4 5. 16. 17, tectum illud quidem et velatum innocentem et iocosum quodam ludibrio nominis quo usus erat pater eius hominis, quem cum libris ad Augustum mittebat. C. enim Vinnius Fronto patrem habuit cognomine Asinum; ipse non servus Horatii sed liber homo ex vicinitate Sabinae villae; hoc ad negotia facienda epistolae ferendas saepius ante iam usus erat Horatius. In illo autem ioco nihil inest protervi aut inhonesti, praesertim antiquis hominibus.

V. 1. *saepe diuque]* Si operae pretium est quaerere, quomodo poeta epistolam ad Vinnium iam profectum mittere potuerit, cogita sis Vinnium vespertino tempore volumina accepisse, dein domum ivisse dormitum, ut altero die mane Romam pergeret. Iam habes tempus quo haec scribere Horatius potuit. Sed praestat eiusmodi quaestiones non movere in poetis. — *sedulus]* ne nimia sedulitate et vehementia studii noceas, mihi carminibusque indignationem Augusti moveas. Coniunge *sedulus opera vehemente minister.* — *sarcina]* iam paratur de nomine Asinae iocus et ludus, qui diserte proponitur vv. 8. 9. Potest autem Vinnius duplici ratione peccare, et nimia sedulitate (Epist. II, 1, 260)

- Ablicto potius quam quo perferre iuberis
 Clitellas ferus impingas Asinaeque paternum
 Cognomen veritas in risum et fabula fias.
- 10 Viribus uteris per clivos, flumina, lamas;
 Victor propositi simul ac perveneris illuc,
 Sic positum servabis onus, ne forte sub ala
 Fasciculum portes librorum ut rusticus agnum,
 Ut vinosa glomus furtivae Pyrrhia lanae,
- 15 Ut cum pileolo soleas conviva tribulis;
 Ne vulgo narres, te sudavisse ferendo
 Carmina, quae possint oculos auresque morari
 Caesaris; oratus multa prece, nitere porro.
 Vade, vale, cave ne titubes mandataque frangas.

et importuno deponendi oneris studio. Vinnius enim ad sua negotia facienda Romam profectus tantum officii causa Horatii carmina secum portat. — *clitellas impingas*] ut iniquae mentis asellus, cum gravius dorso subiit onus (Sat. I, 9, 20). — *ablicto*] non in itinere, quasi poeta nullum scriptis suis pretium statuatur; sed iubet eum remittere onus, si in itinere molestum id sibi fore sentiat. — *sic ne*] A. P. 152. Decore dextera libellos tenendos esse praecipit. — *Pyrrhia*] „Nomen est ancillae in quadam fabula Titinii, quae furata lanae glomos ita gestavit ut deprehensa sit.“ *Comm. Cruq.* — *glomus*] Alii ex bonis codd. *glomos*, quae tamen forma auctoritate destituitur satis firma. Praeterea Bentleius: „satis profecto, inquit, erit Pyrrhia, si *unum* furtivae lanae glomus sub ala recondat.“ — *tribulis*] infimae sortis homo. cf. Mart. IX, 58, 8: „Nil est tritius Hedyli lacernis, Non ansae veterum Corinthiorum, . . . Non pallens toga mortui *tribulis*.“ Is igitur a locuplete homine ad coenam vocatus calceis vel peronibus indutus venit et, cum servum non habeat, soleas quibus triclinium intrare debet, et pileum quo noctu revertens a tempestate et frigore defendatur ipse sub ala portat. cf. Sat. II, 8, 77. — *ne narres*] Recte per asyndeton; alii vel *nec* vel *neu*. Sic per totam epistolam singula praecepta separantur — *sudavisse ferendo*] i. e. afferre. Nihil in hoc loco inest ingratae rusticitatis. — *oratus*] ab hominibus obviam venientibus et quid afferas, quod tendas rogantibus. — *titubes*] Extrema et generalis admonitio, ne quid in commissa re delinquat. Plaut. Mil. III, 3, 70: „Accurate et commode hoc quod agendum est exsequamur, Ne quid, ubi miles venerit, titubetur.“ — *frangas*] male exsequaris; ut dicimus *fidem*, *leges*, *foedus frangere*. Nulla in hoc loco inesse videtur descriptio asini titubantis, procumbentis resque impositas frangentis.

Epistola XIV.

- Vilice silvarum et mihi me reddentis agelli,
 Quem tu fastidis habitatum quinque focis et
 Quinque bonos solitum Variam dimittere patres,
 Certemus, spinas animone ego fortius au tu
 6 Evellas agro et melior sit Horatius an res.
 Me quamvis Lamiae pietas et cura moratur,
 Fratrem moerentis, rapto de fratre dolentis
 Insolabiliter, tamen istuc mens animusque
 Fert et amat spatiis obstantia rumpere claustra.
 10 Rure ego viventem, tu dicis in urbe beatum:
 Cui placet alterius, sua nimirum est odio sors.
 Stultus uterque locum immeritum causatur inique:
 In culpa est animus, qui se non effugit unquam.
 Tu mediastinus tacita prece rura petebas,
 15 Nunc urbem et ludos et balnea vilicus optas;

Epistola XIV.

Haec epistola vilici nomine simulato amicorum causa ab Horatio scripta est. Is enim cum ad consolandum L. Aelium Lamiam (Carm. I, 26. III, 17) de morte Quinti fratris diutius iam in urbe esset commoratus, magno tranquillitatis desiderio in villam suam tractus ab amicis tamen videtur esse retentus, nescientibus neque intelligentibus quid poetam tam vehementer ex urbe in rusticam solitudinem vocaret. Quos ut de animi sui condicione doceret hanc ad vilicum urbis desiderio agitatam epistolam finxit. Romae autem scriptam eam esse docent vv. 8. 22. 37; quo anno, nos latet.

V. 2. *habitatum*] Recte iam scholiastae: „quem quinque aliquando possederunt senatores.“ Nam fuit praedium Horatianum compositum ex agris, qui, ante quam perpetuis bellis civilibus frequentibusque agrorum distributionibus agri prope omnes dominos suos amiserunt, quinque Sabinis agricolis fuerant iisque non civibus solum Varianis sed decurionibus. Hos enim Horatius *patres* appellare videtur, non patres familias; qui praedii magnitudinem non satis illustrarent. Horatio in villa erant octo servi (Sat. II, 7, 118), praeterea procaces vernae (Sat. II, 6, 66); vilico cura habenda est silvarum, agrorum, hortorum: ipse igitur Horatius agrum coluit, neque pro certa mercede colonis partiariis colendum tradiderat. Et satis amplum fuit praedium; nam octo servi (cum quattuor bovis) ducentorum iugerum agro subigendo sufficiebant teste Columella II, 13. — *spinas animone*] curas ac perturbationes, quas rusticando ex animo sese pellere ait Horatius. Epist. II, 2, 212. — *Lamiae pietas*] in fratrem mortuum. — *moerentis*] Cic. ad Att. XII, 28: „Moerorem minui, dolorem non potui nec si possem vellem.“ — *spatiis*] Sumpta est metaphora ex ludis Circensibus; nam *spatia* saepe locum significant ad currendum vel deambulandum patentem — *mediastinus*] servus infini ordinis, ad omnia negotia paratus, etiam viliora. Qui

- Me constare mihi scis et discedere tristem,
 Quandocunque trahunt invisa negotia Romam.
 Non eadem miramur; eo disconvenit inter
 Meque et te: nam quae deserta et inhospita tesqua
 20 Credis, amoena vocat mecum qui sentit, et odit
 Quae tu pulchra putas. Fornix tibi et uncta popina
 Incutiunt urbis desiderium, video, et quod
 Angulus iste feret piper et thus ocus uva,
 Nec vicina subest vinum praebere taberna
 25 Quae possit tibi, nec meretrix tibicina, cuius
 Ad strepitum salias terrae gravis: et tamen urges.
 Iampridem non tacta ligonibus arva bovemque
 Disiunctum curas et strictis frondibus explēs;
 Addit opus pigro rivus, si decidit imber,
 30 Multa mole docendus aprico parcere prato.†
 Nunc age quid nostrum concentum dividat audi.
 Quem tennes decuere togae nitidique capilli,
 Quem scis immunem Cinarae placuisse rapaci,
 Quem bibulum liquidi media de luce Falerni,
 35 Coena brevis iuvat et prope rivum somnus in herba;
 Nec lusisse pudet, sed non incidere ludum.
 Non istic obliquo oculo mea commoda quisquam
 Limat; non odio obscuro morsuque venenat;
 Rident vicini glebas et saxa moventem.
 40 Cum servis urbana diaria rodere mavis,

tunc vilicus praeerat rusticae familiae, is olim, etiam cum Horatius iuvenis esset (vv. 32–34), magnam suam fidem probaverat in eiusque rei gratiam eo munere auctus erat. — *tesqua*] „loca aditu difficilia et inculta lingua Sabinorum sic nominantur.“ *Comm. Cruq.* — *uva*] Ex h. l. non licet concludere, in Sabino Horatii vites et vinum omnino non fuisse, id quod Carm. I, 20 aperte refutatur, sed tam vile fuit quod ibi nascebatur vinum, ut vilicus id eo nomine indignum haberet.

V. 26. *et tamen*] Ponere solebat vilicus incommoda sua et magnos labores, quibus opprimeretur in villa, contra illas delicias quibus olim in urbe fructus esset, nunc carere deberet. — *pigro*] cum nihil est quod praeterea agere debeat, ita ut per solitos labores quieti sese possit dare — *rivus*] vide supra p. 10. — *Cinarae*] vide ad Carm. IV, 13, 21. Cinara Horatium vere amavit, non ut antea alios munerum gratia; poeta igitur *immunis* placuit mulieri in alios rapaci. — *media de luce*] Sat. II, 8, 3. — *morsuque*] cf. Carm. IV, 3, 16. *De obliquo oculo* Virg. Aen. XI, 337. — *rident*] non ob imperitiam poetae, sed quod elegantiorē hominem his laboribus exerceri vident et mirantur.

Horum tu in numerum voto ruis; invidet usum
 Lignorum et pecoris tibi calo argutus et horti.
 Optat ephippia bos piger optat arare caballus;
 Quam scit uterque libens censebo exerceat artem.

Epistola XV.

Quae sit hiems Veliae, quod coelum, Vala, Salerni,
 Quorum hominum regio et qualis via, — nam mihi Baias
 Musa supervacuas Antonius, et tamen illis
 Me facit invisum, gelida cum perluor unda
 5 Per medium frigus. Sane murteta relinqui
 Dictaque cessantem nervis elidere morbum

— *calo*] universe significat vilem servum ex familia urbana, qui cum bene perspiciat, quanto melius sit vilico ruri viventi (*argutus*), huic multa commoda invidet, largum usum lignorum, pecoris, olerum (*horti*); nam vilioribus servis in urbe diaria parca saepe manu dabantur; inde v. 40 *rodere*. — *bos piger*] uterque piger est, et bos et equus, laudatque alterius sortem, cum incommoda eius non sentiat. — *censebo exerceat*] cf. Cic. Lael. 5, 17. Catil IV, 6, 13.

Epistola XV.

Anno 731 Antonius Musa medicus Augustum vehementi arthritico dolore frigida aqua, quam ei ad bibendum et ad lavandum praescripserat, summo populi gaudio liberaverat suaque arte, ut videtur, alias sanandorum morborum rationes obscuraverat. Iam Horatius quoque, qui hac aetate infirma saepe valetudine laboraret in Baianaque balnea ire soleret, Musam consuluit acceperatque praeceptum, ut calidis balneis Baianis relictis frigida peteret. Cui ut obsequeretur Veliam vel Salernum ire constituit. Quare scripsit ad amicum quendam Numonium Valam, qui ibi fundos habuisse videtur, de coelo eius regionis, de annonae et aqua, de universa vivendi ratione, ut ipse qui aliquamdiu corpori consulere velit et cutem curare, alterutram sibi aptiorem possit eligere. Insignis haec epistola est grata in coniungendis sententiis negligentia ac lepida rerum suarum ac voluntatum descriptione. Quo anno sit scripta nos latet; neque magis certum est Valam eundem fuisse, quem Velleius Patere. II, 119 legatum Quintilii Vari et suarum copiarum desertorem describit.

V. 2. *qualis via*] Omnia coniungantur oportet cum v. 25, exceptis illis quasi deviiis partibus epistolae, quas inter mediani orationem intermiscere placuit vv. 3–13, 16 (*nam vina*) - 21. — *supervacuas*] sc. facit, i. e. nihil eas mihi profuturas dicit. — *murteta*] Celsus III, 21, 35: „Maxime utiles naturales et siccae sudationes sunt, quales super Baias in myrtetis habemus.“ Plin. H. N. XXXI, 2: „Nusquam tamen largius quam in Baiano sinu (emicant aquae) nec pluribus auxiliandi generibus, aliae sulphuris, aliae aluminis, aliae salis, aliae nitri, aliae bituminis, nonnullae etiam acida salsae mixtura.“ — *morbum*] maxime

- Sulfura contemni vicus gemit, invidus aegris,
 Qui caput et stomachum supponere fontibus audent
 Clusinis Gabiosque petunt et frigida rura.
- 10 Mutandus locus est et diversoria nota,
 Praeteragendus equus. Quo tendis? Non mihi Cumas
 Est iter aut Baias: laeva stomachosus habena
 Dicet eques; sed equi frenato est auris in ore; —
 Maior utrum populum frumenti copia pascat,
- 15 Collectosne bibant imbres puteosne perennes
 Iugis aquae, — nam vina nihil moror illius orae.
 Rure meo possum quidvis perferre patique;
 Ad mare cum veni, generosum et lene requiro,
 Quod curas abigat, quod cum spe divite manet
- 20 In venas animumque meum, quod verba ministret,
 Quod me Lucanae iuvenem commendet amicae; —
 Tractus uter plures lepores, uter educet apros,
 Utra magis pisces et echinos aequora celent,
 Pinguis ut inde domum possim Phaeaxque reverti,
- 25 Scribere te nobis, tibi nos accredere par est.
 Maenius ut rebus maternis atque paternis
 Fortiter absumptis urbanus coepit haberi,
 Scurra vagus, non qui certum praesepe teneret,
 Impransus non qui civem dignosceret hoste,

arthrididem. — *Gabiosque*] Strab. V, 3: „Ἐν δὲ τῷ πεδίῳ τοῦτοφ ὁ Ἀνίων διεξίσι καὶ τὰ Ἀλβουλα καλούμενα θεῖ ὕδατα ψυχρὰ ἐκ πολλῶν πηγῶν, πρὸς ποικίλους νόσους καὶ πίνουσι καὶ ἐγκαθημένους ἐγγεινὰ.“ — *laeva habena*] Finge tibi Horatium Roma venientem et viam magnam meridiem versus sequentem: iam cum Capuam pervenit, equus solitam viam dextrorsum ad Baias vel Cumas secuturus est: quod ne faciat increpandus est (*quo tendis?*) et laeva habena regendus, ut rectam viam in inferiorem Italiam sequatur. — *sed equi*] Adduntur haec ad excusandam elocutionem *habena dicere*: scilicet equis cum auris sit in frenato ore, imperandum non est voce sed habena. Verum generalis sententia non est, quare noli ex codd. scribere *equis*. — *iugis aquae*] Sat. II, 6, 2. — *vina*] non valde generosa; quare aliis usus est Horatius.

V. 24. *Phaeaxque*] Epist. I, 2, 28. — *Maenius*] Sat. I, 1, 101, 3, 21. Se quoque dicit lautam ac delicatam vitam amare, quasi alterum esse Maenium, qui parvis esset contentus cum res deficerent, contra cum multa haberet, multa etiam ventri daret. cf. v. 42 sqq. — *urbanus*] scurra, dicax. vide ad Epist. I, 9, 11. — *hoste*] Cicero de off. I, 12: „Hostis apud maiores nostros is dicebatur, quem nunc peregrinum dicimus. Quamquam id nomen durius iam effecit vetustas; a peregrino

- 30 Quaelibet in quemvis opprobria fingere saevus,
 Pernicies et tempestas barathrumque macelli,
 Quidquid quaesierat ventri donabat avaro.
 Hic ubi nequitiae fautoribus et timidis nil
 Aut paulum abstulerat, patinas coenabat omasi
 35 Vilis et agninae, tribus ursis quod satis esset;
 Scilicet ut ventres lamna candente nepotum
 Diceret urendos corrector Bestius. Idem
 Quidquid erat nactus praedae maioris, ubi omne
 Verterat in fumum et cinerem, Non hercule miror,
 40 Aiebat, si qui comedunt bona, cum sit obeso
 Nil melius turdo, nil vulva pulchrius ampla.
 Nimirum hic ego sum: nam tuta et parvula laudo,
 Cum res deficiunt, satis inter vilia fortis;
 Verum ubi quid melius contingit et unctius, idem
 45 Vos sapere et solos aio bene vivere, quorum
 Conspectitur nitidis fundata pecunia villis.

Epistola XVI.

Ne perconteris, fundus meus, optime Quinti,
 Arvo pascat herum an baxis opulentet olivae,

enim recessit et proprie in eo qui arma contra ferret remansit.“ Et cf. Plaut. Trin. I, 2, 65: „Te dicunt Hostisne an civis comedis parvi pendere.“ — *macelli*] Sat. II, 3, 229. — *omasi*] Sat. II, 5, 40. Vilissimo cibo contentus erat, cum nihil aut paulum abstulisset ab iis quibus nequitia placeret aut ab iis qui eam timerent. Nam genitivum *nequitiae* coniunge etiam cum *timidis*, ut A. P. 28. Ovid. Met. V, 100. — *lamna*] Cic. Verr. V, 63: „Igne candentesque laminae ceterique cruciatus.“ — *corrector Bestius*] In codd inest *correctus*; quod cum ferendam sententiam non daret, a Lambino mutatum est in *corrector*; quae coniectura postea comprobata est antiquissimo codice. *Bestius* fuisse dicitur parcissimus homo. De correctore cf. Cic. Phil. II, 17: „Iam enim, quoniam criminibus eius satis respondi, de ipso emendatore ac correctore nostro quaedam dicenda sunt.“ — *turdo*] cf. Sat. II, 5, 10. — *vulva*] suilla. — *unctius*] cf. Epist. I, 14, 21. I, 17, 12. — *fundata*] Cic. pro C. Rab. Post. 1: „fortunas fundatas atque optime constitutas.“ Idem quod alias est *collocare*, ut Cic. pro leg. Man. 7, 18.

Epistola XVI.

Quintius, sive fuit Hirpinus ille ad quem est Carm. II, 11, sive T. Quintius Crispinus, consul a. u. c. 745, amicus fuit Horatii natu minor,

Pomisne an pratis an amicta vitibus ulmo:

Scribetur tibi forma loquaciter et situs agri.

5 Continui montes, ni dissocientur opaca

Valle, sed ut veniens dextrum latus adspiciat Sol,

Laevum discedens curru fugiente vaporet.

Temperiem laudes. Quid, si rubicunda benigni

Corna vepres et pruna ferant? si quercus et-ilex

10 Multa fruge pecus, multa dominum iuvet umbra?

Dicas adductum propius frondere Tarentum.

Fons etiam rivo dare nomen idoneus, ut nec

Frigidior Thracam nec purior ambiat Hebrus,

Infirmo capiti fluit utilis, utilis alvo.

15 Hae latebrae dulces, etiam si credis amoenae,

Incolumem tibi me praestant Septembribus horis.

Tu recte vivis, si curas esse quod audis.

qui favore populi, quem recta opinor ratione sibi paraverat et honoribus sibi mandatis fortasse expertus erat, non iniuria laetabatur omnibusque Romae beatus videbatur. Hunc igitur Horatius opposita sua conditione parvae felicitate admonet, ne aliorum aestimationibus de se suisque rebus maiorem fidem habeat quam suo ipsius recto iudicio; nam vitae honestatem non cerni in externis rebus sed in amore virtutis, in iustitia, in continentia animi. Incipit poeta ab aliqua Sabini sui descriptione, quam tamen ita comparatam esse vides, ut non tam multiplex ex agris, hortis, pratis, vineis redditus praedicetur quam salubritas et solitudo locorum; quibus rebus et corpori et animo optime consulatur. Ceterum egregie Orellius: „Vix satis nostris hominibus hoc inculcari potest, Horatium admodum sibi placuisse in facete imitandis Stoicorum παραδέξοις et tota docendi ratione, perquam feliciter devitatis solitis επιδειξέων illarum vitiis, id est, exaggerationibus et genere dicendi modo nimis aspero et spinoso modo vitam umbraticam ac scholas nimis redolente.“ — Temporis vestigia non reperiuntur; nisi quod Augusti nomen v. 29 post annum 727 scriptam epistolam ostendit.

V. 2. *opulentet*] rarissimum vocabulum, quod primum apud Horatium reperitur. — *opaca valle*] cf. Carm. I, 17, 17. — *vaporet*] tepefaciat. Lucretius II, 148 sqq.: „At vapor is, quem sol mittit, lumenque serenum Non per inane meat vacuum; quo tardius ire Cogitur, aërias quod sic diverberat undas: Nec singillatim corpuscula quaeque vaporis, Sed complexa meant inter se cunque globata.“ Colum. II, 15, 6: „Glebae solibus aestivis vaporatae.“ — *benigni*] Sic bene antiqui codices, alii male *benigne*. Ovid. Am. I, 10, 56: „Praebeat Alcinoi poma benignus ager.“ — *corna et pruna*] Kornellen und Schlehén: quae tamen non praedicantur faceta quadam ratione ut egregii fructus, sed ad describendam regionis amoenitatem. Ceterum vide supra p. 9 sq.; et de fonte ad Carm. III, 13. Iam largam aquarum copiam habet fons, ut ipse unus rivum efficiat ex suo nomine nominatum; saepe plures conveniunt fontes unumque efficiunt rivum — *Septembribus*] Sat. II, 6, 19. — *esse quod audis*] Cic. de off. II, 12. — *sapiente*] Ex natura ablativi

- lactamus iam pridem omnis te Roma beatum ;
 Sed vereor ne cui de te plus quam tibi credas,
 20 Neve putes alium sapiente bonoque beatum,
 Neu si te populus sanum recteque valentem
 Dictitet, occultam febrim sub tempus edendi
 Dissimules, donec manibus tremor incidat unctis.
 Stultorum incurata pudor malus ulcera celat.
 25 Si quis bella tibi terra pugnata marique
 Dicat et his verbis vacuas permulceat aures :
 Tene magis salvum populus velit, an populum tu,
 Servet in ambiguo qui consulit et tibi et Urbi
 Iuppiter ; Augusti laudes agnoscere possis :
 30 Cum pateris sapiens emendatusque vocari,
 Respondesne tuo, dic sodes, nomine ? Nempe
 Vir bonus et prudens dici delector ego ac tu.
 Qui dedit hoc hodie, cras si volet auferet ; ut si
 Detulerit fasces indigno, detrahet idem :
 35 Pone, meum est, inquit. Pono tristisque recedo.
 Idem si clamet furem, neget esse pudicum,
 Contendat laqueo collum pressisse paternum ;
 Mordear opprobriis falsis mutemque colores ?
 Falsus honor iuvat et mendax infamia terret
 40 Quem nisi mendosum et medicandum ? Vir bonus est quis ?

Latini eodem iure, quamquam raro, *alius* similia cum illo casu coniunxerunt quo Graeci ἀλλος cum genitivo. cf. Epist. II, 1, 240. Sat. II, 3, 208. Brut apud Ciceronem Fam. XI, 2 : „Nec quidquam aliud libertate communi quaesisse.“ — *recteque valentem*] vide ad Epist. I, 7, 3. — *unctis*] Ovid. A. A. III, 755 : „Carpe cibos digitis ; est quidam gestus edendi : Ora nec immunda tota perunge manu.“ — *stultorum*] Stulti sunt qui falso pudore moti ulcera celare malunt quam sanare. Deinde additur argumentatio a minori ad maius. — *bella tibi*] h. e. a te ; cave tamen colligas ex hoc loco, Quintium magnas res terra marique splendide gessisse. — *Tene magis*] „Hi versus sunt Varii in Panegyrico Augusti.“ Acro. — *respondesne*] gratias acturus. — *Nempe vir bonus*] „Scio equidem bene omnes homines bonos et probos videri velle ; sed cautio adhibenda est maxima, ne cum laudem a populo libenter accipiamus, postea ab eodem acceptam cogamur relinquere. Recte cogitat is qui vulgi iudicia spernit et bona et mala, nam *falsus honor iuvat* cet.“ Versus 39 generalem sententiam habet superiora exempla excipientem et comprehendentem. — *mutemque colores*] ut pallor rubori et rubori pallor succedat.

V. 40. *medicandum*] Plurima ut videtur antiquorum codicum pars hanc lectionem tutatur, alii *mendacem* ex corruptione ortum praebent.

- Qui consulta patrum, qui leges iuraque servat,
 Quo multae magnaeque secantur iudice lites,
 Quo res sponsore et quo causae teste tenentur.
 Sed videt hunc omnis domus et vicinia tota
- 45 Introrsum turpem, speciosum pelle decora.
 Nec furtum feci nec fugi, si mihi dicat
 Servus, Habes pretium, loris non ureris, aio.
 Non hominem occidi. Non pasces in cruce corvos.
 Sum bonus et frugi. Renuit negitatque Sabellus:
- 50 Cautus enim metuit foveam lupo accipiterque
 Suspectos laqueos et opertum miluus hamum.
 Oderunt peccare boni virtutis amore;
 Tu nihil admittes in te formidine poenae:
 Sit spes fallendi, miscebis sacra profanis;
- 55 Nam de mille fabae modiis cum surripis unum,
 Damnum est, non facinus, mihi pacto lenius isto.
 Vir bonus, omne forum quem spectat et omne tribunal,
 Quandocunque deos vel porco vel bove placat,
 Iane pater, clare, clare cum dixit, Apollo;
- 60 Labra movet metuens audiri: Pulchra Laverna,
 Da mihi fallere, da iusto sanctoque videri,
 Noctem peccatis et fraudibus obice nubem.
 Qui melior servo, qui liberior sit avarus,
 In trivijs fixum cum se demittit ob assem,
- 65 Non video: nam qui cupiet, metuet quoque; porro

Medicandus opponitur homini sano ac prudenti, i. e. sapienti; nam *medicus* insanus est, sanandus ille quidem sapientiae praeceptis — *vir bonus est quis?*] sc. ex iudicio vulgi. — *introrsum turpem*] Sat. II, 1, 65. — *ureris*] Epod. 4, 3. — *Sabellus*] Sic se appellat Horatius propter Sabinam villam, in qua tunc ipsum diutius commorari solebat. Sabelli autem duriores erant et simpliciores. vide ad Carm. III, 6, 38. — *cautus*] qui animo turpes sunt, specie honesti, ii cauti abstinere a mala re timore poenae; qui vere boni sunt, abstinere a turpitudine virtutis amore ducti. — *tu nihil*] unus ex iis qui turpes sunt, boni videntur. — *sacra profanis*] cf. A. P. 397. Carm. III, 3, 51 sq. — *non facinus*] Nam omnia peccata sunt aequalia. Quam Stoicorum doctrinam cum deridet Sat. I, 3, 96 sqq., non tam veritatem eius spectavit quam severum in hominum rebus fatisque usum. Siquidem verum est, non magis parvo spatio egredi licere honestatis fines quam magno, tamen eadem poena non sunt coercendi omnes qui sunt egressi — *Iane pater*] Sat. II, 6, 20 — *Laverna*] „Laverna in via Salaria lucum habet; est autem dea furum, et simulacrum eius fures colunt et qui consilia sua volunt tacita: nam preces eius cum silentio exercentur.“ *Comm. Cruq.* — *assem*] Pers. V,

- Qui metuens vivet, liber mihi non erit unquam.
 Perdidit arma, locum virtutis deseruit qui
 Semper in augenda festinat et obruitur re.
 Vendere cum possis captivum, occidere noli;
 70 Serviet utiliter: sine pascat durus aretque,
 Naviget ac mediis hiemet mercator in undis;
 Annonae prosit, portet frumenta penusque.
 Vir bonus et sapiens audebit dicere: Pentheu,
 Rector Thebarum, quid me perferre patique
 75 Indignum coges? Adimam bona. Nempe pecus, rem,
 Lectos, argentum? Tollas licet. In manicis et
 Compedibus saevo te sub custode tenebo.
 Ipse deus, simulatque volam, me solvet. Opinor,
 Hoc sentit: Moriar; mors ultima linea rerum est.

Epistola XVII.

Quamvis, Scaeva, satis per te tibi consulis et scis
 Quo tandem pacto deceat maioribus uti;

111: „Inque luto fixum possis transcendere nummum.“ — *captivum*] Is qui arma perdidit, locum virtutis deseruit, inermis capitur ab cupiditatibus; iam comparat poeta cum misera captivorum condicione avarorum hominum non meliorem servitutem; contra quam deinde hominis vere sapientis ac boni nullis limitibus tinctam libertatem clarissimis luminibus illustrat. — *Pentheu*] Imitatur Euripidis locum ex Bacch. 492 sqq.; ubi Bacchus sub sacerdotis figura latens Pentheo regi diros cruciatus et vincula minanti respondet: *Αἴσι μ' ὁ δαίμων αὐτὸς ἔταν ἔγωγ θάλω.* — *lectos*] pro omni suppellectili. Epist. I, 1, 91. — *me solvet*] Stoicorum praeceptum est. Seneca de provid. 6, 5: „Contemnite mortem quae vos aut finit aut transfert. Ante omnia cavi ne quis vos teneret invitos: patet exitus. Si pugnare non vultis, licet fugere.“ — *linea*] Imago sumpta a circo, ubi alba erat linea ad metam.

Epistola XVII.

Scaevam, iuniorem (cf. v. 16) amicum, docet Horatius qua possit ratione favorem sibi magnorum virorum conciliare, ita tamen ut et suam sibi conservet dignitatem libertatemque et illustrium hominum benevolentia eo quo velit perveniat. Is enim qui favore potentium virorum honeste ac digne comparato vitam sibi reddidit gratam et honoribus auctam, tantum abest ut vituperandus sit, ut longe videatur praefereendus importunae inertiae ac stultae superbiae alterius, qui cum maioribus recte uti nesciat omnino non uti malit. — Latet nos et quis Scaeva fuerit et quo anno scripta sit epistola. Nonnulli suspicati sunt fuisse

- Disce docendus adhuc quae censeat amicus, ut si
 Caecus iter monstrare velit; tamen adspice, si quid
 5 Et nos quod cures proprium fecisse loquamur.
 Si te grata quies et primam somnus in horam
 Deflectat, si te pulvis strepitusque rotarum,
 Si laedit caupona, Ferentinum ire iubebo:
 Nam neque divitibus contingunt gaudia solis,
 10 Nec vixit male qui natus moriensque fefellit.
 Si prodesse tuis pauloque benignius ipsum
 Te tractare voles, accedes siccus ad unctum.
 Si pranderet olus patienter, regibus uti
 Nollet Aristippus. Si sciret regibus uti,
 15 Fastidiret olus qui me notat. Utrius horum
 Verba probes et facta doce, vel iunior audi
 Cur sit Aristippi potior sententia. Namque
 Mordacem Cynicum sic eludebat, ut aiunt:
 Scurror ego ipse mihi, populo tu: rectius hoc et
 20 Splendidius multo est. Equus ut me portet, alat rex,
 Officium facio; tu poscis vilia rerum,
 Dante minor, quamvis fers te nullius egentem.
 Omnis Aristippum decuit color et status et res,

filium aliquem Cassii Scaevae, centurionis Caesariani (Caes. B. C. III, 53); sed quo iure? —

V. 1. *quamvis*] vide ad Carm. I, 28, 13. — *caecus*] cui cavendum est ne nimis credas, cum ipse facillime possit errare. — *fecisse*] ἀγορίστως. — *si te grata*] „Si quietam vitam quaeris, si negotia fastidia tibi imponunt et tibi uni vivere vis, aliorum ope facile poteris carere, sed confer te in solitudinem parvi oppidi, ubi ignoto et securo ad mortem latere tibi licebit. Verum si negotia quaeris, ut rem tibi pares, ut tibi tuisque prosis; si laetam vitam praefers, agendum potentium hominum amicitiam quaere.“ — *primam horam*] vide ad Sat. I, 5, 23. — *Ferentinum*] Hernicorum municipium viae Lavicanae ad XLVIII lapidem. — *fefellit*] vide ad Carm. III, 16, 32. — *benignius*] Haec festive a coena sumpta sunt, ut Sat. II, 2, 85; inde etiam *siccus ad unctum*. cf. Epist. I, 15, 44. — *si pranderet*] Diog. Laert. II, 68: „Παρίοντα ποτὲ Ἀριστιππον λάχανα πλύνων Διογένης ἔσκαψε καὶ ψήσιν. Ἐὶ ταῦτα ξυσθεὶς προσφέρεσθαι, οὐκ ἂν τυράννων αὐλάς; ἐθεράπευες. Ὁ δὲ, καὶ σὺ, εἴτεν, εἴτερ ἥδεις ἀνθρώποις ὁμιλεῖν, οὐκ ἂν λάχανα ἐπλυ- νες.“ Ceterum prandendi generale apud Horatium verbum non significat levem aut vilem cibum, prandio quam coenae aptiorem. vide ad Sat. II, 3, 245. — *notat*] censoribus proprium verbum. — *scurror*] „si scurram me clamas, esto: ego mihi scurra sum, tu populo.“ — *equus portet*] Ex proverbio Graeco: „Ἴππος με φέρει, βασιλεὺς με τρέφει.“

V. 23. *color*] cf. Sat. II, 1, 60. — *patientia*] καρτερία, τλήμοσύνη.

- Tentantem maiora fere praesentibus aequum;
 25 Contra, quem duplici panno patientia velat,
 Mirabor, vitae via si conversa decebit.
 Alter purpureum non exspectabit amictum;
 Quidlibet indutus celeberrima per loca vadet,
 Personamque feret non inconcinuus utramque;
 30 Alter Mileti textam cane peius et angui
 Vitabit chlamydem, morietur frigore, si non
 Rettuleris pannum: refer et sine vivat ineptus.
 Res gerere et captos ostendere civibus hostes
 Attingit solium Iovis et coelestia tentat;
 35 Principibus placuisse viris non ultima laus est.
 Non cuivis homini contingit adire Corinthum.
 Sedit qui timuit, ne non succederet: esto.
 Quid? qui pervenit fecitne viriliter? Atqui
 Hic est aut nusquam quod quaerimus. Hic onus horret,
 40 Ut parvis animis et parvo corpore maius;
 Hic subit et perfert. Aut virtus nomen inane est,
 Aut decus et pretium recte petit experiens vir.
 Coram rege suo de paupertate tacentes
 Plus poscente ferent: distat, sumasne pudenter
 45 An rapias. Atqui rerum caput hoc erat, hic fons.

Cic. de Or. III, 17: „Ab Antisthene, qui *patientiam* et *duritiam* in Socratico sermone maxime adamarat, Cynici.“ Cynici autem non tunica et pallio utebantur, sed una abolla ex vili panno confecta et tam ampla, ut dupliciter totum corpus amicaret; inde dicti sunt *ἀχιτῶνες* et *διπλοστῆματοι*. — *alter*] Aristippus, de quo Diog. Laert. II, 66: „*Ἀπὸ ποτε Σιράτωνα, οἱ δὲ Πλάτωνα, πρὸς αὐτὸν εἰλεῖν. Σοὶ μόνῳ δέδοται καὶ χλαμύδα φορεῖν καὶ ῥάκος.*“ — *Mileti*] Purpurae Milesiae propter egregiam lanam pretiosissimae erant. Virg. Georg. III, 306. — *Refer*] „Aiunt Aristippum invitato Diogene ad balneas dedisse operam, ut omnes prius egrederentur, ipsum Diogenis pallium induisse eique reliquisse purpureum; quod Diogenes induere cum nollet, suum repetiit. Tunc Aristippus increpuit Cynicum famae servientem, qui algere mallet quam conspici in veste purpurea.“ *Comm Cruq.* — *adire Corinthum*] Graecum proverbium: *Ὅδ' παντὸς ἀνδρὸς εἰς Κόρινθον ἔσθ' ὁ πλοῦς*. Non cuique contigit summa quaeque attingere, sed enitendum est, audendum est, viriliter agendum est, nam in hoc ipso videndum illud est quod quaerimus — *virtus nomen*] cf. Epist. I, 6, 31. — *Coram rege suo*] Addit Horatius facetam descriptionem stultae rationis, qua plurimi eorum qui favorem magnorum hominum sibi iam compararunt, ipso favore male utuntur ac dum nimia quaerunt omnia perdunt. — *caput hoc erat*] Cic. de Or. I, 10: „Philosophorum greges iam ab illo

- Indotata mihi soror est, paupercola mater,
 Et fundus nec vendibilis nec pascere firmus,
 Qui dicit, clamat: Victum date. Succinit alter:
 Et mihi dividuo findetur munere quadra.
- 50 Sed tacitus pasci si posset corvus, haberet
 Plus dapis et rixae multo minus invidiaeque.
 Brundisium comes aut Surrentum ductus amoenum,
 Qui queritur salebras et acerbum frigus et imbres,
 Aut cistam effractam et subducta viatica plorat,
- 55 Nota refert meretricis acumina, saepe catellam
 Saepe periscelidem raptam sibi flentis, uti mox
 Nulla fides damnis verisque doloribus adsit.
 Nec semel irrisus triviis attollere curat
 Fractio crure planum, licet illi plurima manet
- 60 Lacrima, per sanctum iuratus dicat Osirim:
 Credite, non ludo; crudeles, tollite claudum.
 Quare peregrinum, vicinia rauca reclamat.

fonte et capite Socrate.^a Sic intellige locum: „Noli impudenter rem tibi a patrono rapere, sed sume quae offeruntur verecunde et modeste; nam hoc agitur solum, ut accipias quae velis.“ — *quadra*] Martial. III, 77, 3: „Nec te liba iuvant nec sectae quadra placentae“ ibid. XII, 32, 18: „Nec quadra deerat casei Tolosatis.“ — *corvus*] „Corvus repertam praedam clamore et frequenti crocitate aliis avibus prodit“ *Comm. Cruq.* — *salebras*] itineris asperitatem. — *catellam*] Liv. XXXIX, 31: „Praetor suos equites catellis ac fibulis donavit.“ Est catenula, non a *v. catulus*. — *verisque*] De adiectivo etiam damna ornante vide ad Carm. I, 2, 1. — *planum*] *πλάγρον* (Gaukler), circulatorem, qui artibus suis popellum delectare studeret. Ille ingenti saltu facto crus fregisse se simulabat; sed cum quis misericordia motus eum vellet sublevare, subito ille exsiliabat in exercendisque artibus pergebat. Sic risum populo adstanti movebat. — *Osirim*] nam Isidis cultus Romae tunc admodum frequens. Quintil. VI, 3, 98: „(Adiuvant urbanitatem et versus commode positi) et proverbialiter aptata; ut homini nequam lapsa et ut allevaretur roganti: *Tollat te qui non novit.*“ — *rauca*] „voci-ferans ad ravim“ *Comm. Cruq.*

Epistola XVIII.

- Si bene te novi, metues, liberrime Lolli,
 Scurrantis speciem praebere professus amicum;
 Ut matrona meretrici dispar erit atque
 Discolor, infido scurrae distabit amicus.
 5 Est huic diversum vitio vitium prope maius,
 Asperitas agrestis et inconcinna gravisque,
 Quae se commendat tonsa cute, dentibus atris,
 Dum vult libertas dici mera veraque virtus.
 10 Alter in obsequium plus aequo pronus et imi
 Derisor lecti sic nutum divitis horret,
 Sic iterat voces et verba cadentia tollit,
 Ut puerum saevo credas dictata magistro

Epistola XVIII.

De Lollio vide ad Epist. I, 2. Praeceptis ibi Lollio datis haec nova adduntur non minus utilia adolescenti ad maiores honores tendenti; agitur enim de cultura potentium hominum. Principio poeta timendum esse negat, ne Lollius libertatis amantissimus unquam possit agere partes scurrae; inter quem et verum amicum quantum intersit discrimen dilucide deinde describitur (10—14. 15—20). Deinde docet ei qui potentibus hominibus placere velit abstinendum esse ab omni vitio neque posse eum veniam quaerere in vitiis divitum hominum; divitibus ipsis opibus excusationem praebere, quoniam cum opibus vitia coniuncta esse soleant (v. 36). Deinde non esse exploranda arcana, et commissa servanda; sequendam non suam sed fautoris voluntatem in eaque explenda delectationem debere inveniri (v. 66). Cavendum esse ab incautis sermonibus (v. 71), compescendas libidines (v. 75), cautionem exercendam in commendandis amicis, commendatos ex suo quemque merito esse adinvenandum (v. 85). Praeterea fautoris mores observandos esse et sibi affingendos; etenim similem simili gaudere. In omni tamen re (v. 96) philosophiam esse colendam, ut in qua re verum bonum cernendum sit recte discatur ac teneatur. Quodsi ita agat amicus, eo sperat perventurum quo ipse pervenerit, ut precibus quibus deos adest, nihil possit esse modestius. — De tempore vide ad Epist. I, 2.

V. 4. *discolor*] Ne de matronae alba stola et meretricum toga variis coloribus tincta cogites, compara Persii locum V, 52: „Mille hominum species et rerum discolor usus.“ cf. I, 17, 23. — *Est huic*] Cavendum esse praecipit, ne nimio adulationis metu in contrarium vitium asperitatis ruat; rectum inter utramque positum esse. — *tonsa cute*] Proprie dicebant *caput ad cutem tondere*. Nobiles autem et elegantiores homines barbam virili aetate tondebant, ineunte demum senectute radebant ad cutem. — *virtus est*] „Ἔστιν ἡ ἀρετὴ ἕξις προαιρετικὴ ἐν μεσότητι οὐσα· μεσότης δὲ δὴ κακίων, τῆς μὲν κατ’ ὑπερβολὴν τῆς δὲ κατ’ ἑλλειψιν. Arist. Eth. Nic. II, 6. — *imi lecti*] in quo cum convivatore scurrae accumbebant. cf. Sat. II, 8, 23. 40 sq. — *cadentia tollit*] „excidencia et temere prolata suscipit pro mirandis“ Comm. Cruq. — *mi-*

Reddere vel partes mimum tractare secundas.

- 15 Alter rixatur de lana saepe caprina,
 Propugnat nugis armatus : Scilicet ut non
 Sit mihi prima fides et vere quod placet ut non
 Acriter elatrem? Pretium aetas altera sordet,
 Ambigitur quid enim? Castor sciat an Dolichos plus;
 20 Brundisium Minuci melius via ducat an Appi.
 Quem damnosa Venus, quem praeceps alea nudat,
 Gloria quem supra vires et vestit et ungit,
 Quem tenet argenti sitis importuna famesque,
 Quem paupertatis pudor et fuga, dives amicus
 25 Saepe decem vitiis instructor odit et horret,
 Aut si non odit, regit ac veluti pia mater
 Plus quam se sapere et virtutibus esse priorem
 Vult et ait prope vera: Meae — contendere noli —
 Stultitiam patiuntur opes; tibi parvula res est:
 30 Arta decet sanum comitem toga; desine mecum
 Certare. Eutrapelus cuicumque nocere volebat,
 Vestimenta dabat pretiosa: beatus enim iam
 Cum pulchris tunicis sumet nova consilia et spes,
 Dormiet in lucem, scorto postponet honestum
 35 Officium, nummos alienos pascet, ad inum
 Threx erit aut olitoris aget mercede caballum.
 Arcanum neque tu scrutaberis illius unquam,
 Commissumque teges et vino tortus et ira,

mum] In mimis secundarum partium actor parasitus esse solebat, qui primarum actorem parasitorum more omni ratione imitaretur. — *de lana caprina*] Ut nos „um des Kaisers Bart“, Graeci *περι ὄνου σχιάς*. — *ut non*] quomodo non. — *aetas altera*] Ne tanto quidem pretio, quantum altera aetas s. vita est, hanc libertatem vendam. cf. Hom. II. IX, 444 sqq. — *Castor, Dolichos*] duo gladiatores. — *Minuci*] Tib. Minucius Augurinus a. u. c. 449 per montes Sabinorum et Samnitium viam muniverat. — *prope*] vide ad Epist. I, 6, 1. — *arta toga*] Divites ac delicati homines amplis togis utebantur. cf. Epod. 4, 8,

V. 31. *Eutrapelus*] P. Volumnius, eques Romanus, amicus M. Antonii propter facetias et urbanitatem ab aequalibus Eutrapelus appellatus est. Vide Passow. lex. gr. s. v. *εὐτράπελος*. Est idem Volumnius qui memoratur a Cornelio Nepote Attic. 9. 10. 12. — *pascet*] nam usura sors augetur. — *Threx*] cf. Sat. II, 6, 44. — *olitoris*] extra urbem hortos colentis; ab hoc igitur quotidie cum oleribus in urbem mittetur. — *illius*] fautoris tui. — *vino tortus*] A. P. 435. — *Amphio-*

- Nec tua laudabis studia aut aliena reprendes,
 40 Nec cum venari volet ille, poemata panges.
 Gratia sic fratrum geminorum, Amphionis atque
 Zethi, dissiluit, donec suspecta severo
 Conticuit lyra. Fraternis cecidisse putatur
 Moribus Amphion: tu cede potentis amici
 45 Lenibus imperiis, quotiesque educet in agros
 Aetolis onerata plagis iumenta canesque,
 Surge et inhumanae senium depone Camenae,
 Coenes ut pariter pulmenta laboribus empta.
 Romanis solenne viris opus, utile famae
 50 Vitaeque et membris, praesertim cum valeas et
 Vel cursu superare canem vel viribus aprum
 Possis. Adde virilia quod speciosius arma
 Non est qui tractet: scis quo clamore coronae
 Proelia sustineas campestria; denique saevam
 55 Militiam puer et Cantabrica bella tulisti
 Sub duce, qui templis Parthorum signa refigit
 Nunc et si quid abest Italici adiudicat armis.
 Ac, ne te retrahas et inexcusabilis absis,
 Quamvis nil extra numerum fecisse modumque
 60 Curas, interdum nugaris rure paterno;
 Partitur lintres exercitus, Actia pugna
 Te duce per pueros hostili more refertur;
 Adversarius est frater, lacus Hadria, donec

uis] Carm. III, 11, 2. Propert. III, 15, 29: „Et durum Zethum et la-
 crimis Amphionem mollem.“ — *Aetolis*] Aetolia nobilis fuit propter feras
 et venationem. — *inhumanae Camenae*] severae ac morosae, quoniam
 odit venationes ac similes delectationes. — *Romanis solenne*] A prae-
 ceptis idoneo loco leniter delabitur poeta ad laudem iuvenis amici, cor-
 poris vigore ac robore omniumque quibus tum iuvenes exercebantur
 nobilium ludorum exercitatione inter aequales insignis Tandem v. 65
 ad argumentum et praecepta revertitur. — *coronae*] A P. 381. — *cam-
 pestris*] in Campo Martio. A. P. 379. — *refigit*] Carm. I, 28, 11. Signa
 Romana Crasso a Parthis olim erepta Augusto a Phraate reddita sunt a.
 734. — *si quid abest*] Non credo interpretibus significari ab Horatio
 Armeniam eodem tempore Artaxiae ademptam et Tigrani traditam Nam
 hoc dicitur, extendere Augustum Romanum imperium per totum orbem
 terrarum. — *Actia pugna*] Imitabantur Lollii pueri in villa paterna
 ludentes pugnam navalem Actiacam, adolescentium (*per pueros* v. 62;
 non servorum, quos liberi adolescentes haud dubie aspernati essent)
 ex vicinia collectorum gregibus inter se divisis. — *reloz*] quia Victoria

Alterutrum velox Victoria fronde coronet.

- 65 Consentire suis studiis qui crediderit te,
 Fautor utroque tuum laudabit pollice ludum.
 Protinus ut moneam, si quid monitoris eges tu,
 Quid de quoque viro et cui dicas saepe videto.
 Percontatorem fugito, nam garrulus idem est
- 70 Nec retinent patulae commissa fideliter aures,
 Et semel emissum volat irrevocabile verbum.
 Non ancilla tuum iecur ulceret ulla puerve
 Intra marmoreum venerandi limen amici,
 Ne dominus pueri pulchri caraeve puellae
- 75 Munere te parvo beet aut incommodus angat.
 Qualem commendes etiam atque etiam adspice, ne mox
 Incutiant aliena tibi peccata pudorem.
 Fallimur et quondam non dignum tradimus: ergo
 Quem sua culpa premet, deceptus omitte tueri,
- 80 Ut penitus notum si tentent crimina, serves
 Tuterisque tuo fidentem praesidio: qui
 Dente Theonino cum circumroditur, ecquid
 Ad te post paulo ventura pericula sentis?
 Nam tua res agitur, paries cum proximus ardet,
- 85 Et neglecta solent incendia sumere vires.

dea est et alata. — *pollice*] Plin. XXVIII, 2, 5: *Pollices*, cum faveamus, *premere* etiam proverbio iubemur.^a Contrarius gestus improbanonis signum erat. Ex muneribus gladiatorii haec petita sunt. vide ad Epist. I, 1, 6.

V. 70. *patulae*] „semper patentes ad audiendum, curiosae.“ *Comm. Cruq.* — *irrevocabile*] cf. A. P. 390. *Emissum* proprie de sagitta, hasta, similibus cf. Lucret. V, 1042: „varios sonitus emittere linguae.“ infra I, 20, 6. — *ulceret*] cf. Carm. I, 13, 4. I, 25, 13 — *marmoreum*] ut in divite domo. — *munere parvo beet*] Ne parvo hoc munere satis te beatum credat ab aliisque maioribus donis ac beneficiis absteineat. — *quondam*] vide ad Carm. II, 10, 18. — *quem sua culpa*] „Si quis potenti amico ante a te commendatus commisso scelere se maculaverit, noli eum defendere ac tutari; quemadmodum si probus est et falsae tentant eum criminationes, ut ante commendasti, ita pergere debes servare eum ac tutari.“ *Ut* part. non est ἵνα sed ὥστε; in coniunctivo *serves tuterisque* non est haerendum; est enim positus pro imperativo. — *Theonino*] „Luthienus Theon, libertinus, dicacitatis amaritudine praeter ceteros ita patronum suum exasperavit, ut domo eius summovertex et quaternario (i. e. quadrante) legato iuberetur restem sibi palumque emere.“ *Comm. Cruq.* Suspiciantur corruptum esse nomen *Luthieni*. Ceterum cf. Sat I, 4, 81. Epist. II, 1, 150 sq I, 14, 38. I,

Dulcis inexpertis cultura potentis amici;
 Expertus metuit. Tu, dum tua navis in alto est,
 Hoc age ne mutata retrorsum te ferat aura.
 Oderunt bilarem tristes tristemque iocosi,
 90 Sedatum celeres, agilem gnavumque remissi;
 Potores bibuli media de nocte Falerni
 Oderunt porrecta negantem pocula, quamvis
 Nocturnos iures te formidare tepores.
 Deme supercilio nubem: plerumque modestus
 95 Occupat obscuri speciem, taciturnus acerbi.
 Inter cuncta leges et percontabere doctos,
 Qua ratione queas traducere leniter aevum:
 Num te semper inops agitet vexetque cupido,
 Num pavor et rerum mediocriter utilium spes,
 100 Virtutem doctrina paret naturane donet,
 Quid minuatur curas, quid te tibi reddat amicum,
 Quid pure tranquillet, honos an dulce lucellum,
 An secretum iter et fallentis semita vitae.
 Me quoties reficit gelidus Digentia rivus,

16, 38. — *dulcis inexpertis*] Cultura potentis amici cum inexpertis quidem dulcis, expertis periculosa et gravis videatur, cavendum est ne quae quis multo cum labore assecutus sit subito mutatis rebus perdat. Et utitur quidem poeta imagine ab navigatione petita; inde etiam *retrorsum ferat aura*. Adiunguntur deinde praecepta de conservando magnorum hominum favore. — *potores bibuli*] Horatius ipse hunc versiculum ex Epist. I, 14, 34 lepida quadam *παρωδία* maximam partem transsumpsisse videtur; alii, cum v. 91 in codicibus non paucis non legatur, suppositicia habuerunt verba *bibuli* . . . *oderunt* et coniunxerunt *Potores porrecta*. Sententia satis plana est: „potores, qui media etiam nocte Falernum bibere solent, oderunt abstemios qui tum porrecta pocula recusant.“ *Falerni* genit. pendet ex adi. *bibuli*, neque tamen alienus est a *poculis*. — *tepores*] Sic optimi codices prope omnes et Comment. Cruq.; alii *vapores*. Recte iam *Landinus*: „quasi dicat febrem“, ortam illam quidem nimio acerrimi vini usu. Teporibus excitantur vapores; quare facile moveri quis potuit ut adderet alterum vocabulum interpretandi gratia. Cic. N. D. II, 46, 118: „Stellae maris aluntur aquarum vaporibus (Ausdünstungen) iis, qui a sole ex agris *tepefactis* et ex aquis excitantur.“ cf. Epist. I, 16, 7. Cic. Senect. 15, 51.

V. 96. *inter cuncta*] „Haec omnia dum agis, noli oblivisci eius rei, unde summum bonum haurias.“ — *rerum mediocriter utilium*] Stoicorum ἀδιάφορα, a Cicerone de Fin. III, 16 *indifferentia* nominata. Sunt bona, honores, similia — *doctrina paret*] cf. Plat. Menon. p. 86. C. — *secretum iter*] cf. Epist. I, 17, 10. Semita latet multitudinem; quare qui eam intravit, secretum fecit per vitam iter aut occultam vitam agit.

- 105 Quem Mandela bibit, rugosus frigore pagus,
 Quid sentire putas? quid credis, amice, precari?
 Sit mihi quod nunc est, etiam minus; et mihi vivam
 Quod superest aevi, si quid superesse volunt di;
 Sit bona librorum et provisae frugis in annum
 110 Copia, neu fluitem dubiae spe pendulus horae.
 Sed satis est orare Iovem quae donat et aufert:
 Det vitam, det opes; aequum mi animum ipse parabo.

Epistola XIX.

Prisco si credis, Maecenas docte, Cratino,
 Nulla placere diu nec vivere carmina possunt,
 Quae scribuntur aquae potoribus. Ut male sanos

— *Mandela*] *Porph.*: Mandela pagus est nimis contrahens atque algidus, frigore rugosa faciens hominum corpora. Hodie nominari dicitur *Bandela*. — *neu fluitem*] Sic recte optimi codices, alii *ne*. Quod si scriberes, penderet hoc quantum quod optat ab illo quod praecedit; quod ne possit fieri vetat extremus versus et particula *sed*. Nam illud *fluitare spe dubiae horae* significat iniquam animi condicionem, qua modo huc modo illuc homo trahitur, et opponitur aequitati animi. Hanc tamen non Iuppiter potest dare, sed homo est qui parat sibi ipse; quare satis est Iovem ea rogare quae in eius sunt potestate. Itaque scribendum *quae donat*; alii *qui donat* vel *quae ponit*.

Epistola XIX.

Eo tempore, quo praeter Augustum imperatorem multi nobiles ac divites viri Musas colerent poetasque favore suo ornarent, fieri non potuit quin praeter veros poetas non parva existeret turba hominum, qui ingenio plane destituti versus magno negotio factos inanibus sententiis explerent, magnorum exemplarium vestigia et verba serviliter premerent et tamen magnam sibi laudem se comparaturos sperarent. Quo morbo correpti erant partim divites, qui domi carmina sua recitantes plausum coena et pecunia coemptum colligerent, partim pauperes miserieque homines, qui fame saepe in furorem agitati aut ingentes laudes liberalium patronorum clamarent aut flebiles tragoedias mollibus auribus delicatiorum dominorum cantarent. Utrumque genus Horatium, a quo contemneretur, palam oderat eundemque, quem imitaretur, clam admirabatur. De his igitur hominibus hac epistola scribit ad Maecenatem, in qua lepide sed acerbè invehitur in vile illud genus imitatorum, qui quae poetica ars esset nescientes versus si misere conglutinaissent sibi ipsi plaudere solebant. Scripta videtur paulo ante editum totum librum.

V. 1. *docte*] cf. Carm. III, 8, 5. De Cratino vide ad Sat. I, 4, 1.

— *potoribus*] Non facile dicas utrum dativus sit an ablativus. Si ablativum mavis, vide ad Carm. I, 6, 2. — *ut*] ex quo. vide ad Carm.

- Adscripsit Liber Satyris Faunisque poëtas,
 5 Vina fere dulces oluerunt mane Camenae.
 Laudibus arguitur vini vinosus Homerus;
 Ennius ipse pater nunquam nisi potus ad arma
 Prosiluit dicenda. Forum putealque Libonis
 Mandabo siccis, adimam cantare severis.
 10 Hoc simul edixi, non cessavere poëtae
 Nocturno certare mero, putere diurno.
 Quid, si quis vultu torvo ferus et pede nudo
 Exiguaeque togae simulet textore Catonem,
 Virtutemne repraesentet moresque Catonis?
 15 Rupit Iarbitam Timagenis aemula lingua,
 Dum studet urbanus tenditque disertus haberi.
 Decipit exemplar vitiis imitabile: quodsi
 Pallerem casu, biberent exsangue cuminum.
 O imitatores, servum pecus, ut mihi saepe

IV, 4, 42. — *Satyris Faunisque*] perpetuis suis comitibus. Carm. II, 19, 4. — *adscripsit*] „tanquam in legionem suam, nam hoc verbum militare est. *Porph.* cf. Carm. III, 3, 35. — *vini vinosus*] Eiusdem verbi diversas formas et propter vim et propter sonum adamarunt latini scriptores in eiusque rei gratiam verborum ordinem non raro mutarunt. cf. Sat. II, 2, 39. A. P. 133. Epist. I, 18, 5. 89 — *Homerus*] cf. II. VI, 261; praeterea *Τὸν οἶνον μελιγδέα, μελιχρονα, ἡδύποτον, εὐήνορα, μεροεικέα.* — *Ennius pater*] Hoc nomine ornatur et quia priscus fuit et quia quasi pater poesis Romanae. Propert. III, 2, 6: „Parvaeque tam magnis admoram fontibus ora, Unde pater sitiens Ennius ante bibit.“ — *Libonis*] vide ad Sat. II, 6, 35. — *siccis*] Carm. I, 18, 3. — *ediri*] ut praetor. cf. Sat. II, 2, 51. Sic recte scribitur ex codd., non *edixit*, vel quod unus codex habet *edixti*. Nam pronomen *hoc* omnia comprehendit quae sunt in novem versibus, et vocativus *Maecenas docte* non magis scribentis est quam alloquentis. — *putere*] Martial. I, 29: „Hesterno foetere mero qui credit Acerram, Fallitur; in lucem semper Acerra bibit.“ — *textore*] festive dictum, nam *textore* ablativus eodem loco ponendum est quo reliqui *vultu torvo et pede nudo*; ut si nos dicamus „und Dank dem Weber seiner kurzen Toga“. — *Rupit Iarbitam*] Timagenes Alexandrinus, rhetor et historicus, captivus Romanus ductus in Caesaris Octaviani gratiam venit: eam autem cum licentia dicendi amisisset, ab Asinio Pollione receptus est. Qui cum olim inter viros doctos cum omnium applausu declamasset, accumulationem excitavit Iarbitae, cui homini item docto ac rhetori, ut videtur, ingenti vocis ac laterum intentione accidit, ut rupto diaphragmate subito periret. Iarbita Maurus fuisse dicitur.

V. 17. *vitiis*] coniungendum et cum *decipit* et cum *imitabile*. Cic. de Orat. II, 22, 90: „Multos imitatores saepe cognovi, qui aut ea quae facilia sunt aut etiam illa quae insignia ac paene vitiosa consecantur imitando.“ — *cuminum*] Plin. H. N. XX, 14: „Omne cuminum pallorem

- 20 Bilem, saepe iocum vestri movere tumultus!
 Libera per vacuum posui vestigia princeps,
 Non aliena meo pressi pede. Qui sibi fidit,
 Dux regit examen. Parios ego primus iambos
 Ostendi Latio numeros animosque secutus
- 25 Archilochi, non res et agentia verba Lycamben.
 Ac ne me foliis ideo brevioribus ornes,
 Quod timui mutare modos et carminis artem:
 Temperat Archilochi Musam pede mascula Sappho,
 Temperat Alcaeus, sed rebus et ordine dispar,
- 30 Nec socerum quaerit quem versibus oblinat atris,
 Nec sponsae laqueum famoso carmine nectit.
 Hunc ego non alio dictum prius ore Latinus
 Vulgavi fidicen; iuvat immemorata ferentem
 Ingenuis oculisque legi manibusque teneri.
- 35 Scire velis mea cur ingratus opuscula lector
 Laudet ametque domi, premat extra limen iniquus?
 Non ego ventosae plebis suffragia venor
 Impensis coenarum et tritae munere vestis;
 Non ego, nobilium scriptorum auditor et ultor,
- 40 Grammaticas ambire tribus et pulpita dignor:
 Hinc illae lacrimae. Spissis indigna theatri

bibentibus gignit.“ — *tumultus*] vani conatus imitandi ac deprimendi simul Horatii. Deinde addit, ne se quoque imitatore[m] quis dicat, quae ratione Graecos secutus sit: formam se et versus sumpsisse ab Archiloch[o] et Alcaeo, non res et verba. — *Lycamben*] vide ad Epod. 6, 13, unde intelliges verbum *agentia*. — *Temperat Archilochi*] Sappho et Alcaeus quamquam Archilochi singulos versus receperunt et reliquis suis versibus admiscuerunt, tamen alieni erant ab eius et ingenio et versuum inter se coniunctione. Horum igitur exemplis excusat Horatius, quod ipse non nova sed aliis iam culta forma usus sit. — *mascula Sappho*] quae quamquam mulier virum tamen ingenii viribus aequiparavit. — *hunc*] Alcaeum. Carm. IV,⁷3, 22. III, 30, 13. — *immemorata*] „a nullo ante dicta.“ *Comm. Cruq.* — *ventosae*] ut Epist. I, 8, 12. De re cf. A. P. 420. — *auditor et ultor*] cf. Epist. II, 2, 67. Omnis ironia posita est in vocabulo *ultor*. Nam qui insulsa nobilium ac divitum hominum carmina audit, deinde sua non meliora recitat, is illos quasi ulciscitur; simul igitur est auditor et ultor. Sic Iuvenalis Sat. I, 1: „Semper ego auditor tantum? nunquamne reponam, Vexatus toties rauci Thescide Codri?“ — *Grammaticas tribus*] Sunt sectae grammaticorum, criticorum (Aesthetikerzünfte). — *pulpita*] Katheder. Quintil. XI, 3, 130: „cum in angusto quodam pulpito stans diceret.“ — *hinc illae lacrimae*] In proverbium abiit ex Terent. Andr. I, 1, 99. — *theatri*] magna au-

+ C.W. 29.

Scripta pudet recitare et nugis addere pondus,
 Si dixi: Rides, ait, et Iovis auribus ista
 Servas: fidis enim manare poetica mella
 45 Te solum, tibi pulcher. Ad haec ego naribus uti
 Formido et, luctantis acuto ne secer ungui,
 Displicet iste locus, clamo et diludia posco.
 Ludus enim genuit trepidum certamen et iram,
 Ira truces inimicitias et funebre bellum.




Epistola XX.

Vertumnum Ianumque, liber, spectare videris,
 Scilicet ut prostes Sosiorum pumice mundus.

ditorum corona. — *Iovis*] cf. Sat. II, 6, 52. — *manare*] transitive ut Ovid. Met. VI, 312. Plin. H. N. XIV, 20: „Arborum suco manantium picem resinamque.“ ibid. XXXVII, 10: „Indica gemma in attritu sudorem purpureum manat.“ — *naribus*] cf. Sat. I, 6, 5. II, 8, 64. — *diludia posco*] „spatium emendandi carmina, et intermissionem ac dilationem exposco. Diludia autem dicuntur tempora, quae gladiatoribus conceduntur inter dies munerum quibus pugnatur.“ *Comm. Cruq.*

Epistola XX.



„Haec cum libro suo videtur loqui, quem ante impositum finem cupidum esse dicit in publicum prodeundi, cum domi continendus sit ne in magnos lectores incidens vituperetur.“ *Porphyr.* Addita est enim haec epistola quasi epilogus non Epodorum libro, quem propter rationes πολιτικός anno demum 733 editum iniuria suspicati sunt viri docti, sed huic ipsi epistolarum libro. Versus enim 28, quo annus indicatur 733 a. u. c., nihil impedit quominus duobus vel tribus annis post Lollium consulem epistolam scriptam credamus. Lollio honorificum erat quod Horatius hoc loco iterum mutuae amicitiae testimonium posuit; deinde qui annis 734 et 735 consules erant Horatio aut plane ignoti aut non familiares erant; tum accessit hoc quoque, quod annus aetatis quadragesimus quartus facile in *quater undenos* annos dividi potuit. Solebant enim poetae in versibus magnos numeros in minores partes dissecare; cuius quidem rei aliud genus habes Carm. II, 4, 23. Postremo bene animadvertendum est, Horatium non dicere: me sciat haec scripsisse Lollio Lepido coss., sed simpliciter iis consulibus se quadraginta quattuor annos natum fuisse indicare. Quibus de causis etiamsi inter epistolas plures sunt quae a. 734 scriptae videntur, tamen haec epistola omnibus quasi custos et comes data est. Similis natura est Ovidii epistolae primae Tristium libri I.

V. 1. *Vertumnum*] Sat. II, 7, 14. *Acro*: „Vertumnus et Ianus dii sunt qui praesunt negotiis ementium et vendentium, ante quorum templa erant loca, in quibus cum ceteris rebus etiam libri venales erant.“ — *Sosiorum*] Sosii fratres erant bibliopolae. A. P. 345. — *pumice*]

- Odisti claves et grata sigilla pudico;
 Paucis ostendi gemis et communia laudas,
 5 Non ita nutritus. Fuge quo descendere gestis:
 Non erit emissio reditus tibi. Quid miser egi?
 Quid volui? dices, ubi quis te laeserit; et scis
 In breve te cogi, cum plenus languet amator.
 Quodsi non odio peccantis desipit augur,
 10 Carus eris Romae, donec te deserat aetas;
 Contrectatus ubi manibus sordescere vulgi
 Coeperis, aut tineas pasces taciturnus inertes,
 Aut fugies Uticam aut vinctus mitteris Ilerdam.
 Ridebit monitor non exauditus, ut ille
 15 Qui male parentem in rupes protrusit asellum
 Iratus: quis enim invitum servare labore?
 Hoc quoque te manet, ut pueros elementa docentem
 Occupet extremis in vicis balba senectus.
 Cum tibi sol tepidus plures admoverit aures,

Martial. VIII, 72: „Nondum murice cultus asperoque Morsu pumicis aridi politus Artanum properas sequi, libelle.“ id. I, 118, 14: „Dominus tabernae De primo dabit alterove nido Rasum punice purpuraque cultum Denariis tibi quinque Martialem.“ — *sigilla*] scrinia, capsas. cf. Epist. II, 1, 113. — *descendere*] in Forum, in quod ex propinquis colibus descendendum erat. Q. Cicer. de petit cons. 1: „Prope quotidie ad Forum tibi descendenti meditatum hoc sit.“ — *emissio*] etiam de scriptis. Cic. Fam. VII, 33: „Si quid dignum nostro nomine emisimus.“ cf. Epist. I, 18, 71. — *in breve cogi*] „complicari“ Comm. Cruq. — *augur*] „ego qui haec auguror.“ Idem. — *tineas inertes*] Lucilius ap. Serv. ad Virg. Aen. IV, 158: „Ut perhibetur iners, ars in quo non erit ulla.“ Cic. de Fin. II, 34, 115: „Lustremus animo non has maximas artes, quibus qui carebant inertes a maioribus nominabantur.“ Tineae igitur inertes mihi videntur, quia destitutae artium amore poemata rodere non dubitant. Sic Iuven. III, 207: „Et divina opici rodebant carmina mures“ (Die barbarischen Motten und Mäuse, die Nichts von der Litteratur verstehen). — *Ilerdam*] Romanae litterae in Africa et Hispania iam notescere coeperunt; sed qui emissi erant novi libri tarde in remota ea loca pervenerunt. Quapropter qui Uticae vel Ilerdae novi erant libri, ii Romae iam in oblivionem abierunt. cf. A. P. 345. — *vinctus*] cum aliis mercibus (verpackt). Sic optimi codices; alii male *unctus*; quod qui defendebant, librum videbant aromatatis unguentisque involvendis destinatum. — *monitor*] ego qui te monui. — *elementa docentem*] cf. Sat. I, 10, 75. Iuven. VII, 226: „Stabant pueri, cum totus decolor esset Flaccus et haereret nigro fuligo Maroni.“ *Balba autem senectus* libri remota tempora significat.

V. 19. *sol tepidus*] post meridiem qua uti solebant Romani; possis etiam de matutino tempore cogitare (Sat. I, 6, 122). nam non cogit natura loci, ut plures in eodem loco coniunctos videamus. Suae

- 20 Me libertino natum patre et in tenui re
 Maiores pennas nido extendisse loqueris,
 Ut quantum generi demas, virtutibus addas;
 Me primis Urbis belli placuisse domique;
 Corporis exigui, praecanum, solibus aptum;
 25 Irasci celerem, tamen ut placabilis essem.
 Forte meum si quis te percontabitur aevum,
 Me quater undenos sciat implevisse Decembres,
 Collegam Lepidum quo duxit Lollius anno.

quisque domi sedet ac legit. — *nido*] Refer ad *maiores* et ad *extendisse*. De imagine compara Epist. II, 2, 50. — *primis Urbis*] cf. Sat. II, 1, 75 sq. Epist. I, 17, 35. Genitivos *belli domique* coniunge cum *placuisse*; alii cum *primis urbis*, sed bellicam laudem et tribunatum militarem Horatius immemoratū relinquere hoc loco non potuit. — *praecanum*] Carm. II, 11, 15. — *duxit*] Anno 733 cum diu ambitu et contentionibus Q. Aemilii M. F. Lepidi et L. Silani de altero consulatu eius anni certaretur, Lollius diu solus consulatum gessit. Itaque Lollius collegam quasi duxit ut comitem paulo tardiores.

Q. HORATII FLACCI

EPISTOLARUM

LIBER SECUNDUS.

Epistola I.

Cum tot sustineas et tanta negotia solus,
Res Italas armis tuteris, moribus ornes,

Epistola I.

Suetonio teste (in vita) Horatius hanc epistolam scripsit, ne voluntati Augusti, qui quod nihil ad se scripsisset graviter conquestus erat, plane deesse videretur. In qua re egregium fuit Horatii consilium, qui cum intellexisset in epistola ad Augustum danda neque ineptius quidquam fore quam satiricum aliquod argumentum sive acerbæ sive iocose descriptum, neque putidius quidquam quam rem aliquam ex philosophia petitam, quæ malignis interpretationibus obnoxia pravum aliquod suum consilium celare posset videri, id sibi describendum et illustrandum sumpsit genus, quo nullum aut Augusto aut se dignius esse posset. Praemisso enim splendido exordio de Augusto eiusque in rempublicam meritis, quod tamen ipsum ita est comparatum ut coniunctissimum sit cum reliqua parte epistolæ, agit Horatius de statu, quo tunc esse sibi videatur poesis Romana, monet quid excolendæ ei maxime obstet, adhortatur Augustum ut omnes eius partes eadem cura amplectatur, reditque extremo carmine apposite sibi parato transitu ad excusandam suam facultatem, quum laudandis merito Augusti virtutibus imparem se nihil ad celebrandum tantum nomen asferre posse deplorat. Praecipuum igitur poetæ consilium in scribenda epistola cernendum est in ostendendis maximis incommodis, quibus latinam poesin suo tempore laborare ac deprimi non sine magno suo dolore vidit. Negligentia autem et despicientia, qua totus paene populus veros suos poetas aequales eorumque studia utique laudanda et ad reipublicæ salutem utilia tum persequeretur, communis quasi fons erant, unde omnia illa incommoda

Legibus emendes, in publica commoda peccem,
Si longo sermone morer tua tempora, Caesar. -

- 5 Romulus et Liber pater et cum Castore Pollux,
Post ingentia facta deorum in templa recepti,
Dum terras hominumque colunt genus, aspera bella
Componunt, agros assignant, oppida condunt,
Ploravere suis non respondere favorem
10 Speratum meritis. Diram qui contudit hydram
Notaque fatali portenta labore subegit,
Comperit invidiam supremo fine domari. †

proveniebant. Romani enim eo tempore caeco quodam amore abrepti aut antiqua longe praeferebant aut, id quod scenicae arti et fabulis maxime obfuit, pugnarum pomparumque triumphalium in theatris imitationibus, muneribus gladiatoriiis, pugnis ferarum magis ducebatur quam optimis fabulis digne ac simpliciter actis. Ea autem de antiquorum poetarum nimio amore, aequalium iniusta contemptione vituperatio Augustum quoque quodam modo tetigit; etenim Suetonius Octav. 89: „Augustus, inquit, plane poematum quoque non imperitus delectabatur etiam *comoedia veteri* et saepe eam exhibuit publicis spectaculis;“ quem locum olim de Atticorum antiqua comoedia intellectum rectius nunc Orellius interpretatus est de fabulis Planti, Caecili Statii, Attae, Dossenni. Etiam Quintilianus X, 1, 43 queritur: „Quidam solos veteres legendos putant“, et Martialis V, 10, 7 sqq.: „Ennius est lectus salvo tibi, Roma, Marone Et sua riserunt saecula Maeonidem. Rara coronato plausere theatra Menandro, Norat Nasonem sola Corinna suum.“ — Epistolam scriptam esse apparet cum Augustus ita reipublicae statum iam mutasset, ut unus omnia regeret, in se unum omnes honores contulisset — nam Lepido a. 741 mortuo etiam Pontifex Maximus factus est —, cum restitutis moribus firmataque pace a Romanis divino prope honore coleretur (v. 16). Quare interpretes annum 744 videre sibi videbantur; quibus ita consentire ut alio anno scriptam eam esse negem ego quidem non ausim.

V. 1. *sustineas*] proprie de oneribus, iis etiam quae coniuncta sunt cum honoribus. Cic. Fam. V, 9: „Hoc quidquid est *oneris et muneris* pro mea dignitate tibi tuendum ac *sustinendum* puta.“ — *armis tuleris*] cf. Carm. IV, 14, 43 sq. Haec tria *armis tulari, moribus ornare, legibus emendare* summa sunt beneficia quae bonus princeps in cives suos conferre potest. cf. Carm. IV, 5, 21 sqq. IV, 15, 9 sqq. Sueton. Octav. 27: „Recepit et *morum legumque* reginen aequae perpetuum, quo iure census populi ter egit.“ ibid. 34: „Leges retractavit et quasdam ex integro sanxit.“ — *morer*] Epist. I, 13, 17. A. P. 321. — *Romulus*] Ad rem ipsam dum pergit, diutius etiam in laude Augusti moratur, leniter ad ingratum aequalium animum declinans, quem nemo non expertus est praeter unum Augustum. cf. Carm. III, 3, 9–16. — *post ingentia facta*] i. e. post mortem; nam quamdiu vivebant, tamdiu etiam magna effecerunt facinora. Nihil igitur opus est *Bentleyi conjectura fata*. — *contudit*] nam τῷ ὀπιάλῳ τὰς κεφαλὰς αὐτῆς ἔκρουε. Apollod. II, 5, 2. vide ad Carm. IV, 4, 61. — *portenta*] cf. Carm. I, 22, 13. Lucret. V, 37 de iisdem monstris: „Cetera de genere hoc quae sunt *portenta* perempta.“ Ad haec referendum est etiam verbum *domari*, nam invidia quasi portentum est, quod non vincitur nisi morte. cf. Carm.

Urit enim fulgore suo qui praegravat artes

Infra se positas; exstinctus amabitur idem.

15 Praesenti tibi maturos largimur honores

Iurandasque tuum per nomen ponimus aras,

Nil oriturum alias, nil ortum tale fatentes.

Sed tuus hic populus, sapiens et iustus in uno

Te nostris ducibus, te Graiis anteferendo,

20 Cetera nequaquam simili ratione modoque

Aestimat et nisi quae terris semota suisque

Temporibus defuncta videt, fastidit et odit,

Sic fautor veterum, ut tabulas peccare vetantes,

Quas bis quinque viri sanxerunt, foedera regum

25 Vel Gabiis vel cum rigidis aequata Sabinis,

Pontificum libros, annosa volumina vatum

Dictitet Albano Musas in monte locutas,

Si, quia Graiorum sunt antiquissima quaeque

Scripta vel optima, Romani pensantur eadem

III, 24, 31 sq. — *urit enim*] Causa haec est cur invidia non exstinguatur nisi morte; nam quamdiu magni viri vivunt, oppressos se magnitudine eorum sentiunt inferiores neque de eorum laude detrahere desinunt. *Artes* enim per quandam metonymiam ipsos significant artifices; similiter de Musis Phaedr. III prol. 19: „In quo tonanti sancta Mnemosyne Iovi Fecunda novies *artium* peperit *chorum*.“ — *praegravat*] Sat. II, 2, 78. *Artes* autem accusativus est non huius solum verbi potestati obnoxius, sed alterius quoque *urit*. — *aras*] Senatus Augusto reverso anno 735 aram exstruxit inscriptam *Fortunae Reduci*. Sueton. Octav. 52: „Templa quamvis sciret etiam proconsulibus decerni solere, in nulla tamen provincia nisi communi suo Romaeque nomine recepit; nam in Urbe quidem pertinacissime abstinuit hoc honore.“ cf. Carm. III, 5, 1 sq. IV, 14, 43 sq. — *nil oriturum*] Carm. IV, 2, 37 sqq.

V. 18. *in uno*] coniunge cum *anteferendo*. — *veterum*] gen. neutrius. — *Gabiis*] de part. *cum* compara Carm. III, 25, 2 ubi vide; de re lege Liv. I, 53 sq.; de foederibus cum Sabinis ictis Liv. I, 13. I, 17, 2; aliud ictum est cum Sabinis Tullo Hostilio rege et in columnam incisum. — *pontificum libros*] Significantur pontificum annales sive commentarii, de quibus Cicero de orat. II, 12, 52: „Ab initio rerum Romanarum usque ad P. Mucium, pontificem maximum, res omnes singulorum annorum mandabat litteris pontifex maximus referebatque in album et proponebat tabulam domi, potestas ut esset populo cognoscendi; ii, qui etiam nunc annales maximi nominantur.“ — *volumina vatum*] sunt libri vaticini, fatidici, quorum lectione populus delectabatur. Liv. XXV, 1 extr. ibid. 12. — *Albano*] festive dictum; nam qui vetera illa amabant, iis Musae in Albano monte, non in Parnaso et Helicone sedes suas habere videbantur. — *Graiorum*] Sic ex antiquissimo cod. Bland. Cruq. et tribus Bentleyi scripsi; alii *Graecorum*: sed cf. ad Carm. II,

- 30 Scriptores *trutina*, non est quod multa loquamur:
 Nil intra est oleam, nil extra est in nuce duri;
 Venimus ad summum fortunae, pingimus atque
 Psallimus et luctamur Achivis doctius unctis.
 Si meliora dies, ut vina, poemata reddit,
 35 Scire velim, chartis pretium quotus arroget annus.
 Scriptor abhinc annos centum qui decedit, inter
 Perfectos veteresque referri debet an inter
 Viles atque novos? Excludat iurgia finis.
 Est vetus atque probus, centum qui perficit annos.
 40 Quid? qui deperiit minor uno mense vel anno,
 Inter quos referendus erit? veteresne poëtas,
 An quos et praesens et postera respuat aetas?
 Iste quidem veteres inter ponetur honeste,
 Qui vel mense brevi vel toto est iunior anno.
 45 Utor permissio caudaeque pilos ut equinae
 Paulatim vello et demo unum, demo etiam unum,
 Dum cadat elusus ratione ruentis acervi,
 Qui redit in fastos et virtutem aestimat annis
 Miraturque nihil nisi quod Libitina sacravit.

4. 12. — *nil intra*] „Negant manifesta, nam constat intra oleam et extra nucem esse duritiam.“ *Porph.* In quo loco noli offendi variata constructione *intra oleam* et *extra in nuce*. — *venimus*] Eodem iure dicere quis possit Romanos omnibus artibus Graecos superasse, neque quidquam esse quod Romanos discere deceat. Deinde Horatius sorite usus (v. 34—49) ostendit quam absurda antiquariorum sit sententia. — *unctis*] proprie de luctantibus, sed ita positum est vocabulum ut perpetua Graecorum in reliquis etiam artibus exercitatio illustretur. — *decedit*] Carm. IV, 7, 14. — *excludat*] Si anni sunt, inquit, qui bonum efficiunt scriptorem, constituamus certum annorum terminum; quem qui praecedunt perfectos habeamus, qui insequuntur novos et contemnendos. Exempli gratia v. 39. finis s. terminus centesimo anno constituitur. — *honeste*] mit Ehren. — *caudae equinae*] Videtur exemplum sumpsisse a Sertorio, qui ut milites suos ad concordiam et patientiam adhortaretur, produxisse dicitur duos equos, alterum plane infirmum et iam veterem, alterum procerum et robustum et caudam mira pilorum crebritate habentem. Infirmo equo astabat vir magnus et validus, robusto parvus ac debilis; iam cum uterque caudam equo evellere iubetur, robustus infirmi equi caudam totam, debilis robusti singulos pilos; ille quidem risum spectantibus praebuit, hic sine multo labore equum cauda privavit. — *ruentis acervi*] Cic. de divin. II, 4: „*Soriti resistas*, quem si necesse sit latino verbo liceat *acervalem* appellare.“ Nam *σῶρος* est acervus; et fuit duplex genus soritae, ruentis et struentis. — *Libitina*] vide ad Carm. III, 30, 7.

- 50 Ennius et sapiens et fortis et alter Homerus,
 Ut critici dicunt, leviter curare videtur,
 Quo promissa cadant et somnia Pythagorea.
 Naevius in manibus non est et mentibus haeret
 Paene recens? Adeo sanctum est vetus omne poema.
- 55 Ambigitur quoties uter utro sit prior, aufert
 Pacuvius docti famam senis, Attius alti,
 Dicitur Afrani toga convenisse Menandro,
 Plautus ad exemplar Siculi properare Epicharmi,
 Vincere Caecilius gravitate, Terentius arte.

V. 50. *fortis*] ob magnum spiritum, quem in suis scriptis prae se ferebat. Ceterum non sine quadam *εἰρωνείᾳ* dicit, Ennium in scribendo negligentem parum curasse quid de se promississet ac somniasset; et tamen eum nunc summa laude ornari, quoniam vetus sit poeta; Naevium in omnium etiam manibus et animis haerere, reliquos omnes tantopere coli, ut sua quisque laude fruatur. De Ennio cf. Pers. Sat. VI, 10 sq.: „Cor iubet hoc Enni, postquam destertuit esse Maconides, Quintus pavone ex Pythagoreo.“ cf. A. P. 260 sqq. — *Naevius*] Cn. Naevius Campanus a. u. c. 519 primam fabulam docuit, mortuus est a. 550 Uticae in exsilio. Praeter tragoedias et comoedias scripsit epicum quoque carmen versibus Saturniis de primo bello Punico; de quo Cic. Brut. c. 19: „Tamen illius (Naevii), quem vatibus et Faunis annumerat Ennius, bellum Punicum quasi Myronis opus delectat.“ — *non est*] nonne est; ut Carm. III, 20, 1. — *Pacuvius*] M. Pacuvius Brundisinus, Ennii sororis filius, natus a. u. 534, amicus C. Laelii, Terenti mortuus est prope nonagenarius. De *Attio* vide ad Sat. I, 10, 53. De utroque Quintil. X, 1, 97: „Tragoediae scriptores veterum Attius atque Pacuvius clarissimi gravitate sententiarum, verborum pondere, auctoritate personarum. Ceterum nitor et summa in excolendis operibus manus magis videri potest temporibus quam ipsis defuisse. Virium tamen Attio plus tribuitur, Pacuvium videri *doctiorem* qui esse docti affectant volunt.“ — *Afrani*] L. Afranius floruit circa a. u. c. 660; de eo Quintil. X, 1, 100: „*Togatis* excellit Afranius, utinamque non inquinasset argumenta puerorum foedis amoribus, mores suos fassus.“ Donat. fragm. ad Terent. fab. p. XXX. ed. Zeune: „Comoediarum formae sunt tres: *palliatæ* Graecum habitum ferentes, quas nonnulli tabernarias vocant, *togatae* iuxta formam personarum habitum togarum desiderantes, *Atellanae* salibus et iocis compositae.“ De Menandro vide ad Sat. I, 4, 1. Compararunt Afranium cum Menandro eademque arte in describendis moribus usum esse dixerunt. — *Plautus*] Sarsinas, mortuus 570, cum Terentius novem annos natus esset. *Epicharmus* quinque annis maior Socrate, natus in insula Co, Siculus appellatus, quod infans in Siciliam venit ibique Hierone Syracusis dominante comoediarum laude floruit. *Properare* recte intellexerunt interpretes de motu et agilitate qua in fabulis utriusque poetae ad eventum festinabatur (A. P. 148) animique audientium indefessa vi intendebantur. — *Caecilius*] C. Caecilius Statius, Insuber Gallus, servus genere, Ennii familiaris, anno post Ennii mortem, a. u. c. 586 mortuus est. Cic. de opt. gen. dic. 1: „Caecilius fortasse summus Comicus.“ Varro apud Nonium in v. *melos*: „In argumentis Caecilius poscit palmam, in *ῥήσιν* Terentius, in sermonibus Plautus.“ — *Terentius*] P. Terentius

- 60 Hos ediscit et hos arto stipata theatro
Spectat Roma potens, habet hos numeratque poëtas
Ad nostrum tempus Livi scriptoris ab aevo.
Interdum vulgus rectum videt, est ubi peccat.
Si veteres ita miratur laudatque poëtas,
65 Ut nihil anteferat, nihil illis comparet, errat:
Si quaedam nimis antiquae, si pleraque dure
Dicere credit eos, ignave multa fatetur,
Et sapit et mecum facit et Iove iudicat aequo.
Non equidem insector delendaque carmina Livi
70 Esse reor, memini quae plagosum mihi parvo
Orbilium dictare; sed emendata videri
Pulchraque et exactis minimum distantia miror.
Inter quae verbum emicuit si forte decorum et
Si versus paulo concinnior unus et alter,
75 Iniuste totum ducit venditque poëma.
Indignor quidquam reprehendi, non quia crasse
Compositum illepidè putetur, sed quia nuper;
Nec veniam antiquis sed honorem et praemia posci.

Afer, Karthagine natus a. u. 561, mortuus in itinere in Graeciam anno 594. — *ediscit*] non in scholis, sed legendo et spectando. — *arto theatro*] Theatra amplissima erant, non arta, sed arta videntur propter ingentem multitudinem hominum qui adsunt. — *Livi*] Livius Andronicus, fortasse Tarentinus, captivus Romam venit, ubi a C. Livio Salinatore propter ingenii culturam libertate donatus est. Primus Romae fabulam docuit, Odyseamque latinis versibus (Saturniis) interpretatus est. — *ignave*] quae nullam vim habent ad movendos auditores — *Iove aequo*] „Propitio sibi; Iove quidem irato fit, ut errent homines ac delirent.“ *Porph.*

V. 71. *Orbilium*] Sueton. de illustr. Gramm. c. 9: „Orbilus Pupilius Beneventanus primo apparituram magistratibus fecit, deinde in Macedonia corniculo, mox equo meruit, functusque militia studia repetit, quae iam inde a puero non leviter attigerat; ac professus diu in patria quinquagesimo demum anno Romam consule Cicerone transiit docuitque maiore fama quam emolumento. Namque iam persenex pauperem se, et habitare sub tegulis quodam scripto fatetur. Fuit autem naturae acerbae non modo in antisophistas, quos omni sermone laceravit sed etiam in discipulos, ut Horatius significat plagosum eum appellans et Domitius Marsus scribens: „Si quos Orbilius ferula scuticaque cecidit.“ — *ducit venditque*] ut mangones qui ubi venalium gregem in catasta exponabant maxime formosos ac validos in primo ordine collocabant, nimirum ut hi emptores allicerent totusque grex simul venderetur. — *quidquam*] Negans hoc pronomen recte positum est propter negantem vim quam inesse sentis in verbo *indignor* i. e. ferre non possum. —

- Recte necne crocum floresque perambulet Attae
 80 Fabula si dubitem, clament periisse pudorem
 Cuncti paene patres, ea cum reprehendere coner,
 Quae gravis Aesopus, quae doctus Roscius egit:
 Vel quia nil rectum nisi quod placuit sibi ducunt,
 Vel quia turpe putant parere minoribus et quae
 85 Imberbes didicere, senes perdenda fateri.
 Iam Saliare Numae carmen qui laudat et illud,
 Quod mecum ignorat, solus vult scire videri,
 Ingeniis non ille favet plauditque sepultis,
 Nostra sed impugnat, nos nostraque lividus odit.
 90 Quodsi tam Graecis novitas invisâ fuisset
 Quam nobis, quid nunc esset vetus? aut quid haberet
 Quod legeret tereretque viritum publicus usus?
 Ut primum positis nugari Graecia bellis
 Coepit et in vitium fortuna labier aequa,
 95 Nunc athletarum studiis nunc arsit equorum,
 Marmoris aut eboris fabros aut aeris amavit,
 Suspendit picta vultum mentemque tabella,
 Nunc tibicinibus nunc est gavisâ tragoedis;
 Sub nutrice puella velut si luderet infans,
 100 Quod cupide petiit, mature plena reliquit.
 Quid placet aut odio est, quod non mutabile credas?
 Hoc paces habuere bonae ventique secundi.

Attae] T. Quintius Atta, togatarum scriptor, a. u. c. 676 mortuus est. — *fabula*] „quae inscribitur Matertera; recte necne perambulet crocum floresque i. e. in scenam recepta sit, quae floribus et croco spargitur“ *Comm. Cruq.* — *patres*] seniores. cf. v. 85. — *Aesopus, Roscius*] nobilissimi fabularum actores, Ciceronis aequales. — *Saliare Numae*] lege Liv. I, 20. Axamenta appellabantur eorum carmina in honorem Martis et Iani ut videtur. — *nostra sed*] Aperta hic causa est cur *sed* part. sit postposita; sic enim maior accrescit vis vocabulo *nostra* cum gravitate postea iterato. — *quodsi tam Graeci*] Si idem, inquit, fecissent Graeci, nihil nunc esset quod antiquum admiraremur; verum Graeci magnopere diversi erant a nobis. Nos quaecunque surgunt nova odimus neque poësin nostram altius sese tollere patimur; Graeci contra ab alia ad aliam artem transeuntes omnes aequo amplectebantur amore ad eandemque dignitatem evexerunt. — *in vitium*] „in vitium deliciarum, propter prosperitatem fortunae.“ *Comm. Cruq.* — *suspendit vultum*] attentissime spectavit. — *reliquit*] Graecia, non puella.

V. 102. *paces*] pacis tempora quae omnibus vitae commodis favent. — *venti*] cf. Carm. I, 14. — *Romae dulce*] Romani olim nihil curabant

- Romae dulce diu fuit et solenne reclusa
 Mane domo vigilare, clienti promere iura,
 105 Cautos nominibus rectis expendere nummos,
 Maiores audire, minori dicere per quae
 Crescere res posset, minui damnosa libido:
 Mutavit mentem populus levis et calet uno
 Scribendi studio; puerique patresque severi
 110 Fronde comas vincti coenant et carmina dictant.
 Ipse ego, qui nullos me affirmo scribere versus,
 Invenior Parthis mendacior et prius orto
 Sole vigil calamum et chartas et scrinia posco.
 Navem agere ignarus navis timet; abrotonum aegro
 115 Non audet nisi qui didicit dare; quod medicorum est
 Promittunt medici; tractant fabrilia fabri:
 Scribimus indocti doctique poemata passim.
 Hic error tamen et levis haec insania quantas
 Virtutes habeat, sic collige: vatis avarus
 120 Non temere est animus, versus amat, hoc studet unum;
 Detrimenta, fugas servorum, incendia ridet
 Non fraudem socio puerove incogitat ullam
 Pupillo; vivit siliquis et pane secundo,
 Militiae quamquam piger et malus, utilis urbi.
 125 Si das hoc, parvis quoque rebus magna iuvari,
 Os tenerum pueri balbumque poeta figurat,

nisi negotia et commoda; artes contemptae iacebant. — *nominibus*] vide ad Sat. I, 2, 16. — *maiores audire*] Cic. de off. I, 34, 112. Lael. 1, 1. — *calet*] cf. Sat. II, 3, 80. — *fronde*] „hedera, quae est poetarum.“ *Comm. Cruq.* — *dictant*] Hoc tempore cum omnes qui carmina vel libros componerent, non ipsi scribere sed servis dictare solerent, dictandi verbum idem significare coepit quod componere. Gloriam multi quaesiverunt in eo, quod inter coenandum carmina dictare potuerunt, nimirum egregium suae facultatis et ingenii specimen sic se edere isti putabant adulantibus ac stupentibus convivis. cf. Sat. I, 4, 10; coll. v. 8. 12. — *Parthis*] Carm. IV, 15, 23. De ingenti quo tum omnes correpti erant furore scribendi cf. A. P. 379 sqq. A versu 118 describuntur commoda non exigua, quae ex scribendi illa insania in publicam salutem redundent; in qua re sensim lectores transducuntur ad brevem de origine poesis apud Latinos eiusque cultura expositionem. — *non temere*] vide ad Sat. II, 2, 116. — *incogitat*] verbum ab Horatio, ut videtur, fictum ad exemplum graeci ἐννοεῖν. — *pane secundo*] non siligineo, sed dispensatorio. Sueton. Octav. 76 de Augusto: „Cibi minimi erat atque vulgaris fere. Secundarium panem et pisciculos minutos appetebat.“ — *militiae*] dativus est, contrarius alteri urbi. — *iam nunc*] iam a puero:

- Torquet ab obscoenis iam nunc sermonibus aurem,
 Mox etiam pectus praeceptis format amicis,
 Asperitatis et invidiae corrector et irae;
 130 Recta facta refert, orientia tempora notis
 Instruit exemplis, inopem solatur et aegrum.
 Castis cum pueris ignara puella mariti
 Disceret unde preces, vatem ni Musa dedisset?
 Poscit opem chorus et praesentia numina sentit,
 135 Coelestes implorat aquas docta prece blandus,
 Avertit morbos, metuenda pericula pellit,
 Impetrat et pacem et locupletem frugibus annum:
 Carmine di superi placantur, carmine manes.
 Agricolae prisci, fortes parvoque beati,
 140 Condita post frumenta levantes tempore festo
 Corpus et ipsum animum spe finis dura ferentem
 Cum sociis operum, pueris et coniuge fida,
 Tellurem porco, Silvanum lacte piabant,
 Floribus et vino Genium memorem brevis aevi.
 145 Fescennina per hunc inventa licentia morem
 Versibus alternis opprobria rustica fudit,
 Libertasque recurrentes accepta per annos
 Lusit amabiliter, donec iam saevus apertam
 In rabiem coepit verti iocus et per honestas
 150 Ire domos impune minax. Doluere cruento
 Dente lacessiti, fuit intactis quoque cura
 Condicione super communi, quin etiam lex
 Poenaque lata, malo quae nollet carmine quemquam

nam puerilis etiam aetas et corrumpebatur et delectabatur obscoenis saepe sermonibus. cf. Carm. III, 6, 23. — *orientia tempora*] sobolelem. — *chorus*] puerorum et puellarum. — *praesentia*] vide ad Carm. I, 35, 2. — *aquas*] cf. Carm. Saec. 31. — *fortes*] Sat. II, 2, 115. Virg. Georg. II, 472. — *sociis operum*] non servis, sed ipsis filiis et uxore. Quare relienda lectio est *operum et pueris*. — *piabant*] propitios sibi reddebant. — *Genium*] Epist. II, 2, 187. Genio tribuitur memoria brevis aevi, quae propria est homini; sed Genius, perpetuus hominis comes, qui gignatur cum homine et moriatur, eandem vitae producendae curam habet quam homo.

V. 145. *Fescennina*] cf. Serv. ad Virg. Aen. VII, 695: „Fescennium oppidum est (Etruriae prope Tiberim), ubi nuptialia inventa sunt carmina“ cf. Liv. VII, 2, 7. — *recurrentes*] quotannis grata. — *impune minax*] legibus de malis carminibus nondum constitutis. — *dente*] cf.

- Describi; vertere modum formidine fustis
 155 Ad bene dicendum delectandumque redacti.
 Graecia capta ferum victorem cepit et artes
 Intulit agresti Latio: sic horridus ille
 Defluxit numerus Saturnius et grave virus
 Munditiae pepulere; sed in longum tamen aevum
 160 Manserunt hodieque manent vestigia ruris.
 Serus enim Graecis admovit acumina chartis,
 Et post Punica bella quietus quaerere coepit,
 Quid Sophocles et Thespis et Aeschylus utile ferrent.
 Tentavit quoque rem si digne vertere posset,
 165 Et placuit sibi, natura sublimis et acer:
 Nam spirat tragicum satis et feliciter audet,
 Sed turpem putat inscite metuitque lituram.
 Creditur, ex medio quia res arcessit, habere
 Sudoris minimum, sed habet comoedia tanto
 170 Plus oneris, quanto veniae minus. Adspice, Plautus
 Quo pacto partes tutetur amantis ephebi,
 Ut patris attenti, lenonis ut insidiosi;

Epist. I, 18, 82. — *malo carmine*] Sat. II, 1, 82. — *describi*] *χαρά-
 κτις* ἐσθλὰ. Sat. I, 4, 3. — *vertere modum*] vide ad Carm. III, 30, 14.
 — *fustis*] intelligendum de supplicio fustuario, ut Liv. V, 6, extr. —
Saturnius] Festus s. v. *Saturnus*: „Versus antiquissimi, quibus Faunus
 fata cecinisse hominibus videtur, Saturnii appellantur.“ *Hermann*. Epit.
 doctr. metr. p. 214: „Numeros habet hos: *Dabunt malum Metelli Naevio
 poetae*. Sed et caesuram saepe neglexerunt rudes isti poetae et omni
 genere solutionum usi sunt.“ Contra *Duentzer* et *Lerschius* in peculiari
 libro ostendere tentarunt, Saturniorum versuum certam formam nunquam
 exstitisse et voc. *numerus* h. l. significari motum et modum aliquem
 syllabarum certa lege carentem. — *munditiae*] elegantior et versuum
 et sermonis habitus; nam *grave virus* rusticitatem carminum significat.
 — *serus*] sc. Romanus. — *quietus*] Coniunge cum *post Punica bella*;
 compara quae v. 93 de Graecia dicta sunt. — *Thespis*] A P. 276.
 Tragoediarum inventor fuisse dicitur, aequalis Solonis et Pisistrati:
 quem tamen nihil scripsisse probabile est — *natura sublimis*] Quintil.
 I, 8, 8: „Plerique (Latini veteres) plus ingenio quam arte valuerunt.“
 — *turpem*] „Poetae Latini satis altam audent materiam comprehendere,
 sed turpem putant longam lituram; et haec est causa cur ingenia La-
 tinorum non possunt pervenire (ad perfectionem *Comm. Cruq.*), quia
 scilicet stulte (*inscite*) erubescunt et timent emendare et polire longa
 litura quod scripserunt.“ *Acro*. — *veniae minus*] Etenim cum res ex
 communi vita sumptae sint, ubi quid peccatur, quisque statim videt. —
Plautus] Tota haec laudatio Plauti et *Dossenni* ironica est; hi enim
 Horatio, elegantis viro iudicii et graecis exemplis culto, in sustinendis
 partibus non satis fecerunt. Fuit autem *Fabius Dossennus* incertae ae-

- Quantus sit Dossennus edacibus in parasitis,
 Quam non adstricto percurrat pulpita socco.
- 175 Gestit enim nummum in loculos demittere, post hoc
 Securus, cadat an recto stet fabula talo.
 Quem tulit ad scenam ventoso Gloria curru,
 Exanimat lentus spectator, sedulus inflat:
 Sic leve, sic parvum est, animum quod laudis avarum
- 180 Subruit aut reficit. Valeat res ludicra, si me
 Palma negata macrum, donata reducit opimum.
 Saepe etiam audacem fugat hoc terretque poëtam,
 Quod numero plures, virtute et honore minores,
 Indocti stolidique et depugnare parati,
- 185 Si discordet eques, media inter carmina poscunt
 Aut ursum aut pugiles: his nam plebecula plaudit.
 Verum equitis quoque iam migravit ab aure voluptas
 Omnis ad incertos oculos et gaudia vana.
 Quattuor aut plures aulaea premuntur in horas,
- 190 Dum fugiunt equitum turmae peditumque catervae;
 Mox trahitur manibus regum fortuna retortis,
 Esseda festinant, pilenta, petorrita, naves,

tatis poeta togatarum, ut videtur, fabularum scriptor. — *socco*] A. P. 80. Significatur rude ac negligens scribendi genus quo Dossennus utebatur. — *percurrat*] cf. v. 79. — *pulpita*] A. P. 215. 279.

V. 177. *Gloria*] cf. Sat. I, 6, 23. Contra eos qui quaestus faciendi causa fabulas docuerunt alios ponit, quibus laudem quaerentibus multo maiores difficultates superandae sunt. Gloriam autem currus *ventosus* est, quia ipsa inconstans ab arbitrio imperitiae saepe multitudinis pendet. — *macrum*] „tristem; *opimum*, reddat laetum.“ *Comm. Cruq.* — *Saepe etiam*] Magna sane audacia opus est poetae, ut fabulas in scenam mittere suamque artem iudicio levis populi tradere velit; sed aliud est obstaculum quod audaces etiam terreat artemque scenicam magnopere premat; nam maior populi pars alios ludos quaerit, scenicos contemnit. — *discordet eques*] equites enim doctiores esse solebant. cf. Sat. I, 10, 76 sq. A. P. 113. 248. — *plaudit*] Sic recte e bonis codd.; alii *plaudet*; alii, etiam antiquissimus Bland. *gaudet*, quod ex glossa natum videtur; inde qui corrigere vellent *plaudet* scribendum putarunt. Accedit grata latinis auribus allitteratio *ple plau.* — *incertos oculos*] qui cum diversis splendidisque rebus capiantur, ab altera re ad alteram errant in nullaque consistunt nullaque diu delectantur — *premuntur*] Aulaea ante proscenium demittebantur ex alto humique iacebant quamdiu in scena agebatur; finita fabula in altum trahebantur. A. P. 154. Queritur igitur Horatius, quod quattuor longas horas populus potuit delectari magnificis pompis, splendida pugnarum in theatris imitatione, omnibusque iis rebus quae veram artem perdunt oculosque falsa oble-

- Captivum portatur ebur, captiva Corinthus.
 Si foret in terris, rideret Democritus, seu
 195 Diversum confusa genus panthera camelo
 Sive elephas albus vulgi converteret ora;
 Spectaret populum ludis attentius ipsis
 Ut sibi praebentem mimo spectacula plura,
 Scriptores autem narrare putaret asello
 200 Fabellam surdo. Nam quae pervincere voces
 Evaluere sonum, referunt quem nostra theatra?
 Garganum mugire putes nemus aut mare Tuscum,
 Tanto cum strepitu ludi spectantur et artes
 Divitiaeque peregrinae, quibus oblitus actor
 205 Cum stetit in scena, concurrat dextera laevae.
 Dixit adhuc aliquid? Nil sane. Quid placet ergo?
 Lana Tarentino violas imitata veneno.
 Ac ne forte putes me quae facere ipse recusem,
 Cum recte tractent alii, laudare maligne;
 210 Ille per extentum funem mihi posse videtur
 Ire poeta, meum qui pectus inaniter angit,
 Irritat, mulcet, falsis terroribus implet,
 Ut magus, et modo me Thebis modo ponit Athenis.
 Verum age et his, qui se lectori credere malunt
 215 Quam spectatoris fastidia ferre superbi,

ctatione deleniunt. — *ebur*] Liv. XXXVII, 59. Possis tamen etiam *ebur-*
neas statuas intelligere; nam *captiva Corinthus* significat vasa ex aere
 Corinthio confecta. — *Democritus*] vide ad Epist. I, 12, 12 — *pan-*
thera] Significat camelopardalin (Giraffe), quae Caesaris dictatoris ludis
 Circensibus Romae primum visa est. *Genus* appositio est. — *elephas*
albus] quia hi rariores. — *ludis ipsis*] quam ipsos ludos. cf. ad Carm.
 IV, 14, 13. — *asello surdo*] Ex proverbio (tauben Ohren predigen).
 Compara Graecum: Ὅρῳ τις ἔλεγε μῦθον· ὁ δὲ τὰ ὠτα ἐκτελει. — *Gar-*
ganum] Carm. II, 9, 6sq. — *ludi*] pompae. — *artes*] vide ad Carm.
 IV, 8, 5. — *Divitiae*] splendidae vestes. A. P. 215.

V. 208. *ac ne*] Iam ne quis credat se propterea artem scenicam
 Romanorum vituperare, quod ipse in ea neque elaboraverit unquam
 neque possit elaborare, quanti eam recte cultam aestimet ostendit. —
maligne] parce, parum. — *per extentum funem*] „rem difficillimam fa-
 cere.“ *Porphy.* Describit deinde quid scenicus poeta in animos au-
 dientium valeat. — *inaniter*] quia ficta res; id quod poetae scenico
 difficultates auget. — *verum age*] Descripta mala condicione qua sce-
 nici poetae Romae utantur ad reliquos poetas transit non maiore favore
 populi gaudentes eosque Augusti benevolentiae commendat. — *munus*

- Curam redde brevem, si munus Apolline dignum
 Vis complere libris et vatibus addere calcar,
 Ut studio maiore petant Helicon virentem.
 Multa quidem nobis facimus mala saepe poëtae,
 220 Ut vineta egomet caedam mea, cum tibi librum
 Sollicito damus aut fesso; cum laedimur, unum
 Si quis amicorum est ausus reprehendere versum;
 Cum loca iam recitata revolvimus irrevocati;
 Cum lamentamur non apparere labores
 225 Nostros et tenui deducta poëmata filo;
 Cum speramus eo rem venturam, ut simul atque
 Carmina rescieris nos fingere, commodus ultro
 Arcessas et egere vetes et scribere cogas.
 Sed tamen est operae pretium cognoscere, quales
 230 Aedituos habeat belli spectata domique
 Virtus indigno non committenda poëtae.
 Gratus Alexandro regi magno fuit ille
 Choerilus, incultis qui versibus et male natis
 Rettulit acceptos, regale nomisma, Philippos.
 235 Sed veluti tractata notam labemque remittunt
 Atramenta, fere scriptores carmine foedo
 Splendida facta linunt. Idem rex ille, poëma
 Qui tam ridiculum tam care prodigus emit,
 Edicto vetuit, ne quis se praeter Apellem

Apolline dignum] vide ad Carm. I, 31. Epist. I, 3, 17. — *multa quidem*] Excusat Augustum, quod interdum minorem curam quam exspectari debebat impendisset, et culpam confert in ipsorum poetarum vanitatem et invidiam. — *ut vineta*] „Proverbium in eos dicitur qui sibi volentes nocent.“ *Comm. Cruq.* — *sollicito*] cf. Epist. I, 13, 3 sq. — *irrevocati*] ab histrionibus hoc sumptum. Cic. pro Sext. 56, 120: „Revocabatur ab universis (Roscius).“ — *non apparere*] non intelligi ab audientibus neque recte aestimari. — *deducta*] vide ad Sat. II, 1, 4. — *operae pretium*] vide ad Sat. I, 2, 37. Docet Augustum recte dissimilem esse Alexandri magni qui malum poetam regie remuneratus sit: scilicet non omnes dignos esse qui magnas res domi militiaeque gestas describant. — *aedituos*] sacrae aedis tutores, ἱεροφυλάκται, νεωκόροι. Est enim virtus quasi dea. — *Choerilus*] A. P. 357. Non Samius, sed Iasensis. Anson. Epist. 16, 3 ad Probum: „Cumque ego imitatus sim vesaniam Choerili, tu ignoscas magnanimitate Alexandri.“ — *Philippos*] „nummos qui Philippi vultu essent signati.“ *Acro.* — *tractata*] „contractata, contactu maculant et polluant.“ *Comm. Cruq.* — *Apellem*] Apelles Cons. Cic. de off. III, 2 extr. *Lysippus* Sicyonius. De ablativo vide ad Epist.

- 240 Pingeret aut alius Lysippo duceret aera
 Fortis Alexandri vultum simulantia. Quodsi
 Iudicium subtile videndis artibus illud
 Ad libros et ad haec Musarum dona vocares,
 Boeotum in crasso iurares aëre natum.
- 245 At neque dedecorant tua de se iudicia atque
 Munera, quae multa dantis cum laude tulerunt,
 Dilecti tibi Virgilius Variusque poëtae;
 Nec magis expressi vultus per aënea signa,
 Quam per vatis opus mores animique virorum
- 250 Clarorum apparent. Nec sermones ego mallet
 Repentes per humum quam res componere gestas,
 Terrarumque situs et flumina dicere et arces
 Montibus impositas et barbara regna tuisque
 Auspiciis totum confecta duella per orbem,
- 255 Clausitraque custodem pacis cohibentia Ianum,
 Et formidatam Parthis te principe Romam,
 Si quantum cuperem possem quoque: sed neque parvum
 Carmen maiestas recipit tua nec meus audet

I, 16, 20. — *duceret aera*] Poetice dictum pro eo quod est apud Plinium H. N. VII, 37: „Idem hic imperator edixit, ne quis ipsum alius quam Apelles pingeret, quam Pyrgoteles sculperet, quam Lysippus ex aere duceret.“

V. 242. *videndis artibus*] diiudicandis. Artes et libri (poemata, Musarum dona) inter se opponuntur. — *Boeotum*] Cic. de Fat. c. 4: „Athenis tenue coelum, ex quo acutiores etiam putantur Attici; crassum Thebis, itaque pingues Thebani.“ cf. Corn. Nep. Alcib. 11, 3. Epam. 5, 2. — *At neque*] Rectius iudicat Augustus quam Alexander; ii enim, in quos ille beneficus fuit et largus, digni erant beneficiis et muneribus. — *multa cum laude*] ita ut tibi danti multa inde evadat laus. — *Virgilius Variusque*] Uterque iam mortuus erat; beneficia in mortuos bene laudantur; de vivis hoc dicere pudor vetuisset. Ceterum *Comm Cruq.* scribit: „Quia iam his singulis donaverat Augustus decies sestertium.“ Tota autem Aeneis illustravit laudem Iuliae gentis, imprimis clarissimus locus Aen. VI, 883 sqq. Varius panegyricum in Augustum scripsit. — *nec magis*] cf. Carm. IV, 8, 13 sqq. Cic. pro Arch. 12, 30. — *sermones*] vide supra p. 308. Similis est excusatio, cur abstineat a laudandis magnis rebus gestis Augusti, Carm. I, 6. IV, 15. — *montibus impositas*] cf. Carm. IV, 14, 12. — *tuis auspiciis*] cf. Carm. IV, 14, 33. Sueton. Octav. 21: „Domuit partim ductu partim auspiciis suis Cantabrianam, Aquitaniam, Pannoniam, Dalmatiam cum Illyrico omni, item Raetiam et Vindelicos et Salassos.“ — *Ianum*] vide ad Carm. IV, 15. p. 261. — *Parthis*] cf. Carm. III, 5, 2 sqq. Carm. Saec. 54. Sat. II, 5, 62. Epist. I, 12, 27. — *neque parvum*] cf. Sat. II, 1, 12. Carm. IV, 2,

Rem tentare pudor, quam vires ferre recusent.
 260 Sedulitas autem, stulte quem diligit, urget,
 Praecipue cum se numeris commendat et arte:
 Discit enim citius meminitque libentius illud
 Quod quis deridet, quam quod probat et veneratur.
 Nil moror officium quod me gravat, ac neque ficto
 265 In prius vultu proponi cereus usquam
 Nec prave factis decorari versibus opto,
 Ne rubeam pingui donatus munere et una
 Cum scriptore meo capsula porrectus aperta
 Deferar in vicum vendentem thus et odores
 270 Et piper et quidquid chartis amicitur ineptis.

Epistola II.

Flore, bono claroque fidelis amice Neroni,
 Si quis forte velit puerum tibi vendere natum

27 sqq. — *urget*] idem quod *gravat* v. 264. — *discit enim*] „Imperitus laudator, dum nimium studiose laudat, magis vulnerat et atterit amici gloriam, si malis versibus id agat, quam commendat; citius enim quis memoria complectitur quod ridiculum est quam quod est admiratione dignum“ *Comm Cruq.* — *nil moror*] „Ego, inquit Horatius, nolim decorari turpibus versibus, ne pingui i. e. stolide composito munere donatus rubeam et cum meo scriptore h. e. laudatore deferar in vicum vendentem thus cet.; multo porro minus tu, o Auguste, id voles.“ *Gla-reanus.* — *cereus*] cf. Sat. II, 3, 183. — *porrectus*] „quasi mortuus in feretro deferar in vicum thurarium.“ *Acro.* — *aperta*] tanquam cadaver ignobile, quod ne tegitur quidem. In multis et bonis libris ex frequenti confusione *operta*, quod quibus placet, iis videndum est male laceratum ac foedatum cadaver, quod ne oculos praetereuntium laedat iniectis stragulis tegitur. Altera tamen lectio magis ad libros accommodata est, qui si boni essent caute contegebantur, si viles, aperti iacebant. — *vicum*] vide ad Epist. I, 10, 20. — *odores*] res odoriferas, unguenta. — *quidquid*] Martial. VI, 60: „Quam multi tineas pascunt blattasque diserti! Et redimunt soli carmina docta coqui.“

Epistola II.

Iulius Florus Tiberio Neroni ut in Armeniam proficiscenti (Epist. I, 3) ita expeditionem in Dalmatas et Pannonios a. 743 facienti comes fuisse videtur. Nimirum diversum huius epistolae tempus est a tempore tertiae libri primi; nam aliter cur poeta egregiam hanc epistolam non

- Tibure vel Gabiis et tecum sic agat: Hic et
 Candidus et talos a vertice pulcher ad imos
 5 Fiet critque tuus nummorum milibus octo,
 Verna ministeriis ad nutus aptus heriles,
 Litterulis Graecis imbutus, idoneus arti.
 Cuilibet; argilla quidvis imitaberis uda;
 Quin etiam canet indoctum sed dulce bibenti.
 10 Multa fidem promissa levant, ubi plenius aequo
 Laudat venales, qui vult extrudere, merces.
 Res urget me nulla: meo sum pauper in aere.
 Nemo hoc mangonum faceret tibi; non temere a me

primo statim libro addiderit quis rectam causam possit invenire? Conquestus igitur erat Florus, quod ab Horatio neque epistolam ullam neque carmina diu iam desiderata accepisset. Cui quidem excusaturus se poeta ita hac epistola animum aperit, ut nulla alia quidquid de suis rebus, de vitae suae rationibus, de poetica facultate, de philosophia sentiret liberius aut plenius videatur exprompsisse. Ac primum quidem quod nihil ad Florum scripserit litterarum lepido mangonis exemplo (v. 22), quod nihil miserit carminum proposita de Luculliano milite narratione excusat (v. 40); dein addit quasi quandam tabulam vitae suae ac poeticorum studiorum, ostenditque quibus causis olim ut poesin amplecteretur perductus sit quibusque nunc ut eam relinqueret permotum se sentiat. Excusat enim suam aetatem, fastidia lectorum, quorum alius alia exspectet ac probet, turbulentam vitam inter strepitum molestaque negotia Romana (v. 86), taedium, quod misera et insulsa versificatorum quibus tum Roma abundabat mutua landatio et adulatio debeat excitare (v. 109), ingentes difficultates, quae superandae sint homini tolerabilia nedum perfecta et absoluta carmina emittere cupienti, ut beatiùs prope habendum sit illud genus poetarum, quod mentis acie captum neque sua pervideat vitia et sibi placeat (v. 140); studium denique sapientiae, cui quidquid sibi vitae relictum sit tradere iam constituerit. Sic exit epistola in aurea quaedam praecepta recte vivendi, saepius iam in epistolis proposita sed ingeniose descripta et semper vera.

V. 1. De primi versus negligentiore forma cf. ad Epist. I, 9, 4. De Tiberio iuvene vide ad eandem epistolam. — *Tibure*] Noli quaerere cur Tibure vel Gabiis natum puerum maluerit proponere quam alium; est enim puer peregrinus et incognitus; sed poetis certa imagine opus est. Ceterum admirare artem Horatii in describendis ac tuendis mangonum et mercatorum merces suas laudantium moribus conspicuam. cf. Cic. de off. III, 17, 71. — *candidus*] non ad animum referendum sed ad corpus. — *milibus octo*] 763 flor. Rhen. — *litterulis*] Cautus est mango in laudanda pueri cognitione litterarum graecarum; inde deminutiva forma et voc. *imbutus*. „Quidam imitabitur legunt, quod est a puero alienum; melius ergo legimus *imitaberis*, ut est in veteribus exemplaribus, ut sententia sit: puer talis est ingenii, ut flectas eum quo velis tanquam argillam udam.“ *Comm. Cruq.* — *levant*] „minuunt, leviores faciunt“ *Idem*. — *meo in aere*] ut nulli quidquam debeam — *non temere*] vide ad Sat. II, 2, 116. Epist. II, 1, 120. — *ferret idem*]

- Quivis ferret idem. Semel hic cessavit et, ut fit,
 15 In scalis latuit metuens pendentis habenae:
 Des nummos, excepta nihil te si fuga laedat;
 Ille ferat pretium poenae securus opinor.
 Prudens emisti vitiosum, dicta tibi est lex:
 Insequeris tamen hunc et lite moraris iniqua?
 20 Dixi me pigrum proficiscenti tibi, dixi
 Talibus officiis prope mancum, ne mea saevus
 Iurgares ad te quod epistola nulla rediret.
 Quid tum profeci, mecum facientia iura
 Si tamen attentas? Quereris super hoc etiam, quod
 25 Expectata tibi non mittam carmina mendax.
 Luculli miles collecta viatica multis
 Aerumnis, lassus dum noctu stertit, ad assem
 Perdiderat; post hoc vehemens lupus et sibi et hosti
 Iratus pariter, iciunis dentibus acer,
 30 Praesidium regale loco deiecit, ut aiunt,
 Summe munito et multarum divite rerum.
 Clarus ob id factum donis ornatur honestis,
 Accipit et bis dena super sestertia nummum.
 Forte sub hoc tempus castellum evertere praetor
 35 Nescio quod cupiens hortari coepit eundem
 Verbis, quae timido quoque possent addere mentem:
 I, bone, quo virtus tua te vocat, i pede fausto,

sc. ut tam vili pretio tam egregium puerum venderem; ex vulgari mercatorum more. — *cessavit*] cf. Sat. II, 7, 100. — *in scalis latuit*] ut primae heri iracundiae se subtraheret. De scalis, solita latebra cf. Cic. Mil. 15. — *habenae*] „habena s. scutica flagellabantur servi, et media domo a gradibus ad timorem illis incutiendum habenae pendeabant.“ *Comm. Cruq.* — *des*] Est ἀπόδοσις vv. 2. 3. Horatii sunt, non mangonis. — *excepta*] Sat. II, 3, 286. — *lex*] condicio, formula venditi pueri, ut ipse possis iudicare qualem emeris. — *insequeris*] vide ad Sat. II, 3, 285. — *rediret*] Sic optimi codices, alii *veniret*. Sed agitur de responso frustra expectato.

V. 26. *Luculli miles*] Porphyrio militem nominat *Valerianum Servilianum*, quod nomen Luculli certe aetate Romanum non fuit. Corruptum igitur videtur. — *aerumnis*] Cic. Tusc. IV, 8, 18. — *ad assem*] i. e. ad ultimum assem, tota (bis auf den Pfennig). — *loco deiecit*] loco munito depulit. Cic. Philipp. VIII, 6: „deieci praesidium.“ Liv. IV, 53: „deiectis qui in praesidio erant.“ — *divite*] De genitivo cf. Carm. IV, 8, 5. — *bone*] vide ad Sat. II, 2, 1. — *laturus*] vide ad

- Grandia laturus meritorum praemia. Quid stās?
 Post haec ille catus quantumvis rusticus: Ibit,
 40 Ibit eo quo vis qui zonam perdidit, inquit.
 Romae nutriri mihi contigit atque doceri,
 Iratus Graiis quantum nocuisset Achilles.
 Adiecere bonae paulo plus artis Athenae,
 Scilicet ut possem curvo dignoscere rectum
 45 Atque inter silvas Academi quaerere verum.
 Dura sed emovere loco me tempora grato,
 Civilisque rudem belli tulit aestus in arma
 Caesaris Augusti non responsura lacertis.
 Unde simul primum me dimisere Philippi,
 50 Decisis humilem pennis inopemque paterni
 Et laris et fundi paupertas impulit audax,
 Ut versus facerem; sed quod non desit habentem
 Quae poterunt unquam satis expurgare cicutae,
 Ni melius dormire putem quam scribere versus?
 55 Singula de nobis anni praedantur euntes:
 Eripuere iocos, venerem, convivia, ludum;
 Tendunt extorquere poëmata: quid faciam vis?
 Denique non omnes eadem mirantur amantque:
 Carmine tu gaudes, hic delectatur iambis,
 60 Ille Bioneis sermonibus et sale nigro.

Carm. IV, 8, 5. — *zonam*] βελάντιον, Geldkatze. Lamprid. Alex. Sev. 52: „Miles non timet nisi vestitus, armatus, calceatus et satur et habens aliquid in *zona*.“ — *Romae*] Idem, inquit, de me quoque iudicandum, nam cet. — *iratus Graiis*] Significantur HomERICA carmina, de quarum in scholis lectione locus est Plinii Epist. II, 14, 2: „Sic in foro pueros a centumviralibus causis auspicari, ut ab Homero in scholis.“ Quintil. I, 8, 5: „Optime institutum est, ut ab Homero atque Virgilio lectio inciperet.“ — *Athenae*] vide supra p. 3. — *tulit aestus*] cf. Carm. II, 7, 15 Ceterum construe *civilis aestus* in arma tulit *rudem belli*, alii minus recte *aestus belli civilis me rudem belli*. cf. Carm. IV, 15, 18. III, 8, 17. — *decisis pennis*] cf. Epist. I, 20, 21. De toto loco vide supra p. 5 sq. — *cicutae*] Plin. H. N. XXV, 12: „Cicutae semini et foliis refrigeratoria vis. Fit ex eo ad refrigerandum stomachum malagma. Folia tumorem omnem doloremque sedant.“ Est autem *expurgare* sanare, h. l. aestum febrilem refrigerare. cf. Sat. II, 3, 27. — *euntes*] vide ad Carm. II, 14, 5. Ceterum compara Epist. I, 1, 4. 7 sqq. I, 7, 25 sqq. — *quid faciam vis*] sc. ut ab annorum rapacitate me defendam. — *carmine*] lyrico. cf. v. 91. — *Iambis*] Epist. I, 19, 23. — *Bioneis*] „lividis iocis i. e. satira. Sunt autem disputationes Bionis philosophi, quibus stultitiam arguit vulgi, cui paene consentiunt carmina Luciliana. Hic

Tres mihi convivae prope dissentire videntur,
 Poscentes vario multum diversa palato.
 Quid dem? quid non dem? renuis tu quod iubet alter;
 Quod petis, id sane est invisum acidumque duobus.

65 Praeter cetera, me Romaene poemata censes
 Scribere posse inter tot curas totque labores?
 Hic sponsum vocat, hic auditum scripta relictis
 Omnibus officiis; cubat hic in colle Quirini,
 Hic extremo in Aventino, visendus uterque:

70 Intervalla vides humane commoda. Verum
 Purae sunt plateae, nihil ut meditantibus obstat.
 Festinat calidus mulis gerulisque redemptor,
 Torquet nunc lapidem nunc ingens machina tignum,
 Tristia robustis luctantur funera plaustris,

75 Hac rabiosa fugit canis, hac lutulenta ruit sus:
 I nunc et versus tecum meditare canoros.
 Scriptorum chorus omnis amat nemus et fugit urbes,
 Rite cliens Bacchi somno gaudentis et umbra:
 Tu me inter strepitus nocturnos atque diurnos

80 Vis canere et contacta sequi vestigia vatum?

autem Bion, qui sophistes cognominatus est, in libro quem edidit mordacissimis salibus ea quae apud poetas sunt ita laceravit, ut ne Homero quidem parceret." *Aero*. Floruit autem Bion Borysthenites, discipulus Theophrasti (cf. Cic. Tusc. III, 26, 62) Olymp. 120, Cyrenaicae, postea Cynicae sectae addictus. — *sale nigro*] Sat. I, 10, 3. II, 4, 74. — *multum diversa*] vide ad Carm. I, 25, 5.

V. 65. *Romaene*] Nonnulli codices et vetustae editiones male *Romae mene*. Sed *Romae* voc. omnem sibi vindicat vim. cf. Sat. II, 6, 33. 60 sqq. Epist. I, 14, 8 sq. 17. — *sponsum*] Sat. II, 6, 23. Epist. I, 16, 43. — *auditum scripta*] Epist. I, 19, 39. infra 105. — *cubat*] vide ad Sat. I, 9, 18. — *humane*] cum quadam εἰρωνείᾳ, ut nos *hübsch*, Graeci ἐπιεικώς. Eodem animo quae insequuntur ipse sibi obicit. — *purae*] vacuae obstaculis. Forum enim Romanum, templum Iovis Feretrii, Palatium, Capitolium, loca inter hos montes (Quirinale et Aventinum) media erant frequentissima. — *meditantibus*] Carm. III, 25, 5. Sat. I, 9, 2. — *redemptor*] vide ad Carm. III, 1, 35. Quo calidior est redemptor, eo magis cavendum est ne a mulis et gerulis quos secum habet offendaris. — *funera*] cf. Sat. I, 6, 43. — *i nunc*] Ep. I, 6, 17. — *canoros*] A. P. 322. Certant versus canori cum rudi plaustrorum, funerum, machinarum strepitu redemptorisque clamore. — *rite cliens*] merito, ut eum decet, cliens. cf. Carm. III, 25, 1. — *contacta*] Magna est in hoc vocabulo codicum variatio, cum in aliis legatur *contacta*, in aliis *contracta*, in paucis *cantata*, *cunctata*, *cinctata*, *cinctuta*. Optimi et antiquissimi lectionem *contacta* sustentare videntur,

- Ingenium, sibi quod vacuas desumpsit Athenas
 Et studiis annos septem dedit insenuitque
 Libris et curis, statua taciturnius exit
 Plerumque et risu populum quatit: hic ego rerum
- 85 Fluctibus in mediis et tempestatibus urbis
 Verba lyrae motura sonum connectere digner?
 Frater erat Romae consulti rhetor, ut alter
 Alterius sermone meros audiret honores,
 Gracchus ut hic illi, foret huic ut Mucius ille.
- 90 Qui minus argutos vexat furor iste poëtas?
 Carmina compono, hic elegos. Mirabile visu
 Caelatumque novem Musis opus! Adspice primum,
 Quanto cum fastu, quanto molimine circum-
 Spectemus vacuum Romanis vatibus aedem;
- 95 Mox etiam, si forte vacas, sequere et procul audi,
 Quid ferat et quare sibi nectat uterque coronam.
 Caedimur et totidem plagis consumimus hostem
 Lento Samnites ad lumina prima duello.

et accedit trium scholiastarum auctoritas. Explicandum puto: *Vis me vestigia vatum contingere et sequi*, non *usque sequi donec contigerim*, Nimirum tum demum poeta vestigia vatum sequi potest, cum meditando et animum sublime quasi agendo et ab hoc strepitu removendo illa contigerit. cf. Cic. Tusc. I, 19, 43. Qui *contracta* praetulerunt, interpretati sunt de arta via, qua ad Musas poetis eundum sit, ut ipsi *vestigia* quasi *contrahere* cogantur, ac nituntur illi quidem in Propertii loco III, 1, 15: „Non datur ad Musas currere lata via.“ — *Ingenium*] Nam ii etiam, inquit, quibus per longum tempus in loco ab omni strepitu vacuo, ut sunt Athenae, litteris et libris operam dare licuit, eo raro perveniunt, ut spem de se motam expleant, contra mira taciturnitate absorpti in publicum produnt et risum excitant populo. — *curis*] meditatione. Cic. Tusc. V, 24, 69.

V. 87. *Frater erat*] Iam transit ad molestas hominum doctorum mutuas laudationes, quae tantum abest ut alliciant, ut deterreant a scribendo eum qui recte scribere malit quam laudem sibi colligere aliorum. Suo autem more subito ad eam rem transit exemplo duorum fratrum proposito Romanis haud dubie satis cognito. — *meros honores*] nihil nisi honores, laudes (Complimente). — *Gracchus*] Noli quaerere, utrum Caium significaverit Gracchum an Tiberium; uterque magnus orator. Non magis est quaerendum, quem Mucium videre debeamus. Mucii enim plures iuris scientia fuisse insignes. — *argutos*] Carin. IV, 6, 25. — *mirabile visu*] Ubi primum convenimus, hac inter nos laude praedicamus superbiue incedimus circumspectamusque aedem Apollinis et quae ibi est bibliothecam, sperantes utique nostros libros nostraque simulacra olim illuc delatum iri. — *circumspectemus*] vide ad Sat. I, 2, 62. — *caedimur*] mutuis laudibus certamus ut gladiatorum (*Samnitium*. Liv. IX, 40, 17) par in epulis divijum hominum. — *ad lumina prima*] us-

- Discedo Alcaeus puncto illius; ille meo quis?
 100 Quis nisi Callimachus? si plus apposcere visus,
 Fit Mimnermus et optivo cognomine crescit.
 Multa fero, ut placem genus irritabile vatum,
 Cum scribo et supplex populi suffragia capto;
 Idem finitis studiis et mente recepta
 105 Obturem patulas impune legentibus aures.
 Ridentur mala qui componunt carmina; verum
 Gaudent scribentes et se venerantur et ultro,
 Si taceas, laudant quidquid scripsere beati.
 At qui legitimum cupiet fecisse poema,
 110 Cum tabulis animum censoris sumet honesti;
 Audebit, quaecunque parum splendoris habebunt
 Et sine pondere erunt et honore indigna ferentur,
 Verba movere loco, quamvis invita recedant
 Et versentur adhuc intra penetralia Vestae;

que ad vesperam, cum prima fax incenditur. — *puncto*] A. P. 343. Cic. Tusc. II, 26, 62. Antequam suffragia tabulis dabantur in comitiis, punctis candidatorum nominibus additis cives cui honorem demandare velent indicare solebant. — *Callimachus*] Alexandriae vixit Ptolemaeo Philadelpho et Evergete regnantibus. Quintil. X, 1, 58: „Tunc et *elegiam* vacabit in manus sumere, cuius princeps habetur Callimachus.“ Inde Propertius se Romanum Callimachum appellavit IV, 1, 64. Praeterea hymnos, epigrammata, epica carmina composuit. De Mimnermo vide ad Epist. I, 6, 65. Audacissima sane est opinio nonnullorum interpretum, vellicari hoc ioco ipsum Propertium, quem sane mirum est neque commemorare Horatium usquam neque ab Horatio commemorari. — *cum scribo*] quamdiu ipse carmina compono. — *impune legentibus*] Sic coniunge; nulla enim ab Horatio iis instat poena, cum nihil iam ipse recitaturus sit. Iocose hoc dictum, quoniam ipse nunquam iis recitationibus interfuit. cf. Epist. I, 19, 39. — *ultro*] vide ad Sat. II, 1, 39.

V. 109. *At qui*] „Stultis illis laudibus opponuntur severa artis praecepta, quibus satisfacere debet poeta, ut opus suum *legitimum* saltem vocare audeat, nondum pulchrum, nondum admirabile. Consulto enim tacet de ingenio, de inventione, de iusta partium compositione, de arte affectus movendi, unice praecepta dans de luminibus sermonis ac de toto genere dicendi. Nimirum de maioribus illis veri poetae virtutibus cum versificatorum turba agere supervacaneum putat.“ *Orellius*. — *censoris*] Scriptorem dicit eodem animo, eadem severitate tabulas suas cereas sumere debere, qua honestus, probus censor tabulas censorias. Totus autem locus ad censoris munus accommodatus est; inde v. *splendoris*, qui est equitum Romanorum (*splendidi equites*), quibus indignis censor equum adinebat; inde *verba movere loco*, nam censor senatorem senatu, civem tribu movere potuit; inde *invita recedant*, *obscurata eruet*. — *audebit*] vide ad Epist. I, 2, 40. — *penetralia Vestae*] „nulli nota nisi sibi, sicut nulli videre licuit penetralia Vestae nisi sacerdoti.“

- 115 Obscurata diu populo bonus eruet atque
 Proferet in lucem speciosa vocabula rerum,
 Quae priscis memorata Catonibus atque Cethegis
 Nunc situs informis premit et deserta vetustas;
 Adsciscet nova, quae genitor produxerit usus.
- 120 Vehemens et liquidus puroque simillimus amni
 Fundet opes Latiumque beabit divite lingua;
 Luxuriantia compescet, nimis aspera sano
 Levabit cultu, virtute carentia tollet,
 Ludentis speciem dabit et torquebitur, ut qui
- 125 Nunc Satyrum, nunc agrestem Cyclopa movetur.
 Praetulerim scriptor delirus inersque videri,
 Dum mea delectent mala me vel denique fallant,
 Quam sapere et ringi. Fuit haud ignobilis Argis
 Qui se credebatur miros audire tragoedos
- 130 In vacuo laetus sessor plausorque theatro;
 Cetera qui vitae servaret munia recto
 More, bonus sane vicinus, amabilis hospes,
 Comis in uxorem, posset qui ignoscere servis
 Et signo laeso non insanire lagenae,
- 135 Posset qui rupem et puteum vitare patentem.
 Hic ubi cognatorum opibus curisque refectus
 Expulit helleboro morbum bilemque meraco
 Et redit ad sese: Pol me occidistis, amici,
 Non servastis, ait, cui sic extorta voluptas

Comm. Cruq. — *priscis*] vide ad Sat. II, 1, 34. cf. A. P. 50. 56. — *usus*] A. P. 71 sq. — *vehemens*] per synizesin in spondeum coalescit. Imago a flumine petita, cf. Carm. IV, 2, 5. Quod vehemens est flumen, solet esse lutulentum, non liquidum; quod ne fiat in oratione cavendum est. — *luxuriantia*] proprie de arboribus et vitibus. cf. A. P. 447 sq. — *levabit*] expoliet. — *tollet*] Intelliges sententiam ex Ciceronis loco Tusc. V, 13, 37 et videbis in eadem metaphora constitisse Horatium. — *ludentis*] Facilitati ita consulet, ut, quantumvis summos labores in scribendo consumpserit, ludere tamen videatur. — *Cyclopa*] vide ad Sat. I, 5, 63 — *ringi*] proprie de canibus rictum diducuntibus et dentes ostendentibus. Est igitur „stomachari, cum norim quidem artis praecepta, satisfacere tamen iis non possum“ — *haud ignobilis*] „Hic Lycas dictus est.“ *Comm. Cruq.* — *signo laeso*] cf. Martialis IX, 88, 7: „Nunc signat meus anulus lagenas.“ — *rupem*] cf. Sat. II, 3, 59. A. P. 457 sqq. — *helleboro*] Sat. II, 3, 82. — *bilemque*] De part. *que* vide ad Carm. I, 15, 34. — *meraco*] puro. Pers. IV, 16: „Anticyras melior sorbere moracas.“

- 140 Et demptus per vim mentis gratissimus error.
 Nimirum sapere est abiectis utile nugis
 Et tempestivum pueris concedere ludum,
 Ac non verba sequi fidibus modulanda Latinis,
 Sed verae numerosque modosque ediscere vitae.
- 145 Quocirca mecum loquor haec tacitusque recordor:
 Si tibi nulla sitim finiret copia lymphae,
 Narrares medicis: quod quanto plura parasti,
 Tanto plura cupis, nulline faterier audes?
 Si vulnus tibi monstrata radice vel herba
- 150 Non fieret levius, fugeres radice vel herba
 Proficiente nihil curavier. Audieras, cui
 Rem di donarent, illi decedere pravam
 Stultitiam; et cum sis nihilo sapientior, ex quo
 Plenior es, tamen uteris monitoribus isdem?
- 155 At si divitiae prudentem reddere possent,
 Si cupidum timidumque minus te, nempe ruberes,
 Viveret in terris te si quis avarior uno.
 Si proprium est quod quis libra mercatur et aere,
 Quaedam, si credis consultis, mancipat usus;
- 160 Qui te pascit ager, tuus est, et vilicus Orbi,
 Cum segetes occat tibi mox frumenta daturas,

V. 140. *sapere*] ad sapientiae praecepta vitam componere. Epist. I, 2, 40. — *nugis*] ludicris. Epist. I, 1, 10. — *tempestivum*] Dativum *pueris* refer et ad *temp.* et ad *concedere*. cf. Cic. Tusc. I, 45, 109. Ovid. Met. V, 500. — *ac non*] „Ubi alicui notioni alia quae negatur definitionis causa adiungenda ideoque in aequo ponenda est, eam Latini non per *nec* sed per *ac non* tum nectunt, cum inter utramque intercedit oppositio recta, in qua etiam copulam omittere licet.“ *Hand. Turs.* T. I. p. 473. cf. Sat. II, 3, 135. Epist. I, 10, 46. — *recordor*] prima significatione; in mente agitare, reputare. — *lymphae*] cf. Carm. II, 2, 13 sqq. — *fugeres curavier*] vide ad Carm. I, 1, 8. — *donarent*] In paucis codd. ex mendo *donarunt* vel *donarant*; inde Bentleius fecit *donarint* cumque multi sunt secuti. Non bene; obstat *audieras*. cf. Virg. Aen. I, 20. — *plenior*] Carm. II, 12, 24. IV, 12, 24. — *cupidum timidumque*] Epist. I, 2, 51. Carm. II, 16, 15 sq. — *mancipat*] „mancipio accipit, nec solum per mancipationem sed etiam per usucapionem proprietas acquiritur.“ *Comm. Cruq.* — *vilicus Orbi*] Orbius ignotus latifundiorum possessor. De re *Comm. Cruq.*: „ager qui te pascit, quamvis alterius sit proprietas, tamen tuus est quia eo uteris et fructus percipis.“ Nam accepto a te pretio vilicus tibi fruges vendit; tu igitur vere dominus es, ille videtur esse, eo insuper discrimine ut tu, hodie cum uvas, cras pullos, deinde frumenta et vina emas, paulatim merceris totum agrum quem possessor trecentis milibus simul solutis sibi

- Te dominum sentit. Das nummos, accipis uvam,
 Pullos, ova, cadum temeti: nempe modo isto
 Paulatim mercaris agrum, fortasse trecentis
 165 Aut etiam supra nummorum milibus emptum.
 Quid refert vivas numerato nuper an olim?
 Emptor Aricini quondam Veientis et arvi
 Emptum coenat olus, quamvis aliter putat; emptis
 Sub noctem gelidam lignis calefactat aënum;
 170 Sed vocat usque suum, qua populus assita certis
 Limitibus vicina refugit iurgia: tanquam
 Sit proprium quidquam, puncto quod mobilis horae
 Nunc prece nunc pretio nunc vi nunc morte suprema
 Permutet dominos et cedat in altera iura.
 175 Sic quia perpetuus nulli datur usus et heres
 Heredem alterius velut unda supervenit undam,
 Quid vici prosunt aut horrea? quidve Calabris
 Saltibus adiecti Lucani, si metit Orcus
 Grandia cum parvis, non exorabilis auro?
 180 Gemmas, marmor, ebur, Tyrrhena sigilla, tabellas,
 Argentum, vestes Gaetulo murice tinctas
 Sunt qui non habeant, est qui non curet habere.
 Cur alter fratrum cessare et ludere et ungi
 Praeferat Herodis palmetis pinguibus, alter
 185 Dives et importunus ad umbram lucis ab ortu

emit. — *emptor*] Coniunge *emptor quondam*. vide ad Carm. III, 17, 9. Neque, inquit, qui agrum emit et suum dicit, minus emptis rebus vescitur et fruitur quam tu, qui quae quotidie necessaria sunt quotidie coëmere soles. Memorabilis tamen multorum et antiquissimorum codicum lectio *quoniam*, a Cruquio recepta neque omnino spernenda, dummodo commate posito post v. 166 interrogationis signum collocetur in fine versus 169. — *usque, qua*] „usque ad eum locum, ubi populus terminos agri signat.“ *Comm. Cruq* — *populus assita*] *Aegrotius* p. 2274 Putsch: „Assita arbor est cui incolumi aliud quod sustineat adiungitur. Horatius: *qua populus assita surgit*, quippe quae vitibus maritaretur“ — *refugit*] *δοϋλατος*. vide ad Carm. I, 1, 4.

V. 177. *vici*] rustici, i. e. villae. Cic. ad Att. I, 3: „Quod si assequor, Crassum divitiis supero atque omnium vicos et prata contemno.“ — *Calabris*] cf. Epod. 1, 27. — *metit*] Carm. IV, 14, 31. — *Tyrrhena sigilla*] signa Tuscanica aerea, parva deorum simulacra, ob antiquitatem ut videtur quaesita. — *Gaetulo*] Afro. cf. Carm. II, 16, 35. — *sunt qui*] vide ad Carm. I, 1, 3. — *cessare*] otari et incunde vivere. Epist. I, 7, 57. — *Herodis*] Magni, mortui a. u. 750; cui magna pecunia rediit ex palmetis ad Hiericuntem („palmis consitam, fontibus irriguam.“ Plin.

- Silvestrem flammis et ferro mitiget agrum,
 Scit Genius, natale comes qui temperat astrum,
 Naturae deus humanae, mortalis in unum-
 Quodque caput, vultu mutabilis, albus et ater.
- 190 Utar et ex modico quantum res poscet acervo
 Tollam, nec metuum quid de me iudicet heres,
 Quod non plura datis invenerit; et tamen idem
 Scire volam, quantum simplex hilarisque nepoti
 Discrepet et quantum discordet parcus avaro.
- 195 Distat enim, spargas tua prodigus an neque sumptum
 Invitus facias neque plura parare labores,
 Ac potius, puer ut festis Quinquatribus olim,
 Exiguo gratoque fruaris tempore raptim.
 Pauperies immunda domus procul absit: ego, utrum
- 200 Nave ferar magna an parva, ferar unus et idem.
 Non agimur tumidis velis Aquilone secundo:
 Non tamen adversis aetatem ducimus Austris;
 Viribus, ingenio, specie, virtute, loco, re
 Extremi primorum, extremis usque priores.
- 205 Non es avarus: abi. Quid? cetera iam simul isto

II. N V, 14). — *Genius*] vide ad Epist. II, 1, 144. Dicit igitur Horatius eam ingeniorum diversitatem positam esse in naturae humanae quodam arcano, quod intellectum hominum fugiat. — *natale astrum*] vide ad Carm. II, 17, 17. — *ex modico*] cf. Carm. I, 31, 17. III, 16, 37. III, 29, 55. Sat. II, 6, 1. cf. etiam Sat. I, 1, 51. — *dati*] relictis a me. — *scire volam*] tamen, inquit, cavebo ne in contrarium vitium incidam. — *plura parare*] vide ad Sat. I, 1, 92. — *Quinquatribus*] Quinquatrus dies erant festi in honorem Minervae a. d. XIV. Kal. April; quos pueri etiam otiosi ludis et iocis dicabant. — *pauperies immunda domus*] Sic plerique codices; alii habent *procul domus*, alii *domus procul*, *domo procul*, *procul procul*, aliquot etiam *immunda procul* manco versu. In qua varietate codicum complures critici satis probabiliter suspicati sunt, excidisse in vetustissimis codicibus Horatianum vocabulum lacunaeque varie expletam esse a grammaticis. Nam *immunda pauperies* satis definita est, (cf. Carm. III, 16, 37. III, 29, 57 sq.) ut languidus videatur si accedat genitivus *domus*; neque quidquam ponderis addit ablativus *domo procul*, quoniam misso eo nihil plane desideratur. Gesner modo scribendum ratus immemor fuit Horatianae consuetudinis, qua modo duas efficere solet syllabas breves. cf. Sat. I, 1, 16. 17. I, 2, 16. 74. I, 3, 7. 12 etc. Simile exemplum corruptionis est Carm. IV, 6, 17. — *tumidis velis*] Carm. II, 10, 23. cf. Epist. I, 1, 92 sq. Ex particula *tamen* vides qua ratione haec vivide prolata sententia coniungenda sit cum insequenti apodosis. — *aetatem ducimus*] cf. Epod. 17, 63. — *Non es avarus*] Praecipit sapientem non esse eum qui liber sit ab avaritia et augendorum bonorum cupiditate, sed veram sapientiam

Tibure vel Gabiis et tecum sic agat: Hic et
Candidus et talos a vertice pulcher ad imos

5 Fiet eritque tuus nummorum milibus octo,
Verna ministeriis ad nutus aptus heriles,
Litterulis Graecis imbutus, idoneus arti.

Cuilibet; argilla quidvis imitaberis uda;
Quin etiam canet indoctum sed dulce bibenti.

10 Multa fidem promissa levant, ubi plenius aequo
Laudat venales, qui vult extrudere, merces.

Res urget me nulla: meo sum pauper in aere.

Nemo hoc mangonum faceret tibi; non temere a me

primo statim libro addiderit quis rectam causam possit invenire? Conquestus igitur erat Florus, quod ab Horatio neque epistolam ullam neque carmina diu iam desiderata accepisset. Cui quidem excusaturus se poeta ita hac epistola animum aperit, ut nulla alia quidquid de suis rebus, de vitae suae rationibus, de poetica facultate, de philosophia sentiret liberius aut plenius videatur exprompsisse. Ac primum quidem quod nihil ad Florum scripserit litterarum lepido mangonis exemplo (v. 22), quod nihil miserit carminum proposita de Luculliano milite narratione excusat (v. 40); dein addit quasi quandam tabulam vitae suae ac poeticorum studiorum, ostenditque quibus causis olim ut poesin amplecteretur perductus sit quibusque nunc ut eam relinqueret permotum se sentiat. Excusat enim suam aetatem, fastidia lectorum, quorum alius alia expectet ac probet, turbulentam vitam inter strepitum molestaque negotia Romana (v. 86), taedium, quod misera et insulsa versificationum quibus tum Roma abundabat mutua laudatio et adulatio debeat excitare (v. 109), ingentes difficultates, quae superandae sint homini tolerabilia nedum perfecta et absoluta carmina emittere cupienti, ut beatius prope habendum sit illud genus poetarum, quod mentis acie captum neque sua pervideat vitia et sibi placeat (v. 140); studium denique sapientiae, cui quidquid sibi vitae relictum sit tradere iam constituerit. Sic exit epistola in aurea quaedam praecepta recte vivendi, saepius iam in epistolis proposita sed ingeniose descripta et semper vera.

V. 1. De primi versus negligentiore forma cf. ad Epist. I, 9, 4. De Tiberio iuvene vide ad eandem epistolam. — *Tibure*] Noli quaerere cur Tibure vel Gabiis natum puerum maluerit proponere quam alium; est enim puer peregrinus et incognitus; sed poetis certa imagine opus est. Ceterum admirare artem Horatii in describendis ac tuendis mangonum et mercatorum merces suas laudantium moribus conspicuam. cf. Cic. de off. III, 17, 71. — *candidus*] non ad animum referendum sed ad corpus. — *milibus octo*] 763 flor. Rhen. — *litterulis*] Cautus est mango in laudanda pueri cognitione litterarum graecarum; inde deminutiva forma et voc. *imbutus*. — *imitaberis*] „Quidam imitabitur legunt, quod est a puero alienum; melius ergo legimus *imitaberis*, ut est in veteribus exemplaribus, ut sententia sit: puer talis est ingenii, ut flectas eum quo velis tanquam argillam udam.“ *Comm. Cruq.* — *levant*] „minuunt, leviores faciunt“ *Idem*. — *meo in aere*] ut nulli quidquam debeam. — *non temere*] vide ad Sat. II, 2, 116. Epist. II, 1, 120. — *ferret idem*]

- Quivis ferret idem. Semel hic cessavit et, ut fit,
 15 In scalis latuit metuens pendentis habenae:
 Des nummos, excepta nihil te si fuga laedat;
 Ille ferat pretium poenae securus opinor.
 Prudens emisti vitiosum, dicta tibi est lex:
 Insequeris tamen hunc et lite moraris iniqua?
 20 Dixi me pigrum proficiscenti tibi, dixi
 Talibus officiis prope mancum, ne mea saevus
 Iurgares ad te quod epistola nulla rediret.
 Quid tum profeci, mecum facientia iura
 Si tamen attentas? Quereris super hoc etiam, quod
 25 Expectata tibi non mittam carmina mendax.
 Luculli miles collecta viatica multis
 Aerumnis, lassus dum noctu stertit, ad assem
 Perdiderat; post hoc vehemens lupo et sibi et hosti
 Iratus pariter, iciunis dentibus acer,
 30 Praesidium regale loco deiecit, ut aiunt,
 Summe munito et multarum divite rerum.
 Clarus ob id factum donis ornatur honestis,
 Accipit et bis dena super sestertia nummum,
 Forte sub hoc tempus castellum evertere praetor
 35 Nescio quod cupiens hortari coepit eundem
 Verbis, quae timido quoque possent addere mentem:
 I, bone, quo virtus tua te vocat, i pede fausto,

sc. ut tam vili pretio tam egregium puerum venderem; ex vulgari mercatorum more. — *cessavit*] cf. Sat. II, 7, 100. — *in scalis latuit*] ut primae heri iracundiae se subtraheret. De scalis, solita latebra cf. Cic. Mil. 15. — *habenae*] „habena s. scutica flagellabantur servi, et media domo a gradibus ad timorem illis incutiendum habenae pendeabant.“ *Comm. Cruq.* — *des*] Est ἀπόδοσις vv. 2. 3. Horatii sunt, non mangonis. — *excepta*] Sat. II, 3, 286. — *lex*] condicio, formula venditi pueri, ut ipse possis iudicare qualem emeris. — *insequeris*] vide ad Sat. II, 3, 285. — *rediret*] Sic optimi codices, alii *veniret*. Sed agitur de responso frustra expectato.

V. 26. *Luculli miles*] Porphyrio militem nominat *Valerianum Servilianum*, quod nomen Luculli certe aetate Romanum non fuit. Corruptum igitur videtur. — *aerumnis*] Cic. Tusc. IV, 8, 18. — *ad assem*] i. e. ad ultimum assem, tota (bis auf den Pfennig). — *loco deiecit*] loco munito depulit. Cic. Philipp. VIII, 6: „deieci praesidium.“ Liv. IV, 53: „deiectis qui in praesidio erant.“ — *divite*] De genitivo cf. Carm. IV, 8, 5. — *bone*] vide ad Sat. II, 2, 1. — *laturus*] vide ad

- Grandia laturus meritorum praemia. Quid stās?
 Post haec ille catus quantumvis rusticus: Ibit,
 40 Ibit eo quo vis qui zonam perdidit, inquit.
 Romae nutriri mihi contigit atque doceri,
 Iratus Graiis quantum nocuisset Achilles.
 Adiecere bonae paulo plus artis Athenae,
 Scilicet ut possem curvo dignoscere rectum
 45 Atque inter silvas Academi quaerere verum.
 Dura sed emovere loco me tempora grato,
 Civilisque rudem belli tulit aestus in arma
 Caesaris Augusti non responsura lacertis.
 Unde simul primum me dimisere Philippi,
 50 Decisis humilem pennis inopemque paterni
 Et laris et fundi paupertas impulit audax,
 Ut versus facerem; sed quod non desit habentem
 Quae poterunt unquam satis expurgare cicutae,
 Ni melius dormire putem quam scribere versus?
 55 Singula de nobis anni praedantur euntes:
 Eripuere iocos, venerem, convivium, ludum;
 Tendunt extorquere poemata: quid faciam vis?
 Denique non omnes eadem mirantur amantque:
 Carmine tu gaudes, hic delectatur iambis,
 60 Ille Bionis sermonibus et sale nigro.

Carm. IV, 8, 5. — *zonam*] *βαλάντιον*, Geldkatze. Lamprid. Alex. Sev. 52: „Miles non timet nisi vestitus, armatus, calceatus et satur et habens aliquid in *zona*.“ — *Romae*] Idem, inquit, de me quoque iudicandum, nam cet. — *iratus Graiis*] Significantur Homerica carmina, de quarum in scholis lectione locus est Plinii Epist. II, 14, 2: „Sic in foro pueros a centumviralibus causis auspicari, ut ab Homero in scholis.“ Quintil. I, 8, 5: „Optime institutum est, ut ab Homero atque Virgilio lectio inciperet.“ — *Athenae*] vide supra p. 3. — *tulit aestus*] cf. Carm. II, 7, 15 Ceterum construe *civilis aestus* in arma tulit *rudem belli*, alii minus recte *aestus belli civilis me rudem belli*. cf. Carm. IV, 15, 18. III, 8, 17. — *decisis pennis*] cf. Epist. I, 20, 21. De toto loco vide supra p. 5 sq. — *cicutae*] Plin. H. N. XXV, 12: „Cicutae semini et foliis refrigeratoria vis. Fit ex eo ad refrigerandum stomachum malagma. Folia tumorem omnem doloremque sedant.“ Est autem *expurgare* sanare, h. l. aestum febrilem refrigerare. cf. Sat II, 3, 27. — *euntes*] vide ad Carm. II, 14, 5. Ceterum compara Epist. I, 1, 4. 7 sqq. I, 7, 25 sqq. — *quid faciam vis*] sc. ut ab annorum rapacitate me defendam. — *carmine*] lyrico. cf. v. 91. — *iambis*] Epist. I, 19, 23. — *Bionis*] „livi-
dis iocis i. e. satira. Sunt autem disputationes Bionis philosophi, quibus stultitiam arguit vulgi, cui paene consentiunt carmina Luciliana. Hic

Tres mihi convivae prope dissentire videntur,
 Poscentes vario multum diversa palato.
 Quid dem? quid non dem? renuis tu quod iubet alter;
 Quod petis, id sane est invisum acidumque duobus.

65 Praeter cetera, me Romaene poemata censes
 Scribere posse inter tot curas totque labores?
 Hic sponsum vocat, hic auditum scripta relictis
 Omnibus officiis; cubat hic in colle Quirini,
 Hic extremo in Aventino, visendus uterque:

70 Intervalla vides humane commoda. Verum
 Purae sunt plateae, nihil ut meditantibus obstat.
 Festinat calidus mulis gerulisque redemptor,
 Torquet nunc lapidem nunc ingens machina tignum,
 Tristia robustis luctantur funera plaustris,

75 Hac rabiosa fugit canis, hac lutulenta ruit sus:
 I nunc et versus tecum meditare canoros.
 Scriptorum chorus omnis amat nemus et fugit urbes,
 Rite cliens Bacchi somno gaudentis et umbra:
 Tu me inter strepitus nocturnos atque diurnos

80 Vis canere et contacta sequi vestigia vatum?

autem Bion, qui sophistes cognominatus est, in libro quem edidit mordacissimis salibus ea quae apud poetas sunt ita laceravit, ut ne Homero quidem parceret. Acro. Floruit autem Bion Borysthenites, discipulus Theophrasti (cf. Cic. Tusc. III, 26, 62) Olymp. 120, Cyrenaicae, postea Cynicae sectae addictus. — *sale nigro*] Sat. I, 10, 3. II, 4, 74. — *multum diversa*] vide ad Carm. I, 25, 5.

V. 65. *Romaene*] Nonnulli codices et vetustae editiones male *Romae mene*. Sed *Romae* voc. omnem sibi vindicat vim. cf. Sat. II, 6, 33. 60 sqq. Epist. I, 14, 8 sq. 17. — *sponsum*] Sat. II, 6, 23. Epist. I, 16, 43. — *auditum scripta*] Epist. I, 19, 39. infra 105. — *cubat*] vide ad Sat. I, 9, 18. — *humane*] cum quadam *εὐφροσύνῃ*, ut nos *hübsch*, Graeci *ἐπιεικώς*. Eodem animo quae insequuntur ipse sibi obicit. — *purae*] vacuae obstaculis. Forum enim Romanum, templum Iovis Feretrii, Palatium, Capitolium, loca inter hos montes (Quirinale et Aventinum) media erant frequentissima. — *meditantibus*] Carm. III, 25, 5. Sat. I, 9, 2. — *redemptor*] vide ad Carm. III, 1, 35. Quo calidior est redemptor, eo magis cavendum est ne a mulis et gerulis quos secum habet offendaris. — *funera*] cf. Sat. I, 6, 43. — *i nunc*] Ep. I, 6, 17. — *canoros*] A. P. 322. Certant versus canori cum rudi plaustrorum, funerum, machinarum strepitu redemptorisque clamore. — *rite cliens*] merito, ut eum decet, cliens. cf. Carm. III, 25, 1. — *contacta*] Magna est in hoc vocabulo codicum variatio, cum in aliis legatur *contacta*, in aliis *contracta*, in paucis *cantata*, *cunctata*, *cinctata*. Optimi et antiquissimi lectionem *contacta* sustentare videntur,

- Ingenium, sibi quod vacuas desumpsit Athenas
 Et studiis annos septem dedit insenuitque
 Libris et curis, statua taciturnius exit
 Plerumque et risu populum quatit: hic ego rerum
- 85 Fluctibus in mediis et tempestatibus urbis
 Verba lyrae motura sonum connectere digner?
 Frater erat Romae consulti rhetor, ut alter
 Alterius sermone meros audiret honores,
 Gracchus ut hic illi, foret huic ut Mucius ille.
- 90 Qui minus argutos vexat furor iste poetas?
 Carmina compono, hic elegos. Mirabile visu
 Caelatumque novem Musis opus! Adspice primum,
 Quanto cum fastu, quanto molimine circum-
 Spectemus vacuum Romanis vatibus aedem;
- 95 Mox etiam, si forte vacas, sequere et procul audi,
 Quid ferat et quare sibi nectat uterque coronam.
 Caedimur et totidem plagis consumimus hostem
 Lento Samnites ad lumina prima duello.

et accedit trium scholiastarum auctoritas. Explicandum puto: *Vis me vestigia vatum contingere et sequi*, non *usque sequi donec contigerim*, Nimirum tum demum poeta vestigia vatum sequi potest, cum meditando et animum sublimi quasi agendo et ab hoc strepitu removendo illa contigerit. cf. Cic. Tusc. I, 19, 43. Qui *contracta* praetulerunt, interpretati sunt de arta via, qua ad Musas poetis eundem sit, ut ipsi *vestigia* quasi *contrahere* cogantur, ac nituntur illi quidem in Propertii loco III, 1, 15: „Non datur ad Musas currere lata via.“ — *Ingenium*] Nam ii etiam, inquit, quibus per longum tempus in loco ab omni strepitu vacuo, ut sunt Athenae, litteris et libris operam dare licuit, eo raro perveniunt, ut spem de se motam expleant, contra mira taciturnitate absorpti in publicum produnt et risum excitant populo. — *curis*] meditatione. Cic. Tusc. V, 24, 69.

V. 87. *Frater erat*] Iam transit ad molestas hominum doctorum mutuas laudationes, quae tantum abest ut alliciant, ut deterreant a scribendo eum qui recte scribere malit quam laudem sibi colligere aliorum. Suo autem more subito ad eam rem transit exemplo duorum fratrum proposito Romanis haud dubie satis cognito. — *meros honores*] nihil nisi honores, laudes (Complimente). — *Gracchus*] Noli quaerere, utrum Caium significaverit Gracchum an Tiberium; uterque magnus orator. Non magis est quaerendum, quem Mucium videre debeamus. Mucii enim plures iuris scientia fuere insignes. — *argutos*] Carin. IV, 6, 25. — *mirabile visu*] Ubi primum convenimus, hac inter nos laude praedicamus superbiq; incedimus circumspectamusque aedem Apollinis et quae ibi est bibliothecam, sperantes utique nostros libros nostraque simulacra olim illuc delatum iri. — *circumspectemus*] vide ad Sat. I, 2, 62. — *caedimur*] mutuis laudibus certamus ut gladiatorum (*Samnitium*. Liv. IX, 40, 17) par in epulis divijum hominum. — *ad lumina prima*] us-

- Discedo Alcaeus puncto illius; ille meo quis?
 100 Quis nisi Callimachus? si plus apposcere visus,
 Fit Mimnermus et optivo cognomine crescit.
 Multa fero, ut placem genus irritabile vatum,
 Cum scribo et supplex populi suffragia capto;
 Idem finitis studiis et mente recepta
 105 Obturem patulas impune legentibus aures.
 Ridentur mala qui componunt carmina; verum
 Gaudent scribentes et se venerantur et ultro,
 Si taceas, laudant quidquid scripsere beati.
 At qui legitimum cupiet fecisse poema,
 110 Cum tabulis animum censoris sumet honesti;
 Audebit, quaecunque parum splendoris habebunt
 Et sine pondere erunt et honore indigna ferentur,
 Verba movere loco, quamvis invita recedant
 Et versentur adhuc intra penetralia Vestae;

que ad vesperam, cum prima fax incenditur. — *puncto*] A. P. 343. Cic. Tusc. II, 26, 62. Antequam suffragia tabulis dabantur in comitiis, punctis candidatorum nominibus additis cives cui honorem demandare vel lent indicare solebant. — *Callimachus*] Alexandriae vixit Ptolemaeo Philadelpho et Euergete regnantibus. Quintil. X, 1, 58: „Tunc et *elegiam* vacabit in manus sumere, cuius princeps habetur Callimachus.“ Inde Propertius se Romanum Callimachum appellavit IV, 1, 64. Praeterea hymnos, epigrammata, epica carmina composuit. De Mimnerno vide ad Epist. I, 6, 65. Audacissima sane est opinio nonnullorum interpretum, vellicari hoc ioco ipsum Propertium, quem sane mirum est neque commemorare Horatium usquam neque ab Horatio commemorari. — *cum scribo*] quamdiu ipse carmina compono. — *impune legentibus*] Sic coniunge; nulla enim ab Horatio iis instat poena, cum nihil iam ipse recitaturus sit. Iocose hoc dictum, quoniam ipse nunquam iis recitationibus interfuit. cf. Epist. I, 19, 39. — *ultro*] vide ad Sat. II, 1, 39.

V. 109. *At qui*] „Stultis illis laudibus opponuntur severa artis praecepta, quibus satisfacere debet poeta, ut opus suum *legitimum* saltem vocare audeat, nondum pulchrum, nondum admirabile. Consulto enim tacet de ingenio, de inventione, de iusta partium compositione, de arte affectus movendi, unice praecepta dans de luminibus sermonis ac de toto genere dicendi. Nimirum de maioribus illis veri poetae virtutibus cum versificatorum turba agere supervacaneum putat.“ *Orellius*. — *censoris*] Scriptorem dicit eodem animo, eadem severitate tabulas suas cereas sumere debere, qua honestus, probus censor tabulas censorias. Totus autem locus ad censoris munus accommodatus est; inde v. *splendoris*, qui est equitum Romanorum (*splendidi equites*), quibus indignis censor equum adimebat; inde *verba movere loco*, nam censor senatorem senatu, civem tribu movere potuit; inde *invita recedant*, *obscurata eruet*. — *audebit*] vide ad Epist. I, 2, 40. — *penetralia Vestae*] „nulli nota nisi sibi, sicut nulli videre licuit penetralia Vestae nisi sacerdoti.“

- 115 Obscurata diu populo bonus eruet atque
 Proferet in lucem speciosa vocabula rerum,
 Quae priscis memorata Catonibus atque Cethegis
 Nunc situs informis premit et deserta vetustas;
 Adsciscet nova, quae genitor produxerit usus.
- 120 Vehemens et liquidus puroque simillimus amni
 Fundet opes Latiumque beabit divite lingua;
 Luxuriantia compescet, nimis aspera sano
 Levabit cultu, virtute carentia tollet,
 Ludentis speciem dabit et torquetur, ut qui
- 125 Nunc Satyrum, nunc agrestem Cyclopa movetur.
 Praetulerim scriptor delirus inersque videri,
 Dum mea delectent mala me vel denique fallant,
 Quam sapere et ringi. Fuit haud ignobilis Argis
 Qui se credebat miros audire tragoedos
- 130 In vacuo laetus sessor plausorque theatro;
 Cetera qui vitae servaret munia recto
 More, bonus sane vicinus, amabilis hospes,
 Comis in uxorem, posset qui ignoscere servis
 Et signo laeso non insanire lagenae,
- 135 Posset qui rupem et puteum vitare patentem.
 Hic ubi cognatorum opibus curisque refectus
 Expulit helleboro morbum bilemque meraco
 Et redit ad sese: Pol me occidistis, amici,
 Non servastis, ait, cui sic extorta voluptas

Comm. Cruq. — *priscis*] vide ad Sat. II, 1, 34. cf. A. P. 50. 56. — *usus*] A. P. 71 sq. — *vehemens*] per synizesin in spondeum coalescit. Imago a flumine petita, cf. Carm. IV, 2, 5. Quod vehemens est flumen, solet esse lutulentum, non liquidum; quod ne fiat in oratione cavendum est. — *luxuriantia*] proprie de arboribus et vitibus. cf. A. P. 447 sq. — *levabit*] expuliet. — *tollet*] Intelliges sententiam ex Ciceronis loco Tusc. V, 13, 37 et videbis in eadem metaphora constitisse Horatium. — *ludentis*] Facilitati ita consulet, ut, quantumvis summos labores in scribendo consumperit, ludere tamen videatur. — *Cyclopa*] vide ad Sat. I, 5, 63 — *ringi*] proprie de canibus rictum diducuntibus et dentes ostendentibus. Est igitur „stomachari, cum norim quidem artis praecepta, satisfacere tamen iis non possim“ — *haud ignobilis*] „Hic Lycas dictus est.“ *Comm. Cruq.* — *signo laeso*] cf. Martial IX, 88, 7: „Nunc signat meus anulus lagenas.“ — *rupem*] cf. Sat. II, 3, 59. A. P. 457 sqq. — *helleboro*] Sat. II, 3, 82. — *bilemque*] De part. *que* vide ad Carm. I, 15, 34. — *meraco*] puro. Pers. IV, 16: „Anticyras melior sorbere meracas.“

- 140 Et demptus per vim mentis gratissimus error.
 Nimirum sapere est abiectis utile nugis
 Et tempestivum pueris concedere ludum,
 Ac non verba sequi fidibus modulanda Latinis,
 Sed verae numerosque modosque ediscere vitae.
- 145 Quocirca mecum loquor haec tacitusque recorder:
 Si tibi nulla sitim finiret copia lymphae,
 Narrares medicis: quod quanto plura parasti,
 Tanto plura cupis, nulline faterier audes?
 Si vulnus tibi monstrata radice vel herba
- 150 Non fieret levius, fugeres radice vel herba
 Proficiente nihil curarier. Audieras, cui
 Rem di donarent, illi decedere pravam
 Stultitiam; et cum sis nihilo sapientior, ex quo
 Plenior es, tamen uteris monitoribus isdem?
- 155 At si divitiae prudentem reddere possent,
 Si cupidum timidumque minus te, nempe ruberes,
 Viveret in terris te si quis avarior uno.
 Si proprium est quod quis libra mercatur et aere,
 Quaedam, si credis consultis, mancipat usus;
- 160 Qui te pascit ager, tuus est, et vilicus Orbi,
 Cum segetes occat tibi mox frumenta daturas,

V. 140. *sapere*] ad sapientiae praecepta vitam componere. Epist. I, 2, 40. — *nugis*] ludicris. Epist. I, 1, 10. — *tempestivum*] Dativum *pueris* refer et ad *temp.* et ad *concedere*. cf. Cic. Tusc. I, 45, 109. Ovid. Met. V, 500. — *ac non*] „Ubi alicui notioni alia quae negatur definitionis causa adiungenda ideoque in aequo ponenda est, eam Latini non per *nec* sed per *ac non* tum nectunt, cum inter utramque intercedit oppositio recta, in qua etiam copulam omittere licet.“ *Hand. Turs.* T. I. p. 473. cf. Sat. II, 3, 135. Epist. I, 10, 46. — *recorder*] prima significatione; in mente agitare, reputare. — *lymphae*] cf. Carm. II, 2, 13 sqq. — *fugeres curarier*] vide ad Carm. I, 1, 8. — *donarent*] In paucis codd. ex mendo *donarunt* vel *donarant*; inde Bentleius fecit *donarint* eumque multi sunt secuti. Non bene; obstat *audieras*. cf. Virg. Aen. I, 20. — *plenior*] Carm. II, 12, 24. IV, 12, 24. — *cupidum timidumque*] Epist. I, 2, 51. Carm. II, 16, 15 sq. — *mancipat*] „mancipio accipit, nec solum per mancipationem sed etiam per usucapionem proprietas acquiritur.“ *Comm. Cruq.* — *vilicus Orbi*] Orbis ignotus latifundiorum possessor. De re *Comm. Cruq.*: „ager qui te pascit, quamvis alterius sit proprietas, tamen tuus est quia eo uteris et fructus percipis.“ Nam accepto a te pretio vilicus tibi fruges vendit; tu igitur vere dominus es, ille videtur esse, eo insuper discrimine ut tu, hodie cum uvas, cras pullos, deinde frumenta et vina emas, paulatim merceris totum agrum quem possessor trecentis milibus simul solutis sibi

- Te dominum sentit. Das nummos, accipis uvam,
 Pullos, ova, cadum temeti: nempe modo isto
 Paulatim mercaris agrum, fortasse trecentis
 165 Aut etiam supra nummorum milibus emptum.
 Quid refert vivas numerato nuper an olim?
 Emptor Aricini quondam Veientis et arvi
 Emptum coenat olus, quamvis aliter putat; emptis
 Sub noctem gelidam lignis calefactat aënum;
 170 Sed vocat usque suum, qua populus assita certis
 Limitibus vicina refugit iurgia: tanquam
 Sit proprium quidquam, puncto quod mobilis horae
 Nunc prece nunc pretio nunc vi nunc morte suprema
 Permutet dominos et cedat in altera iura.
 175 Sic quia perpetuus nulli datur usus et heres
 Heredem alterius velut unda supervenit undam,
 Quid vici prosunt aut horrea? quidve Calabris
 Saltibus adiecti Lucani, si metit Orcus
 Grandia cum parvis, non exorabilis auro?
 180 Gemmas, marmor, ebur, Tyrrhena sigilla, tabellas,
 Argentum, vestes Gaetulo murice tinctas
 Sunt qui non habeant, est qui non curet habere.
 Cur alter fratrum cessare et ludere et ungi
 Praeferat Herodis palmetis pinguibus, alter
 185 Dives et importunus ad umbram lucis ab ortu

emit. — *emptor*] Coniunge *emptor quondam*. vide ad Carm. III, 17, 9. Neque, inquit, qui agrum emit et suum dicit, minus emptis rebus vescitur et fruitur quam tu, qui quae quotidie necessaria sunt quotidie coëmere soles. Memorabilis tamen multorum et antiquissimorum codicum lectio *quoniam*, a Cruquio recepta neque omnino spernenda, dummodo commate posito post v. 166 interrogationis signum collocetur in fine versus 169. — *usque, qua*] „usque ad eum locum, ubi populus terminos agri signat.“ *Comm. Cruq* — *populus assita*] *Aegrotius* p. 2274 Putsch: „Assita arbor est cui incolumi aliud quod sustineat adiungitur. Horatius: *qua populus assita surgit*, quippe quae vitibus maritaretur“ — *refugit*] ἀποφύγει. vide ad Carm. I, 1, 4.

V. 177. *vici*] rustici, i. e. villae. Cic. ad Att. I, 3: „Quod si assequor, Crassum divitiis supero atque omnium vicos et prata contemno.“ — *Calabris*] cf. Epod. I, 27. — *metit*] Carm. IV, 14, 31. — *Tyrrhena sigilla*] signa Tuscanica aerea, parva deorum simulacra, ob antiquitatem ut videtur quaesita. — *Gaetulo*] Afro. cf. Carm. II, 16, 35. — *sunt qui*] vide ad Carm. I, 1, 3. — *cessare*] otiosi et iucunde vivere. Epist. I, 7, 57. — *Herodis*] Magni, mortui a. u. 750; qui magna pecunia rediit ex palmetis ad Hiericuntem („palmis consitam, fontibus irriguam.“ Plin.

- Silvestrem flammis et ferro mitiget agrum,
 Scit Genius, natale comes qui temperat astrum,
 Naturae deus humanae, mortalis in unum-
 Quodque caput, vultu mutabilis, albus et ater.
- 190 Utar et ex modico quantum res poscet acervo
 Tollam, nec metuum quid de me iudicet heres,
 Quod non plura datis invenerit; et tamen idem
 Scire volam, quantum simplex hilarisque nepoti
 Discrepet et quantum discordet parvus avaro.
- 195 Distat enim, spargas tua prodigus an neque sumptum
 Invitus facias neque plura parare labores,
 Ac potius, puer ut festis Quinquatribus olim,
 Exiguo gratoque fruaris tempore raptim.
 Pauperies immunda domus procul absit: ego, utrum
- 200 Nave ferar magna an parva, ferar unus et idem.
 Non agimur tumidis velis Aquilone secundo:
 Non tamen adversis aetatem ducimus Austris;
 Viribus, ingenio, specie, virtute, loco, re
 Extremi primorum, extremis usque priores.
- 205 Non es avarus: abi. Quid? cetera iam simul isto

H. N. V, 14). — *Genius*] vide ad Epist. II, 1, 144. Dicit igitur Horatius eam ingeniorum diversitatem positam esse in naturae humanae quodam arcano, quod intellectum hominum fugiat. — *natale astrum*] vide ad Carm. II, 17, 17. — *ex modico*] cf. Carm. I, 31, 17. III, 16, 37. III, 29, 55. Sat. II, 6, 1. cf. etiam Sat. I, 1, 51. — *dati*] relictis a me. — *scire volam*] tamen, inquit, cavebo ne in contrarium vitium incidam. — *plura parare*] vide ad Sat. I, 1, 92. — *Quinquatribus*] Quinquatrus dies erant festi in honorem Minervae a. d. XIV. Kal. April; quos pueri etiam otiosi ludis et iocis dicabant. — *pauperies immunda domus*] Sic plerique codices; alii habent *procul domus*, alii *domus procul*, *domo procul*, *procul procul*, aliquot etiam *immunda procul* manco versu. In qua varietate codicum complures critici satis probabiliter suspicati sunt, excidisse in vetustissimis codicibus Horatianum vocabulum lacunamque varie expletam esse a grammaticis. Nam *immunda pauperies* satis definita est, (cf. Carm. III, 16, 37. III, 29, 57 sq.) ut languidus videntur si accedat genitivus *domus*; neque quidquam ponderis addit ablativus *domo procul*, quoniam misso eo nihil plane desideratur. Gesner modo scribendum ratus immemor fuit Horatianae consuetudinis, qua *modo* duas efficere solet syllabas breves. cf. Sat. I, 1, 16. 17. I, 2, 16. 74. I, 3, 7. 12 etc. Simile exemplum corruptionis est Carm. IV, 6, 17. — *tumidis velis*] Carm. II, 10, 23. cf. Epist. I, 1, 92 sq. Ex particula *tamen* vides qua ratione haec vivide prolata sententia coniungenda sit cum insequenti apodosi. — *aetatem ducimus*] cf. Epod. 17, 63. — *Non es avarus*] Praecipit sapientem non esse eum qui liber sit ab avaritia et augendorum bonorum cupiditate, sed veram sapientiam

- Cum vitio fugere? caret tibi pectus inani
 Ambitione? caret mortis formidine et ira?
 Somnia, terrores magicos, miracula, sagas,
 Nocturnos lemures portentaque Thessala rides?
 210 Natales grate numeras? ignoscis amicis?
 Lenior et melior sis accedente senecta?
 Quid te exempta levat spinis de pluribus una?
 Vivere si recte nescis, decede peritis.
 Lusisti satis, edisti satis atque bibisti;
 215 Tempus abire tibi est, ne potum largius aequo
 Rideat et pulset lasciva decentius aetas.

cernendam esse in animo ab omnibus cupiditatibus libero perpetuaque tranquillitate gaudente. — *cum vitio fugere*] In multis et antiquissimis codicibus ex corruptione scriptum est *fuge. Rite caret.* Corruptio orta videtur ex non intellecta forma perfecti *fugere*; et rectius *quid?* interrogans pronomen altera interrogatione excipitur. — *lemures*] animae mortuorum propter desiderium aliquod in terris non expletum ad vivos redeuntes eosque noctu terrentes. — *Thessala*] vide ad Carm. I, 27, 21. — *grate numeras*] „quod non faciunt nimium timidi senectutis et mortis, quia ex natalibus multis mortem iam proximam perhorrescunt.“ *Porph.* — *levat*] Sic in paucis sed bonis MSS. Quod plurimi habent *iuvat* ex interpretatione natum videtur. De verbo levandi compara Sat. II, 3, 292. Epod. 11, 17. 17, 26. Carm. Saec. 63. — *decède peritis*] „Quoniam recte vivere nescis, qui vivas omnino indignus es; quocirca moriendo da locum sapientioribus, quibus tua pravitate ac desidia obstas.“ *Orellius.* Est autem locus communis, quo Florus neque tangebatur neque offendebatur. — *lasciva decentius*] quam magis decet lascivire ac ludere quam senectutem.

De arte poetica liber.

Praefatio.

De hoc libro Horatii, qui Goethio nostrati, summo poetae eidemque acutissimo critico difficillimus visus est ad explicandum itaque comparatus, ut alium aliter et decimo quoque anno eundem aliter de eo iudicaturum affirmaret, tam multi adhuc scripserunt viri docti, ut Mureto prope satisfactum iam videatur, hanc epistolam brevi interpretes plures quam versus habituram olim vaticinanti. Quare cum ne praecipuas quidem aliorum opiniones nunc liceat enumerare, missis ambagibus quam mihi fecerim sententiam statim expromam. Atque cum iis faciendum mihi esse vidi, quibus non perfectam de carminibus faciendis artem sed epistolam ad Pisones conscribere voluisse Horatium persuasum est, in qua quidem epistola et ea praecepta de poësi coniungeret, quae sua quidem aetate experto sibi maxime necessaria viderentur suosque cives, qui temporum malis rationibus ad falsissimam de rebus poeticis, praecipue scenicis, opinionem delapsi pravis delectarentur, vera fastidirent, ad veros sensus pulchritudinis leniter possent revocare. Iam duplici ratione peccatum est; scilicet quae alienissima sunt in eadem re saepe proxima praeter spem coniunguntur. Etenim alii fuerunt qui absolutam artem de universa re poëtica poëtae nolenti extorquerent, alii qui vulgaris epistolae naturam pertinaciter prementes, ut nos cum ad amicos scribamus quaecunque in calamum prima quasi incidant nullo consilio aut

ordine ex arbitrio coniungamus, ita poetam ad Pisones scribentem omnia alia miscuisse affirmarent. Mihi quidem hoc carmen ab Horatio quasi quoddam testamentum relictum videtur, quo cives suos, imprimis poetas, ab iis vitiis quibus eos videret laborare deterreret coniungeretque quae sibi per suam vitam usu et experientia edoctus sana fecisset praecepta, olim iam magnam partem cum ferret occasio proposita per satirasque et epistolas dispersa; quod quidem ita fecit, ut non consilium fixum praeviaque meditatione repertum rhetorum modo sequeretur, sed ingenii praestantia ductus ab una re ad alteram, cognatam eam quidem et ultro apparentem, quasi per planam viam transiret. Sic cui mecum persuasum erit, ei iam non videbitur mirum, cur per maiorem partem carminis de dramatica poesi poeta disputaverit plurimaeque et exempla et praecepta ad illam applicaverit; de ea enim falsissime tum iudicatum est et a populo universo et a poetis, qui popularem laudem captantes ad populi iudicium fabulas diligenter accommodarent.

Ad Pisones scriptam esse epistolam docent hi loci: v. 5. 6. 24. (153). 235. 268. 272. 292. 366. (385. 426.) 436. De Pisonibus haec tradiderunt scholiastae: „Hunc librum qui inscribitur de arte poetica ad L. Pisonem, qui postea urbis custos fuit, eiusque liberos misit. Nam et ipse Piso poeta fuit et studiorum liberalium antistes.“ Et Tacitus Ann. VI, 10: „Per idem tempus (a. u. c. 785.) L. Piso pontifex, rarum in tanta claritudine, fato obiit, nullius servilis sententiae sponte auctor et, quoties necessitas ingrueret, sapienter moderans. Patrem ei censorium fuisse memoravi: aetas ad octogesimum annum processit; decus triumphale in Thracia meruerat. Sed praecipua ex eo gloria, quod praefectus Urbi recens continuam potestatem et insolentia parendi graviores mire temperavit.“ Velleius Paterc. II, 98: „Atrox in Thracia bellum ortum L. Pisonis, quem hodieque diligentissimum atque eundem lenissimum securitatis urbanae custodem habemus, virtus compressit. De quo viro hoc omnibus sentiendum ac praedicandum est, esse mores eius vigore ac lenitate temperatissimos et vix quemquam reperiri posse, qui aut otium

valdius diligat aut facilius sufficiat negotio et magis quae agenda sunt curet sine ulla ostentatione agendi.“ Is igitur natus erat a. 705, consul a. u. 739; quare si vicenarius uxorem duxit, annis 743—746 filium habere potuit 17—20 annos natum. Nam hoc mihi quoque certum videtur, emissam esse hanc epistolam extremis vitae annis Horatii; quamquam in hac quoque re viri docti in alia omnia discesserunt. Alii enim Satirae I, 4 versum 63 arripuerunt et comparata cum extremis primi libri primisque secundi satiris epistolae natura hunc librum compositum iudicarunt vigente etiam Horatii aetate et ante perfectum alterum satirarum librum; in qua re ideo magnopere errarunt, quod dispositionem epistolae incertam sibi finxerunt et vagam. Iam vero ita comparata tota est, ut senescentem iam videamus poetam, a faciendis carminibus iam abinentem, prorsus eundem quem alter epistolarum liber de simili re docentem ostendit. Alii extremis Horatii annis librum confectum quidem mortuo demum poeta curante Augusto emissum esse credunt, sed firmis praesidiis omnino destituti. Neque ii satis considerarunt epistolas scriptas non solere in scriniis cohiberi sed mitti ad eos quibus essent scriptae. Quare sicut epistolarum ad Augustum et ad Florum exempla Augusto et Floro missa sunt, ita etiam huius epistolae Pisonibus certe et aliis amicis exemplum datum est. Illud autem, utrum epistolae ad Augustum et Florum cum hac coniunctae et Sosis divendendae traditae sint necne, ego vero neque affirmare ausim neque negare. Nam ne inde quidem quidquam certum aut veri simile effici potest, quod in codicibus incerta huic epistolae sedes est *). Quod quidem

*) De qua re mire nuper Walckenaerius (histoire de la vie et des poésies d'Horace. T. II. p. 549 sq.): „Après la mort d'Horace on réunit en un seul livre sous le nom d'épodes les odes inédites qu'il avait laissées et les odes publiées séparément dans sa jeunesse, mais qu'il n'avait point admises dans ses quatre livres d'odes. L'épître aux Pisons entra nécessairement dans ce recueil posthume des poésies d'Horace et fut placée en tête. Comme on ne pouvait mettre ces épodes ou ces odes inédites qu'après le recueil entier des odes, il s'ensuivit que quand on

factum videtur propter indicem, quo grammatici parvo post Horatium mortuum tempore eam exornare solebant. Etenim a Quintiliano ea iam nominatur *liber de arte poetica*; similiter postea Symmachus, Sidonius Apollinaris, Priscianus; *epistolam ad Pisones* eam appellat unus Charisius. At vero veteres id saepe quaerebant, ut singulos libros vel singula carmina uno verbo ac nomine coartarent eorumque res et argumentum indicarent; deinde recte illi grammatici intellexerunt hanc epistolam non Pisonibus solis sed omnibus Romanis et poetis et poeticae artis fautoribus scriptam esse magnamque ibi reperiri elegantissimorum praeceptorum copiam; quapropter eam et frequenter lectitarunt et peculiari commentario aequalibus explicare mature coeperunt. Inde factum est ut seorsum saepe ea epistola scriberetur, deinde in coniunctis Horatii operibus modo hunc modo illum locum recuperaret. Nobis autem titulum quo liber inscriberetur quaerentibus rectius visum est cum grammaticis *Artem poeticam* scribere quam verba (*Epistola ad Pisones*) praepone, quibus neque quidquam de argumento enunciatum neque Horatius in hac epistola magis usus est quam in reliquis.

réunissait les deux recueils pour en former un seul, contenant toutes les poésies d'Horace, l'épître aux Pisons se trouvait placée immédiatement après les odes et avant les épodes. C'est ainsi que sont toujours rangées les poésies d'Horace dans les plus anciens manuscrits, c'est ainsi qu'elles furent publiées primitivement." De Epodis vide supra p. 264.

Q. HORATHI FLACCI

DE ARTE POETICA LIBER.

Humano capiti cervicem pictor equinam
Iungere si velit et varias inducere plumas
Undique collatis membris, ut turpiter atrum
Desinat in piscem mulier formosa superne,
5 Spectatum admissi risum teneatis, amici?
Credite, Pisones, isti tabulae fore librum
Persimilem, cuius velut aegri somnia vanae

De arte poetica liber.

V. 1. In fronte carminis describit poeta imaginem aliquam monstruosae bestiae ex diversissimis partibus compositae, qua summa in qua-vis arte lex de simplicitate et unitate legentibus inculcetur. Eam in poesi quoque plurimum cadere dicit (v. 23), neque si qui poeta eam laedere audeat, excusationem eum habiturum in libertate poetis concessa aut in furore, cui nimium saepe poetae tribuere non dubitent, neque compensari vitia ex violata illa lege exorta singulis splendidis locis ac luminibus (vv 1—37). cf. Plat. Phaedr. p. 264. C: „*Λεῖν πάντα λόγον ὥσπερ ζῶον συνεσιάναι σώμα τι ἔχοντα αὐτὸν αὐτοῦ, ὥστε μήτε ἀτέτακτον εἶναι μήτε ἄπουν ἀλλὰ μέσα τε ἔχειν καὶ ἄκρα πρέποντα ἀλλήλοις καὶ τῷ ὅλῳ γεγραμμένα.*“ — humano] Chiasmi ordo humano capiti cervicem equinam discrepantiam earum partium clarius illustrat. — varias] omnium colorum. — inducere] „penicillo adiungere“ Comm. Cruq. — turpiter atrum] Piscis ater est ad incutiendum hominum adspicientium mentibus terrorem. Similiter Schiller nostras in egregio carmine de dracone (der Kampf mit dem Drachen): „Und Alles bild' ich ganz genau Und kleid' es in ein scheuslich Grau“ et in alio (der Taucher): „Des Hammers gräuliche Ungestalt.“ De monstro cf. Virg. Aen. III, 426 sqq. De pictorum perversa licentia Vitruv. VII, 5: „Nunc pinguntur tectoriis monstra potius quam ex rebus finitis imagines — velut ex coliculis flores dimidiata habentes ex se exeuntia sigilla, alia bestiarum capitibus similia: haec autem nec sunt nec fieri possunt ac

- Fingentur species, ut nec pes nec caput uni
 Reddatur formae. Pictoribus atque poetis
 10 Quidlibet audendi semper fuit aequa potestas.
 Scimus et hanc veniam petimusque damusque vicissim,
 Sed non ut placidis coëant immitia, non ut
 Serpentes avibus gementur, tigribus agni.
 Inceptis gravibus plerumque et magna professis
 15 Purpureus, late qui splendeat, unus et alter
 Assuitur pannus, cum lucus et ara Dianae
 Et properantis aquae per amoenos ambitus agros
 Aut flumen Rhenum aut pluvius describitur arcus:
 Sed nunc non erat his locus. Et fortasse cupressum
 20 Scis simulare; quid hoc, si fractis enatat expes
 Navibus, aere dato qui pingitur? Amphora coepit
 Institui: currente rota cur urceus exit?
 Denique sit quidvis simplex duntaxat et unum.
 Maxima pars vatum, pater et iuvenes patre digni,
 25 Decipimur specie recti: brevis esse laboro,
 Obscurus fio; sectantem levia nervi
 Deficiunt animique; professus grandia turget;
 Serpit humi tutus nimium timidusque procellae;

fuere (Arabesken).“ — *aegri*] febricitans. — *pictoribus*] Sic possit aliquis obiciere. — *aequa*] iure permissa. — *coëant*] cf. Epist. I, 5, 25. — *gementur*] cf. Epod. 16, 30. — *inceptis gravibus*] In illud saepe incidunt vitium poetae splendoris studio, quo magnae expectationi quam magnificis exordiis excitare audent, satisfacere sibi videntur. Inde fit, ut in digressiones non raro deducantur vilique quasi vestimento purpureos quosdam pannos assuant totumque perdant. Eiusmodi pannorum exempla quaedam statim proferuntur, fortasse ex aequalium poetarum carminibus petita; nam *flumen Rhenum* ad Furium Bibaculum referendum esse non est improbabile. cf. Sat. I, 10, 37. — *flumen Rhenum*] vide ad Carm. IV, 4, 38. — *Et fortasse*] „Irrisio pictoris inepti, qui vix aliud noverat quam depingere cupressum. A quo cum naufragus quidam peteret, ut vultum suum et naufragium exprimeret, interrogavit num ex cupresso vellet aliquid appingi.“ *Comm. Cruq.* Tenendum est et pictoribus et poetis suam cuique rei esse locum. De naufragis vide ad Carm. I, 5, 13. — *coepit institui*] „constructione a Cicerone nunquam usurpata pro *coepit* est institui.“ *Orellius*. — *decipimur*] Alia causa; nam quibus pulchri et veri sensus arte et studio non est excultus, ii dum vitia vitare student nescientes in contraria ruunt. — *levia*] levigata, expolita, splendentia. Sic antiqui libri MSS. et scholiastae. Alii male ex frequentissima verborum confusione *lenia*, mollia. Monet poeta ne nimio levitatis (*λείωτης*) studio vis ac vigor orationis perdatur. — *timidus procellae*] De genitivo vide ad Epist. I, 15, 33. —

- Qui variare cupit rem prodigialiter unam,
 30 Delphinum silvis appingit, fluctibus aprum.
 In vitium ducit culpa fuga, si caret arte.
 Aemilium circa ludum faber imus et unguēs
 Exprimet et molles imitabitur aere capillos,
 Infelix operis summa, quia ponere totum
 35 Nesciet. Hunc ego me, si quid componere curem,
 Non magis esse velim, quam naso vivere pravo
 Spectandum nigris oculis nigroque capillo.
 Sumite materiam vestris qui scribitis aequam
 Viribus et versate diu quid ferre recuset,
 40 Quid valeant humeri. Cui lecta potenter erit res,
 Nec facundia deseret hunc nec lucidus ordo.
 Ordinis haec virtus erit et venus, aut ego fallor,

prodigialiter] ita variare, ut omnes qui legant ingenium suum admirentur, stupeant. — *Aemilium ludum*] Est ludus gladiatorius ab Aemilio Lepido exstructus non procul a Circo. — *faber imus*] Sic plurimi et antiquissimi codices. Recte, opinor. Altera enim lectio *unus*, quam alii interpretantur *praeter cetero*; *melius quam reliqui omnes*, alii *aliquis*, ex coniectura orta videtur. Vereor enim ne Horatius non velit dicere hunc fabrum melius quam reliquos omnes aere imitari unguēs et crines; satis enim magna laus erit, si bene ille id facere posse dicatur, id quod solo verbo *imitabitur* perspicue exprimitur. Deinde ut sit *unus* idem quod *aliquis*, id quod locis etiam probari non nego, Horatius neque dicere potuit, *aliquem* ex fabris circa ludum Aemilium egregie exprimere unguēs et capillos, quoniam certa ea laudatio ad incertum hominem, ad primum quemque fabrorum referri non poterit, neque suum ipsius morem ita relinquet, ut cum semper certam certorum hominum imaginem praeponere soleat, nunc vagam dubiamque inferat descriptionem. Quod quidem bene senserunt ii qui *Imum* nomen proprium esse putarunt apud Acronem, quamquam a vero aberrantes. Verum recte *Porphyrio* et *Comment. Cruquianus* imum cum esse, qui tum ad imam partem ludi tabernam habuerit, affimant. Sic certa enunciatum et laudatio et vituperatio certi hominis, omnibus aequalibus noti. Denique quis credat, si Horatii manus scripsisset *unus*, vocabulum planum tritissimumque in antiquissimis codicibus corrumpi potuisse in alterum omnibus non aequalibus obscurius et rarius? — *ponere*] Carm. IV, 8, 8. — *nigris oculis*] vide ad Carm. I, 32, 11.

V. 38. *Simplicitati et unitati ut recte consulatur, materies sumenda est, cui recte tractandae vires sufficiunt. Quod si factum erit, non deerit neque facundia neque lucidus ordo. Iam primum agitur de lucido ordine* (v. 43—45), *tum de facundia* (v. 46—72), *quae cernitur in eligendis recte verbis, priscis recipiendis, novis apte faciendis, tum in coniungendorum inter se verborum nova et eleganti ratione.* — *potenter*] pro suis viribus. Supervacanea est Marklandi coniectura *pudenter* i. e. modeste, ut v. 51. cf. Epist. I, 17, 44. II, 1, 259. — *venus*] Quintil. VI, 3, 18: „Venustum esse quod cum gratia quadam et

- Ut iam nunc dicat iam nunc debentia dici,
 Pleraque differat et praesens in tempus omittat ;
 46 Hoc amet, hoc spernat promissi carminis auctor.
 45 In verbis etiam tenuis cautaeque serendis;
 Dixeris egregie, notum si callida verbum
 Reddiderit iunctura novum. Si forte necesse est
 Indiciis monstrare recentibus abdita rerum,
 50 Fingere cinctutis non exaudita Cethegis
 Continget dabiturque licentia sumpta pudenter.
 Et nova fictaque nuper habebunt verba fidem, si
 Graeco fonte cadant parce detorta. Quid autem
 Caecilio Plautoque dabit Romanus ademptum
 55 Virgilio Varioque? Ego cur, acquirere pauca
 Si possum, invideor, cum lingua Catonis et Enni
 Sermonem patrium ditaverit et nova rerum
 Nomina protulerit? Licuit semperque licebit
 Signatum praesente nota producere nomen.†

venere dicatur apparet.“ — *nunc debentia*] Cavendum esse praecipit, ne alia dicantur atque ea quae quovis loco necessaria sint, ne in scribendo scriptor animo indulgeat; suo quodque loco ponendum esse, ut intelligatur cur scriptor hoc posuerit, illud spreverit. — *in verbis*] Cic. de Orat. III, 37: „Est quidam ornatus orationis qui ex singulis verbis est, alius qui ex continuatis coniunctisque constat. Ergo utemur verbis aut iis quae propria sunt et certa quasi vocabula rerum, paene una nata cum rebus ipsis, aut iis quae transferuntur et quasi alieno in loco collocantur, aut iis quae novamus et facimus ipsi.“ Dionys. Halic. de Comp. 3: „Ὅτι ἐν τῷ κάλλει τῶν ὀνομάτων ἡ πειθὴ τῆς ἐρμηνείας ἐστὶν ἀλλ' ἐν συζυγίᾳ.“ — *abdita rerum*] notiones novas. — *cinctutis Cethegis*] cf. Epist. II, 2, 115 sqq. *Cinctuti* sunt cinctu induti; *cinctus* autem vestis fuit infra pectus corpus ambiens et ad pedes pertingens. A priscis Romanis gestabatur cinctus loco tunicae, ut expeditiores essent ad agendum; habebant enim soluta brachia et ad exserendum habiliora. *Cinctutus* voc. praeter h. l. non videtur legi nisi apud Ovidium Fast. V, 101: „coleris cinctutis, Faune, Lupercis“ i. e. prope nudis et cinctu pudenda velatis. — *pudenter*] Quintil. I, 5, 71: „Usitatis tutius utimur; nova non sine quodam periculo fingimus.“ — *Graeco fonte*] Facienda verba sunt ad analogiam graecae linguae sed ex ingenio et natura latinae, ut apud Horatium *centimanus*, *tauriformis*, *beluosus*, alia Quintil. XII, 10, 33: „Tanto est sermo Graecus Latino iucundior, ut nostri poetae, quoties dulce carmen esse voluerint, illorum id nominibus exornent.“ — *Caecilio*] Epist. II, 1, 59. — *Virgilio Varioque*] Noli colligere ex hoc loco, vixisse etiam tunc Virgilium et Varium; sed hi eius aetatis egregii poetae contra priscos Caecilium et Plautum ponuntur; utrisque idem novandorum verborum ius vindicatur. — *invideor*] vide Zumpt. gr. lat. §. 413. — *Catonis*] M. Porcii Catonis, qui Censorinus dicitur. — *producere nomen*] Sic antiquissimi codices. Qui scripserunt

- 60 Ut silvae foliis pronos mutantur in annos,
 Prima cadunt; ita verborum vetus interit aetas,
 Et iuvenum ritu florent modo nata vigentque.
 Debemur morti nos nostraque: sive receptus
 Terra Neptunus classes Aquilonibus arcet,
- 65 Regis opus, sterilisve diu palus aptaque remis
 Vicinas urbes alit et grave sentit aratrum,
 Seu cursum mutavit iniquum frugibus amnis,
 Doctus iter melius; mortalia facta peribunt,
 Nedum sermonum stet honos et gratia vivax.
- 70 Multa renascentur quae iam cecidere, cadentque
 Quae nunc sunt in honore vocabula, si volet usus,
 Quem penes arbitrium est et ius et norma loquendi.
 Res gestae regumque ducumque et tristia bella

procudere, nimio continuandae imaginis studio non viderunt idem a se bis dici; nam quid aliud est *signare*? Sed in *producere* quoque metaphorā a nummis desumpta continuatur; est enim nummos recens factos „in notitiam hominum deducere“, ut dicunt scholiastae, hanc lectionem tuentes. — *pronos annos*] ad finem vergentes. Carm. III, 27, 18. — *prima*] quae prius germinarunt, ea prius decidunt. — *debemur*] cf. Carm. II, 14, 21 sqq. — *Neptunus*] A. u. c 717 Octavianus Agrippae consilio lacum Lucrinum cum lacu Averno coniunxit magnumque ibi fecit portum tutissimum ab impetu et hostium et maris. — *Aquilonibus*] Virg. Aen. IV, 310. De casu cf. Epist. I, 8, 10. — *palus*] Ex licentia quadam poetica ultima syllaba correpta est. Explicant scholiastae locum de exsiccatis ab Augusto Pomptinis paludibus; sed a nemine docemur Augustum perfecisse quod Iulius Caesar ante esset meditatus. Sueton. Caes. 44: „Iulius Caesar siccare Pomptinas paludes meditabatur.“ Neque magis sumus certi de correcto ab Augusto Tiberis cursu; quae res a poeta significata est v. 67. — *sermonum*] loquendi consuetudo. Quintil. I, 6, 43: „Et sane quid est aliud *vetus sermo* quam *vetus loquendi consuetudo*?“ — *usus*] cf. Epist. II, 2, 119.

V. 73. *A singulis vocabulis Horatius transit ad ipsam orationem: quare praecipit in quoque carminum genere rectos numeros rectumque dicendi genus observandum esse ac tenendum (v. 86 sqq.), ita ut congruant ea cum ipsa re et cum sensibus et natura eorum hominum qui describantur. Exempla eius rei sumuntur ex tragoedia et comoedia, quarum versus iambici non debent eiusdem esse aut gravitatis aut levitatis, cum ad rationem cupiditatum ac morum personarum etiam sermo aut cadere debeat aut tolli; etenim lingua interpres est animi motuum ipsorum qui loquuntur hominum (v. 111). Praeterea sermo accommodandus est ad condicionem, aetatem, patriam hominum. His igitur diligenter consulendum est, sive persona describitur ab aliis iam facta et tradita, ut Achilles, Medea, aliae personae (v. 124) sive novae inveniuntur a scribentibus ipsis. Novas autem fingere periculosum est, traditas describere facilius et gratius, in qua tamen re cavendum est ne scriptio omnino coerceatur imitatione; sed in traditis etiam personis necessaria*

Quo scribi possent numero, monstravit Homerus.

- 75 Versibus impariter iunctis querimonia primum,
Post etiam inclusa est voti sententia compos;
Quis tamen exiguos elegos emisit auctor,
Grammatici certant et adhuc sub iudice lis est.
Archilochum proprio rabies armavit iambo:
- 80 Hunc socci cepere pedem grandesque cothurni,
Alternis aptum sermonibus et populares
Vincentem strepitus et natum rebus agendis.†
Musa dedit fidibus divos puerosque deorum,
Et pugilem victorem et equum certamine primum
- 85 Et iuvenum curas et libera vina referre.
Descriptas servare vices operumque colores
Cur ego si nequeo ignoroque poeta salutor?
Cur nescire pudens prave quam discere malo?
Versibus exponi tragicis res comica non vult;
- 90 Indignatur item privatis ac prope socco
Dignis carminibus narrari coena Thyestae.
Singula quaeque locum teneant sortita decenter.
Interdum tamen et vocem comoedia tollit,
Iratusque Chremes tumido delitigat ore;
- 95 Et tragicus plerumque dolet sermone pedestri

est describendi novitas ac proprietas (v. 73—135). — *impariter*] Hoc adverbium non videtur legi nisi hoc uno loco. Significantur hexameter versus et pentameter. — *querimonia*] lugubris elegia de amicis vel civibus egregiis morte ereptis. „Primum metro elegiaco res tristes et lugubres, post etiam laetae et prosperae coeperunt describi.“ *Comm. Cruq.* — *exiguos elegos*] tenues et humiles, si comparantur cum epici carminis gravitate. *Orion* p. 58: „Ευρετήν δὲ τοῦ ἐλεγίου φασὶν οἱ μὲν τὸν Ἀρχιλόχον, οἱ δὲ Μίμνεμον, οἱ δὲ Καλλίνον παλαιότερον· οὕτω Διδυμος (Horatii aequalis) ἐν τῷ περὶ ποιητῶν.“ Omnium quae ad nos pervenerunt antiquissima elegia est Callini (730 a. Chr.). — *Archilochum*] *Epod.* 6, 13. *Epist.* I, 19, 25. — *socci*] *Epist.* II, 1, 174. Ut cothurnus tragoediam ita soccus comoediam indicat — *alternis*] *Aristot. Poet.* 4: „Μάλιστα λεκτικὸν τῶν μέτρων τὸ λαμβεῖόν ἐστιν· σιμειὸν δὲ τοῦτον· πλείσια γὰρ λαμβεῖα λέγομεν ἐν τῇ διαλέκτῳ τῇ πρὸς ἀλλήλους, ἐξάμετρα δὲ ὀλιγάκις.“ — *strepitus*] clamores „populi, id est, clarius resonantem in scena quam tumultus popularis resonet: tales strepitus excitat iste pes.“ *Comm. Cruq.* — *divos puerosque*] Indignantur varia lyricae poesis genera. cf. *Carm.* IV, 2, 10 sqq. — *libera vina*] *Sat.* I, 4, 89. II, 8, 37. — *descriptas*] certis legibus divisas, ut snum cuique generi metrum constitutum sit. — *privatis*] sermone ex quotidiana ac vulgari vita sumpto. — *Thyestae*] vide ad *Carm.* I, 6, 8. — *Chremes*] persona Terentiana ex *Heautontim.* V, 4, ubi Chremes

- Telephus et Peleus, cum pauper et exsul uterque
 Proiicit ampullas et sesquipedalia verba,
 Si curat cor spectantis tetigisse querela.
 Non satis est pulchra esse poemata; dulcia sunt
 100 Et quocunque volent animum auditoris agunto.
 Ut ridentibus arrident, ita flentibus adsunt
 Humani vultus; si vis me flere, dolendum est
 Primum ipsi tibi; tunc tua me infortunia laedent,
 Telephe vel Peleu: male si mandata loqueris,
 105 Aut dormitabo aut ridebo. Tristia moestum
 Vultum verba decent, iratum plena minarum,
 Ludentem lasciva, severum seria dictu. †
 Format enim natura prius nos intus ad omnem
 Fortunarum habitum; iuvat aut impellit ad iram
 110 Aut ad humum moerore gravi deducit et angit;
 Post effert animi motus interprete lingua.
 Si dicentis erunt fortunis absona dicta,
 Romani tollent equites peditesque cachinnum.
 Intererit multum divusne loquatur an heros,
 115 Maturusne senex an adhuc florente iuventa

castigat prodigum filium Clitiphonem. — *Telephus et Peleus*] tragicæ personæ. Telephus Hercules filius fuit ex Auge, Alei filia, Mysiæ regis. „Hi ambo reges fuerunt, qui amissis regnis ad tantam inopiam devenerunt, ut exsules facti mendicando sibi undecunque victum conquirent, omissis verbis grandibus et regiis.“ *Comm. Cruq.* — *proiicit*] respuit, non utitur. — *ampullas*] cf. *Epist.* I, 3, 14; de oratione nimis ornata. Graece *λεχυνθίζειν*. — *dulcia sunt*] Accedit interpretatio huius vocabuli insequenti versu; nam *dulcis* voc. cognatum videtur cum graeco *θέλειν*. — *arrident*] *Aristot. Rhetor.* III, 7: „συνομοιοῦναι δὲ αἱ δὲ ἀκούων τῷ παθητικῶς λέγοντι“ — *severum seria*] Severi dicuntur fere semper homines, seriae res.

V. 113. *equites peditesque*] universus populus, ut apud Livium I, 44. — *divusne*] Sic antiquissimi codices et *Comm. Cruq.*, alii *Davus*, propter quem postea *heros* mutatus est in *herum*. Et recte quidem iam *Iason de Nores*: „Gradatim Horatius personarum divisionem in fabulis introduendarum enumerat, quae ex substantia aut divinae sunt aut humanae. Humanae rursus differunt aut aetate, ut senex a iuvene, aut fortuna, ut a Colcho Assyrius, aut patria ut a Thebano Argivus.“ Deinde *Davus* comicus alienus est inter reliquas tragicas personas, neque facilius lectio facile transisset in difficiliorem. Et differt etiam in Graecis deorum sermo a sermone heroum; de qua re *Orellius*: „Quippe illi, inquit, prae se ferunt nescio quid sublimioris spiritus, plus quam humani, vere coelestis, quippe qui summa tranquillitate ac beatitudine perfruantur, dum vel aestuant vel mortalium aegrimoniis malisque conflictantur heroes.“

- Fervidus, et matrona potens an sedula nutrix,
 Mercatorne vagus cultorne virentis agelli,
 Colchus an Assyrius, Thebis nutritus an Argis.
 Aut famam sequere aut sibi convenientia finge.
- 120 Scriptor honoratum si forte reponis Achillem,
 Impiger, iracundus, inexorabilis, acer
 Iura neget sibi nata, nihil non arroget armis.
 Sit Medea ferox invictaque, flebilis Ino,
 Perfidus Ixion, Io vaga, tristis Orestes.]
- 125 Si quid inexpertum scenae committis et audes
 Personam formare novam, servetur ad imum,
 Qualis ab incepto processerit et sibi constet.
 Difficile est proprie communia dicere; tuque
 Rectius Iliacum carmen deducis in actus,
- 130 Quam si proferres ignota indictaque primus.
 Publica materies privati iuris erit, si
 Non circa vilem patulumque moraberis orbem,
 Nec verbo verbum curabis reddere fidus
 Interpres, nec desilies imitator in artum,
- 135 Unde pedem proferre pudor vetet aut operis lex.
 Nec sic incipies, ut scriptor cyclicus olim:

— *famam sequere*] *μῦθον* ab antiquis traditum neque mutabilem. — *reponis*] cf. v. 190: iterum in scenam reducis. De Achille cf. Hom. II. IX, 636 sqq. XX, 467 sqq. — *Ino*] uxor Athamantis et mater Learchi et Melicertae. Athamas ira deorum in furorem actus uxori alterum filium eripuit discerpsitque; tum Ino cum altero in mare se praecipitavit. Ovid. Met. IV, 416 sqq. — *Ixion*] Schol. in Apollon. III, 62: „*Ἰξίων γαμήσας Δίαν τὴν Ἥϊονέως θυγατέρα πολλά ὑπέσχετο δώσειν ἔδνα. Ἐλθόντος δὲ ἐπὶ ταῦτα Ἥϊονέως βέρεθρον ποιήσας καὶ πυρακτώσας σκεπάζει αὐτὸ λεπτοῖς ξύλοις καὶ κόνει λεπτῇ ξυμπεσῶν δὲ ὁ Ἥϊονεύς ἀπόλλυται· λύσσα δὲ τῷ Ἰξίονι ἐνέπεσε διὰ τοῦτο.*“ — *Io*] Ovid. Met. I, 588 sqq. — *proprie communia*] „*Proprie dicere* est ita undique describere ac finire, ut iam non commune quiddam aut generale (*Abstractes*) videatur sed individuum, in quo omnia sunt determinata.“ *Gesner*. — *deducis*] Male alii *diducis*. vide ad Sat. II, 1, 4. — *publica materies*] Cave hanc confundas cum *communibus* v. 128; immo vero publica est materies iam saepius tractata et ita quasi publici iuris facta. In qua re curandum est poetae, ne meros locos communes proferat omnibusque statim obvios, neve nimis premat vestigia suorum exemplorum. — *in artum*] Contrarium hoc patulo orbi. Qui vincula ita sibi iniecit, ut superiorem anxie imitetur, is neque audet (*pudor vetet*) quidquam mutare, cum suis viribus nihil ipse confidat, neque potest (*operis lex*) quidquam mutare, cum maiorem partem alieni operis susceperit, quam ut reliquam possit libere relinquere.

Fortunam Priami cantabo et nobile bellum.

Quid dignum tanto feret hic promissor hiatu?

Parturient montes, nascetur ridiculus mus.

140 Quanto rectius hic, qui nil molitur inepte:

Dic mihi, Musa, virum, captae post tempora Troiae

Qui mores hominum multorum vidit et urbes.

Non fumum ex fulgore, sed ex fumo dare lucem

Cogitat, ut speciosa dehinc miracula promat,

145 Antiphaten Scyllamque et cum Cyclope Charybdi;

Nec reditum Diomedis ab interitu Meleagri,

Nec gemino bellum Troianum orditur ab ovo;

V. 136. Horatius postquam de externa carminum forma disputavit, leniter declinavit ad ipsam rei tractationem ac primum loquitur de exordio recte praeponendo; in qua re hoc videndum esse docet, ne maiora promittantur quam quae deinde praebeantur (v. 143), deinde ut qui legant in medias statim res rapiantur. Exemplum proponitur Homeri; unde vides non scenicam solum poesin spectari sed totam. Documenta autem plurima ex illa parte ideo potissimum sumuntur, vel quia Piso huic erat deditus, vel quia haec una pars reliquis magis exulta maioriq̃ honore digna habita est, ut quae inde sumpta essent documenta et exempla efficacissima viderentur ac proxime ad omnium citium intelligentiam accedentia. Atque ibi latere videtur causa cur postea v. 153 ad scenicam poesin uberius illustrandam poeta transiverit. vv. 136 — 152. — *scriptor cyclicus*] Poetarum cyclicorum nomine complectebantur Alexandrini eos poetas, qui aliquot saeculis post Homerica carmina aut ea epicis carminibus descripsissent quae Iliadem praecessissent, aut sua carmina ibi incepissent ubi finem habent Homerica. Ex quibus omnibus grammatici κύκλον confecerant, cui Homerica quoque carmina recto ordine et loco addiderant. Intelligenda igitur sunt carmina ut Arctini *Ἀλκιονίς*, qua Troicum bellum describebatur usque ad certamen de Achillis armis, Stasini *Κύπρια*, quae complectebantur quaecunque acta erant a rapta Helena usque ad iram Achillis, *Ῥιὰς μυχρά*, quam Lesches scripsisse dicitur, qua pugna continuabatur usque ad equum ligneum in Troiam urbem receptum, alia. — *Fortunam Priami*] Incertum est cuius carminis initium significetur. *parturient*] Ex graeco proverbio: Ὠδινεν ὄρος· εἴτα μὲν ἀλέτερον. — *qui mores*] Epist. I, 2, 19. — *Antiphaten*] Hom. Od. X, 100 sqq.; de Scylla et Charybdi Od. XII, 85 sqq., de Cyclope Od. IX, 187 sqq. — *Meleagri*] Dicunt scholiastae Antimachum notari, Platonis aequalem, Thebaidis poetam; et suspicantur viri docti, Antimachum finem totius actionis, i. e. reditum Diomedis in Aetoliam post Epigonorum victoriam cepisse ab interitu Meleagri. Fuit autem Meleager Oenei Calydoniae regis filius ex Althaea coniuge. Filio recenter nato Althaea Parcas igni assidentes videre sibi visa est manque stipitem tenentes aequalemque puerum cum stipite vitam assignantes: quo facto mater extinctum stipitem diligenter asservavit, postea autem, cum Meleager avunculos suos occidisset, in furorem versa fatalem stipitem in ignem coniecit. Tum Meleager exustis intus intestinis consumptus est. — *gemino ovo*] „Duo ova peperisse dicitur Leda, alterum ex Iove sub specie cynci, ex quo nati sunt Pollux

- Semper ad eventum festinat et in medias res
 Non secus ac notas auditorem rapit, et quae
 150 Desperat tractata nitescere posse relinquit,
 Atque ita mentitur, sic veris falsa remiscet,
 Primo ne medium, medio ne discrepet imum.†
 Tu quid ego et populus mecum desideret, audi.
 Si plausoris eges aulaea manentis et usque
 155 Sessuri, donec cantor „Vos plaudite“ dicat;
 Aetatis cuiusque notandi sunt tibi mores,
 Mobilibusque decor naturis dandus et annis.
 Reddere qui voces iam scit puer et pede certo
 Signat humum, gestit paribus colludere et iram
 160 Colligit ac ponit temere et mutatur in horas.
 Imberbis iuvenis tandem custode remoto
 Gaudet equis canibusque et aprici gramine campi,
 Cereus in vitium flecti, monitoribus asper,
 Utilium tardus provisor, prodigus aeris,
 165 Sublimis cupidusque et amata relinquere pernix.†
 Conversis studiis aetas animusque virilis
 Quaerit opes et amicitias, inservit honori,
 Commisisse cavet quod mox mutare laboret,

et Helena, alterum ex Tyndaro, ex quo Castor et Clytaemnestra.“ *Comm. Cruq.* — *mentitur*] Aristot. Poet. 24: „τεδίδαχε δὲ μάλιστα Όμηρος καὶ τοὺς ἄλλους ψευδῇ λέγειν ὡς δεῖ.“ — *ne medium*] vide ad Epist. I, 1, 47.

V. 152. *In scenica poesi primum agit de recte describendis ac tenendis moribus diversarum aetatum, ne veritas poetica laedatur. Diversus utique hic locus est a v. 115 sqq.; ibi de sermonis natura, hic de actionibus agitur deque diligenter describendo toto homine.* vv. 153—178. — *aulaea*] vide ad Epist. II, 1, 189. — *cantor*] histrio, nam ad cantum tibiarius pronunciabat. Sueton. Calig. 54: „Canendi ac saltandi voluntate ita efferebatur, ut ne publicis quidem spectaculis temperaret, quominus et tragoedo pronuncianti concineret.“ Quae postremo loquebatur persona, populo acclamare solebat *plaudite*. — *mobilibus naturis*] Recto *Orellius*: „Naturae humanae mutabiles sunt pro singulorum hominum aetate progrediente; hae igitur mutationes sensim factae et notandae et decore imitandae sunt poetae.“ Supervacanea est Bentleii coniectura *maturis*, tribus quidem codicibus sustentata; etenim quam quaesivit ille *ἀντιθεσιν mobilium* i. e. iuniorum et *maturorum* i. e. seniorum annorum, ea ab hoc loco qui generalem praemittit sententiam alienissima est. — *in horas*] vide ad Sat. II, 7, 10. — *campi*] Martii, ubi corpora exercebant iuvenes. — *sublimis*] *αὐγασύψυχος*, hochfahrend. — *pernix*] Arist. Rhet. II, 12 de adolescentibus: „Σφόδρα μὲν ἐπιθυμοῦσα, ταχέως δὲ παύονται.“ — *commisisse*] *ἀορίστως* — *gelide*] Aristot. l. l.:

- Multa senem circumveniunt incommoda, vel quod
 170 Quaerit et inventis miser abstinet ac timet uti,
 Vel quod res omnes timide gelideque ministrat,
 Dilator, spe longus, iners, avidusque futuri,
 Difficilis, querulus, laudator temporis acti
 Se puero, castigator censorque minorum.
 175 Multa ferunt anni venientes commoda secum,
 Multa recedentes adimunt. Ne forte seniles
 Mandentur iuveni partes pueroque viriles;
 Semper in adiunctis aevoque morabimur aptis.
 Aut agitur res in scenis aut acta refertur.
 180 Segnius irritant animos demissa per aurem,
 Quam quae sunt oculis subiecta fidelibus et quae
 Ipse sibi tradit spectator: non tamen intus
 Digna geri promes in scenam multaue tolles
 Ex oculis, quae mox narret facundia praesens:
 185 Ne pueros coram populo Medea trucidet
 Aut humana palam coquat exta nefarius Atreus
 Aut in avem Procne vertatur, Cadmus in anguem.
 Quodcunque ostendis mihi sic, incredulus odi.†
 Neve minor neu sit quinto productior actu

„Κατεψυγμένοι γάρ εἰσιν (οἱ πρεσβύτεροι), οἱ δὲ νέοι θερμοί· ὥστε προωδοποίησε τὸ γῆρας τῇ δειλίᾳ· καὶ γὰρ ὁ φόβος κατεψυξὲς τις ἐστίν.“ — anni venientes] „Anni venire dicuntur ad quadragesimum sextum usque annum, inde abire iam accedente senectute.“ *Comm. Cruq.* — morabimur] Boni codices et *Comm. Cruq.* male *morabitur*. „Ordo est: semper in adiunctis et aptis aevo morabitur, ita ut puero adiuncta sit levitas, adolescenti fervor, senī maturitas“ *Comm. Cruq.* De part. *que* vide ad Sat. II, 3, 130.

V. 179. *Verum*, inquit, non sufficit mores et aetates recte descripsisse; accedat oportet recta scientia earum rerum quas fabulae in scena actio postulat, ne quid coram populo agatur quod rectius amoveatur ab oculis hominum (v. 188), ne iusto maior minorve sit fabula (v. 190), ne res ipsae male inter se implicentur et explicantur neve personae addantur vel supervacaneae vel etiam spectatorum animos dividentes (v. 192), ne chorus prave adhibeatur (v. 201), denique ne quid male de re musica sentiatur. vv. 179—219. — *intus digna geri*] Intelliguntur omnia foeda et atrocia, quae horrore afficiant spectatores, et omnia incredibilia, quae cum oculis conspiciantur risum moveant, veluti transformationes hominum in bestias aliasque naturas. Utriusque rei exempla adduntur. — *quinto actu*] „In quinos actus post grammaticos Alexandrinos Romani dividebant fabulas; contra veteres Graeci in πρόλογον, ἐπεισόδια (ῥεῖα) et ἐξόδον, ita ut reapse divisio ad idem rediret.“ *Orellius*.

- Fingentur species, ut nec pes nec caput uni
 Reddatur formae. Pictoribus atque poetis
 10 Quidlibet audendi semper fuit aequa potestas.
 Scimus et hanc veniam petimusque damusque vicissim,
 Sed non ut placidis coëant immitia, non ut
 Serpentes avibus gementur, tigribus agni.
 Inceptis gravibus plerumque et magna professis
 15 Purpureus, late qui splendeat, unus et alter
 Assuitur pannus, cum lucus et ara Dianae
 Et properantis aquae per amoenos ambitus agros
 Aut flumen Rhenum aut pluvius describitur arcus:
 Sed nunc non erat his locus. Et fortasse cupressum
 20 Scis simulare; quid hoc, si fractis enatat exspes
 Navibus, aere dato qui pingitur? Amphora coepit
 Institui: currente rota cur urceus exit?
 Denique sit quidvis simplex duntaxat et unum.
 Maxima pars vatium, pater et iuvenes patre digni,
 25 Decipimur specie recti: brevis esse laboro,
 Obscurus fio; sectantem levia nervi
 Deficiunt animique; professus grandia turget;
 Serpit humi tutus nimium timidusque procellae;

fuere (Arabesken).“ — *aegri*] febriculis. — *pictoribus*] Sic possit aliquis obiciere. — *aequa*] iure permissa. — *coëant*] cf. Epist. I, 5, 25. — *gementur*] cf. Epod. 16, 30. — *inceptis gravibus*] In illud saepe incidunt vitium poetae splendoris studio, quo magnae expectationi quam magnificis exordiis excitare audent, satisfacere sibi videntur. Inde fit, ut in digressiones non raro deducantur vilique quasi vestimento purpureos quosdam pannos assuant totumque perdant. Eiusmodi pannorum exempla quaedam statim proferuntur, fortasse ex aequalium poetarum carminibus petita; nam *flumen Rhenum* ad Furium Bibaculum referendum esse non est improbabile. cf. Sat. I, 10, 37. — *flumen Rhenum*] vide ad Carm. IV, 4, 38. — *Et fortasse*] „Irrisio pictoris inepti, qui vix aliud noverat quam depingere cupressum. A quo cum naufragus quidam peteret, ut vultum suum et naufragium exprimeret, interrogavit num ex cupresso vellet aliquid appingi.“ *Comm. Cruq.* Tenendum est et pictoribus et poetis suam cuique rei esse locum. De naufragis vide ad Carm. I, 5, 13. — *coepit institui*] „constructione a Cicerone nunquam usurpata pro *coepta est institui*.“ *Orellius*. — *decipimur*] Alia causa; nam quibus pulchri et veri sensus arte et studio non est excultus, ii dum vitia vitare student nescientes in contraria ruunt. — *levia*] levigata, expolita, splendentia. Sic antiqui libri MSS. et scholiastae. Alii male ex frequentissima verborum confusione *lenia*, mollia. Monet poeta ne nimio levitatis (*λεϊότητος*) studio vis ac vigor orationis perdatur. — *timidus procellae*] De genitivo vide ad Epist. I, 15, 33. —

- Qui variare cupit rem prodigialiter unam,
 30 Delphinum silvis appingit, fluctibus aprum.
 In vitium ducit culpae fuga, si caret arte.
 Aemilium circa ludum faber imus et unguēs
 Exprimet et molles imitabitur aere capillos,
 Infelix operis summa, quia ponere totum
 35 Nesciet. Hunc ego me, si quid componere curem,
 Non magis esse velim, quam naso vivere pravo
 Spectandum nigris oculis nigroque capillo.
 Sumite materiam vestris qui scribitis aequam
 Viribus et versate diu quid ferre recusent,
 40 Quid valeant humeri. Cui lecta potenter erit res,
 Nec facundia deseret hunc nec lucidus ordo.
 Ordinis haec virtus erit et venus, aut ego fallor,

prodigialiter] ita variare, ut omnes qui legant ingenium suum admirentur, stupeant. — *Aemilium ludum*] Est ludus gladiatorius ab Aemilio Lepido exstructus non procul a Circo. — *faber imus*] Sic plurimi et antiquissimi codices. Recte, opinor. Altera enim lectio *unus*, quam alii interpretantur *praeter cetero*; *melius quam reliqui omnes*, alii *aliquis*, ex coniectura orta videtur. Vereor enim ne Horatius non velit dicere hunc fabrum melius quam reliquos omnes aere imitari unguēs et crines; satis enim magna laus erit, si bene ille id facere posse dicatur, id quod solo verbo *imitabitur* perspicue exprimitur. Deinde ut sit *unus* idem quod *aliquis*, id quod locis etiam probari non nego, Horatius neque dicere potuit, *aliquem* ex fabris circa ludum Aemilium egregie exprimere unguēs et capillos, quoniam certa ea laudatio ad incertum hominem, ad primum quemque fabrorum referri non poterit, neque suum ipsius morem ita relinquet, ut cum semper certam certorum hominum imaginem praeponere soleat, nunc vagam dubiamque inferat descriptionem. Quod quidem bene senserunt ii qui *Imum* nomen proprium esse putarunt apud Acronem, quamquam a vero aberrantes. Verum recte Porphyrio et Comment. Cruquianus imum eum esse, qui tum ad imam partem ludi tabernam habuerit, affimant. Sic certa enunciatum et laudatio et vituperatio certi hominis, omnibus aequalibus noti. Denique quis credat, si Horatii manus scripisset *unus*, vocabulum planum tritissimumque in antiquissimis codicibus corrumpi potuisse in alterum omnibus non aequalibus obscurius et rarius? — *ponere*] Carm. IV, 8, 8. — *nigris oculis*] vide ad Carm. I, 32, 11.

V. 38. *Simplicitati et unitati ut recte consulatur, materies sumenda est, cui recte tractandae vires sufficiunt. Quod si factum erit, non deerit neque facundia neque lucidus ordo. Iam primum agitur de lucido ordine* (v. 43—45), *tum de facundia* (v. 46—72), *quae cernitur in eligendis recte verbis, priscis recipiendis, novis apte faciendis, tum in coniungendorum inter se verborum nova et eleganti ratione*. — *potenter*] pro suis viribus. Supervacanea est Marklandi coniectura *pudenter* i. e. modeste, ut v. 51. cf. Epist. I, 17, 44. II, 1, 259. — *venus*] Quintil. VI, 3, 18: „Venustum esse quod cum gratia quadam et

Horatius ed. Dillenburger.

- Ut iam nunc dicat iam nunc debentia dici,
 Pleraque differat et praesens in tempus omittat ;
 45 Hoc amet, hoc spernat promissi carminis auctor.
 45 In verbis etiam tenuis cautasque serendis;
 Dixeris egregie, notum si callida verbum
 Reddiderit iunctura novum. Si forte necesse est
 Indiciis monstrare recentibus abdita rerum,
 50 Fingere cinctutis non exaudita Cethegis
 Continget dabiturque licentia sumpta pudenter.
 Et nova fictaque nuper habebunt verba fidem, si
 Graeco fonte cadant parce detorta. Quid autem
 Caecilio Plautoque dabit Romanus ademptum
 55 Virgilio Varioque? Ego cur, acquirere pauca
 Si possum, invideor, cum lingua Catonis et Enni
 Sermonem patrium ditaverit et nova rerum
 Nomina protulerit? Licuit semperque licebit
 Signatum praesente nota producere nomen.†

venere dicatur apparet.“ — *nunc debentia*] Cavendum esse praecipit, ne alia dicantur atque ea quae quovis loco necessaria sint, ne in scribendo scriptor animo indulgeat; suo quodque loco ponendum esse, ut intelligatur cur scriptor hoc posuerit, illud spreverit. — *in verbis*] Cic. de Orat. III, 37: „Est quidam ornatus orationis qui ex singulis verbis est, alius qui ex continuatis coniunctisque constat. Ergo utemur verbis aut iis quae propria sunt et certa quasi vocabula rerum, paene una nata cum rebus ipsis, aut iis quae transferuntur et quasi alieno in loco collocantur, aut iis quae novamus et facimus ipsi.“ Dionys. Halic. de Comp. 3: „Ὅν τε ἐν τῷ κάλλει τῶν ὀνομάτων ἡ περὶ τῆς ἐρμηνείας ἔστιν ἀλλ’ ἐν συζυγίᾳ.“ — *abdita rerum*] notiones novas. — *cinctutis Cethegis*] cf. Epist. II, 2, 115 sqq. *Cinctuti* sunt cinctu induti; *cinctus* autem vestis fuit infra pectus corpus ambiens et ad pedes pertingens. A priscis Romanis gestabatur cinctus loco tunicae, ut expeditiores essent ad agendum; habebant enim soluta brachia et ad exserendum habiliora. *Cinctutus* voc. praeter h. l. non videtur legi nisi apud Ovidium Fast. V, 101: „coleris cinctutis, Faune, Lupercis“ i. e. prope nudis et cinctu pudenda velatis. — *pudenter*] Quintil. I, 5, 71: „Usitatis tutius utimur; nova non sine quodam periculo fingimus.“ — *Graeco fonte*] Facienda verba sunt ad analogiam graecae linguae sed ex ingenio et natura latinae, ut apud Horatium *centimanus*, *tauriformis*, *beluosus*, alia Quintil. XII, 10, 33: „Tanto est sermo Graecus Latino iucundior, ut nostri poetae, quoties dulce carmen esse voluerint, illorum id nominibus exornent.“ — *Caecilio*] Epist. II, 1, 59. — *Virgilio Varioque*] Noli colligere ex hoc loco, vixisse etiam tunc Virgilium et Varium; sed hi eius aetatis egregii poetae contra priscos Caecilium et Plautum ponuntur; utrisque idem novandorum verborum ius vindicatur. — *invideor*] vide Zumpt. gr. lat. §. 413. — *Catonis*] M. Porcii Catonis, qui Censorinus dicitur. — *producere nomen*] Sic antiquissimi codices. Qui scripserunt

- 60 Ut silvae foliis pronos mutantur in annos,
 Prima cadunt; ita verborum vetus interit aetas,
 Et iuvenum ritu florent modo nata vigentque.
 Debemur morti nos nostraque: sive receptus
 Terra Neptunus classes Aquilonibus arcet,
- 65 Regis opus, sterilisve diu palus aptaque remis
 Vicinas urbes alit et grave sentit aratrum,
 Seu cursum mutavit iniquum frugibus amnis,
 Doctus iter melius; mortalia facta peribunt,
 Nedum sermonum stet honos et gratia vivax.
- 70 Multa renascentur quae iam cecidere, cadentque
 Quae nunc sunt in honore vocabula, si volet usus,
 Quem penes arbitrium est et ius et norma loquendi.
 Res gestae regumque ducumque et tristia bella

procudere, nimio continuandae imaginis studio non viderunt idem a se bis dici; nam quid aliud est *signare*? Sed in *producere* quoque metaphorā a nummis desumpta continuatur; est enim nummos recens factos „in notitiam hominum deducere“, ut dicunt scholiastae, hanc lectionem tuentes. — *pronos annos*] ad finem vergentes. Carm. III, 27, 18. — *prima*] quae prius germinarunt, ea prius decidunt. — *debemur*] cf. Carm. II, 14, 21 sqq. — *Neptunus*] A. u. c 717 Octavianus Agrippae consilio lacum Lucrinum cum lacu Averno coniunxit magnumque ibi fecit portum tutissimum ab impetu et hostium et maris. — *Aquilonibus*] Virg. Aen. IV, 310. De casu cf. Epist. I, 8, 10. — *palus*] Ex licentia quadam poetica ultima syllaba correpta est. Explicant scholiastae locum de exsiccatis ab Augusto Pomptinis paludibus; sed a nemine docemur Augustum perfecisse quod Iulius Caesar ante esset meditatus. Sueton. Caes. 44: „Iulius Caesar siccare Pomptinas paludes meditabatur.“ Neque magis sumus certi de correcto ab Augusto Tiberis cursu; quae res a poeta significata est v. 67. — *sermonum*] loquendi consuetudo. Quintil. I, 6, 43: „Et sane quid est aliud *vetus sermo* quam *vetus loquendi consuetudo*?“ — *usus*] cf. Epist. II, 2, 119.

V. 73. *A singulis vocabulis Horatius transit ad ipsam orationem: quare praecipit in quoque carminum genere rectos numeros rectumque dicendi genus observandum esse ac tenendum (v. 86 sqq.), ita ut congruant ea cum ipsa re et cum sensibus et natura eorum hominum qui describantur. Exempla eius rei sumuntur ex tragoedia et comedia, quarum versus iambici non debent eiusdem esse aut gravitatis aut levitatis, cum ad rationem cupiditatum ac morum personarum etiam sermo aut cadere debeat aut tolli; etenim lingua interpret est animi motuum ipsorum qui loquuntur hominum (v. 111). Praeterea sermo accommodandus est ad condicionem, aetatem, patriam hominum. His igitur diligenter consulendum est, sive persona describitur ab aliis iam facta et tradita, ut Achilles, Medea, aliae personae (v. 124) sive novae inveniuntur a scribentibus ipsis. Novas autem fingere periculosum est, traditas describere facilius et gratius, in qua tamen re cavendum est ne scriptio omnino coerceatur imitatione; sed in traditis etiam personis necessaria*

Quo scribi possent numero, monstravit Homerus.

- 75 Versibus impariter iunctis querimonia primum,
Post etiam inclusa est voti sententia compos;
Quis tamen exiguos elegos emisit auctor,
Grammatici certant et adhuc sub iudice lis est.
Archilochum proprio rabies armavit iambo:
80 Hunc socci cepere pedem grandesque cothurni,
Alternis aptum sermonibus et populares
Vincentem strepitus et natum rebus agendis.†
Musa dedit fidibus divos puerosque deorum,
Et pugilem victorem et equum certamine primum
85 Et iuvenum curas et libera vina referre.
Descriptas servare vices operumque colores
Cur ego si nequeo ignoroque poeta salutor?
Cur nescire pudens prave quam discere malo?
Versibus exponi tragicis res comica non vult;
90 Indignatur item privatis ac prope socco
Dignis carminibus narrari coena Thyestae.
Singula quaeque locum teneant sortita decenter.
Interdum tamen et vocem comoedia tollit,
Iratusque Chremes tumido delitigat ore;
95 Et tragicus plerumque dolet sermone pedestri

est describendi novitas ac proprietas (v. 73—135). — impariter] Hoc adverbium non videtur legi nisi hoc uno loco. Significantur hexameter versus et pentameter. — querimonia] lugubris elegia de amicis vel civibus egregiis morte ereptis. „Primum metro elegiaco res tristes et lugubres, post etiam laetae et prosperae coeperunt describi.“ *Comm. Cruq.* — exiguos elegos] tenues et humiles, si comparantur cum epici carminis gravitate. *Orion* p. 58: „Εὐρετὴν δὲ τοῦ ἐλεγίου γασὶν οἱ μὲν τὸν Ἀρχιλόχον, οἱ δὲ Μίμνερον, οἱ δὲ Καλλίνον παλαιότερον· οὕτω Ἀίδυμος (Horatii aequalis) ἐν τῷ περὶ ποιητῶν.“ Omnium quae ad nos pervenerunt antiquissima elegia est Callini (730 a. Chr.). — Archilochum] *Epod.* 6, 13. *Epist.* I, 19, 25. — socci] *Epist.* II, 1, 174. Ut cothurnus tragoediam ita soccus comoediam indicat — alternis] *Aristot.* *Poet.* 4: „Μάλιστα λεκτικὸν τῶν μέτρων τὸ λαμβεῖόν ἐστιν· σιμεῖον δὲ τοῦτου· πλείους γὰρ λαμβεῖα λέγονται ἐν τῇ διαλέκτῳ τῇ πρὸς ἀλλήλους, ἐξάμετρα δὲ ὀλιγάκις.“ — strepitus] clamores „populi, id est, clarius resonantem in scena quam tumultus popularis resonet: tales strepitus excitat iste pes.“ *Comm. Cruq.* — divos puerosque] Inducantur varia lyricae poesis genera. cf. *Carm.* IV, 2, 10 sqq. — libera vina] *Sat.* I, 4, 89. II, 8, 37. — descriptas] certis legibus divisas, ut suum cuique generi metrum constitutum sit. — privatis] sermone ex quotidiana ac vulgari vita sumpto. — Thyestae] vide ad *Carm.* I, 6, 8. — Chremes] persona Terentiana ex *Heautontim.* V, 4, ubi Chremes

- Telephus et Peleus, cum pauper et exsul uterque
 Proiicit ampullas et sesquipedalia verba,
 Si curat cor spectantis tetigisse querela.
 Non satis est pulchra esse poemata; dulcia sunt
 100 Et quocunque volent animum auditoris agunto.
 Ut ridentibus arrident, ita flentibus adsunt
 Humani vultus; si vis me flere, dolendum est
 Primum ipsi tibi; tunc tua me infortunia laedent,
 Telephe vel Peleu: male si mandata loqueris,
 105 Aut dormitabo aut ridebo. Tristia moestum
 Vultum verba decent, iratum plena minarum,
 Ludentem lasciva, severum seria dictu. †
 Format enim natura prius nos intus ad omnem
 Fortunarum habitum; iuvat aut impellit ad iram
 110 Aut ad humum moerore gravi deducit et angit;
 Post effert animi motus interprete lingua.
 Si dicentis erunt fortunis absona dicta,
 Romani tollent equites peditesque cachinnum.
 Intererit multum divusne loquatur an heros,
 115 Maturusne senex an adhuc florente iuventa

castigat prodigum filium Clitiphonem. — *Telephus et Peleus*] tragicæ personae. Telephus Hercules filius fuit ex Auge, Alei filia, Mysiae regis. „Illi ambo reges fuerunt, qui amissis regnis ad tantam inopiam devenerunt, ut exsules facti mendicando sibi undecunque victum conquirerent, omissis verbis grandibus et regiis.“ *Comm. Cruq.* — *proiicit*] respuit, non utitur. — *ampullas*] cf. *Epist.* I, 3, 14; de oratione nimis ornata. Graece *ληχνθίζειν*. — *dulcia sunt*] Accedit interpretatio huius vocabuli insequentis versu; nam *dulcis* voc. cognatum videtur cum graeco *δέλγειν*. — *arrident*] *Aristot. Rhetor.* III, 7: „συνομοιοῦναι δὲ αἱ ἀποῶν τῷ παθητικῶς λέγοντι.“ — *severum seria*] Severi dicuntur fere semper homines, seriae res.

V. 113. *equites peditesque*] universus populus, ut apud Livium I, 44. — *divusne*] Sic antiquissimi codices et *Comm. Cruq.*, alii *Davus*, propter quem postea *heros* mutatus est in *herum*. Et recte quidem iam *Iason de Nores*: „Gradatim Horatius personarum divisionem in fabulis introducendarum enumerat, quae ex substantia aut divinae sunt aut humanae. Humanae rursus differunt aut aetate, ut senex a iuvene, aut fortuna, ut a Colcho Assyrius, aut patria ut a Thebano Argivus.“ Deinde *Davus* comicus alienus est inter reliquas tragicas personas, neque facilius lectio facile transisset in difficiliorem. Et differt etiam in Graecis deorum sermo a sermone heroum; de qua re *Orellius*: „Quippe illi, inquit, praese ferunt nescio quid sublimioris spiritus, plus quam humani, vere coelestis, quippe qui summa tranquillitate ac beatitudine perfuantur, dum vel aestuant vel mortaliū aegrimoniis malisque conflictantur heroes.“

- Fervidus, et matrona potens an sedula nutrix,
 Mercatorne vagus cultorne virentis agelli,
 Colchus an Assyrius, Thebis nutritus an Argis.
 Aut famam sequere aut sibi convenientia finge.
- 120 Scriptor honoratum si forte reponis Achillem,
 Impiger, iracundus, inexorabilis, acer
 Iura neget sibi nata, nihil non arroget armis.
 Sit Medea ferox invictaque, flebilis Ino,
 Perfidus Ixion, Io vaga, tristis Orestes.]
- 125 Si quid inexpertum scenae committis et audes
 Personam formare novam, servetur ad imum,
 Qualis ab incepto processerit et sibi constet.
 Difficile est proprie communia dicere; tuque
 Rectius Iliacum carmen deducis in actus,
- 130 Quam si proferres ignota indictaque primus.
 Publica materies privati iuris erit, si
 Non circa vilem patulumque moraberis orbem,
 Nec verbo verbum curabis reddere fidus
 Interpres, nec desilies imitator in artum,
- 135 Unde pedem proferre pudor vetet aut operis lex.
 Nec sic incipies, ut scriptor cyclicus olim :

— *famam sequere*] *μῦθον* ab antiquis traditum neque mutabilem. — *reponis*] cf. v. 190: iterum in scenam reducis. De Achille cf. Hom. II. IX, 636 sqq. XX, 467 sqq. — *Ino*] uxor Athamantis et mater Learchi et Melicertae. Athamas ira deorum in furorem actus uxori alterum filium eripuit discerpsitque; tum Ino cum altero in mare se praecipitavit. Ovid. Met. IV, 416 sqq. — *Ixion*] Schol. in Apollon. III, 62: „*Ἰξίων γαμήσας Δίαν τὴν Ἥϊονέως θυγατέρα πολλά ὑπέσχετο δώσειν ἔδνα. Ἐλθόντος δὲ ἐπὶ ταῦτα Ἥϊονέως βέρεθρον ποιήσας καὶ πυρακτώσας σκεπάζει αὐτὸ λεπτοῖς ξύλοις καὶ κόνει λεπτῇ. ξυπεσὼν δὲ ὁ Ἥϊονεύς ἀπόλλυται. λύσσα δὲ τῷ Ἰξίονι ἐνέπεσε διὰ τοῦτο.*“ — *Io*] Ovid. Met. I, 588 sqq. — *proprie communia*] „*Proprie dicere* est ita undique describere ac finire, ut iam non commune quiddam aut generale (*Abstractes*) videatur sed individuum, in quo omnia sunt determinata.“ *Gesner*. — *deducis*] Male alii *diducis*. vide ad Sat. II, 1, 4. — *publica materies*] Cave hanc confundas cum *communibus* v. 128; immo vero publica est materies iam saepius tractata et ita quasi publici iuris facta. In qua re curandum est poetae, ne meros locos communes proferat omnibusque statim obvios, neve nimis premat vestigia suorum exemplorum. — *in artum*] Contrarium hoc patulo orbi. Qui vincula ita sibi iniecit, ut superiorem anxie imitetur, is neque audet (*pudor vetet*) quidquam mutare, cum suis viribus nihil ipse confidat, neque potest (*operis lex*) quidquam mutare, cum maiorem partem alieni operis susceperit, quam ut reliquam possit libere relinquere.

Fortunam Priami cantabo et nobile bellum.

Quid dignum tanto feret hic promissor hiatu?

Parturient montes, nascetur ridiculus mus.

140 Quanto rectius hic, qui nil molitur inepte:

Dic mihi, Musa, virum, captae post tempora Troiae

Qui mores hominum multorum vidit et urbes.

Non fumum ex fulgore, sed ex fumo dare lucem

Cogitat, ut speciosa dehinc miracula promat,

145 Antiphaten Scyllamque et cum Cyclope Charybdi;

Nec reditum Diomedis ab interitu Meleagri,

Nec gemino bellum Troianum orditur ab ovo;

V. 136. *Horatius postquam de externa carminum forma disputavit, leniter declinavit ad ipsam rei tractationem ac primum loquitur de exordio recte praeponendo; in qua re hoc videndum esse docet, ne maiora promittantur quam quae deinde praebeantur (v. 143), deinde ut qui legant in mediis statim res rapiantur. Exemplum proponitur Homeri; unde vides non scenicam solum poesin spectari sed totam. Documenta autem plurima ex illa parte ideo potissimum sumuntur, vel quia Piso huic erat deditus, vel quia haec una pars reliquis magis exculta maiori-que honore digna habita est, ut quae inde sumpta essent documenta et exempla efficacissima viderentur ac proxime ad omnium citium intelligentiam accedentia. Atque ibi latere videtur causa cur postea v. 153 ad scenicam poesin uberius illustrandam poeta transiverit. vv. 136 — 152. — scriptor cyclicus] Poetarum cyclicorum nomine complectebantur Alexandrini eos poetas, qui aliquot saeculis post HomERICA carmina aut ea epicis carminibus descripsissent quae Iliadem praecessissent, aut sua carmina ibi incepissent ubi finem haberent HomERICA. Ex quibus omnibus grammatici *κύκλον* confecerant, cui HomERICA quoque carmina recto ordine et loco addiderant. Intelligenda igitur sunt carmina ut Arctini *Ἀργίωντος*, qua Troicum bellum describebatur usque ad certamen de Achillis armis, Stasini *Κύπρια*, quae complectebantur quaecunque acta erant a rapta Helena usque ad iram Achillis, *Ἰλιάς μικρά*, quam Lesches scripsisse dicitur, qua pugna continuabatur usque ad equum ligneum in Troiam urbem receptum, alia. — *Fortunam Priami*] Incertum est cuius carminis initium significetur. *parturient*] Ex graeco proverbio: *Ὠδινεν ὄρος· εἶτα μὲν ἀπέτεκεν* — *qui mores*] Epist. I, 2, 19. — *Antiphaten*] Hom. Od. X, 100 sqq.; de Scylla et Charybdi Od. XII, 85 sqq., de Cyclope Od. IX, 187 sqq. — *Meleagri*] Dicunt scholiastae Antimachum notari, Platonis aequalem, Thebaidis poetam; et suspicantur viri docti, Antimachum finem totius actionis, i. e. reditum Diomedis in Aetoliam post Epigonorum victoriam cepisse ab interitu Meleagri. Fuit autem Meleager Oenei Calydoniae regis filius ex Althaea coniuge. Filio recenter nato Althaea Parcas igni assidentes videre sibi visa est manumque stipitem tenentes aequalemque puero cum stipite vitam assignantes: quo facto mater exstinctum stipitem diligenter asservavit, postea autem, cum Meleager avunculos suos occidisset, in furorem versa fatalem stipitem in ignem coniecit. Tum Meleager exustis intus intestinis consumptus est. — *gemino ovo*] „Duo ova peperisse dicitur Leda, alterum ex Iove sub specie cygni, ex quo nati sunt Pollux*

- Semper ad eventum festinat et in medias res
 Non secus ac notas auditorem rapit, et quae
 150 Desperat tractata nitescere posse relinquit,
 Atque ita mentitur, sic veris falsa remiscet,
 Primo ne medium, medio ne discrepet imum.†
 Tu, quid ego et populus mecum desideret, audi.
 Si plausoris eges aulaea manentis et usque
 155 Sessuri, donec cantor „Vos plaudite“ dicat;
 Aetatis cuiusque notandi sunt tibi mores,
 Mobilibusque decor naturis dandus et annis.
 Reddere qui voces iam scit puer et pede certo
 Signat humum, gestit paribus colludere et iram
 160 Colligit ac ponit temere et mutatur in horas.
 Imberbis iuvenis tandem custode remoto
 Gaudet equis canibusque et aprici gramine campi,
 Cereus in vitium flecti, monitoribus asper,
 Utilem tardus provisor, prodigus aeris,
 165 Sublimis cupidusque et amata relinquere pernix.†
 Conversis studiis aetas animusque virilis
 Quaerit opes et amicitias, inservit honori,
 Commisisse cavet quod mox mutare laboret,

et Helena, alterum ex Tyndaro, ex quo Castor et Clytaemnestra.“ *Comm. Cruq.* — *mentitur*] Aristot. Poet. 24: „τεδίδαχε δὲ μάλιστα Ὀμηρος καὶ τοὺς ἄλλους ψευδῇ λέγειν ὡς δεῖ.“ — *ne medium*] vide ad Epist. I, 1, 47.

V. 152. *In scenica poesi primum agit de recte describendis ac tenendis moribus diversarum aetatum, ne veritas poetica laedatur. Diversus utique hic locus est a v. 115 sqq.; ibi de sermonis natura, hic de actionibus agitur deque diligenter describendo toto homine.* vv. 153—178. — *aulaea*] vide ad Epist. II, 1, 189. — *cantor*] histrio, nam ad cantum tibiaram pronunciabat. Sueton. Calig. 54: „Canendi ac saltandi voluptate ita efferebatur, ut ne publicis quidem spectaculis temperaret, quominus et tragoedo pronuncianti concineret.“ Quae postremo loquebatur persona, populo acclamare solebat *plaudite*. — *mobilibus naturis*] Recte *Orellius*: „Naturae humanae mutabiles sunt pro singulorum hominum aetate progrediente; hae igitur mutationes sensim factae et notandae et decore imitandae sunt poetae.“ Supervacanea est Bentleii coniectura *maturis*, tribus quidem codicibus sustentata; etenim quam quaesivit ille ἀντίθεσιν *mobilem* i. e. iuniorum et *maturorum* i. e. seniorum annorum, ea ab hoc loco qui generalem praemittit sententiam alienissima est. — *in horas*] vide ad Sat. II, 7, 10. — *campi*] Martii, ubi corpora exercebant iuvenes. — *sublimis*] μεγαλόψυχος, hochfahrend. — *pernix*] Arist. Rhet. II, 12 de adolescentibus: „Σφόδρα μὲν ἐπιθυμοῦσι, ταχέως δὲ παύονται.“ — *commisisse*] ἀορίστως — *gelide*] Aristot. l. l.:

- Multa senem circumveniunt incommoda, vel quod
 170 Quaerit et inventis miser abstinet ac timet uti,
 Vel quod res omnes timide gelideque ministrat,
 Dilator, spe longus, iners, avidusque futuri,
 Difficilis, querulus, laudator temporis acti
 Se puero, castigator censorque minorum.
 175 Multa ferunt anni venientes comoda secum,
 Multa recedentes adimunt. Ne forte seniles
 Mandentur iuveni partes pueroque viriles;
 Semper in adiunctis aevoque morabimur aptis.
 Aut agitur res in scenis aut acta refertur.
 180 Segnius irritant animos demissa per aurem,
 Quam quae sunt oculis subiecta fidelibus et quae
 Ipse sibi tradit spectator: non tamen intus
 Digna geri promes in scenam multaue tolles
 Ex oculis, quae mox narret facundia praesens:
 185 Ne pueros coram populo Medea trucidet
 Aut humana palam coquat exta nefarius Atreus
 Aut in avem Procne vertatur, Cadmus in anguem.
 Quodcunque ostendis mihi sic, incredulus odi.†
 Neve minor neu sit quinto productior actu

„Κατεψυγμένοι γὰρ εἰσιν (οἱ πρεσβύτεροι), οἱ δὲ νέοι θερμοί· ὥστε προωδοποίησε τὸ γῆρας τῇ δειλίᾳ· καὶ γὰρ ὁ φόβος καταψυθεῖς τις ἐστίν.“ — anni venientes] „Anni venire dicuntur ad quadragesimum sextum usque annum, inde abire iam accedente senectute.“ *Comm. Cruq.* — morabimur] Boni codices et *Comm. Cruq.* male *morabitur*. „Ordo est: semper in adiunctis et aptis aevo morabitur, ita ut puero adiuncta sit levitas, adolescenti fervor, seni maturitas“ *Comm. Cruq.* De part. *que* vide ad Sat. II, 3, 130.

V. 179. *Verum, inquit, non sufficit mores et aetates recte descripsisse; accedat oportet recta scientia earum rerum quas fabulae in scena actio postulat, ne quid coram populo agatur quod rectius amoveatur ab oculis hominum* (v. 188), *ne iusto maior minorve sit fabula* (v. 190), *ne res ipsae male inter se implicentur et explicentur neve personae addantur vel supervacaneae vel etiam spectatorum animos dividentes* (v. 192), *ne chorus prave adhibeatur* (v. 201), *denique ne quid male de re musica sentiantur*. vv. 179—219. — *intus digna geri*] Intelliguntur omnia foeda et atrocia, quae horrore afficiant spectatores, et omnia incredibilia, quae cum oculis conspiciantur risum moveant, veluti transformationes hominum in bestias aliasque naturas. Utriusque rei exempla adduntur. — *quinto actu*] „In quinos actus post grammaticos Alexandrinos Romani dividebant fabulas; contra veteres Graeci in πρόλογον, ἐπεισόδια (τρίαι) et ἐξόδον, ita ut reapse divisio ad idem rediret.“ *Orellius*.

- 190 Fabula, quae posci vult et spectata reponi;
 Nec deus intersit nisi dignus vindice nodus
 Inciderit; nec quarta loqui persona laboret.
 Actoris partes chorus officiumque virile
 Defendat, neu quid medios intercinat actus,
 195 Quod non proposito conducat et haereat apte.
 Ille bonis faveatque et consilietur amice,
 Et regat iratos et amet peccare timentes;
 Ille dapes laudet mensae brevis, ille salubrem
 Iustitiam legesque et apertis otia portis;
 200 Ille tegat commissa deosque precetur et oret,
 Ut redeat miseris, abeat fortuna superbis.
 Tibia non, ut nunc, orichalco vincta tubaeque
 Aemula sed tenuis simplexque foramine paucō
 Adspirare et adesse choris erat utilis atque
 205 Nondum spissa nimis complere sedilia flatu;
 Quo sane populus numerabilis utpote parvus
 Et frugi castusque verecundusque coibat.
 Postquam coepit agros extendere victor et urbem
 Latior amplecti murus vinoque diurno

— *nec deus*] Plat. Cratyl. p. 425. E: „Ὡςπερ οἱ τραγωδοποιοὶ ἐπει-
 δάν τι ἀπορώσιν, ἐπὶ τὰς μηχανὰς ἀποφεύγουσι θεὸν αἰροντες.“
 Inde proverbium illud: *deus ex machina*. — *quarta persona*] „Quarta
 persona cum inducitur, debet aut omnino non loqui vel admodum pau-
 ca: inducitur enim aut ut annuat aut ut aliquid ei imperetur.“ *Comm.*
Cruq. — *chorus*] *Lambinus*: „chorus tutetur et agat partes actoris, i. e.
 chorus habeatur unius actoris loco, unius munere fungatur et officium
 virile obeat i. e. unius personae locum obtineat“ *Aristot. Poet.* 18:
 „Καὶ τὸν χορὸν δὲ ἓνα δεῖ ὑπολαβεῖν τῶν ὑποκριτῶν καὶ μόριον
 εἶναι τοῦ ὅλου.“ — *consilietur*] consilium det; aliter *Carm.* III, 3, 17.
 — *peccare timentes*] Sic omnes prope codices, *Acro*, *Comm. Cruq.*, qui
 interpretantur *innocentes*; neque est cur cum *Bentleio* ex vestigiis trium
 codicum scribamus *pacare timentes*, quod idem prope est quod *iratos*
regere. — *apertis portis*] *Carm.* III, 5, 23. — *tibia*] „Tibia enim ante
 non erat ita ornata neque tam multis foraminibus tubae aemula. Modo
 vero et ornata est et tam multa habet foramina, ut sonet quemadmodum
 tuba. Ostendit luxuriam recentem et ambitionem natam esse, antiqui-
 tatem vero severam fuisse; nam prius tibia non erat ambitiosa nec mul-
 tis distincta foraminibus. Varro ait ad *Marcellum* de lingua latina,
 quattuor foraminum fuisse tibias apud antiquos, et se ipsum in templo
Marsyae vidisse tibias quattuor foraminum. Quare quaterna foramina
 antiquae tibiae habuerunt. Alii dicunt non plus quam tria.“ *Acro*. —
numerabilis] „Apud neminem ante *Horatium* hoc vocabulum nunc repe-
 ritur.“ *Orellius*. — *vino diurno*] convivii tempestivis. — *placari*] vide

- 210 Placari Genius festis impune diebus,
 Accessit numerisque modisque licentia maior.
 Indoctus quid enim saperet liberque laborum
 Rusticus urbano confusus, turpis honesto?
 Sic priscae motumque et luxuriam addidit arti
- 215 Tibicen traxitque vagus per pulpita vestem;
 Sic etiam fidibus voces crevere severis
 Et tulit eloquium insolitum facundia praeceps,
 Utiliumque sagax rerum et divina futuri
 Sortilegis non discrepuit sententia Delphis.
- 220 Carmine qui tragico vilem certavit ob hircum,
 Mox etiam agrestes Satyros nudavit et asper
 Incolumi gravitate iocum tentavit eo, quod
 Illecebris erat et grata novitate morandus
 Spectator functusque sacris et potus et exlex.
- 225 Verum ita risores, ita commendare dicaces

ad Carm. I, 36, 2. — *indoctus quid enim*] „Hos versus neque efficiendos (cum Paldamo) neque transponendos (post v. 224 cum Engelio) esse facile perspicitur, dummodo ad ea quorum causam indicant referantur. Sunt igitur cum decem qui praecedunt versibus coniungendi; ostendunt enim cur musica scenica non prius a prisca illa simplicitate desciverit quam quo tempore populus, quippe magnis victoriis potens, mollis et luxuriosus factus, dies noctesque conviviis et computationibus benigne se tractare coepisset.“ *Hilgers* de Q. H. F. epist. ad Pis. p. 39. — *vestem*] Epist. II, 1, 205; syrma tragicum. — *eloquium*] „Pari modo fidicen quoque prisca severitate relicta severos lyrae sonos auxit atque poeta, ut liberiores musicae numeros sequeretur, chori orationem, quae antea simplex et modesta fuit, tantopere immutavit, ut iam praecipiti, inflato et obscuro dicendi genere usus sapientes et fatidicos proferret sententias, quae ab obscuris Apollinis Delphici oraculis non multum differebant.“ *Hilgers* l. 1.

V. 220. Cum Romani poetae nihil intentatum relinquerent (cf. v. 285), probabile est non defuisse tunc qui satyricum quoque drama Romanum transferre conarentur, quamquam Orellii opinio paulo audacior videtur „hoc ipsum genus fuisse, in quo elaborare sibi proposuerit maior Pisonum, eum se fore sperans, qui patrias litteras ditaret novaeque gloria afficeret.“ In satyrico autem dramate id maxime curandum esse docet, ut rectum illud ordinem et locum obtineat inter tragoediam et comoediam, h. e., ne oratio rerumque descriptio ad altiore multo tragoediam adscendat aut ad demissionem comoediam deprimatur. Praeterea artificis esse in hoc quoque genere notissimas res singularem eximiaeque ratione tractare, vv. 220—250. — *ob hircum*] graece ῥάγος, unde ῥαγῶντα. — *nudavit*] nudos induxit in scenam, i. e. invenit. — *spectator*] „qui spectator veniebat post sacrificia, iam pransus, iam potatus.“ *Acro.* — *dicaces*] Quintil. VI, 3, 21: „Dicacitas sine dubio a dicendo, quod est omni generi commune, ducta est: proprie tamen significat sermonem

- Conveniet Satyros, ita vertere seria ludo,
 Ne quicunque deus, quicunque adhibebitur heros,
 Regali conspectus in auro nuper et ostro,
 Migret in obscuras humili sermone tabernas,
 230 Aut, dum vitat humum, nubes et inania captet.
 Effutire leves indigna tragoedia versus,
 Ut festis matrona moveri iussa diebus,
 Intererit Satyris paulum pudibunda protervis.
 Non ego inornata et dominantia nomina solum
 235 Verbaque, Pisones, Satyrorum scriptor amabo,
 Nec sic enitar tragico differre colori,
 Ut nihil intersit, Davusne loquatur et audax
 Pythias emuncto lucrata Simone talentum,
 An custos famulusque dei Silenus alumni.
 240 Ex noto fictum carmen sequar, ut sibi quivis
 Speret idem, sudet multum frustraue laboret
 Ausus idem: tantum series iuncturaque pollet,
 Tantum de medio sumptis accedit honoris.
 Silvius deducti caveant me iudice Fauni,
 245 Ne velut innati triviis ac paene forenses
 Aut nimium teneris iuvenentur versibus unquam
 Aut immunda crepent ignominiosaue dicta:
 Offenduntur enim quibus est equus et pater et res,

cum risu aliquos incessentem.“ — *seria ludo*] tragoediae immiscere satyricum genus i. e. *μῦθους* tragicis affines. — *leves versus*] quales comoediae decent. — *matrona*] „Sunt enim quaedam sacra, in quibus saltant matronae, sicut in sacris matris deorum.“ *Acro.* — *dominantia*] „nomina quae propriis vocabulis nuncupantur, ut *libri, capsae, paginae*.“ *Porph.* Sunt *κύρια*, eigentliche Benennungen. — *Pythias*] „persona comica in comoedia Lucilii (*Orellius* coniecit: *Caecilii*), quae inducitur per astutias accipere argentum a Simone domino suo in dotem suae filiae.“ *Comm. Cruq.* — *emuncto*] Terent. Phorm. IV, 4, 1: „Emuuxi argento senes;“ *ἀπομύσσειν*, de quo vide Passow. lex. s. s. — *ausus idem*] Consulto haec verba in initio versus posita sunt, ut quasi certent cum primis verbis praecedentis versus. — *deducti*] in scenam. Fauni h. l. iidem sunt qui satyri. — *innati triviis*] Fauni, inquit, silvestres sunt, quare non licet iis urbanum sermonem imitari et sibi arrogare, ne aut cum elegantibus iuvenibus nimiam affectent teneritatem ac mollitiem quandam dicendi aut cum corruptis hominibus immunda crepent. *Innati triviis* sunt urbani homines, sed cum aliquo contemptu dictum est; neque vero omnes qui sunt in urbe nati forenses sunt, nam *forenses* sunt qui in foro versari et causas agere consueverunt ideoque urbanam rationem dicendi diligenter observant. — *iuvenentur*] *ἀπαξ λεγόμενον*

- Nec si quid fricti ciceris probat et nucis emptor,
 250 Aequis accipiunt animis donantve corona.
 Syllaba longa brevi subiecta vocatur iambus,
 Pes citus; unde etiam trimetris accrescere iussit
 Nomen iambeis, cum senos redderet ictus,
 Primus ad extremum similis sibi: non ita pridem,
 255 Tardior ut paulo graviorque veniret ad aures,
 Spondeos stabiles in iura paterna recepit
 Commodus et patiens, non ut de sede secunda
 Cederet aut quarta socialiter. Hic et in Atti
 Nobilibus trimetris apparet rarus et Enni
 260 In scenam missos cum magno pondere versus
 Aut operae celeris nimium curaueque carentis
 Aut ignoratae premit artis crimine turpi.
 Non quivis videt immodulata poemata iudex,
 Et data Romanis venia est indigna poetis.
 265 Idcircone vager scribamque licenter? an omnes

formatum ad Graecum *νεανιεύεσθαι*. — *equus*] Indicantur equites, *ingenui*, *locupletes*, omnes omnino qui aliquid sentiunt in hac re.

V. 250. In fabulis scribendis magna cura navanda est etiam rei metricae; quare agit poeta de trimetro, dum leges eius ostendit negligentiamque veterum poetarum latinorum notat. Tum commendat graeca exemplaria, Graeciaeque omnem laudem inventi dramatici generis vindicat, simul tamen confitetur Latinos poetas laudanda aemulatione nihil intentatum reliquisse ac praecipue eam rem bene instituisse quod res ex patria historia petitas poetica sua facultate exornabant. vv. 250—288. — *accrescere iussit*] „Iambus citus voluit versum sex pedibus trimetrum vocari; non enim unus pes iambus metrum fecit ut alii pedes, sed duo propter volubilitatem.“ *Comm. Cruq.* — *iambeis*] graeca forma pro latina iambicis versui minus commoda. — *non ita pridem*] de infinito aliquo tempore ut *nuper*. cf. *Sat.* II, 2, 46 *Cic. Brut.* 10 med.: „Themistocles fuit regnante iam Graecia, nostra autem civitate non ita pridem dominatu regio liberata.“ — *socialiter*] *ἁπλῶς λεγόμενον*. — *Hic*] non est adverbium, quo Roma contra Graeciam poneretur, sed est subiectum verbi *apparet*: hic iambus raro reperitur in versibus Attii et Ennii ne in secunda quidem et quarta sede; illi enim satis fecisse sibi videbantur, si sexta sedes iambum haberet — *premit crimine*] Pergit poeta in *προσωπονομίῃ*, nam iambus e suis sedibus eiectus quasi accusator surgit turpique crimine nimiae festinationis aut inscitiae versus premit i. e. accusat. cf. *Liv.* III, 13, 1: „*Premebat* reum praeter vulgatam invidiam *crimen unum*.“ — *videt*] vide ad *Sat.* II, 1, 15. — *idcircone*] Num inscitia populi et licentia poetis apud nos concessa fretus nullaque lege obstrictus malos versus faciam? an meliore iudicio usus, omnes cum putem mea vitia visuros, id efficere studeam, ut tutus sim a crimine et ea tantum admittam quae veniam habitura sperari possit? Hoc alterum rectius quidem est, sed altius enitendum est poetis, scilicet

- Visuros peccata putem mea tutus et intra
 Spem veniae cautus? vitavi denique culpam,
 Non laudem merui. Vos exemplaria Graeca
 Nocturna versate manu, versate diurna.
- 270 At vestri proavi Plautinos et numeros et
 Laudavere sales, nimium patienter utrumque,
 Ne dicam stulte, mirati, si modo ego et vos
 Scimus inurbanum lepido seponere dicto
 Legitimumque sonum digitis callemus et aure.
- 275 Ignotum tragicæ genus invenisse Camenae
 Dicitur et plaustris vexisse poemata Thespis,
 Quae canerent agerentque peruncti faecibus ora.
 Post hunc personae pallacque repertor honestae
 Aeschylus et modicis instravit pulpita tignis,
- 280 Et docuit magnumque loqui nitique cothurno.
 Successit vetus his comœdia non sine multa
 Laude, sed in vitium libertas excidit et vim
 Dignam lege regi: lex est accepta chorusque
 Turpiter obtulit sublato iure nocendi.
- 285 Nil intentatum nostri liquere poetæ,
 Nec minimum meruere decus, vestigia Graeca

cet ut imitentur exemplaria graeca, quae his quoque rebus summam curam navarunt. Nam qui crimen vitat, is culpam solum vitavit; contra qui perfectissima quaerit et invenit, is laudem meruit. — *Plautinos*] cf. Epist. II, 1, 170. — *Thespis*] vide ad Epist. II, 1, 163. Sed de hoc loco: „in his omnibus, inquit *Orellius*, videtur sequi grammatici vel historici alicuius Graeci opinionem, nisi ipse tragoediae et comœdiae primordia confudit;“ et de plaustris: „error hic ortus videtur ex confusione cum iis quae τὰ ἐκ τῶν ἀμαξῶν vocabant. Suidas: τὰ ἐκ τῶν ἀμαξῶν ἐπὶ τῶν ἀπαρακαλύπτως σκωπτόντων. Ἀθήνησι γὰρ ἐν τῇ τῶν Χοῶν ἑορτῇ οἱ κωμάζοντες ἐπὶ τῶν ἀμαξῶν τοὺς ἀπαντωνίας ἐσκωπτὸν τε καὶ ἐλοιδοροῦν. τὸ δ’ αὐτὸ καὶ τοῖς Ἀθηναίοις ὕστερον ἐποιοῦν. Certe antiquissimum scenae genus erat non plaustrum, sed ἐλέος, τραπέζια ἀρχαῖα, ἐφ’ ἣν πρὸ Θέσπιδος εἰς τις ἀναβάς τοῖς χορευταῖς ἀπεκρίνατο. Pollux. IV, 123.“ — [faecibus] vide Passow. lex. gr. s. v. τουργῶδες — personae] Alii personam a Thespide inventam tradiderunt. — *vetus comœdia*] vide ad Sat. I, 4, 1. — *in vitium*] Libertas, παρρησία, decidit in licentiam et petulantiam. — *lex*] Suidas v. Ἀντίμαχος. Ἐδόκει οὗτος ψήφισμα πεποιημέναι, μὴ δεῖν κωμῶδειν ἐξ ὀνόματος. Eiusmodi ψηφίσματα lata dicuntur intra annos 417—414; et iam inter Olymp. 85, 1—4 Cratini fabula Ὀδυσσεὺς sine choro et παραβάσειν edita fertur. — *praetextas*] tragoedias Romanas et Romani argumenti, dictas a praetexta toga, qua induti nobiles viri in iis agebant; opponuntur *crepidatis*, graeci argumenti. —

- Ausi deserere et celebrare domestica facta,
 Vel qui praetextas vel qui docuere togatas.
 Nec virtute foret clarisve potentius armis
- 290 Quam lingua Latium, si non offenderet unum-
 Quemque poetarum limae labor et mora. Vos, o
 Pompilius sanguis, carmen reprehendite, quod non
 Multa dies et multa litura coërcuit atque
 Perfectum decies non castigavit ad unguem.
- 295 Ingenium misera quia fortunatius arte
 Credit et excludit sanos Helicone poëtas
 Democritus, bona pars non ungues ponere curat,
 Non barbam, secreta petit loca, balnea vitat.
 Nanciscetur enim pretium nomenque poëtae,
- 300 Si tribus Anticyris caput insanabile nunquam
 Tonsori Licino commiserit. O ego laevus,
 Qui purgor bilem sub verni temporis horam!
 Non alius faceret meliora poëmata: verum
 Nil tanti est. Ergo fungar vice cotis, acutum

togatas] comoedias Romani argumenti; opponuntur palliatis, graeci argumenti.

V. 289. *Sed deerat latinis emendatio et expolitio (lima) et elaborationis constantia; quare in arte poetica Latium superatum est a Graecia. Verum expolitione utique opus est, cum ingenii virtus arte relicta summa praestare non possit. De qua re cum quae vulgo creduntur falsissima sint, Horatius contempta dehinc poetica laude cotem se futurum pollicetur, quae ferrum acuat ad secandum, ipsa non secet, h. e. docturum se esse quibus rebus maxime opus sit poetis latinis.* vv. 289—308. — *unum - quemque*] vide ad Sat. I, 2, 62 — *Pompilius sanguis*] vide Zumpt. gr. lat. §. 492. Plutarch. Num. 21 Pomponios dicit, Pinarios, Calpurnios, Mamercios ortos esse a quattuor filiis Numae, quorum nomina fuerint Pompo, Pinus, Calpus, Mamercus. — *perfectum*] ita ut perfectum sit. — *ad unguem*] vide ad Sat. I, 5, 32. — *Democritus*] vide ad Epist. I, 12, 12. Cicero de divin. I, 37: „Negat enim sine furore Democritus quemquam poetam magnum esse posse; quod idem dicit Plato.“ Id. de Orat. II, 46, 194: „Saepe audiui poetam bonum neminem — id quod a Democrito et Platone in scriptis relictum esse dicunt — sine inflammatione animorum existere posse et sine quodam afflatu quasi furoris.“ Scripsit Democritus *περί ποιήσεως* et *περί Ομήρου*. — *bona pars*] Carm. IV, 2, 46. Sat. I, 1, 61. — *Anticyris*] vide ad Sat. II, 3, 83. — *Licino*] „Nomen tonsoris famati, qui postea dicitur factus senator a Caesare, quod odisset Pompeium; de quo hoc scriptum est epitaphium: *Marmoreo tumultu Licinus iacet, at Cato nullo, Pompeius parvo: quis putet esse deos? Comm. Cruq.* — *laevus*] Virg. Aen. II, 54. — *purgo bilem*] In bile quaerebant causam *μελεγχολίας*, insaninae. Veratrum autem ad sanandam insaniam Celso auctore optime vere, non hieme neque aestate, datur.

- 305 Reddere quae ferrum valet exsors ipsa secandi;
 Munus et officium nil scribens ipse docebo,
 Unde parentur opes, quid alat formetque poetam,
 Quid deceat, quid non, quo virtus, quo ferat error.
 Scribendi recte sapere est et principium et fons:
- 310 Rem tibi Socraticae poterunt ostendere chartae,
 Verbaque provisam rem non invita sequentur.
 Qui didicit patriae quid debeat et quid amicis,
 Quo sit amore parens, quo frater amandus et hospes,
 Quod sit conscripti, quod iudicis officium, quae
- 315 Partes in bellum missi ducis, ille profecto
 Reddere personae scit convenientia cuique.
 Respicere exemplar vitae morumque iubebo
 Doctum imitatorem et vivas hinc ducere voces.
 Interdum speciosa locis morataque recte
- 320 Fabula nullius veneris, sine pondere et arte,
 Valdius oblectat populum meliusque moratur,
 Quam versus inopes rerum nugaeque canorae.
 Graiis ingenium, Graiis dedit ore rotundo
 Musa loqui, praeter laudem nullius avaris.
- 325 Romani pueri longis rationibus assem
 Discunt in partes centum diducere. Dicat
 Filius Albini: Si de quincunce remota est
 Uncia, quid superat? Poteras dixisse. Triens. Eu!

V. 309. *Tantum abest ut insania et furor efficiat bonum poetam, ut ad recte inveniendas res maxime necessaria sit sapientia. Exploranda poetae est tota vita humana, cognoscendi sunt mores, ne versus componat verbis canoros, sententiis inanes. Inde nata Graecis est poesis, inde negata est Romanis, quorum pueritia non ad sapientiam sed ad avaritiam et lucri cupiditatem instituitur.* vv. 309—332. — *Socraticae chartae*] libri Socraticorum, Platonis, Xenophontis, Aeschinis. — *conscripti*] „senatoris; ex formula patres conscripti uno fortasse hoc loco reperitur.“ *Orellius.* — *vivas voces*] ex natura hominum sumptas ad vitamque accommodatas. — *speciosa locis*] sententiis gravibus moribusque recte descriptis eximia. — *nullius veneris*] ceterum destituta lepore ac venustate. — *nugaeque canorae*] cf. Cic. de Orat. I, 12: „Quid est autem tam furiosum quam verborum vel optimorum atque ornatissimorum sonitus inanis nulla subiecta sententia?“ cf. Epist. II, 2, 76. — *Graiis*] cf. Epist. II, 1, 93 sqq. — *ore rotundo*] „turgido, tumido, ornato, polito, erudito, perfecto.“ *Comm. Cruq.* vide Passow. lex. gr. s. v. *στρογγύλος* — *Albini*] nomen feneratoris cuiusdam avari, cuius sane filius maxime aptus est qui a magistro — nam in ludum litterarium h. l. ducimur — de re nummaria interrogetur. — *poteras dixisse*] Magistri sunt

Rem poteris servare tuam. Redit uncia, quid fit?

- 330 Semis. At haec animos aerugo et cura peculi
Cum semel imbuerit, speramus carmina fingi
Posse linenda cedro et levi servanda cupresso?
Aut prodesse volunt aut delectare poëtae,
Aut simul et iucunda et idonea dicere vitae.

- 335 Quidquid praecipies, esto brevis, ut cito dicta
Percipiant animi dociles teneantque fideles:
Omne supervacuum pleno de pectore manat.
Ficta voluptatis causa sint proxima veris,
Nec quodcunque volet, poscat sibi fabula credi,

- 340 Neu pransae Lamiae vivum puerum extrahat alvo.
Centuriae seniorum agitant expertia frugis,
Celsi praetereunt austera poemata Ramnes:
Omne tulit punctum, qui miscuit utile dulci
Lectorem delectando pariterque monendo.

- 345 Hic meret aera liber Sosis, hic et mare transit,
Et longum noto scriptori prorogat aevum.

Sunt delicta tamen, quibus ignovisse velimus:

Nam neque chorda sonum reddit quem vult manus et mens,

puerum non reprehendentis sed leniter excitantis et ipsa laude ad cogitandum stimulantis. Sic melius quam quod aliis placuit ex MSS. *poterat*. — *peculi* de pecunia, quam sua sibi quis cura et parsimonia paravit. cf. Virg. Buc. 1, 32. — *cedro*] oleo cedrino, de quo *Porphyrus*: „libri qui aut cedro illinuntur aut arca cupressi inclusi sunt, a tineis non vexantur.“

V. 333—346. *Alterum ex iis praeceptis quae propositurum se versu 307 sq indicavit, hoc est: poetam qui omnibus velit probari docere simul debere et delectare legentes, miscendam esse utilitatem carminum cum dulcedine. — esto brevis*] Summa haec virtus eorum carminum, quibus prodesse volunt poetae. — *cito*] coniunge cum *percipiant*. — *ficta*] Haec alteri poetarum parti dicuntur, qui delectare volunt. — *pransae Lamiae*] „Lamia est monstrum superne habens speciem mulieris, inferne vero desinit in pedes asininos.“ *Comm Crug.* Dicebantur hae pueros devorare vel eorum sanguinem exsugere. — *Ramnes*] „Sensus est: senes gravitate carminis et dictionis pondere delectantur, iuvenes austera et gravia non amant.“ *Acro.* Compara Liv. I, 13. — *punctum*] vide ad Epist. II, 2, 99.

V. 347. *In tali igitur carmine parvis vitiis venia danda est, dummodo poeta caveat a nimia eorum frequentia. Mediocria enim carmina non feruntur, quia necessaria non sunt hominesque eas res, quibus sine detrimento carere possunt, non amant nisi quam perfectissimas vv. 347—384. — Sosis*] cf. Epist. I, 20, 2. — *mare transit*] vide ad Epist. I, 20, 13. — *nam neque*] Duo adduntur exempla vitiorum, quae cum

- Poscentique gravem persaepe remittit acutum;
 350 Nec semper feriet quodcunque minabitur arcus.
 Verum ubi plura nitent in carmine, non ego paucis
 Offendar maculis, quas aut incuria fudit
 Aut humana parum cavit natura. Quid ergo est?
 Ut scriptor si peccat idem librarius usque,
 355 Quamvis est monitus, venia caret; ut citharoedus
 Ridetur, chorda qui semper oberrat eadem:
 Sic mihi qui multum cessat fit Choerilus ille,
 Quem bis terve bonum cum risu miror; et idem
 Indignor quandoque bonus dormitat Homerus.
 360 Verum operi longo fas est obrepere somnum.
 Ut pictura, poësis: erit quae, si propius stes,
 Te capiat magis, et quaedam, si longius abstes:
 Haec amat obscurum; volet haec sub luce videri,
 Iudicis argutum quae non formidat acumen;
 365 Haec placuit semel, haec decies repetita placebit.
 O maior iuvenum, quamvis et voce paterna
 Fingeris ad rectum et per te sapis, hoc tibi dictum
 Tolle, memor: certis medium et tolerabile rebus
 Recte concedi. Consultus iuris et actor
 370 Causarum mediocris abest virtute disertis
 Messallae, nec scit quantum Cascellius Aulus;
 Sed tamen in pretio est. Mediocribus esse poëtis

non committantur pravitate consilii, veniam debeant impetrare. — *fudit*] accommodatum verbum ad maculas, ut continetur metaphora. cf. Sat. I, 6, 66 sqq. — *scriptor librarius*] servus qui libros describit. — *peccat idem*] Cic. N. D. I, 12: „Xenophon eadem fere peccat;“ vulgo: in eodem peccat. — *cessat*] cf. Epist. II, 2, 14. — *Choerilus*] vide ad Epist. II, 1, 232. — *dormitat Homerus*] Quaesiverunt interpretes, quodnam Homeri vitium Horatius reprehendere videatur. Tu autem noli quaerere, sed vide mecum Homerum propositum tanquam exemplar perfecti poetae, qui merito veniam accipiat, si interdum somno aliquo obripiatur. — *pictura*] cf. Cic. Tusc. V, 39, 114. Non omnia carmina eadem ratione aestimanda sunt; diversa genera diversa efflagitant iudicia. Plutarch. de glor. Athen. p. 346. F: „Ο Σίμωνίδης τὴν μὲν ζωγραφίαν ποίησιν σιωπῶσαν προσηγόρευεν, τὴν δὲ ποίησιν ζωγραφίαν λαλοῦσαν.“ — *abstes*] ἄπαξ λεγόμενον: inde corruptelae *adstes*, *absis*, *aptes*. — *tolle*] mente recipe. cf. Virg. Aen. VI, 377 et compara Sat. II, 6, 42. — *consultus iuris*] Mediocres toleramus eas tantum artes quibus aegre caremus; sic in minoris momenti litibus etiam mediocris patronus voluntati nostrae satisfacit; longe aliter sese habet ars poetica. — *Messallae*] M. Valerius Messalla Corvinus, homo disertissimus.

- Non homines, non di, non concessere columnae.
 Ut gratas inter mensas symphonia discors
 375 Et crassum unguentum et Sardo cum melle papaver
 Offendunt, poterat duci quia coena sine istis;
 Sic animis natum inventumque poema iuvandis,
 Si paulum summo decessit, vergit ad imum.
 Ludere qui nescit, campestribus abstinet armis,
 380 Indoctusque pilae discive trochive quiescit,
 Ne spissae risum tollant impune coronae;
 Qui nescit versus tamen audet fingere. Quidni?
 Liber et ingenuus, praesertim census equestrem
 Summam nummorum vitioque remotus ab omni.
 385 Tu nihil invita dices faciesve Minerva,
 Id tibi iudicium est, ea mens; si quid tamen olim
 Scripseris, in Maeci descendat iudicis aures
 Et patris et nostras, nonumque prematur in annum
 Membranis intus positis: delere licebit
 390 Quod non edideris; nescit vox missa reverti.
 Silvestres homines sacer interpresque deorum

Cascellius Aulus, vir iuris civilis scientia et facietis clarus, infestissimus triumviris a. u. c. 712. — *columnae*] vide ad Sat. I, 4, 71. — *Sardo melle*] „Corsicum et Sardum mel pessimi saporis est.“ *Porpk.* Plinius tradit candidi papaveris semina tosta in secunda mensa cum melle apud antiquos inferri solita. — *Ludere qui*] Quod cum sit verissimum neque reliquas artes quisquam profiteri audeat nisi qui earum sit peritus, tamen omnes sibi iure videntur versus facere.

V. 385. *Illorum tu exemplum noli imitari, sed primum excute te ipsum, num tibi natura dederit ingenium poeticum; deinde quaecunque scripseris ea subice iudicio et amicorum quos in ea arte multum valere scis et tuo ipsius, ne studio tuo indulgens emittas poemata quae rectius contineantur in scriniis. Nam non omnia digna sunt quae in publicum edantur; scilicet poeticae arti summum propositum est munus (vv. 391—407); quo qui recte vult fungi, in eo oportet coniunctum esse ingenium poeticum cum arte et constantia (v. 411); neque quidquam est quod magis noceat poetae quam aut animus facile sibi indulgens suae facultate contentus aut mala laudatio hominum, quorum iudicium vel amicitia vel lucri cupiditate corruptum est. Quare quaerendi sunt iudices integri ac sinceri.* vv. 385—452. — *invita Minerva*] cf. Cic. de Off. I, 31. — *id tibi*] quod tuum iudicium, quae tua mens est, ut probe scio. — *olim*] vide ad Carm. II, 10, 17. — *Maeci*] vide ad Sat. I, 10, 38. — *nonum in annum*] More veterum annorum numerus indefinite ponitur ad indicandum longum temporis spatium. Ceterum hoc praeceptum non omnes omnino tenere videtur scriptores et poetas sed praecipue adolescentes qui procliviores esse solent ad praecipitandam poematum suorum editionem. — *sacer*] Virg. Aen. VI, 645. Aristoph. Ran. 1032:

- Caedibus et victu foedo deterruit Orpheus,
 Dictus ob hoc lenire tigres rabidosque leones.
 Dictus et Amphion, Thebanæ conditor urbis,
 395 Saxa movere sono testudinis et prece blanda
 Ducere quo vellet. Fuit hæc sapientia quondam,
 Publica privatis secernere, sacra profanis,
 Concubitu prohibere vago, dare iura maritis,
 Oppida moliri, leges incidere ligno:
 400 Sic honor et nomen divinis vatibus atque
 Carminibus venit. Post hos insignis Homerus,
 Tyrtæusque mares animos in Martia bella
 Versibus exacuit; dictæ per carmina sortes,
 Et vitæ monstrata via est, et gratia regum
 405 Pieriis tentata modis, ludusque repertus
 Et longorum operum finis: ne forte pudori
 Sit tibi Musa lyrae sollers et cantor Apollo.
 Natura fieret laudabile carmen an arte
 Quaesitum est; ego nec studium sine divite vena,
 410 Nec rude quid possit video ingenium: alterius sic
 Altera poscit opem res et coniurat amice.
 Qui studet optatam cursu contingere metam,
 Multa tulit fecitque puer, sudavit et alsit,
 Abstinuit venere et vino; qui Pythia cantat
 415 Tibicen, didicit prius extimuitque magistrum.
 Nunc satis est dixisse: Ego mira poëmata pango;

„Ὀρφεὺς μὲν γὰρ τελειῶς θ' ἡμῖν κατέδειξε φόνων τ' ἀλέχουσαι.“
 — *victu foedo*] „instar ferarum.“ *Comm. Cruq.* — *Amphion*] *Carm.* III, 11, 2. *Epist.* I, 18, 41. — *urbis*] Sic ex auctoritate antiquissimorum codicum. Altera lectio *arcis* ex interpretatione eorum orta videtur, qui Horatianum vocabulum accuratius vellent definire. — *blanda*] *Carm.* I, 24, 13. — *ligno*] „Aereis enim tabulis antiqui non sunt usi, sed roboris has incidebant leges, unde adhuc Athenis legum tabulae ἄξοντες vocantur.“ *Porphyrio.* — *Tyrtæus*] Atheniensis, qui Spartanis in secundo bello Messenio dux missus „carmina exercitui pro concione recitavit; in quibus hortamenta virtutis, damnorum solatia, belli consilia conscripserat.“ *Iustin.* III, 5. — *sortes*] oracula Delphica. — *vitæ via*] in carminibus didascalici Solonis, Theognidis, aliorum. — *gratia regum*] Hieronis, Theronis, aliorum principum quaesita lyricis carminibus Pindari, Simonidis, Bacchylidis. — *ludus*] per sceleratam poesin. — *nec studium*] cf. *Cic. Arch.* 7, 15. — *coniurat*] poetice de rebus inanimatis. — *metam*] *Carm.* I, 1, 4. Exemplo utitur palaestrae et artis musicae ad ostendendam necessitatem laboris et exercitationis. — *nunc satis est*] „Satis

- Occupet extremum scabies; mihi turpe relinqui est
 Et quod non didici sane nescire fateri.
 Ut praeco, ad merces turbam qui cogit emendas,
 420 Assentatores iubet ad lucrum ire poeta
 Dives agris, dives positus in fenore nummis.
 Si vero est, unctum qui recte ponere possit,
 Et spondere levi pro paupere et eripere atris
 Litibus implicitum; mirabor si sciet inter-
 425 Noscere mendacem verumque beatus amicum.
 Tu seu donaris seu quid donare voles cui,
 Nolito ad versus tibi factos ducere plenum
 Laetitiae: clamabit enim Pulchre! Bene! Recte!
 Pallescet super his, etiam stillabit amicus
 430 Ex oculis rorem, saliet, tundet pede terram.
 Ut qui conducti plorant in funere, dicunt
 Et faciunt prope plura dolentibus ex animo, sic
 Derisor vero plus laudatore movetur.
 Reges dicuntur multis urgere culullis
 435 Et torquere mero, quem perspexisse laborant,
 An sit amicitia dignus: si carmina condes,
 Nunquam te fallant animi sub vulpe latentes.
 Quintilio si quid recitares, Corrige sodes
 Hoc, aiebat, et hoc. Melius te posse negares

est nostris poetis ut dicant." *Comm. Cruq.*, quem vides legisse in suo exemplo *nunc*, non *nec*; neque aliter *Acro*: „in hac copia imperitorum sufficit alicui sese iactare." Comprobat codicum auctoritas et totius loci acerbitas. — *scabies*] „Est imprecatio tracta a ludo puerili; qui enim praest currentibus ad metam pueris dicere solet: qui primus ad metam venerit, is vicerit cumque in ulnas meas accipiam; qui vero erit ultimus, occupet eum scabies, eum respuam ut scabiosum." *Comm. Cruq.* — *sane*] concessivam hoc quoque loco habet sententiam.

V. 420. *assentatores*] cf. *Epist.* I, 19, 37 sqq. — *dives agris*] versus repetitus ex *Sat.* I, 2, 13. — *unctum*] lautum convivium. cf. *Epist.* I, 15, 44. — *levi*] vili et humili, cui sine sponsore fides deest. — *internoscere*] vide ad *Sat.* I, 2, 62. — *pallescet*] „pallidus fiet cum admiratione" *Comm. Cruq.* *Tragoediae* recitatae locis terrore se impletum simulet. — *rorem*] *Ovid. Met.* XIV, 708. — *conducti*] vide ad *Carm.* II, 20, 22 sq. — *derisor*] falsus laudator *Epist.* I, 18, 11. — *reges*] vide ad *Carm.* I, 4, 14. — *torquere*] cf. *Epist.* I, 18, 38. — *culullis*] vide ad *Carm.* I, 31, 11. — *an*] vide *Zumpt. gr. lat.* §. 353. — *Quintilio*] Hunc verum criticum assentatori opponit. vide ad *Carm.* I, 24. Noli concludere ex hac laude, Quintilium, cum de arte poetica liber scriberetur, etiam vixisse. — *negares*] *Protasis* est omissa particula *si*. — *tornatos*]

- 440 Bis terque expertum frustra, delere iubebat
 Et male tornatos incudi reddere versus:
 Si defendere delictum quam vertere mallet,
 Nullum ultra verbum aut operam insumebat inanem,
 Quin sine rivali teque et tua solus amares.
- 445 Vir bonus et prudens versus reprehendet inertes,
 Culpabit duros, incomptis allinet atrum
 Transverso calamo signum, ambitiosa recidet
 Ornamenta, parum claris lucem dare coget,
 Arguet ambigue dictum, mutanda notabit,
- 450 Fiet Aristarchus, nec dicet: Cur ego amicum
 Offendam in nugis? Hae nugae seria ducent
 In mala derisum semel exceptumque sinistre.
 Ut mala quem scabies aut morbus regius urget
 Aut fanaticus error et iracunda Diana,
- 455 Vesanum tetigisse timent fugiuntque poëtam
 Qui sapiunt, agitant pueri incautique sequuntur.
 Hic dum sublimis versus ructatur et errat,
 Si veluti merulis intentus decedit auceps

„Si minus recte opus suum perfecisset artifex in metalli ornamentis torno elaborandis, consentaneum erat ut in incude marculi ictibus omnia tollerentur, ut cum rotundatum esset metallum denuo torno includeretur.“ *Orellius*. De metaphora Propert. II, 34, 43: „Incipe iam angusto versus includere torno.“ — *quin amares*] Pendet part. *quin* ex notione prohibendi quam sentis inesse in verbis *operam insumere*. — *inertes*] sine gravitate factos, inanes. — *atrum signum*] Pers. IV, 13: „Et potis es nigrum vitio praefigere theta.“ Mart. VII, 37, 1: „Nosti mortiferum quaestoris, Castrice, signum? Est operae pretium discere theta novum.“ Obelo apposito versum delendum esse indicatur; *atrum* autem signum dicitur festiva dilogia. — *ambitiosa*] supervacanea ideoque nocentia. Significationem intelliges ex Plinii loco H. N. V, 15, 15: „Iordanes amnis amoenus, et quatenus locorum situs patitur, ambitiosus.“ cf Epist. II, 2, 122. — *Aristarchus*] Samothracius, circa a. 154 a. Chr. n. Alexandriae vixit Qui cum severe de Homeri versibus, quos alienos haberet, iudicasset, exemplum factus est severi iudicis. Cic. Pis. 30: „Quoniam te non Aristarchum, sed Phalarin grammaticum habemus, qui non notam apponas ad malum versum, sed poëtam armis persequare.“ id. Att. I, 14: „Orationes meae, quarum tu Aristarchus es.“

v. 453. *Tam severum de carminibus iudicium necessarium est, ne poëtae coeco sui amore capti et in insaniam suam vim divinam cernentes iratis diis poemata faciant hominibusque molestias creent.* vv. 452—476. Respondet exitus initio, imago insani poëtae imagini monstruosae figurae. — *morbis regius*] morbus arquatus, Gelbsucht. — *Diana*] Significentur lunatici, ἀληνιαιολ — *sublimis*] elato capite, ut non videat quid pedibus suis obstet. — *ructatur*] Usitatior activa forma huius verbi

- In puteum foveamve, licet Succurrite longum
 460 Clamet Io cives! non sit qui tollere curet.
 Si curet quis opem ferre et demittere funem,
 Qui scis an prudens huc se proiecerit atque
 Servari nolit? dicam Siculique poetæ
 Narrabo interitum. Deus immortalis haberi
 465 Dum cupit Empedocles, ardentem frigidus Aetnam
 Insiluit. Sit ius liceatque perire poetis;
 Invitum qui servat, idem facit occidenti.
 Nec semel hoc fecit, nec si retractus erit, iam
 Fiet homo et ponet famosae mortis amorem.
 470 Nec satis apparet cur versus facit, utrum
 Minxerit in patrios cineres an triste bidental
 Moverit incestus: certe furit ac velut ursus
 Obiectos caveae valuit si frangere clathros,
 Indoctum doctumque fugat recitator acerbus;
 475 Quem vero arripuit, tenet occiditque legendo,
 Non missura cutem nisi plena cruoris hirudo.

est. — *puteum*] cf. Epist. II, 2, 135. — *non sit*] imperative, ut Sat. II, 5, 91 — *scis an*] vide ad Carm. IV, 7, 17. — *Siculique poetæ*] „Ad coerendam superbiam stultorum poetarum de Empedocle, Siciliensi poeta, dat exemplum, qui carmine conscripsit physica; et credens se immortalem fore dignitate carminis, volensque suam immortalitatem probare deiecit se in flammam Aetnae montis: sed eius crepidae, quas flamma eructavit (erant enim aereae) prodiderunt eum. Erat autem Empedocles Agrigentinus, Pythagoricus.“ *Comm. Cruq.* Vixit circ. a. 442 a. Chr. n. — *idem occidenti*] vide Zumpt. gr. lat. §. 704. — *Nec satis*] Ac fortasse nefas est eum a versibus faciendis prohibere; etenim ea potest esse poena criminis alicuius ab isto homine olim commissi. — *bidental*] „Id quod Iovis fulmine percussum est bidental appellatur; hoc expiari non potest. Sunt autem qui putant ab agna (*bidens*) dictum bidental.“ *Porphyrio.* Fest. p. 27: „Bidental dicebant quoddam templum, quod in eo bidentibus hostiis sacrificaretur.“ — *moverit*] violaverit. Epod. 17, 3. — *clathros*] „Clathri sunt robusti postes et rotundi, repagula, quibus obfirmatur cavea.“ *Comm. Cruq.* Graece *κλῆθρα*.

Index nominum propriorum.

- Academus*, Epist. II, 2, 45.
Achaemenes, Carm. II, 12, 21. III, 1, 44. Epod. 13, 8.
Acheron, Carm. I, 3, 36. III, 3, 16.
Acherontia, Carm. III, 4, 146.
Acrisius, Carm. III, 16, 5.
Aeacus, Carm. II, 13, 22. III, 19, 3. IV, 8, 25.
Aelius Lamia, Carm. I, 26, 8. I, 36, 7. III, 17. Epist. I, 14, 6.
Aemilius ludus, A. P. 32.
Aeolius, Carm. II, 13, 24. III, 30, 13. IV, 3, 12. IV, 9, 12.
Aeschylus, Epist. II, 1, 163. A. P. 279.
Aesopus, tragoediarum actor, Sat. II, 3, 239. Epist. II, 1, 82.
Aesula, Carm. III, 29, 6.
Afranius, Epist. II, 1, 57.
Africus, Carm. I, 3, 12. I, 14, 5. I, 1, 15. III, 23, 5. III, 29, 57. Epod. 16, 22.
Agave, Sat. II, 3, 303.
Agrippa, Carm. I, 6. Sat. II, 3, 185. Epist. I, 12, 1. 26. I, 6, 26.
Aggieus, Carm. IV, 6, 28.
Albanus lacus, Carm. IV, 1, 19.
Albinovanus, Epist. I, 8.
Albinus, A. P. 327.
Albius Tibullus, Carm. I, 33. Epist. I, 4.
Albunea, Carm. I, 7, 12.
Alcaeus, Carm. II, 13, 27. IV, 9, 7. Epist. I, 19, 29. II, 2, 99.
Alexandrea, Carm. IV, 14, 35.
Algidus, Carm. I, 21, 6. III, 23, 9. IV, 4, 58. C. S. 69.
Allifanus, Sat. II, 8, 39.
Allobrox, Epod. 16, 6.
Alyattes, Carm. III, 16, 41.
Amphiaraus, Carm. III, 16, 11.
Amphion, Carm. III, 11, 2. Epist. I, 18, 41. 44. A. P. 394.
Anacreon, Carm. IV, 9, 9. Epod. 14, 10.
Andromeda, Carm. III, 29, 17.
Anticyra, Sat. II, 3, 83. 166. A. P. 300.
Antilochus, Carm. II, 9, 14.
Antiochus, rex Syriae, Carm. III, 6, 36.
Antiphates, A. P. 145.
Antium, Carm. I, 35, 1.
Antonius, triumvir, Sat. I, 5, 33. eius filius, Carm. IV, 2.
Antonius Musa, Epist. I, 15, 3.
Anzur, Sat. I, 5, 26.
Apella, Sat. I, 5, 100.
Apelles, Epist. II, 1, 239.
Appia, Epod. 4, 14. Sat. I, 5, 6.
Appius Claudius Caecus, Sat. I, 6, 21. Epist. I, 6, 26. I, 18, 20.
Apulia, Carm. III, 4, 10.
Aquarius, Sat. I, 1, 36.
Aquilo, Carm. I, 3, 13. II, 9, 6. III, 10, 4. III, 30, 3. Epod. 10, 7. 13, 3. A. P. 64.
Arabes, Carm. I, 29, 1. I, 35, 40. II, 12, 24. Epist. I, 6, 6. I, 7, 36.
Archilochus, Sat. II, 3, 12. Epist. I, 19, 25. 28. A. P. 79.
Archylas, Carm. I, 28, 2.
Arcturus, Carm. III, 1, 27.
Argos, Carm. I, 7, 9. *Argi*, Sat. II, 3, 132. Epist. II, 2, 128. A. P. 118.
Aricia, Sat. I, 5, 1. Epist. II, 2, 167.
Aristarchus, A. P. 450.
Aristippus, Sat. II, 3, 100. Epist. I, 1, 18. I, 17, 14. 23.
Aristius, Carm. I, 22. Sat. I, 9, 61. I, 10, 83. Epist. I, 10.
Atabulus, Sat. I, 5, 78.
Atreus, A. P. 186.
Atta, Epist. II, 1, 79.

Africanus Scipio, minor Ep. 9, 25.

- Attalus*, Carm. II, 18, 5. I, 1, 12.
 Epist. I, 11, 5
Attius, Sat. I, 10, 53. Epist. II,
 1, 56. A. P. 258.
Aufidus, Carm. III, 30, 10. IV, 9, 2.
 IV, 14, 25. Sat. I, 1, 58.
Augustus, Carm. I, 2, 1, 12. II, 9,
 19. III, 3, 11. III, 5, 3. IV, 2,
 33. IV, 4, 24. IV, 5. IV, 14.
 IV, 15. Epist. I, 3, 7. I, 16, 29.
 II, 1.
Aulon, Carm. II, 6, 18.
Auster, Carm. II, 14, 16. III, 3, 4.
 III, 27, 22. IV, 14, 21. Epod.
 10, 4. Sat. I, 1, 6. II, 2, 41.
 II, 6, 18. II, 8, 6. Epist. I, 11, 15.
Aventinus, C. S. 69. Epist. II, 2, 69.
Babylonius, Carm. I, 11, 2.
Bacchae, Carm. III, 25, 15.
Baiae, Carm. II, 18, 20. III, 4, 24.
 Epist. I, 1, 83. I, 15, 2. 12. cf.
 Sat. II, 4, 32.
Bandusia, Carm. III, 13, 1.
Bantinus saltus, Carm. III, 4, 15.
Barium, Sat. I, 5, 97.
Bassareus, Carm. I, 18, 11.
Bellerophon, Carm. III, 7, 15. III,
 12, 8. IV, 11, 28.
Berecynthius, Carm. I, 18, 13. III,
 19, 18. IV, 1, 22.
Bionei sermones, Epist. II, 2, 60.
Bistonides, Carm. II, 19, 20.
Boeoti, Epist. II, 1, 244.
Boreas, Carm. III, 24, 38.
Bosporus, Carm. II, 13, 14. II, 20.
 14. III, 4, 30.
Breuni, Carm. IV, 14, 11.
Britannus, Carm. I, 21, 15. I, 35,
 30. III, 4, 33. III, 5, 3. IV,
 14, 48.
Brutus, Carm. II, 7, 2. Sat. I, 7,
 18. 24. 33.
Cadmus, A. P. 187.
Caecilius, Epist. II, 1, 59. A. P. 54.
Calabria, Carm. I, 31, 5. cf. Carm.
 I, 33, 16. III, 16, 33. IV, 8, 20.
 Epod. 1, 27. Epist. I, 7, 14.
Cales, Carm. IV, 12, 14.
Callimachus, Epist. II, 2, 100.
Calvus, Sat. I, 10, 19.
Camillus, Carm. I, 12, 42. Epist.
 I, 1, 64.
Campanus, Sat. I, 5, 45. 62. I, 6,
 118. II, 3, 144. II, 8, 56.
Canicula, Carm. I, 17, 17. III,
 13, 9.
Canidia, Epod. 3, 8. Epod. 5 et
 17. Sat. I, 8, 24. 48. Sat. II,
 1, 48. II, 8, 95.
Cantabri, Carm. II, 6, 2. II, 11, 1.
 III, 8, 22. IV, 14, 41. Epist.
 I, 12, 26. cf. Epist. I, 18, 55.
Canusium, Sat. I, 5, 91. II, 3, 168.
 I, 10, 30.
Capito, Fonteius, Sat. I, 5, 32.
Carinae, Epist. I, 7, 48.
Carpathium mare, Carm. I, 35, 8.
 IV, 5, 10.
Cassius Etruscus, Sat. I, 10, 62.
Cassius Parmensis, Epist. I, 4, 3.
Catilus, Carm. I, 18, 2.
Cato Censorius, Carm. II, 15, 11.
 III, 21, 11. Sat. I, 2, 32. Epist.
 II, 2, 117. A. P. 56.
Cato Uticensis, Carm. I, 12, 35.
 II, 1, 24. Epist. I, 19, 13.
Catullus, Sat. I, 10, 19.
Celsus Albinovanus, Epist. I, 3, 15.
Cerberus, Carm. II, 19, 29. III,
 11, 17.
Cethegus, Epist. II, 2, 117. A. P. 50.
Charybdis, Carm. I, 27, 19. A. P.
 145.
Chimaera, Carm. I, 27, 24. II, 17,
 13. IV, 2, 16.
Choerilus, Epist. II, 1, 233. A. P.
 357.
Chrysippus, Sat. I, 3, 127. II, 3,
 44. 287. Epist. I, 2, 4.
Circe, Carm. I, 17, 20. Epod. 17,
 17. Epist. I, 2, 23. cf. Epod.
 1, 30.
Claudius, (Tiberius Claudius Nero),
 Carm. IV, 14, 29. Epist. I, 3, 2.
 I, 9, 1. I, 12, 26. cf. Carm.
 IV, 4, 73.
Cleopatra, Carm. I, 37, 7.
Clusini fontes, Epist. I, 15, 9.
Concanus, Carm. III, 4, 34.
Corinthus, Carm. I, 7, 2. Epist.
 I, 17, 36. II, 1, 193.
Corybantes, Carm. I, 16, 8.
Cragus, Carm. I, 21, 8.
Crantor, Epist. I, 2, 4.
Craterus, Sat. II, 3, 161.
Cratinus, Sat. I, 4, 1. Epist. I,
 19, 1.
Creta, Carm. III, 27, 34. Epod.
 9, 29. cf. Carm. I, 26, 2.
Crispinus, Sat. I, 1, 120. I, 3, 139.
 I, 4, 14. II, 7, 45.
Curius, Carm. I, 12, 41. Epist. I, 1, 64.

- Cyclops*, Carm. I, 4, 7. Sat. I, 5, 63. Epist. II, 2, 125. A. P. 145.
Cydonius arcus, Carm. IV, 9, 17.
Cyprius, trabs, Carm. I, 1, 13. merces, Carm. III, 29, 60.
Cyprus, Carm. I, 3, 1. I, 19, 10. I, 30, 2. III, 26, 9.
Cythereus, Carm. I, 4, 5. III, 12, 4.
Dacus, Carm. I, 35, 9. II, 20, 18. III, 6, 14. Sat. II, 6, 53.
Daedalus, Carm. I, 3, 34. II, 20, 13. Carm. IV, 2, 2.
Dama, Sat. I, 6, 38. II, 5, 18. 101. II, 7, 54.
Damasippus, Sat. II, 3, 16. 64. 65. 324.
Danae, Carm. III, 16, 1.
Danaides, Carm. II, 14, 18. III, 11, 22.
Dardanus, adiect. Carm. IV, 6, 7.
Daurus, Carm. III, 30, 11. IV, 14, 26. cf. Carm. I, 22, 14. II, 1, 34. IV, 6, 27.
Davus, Sat. I, 10, 40. II, 5, 91. II, 7, 2. 100. A. P. 237.
December, Carm. III, 18, 10. Epod. 11, 5. Sat. II, 7, 4.
Dellius, Carm. II, 3.
Delos, Carm. I, 21, 10. cf. Carm. III, 4, 64. IV, 3, 6. IV, 6, 33.
Delphi, Carm. I, 7, 3. A. P. 219. cf. Carm. III, 30, 15.
Demetrius, Sat. I, 10, 79. 90.
Democritus, Epist. I, 12, 12. II, 1, 194. A. P. 297.
Diespiter, Carm. I, 34, 5. III, 2, 29.
Digentia, Epist. I, 18, 104.
Dindymene, Carm. I, 16, 5.
Dossennus, Epist. II, 1, 173.
Drusus, Carm. IV, 4, 18. IV, 14, 10.
Edoni, Carm. II, 7, 27.
Empedocles, Epist. I, 12, 20. A. P. 465.
Enceladus, Carm. III, 4, 56.
Ennius, vide ad Carm. IV, 8, 20. Sat. I, 10, 54. Epist. I, 19, 7. A. P. 56. 259.
Epicharmus, Epist. II, 1, 58.
Epicurus, Epist. I, 4, 16.
Erycina, Carm. I, 2, 33.
Erymanthus, Carm. I, 21, 7.
Esquiliae, Sat. I, 8, 14. II, 6, 33. cf. Epod. 5, 100. 17, 58.
Eupolis, Sat. I, 4, 1. II, 3, 12.
Europe, Carm. III, 27, 25. 57.
Eurus, Carm. I, 28, 25. II, 16, 23. III, 17, 11. IV, 4, 43. IV, 6, 10.
Evias, Carm. III, 25, 9.
Evius, Carm. I, 18, 9. II, 11, 17.
Fabius, Sat. I, 1, 14. I, 2, 134.
Fabricius pons, Sat. II, 3, 36.
Fannius Quadratus, Sat. I, 4, 21. I, 10, 80.
Favonius, Carm. I, 4, 1. III, 7, 2.
Ferentinum, Epist. I, 17, 8.
Feronia, Sat. I, 5, 24.
Fescenninus, Epist. II, 1, 145.
Fidenae, Epist. I, 11, 8.
Flavius, Sat. I, 6, 72.
Florus, Epist. I, 3. II, 2.
Forentum, Carm. III, 4, 16.
Formiae, Carm. III, 17, 6. cf. I, 20, 11.
Fundanius, Sat. I, 10, 42. II, 8, 19.
Fundi, Sat. I, 5, 34.
Furnius, Sat. I, 10, 86.
Gabii, Epist. I, 11, 7. I, 15, 9. II, 1, 25. II, 2, 3.
Gades, Carm. II, 2, 11. II, 6, 1.
Gaetulus, Carm. I, 23, 10. II, 20, 15. III, 20, 2. Epist. II, 2, 181.
Galaesus, Carm. II, 6, 10.
Ganymedes, Carm. IV, 4, 4.
Garganus, Carm. II, 9, 7.
Geloni, Carm. II, 9, 23. II, 20, 19. III, 4, 35.
Genauri, Carm. IV, 14, 10.
Geryon, Carm. II, 14, 8.
Getae, Carm. III, 24, 11. IV, 15, 22.
Gratiae, Carm. I, 4, 6. I, 30, 6. III, 19, 16. III, 21, 22. IV, 7, 5.
Gyas, Carm. II, 17, 14. III, 4, 69.
Hadria, Carm. I, 3, 15. I, 33, 15. II, 11, 2. III, 3, 5. III, 27, 19. III, 9, 23. Epist. I, 18, 63. cf. Carm. I, 16, 4.
Haemus, Carm. I, 12, 6.
Hannibal, Carm. II, 12, 2. III, 6, 36. IV, 8, 16. IV, 4, 49.
Hasdrubal, Carm. IV, 4, 38. 72.
Hebrus, Carm. I, 25, 20. III, 25, 10. Epist. I, 3, 3. I, 16, 13. *Hebrus* ad *testum* by *Th. L.*
Hecate, Sat. I, 8, 33.
Helicon, Carm. I, 12, 5. Epist. II, 1, 218. A. P. 296.
Hermogenes, Sat. I, 3, 129. I, 9, 25. I, 10, 18. 80. I, 4, 72.
Hesperia, vide ad Carm. II, 1, 32. pag. 105.
Hiber, Carm. II, 20, 20.

Sircaeus cygnus = *Andal* / IV, 2, 25.

- Hiberia*, Carm. IV, 5, 28. IV, 14, 50. Epod. 5, 21. cf. Epod. 4, 3.
Hippolytus, Carm. IV, 7, 26.
Hirpinus, Carm. II, 11. Epist. I, 16.
Hyades, Carm. I, 3, 14.
Hydaspes, Carm. I, 22, 8.
Hylaeus, Carm. II, 12, 6.
Hymettus, Carm. II, 6, 14. II, 18, 3. Sat. II, 2, 15.
Ianus, Sat. II, 6, 20. Epist. I, 16, 59. Carm. IV, 15, 9. Epist. I, 20, 1. II, 1, 255. Sat. II, 3, 18. Epist. I, 1, 54.
Iapetus, Carm. I, 3, 27.
Iapyx, Carm. I, 3, 4. III, 27, 20.
Icarus, Carm. II, 20, 13. III, 7, 21.
Iccius, Carm. I, 29. Epist. I, 12.
Ilia, Carm. I, 2, 17. III, 9, 8. IV, 8, 22. Sat. I, 2, 126.
Ilios, *Ilium*, vide ad Carm. I, 10, 14.
Ilihyia, C. S. 14.
Indus, Carm. I, 12, 56. IV, 14, 42. Epist. I, 6, 6.
Ino, A. P. 123.
Io, A. P. 124.
Itys, Carm. IV, 12, 5.
Iudaei, Sat. I, 4, 143. I, 5, 100. I, 9, 70.
Ixon, Carm. III, 11, 21. A. P. 124.
Karthago, Carm. III, 5, 39. IV, 4, 69. IV, 8, 17. Epod. 9, 25. Sat. II, 1, 66.
Laberius, Sat. I, 10, 6.
Laestrygones, Carm. III, 16, 34.
Lamia, vide *Aelius*.
Lapithae, Carm. I, 18, 8. II, 12, 5.
Laverna, Epist. I, 16, 60.
Lebedus, Epist. I, 11, 6.
Libitina, Carm. III, 30, 7. Sat. II, 6, 19. Epist. II, 1, 49.
Licinius, Carm. II, 10.
Licymnia, Carm. II, 12, 13. 23.
Liris, Carm. I, 31, 7. III, 17, 8.
Livius Andronicus, Epist. II, 1, 62. 69.
Lollius, Carm. IV, 9. Epist. I, 20, 28. I, 2. I, 18.
Lucilius, vide pag. 308.
Lucina, C. S. 15. Epod. 5, 6.
Lucretilis, Carm. I, 17, 1.
Lucullus, Epist. I, 6, 40.
Lycambes, Epod. 6, 13. Epist. I, 19, 25.
Lycurgus, Thrax, Carm. II, 19, 16.
Lynceus, Sat. I, 2, 90. Epist. I, 1, 28.
Lysippus, Epist. II, 1, 240.
Maecenas, vide p. 7 sq. 30.
Maecius Tarpa, Sat. I, 10, 38. A. P. 387.
Maenius, Sat. I, 1, 101. I, 3, 21. 23. Epist. I, 15, 26.
Maevius, Epod. 10.
Mandela, Epist. I, 18, 105.
Marcellus, Carm. I, 12, 46.
Marica, Carm. III, 17, 7.
Marsyas, Sat. I, 6, 120.
Matinus, Carm. I, 28, 3. IV, 2, 27. Epod. 16, 28.
Medi, Carm. I, 2, 51. I, 27, 5. I, 29, 4. II, 16, 6. II, 9, 21. III, 3, 44. III, 5, 9. III, 8, 19. IV, 14, 42.
Meleager, A. P. 146.
Menander, Sat. II, 3, 11. Epist. II, 1, 57. vide p. 329.
Messalla, Sat. I, 6, 42. I, 10, 85. A. P. 371.
Mimas, Carm. III, 4, 53.
Minnernus, Epist. I, 6, 65. II, 2, 101.
Minos, Carm. I, 28, 9. IV, 7, 21.
Minturnae, Epist. I, 5, 5.
Minucius (via) Epist. I, 18, 20.
Molossus, Epod. 6, 5. Sat. II, 6, 114.
Monaes, Carm. III, 6, 9.
Munatius Plancus, Carm. I, 7. III, 14, 28. cf. Epist. I, 3, 31.
Murena, Carm. III, 19, 11. Sat. I, 5, 38.
Mygdon, Carm. II, 12, 22. III, 16, 41.
Myrtoum mare, Carm. I, 1, 14.
Mytilene, Carm. I, 7, 1. Epist. I, 11, 17.
Naevius, Epist. II, 1, 53.
Nero Claudius Tiberius, Carm. IV, 4, 28. 37. IV, 14, 14. Epist. I, 8, 2. I, 9, 4. I, 12, 26. II, 2, 1.
Nessus, Epod. 17, 32.
Niphates, Carm. II, 9, 20.
Nireus, Carm. III, 20, 15. Epod. 15, 22.
Nomentanus, Sat. I, 8, 11. II, 1, 22. II, 3, 175. 224. II, 8, 23. 25. 60.
Noricus, ensis, Carm. I, 16, 9. Epod. 17, 71.
Notus, Carm. I, 3, 14. IV, 5, 9.
Numa, Carm. I, 12, 34. Epist. I, 6, 27. II, 1, 86.
Olympia, Epist. I, 1, 50.

Hyaleus = *Oechus* Carm. I, 7, 22.

Hyaleus = *Oechus* Carm. I, 7, 22.

Hyaleus = *Oechus* Carm. I, 7, 22.

- Orbilius*, Epist. II, 1, 71.
Oricus v. *Oricum*, Carm. III, 7, 5.
Orion, Carm. II, 13, 39 III, 4, 71.
 I, 28, 21. III, 27, 18. Epod. 10, 10 15, 7.
Orpheus, Carm. I, 12, 8. I, 24, 13. A. P. 392. *cf.* *cf.* *cf.* 392.
Osiris, Epist. I, 17, 60.
Otho, L. Roscius, Epod. 4, 16.
Pacorus, Carm. III, 6, 9.
Pactolus, Epod. 15, 20.
Pacuvius, Epist. II, 1, 56.
Palinurus, Carm. III, 4, 28.
Panaetius, Carm. I, 29, 14.
Panthoides, Carm. I, 28, 10.
Pantolabus, Sat. I, 8, 11, II, 1, 22.
Parcae, Carm. II, 6, 9. II, 16, 39. II, 17, 16. C. S. 25.
Parrhasius, Carm. IV, 8, 6.
Parthi, Carm. I, 12, 53 I, 19, 12. II, 13, 18. III, 2, 3. IV, 5, 25 IV, 15, 7. Epod. 7, 9. Sat. II, 1, 15. II, 5, 62. Epist. I, 18, 56. II, 1, 112. 256.
Paulus, Maximus, Carm. IV, 1, 10. Sat. I, 6, 41. — Aemilius, Carm. I, 12, 38.
Pausias, vide ad Sat. II, 7, 95.
Pegasus, Carm. I, 27, 24. IV, 11, 27.
Peleus, Carm. III, 7, 17. A. P. 96. 104.
Pelops, Carm. I, 6, 8. I, 28, 7. II, 13, 37. Epod. 17, 65.
Pentheus, Carm. II, 19, 14. Epist. I, 16, 73.
Persae, Carm. I, 2, 22. I, 21, 15. III, 5, 4. III, 9, 4. IV, 15, 23.
Petrinum, Epist. I, 5, 5.
Phaëthon, Carm. IV, 11, 25.
Phalantus, Carm. II, 6, 12.
Philippi, urbs, Carm. II, 7, 9. III, 4, 26. Epist. II, 2, 49.
Philodemus, Sat. I, 2, 121.
Phraates, Carm. II, 2, 17. Epist. I, 12, 27.
Phrygius, lapis, Carm. III, 1, 41.
Picena, poma, Sat. II, 3, 272. II, 4, 70.
Pieris, Carm. IV, 3, 18. IV, 8, 20.
Pierius, Carm. III, 4, 40. III, 10, 15. A. P. 405.
Pimpleis, Carm. I, 26, 9.
Pindarus, Carm. IV, 2, 1. 8. *cf.* Carm. IV, 9, 6. Epist. I, 3, 10.
Pindus, Carm. I, 12, 6.
Pirithous, Carm. III, 4, 80. IV, 7, 28.
Plato, Sat. II, 3, 11. II, 4, 3.
Plautus, Epist. II, 1, 58. A. P. 54. 270.
Pleiades, Carm. IV, 14, 21.
Plotius, Sat. I, 5, 40 I, 10, 81.
Poenus, Carm. I, 12, 38 II, 2, 11. II, 13, 15. III, 5, 34. IV, 4, 47. *cf.* Carm. II, 12, 3.
Polemon, Sat. II, 3, 254.
Pollio, C. Asinius, Carm. II, 1, 14. Sat. I, 10, 42. 85.
Pollux, Carm. III, 3, 9 III, 29, 64. Epist. II, 1, 5.
Pompeius Grosphus, Carm. II, 16, 7. Epist. I, 12, 22.
Pompeius Varus, Carm. II, 7, 5.
Porphyrius, Carm. III, 4, 54.
Porsena, Epod. 16, 4.
Praeneste, Carm. III, 4, 23. Epist. I, 2, 2.
Priapus, Epod. 2, 21. Sat. I, 8, 2. *Procne*, A. P. 187.
Procleus, Carm. II, 2, 5.
Procyon, Carm. III, 29, 18.
Proetus, Carm. III, 7, 13.
Prometheus, Carm. I, 16, 13. II, 13, 37. II, 18, 35. Epod. 17, 67.
Proteus, Carm. I, 2, 7. Sat. II, 3, 71. Epist. I, 1, 90.
Pyrrha, Carm. I, 2, 6.
Pyrrhus, Carm. III, 6, 35.
Pythagoras, Sat. II, 4, 3. II, 6, 63. Epod. 15, 21. Epist. II, 1, 52.
Quintilius, Carm. I, 24, 5. 12. A. P. 438.
Quintius, vide Hirpinus.
Raeli, Carm. IV, 4, 17. IV, 14, 15.
Ramnes, A. P. 342.
Regulus, Carm. I, 12, 37. III, 5, 13.
Remus, Epod. 7, 19.
Rhenus, Sat. I, 10, 37. A. P. 18.
Rhodope, Carm. III, 25, 12.
Rhoetus, Carm. II, 19, 23. III, 4, 55.
Romulus, Carm. I, 12, 33. II, 15, 10. IV, 8, 24. Epist. II, 1, 5. *cf.* Carm. IV, 5, 1. C. S. 47.
Roscius, Sat. II, 6, 35. Epist. II, 1, 82. *cf.* Epist. I, 1, 62.
Rubi, Sat. I, 5, 94.
Sabaea, Carm. I, 29, 3.
Sabellus, Carm. III, 6, 38. Epod. 17, 28. Sat. I, 9, 29. II, 1, 36. Epist. I, 16, 49.
Sabinus, Carm. I, 9, 7. I, 22, 9.

Polyhymnia, *Musa*, Carm. I, 1, 33.

- I, 20, 1. II, 18, 14. III, 1, 47.
 III, 4, 22. Epod. 2, 41. Sat.
 II, 7, 118. Epist. I, 7, 77.
Salamis, Carm. I, 7, 21. 29.
Salernum, Epist. I, 15, 1.
Salus, Carm. I, 36, 12. IV, 1, 28. cf.
 Carm. I, 37, 2. Epist. II, 1, 86.
Salustius, Carm. II, 2. Sat. I, 2, 48.
Samnites, Epist. II, 2, 98.
Sappho, Carm. II, 13, 25. Epist.
 I, 19, 28.
Sardinia, Carm. I, 31, 4.
Sardis, Epist. I, 11, 2.
Satureianus, Sat. I, 6, 59.
Saturnalia, Sat. II, 3, 5. vide
 p. 415.
Saturnius numerus, Epist. II, 1, 158.
Satyri, Carm. I, 1, 31. II, 19, 4.
 Epist. I, 19, 4. II, 2, 125. A.
 P. 226 233. 235.
Scamander, Epod. 13, 14.
Scaurus, Carm. I, 12, 37.
Scipiades, Sat. II, 1, 17. 72.
Scopas, Carm. IV, 8, 6.
Scylla, A. P. 145.
Scythae, Carm. I, 35, 9. II, 11, 1.
 III, 8, 23. III, 24, 9. IV, 14,
 42. C. S. 55.
Scythicus annis, Carm. III, 4, 36.
Semele, Carm. I, 19, 2. cf. I, 17, 22.
Septimius, Carm. II, 6. Epist. I,
 9, 1.
Seres, Carm. I, 12, 56. III, 29, 27.
 IV, 15, 23. cf. Carm. I, 29, 9.
Sicanus, Epod. 17, 32.
Siculus, Carm. II, 12, 2. II, 16, 33.
 III, 1, 18. III, 4, 28. IV, 4, 44.
 Epist. I, 2, 58. I, 12, 1. II, 1,
 58. A. P. 463.
Sidonius, Epod. 16, 61. Epist. I,
 10, 26.
Silenus, A. P. 239.
Silvanus, Carm. III, 29, 23. Epod.
 2, 22. Epist. II, 1, 143.
Simois, Epod. 13, 14.
Simonides, vide ad Carm. II, 1, 38.
 IV, 9, 7.
Sinuessa, Sat. I, 5, 40. cf. Epist.
 I, 5, 5.
Siren, Sat. II, 3, 14. Epist. I, 2, 23.
Sisyphus, Carm. II, 14, 20. Epod.
 17, 68. Sat. II, 3, 21.
Sithonii, Carm. I, 18, 9. cf. III,
 26, 10.
Socraticus, Carm. I, 29, 14. III,
 21, 9. A. P. 310.
Sophocles, Epist. II, 1, 163.
Soracte, Carm. I, 9, 2.
Sosii, Epist. I, 20, 2. A. P. 345.
Spartacus, Carm. III, 14, 19. Epod.
 16, 5.
Stertinus, Sat. II, 3, 33. 296. Epist.
 I, 12, 20.
Stesichorus, Carm. IV, 9, 8.
Sthenelus, Carm. I, 15, 24. IV, 9, 20.
Subura, vide ad Epod. 5, 58.
Sugambri, Carm. IV, 2, 36. IV,
 14, 51.
Surrentum, Epist. I, 17, 52. cf. Sat.
 II, 4, 55.
Syrtes, Carm. I, 22, 5. II, 6, 3.
 II, 20, 15. Epod. 9, 31.
Taenarus, Carm. I, 34, 10.
Tanaïs, Carm. III, 10, 1. III, 29.
 28. IV, 15, 24.
Tantalus, Carm. II, 18, 37. Epod.
 17, 66. Sat. I, 1, 68.
Tarentum, Carm. I, 28, 29. III, 5,
 56. Sat. I, 6, 105. Epist. I,
 7, 45. I, 16, 11.
Tarquinius, Carm. I, 12, 35. Sat.
 I, 6, 13.
Tecmessa, Carm. II, 4, 6.
Telegonus, Carm. III, 29, 8.
Telephus, Epod. 17, 8. A. P. 96.
 104.
Tempe, Carm. I, 7, 4. I, 21, 9.
 III, 1, 24.
Terentius, Sat. I, 2, 20. Epist. II,
 1, 59.
Terminus, C. S. 27. cf. Epod. 2, 59.
Teucer, Carm. I, 7, 21. 27. I, 15,
 24. IV, 9, 17. Sat. II, 3, 204.
Thebae, Carm. I, 7, 3. IV, 4, 64.
 Sat. II, 5, 84. Epist. I, 16, 74.
 II, 1, 213. A. P. 219.
Theon, vide ad Epist. I, 18, 82.
Theseus, Carm. IV, 7, 27.
Thespis, Epist. II, 1, 163. A. P.
 276.
Threx et Thrax, vide ad Sat. II,
 6, 44.
Threicius, Carm. I, 24, 13. Epod.
 13, 3.
Thyestes, Carm. I, 16, 17. A. P.
 91. Vide ad Carm. I, 6, 1. cf.
 Epod. 5, 86.
Thyas, Carm. II, 19, 9. III, 15, 10.
Thyni et Bithyni, Carm. III, 7, 3.
Thyoneus, Carm. I, 17, 23.
Tiberius, vide Nero.
Tibullus, vide *Albius*.

- Tibur*, Carm. I, 7, 21. I, 18, 2.
 II, 6, 5. III, 4, 23. III, 29, 6.
 IV, 2, 31. IV, 3, 10. Epist.
 I, 7, 45.
Tiburnus, Carm. I, 7, 13.
Tigellius, Sat. I, 3, 4. I, 2, 3. I,
 10, 90.
Tiphoeus, Carm. III, 4, 53.
Tiresias, Sat. II, 5, 1.
Tiridates, Carm. I, 26, 5.
Titanes, Carm. III, 4, 43.
Tithonus, Carm. I, 28, 8. II, 16, 30.
Tityos, Carm. II, 14, 8. III, 4, 77.
 IV, 6, 2.
Torquatus, Carm. IV, 7. Epod. 13,
 6. Epist. I, 5.
Trebatius, Sat. II, 1.
Tullius, Sat. I, 6, 9.
Tullus, Carm. IV, 7, 15.
Tusculum, Epod. 1, 29.
Tyrtæus, A. P. 402.
Ulubrae, Epist. I, 11, 30.
Ustica, Carm. I, 17, 11.
Vacuna, Epist. I, 10, 49.
Valgius, Carm. II, 9. Sat. I, 10, 82.
Varia, Epist. I, 14, 3.
Varius, Carm. I, 6, 1. Sat. I, 5,
 40. I, 6, 55. I, 9, 23. I, 10, 44.
 81. II, 8, 21. 63. Epist. II,
 1, 247. A. P. 55.
Varro, Atacinus, Sat. I, 10, 46.
Varus, Carm. I, 18.
Velabrum, Sat. II, 3, 229.
Velia, Epist. I, 15, 1.
Venafrum, vide ad Carm. III, 5,
 55. Sat. II, 4, 69. II, 8, 45.
Vertumnus, Sat. II, 7, 14. Epist.
 I, 20, 1.
Vindelici, Carm. IV, 4, 18. IV,
 14, 8.
Vinnius, Epist. I, 13.
Virgilius, Carm. I, 3, 6. IV, 12.
 Sat. I, 10, 81. I, 5, 40. 48.
 Epist. II, 1, 247. A. P. 55.
Viscus, Sat. I, 9, 22. I, 10, 83.—
 Sat. II, 8, 20.
Vultur, Carm. III, 4, 9.
Xanthus, Carm. IV, 6, 26.
Zephyri, Carm. III, 1, 24. IV, 7,
 9. Epist. I, 7, 13.
Zethus, Epist. I, 18, 42.

Index rerum et verborum.

- ablativi* post comparativum latior
usus, Carm. I, 8, 9. IV, 14, 13;
ablat. sine particula *a* apud verba
passiva, Carm. I, 6, 2.
abolla, Sat. I, 3, 133. Epist. I,
17, 25.
abominatus, passive, Epod. 16, 8.
abradere et *adradere*, Epist. I, 7, 50.
abstare, A. P. 362.
ac et *atque* post comparativos,
Epod. 15, 5.
ac non, Epist. II, 2, 143.
acer, Carm. I, 4, 1.
addicere, Epist. I, 1, 14.
addocere, Epist. I, 5, 18.
adjectiva participiorum instar usur-
pata, Carm. I, 6, 19. I, 32, 6.
I, 37, 26. III, 16, 25; adi. cum
infinitivo, Carm. I, 1, 18; cum
duobus substantivis coniungenda,
Carm. I, 2, 1; adjectiva pro ad-
verbiis, Carm. I, 2, 45.
adorea, Carm. IV, 4, 41.
ἀδύνατον, figura, Carm. I, 33, 7.
adverbia cum substantivis coniun-
cta, Carm. III, 17, 9. IV, 6, 3.
Epist. II, 2, 167.
adverbia qualitatis cum adiectivis
coniuncta, Epist. I, 3, 22.
aedes, sing., Carm. I, 30, 4.
aedificare, Sat. II, 3, 308.
aemulari et *imitari*, Carm. IV, 2, 1.
aeque ut, Carm. I, 16, 7.
aequus, Carm. II, 3, 1.
aeternare, Carm. IV, 14, 5.
aevum, Carm. II, 2, 5.
afflare cum dativo, Sat. II, S, 95.
agere (hoc age), Sat. II, 3, 152.
agmen, Carm. III, 2, 9.
alii cum ablat. Sat. II, 3, 208.
Epist. I, 16, 20.
almus, Carm. IV, 4, 41.
amare, i. q. solere, Carm. II, 3, 10.
ambitiosus, A. P. 447.
amnis, Carm. IV, 2, 5.
amphorae, Carm. I, 20, 3.
amplificatio, Carm. I, 7, 16, 1, 29,
12. II, 2, 11. III, 15, 6.
ampullari, Epist. I, 3, 14. A. P. 97.
amystis, Carm. I, 36, 14.
an, Carm. IV, 7, 17. A. P. 436.
462.
anacoluthia, Carm. III, 17, 5. IV,
4, 22. Sat. I, 1, 23.
anadiplosis, Carm. I, 35, 15. II,
14, 1. II, 19, 6. III, 3, 18.
Epod. 17, 7.
anaphora, Carm. I, 22, 21. 23.
anastrophe, Carm. I, 2, 34. I, 15,
9. III, 3, 11. Epod. 16, 40.
angiportus, Carm. I, 25, 10.
anima, Carm. III, 9, 12.
animus, Carm. IV, 7, 20.
antithesis, Carm. III, 20, 3.
anulorum usus, Sat. II, 7, 9.
apotheca, Carm. III, 8, 11.
apotheosis, Carm. III, 3, 12.
apparatus, Carm. I, 38, 1.
appositionis liberius genus, Carm.
III, 20, 7. Sat. I, 4, 110.
ardere, Carm. III, 9, 6. IV, 9, 13.
argutus, Carm. III, 14, 21.
arrogare, Carm. IV, 14, 30.
ars, Carm. III, 3, 9. IV, 8, 5. Epist.
I, 6, 17.
ars memoriae, Sat. II, 4, 7.
arx, Carm. II, 6, 22.
asyndeton, Carm. II, 7, 22.
at, Epod. 5, 1.
atque, Carm. III, 11, 18. Epod.
17, 4.
atrium, Carm. III, 1, 46.

- attractio*, Carm. I, 31, 17. Epod. 2, 37. Sat. I, 4, 39. I, 6, 15. I, 10, 16.
auctoramentum, Sat. II, 7, 58. Epist. I, 1, 6. p. 432.
auctumnus, Carm. II, 5, 11.
audere, Epist. I, 2, 40.
aulaea, Carm. III, 29, 15. Epist. II, 1, 189.
auspicium, Carm. I, 7, 27. II, 15, 12.
aut, Carm. III, 24, 24.
avis, i. q. omen, Carm. I, 15, 5. *avus*, Sat. I, 6, 3.
bacchari, Carm. I, 25, 11.
balnea publica, Sat. I, 3, 137.
barba philosophorum, Sat. I, 3, 133.
barbitos, Carm. I, 32, 4.
barrus, Epod. 12, 1.
beara, Carm. II, 3, 7. III, 16, 32.
benigne, Epist. I, 7, 16.
bibere fluvium, Carm. II, 20, 20.
bidens, Carm. III, 23, 14.
bidentat, A. P. 471.
bis terque et bis terce, Epod. 5, 33. A. P. 358. 440.
bonus, Carm. IV, 1, 3. Sat. I, 1, 61. II, 2, 1. Epist. II, 2, 37. A. P. 297.
calcei senatorum, Sat. I, 6, 27.
calix, Epist. I, 5, 19.
campestre, Epist. I, 11, 18.
campus Martius, Carm. III, 1, 11.
candidus, Epist. I, 4, 1.
canere, Carm. I, 15, 4.
canus, Carm. I, 4, 4.
capillus, Carm. I, 32, 5.
capitis deminutio, Carm. III, 5, 42.
calus, Carm. I, 10, 3.
caudam trahere, Sat. II, 3, 53.
censere cum coni Epist. I, 14, 44.
certare aliquid, Sat. II, 5, 27.
ceu, Carm. IV, 4, 43.
charta, Carm. IV, 8, 21. Sat. I, 10, 4.
cheragra et chiragra, Sat. II, 7, 15.
chiasmus, Carm. I, 2, 9. I, 3, 11. A. P. 1.
chorus, Carm. IV, 6, 31. C. S. 6; fabularum, A. P. 193.
ciborium, Carm. II, 7, 22.
cicuta, Epist. II, 2, 53.
cinctutus, A. P. 50.
ciniflones, Sat. I, 2, 98.
cippus, Sat. I, 8, 12.
circumlocutio nominum propriorum, Carm. IV, 8, 18. Sat. I, 5, 87.
circus, Sat. I, 6, 113.
citrus, Carm. IV, 1, 20.
clarare, Carm. IV, 3, 4.
clathri, A. P. 473.
clavus trabalis, Carm. I, 35, 18.
clivus sacer, Carm. IV, 2, 35.
coena dubia, Sat. II, 2, 77.
coepi cum infinit. A. P. 21.
cognitor, Sat. II, 5, 38.
cohibere, Carm. I, 28, 2.
cohors, Epist. I, 3, 6.
colonus, Carm. I, 35, 6.
commotus, Sat. II, 3, 209.
comoedia graeca, Sat. I, 4, 1.
comparatur facultas rei cum altera ipsa re, Carm. II, 6, 14.
compensare, Sat. I, 3, 70.
compes, Epod. 4, 4.
compono, Carm. III, 29, 33. Sat. I, 9, 28. II, 3, 77.
condere diem, similia, Carm. IV, 5, 29.
conficere, Sat. I, 9, 29.
coniunctivus potentialis, Sat. I, 4, 70. II, 6, 30.
conopium, Epod. 9, 16.
conscriptus, i. e. senator, A. P. 314.
consors, Carm. III, 24, 60.
constructio ἀπὸ κοινού, Carm. I, 3, 6. I, 14, 16. I, 16, 6. I, 31, 9. II, 11, 11. III, 8, 19. Epod. 16, 19. Sat. I, 1, 88. I, 3, 2. Epist. II, 1, 13.
contemplari, Carm. III, 29, 7.
contremisco, Carm. II, 12, 8.
cor, Sat. II, 3, 213.
carnu copiae, Carm. I, 17, 16.
creari cum ablat. Carm. IV, 4, 29.
crepare, Carm. I, 18, 5.
cruz, Sat. II, 7, 47.
cubare, Sat. I, 9, 18.
culullus, Carm. I, 31, 11.
cum semel i. q. simulac Epod. 5, 39. *cum pro et*, Carm. I, 1, 31.
cumera, Sat. I, 1, 53.
cumulatio, Sat. I, 8, 43.
cunque, Carm. I, 32, 15.
cupido, Carm. II, 16, 15.
cur, Carm. I, 33, 3. Epist. I, 8, 10.
cyathus, Sat. I, 1, 55.
cyclici poetae, A. P. 136.
damnare cum genitivo, Carm. II, 14, 19.
daps, Carm. IV, 4, 12.
dare, Sat. I, 10, 5.
dativus nominum quintae declina-

- tionis Carm. III, 7, 4. Sat. I, 3, 95; *dat. pro ablat. et prae-
pos.* Carm. I, 3, 13. cf. II, 2, 18; *dat. a nomine suspensus* Carm. I, 15, 21.
- de prae-
pos. in verbis compos.* Carm. II, 1, 35. II, 7, 24. III, 7, 28. Epist. I, 3, 14.
- decipere c. genit.* Carm. II, 13, 38.
- dedicare deum*, Carm. I, 31, 1.
- demovere et dimovere*, Carm. I, 1, 13.
- dens invidiae*, Carm. IV, 3, 16.
- densere et densare*, Carm. I, 28, 19.
- dentium cura*, Carm. II, 8, 3.
- designare*, Epist. I, 5, 16.
- designator*, Epist. I, 7, 6.
- desinere c. genit.* Carm. II, 9, 18.
- detestatus*, passive, Carm. I, 1, 25.
- detinere et distinere*, Epist. I, 2, 5.
- dicax*, A. P. 225.
- dictare feneratorum*, Sat. II, 3, 76.
- didactrum*, Sat. I, 6, 75.
- diffingere*, Carm. I, 35, 26.
- dignus cum prae-
pos. pro*, Epist. I, 7, 24.
- dirus*, Carm. I, 2, 1.
- disconvenire*, Epist. I, 1, 99.
- dissidet vestis*, Epist. I, 1, 96.
- dives cum genit.* Carm. IV, 8, 5. Epist. II, 2, 31.
- doctus*, Carm. I, 1, 29.
- domo pro domui*, Epist. I, 10, 13.
- ducere murum, similia*, Carm. IV, 6, 23.
- duellum*, Carm. III, 5, 38.
- dulcis*, Carm. I, 16, 23.
- dum*, Epist. I, 2, 2.
- durus, et dirus*, Carm. II, 12, 2.
- eburnus et eburneus*, Carm. III, 27, 41.
- eiulatio et eiulatus*, Epod. 10, 17.
- elisiō longarum syllabarum*, Sat. I, 9, 30.
- emancipare*, Epod. 9, 12.
- enallage adiectivi*, Carm. I, 37, 7. III, 15, 16. I, 3, 40.
- ἐν διὰ δύοιν*, Carm. III, 24, 13. 22, 46.
- Epitheta ad rei naturam accom-
modata*, Carm. III, 17, 10. I, 3, 34.
- equestris dignitas Horatii*, Sat. II, 7, 53.
- equus ferus*, Sat. I, 5, 56.
- ergo*, Carm. I, 24, 5.
- erro*, Sat. II, 7, 113.
- esse cum dativo* Carm. I, 21, 1; *cum adverbio*, Sat. II, 2, 106; *omissum* Carm. I, 20, 3. Sat. II, 8, 2.
- est ut*, Carm. III, 1, 9.
- et cum vi consecutiva* Carm. II, 2, 11; *et - que in rebus tripartitis* Carm. II, 10, 10; *in fine versus* Carm. I, 7, 6; *encliticarum more postpositum* Carm. I, 2, 9; *generali notioni specialem addit* Carm. I, 3, 19.
- etenim postpositum* Carm. IV, 5, 17.
- ex prae-
pos. in vocabulis compositis* Carm. III, 25, 9. IV, 5, 22.
- excipere*, Carm. III, 12, 12.
- exempla terna ponuntur*, Carm. III, 23, 3. IV, 4, 30. IV, 6, 1. Epod. 16, 3.
- fabula, de hominibus*, Epod. 11, 8; *fabularum actus*, A. P. 189; *fabula praetexta, togata, palliata, crepidata*, A. P. 288.
- facere*, generale verbum alterius loco positum, Sat. I, 1, 64.
- facetus*, Sat. I, 10, 44.
- fallere*, Carm. III, 16, 32.
- far pium*, Carm. III, 23, 10.
- fenestrae*, Carm. I, 25, 1.
- feriae puerorum*, Sat. I, 6, 74; *latinae*, Epist. I, 7, 76.
- ferre i. q. accipere*, Carm. IV, 8, 5.
- ficulnum lignum*, Sat. I, 8, 1.
- finis*, Carm. II, 18, 30. Epod. 17, 36.
- flores in conviviis*, Carm. II, 3, 14.
- fluvii tauriformes*, Carm. IV, 14, 25.
- foenum in cornibus boum*, Sat. I, 4, 34.
- fomenta*, Epist. I, 2, 52. I, 3, 26.
- formidolosus*, Epod. 5, 55.
- forsit*, Sat. I, 6, 49.
- fortuitus*, Carm. II, 15, 17.
- frons*, Carm. I, 33, 5. Epist. I, 7, 26. I, 9, 11.
- fructus et fruges*, Epist. I, 12, 1.
- furcifer*, Sat. II, 7, 22.
- gausape*, Sat. II, 8, 11.
- generalis sententia post exempla*, Carm. I, 28, 16.
- genitius qualitatis*, Carm. I, 36. 13. III, 9, 7; *causae*, Carm. II, 2, 6; *gen. nominum quintae declinationis* Carm. III, 7, 4; *genit. pluralis forma* Carm. III,

- 21, 14; genit. nominum in *ius et ium* exeuntium, Carm. I, 2, 26.
genius, Carm. III, 17, 14. Epist. II, 1, 144.
gentilicia adiectiva pro possessivis Carm. I, 1, 28.
genua hominum robur habent, Epod. 13, 4.
genus i. q. filius, Carm. I, 3, 27.
glomus, Epist. I, 13, 14.
graeca adiectivorum forma, Carm. I, 22, 14. I, 31, 18. II, 6, 5. II, 20, 13. A. P. 253.
Graius, Carm. II, 4, 12.
haerere, Carm. I, 32, 10. III, 24, 55.
harmoniae varia genera, Epod. 9, 5.
haud, Sat. I, 4, 77. I, 6, 99. II, 6, 115.
helleborus, Sat. II, 3, 82.
here et heri, Sat. II, 8, 2.
hiatus, Carm. II, 20, 13. III, 14, 11. Epod. 13, 3. Sat. I, 1, 108. I, 9, 38. II, 2, 28.
hic, Carm. III, 10, 19. Sat. I, 9, 47. Epist. I, 6, 3.
hinc et hinc, similia, Epod. 2, 31.
hoc i. q. *ideo*, Sat. I, 6, 87.
homoeoteleuton, Carm. I, 22, 10.
honores mortuorum, Carm. II, 20, 24.
horae Romanae, Sat. I, 5, 23. I, 9, 35.
hostis, Epist. I, 15, 29.
hyperbaton, Sat. I, 8, 34.
iam, Carm. I, 4, 16. II, 20, 9.
ianitor, Carm. III, 14, 23.
idus, Carm. IV, 11, 15.
ignis, plur., Carm. III, 7, 11.
imagines, p. 149.
immolare, Carm. I, 4, 12.
impotens, Carm. III, 30, 3.
improbis, Carm. III, 9, 22.
in diem, Carm. III, 29, 42; *in loco*, Carm. IV, 12, 28. cf. Epist. I, 7, 57.
inanimatae res vitam quasi et animum accipiunt, Carm. II, 6, 20. II, 9, 7. II, 10, 15. III, 4, 30. A. P. 411.
incogitare, Epist. II, 1, 122.
ineptus, Sat. I, 3, 49.
infinitivi passivi forma in *ier*, Carm. IV, 11, 8; *infinit.* in interrogatione, Epod. 8, 1; *infin.* apud alia verba, Carm. I, 1, 8; apud adiectiva, Carm. I, 1, 18.
inquit, Sat. I, 4, 79.
instita, Sat. I, 2, 29.
institor, Carm. III, 6, 30.
insuescere, Sat. I, 4, 105.
inter — et inter, Sat. I, 7, 11.
Epist. I, 2, 12.
interrogationes duae coniunctae, Carm. III, 27, 37.
intestabilis, Sat. II, 3, 181.
invidere, Sat. II, 6, 84.
ire de tempore, Carm. II, 14, 5. Epist. II, 2, 55. cf. A. P. 175;
i nunc, Epist. I, 6, 17.
is cum emphasi, Carm. III, 11, 18.
ita in votis, Sat. II, 2, 124; *in colloquiis*, Sat. II, 7, 2.
itaque, Epist. I, 1, 10.
iubere, Carm. III, 3, 2.
iuvenari, A. P. 246.
iumenta, Carm. III, 14, 27.
lacerna, Sat. II, 7, 55.
laevus, Carm. III, 26, 5. III, 27, 15.
lamia, monstrum, A. P. 340.
laqueata tecta (lacunar), Carm. II, 16, 11.
Larium simulacra, Carm. III, 23, 15.
lasanum, Sat. I, 6, 109.
latro, Sat. I, 3, 138.
latus tegere, Sat. II, 5, 18.
laurus, Carm. II, 7, 19.
lavere, Carm. II, 3, 18.
lecti tricliniares, Sat. II, 4, 84. II, 8, 20.
lemures, Epist. II, 2, 209.
lepus, Sat. II, 4, 44.
lex Roscia, Epod. 4, 16; de maritandis ordinibus, C. S. 18; Laetoria, Sat. I, 2, 16; de vendendis servis, Sat. II, 3, 285.
libri pontificum, Epist. II, 1, 26; vaticini, *ibid.*
libum, Epist. I, 10, 10.
liburnae, Carm. I, 37, 30.
licet, Epod. 15, 19.
lippitudo, Sat. I, 7, 3.
litotes, Carm. I, 1, 19. III, 26, 2. IV, 9, 51.
loculi, Sat. I, 6, 74.
lucerna, Carm. III, 21, 23.
lusciniæ, Sat. II, 3, 245.
lutum, Epod. 10, 16.
lympha, Carm. III, 13, 16.
lymphatus, Carm. I, 37, 14.
male, Carm. I, 17, 25. IV, 12, 7. Sat. I, 9, 65.
malva, Carm. I, 31, 14.

- manare*, Epist. I, 19, 44.
mancipare, Epist. II, 2, 159.
mannus, Carm. III, 27, 7.
mantelia, Sat. II, 8, 11.
mappa, Sat. II, 8, 63.
maritare vites, Epod. 2, 10.
marmora, Carm. II, 18, 3.
mazonomus, Sat. II, 8, 86.
mediastinus, Epist. I, 14, 14.
meditari, Carm. III, 25, 5.
metuere, Carm. II, 2, 7.
militare, Epod. I, 23.
mille cum genit. Sat. II, 3, 197.
minari, Epist. I, 8, 3.
modi, Carm. II, 1, 40. II, 9, 9. III, 30, 14.
modulatus passive, Carm. I, 32, 5.
momenta, Epist. I, 6, 4.
morbus Campanus, Sat. I, 5, 62; regius, A. P. 453.
mordere, Carm. I, 31, 8. IV, 3, 16.
mulsum, Sat. II, 4, 26.
multus, Carm. I, 25, 5. I, 7, 8.
munire ab aliqua re, Carm. III, 16, 3.
murteta, Epist. I, 15, 5.
mutare, Carm. I, 17, 2.
nam, postpositum, Carm. I, 18, 3; *παρηνθετιζώς*, Carm. III, 11, 1.
nardus, Carm. IV, 12, 17. Epod. 13, 9.
natare de animo, Sat. II, 7, 7. .
ne, Carm. II, 7, 25. Epist. I, 1, 47. Sat. II, 3, 262.
nec et neque, Carm. I, 11, 2. I, 13, 6. I, 8, 6. I, 4, 3. I, 3, 38. III, 29, 6.
νεκρομαντία, Sat. I, 8, 29.
nemus in tectis positum, Carm. III, 10, 6.
nenia, Carm. II, 1, 38.
νευρόσπαστα, Sat. II, 7, 82.
neutra adiectivorum pro adverbis, Carm. II, 12, 14.
nigri oculi, capilli, Carm. I, 32, 11.
nililum, Sat. II, 3, 54.
nomen, de re pecuniaria, Sat. I, 2, 16.
nomenclator, Epist. I, 6, 50.
nomina propria inverso ordine collocata, Carm. II, 11, 2. Sat. I, 7, 1.
nominationis cum infinitivo, Carm. I, 37, 31. C. S. 15.
non pro nonne, Epist. II, 1, 53.
nota in cadis vini, Carm. II, 3, 8.
num - num, Sat. I, 10, 57.
numerus, Epist. I, 2, 27.
o finale in verbis, Sat. I, 3, 140.
obligare, Carm. II, 7, 17.
occupare, Carm. II, 12, 28.
olim, Carm. II, 10, 17.
operari, Carm. III, 14, 6.
opinor, Sat. I, 3, 53.
ordo verborum, Carm. I, 9, 21. III, 11, 26. IV, 5, 36. C. S. 31. Sat. II, 6, 80. Epist. I, 19, 6.
oscines et praeepetes, Carm. III, 27, 11.
otium, Carm. II, 16, 1.
ovum, in coenis, Sat. I, 3, 6. II, 4, 12.
oxymoron, Carm. I, 2, 9. I, 6, 18. I, 26, 11. I, 33, 2. I, 34, 2. III, 4, 5. III, 20, 3. III, 21, 13. III, 27, 57. Epod. 16, 34. Epist. I, 11, 28. I, 12, 19.
paenula, Epist. I, 11, 18.
palus, correpta ultima syllaba, A. P. 65.
parochus, Sat. I, 5, 46.
patruus, Sat. II, 2, 97.
pavere, Carm. IV, 5, 25.
pavimentum, Epist. I, 10, 19.
peccare aliquid, A. P. 354.
peculium, A. P. 330.
pecunia in fenus dabatur, quando. Epod. 2, 69.
peius i. q. magis, Carm. IV, 9, 50.
perfectum, ρηγοστός, Carm. I, 1, 3.
petasus, Sat. II, 7, 55.
philyra, Carm. I, 38, 2.
phimus, Sat. II, 7, 17.
placare deos, Carm. I, 36, 2.
planus, Epist. I, 17, 59.
plectrum, Carm. II, 1, 40.
pluralis numerus, Carm. I, 14, 7. II, 1, 5. IV, 7, 1. IV, 9, 34. IV, 12, 8. Epod. 13, 14. Epist. I, 4, 12. I, 10, 1.
plus nimio, similia, Carm. I, 33, 1.
plusquamperfectum tempus, Sat. I, 9, 48.
poeta et vates, Carm. II, 6, 24.
pollicem premere, vertere, Epist. I, 1, 6. I, 18, 66.
polypus, Sat. I, 3, 40.
populare, Carm. III, 5, 24.
praeferre, Carm. IV, 3, 10.
praepositio, Carm. III, 25, 2.
praesens, Carm. I, 35, 2.
prandere, Sat. II, 3, 245. Epist. I, 17, 13.

- præius*, Sat. II, 5, 11.
pronomina, Carm. I, 9, 16. III, 27, 51.
prope, Carm. IV, 14, 20. Epist. I, 6, 1.
proprius, Carm. II, 2, 22.
pueri, Carm. III, 14, 10. Sat. I, 1, 85. C. S. 71.
pumex, Epist. I, 20, 2.
purpura, Carm. II, 16, 36. Epist. I, 10, 27.
purpureus, Carm. IV, 1, 10.
quævis, Carm. I, 28, 13.
quando, Carm. III, 17, 2. Sat. II, 6, 93.
quandoque, Carm. IV, 1, 17.
quantus, Carm. I, 27, 6. Sat. II, 4, 81.
quatenus, Sat. I, 1, 64.
que, Carm. II, 7, 25. Sat. II, 3, 130. Carm. II, 12, 9. III, 2, 5. Sat. I, 3, 141.
quid enim, Sat. I, 1, 7.
quindecimviri, C. S. 70.
quinquatrus, Epist. II, 2, 197.
quinqueviri, Sat. II, 5, 56.
quod, Epist. I, 7, 94.
quo ne, Sat. II, 1, 37.
quondam, Carm. II, 10, 18.
rarus, opp. *densus*, Epod. 2, 33.
ravus color, Carm. III, 27, 3.
recitationes. Sat. I, 4, 75. cf. p. 103.
recoquere, Sat. II, 5, 55.
refert cum dativo, Sat. I, 1, 49.
refigere, Carm. I, 28, 11. Epist. I, 18, 56.
regius et regalis, Carm. II, 15, 1. vide *morbus*.
regnare, Carm. II, 6, 11. III, 30, 12.
regnum vini, Carm. I, 4, 18.
relativum pronomen pro at cum demonstr. Sat. I, 1, 36, 43.
relegere viam, Carm. I, 34, 5.
religare, Carm. I, 32, 7.
reparare, Carm. I, 31, 12. I, 37, 24.
reponere, fabulam, A. P. 120.
reri, Sat. I, 9, 49.
resignare, Carm. III, 29, 54.
rex, Carm. I, 4, 14. Epist. I, 7, 37.
ridere, Carm. II, 6, 14. Sat. II, 3, 72.
ringi, Epist. II, 2, 128.
rile, Carm. III, 24, 10.
ruere, Sat. II, 5, 22.
s littera sibilans, Carm. IV, 15, 15.
sagax, Carm. IV, 4, 75.
sal, de mente hominis, Sat. I, 10, 3.
sallare cum accus. Sat. I, 5, 63.
salutandi mos, Sat. I, 6, 101. Epist. I, 7, 75.
scalpere et sculperere, Carm. III, 11, 52.
scito, supplendum, Sat. II, 1, 81.
se omisum, Carm. I, 35, 32.
secare viam, mare, Carm. I, 1, 14.
sed, postpositum, Carm. IV, 4, 33. Epist. II, 1, 89.
sedet vestis, Epist. I, 1, 96.
seges, Carm. I, 31, 4.
semel, Carm. I, 24, 16. IV, 3, 1.
senecta, Carm. I, 31, 19.
sepulcreta, Sat. I, 8, 8.
servorum cibus, Sat. I, 5, 68; *cellae*, Sat. I, 8, 8; *pretium*, Sat. II, 7, 43. Epist. II, 2, 5. *manumissio*, Sat. II, 7, 76.
sextarius, Sat. I, 1, 74.
si, Carm. I, 32, 1. C. S. 37. Sat. II, 6, 6; *omissum*, Carm. I, 3, 16. Epod. 16, 15. Sat. II, 6, 48. Epist. I, 1, 28.
sic, Carm. I, 3, 1. II, 11, 14.
sigilla, Epist. II, 2, 180.
silva, trisyllab., Carm. I, 23, 4.
simplex verbum pro composito, Carm. III, 9, 3.
simul i. q. simulac, Carm. I, 4, 17.
sin, Epist. I, 5, 6.
singularis verbi, Carm. I, 24, 8; *nominis*, Carm. I, 5, 1. I, 24, 14. III, 3, 15.
sive, Carm. I, 2, 33. Carm. III, 24, 57.
socialiter, A. P. 258.
soleae, Sat. II, 8, 77. Epist. I, 13, 15.
solvere cum genit. Carm. III, 17, 16.
somnia, Carm. III, 27, 41. Sat. I, 10, 33.
sorites, Epist. II, 1, 47.
spatia, Epist. I, 14, 9.
species pro genere, Carm. I, 1, 10.
stare, Carm. I, 35, 14. III, 28, 6. I, 9, 1. Sat. I, 10, 17.
strabo, Sat. I, 3, 44.
strigilis, Sat. II, 7, 110.
studiosus, Epist. I, 3, 6.
sub, Epod. 5, 83.
substringere, Sat. II, 5, 95.
subucula, Epist. I, 1, 95.
suffragia punctis data, Epist. II, 2, 99.

- summus*, opp. *primus*, Carm. III, 28, 13. Epist. I, 1, 1.
super, Carm. I, 18, 8. Sat. II, 6, 3.
sunt qui, Carm. I, 1, 3.
supernus, Epod. 1, 29.
supertacitus, Carm. II, 20, 24.
suscitare, Sat. I, 1, 83.
synalophe, Carm. II, 7, 5. Sat. II, 3, 91. II, 6, 67. Epist. I, 2, 70.
syncopé, Carm. II, 2, 2. Sat. I, 5, 79. I, 9, 48.
synecdoche, Carm. I, 28, 6. II, 1, 34. ✓
synecphonesis, Carm. III, 4, 41. Sat. II, 8, 1.
synesis, Sat. I, 1, 100.
tabula votiva, Carm. I, 5, 13.
tantum quantum pro tam quam, Sat. I, 8, 17. cf. Sat. II, 3, 317. II, 5, 80.
temere, Epist. II, 2, 13.
tempus, Carm. II, 7, 1.
terminalia, Epod. 2, 59.
ternarius numerus, Carm. I, 28, 36. III, 3, 65. III, 22, 3. C. S. 23. Sat. II, 1, 7.
tibiae, Carm. IV, 15, 30. A. P. 202.
timidus cum genit. Epist. I, 15, 33.
tnesis, Carm. I, 6, 3. Sat. I, 1, 86. II, 6, 95.
toga, Carm. I, 36, 9. Epod. 4, 8.
tollere liberos, Sat. II, 5, 46.
toralia, Sat. II, 4, 84.
trepidare, Carm. II, 3, 12. II, 11, 4.
tribulis, Epist. I, 13, 15.
trigon, Sat. I, 6, 126. p. 349.
triumphare, Carm. IV, 2, 49.
triumviri capitales, Epod. 4, 11.
trochus, Carm. III, 24, 57.
tu, omissum, Sat. II, 7, 66.
tunica, Sat. I, 2, 25. II, 7, 10. Epist. I, 7, 65.
turpiter, A. P. 3.
umbilicus, Epod. 14, 8.
umbrae, Sat. II, 8, 22.
unde, Carm. II, 12, 7. Sat. I, 6, 12. II, 6, 21.
unguis, proverbial inde sumpta, Carm. III, 6, 24. Sat. I, 5, 32.
unicus, Carm. III, 14, 5.
unio, Sat. II, 3, 239.
unus, Epod. 12, 4. Epist. I, 6, 1.
urbanus, Epist. I, 9, 11.
urgere, Carm. II, 9, 9.
urna, Sat. I, 1, 54.
ut, Carm. I, 9, 1. I, 14, 3. III, 4, 17. cf. Epod. 16, 53. Carm. III, 4, 42. III, 25, 12. IV, 4, 42. Epist. I, 19, 3. Sat. I, 3, 120. II, 3, 246.
uticunque i. q. simulac, Carm. IV, 4, 35.
uterque et utrique, Sat. I, 8, 25.
valere cum infinit. Carm. I, 34, 12.
vaporare, Epist. I, 16, 7.
vates et poeta, Carm. II, 6, 24.
ve, Carm. II, 7, 25. Sat. I, 2, 63.
vectigal, Carm. III, 16, 40.
vel, Epod. 2, 17.
venus, iactus, Carm. II, 7, 25.
verbena, Carm. I, 19, 14.
verber, Carm. III, 27, 24.
verborum collocatio in versibus, Carm. I, 7, 15. I, 22, 17. I, 29, 13. II, 8, 1. II, 10, 6. II, 20, 11 sq. III, 11, 26. — *verbum semel positum*, bis intelligendum, Epod. 5, 87. — *verba cum vi repetita*, Carm. I, 7, 27. I, 13, 1; inter duos versus divisa, Sat. I, 2, 62.
versus hypermeter, Sat. I, 4, 96; versusum apud Horatium repetitio, Epist. I, 1, 56; versus negligenter facti, Epist. I, 9, 4.
vestes Coae, Carm. IV, 13, 13. Sat. I, 2, 101.
via sacra, Epod. 7, 8.
vicarius, Sat. II, 7, 79.
vicus, Epist. II, 2, 177.
videor i. q. videor mihi, Carm. III, 4, 6.
vin tu et vis tu, Sat. II, 6, 92.
vini conservandi ratio, Carm. II, 3, 8; vina graeca, Carm. I, 17, 21. III, 19, 5. Sat. II, 8, 15; leniuntur, Sat. II, 4, 55; liquantur, Carm. I, 11, 6; vinorum genera, Sat. II, 8, 15.
vitta, Carm. III, 14, 8.
vocabula media, Carm. I, 18, 16. Epist. I, 6, 13; nova, Carm. I, 5, 8.
vocativus, Carm. II, 20, 8. Sat. II, 6, 20.
volens, Carm. III, 30, 16.
votum, Sat. II, 6, 1.
zeugma, Carm. III, 10, 5 sqq. Sat. I, 1, 3.
zona, Epist. II, 2, 40.

Bei dem Verleger dieses ist erschienen:

D. IUNII IUVENALIS
S A T I R A E
CUM COMMENTARIIS
CAROLI FRID. HEINRICHI.

ACCEDUNT
SCHOLIA VETERA
EIVSDEM HEINRICHI ET LUDOVICI SCHOPENI
ANNOTATIONIBUS CRITICIS INSTRUCTA.

1 8 3 9.

2 voll.: 8 mai. Preis: 4 Thlr. 18 gGr.

D. IUNII IUVENALIS
S A T I R A E
EX RECENSIONE ET CUM SUMMARIIS
CAROLI FRID. HEINRICHI.

EDITIO MINOR
IN USUM PRAELECTIONUM ACADEMICARUM

1 8 3 9.

8 mai. Preis: 16 gGr.

Connop Thirlwall's
Geschichte von Griechenland.

I. Band, übersetzt von L. Haymann, mit einer Vorrede
von F. G. Welcker.

1839. gr. 8^o. geh. 2 Thlr.

II. Band, übersetzt von Leonhard Schmitz, mit Berich-
tigungen und Zusätzen des Verfassers.

1840. gr. 8^o. 2 Thlr.

Die Fortsetzung dieses Werkes wird bald
erscheinen.

$1\frac{1}{4}$ $1\frac{1}{3}$
 $1\frac{4}{3}$ $1\frac{1}{3}$
 $1\frac{1}{3}$ 1
 $1\frac{1}{3}$ 1

$2a$ 16
 $2b$ $2a$
 2 16
 1 36

7
 ~~2~~
 2

$1\frac{2}{3}$ 1
 $1\frac{11}{12}$ $1\frac{9}{12}$